

FRATRIS  
ALFONSI

DE CASTRO ZA-  
MORENSIS ORDINIS MI-  
NORVM REGVLARIS OBSERVAN-  
tix, Almx prouinciæ sancti Iacobi, aduersus  
omnes hæreses Libri quatuordecim.

OPVS HOC NVNC DENVO

*ab auctore ipso recognitum est, & multis ab eo  
locis supra omnes ante editiones auctum  
atque locupletatum.*

CVM INDICE LOCVR-  
PLETISSIMO.



LVGDVNI,  
Apud Ioannem Freltonium,

M. D. LV.

*J. J. J. & J. J. J.*





r  
n  
d  
d  
p  
n  
h  
o  
A  
9  
P  
n  
P  
v  
I

# ILLVSTRISSIMO

## ATQVE REVERENDISSIMO

Domino D. Petro Paccoco, S. R. E. Presby-

tero Cardinali, & Episcopo Gien-

nenfi, Frater Alfonsus à Ca-

stro Zamorensis, Or-

dinis Minorum.

S. P. D.



Aulus ille vas electionis, Illustrissime princeps, qui ad tertium vsque cœlum raptus vidit arcana Dei, spiritu quodam prophetico afflatus, quo multa quæ futuris temporibus ventura mala præuidit, hæreses etiam quæ reliqua omnia mala multis parasangis antecedunt, futuras esse prædixit. Oportet (inquit ille) hæreses esse. Quam quidem prædictionem veram fuisse, adeo re ipsa comprobatum est, ut nullum fuerit, prohdolor, à Christi Saluatoris nostri in cœlos ascensione seculum ad hunc, vsque diem, in quo aliquæ non fuerint nouæ ortæ hæreses, aut veteres reuocatæ. Nam primo illo florentissimo, atque aureo seculo, quo certissimam quisque facile poterat fidei tenere doctrinā, quippe quam ab ipsis Apostolis vitæ & doctrinæ Christi Saluatoris nostri testibus oculatis, plenè discere poterat, non defuere hæretici, qui nouis doctrinis variisque hæresibus populo imponere conarentur. Tunc enim Simon ille Magus, cuius in actis Apostolicis meminit Lucas, nouam atque pestilentissimam

## E P I S T O L A

tentauit inducere hæresim, quæ ab illo, velut filia  
 quædam à parente nomen deducens, vtinam non  
 apud tam multos in hunc vsque diem perseueraret.  
 Sunt enim hæreses aliquot, quæ, quoniã à vitiis illis  
 ad quæ genus humanum est ex se procliue, suã tra-  
 hunt originem, nullo nunquam æui senio intereunt,  
 aut obliuione sepeliuntur, quemadmodum nec ipsa  
 vitia, quæ illas semper sunt generare parata. Succes-  
 sit deinde Menâder, qui veluti ouo progenitus eo-  
 dem, similia Simoni docuit, adeo insaniens, vt seip-  
 sum virtutem ex supernis à Deo missam, non fuerit  
 veritus dicere. Tunc Hymenæus, & Philetus, teste  
 paulo, resurrectionem mortuorum iam factam esse  
 docebant. Tunc Ebion cæremoniarum veteris le-  
 gis acerrimus propugnator, Vmbram corpori, tigu-  
 ram veritati adiungere conabatur. Tunc Cerinthus  
 ille, cuius conuersationẽ Ioannes Euangelista adeo  
 exhorruit, vt sub eodem quo ille tecto, vel ad bre-  
 uissimum tempus persistere nõ auderet, Carnis de-  
 litias in regno Dei futuras assererat, & Iudaicam  
*δευτέρονομιον* populo persuadere contendebat. Altero  
 mox seculo, quum Ecclesiagenas suas plurimorum  
 sanguine martyrum adhuc ornatas haberet, multæ  
 atque turpissimæ ortæ sunt hæreses, quæ Ecclesiæ  
 venustatem eximiãque illius pulchritudinem, nisi  
 sponsus Christus illam seruasset, quodãmodo obfu-  
 scare, atque denigrare potuissent. Valentinus tunc  
 magis Hesiodi fabulas, quàm Apostolorum doctri-  
 nam sequutus, noua quædam atque inaudita imagi-  
 natur rerum principia, triginta cœlos, trigintaque  
 asserens secula, quæ à triginta, quos ille fabulatur,  
 diis prodire docet. Turpissimas quâsque atque ne-  
 fandas

## N V N C V P A T O R I A.

fandas libidinis soboles Basilides tūc obnixè com-  
 mendat. Tunc Martion ponticus pugnantes inter  
 se Deos somniauit, quorum vnum vetus, alterum  
 nouum condidisse Testamentum dicebat. Tatianus  
 huius vestigia sequitur, & vt aliquid nouum præter  
 magistrum, quo clarior haberetur, confingeret, sa-  
 luti primi hominis detraxit, illum prorsus damna-  
 tum, & minimè per Christum assertum esse docēs.  
 Seculo isto iam prope finem vergente, Manes qui-  
 dam Persa, iuxta nomen suum insaniens, tam hor-  
 rendas non sine magno totius Christiani orbis in-  
 commodo, huic mūdo ex inferno inuexit hæreses,  
 vt sanctissima quæq; prophanare, & obscœnissimas  
 atque execrandas hominū turpitudines sacratissi-  
 mis altaris mysteriismiscere docuerit. Deinde aliud  
 succedit seculū, in quo, pace data Ecclesiæ, quando  
 iam colla principum se Christo per Constantinum  
 subdere cæperunt, meliora sperabamus. Sed ecce  
 tunc Arrii scintilla prodit, ex qua (vt Hieronymus  
 ait) quia non statim repressa est, incendium adeo  
 magnum & potens ortum est, vt Orientis & Occi-  
 dentis Ecclesias grauissimis odiis, & velut intesti-  
 no quodam & ciuili bello alternante, Principum  
 fauore (vt moris est) multis sæculis afflixerit. Ab  
 isto Arrio tanquam ex colubro quodam alia pro-  
 diere genimina adeo venenosa, vt merito de illo,  
 Esaiam prophetam dixisse putemus: De radice Co-  
 lubri egreditur regulus. Acrius si quidē, & Aetius,  
 Eunomius, Macedoniusque ab Arrio suorum erro-  
 rum occasionem sumentes, peiora quàm ille doce-  
 re tentarunt, non solum in Christū, sed etiā in spi-  
 ritum sanctū impiissimas blasphemias euomentes.



## E P I T O L A

Eodē ſeculo Pelagius Britto gratiæ diuinæ ſe apertum hoſtem oſtendit, dicens in hominis poteſtate, & arbitrio ſitum eſſe à peccatis omnibus cauere, & meritis ſuis gratiæ diuinæ auxilio procul ſemoto, ſalutem aſſequi ſempiternam. Poſt iſtos eodem ſerè ſeculo, accedit Neſtorius, vnam Chriſti perſonam in duas diuidere præſumens. Hunc proximè ſequuntur Eutycheſ, & Dioſcorus, qui Carybdim vitare putantes, in Scyllam inciderunt, duas Chriſti naturas in vnam tantum verſas eſſe dicentes, vt vel ſic vnam contra Neſtorium perſonam tuerentur. Iſtis omnibus iam ſeneſcentibus, & in interitum vergentibus hæreſibus, quæ per aliquot iam ſecula vixerāt. Ecce Macharius quidam Antiochenus Epiſcopus oritur, vnam tantum aſſerens in Chriſto voluntatē. Hac ex orbe deleta hæreſi ne non verum dixiſſe putetur Paulus, quum hæreſes futuras eſſe prædixit, aliæ mox per ſua tempora viciffim ſucceſſerūt, quæ diuerſis ducibus, variisq; argumentorum machinamentis ſemper Eccleſiā vexauerunt. Quas quia intra anguſtum vnius epiſtolæ alueum non poſſum omnes corriuare, ſilentio eas nūc prætereundas cenſui, latiore Campum illis poſtea daturus. Sed vt ſemel cœptum proſequar inſtitutum, opus eſt vt ad ſeculum hoc noſtrum in quod fines ſeculorum deuenerūt, noſtra percurrat oratio, vt vel inde re ipſa omnes ſibi perſuadere poſſint verum eſſe id quod ſuprà dixeram, nullum fuiſſe ſeculum à Chriſti ſeruatoris noſtri in cœlos Aſcenſione, in quo aliquæ non fuerint nouæ ortæ hæreſes, aut veteres renouatæ. Nam hoc noſtro miſerabili ſeculo tot tamque peſtilentes natæ ſunt hæreſes, quæ tantum negocii

viris



## N V N C V P A T O R I A

viris doctis, atq; adeo toti ecclesię hucusque facti sunt, vt vix tot retro actis seculis tã multos, aut tam truculentos Ecclesia vnquã perpeffa fuerit hostes. Sub Leonis decimi tempora, quum respirationem aliquam ab hæreticorum infestationibus Ecclesię datam esse arbitrabantur omnes, ne hæreses, quę in aliis multò fœlicioribus seculis inundauerant, huic nostro seculo tot vitiis pleno non deessent, Ecce repente atque insperato Lutherus velut Cerberus ex orto prodit omnem ferè post se trahens damnatorum hæresum cateruam. Nam multiforme hoc monstrum, & (vt ita dicam) fabulosã illius multipitis hydræ serpentinam formam in se vno exprimens, quicquid fermè horrendum est ac perniciosum, turpe, execrandum, abominabile, atque incredibile, id à singulis hæreticis accepit, & seipsum in eos omnes transformauit. Si poetarum more ludere Christiano viro liceret, quemadmodum illi, Pythagoræ animam in Euphorbum trãslatam esse finxerunt, ita & nos multorum, ne dicam omnium hæreticorum animas in vnum Lutherum transfusas esse diceremus. Nam in votorum libera, quam docet, violatione, Turrelupinum se fecit. Sacerdotes omnes Episcopis æquans, in Aerium se transformauit. Ieiuniorum virtutem, & meritum prorsus extenuans, Iouiniani mentem induisse videtur Begardorum, atque Beguinarum infanum suscepit spiritum, quando superioribus suis obedientiam negandam esse docet. Quando verò Sanctos non esse orandos contendit, Eustachium in Concilio Gangrensi damnatum, & Vigilantium à beato Hieronymo acriter reprehensum, imitatur. Vt non solum vi-

## E P I S T O L A

uis, sed etiam defunctis, tortuosus hic serpens potentissimè incommodaret, suffragia defunctis nihil prodesse asserit. Qua in re multorum hæreticorum, Valdensium videlicet & Albigenium, Græcorum & Armenorum figuram suscepit. Excommunicationes ecclesiæ contemnens, & omnes Ecclesiæ cæremonias sublannans, Valdensem, Vuitclefitam, atq; Hussitam se esse apertè demonstrat. Quum operibus detrahit, vt fidem extollat, in Eunomiū se transformauit. Quādo mandicitatem liberè pro Christo susceptam irridet, Desyderii Longobardi, & Guillelmi de sancto Amore, spiritu impio ductus apparet. Quando Petri & successorum eius primatum tam hostiliter insequitur, in Marsilium Paduanum, aut in Ioānem Vuitclef, seipsum transfigurauit. Rara denique est veterum hæreticorum familia, cum qua non habeat aliquid commune Lutherus, præsertim ex his quæ de moribus differunt. Nec solus Lutherus hoc seculo prodiit, tanta est huius seculi infœlicitas, sed multorum hæreticorum agmine, ceu quodam Satellitio stipatus processit, qui illum tantquam ducem primò egredientem expectasse videtur, vt illum deinceps sequerentur. Illi enim statim adhæserunt, Philippus Melancton, Conradus Pelticanus, Lambertus, Fabritius capito, Osiander, Sturnius, Martinus Butzerus, multique alii temporis successu cateruatim se illius familiæ inseruerunt. Prodiierunt etiā alii, qui & si multis Lutheri hæresibus subscripserunt, sub illius tamen vexillo militare dedignati, nouas quasdam confinxerunt hæreses, de quibus inter eorum quemq; & Lutherū minimè cōueniret, vt vel hoc nomine eorum quilibet propriā instit

## N V N C V P A T O R I A.

institueret aciē, cuius ipse dux haberetur. Fuit enim semper atque est omnibus fermè hæreticis insita quædam popularis gloriæ cupiditas, quæ nimium eos sollicitat nouam aliquam confingere doctrinam, ut rei nouitate alios in sui admirationem trahant. Carolstadius à Luthero diuiditur, Zuinglius ab utroque separatur, Oecolampadius his omnibus cōtradicit. Anabaptistæ denique omnium pestilentissimi cæteris omnibus aduersantur. Tot certè atque tanta hoc nostro seculo nata sunt hæreticorum monstra, ut nouo quodam Hercule monstrorū domitore esset nunc opus, qui illas omnes ex orbe profligaret. Quorum omnium hæreticorum sibilis serpentinis, quæ totius ecclesiæ diuinis vocibus magna Germaniæ pars obedire malens in varias hæreticorum factiones diuisa est. Et utinam pestis hæc intra solos Germaniæ fines se contineret, & non in reliquas Christiani orbis partes tā sæuè atque potenter grassaretur, ut iam rara sit Christiani nominis prouincia, in qua aliqui non sint, qui publicè aut latenter Luthero nomina dederint, & in illius verba iurauerint. Verùm in hoc calamitoso atque adeò miserando seculo, Deo ita disponente, qui Ecclesiæ suæ immodicam curam semper habet, non defuere viri bellatores strenui, dexterrimique milites, qui pro fide catholica viriliter pugnaret, & se opponerent pro muro domus Israel. Non enim patitur Deus Ecclesiam suam tentari suprà illius potentiā sed facit cum tentatione prouentū, bonos constantesque viros, quos ante illa non habebat, illi reddens, & quos in latebris reclusos tenebat, in publicum prodire cogens, vel ut sic Ecclesiam suam, quæ est ve-

## EPISTOLA

lut quædam castrorum acies ordinata, hostibus ter-  
 ribilem & formidabilem faciat. Nam, teste Pau-  
 lo, ob hanc causam Deus hæreses esse permittit,  
 vt fideles suos probet, mundoque faciat manife-  
 stos. Oportet, inquit ille, hæreses esse, vt qui  
 probati sunt manifesti fiât. In tanta igitur hæresum  
 inundatione, duplici ex causa nihil necessariû fore  
 censui, vt aliquid in communẽ vtilitatẽ æderẽ, quod  
 ceu antidotû quoddã, tam latẽ grassanti morbo ali-  
 qua ex parte posset occurrere. Primò quidẽ vt talem  
 tum mihi creditû, Deo à quo acceperam cum vsuris  
 redderem. Deinde vt fidem meã hominibus qui so-  
 lum ea quæ foris patent, intuẽtur, manifesto aliquo  
 testimonio probatum facerem. Ob has causas ante  
 vndecim iam elapsos annos, anno videlicet tricesi-  
 moquarto supra millesimum quingentesimû opus  
 quoddam ædidi quatuordecim libris partitum, in  
 quo omnium hæresum, quæ post Christi in cœlos  
 ascensionem, in Ecclesia fuerant ortæ, certissimam  
 primò rationem reddere curavi, mox contra illas  
 omnes singulari quodam minimeque omnium iudi-  
 cio, infœlici certamine pugnavi, vt vel hac via om-  
 nes istos recentes hæreticos, à fœcibus iam olim ab  
 Ecclesia reiectis, suas hæreses hausisse, apertissi-  
 mẽ demonstrarem: & sic illis fidem detrahendam  
 esse conuincerem. Quod opus, illi Deo fauente  
 causamque ( vt Christianè loquar ) suam agente,  
 adeò catholicorum omnium oculis placuit, vt in-  
 fra septennium fuerit iam quater typis excussum,  
 ter Parrhisiis, semel Colonia. Quæ res animum  
 meum vehementer stimulauit, ad opus hoc ite-  
 rum diligentissimẽ reuiscendum, vt si quid fortẽ de-  
 esse



## N V N C V P A T O R I A .

esse conspicerem, addendum curarem. Fateor quidem, nec volo hac in re culpam meam deprecari, qui in plures annos opus hoc premere debuisssem, & terque quaterque recognoscere, antequam illud in publicum prodire permetterem. Sed utcunque hanc tam celerem operis æditionem excusat, quòd amicorū precibus cōpulsus, qui me quotidie sollicitabant, atque ad ædendū impellebant, abortire coactus sum. Relegi opus semel & iterum & meo ipsius periculo didici secundas curas semper esse meliores, tertiāsque meliores secundis. Nam aliquot hæreses deesse comperi, quarum aliquas sciens omiseram, propterea quòd de illarum erroribus non mihi plenè constabat: & nolui in re tam seria temerè quidquā diffinire. Aliæ autē multæ hæreses, aliud mihi agenti, cū plurimos euoluerē authores, quos intentis semper in hanc rem oculis lego, occurrerunt. Deinde circa priores illas hæreses, quæ in prima editione habebantur, multa quæ ad ipsarum hæresum pleniorē cognitionem, aut faciliorem expugnationē mihi visa sunt necessaria, addidi, alia inuerti, alia quāuis paucissima prorsus deleui, ut meliora pro illis substituerem. Tot igitur ac tanta post primam illam Parrhisiensem, & alteram Coloniensem æditionem, addita, & inuersa atque permutata sunt, ut nouum iam opus meritò censerī debeat, quod nouum iustè desideret patronum, præsertim cū prior ille, cui primò opus hoc olim nuncupaueram, extremum iam egerit diem. Nam cū primò illud ædidi, Illustrissimò dmino D. Ioanni Taueræ. S. R. E. Presbytero Cardinali, & Archiepiscopo Toletano illud dicaui. Si quis igitur mihi



## EPISTOLA

tur mihi exprobrare voluerit, quòd vnica filia duos  
 assequi generos velim, opprobrium hoc duplici no-  
 mine facillimè reiicere valeo. Primò quidem vni-  
 cam tantum esse negabo, sed hanc alteram esse illius  
 germanam contendam. Deinde si quis fortè eandè  
 vnicam esse euicerit, viduam tamen illam esse, non  
 poterit inficiari. Nihil igitur obstat, vt dote aucta  
 præsertim cum illa absq; liberis, & absq; vllò man-  
 ferit foetu, alteri atque adeo Nobili tradatur mari-  
 to. Quem cum summo studio, summâque diligentia  
 intra me ipsum cogitabundus inuestigassem, nullus  
 alius præter te Illustrissime Princeps mihi vnquam  
 occurrere potuit, cui tanto cum honore illam do-  
 nare potuissem, qui omni virtutis splendore orna-  
 tus, nemini huius temporis Episcopo secundus ha-  
 beris: sunt enim in te vitæ probitas, morum integri-  
 tas, rerum gerendarum prudentia, cum sanguinis  
 Nobilitate, quæ in te est clarissima, tam dubio cer-  
 tamine contendentes, vt quæ cui præferatur, non  
 facilè quis discernere possit. Tanta est generosi san-  
 guinis tui claritas, vt siue paternum, siue maternum  
 tuum genus exactissimè quis perscrutari, & antiquis-  
 simas illius origines repetere velit, comperiat certo  
 nullum esse in Hispania, aut antiquitate vetustius,  
 aut diuitiis opulentius, aut clavis facinoribus Illu-  
 strius, nam Paccorum familiam, à qua paterno  
 sanguine ducis originem, vetustissimâ apud Hispa-  
 nos esse, facilè intelliget, qui Cæsaris Commenta-  
 rios legerit, in quibus ille ( si me non fallit memo-  
 ria ) cum de rebus in Hispania gestis differit, cuius-  
 dam Paccoci viri tunc nobilis, atque bellatoris stre-  
 nui apud Lusitanos meminit. Domus autè de Gue-  
 uara

## N V N C V P A T O R I A .

uara cui materni sanguinis causa insertus es, tanta pollet sanguinis nobilitate, tam longóque sanguine censetur, vt non solúm Regiæ antiquitati se æquandam putet, sed ipsis etiam Hispaniarum regibus aliqui Historiographi non vereantur dicere vetustiorē. De tuorum autem morum integritate, rerumque gerendarū prudentia, non est mihi nunc mens differere, ne rem per se clarissimam, aut obscuram, aut suspectam reddam. Præsertim quòd Christianissimus atq; adeo Inuictissimus Cæsar Hispaniarumque Rex, tam integrum tuarum virtutum dedit testimonium, vt omnium ferè senatuum quos ille plurimos ad suorum regnorum administrationem iustè exercendam habet, te olim visitatorem instituerit, vt si fortè aliqua ex parte apud illos iustitiæ deliraret amussis, tua bonitate, & prudentia corrigeretur. Deinde ad hoc æcumenicum Tridentinum Cōcilium, & si multos Cæsar ex ditione sua vocauit Episcopos, te tamen propter zelum, quē ad Ecclesiæ reformationem in te cognouit ardentissimum, omnium Corypheum, vel (vt rectius loquar) antesignanum huc direxit, quem cæteri sequerentur. Demum ob innumeras atque egregias animi tui dotes, ipso Cæsare petente, Paulus tertius, qui nūc totius Ecclesiasticæ nauis clauum, atq; moderationem tenet, ad Cardinalatus apicem te asciuit, splendorem nō paruum tuo nomine tanto Collegio additurus. Vale illustrissime Princeps, & meum hoc studium, & officiū erga te meū agnosce. Datis Tridenti vltima Nouemb, anno Domini M. D. XLV.

# HAERETICORVM CATALOGVS.

**I**NDEX hæreticorum omnium quorum hæreses in hoc opere recensentur, per quem indicem quili et facillimè reperire poterit cuiusuis heretici rationem, ita videlicet vt sciat quisnā fuerit hæreticus ille, & quot qualésq; hæreses docuerit.

**A** Chatius, in titu. de Deo, 396. hæresi. vj.  
 Acephali, titu. de Christo, 308 hære. iijj.  
 Adamiani, ti. de nuditate, 727 hære. j. & ti. de nuptiis, 726 hæresi prima.  
 Adamitæ, tit. de coitu, 361. hæresi prima.  
 Adelphius, titu. de baptismo, 213. hære. iijj. & titu. de oratione, 746. hæresi prima.  
 Acrius, tit. de cibo, 298. hære. j. & tit. de episcopo, 454. hære. j. & tit. de ieiunio, 596. hære. iij. & titu. de nuptiis, 727 hære. prima. & tit. de sacerdotio, 852. hæresi prima.  
 Actius, tit. de Deo, 396. hæ. vj. & tit. de peccato, 779. hæ. v.  
 Albanenses, tit. de anima, 174 hære. viij. & titu. de baptismo, 213. hære. iijj. & titu. de Deo, 396. hære. j. & ti. de inferno, 618. hære. j. & ti. de iudicio, 626. hære. ij. & tit. de iuramento, 629. hæresi. j. & ti. de libertate arbitrij. 656. hære. j. & ti. de mundo, 722. hæ. j. & ij. & tit. de peccato,

779. hæ. j. & tit. de præscientia, 820. hæ. j. & iij. & tit. de resurrectione, 845. hære. j. & titu. de scriptura sacra, 876. hære. prima.  
 Albigenes, ti. de anima, 174. hære. vij. & tit. de bapt. 213. hære. iijj. & ti. de cibo, 298. hære. j. & ti. de Deo, 396. hære. j. & tit. de resurrectione. 845. hæresi prima.  
 Almaricus, tit. de Adā & Heua, 146. hæ. iij. & tit. de beatitudine, 240. hære. j. & tit. de eucharistia, 468. hæ. iijj. & ti. de inferno, 618. hære. j. & tit. de resurrectione, 845. hæresi prima.  
 Alogiani, tit. de Deo, 396. hære. vij. & tit. de scriptura sacra, 876. hæresi octaua.  
 Anabaptistæ, tit. de baptismo, 213. hæresi. v.  
 Andiani, tit. de anima, 174. hæresi quarta.  
 Angelici, titu. de idololatria, 594. hæresi prima.  
 Anticomaritæ, titu. de Maria virgine, 682. hære. j.  
 Anthropomorphitæ, titu. de Deo, 396. hære. ij. & titu. de ecclesia, 435. hære. iijj. & tit. de imagine, 608. hære. j. & titu. de pascha. 774. hæresi prima.  
 Apelles, tit. de Christo, 318. hæresi. ij. & xij. & titu. de Deo, 396. hære. j. & ti. de prophetis. 821. hæ. j. & ti. de resurrectione. 845. hære. j.

Apoc

# INDEX HAERETICORVM

Apocaritz, tit. de anima. 174.  
hæresi tertia.

Apollinaris, titu. de Christo,  
o8. hære. ij. & iij.

Apostolici, titu. de apostolis,  
199. hære. ij. & ti. de iuramen  
to. 629. hære. ij. & ti. de pau  
pertate. 775. hære. j. & tit. de  
purgatorio. 824. hære. j.

Aquarij, titu. de eucharistia,  
468. hære. vj.

Armachanus, titu. de sacerdo  
tio. 852. hære. v.

Arabici, ti. de anima. 174. hæ  
resi. vj.

Armeni, ti. de Adam & Heua,  
146. hære. iij. & ti. de baptis  
mo. 213. hære. iij. & v. & vj.  
& viij. & tit. de beatitudine,  
240. hære. j. & vj. & titu. de  
Deo, 396. hære. iij. & xij. & ti.  
de eucharistia. 468. hære. ij. &  
iij. & vij. & viij. & ti. de in  
ferno, 618. hære. ij. & titu. de  
iudicio. 626. hære. iij. & ti. de  
nupt. 727. hære. iij. & iij. &  
titu. de papa. 759. hære. j. &  
tit. de peccato. 779. hære. j.  
& ij. & iij. & viij. & titu. de  
purgatorio, 824. hære. j. & tit.  
de resurrectione. 845. hære.  
iij. & v. & tit. de sacramen  
tis. 866. hære. j.

Archontici, ti. de mundo. 722.  
hære. iij. & ti. de resurrectio  
ne. 845. hære. j.

Arnaldus Brixienfis, ti. de bea  
titudine. 240. hære. j.

Arrius, ti. de Christo. 307. hæ  
re. v. & titu. de Deo. 412. hæ

re. vj. & x.

Artemon, tit. de Christo. 308.  
hæresi prima.

Ausentius, titu. de virginitate,  
920. hæresi prima.

**B** Aiolenses, tit. de iuramen  
to. 629. hære. j.

Balthazar, titu. de baptismo.  
213. hære. v. & tit. de imagi  
nibus. 608. hære. j.

Bardefanes, tit. de fato. 551. hæ  
re. j. & tit. de libertate arbi  
trij. 656. hæresi. j.

Basilides, tit. de Christo. 308.  
hære. vij. & ti. de martyrio.  
687. hære. j. & ti. de resurre  
ctione. 845. hære. j. & tit. de  
virginitate. 290. hære. j.

Bassus, tit. de Christo. 308. hæ  
resi octava.

Begardi & Beguinæ, ti. de bea  
titudine. 240. hære. iij. & v.  
& tit. de coitu. 354. hære. iij.  
& tit. de eccle. 435. hære. iij.  
& titu. de ieiu. 596. hære. iij.  
& tit. de obedientia. 735. hæ  
re. j. & tit. de operibus. 738.  
hære. iij. & titu. de peccato.  
779. hære. ix.

Berengarius, ti. de eucharistia.  
468. hæresi. iij.

Blastus, tit. de malo. 675. hære.  
j. & titu. de pascha. 774. hæ  
resi prima.

Bohemi, titu. de eucharistia.  
468. hære. vlti. & tit. de san  
ctis. 868. hære. j.

Borboriani, ti. de iudicio, 626.  
hæresi prima.

Brachitz, titu. de anima. 174.  
hære



# INDEX HAERETICORVM

- hæresi quarta.
- Bugaurius de monte falcone, tit. de operibus. 738. hæ. ij.
- C**Aiani, tit. de idololatria, 594. hæ. j. & tit. de luda. 625. hæ. j. & ti. de lege, 648. hæ. ij. & ti. de resurrectione. 845. hæ. j.
- Chaldæi, tit. de luda. 625. hæ. resi prima.
- Carolstadius, tit. de imaginibus. 608. hæ. j.
- Carpocratæ siue Carpocratiani, tit. de Christo. 308. hæ. j. & titu. de mundo. 722. hæ. iij. & ti. de resurrectione. 845. hæ. j. & tit. de scriptura sacra. 876. hæ. j.
- Cathari, qui & Nouatiani, vide in dictione Nouatiani.
- Cathari alij siue Catharistæ, ti. de cibo. 298. hæ. j. & tit. de eucharistia. 468. hæ. j. & tit. de iuramento. 629. hæ. j. & tit. de sacramentis. 866. hæ. resi prima.
- Cataphryges vel Cataphrygi, tit. de baptismo. 213. hæ. re. ij. & iij. & titu. de nupt. 727. hæ. ij.
- Celestinus, titu. de gratia. 573. hæ. resi prima.
- Cerdon, titu. de Christo. 308. hæ. re. ij. & titu. de Deo. 396. hæ. re. j. & titu. de lege. 648. hæ. re. ij. tit. de malo. 675. hæ. re. ij. & titu. de scriptura sacra. 876. hæ. re. j. & iij.
- Circuitores, titu. de martyrio, 687. hæ. re. iij.
- Circuncelliones, tit. de ecclesia. 435. hæ. re. j. & ti. de martyrio. 687. hæ. re. iij.
- Claudius Taurinensis, titu. de adoratione. 126. hæ. re. j. & tit. de baptismo. 213. hæ. re. vj.
- Cerinthus, tit. de beatitudine. 240. hæ. re. ij. & tit. de Christo. 308. hæ. re. j. & xj. & ti. de lege. 648. hæ. j. & ti. de mundo. 722. hæ. re. iij. & ti. de scriptura sacra. 876. hæ. resi. iij. & quinta.
- Coluthiani, tit. de malo. 675. hæ. re. iij.
- Constantinus quintus Imperator Cōstantinopolitanus, titu. de imaginibus. 607. hæ. resi prima.
- Constantinus sextus Imperator, ti. de imaginibus, 607. hæ. resi prima.
- Cozocenses, tit. de iuramento. 629. hæ. re. j.
- Cyprianus, titu. de baptismo, 213. hæ. re. v.
- D**Adoes, tit. de baptismo, 213. hæ. re. iij.
- Decartiz, tit. de anima, 174. hæ. re. iij.
- Desiderius Longobardus, titu. de Paupertate, 775. hæ. re. iij.
- Dioscorus, tit. de Christo, 308. hæ. re. iij.
- Diotrephes, tit. de peregrino, 792. hæ. re. j.
- Discalceati, tit. de calceamento, 283. hæ. re. j.
- Donatistæ, titu. de baptismo, 213. hæ. resi. v. & ti. de ecclesia,



# INDEX HAERETICORVM

fia, 435. hæresi. j.

**E** Bion, à quo Ebionitz, tit. de Christo, 308. hæz. j. & tit. de lege, 648. hære. j. & tit. de scriptura sacra, 876. hæresi. iij. j. & vj.

Elcefei, siue Elcesaitz, ti. de lege, 648. hære. j. & ti. de martyrio, 687. hære. j. & titu. de scriptura sacra, 876. hæ. vj.

Eluidius, ti. de Maria virgine. 682. hære. j. & ti. de virginitate, 920. hære. j.

Encratitz, vide in dictione Tatianus: Nam Encratarum princeps fuit Tatianus.

Ermigildus, titu. de Deo, 396. hære. vj.

Euchitz & Enthusiastæ, vide in dictione Messaliani.

Eunomius, tit. de Deo, 396. hære. vj. & x. & ti. de fide, 554. hære. ij.

Eustachius, titulo de sanctis. 866. hère. j. & ti. de templo. 902. hære. prima.

Eutices, ti. de Christo, 308. hæresi quarta.

Eurychius, tit. de resurrectione, 845. hære. ij.

**F** austus, ti. de Anima, 174. hæresi quarta.

Felix, tit. de anima, 174. hære. iij. & titu. de imaginibus, 607. hæresi prima.

Felix alius, tit. de virginitate, 920. hæresi prima.

Felix alius, titu. de terra, 906. hæresi prima.

Felicianus, tit. de Deo, 396. hæ

resi sexta.

Flagellantes, tit. de aqua, 206. hære. ij. & tit. de baptismo, 213. hære. ix. & ti. de euangelio, 466. hère. j. & tit. de iuramento, 629. hère. ij.

Florinus, à quo Floriani, ti. de coitu, 361. hære. j. & titu. de iudicio, 626. hære. j. & ti. de malo, 675. hære. j.

**G** Eminator, ti. de virginitate, 920. hære. j.

Genialis, titu. de virginitate. 920. hære. j.

Gnostici, tit. de anima, 174. hæresi. iij. & tit. de bestiis, 282. hæ. j. & tit. de creatura, 390. hæ. j. & ti. de Deo, 396. hère. j. & ti. de iudicio, 626. hæ. j. & tit. de malo, 675. hære. ij.

Gothi, tit. de Deo, 396. hère. vj.

Græci, ti. de beatitudine, 240. hære. vj. & tit. de cibis, 298. hære. j. & titu. de coitu, 354. hære. j. & titu. de Deo, 396. hère. xij & titu. de eucharistia, 468. hère. ij. & vij. & ix. & xij. & tit. de inimicis, 622. hære. j. & ti. de nuptiis, 727. hæ. ij. & iij. & tit. de papa, 759. hære. ij. & ti. de Purgatorio, 824. hære. j. & titu. de restitutione, 843. hæresi. j. & tit. de suffragiis, 897. hæ. j. titu. de vnctione extrema. 924. hære. j. & tit. de vsura, 939. hære. j.

Guilielmus Antuerpiensis, tit. de paupertate, 775. hære. ij.

Guilielmus de sancto Amo-

# INDEX HAERETICORVM

- re. Vide infra in dictione  
Vvillelmus.
- H**eracleonitz, titu. de vn-  
ctiōe extrema, 924.  
hæresi prima.
- Helioznosti, titu. de idolola-  
tria, 594. hære. j.
- Hermāus kissuich, tit. de an-  
gelis, 172. hæ. j. ti. de anima,  
174. hæ. e. vj. & tit. de infer-  
no. 618. hære. j. & ti. de mun-  
do. 722. hæresi prima.
- Hermias, ti. de anima, 174. hæ-  
re. iij. & ti. de bapt. 213. hæ-  
re. j. & iij. tit. de malo, 675.  
hære. j. & ti. de mundo, 722.  
hæresi prima.
- Hilarius, tit. de cantu, 285. hæ-  
resi prima.
- Hymeneus, ti. de resurrectione,  
845. hære. j.
- Hierachitz, ti. de resurrectione,  
845. hæresi prima.
- I**acobellus, tit. de Eucharis-  
tia, 468. hære. vlti.
- Iacobitz, titu. de confessione.  
367. hæresi prima.
- Ianuarius, titu. de virginitate.  
920. hære. j.
- Ignoitx, titu. de Deo, 396. hæ-  
resi. viij.
- Ingeniosus, tit. de virginitate.  
920. hære. j.
- Ioachim Abbas, titu. de Apo-  
stolis, 199. hære. j. & titu. de  
euangelio. 466. hære. ij.
- Ioannes Oecolampadius, titu.  
de adoratione, 126. hære. ij.  
& tit. de bello, 277. hære. j.  
& titu. de Eucharistia, 468.
- hære. iij. & tit. de libertate  
arbitrij, 656. hære. j. & titu.  
de sanctis, 868. hære. j.
- Ioannes Hufs, titu. de ecclesia,  
435. hære. j. & tit. de Eucha-  
ristia. 468. hære. vlt. & titu.  
de excōmunicatione, 36.  
hære. j. & titu. de oratione,  
746. hære. iij. & titu. de Pa-  
pi, 759. hære. j. & tit. de po-  
testate, 80. hære. j. & tit. de  
prædestinatione, 83. hære.  
j. & ti. de prædicatione. 815.  
hære. j. & tit. de sanctis. 868.  
hære. j.
- Ioannes de Roefesana, titu. de  
ecclesia, 435. hære. j.
- Ioannes de Vvessalia, titu. de  
aqua, 206. hære. ij. & tit. de  
ecclesia, 435. hære. ij. & iij.
- Ioannes Vvitleff, tit. de ado-  
ratione. 126. hære. j. & tit. de  
baptismo, 213. hære. vij. tit.  
de benedictione. 282. hære.  
j. titu. de cantu, 285. hære. j.  
tit. de confessione, 367. hæ-  
re. j. titu. de confirmatione,  
380. hære. j. & titu. de deci-  
mis, 393. hære. j. & tit. de ec-  
clesia, 435. hære. iij. & iij. &  
tit. de eleemosyna, 452. hæ-  
j. & tit. de episcopis. 454. hæ-  
re. j. & ij. & titu. de eucharis-  
tia, 468. hære. iij. & v. titu.  
de excōmunicatione, 36.  
hæresi. j. titu. de exorcismo,  
545. hæresi. j. titu. de futuro  
contingente, 569. hære. j. ti.  
de horis canonicis, 589. hæ-  
re. j. tit. de ieiunio, 596. hære.  
j. &

# INDEX HAERETICORVM

- j. & ij. titu. de imaginibus, 608. hære. j. titu. de indulgentiis, 616. hære. j. titu. de labore, 637. hære. ij. titu. de libertate arbit. 656. hære. j. titu. de mendicitate, 698. hære. j. tit. de missa, 706. hære. j. titul. de monachatu, 718. hære. j. tit. de oratione, 746. ij. & iij. titu. de papa, 759. hære. j. tit. de potestate, 809. hære. j. titu. de prædicatione 815. hære. j. tit. de reliquiis, 835. hære. j. titu. de sacerdotio, 852. hære. ij. & v. titu. de sanctis, 868. hæresi. j. titu. de voto, 928. hære. j.
- Iovinianus, titu. de cibo, 298. hære. ij. titu. de beatitudine, 240. hære. vij. tit. de gratia, 573. hære. ij. titu. de ieiunio, 596. hære. j. & ij. titu. de libertate arbitrii 656. hære. iij. titu. de Maria virgine, 682. hære. j. titu. de peccato 779. hære. viij. & ix. titu. de virginitate, 920. hære. j.
- Iulianus episcopus, tit. de gratia, 573. hære. j.
- L** Amperiani, titu. de voto, 928. hære. prima.
- Leo tertius imperator Constantinopolitanus, titu. de imaginibus, 607. hære. j.
- Leo quartus imperator, tit. de imaginibus, 607. hære. j.
- Lollardi, tit. de aqua, 206. hæresi secunda.
- Luciferiani, tit. de anima, 174. hæresi. v.
- Lutherus, titu. de absolutione, 136. hære. j. & ij. titu. de bello 275. hære. ij. titu. de characteres, 29. hære. j. tit. de cibo, 298. hære. ij. titu. de conciliis, 354. hære. j. tit. de confessione, 36. hæresi. j. titu. de confirmatione, 380. hære. j. titu. de contritione, 385. hæresi. j. titul. de ecclesia, 435. hære. j. & iij. & iij. titul. de eucharistia, 468. hære. v. & x. & vlti. titu. de excommunicatione, 536. hære. j. tit. de fide, 54. hære. ij. titu. de gratia, 573. hære. iij. de ieiunio, 596. hære. j. & ij. titu. de indulgentiis, 616. hære. j. tit. de iniuria, 623. hære. j. tit. de labore, 637. hære. ij. titu. de libertate 656. hæresi. j. & ij. tit. de mendicitate, 698. hære. j. titu. de merito 702. hære. j. tit. de missa, 706. hære. j. & iij. titu. de monachatu, 718. hære. j. tit. de muliere, 720. hære. j. titu. de nuptiis, 727. hære. iij. titu. de obedientia, 735. hære. j. tit. de operibus, 738. hære. j. & iij. tit. de oratione 746. hære. iij. titul. de ordinis sacramento, 753. hæresi. j. tit. de papa, 759. hære. j. titu. de peccato 779. hære. iij. & v. titu. de poenitentia, 794. hære. j. & ij. tit. de præceptis, 805. hære. j. tit. de purgatorio, 824. hære. j. & ij. & iij. & iij. titu. de sacerdotio, 852. hære. j. & iij. tit. de sa-

# INDEX HAERETICORVM

- eramentis, 866. hære. j. & ij.  
 titu. de sanctis, 868. hære. j.  
 de satisfactione, 875. hære.  
 prima. titu. de scriptura sa-  
 cra, 876. hæresi. vij. titu. de  
 scientia, 880. hære. prima. ti.  
 de spe, 887. hære. prima.
- M**acedonius, titu. de Deo  
 396. hære. x.
- Macharius, titu. de Christo,  
 308. hære. vj.
- Manichæus, tit. de anima, 174.  
 hære. iij. tit. de bello. 277.  
 hære. j. titu. de bestiis, 282.  
 hære. j. tit. de carne hu. 293.  
 hære. j. tit. de cibo, 298. hæ-  
 resi. j. titu. de Christo, 308.  
 hære. ij. tit. de creatura, 390.  
 hæresi. j. & ij. titu. de Deo  
 396. hære. j. titu. de diabo-  
 lo, 433. hære. j. tit. de eucha-  
 ristia, 468. hæresi. j. titu. de  
 Ioanne Baptista 624. hære.  
 j. titu. de iudicio finali 626.  
 hæ. j. titu. de lege, 648. hæ. ij.  
 tit. de libertate, 656. h. j. tit.  
 de malo, 675. hære. ij. tit. de  
 nuptiis, 727. hære. j. titu. de  
 peccato 779. hæ. iij. titu. de  
 scriptura sacra, 876. hære. j.
- Marcus, a quo Marcitæ, tit. de  
 baptismo, 213. hære. ij. titu.  
 de Christo, 308. hæresi. vij.  
 titu. de resurrectione, 845.  
 hæresi prima.
- Marcionitæ, titu. de baptismo  
 213. hæresi. iij. titu. de Deo,  
 396. hære. j. tit. de lege, 648.  
 hære. ij. titu. de nuptiis, 727.  
 hære. j. tit. de resurrectione,
845. hære. j. tit. de scriptura  
 sacra, 876. hæresi tertia.
- Martianus, titu. de virginitate  
 920. hæresi prima.
- Marfilius Paduanus, tit. de ec-  
 clesia, 435. hære. quarta, titu.  
 de episcopis, 454. hære. pri-  
 ma titu. de papa 759. hære.  
 prima tit. de sacerdotio 852.  
 hæresi secunda.
- Maximilla, titu. de baptismo  
 213. hære. iij.
- Maximus, tit. de Deo, 413. hæ-  
 resi sexta
- Melchisedeciani, titu. de Mel-  
 chisedech, 690. hære. j.
- Menander, a quo Menandria-  
 ni, tit. de creatura, 390. hæ-  
 resi. j. titu. de mundo, 722.  
 hæresi. iij.
- Messaliani, tit. de anima. 174,  
 hære. iij. de baptismo, 313.  
 hære. iij, tit. de eucharistia,  
 468. hære. vij. titu. de labo-  
 re, 637. hæresi. j. titu. de ora-  
 tione, 746. hære. j. & ij.
- Metangismonitæ, tit. de Deo,  
 396. hære. vj.
- Monothelitæ, titu. de Christo  
 308. hære. vj.
- Montanus, titulo de baptismo  
 213. hære. iij. tit. de nuptiis,  
 727. hære. ij. & iij. tit. de pœ-  
 nitentia, 794. hære. iij. ti. de  
 prophetis, 821. hære. ii,
- Musoritæ, titu. de idololatria  
 594. hæresi prima.
- N**azarei, tit. de lege, 648.  
 hæresi prima.
- Nestorius, tit. de Christo, 308.  
 hære. iij.



# INDEX HAERETICORVM

- h**ere. iij. titu. de eucharistia, 468. hære. iij. & vlti. & titu. de Maria virgine, 682. h. ij.  
**N**icolaus Gallicus, tit. de occisione, 736. hære. prima.  
**N**icolaus, titulo de coitu, 361. hære. prima. tit. de mundo, 722. hære. iij.  
**N**octus, à quo Noetiani, titu. de Deo, 396. hære. v.  
**N**ouatiani, tit. de nuptiis, 727. hære. ij. titu. de pœni. 794. hære. tertia.  
**O**phitæ, tit. de idololatria, 594. hære. j. titu. de resurrectione, 845. hære. j.  
**O**rigenes, tit. de Adam & Eva 146. hære. ij. titu. de anima, 174. hære. vij. tit. de beatitudine, 248. hæresi. iij. titu. de Deo, 396. hære. vj. & ix. titu. de diabolo, 433. hære. ij. tit. de inferno, 618. hære. ij. titu. de resurrectione, 845. hære. prima & tertia.  
**P**ascentius, tit. de Deo, 413. hære. sexta.  
**P**aterniani, tit. de carne humana, 387. hære. prima.  
**P**atritiani, titu. de carne humana, 295. hære. prima.  
**P**attalorinchitæ, titu. de silentio, 285. hære. prima.  
**P**aulus Samosatenus, à quo Paulianistæ, tit. de baptismo 213. hære. ij. & tit. de Christo 308. hære. prima.  
**P**auperes de Lugduno. vide in dictione Valdenses.  
**P**elagius, tit. de Adam & Eva, 146. hære. iij. tit. de baptismo 313. hæresi. vij. titu. de gratia, 573. hæ. j. & ij. ti. de libertate, 656. h. iij. tit. de merito 702, hære. ij. tit. de oratione, 746. hære. iij. titu. de peccato, 779. hære. prima. & nona.  
**P**epusiani, tit. de muliere, 720. hære. prima.  
**P**etilianus, titulo de martyrio 687. hære. secunda.  
**P**etrus Abailardus, titu. de beatitudine, 240. hære. j. tit. de Christo. 308. hæresi. vij. & ix. titu. de Deo, 396. hære. vj. xj. & xij. tit. de fide, 554. hæresi. prima. tit. de futuro contingenti, 569. hære. j. tit. de libertate arbitrii, 656. hære. j. ti. de oratione. 746. hæ. iij. tit. de tentatione, 904. hære. prima. titu. de timore Dei, 907. hære. ij.  
**P**etrus Ioannis, titu. de anima, 174. hære. j. de apostolis, 199. hære. j. tit. de baptismo, 213. hære. iij. tit. de Christo, 308. hære. x. tit. de euāgelio, 466. hære. ij.  
**P**etrus Drefensis, tit. de eucharistia, 468. hære. vlti.  
**P**etrus Gnaphæus, tit. de Christo 308. hære. iij.  
**P**hotinus, tit. de Christo, 308. hære. prima.  
**P**hilippus Melanthon, titulo de libertate arbi. 656. hære. prima.  
**P**icardus, titulo de coitu. 354.



# INDEX HAERETICORVM

- hæresi decima.  
 Plotinus, tit. de virgi. 920. hæ-  
 resi prima.  
 Prædestinari, tit. de prædesti-  
 natione, 817. hære. j.  
 Priscillianus, titu. de anima,  
 174. hære. vij. titu. de cibo,  
 298. hære. j. tit. de creatura,  
 390. hære. ij. titulo de Deo,  
 396. hære. v. tit. de diabolo,  
 433. hære. j. titu. de fato, 551.  
 hære. j. titu. de iuramento  
 629. hære. ij. titu. de nuptiis,  
 727. hære. j. & iij. titulo de  
 prophetis 821. hære. ij.  
 Prisca, titu. de baptismo, 213.  
 hære. iij.  
 Proclianitæ, titulo de Christo  
 308, hære. ij. titu. de iudicio  
 finali, 626. hære. j. tit. de re-  
 surrectione, 845. hære. j.  
 Psalliani, vide in dictione Mel-  
 saliani.  
 Pseudo apostoli, tit. de aposto-  
 lis, 199. hære. ij. titu. de deci-  
 mis, 393. hære. j. tit. de eccle-  
 sia, 435. hære. iij. tit. de iura-  
 mento, 629. hære. j. titu. de  
 obedientia, 75. hære. j. titu.  
 de papa, 759. hære. ij. titu. de  
 templo, 902. hære. j. titu. de  
 voto, 928. hære. j.  
**R** Heterii. fo. 31. & titu. de  
 hæreticis, 587. hære. j.  
 Rogatiani. titu. de eccle. 45.  
 hære. prima,  
 Ruteni, tit. de eucha. 468. hæ-  
 resi. prima.  
**S** Abas, tit. de baptismo, 213.  
 hære. quarta.  
 Sabellius, titulo de Deo, 396.  
 hære. v.  
 Samsei. ti. de lege, 648. hære. j.  
 Saturninus, titu. de coitu, 361.  
 hære. j. tit. de creatura, 390,  
 hære. j. titu. de mundo, 722.  
 hære. iij.  
 Seleucus, a quo Seleuciani, tit.  
 de anima, 174. hære. iij. ti.  
 de baptismo 213. hære. j. ti.  
 de malo, 675. hære. j. tit. de  
 mundo, 722. hære. j. ti. de re-  
 surrectione, 845. hære. j.  
 Sethiani vel Sethoitæ, titu. de  
 idololatria, 594. hære. j.  
 Seuerus, a quo Seueriani, ti. de  
 Adam & Eua, 146. hære. j.  
 ti. de resurre. 845. hære. j. tit.  
 de scrip. sacra, 876. hære. j.  
 & v. & vj. titu. de vino, 918.  
 hære. j.  
 Symeones, titu. de baptismo  
 213. hære. iij.  
 Simon Magus, ti. de coitu 361.  
 hære. j. tit. de creatura, 390.  
 hære. j. ti. de mundo, 722.  
 hære. iij. ti. de resurrectione,  
 845. hære. j. tit. de simonia,  
 885. hære. j.  
**T** Ascodrogitæ, tit. de ani-  
 ma, 174. hære. iij.  
 Tatianus, ti. de Adam & Eua,  
 146. hære. j. ti. de cibo, 298.  
 hære. j. titu. de nuptiis, 727.  
 hære. j. ti. de scriptura sacra,  
 876. hære. vj. titu. de vino.  
 918. hære. j.  
 Tefalitæ, titu. de anima, 174.  
 hære. iij.  
 Tessarescadedecatitæ, ti. de pa-  
 scha,

# INDEX HAERETICORVM

fcha, 774. hære. j.  
 Tertullianus, titu. de anima,  
 174. hære. v. & vj. ti. de Deo,  
 396. hære. ij. ti. de nup. 727.  
 hære. ij.  
 Tetraditæ titu. de anima, 172.  
 hære. iij.  
 Thaboritæ, tit. de tēplo, 902.  
 hære. j.  
 Thomas de Vio Caietanus ti.  
 de Adā & Eua. 146. hære. vj.  
 Turrelupini, ti. de verecundia  
 917. hære. j.  
**V**Adiani, vide in dictione  
 Anthropomorphitæ.  
 Valentinus, ti. de Christo, 308.  
 hære. ij. ti. de Deo, 396. h. j.  
 ti. de peccato, 779. hæ. iij. ti.  
 de resurrectione, 84. hæ. j.  
 Valesii, ti. de eunu. 53. hære. j.  
 Valdēses, ti. de baptismo, 213.  
 hære. vij. ti. de benedictio-  
 ne, 292. hære. j. ti. de cantu,  
 285. hære. j. tit. de cibo, 28.  
 hæ. ij. ti. de coitu, 361. hæ. j.  
 ti. de cōfessione, 367. hære.  
 j. ti. de confirmatione, 380.  
 hæ. j. ti. de ecclesia, 435. hæ.  
 iij. & iij. titu. de episcopis,  
 454. hæ. j. & ij. ti. de eucha-  
 ristia, 468. hæ. iij. & ix. ti. de  
 exorcismo, 545. hæ. j. ti. de  
 horis canonicis, 589. hære. j.  
 ti. de ieiunio, 596. hære. j. &

ij. titu. de imaginibus, 608.  
 hære. j. titu. de indulgentiis,  
 616. hære. j. titu. de iudice,  
 628. hære. j. ti. de iuramen-  
 to, 629. hæ. j. ti. de labore,  
 637. hæ. j. ti. de miraculis,  
 704. hære. j. ti. de monacha-  
 tu, 718. hæ. j. ti. de obedien-  
 tia, 735. hæ. j. ti. de occisio-  
 ne, 746. hære. j. ti. de pecca-  
 to, 779. hære. vij. ti. de papa  
 759. hære. j. ti. de potestate,  
 80. hære. j. ti. de prædicatio-  
 ne, 803. hære. j. ti. de purga-  
 torio, 824. hære. j. tit. de sa-  
 cerdotio, 852. hære. ij. & iij.  
 ti. de sanctis, 868. hære. j. tit.  
 de ordinis sacramento, 753.  
 hære. j. ti. de sepultura, 882.  
 hære. j. ti. de vnctione extre-  
 ma, 924. hære. j.  
 Varimandus, tit. de Deo, 396.  
 hæreli sexta.  
 Venultiani, vide in dictione  
 Paterniani.  
 Vigilantius, ti. de sanctis, 868.  
 hæresi prima.  
 Vuitcleff, vide in dictione,  
 Ioannes Vuitcleff.  
 Vutlelmus de sancto Amore,  
 ti. de labore, 637. hæ. ij. ti. de  
 monachatu, 718. hæ. j. tit. de  
 paupertate, 775. hære. iij.

INDEX

# INDEX MATERIARVM.

**INDEX** materiârũ in sequentes xiiij. libros F. Alfonsi de Castro Minoritæ aduersus omnes hæreses, ordine literario.

**A**bsolutum se credens, si non adsit contritio, nō est absolutus. 136

Absoluere & remittere verè peccata sacerdotem. 137. & 176

Absolutus quando quis verè dicatur. 140. & dein.

Absoluendi potestatem non omnibus esse concessam. 144. & dein.

Absoluendo, sunt æquales sacerdotes quantum ad culpam, non tamen quantum ad pœnam. 144

Absoluendi modus & potestas à Christo collata post resurrectionem. 145

Absoluere an quilibet possit confitentes. 144

Accidentia panis in eucharistia non adoramus. 135

Actus apostolorum reiicientiũ hæreses & authores. 878

Adam & Euam propter primum peccatum non fuisse damnatos perpetua morte. 146

Adam quòd saluatus sit, rationes euidentissimæ. 148

Adam post primum lapsum, non imaginem Dei, sed bene similitudinem perdere potuit. 151

Adam & Eua si nō peccassent an per commixtionem humanum genus propagassent. 150

Adoptione filius Dei est omnis iustus. 314

Adoranda omnia, quæ Deo adiacuerunt. 127

Adulterium, coitus cum coniugata. 363

Afflictiones & similia an mala, & quomodo. 678

Albanensium error circa animam. 194

Altitudo Dei quomodo inscrutabilis 17. & 567

Altaria consecrare & benedicere solius est episcopi. 548

Altarium benedictiones ex veteri lege ortũ habēt. ibi.

Ambitio hæresum parens. 96

Angelos tam bonos quàm malos à Deo creatos esse. 172

Anima quomodo ad imaginem & similitudinem Dei perfecta esse dicatur. 152

Anima ex Deo viuit, sine quo mortua est. 160

Anima rationalis, forma corporis est humani. 175

Animæ creatio quæ & qualis. 176. & 179

Anima spiritus est. 186

Animas creari à Deo. 183

Animam nostram non esse corpoream, & ex anima patris, velut ex corpore corpus, non generari. 183

Anima à Deo an à traduce creetur, dubium esse, ibi.

Animas

# INDEX MATERIARVM.

- Animas ex propagine nō pro  
 duci. 184  
 Animæ origo siue creatio cer  
 ta quæ sit, non reperiri in  
 scripturis. 183  
 Anima spiritus, est, proindeq;  
 nec corpus esse potest. 186  
 Animas sceleratorum homi  
 num post mortem in demo  
 nia & quæcunque bruta suis  
 demeritis congrua nō con  
 uerti. 188  
 Animas in morte simul cum  
 corpore non corrumpi. 190  
 Animas transire de corpore  
 in corpus ad vegetandum il  
 lud, Pythagoricum est. 194  
 Animas obliuionis poculum  
 potare figmentum est poe  
 ticum. 195  
 Animas ante infusionem cor  
 poris peccasse, & in pœnam  
 peccati in corpora tanquā  
 in carcerem fuisse inclusas,  
 Platonicum est. 195  
 Anima Christi nunquam pec  
 cauit. 196  
 Anima non potest euagari vl  
 tra sensitiua. 242  
 Animas in purgatorio esse ex  
 tra statum merendi & deme  
 rendi. 829  
 Animas in purgatorio certas  
 esse de sua salute. 831  
 Animam aut Dei esse substan  
 tiam, aut ex substantia dice  
 re monstrum est. 180  
 Animæ nostræ mutationes.  
 188. & 194  
 Animas in purgatorio non  
 peccare requiem quæren  
 tes. 911  
 Annorum numerum ab ini  
 tio mundi incertum esse.  
 198  
 Antequam, quomodo in scri  
 pturis copiat. 688  
 Antiquitati in scripturis qua  
 tenus deferendum. 57  
 Apocalypsim qui sint inter  
 pretati. 879  
 Apocalypsim Ioan. eiicientiū  
 hæreses & authores. ibid.  
 Apocalypsim non recipit Lu  
 therus. 877  
 Apostata an sit hæreticus. 77  
 Apostolica sedes quantum in  
 se complectatur. 66  
 Apostolos prædicasse euange  
 liū Christi iuxta spiritualē  
 sensum & non literalem.  
 199  
 Apostolos pecuniam habuisse  
 & in crastinum sibi reser  
 uasse probatur. 202  
 Apostoli cur tantum in nomi  
 ne Christi baptizabāt. 216  
 Apostoli omnes præter Paulū  
 ex euangelio viuebāt. 647  
 Apostolorum genera 4. 817  
 Appropriata quæ sint, & quo  
 modo à propriis differant.  
 431. & 432  
 Aquā à Deo esse creatā. 207  
 Aqua benedicta an pluris sit  
 virtutis & efficaciz, quā  
 non benedicta. 208  
 Aquæ benedictæ vsum non  
 esse nouum. 211  
 Aquam nullius esse alimen



# INDEX MATERIARVM.

- ti. 502
- Aqua quæ calici in sacramen-  
to miscetur, quid represen-  
tet. *ibid.*
- Aquam solam pro calice con-  
secrando nullo modo appo-  
nendam. 504
- Aquam vino miscendam in  
calicis consecratione. *ibid.*
- Armeni qui, & cur ab eccle-  
sia separati. 156
- Armenorum arrogantia. 228
- Arrius ex Origene suam do-  
ctrinam hausit. 412
- Arrianorum hæresis quandiu  
durarit. 413
- Astris hominem non alligari.  
552
- Aurum quasi lutum calcare  
quid sit. 584
- Azymitæ unde dicti. 469
- Azymorum dies qui. 470
- B**aptismus verus in aqua  
esse non in igne. 213
- Baptizabimur in futuro per  
ignem. *ibidem.*
- Baptismi an certa forma, &  
certa verba. 219
- Baptizati non vera baptismi  
forma, rebaptizandi. *ibi.*
- Baptismus trinam mentionem  
an requirat. 215
- Baptismi vera forma. *ibid.*
- Baptizandum esse in nomine  
trinitatis, expressis tribus  
personis. *ibidem.*
- Baptizabant cur apostoli tan-  
tum in nomine Christi. 216
- Baptismi forma Græcis alia,  
quàm Latinis, & quæ sit. 217
- Baptizare mortuos quomodo  
cōsueuerint Marcionitæ. 219
- Baptisma mortuis non pro-  
desse. 220
- Baptizari vnus pro alio non  
potest. 221
- Baptismum gratiam cōferre.  
224
- Baptismus salutem affert, &  
remissionem peccatorum. *ibid.*
- Baptismus vitæ renouatio. 225
- Baptizati Christum induunt. 226
- Baptizandum non esse qui ve-  
ra forma sit baptizatus. 231
- Baptismus tam paruulis quàm  
adultis gratiam & fidem con-  
fert. 226
- Baptizare solum Christum  
spiritu sancto, ceteros au-  
tem ministros eius tantum  
esse, siue boni siue mali sint.  
222
- Baptismi idem valor siue per  
bonum siue per malum fiat.  
230
- Baptizatus ab hæretico scien-  
ter verum baptismum reci-  
pit, non tamen effectum. 232
- Baptismi veram formam te-  
nere Latinos. 233
- in Baptismo tria consideran-  
da. *ibidem.*
- Baptizandi forma vera à Chri-  
sto præscripta. *ibid.*
- Baptisma vnum tantum. 233
- Baptismus, mortis Christi fi-  
gura. *ibidem.*
- Baptizans secundò, iterum  
Christum crucifigit. *ibid.*
- Baptismum non posse cōfer-  
ri sine

# INDEX MATERIARVM.

- ri sine eucharistia collatio-  
ne, hæreticæ est. 235
- Baptismus etiã sine chrisma-  
te perfectus esse potest. 236
- Baptismo indigere pueros o-  
mnes ad deletionem pecca-  
ti originalis. 238
- Baptismus aquæ nõ cessasse,  
neque sanguinis superuenis-  
se. ibidem.
- Baptismus sanguinis quis. 239
- Baptismi vicem effusio san-  
guinis pro Christo supplet.  
ibidem.
- Beatos videre essentiam Dei.  
240
- Beatitudinem non consistere  
in carnis deliciis 244
- Beatitudo vt perpetua erit, sic  
& miseria. 252
- Beati, regnum est Christi. 254
- Beatitudinis multiplex acce-  
ptio in scripturis. 255
- Beatitudinem perfectam & fi-  
nalem in hac vita nemo cõ-  
sequi potest. 254
- Beatitudinis potissimam par-  
tem esse visionem Dei non  
probatur ex illo xvij. Ioan.  
Hæc autem est vita æterna  
&c. 216
- Beata sua ipsa natura esse nul-  
la creatura potest. 259
- Bellare an licitum sit homi-  
ni christiano. 277
- Belli causa potissimum sem-  
per inquirenda. 280
- Bellare an liceat contra Tur-  
cas. ibidem.
- Bellare non cuiusvis est mu-  
nus, sed solius principis. ibi.
- Bellum quõ malũ dicatur. 281
- Bellorum tempore vitia ma-  
ximè pullulant. 126
- Benedictio. 282
- Benedictionibus nostris an a-  
liquid fieri possit maioris  
efficaciæ quam non bene-  
dictum. 212
- Benedictiones altarium & fru-  
ctuum & huiusmodi bonas  
esse, & ex veteri lege ortum  
habere. 547
- Benedictionibus res meliores  
quomodo fiant. 249
- Benedictio mystica, eucharis-  
tia vocatur. 531
- Benignitas non soli spiritui  
sancto propria. 431
- Bestias & bruta rationis non  
esse capacia. 282
- C**alceamenta portare ho-  
mini licet. 283
- Cæcilianus cath. epi. 228
- Cælum & elementa quomo-  
do semper manebunt. 724
- Celibatus sacerdotum. 858
- Canones apostolorũ nascenti  
ecclesiæ editos, Ildorus in  
48. capita digessit &c. 38
- Canticum quid. 288
- Cantus in ecclesiis pius est &  
sanctus. 287
- Caro Christi non per se ado-  
ratur, sed in verbo. 134
- Caro Xpi vnde viuificet. 524
- Caro Christi non per se subsi-  
stit. 525
- Carnem veram Christus as-  
sumpsit ex virgine. 317
- in Car

# INDEX MATERIARVM

- in Carne esse qui dicatur. 200  
 Carnem & corpus à Deo bono esse facta, non à dæmone malo. 295  
 Carnibus vesci licere, & Christianum esse. 298  
 Cathari & Catharistæ vnde dicti. 468  
 Cerei paschalis benedictionis institutio, & quare. 549  
 Charitatis opera. 563  
 Charitatem non excidere quomodo intelligatur. 586  
 Cerinthus hæreticus. 96. & 247  
 χιλιастαι. 246. & 252  
 Chrismatis conficiendi ratio ab Apostolis defluxit. 382  
 Chrisma quando conficiatur. ibid.  
 Chrisma etsi exigatur in baptismo, non tamen illud exigit baptismus. 237  
 Christiani vnde & cur appellantur. 461. & 501  
 Christus caput est ecclesiæ, nos membra. 43  
 Christus quomodo nobis esse visibilis intelligatur. 44  
 Christi nomine quomodo tota designetur trinitas. 216  
 Christus non est post generalem resurrectionem secundum carnem mille annos in terra regnaturus. 245  
 Christum induere quid. 226  
 Christum fuisse verum Deum, & cum hoc naturam habuisse humanam. 308. & 309  
 Christus filius Dei probatur, & ex cælo venisse. 310  
 Christus seipsum propria virtute suscitauit, eoque filium Dei se declarauit. 311  
 Christus quomodo vnctus dicitur. 217  
 Christus filius Dei natura, non adoptione. 216  
 Christus quod sit ex semine Abraham. 319  
 Christus veram carnem ex virgine sumpsit. ibid.  
 Christus vnā personam & duas naturas habere probatur, non duas personas cum duabus naturis seiunctim. 326  
 Christus non solum corpus, sed & animam rationalem habuisse probatur. 342  
 in Christo duas voluntates fuisse. 343  
 Christus obediens fuit secundum voluntatem humanam, non diuinam. 345  
 Christus quod crucifixus fuerit, non Simon Cyrenæus, ut sentiunt impij hæretici. 346  
 Christus verè passus, non putatiue, ut Marcionitæ mentiuntur. ibid.  
 Christus sua præsentia corporali nobis redemptionem parauit. 347  
 Christus incarnatus ut hominem liberaret. ibid.  
 in Christo fuisse spiritum timoris Domini. 349  
 Christus licet à conceptione fuerit beatus & perfectus, tamen

# INDEX MATERIARVM

- men tristicię cum apprehen-  
derunt & passionēs. 351
- Christus lanceę vulnus non  
viviſſe ſed mortuus eſt per-  
peſſus. 52
- Christus verē ſurrexiſſe pro-  
batur. 352
- Christus verē cū carne aſcen-  
diſſe in cōlū probatur. 353
- Christus filius Dei patre non  
eſt minor. 412
- Christi corpus, ipſum ſacrifi-  
cium eſt. 841
- Christum filium Dei verbum  
eſſe probatur. 419
- Christus dominus à domino.  
408
- Christus filius Dei vltimum  
diem nouit. 421
- Christum totum ſub qualibet  
ſacramenti eucharistię ſpe-  
cie contineri integrē. 523
- Corpus Christi ſub ſpecie pa-  
nis animatum cōtineri. ibi.
- Christus totus etſi ſub quali-  
bet ſpecie in ſacramēto eſt,  
non tamen quęlibet ſpecies  
totum Christum ſignificat.  
527
- Christū negare paſſionis tem-  
pore, impium eſſe. 687
- Christus in miſſa aliter offer-  
tur quā in ara crucis. 713
- Christū ſurrexiſſe à mortuis  
die ſabbati poſt paſche, probatur falſum. 850
- Plura vide in titu. Deus, 396.  
hære. vj. vij. viij. & ix.
- Cibum nullum ex ſe immū-  
dum eſſe, eoque omni cibo  
veſci licere. 298
- Cibi omnes paſſim & ſine di-  
ſcrimine quod edi non poſ-  
ſint. 301
- Ciborum aliquorum pro cer-  
to tempore abſtinentia, ex  
veteri probatur instrumen-  
to, qui etiam lege diuina nō  
erant prohibiti. 303
- Cibus nullus coinquinat ho-  
minem, ſed praua volūtas,  
& inobediens eccleſię. 316
- Cibus animę quis. 249
- Circumſtantię ſcripturę con-  
ſiderandę vt rectē intelliga-  
tur. 340
- Clerici laborare debent. 640
- Coitus promiſcuus illicitus eſ-  
ſe probatur. 362
- Coitus omnis ſecundum cu-  
ius ſpeciem aut modum ge-  
neratio haberi non poteſt,  
damnabilis eſt. ibid.
- Coitus viri cum fœmina tri-  
pliciter fieri contingit. 363
- Coitus propter generationem  
& conſervationē ſpeciei in-  
ſtitutus. ibid.
- Coitum extra nuptias etiam  
vrente libidine, peccatum  
eſſe. 336
- Completoriū vnde & cur in-  
ſtitutum. 593
- Cōmunicare an quis pro alio  
poſſit. 716
- Communicationis ſub vtraq;  
ſpecie tollendę cauſę 4.  
530
- Concilium generale, vniuer-  
ſalem eccleſiam eſſe proba-  
tur.



# INDEX MATERIARVM

- tur. 47  
 Cōciliorum definitionibus & traditionibus ea est præstāda fides quæ vniuersali ecclēsiæ. ibid.  
 Concilij effigies viua describitur, ex qua cætera formā celebrationis sumpserunt. 49  
 Concilia à Constantini tempore liberè congregari cœpta. 51  
 Cōciliorum quatuor primorum sanctitas & authoritas. 62  
 Concilia prouincialia errare possunt. 355  
 Cōcilia generalia negare, hæreticorum propriū esse. 354  
 Conciliū generale rectè congregatum in fide errare non posse. 355  
 Concilium generale quando dicitur rectè congregatum. 358  
 Concordia doctorum ex spiritu sancto est. 59  
 Concupiscentia carnis quid, & quomodo peccatum dicatur. 811  
 Cōfitemens, antequā sacerdos absolutionis verba proferat, non est absolutus. 139  
 Confessione nihil difficilius aut grauius in tota lege euāgelica teperiri, qua peccator sacerdoti in aurem omnia sua peccata dicit. 365  
 Confessionem siue pœnitentiam sacramētum esse probatur, ibiq; gratiam infundit. 370  
 Cōfessionem esse necessariā, apostolorū temporibus institutam. 71  
 Confiteri iubemur, vt verecūdiā patiamur tanquam pœnam pro peccatis. 375  
 Confessionem esse necessariā etiam si quantauis contritio adsit. 369  
 in Confessione & pœnitentia etiam vt in cæteris Dei gratia & nomen operatur. 373  
 Cōfiteāda peccata omnia quorum recordamur. 374  
 Confessionem auricularem à Deo esse institutam. 370  
 Confitendum est sacerdoti, & soli Deo confessum esse nō sufficere. 373  
 Plura in pœnitentia.  
 Confirmatio quid. 380  
 Cōfirmatio armat & instruit ad agones mūdi huius. 383  
 Confirmationem esse sacramentum probatur. 382  
 Confirmatio & consignatio idem est. 380  
 Confirmatio quomodo dicatur, & ad quid utilis. ibid.  
 Confirmationis institutum esse in Actibus Apostolorū. 381  
 Confirmationis in sacramento conferri gratiam. ibid.  
 Confirmationem non posse conferri nisi ab episcopis. 293. & 382.  
 Cōscientiæ nostræ accusatio, maxi

# INDEX MATERIARVM

- maxima inferni pœna. 618  
 Cōsignatio eadem quæ & con-  
 firmatio. 380  
 Consilium & præceptū quo-  
 modo differunt. 561  
 Continentiam angelorū esse,  
 nuptias hominum. 922  
 Contingens in rebus euenire  
 probatur. 569  
 Contritio quæ oritur ex consi-  
 deratione & odio gehēnæ,  
 non est damnanda. 385  
 Contritionem necessariā pœ-  
 nitētibz esse probatur. 388  
 Contritio quæ fit per discus-  
 sionem, collectionē & dete-  
 stationem peccatorum, esse  
 bona probatur. 389  
 Cōuersiones hominum fa-  
 to nō esse imputandas. 551  
 Cooperamur Christo operan-  
 ti. 581  
 Corpus non esse carcerē ani-  
 mæ in pœnam. 195  
 Corpus vestis magis quā car-  
 cer dicendum. 197  
 Corpora nostra suapte natu-  
 ra mala non esse, & à Deo  
 bona creata. 295  
 Corporis partes tam inferio-  
 res quā superiores fecit  
 Deus. 296  
 Corporeus sensus non est ca-  
 pax visionis diuinæ. 242  
 Corpus nostrum palpabile, &  
 visibile fore in resurrectione.  
 847  
 Corpora post resurrectionem  
 fore semp immortalia pro-  
 batur. 848  
 Corporalia exercitatio quid.  
 598  
 Corporalis exercitatio ad mo-  
 dicum utilis, quomodo lo-  
 cus Pauli intelligendus. ibi.  
 Corpus domini in manus do-  
 mum cuique suam depor-  
 tandum dabatur olim. 115  
 Corpus Christi verè sub panis  
 specie contineri probatur.  
 475  
 Corpus dominicum per sca-  
 bellum pedū intelligi. 134  
 Corpus Christi manducantes  
 adorare debemus. ibi.  
 Corpus Christi ex pane posse  
 & rite confici. 408  
 Corpus Christi ipsum est sa-  
 crificium. 518  
 Corpus Christi realiter con-  
 tineri sub specie panis, &  
 sanguinem sub specie vini.  
 490  
 Corpus Christi quomodo pa-  
 nis dicatur. 484  
 Corpus Christi an peccatores  
 recipere dicantur. 518  
 Corpus Christi in mortem vi-  
 sibiliter oblatum & sensibi-  
 liter, & sufficere. 499  
 Corporis Christi alia oblatio  
 inuisibilis, delicatior, & in-  
 cruenta. ibid.  
 Plura in Eucharistia, Chri-  
 stus, & Caro.  
 Cras, omnis temporis futuri  
 significatiuum. 206  
 Creare in scripturis non sem-  
 per sumitur pro ex nihilo  
 producere. 184  
 Crea

# INDEX MATERIARVM

Creaturas omnes creatas esse à Deo vno, & bono, nō ab angelis.	390	Decimæ an sint exigendæ secundum præcisam decimæ partis assignationem.	ibid.
Creaturæ bonæ nō malæ creatæ sunt à bono Deo.	590. & 677	Decretales epistolas non esse apocryphas.	443
Credere quæ nostrum intellectum excedunt, fidem propriè esse.	555	Definiendi potestas penes ecclesiam primùm, secundò penes pontificem.	65
Crescite & multiplicamini, quatenus obliget.	534	Defunctis missas & preces prodesse plurimum ex instituto apostolorum.	715
Crucem Domini adorandam esse.	128	Deum à nullo & ab aliquibus videri quomodo intelligendum.	241
Crux figura & signum Christi.	130	Deus res omnium secretissima.	396
Cruces etiam aliz à vera adorandæ sunt.	ibidem.	Deus nisi fide sola inuestigari nullo modo potest.	ibid.
Culpa dimissa, sequitur tamè pœna.	826	Deum vnum, eumq; bonum esse probatur.	397
<b>D</b> amnatio erit perpetua.	254	Deum legis & prophetarum esse patrem Domini nostri Iesu Christi.	398
Damnatos non fuisse omnes homines ante Christi Passionem probatur.	782	Deus idem veteris & noui testamenti.	400
Damnari nullū propter aliū, imò neque propter primorum parētum peccatum solum probatur.	ibidem.	Deus necessario bonus.	ibid.
Dæmonis potentia quàm sit magna.	607	Deus nec figuram habere, nec loco claudi potest, ergo nec corpus habere.	403
Decimas sacerdotibus esse soluedas docetur.	393	Deo quomodo membra attribuantur.	ibid.
Decimæ à Deo institutæ multis de causis.	ibid.	Deum esse veracem probatur.	404.
Decimas sacerdotes etiam diuites posse recipere tanquā earū dispensatores in pauperes.	394	Deum posse aliter facere res quàm facit.	569
Decimæ sacerdotibus malè uiuentibus an sint denegandæ.		Deus quod non voluit, non fecit: potuit tamen cum non voluit.	570
		Ex Deo natus nō peccat, quomodo	

# INDEX MATERIARVM

- modo intelligatur. 585  
 Deum vnum esse in trinitate. 396 & 398  
 Plura in Christus, & filius. *Antiquioris Iudaica.* 244  
 Diabolum ius & potestatem in homines habuisse. 48  
 Diabolum ex sua prima natura bonum esse creatum, & non malum. 433  
 Diaboli casus cur fulguri comparatus. ibid.  
 Diabolus nunquam à pœnis inferni liberandus est. 435  
 Diaconus quid. 464  
 Dicta sua quomodo quis examinare debeat. 122  
 Didrachmatis exactio quid in Petro signet. 764  
 Diē vltimū filiū Dei scire. 420  
 Diuinitatē Christi in cruce nō doluisse, nec passam fuisse, sed humanitatem. 339  
 Diuitiis renunciare quid. 775  
 Diuitias ecclesiam ecclesiasticosq; viros possidere posse. 450  
 Docere & iubere, proprium esse episcoporum, & aliorū prælatorū. 49  
 Docere plebem ad quos pertineat. 59  
 Doctores omnes simul errasse impossibile esse. 55 & 59  
 Doctorū sacrorum omniū cōcors de aliqua re sententia, æquē efficax est ad reuincendā hæresim, sicut concilia. 62  
 Doctrinam nouam inducere volens, quomodo eam probare & cōfirmare debet. 119  
 Domus Dei, est ecclesia Dei. 437  
 Donatistarum arrogantia penes se solos ecclesiam esse asserentium. 228  
**E**cclēsia errare non potest. 32 & 412  
 Ecclesia spiritū Dei habet. 32  
 Ecclesia sola ius habet interpretandi scripturas. ibi.  
 Ecclesiæ propriū esse, discernere inter scripturas. 33  
 Ecclesiam efficacissimū testē, etiāq; oculatum esse. 39  
 Ecclesię in primordio etiā sine omni scripturę præsidio creditum est. ibid.  
 Ecclesię in omnibus quę agēda vel credenda sunt, obediendum esse, etiā si scripturæ autoritas desit. 40  
 Ecclesiam vniuersalem cōcilia generalia rite congregata sufficienter exprimūt ac repræsentant. 43  
 Ecclesia vniuersalis quo pacto cōgregari possit, cū sit toto orbē terrarum diffusa. 47  
 Ecclesiam visibilem esse, hominumq; sensibus obiectā. 43 & 435  
 Ecclesia quid sit. 43  
 Ecclesia catholica quādo congregata verē esse dicatur. 47  
 Ecclesia quando aliquid definiuisse dicatur. 49  
 Ecclesia quomodo alicuius sententiam probasse dicatur. 61



# INDEX MATERIARVM

- Ecclesiæ vnitas vnde.** 60  
**intra Ecclesiam esse tam bonos, quam malos.** 435  
**Ecclesiam errare non posse,** 442  
**Ecclesiā canones & leges condere posse.** 443  
**Ecclesiæ in omnibus esse obediendum.** ibid.  
**Ecclesiam quædam statuere posse vltra ea quæ Christus & apostoli.** 443 & ferè per totum.  
**Ecclesiam nihil statuere quàm quod Deus.** 44  
**Ecclesiā ecclesiasticosque viros diuitias possidere posse.** 450  
**Ecclesia auroræ comparatur.** 617  
**Ecclesia quomodo super Petrum fundata intelligatur.** 760  
**Ecclesia scripturæ sensum interpretari debet.** 364  
**Ecclesiastici an pauperes adeo esse debeant vt sola sint elemosyna contenti.** 450 & 779  
**Ecclesiam noua sacramenta non posse instituere.** 926  
**Eleemosynam erogari posse fratribus mendicantibus.** 698  
**Eleemosyna sola à supplicio æterno non potest præseruare.** 566  
**Eligere hominis propriū.** 658  
*in vniuersa adu.* 504  
**Episcopum vnde dicatur, & quod eius munus.** 106 & 462  
**Episcopum simplici sacerdote esse dignitate superiorem probatur.** 454  
**Episcopatum non esse alium ordinem à sacerdotio.** ibid.  
**Episcopus an peccator & iniustus eligi possit.** 465  
**Plura de Prælati.**  
**Erasmi opinio refellitur eo loco Ioan. Ego & pater vnum sumus.** 415  
**Erasmi sententia examinata ibi, Fides est substantia rerum, &c.** 555  
**& hæresis differunt.** 185  
**ntia in Deo quid.** 407  
**Est proprium est Dei.** 417  
**Est, non per significat exponendum semper.** 477  
**Euangelii sensus in quo consistat.** 32  
**Euangelium nūquam defuisse nec finiuisse.** 466  
**Euangelio deseruientibus, ex eo viuere licet.** 637  
**Euangelia sacra reiicientium hæreses & authores.** 878  
**Eucharistia olim dabatur in manus domum cuique suā deportanda.** 115  
**Eucharistiā esse omnino adorandam.** 135  
**Eucharistiæ sacramentū post baptismum longe institutum.** 236  
**Eucharistiæ sacramentum ex pane rite confici posse.** 469 & 472  
**Eucharistia in cōsecrāda quomodo panis & vinum trāsmutentur**

# INDEX MATERIARVM

- mutentur in corpus Christi, credendum magis quam indagandum. 483
- Eucharistiæ conciliandæ verba à Christo præscripta. 474
- in Eucharistia realiter corpus Christi & sanguinem contineri sub speciebus panis & vini. 475
- Eucharistiam manna in veteri testamento figurabat. 485 & 497
- Eucharistiam maximè confirmare verba Christi Ioannis vj. cap. probatur. 484 & 485
- in Eucharistiæ sacramento an post consecrationem maneat idem panis qui fuit ante consecrationem. 493
- Eucharistiæ sacramentum post consecrationem non vocari panem aut vinum, nullo modo, sed corpus & sanguinem. 496
- Eucharistiæ panis quomodo in carnem vertitur, & vinum in sanguinem. 497
- ad Eucharistiæ susceptionem opus esse peccatorum discussionem, & confessionem, & poenitentiam. 509
- Eucharistiæ manducatio ad charitatem Christi consequendam & conservandam potissima via. 505
- Eucharistiæ nominis significatio & etymologia. 506
- Eucharistiæ sacramentum ceteris est excellentius, quod in hoc fons gratiæ ipse recipitur. ibidem.
- Eucharistiæ utilitas. ibid.
- Eucharistiæ sacramentum feria quinta maioris hebdomadæ confectum non esse maioris efficacis quam alio tempore confectum. 508
- ad Eucharistiæ susceptionem vniuscuiusque vita inquirenda & examinanda diligenter probatur. 510
- Eucharistiam veram & malum suscipere, sed non sine ipsorum damnatione, probatur. 518
- Christum bis in cœna ad mensam recubuisse, & in secunda eucharistiam instituisse. ibidem.
- Eucharistiæ sacramenti gratiam non virtute signi, sed significari conferri. 524
- Eucharistiæ sacramenti species nequaquã gratiam conferre. ibi.
- Eucharistiæ manducatio sub utraque specie non esse à Christo præcepta probatur. ibidem.
- Eucha. sacramenti virtute non plus gratiæ conferri qui sub vna specie, quam qui sub duplici sumplerit. ibid.
- Eucharistiam cōficiendi sacerdoti non licet sub vna specie sumere, & quare. 527
- Eucharistia etsi sub qualibet specie Christum contineat, non tamen quælibet species Christum significat. ibidem.

# INDEX MATERIARVM

- Eucharistiam cur sub solo pane sumere est institutū. 530
- Eucharistia sacramentorum omnium præstātissimum, & vnde dictū eucharistia. 707
- Eucharistia mystica benedictio. 531 & 767
- Eucharistia ex se sola oblatio munda, 709
- Eunuchum fieri nō esse necesse ad Deo bene seruiendum. 534
- Excommunicatio quibus sit infligenda. 537
- Excōmunicādi potestātē ecclesiā habet à Christo. 537
- Excōmunicatio non pro leui re, sed letali, eiq; si admixta sit pertinacia. 538
- Excommuicatio propter dānati vtilitatem inuenta. 539
- Excommunicatio medicinalis est. 540
- Excommunicatio maximè fugienda. 540
- Excommunicatos nullarum precum esse participes. 541
- Excommunicationem morte esse peiorem. 543
- Excommunicationē esse penam internam. 544
- Cū excōmunicatis nō esse colloquendū & vescendū. ibi.
- Cum excommunicato colloquium non prohibetur, si modo ex charitate fiat. 545
- Exorcismus quid, & vnde institutus, & ad quid prosit. ibidem.
- F**acere pro permittere in scripturis. 677
- Fato hominem subiectum nō esse, &c. 551
- Ferdinandi & Helizabetæ Hispanorum edictum de non transferendis sacris literis in vulgarem linguam. 111
- Festorum celebrandorum pro sanctis consuetudo. 869
- Fideles non omnes ad conuentum de fide cōuocandos. 49
- Fides non à plebe, sed à patribus discenda. 59
- Fides formata & informis quæ. 137
- Fides formata per charitatē, forma est omnium virtutum, & illa sola iustificat. 563
- Fides in Christū, vita est æterna. 256
- Fidem non esse concludendā intra limites nostri intellectus. 555
- Fides quid. ibi.
- Fides est substantia rerum argumentum &c. quomodo intelligendus locus. ibid.
- Fides nō in visibilibus & persuasibilibus, sed virtute Dei solummodo consistit. 556.
- Fides, gradus intelligendi. 557
- Fides sola non saluabit, si in peccatis perseueremus. 558
- Fidem solam non iustificare. 559
- Fides formata non sola iustificat. 563
- Filialis timor Domini. 352
- Filium

# INDEX MATERIARVM

- F**ilium non esse minorem patre, sed eundem cum patre Deum. 419. & infra.
- F**ilium dei esse, est esse Deum, æqualem patri, & consubstantialem. 414 & 417
- F**ilius Dei adorandus est. 418
- F**ilium Dei verbum esse & vere dici. 419
- F**ilium Dei vltimum diem scire. ibid.
- F**ilius propter peccatum patris nō damnatur neque punitur. 783
- F**ingere quid dicatur. 584
- F**orma quid. 174
- F**ornicationem simplicissimā esse peccatum. 364
- F**ornicatio est coitus soluti cū soluta, lege Christi prohibita. 464
- F**ratribus mendicantibus elemosynam etiam irrogari posse. 452
- F**ratres Christi qui, & quomodo dicantur. 687.
- F**ulguris lux parum durat. 569
- F**uturum contingens probatur. 433
- G**loria bonorum operum Deo soli tribuenda. 580
- G**ræcorum baptisma. 217
- G**ræci scismatici. ibi.
- G**ræci ad sacerdotium nuptos prouehunt, non tamen post susceptum sacerdotium licet vxores ducere. 861
- G**ratia opus esse tam ad bonum incipiendū quam etiā perficiendum. 578
- G**ratia per peccatum amittitur, qua bene liberum arbitrium operabatur. 572
- G**ratiam resumī posse amissam probatur. 671
- I**n Gratia an quis se esse sciat, & de ea certus esse & de sua iustitia possit. 511
- G**ratia deperdita an homo possit non peccare, & bene agere. 671
- H**æreticos cur esse permittat Deus. 30
- H**æreses ex peruersa scripturæ intelligentia oriuntur, ibi.
- H**æreticos suos errores ex scripturis malè intellectis haurire & probare. 32
- H**æreticorum dogmata multa esse quæ scripturarum testimoniis refelli nō possint, nisi ecclesiæ traditione. 36
- H**æresis & error differunt. 185 12.
- H**æresis notam nō statim incurrit si quis citra scripturæ sacræ & ecclesiæ iniuriam, doctissimi etiam & sanctissimi dictis nō assentiat. 54
- H**æresis non temere quid appellandum. ibid.
- H**æresim ex mala scripturæ intelligentia oriri. 110
- H**æreticum consummat peritacia errori coniuncta, & gloriæ cupiditas. 72 & 86
- H**æretici quomodo agnoscendi. 117 cap. xiiiij.



# INDEX MATERIARVM.

- Hæretici semper res novas maxi-  
 me & peregrinas opinio-  
 nes amant. 118  
 Hæreticus quis propriè dicen-  
 dus est. 72  
 Hæreticum ostendit libertas  
 pronunciandi omnia & asse-  
 rendi. 122  
 Hæreticum esse aliquem, cor-  
 rectionis impatientia maxi-  
 me probat. ibidem.  
 Hæreses belli tempore maxi-  
 me incrementū sumere. 125  
 Hæretici baptizati non debēt  
 rebaptizari. 229 & 230  
 Hæreticum nullum bene sen-  
 tire. 587  
 Hæreticos poena corporali pu-  
 niendos esse. ibid.  
 Hæreticorum id vel propriū  
 esse, libros quoslibet sacros  
 reiicere à canone. 876  
 Hieronymus refellitur. 463  
 Hymnus quid. 288  
 Hispanorum quorundam ido-  
 lolatria. 110  
 Hoc est corpus meum, nō tro-  
 picè exponendum & figura-  
 tiuè. 476  
 Holocaustum quid, & quo à  
 sacrificio differat. 860  
 Homo omnis in fide errare  
 potest, etiam si papa sit. 31  
 Hominum scriptis non tam  
 tenaciter nos addictos esse  
 debere, quā sit plerunq;. 52  
 Homo sine anima esse nō po-  
 test. 135  
 Homines dici, secundum car-  
 nem viuentes. 243  
 Homo nihil aliud quā cor-  
 pus & anima. 296 & 319  
 in Homine naturæ tres. 338  
 Hominem astris nullo pacto  
 alligari & fato. 552  
 Hominem non damnari so-  
 lum propter peccatum pri-  
 morum parentum. 783  
 Homines ante passionē Chri-  
 sti nō fuisse damnatos, pro-  
 batur. 782  
 Homo potuit peccare ex li-  
 bero arbitrio etiam si nul-  
 la dæmonis interuenisset tē-  
 tatio. 784  
 Hominem per gratiam iusti-  
 ficatum posse peccare. 791  
 Homo idem qui vixit, resur-  
 get. 847  
 Horis canonicis cantandis di-  
 cendisque non frustra tem-  
 pus teri 589  
 Horas orandi statas esse, non  
 inuentum est humanum,  
 sed diuinum. 591  
 Hora tertia, sexta, nona, cur  
 potissimū orare cōsuetum.  
 591 & 592  
 Hosti fides præstanda. 915  
**I** Acobi epistolam reiicien-  
 tes hæretici conuincun-  
 tur. 878  
 Idololatria in Deū nihil iniu-  
 riosum magis. 594  
 Idololatrarum miræ & mul-  
 tiplices sectæ. ibidem.  
 Ieiunium esse bonum & san-  
 ctum opus, & à Deo institu-  
 tum. 596  
 Ieiunium est virtus, & via  
 ad alias

# INDEX MATERIARVM

- ad alias virtutes. *ibid.* Indulgentiarum vsus in eccle-  
 Ieiunio & eleemosyna oratio *sua serò receptus.* 616  
 se in altum subleuat. 597 Indulgentiæ non conuenien-  
 Ieiunium propriè non corpo- *da quòd ab ecclesia institu-*  
 ralis exercitatio, sed spiri- *ta.* *ibid.*  
 tualis. 598 Indulgentias soli episcopi cõ-  
 Ieiunium solum, si cæteræ vir- *cedere possunt.* 618  
 tutes absint, nullius esse mo- *Infernum aliũ esse quàm hic*  
 menti. 599 *in mundo.* 620  
 Ieiunia certis temporibus in- *Infernum an homo hic pati*  
 stituere potest ecclesia. 601 *dicendus sit.* 619  
 ad Ieiunia ecclesiastica, an *Inferni pœnam esse perpetuã.*  
 quis obligari possit. 603 620  
 Ieiunium etiam quantũlibet *ad Infernum Christum verè*  
 perfecto necessarium. 605 *discendisse.* 621  
 Imaginem Dei esse, & simili- *Infirmittas nostra omnia po-*  
 tudinem, differunt. 152 *teit per Christũ.* 576 & 579  
 Imagines in tẽplis esse posse *Inferni nomine purgatorium*  
 probatur. 607 & 608 *aliquando vocatur.* 833  
 Imagines Iudæis interdictæ, *Inimicum nec esse decipien-*  
 quia ad idololatriam pro- *dum, nec ei damnum infe-*  
 ni. 609 *rendum.* 622  
 Imagines viles, eò quòd sint *Inimicus quantumuis alteri,*  
 idiotarum literæ. 610 *proximus tamen eius est.*  
 Imagines ideo venerandæ, q̃ *ibid.*  
 non in exẽplaris memoriã *Inobedientia ecclesiæ, inobe-*  
 venire faciunt. 611 *dientia est Dei.* 445  
 Imaginũ vsus non recens, sed *Ioannes Vincteß qualis vir*  
 à tempore Apostolorũ. 612 *fuerit.* 126  
 Imagines cur Iudæis prohibi- *Ioannis locus xvij. Hæc est vi-*  
 tæ. 613 *ta æterna, vt cognoscant te*  
 Immortale quid duobus mo- *solum Deum verum &c. nō*  
 dis dicitur. 190 *intelligi de visione beatifi-*  
 Impossibilia nobis non præce- *ca & faciali.* 256  
 pisse Deum. 805 *Ioannis locus, Ego & pater*  
 Incarnatus ideo fili⁹ Dei pro- *vnum sumus, Arrium aper-*  
 batur, vt nos redimeret. 347 *tissimè conuincit.* 16  
 Incarnatus vt dicatur filius *Ioannis vj. locus, Nisi man-*  
 Dei, necesse est vt carnẽ ha- *ducaueritis carnem filij ho-*  
 beat. 330 *minis &c. de corporali esẽ*

# INDEX MATERIARVM.

- est intelligendus. 524
- Ioannes euange. euangelium conscripsit contra Ebionis dogma. 648
- Ioannis locus xv. Sine me nihil potestis facere, quomodo intelligendus. 667
- Ioannis euangelium & apocalypsim respuentes qui sunt. 879
- Iudas corpus Christi & sanguinem vt ceteri apostoli sumpsit. 518
- Iudæis ante 30. annum Genesim & cantica canticorum legere non licebat. 111
- Iudæi potissimum à Deo ob idololatriam derelicti. 596
- Iudæos mendicando viuere. 700
- Iudex an possit damnare aliquem ad pœnam. 628
- Iudicium futurum probatur viuorum & mortuorū. 627
- Iudicium vniuersale nondum factum esse. 628
- Iurare an Christiano liceat, & quod sic probatur. 629
- Iuramentum Dei non esse malum, imò bonum. 630
- Iurauit Christus, & Paulus sæpius. 630
- Iuramenta ad roborandos humanos contractus an sint licita. 631
- Iurare cur Christus prohibuit se intelligatur. 632
- Iuo Carnotensis historicus. 126
- Iustificatus per baptismum, peccare potest. 583 & 636
- Iustus omnis an scit se esse in gratia, & certus esse de sua iustitia debet. 586
- Iustus in omni opere bono non peccare probatur contra Lutherum. 738
- Iustus quantumuis, si non fuerit à Deo adiutus, peccabit in posterum. 741
- L** Aborem manuum monachis licitum esse. 637
- Lanceę vulnus Christus mortuus non viuus est passus. 351
- Laudare, species est honoris. 869
- Leprosi cur se sacerdotibus ostendebant. 139
- Legem veterem cum noua simul non esse obseruandam in omnibus. 648
- Legem veterem esse bonam, & à Deo bono datam. 650
- Lex cessasse adueniente gratia probatur. 650
- Lex quomodo peccatum peperisse dicatur. 652
- Lex laudanda. 654
- Lex iusto quomodo nō est posita. ibid.
- Librum de quæst. vet. & noui testamenti non esse Augustini. 691
- Libertas nimia pronunciandi omnia pro libito, hæreticum facit. 122
- Libertas Christiana in quo sit sita. 590
- Libertas triplex. 574
- Liberum

# INDEX MATERIARVM.

- Liberum arbitrium nostrum** sine gratia Dei nullum posse præceptum implere bonum. 574 & 577
- Liberum arbitrium ex se & sua conditione** potest eligere quamlibet volitionem malam. 575
- Item quodlibet opus mediū** quod nec bonum sit nec malum. ibidem.
- Liberum arbitrium quantum ex se sine Dei auxilio** nullum potest bonum opus operari. 577
- Liberi arbitrij est**, postquam Deus voluntatem nostram excitauit ad bonum, consentire aut dissentire. 575
- Liberi arbitrij non est**, postquam voluntas cum Dei adiutorio operari cœpit, & bonum inceptum perficere, & in eo perseuerare sine Dei speciali gratia. 578
- Liberi arbitrij nostri quanta potestas & necessitas.** 575 & 581
- Liberum arbitrium bene potest**, operari donec adsit ei gratia. 578
- Liberum arbitrium nos habere** probatur. 657
- Libertas variè capitur** in scripturis. 657
- Liberum arbitrium æquè tollunt** qui nimis ei tribuunt, atque qui nihil. 664
- Liberi arbitrij insufficiencia.** 669
- Liberum arbitriū nihil agere** valet sine Dei assistentia & concausatione. 668
- Libertas nostra vbi & quomodo ad bonum.** 670
- Liberum arbitrium prædeterminationis & reprobationis** non auferunt. ibidem.
- Liberum arbitrium per quodcunque peccatum libertatē** non amittit vt bonum opus facere non possit, & si non meritorium. 671
- Liberum arbitrium post acceptam gratiam** posse peccare. 672
- Libertatem arbitrij vt nō tollit peccatum**, sic nec gratia. ibidem.
- Ligni nōmine homo designatur.** 676
- Loth filix an cum patre concumbentes**, peccasse dicantur. 534
- Machabæorum libros** è canone reiciendum hæreses & authores. 877
- Machabæorū libri sacri** probantur. ibidem.
- Malum quod rei accidit**, duplex esse, culpæ, & pœnæ. 675
- Malum multiplex**, idque omne aduentitium & accidentale. ibidem.
- Malum à Deo non esse**, nec Deum facere malum probatur. ibidem.
- Malum nihil esse à natura.** 676



# INDEX MATERIARVM.

- Mali alicuius Deus author  
esse potest, vt afflictionum  
& angustiarum, & limi-  
lium. 678
- Manè orandum, & quare. 592
- Manetis infania mira, vnde &  
Manichæi dicti. 180
- Manna in veteri, quod in no-  
uo Eucharistia. 485 & 489
- Manus appellatione in scri-  
pturis potestas indicatur.  
416
- Marcion quis fuerit. 220
- Maria vera mater Christi fi-  
lij Dei, non tantum homi-  
nis. 326
- Maria cur Dei genitrix verè  
sit nominata. 334
- Mariam virginem Dei geni-  
tricem post Christi natiui-  
tatem non fuisse carnaliter  
cognitam à Ioseph proba-  
tur contra Eluidium. 683
- Mariam esse veram Dei geni-  
tricem, sicq; verè esse appel-  
landam. 687
- Mariam initio concionis in-  
uocandi origo vnde. 753
- ad Martyrum sepulchra no-  
cturnis vigiliis discursus  
sublatus. 115
- Martyres non esse qui se pro  
peccatis interimunt. 689
- Martyrium non omnes patiū-  
tur qui mortem ab aliis in-  
flictam patiuntur. ibidem.
- Materia prima quæ. 207
- Matrimonium sacramentum  
esse institutum in signum.  
730
- Matrimonium concernentia.  
733 Quere Nuprias.
- Melchisedech qui Abraham  
benedixit, purum hominè  
fuisse. 691
- Melchisedech panem & vinū  
Deo obtulit. 710
- Melchisedech figura sacerdo-  
tij nouæ legis. 711
- Melius in scripturis aliquan-  
do id dicitur, quod minus  
malum est. 938
- Mendacis hominis præmium,  
vt veritatem dicenti nō ere-  
datur. 405
- Mendacior ne in hoste quidem  
viti licere. 622 & 915
- Mendacij consideratio, an  
excusabile aliquando sit.  
694
- Mendicitatem non esse ex le-  
ge prohibitam, inò merito-  
riam probatur. 698
- Mendicare quid. 700
- Mendicantium religiones nō  
esse dæmonum inuentionē  
probatum contra Valdenses.  
718
- Meretricius coitus prohibe-  
tur. 747
- Meritum & præmium nobis  
debetur non operis natura,  
sed iure promissionis. 581.  
& 702
- Meritum quibus modis dica-  
tur. 702
- Meritum nostrum aliquod  
an esse possit ad promeren-  
dam gloriam. 703
- Meritorum varietas. 273
- Mereri

# INDEX MATERIARVM.

- Mereri vitam æternam ex sua  
virtute hominem sine Dei  
auxilio non posse. 704
- Millenarium numerum pro  
infinito cap. 251
- Millenarij qui. 251
- Miracula per quem fiant. 316
- Miracula cur ferè Christus  
post habitum sermonem  
fecisse legatur. 119
- Miracula vera an fiant in ec-  
clesia. 704
- Miraculum quid. ibidem.
- Miracula an à sanctis fieri di-  
cantur. 706
- Miracula ad sanctorum exal-  
tationem fieri. ibidem.
- Miseria perpetua erit sicut &  
beatitudo. 252
- Misericordiæ Dei & remissio  
nis peccatorum nullus defi-  
nitus numerus. 799
- Missam nihil esse aliud quam  
sacramenti eucharistiæ con-  
secrationem. 707
- Missam esse sacrificium & ob-  
lationem probatur. 708
- Missam verè dictā esse à Deo  
institutam probatur. 707
- Missā sola ex se oblatio mun-  
da. 709
- Missam primam Antiochiæ  
Petrus celebravit. 707
- Missam non tantum esse in  
memoriam cœnæ, sed &  
passionis, & mortis Chri-  
sti. 712
- Missam sacerdotis, & illius  
& populi peccatis prodesse.  
714
- Missam pro defunctis dici,  
esse ex instituto Apostolo-  
rum. 615
- Mitti ad prædicandum qui di-  
cantur. 815
- Monachos esse de religione  
Christiana. 718
- Monachos laborare debere &  
quomodo & quos probatur.  
637 & 641
- Monachis laborem manuum  
sustentandæ vitæ causa li-  
citur esse. 639 & 643
- Monachi ociosi taxantur. 647
- Monachos omnes sine disci-  
mine ad laborem manuum  
non teneri. 646
- Monachus nisi lege diuina ex-  
emptus, si non laborat, non  
manducet. 646
- Monachatus qui detrahant.  
718
- Monachi se totos suæque Deo  
vouentes, holocaustum fa-  
ciunt. 937
- Montanus quis fuerit. 219
- Mors duplex corporis & ani-  
mæ. 160
- Mors pœna peccati. 160
- post Mortē nec bene nec ma-  
lè agendi tempus. 220
- Mortem sibi infligere nullo  
modo licere. 689
- Mos populi Dei, & instituta  
maiorum pro lege tenen-  
da. 39
- Mulieres quare docendi pote-  
statem non habeant. 722
- Mulieres ad sacerdotiū pro-  
moueri non posse. 722
- Mundus

# INDEX MATERIARVM

- Mundus non ab angelis sed à Deo factus. 390
- Mundum finiendum probatur. 723
- Mundum à Deo creatum esse, non ab angelis. 724
- Mundum non fuisse ab æterno probatur. 722
- Mundum creatū à solo Deo, & non ab angelis. 724
- N**aturam nullā ex seipsa beatam esse, nisi solū Deum. 259
- Naturæ duæ vt in Christo, sic & duæ voluntates. 343
- Naturæ in Christo duæ, secundum quas aliquādo minor, aliquando equalis patri scribitur. 419
- Necessitate absoluta omnia fieri nequaquam. 569
- Negare Christum persecutionis tempore, esse peccatum probatur. 688
- Negans voce Christum, corde autem credēs, peccare probatur. ibid.
- Nihil quid soleat sacra scriptura appellare. 668
- Nocte media cur ad orādum surgere institutum, & vnde. 591
- Nomen alicui nunquam mutauit Deus sine magnis subsequētibz beneficiis. 760
- Nō occides, quā latè pateat præceptum. 737 & 915
- Nuptiarum author Christus. 727
- Nuptiæ secundæ & tertiæ & quartæ non dānandæ. 728
- Nuptiis inesse sacramentum, & gratiam conferri. 731
- Nuptiarum nomen frequentius in sacris literis quā matrimonij. 690
- O**bdurare quid peccatores. 677
- Obediētia, volūtaria est subiectio. 345
- Obediens Patri Christus fuit non secundum volūtatem diuinā, sed humanā. ibid.
- Obedientiam omnium ab ecclesia præceptorum nobis esse tenendam. 443
- Obedimus Deo monenti nos, & sic eo operante cooperamur. 579
- Obligari an homo possit ultra id quod dominus præcepit. 718
- in Observationibus ecclesiasticis esse permulta quæ facere necesse est, quorum tamen ratio nō omnibus patet. 40
- Obrulit seipsum Christus in cruce semel & pro semper: in missa autem à sacerdote offertur, sed aliter. 713
- Occidi iustè maleficum posse ex iudicis & iuris præscripto, probatur. 736
- Occidere non licere sine iudicis sententia. 915
- Ociosè viuētes taxantur. 647
- Ociositas animæ inimica. 639
- Offerre idem & accipere potest. 713
- Offic

# INDEX MATERIARVM

Officium quando quis exequi dicatur.	567	quare.	934
<i>ἔμποιον.</i>	461	Olei sacri vsus in ecclesia, & quid designet.	236
Operis quod quisq; facit, eius filius dicitur.	189	Oratio duplex, priuata, & publica.	286
Operari post mortem non licet.	222	Orationē quæ ad Deum fiat, duplicem esse.	ibid.
Opera nostra quantūuis bona per solam misericordiam Dei acceptabilia fiunt.	374	Orationem longam non prohibuit Deus, sed multiloquium.	290
Opera ad iustificationem requiri.	558	Orandus quod sit filius Dei, contra Origenem.	412
Opera necessaria esse ad beatitudinem consequendam.	564	Orandi certum etiam tempus præfiniri rectè posse, vt matutarum, & similitum.	592
Opera etsi non valeant iustificare, disponunt tamen ad iustitiam de manu Dei gratis recipiendam.	565	Orationem esse vtilem probatur contra Pelagium.	749
Operis bonitas aut malitia vn de censeatur.	290	Orationē ad vitæ æternæ cōsequutionem non sufficere.	746
Operis nostri gloria omnino Deo tribuenda.	580	Orandum non semper.	747
Operari nostrū omnino esse ex Deo.	581	Orare semper oportet, quomodo intelligendum.	748
Operari nos & Deum simul, ibidem.		Orationem sanctam, vtilem, & præceptam esse.	749
Opus aliquod quomodo meritum hat.	ibid.	Orationis virtus.	750
Opera nostra quomodo dicenda meritoria.	702	Oratio specialis an plus quā generalis profit.	752
Opera nostra quantumlibet recta facta, an sint dicenda peccata.	738	Orare sanctos nos posse probatur.	868
Opera bona tam perfectō quā imperfecto, deniq; cuiusq; hominū generi necessaria probantur.	740	Ordinē esse sacramentū probatur, & gratiam conferre.	753
Opus factum ex voto melius quā idem sine voto, &		Ordinis sacramentum sensibile in se signū habet.	754
		Ordinis sacramentum nō esse recens.	755
		Ordinis gradus esse impares.	756
		Ordinum nomina ab apostolorum	



# INDEX MATERIARVM

- lorum tēpore fluxisse. 758  
Originali peccato ante baptis-  
mu omnes obnoxij, & pro-  
inde gehennæ. 238 & 780  
Originali in peccato nasci  
paruulos, & ob id quoq; ba-  
ptizari probatur. 780  
Originale peccatum iugū cur  
dicitur. 781  
Origenes an hæreticus. 151  
Origenē magis pium est cre-  
dere saluatū quā dam-  
natū. ibid.  
Origenem resurrectionē car-  
nis non negasse. 848  
Osculum quodlibet non esse  
peccatum, sed quod ad coi-  
tum sollicitat. 366  
**P**Actum etiam hosti seruā-  
dum. 925  
Panis mysticus tam in fermen-  
tato quā azymo confici  
potest. 469  
Panis mysticus in sacramen-  
tum, non figura, sed vera  
caro. 486  
Panis appellatione quomodo  
vtatur scriptura. 496  
Panem & vinum sacramētum  
eucharistiæ post consecra-  
tionem non vocari, sed cor-  
pus & sanguinem. 494  
Panem discipulis Deus nō tra-  
didit in cœna, sed carnem  
& sanguinem. 496  
Panem verti in corpus Christi  
& sanguinē probatur. ibid.  
Panis sub specie corpus & san-  
guinem Christi contineri  
integrè. 522  
Papam esse hæreticum posse,  
& errare in fide. 31  
Papæ solius nō esse interpre-  
tari scripturas. 32  
Papæ vt sacerdoti Dei obe-  
diendum esse. 67  
Papæ seu pontificum nomen  
nō esse inane probatur. 759  
Papatum non amitti propter  
peccatum. 773  
Partes corporis tam inferio-  
res quā superiores à Deo  
bono creatas esse. 296  
Paruuli etsi actu nō credunt,  
habitu tamen retinent quo  
ad actum credendi perue-  
niunt. 227  
Paruulis prodesse baptisma  
nec rebaptizandi sunt. 229  
Pascha. xiiij. luna inuolabi-  
liter non esse celebrandum.  
774  
Pascha dominico die celebrā-  
dum. ibid.  
Pastor bonus quis, & quis ma-  
lus. 107  
Patropasiani vnde. 406  
Paulum multa solo verbo tra-  
didisse, quæ nusquam scri-  
pto mandauerit. 38  
Pauli locus quomodo intelli-  
gendus ibi, Alioqui quid fa-  
cient qui baptizantur pro  
mortuis, &c. 219  
Paulus quomodo Deum vi-  
dit. 242  
Pauli locus, id est, ad Timo-  
theum, Corporalis exerci-  
tatio ad modicū utilis, quo-  
modo intelligendus. 598  
Pau

# INDEX MATERIARVM

- Paulus manibus laborat, in aliorum exemplum. 638
- Paulus laborauit non ex necessitate, sed ex perfectione. 647
- Pauli epistolas reiicientium hæreses & authores. 878
- Pauperes de Lugduno, qui & Valdenses. 236
- Pauper quis dicatur, an is qui nihil proprium habeat, & an solus pauper ad æternam beatitudinē peruenire possit. 775
- Paupertas an omnia peccata consumat. 777
- Paupertas spiritus est omnium rerum terrenarum contemptus, & eius excellentia. ibidem.
- Paupertas tam habitualis quā actualis bona est, & licita. 778
- Paupertatem esse vtilem. ibi.
- Peccatores potissimum accusabit Deus quod monenti non obdierint. 579
- Peccatum nihil subtrahere de natura. 153
- Peccatum detestari timore pœnæ quomodo cōtingat. 385
- Peccata vt remittantur, manifestentur necesse est. 370
- Peccata quauis confessa, per solam tamē misericordiam Dei remittuntur. 374
- Peccatum timore pœnæ fugimus dupliciter. 386
- Peccatum licet remissum sit, pœna tamen peccati toleranda est. 825
- Peccata nos vitare posse, & quomodo. 579
- Peccare quomodo non dicatur qui ex Deo est. 585
- Peccatorum nostrorum Deum nullo modo esse authorem dicendum. 676
- Peccatum etiam habet fidem imputari posse. 786
- Peccata an sint aliqua prorsus irremissibilia. 786
- Peccato primi parentis homines nō fuisse damnatos ante passionem Christi. 782
- Peccatum angelorum ex libero processit arbitrio. 785
- Peccatū contra spiritum quodnam est irremissibile. 787
- Peccato omnē hominem obnoxium esse. 790
- Peccatum omne esse à libero arbitrio, non à dæmone. 784
- Peccatum nullū esse irremissibile. 787
- Peccatū in spiritum sanctum quodnam & an sit irremissibile. ibid.
- Peccatum leuius propter vitandum grauius permittitur. 788
- Peccata omnia non esse peccata. 790
- Peccata etiam post gratiam perpetrata remitti probatur. ibid.
- Peccatum vox æquiuoca. 811
- Peccatorum duo genera. 588
- Per

# INDEX MATERIARVM.

- Periuriū lege diuina esse pro-  
hibitum. 633. quid sit. 915
- Permissionem Dei in sacris a-  
ctionem ipsius vocari so-  
lemne est. 677
- Permittimus, quæ non pro-  
bamus. 789
- Persona in Deo quid. 407
- Personarum pluralitas in di-  
uinis probatur. ibidem.
- Personis in diuinis omnia quæ  
ad sedicuntur, omnibus æ-  
què conuenire & nulli pro-  
pria esse. 431
- Pertinacia cum errore hære-  
ticum perficit. 78
- Petrum Antiochiæ primam  
missam celebrasse. 708
- Petro cur nomen mutatum.  
760
- Petrus cæteris apostolis ma-  
ior declaratur. 761. & 763
- Petrus Lombardus, sententia-  
rum magister 517
- Petrus non primum caput ec-  
clesiæ, sed vicarium. 765
- Perrus quomodo intelligitur  
petra. 761
- Pietas vera quæ. 356
- Pœnæ timore peccatum fugi-  
mus dupliciter. 386
- Pœna peccati infligitur etiā  
remissa culpa. 794
- Pœnitentiæ partes esse tres.  
794
- Pœnitentia quæ ex timore ge-  
hennæ oritur, an inanis &  
noxia sit dicenda. 798
- Pœnitentiæ virtutem non pro  
semel, sed pro semper vale-  
re probatur. 799
- Plura in tit. confessio.
- Polycarpus martyr Ioannis  
euangelistæ discipulus. 42
- Potentia non solo patri ascri-  
benda venit, sed & filio, &  
spiritui sancto. 431
- Potestatem tam laicalem quā  
ecclesiasticam non amitti  
per peccatum mortale, pro-  
batur. 803
- Præceptum, Crescite & mul-  
tiplicamini, quatenus obli-  
get. 534
- Præcepta affirmatiua & nega-  
tiua. 534
- Præceptum & consilium quo  
modo differant. 561
- Præcepta Dei cū Dei adiuto-  
rio implere potest homo.  
580
- Præceptorum omnium Dei  
nobis possibilis obserua-  
tio. 806
- Prædestinatio ad vitam æter-  
nam non ex nostris meritis,  
sed sola Dei misericordia  
pendet. 670
- Prædestinatione sua Deus sic  
prædestinatos non necessi-  
tat ad bonum, vt malè age-  
re & perire nequeant. 813
- Prædestinatum ad vitam etiā  
si mala opera agat, nunquā  
posse diaboli membrū esse:  
& illum qui est à Deo ordi-  
natus ad mortem: quantū-  
cunque bene viuatur, nunquā  
posse esse membrum Dei,  
falsum & hereticum proba-  
tur

# INDEX MATERIARVM

- tuelle. 813
- Prædicare nullo modo licere  
cuiquam nisi missus sit à su-  
periore. 815
- Prædicationem cuique sine di-  
scrimine non esse liberam.  
ibidem.
- Prædicatum quis mitti dica-  
tur. 816
- Prædicatio aliquo loco & tem-  
pore multis de causis pro-  
hiberi potest. 818
- Prædicandi tempus quod. 818
- Prædicatio verbi Dei quando  
prohiberi in aliquo potest.  
817
- Prælatorum munus. 106
- Prælatorum negligentia & so-  
cordia hærefum causa est.  
ibidem.
- Prælaris ecclesiæ esse obedi-  
ent. 443
- Prælatos & superiores non de-  
bere corripì ab inferioribus  
probat. 895
- Præmium debetur nobis non  
operis natura, sed iure pro-  
missionis. 703
- Presbyter quid significet. 462
- Præmum Petri cur hæretici  
tantopere oppugnent. 760  
& 769
- Præmum Petri institutio. 760
- Præmitas & decimas Domino  
offerre quid. 579
- Primogenitus quis & quomo-  
do dicatur. 690
- Principium omnium rerum  
esse vnum, illudq; bonum.  
678
- Probare quid apud Paulum.  
511
- Procedere ab aliquo quid. 428
- Promiscuus coitus quis. 361
- Prophetæ sacrarum literarum  
interpretes sunt. 58
- Prophetas cōtrario spiritu nō  
fuisse inspiratos, falsaq; præ-  
dixisse, probatur cōtra Apel-  
lem. 881
- Prophetas intellexisse quæ præ-  
dixerint & loquebantur. ibi.
- Propria non esse in personis  
diuinis potentiam, sapien-  
tiam, benignitatem, sed ap-  
propriata. 431
- Psalterii in ecclesiis vsus. 687
- Purgatorium posse ostendi ex  
sacris literis. 826
- Purgatorium inferni loco ali-  
quando vocari. 832
- Q**uadragesimalis ieiunii  
institutio, Christi est.  
603
- Quæstiones circa animæ crea-  
tionem variæ. 183
- R**eaptizandū nullo mo-  
do esse. 231
- Redemptionem nobis factā  
esse per Christum. 347
- Regnum Christi beati sunt,  
& beatitudo. 253
- Religionem priuatam an quis  
intrare possit. 718
- in Religione priuata an cui-  
quam viuere liceat. ibid.
- Remissioni peccatorum sem-  
per esse locum probatur.  
799
- Renum cinctura quid in ve-



# INDEX MATERIARVM

- teri lege significabat. 862  
 Reprobatio vt est prædestina-  
 tionis priuatio, non nostris  
 demeritis, sed diuina volun-  
 tate fit, & iuste. 670  
 Reprobatio quæ fit per actum  
 voluntatis posituum, nun-  
 quam fit sine demeritis. ibi-  
 dem.  
 Res à Deo creatæ, etiam per  
 nos meliores fieri possunt.  
 208  
 Resurrectio prima quid. 250  
 Resurrectio secunda quid. ibi-  
 dem.  
 Resurrectionem futuram cer-  
 tò credendum probatur.  
 845  
 Resurrectionem carnis qui ne-  
 garint. ibidem.  
 Resurrexisse Christum die do-  
 minica. 850  
 Resurrectionem carnis Orige-  
 nem non negasse. 848  
 Resurrectionis tempore cor-  
 pus nostrum erit palpabile  
 & visibile. 847  
 Resurget idem qui vixit ho-  
 mo, ibid.  
 Retinere peccata, est non re-  
 mittere, 370  
 Reuerentialis timor. 351  
**S** Abbatis sanctificatio. 590  
 Sacerdotes scientiæ custo-  
 des & legis esse debent. 49  
 Subditi cum prælatis in con-  
 uentum conuocari non de-  
 bent. 49  
 Sacerdotis euangelici circa  
 pœnitentem absoluendum,  
 & veteris legis sacerdotis  
 circa leprosum differentia.  
 140  
 Sacerdotes omnes quātum ad  
 absolutionem habere æqua-  
 lem potestatem. 144  
 Sacerdotum distinctio in vete-  
 ri testamento. 455  
 Sacerdoti non licet vnam tan-  
 tum speciem sumere. 525  
 Sacerdos omnis ex hominibus  
 constituitur. 692  
 Sacerdotis & laici distinctio.  
 717  
 Sacerdos quomodo sibi com-  
 municans in missa, populo  
 communicat. ibid.  
 Sacerdos legis veteris habue-  
 runt possessiones & agros.  
 395  
 Sacerdotes nō esse omnes Chri-  
 stianos 852 nec dignitate  
 pares. 858  
 Sacerdotem non amittere con-  
 secrandi potestatem, etiam  
 si mortaliter peccet. ibi-  
 dem.  
 Sacerdotes cælibes esse debēt.  
 858  
 Sacerdotem coniugatum esse,  
 duobus modis intelligi. 859  
 Sacerdotibus nunquam licuit  
 vxores ducere. licet iam vxorati  
 aliquando sint ad sacer-  
 dotium prouecti. 861  
 Sacerdotem infimum in absen-  
 sentia Episcopi non posse  
 exercere munus episcopale.  
 864  
 Sacramenta non reiterabi-  
 lia

# INDEX MATERIARVM.

- lia. 295  
 Sacramenti eucharistiæ vis & utilitas. 504  
 Sacramentum quid. 733  
 Sacramenta omnia esse mysteria. ibid.  
 Sacramenta ecclesiæ negantium hæreses & authores. 866  
 Sacramenta omnia conferre gratiam debere suscipienti. ibidem.  
 Sacramenta noua non potest instituere ecclesia. 926  
 Sacramentum confirmationis tempore apostolorum ab aliis quam ab ipsis apostolis non esse peractum. 383  
 Sacrificia in omni lege fuisse. 708  
 Sacrificium aliquod an status euangelicus admittat. ibi.  
 Sacrificium quid, & quomodo ab holocausto differat. 937  
 Salus nulla nisi per gratiam. 578  
 Sanguinis baptismus quis. 239  
 Sanctos esse ab hominibus honorandos, & orandos. 868  
 Sanctis honor exhibitus, exhibetur Deo. 869  
 Sancti pro nobis intercedere possunt. 870  
 Sanctorum patrum omnia dicta an usque ad ultimum iora tenenda nobis sint. 56 & 59  
 Sapientia ex ore Dei non effusa, sed prodiens. 181  
 Sapientia non solius filij propriam esse. 431  
 Satisfactionem pro peccatis esse necessariam. 794 & 875  
 Scabellum pedum Domini quid. 133  
 Schismaticus an sit hæreticus. 75  
 Schismatum incōmoda. 126  
 Scriptoribus sacris dissentientibus, modo non contra fidem euangelicam & ecclesiam alterutrum parti pro libito adhereri potest citra reprehensionem. 52  
 Scriptorum ecclesiasticorum dicta omnia an usque ad ultimum iora tenenda nobis sint. 56  
 Scripta ecclesiasticorum scriptorum à pontificibus probari & recipi, quomodo intelligendum. 56  
 Scriptorum sacrorum dicta non esse reicienda & floccipendenda. ibid.  
 Scripturæ sensus non in nuda litera consistit, eiusque interpretatio penes ecclesiam est. 364  
 Scripturas humanas à diuinis discernendi potestatem à Deo habemus. 32  
 Scripturarum interpretatio vera & certa penes quos. 32  
 Scripturam nullam cuiuslibet hominis quantumvis docti & sancti efficacem

# INDEX MATERIARVM.

- esse ad hæresim reuincen-  
dam, nisi &c. 52
- Scripturæ sacræ librorum au-  
thorem nullum in scriben-  
do errare firmissimè cre-  
dendum. 53
- Scripturam non esse omnibus  
apertam, & intellectu faci-  
lem. 112
- Scriptura sacra vt potissimū  
metaphorica. 189 & 404
- Scripturas, testium locum, nō  
iudicis tenere. 356
- Scripturæ sacræ quoslibet li-  
bros ex canone reiicere,  
propriū est hæreticorum.  
876
- Scriptura sacra turris est my-  
stica David, &c. ibid.
- Scripturam aliquam sacram  
esse quomodo credere pos-  
simus. 32 & 880
- Sensus verus ex scripturis quo  
modo eliciendus. 26 & 32
- Sententiam Deus mutare no-  
uit. 814
- Sermonis elegantiam non pu-  
gnare cum Christiana reli-  
gione. 101
- Serpentem qui Adam & He-  
uam decepit, qui coluerint.  
564
- Serpentem æneum quare Eze-  
chias confregerit. 609
- Seruilis timor & initialis.  
350
- Signa non adorari, sed ea  
quæ per ea repræsentantur.  
135
- Silentium seruare digito na-  
ribus orique appposito, ridi-  
culum. 885
- Similitudo & imago disse-  
runt. 152
- Similitudo in qualitate fun-  
datur apud Aristotelem, in  
scriptura verò sacra in sub-  
stantia. 325
- Simon Magus primus hære-  
ticus. 96
- Simonia reprobatur. 885
- Synodus Ephesina secunda  
damnata fuit. 335
- Solicitudo nimia omnis à  
Christiano absit. 206
- Spiraculū quod spirauit Deus  
in Adam, an anima fuerit  
dicendum. 176
- Spiritualia dona non posse  
vendi 886
- Spiritus sanctus eandem vim  
nunc habet, quā habuit  
tempore Apostolorum, &  
eodem modo ecclesiam il-  
luminat. 58
- Spiritus rarò sine additamen-  
to pro tertia persona in di-  
uinis ponitur. 177
- Spiritus acceptio multiplex  
in scripturis. 176
- Spiritum quem sufflauit in di-  
scipulos Christus, longè di-  
stare ab eo quem in Adam  
inspirauit. 177
- Spiritus sanctus conciliis ge-  
neralibus adstare proba-  
tur. 357
- Spiritum timoris Domini in  
Christo fuisse. 350
- Spiritus sanctus & dominus  
& Deus

# INDEX MATERIARVM

- & Deus esse probatur, non creatura. 424
- Stellis hominem non alligari. 552
- Studia generalia non esse inutilia in ecclesia. 891
- Substantia in Deo quid. 407
- Sufficientiam nobis omnem gratia confert. 577
- Sufficientiam nostram omnem ex Deo esse. 669
- Suffragia & oblationes defunctis prosunt. 897
- T**empla in honorem Dei & sanctorum erecta, esse sancta & bona. 902
- Tentatio est ignis probationis. 827
- Terra quomodo scabellum pedum Dei. 133
- Terræ nomine omnia corpora significari in scripturis. 207
- Tertullianus. 183
- Testamentum utrumque à bono Deo conditum esse. 400 & 678
- Testamentum vetus reiicientium hæreses. 876
- Theobutes hæreticus. 96
- Timor Domini multiplex. 350
- Timore poenæ peccatum fugimus dupliciter. 386
- Timor seruilis etiam nobis prodest. 387
- Timor Dei seruilis unde originem habeat. 908
- Timorem Domini esse in futurum seculo. 912
- Timor pro reuerentia. 351 & 912. & pro verecundia. 917
- Tyrannum quemlibet licite & meritorie posse occidere sine superioris mandato, falsum & hæreticum. 913
- Tyrannus quis dicatur. 914
- Titulis librorum non tenaciter credendum semper. 37
- Tradita nobis multa esse sine scripto. 38
- Traditionibus vniuersalis ecclesiæ, etiam si testimoniis sacre scripturæ non comprobentur, tantam fidem adhibendam esse, quanta ipsis sacris scripturis adhibetur. 36
- Traditiones conciliorum generalium rite congregatorum esse ab omnibus recipiendas. 43
- Trahere ad se Deus nos quomodo dicatur. 669
- Translatio sacre scripturæ in linguam vulgarem, hæresim parit. 110
- Transsubstantiationis vocabulum non esse recens. 498
- Transsubstantiationis nomen quando & quare confectum. 501
- Tricesimus annus maxime prædicationi aptus. 818
- V**aldensium hæresis unde orta. 112
- Vasa quædam in honorem, quædam in contumeliam, quomodo fiant. 676
- Verborum sensum sola eccle



# INDEX MATERIARVM

- fia ius interpretandi habet. xvij. Hæc est vita. 256  
 30  
 Verba diuina an semper iuxta Visitare iniquitates nostras vt  
 simplicissimâ significatio- dicatur Deus. 281  
 nem & grammaticam acci- Vita æterna multis nomini-  
 pienda sint. 33 bus vocatur. 256  
 Verbis docentis non minus Vitam æternam hominẽ non  
 credendum, quàm scriptu- posse promereri ex virtute  
 ræ. 36 sua sine Dei auxilio. 668  
 Verba & voces an æquam fi- Vnctio extrema sacramentum  
 dem & vim habeant obli- est, & confert gratiam. 925  
 gandi sicut scripturæ. 38 Vnio ecclesiæ duplex. 75  
 Verecundiam esse in rebus na- Vocabulorũ nouitas ortho-  
 turæ. 917 doxũ offendere non debet,  
 Vermis conscientiam signifi- modò de re constet. 500  
 cat. 618 Voluntatis nostræ operatio-  
 Vestes sacræ, & pallæ & vasa nes esse triplices. 574  
 qua reuerentia contrectan- Votorum trium excellentia.  
 da. 749 933  
 Victorinus Afer Hieronymi Vota probantur. 935  
 præceptor. 152 cum Voto opus melius esse  
 Viduæ Deo deuotæ si nubant, quàm simile sine voto. 934  
 damnantur. 932 Vox canentis in ecclesia qua-  
 Vinum pro consecratione ca- lis esse debeat. 287  
 llicis esse apponendum. 502 Vox docentis quàm scriptura  
 Vini vsus licitus probatur. 919 ad fidem docendam effica-  
 Virginitas nunquã sola. 920 cior est, & proinde tam vo-  
 Virginitatem præualere ma- ci quàm scripturæ creden-  
 trimonio. 921 & martyrio dum. 36  
 æquipollere. 922 Vsuram peccatum esse. 939  
 Visio facialis Dei nobis erit Vxorem ducere sacerdoti non  
 in futura vita &c. 240 licet. 859  
 Visionem Dei, beatitudinem  
 esse, non probatur ex Ioan.

FINIS.





FRATRIS  
ALPHONSI DE  
CASTRO ZAMORENSIS

ORDINIS MINORVM, IN

*quatuordecim libros quos aduer-  
sus omnes hæreses adidit,*

PRAEFATIO.



NTER plurima & varia scelera, quæ hu-  
manum genus omne, potissimū Christianum  
inuadunt atque deuastant, hæresis vnum est, eo  
cæteris peius, quod cum sit pestilentissimum,  
latius se diffundit, acutius penetrat, tenacius ad-  
hæret, atque ideo difficilius curatur. Quantum  
enim noxium sit, inde potest censerī, quod fun-  
damentum imperit totius pietatis, sine quo nihil sunt reliqua o-  
mnia profutura. Sine fide namque, ut ait Paulus, impossibile  
est placere Deo. Per hanc sancti vicerunt regna, operati sunt  
iustitiam, adepti sunt repromissiones, obturauerunt ora leo-  
num, extinxerunt impetum ignis, effugauerunt aciem gladii,  
conualuerunt de infirmitate, fortes facti sunt in bello, castra  
verterunt exterorum. Hoc est viaticum viæ huius: sicut Prophe-  
ta inquit, Ex fide iustus viuit. Hæc est denique, sicut dicebam  
modo, basis & fundamentum totius Christianæ structuræ, su-  
per quam velut super firmissimam quādam petrā Deus funda-  
uit ecclesiam suam. Super quā & nos omnes fundari præcipit  
Paulus, ut stabiles & immobiles simus in sepe euangelii quod  
audiuimus. Quapropter si ex huius bonitate, hærescos mali-  
tiam metiri cōuenit, dicemus ex opposito hæresim pessimum  
esse vitium. Tanto enim, iuxta Augustini sententiam, aliquod  
est peius malum, quanto magis adimit de bono. Hinc pa-  
teret quā malè de republica Christiana mereantur ij qui fi-  
dem oppugnant, qui hæreses vel inuehunt, vel illatas tuentur:  
quoniam destructo fundamēto, necesse est ut quicquid super-  
ædificatum fuerat, decidat. Hæretici autem fundamentum  
hoc, quod à Christo ipso iactum, & ab apostolis eius mundo  
ostentum est, eruere conantur quoniam et si aliis in rebus sæpe  
numero inter se dissentiant, in hoc tamen vnum omnes con-

Heb. 11

Aba. 2

Heb. 11

Colo. 1



uenerunt, vt aduersus Christi & Apostolorum doctrinam cristas erigant. Nec qui hoc agerent, pauci fuere: quod est in primis dolendum & graue, siquidem egressi à nobis. Quod namque barbaræ nationes aduersus filios Israel olim commotæ sunt, tot, imò plures, contra fidem catholicam & doctrinam euangelicam insurrexerunt. Nec adhuc cessauit hæc oppugnatio. Multa siquidē hostium castra in circuitu eius posita sunt, vallauerunt eam vndique, vt ad terram prosternerent. Ab oriente Simon, Menander, Valentinus, Manes. Ab occidente, Priscilianus, Vigilantius, Petrus Abailardus. A meridie, Tertulianus, Nouatus, Donatus. A Septentrione, vnde panditur omne malum, Pelagius, Ioannes Vitclef, Ioānes Hus, Martinus Lutherus. Cōcussa est igitur à quatuor angulis, machinæ ex omni parte contra eam admotæ sunt. O quot sophisticæ collectiones, quot fallaciæ, quot scripturarū tortiones atque dilaniationes appositæ sunt, vt hoc quod Christus iecit fundamentum, videlicet fides, rueret? Verum post tot bellorum incursiones, post tot iacta aduersus illud tela, fixum & immobile ad finem vsque seculi permanet fundamentum, quoniam dominus promisit se rogaturum pro ecclesia, vt eius fides non deficeret. At qualiter deficere poterit, illo pro ea rogante, qui semper exauditur? Adiuuat ergo eam Deus vultu suo. In medio eius stat, vt non commoueat. Quo fit, vt nusquam hæreticorum acies aduersus ecclesiam præualere possint, aduersus quam, domino teste, nec inferorum portæ præualebunt. Nec tamen ab hac infestatione ideo abstinerunt hæretici, aut in posterū vnquam abstinebunt. Oppugnant etenim semper, quamuis nunquam expugnare valebunt. Sicut namque Iebuseus olim semper mansit inter filios Israel, in ipsa etiam Hierosolima, nec vsquam deleri potuit, Deo ita aut permittente aut disponente ad Iudæorum ignauiam repellendam, vt videlicet scirent inter eos habitare, quos timere, & propter quos vigilare eos oporteret ita etiam nunc quantumlibet ecclesia ab hæreticis expurgetur, semper ad nostrum exercitamentum Iebuseus erit in medio. Oportet hæreses esse, ait Paulus, vt qui probati sunt, manifesti fiant. Quia ergo semper futuros hæreticos præuidit Apostolus, ideo omni, qua potest sedulitate ac sollicitudine admonet, vt eos deuitemus, & ab eorum commercio abstineamus: quoniam sciebat quantum nocementi habita cum eis communio posset afferre. Sermo enim eorum vt cancer serpit. Hac de causa

Lu. 22

Pf. 45

Mat. 15

Ier. 15

Iudi 1

1. Cor. 6

2. Ti. 2

caussa plures ecclesiastici scriptores moti, anxie laborauerunt in inquirendis hæreticis, eorumque erroribus, vt eos nobis describerent: vt inde postmodum forent aliis vel sic noti ii quos iuxta Pauli præceptum deuitare oportebat. Inter quos primus ex his qui extant, est Irenæus Lugdunensis episcopus, Apostolorum temporibus valde vicinus. Hic elegans opus de hæresibus composuit quinque partitum libris, in quorum primo omnes hereses & illarum authores enumerat, quæ ad suum vsque tempus ecclesiam oppugnaverant. In aliis verò libris aduersus aliquas illarum disputat. Post hunc eodem ferme tempore Tertullianus exitit, qui quanuis ipse postmodum hæreticus, prius tamen cum catholicus esset, librum composuit de præscriptionibus hæreticorum, cuius appendix est libellus alter de hæresibus. In quo breui compendio hæreticorum omnium qui ante illum fuerant, nomina & hæreses pandit: quanuis non omnes illorum errores descripserit. Philaster Brixientis episcopus, quem beatus Augustinus testatur se Mediolani cum beato Ambrosio vidisse, maiusculū opus de hæresibus edidit, nec illas omittens, quæ ante Christi aduentum apud Iudæos olim fuerant. Hoc ferme tempore Epiphanius Cyprus Episcopus volumen de hæresibus græcè scripsit, sex libris, vt Augustinus testatur, distinctum, opus tamen eodem Augustino teste satis paruum. In quo octoginta duntaxat enumerauit hæreses, adiunctis etiam eis quæ olim apud Iudæos fuerant exortæ. Ab istorum duorum episcoporum libris hauriens Augustinus, precibus Quod vult deus impulsus, opus de hæresibus ad eundem Quod vult deum edidit. In quo eas duntaxat descripsit, quæ post Christi in cælos ascensionem ecclesiam inuaserunt. Quapropter à Simone illo mago, de quo in Actis Apostolorum fit mentio, tuam auspicatur historiam. Post illos omnes egregios viros, Guido A 7.8 de Perpiniano Carmelitani instituti, & postea Elnensis episcopus, librum de hæresibus composuit, in quo illas hæreses addidit, quæ post Augustinum fuerunt exortæ, nec illas omittens quæ olim apud Iudæos fuerant. Verum hic non contentus est hæreticorum nudam narrare historiam, prout Augustinus & Philaster fecere, sed cum singulis hæreticis manus conserere tentauit, & quasi ad singulare prouocat certamen. Quam rem adeò infelicitè agit, vt sæpenumero veritatem dicas succumbere, si ex illius pugna censura

ducenda sit. Omitto quod in ipsa etiam historiae narratione deficit, velut enim parum diligens historiae inquisitor, multas hereses omisit, etiam ex his quae circa tempora sua pullulare coeperunt, cuiusmodi sunt Albigenses, flagellantes sese, Petrus Abailhardus, Henricus Tholosanus, Almaricus, Durandus de Valdach, aliiq; multi haeretici, quorum errorum nusquam Guido meminit. Aliquando haereses commutat, tribuens huic quae sunt illius. Aliquando etiam errores ex diametro apertissime pugnantes eidem factioni tribuit, ut facile est apud eum inuenire, cum de erroribus Armenorum loquitur. Demum post istos omnes, quidam frater Bernardus de Luzemburgo, omnium haeticorum catalogum descripsit, opus certe laboriosum, quamuis in illo saepe hallucinetur, multos ibidem recensens qui meliorilapillo fuissent notandi, ut est Papias, & alii de quibus inferius dicemus. Alios etiam plures ibidem miscet, qui nullo pacto ad haeticorum familiam spectare videntur, quoniam Christum per baptismum nunquam fuerunt induti, ut est Auicenna & Auerrois, qui cum nunquam Christo nomina in baptismo dederint, nullo pacto fieri potest ut haetici dicantur, Nam alioqui omnes gentiles philosophi forent hac ratione sub haeticorum nomine scribendi. Hi ergo omnes qui haeticorum historiam texuerunt, in hoc vnum laborauerunt, ut haeticorum factiones describerent, & sic velut indice aliis ostendisse videretur hostes fidei, a quorum communione abstinere oportebat, qui labor non parum ecclesiae catholicae hucusque profuit, & nunc in dies plus prodest: quoniam primus gradus ad omnem virtutem capessendam, ut regius propheta ait, est declinare a malo. huic autem proximus est, facere bonum. Arator etenim prius agrum a spinis aut quibuscunque noxiis herbis expurgat, & sic terra ex acceptis postmodum seminibus segetes producit. Ad hunc modum medicus praescribens leges infirmo quibus incolumitatem & assequi & tueri possit, prius illum docet cibos a quibus est illi abstinendum. In omni etiam doctrina non minus laborandum est, ut errores extirpentur quam ut veritas doceatur. Nam extirpatis erroribus, veritas clarius agnoscitur, agnita ardentius amatur, amata denique vehementius defenditur, & cautius custoditur. Quod si hoc in qualibet doctrina observatur, multo salubrius id fiet in theologia, hoc est in doctrina euangelica, in qua, ut est apud Augustinum, nullibi periculosius erratur, aut fructuosius aliqui d

quid inuenitur. Bene ergo nostris commodis prospexerunt, qui hæreticorum historiam texuerunt, vt inde cognosceremus eos à quorum commercio nos abstinere oportebat. Verùm etiam si hic eorum labor utilis valde fuerit, multo tamen magis mea sententia nostræ utilitati cōsuluissent, si plus laborassent vt ostenderent hæreses & errores, à quibus erat præcipuè abstinendum, quàm hæreticorum nomina, qui illarum hæresum fuerūt authores. Nam ex heresi cognita facillimè quisque cognoscet pertinacem eius authorem aut fautorem esse aut fuisse hereticū. At hæretico proscripto, & velut tali diffamato, non sic cognoscitur quid vitandum sit in eo. Plerique etenim norunt Arrium Sabellium & Nestorium fuisse hæreticos, & velut tales ab ecclesiæ communione eiectos atque damnatos: nō tamen perinde Arrianos, Sabellianos, aut Nestorianos agnoscunt, quia videlicet ignorant quid fuerit in causa vt ecclesia Arrium aut Sabelliū aut Nestorium tali inuiderit nota. Omitto quod in Catalogo plures hæretici nomine describūtur, quorum tamen nulla citatur hæresis propter quam constet eos merito sic fuisse notatos, vt sunt Adelbertus Gallus, Clemens Scotus, Petrus Constantinopolitanus, Petrus Olerii, Valdemarius, Nicostratus, Euagrius Ponticus, aliique multo plures. Quid quæso iuuat scire hos fuisse olim hæreticos, ignorata causa propter quam tam tristis sit in eos dicta censura, præcipuè cum istorum libri non extent, qui hac occasione forent ab idiotis vitandi? Cum igitur ob hæresim quam quisque docet aut tuerur, sit hæreticus vitandus, & nō vice versa propter hæreticum hæresis ab eo asserta: videtur mihi, quod citra inuidiam & eorum suggillationē dixerim, consultius illi fuisse facturi, si plus laborassent in hæresibus prodendis, quàm in hæreticorum nominibus recensendis. Qua in re neminem hucusque, ex his quos legi, video exactè laborasse: quoniam etsi Augustinus, aut Philaster, aut Tertullianus, aut Guido, aut Catalogus, omnium hæreticorum factiones descripsissent, nullus tamen eorum omnes cuiuslibet hæretici errores recensuit, imò eorum quilibet plures omisit. Aliquas si quidē tribuit hæreses Cataphrygibus aut Gnosticis Philaster, quarum nec meminit Augustinus de eisdem hæreticis loquens. Aliquas item Augustinus impingit Manichæis, quas nullo pacto commemorat Philaster. Guido autem cum August. sequi videatur, nec alium præter Augustinum circa ueteres hæreticos enarrādos cum vidisse appa-



reat, cum de qualibet hereticorum factione differit, non plures  
 illi errores impingit, quam apud Augustinum legit: quamuis  
 apud alios authores, si eos legisset, potuisset plures reperire.  
 Vnde apertissimè conuincitur eos in hoc tantum laborasse, vt  
 hæreticos nobis velut indice ostenderent. Quæ omnia mihi  
 pressius intuenti, visum est opus aggredi, in quo non tantum  
 studebo vt omnes recenscam hæreticos, quantum vt omnes  
 describam hæreses, quæ ad nostrum vsque tempus, scriptorum  
 quos potui habere, memoria cōseruauit, supplens ex vno, quod  
 alium omisisse videro. Quo facto, fiet vna omnium heresum  
 congeries, à qua quemlibet catholicum abstinere oportebit. Et  
 sic facile quisque agnoscet toxicum quod vitandum est, & semi-  
 tam à qua declinare debet. Vt autem ex hoc nostro labore fa-  
 cilius quilibet proficere valeat, hæreses ipsæ non iuxta tempo-  
 ra in quibus ortæ sunt, disponentur, sed iuxta rerum materias  
 circa quas versantur. Quapropter res ipsæ de quibus tractant,  
 per dictiones iuxta alphabeti ordinem digestas distribuentur.  
 Sub qualibet verò dictione hæreses illæ disponentur, quæ ad  
 rem per dictionem illam significatam spectare videbuntur.  
 Quo ordine obseruato, facillimum cuique erit, proposita se-  
 mel quacunque materia, scire hæreses quæ iam circa illam exor-  
 tæ sunt, & quas vitare oportet. Cum verò vnāquamque hæ-  
 resim pertractabo, hunc tenebo ordinem. Primò post enarra-  
 tam hæresim, hæresiarcham prodam, velut illius factionis du-  
 cem: qui postmodum sub eo duce militauerunt: qui etiam de-  
 inde errorem iam emortuum ab inferis reuocarūt. Tum con-  
 tra ipsum errorem aliquibus argumentis, eisque breuissimis  
 disputabo, quibus hæretis, mea quidem sententia, reuinci pos-  
 sit. Exequentur hoc alii doctores fortius & efficacius, ego pro  
 modulo meo præstabo quod potero. Nolui fusius spaciari,  
 quanquam forsan sepe id agere facillimè potuissem, in campo  
 latissimè patenti, sed in Arctum omnia congesi, strictius  
 omnia expendi, consultius fore iudicans, pauca idonea afferre,  
 quam multorum animos loquacitate mea prægrauari. Quòd  
 si de omnibus hæresibus esset latè disputandum, fieret necessa-  
 riò vt modum vnus voluminis etiam magni, nostrum exce-  
 deret opus: quoniā nec in tribus aut quatuor voluminibus, ne  
 dicam in vno, possent omnes hæreses coaceruari. Iccirco bre-  
 uitati studere decreui, & in compendii formam omnia redige-  
 re. Quæ verò restabunt, ad alios scriptores, si quos scierim,  
 remittam.

*Ordo quæ se-  
 q̃t̃s author*

remittam, unde vberius haurire quisque possit. Postremò si quod celebratum fuerit concilium, quod de illa re quoque pacto definierit, definitionem & decretum subiungam. Quantus autem hic noster labor fuerit, lector candidus & à liuore alienus facillè iudicabit, cum ad solas hæreses recensendas oportuerit plurimos auctores euoluere, plurima lustrare volumina, præsertim quòd cum inter recentiores sæpenumero non conueniat, oportuit ab alijs verustioribus veritatem petere. Quo labore transacto, cum viderem mihi restare maiorem, videlicet aduersus tot serpentes pugnare, tot monstra domare, deterrebar ab incepto, pondere tantarum rerum pressus: quoniam considerabam me sumpsisse materiam meis viribus minime (vt iuxta Horatij præceptum decebat) æquam: retraxissemque pedem, nisi dominum audissem dicentem, Vnus ex vobis fugabit mille. Non est enim nunc manus domini aut infirmior, aut impotentior ad me roborandum contra hæreticos, quàm olim fuit ad præstandum auxilium & robur Sampsoni contra Philisteos, quorum mille vna asini mandibula interemit. Quapropter etsi consistant aduersum me omnium hæreticorum castra, nunquam timebo: quoniam in domino confido quòd à dextris mihi erit, ne commouear. Hac ergo fiducia munitus, in campum descendo, contra omnes & singulas hæreses pugnaturus. Sed antequàm ad pugnam accedamus, prius pro certamine necessaria parare oportet, vtpote ostendere symbolum eorum hostium cum quibus pugnandum est, & arma quibus præliari oportet, iudices sub quibus certaminis periculum est subeundum. Nam si nullus sit iudex, nullus erit certandi finis, præsertim aduersus pertinaces. Verum ne dum falsos aliorum errores exagito, in aliquem ipse, dæmone instigante, & Deo permittente incurram, illud in primis testor, & testatum esse semper volo, me nolle vnquam ab ea fide quam catholica tenet ecclesia, vel latum pilum discedere. Quòd si fortè aliquid simile deprehendatur, non ex industria dictum esse volo, sed per incuriam aut ignorantiam ab homine qui errare potuit, elapsum, & iam nunc pro recantato haberi peto. dicam etenim cum Augustino, quòd errare potero, sed hæreticus nunquam ero.

Dent. 32.

Jud. 15.

FRATRIS  
ALPHONSI DE  
CASTRO, MINORI-  
TAE ADVERSUS  
HÆRESSES,  
LIBER PRIMVS.

*Quid sit hæresis.*

*Caput I.*

*Hæresis.*



E hæresibus tractaturus, ab hæresis definitione auspicandum cē sui. Prius enim oportet, iuxta Aristotelis præceptum, hæresis definitionem statuere, ad quam velut ad gnomonē sit quæuis assertio de hæresi examinanda. Hæresis iuxta nominis veram & integram significatio- nem electio dicitur, quod scilicet eam vnusquisque eligit disciplinam, quam putat esse meliorem: venitque à verbo græco *αἰροῦμαι*, quod latinè sonat eligo. Inde philosophorum sectæ aut opiniones, hæreses appellatæ sunt. ex qua vocis significatione alicui fortasse videretur doctrinam euangelicam hæresim fore appellandam, cum eam plurimi errores alios deserentes, sibi eligant, eò quod existiment esse veriorem. Verum hoc statim dissoluet quisque, si consideret euangelicam doctrinam non ab homine proditam, aut aliqua humana ratione inuentam, sed sola Dei inspiratione & reuelatione agnitam, ac ideo non ex nostra electione obuuisse alicui, sed sola Dei voluntate eam manifestante. Nullus enim suæ tantum innixus prudentiæ, illi assentire posset. Quo fit, ut prius à Deo edoctum esse oporteat, quisquis hanc verè & tenaciter (vt decet) amplectatur disciplinam. Sic enim dicit ipse veritatis magister, *Ioan. 6.* Nul-  
lus venit ad me, nisi pater meus traxit illum. Quapropter iuxta vocis proprietatem quantumlibet extensa dictione, minimæ hæresis appellari potest. Cui sententiæ fauet Theophylactus super illud ad Coloss. 2. Videte ne quis vos seducat per philosophiā, & inanem fallaciā secundum traditionē hominum. sic enim ait, Vides quēadmodum per varia, humana quædam, hominum sensus & cogitatus, captiones eiusmodi emanarint. Eoque hæreses dicuntur, quod hominum sint variæ sentientium opinio

opiniones. Sed Christianorum hæc fides nequaquam humano aliquo sensu vel iudicio constat, & ideo nec nomen aliquod sortita est istiusmodi, ut hæresis diceretur. Hæc ille. Sententia ergo quam pro suo arbitrio sibi quisque eligit, hæresis appellatur. Hinc (mea sententia) viri catholici nomen hæreseos contrahentes, assertionem à vera fide deuiantem, hæresim appellauere, quasi non à Deo habitā aut reuelatam, sed hominū electione inuentam, nec sacris literis conformem, sed veritati fidei repugnantem. Omnis enim veritas ad fidem spectans, cui credere tenemur lege diuina, à Deo ipso reuelata est, nec ex hominum electione pēdet. Alioqui si ex hominis electione pēderet, quisque impunē illi dissentire valebit: cui manifestē obuiat Paulus, qui in prima ad Corinthios epistola, capite secundo sic ait, Sermo meus & prædicatio mea non in persuasibilibus humanæ sapientiæ verbis, sed in ostensione spiritus & virtutis, ut fides vestra non sit in sapientia hominum, sed in virtute Dei. Si ergo aliquid humana ratione inuentum est, illud minimē fides est. Quò fit, ut si res se offerat, ad cuius alterā ex oppositis partem tuendam fides nos cogat, ibi assertionem contrariam, hæresim appellemus. Sic igitur euenit, ut hoc nomē hæresis, quod Ethnicis promiscuum est, omni opinioni, siue veræ, siue falsæ: theologi, qui eo paulò contractiore significato vtuntur, sit infame, eò quòd in fide, in qua oportet captiuare intellectum in obsequium Christi, proprii iudicii sententia præfertur sacris literis, aut ecclesiæ definitioni, aut consiliorum traditionibus. Qui autem sacris literis, aut ecclesiæ definitionibus contradicit, spiritui sancto huius rectori & illarum authori cōtradicit. Qui vos *Luca 10.* (inquit Christus) spernit, me spernit; qui autē me spernit, spernit eum, qui misit me. Et alibi, Qui spernit me, & non accipit *Ioan. 12.* verba mea, habet qui iudicet eum. Qui ergo ecclesia contempta, aut sacris literis posthabitis, soli suæ prudentiæ innititur, adeò arrogans est, ut huic verè tribui possit quod dicit Paulus, *2. Thes. 2.* Qui extollitur supra omne quod dicitur Deus. Quam superbiam idem gentium doctor alibi clarius exprimit dicens, *1. Tit. 6.* Si quis aliter docet, & non acquiescit sanis sermonibus Domini nostri Iesu Christi, & ei quæ secundum pietatem est doctrinæ, superbus, nihil sciens, sed languens circa quæstiones & pugnas verborum. Nolle etiam acquiescere (ut est in primo regnorum) quasi peccatum ariolandi est. Grauißimum *1. Reg. 15.* ergo peccatum est, propriæ sententiæ adeò tenaciter adherere,



ut præ illa quis ecclesiam contemnat, quæ à Deo regitur. Vnde Gregorius, Cum nequissimi spiritus vniuscuiusque animam in prauis operibus inuoluunt, sed integritatem fidei vitare non possunt, quasi adhuc inferiora membra polluunt. Qui autem in fide corrumpuntur, vsque ad verticem constuprantur. Malignus enim spiritus ab infimis membris, quasi ad summa pertingit, cum actiuam uitam polluens, castam celsitudinem fidei, diffidentiae morbo corrumpit. Hæc ille. Vides hic ut quemadmodum fides est basis totius Christianæ virtutis, ita hæresis sit totius nequitiae complementum. Hac ergo de causa, & non immerito, hæresis nomen Christianis famosum est, quod Ethnicis est promiscuum: quod apud hos liberum sit cuique pro suo iudicio sentire: apud illos verò, quantumlibet rationes vrgeant, nunquam licebit aliud quam ecclesia sentire. Ostensa ergo nominis ratione, superest ut rei definitiōnem statuamus. Hæresis est dogma falsum fidei orthodoxæ repugnans. Dicimus hic dogma falsum omnem enunciationem falsam, siue illam quis dogmatizet, siue illam secum tacitus affirmet. Nam vtrunque hæresis esse potest. At præter enunciationem hæresis nequit inueniri. Sola enim res effecta, absque iudicio intellectus definientis peccatum esse potest, hæresis autem minimè. Qui enim furatur, etsi contra scripturam id fieri vetantem agat, non est hæreticus, nisi credat furtum non esse peccatum. Fornicationem sacra scriptura prohibet: at qui ~~prohibet~~ fornicatur, nisi hoc impunè fieri credat, non est censendus hæreticus. Opus ergo solum sine intellectus errore, hæresis non est, quantumlibet opus sit ex scriptura prohibitum. Propter quod admonere oportuit, ut cum simoniam aliquando hæresim appellari audieris, intelligas, non opus ipsum quo simonia committitur, esse hæresim, sed errorem quo credit spiritualia esse venalia. Sic enim vocatur à Gregorio Nazianzeno, in fragmento quodam à Gratiano positum, prima quæstione prima, capite, qui student. Sed obstabit quispiam, si res acta, intellectu minimè circa eam errante, hæresis non est quare deprehensus in exercitio Iudaicæ cæremoniæ, aut alicuius ritus Sarracenorum, utputà quia sabbatum obseruat, aut agnum Paschalem comedit, velut hæreticus punitur. Quod si ex facto dicas suspicionem oriri, ut id quod facit, ita esse faciendum credat: cur non eadem ratione fur aut fornicator ansam suspi-

cionis

*Hæresis quis*

tionis præstat, ut suspicemur illum sic facere, quia sibi licere credit? Cui obiectioni responderetur, magnum esse inter hæc & illa discrimen. Sunt enim aliqua peccata ad quæ homines sunt natura proclives, ut sunt carnis illecebræ, auri sacra fames, honoris appetitus. Hæc ergo cum talia sint, ut in illa præcipites feramur, etiam repugnante conscientia agimus. Sunt & alia peccata, quæ secus se habent, ad quæ voluntas non fertur, eo quod nihil habent quo possint alligere voluntatem. Quapropter cum ad illa voluntas indifferens ac dubia sit, intellectum consulit, ut sciat quid facto opus sit: neque in his repugnante conscientia aliquid agere tentat. Est enim intellectus voluntati à consiliis. Sæpenumero autem accidit, ut rex, inconsultis omnibus, imò omnium consilio posthabito, in id ad quod pronus est, præceps ruat, & quod libuerit agat: cum tamen sæpissimè in reliquis, consulentibus cedat, & ex eorum consilio fieri omnia præcipiat. In his ergo ad quæ voluntas non est prona, nusquam intellectus iudicio spreto aliquid operatur. Ad cæremonias autem has vel illas observandas, nulla est à natura pronitas in voluntate, nisi fortè ex consuetudine exequendi eas, quæ altera est natura. Iccirco vehementens est suspicio, ut ibi voluntas regatur ab intellectu, ita ut quod facit, sic credat esse faciendum. Sic enim Salvator ait, Matthæi septimo, A fructibus eorum cognoscetis eos. Nam (ut Aristoteles tertio Ethicorum ait) qualis est unusquisque, talia dicit & operatur. Ex hac sola (ut opinor) ratione simoniacus appellatur hæreticus à Gregorio in Registro dicente, Quisquis per pecuniam ordinatur, ad hoc ut hæreticus fiat ordinatur. Nam ex hoc quod impreciable licetur, verisimile est eum malè sentire de sanctitate ecclesiæ, quasi credat eam velle spiritualia liceri, quam tamen ecclesiam credere tenetur sanctam immaculatam, sine macula & sine ruga. Ecclesia igitur de his, quæ foris patent iudicat, quæ non est dubium esse mala. An autem intellectus sit concors operi necne, Deus novit, qui intuetur cor. Homines autem nesciunt nisi quæ foris patent, quanquam vehementens est suspicio, ut in illis magna sit intellectus ad opus conuentio. Et hac de causa punitur ex facto istorum velut hæreticus, qui propter alia opera quantūlibet per sacram scripturam prohibita, minimè ut talis punietur eo quod ibi suspic

susplicari non liceat, vt quod facit, sic credat esse faciendum. Vt ergo ad propositam hæresis definitionem redeamus: colligamus, nullibi hæresim reperiri posse sine errore intellectus. omnis enim hæresis dogma falsum est: at non omne dogma falsum hæresis est, cū multi sint errores, in quibus (etsi pertinacia adesset) nullum peccatum est. Fuiſſet tamen graue peccatum (vt iam diximus) si hæresis esset. Non est ergo omnis error censendus hæresis: quia nec omnis veritas ad fidem catholicā pertinet. Non enim exigitur à Christiano, vt sciat numerū & vim elementorum, motum & ordinem & effectus syderum, naturas animalium, fruticum, fontium, lapidum, & alia innumera: quæ etsi Christianus ignoret, aut circa illa erret, falsum pro vero asserendo, nullum peccatum est. Vnde Augustinus in Enchiridio cap. 21. In his atque huiusmodi falsitatibus, salua fide quæ in deo nobis est, fallimur: & via non relicta quæ ad illum nos ducit, erramus. Qui errores etiam si peccata non sunt, tamen in malis huius vitæ deputandi sunt, quæ ita subiecta est vanitati, vt approbentur hic falsa pro veris, respuatur vera pro falsis, teneantur incerta pro certis. Quauis enim hæc ab ea fide absint, per quam ad veram certamque atque æternam beatitudinem tendimus, ab ea tamen miseria non absunt in qua adhuc sumus. Hæc Augustinus. Iam vides qualiter non omnis error appellandus est hæresis, sicut nec omnis veritas fides appellatur. Error ergo ille qui fidei catholicæ obuiat, hæresis dicitur. Merito ergo hæresim superius definiuimus quod sit dogma falsum, fidei orthodoxæ repugnans. Propter quod merito querendum erit, quæ sint illa quibus fidem adhibere tenemur. Opposita enim ex mutua collatione facilius cognoscuntur. Sic enim postquam cognouerimus quæ sint illa quæ ad fidem catholicam spectant, manifestè colligitur, vt omne quod illis repugnare certò sciuerimus, hæresim esse decernamus. Inde etiā ostendetur, quibus armis vtendum erit ad hæreses expugnandas. Fides autem catholica, quam indubie tenere oportet, est ea quam sacræ literæ produnt. Et non solū hæc, sed quicquid (etiam sine sacris literis) sancta mater ecclesia vniuersali traditione nobis credendum proponit. Si ergo quodlibet horum diuina lege credere tenemur: fit necessario, vt quicquid alicui horum repugnat, hæresis esse credatur. Ideo oportet vt singula hæc singulis capitulis differamus. Et primo quæ sunt scripturæ quæ pro canonicis habendæ sunt, inquiramus.

De scrip

*De scripturis canonicis quibus hareses reuincenda sunt.*

*Cap. II.*



Vm ergo aduersus hæreticos sit nobis pugna designata, expediens mihi videtur vt arma quibus dimicandum erit, prius assignentur. Sic enim in carnali militia videmus, vt prouocanti ad singulare certamen & prouocato simillima sint arma. Non enim fas est cuique pro libito armis vti, sed ea oportet vtrique esse paria simillimæque. Quo fit, vt ante congressum prodantur arma quibus certaminis periculum subeundum est: in qua re sæpenumero euenit, vt non modica sit ante pugnam de telis eligendis dissensio, cum inter eos de hac re non conuenit. Neque multum ab hoc instituto, distat disputandi ratio. Sunt enim in vnaquaq; scientia, principia in ea notissima, tanquam communia omnibus arma, quibus sublatis (vt Aristoteli placet) nullus disputationi relinquitur locus, nullumq; telum quo configere possis aduersarium. Ne ergo in posterum pluries disceptandum esset de scriptura, oportuit primum statuere quæ canonica sit, cui credere quisque teneatur. Nam sicut in alijs scientijs, prima earum principia, nullus qui eas profiteretur, negat: ita in negotio fidei, pro vnico & indubitato principio, à quolibet qui se pro Christiano gerit, haberi debet, verum esse quicquid in sacris codicibus continetur. Credi enim par est nō solum à Christiano, verum & ab Ethnico vel mediocriter pio, & de deo ea solum quæ naturali ratione haberi possunt, sentiēti: Deum adeò veracem esse, vt mentiri nequeat. Si ergo Deus mentiri non potest, scriptura ab eo condita, falsa périnde esse nequit. Et quicquid per aliorum ora Deus nobis insinuare voluit, erit périnde verum, ac si ab ore ipsius Dei prodijisset. Loquutus est nāque dominus Deus Israël (vt ait Zacharias apud *Luc. 1.* Lucam) per os sanctorum qui à seculo sunt Prophetarum eius. *Psal. 44.* Et Propheta regius testatur linguam suam calamum esse scribæ velociter scribentis. Hoc epitheto spiritum sanctum designans, cuius gratia (ex Ambrosij sentētia) tarda molimina nescit. Hoc etiam vel ipsorum Prophetarum testimonio euidenter patere potest, cum solenne sit apud eos hæc addere, Hæc dicit dominus Deus. Cui sententiæ adstipularur Paulus. *Heb. 1.* Multifariam, inquit, multisque modis olim loquens Deus patribus in Prophetis, nouissimè diebus istis locutus est nobis in filio. Ecce qual



2. Pet. 1.

Hier. 15.

Mat. 10.

Can. 4.

1. Re. 17.

*Felicianus Ratio  
non scripturae  
prohibet.*

*Fides theologiae  
fundamentum.*

cequaliter Pauli testimonio Deum ore Prophetarum locutum fuisse constat. Et beatus Petrus eandem sententiam docet, dicens. Non enim voluntate humana allata est aliquando Prophetia, sed spiritu sancto inspirante locuti sunt sancti Dei homines. Et ipse dominus Deus cuidam Prophetæ dicit: si separaueris speciosum à vili, quasi os meum eris. Denique dominus in Euangelio, quum discipulos ad prædicandum mittit, fiduciam eis quasi parum ad loquendum audacibus præbens, dicit: Non enim vos estis qui loquimini, sed Spiritus Patris vestri qui loquitur in vobis. Ex quibus omnibus manifestè colligitur scripturas aliquas diuinas esse, illas scilicet quas homines aliqui Deo inspirante scripserunt: imò (vt verius dicam) quas Deus ipse manibus hominum scripsit. his omnibus fidem integram præstare debemus, nec eis magis quam Deo illarum authori refragari licet. Harum ergo scripturarum testimonia, tanquam prima in hac scientia principia, & velut arma omnibus communia suscipienda sunt, quibus & hæreticum se tueri oportet, & nos aduersus eundem pugnare. Est enim sacra scriptura, turris Dauid cum propugnaculis munita, ex qua mille clypei pendent, omnisque armatura fortium. Hæc est etiam torrens vnde Dauid lapides sumpsit, quibus superbum Goliath prostrauit. arma Saulis, quæ magis grauant quam iuuant, ratiocinationes sunt ex humana prudentia manantes. Nam (vt dicit Hieronymus in epistola ad Theophilum Alexandrinum) fides pura, & aperta confessio, non querit strophas & argumenta verborum. Vnde patet miserè errasse Felicianum hæreticum Arrianum dicentem, in causa fidei magis rationibus quam scripturarum testimonijs vtendum esse. Illa enim circa quæ nostra fides versatur (vt aliàs longiori tractatu differemus) supra omnem rationem sunt, nec ad ea inuestiganda nostri intellectus lucernula sufficit lumen effundere sufficiens. Vnde Basilii in expositione Psal. 115. sic ait: Denique in quolibet studio, quod ordine in finem procedit, impossibile est primorum subiectorum demonstrationes inquirere, sed necesse omnium artium quæ probatione nituntur, principia sine vestigatione aut ratione posita, reliqua quæ deinceps sequuntur, cum ratione ostendere. Sic & theologiae mysterium ex fide minimè rationibus probata ædificium querit. Hæc Basilii. Velle igitur rationibus conuincere, sacram scripturam esse veracem: tanta mihi videtur dementia, ac si quis vellet rationibus fulcire prima ali-

ma alicuius scientiæ principia. Sacram scripturam esse veracem axioma est cuiuslibet se pro Christiano gerenti, contra quod solum arma sumpsimus. Non enim aduersus Ethnicos & Sarracenos est nobis sermo, sed aduersus eos qui se Christianos iactant, cum nihil minus sint. Qui omnes velut primum in hac disciplina principium credere tenentur sacram scripturam esse veracem. An vero talis scriptura diuina sit vel humana, quispiam fortè vertet in dubium. Idcirco videndum est quinam sunt hi libri qui pro canonicis habendi sunt, quorum dictis velut diuino oraculo refragari non licet, & quorum testimonio reuincendi sunt hæretici. Vt ergo sciamus libros quos pro canonicis habere oportet, audiamus quid in hac parte concilium Laodicenum in suorum decretorum cap. 59. definierit. **C O N C I L I V M L A O D I C E N V M**. Non oportet ab idiotis psalmos compositos & vulgares in ecclesijs dici: neque libros qui sunt extra canonem, legere, nisi solos canonicos noui & veteris testamenti. Quæ autem oporteat legi, & in auctoritatem recipi, hæc sunt: Genesis, Exodus, Leuiticus, Numeri, Deuteronomium, Iesu Naue, Iudicum, Ruth, Regum libri quatuor, Paralipomenon libri duo, Esdræ, Liber psalmorum numero centum quinquaginta, Prouerbia Salomonis, Ecclesiastes, Cantica canticorum, Iob, Hester, Duodecim Prophetarum libri, id est, Osee, & Amos, Ioel, Abdias, Ionas, Michæas, Naum, Abacuc, Sophonias, Aggeus, Zacharias, Malachias, Esaïas, Hieremias, Rzechiël, Daniel. Noui testamenti, id est Euangelium secundum Matthæum, secundum Marcum, secundum Lucam, secundum Ioannem, Actus Apostolorum, Canonice epistolæ septem, Iacobi vna, Petri duæ, prima, & secunda: Ioannis tres, prima, secunda, & tertia: Iudæ vna: Epistolæ Pauli numero 14. ad Romanos, ad Corinthios, prima & ij. ad Galat. ad Ephes. ad Philipenses vna, ad Coloss. vna, ad Thessalonicenses duæ, prima & secunda, ad Timotheum duæ, prima & secunda, ad Titum, ad Philemonem, ad Hebr. Hæc concilium Laodicenum. Sed iam video quantum exultet hæreticus ex ratione librorum in hoc catalogo assignata, cum videat plerosque ibi omitti, qui passim pro canonicis habentur. Nam & hoc maximè cupiunt hæretici, vt omnes quos potuerint libri à canone auferantur, neque in catalogo sacrorum voluminum connumerentur. Vident enim non licere auctoritati cuiuscunque scripturæ sacræ repugnare: quapropter summo opere nituntur scripturas minuire, ne

*Axioma christiano*

*Libri scripturæ  
Canonici.*

*Concilium  
Laodice-  
num.*

re, ne arma habeamus quibus eos confingere possimus. Cuius rei vel hoc testimonium efficacissimum esse potest, quod si forte contra suam assertionem afferatur ex quopiam sacrae scripturae libro locus aliquis tam apertus, ut non patiatur adulterinam aliquam expositionem, sicq; claudat hæreticum, ut nullam illi rimulam qua elabi possit, relinquat: statim ad hoc eis commune asylum confugiunt, ut non vereantur inficiari librum illum esse canonicum, aut vlllo modo ad sacram scripturam pertinere. Dicit ergo hæreticus quispiam. Ecce Laodiceum concilium in spiritu sancto congregatum de libris canonicis definit, nec tamen inter eos commemorat librum Tobiae, aut Iudith, aut Sapientiae, aut Ecclesiasticum, aut Machabæorum libros, aut Apocaliptim: non sunt ergo hi pro canonicis habendi. Hæc collectio cuicumque vel parum docto logico est, infirma. Nam etsi sufficiens argumentum ad probandum aliquid sit, quia iste aut ille idē dicit, non tamē sufficiens est ad aliquid negandū, quia ille non dicit. Quo fit ut ex hoc, quod libri præfati à concilio Laodicensi prætermisī sunt in ratione sacrorum librorum reddenda, non oporteat libros illos à sacro instrumento reiiciendos. Cæterum fieri potuit, ut tunc de libris illis fuerit ab eis dubitatum, & in re tam seria noluisse temerè quicquam definire, donec plenius fuissent edocti. Sed instat hæreticus. Si dubitatum est ab illis in spiritu sancto congregatis, qualiter nos audemus uelut certi asserere, de quo illi dubij fuerunt? O forte argumentum. Quid cogit ut perpetuò dubitetur, quod semel dubitatum est? Respondeat vel parum eruditus logicus, sintne sufficientes hæ collectiones? Olim dubitatum est de hac re, ergo nunc dubitatur. olim licuit vertere in dubium, nunc ergo licebit. Prima collectio clarè ostenditur infirma ex hominis profectu in addiscendo, ut continuo discendo proficiat quo fit ut plura nunc certò sciat, quæ olim vel sibi erant dubia vel penitus ignota. Cur non idem dicendum de ecclesia in membris eius? Eritne ecclesia semper in eodē statu, ut nunquam proficiat? Absit. Proficit enim ut in virtutibus & bonitate, ita in scientia & doctrina, Deo eam quotidie plenius illustrante. Propter hoc in Canticis Ecclesia comparatur aurora. Quæ est ista, inquit, quæ progreditur quasi aurora consurgens? Aurora autem temporis successu magis splendet, vehementius rutilat. Sic etiam si velimus ecclesiam à calce (ut dicitur) ad carceres reuocare, quàm parua lux in principio nascentis

scientis ecclesiæ? siue eam ad Abel vsque iustum referas, siue ad mortem Christi, quando noua surgit è cælo: tunc enim paucissimis notum mysterium illud absconditum. Illi etiam quibus nosse datum est (Apostolos excipio) non tam plenè & perfectè sicut posterì. Nimirum progreditur aurora, consurgitque sol, effunditque ob oculos nostros lucis suæ vberiores radios. Quo fit vt multa nunc sciamus. quæ à primis patribus aut dubitata, aut prorsus ignorata fuerunt. Secunda collectio ostenditur debilis, imò inanis, ex mutatione rerum, ex qua oritur etiam decretorum variatio & mutatio: vnde euenit vt quod olim licebat, iam non liceat. Cæterum cum res quæ ad fidem pertinent, nunc statæ sint & fixæ, neque ex hominum pendeant voluntate, in hac re, vt aliàs dicemus, decretorum innouationes non proueniunt ex nouitate rerum, sed ex noua illarum rerum scientia: quibus compertis, ecclesia à spiritu sancto edocta definit. Qua definitione data, non licebit dubitare, de quo antea licebat. Beatus Cyprianus in epistola ad Donatum inter multa mala quæ numerat, hoc vnum est, auditu fieri posse quod factum est. Alioqui si liceret omnia vertere in dubium, quæ olim dubitata sunt: licebit perinde dubitare an obligemur ad obseruantiam legitimorum, an baptizati ab hæreticis rebaptizandi sint. Nam hæc olim ab illustribus viris ecclesiæ dubitata sunt, Nec tamen ideo nunc dubitare licet, ecclesia illud fieri vetante. Ad hunc modum olim ab aliquibus dubitatum est de libro Sapientiæ, an esset Salomonis. Ab aliis de libro Tobix, an esset canonicus. Ab aliis de libro Iudith, eadem ratione. Ab aliis de libris Machabeorū simili de causâ. Ab aliis de epistola ad Hebræos an esset Pauli. Ab aliis de epistola, quæ sub nomine Iacobi circumfertur, an sit eius. Ab aliis denique de libro Apocalypsis. Nunc verò iam nulli de hac re dubitare licet, quia ecclesia postmodum diuino spiritu amplius illustrata, censuit libros præfatos meliore quàm antea lapillo numerandos: quod patet ex concilio tertio Carthaginensi in suorum decretorum canone quadagesimoseptimo, sic definiète: Concilium Carthaginense. Item placuit vt præter scripturas canonicas nihil in ecclesia legatur sub nomine diuinarum scripturarum. Sunt autem scripturæ canonicæ Primus Genesis, Secundus Exodus, Tertius Leviticus, Quartus Numeri. Quintus Deuteronomiū, Sextus Iesu Naue, Septimus Iudicum, Octauus Ruth, Nonus Regum libri quatuor Paralipomenon libri

*Consilium  
Carthagi  
nense.*



duo Iob vnus, Psalterium Dauidicum, Salomonis Regis libri quinque, Libri duodecim prophetarum, Esaias, Ieremias, Ezechiel, Daniel, Tobias, Iudith, Hester, Esdræ libri duo, Machabeorum liber vnus, Noui autem testamenti vigintiseptem, Euangeliorum libri quatuor, Actuum apostolorum liber vnus, Pauli apostoli epistolæ quatuordecim, eiusdem ad Hebræos vna, Petri apostoli duæ, Ioannis apostoli tres, Iudæ apostoli vna, & Iacobi vna, Apocalypsis Ioannis liber vnus, qui sunt vigintiseptem. Hæc concilium Cartaginense tertium, cui interfuit beatus pater Augustinus. Vides hic nullum librum prætermisum eorum qui in sacro volumine passim circumferuntur, præter duos Esdræ reliquos autem omnes sacris scripturis connumeratos. Hanc eandem rationem sacrorum librorum reddit Innocentius papa huius nominis primus in epistola ad Exuperium Tholosanum episcopum circa finem quæ epistola habetur in libro conciliorum, sub hoc titulo, Decreta Innocentii papæ. Is enim pontifex sanctus perinde ac doctus sic ait: Qui verò libri recipiantur in canone sanctarum scripturarum, brevis annexus ostendit. Hæc sunt ergo quæ desiderata moneri voce voluisti, Mosi libri quinque, id est Genesis, Exodus, Leuiticus, Numeri, Deuteronomium, necnon & Iesu Naue, & Iudicum, & Regnorum libri quatuor, simul & Ruth. Prophetarum libri sedecim. Salomonis libri quinque, Psalterium. Item historiarum Iob. 1. Hæster. 1. Iudith. 1. Machabeorum. 2. Esdræ. 2. Paralipomenon. 2. Item noui testamenti euangeliorum libri quatuor, Pauli apostoli epistolæ. 14. Epistolæ Ioannis tres, Epistolæ Petri duæ, Epistola Iudæ, Epistola Iacobi, Actus apostolorum, Apocalypsis Ioannis. Hæc Innocentius. Ecce eosdem libros a pontifice summo, sancto simul & docto, inter canonicos annumeratos, quos concilium Cartaginense tertium illo ferme tempore sacros & canonicos censuit. Beatus Augustinus libro secundo, de doctrina Christiana, capite octauo, eundem etiam librorum catalogum recenset. Ex quo Augustini loco scrupulus tollitur, qui fortè quempiam vrgere poterat ex catalogo librorum sacrorum superius citato ex concilio Cartaginensi, & Innocentio papa. In utroque siquidem loco adscribuntur quinque libri Salomoni: quod fieri nequit nisi Ecclesiasticus tribuatur Salomoni, quem constat non esse Salomonis, sed Iesu filii Sirach. Verùm hic scrupulus tollitur per ea quæ Augustinus dicit illo octauo capite secun-

*Innocentius 1.  
q. libri canonici*

secundi libri de doctrina Christiana. Sic enim sacros libros enumerans ait, Salomonis tres, Prouerbiorum, Cantica canticorum, & Ecclesiastes. Nam illi duo libri. vnus qui Sapientia, & alius qui Ecclesiasticus inscribitur, de quadam similitudine Salomonis esse dicuntur. Nam Iesus filius Sirach eos scripsisse constantissimè perhibetur. Qui tamen quoniam in auctoritatem recipi meruerunt inter propheticos numerandi sunt. Hec Augustinus. Verum de eo quod dicitur librum qui dicitur sapientia, esse Iesu filii Sirach, postea recantat in secundo libro Retractionum, capit. quarto, sic inquires: In secundo sane libro de authore libri quem plures vocant sapientiam Salomonis, quòd etiam ipsum, sicut Ecclesiasticum, Iesus filius Sirach. scripserit, non ita constanter sicut à me dictum est, postea didici, & omnino probabilius comperi nò esse hunc eius libri authore. Hec Augustinus. Qui et si dicat librum Sapientie non esse Iesu filii Sirach, nec tamen dicit esse Salomonis, nec etiam retractat id quod alibi dixerat, vtrunque librum. Sapientiam scilicet et Ecclesiasticum propter quandam similitudinem cum libris Salomonis, dictos esse illius. Atque ita siue Sapientia sit Salomonis, siue non, intelligimus quo pacto fieri possit vt Salomonis libri sint quinque, quemadmodum concilium Carthaginense refert: quoniam Ecclesiasticus et si sit à Iesu filio Sirach editus, tamen propter similitudinem cum aliis Salomonis libris sepe dicitur esse Salomonis. Et meritò meo iudicio Salomonis dici potest, cum multa sint in libro illo ex Salomonis libris mutuata. Post istas iam enumeratas scripturas, non est alia quæ canonica scriptura aut diuina mereatur appellari. Nam quamuis aliarum multæ sint quæ magnam habeant auctoritatem, multo tamen prænumeratis imparem. Canones siquidem apostolorum numero quinquaginta per beatum Clementem (vt dicitur) aut collecti, aut trāslati, primum post scripturas sacras tenent locum. Quapropter beatus Damascenus in quarto libro de fide orthodoxa, recensito canonico librorum catalogo, continuo post subiungit & canones apostolorum per Clementem. & beatus Isidorus in eo volumine quo omnium conciliorum decreta congescit, canones apostolorum ante omnium conciliorum decreta locauit, non quòd maior sit illorum autoritas, quàm cuiuscunque concilii vt decet congregati, sed propter apostolorum, vt su-

Spicor maiore reliquis omnibus & sanctitatem & dignitatem. Conciliorum siquidem omnium probè congregatorum decreta, vt postmodum ostendemus, firmissimam habent auctoritatem, quibus nemini licet repugnare. Nec tamen ideo conciliorum decreta, sicut nec apostolorum canones, pro scripturis diuinis habenda sunt, cum diuinas præceptiones nulli liceat euertere aut immutare: apostolorum autem canones, & conciliorum decreta, nouis succedentibus causis in multis an-

*Conciliorum auctoritas. ff. p. p. p.*

tiquata sunt. Post conciliorum decreta proximum locum tenent decretales epistolæ a summis pontificibus emissæ: longè tamen in his quæ fidem catholicam spectant, à conciliorum definitionibus earum auctoritas abest. Sed quia ex hac mea assertione quispiam fortè ansam suspicionis accipiet, me hoc loco velle docere papam esse concilio inferiorem, decreui hæc suspicionem tollere: quoniam cum de hac re variæ sint theologorum non infimæ sortis sententiæ, nolo in præsentiarum aut vni aut alteri subscribere. Non est enim intentionis meæ varias hominum opiniones in hoc opere discutere, in quo solam catholicam & synceram fidem pertractandam suscepi. Siue igitur papa sit superior reliquo Christianorum concilio, siue inferior, aliis & in alium locum disputandum relinquens, hoc vnum constanter asseuero, eas fidei definitiones, quæ a ple-  
no & integro concilio, & rectè, vt decet, congregato datæ sunt, hoc est quibus papa & reliqui in concilio congregati subscribere, maioris esse roboris & momenti, quam illas quas solus pontifex definiuit. Nam hoc tale concilium quod papæ auctoritate & consensu rectè congregatum est, non posse in fide errare, ab omnibus veris Christianis firmissimè hucutque creditum est; & nos alibi, deo duce, apertissimè ex sacris literis conuincemus. Ad papam solum absque congregatione concilii posse in iis quæ ad fidem spectant, errare, multi non contemnendæ auctoritatis theologi asseruerunt: imò aliquos pontifices summos in fide errasse compertum est. Deinde si tanta esset solius papæ auctoritas, quanta totius concilii plenè & rectè congregati, frustra tantus labor pro conciliorum congregatione sumeretur. At cum semper iudicatum fuerit conciliorum congregationes maximi esse momenti ad lites, quæ de rebus fidei emergere subinde contingit, tollendas: conuincitur inde aliquid magis esse auctoritatis penes to-  
cum

tum concilium rectè, vt decet, congregatum, quàm penes solum pontificem. Vnde manifestè error Gratiani deprehenditur, qui in volumine decretorum in exordio distinctionis vicissimè ita dicit. Decretales itaque epistolæ canonibus conciliorum pari iure exæquantur. Hoc autem vel ex eo conuincitur esse falsum, quòd nulla recta ratio patitur vt regula quæ a rectitudine deuiare potest, vllò pacto æquetur rectissimæ atque certissimæ infallibilique regulæ. Quòd si forte in Gratiani excusationem quis dixerit dictum illius ad solas causarum definitiones esse referendum, in quibus decernendis, excepta semper fidei causa, non minor est papæ potestas, quàm totius concilii: hæc interpretatio etsi verum habeat sensum, nesciotamen an verè scriptoris mentem exprimat, quoniam idem author distinctione decimanona eiusdem libri capite, in canonicis scripturis, dicit decretales epistolas esse scripturis diuinis annumerandas, & in earum ordinem referendas: motus autoritate Augustini malè intellecta, corruptèque citata. Sic enim eam citat Gratianus. In canonicis scripturis ecclesiarum catholicarum quamplurium diuinarum scripturarum solertissimus indagator autoritatem sequatur, inter quas sanè illæ sint quas apostolica sedes, & ab ea alii meruerunt accipere epistolas. hæc ibi. Quam literam si Augustinus legeret, validissimè oppugnet tantum abest vt sit Augustini. Ex ea enim plurima Christianæ fidei incommoda obuenerent. Primò vt litera illa habet, oportet diuinis scripturis annumerare nò solum epistolas quas pontifices aliis dedere, sed quas ab aliis recepere. Hæc autem adeò manifesta est ineptia, vt non sit opus eam oppugnare. Quod autem ex ea litera hoc habeatur, quis non videt? Sic enim ait, Inter quas, scilicet scripturas diuinas, sanè illæ sint quas apostolica sedes & ab ea alii meruerunt accipere epistolas. Præterea decretales illæ epistolæ per alios posteriores pontifices, aut per eosdem à quibus missæ sunt, reuocari possunt, sicut de multis factum esse constat, pro qua re commune est eorum prouerbum, Par in parem non habet imperium. Qua sententia significare volunt priorum pontificum decretis non teneri pontifices posteriores, quin liberum sit eis, cum viderint, ea reuocare. Quo solo argumento satis edocent eorum decretales epistolas non esse scripturas diuinas, cum has tori ecclesiæ nedum pontifici non liceat.

Gratian  
error

7



villo pacto infringere. Rursus plurimæ pontificum episto-  
 læ decretales per contrariam consuetudinem abrogantur,  
 quod nullo pacto canonicis diuinæ scripturæ libris conueni-  
 ri potest, cum illis nulla quantumlibet inueterata consue-  
 tudo obesse possit. Accedit huic quod magna ruditas est, eas  
 epistolas, quæ sæpe ob res temporales easque parui momen-  
 ti editæ sunt, diuinis scripturis, vel de longinquo confer-  
 re, tantum abest vt in earum ordinem referantur. Quod  
 si fortè Gratianus decretales illas epistolas commendare  
 volebat, per vera testimonia, quæ non desunt, eaque effi-  
 cacissima, id faciendum erat, non per falsa: quoniam fal-  
 sa & conficta testimonia plus authoritati derogant, quam ar-  
 rogent. Nam vt cæteras decretalium epistolarum laudes  
 prætereamus, quæ decimanona distinctione leguntur, vel  
 ista sufficit, quod vniuersalis ecclesiæ consensu probantur:  
 quoniam inter cæteros Ioannis Vuitles errores condemna-  
 tos in concilio Constanfienti, sessione octaua, is vnus est,  
 quo sic ait: Decretales epistolæ sunt apocryphæ, & sedu-  
 cunt à Christi fide, & clerici sunt stulti, qui student eis.  
 Verùm vt dictis nostris pleniorẽ quisque fidem adhibeat,  
 cognoscaturque Augustinum perperam à Gratiano intelle-  
 ctum, corrupteque citatum, operæ precium est Veram Au-  
 gustini literam in medium afferre, eiusque veram intelli-  
 gentiam edocere. Is enim beatissimus pater in secundo li-  
 bro de doctrina Christiana capite octauo (nam ex eo libro  
 sumptum est id fragmentum quod Gratianus citat) sic ait:  
 In canonicis autem scripturis, ecclesiarum catholicarum  
 quamplurium authoritatem sequatur, inter quas sanè illæ  
 sunt quæ apostolicas sedes habere, & epistolas accipere me-  
 ruerunt. Hæc Augustinus. Quæ longissimè distant ab his,  
 quæ Gratianus adducit. Nam eo loco beatus pater Augu-  
 stinus de libris canonicis scripturæ differens, hanc regulam  
 nobis assignat, vt illi libri pro canonicis habeantur, qui à  
 pluribus catholicis ecclesiis recipiuntur, inter quas ecclesias  
 Augustinus firmiter credit eas esse computandas, quæ apo-  
 stolicas sedes habuerunt: de eis scilicet ecclesiis intelligens,  
 quas apostoli velut earum episcopi rexerunt. Illas enim  
 Augustinus præcipuas esse catholicas ecclesias credit, quæ e-  
 pistolas apostolicas accipere meruerunt, id est quibus apostoli  
 suas

suas dederunt epistolas, vt Romanæ ecclesiæ, Corinthiorum, Thessalonicensium, Collossensi, Ephesinæ, Hierosolymitanæ, Antiochenæ, aut Alexandrinæ, quas omnes apostoli aut uerbis docuerunt, aut scripto. Quare Augustinus putabat eas copiosius in fide illustratas esse oportere, quod firmiorē ac pleniorē apostolicum habuissent sermonem. Nec immeritò tunc id credebat beatissimus pater; quoniam nondum ab hostibus Christianæ religionis prouinciæ illæ captæ populatæque fuerant. Putauit autem Gratianus illud pronomen relatiuum, uidelicet quas, vbi dicitur, inter quas sanè illæ sunt, quæ &c. ad scripturas debere referri: quod non ita se habet, sed ad ecclesias referendum est: quod ex sequentibus maximè pater quibus illa minimè cohærere possunt. nam scripturæ diuinæ non habuerunt sedes apostolicas, nec recipere possunt epistolas apostolicas. Verum vt litera suo sensui cohærere possit, literam Gratianus mutare decreuit, & loco alterius relatiui ab Augustino nominatiuo casu positi, scilicet quæ, ille posuit accusandi casum, & dixit quas. vbi Augustinus dixerat apostolicas sedes in accusatiuo, ille dixit apostolica sedes in nominatiuo. Sed quoniā his permutatis literæ sensus adhuc minimè constabat, aliquid addere, aliquidq; minuere ei visum est: nā ex litera Augustini abstulit hoc verbum habere, addiditq; ex suo cerebro hæc tria verba, scilicet, ab ea alij. Atq; vt semel dicamus, vbi litera Augustini sic habet, Inter quas sanè illæ sunt, quæ apostolicas sedes habere, & epistolas accipere meruerūt. Gratiani litera ad scripturas diuinās relata sic habet, Inter quas sanè illæ sint, quas apostolicas sedes, & ab ea alij accipere meruerunt epistolas. Quarum literarum differentiam facilè quisq; agnoscer. Ex quo loco quisq; facilè colliget quantum intersit vtrum ex ipsis purissimis fontibus aquā haurias, an ex turbulētis riuīs, aut putridis lacubus. Nam si Gratianus illum locum in Augustino legisset, vir alioqui (vt puto) doctus, clarè errorem deprehendisset, etiam si litera vitata fuisset in eo codice quo utebatur: precipuè si considerasset beatum Augustinum, qui libros de doctrina Christiana se componere ob sacrarum literarū intelligentiā profiteretur, nullo pacto de summorum pontificū decretalibus epistolis fuisse locutum, nec vllam ante illa verba aut postmodum de illis fecisse mentionem. Dictorum siquidem intelligentia (vt beatus Hilarius. iij. de trinitate docuit) ex causis dicendi sumenda est. Cum ergo beatus Augustinus in

toto illo tractatu de doctrina Christiana semper versetur circa doctrinæ diuinitus reuelatæ intelligentiâ, vel inde colligere potuisset literam illam nullo pacto ad decretales epistolas esse referendam. Hoc etiam ex ipsismet verbis Augustini in eodem capite post relata verba, subiunctis plenè cognoscere potuisset. Nam post assignatas iam regulas ad scripturas canonicas dignoscendas, deinde expressis omnes eas nominibus propriis appellans, ait: Totus autem canon scripturarum in quo istam considerationem versandam dicimus, his libris continetur: quinque Moseos, id est Genesi, Exodo, Leuitico, Deuteronomio, & vno libro Iesu Naue. Atque ita per omnes libros, qui in communi biblia deferuntur, discurrens, nullas recenset decretales pontificum epistolas, cum tamen illum dixerat esse totum canonem scripturarum, in quo capienda erat cauta illa quam prædixerat consideratio. Nec mirari quisquam debet quod pro hoc Gratiani errore conuincendo tantum sudauerimus, quoniam sermo erat de capite, & non de vmbra, vt dicitur, asini. Non est quidem res parui momenti, an talis scriptura pro diuina sit recipienda, an pro humana. \* Oportebat igitur hunc errorem omnibus palam facere, ne aliis deinceps errandi occasionem Gratianus præberet, prout hætenus multis magni nominis viris præbuit, qui sola Gratiani autoritate freti, verba illa Augustini in suis scriptis citarunt corrupta & lacerata, quemadmodum in Gratiani decreto legerant. Nam Ioannes de Turre Cremata (vt alios multos præteream) hunc Augustini locum prout Gratianus illum corruerat, citat libro quarto de summa ecclesiæ, parte secunda, capite nono. Thomas de Vio Cardinalis Caietanus in libro de primatu Romanæ ecclesiæ cap. xiiij. Hæc Augustini verba prout à Gratiano corruptè citantur, affert ad probandum Romanæ ecclesiæ primatum. Si autem literam illam in ipso Augustino Caietanus legisset, vir certè longè doctissimus, & ingenij acumine præditus, facile agnouisset nec verbum vllum illhic Aug. dixisse, quod primatui Romani pontificis vtcunque fauere posset.

*Quod solus librorum canonicorum sensus literalis efficax est ad hæreticos vincendos, & quis sit dicendus literalis sensus.*

Caput III.

Cæterum hoc admonere oportet, sacram scripturam sæpenumero multiplicem pati intelligentiam in vna eademque

démque litera. Est enim ibi historia, quæ res gestas loquitur, quam literalem sensum vsitato ac vulgari nomine appellant. Allegoria, in qua aliud ex alio trahentes, quid de diuinitate & humanitate, de Christo & ecclesia sit credendum ostenditur. Tropologia, in qua figuratiua quadam locutione de moribus ordinandis differitur. Anagogia, per quam de cælestibus differentes ad superiora ducimur. gratia exempli, Si de Hierosolyma tractare velimus, dicimus iuxta historiam esse quandam ciuitatem in Iudæa sitam. Iuxta allegoriam ex nominis interpretatione dicimus significari ecclesiam, propter pacem nimiam in ea existentem, quam Christo nato angeli nunciarunt, quam Christus moriens discipulis obnixè commendauit, quam discipuli ipsi sic custodierunt, vt spiritu nondum recepto, in eius expectatione suspensi habuerint cor vnum, & animam vnā. Quid putas nunc post receptum spiritum, nisi id quod Christus eis precatus est, vt vnum videlicet essent, sicut ipse & pater vnum sunt? Secundum tropologiam significat animam cuiuslibet iusti, cui bestiarum vitiorum pacifica sunt, vt iam nihil sit in quo eum accuset conscientia, sed in pace sit tabernaculum eius, vt ait Iob. Denique iuxta anagogiam designat supernam illam Hierosolymam matrem nostram, quæ (teste Paulo) libera est: cuius pax tanta est, vt exuperet omnem sensum: quæ vtinam custodiat corda & corpora nostra à conturbatione hominum. Sunt & alia id genus tam multa in sacris literis, vt operosum esset recensere, imò verius dixerim, mihi impossibile. Cum ergo tot possint eidem literæ sensus accommodari, hoc aduertendum est, nullum eorum sensuum in argumentationem adducendum, nisi qui verè & germanè literam explicat, quem literalem sensum, vt dixi, nostri theologi appellitant. Nam cum alij sensus intra literæ corticem magis lateant, oportet vt ratiocinatione & discursu, & per quasdam rerum similitudines deducantur. In quibus deducendis facilis est error, cum per humanam inquisitionem hoc fiat. Sic enim Donatus & ei succedens Rogatus dicentes intra illos solos, & eorum affeclas ecclesiam contineri, volentesque errorem suum sacræ scripturæ testimonio fulcire, adducunt illud Canticorum: Indica mihi vbi pascas, vbi cubes in meridie? Per hoc efficere volentes ecclesiam ad solam meridionalem plagam, quam ipsi incolebant, redactam esse. Futile satis argumentum, & ex

*Scriptura in intellectu nuda  
triplex.*

*Iob. 5.*

*Gal. 4.*

*Can. 1.*



1. Pet. 2.

falsa intelligentia, ut patet: nempe ex sensu mystico satis abstruso, & infideli minimè patenti. Sic etiam Lutherus volens ostendere omnem hominem cuiuscunque status aut sexus esse sacerdotem, assumit illud: Vos autem genus electum, regale sacerdotium &c. At literalis sensus patentior est, cum vocum significatione aut ex eius coniunctissimo vicino hauriatur: quo fit ut solus sensus literalis efficax sit ad dogma aliquod destruendum aut fulciendum. Sic enim ait Augustinus in epistola ad Vincentium Donatistam, quæ est in ordine quadragesimo octava. Quis autem non impudentissimè nitatur aliquid in allegoria positum, pro se interpretari, nisi habeat & manifestissima testimonia, quorum lumine illustrentur obscura? Hæc ille. Beatus Hieronimus in secundo libro commentariorum super Matthæum, pertractans de fermento à muliere absconso in farinæ fatis tribus, postquam retulit quorundam expositionem applicantium parabolam illam ad trinitatem personarum, & unitatem essentialis hæc verba subiungit: Pius quidem sensus, sed nunquam, parabolæ, & dubia ænigmatum intelligentia potest ad auctoritatem dogmatum proficere. Hæc ille. Cum ergo nullus sacræ scripturæ sensus alius quam literalis efficax sit ad hæresim reuincendam, operæ precium erit inquirere quis pro literalis sensu habendus sit. Sensus literalis multiplici via habetur. Aliquando ex ipsarum vocum nuda significatione. Aliquando capitur non ab ipsis vocibus, sed à re per voces significata. Non enim fieri potest, ut semper iuxta primam vocum significationem sensus literæ capiatur: alioquin multa absurda, & quæ piæ aures horrent, reperirentur in sacris codicibus tam in nouo, quam in veteri instrumento: qualia sunt omnia illa, quæ Deo membra corporalia videntur tribuere, aut cum Deus dicitur agnus, leo, petra, vitis, vermis, & id genus plura, quæ omnia dicit Christus per similitudinem, non per proprietatem. Et ut breuissimo compendio utar, vbicunque metaphora, aut translatio aut figurata aliqua locutio inuenitur, ibi non est dicendus sensus literæ is, quem voces prima significatione exprimunt, sed is qui deducitur ex similitudine quam res vocibus significata cum alia re habet: qualia sunt multa in nostra communi locutione, ut si voracem aliquem appellare volueris, lupum dixeris: si auarum, talpam: non quòd hæc sint verè, sed magis illa quorum

rum dicuntur istæ similitudines. Augustinus libro tertio de doctrina Christiana capite quinto. In principio cauendum est ne figuratam locutionem ad literam accipiamus. & infra, Qui enim sequitur literam, translata verba sicut propria tenet, nec illud quod proprio verbo significatur refert ad aliam significationem. Sed si sabbatum audierit verbi gratia, non intelligit nisi vnum diem de septem, qui continuo volumine repetuntur. Et cum audierit sacrificium, non excedit cogitatione illud quod fieri de victimis pecorum terrenisque fructibus solet. Ea demum est miserabilis animæ seruitus, signa pro rebus accipere, & supra creaturam corpoream, oculum mentis ad hauriendum æternum lumen leuare non posse. Et in eodem libro capite decimo. Huic autem observationi qua cauemus figuratam locutionem, id est translata, quali propriam sequi, adiungenda etiam illa est, ne propriam quali figuratam velimus accipere. Demonstrandus est igitur prius modus inueniendæ locutionis, propriæ an figuratæ sit. Et iste omnino modus est, vt quicquid in sermone diuino neque ad morum honestatem, neque ad fidei veritatem propriè referri potest, figuratum esse cognoscas. Morum honestas ad diligendum Deum & proximum, fidei veritas ad cognoscendum Deum & proximum pertinet. Hæc August. Cum ergo iam constiterit de locutione figuratam esse, hoc cauendum est, ne præscriptum esse putetur, vt quod semel res aliqua per quandam similitudinem significauerit, hoc eam semper & in omni loco significare credatur. Vna siquidem & eadem res multis proprietatibus gaudet, propter quas plurium rerum similitudinem, ac ideo significationem gerit. Quò fit vt eadem res aliquando diuersa, aliquando opposita repræsentet, propter diuersas proprietates in ea repertas, per quas non tantum diuersis rebus, verum etiam oppositis, similis inuenitur. Leo enim propter constantiam & fortitudinem Christum repræsentat, *Apoca. 5.* vt ibi, Vicit leo de tribu Iuda. Idem & propter voracitatem dæmonem significat, vt apud Petrum, Aduersarius uester diabolistanquam leo rugiens circuit quærens quem deuoret. *1. Pet. 5.* De figuratis locutionibus satis me dixisse arbitror pro breuitate quam tenere decreui. Sit ergo ex antedictis hæc regula, Eum esse literalem sensum, quem voces aut res vocibus expressæ significant. Nec tamen omnis talis, sed ille solus, quem spiritus sanctus intendit. Quod vel ex eo manifestè collig

colligitur, si recolamus id quod paulò antè diximus, sacrorum scilicet librorum authorem esse spiritum sanctum. Ille enim verè germanus literæ sensus est, quem scriptor intendit. Ille verus vocis sensus, quem vocis prolator per eam intelligi voluit. Scripturis enim perinde ac vocibus affectus & cogitatus nostris testamur. Cum ergo spiritus sanctus sacre scripturæ sit author, ille pro vero eiusdem scripturæ sensu haberi debet, qui à spiritu sancto intenditur. Omnis autem alius adulterinus est, aut nothus. Vnde Hieronymus super Epistolam ad Galatas.

„Quicumque scripturam aliter interpretatur quam sensus spiritus sancti efflagitat, licet ab ecclesia non recesserit, hæreticus appellatur. Hæc Hieron. Cæterum de sensu parabolarum, qui cum intra literalem circumscribere voluerit, non ab re faciet. Si autem nollet, non obsto. Verum circa parabolas ipsas quarum frequens est usus in Euangelij, hoc admonendum celsi, quod (vt Augustinus dicit) sic accipiendæ sunt, non vt essent, sed vt esse possent: vt cum (gratia exempli) dicitur, Simile est regnum cælorum homini patrifamilias qui exijt primo mane conducere operarios. Quod si forte nusquam id contigit, vt per illas easdem temporum vicissitudines iret atque rediret paterfamilias, ociososque quos semper inueniebat, in vineam suam mitteret, id tamen fieri potuisse nihil prohibet: quod satis est parabolæ. Sed quoniam sæpenumero contingit vt eidem literæ plures accommodentur sensus literales seclusis alijs qui de mystica rerum significatione hauriuntur: hoc casu cauendum est, ne vllus eorum reiiciatur, dum modo ex alijs sacre scripturæ locis testimonium habeat, voces illas alicubi id quod nunc eistribuitur, significare: & sensus qui ex tali vocum significatione illi literæ accommodatur, si veritati fidei catholice minime obstat, vt: que eorum tanquam germanus & verus literæ sensus censebitur. Quid enim obstat scripturam sacram esse adeò fertilem, vt binos fœtus edat? Sic enim de ecclesie doctoribus qui sciunt quantumlibet abstrusos literæ sensus eruere, mystica significatione dicitur, Dentes tui sicut greges tonsarum, quæ ascenderunt de lauacro, omnes gemellis fœtibus, & sterilis non est inter eas. Hoc autem testimonio beati Augustini tertio lib. de doctrina Christiana capite 27. comprobatur. Sic enim ait. Quando autem ex eisdem scripturæ verbis nō vnum aliquid, sed duo vel plura sentiuntur, etiam si lateat quid senserit ille qui scripserit, nihil periculi est si quodlibet eorum congruere

Can. 4.

congruere veritati ex alijs locis sanctarum scripturarum doceri potest: id tamen eo conante qui diuina scrutatur eloquia, vt ad voluntatem perueniatur authoris per quem scripturam illam sanctus operatus est spiritus, siue hoc assequatur, siue aliam sententiam de illis verbis quæ fidei rectæ non refragatur, exculpatur, testimonium habens à quocunque alio loco diuinorum eloquiorum. Ille quippe author in eisdem verbis quæ intelligere volumus, & ipsam sententiam forsitan vidit. Et certe Dei spiritus qui per eum hæc operatus est, etiam ipsam occursum lectori vel auditori sine dubitatione præuidit, imo vt occurreret, quia & ipsa est veritati subnixa, prouidit. Nam quid in diuinis eloquijs largius & vberius potuit diuinitus prouideri, quam vt eadem verba pluribus intelligantur modis, quos alia non minus diuina contestantia faciant approbari? Hæc Augustinus. Et de hac re hæc dicta sufficiant.

*Quod sacrarum scripturarum interpretatio quam quisque fidelis amplecti tenetur, ad solam ecclesiam pertineat.*

Cap. IIII.



Vanquam regulam præscripsimus per quam cognosci valeat, quocunque sensu signato, sit ne verus sacræ scripturæ sensus, an non, multi tamen illa abutuntur: liberèque ac pro libito scripturam interpretantur, vt eam in sui erroris testimonium trahant. Vt enim inquit Aug. in lib. 83. questionum questio-  
ne sexagesimanona, Non potest error oriri palliatus nomine Christiano nisi de scripturis non intellectis. Sic enim à principio nascentis ecclesiæ vsque ad seculum nostrum factum esse reperimus. Nam & beatus Petrus testatur Paulinas epistolas 2. Pet. 3, ab aliquibus perperam intellectas, qui eas in suum errorem detorquere conabantur. Sic enim ait, Sicut & charissimus frater noster Paulus secundum datam sibi sapientiam scripsit vobis, sicut & in omnibus epistolis loquens in eis de his in quibus sunt quædam difficilia intellectu, quæ indocti & instabiles deprauant, sicut & cæteras scripturas, ad suam ipsorum perditionem. Arrius plures admodum sacræ scripturæ locos in sui erroris probationem attulit, omnes tamē male intellectos. Fecerunt & hoc ipsum Nouatiani, Donatistæ, Pelagiani, Nestoriani, & qui non? Omnibus enim hoc commune fuit, vt scripturis perperam intellectis, pestilenterque expositis, suos tutati sint

*Aug. Hæc est origo scripturæ ut intelligatur.*



ti sint errores. Et hanc, proh dolor, hodie incurſionem à Lutheranis patimur quibus adeò frequens eſt Euangelium, & Paulinæ epistolæ, vt nihil aliud ſpirare videantur. Verùm Deo immenſæ agendæ ſunt gratiæ, qui omnes has eccleſiæ inſeſtationes, ad uiam & eccleſiæ gloriam vertit, quæ iſtibus percuſſa, ad meliora prouehi cogitur. Nam huiusmodi hæreticorū cauſa factum eſt, vt relictis quibuſdam nugis, quibus à trecentis annis hucusque homines ſeſe dedidere, ad meliora ſtudia ſe tranſtulerint. Quo fit vt multo plures viros doctos nunc eccleſia poſſideat, quam à quadringentis retroactis annis hucusque habuerit. Oportet enim (vt ait Paulus) hæreſes eſſe, vt probati, maniſeſti fiant. Quod exponens Auguſtinus in libro ſuper Genefim contra Manichæos, ait. Ideo diuina prouidentia multos diuini erroris hæreticos ipſe permittit, vt quum inſultant nobis, & interrogant nos quæ neſcimus, vel ſic excutiamus pigritiam, & diuinas ſcripturas noſſe cupiamus. Propterea apoſtolus ait: Oportet hæreſes eſſe, vt probati maniſeſti fiant. Hi enim Deo probati ſunt, qui bene docere poſſunt: ſed maniſeſti eſſe hominibus non poſſunt, niſi quum docent: docere autem nolunt, niſi eos qui quærent. Multi autem ad quærendum pigri ſunt, niſi per moleſtias & inſultus hæreticorum quaſi de ſomno excitentur. Qui homines ſi bonæ ſint fidei, non credunt hæreticis, ſed quid illis reſpondeant, diligenter inquirunt. Nec eos deſerit Deus, quin petentes accipiant, & quærentes inueniant, & pulſantibus aperiatur. Hæc Auguſtinus. Si ergo hæreſes ſunt, & ex peruerſa ſacræ ſcripturæ intelligentia ( vt infra longius dicemus) oriuntur, oportet penes aliquem eſſe poteſtatem interpretandi ſacram ſcripturam, cui interpretationi quilibet fidelis aſſentire teneatur. Alioqui nulla patet via conuincendi hæreticum, ſi cuique liceat pro ſuo arbitratu eam interpretari. Verùm quia poſſibile eſt vt hoc ab aliquo negetur, ſic rationibus illud fulcire oportet, vt vel impudentiſſimus ſit qui obſtet. Qua de cauſa vnum quemlibet hæreticum conuenio, & rogo an credat aliquem eſſe aut vſquam fuiſſe hæreticum à vera fidei regula deuiantem? Nullus (opinor) inſiciabitur aliquem fuiſſe vſquam, qui à recta fidei regula diſceſſerit, niſi fortè ex ſecta rhetoricorum fuerit: qui ( vt Philaſtro placet) æſtimarunt omnes hæreſes veras eſſe, hæreticoſque ſemper bene ſentire. Quod adeò magna eſt dementia, vt Auguſtino lib. hæreſ. cap. 72, impoſſibile videatur hominem vllum adeò ſtupuiſſe, vt hoc

hoc asseuerarit. Non dubito quin Arrianus hæreticum censet Sabellium, Sabellius vice versa Arrianum. Pelagius si superstes esset, iudicaret Lutherum à vera fide deuiare, Lutherus hoc idem impingit Pelagio. Sunt enim eorum assertiones adeò pugnantes, vt altera alteri minimè cohærere queat. Si ergo (vt par est) concedat aliquem fuisse hæreticum, percontabor tunc an pateat via qua homo ille doceri possit, vt nisi malitia obster, excitari possit ab errore? Quod si abnuat, fateatur necesse est nullam culpam esse imputandam hæretico quòd ab errore non discedat, vtpote quia immedicabili ignorantia laborat. Dominus enim (vt ait Augustinus in quodam sermone) seruum pigrum non damnaret, si ea quæ fieri nullo modo poterant, imperaret. Si verò concedet aliquam viam patere qua homo ab errore auocari possit, docerique perperam sacram scripturam intellexisse, quæro à quo docendus erit? Non ab alio homine, quia de quolibet homine causabitur illum decipi, nollétque ob id interpretationem eius amplecti. Omnis enim homo errare potest in fide, etiam si *papa* *occurrit*  
*papa sit.* Nam de Liberio papa refert Platina illum sensisse cum Arrianis, & Anastasium secundum huius nominis pontificem fauisse Nestorianis, qui historias legerit, non dubitat. Cælestinum papam etiam errasse circa matrimonium fidelium quorum alter labitur in hæresim, res est omnibus manifesta. Neque hic Cælestini error talis fuit, qui soli negligentiae imputari debeat, ita vt illum errasse dicamus velut priuatam personam, & non vt papam, qui in qualibet re seria definienda consulere debet viros doctos: quoniam huiusmodi Cælestini definitio habebatur in antiquis Decretalibus, in ca. Laudabilem, titulo de conuersione infidelium: quam ego ipse vidi & legi. Si ergo nulli homini iure tenemur in interpretatione sacrarum literarum credere, propterea quòd quilibet homo solus errare potest, erit necessariò iudicium interpretationis penes totam ecclesiam, penes quam ius fuerat discernendi sacras scripturas ab humanis. Nam hæc errare non potest, quum à spiritu sancto sit edocta. Nullus enim verius scripturam aliquam interpretari potest, quàm qui mentem & spiritum scriptoris habet. At certum est ecclesiam spiritum Dei habere. Sic enim Christus promisit. Alium *Ioan. 14.*  
 paraclerum dabo vobis, qui suggeret vobis omnem veritatem. Et alibi de seipso dicit. Ego vobiscum sum vsque ad consumm

- Mat. 27.** consummationem seculi. Si ergo Deus ecclesie semper adstat, & spiritus eius suggerit illi omnem veritatem, quid sit ut falli possit, aut scripturam interpretari nesciat, quare ab authore scripturæ quotidie edocetur? Adde quod ecclesia sponsa est Christi, in qua cor viri eius maximè confidit, ut dicitur in lib. Prover. At non bene in ea confidere diceretur, si illi scripturas offerret, quarum claves apud se retineret. Hoc autem eveniret si scripturis ecclesie traditis, earum intellectum non traderet, sed penes se retineret Deus. Nunquid celare potero Abraham, ait **Gen. 28.** Deus, quare facturus sum? Si ergo Abraham Deus celare noluit quare facturus erat, quanto minus celabit ecclesiam scripturarum, intelligentiam? Propterea ecclesia hoc habet, ut verbum Dei possit à verbis hominum discernere: nam alias nesciremus hoc esse Evangelium Matthæi, illud verò Marci vel Lucæ nisi testimonio ecclesie id asserentis didicissemus. Certum est autem hanc potestatem discernendi scripturas divinas ab humanis ecclesiam non aliunde habere, quam à Deo: nec ob aliam causam, quam ne in his erraret ecclesia, in quibus non errare, maximè oportebat. Vnde manifestè conuincitur, ut si penes ecclesiam sit discretio verborum Dei à verbis hominum, sit etià penes ipsam ecclesiam potestas discernendi sensum divinum ab humano. Alioqui enim nihil profuisset si ecclesia Deo docente sacram scripturam veram discernat à falsa, & in scriptura vera nesciat falsum sensum à vero separare. Non enim minor erat iactura si falsum sensum ecclesia pro vero susciperet, quam si scripturas hominum pro divinis amplecteretur. Hieronymus super epistolam ad Galatas. Non putemus in verbis scripturarum esse Evangelium, sed in sensu: non in superficie, sed in medulla: non in sermonum folijs, sed in radice rationis. Hæc Hieronymus. Quo fit ut qua lege credimus ecclesie dicenti hanc esse scripturam divinam, eadem lege credamus ei dicenti hunc aut illum esse sensum scripturæ divinæ. Nam parum referebat scripturas tenere, si vera earum intelligentia ecclesia fraudata esset. Non enim contentio est in verbis, sed in rebus. Constat alijs verbis Græcos uti, alijs Latinos. Aliud est Hispanis idioma, aliud Gallis, aliud Germanis, aliud Britannis. Non est terra iam vnius labij, cum tamen eadem sit res de qua loquuntur. Nihil interest an verba Christi hoc aut illo idiomate proferas, modò eundem referas sensum quem ille intelligi voluit. Ad eundem modum minimum refert eadem tenere

*Hieronymus*

tenere verba, si oppositis se eumque pugnantibus sensibus à diuersis exponantur. Nos etenim Christum adorantes, & coram eo procidentes dicimus. Aue. Iudæi eidem illudentes dicebant, Aue. Verba sunt eadem: quis tamen nesciat inter nostra & illorum verba magnum esse discrimen ex vario sensu, variâque intentione? Iudæi enim illusionem, nos autem reuerentiam eisdem verbis significamus. Cum ergo tātum intersit, ut hoc aut illo sensu verba capienda sint maximè oportuit penes ecclesiā esse ius scripturas interpretandi, non aliter quàm diuinas scripturas ab humanis discernendi. Alioqui nulla pateret via qua hæresis reuinci potest. Nam cum omnes hæretici, ut diximus, suos errores scripturis confirment, qui ex scriptura minimè oriūtur, sed ex adulterino eius sensu: quo pacto sensus ille reiici poterit, si illum hæreticus velut germanum literæ sensum recipere velit? Aut à quo reiicietur, si penes nullum sit auctoritas sacram scripturam interpretandi? Dices fortè rationibus & argumentis & coniecturis præcedentium & sequentium verborum contextu, verum literæ sensum elici posse. Fateor hæc plurimum iuuare, nec tamen rem omnino absoluēt: quoniam nec semper coniecturæ cogunt, nec argumenta euidenter colligunt, præcipuè in rebus fidei, vbi minima est argumentorum vis. Adde quòd multa sunt quorum verus sensus longissimè à litera discedit, tantum abest ut ex ea conici possit. Sed ecce dum ad bellum accingimur, & arma paramus ad cōgressum, signo adhuc minimè ad pugnam dato, inuadit nos vnus ex his quos expugnare decreuimus, nempe Lutherus. Quisnam is sit, quum de hæresibus sigillatim agetur, enarrabimus. Is enim in suo libro de captiuitate Babylonica, quum de sacramento eucharistiæ disserit, sic ait: Verbis diuinis non est facienda vis, neque per hominem, neque per angelum, sed quantum fieri potest, in simplicissima significatione seruāda sunt: & nisi manifesta circumstantia cogat, extra grammaticam & propriā accipienda nō sunt, ne detur aduersariis occasio vniuersam scripturam eludendi. Hæc Lutherus. O fomentum plurimarum hæresum. Iam Lutherum percontari vellem, an semper iuxta simplicissimā significationem, & iuxta solam grammaticam verba accipienda sint, an aliquando licebit extra grammaticæ limites diuagari? Quòd si id licere neget, in vanum ergo laborauerunt tot illustres viri in eruendis veris sacrę scripturę abstrusissimis sensibus: nec tantum oporteret circa eam laborem im-



- pendere, si sola grāmatica sufficiat, & verborū simplicissima si-  
gnificatio. Adde quòd multa tunc in sacris literis reperientur,  
quæ vel parum pius homo aut rideret, aut abominaretur: quale  
est illud, vt vnum aut alterum ex multis afferam. Ego dispono  
L<sup>u</sup>. 22. vobis mensam, sicut disposuit mihi pater, vt edatis & bibatis  
super mēsam meam in regno meo. Cui alludere videtur illud  
Esaia, cū de retributione iuxta vniuscuiusque opera singulis  
donanda differens, ait his qui in luxu & fastu vitam hanc trans-  
egerunt, Serui mei comedent, vos autem esurietis: serui mei bi-  
Esa. 65. bent, vos autem sitietis &c. Quæ si iuxta solam verborum sim-  
plicissimam significationem, vt Lutherus ait, accipiēda essent,  
quis non videt ex hoc ansam præberi Cherinto fouendi suam  
impiam hæresim, qua ait in illa expectata beatitudine futuras  
esse carnis delicias? Omnibus etiam vel, illud notissimum est  
Io. 14. quod Christus ait: Pater maior me est. Si nulla ibi requiratur  
interpretatio præter illam quæ ex verborum simplissima signi-  
ficatione hauritur, certū est inde arma gratis donari Arrianis,  
quibus suam excitent tandiu sepultam hæresim. Si nulla alia  
expositio est adhibenda sacris literis præter illā quæ ex gram-  
maticæ regulis hauriri potest, satis exultabunt inde Marcion  
hæreticus, & Manichæus eius imitator, dicentes legem veterem  
Ro. 5. fuisse malam: quoniam Paulus ait. Lex autem subintravit, vt  
abundaret delictum. Et idem Manichæus se triumphasse de ca-  
tholicis credet, cū ait prophetas omnes errasse, quoniā Chri-  
stus ait. Quotquot ante me venerunt, fures sunt & latrones. Ex  
Ioan. 10. his ergo luce clarius ostenditur, vt si Lutherus nolit consentire  
Cherinto, aut fauere Arrio interpretationem sacrarum litera-  
rum extra grammaticæ alueum non solum admittat, verum  
etiam exigat. Quid, quòd Lutherus sæpissime sui instituti im-  
memor, sacram scripturam quæ a catholicis obiicitur, exposi-  
tione minimè regulis grammaticæ conuenienti detorquet, &  
in alienum sensum trahit? vt facile est videre cū verba Chri-  
sti quibus panem in suum corpus vertit, dilacerat. Sic enim ex-  
ponit, hoc, id est hic panis, est corpus meum. Verum vt vbique  
tyrannidem exerceret, noluit legem quam tulerat, pati. Vult  
enim Lutherus, vt verè se Phariseorum fermentum habere  
ostendat, nobis onera importabilia imponere, cū tamen ipse  
nec digito velit ea mouere. Cū enim prius legem statuisset  
de inhibenda scripturæ interpretatione, in eam quam vidistis  
expositionē prorupit, de qua infra in titulo de eucharistia dis-  
seremus

seremus. Si ergo tibi Luthere tribuis potestatem sacram exponendi scripturam quæ tibi obiicitur, cur non permittes tot sapientibus facultatem exponendi eas quas nobis obiicis auctoritates? Tibi temere licebit pro tuo arbitratu deprauare scripturas, & catholicæ ecclesiæ non licebit aliquid exponere? Vis enim has quibus inniteris auctoritates non exponi, nec summis digitis tangi, sed iuxta literam accipi: nefasq; esse ais à literæ cortice vel tantillum discedere: cum tamen has quæ nobis & veritati fauent, mira libertate contrectes, detorqueas, alienes. Estne forte tibi alia scriptura quàm nobis, ita quod illa exponenda non sit, hæc autem etiam à canibus dilaniari permittatur? Aut si forte tibi eadem est scriptura sacra quæ & nobis, unde hæc tibi & tuis complicitibus audacia, ut quàm nobis adimittis interpretandi potestatem, vobis ipsis arrogetis? Estne forte à nobis ablatum regnum dei ut daretur vobis? Si hoc ita esse asseritis, ostendite vos esse eam gentem facientem fructus, cui Christus regnum hoc se daturum spondit, & credo. Eos tamen fructus neque vidimus, neque spero videbimus, nisi deus Mat. 21 sua benignissima pietate vestros miseratus errores, à tenebris in lucem vos aliquando reducat. Quod si forte Luthero vexatio iam dederit intellectum, ut vobis perinde ac sibi permittat sacras scripturas interpretari: hinc iam eueniet, ut cum inter nos & illum de vera literæ intelligentia non conueniat, sit penes alium iudicium, qui omni contentione sublata, verum & catholicum sensum ostendat. Is autem talis sit oportet, ut falli nequeat. At omnis homo falli potest, ut paulò ante ostendimus. ecclesia autem falli non potest, in his maximè in quibus multum interest non falli. Conuincimus ergo penes ecclesiam esse potestatem & discernendi scripturas diuinas ab humanis, & in eisdem scripturis diuinis sensum diuinum ab humanis separandi, cuius discretioni, & iudicio quilibet fidelis tenetur obtemperare in vno perinde, ac in altero.

- pendere, si sola grāmatica sufficiat, & verborū simplicissima si-  
gnificatio. Adde quod multa tunc in sacris literis reperientur,  
quæ vel parum pius homo aut rideret, aut abominaretur: quale  
est illud, vt vnum aut alterum ex multis afferam. Ego dispono  
L<sup>u</sup>. 22. vobis mensam, sicut disposuit mihi pater, vt edatis & bibatis  
super mēsam meam in regno meo. Cui alludere videtur illud  
Esaia, cū de retributione iuxta vniuscuiusque opera singulis  
donanda differens, ait his qui in luxu & fastu vitam hanc trans-  
egerunt, Serui mei comedent, vos autem esurietis: serui mei bi-  
bent, vos autem sitietis &c. Quæ si iuxta solam verborum sim-  
plicissimam significationem, vt Lutherus ait, accipiēda essent,  
quis non videt ex hoc ansam præberi Cherinto fouendi suam  
impiam hæresim, qua ait in illa expectata beatitudine futuras  
esse carnis delicias? Omnibus etiam vel, illud notissimum est  
Io. 14. quod Christus ait: Pater maior me est. Si nulla ibi requiratur  
interpretatio præter illam quæ ex verborum simplissima signi-  
ficatione hauritur, certū est inde arma gratis donari Arrianis,  
quibus suam excitent tandiu sepultam hæresim. Si nulla alia  
expositio est adhibenda sacris literis præter illā quæ ex gram-  
maticæ regulis hauriri potest, satis exultabunt inde Marcion  
hæreticus, & Manichæus eius imitator, dicentes legem veterem  
fuisse malam: quoniam Paulus ait. Lex autem subintravit, vt  
Ro. 5. abundaret delictum. Et idem Manichæus se triumphasse de ca-  
tholicis credet, cū ait prophetas omnes errasse, quoniā Chri-  
stus ait. Quotquot ante me venerunt, fures sunt & latrones. Ex  
Ioan. 10. his ergo luce clarius ostenditur, vt si Lutherus nolit consentire  
Cherinto, aut fauere Arrio interpretationem sacrarum litera-  
rum extra grammaticæ alueum non solum admittat, verum-  
etiam exigat. Quid, quod Lutherus sapissime sui instituti im-  
memor, sacram scripturam quæ a catholicis obiicitur, exposi-  
tione minimè regulis grammaticæ conuenienti detorquet, &  
in alienum sensum trahit? vt facile est videre cū verba Chri-  
sti quibus panem in suum corpus vertit, dilacerat. Sic enim ex-  
ponit, hoc, id est hic panis, est corpus meum. Verum vt vbique  
tyrannidem exerceret, noluit legem quam tulerat, pati. Vult  
enim Lutherus, vt verè se Phariseorum fermentum habere  
ostendat, nobis onera importabilia imponere, cū tamen ipse  
nec digito velit ea mouere. Cū enim prius legem statuisset  
de inhibenda scripturæ interpretatione, in eam quam vidistis  
expositionē prorupit, de qua infra in titulo de eucharistia dis-  
seremus

seremus. Si ergo tibi Luthere tribuis potestatem sacram exponendi scripturam quæ tibi obicitur, cur non permittes tot sapientibus facultatem exponendi eas quas nobis obiicis auctoritates? Tibi temere licebit pro tuo arbitratu deprauare scripturas, & catholicæ ecclesiæ non licebit aliquid exponere? Vis enim has quibus inniteris auctoritates non exponi, nec summis digitis tangi, sed iuxta literam accipi: nefasq; esse ais à literæ cortice vel tantillum discedere: cum tamen has quæ nobis & veritati fauent, mira libertate contrectes, detorqueas, alienes. Estne forte tibi alia scriptura quàm nobis, ita quòd illa exponenda non sit, hæc autem etiam à canibus dilaniari permittatur? Aut si forte tibi eadem est scriptura sacra quæ & nobis, vnde hæc tibi & tuis complicitibus audacia, vt quàm nobis adimittis interpretandi potestatem, vobis ipsi arrogetis? Estne forte à nobis ablatum regnum dei vt daretur vobis? Si hoc ita esse asseritis, ostendite vos esse eam gentem facientem fructus, cui Christus regnum hoc se daturum spondit, & credo. Eos tamen fructus neque vidimus, neque spero videbimus, nisi deus Mat. 21 sua benignissima pietate vestros miseratus errores, à tenebris in lucem vos aliquando reducat. Quòd si forte Luthero vexatio iam dederit intellectum, vt vobis perinde ac sibi permittat sacras scripturas interpretari: hinc iam eueniet, vt cum inter nos & illum de vera literæ intelligentia non conueniat, sit penes alium iudicium, qui omni contentione sublata, verum & catholicum sensum ostendat. Is autem talis sit oportet, vt falli nequeat. At omnis homo falli potest, vt paulò ante ostendimus. ecclesia autem falli non potest, in his maximè in quibus multum interest non falli. Conuincimus ergo penes ecclesiam esse potestatem & discernendi scripturas diuinas ab humanis, & in eisdem scripturis diuinis sensum diuinum ab humanis separandi, cuius discretioni, & iudicio quilibet fidelis tenetur obtemperare in vno perinde, ac in altero.



Quòd aliqua sunt quibus ex vniuersalis ecclesiæ definitione fides integra adhibenda est, etiam si expressis sacra scriptura testimonius non valeant comprobare.

Cap. V.



T multa sunt hæreticorum dogmata, quæ testimonio scripturarum minimè refelli possunt, sed solum vniuersalis ecclesiæ traditione reiciuntur. Hanc autem ecclesiæ traditionem plurimi hæreticorum sublannant, deridentq;.

Iob. 31

Nā & ea se ab eis derideri queritur apud Iob, dicēs: Nūc autē ridēt me iuniores tempore quod exponens beatus Gregorius, ait: Omnes hæretici ætati vniuersalis ecclesiæ comparati, iuniores tempore congruè vocantur, quia ipsi ab ea, n. n. autem ipsa egressa est

I. Ioan. 2

ab illis. Vnde rectè quoq; per Ioannem dicitur: A nobis exierunt, sed non erant ex nobis: nā si fuissent ex nobis, permansissent utiq; nobiscum. Iuniores ergo tēpore sanctam ecclesiam irridēt, quum hi qui ab ea egressi sunt, doctrinæ eius verba despiciunt. hæc Gregorius. Ideo iaciendū est solidissimum fundamentū quo tanquā firmissimo præsidio aduersus hæreticos sæpissime in posterum nos munire oportebit. **Vniuersalis ecclesiæ traditiones aut definitiones** in his quæ fidem spectant, etiā si aperta scriptura in earū probationem desit, non minoris sunt authoritatis quā ipsa sacra scriptura. Hanc autem assertionem, vt non facile ruat, pluribus oportet rationibus fulcire. Prima, quia non minus efficax est ad docendū fidē & mores vox docentis, quā scriptura: imò lōgè efficacior: quod vel auctore Hieronymo in epistola ad Paulinū de omnibus sacre scripturæ libris satis constat. Sic enim ait: Habet nescio quid latentis energix, viue vocis actus, & in aures discipuli de auctoris ore transfusa, fortius sonat. Dic ergo an præbeas fidē euangelii, eò quòd ab hominibus scripta fuere, an quia à deo ipsis hominibus inspirata, qui & corda & manus eorum ad scribendum mouebat? Non dubito te hac ratione ad eorum fidē adduci, quòd credis eos in scribendo diuino afflatos spiritu. Quid ergo prohibet diuinum spiritum a stare ecclesiæ loquenti, perinde ac euangelistæ scribenti? Cum ipse dicat apostolis: Non estis vos qui loquimini, sed spiritus patris vestri qui loquitur in vobis. Nunquid destituit deus iam ecclesiam suā spiritu suo, vt per os eius loqui dedignetur vt antea? Absit. Nā ipse dicit, Ego vobiscū sum vsq; ad consummationē seculi. Si ergo credis scripturæ diuinæ per manus euangelistarū & apostolorum scriptæ

cur

Cur non credis voci diuinę per os ecclesię prolate? At dicis fortę te scire hanc scripturam esse diuinam, ac ideo te illi præbere aurem: nec tamen ita scis vocem illam esse diuinam, ac ideo non credis, crediturus autę si tibi aliqua ex parte innotesceret vocem illę ecclesię hoc aut illud asserētis esse diuinam. Dic obsecro, vnde scis hunc librū esse Matthęi, illū Marci, illum verō Lucę, aut illum Ioānis? Num adsedisti scribingentibus? Quod si dicis te hoc scire ex titulis qui eorum scriptis apppositi sunt, erit hac ratione vt nō tenacius adhæreas vt credas primū ex quatuor euangeliis esse Matthęi, quā vt credas librū de ciuitate dei aut de trinitate esse Augustini. quod si annuis, certę vacillat fides tua & baculo tenerrimo innititur. Quis enim nescit quā sepiissime errent titulorū inscriptiones, adeo vt eundē librum duorum aut triū authorum diuersis titulis inscriptū reperiās? Quo fit vt pro talibus inscriptionibus defendendis rarō velim contendere. Ne autę negem primum euangelium esse Matthęi, aut epistolam ad Romanos esse Pauli, ceruicę libentissime gladio opponā. Verūm fortę dices (vt par est) te credere hoc euangelium esse Matthęi, illud verō Lucę, quia ecclesia ita testatur. Si ergo credis ecclesię dicenti hoc euangelium esse Matthęi, illud verō Lucę, quę res est tam seria, vt ex ea cætera ferme omnia pendeāt: cur non credis eidem ecclesię dicenti reliqua, etsi scripturis ea minimę confirmet? Nunquid vt crederes ecclesię dicenti hoc euangelium esse Matthęi, exigis ab ea testimonium ex scriptura diuina, sine qua minimę crederes? Nunquid oportuit vt Matthęus testaretur de Luca eū scripsisse euangelium, aut Lucam hoc idem testari per scriptū de Matthęo? Si hoc ita est, vt semper scriptura quęlibet in sui comprobationem alterius scripturę testimonium exigat, quis non videt hac ratione abeundum esse in immensum sine fine? Quo fiet vt nunquam scire quis possit certō de scriptura aliqua, esset ne diuina, an humana. Si verō hoc non exigitur, cur ecclesię absque vllō diuinę scripturę testimonio dicenti tibi hoc esse euangelium Matthęi, credis: in aliis autem sine scripturę diuinę testimonio nō vis credere? Nonne eadē est ecclesia quę hoc asserit & illud? Nonne scripturarū discretio est res adeo seria, perinde ac quęuis alia? Cæterū vt fortius agamus, & clarius hominē conuincamus, hoc vnō gratis donamus, te absq; scripturę sacrę & ecclesię testimonio, sed sola sancti spiritus illustratione edoctum scire euangelium esse huius vel illius, ac ideo dicas te credere illi:

, Dic ergo, cur credis euangelistę, & non ecclesię, cuius ipse euan-  
 , gelista membrũ vnum fuit, cum ecclesiã tanto euāgelistas ex-  
 , cellat, quanto integrũ corpus singulis pręstat mēbris? Si vni fi-  
 , dis, cur diffidis cunctis? Si membro tribuis tantũ, cur toti nihil  
 , tribuis corpori? Pręterea non legimus Christũ aliquid scripsisse,  
 , se, sed solũ verbo docuisse, ex cuius verbis multa pręterierunt  
 , euangelistę, quorum nullam prorsus fecere mentionem. Vnde  
 , Ioannes euangelista in ult. euan. sui cap. ait: Sunt & alia multa  
 , quę fecit Iesus, quę si scriberentur per singula, nec ipsum arbi-  
 , tror mundum capere possẽ eos qui scribendi sunt libros. Pari  
 , ergo ratione credendum est, nec eos omnia quę Christus di-  
 , xerit, scripsisse: quale est illud. Beatius est dare quàm accipere:  
 Añ. 20. quod Paulus testatur Christũ dixisse, cũ tamẽ nullus euan-  
 , gelistarũ illius dicti meminerit. Et Lucas ca. Actorum apost.  
 , refert de Christo domino nostro, quod post resurrectionẽ suã  
 , prębuit seipsum discipulis suis viuũ in multis argumentis, per  
 , quadraginta dies apparens eis, & loquens de regno Dei, ex qui-  
 , bus verbis vix vnum & alterũ scriptum reperiẽs. Credendum  
 , est tamen apostolos aliis verbo narrasse tam facta quàm dicta,  
 , atque ita ex ore in os, & ex pectore in pectus transfusa ad nos  
 , vsque peruenisse sine alio quouis scripturę testimonio. Insu-  
 , per multa fuerunt apostolorum dogmata & pręcepta de re-  
 , gimine ecclesię, quę scripto minime fuerunt mandata. Nam  
 , Actorum apostolicorũ. cap. 15. dicitur quod Paulus electo Syl-  
 , la profectus est, traditus gratiæ Dei à fratribus. Perambulabat  
 , autẽ Syriam & Ciliciã confirmans ecclesias, pręcipiens custo-  
 , dire pręcepta apostolorũ & seniorum. Et sequenti capitulo di-  
 , citur de Paulo & eius discipulo Timotheo in hũc modũ, Cũ  
 , autem pertransirent ciuitates, tradebāt eis custodire dogmata  
 , quę erant decreta ab apostolis & senioribus qui erant Hieroso-  
 , lymis. Hęc parum nostro proposito conducunt, quoniam apo-  
 , stolorum canones reperimus quos ipsi ad regimen tunc nascentis  
 , ecclesię ediderunt. Hos per quadraginta & octo capita dig-  
 , gestos, Isidorus in principio conciliorum collocauit. Quos à  
 , Clemente papa & martyre (vt dicitur) translato, Zepherinus  
 , & Leo summi pontifices & sexta synodus approbarunt. Da-  
 , mascenus tantum illis tribuit, vt in fine decimioctauis capitis  
 , quarti libri de fide orthodoxa, videatur eos in numerum cano-  
 , nicorum librorum referre. Nam cũ de canonicis libris  
 , dissent, eorum catalogo recensito, nulla prorsus distinctio-  
 , ne fact

Canones Aposto-  
 lorum.

ne facta, subnectit canones Apostolorum per Clementem. Sed his dimissis, vel illud maxime nostram assertionem cōfirmat, quod Paulus ait in. 2. ad Thessa. epist. Itaque fratres state, & te- 2. Thes. 2.  
ne traditiones quas didicistis, siue per sermonem, siue per epi-  
stolam nostram. Et in secunda ad Timotheum epistola. Tu er 2. Tim. 2.  
go fili mi confortare in gratia quæ est in Christo Iesu : & quæ  
audisti à me per multos testes, hæc commenda fidelibus homi-  
nibus qui idonei erunt alios docere. Ex quibus duobus locis sa-  
tis clarè ostenditur Paulum aliqua verbo solo tradidisse, quæ  
nusquam scripto mandauerat. Tunc peto an præcepta habeat  
vim & robur suum à scriptura, an ab animo obligantis? Si ex  
animo solum præcipientis pendent, quum voces æquè animum  
testentur, ac scripturæ: quid sit, ut verba ab vno ad alterum trans-  
missa, non habeant æquam vim obligandi sicut scripturæ? At  
dices verbis non esse tantam fidem adhibendam, quanta debe-  
tur scripturis, eò quòd verba citius faciliusque; permutantur, mi-  
nuuntur, augentur, deprauanturque, quàm scripturæ. Esto, sed  
nunquid ideo semper diffidendum erit verbis, ut nunquam ali-  
cui credatur, nisi scripturis comprobe? Absit. Hoc enim mo-  
do omnis conuictus humanus peribit: non crederem me ince-  
pisse aliquando, non crederem talem esse patrem meum, & ta-  
lem matrem meam. Nulli credere, ac omnibus, summæ dementi-  
æ est. Nonne testes sunt efficacissimi ad rei probationem?  
In ore duorum vel trium, inquit Christus, stat omne verbum. Ioan. 8.  
Quis autem efficacior testis esse potest, quàm ecclesia, quæ ocu-  
latus testis est, & spiritu veritatis afflata, mendax esse nequit?  
Ecclesiam verò oculatum esse testem eorum quæ refert, sic con-  
uincimus, quoniam ecclesia ex omnibus fidelibus constat, non  
solum præsentibus, verum etiam præteritis, & in posterum fu-  
turis. Aliàs tot oporteret ecclesias fingere, quot sæcula fluxis-  
sent. Cui tamén sententiæ manifestè ipse ecclesiæ sponsus ob-  
uiat dicens. Vna est columba mea, vna est amica mea. Et Apo-  
stolus: Despondi vos vni viro virginem castam exhibere Chri-  
sto. Virginem dixit, non virgines. Si ergo vna est, fieri oportet  
ut hæc eadem ecclesia quæ nunc est, audierit Christum prædi-  
cantem, viderit morientem, congratulata fuerit resurgenti,  
conspexerit in cœlos ascendentem, assederit Euangelistis &  
Apostolis scribentibus, assiterit docentibus. Si ergo horum o-  
mnium ecclesia est testis oculatus, erit per omnia ei creden-  
dum, cum certum sit eam neque mēiri velle, neque ignorare quæ



asserit. Præterea in primordiis ecclesiæ nascentis, cum primò oriebatur, post receptum spiritum sanctum aliquod temporis spacium interiectum est vsque ad primam euangelij conscriptionem: quo tempore nulli dubium quin credendum esset ecclesiæ circa credenda & agenda à Christo mandata, etiam si tunc ecclesiæ omni scripturæ præsidio careret. Eritne fortè dicendum vt breuior sit nunc ecclesiæ autoritas, quàm tunc? Aut detrudemus ecclesiam in tam angustos limites, ut eam nunc ex scripturæ testimonio pendere dicamus, quæ olim minimè pendebat? Erit ergo sine vlla hæsitatione tenendum, vniuersalis ecclesiæ traditionibus & definitionibus, etiam si hæc nullis scripturæ sacræ testimoniis comprobentur, tantam fidem esse adhibendam, quanta ipsismet scripturis sacris debetur, quum illis linguam æquè nunc moueat spiritus sanctus in locutione earum rerum in quibus nostra salus pendet, sicut olim mouit manus scriptorum ad scripturas sacras scribendas. Sed ne hæc nostris solū rationibus ductus dixisse videar, expedit vt ostendam hanc eandem fuisse mentem probatissimorum quoruncunque virorum, qui de hac re fecere mentionem. Augustinus in epistola ad Ianuarium, quæ est in volumine epistolarū eius

118. Illa quæ non scripta sed tradita custodimus, quæ quidem toto orbe terrarum obseruantur, datur intelligi vel ab ipsis apostolis vel plenariis cōciliis (quorum est in ecclesiā saluberrima autoritas) cōmendata atq; statuta retineri. Vnde hæc quin ita facienda sint disputare, insolentissimè infanici est. Hæc ille. Et in epistola ad Casulanum presbyterum: In his rebus de quibus nil certi statuit diuina scriptura, mos populi Dei & instituta maiorum pro lege tenenda sunt. Et sicut præuaricatores diuinarum legum, ita contemptores ecclesiasticarum consuetudinum coercendi sunt. Hæc Augustinus. Alia sunt quamplurima eiusdem beatissimi patris huic proposito conducentia testimonia, quorum omnium vel illud præcipuum est, quod aduersus Cresconium grammaticum scribens ait: Proinde quantum huius rei certum de scripturis non proferatur exemplum, earundem tamen scripturarum etiam in hac re à nobis tenetur veritas, quum hoc facimus quod vniuersæ iam placuit ecclesiæ, quam simul ipsarum scripturarum commendat autoritas, vt quoniam sancta scriptura fallere non potest, quisquis falli meruit huius obscuritate quæstionis, eandem ecclesiam de illa consulat, quam sine vlla ambiguitate sancta scriptura demonstrat.

Hæc

August

Hæc Augustinus. Hoc etiam confirmatur testimonio Ioannis *Damasconi* Damasceni, qui in 13. ca. 4. libri de fide orthodoxa, docens qualiter Deum adorare debeamus ad orientem, dicit. Non scripta *Oratio fides* est autem hæc apostolorum traditio: nam multa sine scripto, *Oriente* nobis tradita sunt. Idem quoque in 17. eiusdē libri cap. Est autem hæc traditio non scripta, perindē ac adorationis ad orientem. adorare scilicet crucem, & alia plurima hisque dicta sunt similia. Hæc Damascenus. Sed Origenes etiam in hanc manibus (vt dicitur) ac pedibus it sententiam. Is enim homilia quinta supra librum Numerorum sic ait: In ecclesiasticis observationibus sunt nonnulla quæ omnibus quidem facere necesse est, nec tamen ratio eorum omnibus patet. Nam quod, verbi gratia, genua flectimus orantes, & quod ex omnibus cæli plagis ad solam orientis partem conuersi orationem fundimus, non facile cuiquam puto ratione compertum. Sed & eucharistiæ siue percipiendæ, siue eo ritu quo geritur explicandæ, vel eorum quæ geruntur in baptismo verborum gestorumque, & ordinū, atque interrogationum ac responsionum quis facile explicet rationem? Et tamen omnia hæc operta & velata portamus super humeros nostros, quū ita implemus ea & exequimur, vt à magno pontifice & eius filiis tradita & commendata suscepimus. Hæc Origenes. Vides hic qualiter Origenes testatur aliqua esse quæ nobis facere est necessarium, etsi eorum nulla ex scripturis ratio pateat, sed sola ecclesiæ observatio. Irenæus etiam Lugdunensis episcopus & martyr, martyrisque discipulus, huic sententiæ subscribit in cap. 4. tertij libri aduersus hæreses, dicens: Tantæ igitur ostensiones quum sint hæc, non oportet adhuc quærere apud alios veritatem, quam facile est ab ecclesia sumere, quum apostoli quasi in depositorium diues plenissimè in eam contulerint omnia quæ sunt veritatis, vt omnis quicumque velit,umat ex ea potum vitæ. Hæc est enim vitæ introitus: omnes autem reliqui fures sunt & latrones. Propter quod oportet deuitare quidem illos: quæ autem sunt ecclesiæ, cum magna diligentia diligere, & apprehendere veritatis traditionem. Quid enim? & si quando de aliqua modica quæstione disceptatio esset, nonne oportet in antiquissimas recurrere ecclesias, in quibus apostoli cōuersati sunt, & ab eis de præsentiquæstione sumere quod certum & rei liquidum est? Quid autem si neque apostoli quidem scripturas reliquissent nobis, nonne oportebat ordinem sequi traditionis, quem tradiderunt his, quibus

committebant ecclesias? Hec Irenæus. Huius autoritas non parui est momenti, nam præter sanctitatem & doctrinam qua polluit, discipulus fuit Polycarpi martyris, quæ Ioannis euangelistæ discipulū fuisse plures testantur historiæ. Abeant ergo Ioannes Vvitclesus, & Ioānes Hufs, & Mart. Luthe. eorūq; complices, & quibus volēt suas iactent insanias, erogentq; quantū voluerint ecclesiæ autoritati. Nam mihi horum per tot secula probatissimorum virorum suffecisset autoritas, etiam si nulla ratione superius euicissem. Dicamus ergo in omnibus quæ aut credenda aut agenda sunt, ecclesiæ esse obediendū, etiam si scripturæ autoritas desit, quāvis hæc ei deesse nō possit, quū hanc ei autoritatem ipsæmet scripturæ tribuāt. Nam alioqui qualiter asseremus Mariæ perpetuam virginitatem, aut filium dicemus patri consubstantialem, quum hæc minimè in sacris literis reperiantur? Mariæ siquidem perpetua virginitas in sacris literis nusquam clarè inuenitur, nisi fortè in figuris multis & ænigmatibus, quæ (vt tertio capite diximus) minimè ad dogma, aliquod adstruendum sufficiunt. Filij autem consubstantialitatis etsi ex euangelio conuincatur, nusquam tamen (vt Arrius, Athanasio opponebat) expressè in euangelio reperitur. Vtrunque tamen ecclesiæ vniuersalis traditione tenemus, cuius firmissima est autoritas. Sunt & alia id genus multa quæ operosum esset recensere: quæ etsi non sunt scripturis expressa, eorum tamen aliqua ecclesia spiritu sancto afflata ex collatione scripturarum colligit, alia per sola verba ab vno in alterum per tot secula transfusa retinuit: cui illud regij prophetæ alludere videtur: Sicut vnguentum in capite quod descendit in barbam, barbam Aaron, & in oram vestimenti eius. Ita vt à Christo capite in apostolos transmissa verba, sint iterum ab ipsis apostolis in vestimentum effusa, vsque in oram vestimenti, id est in finem vsque ecclesiæ, quæ tunica est inconsutilis, quam hæretici scindere conantur. Præterea si nihil asserendum est nisi ex scripturis expressis probari possit, vt ait Lutherus, qualiter ipse testatur se credere purgatorium esse, cum tamen alibi dicat purgatorium non posse ex sacris literis probari? Verū nec mirum, quoniam Lutherus sæpissimè tanquam turdus (quemadmodum dicitur in prouerbio) sibi malū cacat.

Quod

Quod ecclesiam uniuersalem concilia generalia ritè congregata sufficienter exprimant ac representent quorum cōciliorum definitionibus & traditionibus ea erit præstanda fides, quæ uniuersali ecclesiæ debetur.

## Caput VI.



Stendimus satis, ut opinor, manifestè, uniuersalis ecclesiæ traditionibus & definitionibus esse sine ulla hæsitacione obtemperandum. At dubitabit quispiam fortè, vbinam uniuersalis ecclesiæ vnquam congregata fuerit ad aliquid definiendum, aut quo pacto vnquam congregari possit, cum sit toto terrarum orbe diffusa? Nam hæretici quidam sunt, nempe Viteclefuitæ, Hufsitæ, Lutherani, horum historias enarrabimus cum inferius ad singulas eorum hæreses deuentum fuerit, qui ne ecclesiam aperto Marte inuadere videantur, negant quicquam eam vnquam sanxisse, & ideo fingunt nobis quādam ecclesiam inuisibilem, verèque mathematicam, ab omni sensu abstractā. Quæ etsi visibilis esset, nihil vnquā definire posset, quod cum tam latè pateat, minime, ut dicunt, ad aliquid definiendum tota vnquam insimul cōgregari valuit. Et quoniam hoc est validissimum eorum scutum quo muniuntur, quum eis ecclesiæ auctoritas obiicitur, ideo ad eius extenuationem, imò verius dixerim destructionem, ante omnia annitendum erit. Nam in posterum cum aduersus singulas hæreses pugnabimus, frequēs nobis admodum erit ecclesiæ auctoritas, quæ tanquam acutissimotelo hæreticos cōfigemus. Quapropter ut nullū eis in hac parte reliquerimus scutum quo se tueri possint, hoc prius ostendendū fuit, ecclesiā visibilē esse, sensibusq; hominum obiectā, alicubi iam sepe congregatā, sepeq; olim congregabilē. Sed ante omnia prius oportebit iuxta Aristot. præceptū ostendere quid sit ecclesiā, ne ex re perperā intellecta, ut sepe cōtingit, sit disceptatio. Ecclesiā de qua nūc agimus, quæ multis dicitur, et alia quid est fidelium omnium cōgregatio, quæ corpus vnu est cuius caput est Christus: nos autē singuli, alter alterius mēbra. Nam quod oēs nos vnū corpus sumus, cuius corporis caput est Christus, testatur Paulus in epi. ad Ro. Sicut enim, inquit, in vno corpore Rom. 12. multa membra habemus, omnia autē membra non eundē actum habent, ita multi vnu corpus sumus in Christo. Et iterum 1. Cor. 13. in prima ad Corinthios epist. idem cōfirmat dicēs: Sicut enim corpus vnum est, & membra habet multa, omnia autem membra corporis cum sint multa, vnum tamen corpus sunt: ita



Ephē. 1.

Colo. 1.

*oēs catēd pax  
tes visibiles sūt*

*caput catēd  
sūt visibiles sūt*

Baru. 3.

Esa. 53.

Act. 1.

Io. 20.

ita & Christus. Etenim in vno spiritu omnes nos in vnum corpus baptizati sumus, siue Iudæi, siue Gentiles, siue serui, siue liberi. Iam vides quomodo ex Pauli sententia omnes fideles qui semel Christo in baptismo dedicati sunt, vnum corpus efficiant, cuius ipse Christus sit caput. Quod autem corpus ipsum ex omnibus fidelibus compactum sit ecclesia, testatur idem Paulus in epistola ad Ephesios, vbi loquens de Christo redemptore nostro ait: Et omnia subiecit sub pedibus eius, & ipsum dedit caput supra omnem ecclesiam quæ est corpus ipsius, & plenitudo eius. Et iterum ad Colossenses quasi eandem repetit sententiã, Adimpleo, inquit, ea quæ desunt passionum Christi in carne mea, pro corpore eius quod est ecclesia. Cum ergo singuli fideles qui sunt velut membra corporis huius, quod est ecclesia, visibiles sint, & oculis hominum obiecti atque parentes, qui sit vt ecclesia quæ totum est corpus, inuisibilis sit? Non est enim verisimile, aut rationi consentaneum, vt id inuisibile sit, cuius omnes partes ex quibus coalescit, visibiles sunt & conspicuæ. Verum iam video eos aduersus quos agimus, id negare quod assumpsimus, omnes scilicet huius corporis partes visibiles esse, cum caput ipsum, quod Christus est (vti ipsi asserunt) inuisibile sit. Sed hoc cauillum ita reiiciemus, vt nullus tergiversationi pateat locus. Nam siue loquaris de eo ante gloriam resurrectionis, siue postmodum, vtrouique eum per carnis assumptæ dispensationem visibilem reperies. Nonne Baruch Propheta de eo dicit: Post hæc in terris visus est, & cum hominibus conuersatus? Si enim de eo quum doloribus & morti obnoxius erat, loquaris, quid prohibet vt qui esurit, sitit, lassatur, tristatur, crucifigitur, non etiam videatur? Nonne ad illud tempus refertur quod Esaias de eo ait: Vidimus eum leprosum, & cuius non erat aspectus. Si verò post susceptam immortalitatis stolam id dicas, vel illo solo Actuum, Apostolorum testimonio conuinceris: Quibus & præbuit se ipsum viuum post passionem suam in multis argumentis, per dies quadraginta apparens. Qualiter autem potuit multis argumentis ostendere apostolis se vitam recuperasse, nisi apostoli eum vidissent? Præterea discipuli in castellum quod dicitur Emaus euntes (et si oculi eorum tenebantur ne eum agnoscerent) nonne Christum viderunt? Insuper Thomæ prius incredulo, postmodum verò fideli, dicit ipsum met caput iam glorificatum: Quia vidisti me Thoma, credidisti. Alij etiam con-

discipuli

discipuli dicunt eidem Thomæ. Vidimus dominum. Et Paulus in prima ad Corin. epist. testatur de pluribus qui Christum 1. Cor. 15, post resurrectionem suam viderunt. Sic enim ait, Visus est Cephræ, & post hoc undecim. Deinde visus est plusquam quingentis fratribus simul, ex quibus multi manent vsque adhuc, quidam autem dormierunt. Deinde visus est Iacobo, deinde Apostolis omnibus. At dices fortè tunc ideo visibilem fuisse, eò quòd suæ claritatis radios continuerit, inuisibilis futurus si omnem glorificatæ carnis splendorem effudisset. Id esse falsum tribus testibus cõuincitur, Petro scilicet, Iacobo & Ioanne, vt in ore duorum vel trium stet omne verbum. His enim ab eo in Mat. 17. montem excelsum ductis, transfiguratus est ante eos, & resplenduit facies eius sicut sol. Ipsum verò sic transfiguratum discipuli viderunt. Nam si non viderunt, quomodo postmodum testes eius rei esse possunt? Et si Petrus non vidit, quo ergo allectus dicit: Bonum est nos hic esse? Si ergo Petrus & alij duo Christum transfiguratum viderunt, qui sit vt nunc eum stola immortalitatis indutum videre non possumus, quantalibet claritate fulgeat? Nam transfiguratus symbolum quoddam futuræ immortalitatis dedit, & in ea fuit refulgentia, in qua nunc ad dexteram patris residet. Sic enim ait glossa communis quæ ordinaria appellatur, Marci nono: In ea fuit claritate in qua erit peracto iudicio. Et Beda ibidem, Transfiguratus saluator non substantiam veræ carnis amisit, sed gloriam futuræ vel suæ vel nostræ resurrectionis ostendit. Qui qualis tunc apostolis apparuit, talis post iudicium cunctis apparebit electis. Hæc Beda. Est ergo caput ecclesiæ Christus, omni tempore visibile: *Pastor vultu visibilis sit.* & cum de alijs ecclesiæ membris non sit qui dubitet ea esse visibilia, colligitur inde, totum corpus esse visibile. Adde quòd eadem ecclesia aliquando vocatur grex, iuxta illud Petri, Pascite qui in vobis est gregem. Huius autem gregis oues singulæ sunt singuli fideles, quos eidem Petro vt verbo & doctrina 1. Pet. 5. pasceret, commisit dominus dicens, Pasce oues meas. At quo modo erit grex inuisibilis, cuius omnes oues conspicuæ sunt? Aut quomodo pastor pascet gregem quem non videt, nec eum, villo modo cognoscere potest? Vt enim oportet pastorem vultum cuiusque pecoris sui cognoscere, ita etiam totum gregem, vt sciat suum gregem ab alieno discernere. Oportet ergo vt grex qui à pastore debet pasci, sit ei visibilis: & corpus cuius singula membra sunt visibilia, ipsum quoque corpus integrum sit visi-

- fit visibile. Nam quanuis fides qua ipsum corpus solidatur, &  
 - charitas qua viuificatur, & spiritus sanctus quo regitur, omnes  
 - inuisibiles sint, nihil tamen obstat vt corpus ipsum sit visibile:  
 - quemadmodum nihil prohibet hominem visibilem esse, quā-  
 - uis anima qua corpus eius vegetatur, inuisibilis sit. Verum quia  
 in causa fidei efficaciora sunt sacrae paginae testimonia (vt ca-  
 pite secundo diximus, & infra in titulo fides, longius differe-  
 mus) quā omnes quantumuis urgentes rationes, ideo ad hu-  
 ius rei confirmationem aliqua afferam tam clara testimonia,  
 vt nisi malitia eum iam excæcauerit, aperte videat ea non nisi  
 de visibili ecclesia posse accipi: Cum sacra historia describit  
 dedicationē templi à Salomone extructi, inter cætera ait: Con-  
 uertit Rex Salomō faciem suam, & benedixit omni ecclesiæ  
 Israël. Omnis enim ecclesia Israël stabat. Sed si ecclesia esset  
 inuisibilis, qualiter ad eam Salomō faciem suam conuertif-  
 set? Præterea Christus docens gradus per quos fraterna corre-  
 ctio debeat incedere, tertio loco iubet dicendum esse ecclesiæ.  
 Si autem ecclesia est inuisibilis, nulla patet via vt quis ecclesiā  
 cognoscere valeat ad aliquid ei denunciandum. Huic accedit,  
 Aët. 29. quod Paulus maiores natu ecclesiæ Ephesi, Miletī congrega-  
 tos sic admonuit. Attendite vobis & vniuerso gregi in quo vos  
 posuit spiritus sanctus regere ecclesiam Dei, quam acquisiuit  
 sanguine suo. Qualiter autem homo mortalis poterit regere  
 id quod minimè videre potest? Rursum idem Paulus in pri-  
 ma ad Cor. epist. Ego enim sum minimus apostolorum, qui  
 Gala. 1. non sum dignus vocari apostolus, quoniam persecutus sum ec-  
 clesiam Dei. Et iterum ad Galatas. Audistis enim conuersatio-  
 nem meam aliquando, quoniam supra modum persequabar  
 ecclesiam Dei, & expugnabam illam. At minimè fieri potest vt  
 corporalis persecutio qualis illa erat, inferri possit in eum qui  
 inuisibilis est. Quod si id fieri contendas per id quod Christus  
 Aët. 9. eidem Paulo dixit: Ego sum Christus, quem tu persequeris: nec  
 tamen Paulus tunc Iesum videbat, vtpote ad dexteram patris  
 residentem: quis non videt illud ea ratione ab eo dictum qua  
 Mat. 25. alias dixerat, Amen dico vobis, quandiu fecistis vni de his fra-  
 tribus meis minimis, mihi fecistis? Quam ergo persecutionem  
 se ecclesiæ intulisse postmodum Paulus fatetur, hanc eandem  
 se passum Christus quæritur, eò quod naturale est capiti, vt re-  
 liquis corporis membris compatiatur. Satis iam pro hac re vt-  
 cunq; paucis dixisse arbitramur: si quæ fortè dicenda restabūt,  
 inferius

inferius in titulo, Ecclesia differuntur. Nunc ad reliquum accin-  
gamur, ut ecclesiam videlicet quam iam visibilem esse osten-  
dimus, alicubi iam congregatam, & aliquādo congregabilem  
(quātumlibet latè pateat) comprobemus. Hoc autem satis (ut  
existimo) comprobabitur, si ostenderimus concilium generale  
ritè congregatum sufficienter ecclesiam vniuersalem repræ-  
sentare. Nam eo ipso ostensum erit toties vniuersalem eccle-  
siam in locum vnum coisse, quoties generalis synodus ecclesiæ  
ritè congregata fuerit. Quod autem concilium generale repræ-  
sentet vniuersalem ecclesiam: si ipsius concilij in hac parte va-  
let testimonium, citò propositum nostrum efficiemus. *Conci-*  
*lium* nanq; *Constantiense*, quod non dubito in spiritu sancto  
fuisse congregatum, ut rei exitus docuit, inter cætera quæ quar-  
ta sessione definita sunt, hoc primum decernit: Et primò quod  
ipsa synodus in spiritu sancto congregata, legitimè generale  
concilium faciès, ecclesiam catholicam militantem repræsen-  
tans, potestatem à Christo immediatè habet, cui quilibet cu-  
iuscunq; status vel dignitatis, etiam si papalis existat, obedire  
tenetur in his quæ pertinent ad extirpationem dicti schisma-  
tis, & reformationē generalē ecclesiæ Dei in capite & in mem-  
bris. Hæc concilium. Ecce vides qualiter concilium Const-  
antiense testatur se repræsentare ecclesiam catholicam militan-  
tem. Verum scio non defuturos qui huic testimonio obijciant  
id quod Pharisei Christo obiecerunt. Tu de te ipso testimo-  
nium perhibes, testimoniū tuum non est verum. quibus respon-  
dere idem concilium meritò posset id quod Christus eisdem  
Phariseis respondit, Et si ego testimonium perhibeo de me-  
ipso, verum est testimonium meū, quia scio vnde veni, & quò  
vado: vos autem nescitis vnde venio, aut quò vado. Vos secun-  
dum carnem iudicatis, ego non iudico quenquam. & si iudico  
ego, iudicium meum verum est, quia solus non sum, sed ego  
(Christus dixit) & qui misit me pater. Concilium autem dice-  
re posset. Ego, & qui docet me spiritus sanctus, qui suggerit no-  
bis omnem veritatem. Et in lege vestra scriptum est, quia duo-  
rum hominum testimonium verum est. Sed hæc licet aduersa-  
rium non conuincant, bene tamen affectū docere possunt. Ali-  
ter ergo assertionem nostrā firmemus. Primò sic, quia vsu com-  
muni & vniuersali hominum locutione reperimus, ut quoties  
primates omnes alicuius reipublicæ, quibus à populo ius decer-  
nendi commissum est, in vnum quemlibet cōuenerint locum,  
dicamus

*Ecclesia visibilis  
& congregabilis est.*

*Concil. Constant.*

*Ioan. 8.*

*Ibidem*



dicamus rem publicam congregatam esse, eò quòd ab his cæ-  
 3. Reg. 8. teri omnes pendent. Ad hunc modum cum in concilio gene-  
 rali omnes episcopi, quos solos Deus posuit regere ecclesiam  
 suam, conueniant, dicitur tunc respublica Christiana, hoc est  
 catholica ecclesia congregata. Hoc manifestè ostenditur in eo  
 loco tertij Regum, quem superius alteri negotio aptauimus,  
 Postquam enim sacra illa historia descripsit magnificam illā  
 templi constructionem, sic ait, Tunc congregati sunt omnes  
 maiores natu Israel cum principibus tribuum, & duces fami-  
 liarum Israel ad Regem Salomonem in Hierusalem, ut defer-  
 rent arcā fœderis domini de ciuitate Dauid, id est de Sion. Et  
 postquam dixerat arcam illatam esse in oraculum templi, sub-  
 neçtit, Conuertitque Rex faciem suam, & benedixit omni ec-  
 clesiæ Israel. Omnis enim ecclesia Israel stabat. Hæc ibi. Quo  
 ex loco clarè patet conuentum illum in quo fuerant congre-  
 gati maiores natu Israel, & principes tribuum, & duces fami-  
 liarum, geminata vice appellari omnem ecclesiam. Rursus  
 , concilio coacto Hierosolymis pro magnifica illa quæstione  
 , decidenda, an scilicet legitima essent simul cū Euangelio ob-  
 , seruanda: postquam dixerat conuenisse apostolos & seniores vi-  
 dere de verbo hoc, & in ea re definisse, dicit: Tunc placuit apo-  
 stolis & senioribus cū omni ecclesia eligere viros ex eis, & mit-  
 tere Antiochiam. Vides hic iterum conuentum illum aposto-  
 lorum & seniorum vocari vniuersam ecclesiam. Et beatus Gre-  
 gorius hoc idem asserit, qui loquens de quatuor illis illustribus  
 nec vnquam satis laudatis concilijs, videlicet Niceno primo,  
 Constantinopolitano primo, Ephesino & Chalcedonensi etiam  
 primis, sic ait, Cunctas vero quas præfata veneranda concilia  
 , personas respuunt, respuo: quæ venerantur, amplector: quia dū  
 , vniuersali sunt constituta consensu, se, & non illa destruit, qui-  
 quis præsumit absolvere quos ligant, aut ligare quos absoluunt.  
 Hæc ille. Ecce qualiter Gregorius asserit in concilijs decreta,  
 vniuersali consensu esse constituta: quod minimè verum esset,  
 nisi censeret idem beatissimus pater generale concilium vni-  
 uersam ecclesiam repræsentare: præcipuè cum proprium epi-  
 scoporum ac aliorum prælatorum munus sit docere, quod ad  
 1. Pet. 5. , subditos minimè pertinet. Solis enim præiatis dicitur, Pascite  
 , qui in vobis est gregem. Et cum Christus Petrum reliquis o-  
 , mnibus prætulisset, nihil aliud dixit quàm, Pasce oues meas.  
 Ioan. 21. Prælatorum ergo est docere & iubere, subditorum est discere  
 & obtem

*Gregorius*

& obtemperare. Pastorem oportet pascere oues, ouium autem solum est pasci. Hoc enim Malachias propheta testatur, qui ait, Labia sacerdotis custodiunt scientiam, & legem exquirent Mat. 2 de ore eius, quia angelus domini exercituum est. Si ergo sacerdotes sunt a quibus scientia exquiritur, non autem subditi: non erit necessarium, ut in conuentum qui fit pro re aliqua differenda, subditi cum prælatis conuocentur. Quod si dicas subditos omnes esse membra huius corporis, & ideo debere simul cum prælatis, conuocari: respondetur per id quod ait Paulus in. 1. ad 1. Co. 12 Corinth. epi. Et si dixerit auris, quoniam nō sum oculus, non sum de corpore: non ideo non est de corpore? Si totum corpus oculus, ubi auditus? Prælati siquidem, quorum partes sunt docere & regere, oculorum funguntur officio, quoniam hi pro reliquis membris vident, ea quæ quò mens voluerit, dirigunt. Subditi verò, quorum est obedire, aurium exercent officium, quoniam hæc sunt per quas doctrina quælibet & fides habetur. Ro. 10 Fides nanque est ex auditu. Non ergo subditi excluduntur à corpore, eò quod ad id officium non admittuntur, quod non est illis in corpore dispensatum. Nonne dicimus corpus aliquod humanum videre si eius oculi videant, quauis cætera membra non videant? Nunquid ideo dicemus corpus non audire quia multa in corpore membra non audiant, quauis aures opus sibi commissum debite exequatur? Tunc enim reuera totum corpus id exequi dicitur, cum membrum id quod sibi ex officio incumbit, operatur. Quo fit ut tunc ecclesiam quæ vnum corpus est, aliquid definisse interpretemur, cum illud omnes illi ad quos spectat, congregati, atque consentientes decreuerint. At cum ii omnes ad concilium generale conuocentur, consequens est, ut in ea re definienda dicamus generale concilium ecclesiam vniuersalem repræsentare, cum id agant quod ad nullum alium spectare dignoscitur. Quod si adhuc fortè contendas, fideles omnes ad eum conuentum esse conuocandos, in quo est aliquid de fide definiendum: tam clavis id scripturæ testimoniis reiiciemus, ut nullus amplius scrupulus urgeat. Primum enim concilium ab Apostolis congregatum describitur Actuum. 6. In diebus autem illis (inquit) crescente numero discipulorum, factum est murmur Græcorum aduersus Hebræos, eò quod despiceretur in ministerio quotidiano viduæ eorum. Conuocantes autem duodecim multitudinem discipulorum, dixerunt, Non

est æquum nos derelinquere verbum dei, & ministrare mensis. Considerate ergo fratres, viros ex vobis &c. Vides ibi minimè conuocari plebem, aut promiscuam multitudinem, sed præcisè multitudinem discipulorum. Multo autem efficacius nostrum propositum confirmat id quod in 15. cap. eiusdem libri scribitur, in quo nobis conciliorum effigies ad viuum depingitur. Sic enim ibi dicitur, Et quidam ascendentes de Iudæa docebant fratres, quia nisi circumcidamini secundum legem Moysi, non potestis saluari. Facta ergo seditione non minima, Paulo & Barnabæ aduersus illos, statuerunt vt ascenderent Paulus & Barnabas, & quidam alii ex aliis ad Apostolos & præbyteros in Hierusalem super hac quæstione. Et parùm infra, Conueneruntq; Apostoli & seniores videre de verbo hoc &c. Et tandem inquisitione facta inter eos, lata est ab Apostolis & senioribus sententia in hunc modum, Visum est spiritui sancto & nobis, nihil vltra imponere vobis oneris, quam hæc necessaria, vt abstineatis vos ab immolatis simulacrorum, & sanguine, & suffocato, & fornicatione, à quibus custodientes vos bene ageris. Hæc ibi. Ecce apertam celebrandi concilii regulam: ex qua, temporum successu, cū ecclesia iam liberata esset à persecutione tyrannorum, reliqua generalia concilia modum, & formam suæ celebrationis sumpserunt. Vides tamen ibi, minimè conuocari omnem populi Christiani multitudinem, sed solum Apostolos & seniores conuenisse, diligentiq; examinatione ex collatione scripturarum facta, sententiam tulisse, quam vsque in hodiernū diem catholica ecclesia amplexata est. Si ergo nō oportet ad aliquid in fide definiendum promiscuæ plebis multitudinem conuocari, sed solum maiores ecclesiæ, quod hi sunt quorum interest in ea re definire, & qui ad eam rem agendam vniuersalem repræsentant ecclesiam, consequens est, vt generale concilium ad quod primores ecclesiæ omnes conuocantur, vniuersam etiam repræsentent ecclesiam. Ex quo etiam colligitur, conciliorum generalium ritè congregatorum traditiones, tanquam ab vniuersali ecclesia emanantes, esse ab omnibus recipiendas. Præterea si concilia generalia minimè vniuersam repræsentarent ecclesiam, ac ideo ab eis sustollatur potestas in causâ fidei decernendi, omnia prorsus erunt in ecclesia ambigua, nec via aliqua patebit qua hæreses extirpari possint, imò inexhausta suggeretur fidei

tur fidei oppugnandæ materia, cuicumque libuerit nouas excitare hæreses, aut suscitare sepultas. Nisi enim publica astitisset Niceni concilii definitio aduersus Arrium, & Constantinopolitani aduersus Eunomium & Macedonium, & Ephesini aduersus Nestorium, & Chalcedonenfis aduersus Eutychem, adhuc eorum hæreses viuerent, nec deessent qui sub earum authoribus militarent, quum quicquid ex eis scripturis obiiceretur, praua interpretatione in alienum sensum detorquerent. Hac enim sola causa factum est, ut tempore illo quo ecclesia tyrannorum rabiem perpeffa est, Christianismus fuerit in plurimarum hæresum scissuras diuisus: qui scilicet episcopi catholici in vnum conuenire non poterant, ut eis obitarent, vsque ad tempus Constantini, a quo cœperunt concilia congregari, ex quorum frequentatione plurimis hæresibus itum est obuiam. Rursus de filiis Israel hoc legimus, ut quicquid inter eos dubitationis oriebatur, ad Moysen, ut ab eo decideretur, deuoluebatur. Deinde quum Moyses in montem subiit legem recepturus, si fortè aliquid interea ortum fuisset, de remedio prouidit. Habetis (inquit) Aaron & Hur vobiscum: si quid natum fuerit quæstionis, referetis ad eos. Insuper ne post eorum mortem Synagoga remedio careret ad quæstiones finiendas, vide qualiter dominus prouiderit. Sic etenim ait in deuterono. Si difficile & ambiguū apud te iudiciū esse perspexeris inter sanguinē & sanguinem inter causam & causam, lepram, & nō leprā, & iudicium intra portas tuas videris verba variari, surge & ascende ad locum quem elegerit dominus Deus tuus, veniesque ad sacerdotes Leuitici generis, & ad iudicem, qui fuerit illo tempore, quæresque ab eis, qui iudicabunt tibi iudicii veritatem, & facies quodcunque dixerint qui præsunt loco quem elegerit dominus, & docuerint te iuxta legem eius: sequerisque sententiam eorum, nec declinabis ad dexteram vel ad sinistram. Hæc ibi. Vides igitur quæstionem dubiam minimè ad plebem esse deducendam, aut ad reges aut duces, sed ad sacerdotes Leuitici generis, quorum definitioni obtemperare præcipit. Vides etiam quantum Deus synagogæ prospexit, qui in omnem euentum de remedio ei prouidit. Quod benè per Esaiam prophetam insinuat dicens, Quid potui facere vineæ meæ, quod non feci? Quid ergo putas eum fecisse ecclesiæ suæ?

Ex. 24

Deu. 17

Esa. 5



- Nonne credendum erit æquè prospexisse ecclesiæ ac synago-  
gæ? Imò multo magis, quum de ea dicat alius propheta,  
Agg. 2 Magna erit gloria domus istius nouissimæ, plusquam primæ.  
Erit ergo dicendum perinde ac de veteribus patribus enarra-  
tum est. Si difficile atque ambiguum iudicium esse perspexerit  
quispiam, ueniat ad primores ecclesiæ, qui concilio coacto,  
reque (vt decet) maturè discussa, docebunt eum iuxta legem  
Dei, sequeturque sententiam eorum, non declinans ad dexte-  
ram neque ad sinistram. Hinc patet quàm inani labore fatiga-  
tur Guido Carmelita, qui in suo primo libro de hæresibus cō-  
uertit se ad probandum ea quæ in quatuor illis primis conci-  
liis definita sunt: ad quem modum oportebat eum etiam pro-  
bare omnia quæ in reliquis conciliis decreta fuere: quod opus  
fuiſſet immensum. Quapropter consultius esset conciliorum  
authoritatem, eorūque in definiendo certitudinem compro-  
bare: quo facto, breui compendio omnes conciliorum defini-  
tiones roborantur.

*Quod aliorum hominum quantumlibet sanctorum  
scripturæ non sufficiant ad heresim  
reuincendam. Cap. 7.*



Hactenus differuimus de hæresi, & de his quibus  
hæresis reuinci potest: verum sunt multi qui alios  
habent gnomones quamuis fallaces, & ad mu-  
nus id exequendum minimè certos, ad quos ta-  
men volunt omnes assertiones de hæresi exami-  
nare, ac ideo facillimè de hæresi pronunciant, nulla prorsus  
habita ratione qua id euincere possint. Sunt enim plerique  
qui sic afficiuntur aliquorum hominum scriptis, vt si fortè  
quempiam viderint, qui vel digito transuerso ab eorum sen-  
tentia discedat (ocularis testis loquor) hæresim statim incla-  
ment. Quapropter hoc oportuit etiam ostendere, nullam  
videlicet scripturam, cuiuslibet hominis quantumlibet docti,  
quantumlibet etiam sancti, esse efficacem ad hæresim reuin-  
cendam, nisi ex sacræ scripturæ testimonio, aut ex ecclesiæ de-  
finitione id esse constiterit. Hoc autem faciliè quisque perpen-  
det, si prius hoc apud se discutiat, quale oporteat esse testimo-  
nium, vt nos cogat ad fidem alicui rei præstandam. nam id  
solum

solum efficax erit ad reiiciendum quicquid illi rei clarè dignoscatur repugnare. huiusmodi verò testimonium quod nos alicui credulitati faciat obnoxios, oportet ut à tali persona habeatur, de qua constet eam nec posse falli, nec fallere velle. Quòd si falli potest aut fallere, quocunque eius testimonio adducto, citra fidei iniuriam, aut hæresis labem reiiciet: causabitur enim statim eum in illa re deceptum, aut decipere voluisse: quòd vtrunque horum euenire poterat. Nam quid obstat, ut eum qui falli potest, falsum fuisse dicamus? At omnis homo ex peccato primorum parentum adeò obrusum traxit ingenium, ut ad veram rerum notitiam minimè penetrare valeat, quo fit ut sæpe in discernendo fallatur. Nam inter incommoda quæ in hac vita patimur (teste Augustino) est fallax iudicium. Atque ita propheta dixit, omnis homo mendax: & (ut est in proverbio) quandoque bonus dormitat Homerus. Non est ergo æquum, aut rationi consentaneum, ut ei qui aut falli aut fallere potest, qualis est quis purus homo, sub interminatione gehennæ credere teneamur. Nam inde eueniret ut sæpissime falsa pro veris recipere teneremus, & vera pro falsis: quod nefas est dicere. Præterea quum sæpe inter doctissimos atque sanctissimos viros de eadem re non conueniat, erit necessarium ab aliquo eorum discedere, neque tamen cum fidei iniuria, aut hæresis nota, cum id fieri nullo modo possit, ut oppositis secumq; pugnantibus assertionibus quis assentiat. Hieronymus ait Paulum simulatione tantum & non verè reprehendisse Petrum. Augustinus autem ait Petrum verè iustèque à Paulo reprehensum. Hieronymus ait eum qui ante baptismum duas habuerit uxores, suscepto postmodum baptismo posse ad sacerdotium promoueri: cui assertioni refragantur Ambrosius, Augustinus, cæteriq; omnes. Augustinus, vniuersi mundi fabricam ait fuisse à Deo etiam quo ad varietates formarum vno eodemque temporis momento extructam, nullamque prorsus admittit in ea re temporis successionem, sed illa dierum volumina interpretatur angelicæ cognitionis alternationes. Cui interpretationi adeò contradicitur, ut nullum vnquam ex sacris scriptoribus viderim qui illi in hac parte assentiat. Sunt & id genus multa. Quis ergo tam demens erit, ut ei qui alterutra partem harum assertionum amplecti velit, hæresis notam impugnat, quòd alicui doctori sacro repugnet? Nō erit

ergo vnquam citra remeritatem aliquid appellandum hæresis  
 eo quòd sanctorum dictis repugnat, modò non obuiet scriptu-  
 ræ sacræ, aut ecclesiæ definitioni. Vnde Augustinus in Epistola  
 ad Hieronymum quæ est in ordine aliarum epistolarum 19.  
 sic ait. Ego enim fateor charitati tuæ. Solis eis scripturæ libris,  
 qui iam canones appellâtur, didici hûc timorem, honorêq; de-  
 ferre, vt nullû horum auctore scribendo errasse aliquid firmissi-  
 me credâ: aut si aliquid in eis offendero literis, quod videatur  
 contrarium veritati, nil aliud quàm mendosum esse codicem,  
 vel interpretem non affecutum esse, vel me minimè intellexis-  
 se non ambigam. Alios autem ita lego, vt quantalibet sancti-  
 tate vel doctrina polleant, non ideo verum putem quia ipsi  
 illa senserunt, sed quia mihi per alios authores canonicos, sci-  
 licet sacræ scripturæ, aut probabili, id est euidenti ratione, quod  
 à vero non abhorreat, persuadere poterunt. Nec te frater mi  
 arbitror sic libros tuos legi velle, tanquam prophetarum &  
 Apostolorum, de quorum scriptis quòd omni errore careant,  
 dubitare nefarium est. Absit hoc de pia humilitate & veraci de  
 temetipso cogitatione Hæc Augustinus. Quare fateor me nò  
 posse cohibere iracundiam quoties video aliquos ita addictos  
 hominum aliquorum scriptis, vt impium autument, si vel in  
 modica re quis ab eorum sententia discedat. Volunt enim ho-  
 minum scripta velut diuorum oracula recipi, illûmque hono-  
 rem illis exhiberi, qui solis sacris literis debetur. Non enim iu-  
 rauimus in verba hominis, sed in verba dei. Ego enim miserrimi-  
 mam hæc dicerem seruitutem, sic esse humanæ sententiæ addi-  
 ctum, vt non liceat vllò modo illi repugnare: qualem patiuntur  
 hi qui se tantum beati Thomæ, aut Scoti, aut Ocan dictis  
 subiiciunt, vt ab eorum placiti, in quos iurasse videntur, nomi-  
 na sortiantur, quidam Thomistæ, alii Scotistæ, alii Ocanistæ  
 appellati. Paulus quidem iussit captiuare intellectum nostrû,  
 sed in obsequium Christi, non autem in obsequium hominis.  
 Quo fit vt hi qui tam leuiter de hæresi pronunciant, non expē-  
 dentes de qua re loquantur, sæpe sua ipsorum feriantur sagit-  
 ta, incidantq; in eam foueam quam aliis parabant. Nam velle  
 2. Co. 10. humanas scripturas in diuinarum ordinem connumerare, hoc  
verius ego dixerim hæresim: quod faciunt hi qui humanis scri-  
ptis dissentire impium autument, perinde ac diuinis: quales  
 ego vidi in tantam insaniam deuenisse, vt, non sint veriti in pu-  
 blica

blica ad populum concione hoc effundere, Quisquis à beati Thomæ sententia discesserit, suspectus de hæresi est censendus. O fortes verbi Dei, imò, verius dixerim, verbi Thomæ prædicatores. Erit ergo beatus Bonaventura suspectus de hæresi putandus, quòd in multis obuiet beato Thomæ? Erit ergo beatus Anselmus suspectus de hæresi dicendus, quòd contra beati Thomæ sententiam non putat amatorem virginis, qui festum Conceptionis celebrare respuit? Nec tamen ista sic à me dicta velim, vt quispiam putet his verbis omnes illius instituti aut ordinis homines velle mordere. Noui enim ex eis plures doctos, & cordatos, ac verè pios, quibus, cum ista aguntur, aut ab alijs vt plurimum indoctis dicuntur, valde displicent. Valde enim displicet etiam mihi, quòd & nostrum sodalitiū in verba Scoti ferè iurasse videatur. Ego quidem beati Thomæ sanctitatem veneror, eius doctrinæ multum tribuo, quòd multum ecclesiam illustrauerit: non tamen puto ad eò esse illi fauendum, vt per omnia oporteat cum illo sentire. Neq; hoc ego vnquàm de beati Thomæ humilitate crediderim, vt velit quempiam suis dictis sic esse addictum, cum nec ipsemet eisdem adeò fuerit addictus, vt meliora ostendenti non fuerit paratus obtemperare. Nam sæpe suam ipse reuocauit sententiam. Beatus nanque Augustinus optat suorum operum lectorum non esse dictis eius prorsus deditum. Sic enim ait tertio de Trinita. capitu. 1. Sanè cum in omnibus literis meis non solum pium lectorem, sed etiam liberum correctorem desiderem, multo maximè in his, vbi ipsa magnitudo quæstionis vtinam tam multos inventores habere posset, quàm multos contradictores habet. Veruntamen sicut lectorem meum nolo mihi esse deditum, ita correctorem nolo sibi. Ille me non amet amplius quàm catholicam fidem. Ille se non amet amplius quàm catholicam veritatem sicut illi dico, Noli meis literis quasi scripturis canonicis inferuire, sed in illis & quod non credebas, quum inueneris, incunctanter crede: in istis autem quod certum non habebas, nisi certum intellexeris, noli firmè retinere: ita illi dico, Noli meas literas ex tua opinione vel contentione, sed ex diuina lectione vel inconcussa ratione corrigere. Hæc Augustinus. Verùm non est hic præmittendum quod glossator voluminis decretorum ait, vt saltem hac ratione vel illius ineptiæ misereamur, vel eius audaciam irrideamus. Is enim exponens hanc proximè



citatam Augustini auctoritatem, quæ ponitur in eo libro distinctione 9. cap. Noli sic ait, Loquitur hoc secundum ea tempora cum adhuc scripta Augustini & aliorum sanctorum patrum non erant authentica, sed hodie iubentur teneri usque ad ultimum iota, ut infra 15. distinct. capite ultimo. Hæc glossator. Quis iam ferat ut hominem tam aperte mendacem non infectetur? Vbi nam 15. distinctione, capite ultimo iubetur sanctorum patrum dicta usque ad ultimum iota teneri? Aut qualiter præcipi potest, cum sanctorum patrum sententiæ sæpe (ut superius ostendimus) inuicem repugnent? Non potest certe Deus contradictoria præcipere, tantum abest ut papa præcipiat. Quod si omnia sanctorum patrum dicta iubentur usque ad ultimum iota teneri, quis non videt hac ratione contradictoria præcipi, cum illorum sententiæ inuicem contradicant? Ecce quales sunt decretorum glossatores, quibus tanta fides adhibetur. Nunc etenim vel hoc solo argumento apparet esse verum quod isti glossatori Ioannes Dunus Scotus impingit, dicens: Mittunt & remittunt, & tandem nihil ad propositum. Sed scio vndenam bonus homo ansam erroris acceperit. Nam illo ultimo capite, 15. distinct. Gelasius papa, cuius est decretum illud, recensens libros catholicorum virorum qui legi possunt, illis annumerat epistolam Leonis summi pontificis ad Flavianum, in cuius commendationem talia subiungit verba, Cuius textum autem iota si quisquam disputauerit, & non eam in omnibus venerabiliter receperit, anathema sit. Hæc ibi. Bonus autem glossator quod de sola illa epistola dictum est, parum rem circumspectans, putauit ad omnes iam enumeratos libros esse referendum. Quantum autem fallatur, vel grammaticam sciens probe deprehendet. Colligamus quod sanctorum ecclesiæ doctorum scripta non sunt sic suscipienda ut nobis liberum non sit aliter sentire quam ipsi senserunt, præcipue cum inter eos de re eadem non conuenit, aut aliunde illorum assertio non comprobatur. Quod verò in eodem loco Gelasius papa plurimorum sanctorum virorum scripta approbat, sic accipiendum est, ut intelligamus hac ratione probari, quod catholicæ fidei minimè repugnent, ut nihil scilicet in eorum scriptis reperiatur quod à fide orthodoxa discedat: non tamen sic ut omnia illorum dicta pro lege suscipienda sint. Sunt enim multa, quæ etsi fidei non repugnent, non tamen ad ea credenda catholica fides nos constringit: ut gratia exem

exempli quod cælum habeat materiam huic inferiori simillimam, nec repugnat fidei catholicæ, nec etiam est fides catholica. sed liberum est cuique quam voluerit sententiam amplecti. Sic etiam illa sacrorum virorum opera quæ à Gelasio papa probantur, aut quæuis alia à quouis summo pontifice in posterum probata, probantur velut cum fide catholica cōuenientia, quod scilicet ab ea minimè discedant: non tamen pro fide catholica nobis traduntur, aut pro fide à nobis suscipi illo pontificio decreto iubentur. Non est ergo scriptis cuiuscunque hominis quantalibet sanctitate & doctrina pollentis, adeo tenaciter adhærendū, vt si & ratio adlit, non liceat discedere. Nec tamen ideo illustrium virorum & per multa secula probatorum dicta sunt reiicienda aut floccipendenda. Nam hoc esset maximæ audaciæ atque superbiæ, qualem se habere ostēdunt hoc nostro calamitoso tempore Lutherani, & olim ostenderunt Vuitclisuiæ, ac longè antè Petrus Abailardus, vt beatus Bernardus testatur in epistola 190. Hi enim non erubuerunt, nec nunc erubescunt, omnium sanctorum dictis repugnare. Nam si obiciantur eis quoruncunque illustrium virorum quantumlibet etiam sanctorum testimonia, statim proclamant. Homines sunt & nos. Fateor, homines sunt, verum tamen homo homini nihil præstat? Nōne stulto intelligens aliquid interest? Nunquid non inter prophanum & sanctum erit aliquis ordo? Vide quid propheta Ezechiel reprehēdat, Inter sanctū, inquit, & prophanū non habuerunt distantiam. Habenda est certè ratio vitæ, perinde ac doctrinæ, quoniam, vt inquit Ecclesiasticus, anima viri sancti enūciat aliquando vera, magis quàm septem circumspectores sedentes in excelso ad speculandum. Et beatus Ioānes in epistola, Vnētio eius docet vos de omnibus. Est etiam aliquid deferendum antiquitati, non quod velim rerum æstimationē à solis annis sumi, quoniam hoc stultissimū est, cum hac lege oporteret etiam vitia comprobare, quæ antiquissima reperiuntur: sed quod antiquitas vitæ & doctrinæ accedens, magnum pondus efficiat. Nam qui virum per multa secula laudatum contemnit, eo ipso contemnere visus est eos omnes à quibus ille laudatus fuit, & in precio habitus. Si ergo vni viro docto simul atque sancto, ac per multa secula probato, tantum tribuendum est, vt citra impudentiam non liceat ab eo, nisi ratione adducta, & hoc cum reuerentia discedere, quantum erit tribuendum omnibus illis in eadem re consentientibus?

Ie. 14

Eph. 4

Tunc certè temerarium erit aduersus omnes sentire, cum inter omnes de eadem re conuenit. Nam etsi errare & labi in aliquibus potuerunt, vt homines: in rebus tamè arduis ad fidem spectantibus vt concorditer errauerint, nunquam credam: quoniam hoc Christi pollicitationi & perpetuæ spiritus præsentia maximè repugnat. Ipsius enim Christi verba sunt hæc, Et ego rogabo patrem, & alium paracletum dabo vobis, vt maneat vobiscum in æternum, spiritum veritatis. Et infra: Paracletus autem spiritus sanctus, quem mittet pater in nomine meo, ille vos docebit omnia, & suggeret vobis omnia quaecunque dixerò vobis. Quòd si hæc ad solos apostolos dicas esse referenda, qualiter verum erit quod dicitur, Et maneat vobiscum in æternum? aut quare apostolis hæc promittuntur? Nunquid propter ipsos solos apostolos? Non certè, sed propter ecclesiā, quæ tunc apostolorum doctrina illustranda erat. Si ergo propter ecclesiā dicta illa, & promissiones illæ factæ, cum eadem sit nunc ecclesia, quæ tunc, nec minus etiam egens spiritu illustratore quàm tunc, fit vt ecclesiæ omni tempore dati sint à Deo doctores, quos spiritus sanctus edocet omnia ad salutem necessaria, & suggerit illis interpretationem eorum, quæ Christus dixit, vt istorum doctorum interpretationibus ecclesia illustretur: sicq; fiet, vt spiritus in ea maneat in æternum: quod etiam apostolus manifestè ostendit dicens, Et ipse quosdam quidem dedit apostolos, quosdam autem prophetas, alios verò euangelistas, alios autē pastores & doctores. Ecce qualiter præter Apostolos dominū dedisse doctores & prophetas Paulus testatur. Prophetas autem beatus Ambrosius declarat esse sacrarum literarum interpretes. Verum si hoc neget Lutherus, de doctoribus non potest negare quin eos dixerit à Deo datos fuisse ecclesiæ. Ad quid autem dederit ipse Apostolus declarat subiungens, Vt videlicet iam non simus paruuli fluctuantes, & circumferamur omni vento in nequitia hominum, in astutia ad circumuentionem erroris: veritatem facientes in charitate, crescamus in illo per omnia, qui est caput Christus. Hæc Paulus. Si ergo ad hoc dati sunt, vt non circumferamur omni vento doctrinæ ad circumuentionem erroris, non est possibile vt omnes simul errauerint, qui vt nos nō erraremus, missi sunt. Quapropter etsi <sup>verum</sup> aut alteri ex doctoribus sacris refragari liceat, omnibus tamen in eadem re concordibus contradicere minimè licebit. Quo fit vt concors omnium sacrorum doctorum

etorum tam præsentium quàm præteritorum de aliqua re sententia, æquè efficax sit argumentum ad hæresim reuincendam, sicut ecclesiæ in concilio congregatæ definitio: quoniam nullo pacto credibile est vt Deus illos omnes errare permitteret: imò non est credibile eos in vnam eandemque venisse sententiam, nisi à spiritu sancto vno eorum omnium magistro fuissent edocti. Hoc enim argumento beatus Augustinus libro 18. de ciuitate Dei, capite 41. probat scripturæ sacræ veritatem aduersus Ethnicos: quoniam in illa numerosa philosophorum multitudine vix reperietur vnum aut alterum dogma, euidentibus exceptis, quod inter omnes conuenerit. Nam posteriores etsi præcessorum scripta perlegerint, illis tamen assentire contempserunt. Quo factum est, vt priorum philosophorum discipuli inter se pugnaverint, & suorum magistrorum dogmate posthabito proprias sectas docere curauerint, quo quisque alio & sapientior & acutior videri posset. Aristoteles discedit à Platone, & Socrate, Socrates à Pythagora. Hoc autem non alia ex causa venisse putandum est, vt magistris discipuli repugnauerint, discipuli inuicem contenderint, nisi quia proprio ducebantur spiritu. Quapropter nisi spiritus ille sacer, qui vnus semper & vbique est, sanctorum virorum mentem mouisset docuissetq; fieri minimè poterat vt concorderet quicquam sentirent, præcipuè cum ex his plures coæui, longoq; terrarum spatio separati, idiomateq; diuisi fuerint, atq; ira aliorum libris minimè lectis, sed diuino spiritu suggerente, eidem subscripserint sententiæ. Omnium ergo sacrorum doctorum de aliqua re ardua concors sententia, cui nunquam ab ecclesia, aut ab aliis viris catholicis impunè contradicendum est, pro vera ecclesiæ definitione tenenda erit, atque illi tanquam ecclesiæ definitioni firmissimè credendum: quoniam ecclesia corpus vnum est, ex populo patribusque collectum. Patres voco episcopos, pontifices, ac alios quoscunque præfules, & magistros aut doctores, qui nos fidem edocentes, spiritualiter generant. Ad istos patres spectat docere plebem, è quibus aliqui nempe præfules ex officio id facere tenentur, alij à charitate vt id faciant impelluntur, velut reliqui doctores ac magistri. Ad plebem autem reliquam non spectat docere. Nam vt dicit Apostolus, Diuisiones gratiarum sunt: nunquid omnes apostoli? nunquid omnes prophetæ? nunquid omnes doctores? Si ergo homines quorum interest in ecclesia docere,

1. Cor. 12.



docere, aliquam certam assertionem sine repugnantia docuisse cōstiterit, erit proculdubio talis assertio velut catholica etiā si scripturæ locus ad eius comprobationem deesset. Nam id quod inter omnes conuenit, etiam si locorum aut temporum spatijs distent, censendum est totius ecclesiæ esse fidem. Non enim à plebe fides discenda est, sed à patribus. Ea ergo quam omnes patres tradunt, fides catholica est iudicanda, quoniam id sonat catholica græce, quod vniuersalis latine. Hoc autem expresse colligitur ex tertia synodo, quæ vna est ex his quatuor quas beatus Papa Gregorius fatetur se velut sancta quatuor euangelia recipere. Illa nanque synodus quæ Ephesina prima est, in epistola à toto concilio ad Nestorium hæreticum destinata, quæ ante eiusdem concilij decreta est, sic eidem Nestorio loquens ait, Non autem sufficit vel tuæ religioni tantummodo fidei symbolum confiteri quod expositum est per idem tempus spiritu sancto largiente, & venerando & magno concilio apud Nicæam congregato. Hoc enim non intellexisti, nec recte interpretatus es, quinimo peruerse, licet sono vocis eadē verba protuleris. Sed consequens est etiam iureiurando fateri te quod anathematizes quidem tua prophana & polluta dogmata, sentias autem & doceas quæ nos vniuersi per orientē seu occidentem episcopi & magistri præsulēque populorum credimus & docemus. Hæc concilium. Quibus verbis nullā aliorum fecit mentionem quàm episcoporum, magistrorum, & præsulum, quorum fidem censet concilium esse necessariò recipiendam. Quod si dicas illa verba esse referenda ad eos qui concilio congregato interfuerunt: hæc adeò futilis est responsio, vt non esset opus aduersus eam pugnare, nisi aduersus homines ageremus quibus manifestissima etiā probanda sunt. Congregatio siquidem in vnum locum non exigitur vt vera dicatur ecclesia, sed animorum adunatio per iuncturas charitatis, qualem habuerūt illi de quibus dicitur, Erat eorum cor vnum, & anima vna. Non enim ecclesia ex loci vnitatem pendet, vt vna esse dicatur, sed ex animorum in Christo concordia. Hanc autem concordiam satis conuincitur esse inter eos qui etsi locorum spatijs & temporum interuallis separati fuerint, eidem tamen vnanimes subscribere sententiæ. Quod si Vuitcleff aut Lutherus, aut quiuis alius eorum in hac parte imitator, his rationibus nō mouetur, vt credat se teneri ad sacrorum omnium doctorum concordem de fide sententiam amplectendā, etiam si expref

Act. 1.

si expressus sacrae scripturae locus illis minimè suffragetur, hoc  
 saltem haud negare poterunt, illorum dicta pro hac re esse va-  
 lida, ut ex illis constet illam esse ecclesiae sententiam, quae per  
 tot tempora penes illos sacros auctores seruata reperitur. Nam  
 si in re ardua Cyprianus errauit, correctus postmodum fuit ab  
 Hieronymo, Augustino, cæterisque sequacibus. Hieronymus  
 etiam in quibus hallucinatus est, a posterioribus notatur. Idem  
 etiam contigit Augustino, sicubi lapsus est. At cum Cypriani  
 sententiam confirmat Hieronymus, multo eo posterior eidem  
 subscribit Ambrosius, eandem amplectitur Augustinus, eidem  
 adhæret beatus Gregorius, Cassiodorus, Beda, Bernardus: satis  
 arguitur hinc, hanc fuisse ecclesiae vniuersalis sententiam, cum  
 horum assertioni per tot secula protracta nunquam ecclesia  
 contradixerit. Satis enim rem probat (de arduis loquor, in qui-  
 bus nihil per indulgentiam præterire licet) qui non contradi-  
 cit quum potest. Nunquam siquidem verius dici potest, ut qui  
 tacet, consentire videatur, quam cum res est adeò seria, ut tace-  
 re perniciosum sit: loqui vero, & utile & necessarium. Si ergo  
 ecclesia ad illorum virorum communem sententiam per tot  
 secula tacuit, certè vel hoc argumento visa est illorū omnium  
 sententiam probasse, idemque cum illis sensisse. Eadem ergo  
 ferè lege coercendus est, qui sacris doctoribus de re ardua sine  
 vlla vnquam repugnantia concordibus contradicit, ac si vni-  
 uersalis ecclesiae traditioni contradiceret. Arrogantissimus er-  
 go iure censetur, qui sibi tantum tribuit, ut tot sacris docto-  
 ribus posthabitis, tot sapientibus, quorum doctrina fulget ec-  
 clesia ut Sol & Luna, contemptis, propriae hæreat sententiae.  
 Hunc enim talem in figura repræsentauit Ismael ille hæreti-  
 corum typus, de quo dicitur, Manus eius contra omnes, manus *Gen. 16.*  
 omnium contra ipsum. Merito enim omnium manus contra  
 eum leuantur, cuius manus aduersus omnes insurrexerunt. Ideo  
 dicitur à Salomone. Ne innitaris prudentiae tuae. & iterum, Ne *Pro. 3.*  
 sis sapiens apud te ipsum. Et beatus Paulus ait, Nolite esse *Ro. 12.*  
 prudentes apud vosmetipsos. Quod exponens Theophyla-  
 ctus ait, Hoc est, nolite vestrae prudentiae vel viribus ita confi-  
 dere, ut existimetis nemine vos indigere consultore, & quæ re-  
 cta sunt suggerente. Moses enim etsi Dei colloquio iuuaretur,  
 opus tamen habuit quem consuleret socero. Hæc Theophy-  
 lactus. Huic accedit, quòd semper sacrae literae ad alios nos mit-  
 tunt, ut ab eis doceamur. In Deutero: nanque dicitur, Interro- *Deu. 32.*  
 ga patrem

ga patrem tuum, & annuntiabit tibi: maiores tuos, & dicent  
*Iob. 8* tibi. Et apud Iob, Interroga generationem pristinam, & dili-  
 genter inuestiga patrum memoriam. Et in Actibus Apostolo-  
 rum Paulo iam parato ad legem Dei suscipiendam, percon-  
 tantique dominum de sua voluntate, ac dicenti, Domine, quid  
*Act. 10* me vis facere? responsum est ei à domino, Surge, & ingredere  
 ciuitatem, & dicetur tibi quid te oporteat facere. Et tandē mit-  
 titur ad eum Ananias, qui eum baptizet & doceat. Poterat qui-  
 dem dominus suam per seipsum Paulo insinuare voluntatem,  
 & de lege sua docere eū: noluit tamen, ne ex hoc ansa preberetur  
 alicui sic superbiendi, vt ab alio doceri nollet, asserēs se iam  
 à domino edoctum. Hac igitur ratione & Paulum mittit ad  
 Ananiam, & Cornelium ad Petrum. Non erubescit Paulus, vir  
 alioqui doctus & cui dominus apparere dignatus est, ire ad  
 Ananiam vt ab eo doceatur, & erubescet Lutherus ire ad Hiero-  
 nymum, aut Ambrosium, aut Augustinum, vt ab eis aliquid  
 discat? Libentissimē suscipit Paulus quæ per Ananiam dicuntur,  
 quanuis nihil ei de Anania dictum fuerit à domino: & Lutherus  
 durissimum reputabit, Cypriani, Chrysostomi, Hieronymi,  
 Augustini, Ambrosij, cæterorumque illustrium virorum  
*Gal. 2* suscipere doctrinam? Paulus post 14. annos à reuelatione susce-  
 pta ascendit Hierosolymam, vt conferret euangelium quod  
 prædicabat in gentibus, cum his signanter qui videbantur ali-  
 quid esse: & hoc quidem, ne fortē in vanum curreret, aut cucur-  
 risset: & dedignatur Lutherus aut Vuitcleffus conferre euange-  
 lium suum cum Hieronymo, Ambrosio, Augustino, Cypriano,  
 Hilario? Nisi fortē Lutherus causetur certiore se esse de  
 suo quod prædicat euangelio, quàm Paulum de suo, ac ideo  
 Paulo opus esse vt quærat cum quo euangelium suum confe-  
 rat, Luthero autem id facere non esse opus? Adde quòd sacra  
 concilia (quorum suprema est in ecclesia post sacram scriptu-  
 ram circa fidem autoritas) non dedignantur in suarum defi-  
 nitionum robur, sanctorum patrum testimonio vti: & dedigna-  
 bitur Vuitcleff aut Lutherus omnibus viris clarissimis simul  
 etiam in vnum consentientibus cedere? Concilium siquidem  
 Toletanum quartum, in capite nono suorum canonum citat  
 Cyprianum & Hilarium in suæ sententiæ comprobationem &  
 concilium Constantinopolitanum, quod sexta synodus appel-  
 latur, in quo condemnatur Macharius episcopus Antioche-  
 nus, asserens in Christo esse tantum vnā voluntatem, vni-  
 cāmque

cāmque operationem, plurimum vtitur testimonijs sanctorū virorum, scilicet Athanasij, Ambrosij, Cyrilli, Augustini, quibus plena est adhibita fides. Et cum expressa scripturæ sacræ testimonia pro illa re deessent, visum est toti concilio sufficiens testimonium esse ad illam hæresim reuincendam concors, illorum sanctorum virorum testimoniū. Quid ergo dicam, nescio, nisi quod Lutherus plus sibi tribuit quàm omnibus concilijs, quum nolit his credere, quibus suprema concilia propter vitæ sanctitatem, & doctrinæ eminentiam, integerrimam præstiterit fidem. Quod si fortè Luthero aut Vuitleso nō persuafero hunc honorem deberi sacris authoribus, & per multa secula laudatis, vt non facilè & pro libito liceat ab eorum sententia discedere, saltem his coram quibus causa agitur, satis esse persuasum arbitror. Neque his vltra aliquid dicam præter id quod M. Aemilium Scaurum dixisse narrat Valerius Maximus, quod huic proposito mihi maximè conducere videtur. *Lib. 3. de fide* enim vitæ clarissimæ & exploratæ probitatis vir, quum à Valerio Sucronensi homine parum sincero accusaretur apud populum, & accusator oratione longa perorasset: ille maximo compendio vsus, eò quod sua & populi erat fretus conscientia, dedignatusque oratione contendere, Quirites (inquit) Varius Sucronensis ait, Aemilius Scaurus negat: vtri potius credendum censeatis? Quibus verbis applaudente populo, vir illustris futilem hominis accusationem euasit. Quæ peroratio nulli proposito mihi magis congruere visa est, quàm huic. Nam si Lutherus ait, Cyprianus negat: Lutherus ait, Hieronymus abnuat: Lutherus ait, Augustinus contradicit: Lutherus ait, Ambrosius obstat: Lutherus ait, Gregorius repugnat: vtri parti potius credendum censeatis? Non dubito vos tacitam pro his viris clarissimis laturos sententiam, sicut & tunc pro Marco Aemilio lata est. Satis tamen hinc honoris habebit Lutherus. Nam etsi victus tandem, cum tot illustribus viris certasse dicetur.

*Quod ad solam sedem apostolicam aut generale concilium spectat de hæresi censere.*

*Cap. VIII.*



Vanuis regulæ præscriptæ sint, sacra, scilicet scriptura, & ecclesiæ definitiones, ad quas quæuis assertio de hæresi examinanda est, multi tamen in pluribus assertionibus conuiuent, nec sciunt discernere an sint hæreses, an non, quod sacram scripturam aut eccl



aut ecclesiae definitiones non integrè retinent: aut si recordantur, non penetrant scripturae sensum, ac ideo minimè aliquid colligere possunt, ut ex ea haeresim conuincant. Nam cum varij sint hominum sensus, variè etiam iuxta ingenij sui qualitatem scripturam interpretantur. Quo fit, ut saepe inter doctos ac pios viros non conueniat in re etiam valde seria: conueniret tamen si possent faciliè regulis uti, easq; cuilibet propositioni applicare. Cum ergo saepe tales contentiones eueniant, oportet ut penes aliquem sit iudicium qui in ea definiat, & lites tollat. Alioqui dabitur ansa nouas pro libito excitandi haereses, cum non deficient scripturae, etsi malè intellectae, quibus innitantur, sicut nunquā defuere haeticis. Pelagius enim dicit hominē sola liberi arbitrij potestate posse & vitare peccata, & gloriā mereri. Nā si non potest, inquit, vitare peccata, iam nō sunt ei peccata, quia nullus peccat in eo quod vitare non potest. Et iterū, Dedit eis potestatem filios Dei fieri, his qui credūt in nomine eius. Si ergo in nostra est potestate filios Dei fieri, filius autem nō dicitur nisi ad hereditatem spectet: in nostra ergo dicit esse potestate assequi illam aeternam gloriā hereditatem. At Hieronym. & Augu. ceteriq; catholici obiciunt Pelagio ex innumeris sacrae scripturae locis illud Pauli, Gratia enim saluati estis per fidem, & hoc non ex vobis, Dei enim donum est, non ex operibus, ne quis gloriatur. Ecce ergo causa agitur, & nō de vmbra, ut dicitur, atri, sed de capite. Iudex ergo requiritur, qui sententiam dicat cui obtemperare oporteat. Talis autem iudicandi potestas non est aliquo inferiori episcopo, aut in collegio cui praest. Quod vel inde manifestum euadet, si prius fidei quā amplecti tenemur, qualitatem & modum ostenderimus. Hoc autem est fidei peculiare, ut vna sit omnium vbique terrarum existentium. Non enim alia est fides ecclesiae Salmanticensis, nec alia permittitur ecclesiae Zamorensi, aut alia ecclesiae Barchinonensi. Sicut enim vna est vniuersalis ecclesia, ita vna omnium fides, Paulo teste qui ait, Vna fides, vnum baptisma. Hinc fides catholica dicitur, quod latinè sonat vniuersalis, quia vna est totius vniuersalis ecclesiae. Quo fit, ut causa quae de fide ventilatur, res sit talis, quae vniuersam tangat ecclesiam. Quod ergo omnium interest, ab omnibus approbari debet, vel ab eo, qui omnium loco praest. Qualiter ergo inferior aliquis episcopus, aut totum collegium cui praest, poterit sententiam ferre in causa fidei, quae est res talis, ut ei vniuersa ecclesia sit obnoxia?

Hac

Hac eadem ratione nec vniuersitas alicuius academix quantalibet literarum eminentia polleat, potest sic de hæresi censere, vt eius censuræ teneantur omnes obtemperare, quamobrem rectè dici solet articulos Perisenses non transire montes. Non ideo assertio aliqua pro hæresi ab omnibus habenda est, quia hæc aut illa academia censuit esse hæresim. Nil enim obstat quin totus ille cōuentus conuiuere possit, cum ille non sit pro quo Deus rogauit vt fides eius non deficeret. Hac etiam lege conuincimus prouincialia concilia non habere plenum & integrum ius definiendi in caussa fidei, cum eorum sententiæ cæteri prouinciales non astringantur: præcipuè cum talia cōcilia possint etiam in fide errare, sicut de multis talibus conciliis errasse compertum est. Cōcilium nanque Cartaginense, in quo cum sancto martyre Cypriano 80. episcopi cōuenientes concordiam animo definierunt, hæreticos, & ab hæreticis baptizatos, fore, cum resipiscerent, rebaptizandos: nullus est qui dubitet errasse. Hæc tamen prouincialia concilia si quando contingat errare, per generalia concilia corriguntur. Vnde Augu. lib. 2. contra Donatistas ait, Et ipsa concilia quæ per singulas regiones vel prouincias fiunt, plenariorum conciliorum authoritati quæ fiunt ex vniuerso orbe christiano, sine vllis ambagibus cedere cum experimento eorū aperitur. Hæc ille. Cum ergo errare possint prouincialia concilia, quoniam ecclesiam vniuersalem non repræsentant, iustum est, & rationi consentaneum, vt penes ea non sit potestas integra, & fixa authoritas in re tam seria qualis est fides, definiendi. Hoc ipsum plurima pontificum decreta confirmant. Symmachus papa ait, Cōcilia sacerdotum ecclesiasticis legibus quotannis decreta per prouincias quoniā præsentiam papæ non habent, validitatem perdiderunt. Et plurima alia decreta testantur concilia sine papæ authoritate congregata, esse irrita, & nullius roboris, quæ ponuntur in volumine decretorum dist. 17. Adde quòd omnia iura tam pontificum quam generalium conciliorum, quæ prouincialibus conciliis aut permittunt aut indicunt conciliorum celebrationem, ad hos tantum limites eam authoritatem extrêdunt, vt scilicet ibidem similitates amputentur, querimonix audiantur, mores corrigantur, non tamen vt de fide ibidem aliquid decernatur. Concilium siquidem Nicenum sic ait de prouincialibus conciliis, Habeatur semel concilium ante dies quadragesimæ, vt omnibus (si quæ sunt) simultatibus amputatis, mundum ieiui-

nium & solenne deo possit offerri. Hæc ibi. Cæterum etsi episcopus aut collegiū, aut prouinciale concilium de rebus fidei non possit definire in his quæ meritò dubitari possent: potest tamē in his quæ iam definita sunt, aut euidentissimis scripturæ sacræ testimoniis absq; vlla tergiuersatione deprehēdi possunt, ius dicere, & aduersus eosdē assertionis pertinaces defensores animaduertere. Illud nāque non est sententiā ferre, sed sententiam pridem latam exequi. Huc enim tendit id quod in ca. ad abolendam. dicitur, extra, de hæreticis, excommunicatos esse omnes hæreticos, quos Romana ecclesia, aut episcopi in suis ecclesiis declarauerint hæreticos. Nam id de deprehensis in manifesta hæresi intelligendum est. Cum autē res fuerit dubia, ad sedem apostolicam est causa deuoluenda. Potest etiam episcopus aut prouinciale concilium inhibere prædicationem, aut qualēcunque publicam assertionem alicuius certæ propositionis propter suspicionem hæresis de tali propositione conceptam, aut propter scandalum quod ex tali prædicatione possit oriri. Quod si qui fortē huiusmodi prohibitioni rebelles fuerint, poterit eos (vt decet) pro criminis qualitate punire, & non quidem quantum hæresis meretur, sed quantū inobedientia. Si ergo penes aliquē est iudicium in causa fidei, & non penes singulos episcopos, nec penes prouincialia concilia, eò quod fides res sit omnibus cōmunis, quibus nec singuli episcopi nec prouincialia concilia præsunt, consequens est vt talis potestas censendi sit penes totā ecclesiam. At cum generalia concilia (vt superius disseruimus) vniuersam ecclesiam repræsentent, colligitur illa habere potestatem definiēdi in his rebus quæ ad fidem attinent. Sedes autem apostolica quoniam ecclesiam tanquam caput repræsentat, primum post generalia cōcilia in definiendo tenet locū. His ergo exceptis, nulli permittitur ius definiendi de his rebus quæ ad catholicam fidem spectant. De conciliis generalibus neminem arbitror, cui præterita capita fuerint explorata, dubitaturum. Superest ergo vt de sede apostolica disseramus. Hanc qui concesserit totius ecclesiæ esse caput, facile erit ei persuasum. Nam quæ omnibus præest, omnes poterit iudicare, & de rebus quæ omnes tangunt, definire. Huius rei plurima sunt sanctorum patrum testimonia. Innocentius. 3. sic ait, *Maiores ecclesiæ causas præsertim articulos fidei contingentes, ad Petri fidem referendas intelligit, qui cum quærenti domino quem discipuli dice. ant ipsum esse, respondisse notabat,*

*Extra de  
bapti. &  
eius effe-  
ctu. ca. Ma  
iores. Dist.  
17. c. Mul-*

Tues

Tu es Christus filius dei viui, & pro eo dominum exorasse ne deficiat fides eius. Hæc ille. Et Pelagius papa scribens episcopis qui conuenerant ad vocationem Ioannis Constantinopolitani, ferè eadem verba ait, Maiores verò (inquit) & difficiliiores quæstiones (vt sancta synodus statuit, & beata consuetudo exigit) ad sedem semper referantur apostolicam. Innocentius primus, Quotiens ratio fidei ventilatur, arbitror omnes fratres & coepiscopos nostros non nisi ad Petrum, id est, sui nominis & honoris auctoritatem referre debere, velut nunc retulit vestra dilectio, quod per totum mundum possit ecclesiis omnibus prodesse. Hæc ille. Beatus Cyprianus in epistola ad Corneliū papam ait, Neque enim aliunde hæreses obortæ sunt, aut nata sunt schismata, quam inde, quod sacerdoti dei non obtemperatur nec vnus in ecclesia ad tempus sacerdos, & ad tempus iudex vice Christi cogitatur: cui si secundum magisteria diuina obtemperaret fraternitas vniuersa: nemo aduersum sacerdotū collegium quicquā moueret: nemo post diuinum iudicium, post populi suffragium, post coepiscoporum consensum, iudicem se non iam episcopi, sed dei faceret, nemo dissidio vnitatis Christi ecclesiam scinderet: nemo sibi placens ac tumens seorsum foris nouam hæresim cōderet. Hæc Cyprianus. Vnde patere clarè potest Lutherum hac sola ratione primatum Romani episcopi negare, vt facilius ei pateret via ad hæreses introducendas. Et beatus Hieronymus ad Damasum papā, Hæc est (inquit) fides papa beatissime, quā in catholica didicimus ecclesia, quāque semper tenemus: in qua si minus peritè aut parum cautè fortè aliquid posuit est, emēdari cupimus à te, qui Petri sedem & fidem tenes. Si autem hæc nostra confessio apostolatus tui iudicio comprobatur, quicumque me inculpare voluerit, se imperitum, vel maleuolum, vel etiam non catholicum, sed hæreticum comprobabit. Hæc ille. Huic accedit quod plurima sunt etiam sanctorum patrum testimonia asserentia sedem apostolicam nūquam à recta fidei regula deuiasse, quæ ponuntur in volumine decretorum. 24. q. 1. videat qui volet. Verū hic animaduertendum est nomen sedis apostolicæ non pro solo summo pontifice accipi, quum hic in fide errare possit, vt superius de Liberio & Anastasio & Celestino ostendimus: sed sedes apostolica, quæ nunquam errauit, comprehendit tam collegium, cuius concilio iuuatur pontifex, quam ipsum pontificem. De hac autem sede non constat eam



aliquando errasse. An autem totum collegium cardinalium errare possit, non differo: tamen credo quod dominus nunquam permittet totum collegium haeresi maculari. Quapropter iustum est, ut in re tanti momenti, qualis est fides catholica, consulat fratrum suorum collegium antequam quicquam definiat, adiunctis etiam si, id possibile foret, viris aliis sanctitate perinde ac doctrina eminentibus. Lutherus tamen hic cum videat necessarium esse iudicem pro lite circa fidem orta dirimenda, dicit verum iudicem esse sacram scripturam, ad quam omnis prouocatio facienda est. At in veteri lege lex ipsa non erat iudex, sed solum sacerdotes Leuitici generis, quorum iudicio standum erat. Praeterea si de ipsa scriptura est contentio, qualiter ipsa scriptura erit iudex? Ut gratia exempli peto, an Pauli epistolae recipias? Si eas negas esse Pauli, non est aliquod scripturae sacrae testimonium per quod reuinci possis. Caveant ergo haereticae prauitatis inquisitores, ne facile de haeresi pronuncient. Si haeresis est iam olim damnata, aut euidentissimis scripturae testimoniis deprehenditur, & non humano ratiocinio cui possit obuiari, tunc executores sunt ut exequantur id, quod circa haeticos decreta pontificum fieri iubent. Si autem res est dubia an sit haeresis, an non, non est eorum munus sententiam ferre, nec possunt censere de haeresi, cum hoc sit solius summi pontificis. Hoc etenim casu illud eis incumbit ex officio, quod nomen eorum praetendit: inquirere, scilicet, de assertionem praedicata, aut quomodolibet publicata, qualiter ab asserente fuerit dicta, quibus verbis, qualiter ab eo intellectis, qua ratione fuerit motus ad id asserendum, aut quibus scripturae testimoniis innitatur. quibus actis, si euidentissimis testimoniis minimè conuinci potest, sed res manet dubia, & suspicionis labe maculata, consulenda est sedes apostolica, nec ea inconsulta (quantumlibet docti consulantur) licebit quicquam definire. Cum autem sedis apostolicae definitionem receperint, eis incumbet exequi id quod à pontifice summo decretum fuerit. Admonere tamen hic oportet, quod quauis apostolica sedes aut generale concilium de haeresi censere possit, non tamen ideo assertio aliqua erit haeresis quia ecclesia definiuit, sed quia fidei catholicae repugnat. Ecclesia siquidem sua definitione non facit talem assertionem esse haeresim, cum etiam si ipsa non definiuisset, esset haeresis: sed id efficit ecclesia, ut nobis per suam censuram pateat illud esse haeresim, quod antea nos latebat an merito

meritò hēresis dici posset. Ecclesia enim tota (secludo primum eius caput) nedum solus summus pontifex non potest nouum articulum fidei condere, posset tamen, si aliquam assertionem valeret hæreticam efficere. Ecclesiam autē non posse nouum articulum fidei efficere, manifesta ratione conuincitur. Omnis nanque assertio ideo catholica dicenda est, quia à deo reuelata, vel quia in instrumēto scripturæ diuinæ continetur, aut ex eo quòd vniuersalis ecclesia eā recipit. Quòd si nullū horum est, saltem euidenti deductione colligitur ex eorum altero, vel ex utroq; vel denique (vt nihil desit) quia eā summus pōtifex approbat. Nec alia certē patet via qua aliquid possit dici catholicū. Si ideo dicatur veritas aliqua catholica, quia à deo reuelata, cū reuelatio diuina nō pēdeat ex pōtificis arbitrio, aut ex ecclesiæ approbatione, qui sit vt pōtificis approbatio faciat catholicū quod à Deo reuelatū est? Faciet quidē vt credamus illud esse reuelatum à deo, quia cum angelus Satanæ transfigureretur sæpe in angelum lucis, & immisiones fiant per angelos malos, dubitari posset fortē an Deus reuelet, an dæmon illudat. Decernit ergo ecclesia illam esse Dei reuelationem, non tamen facit reuelatum esse verum. Si autem talis veritas catholica dicatur eò quòd in sacris literis continetur, cum talem veritatem contineri in sacris literis, non pendeat ex humana aliqua volūtate, sed ex solo deo illarum scripturarum authore, constat etiam hac ratione, ecclesiam nihil profus efficere posse vt veritas illa ad fidē pertineat. Hoc enim ex ecclesia habemus, vt sciamus quæ sit scriptura diuina, iuxta ea quæ cap. 4. superius disseruimus. At cum scripturā esse diuinam nobis constiterit, iam ex seipsa habet vt ei per omnia credere teneamur: perinde ac si adducerentur testes ad probationem alicuius instrumenti quo Petrus tenetur reddere Ioanni centum aureos, hi testes non efficiunt Petrū teneri Ioanni. nam etsi Petrus negaret, & testes defuissent, reuera Petrus erat debitor, sed id efficiunt, vt per scripturam couinci possit tanquā debito obnoxius. Quòd si dicatur veritatem illam esse catholicam, quia iam vniuersalis ecclesia recepit: tūc percontabor quo pacto Ecclesia eā receperit, an quia illi à deo fuerat reuelata, an quia in sacra scriptura reperta? neutrū autē horū pēdere ex ecclesiæ arbitrio ostendimus: aut ecclesia recepit, quia per experiētiā, aut per rationē naturalē eā cognoscit, quod nō est aliquo modo tribuēdū ecclesiæ, eò qd tūc fides nostra soli experiētiæ & rationi naturali in-

2. Co. 11

Psal. 11

1. Cor. 2 niteretur: cui manifestè repugnat Paulus dicēs, Sermo meus & prædicatio mea nō in persuasibilibus humanæ sapiētiae verbis, sed in ostēsiōne spiritus & virtutis, vt fides vestra nō sit in sapiētia hominū, sed in virtute Dei. Quod si alia ratione dicatur veritatem esse catholicam, quia e. reuelaris aut in scriptura contentis manifesta collectione deducitur, cum ecclesiæ definitio non efficiat collectionem esse firmam, vt notum est vel parum docto logico, consequens est vt neque in hoc casu ecclesia efficiat veritatem aliquam esse catholicam. Vltimum ergo superest inuestigandum, si assertio dicatur catholica quia a pontifice determinata, tunc petam an pontifex sic definiens, alicui scripturæ diuinæ innititur, aut reuelationi diuinæ: & tunc constat iam esse catholicā ex scriptura diuina, aut re. elatione: aut innititur propriæ prudentiæ & voluntati, quo euentu constat nō esse hac ratione tanquam catholicam recipiendam, cum fides nostra neque ex voluntate, nec ex sapientia hominum dependeat. Nō est ergo veritas aliqua catholica censenda à sola pontificis aut ecclesiæ definitione: sed id quod erat catholicū, nos tamen latebat, fit deinceps per ecclesiæ definitionem notū, esse catholicum: quemadmodum in lite super debitum, iudex ferens iustam sententiam, non facit eum debitorem, cum etiam ante iudicis sententiam verè ille fuisset debitor ex re precaria quam denegat: sed iudex facit vt pateat esse debitū, quod prius fortè latebat, idq; iudicis sententia efficit, vt per eam pertinax reuincatur. Ideo enim iudex iustè dixit talem esse debitorem, quia verè erat debitor: & non ideo talis est debitor, quia iudex iustam sententiam protulit. Nam si ille non erat debitor, iniustam sententiam tulisset. Sic etiam ecclesia definiens aliquid esse fide tenendum, quanuis certò definiat, nec falli possit, non tamen sua definitione efficit veritatem illam esse catholicam. Nam ideo certò definiuit veritatem illam esse catholica, quia veritas illa catholica erat: quod si catholica non fuisset, ecclesia definiens eam esse catholicam erraret. antè ergo erat catholica, quàm ecclesia censuisset. Nullo ergo modo id fieri potest, vt ecclesia nouum articulu fidei condar: sed id quod antea erat vera fides, nos tamen latebat, ecclesia efficit vt per suam censuram nobis innotescat. Vnde patet miserè errasse dominū Abbatem, qui exponens cap. quod incipit, Cū Christus, quod in volumine Decretalium epistolarum habetur in titulo de hæreticis, dicit papam posse condere nouum articulum fidei. Verum par-

rūm parcendum est ei ignorantī, nec bene expendenti de qua re loqueretur: hoc solum video esse illi impingendum, quod ultra crepidam iudicauerit. Non enim est canonistarum munus de hæresi aut de fide iudicare, sed theologorum, quibus diuinum ius committitur. Canonistarum partes sunt de iure pontificio disserere. Videant ergo ne dum vtrique sella sedere cupiunt, vt est in prouerbio, vtrique excludantur. Quod suam sententiam colligunt ex illo capitulo, Cū Ghristus, non recte faciunt. Nam Alexander tertius, cuius est illa sententia, non condidit articulum fidei, quia nec fecit talem propositionem, videlicet, Ghristus secundum quod homo est aliquid, esse veram, nec per consequens catholicam, cū veritas à re ipsa pendeat, & nō ex affirmatione pontificis. Propter nostrū enim affirmare vel negare nihil mutatur in re. Sed papa definiēs fecit vt non liceat asserere aut opinari contrarium illius, cū tamen ante pontificis determinationem fortē liberē quis asserere potuisset circa hæresis notam, eō quod veritas illa nō innotuisset (quantū non video qualiter potuisset aliquem nisi prorsus indoctum aut malē affectum latere) & ideo olim citra pertinaciam asserens oppositum non cēseretur hæreticus, ac ideo nec excommunicationis reus. Sēpenuerō enim contingit, vt inter viros pios atq; doctos nō conueniant de eadē re, in qua alterū eorum errare necessariū est, nec ideo tamē error ille statim hæresis cēsetur: vt gratia exēpli quidā dicunt personas diuinas cōstitui in esse (vt ipsi loquūtur) personali per respectiua, aliis affirmantibus cōstitui per absoluta. Alij rursus dicunt non cōstitui per aliqua, sed se ipsis esse personas. Quis non videt aliquē horum errare, cū tamen quilibet eorū suā adhæreat opinioni impunē, & sine hæresis nota? Nec tamē ideo talis error non est hæresis, quia ei nō impingitur. Nā si omnis error catholicę fidei obuiās, hæresis dicēdus est iuxta id quod superius disseruimus, certū est tamē errorē esse hæresim, quia oppositus veritati fidei cathalicę, quāuis nobis ignotæ. Veritas enim cui error ille repugnat, necessaria est, nos tamen latet an veritas sit, atq; ideo minime obligamur ad assentiendū ei, nec ad dissentiendū errori repugnāti. Quo fit, vt liberum sit cuique suā tueri sententiā. Si tamen ecclesia à spiritu sancto edocta de illa re definiret, absq; vlla dubitatione ecclesia nō efficeret sua definitione vt persona sic aut sic constituitur: sed doceret nos id quod etsi ab æterno verū fuerat, nos tamen latebat. Post quam ecclesię definitionē iam non



licebit asserere quod ante licuisset. Erit ergo necessariò vt sicut ecclesia sua definitione non efficit nouam fidei veritatem, ita nec oppositam esse nouam hæresim. Verum quoniam aliquando ecclesia verbis clari & manifestis exprimit aliquam assertionem, quam ex aliis abstrusis reconditisq; scripturæ sacrae locis elicit, etsi nullibi ita manifestè reperiatur, hac ratione eueniet aliquando vt ecclesia dicatur condere articulum fidei, non quod efficiat esse fidem quod non erat fides, sed quia id expressit aliquibus certis verbis quibus antea nusquam fuerat expressum: sicut dicimus Nicænum concilium condidisse symbolum fidei, quia filij consubstantialitatem expressit, quam nusquam sacrae literæ hoc nomine expresserant. Ad hunc modum etiam dicitur hæresis aliqua esse noua, non quod antea non fuisset hæresis, sed quod nullus eam antea asseruerit. Hoc enim modo 24. q. 1. c. ait Gelasius papa: Achatius non fuit factus inuentor noui erroris, sed veteris imitator. Multi quidem sunt ei rores qui antequam habeant protectores, à doctoribus sacris reprobantur, vt præcaueant aliis: quod si quis iam eos defendere incepisset, dicerentur hac ratione noui errores. Sic enim in Act. Apostolicis refertur de quibusdā dicentibus de Paulo quod nouorum dæmoniorum annūciator esset. Noua quippe appellabant dæmonia, eò quod à Paulo essent nouiter prædicata. Fufius in hoc capite egimus, quod videbamus rem esse necessariam longa admonitione, ne quisque credat sibi esse commissum de hæresi pronunciare.

*Quis dicendus sit hæreticus.*

*Cap. IX.*



Ti huius capitis solam superscriptionem inspexerit, superfluum ei fortè videbitur quod hoc capite pertractandum est. Dicit enim apud se, Cum hæreticus is sit dicendus qui hæresi adhæret, quid autem sit hæresis, superius ostensum est, quid igitur de hæretico oportebat repetere sermonem? Quod non ita est vt primò obliicitur. Nam subindè euenit vt hæresim asserat, qui tamen verè catholicus dicendus est, vt de Cypriano & aliis dicemus. Quapropter vltiorem oportebit facere inquisitionem, vt cōperiamus quis meritò censendus sit. Quæ res cum nō sit leuis, ne leuis etiā imò matura exigitur examinatio antequam aliquid definiatur. Nam cum nomen hæreseos graue sit & iniustum christianis auribus, turpè est id temerè cuiquam impingere. Non enim est alia durior aut acerbior, quam christiano viro

viro possis inferre, contumelia, quàm si eum hæreticum appelles. Sunt tamen multi nil magis habentes in promptu, quàm hæresis notam, quam pro libito obiiciunt, non expendentes de qua re, aut de quo loquantur. E quibus multis non potui calamum temperare quin unum fratrem Bernardum de Lucéburgo notare, qui in suo hæreticorum catalogo plures in hæreticorum numerum retulit, dignos qui meliore calculo numerarentur: quales sunt Papias Hieropolitanus episcopus, Præpositius, Gilbertus cognomento Porretanus. Hunc autem cum ipse fateatur errori suo renunciaſſe, miror quid hominem impulerit ut illum hæreticorum catalogo inseruerit. Quis enim unquam docuit eum esse dicendum hæreticum, qui errorem sic tenuit, ut monitus & conuinctus non erubuerit palinodiam cantare? Taceo de Berengario, quem postquam hæreticorum ordini intexuit, fatetur eum ab errore sic discessisse, ut nunquam ad eum redierit (quod quantum ueritatis habeat, alias differemus) ideoque dicit ibidem annumeratum, non quod hæreticus fuerit, sed quod sententiam tenuerit aliquando hæreticam. At cum librum appellauerit nomine catalogi hæreticorum, quid cogit, ut qui semel alicui hæresi adhæserunt, hac nominis ratione in eundem alveum corriuentur cum cæteris qui pertinacissime suos tutati sunt errores? Quod si hoc nomine illi proſcribendi erant, cur alios tam multos prætermisit? Nonne frater Matthæus Grabon hæresim sectatus est, cui in Constantiensi concilio, Ioanne Gerson teste, renunciauit? Verum hic Dominicanus erat, quem fortè, ut alios eiusdem instituti qui pertinaciter hæresi adhæserunt, sciens præterit, ne Dominicano instituto quod profitetur, contumeliā fecisse videretur: tanquam si aliquid deperisset de gloria ordinis prædicatorum, quod ex eo sed alio vnus aut alter hæreticus prodierit. Non certè magis quàm de illa sancta societate deperiit, de qua dicitur, Ex nobis prodierunt, sed ex nobis non erant. Nusquam enim ecclesiæ venustas diminuta est, aut color obfuscatus eo quod tot ex ipsa hæretici exierint. Propter quod non possum non stomachari in eos qui, ut suum institutu laudent, non verantur coram populo iactare & dicere, cum qui semel habitum illius ordinis suscepit, non posse in fide errare aut deficere. Nonne hoc aperta est blasphemia, cum per hoc magis tribuere videatur habitui quo induitur, quàm fidei aut gratiæ Dei? Est ne fortè potèrior pannus ille quàm Dei gratia aut fides? Absit tanta demètia, At ne fides nec gratia in baptismo suscepta sic hominem seruat quin in hære-

I. Ioan. 2.

sim labi possit. Quî fit ergo vt habitus seruet? Quòd si hoc ad professionem quis referre velit, & non ad habitû, vt professio quam de illo instituto emisit, hanc vim habere dicatur: quis nō videt in baptismo omnes profiteri christianismum? nec tamen illa quam tunc emisimus professionē, immunes nos ab hæresi reddit. Nec tamen vllus erit adeò impudens, vt neget illustriorem multo esse atque efficaciorē professionē illam, quā quēuis alia postmodû facta. Abeant ergo, & illas nœnias poëtis cantandas relinquunt, & populo meliora prædicēt. Testor Deum, non mentior: nam me præsentē quidam in concione publica ad populum prædicans in die quo agitur solennitas sancti, qui ordinem instituerat, dixit, fraternitatem suam ac societatem laudibus extollere volens, eum qui habitû illius ordinis semel induerit, non posse esse hæreticum. Et ab aliis pluribus accepi, se eadem verba audiuisse ad hominibus eiusdem ordinis cū de eadem re sermo populo fieret. Ego quidem cū audirem, abominatus sum hominis audaciam atque impudentiam, execratus autem prælati patientiam, qui illa audiens tolerasset, minimèq; punisset. Ob quam causam suspicio mihi non parua orta est, vt crederem ex eius mente verba prolata. Ne hoc toti ordini aut societati impegisse videar, nomen ordinis ex industria subticui, vt magis admonere viderer prout christiana charitas postulat, quā traducere prout inuidia suggerit. Libenter quidem audio sanctorum laudes, modò eos Deo non æquent. Gaudeo cū quis institutum quod professus est, laudat. Nam hoc symbolo demonstrat se à prima intētionē minimè defecisse. Modus tamē & laudibus apponendus, ne quis conuentū aliquē particulare illustriore aut speciosiore putet, quā conuentus ille qui ecclesia vniuersalis dicitur quē sine macula est: ex ea tamē cū multi hæretici exierint, nihil vnquā de eius pulchritudine perit. Atq; ideò Deū testor quòd nemini in hoc libro parcā cuius hæresim alicubi reperero, etiā si Franciscani instituti fuerit, cui me à duobus & viginti retroactis annis adstrinxi. Nā etsi beato Frācisco tanquā patri teneam, & eius fraternitati velut matri, quē me aluit atq; educauit, plus tamē me debere fateor Christo, qui pro me mortuus est, & verè omniū matri ecclesiæ catholice, in qua per baptismū renati sumus. Sed iam opus est vt ad nostrū scopum reuertatur oratio. Cū ergo res sit tam acerba quempiam hæretici nota inurere, anxie examinanda est, oportetq; lapidem, vt dicitur, ad filum referre, antequam censeamus,



mus, & non leuiter quicquam pronunciare. Plurima ergo exiguntur vt merito aliquis dici possit hæreticus. Primò vt fidem catholicam semel in baptismo suscepit. Nam qui nunquam fuit christo dedicatus, is infidelis, aut paganus, aut iudæus, aut Saracenus, aut alio quouis nomine censetur, non tamen dicitur hæreticus. Vnde patet miserè errasse Bernardum de Lucemburgo, qui hæreticorum catalogum describens, aliquos ibidem recenset qui nunquam in fide catholica fuerunt initiati, atque ideò nec hæretici nominãdierant, quales sunt Auicenna & Auer. quos hæreticorum catalogo inseruit, cùm tamen nihil minus quã hæretici dici possunt. Constat siquidem eos sectam Mahumet. fuisse amplexos. Quòd si ideo inter hæreticos numerandi erant, quia fidei Christi aduersi fuerūt, cur non etiam apposuit Photinum, Libanium, Lucianũ, Plutarchum, Apuleium, aliòsque philosophos, qui fidei christianę maximè repugnant? Deinde post fidem susceptam requiritur error in fide, quòd aliquam, scilicet hæresim, amplectatur. Propter quod schismaticus ex solo schismate non propriè hæreticus censendus est, nisi hæresim confingat propter quam ab ecclesię vnitate diuidatur. Verùm quia (Augustino teste) nullum schisma est nisi aliquam hæresim confingat, vt rectè videatur ab ecclesia discessisse, hic est quòd schismaticus appellari solet hæreticus: non quòd schisma ipsum hæresis sit, sed quia disponit ad hæresim. Vt enim primo capite disseruimus, nunquam opus exterius dicendum est hæresis, nisi ei adiungatur credulitas intellectus. ideo schisma hæresis dici non potest, nisi ei addatur error intellectus. Vnde Hiero super epist. ad Gala. Inter hæresim & schisma hoc esse arbitror, quòd hæresis peruersum dogma habet, schisma verò ab ecclesia pariter separat. Hæc ille. Verùm hic admonere oportet duplicem esse vnionem. Vna quæ fit per charitatem, per quam tanquam per iuncturas membra iunguntur, vt capiti suo, scilicet Christo cohareant, & per hanc cõstituitur corpus illud quod dicitur esse sine macula. Et hoc modo vnitas ecclesię consistit in vnitate charitatis, qua membra inuicem se diligunt, & Deum. Alia est ecclesię vnio per fidem, per quã omnes fideles sunt grex sub vno pastore. Sic enim ait Hugo de sancto Victore, per fidem accipi vnionē, per charitatē viuificationē. Hęc ille. Et hęc est illa ecclesia, quę in euāgelio aliquādo cõparatur sagenę missę in mare, & ex omni genere pisciũ congreganti. aliquādo decem vir-

Matth. 13

Matth. 25

ginib



ginibus, è quibus quinq; erant fatuæ, quinq; prudentes. Schisma, quod latinè sonat scissura aut diuisio, opponitur primæ unioni quæ fit per charitatem. Nam sæpenuerò euenit vt aliquis schismaticus dicatur, qui tamen ecclesiam credit esse omnium matrem, & fidem tenet, quam catholica tenet ecclesia: sed sola hac ratione separatur, quòd negat pontificem rectè & vt decebat, electum, atque ideò non vult ei subesse tanquam ei quem non credit verum esse pontificem: quale schisma historiarum recentes memorant per quadraginta ferme annos permansisse in ecclesia, quæ tres se pro pontificibus gerentes tunc passa est, quod in concilio Constantiensi sub Sigismundo Romanorum rege finitum est. Quis tamen hic audeat alicui eorum, qui se pontifices dicebant, aut eis qui illis parebant, hæretici nomē impingere, cum ipsum conciliū nunquam alicui eorū hoc obiecit, nisi fortè Benedicto, qui re clamāte concilio in schismate permāsit? Quāuis enim credereteneamur ex fide, verū Petri successorē esse supremū totius ecclesiæ pastore, nō tamē tenemur eadē fide credere Leonē aut Clementē esse verū Petri successorē: quoniā nō tenemur ex fide catholica credere eorū quēlibet rectè & canonicè fuisse electū. Quo fit vt qui obedientiā denegaret Clementi aut Leoni hac ratione, scilicet quòd dicit eū nō fuisse rectè electū, etsi schismaticus dicendus sit, non tamen hæreticus censendus, cū per hoc nulli veritati catholicæ obuiet. Nō enim ad fidem catholicam spectant ea quæ ex facto nunc pendent, sed ea quæ ex iure. Alioqui si ea ad fidem catholicam pertinerent, fieri oporteret necessariò vt ecclesia aliquādo in fide deciperetur, quod nullus sanæ mentis vnquā admitteret. Non est ergo aliquis hæreticus censendus, nisi errorem in fide suscipiat. Quapropter hæreticorū fautores & defensores, et si aliquando hæretici nominentur, si tamē solas personas defendūt, & nō errores, nō sunt hæretici censendi, pœnis tamē canonicis subiacebunt. \* Tertiò vt quis verè dici possit hæreticus, iuxta quorundam opinionē, requiritur, vt nō prorsus totā deserat fidē catholicam, sed aliquē duntaxat aut aliquos illius articulos. Nam si vniuersam fidē desereret, dicūt illi non hæreticū sed apostatam esse appellandū. Hanc sententiā docet Guido Carmelita in sua summa de hæresibus, qui hæreticū ab apostata hac ratione discernit quòd hæreticus aliquem particulare fidei articulum deserit, apostata verò toti fidei catholicæ contradicit. Eandem tueretur opinionem Ioannes de turre cremata, in summa ecclesiæ lib.

siæ lib. 4. parte 2. cap. 13. Idem docet Siluester de Prierio in sua  
 summa in dictione, hæreticus. Et ego aliquando ita sensi, atq;  
 ita in prima huius operis ædizione docueram. Nam istorū do-  
 ctorum vestigia sequutus in eandem in quam illi cecidi foueā.  
 Nunc igitur profundius (vt opus erat) rem contemplatus de-  
 prehendi clarissimè illos & me errasse. Non est enim rationi  
 consentaneum, vt hæreticus hæreses augendo desinat esse hæ-  
 reticus. Quis sanæ mentis dicet hominem album, per albedi-  
 nis additionem desinare esse album, Si albedo reddit hominē  
 album, necessarium est vt quo plus habuerit albedinis, eo al-  
 bior fiat: tantum abest vt albus tunc desinare esse possit. Si ob  
 vnam tantum rem furto sublatam, aliquis dicitur fur & latro,  
 qui omnes aliorū possessiones furto surripuerit multo iustius  
 censebitur latro. Ad eundem modum de hæretico mihi neces-  
 sario dicendum videtur, vt si articulus vnus fidei desertus suffi-  
 cit illius desertorem reddere hæreticum, articuli omnes fidei  
 deserti efficiant illorum desertorem nō solum hæreticum sed  
 hæreticissimum. Apostata igitur non est aliquid ab hæretico  
 sic seperatum, vt idem non possit esse apostata & hæreticus,  
 prout præfacti doctores sentire videntur, sed apostatæ nomen  
 est velut species quædam infidelitatis sub hæretici nomine con-  
 tenta. Omnis itaque apostata est hæreticus, non tamen econ-  
trario omnis hæreticus est apostata. Et hanc sententiam docet  
 beatus Thomas qui in secunda secundæ, quæst. 10. artic. 5. so-  
 las tres dicit esse infidelitatis species, videlicet, Paganos, Iu-  
 dæos, & Hæreticos, & sub hæreticorum nomine contineri di-  
 cit quot quot à fide catholica quam semel susceperūt, quomo-  
 dolibet recedunt. Et expressius id docet eodem libro quæst. 12.  
 artic. 1. in responsione ad tertium, vbi dicit quòd apostasia non  
 importat aliquam speciem infidelitatis, sed quandam circum-  
 stantiam aggrauantem. Eidem sententiæ subscribit Guilli-  
 mus Ocham prima parte suorum dialogorum lib. 4. capit. 12.  
Quod consummatum facit hæreticum, est, si errori adiungas  
pertinaciam. August. contra Manichæos. Qui in ecclesia Chri-  
 sti morbidum aliquid prauūque quid sapiunt, si correcti vt  
 sanum rectūque sapiant, resistunt contumaciter, suāque pe-  
 stifera & mortifera dogmata emendare nolunt, sed defendere  
 persistunt, hæretici sunt. Hæc Augustinus. Sz penumero enim  
 fit, vt quod semel vtcunq; prodiderit definiendi temeritas, con-  
 firmet, imò augeat tuendi pertinacia. Quapropter optimè hæ-  
 reticis

*Ezec. 2* reticis dici potest id quod dominus per Ezech. prophetam dicit, Patres eorum præuaricati sunt pactum meum vsq; in diē hāc, & filij dura ceruice & indomabili corde sunt, ad quos ego mitto te. Tanta est enim hæreticorum pertinacia, vt sæpe non dubitent caput opponere gladio, ne à suo errore discedāt: quibus

*1. Cor. 13* bene illud Pauli conuenit: Si tradidero corpus meum ita vt ardeam, charitatem autem nō habuero, nihil mihi prodest. Pertinacia sublatā quantumlibet quis erret, non est dicendus hæreticus. Vnde August. in epist. ad Glorium & Eleusium, quæ est

*24. q. 3*  
*dixit Apo*  
*stolus.*

in volumine eius Epistolarum. clxij. Qui sententiam suā quāuis falsam atque peruersam nulla pertinaci animositate defendunt, præsertim quam non audacia suæ præsumptionis pepererint, sed à se ductis atq; in errorem lapsis parentibus acceperunt, quærunt autem cauta sollicitudine veritatem, corrigi parati cum inuenerint, nequaquā sunt inter hæreticos deputandi. Hæc ille. Si enim aliquis idiota qui apud se firma voluntate decerneret eam fidem amplecti semper quam ei sancta mater ecclesia insinuabit, audiret prædicatorem cui simplici animo afficitur, dicentem spiritum sanctum procedere à patre nō tamen à filio, & ei assentiret, non ideo hæreticus censendus est: quia etsi erret, non tamen ex malitia, cum paratus sit ecclesiæ monenti obedire. Ideo enim prædicatori credit, quia arbitrat prædicatorem ea dicere quæ à catholica ecclesia approbantur, non crediturus si aliqua ex parte illi innotesceret prædicatorem à vera fide deuiasse. Vnde August. in lib. de baptis. contra Donatū: Si aliquis hoc idem sentiat de Christo quod Fortinus opinatus est, & in ecclesia catholica baptizatur, & hoc credit esse fidem catholicam, nondum dico esse hæreticum, nisi manifesta doctrina catholicæ fidei resistere maluerit, & illud quod tenebar elegerit. Hæc ille. Imò non solum hæreticus non est, sed nec in hoc peccat, ignorantia eum excusante, quoniā sicut nesciebat, ita nec scire tenebatur. Nō enim omnes æqua lege tenentur ad credendū. Plebi indoctæ satis est eos fidei articulos tenere, qui in Apostolorū symbolo explicantur, paratæ suscipere reliqua quæ ei ecclesia credenda obtulerit. At nō idē est in prælatis & prædicatoribus, quos ignorantia nō excusat, eò qd tenentur scire ea quæ ad officiū suum pertinent, vt nihil prædicent quod nō sit eis perfectè exploratū: ideòq; peccant si ignorant. Si tamen parati sunt corrigi cum ecclesia aliud docuerit, quāuis peccant ignorātes quæ deberent scire, nō tamē hæretici sunt



sunt censendi magis quàm indoctū vulgus, eò q̃ pertinaces nō sunt. Pertinacē dicimus eū qui adeò tenaciter propriæ adheret sententiæ, vt ecclesiæ quantūlibet monenti paratus sit resistere. Quæ pertinacia etiā in his quæ ambigua sunt, & vbi adhuc ecclesia nihil definiuit, tam peruersa est, vt ea sola sufficiat hominem hæreticū reddere. Si quis enim credat ignē inferni esse similem aut dissimilē huic quē apud nos hic cernimus, nō cēsebitur hæreticus, eò q̃ lis est adhuc sub iudice. Quòd si alteram partē tali animo amplectatur, vt quāuis ecclesia oppositā definiret, sit paratus aduersus ecclesiæ censurā, partē suā tueri, hæreticus censendus est: nō quia hāc aut illā sententiā tuetur, quæ fortē vera est, sed propter pertinaciā adiunctā, quæ hoc efficit, vt quoniam paratus est ecclesiæ aliud docenti resistere, eo ipso credit ecclesiā errare posse: quòd hæreticū est. Cæterū circa ea quæ expressa sunt, & extra omnē cōtrouersiam deducta, quæ, s. per ecclesiā semel definita sunt hæc erit regula tenēda. Qui in his expressis & semel definitis repugnat & cōtradicit, etiā si dicat se paratum corrigi per ecclesiā aut per conciliū, hæreticus censendus est: quoniam eo ipso q̃ ecclesiæ definitioni cognitæ cōtradicit, pertinax est. Nā etsi dicat se paratū corrigi, nō tamē est ita. Quī. n. fit, vt quis sit paratus corrigi ab eo quē tūc manifestē oppugnat? Atq; ideo ecclesia nō cōsueuit, quæ semel definita sunt, iterū in quæstionē vertere. quapropter qui ecclesiam definisse audit, obtēperare debet. q̃ si repugnat, pertinax merito censetur, atq; ideo hæreticus. Vnde Gelatius papa, Maiores nostri diuina inspiratione cernētes, necessariò præcauerunt, vt quod cōtra vnamquāq; hæresim coacta semel synodus pro fidei cōmunionē & veritate catholica & apostolica promulgasset, nō sineret nouis post hæc retractationibus mutari, ne prauis occasio præberetur, quæ medicinaliter fuerunt statuta, pulsandi, sed authore cuiuslibet insaniz ac pariter errore dānato, sufficere iudicauerūt, vt quisquis aliquando huius erroris communicator existeret, principali sententia dānationis eius esset obstrictus. Sic Sabelliū dānauit synod⁹, nec fuit necesse vt eius sectatores postea dānarentur, sed pro tenore cōstitutionis antiquæ, qui vel prauitatis illius vel cōmunionis extiterāt participes, vniuersalis ecclesia duxit esse refutandos. Sic Arriū, sic Eunomiū, Macedoniū, Nestoriū, synodus semel gesta cōdēnans, vltērius ad noua cōcilia venire nō finit. Hæc ille. Et Felix papa: Achatius nō fuit noui vel proprij inuētor erroris, vt in eum

noua

2.4.7.1



noua scita prodirent, sed alieno facinori suam communionem miscuit, itaq; necesse est vt in illā recideret iusta lance sententiam, quam cum suis successoribus per cōuentiā synodalem susceperat author erroris. Hæc ille. Et Leo papa epistola vigesima secunda scribēs Martino Augusto de his quæ in cōcilio Chalcedonensi tractanda erāt, sic ait, Per dominum nostrū Iesum Christum, qui regni vestri est author & rector, obtestor & obsecro clementiam vestrā, vt in præsenti synodo fidem quam beati patres nostri ab Apostolis sibi traditam prædicarunt, nō patiamini quasi dubiam retractari: & quæ olim maiorum sunt autoritate damnata, rediutis non permittatis conatibus excitari. Hæc Leo papa. Et epistola 52. eadem scribit Leoni Augusto. Taceat ergo Lutherus, & erubescat concilij definitionem petere in rebus quæ per multa concilia definitæ sunt. nam cum

constet eius errores ex officinis prodijisse Eriorum, Lamperianorum, Valdensium, Vuitcleuistarum, Hulsitarum, quos plura concilia damnauerunt, quid nouas definitiones petit, vbi tot habentur antiquæ? Scit tamē callidus serpens quid agat. nam quia difficilē sperabat his temporibus propter simultates ingruentes concilium congregari posse, ad concilium appellat: cui, si congregaretur, minimē obtemperaturus esset. Nec mirū quod sic tenaciter suo errori adhæreat, quoniam vt ait Sapi. Aquæ furtiue dulciores sunt. Nōne aquæ furtiue sunt hæreticorum placita atque errores? Sic enim alibi dicitur, Aqua profunda, sapientia in corde viri. sed hæc furtiua est, cum sacræ scripturæ autoritate vitur contra intentionem & voluntatē sancti spiritus, eiusdem scripturæ authoris. Sed hæc, quoniam furtiue, dulcius eis sapiunt, quā si ab alijs mendicassent, atque ideo tenacius eis adhærent. Quilibet enim proprijs magis delectatur inuentis quā alienis. Hac ergo de causa monebat Iacobus Apostolus dicens: Si quis vestrum indiget sapientia, postulet à Deo. quasi dicat, Si ab alio quā à Deo cupit, furtiue habebit, quoniam omnis sapientia à Domino Deo est, & cum ipso fuit æuum.

Pro. 9.

Pro. 18.

Iaco. 1.

Eccl. 1.

*Quod dubius in fide, dicendus est hæreticus.*

Cap. X.



De eo qui pertinaci animo suum errorem tuetur, proximo capite disseruimus. Superest vt de eo disseramus qui nulli errori adhæret, sed tantum in fide hæsitat, ita quod anceps est & dubius ad quā partem se vertat. an talis meritò dici debeat hæreticus?

reticus? Cui quæstioni facile responderetur, si prius attendatur qualem oporteat esse fidē, ut fides meritò dici possit. Ut enim aliquid fides verè appelletur, certitudinem exigit & firmitatem in eo qui eā tenet: Alioqui si certitudo aut firmitas absit, & scrupulus aliquis viget, ea non fides, sed opinio aut dubitatio censebitur. Hac enim sola ratione fides separatur ab opinione, quòd qui credit, tenaciter adhæret: à nullo impellitur ut eū in oppositam partem deflectere valeat. Qui autem opinatur, sic accedit suæ sententiæ, ut aliquantulum hæsitet, & mobili intellectu assentiat. Quo fit ut fides & opinio minimè in vnum coire possint: multò ergo difficilius coibunt fides & dubitatio, cum hæc magis pugnent inter se. ideo apostolus Iacobus ait, Postulet autē in fide nihil hæsitans. Qui enim hæsitat, similis est fluctui maris qui à vento mouetur, & circumfertur. non ergo æstimet homo ille quòd aliquid accipiat à domino. Colligitur ergo manifestè, eum qui dubitat, minimè credere. At in his in quibus oportet captiuare intellectum in obsequium Christi, nolle captiuari ut credat, est apertè pugnare aduersus fidē. Eum autem qui aperto Marte fidei repugnat proximo capite ostendimus esse hæreticum. Hæreticus ergo dicendus est quisquis dubitat ea quæ ad fidem spectant. Vnde Steph. papa ait, Dubius in fide, infidelis est. Huic accedit, quòd omnis in fide dubitans errat. At cum proximo capite ostenderimus omnem, qui pertinaciter errat in fide, hæreticum esse dicendum, conuincitur ergo manifestè ut omnis qui in fide dubitat, hæreticus etiam dicatur. Quòd in fide dubitans erret, testimonio Augustini probatur, qui in enchirid. cap. 17. sic ait: Errare est approbare falsa pro veris, aut improbare vera pro falsis, aut habere incerta pro certis, aut certa pro incertis, aut certa pro incertis. Hæc ille. Eadem fermè verba repetit c. 19. Ea quæ ad fidē pertinent, certissima sunt. Cùm autē illa quæ dubitantur, pro incertis teneantur, colligitur inde, eū qui in rebus fidei dubitat, errare: omnis autem pertinaciter in fide errans, hæreticus est: omnis ergo in fide dubitans, pari modo hæreticus censendus erit. Hoc etiam pluribus scripturæ testimoniis comprobatur. Nam post resurrectionem cum dominus apparuisset discipulis, tempore quo Thomas ibidem non erat, quam ob causam cū credere idē Thomas noluisset, nisi prius missis manibus in fixuras clauorum, post dies 8. dominus omnibus vndecim apparens dixit Thomæ, Infert digitum tuum huc, & vide manus meas: & affer

Ioan. 20

manum tuam, & mitte in latus meum, & noli esse incredulus, sed fidelis. Ecce hic dominus impingit Thomæ incredulitatem & infidelitatem ob dubitationem quam de resurrectione eius habuit. Quod autem Thomas dubitauerit, testatur Grego. in homilia huius lectionis dicens, Nunquid casu gestum creditis, ut electus ille discipulus tunc deesset, post autem veniens audiret, audiens dubitaret, dubitans palparet, palpās crederet? Non hoc casu, sed diuina dispensatione gestum est. Egit namque mihi ordine superna clementia, ut discipulus dubitans dū in magistro suo vulnera palparet carnis, in nobis vulnera sanaret infidelitatis. Hæc Grego, Et Cyrillus exponens eundem locū, libro scilicet. 12 capite vero Commentariorum suorum. § 9. sic ait: Præ gaudio autem magis quàm infirmitate mentis dubitasse Thomam diximus, quoniam & de aliis dixisse Lucam nō ignoramus. Adhuc autem illis non credentibus, & mirantibus præ gaudio. Verū cū visus omnē dubitationis causā tollat, rectē Tho. statim clamauit, Dominus meus, & Deus meus. Hæc Cyrillus. Vides iam Thomā dubitantem, quem ob eam solam causā dominus incredulum appellat. Præterea quum Petrus ex præcepto Christi super aquas ad eum iret, cœpissetq; mergi, auxiliūq; imploraret diuinum, dictum est ei à domino. Modicæ fidei, quare dubitasti? Quod exponens Theophylactus, ait: Non omnino autem dubitabat Petrus, sed secundū quid, hoc est ex parte: nam iuxta id quod dubitauit, incredulus fuit: iuxta id autem quod clamauit, Domine serua me, curauit incredulitatem: ideo paræ fidei dicitur, non incredulus. Hæc ille. Et Paulus in epistola ad Romanos, cōmendans eis fidem Abrahamæ, ait: In repromissione etiam Dei non hæsitauit diffidentia, sed confortatus est fide. Ex quibus verbis manifestissimè ostendit Paulus eum qui hæsitat, minimè fidem habere. Rursum Theophylactus exponens illud ad Romanos. 1. In-  
Luc. 24 stitia dei in eo reuelatur ex fide, sic ait, Cū enim ea quibus à deo donati sumus, mortales nequeant cogitatione complecti, meritò nobis est fides hæc necessaria: quam si scrutari hæsitando cœperimus, omnium proculdubio patiemur iacturam. Hæc ille. Pro re ergo tam clara hæc sufficiat adduxisse testimonia. Sunt tamen hæc quæ diximus, ad eum solum referenda, qui pertinaci animo dubitat, quomodo superius diximus de eo qui pertinaciter dissentit. Nam si quis dubitat aut ex infirmitate quadam, velut contingit in primis motibus, & in his qui à na-  
Mat. 14  
Ro. 4 tura

tura hoc habent ut sint in qualibet re ancipites, & assiduis ut-  
geantur scrupulis: aut si dubitat ex ignorantia, quia scilicet  
nescit tale aliquid pertinere ad fidem catholicam, paratus  
tamen utroque euentu absque vlla hæsitatione assentire cum  
fuerit ab ecclesia monitus aut edoctus, non erit talis dicendus  
hæreticus, ac ideo nec excommunicationi nec cæteris pœ-  
nis canonicis erit subiectus. Quod si adeo pertinaciter du-  
bitat, ut ecclesiæ docenti nollet assentire, iam hæreticus est  
duplici ratione: & quia dubitat de his quibus integram fi-  
dem & firmam præstare tenebatur, & quia ecclesiæ monenti  
non credit: nam ex hoc suspicio oritur eum opinari de ec-  
clesia quod possit errare in fide: quod impium est. Verum hic  
admonendum censui: quod quamuis non liceat alicui de re-  
bus quæ ad fidem spectant, dubitare, licebit tamen de earum  
intelligentia dubitare. Sæpiissime enim contingit ut viri quan-  
tumlibet docti & pii circa plures sacræ scripturæ locos hæ-  
reant, dubitantes scilicet quidnam sub illo verborum in vo-  
lucro lateat, cum tamen firmissimè credant verum esse quic-  
quid verbis illis Deus nobis insinuare voluit. Certissimè enim  
& absque vlla hæsitatione credunt sensum illius literæ verum  
esse: quis autem sit verus illius literæ sensus, meritò dubitant.  
Ad hunc modum virgo deipara etsi annuncianti angelo futu-  
rum conceptum credidit, modum tamen, quo id fieri possit,  
perit, & de eo dubitans interrogat: Quomodo fiet istud, quo-  
niam virum non cognosco? Illa siquidem virginis aut quæstio Luc. I  
aut dubitatio nihil de eius integerrima fide minuit. Vnde bea-  
tus Ambrosius, exponens illud, ait: Quo ergo modo fieri pos-  
sit ut Zacharias, qui non crediderat, silentio condemnaretur,  
Maria autem si non credidisset, spiritus sancti infusione  
exaltaretur? Sed neque non credere Maria, neque tam te-  
mere debuit usurpare, non credere angelo, usurpare diuina.  
Neque enim facile erat scire mysterium absconditum à secu-  
lis in domino, quod nec superiores potestates scire potuerunt:  
& tamen nõ fidem renuit, non officium refutauit, sed accom-  
modauit affectum, sponsonit obsequium. Etenim quum di-  
cit, quomodo fiet istud, non est de effectu dubitauit, sed qua-  
litem ipsius quæsiuit effectus. Quanto temperatior ista re-  
sponsio quam verba sunt sacerdotis? Hæc ait, Quomodo fiet  
istud? ille respōdit, Vnde hoc sciā? Hæc iam de negotio tractat,  
ille adhuc de iudicio dubitat. Negat ille se credere qui negat



scire, & quasi fidei adhuc alium quærit authorem. Ista se facere profitetur, nec dubitat esse faciendum quod quomodo fieri possit, inquit. Hæc Ambro. Ad hunc etiam modum interpretandæ sint illæ scholasticorum theologorum assiduæ quæstiones, quibus quærent, an deus sit vnus: num pluralitas illa personarum possit constare vnitati essentiae: vtrum spiritus sanctus procedit à patre & filio. Non quòd ita esse dubitant, sed vt modum quo id esse possit, ostendant: de quo modo nō video quin aliquis citra hæresis notam possit dubitare, modò id esse credat, sicut virgo deipara de modo, quo deum conceptura erat, dubitauit. Quærent etiam illa, & quæstiones excitant, vt exerceantur velut in palæstra, vt promptiores postea inueniantur ad hæreticos debellandos, vt parati scilicet sint reddere rationē de ea, quæ in illis est fide. Aliter enim quærit Arrius an filius sit patri per omnia æqualis, aliter quærit Thomas vel Scotus, aut alii catholici. Ille nanque quærit, quia non credit filium æqualem patri, quærit vt peruertat. Hi verò quærent vt conuertant, quærent, vt viam inueniant qua Arrianorum technas euadere possint: quærent vt ad veram fidei cognitionem perueniant. Hoc autem ita fieri admonet beatus Cyrillus, tantum abest vt prohibeat. Is enim lib. 4. super Ioannem cap. 13. sic ait: Probus auditor ac sapiens quæ intellexit, nulla intelligentia remoratus, mentis ea thesauro statim commédabit. Si qua verò ardua videntur, sæpe ac multum inuestigans atque interrogans tandē assequitur, venatrices apprime canes imitatus, quæ huc atque illuc percurrunt feras quærentes. Sic affectum esse sapientem propheticus quoque sermo denotat dicens, Conquirens quære, & apud me habita. Quærendū enim ita semper est, vt apud eū habitemus, & ad alienas sententias non deferamur. Hæc Cyrillus. Vides hic qualiter quærere admonet, verū hoc fine, vt discant, vt verā fidem habeant, vt non feducantur, & ad alienas à deo sententias deferantur. Hæretici quærentes sunt velut Nicodemus dicens Ioan. 3. Quomodo hæc fieri possunt? & Iudæi Capernaïtæ discipuli domini dicentes, Quomodo potest hic nobis carnem suam dare ad manducandum? Hi quærent quia non credunt: quod pater, quia abierunt retrorsum. Catholici quærentes quærent velut virgo gloriosa, quæ credens quærit vt doceatur. Hæc ideo in medium ducere decreui, quòd video quosdā sine causa hoc scholasticis doctorib. impingere, quòd talia quærent, in quibus hæsitare impium sit, ac si quoriescun-

que pro

que proponant aliquid per vtrum, credendum sit eos in ea re dubitare, nutantemq; fidē habere. Absit. Non attendunt quod licet effectum credant, de qualitate effectus, & de modo quo id fiat, meritō dubitare possunt. Dubius ergo in his quæ ad catholicam fidem spectant, hæreticus censendus est, modō pertinaci animo dubitet, vt ecclesia etiam monente & docente dubitare non desinat. Alioqui si citra pertinaciam id faciat, hæreticus minimē dicitur: cum etiam si illo modo dissentiret, nequaquā verē hæreticus appellari posset.

*De quibusdam causis ex quibus hæreses oriuntur.*

Cap. XI.



**V**T facilius hæresibus obuiari possit, ne (sicut dicit Apostolus) vt cancer serpant, caussas & radices à quibus oriūtur, ostēdere decreui, vt illis sublati citō hæreses submoueantur. Ad incolumitatem siquidem recuperandam is primus est gradus, cognoscere, scilicet causam à qua orta est mala valetudo, quoniā vt medici dicūt, difficilior illis morbis mederi possumus, quorum causæ latentes sunt: his autem quorum causæ patent, etsi graues admodum morbi sint facilius potest occurrī. Prima omnium hæresum radix est illa quam Augu. dicit esse omnium malorum vnicam radicem, immodicus, scilicet amor sui. nam hic, Augu. teste, ædificauit ciuitatem diaboli. Et Apostolus id clarissimē in 2. ad Tim. epist. exprimit dicens: Hoc autem sci- 2. Tim. 3 to, quia in nouissimis diebus instabunt tempora periculosa, & erunt homines seipso amantes, cupidi, elati, superbi, blasphemī, parentibus non obediētes, ingrati, scelesti, sine affectione, sine pace, criminatores, incontinentes, immīres, sine benignitate, proditores, proterui, tumidi, & voluptatum amatores magis quā Dei, habentes speciem quidem pietatis, virtutem autem eius abnegantes &c. Cum enim ibi Apostolus malorum chiliadem enumerare vellet, amorem sui ante omnia præmisit, vel hoc argumento ostensurus cæterorum esse causam. Sic enim Theophylactus locum illum, scilicet seipso amantes, exponens, ait: Statim malorum omnium causam produxit in medium, quod suis quisque magis prospiciat quā proximi commodis. ei nanque qui sui ipsius duntaxat trahitur charitate, accidit sæpe vt nec ipse se amet. Et exponens illud verbū cupidi,

*glor. cupidi  
R. 10*

ait: Cum malorum explicasset rationem, & ramos sigillatim enumerat. Hæc ille. Ex hoc immodico sui affectu oritur vt sua semper sibi placeant, proprijs inuentis delectetur, inde nascitur obstinatio & pertinacia, quæ portæ sunt latissimæ ad hæresim inducendam. Præter hanc principem omnium malorum radicem est alia peculiaris, omnibus tamen hæresibus communis, gloriæ, scilicet cupiditas. Hoc enim est hæreticis omnibus genuinum, vt gloriam popularem captet, cupiantq; ab omnibus pro doctissimis haberi. At quum via regia gradientes hoc assequi nequeant, deuia quæq; requirunt vt ad scopum perueniant. Hoc ait Gregorius exponens illud Iob 6. Respondete quæso absq; contentione. Neq; enim, inquit ille, hæretici inquisitionibus suis veritatem conantur assequi, sed victores videri. Cumq; se foris ostendi sapientes appetunt, intus per stultitiam elationis suæ vinculis ligantur. Vnde fit vt contentionum certamina exquirant, & de Deo (qui pax nostra est) loqui pacificè nesciant, atq; ex pacis negotio rixæ inuentores fiant, quibus bene per Paulum dicitur: Si quis autem videtur esse contentiosus, nos talem consuetudinem nõ habemus, neq; ecclesia Dei. Hæc Gregorius. Ex hac gloriæ cupiditate proximè oritur pertinacia, nusquam flexibilis, adeo etiam vt quum in certamine succubuerit, cedere tamen nolit. Malunt enim cuiuscunq; doctrinæ euersionem, quàm fateri se victos, ne hac videlicet occasione vel minima pars gloriæ quàm captant, depereat. Vt autem non videantur populo in certamine succubuisse, apud quem & non apud Deum gloriam habere volunt, nihil intentatum relinquunt, adeo vt etiam ipsas sacras scripturas, quas suis assertionibus apertè repugnare cognoscunt, peruertant, deturpent, & mancas faciant: non tantum in alienum sensum detorquentes, sed radentes ex eis id quod propter clarissimum testimoniũ nullam patiatur adulterinam expositionem. Hoc expressè asserit Eusebius Cæsariensis fecisse quondam Asclepiodorum, Theodotum, Apollonidem, Hieronymum, Artemonistas. Sic enim ait: Sed hæc faciunt, quia nec vicini facti sunt fidei. Propterea & diuinas scripturas absq; vlllo timore contemnant, & corruptentes eas emendare se dicunt &c. Et idem de Nestorianis dicit Theophylactus exponens illud ad Hebræ. 2. Vt gratia Dei pro omnibus gustaret mortem. sic enim ait: Nestoriani verò scripturam hanc Pauli deprauantes, nõ gratia Dei dicunt, sed sine Deo, id est sine diuinitate pro omnibus mortem gustaret: vt

ret : vt quod ipsi pessimè sentiunt, Christo scilicet cruci affixo diuinitatem astruant non affuisse, vtpote quæ non substantialiter illi inesset, sed affectione quadam vnita. Hæc Theophylactus. Cum ergo ad hoc deuentum sit, vt illud solum habeant asylum, scripturas radere quibus conuincendi erant, vel hoc argumento conuincuntur, propriam eorum conscientiam aduersus eos pugnare, aperteq; cognoscere sacram scripturam illis esse contrariam. Nam si nõ deprehenderent repugnantiam scripturarum manifestam nunquam scripturas raderent, quas aliquo pacto in suum sensum trahere possent. Quare ergo non fatentur veritatem? Quare non cantant palinodiam cum scripturam deprehenderint, quæ ad hoc faciendum eos cogat? Nil certe obstat nisi illa quæ diximus gloriæ cupiditas. dicunt enim apud semetipsos illud Pauli: Si enim quæ destruxi, iterum hæc ædifico, præuicatore me ipsum constituo. Quæ si dici possent in eos qui resipiscunt veritatem quam prius oppugnabant, prædicant, in ipsum Paulum primitus dicerentur, in quo ecclesiæ Christi magnificabant Deum, audientes quod euangelizaret fidem, quam aliquando vastabat. nõ enim possibile est vt ab errore ad veritatem, aut à graui peccato ad gratiam sine pœnitentia transeat: quam qui facere erubescit, hoc agit, vt du erubescit corrigere errorem, nõ erubescat permanere in errore: quod magis erubescendum erat. de quo optimè dicitur per Ecclesiast. Est confusio adducens peccatum, & est confusio adducens gloriam. Confusio adducit peccatum, cum erubescit quisq; prauam mutare sententiam, ne aut inconstans putetur, aut diu errasse, se tudice teneatur. Confusio autem adducit gratiam, cum erubescens de proprio errore, pœnitendo ad lumen veritatis se transfert. Ideo Apostolus volens Philippentibus persuadere veram fidei unitatem, primū quod eis suggerit, est vt ab omni inani gloria fugiant, quod hæc plurimum veræ fidei possit obesse. Sic enim ait: Vnanimè id ipsum sentientes, nihil per contentionem, neq; per inanem gloriam. Vnde Augu. in libro de vtilitate credendi: Hereticus est qui pro alicuius temporalis cōmodi & maxime gloriæ principatusq; sui gratia, falsas ac nouas opiniones gignit vel sequitur. Hæc ille. Quibus verbis Augu. magis hæreticis causam quā definitionem explicat. Nam qui cupidus est gloriæ, quid pro hac assequenda facere nõ audebit? Ad illam mentem omnes gressus dirigit, ad hoc loquitur, pro hac re scribit, hac de causa contentionem excitat. Quod si iam alia non pa-

Gal. 2

Eccle. 4

Phil. 2



ret via ut videatur, ut digito monstratur, ut vocetur ab omnibus rabbi, nouam oportet confingat doctrinam, ut rei nouitate alios in admirationem trahat. Qua de causa videntur mihi hæretici similes illi, qui eo quod obscurus esset, nec potens ut rebus magnifice gestis memoriam sui posteris relinqueret, pessimo facinore clarum se futurum sperauit, atque ideo templum Dianæ Ephesinæ, mirabili opificio extructum, igni succendere tentauit, quod & fecit. Sunt enim sapientissime maiores hominibus vires ad vitium, quam ad virtutem. Sic enim hæreticis contingit, qui cum in vera fidei regula manentes obscuri fuissent omnino, ecclesiam Dei inuadere, & igni succendere non erubescant, ut inde clarissimi euadant. Qua de causa iustum est ut easdem pœnas luant, quas aduersus illum clarissimum, facinorosum fuisse decretas historiarum produnt: ne scilicet scriptor qui illud facinus memoriarum commendaret, ullam de homine illo faceret mentionem, nomenque illius nulli memoriarum mandaretur. Sicque euenit ut in eo puniretur, quod ei peccati materiam suggesserat. Hoc etiam modo ecclesia spiritu Dei afflata disponit ut hæreticorum libri igni comburendi tradantur. Iustum est enim ut eam gloriam inanem, quæ tanti facinoris genitrix & parens esse dignoscitur, libris combustis deperdat: nec sit unquam qui eorum libros legat, ut eis neglectis, non sit à quo gloriam captare possit, quam vnicè cupiebat. ideo de eis dici potest illud Pauli ad Ro. Euauerunt in cogitationibus suis. Verum obstat aliquis hanc pœnam minimè esse infligendam, hac ratione quod illa punitio magis obest fidelibus qui libris hæreticorum carent, in quibus etsi sint aliqua errata, sunt tamen alia multa egregie dicta, quæ vix apud alios fideles reperiuntur, quibus iniustum esset carere. Cui respondemus, quod timendum est ne amore eorum quæ hæretici bene dicunt, allecti lectores, in subscriptionem trahantur cæterorum peruersè dictorum. quapropter ecclesia à spiritu sancto edocta satius existimat utroque carere, quam utrunque glutire. Sic etiam legimus apud Lucam, quod quum dæmonia à corporibus hominum Christi virtute eiecta clamarent & dicerent, Quia tu es filius Dei, Christus increpans non sinebat ea loqui. Nonne vera dicebant? ut quid ergo prohibet? Certè ne hac occasione iterum eis falsa dicentibus crederetur. Sic enim ait Beda: Quare autem dæmonia dominus se loqui prohibeat, Psalmista manifestat, qui ait: Peccatori autem dixit Deus, Quare tu enarras iustitias meas per os tuum?

Luc. 4

Psal. 49

tuum? ne quis dum prædicantem audit, sequatur errorem. Im-  
 probus enim magister est diabolus, qui falsa veris, sæpe permi-  
 scet, ut specie veritatis testimonium fraudis obtexat. hæc Beda.  
 Si ergo dominus illa occasione prohibet dæmonia clamantia,  
 quid obstat ut ecclesia dæmoniorum progeniem prohibeat scri-  
 bentem? Nonne æquè scripturæ possunt obesse ut voces: imò  
 multò magis. Nam etsi verbum efficacius sit, tamen cum euo-  
 lauerit, reuocare nequis: scriptura verò per multa secula durat,  
 atque ideo pluribus aut obesse aut prodesse potest. Iustè ergo  
 ecclesia istorum scripturas vetat, & discerpit si haberi possint,  
 sicut Christus illorum verba prohibuit, etsi vera erant quæ ab  
 illis dicebantur. Ita etiam hæretici etsi multa vera & subtilia  
 differant, tamen falsa admixta aliis veris fidem derogant. Vnde  
 Grego. libro 5. moralium exponens illud Iob, Et venit super me Iob 3  
 indignatio, sic ait, Habent quippe hoc hæretici proprium, ut  
 malis bona permisceant, quatenus facilè sensui audientis illu-  
 dant. Si enim semper praua dicerent, citius in sua prauitate co-  
 gniti, quid vellent, minimè persuaderent. Rursum si semper  
 recta sentirent, profectò hæretici non fuissent. Sed dum fal-  
 lendi arte ad vtraque deseruiunt, & ex malis bona inficiunt, &  
 ex bonis mala ut recipiantur abscondunt: sicut qui veneni po-  
 culum porrigit, ora poculi dulcedine mellis tangit: dūque hoc  
 quod dulce est, primo tactu delibatur, etiam illud quod est  
 mortiferum, indubitanter absorbetur. Itaque hæretici permi-  
 scent recta peruersis, ut ostendendo bona auditores ad se tra-  
 hant, & exhibendo mala latenti eos peste corrumpant. Hæte-  
 nus Grego. Prudenter ergo ecclesia timens hæreticorum libros  
 prohibet, ne id eueniat quod Sapiens ait: Qui tetigerit picem, Eccle. 13  
 inquinabitur ab ea. Quod si aliqua fortè sunt quæ subtili in-  
 dagatione apud eos digesta reperiantur, ea satius erit ab aliis  
 orthodoxis requirere, quàm ab hæreticis. Quod si adhuc talia  
 sunt ut apud neminem orthodoxum inueniatur (quod vix cre-  
 dam) ea tamen semper mihi erunt suspecta, quod à tali homi-  
 ne scilicet hæretico dicta. Sic enim refert Diogenes Laertius in  
 lib. de vitis philosophorum, quod cum ab Ariito. percontaretur  
 quispiam quam mercedem haberet mendax, respondisse  
 eundem ait, Ut cum vera, inquit, dicat, nulla ei præstetur fides.  
 Cum ergo hæreticus semel aut iterum in hæresi deprehenda-  
 tur, qui sit ut postmodum fidatur ei? Non est ergo æquum ut sa-  
 cræ scripturæ expositionem ab hæreticis recipiamus, cum

eam aliàs contemerasse comperimus. Non auderes cibum corporeum sumere ex illius manu, qui semel aut iterum venenum propinauerit, & vis doctrinam fidei ab hæreticis sumere, qui toties dogmata venenosa miscuerunt? Nullus vnquam ab inimico suo aut domini sui cibum recipit, nullus milles ab hostibus regis stipendium captat, nisi planè defector & transfuga.

*Luc. 15* ga. Mulier illa apud Lucam drachmam quærens, intra domum quærit, non extra. Sic etiam intra ecclesiam quærendum est, si quid inuenire cupis, quod ad veram fidem pertineat. Qui pa-

*Luc. 11* nes petit apud Lucam, vicini ianuam pullat, non alicuius extranei. A vero christiano quærenda est vera doctrina. Vicini siquidem omnes christiani sunt, intra vnam eandemque ciuitatem commorantes. Ab hæreticis autem, quod extra-

*1. Cor. 5* nei sunt, nihil petendum. Si cum his (vt dicit Paulus) non licet nec cibum sumere, multò minus licebit ab eis cibum petere. Adde quòd hæretici non habent ius sacras literas interpretandi, nec ad eos quouis pacto spectat de eis differere. Nam cum filij non sint quibus hæreditas in testamento legata sit, nullum prorsus habent ius inspiciendi testamenti paterni, quod sacra est scriptura. Si non erit hæres filius ancillæ cum filio

*Gal. 4* liberæ (vt ait Apostol.) multò minuserit hæres alienigena cum filio liberæ. Si ancilla cum filio suo eiicienda est, scilicet synagoga, multò fortius eiicienda erit ecclesia malignantium cum filiis suis, scilicet hæreticis. Exclusis ergo hæreticis a testamento paterno, neque etiam illi ius habebunt inspiciendi testamenti quod est sacra scriptura. Si ergo non habent ius inspiciendi, qui sit vt habeant ius interpretandi? Nullo ergo modo ab eis licebit sacre scripturæ interpretationem recipere, nisi aliundè haberi possit. Vnde Tertullianus in libro de præscriptionibus hæreticorum ait, Non christiani nullum ius capiunt christianarum literarum, ad quos meritò dicendum est, Qui estis, quādo & vnde venistis? Quid in meo agitis nō mei? Quo

*Versus Hermæ* denique Marcion iure syluam meam cædis? Qua licentia Valentine fontes meos transuectis? Qua potestate Apelles limites meos commoues? Quid hic cæteri ad voluntatem vestram feminatis & patitis? Mea est possessio, olim possideo, habeo origines firmas, & iplis authoribus quorū fuit res. Ego sum hæres Apostolorum, sicut cauerunt testamento suo, sicut fidei commiserunt, sicut adiurauerunt ita teneo. Vos certè exhæredauerunt semper & abdicauerunt, vt extraneos & inimicos. Vnde  
autem

autem extranei & inimici Apostolis hæretici, nisi ex diuersitate doctrinæ, quam vnusquisque de suo arbitrio aduersus Apostolos aut protulit, aut recepit? Illic igitur & scripturarum & expositionum adulteratio deputanda est, vbi diuersitas inuenitur doctrinæ. Hæc Tertullianus. Verùm quia ex occasione nobis oblata paululum digressi sumus, opus est vt ad primum intentum nostra reuocetur oratio. Ex illa ergo pessima radice, gloriæ scilicet cupiditate, sicut oritur pertinacia, ita & iudicij fallacia: vt propter peccatū Deus permittat eos in errorem duci. Sic enim ait Esaias: Excæcauit oculos eorum, & indurauit cor eorum, vt non videant oculis, & intelligant corde. Lumen veritatis, teste Gregorio, elatis mentibus absconditur, & omne peccatum cæcitas quædam est mentis, iuxta illud: Malitia eorum excæcauit eos. Et alibi dicitur: Ambulabunt vt cæci, quia domino peccauerunt. Et de superbis dicitur per Apostolum ad Romanos: Obscuratum est insipiens cor eorū. dicentes enim se esse sapientes, stulti facti sunt. Beatus Anselmus exponens illud Pauli ex epistola ad Ephesios, Vt non circumferamur omni vento doctrinæ in nequitia hominum, sic ait, In nequitia hominum, dixit: quia hæresis non est nisi in anima subdita peccatis: quia peccata commissa sunt causæ vt Deus permittat eos errare in barathrum hæresis. Hæc ille. Adde quòd non propter solam iniquitatem propriā permittit Deus hominem decipi, sed etiam propter peccatum interrogantis aut discantis, doctorem alioqui bonū Deus permittit falli, vt inquirentem iniquum decipiat. Sic enim legimus apud Ezechielem prophetam. Et factus est sermo domini ad me dicens: Fili hominis viri isti posuerunt immunditias suas in cordibus suis, & scandalum iniquitatis suæ statuerunt contra faciem suam. Nunquid interrogatus respondebo eis? Propter hoc loquere eis, & dices ad eos. Hæc dicit dominus Deus: Homo homo de domo Israel, qui posuerit immunditias suas in corde suo, & scandalum iniquitatis suæ statuerit contra faciem suam, & venerit ad prophetam interrogans per eum me: ego dominus respondebo ei in multitudine immunditiarum suarum, vt capiat domus Israel in corde suo, quo recesserunt à me in cunctis idolis suis. Propterea dic ad domum Israel, hæc dicit dominus Deus: Conuertimini, & recedite ab idolis vestris, & ab vniuersis contaminationibus vestris auertite facies vestras: quia homo ho

*ad*

*Esa. 6*

*Sap. 2*

*Soph. 1*

*Rom. 1*

*Eph. 4*

*Ez. 14*



mo homo de domo Israel, & de proselytis quicumque advena fuerit in Israel, si alienatus fuerit à me, & posuerit idola sua in corde suo, & scandalum iniquitatis suæ statuerit contra faciem suam, & venerit ad prophetam, ut interroget per eum me: ego dominus respondebo ei per me, & ponam faciem meam super hominem illum, & faciam eum in exemplum & in proverbium, & disperdam eum de medio populi mei, & scietis quia ego dominus. Et propheta quum errauerit, & locutus fuerit verbum, ego dominus decepi prophetam illum: & extendam manum meam super eum, & delebo eum de medio populi mei Israel: & portabunt iniquitatem suam. Iuxta iniquitatem interrogantis, sic iniquitas prophetæ erit. hæc ibi. Ex quo scripturæ loco aperte colligitur populo iniquo propter sua demerita hæreticos doctores à Deo dari: vel, ut verius dixerim, permitti. Quod fortè hoc nostro tempore euenit in partibus Germaniæ, quibus factus est Lutherus propheta falsus & pseudo Apostolus. Nam illorum manifesta sunt opera carnis, quorum Deus venter est, atque ita gloria eorum qui terrena sapiebant, versa est in confusionem. Quapropter euenisse oportebat quod dominus per prophetam minatus est, ut videlicet iuxta iniquitatem interrogantis, iniquitas prophetæ fuisset. Quod si ab errore auocandi sunt, non patet via nisi quam dominus ostendit, ut scilicet conuertantur à via sua mala, & malè actorum eos pœniteat, vitamque commutent in melius: tandem si dominum orauerint ut eis veritatem ostendat, promissionem suam implebit, qui dixit: Petite & accipietis, pulsate & aperietur vobis. Quod si tantum obest prophetæ, peccatum interrogantis, ut causa sit deceptionis illius, quantum putas oberit peccatum ipsiusmet doctoris? Erit ergo sine vlla dubitatione causa efficacissima, ut sæpe in sacris literis connueat, errétque. Si ergo hæretico literas scienti sacra scriptura offerretur, dicere deberet, nescio literas. Verum quum gloriæ cupiditate ducatur, nūquam ignorantiam fatebitur, imò potius dicens se esse sapientem, in insipientia sua deprehendetur. Hostales per Esaiã prophetam dominus irridet dicens: Mea etenim de die in diem quærunt, & scire vias meas volunt, quasi gens quæ iustitiam fecerit, & quæ iudicium Dei sui non dereliquerit. Quibus verbis aperte dominus insinuat nec illum inuenire, nec vias eius scire posse, qui iustitiam non fecerit, aut iudicium Dei sui dereliquerit.

**Esai. 58** Hoc idem apud Matthæum expressius Christus dicit: Progenies vip

nies viperarum, quomodo potestis bona loqui, quum sitis mali? Ex abundantia enim cordis os loquitur. Quo fit vt vel hoc argumento persuadeamus, sanctis viris qui per fidem vicerunt regna, operati sunt iustitiam, adeptique sunt iam repromissiones, esse magis credendum, quàm alijs, etsi multo doctioribus, quorum vita non est tot argumentis probata: quoniam, vt dicit Ecclesiasticus, Anima vnus sancti viri enunciat aliquando Ecc. 37 vera magis quàm septem circumspectores qui sedent in excelsis ad speculandum. Hoc etiam argumento probatur sacræ scripturæ expositionem non esse ab hæreticis recipiendam, nisi alia via eius interpretationem verā esse constiterit. Quid enim scimus an demeritis hæretici exigentibus Deus illum ibidem, vt in cæteris, errare permiserit? Vt ergo non fallamur, oportet vt iuxta Iacobi consilium sapientiam à domino postulemus, Iac. 1. nihil hæsitantes in fide: deinde eos consulamus viros qui ab ecclesia tam vita quàm scientia probati sunt. Hæretici autem minimè consulendi sunt, quoniam suspecti multis nominibus haberi debent, primum quia semel in mendacio deprehensi fuerunt, deinde quia peccatis sunt obuoluti, propter quæ Deus illos in scripturis errare permittit, aliterque quàm oportet illas interpretari. Vnde Gregorius lib. 20. moralium exponens illud Iob, Qui rodebāt in solitudine, &c. sic ait: Rodi solet quod Iob 30 comedi non potest. hæretici autem quia scripturam sacram intelligere sua virtute moliuntur, eam proculdubio apprehendere nequaquam possunt, quam dum non intelligunt, quasi nō edunt. Et quia per supernam gratiam non adiuti, hanc comedere nequeunt, quasi quibusdam illam visibus rodunt. Exterius quippe illam contrectant, cum quidem conantur, sed non ad eius interiora perueniunt. Qui quia ab vniuersalis ecclesiæ societate disiuncti sunt, non quolibet loco rodere, sed in solitudine memorantur. Hactenus Gregorius. Post hanc gloriæ cupiditatem omnibus hæreticis communem, peculiaris deinde cuiuslibet hæresis causa succedit. Hæc autem erit vitium cuiuslibet hæretico peculiare: illud nempe in quod à natura quisque procliuis est. Inest nanque singulis hominibus à natura pronitas quædam ad aliquod vitium, etsi non omnibus ad idē. Quidam genuinam habent cupiditatem, alij ad carnis illecebras sunt proni, alij rursus honores appetunt, primos accubitus desiderant. Quum autem affectio (vt Aristoteli placet) ad se trahat iudicium rationis, fit vt in eandem sententiam manibus

(vt dic

(vt dicitur) ac pedibus sæpe eat intellectus, in quam eum direxerit voluntas, vel in quam partem senserit voluntatem flecti. Hinc ille philosophorum sectæ emanarunt in diuersis valde inanibus atque fallacibus rebus felicitatem humanam constituentibus. Illud quisque optimum existimabat, quod magis appetebat iudicio cedente voluntati. Quod si fortè intellectus non approbet id quod voluntatem appetere cognoscit, tamen id approbare se simulat, quò facilius occultetur, vel saltè adūbretur vitium quo laborat: vt si fortè in hoc vel in illo vitio deprehensus fuerit, hoc pallio contegatur, quod ignorans fecit. Cuius ignorantie vel hoc esse poterit argumentum, quod sæpe testatus sit illi rei nullum inesse crimen. mallet nanq; ignorantie nota inuri, quàm re illa carere cui iam se vendicauit. Hoc enim experientia cognoscimus, & fama quam ex historijs habemus, neminem videlicet vnquam vitium illud probasse cui hominis complexio repugnaret: aut virtutem illam infectatum fuisse, ad quam à natura pronus fuisset. Est quidam fortè graue admodum reputans alterius voluntati subesse, & durum existimat ex alterius pendere arbitrio: hinc euenit vt obedientie iugum quod semel susceperat, excutiat, & inde ad vltiora progrediatur, vt obedientiam ipsam infectetur, monachatum conuiuijs afficiat & scommatis: vt errorem suum hoc pallio tegat, quod scilicet ab aliquo quem putabat ignominiosum & irreligiosum locum, se exisse alijs ostendat. Huius rei tot sunt apertissima exempla, vt enarrare pigeat. Quod si aliquis pecuniam immodicè cupiat, ex impotenti & effrenata huius rei adhaesione fit vt pro illa acquirenda omnes conatus adhibeat, omnemque (vt dicitur) moueat lapidem. nihil intentatum relinquat quod huiusmodi rei possit vel in modico suffragari: adeò vt illuc etiam, si opus fuerit, sacras trahat literas. Diogenes Laertius refert Menippum quendam philosophum laqueo se suspendisse propter pecuniam insidijs ereptam. Vide quantus rei præcesserat amor, cui tantus post deperditam successerit dolor. Quid non tentasset, qui seipsum interimere non dubitauit? Quid etiam non effecisset, qui Deum vendere non abhorruit? Nonne ex hoc fonte ille etiam error à Christo reiectus, quo pharisæi docebant ludæos, melius esse aliquid in templo offerre, quàm parentibus egentibus distribuere? Nec in his diutius immorari oportet, quum id apertissimè explicet Paulus in prima ad Timot. epistola dicens: Qui volunt diuites fieri

Mat. 15  
1. Ti. 6

fieri, incidunt in tentationem, & in laqueum diaboli, & desideria multa inutilia & nociua, quæ mergunt homines in interitum & perditionem. radix enim omnium malorum cupiditas, quam quidam appetentes errauerunt à fide, & inseruerunt se doloribus multis. Hæc ibi. Et beatus Gregorius exponens illud Iob, Radix iuniperorum erat cibus eorum, sic ait: Quid per Iob 30. radicem iuniperi nisi avaritia designatur, ex qua peccatorum omnium spinæ producuntur? De qua per Paulum dicitur: Radix omnium malorum est cupiditas. Ipsa quippe latenter oritur in mente, sed punctiones peccatorum omnium patenter producit in opere. Quas videlicet punctiones ab hac radice surgentes statim prædicator egregius intinuat, cū subdit: Quam quidam appetentes errauerunt a fide & inseruerunt se doloribus multis. Qui enim multos dolores dixit, quasi nascentes innotuit ex hac radice punctiones. In iuniperis ergo peccata in radice verò iuniperorum quid aliud quàm avaritiā, id est, materiam intelligimus peccatorum. Quia igitur plerunque hæretici sola in verbis suis exteriora lucra sectantur, nec ignorant quia peruersa astruunt, sed erroris prædicamenta nō deserunt, dum sumptus percipere quasi doctorum volunt, bene de eis, sancti viri nunc voce dicitur. Et radix iuniperorum erat cibus eorum. Quia dum totis mētis suæ sensibus avaritiam cogitant, quasi eo alimento vescuntur, de quo nasci proculdubio peccatorum sequentium punctiones solent. Hactenus Gregorius. De illecebris verò carnis quòd illæ sint hæresum radices, testatur Pau. in epist. ad Ro. Rogo autem vos fratres vt obseruetis eos qui dissensiones & offendicula præter doctrinam quam vos didicistis, faciunt, & declinate ab illis. huiusmodi enim Christo domino nō seruiunt sed suo ventri. Et Theophylactus ibi: Ex hac igitur vëtris ingluvie & vitiorum seruitute omnes eruperunt hæreses. Et iterum ad Philip. scribens, eandem sententiam refert: Imitatores mei estote fratres, & obseruate eos qui ita ambulant sicut habetis formam nostram. multi enim ambulant quos sæpe dicebam vobis, nunc autem & fletu dico, inimicos crucis Christi, quorum finis interitus, quorum Deus venter est, & gloria in confusionem ipsorum qui terrena sapiunt. Quod carnis illecebræ obtundant intellectum ne secreta fidei mysteria carnalis homo intelligere possit, apertè docet Esa. sic inquit: Quem intelligere faciet auditum? Cui quæstioni ipse propheta respondens ait, Ablactatos à lacte, auulsos ab uber



ab vberibus, hoc est, à carnis delitijs separatos. Si hos solos Deus intelligere facit mysteria fidei quæ illis dicuntur, ergo qui non sunt ablactati à carnis illecebris, non intelligent, quæ audierint. Huius rei plurima sunt exempla. Ex hoc fonte prodijt Cherintus carnis delicias sperans in illa promissa beatitudine. Ex hac radice Adamitarum & Fraticellorum conuenticula. Ex eadem radice hæresis illa promiscuum vagumque concubitorium hominibus indulgens. Hinc illa Aerianorum hæresis ieiunia prorsus reiiciens, nulliusque esse valoris asserens. Inde alia hæresis Ioviniani matrimonium æquans virginitati, aliæque id genus plures quæ suis locis narrabuntur. Ceterum de ambitione quis nescit eam multarum hæresum parentem? Nam sicut nascente mundo initium omnis peccati fuit superbia, ita renascente eodem per Christum, initium omnis hæresis fuit etiam superbia. Quid enim aliud Simonem Magum impulit (nam hunc primum fuisse hæreticum tradit Euseb. Cæsariensis) ut pecuniam offerret pro qua donum Dei possideret, nisi superbia? Quum vidisset autem Simon (inquit Lucas in actibus Apostolorum) quia per impositionem manus apostolorum daretur spiritus sanctus, obtulit eis pecuniam dicens. Date & mihi hanc potestatem, ut cuicumque imposuero manus, accipiat spiritum sanctum. Nisi enim gloriæ & honoris appetitu duceretur Simon, suffecisset illi pro se petere spiritum Dei. Sed quia parum æstimabat possidere, nisi & hoc alijs esset notum, ideo potestatem communicandi petijt, ut vel hac occasione plures ad illum pro impetrando Dei dono confluerent, pluresque illum venerarentur, tanquam Deum, quod maxime optabat, ut rei euentus ostendit. Nam & se populo pro Deo mentitus est, & à populo decepto honores diuinos accepit, ut beatus Iustinus martyr refert in Apologetico quem pro fide nostra ad imperatorem Antoninum scribit. Hoc ferme tēpore fuit Theobutes quidam, de quo Euseb. in ecclesiastica histo. refert, quod quia repulsam meruit episcopatus, ipse cœpit initio perturbare omnia & corrumpere, eratque ex septem hæresibus in populo Dei constitutis. Et de Aerio quodam narrat Augu. in lib. de hæresi quod ambiens episcopatum quem obtinere nō potuit, ut par nihilominus episcopis videretur, asseruit sacerdotes pares esse episcopis. Ex hac radice prodierunt postmodum Virclefuitæ, Hussitæ, & fortè nostro tempore Lutherani: qui eò quod ad episcopatus dignitatem peruenire non poterant, ne in aliquo

*Ambr. lib.*

*Euseb. lib.*

*2. histo. eccl.*

*cap. 13*

*Act. 8.*

*Lib. 4*

*cap. 22*

aliquo episcopis minores esse viderentur, episcopos curarunt reliquis omnibus sacerdotibus pares efficere. SuffICIENTER arbi-  
tror pro huius rei comprobatione hæc manifestissima exem-  
pla, ex quibus aperte ostenditur hæreses quæ circa mores ver-  
santur, eos habere inuētores, qui in vitia illa à natura sunt pro-  
cliuēs: quæ quoniam sæpe in illis labuntur, fit vt intellectus cedat voluntati, & id iudicet esse bonum, cui voluntas effrenatè adhæret: id etiam malum, à quo voluntas discedit. Cùm enim eadem virtus duo habeat opposita vitia, si in alterum eorum quispiam à natura sit pronus, nusquam id fiet vt alterum illi oppositum probasse reperiatur. Fuere inquam qui omnē coi-  
tum damnarent, nec tamen desuere qui omnem coitum admit-  
terent atque probarent. Si tamen historias requiras, nunquam reperiēs cum qui ex pers fuerit muliebris consortii, aliis omnē coitum indulgisse: aut qui carnis illecebris deditus fuerit, omnē coitum damnasse. Vnde Augustinus 3. lib. de doct. christiana. cap. 10. Quando procliuē est humanum genus non ex mo-  
mentis ipsius libidinis, sed potius suæ consuetudinis æstimare peccata, fit plerumque vt quisque hominum ea tantū culpanda arbitretur, quæ suæ regionis & temporis homines vituperare atque damnare cosueuerunt, & ea tantum probanda atque lau-  
danda, quæ consuetudo eorum cum quibus viuit, admittit: eoq; contingit, vt si quid scriptura vel præceperit quod abhorret à consuetudine audientium, vel quod non abhorret culpauerit, si animum eorum iam verbi vinxit autoritas, figuratam locutionem putent. Hæc Augustinus. In quibus verbis sanctissi-  
mus & doctissimus pater aptissimè, & ad viuum (vt dicitur) depinxit huius temporis hæreticos: quibus si aliquid obiiciatur ex sacra scriptura quod eorum sectæ aperte repugnet, statim di-  
cunt figuratam esse locutionem.

De quibusdam alijs duabus causis à quibus etiam hæ-  
reses oriuntur. Cap. XII

Cap. XII



Ræter has quas diximus hæresum radices, est alia multarum hæresum radix, quæ à se nullam prorsus habet malitiam, si modus adest, sed tantum ex malè vrentiū vitio. Hæc est assidua in libris prophanorum hominum, nempe gentilium, lectio.

Et hoc maximè si illis ab infantia sine vlla rerum discretione  
imbutus est Horatius nâque ait: Quo semel est imbuta recens Hic. 13  
seruabit odorè Testadiu. Et per quendam prophetam domi-

nus dicit: Si mutare potest Aethiops pellē suā, & pardus varietates suas, & vos poteritis bene facere, cū didiceritis malum. Tam efficax est enim consuetudo, vt ferē transeat in naturam, præcipuē ætate tenera, qua facilius res quælibet imprimitur, & impressa tenacius adhæret. In libris gentilium multa reperies quæ cum fide catholica velut ex diametro pugnant, multa quæ ad vitia alliciunt, à virtute reuocāt, apud poetas maximē, apud quos vitia sunt in precio & maxima laude, quum illa non dedignentur suis diis ascribere. Ibi fratrum discordias irreconciliabiles reperies, ibi parentū in filios acerbissimas animaduersiones, ibi filiorum pertinacissimas inobedientias, ibi deorum obscœnissimos amores, adulteria, stupra, & rapti Ganymedis honores. Propter quod nō immeritō Plato huiusmodi poetas à sua Repu. abigit, genus hominū ad nocendū paratissimū & efficacissimū. Quod si ad philosophos atq; eorum sapientes te vertas, inuenies apud illos etiā multa quæ pietati & veræ religioni obstant. Quid enim magis veræ fidei repugnare potest, quā deorum multitudo, quam eorū plurimi posuerunt? Quid magis iniurium est deo, quā ei coactionē impingere, omnemq; prorsus libertatem in rerum productione ab eo separare? Hoc tamen ei Aristoteles totāque Peripatetic. schola tribuit. Apud eos mundum æternum reperies, omni principio omniq; fine carentem. Illorū est ista sententia, Ex nihilo nihil, in nihilū nil posse reuerti. Sunt & alia id genus multa, ad quæ recensenda oporteret catalogū texere. Quapropter Apostolus præmonuit nos vt à philosophia caueremus, quam ipse pulchrē nouerat, quod Athenis fuisset inter philosophos aliquando versatus.

*Colo. 2.* Videte, inquit, ne quis vos decipiat per philosophiam, & inanē fallaciam. Vnde Tertul. in lib. de præscrip. hæreticorū ita sentit, dicens: Ipsæ denique hærefes à philosophia subornantur. Inde Acones & formę nescio quæ, & trinitas hominis apud Valentinum, Platonius fuerat. Inde Marcionis deus melior de tranquillitate, à Stoicis venerat. Et vt anima interire dicatur, ab Epicureis obseruatur. Et vt carnis restitutio negetur, de vna omnium philosophorum schola sumitur. Et vbi materia cum deo æquatur, Zenonis disciplina est. Et vbi aliquid de igneo deo allegatur, Heraclitus interuenit. Eadem materię apud hæreticos & philosophos volutantur, iidem retractatus implicantur. Hæc Tertullianus. Adde quod ex eis qui posteriores Christo eiusq; apostolis fuisse, non solum cum Christiana religione pugnant,

pugnant, sed quod est omnium pestilentissimū, eam derident, subsannāt, insectantur quoque. Vnde sæpe euenit vt infirmi & debiles scrupulos & suspiciones inde capiant de Christiana religione: qui quum semel vehementer pungere animū ceperint, difficiles discedunt ac tardi. A philosophis enim nascitur mira dicendi libertas, adeo vt nunquā cedant alicui nisi manifestis argumentis & euidenribus id cōprobetur: vnde euenit vt quæ eorum iudicio nō conueniunt, statim reiiciant. At fides talem argumentorum euidentiā non patitur, sed exigit captiuitatem intellectus in obsequiū Christi, ideo meritō ait Paulus: Iudæi I. Cor. 2  
signa perunt, & Græci sapientiam quærunt, nos autem prædicamus Christum crucifixum, Iudæis quidem scandalum, Gentibus autem stultitiā: ipsis autem vocatis Iudæis atque Græcis, Christum dei virtutem & sapientiam: quia quod stultum est dei sapientius est hominibus. Cū ergo talia apud Ethnicos sint, non est iam cur dubitet aliquis assiduam illorum lectionē valde nocere Christianis, maximē incautis & infirmis. Si libri pietate pleni prosunt legentibus, cur non & impii libri obesse poterunt eisdem? Sic enim ait propheta regius: Cū sancto sanctus eris, & cū peruerso peruereris. Si consuetudo & con- E/s. 17  
uictus vertit hominum mores, trahitq; ad se, in confesso est illud idem efficere posse librorum lectionem, imō sæpe multō efficacius: quia licet verbum fortius moueat, vehementius trahat, celerius rapiat quā scriptura, eò quod viuā vox acutius penetret: tamen ea quæ scribuntur, quum ex longa meditatione veniant, melius digesta esse oportet, accuratiūque ordinata quā in cōmuni colloquio: eòque euenit vt sæpe efficacior sit scriptura, quā vox: quod plures habeat nervos oratio præmeditata, quā ex tempore dicta. Vnde Basilii nepotes suos edocens qualiter gentilium libri, maximē poetarum, legendi sint, ait: Quando verò ad infames & nefarios homines veniant, hæc omnino vitare, his aures obstruere, non minus quā Vlyssē ad cantus Sirenarum dicunt, oportebit. Nam prauis assuescere sermonibus, via quædam est ad rem ipsam. Hæc Basilii. Accedit huic quod in re qualibet differenda magnum habet ornamentum, elegantiam, splendoremq; sermonis: quæ omnia vires sunt efficacissimæ ad animos hominū alliciendos. Ideo Paulus in epist. ad Col. ait: Hoc autē dico, vt nemo vos decipiat in subli- Col. 2  
mitate sermonis. Quod exponens Theophylactus ait: Idcirco enim id dixerim, quia vniuersa soli Christo & notiora sunt &



aperta, vt nemo vos decipiat verborum lenocinio & sublimitate, ornatu scilicet & comitate, & elegantia quadam dicendi. Quid enim si afferat quispiā quę ad persuadendum plurimum valeant, ipse verò sit omnium prorsus, id est veritatis ignarus? Id sanè nihil est aliud nisi captiunculis quibusdā & sophismatibus niti. Hęc Theophylactus. Hoc etiā hæreticos fecisse, vt scilicet sermonis elegantia homines incautos deciperent, testatur

Ro. 16 Pau. in epist. ad Ro. vbi postquā eos ab hæreticis cauere præcepit, adiungit: Per dulces sermones & benedictiones seducunt corda innocentium. Vnde Origenes homil. 2 super. Hiere. exponens illud Hiere. Calix aureus Babylon in manu dei inebriās omnem terrā, sic ait: Nabuchodonosor volens decipere homines per calicem Babylonis dolosum, non miscuit in vase fictili quod parabat potari, sed neque in paulo meliore & æreo vase vel stanneo. & quod ista præcellit, argēteo: verum eligens vas aureum, in eo poculū temperauit, vt quis videns decorem auri, dum radiantis metalli pulchritudine delectatur, & totus oculis heret in specie, non consideret quid intrinsecus latitet, & accipiens calicē bibat, nesciens calicem Nabuchodonosor. Intelles autē calicem aureū in præsentī nominatū, si animaduertas pessimorum dogmatū verba mortifera qualē habent compositionem, qualē decorem eloquentiæ, qualem rerū diuisionem cognoscēs quomodo vnusquisque poetarū qui putantur apud nos disertissimi, calicem aureū temperauerit, & in calicē aureum venenū iniecerit idololatriæ, & venenum turpiloquii, venenum eorū quæ animā hominis interimūt dogmatum, venenum falsi nominis scientiæ. Sed meus Iesus cōtrā fecit, sciēs aureum calicem Zabuli: & præcauēs ne aliquis ad fidem suam veniens suspicaretur etiā Christi talē esse calicem qualē esse requirat, & per similitudinē materię formidaret errorem, ideo curauit vt haberemus thesaurū istum in vasis fictilibus. Sæpe vidi aureum calicē in pulchro sermonis ornatu, & dogmatum venenā considerans deprehendi calicem Babylonis. Hactenus Origenes. Nec tamen velim vt quispiam arbitretur me ista dixisse quòd putē elegantia sermonis pugnare cū Christiana religione, vt aliquo pacto obesse fidei catholice. Fateor quidē illa simul coire in vnum posse, vt verē Christianus sit & eloquens, quales fuere ex Græcis Basilus, Grego. Nazianzenus, Chrysostomus: ex nostris Hieronymus, Cyprianus, Ambrosius, Hilarius. Atquem vtinam ego talis essem, vt propter sanctitatē primum

mum deinde propter eloquentiam in eorum ordinem merito annumerari possum. Est enim elegantia sermonis, orationisque cultus res talis, ut bonis & malis, hæreticis catholicisque communis sit, quæ & bene & malè uti quisque potest. bonis enim catholicisque viris maximum est ornamentum ad virtutum persuasionem, in sectationemque vitiorum utilissima. Quod si hæc aliqui hæretico contigerit, eum ad fallendum potentiores reddet. Nam venustate sermonis quasi quibusdam blanditiis lectoris animum in suam sententiam trahit. Atque ideo hæc dixi, ne scilicet, solo sermonis splendore tanquam aureo poculo allectus dogma venenosum ebibat. Ideo Sapiens ait: Ne intuearis vinum quando flauescit, quum spenduerit in vitro color eius. Ingitur blandè, in nouissimo mordebit, & tanquam coluber & Pro. 23 regulus venena diffundet. Sed quum legerit id, attendat potius, quid scriptura referat, non qualiter referat. Nullus enim (ut credo) est adeo demens, ut malit in aureo vase venenum, quam in vase fictili optimum vinum. Parum quidem refert ad corporis incolumitatem, hoc an illo vase bibas, modò id commoditatem aliquam afferat quum in stomachum traieceris: iuuat tamen ad oculorum oblectamentum mundis vas, ornatis, iisdemque preciosis uti. Sic etiam mirum in modum delectant sermonis splendor, orationisque cultus: verum minimè reficiunt nisi sub illo verborum fuco aliquis solidus veræ doctrinæ cibus lateat. Nam sermonis elegantia videtur mihi velut condimentum, ut cibus auidius sumatur. Ad solum condimentum in conuiuio apponere, est irritare famem, non prandium parare. Quod si oratio fuerit rebus & verbis copiosa & ornata, opiparum certe erit conuiuium, cui ad stare nullus merito dedignari poterit. Ex his ergo omnibus satis iam (ut opinor) manifestum relinquitur, quantum veræ pietati & catholice fidei obesse poterit librorum gentiliū lectio, in quibus multum est veneni ad interimendum, plurimumque mellis ad alliciendum. Verum hic admonere oportet ne hac occasione omnino gentiliū libri deferantur, quoniam in multis nos docere possunt, quorum cognitio est admodum necessaria ad sacrorum librorum intelligentiam. Diffinitiones & diuisiones habemus à logico & metaphisico. Rerum causas, origines, & proprietates ostendit physicus, ex quarum cognitione multa in scripturis abscondita nobis reuelantur. De moyse dicitur quod doctus fuerit in omni sapientia Aegyptiorum. Augu. quidē asserit in lib. 2. de doct. Christiana Act. 7 cap. 28. gentiles historias plurimum cōferre ad intellectum scri-

pturæ sacre, ostēditq; ex earū ignorantia aliquos circa scripturas errasse. Et lib. 2. eiusdē tractatus cap. 29. ostēdit troporū & figurarū cognitionē esse omnino ad scripturarū intellectu necessariā, quæ à grāmaticis & oratoribus petēda est. Demū lib. 2. cap. 40. de omniū philosophorum doctrina sic ait: Sicut enim Aegyptii nō solūm idola habebant, & onera grauiā quæ populus Israel detestaretur & fugeret, sed etiā vasa & ornamenta de auro & argento, & vestē, quæ ille populus exiēs de Aegypto sibi potius tanquā ad vsum meliorem clanculō vendicauit, non autoritate propria sed præcepto Dei, ipsis Aegyp. nescienter cōmodantibus ea quibus nō bene vtebātur: sic doctrinæ omnes gentiliū nō solūm simulata & superstitiosa figmenta, grauēq; sarcinas superuacanei laboris habēt, quæ vnusquisq; nostrū dūce Christo de societate gentiliū exiēs debet abominari atque deuitare, sed etiā liberales disciplinas vsui veritatis apriorēs, & quædā morū præcepta vtilissima continēt, deq; ipso vno deo colendo nōnulla vera inueniuntur apud eos, quod eorū tanquā aurum & argentū, quod non ipsi instituerūt, sed de quibusdam quasi metallis diuinæ prouidentiae, quæ vbīq; infusa est, eruerunt, & quo peruersē atq; iniuriosē ad obsequia dæmonū abutuntur, cū ab eorū misera societate sese animo separat, debet ab eis auferre Christianus ad vsum iustū prædicādi euāgelii. Vestem quoq; illorū, id est hominū quidē instituta, sed tamē accommodata humanæ societati, qua in hac vita carere nō possumus, accipere atq; habere licebit in vsum cōuertenda Christianū. Hucusq; Aug. possunt etiā prodesse illorū doctrinæ, ad ipsos gētiles expugnādos: vt quum aduersus eos pugnamus, suo ipsorū gladio eos iugulemus, vt Dauid occidisse Goliath sacra testatur historia. His nāq; armis Iustinus martyr aduersus gentes pugnat in Apologetico quē de eadem re fecit. Ideo Damascenus lib. 4. de fide orthodoxa ca. 18. ait: Si autē ab his qui foris sunt, decerpere quippiā vtile valuerimus, nō aspernabile est. Efficiamur probati trapezitæ, legitimū & purū aurū acervātes, adulteratū autē refutantes. Sumamus sermones optimos, deos autem ridiculos & fabulas alienas canibus proiciamus. Nam plurimum ex ipsis contra seiplos fortitudinem habere valebimus. Hæc Damascenus. Sed hic consideratione tanta opus est, vt quum per gētiliū libros spatiamur, caueamus, ne dum flores in eorū cāpo legere volumus, à spinis pungamur. Quapropter oportebit nos more apum facere, quæ vt sua mella concinnēt, aluear

aluear exeunt, per campos volitant, hac illac discurrunt, floribus insidunt, neque tamen omnibus, sed quos cognoscant commodiores: neque ex eis quibus hærent, omnia auferre opinantur, sed quantum eis ad opus necessarium fuerit capientes, reliquū dimittunt. Sic etiā nec omnes gentilium libri legēdi sunt, sed hi tantū à quibus aliquid vtilitatis decerpi potest: nec ex his omnia sumēda, sed id tantū quod pietatem iuuare potest, & catholicæ fidei deferuire. Alia est demum hæresum parens & origo, zelus, scilicet: sed nō secundū iustitiā & discretionem. verū hæc ad alias relata sterilis quodāmodo videri potest. Nā cum alię de quibus iam diximus, tam multā habeant hæresum progeniem, hæc autem paucissimas hucusque quod sciam procreauit: sunt tamen aliquę, vt olim Nouariani, de quibus refert historia tripart. lib. 8. cap. 9. quod Nouatus illorū dux se ab ecclesiæ Romanæ communione subtraxit, quia Cornelius papa fideles, qui sacrificauerant tēpore persecutionis factæ à Decio, in communionem recepisset. optabat quidem omnes fortes & constantes fore in confessione, quapropter visum est ei, his, qui in tormentis defecissent, etiam si pœniterent, non esse dandam remissionem. Quod optaret eos non deficere, zelus erat laudandus: quod indulgentiam pœnitentibus negaret, dura nimis atq; amara sententia, & à benignitate diuina nimis aliena. Ex eadem occasione (vt testatur Aeneas Syluius in lib. de origine Bohemorum) lapsus est Ioannes Huls, & fortè hoc nostro seculo Martinus Lutherus. Hi enim zelo & odio malæ vitæ clericorū, & quorundam monachorum cœperunt debacchari in clerum, in pontificem Romanum, in ecclesiasticos ordines, in monachos omnes. Et cum aliquibus ignaris fortasse ac vitiosis maledicere possent, in omnes sacerdotes absque vllō discrimine latrare cœperunt, omnem moaachatum euertere, omnes cærimonias ab ecclesia procul abigere, omnem ecclesiasticū ordinem confundere tentarunt. Materiam quidem reprehensionis habuerunt. nam malitia abundabat, & nunc prohi dolor intantum abundat, vt euenisse experiamur quod propheta Oseas dicit: Maledictū & mendaciū, & homicidium, & furtum, & adulteriū inundauerūt, & sanguis sanguinē tetigit. Huic tamē morbo aliter obuiandū erat. Admonendus erat clerus atq; corripiedus, nō tamen tollēdus: laborandū erat pro monachorum reformatione, nō tamen monachorū ordines tollēdi. Edocēdus erat populus, vt nō poneret spē in cærimonis, nō tamē à cære-

3. to p. 103  
7. e. h. m. e. l.

Osee 4



moniarum cultu omnino separādus. Malè quidē medetur , qui infirmū iugulat, etiā si de salute desperet. Ideo de talibus dicit

*Rom. 10* Paulus: Testimoniū enim perhibeo illis quòd emulationē quidem Dei habēt, sed nō secundū scientiam. ignorantes enim iustitiā Dei, & suam volentes statuere, iustitiā Dei nō sunt subiecti. Veri catholici & zelū habēt multò certè ardentiorē, quā Lutherus: tamen secundū scientiā: quia cognoscentes iustitiam Dei, & suā nequaquā quārētes statuere, iustitiā Dei subiiciūtur, quæ nō permittit minus malum per quoddā aliud maius tolli. Quapropter etsi feruentius & syncerius ecclesiæ reformationē optauerint, & nunc optēt, patienter tamē tolerāt, dissimulatq; , tanquam periti & experti medici: qui cū vident morbum inualluisse, totasq; occupasse medullas, nihil tentare audent , sed naturæ curandum relinquūt, timētes ne medela vires præbeat morbo, qui parum auctus infirmū interimat. Sic etiam viri & boni & docti, zelantes pro domino exercituū, videntes ecclesiā in pluribus eius mēbris grauissimis laborare morbis, Deo qui verus est medicus, curandam cōmittunt , atque ideo orant sine intermissione, ingemiscunt, deprecantur cum improbitate , fiducia in eius verbo habētes, qui dixit: Si quid petieritis patrem in nomine meo, dabit vobis. Quid autem verius in Christi nomine potest peti, quā cū pro ecclesiæ reformatione petimus, quā ipse acquisiuit sanguine suo? Quod si non tam citò impetrant, nec ipsi desperant, neque alij diffidere debent: quoniam sæpe Deus donare differt, vt feruentiores in petitione faciat. Sic

*Matth. 15* fecisse legimus Chananææ, cui bis petenti negare visus est, tamen tertiō petenti , & se canem fatenti , seipsum minimè denegauit . Mariam etiam Magdalenam, etsi diu propè monumentum plorantem tulit, tandem seipsum illi manifestans, eam consolatus est. Quid ergo prohibet vt non idem ecclesiæ suæ nunc facturum speremus? Nōne olim æquē deiecta fuit synagoga? Nōne tunc æquē præuaricatores diuinarum legum fuerunt pontifices , vt nunc papæ? sacerdotes illi , vt nunc isti? pharisæi tunc, vt tunc monachi? imò multò magis, vt sacra testatur historia, præcipuè libri Regum & Machabæorum. Sæpe tamen desperatis iam rebus , Deus synagogæ suæ magnificè prouidit, in meliorem statum reuocans. Nam semel ex captiuitate Babylonica asserit , iterum per Mathatiae manus Antiochum eiicit , ciuitatem recuperat , templum purificat. Quid ergo putamus eū nunc facturum? Deest fortè nunc Hieremias, qui ecc

qui ecclesiam squalidā & penē solam deploret? aut deerit ecclesie sue alter Mathathias vel Helias zelotes, qui pro domino zeletur? Audi quid dominus dicat Helie credenti se solum mansisse in Israel, Reliqui mihi septem milia virorum, qui non curuauerunt genua sua ante Baal. Quid ergo dicemus? Nunquid abbreviata est maus domini, ut non possit eadem nunc præstare ecclesie quæ olim synagoga? Aut fortè benignitas eius diminuta est, ut quæ pro synagoga egit, nunc pro ecclesia quā acquisiuit sanguine suo, facere dedignetur? Absit, cum ipse per quēdam prophetā promiserit maiorem futuram gloriam domus istius nouissimæ priusquā primæ. Hæc igitur omnia cum viri sancti, quibus ecclesia minimè caret, hodie cognoscant, gemunt, Deumq; orāt ut presentibus malis medeatur, quibus si impares se esse cognoscunt, atque ideo medelam apponere negligunt, timentes ne id eueniat quod olim Romæ ex noua lege Agraria per Gracchos promulgata contigisse referunt historiarum. Hi enim legem dicere ausi sunt de agris diuidendis quos perperā occupauerat nobilitas. Sed (ut dicit beatus August.) tam vetustam iniquitatem audere conuellere, periculosissimū, imò verò, ut ipsa res docuit, perniciosissimū fuit. Nam re infecta, magna vtriusque ordinis populi Romani multitudo pro hac re interfecta est, & ipsi etiam Gracchi, qui seditionis causā fuerant, in ipsa seditione sunt occisi. Satiùs ergo esset mala, quæ nunc ecclesia patitur, tolerare, quàm pro his tollendis seditionē in ecclesia excitare, quæ maius sit malū, cū ex ipsa multò peiora nascatur, ut nūc proh dolor iam experimur. Ecce ergo ostendimus omnes (ut arbitror) hæresum intrinsecas causas, è quibus aliquæ omnino vitiosæ sunt, imò vitia ipsa, videlicet immodicus amor sui, gloriæ cupiditas, carnis illecebra, auaritia, ambitio. Aliæ indifferētes sunt, quoniam nunquā malæ sunt nisi ex malè vrentium vitio, ut est librorum gentilium lectio, zelus. Nam hic si discretionē regatur, maximè in Dei honorem cedit: illa verò, si cauta adsit eorum, quæ leguntur examinatio, valdè adiuuare potest. Qui ergo ab hæresibus discedere vult, primū omnium Deum oret ut suum intellectū illuminet: deinde vitia illa extirpare nitatur. Quòd si casu in aliquòd vitium ex infirmitate lapsus fuerit, non ita illi adhæreat voluntas, ut ad se trahat intellectum. Si per campos librorum Ethnicorum spatari contingat, caueat ne dum solamen quærit, à colubro incautus mordeatur: aut dum flores colli-

Agg. 2

Lib. 3. de  
civitate  
Dei ca. 24

git, spinis pūgatur. Demū si Dei aut religionis in se senserit zelum, frēnu imponat, ne dū effrēnatus currit, se & alios obruat.

*De aliis tribus causis, usque externis, unde haereses oriuntur.*

CAP. XIII.



Reſter has omnes, quas iam enumerauimus hæreſum cauſſas atque origines, aliæ adhuc tres ſuperſunt, aliis tamen præfatis aliquantum diſſimiles: quoniam illæ de quibus hucusque locuti ſumus eidem hæretico adſunt: quapropter cauſſæ intrinſecæ merito appellari poſſunt: quoniā ſunt cauſſæ vt illa eadem perſona cui inſunt, aut hæreſes exciter, aut iam exortas tueatur. At iſtæ de quibus nunc loqui paramus, non eſſe perſonis quibus adiacent, ſed aliis præbent cauſſam & occaſionem hæreſes ſuſcitandi: atque ideò extrinſecarum cauſſarum nomen illiſ tribuimus, quoniam extra illam perſonam, quæ hæreſes tuetur ſunt. Prima igitur harum eſt prælatorum negligentia, qui adeò ſunt ſocordes & ignaui, vt gregi ſibi commiſſo nequaquam intendant, ſed aliis rebus quæ ab eorum officio longiſſimè abſunt. Prælatorum ſiquidem munus eſt vigilare ſuper gregem ſibi commiſſum, ne ſcilicet aliquid ſuperueniat quod gregi poſſit nocere. Vnde cū Chriſtus verus & bonus omnium paſtor naſcitur, dicit Lucas quòd paſtores erant in regione eadem vigilantes, & cuſtodientes vigilias noctis ſuper gregem ſuum. Quod exponens Ambroſius, ait: Videte eccleſiæ ſurgentis exordium. Chriſtus naſcitur, & paſtores vigilare cœperunt, qui gentium greges pecudum modo antè viuentes, in cauſam domini congregarent, ne quos ſpiritualium beſtiarum per effuſas noctium tenebras paterentur incurſus. Et bene paſtores vigilant, quos bonus paſtor informat. Grex igitur populus, nox ſeculum, paſtores ſunt ſacerdotes. Hæc ille.

*Lucæ 2* Et Paulus ſacerdotes & epiſcopos alloquens ait: Attendite vobis & gregi veſtro, in quo vos ſpiritus ſanctus poſuit epiſcopos regere eccleſiam Dei, quam acquiſiuit ſanguine ſuo. Hoc enim eſt paſtoris munus, videlicet gregi ſibi commiſſo proſpicere, eius curam ſolicitam gerere. quod ex eius nomine facile eſt colligere. Epiſcopus enim græcè, ſuperintendens dicitur latinè: ἀπὸ πρὸς præpoſitione græca, quæ latinè reddita valet tantum ac ſuper: & σκοπὸς græcè valet tantum vt latinè cuſtos aut ſpeculator. Hinc epiſcopus dicitur, qui ſuper aliorum cuſtodiam vigilat. Hac ratione iuxta Paulum tene-

mur



mur obedire prælatis, quia videlicet illi tenentur vigilare pro nobis. Obedite, inquit, præpositis vestris, ipsi enim vigilant pro vobis reddituri rationem. Qualiter ergo pastor aut episcopus dici potest, cui nulla est cura de ouibus? qui nec vidit vnquam gregem sibi commissum, sed per curias principum diuagatur? Ego, inquit Christus, sum pastor bonus. Sed quare bonus pastor? Quia ego, inquit, cognosco oues meas, & cognoscunt me meæ. Quibus verbis apertissimè conuincitur pelsimum eum esse pastorem, qui nec oues cognoscit, nec à suis cognoscitur ouibus. Istorum autem adeo multus est numerus, vt boni pastores ad eos relati sint tanquàm gemmæ ad aliorum vilium lapidum numerum comparatæ. Vnde euenit vt si fortè hæreticus aliquis suum venenum spargere populo cœperit, tanto audacius & liberius vltra grassetur, quanto longius videt pastore deesse, qui ouibus prospiciēs, illi obstare conetur, & antidotum contra sua venena præbeat. Scitenim non esse pastorem, sed mercenarium: quapropter etiam si videat lupum venientem, fugit, quia non est illi cura de ouibus: quapropter lupus rapit & dispergit oues. Quis autem verius dispergit, quàm hæreticus? qui eos quos decipit, ab illo vnico ecclesiæ ouili separat: quare meritò lupi nomine hæreticum intelligere possumus. Si ergo videns lupum venientem fugit, quid putas eum facturum qui nusquam oues vidit, nec scit an lupus eas vnquam inuaserit, aut morbidum quid susceperint? De hoc ego non dubitarim eum potius lupum quàm mercenarium appellare: quoniam hæc est illi vnica cura & sollicitudo, vt decimet & tondeat, vt sanguinē eius sugat, nō autem vt pascat. Isti sunt illi multi pastores qui demoliti sunt vineam domini, id est ecclesiā. Nimia siquidem pastorum negligentia est in causā vt nō solū liberū sit cuiq; pro libito sentire, sed etiā ea quæ senserit, impune docere. Nam vt est in parabola seminantis apud Matthæum, dum dormirēt homines, inimicus homo superseminauit zizania in medio tritici. Semen bonum quid sit, ipsamet veritas exponit, dicens esse verbum Dei, quod seminatū est primò ab ipso Christo, qui nobis veram & sanā doctrinam dedit. Ad huius autē seminis custodiam deputati sunt episcopi & sacerdotes, quibus est creditum verbum Dei, quorum interest docere. Sed isti homines, episcopi scilicet, & sacerdotes, dormiunt, voluptati inseruiunt, nullāque prorsus suarum ouium curam gerunt. Quapropter inimicus homo occasione inde sumpta superseminat zizania

Heb. 13

Ioan. 10

Ioan. 10

Iere. 12

Matth. 13



zizania falsæ doctrinæ: superseminat quidem, sed in medio tritici, quia hoc est solenne hæreticis, quò facilius atque securius noceant, ut semper suam hæresim & erroneam doctrinam quibusdam alijs veris & catholicis permisceant. Huius autem superiecti peruersi seminis causa est prælatorum somnus tam altus, ut stertere videantur. De hac re cum tot possint narrari exempla, vnicum tamen referam duntaxat, quod nunc quasi oculis nostris aspicimus, quanuis eius origo sit aliquanto vetustior. Narrat enim Aeneas Syl. in lib. de origi. Bohemorum cap. 35. quòd Husitarum hæresis (cuius author extitit quidam Ioannes Hufs. Bohemus) cæpit sub Vuenceslao Bohemorum rege circa annum domini 1400. Huic autem calamitati episcopus Pragensis obuiam ire studuit priusquam præfatus Ioannes Hufs amplius debaccharetur. Qui quum esset consilio & animo illustis, libros Ioannis Vuitclefi, à quibus Ioannes Hufs suum venenum hauriebat, ad se ferri, omnesque doctorum virorum adhibito consilio publicè concremari iussit. Supra ducenta volumina fuisse traduntur, pulcherrimè conscripta, tegumentis preciosis ornata. Ioanni Hufs prædicatio est interdicta, adiectæque insuper minæ si quando priores in populū errores vulgare auderet. Qua de causa Ioannes Hufs ex Praga, vbi publicum est Bohemorum gymnasium, recessit, & in villa Hufs, vbi illi origo fuit, & à qua cognomen sumpserat, se recepit. Nec tamen ibi insaniam deposuit: quia quantū antea diligentia Pragensis episcopi Ioanni obstitit, tantum postea aliorum episcoporum & secularium dominorum negligentia, ad quorum dominia confugit, illius dementiæ vires auxit. Permittente enim domino illius oppidi Hufs, ad quod tanquam ad refugium venerat Ioannes, vocare plebes, ac docere non destitit, multa in Romanum pontificem, multa in reliquos ecclesiæ pontifices maledicta congerens. Ut autem populi animos sibi magis ac magis conciliaret, decimas non aliter quam eleemosynas sacerdotibus debitas adstruebat. Quum autem hoc malū in dies grassaretur, & totam penè vastaret Bohemiam, nunciatum est Vuenceslao regi ut huic calamitati mederetur: quam quum facillimè tollere posset, per socordiam & ignauiam neglexit: quò factum est, ut postea etiam quum voluit, non potuerit: quoniā iam totum ferme regnum hac peste laborabat, & nunc proh dolor laborat. Pro cuius hæresis defensione totum regnum ad hunc vsque diem obedientiam ecclesiæ Romanæ subtraxit.

Quot

Quot autem bella pro huiusmodi hæresi extirpanda fuerint commissa, non est opus nūc enarrare: ea tamen satis longè persequitur Aeneas Syluius. Quòd si aliorum episcoporum & regis Vuenceslai tanta fuisset diligentia in opprimenda hæresi quum oriebatur, vt fuerat episcopi Pragensis, nec ad tot bella & tam cruenta vnquam fuisset deuentum, nec regnum totum fuisset tam diu illo veneno infectum. Secunda hæresum causa est defectus prædicationis verbi Dei, quanquam hæc etiam ad superiorem referri possit. Nam quòd populus careat prædicatione verbi Dei, culpa est prælatorum, ad quos ex officio spectat docere populum. His enim dicitur: Prædicate euāgelium *Mar. ult.* omni creaturæ. his præcipitur vt oues verbo doctrinæ pascant. *Ioan. 21* Petro siquidem dictum est, Pisce oues meas. Et idem Petrus omnibus prælatis ait: Pascite qui in vobis est gregem. *1. Pet. 5* Quis autem verior animæ pastor, quam verbum Dei, quod animam non solum nutrit, verumetiam impinguat? Et ideo non sine causa Hieremias plorat, dicens: Paruuli petierunt panem, & non erat qui frangeret eis. *Thy. 4* Ad prælatos etiam spectat illuminare populum qui in tenebris ignorantiae iacet. Quod autem aliud lumen ab eis adhiberi potest, nisi prædicatione verbi Dei? Lucerna, inquit Psaltes, pedibus meis verbum tuum, & lumen semitis meis. *Psal. 118* Et iterum: Declaratio sermonum tuorum illuminat, & intellectum dat paruulis. *Ibidem* Si ergo ab aliquo lumen quo dirigitur, subtrahas: nonne in tenebris ambulans offendet sæpissime? Non ergo mirum si subtracta verbi Dei prædicatione à populo, populus erret: imò potius mirandum esset si non audire vnquam verbo Dei populus rectè semper sentiret in fide: quoniam cum ea quæ credimus, humani intellectus fragilitatem excedant, ad ea percipienda assurgere ex seipso nemo potest. Oportet enim prius credere, vt postea intelligatur. Nisi enim credideritis, inquit Esaias, non intelligetis. Credere autem sine prædicante non esse possibile testatur Paulus. *Esa. 6* Quomodo, inquit, credent ei quem non audierunt? *Ro. 10* Quomodo autem audient sine prædicante? Et paucis interiectis colligit: Ergo fides ex auditu, auditus autem per verbum Dei. Huius rei non est opus multa exempla proponere, cum vbique terrarum & vbique gentium sit expertum plurimos versari errores apud rusticos & paganos homines, maximè apud eos qui deserta incolunt, qui à communione hominū longissimè absunt. Quod non ob aliam causam euenire constat, quàm quòd verbum Dei non

Dei non audiunt, vnde doceri possent: quo deficiente adstat illico malignus ille hostis, semper ad nocendum paratus, eorumque affectus primò, postea verò intellectus pervertit, & in plures detrudit errores. De hac re testimonia locupletissima potest nobis nostra ministrare Hispania, in qua citra decem annos in ea parte Cantabriz quæ nunc Nauarra dicitur, & Biscaya, apud eos homines qui montana incolunt, varij inuenti sunt errores, multæ superstitiones, varia idololatriæ: adeò vt dæmonem ipsum in figura capri se illis ostendentem venerarentur. Quod per multos ante annos inter eos secretò factum esse compertum est. Qua in re plures sunt inuentæ fœminæ, quàm viri. Nouit enim ille malignus hostis ab homine condito facilius fœminam seduci posse, quàm virum: tenaciùsque amplecti malum cui semel inhæserit. Hoc idem, etsi nò æquale malum, apud alia Hispaniæ montana euenisse comperimus, vt apud Astures & Gallicos, aliòsque similes, quibus rarissimè verbum Dei prædicari contingit. Sunt enim apud illos superstitiones multæ, ritus gentilitij, non aliam certè ob causam, nisi propter defectum prædicantium. Qui defectus in eorum prælatos & pastores erit partim reiiciendus. Nam illi etsi peccent sic errantes, eorum tamen peccatum aliquam admittit excusationem: eò quòd nemo illos conduxit, nemo eos vnquam docuit. Verùm quantumlibet prædicator desit, si ipsi Deum (vt decet) colerent, eumque orarent, nunquam eos Deus falli permetteret: quoniam aut ipse interius doceret, aut illis aliquem mitteret qui doceret eos exterius, sicut misit Petrum ad Cornelium. Quia tamen alijs magnis criminibus sunt immergi, eorum peccatis exigentibus Deus permittit vt nullus ad eos docendos prædicator accedat. Tertia demum hæresum parens & origo est sacrarum literarum in linguam vulgarem translatio: vnde euenit vt ab hominibus sine vllò personarum discrimine legantur. Vt autem conuincamus hanc esse & sæpe fuisse hæresum causam, illud in primis statuere oportet, hæresim nunquam ex sacris literis, sed ex illarum peruersa intelligentia oriri. Vnde Hilarius in lib. de Trinitate: Extiterunt plures qui cælestium verborum simplicitatem, non veritatis ipsius absolutionem susceperunt, aliter interpretantes quàm dictorum virtus postularet. De intelligentia enim hæresis, non de scriptura est, & sensu: non sermo fit crimen. Hæc ille. Si ergo ex peruersa scripturæ intelligentia hæresis oritur, quis facilius in hæresim

Act. 10

2410 hinc  
 Ananiam  
 ysaia



hæresim incidet quàm vulgus legens id quod minimè intelligere potest? Difficile certè est creditu, vt indoctum vulgus id intelligat, quod doctissimi viri longo studio, diuturna examinatione vix capere possunt. Quapropter Iudæis (teste Hieronymo) non licebat citra trigelimum annum librum Geneseos & Cantica canticorum legere, quia multa in eis intellectu difficilia continebantur: ad quæ legenda periculum esset nisi doctos discretosque viros accedere, ne ex praua intelligentia distortum quid saperent. Libri Sibyllini in tanta apud Romanos habiti sunt reuerentia, vt (quemadmodum testatur Fenestella de magist. loquens lib. I. cap. 13.) solis Duumuiris eos libros inspicere liceret. Verùm in posterum cum id Duumuirorum sacerdotium ad decem vsque protractum fuisset, qui Decemuii appellati sunt, ab eis demum solis Decemuiris Sibyllini libri legi permittebantur. Multo ergo magis Christianos decebat sacris literis illam exhibere reuerentiam, vt non passim omnibus legendæ traderentur, sed eis duntaxat qui fide & aliquanta cæterarum rerum scientia probati sunt. Nam de fide dicitur apud Esaiam: Nisi credideritis, non intelligetis. Et de *Esa. 6* scientia rerum humanarum quòd hæc sepe sit necessaria ad sacre scripturæ intelligentiam, iam aliàs docuimus. Vtrunq; dominus vno orationis contextu insinuauit dicens: Nolite san- *Mat. 7* ctum dare canibus, neq; mittatis margaritas vestras ante porcos, ne fortè conculcent eas pedibus suis, & conuersi disrumpant vos. Quod exponens Theophylactus ait: Canes sunt infideles, porci autem vitam porcinam agentes. Mystera igitur incredulis non sunt prodenda. Porci enim conculcant quæ dicuntur, canes autem conuersi lacerant eos: quod fecerunt philosophi quum audirent crucifixum Christum. Dilacerant autè vos ratiocinando impossibile esse cauillantes. Hæc Theophylactus. Quapropter laudandum meritò venit edictum illustriissimorum catholicorumq; Hispaniæ regum, Ferdinandi videlicet, eiúsque coniugis Helisabetæ, quo sub grauissimis pœnis prohibuerunt ne quis sacras literas in linguam vulgarem transferret, aut ab alio translatas quoquo pacto retineret. Timuerunt nanque prudenter plebi suæ quam regendam susceperant, ne vlla occasio illi daretur errandi: nec tamen gratis & sine causa timuerunt: quoniam longa experientia compertum fuerat plures hac occasione hæreses fuisse olim suscitatas. Ex hac siquidè radice prodierunt Valdenses, qui alio nomine pauperes de Lugduno



gduno appellantur. Valdo etenim eorū princeps à quo Val-  
denses dicti sunt, cū homo idiota esset, aliquos sibi trans-  
ferri procurauit libros, quos legens, & non intelligens, in plu-  
rimos lapsus est errores. Ex fonte eodem exierunt Begardi,  
Turelupini, omnes homines indocti, & prorsus literarū ignari.  
Hic tamen obstat Lutherus dicens scripturā sacram esse aper-  
tissimam, maximè nouum testamentū, eamq; esse facillimam  
intellectu: quapropter dicit tali lingua habendam esse scriptu-  
ram sacram, vt ab omnibus legi & intelligi possit. Verū in  
hac re delirare Lutherum, & reliquos omnes, qui illi in hac  
parte fauent, expressis scripturæ testimoniis, argumentisque  
efficacissimis conuincemus. Primò igitur beatus Petrus de Pau-  
linis epistolis loquens ait: In quibus sunt quædam intellectu  
difficilia, quæ indocti & instabiles deprauant, sicut & cæteras  
scripturas, ad suam ipsorum perditionem. Et Paulus de hu-  
iusmodi hominibus loquens, in prima ad Timotheum episto-  
la dicit eos non intelligere, neque quæ loquūtur, neque de qui-  
bus affirmant. Et in secunda ad Corinthios epistola dicit suum  
euangelium fuisse opertum in his, qui pereunt. Quòd si Pe-  
trus dicit in epistolis Paulinis esse multa intellectu difficilia, &  
Paulus ait suum euangelium esse opertū his qui pereunt, qua-  
liter Lutherus persuadebit scripturam sacram esse facillimam  
intellectu, eamque apertissimam, adeò vt ab omnibus intel-  
ligi possit? Præterea si scripturæ tam apertæ sunt, qualiter  
errauit Arrius? Macedonius? Nestorius? præcipuè cū hi om-  
nes ex scriptura perperam intellecta sui erroris occasionē sum-  
pserunt? Quòd si in scripturarum intelligentia isti errauerūt,  
indèque hæreses suscitauerunt, quī fit vt vulgus indoctum non e-  
tiam erret? Qualiter vulgus sciet cognoscere parabolas, qua-  
rum frequens est vsus in vtroque testamento? Qualiter apra-  
bit similitudines? Qualiter distinguet figuratas locutiones à  
non figuratis? Qualiter rerum proprietates considerabit, ex  
quarum cognitione sæpissimè literæ sensus pender? Quo pa-  
cto sciet conferre præcedentia sequentibus, & media vtriusque,  
vt inde coniiciat veram literæ intelligentiam populus, qui ni-  
hil conferre nouit, sed nulla prorsus rerū collatione facta cen-  
sere solet? At singula hæc maximè sunt necessaria ad cuius-  
libet, ne dicam diuinæ scripturæ intelligentiam. Sunt multa  
præterea in sacris literis quæ in speciem velut ex diametro pu-  
gnare videntur: in quibus diligente interprete, eoq; docto est  
opus

opus, ut ea conciliet, & cōcordia esse ostendat: ut gratia exēpli, Christus apud Ioannem ait: Pater maior me est. Et idem apud Ioan. 10 eundem dicit: Ego & pater vnum sumus. At vbi vnitas est, ibi Ioan. 14 neque maius neque minus quicquam esse potest. Item illi dicto Pauli, Regnum dei non est esca & potus, repugnare videtur Christus dicēs: Ego dispono vobis regnū, sicut disposuit mihi pater, ut edatis & bibatis super mensam meam in regno meo. Ro. 14 Propheta etiam regius ait, Irascimini & nolite peccare. quibus Luc. 22 verbis aliquam prācipit iram, quā dicit esse sine peccato. Huic Psal. 4 autem cōtradicare videtur Paulus, dicens: Omnis indignatio & ira tollatur à vobis. Eph. 4 Hæc autem quum vulgus indoctum legit, putabit esse contraria: quo eueniet ut aut dubitet aut vacillet in fide, aut temere censeat, alterā scripturæ partem reiiciens, sicut cōmune est hereticis: aut si quā fortē scripturam deprehenderit suo errori contrariā, eam statim velut nō canonicā reiiciant. Rursum Latherus dicit Hieronymum hallucinatū fuisse in sacrę scripturæ intelligentia, Augu. errasse in eadē, Ambro. Cypria. Hilariū, Basil. Chrysosto. sepe deceptos fuisse, de quibus tamen idem Lutherus in præfatione libri sui de captiuitate Babylonica fatetur eos in vinea domini egregiē laborasse, diligentia in scripturis illustrandis adhibuisse. Si ergo isti doctissimi viri post diuturnam in sacris literis exercitationē, post longam meditationē, post orationem feruentem atque prolixam decepti sunt illo teste, qualiter eas scripturas dicet esse clarissimas, in quibus tot talēque viri post longam, attentamq; earū inspectionem decepti sunt? Quod si illi errauerunt in vno aut altero, verisimile est ut vulgus indoctum erret in mille, præcipue cum non tantā adhibeant diligentia ut illi, nec tantum in ea meditentur, nec talis sit illorum vita, ut affectus illuminet intellectū, aut vnctio dei doceat eos. Possibile certē est ut vnus homo quantumlibet idiota longa oratione exercitatus, seruētī contemplationi assuetus, quem deus in cellaria sua introduxit, interpretationem sermonum, veramq; sacrarum scripturarum intelligentiam inde hauserit, quā alius quantumuis doctrinis hominum assuetus consequi non valet? At quod nebulones, ebrii, voratores carniū, potatores vini, quorum deus venter est, sine vlla meditatione, sine vllō orationis exercitio penetrant scripturas quas deus tot sapientibus & sanctis viris absconderit, non est cuiquam credibile. Confiteor, inquit Christus, tibi pater, quia abscondisti hæc à sapientibus & prudentibus, & reue-

Mat. 11

lasti ea paruulis. Paruulis inquam, non superbis, non sibiipsis fidentibus. Paruulis inquam, id est humilibus, qui humi repunt sua æstimatione, qui non ambulant in magnis & in mirabilibus super se, qui terrena omnia, velut stercorea arbitrantur, ideóque ea contemnentes pro cælestibus suspirant. His certè paruulis reuelat Deus sua mysteria, non voratoribus, non compotatoribus. Vinum nanque & panis corpus impingunt, carnem sanguinem nutriunt, non autem animam. At caro & sanguis nõ reuelat Petro Christum esse filium dei, sed spiritus dei qui est in cælo. Detnum vt hominẽ vndique vallemus, ne vllus illi pateat exitus, nonne ipsi Lutherani à se inuicem diuisi sunt? Carlostadius à Luthero, Oecolapadius ab vtroque iam est separatus. Verum qua ratione diuisi? nõ alia certè, nisi quod quilibet alteri impingit eum conuiuere ad scripturæ intellectum. Si ergo inter eos qui populi duces videri volunt, dissidia sunt, & quilibet ait alterum minimè intellexisse scripturam: qui fit vt populus non erret in pluribus quàm eorum quilibet? præcipuè quum vulgus non sola lectione sit contentus, sed de earum intelligentia etiam disputeret, adeò vt de earum intelligentia non vereantur nebulones doctissimos quosque viros ad certamen prouocare, cum illisque contendere. Et quod omnibus peius est, non solum hæc à viris fiunt, verum etiam à fœminis. Paulus certè non permittit mulierem docere, & tamen his temporibus Luthero illis maximè fauente, mulieres docere & disputare de fide non verentur: atque adeò proteruè, vt facilius centum viros ab errore reuoces quàm mulierem vnã. Ex quibus clarissimè quisque colliget Lutherum hac sola occasione scripturas sacras in vulgarem linguam vertisse, quod facilem perspiciebat esse hanc viam ad populi lapsum, quem errore deceptum ex litera perperam intellecta, facilius posset in suas tenebras detrudere. Non possum meipsum continere, quin hic etiam inferam quæ in eius rei fauorem adducit Erasmus Roterodamus. vir longè doctissimus, de bonisque literis bene meritis. Is enim quum in pluribus ab eo editis libris dixisset, se cupere sacras literas in omnes verti linguas, vt possint legi ab agricola, à fabro, à latomo, à muliere, fuit de hac re inter alias à facultate theologiæ Parisiis notatus atque reprehensus. quorum censuræ Erasmus respondens, nec tamen suam sententiam recantans, in suæ sententiæ confirmationem adducit aliqua, quæ parum suum propositum stabiliunt. Primò dicit olim sacras li-

*Erasmus notat*

teras in linguam vulgarem fuisse versas, & Chrysostomum commendare laicis studium diuinorum voluminum, & Hieronymum laudare idem in sceminis: de quo etiam refert quod Dalmatica lingua sacros verterit libros. Quod sit tunc factum est cum tanta laude, videtur Erasmo idem etiam nunc fieri debere. Hæc autem collectio satis apertè conuincitur esse mala, eo quod sæpenumero contingere videmus, vt de aliqua re aliquid statuatur ad mores hominum corrigendos, quod quum postea experientia docere cognoscatur illud alia ex parte posse multo magis nocere, & iam sæpe nocuisse, abrogatur lex in totum. Olim in nocturnis vigiliis currebant ad sepulchra martyrum viri, vxores, puellæ pueri, monachi, virgines sacræ, nullumque hominum genus nõ veniebat. Cui rei quum olim detraheret Vigilātius, scripsit aduersus eum beatus Hieronymus tam acerbe, vt ipse Erasmus in argumento illius libelli per eum edito, cogatur desiderare modestiam in beato Hieronymo. Id autem quod tunc beatus Hieronymus tam vehementer laudabat, flagitia quæ sub vmbra pietatis admittebantur, persuasit vt prorsus tolleretur. Neque hoc per solam desuetudinem abrogatum est, sed per cōcilii definitionem. Concilium siquidem Elibertinum cap. 35. suorum decretorum sic ait: Placuit prohiberi ne sceminæ in cœmiterio peruigilent, eo quod sæpe sub obrentu orationis scelera lateuter committant. hæc concilium. Cur non etiam Erasmus innouare vult illas nocturnas vigilias, cū videat eas olim fuisse tam celebres, tanquæ ex animo ab Hieronymo laudatas? Hoc autem non facit, imo potius censet meritò fuisse sublatas. Olim etiam corpus domini dabatur in manus, quod secū quisque domū portabat: vt quum vellet, domi acciperet. Hoc ex libro 6. ca. 33. historię Ecclesiasticę Eusebii facillimè colligitur. At quum deprehensi fuerint multi qui tractarent indignè, & ad artes magicas abuterentur, abrogata est cōsuetudo. Nullus, vt opinor, est nunc homo verè catholicus prudensq; qui consulere velit vt eucharistia iterum laicis detur in manus domum suam deportanda, quauis olim vsque ad tempora Cornelii papæ sic factum esse constet. Faremur ergo olim sacros libros in linguam vulgarem fuisse translatos, beatūque Hieronymum in linguam Dalmaticam eos vertisse, nec tamen ideo simile fieri expedit, quoniam experientia docente didicimus hac de caussa plures idiotas fuisse lapsos in multos execrandos errores. Nam



etsi pauci fuerunt idiotæ hæresum authores, multi tamē fuerūt & nunc hodie sunt hæresum fautores. Lutherus certē etsi hæresis author & princeps existat, vnus tamen homo erat qui facile à potestate seculari cōpesci poterat: idē curauit enixē populi animos sibi cōciliare, quò securius rem agere posset. Vt autem hoc assequeretur, nulla fuit ei visa faciliior via, quā si libros sacros & sua dogmata in linguā vulgarē vertisset: & ita vt credidit, euenit. nā hæc occasio inter alias non parua fuit, vt rotius penē populus illi adhæreret. Secundo in sui propositi cōfirmationē addit Erasmus dicēs, quòd quicquid est hereseon in orbe, totum ferē natū est, vel ex philosophia, vel ex ipsis sacris literis perperā intellectis. Et à philosophorum libris nullus arcetur, nullus ergo à sacris literis debet submoueri. Quis nō videt latissimum esse discrimen etiā in re de qua loquimur, inter gentilium libros, & sacras literas? Sacras enim literas omnis fidelis sic legit, vt diuina oracula: quapropter nec illis cōtradicare, nec de illis dubitare audet. sed constanti animo tenet quicquid ibi legerit. quapropter si aliquid perperam intellexerit, nō minus constanti animo credit quā reliqua, quoniā iuxta sensum quē ille accepit, putat illa verba esse accipienda: & ita errorē suum ita tenaciter defendit, velut id quod credit esse diuinum oraculum. At philosophorū libros nullus Christo iniriatus ita legit vt diuina oracula, nisi fortē quis demens sit: sed legit vt libros hominum, qui quantūlibet fuerint docti, potuerūt tamen errare, & ita nō timet ab illis dissentire, aut de eorum sententia dubitare. Verū quoniam contingit sæpius, vt propter argumenta bellè disposita, quæ apud eos leguntur, aut propter eorum elegantem dicendi stylium, in illorum philosophorum trahantur errores. idē non sine caussa iam superius monuimus libros gentilium cum magna cautela esse legendos. Cū ergo plus nocumenti inferatur ex libris sacris in linguam vulgarem versis, quā ex lectione gentilium philosophorum, meritō illud inhiibetur, etiam si de alio nulla fiat prohibitio. Puto Erasmus boni consulturum, quòd ab illo in hac parte discessimus. Nam & ipse non semel docet liberum esse cuique ab hominis cuiusque sententia discedere, etiam si sanctus ille fuerit, modò cum reuerētia & aliqua ratione adductus id faciat. Siue autem bene siue malè accipiat, ego ab instituto mēo quo pro catholica fide pugnare decreui, nunquam discedam.

De hære

De hæreticis agnoscendis.

Cap. XIII



On parua res est, hæreticos à veris catholicis discernere, quum propter rei vtilitatem, tum etiam propter eiusdē difficultatē. Vtilitas certē est maxima, propterea q̄ multi pallio nominis Christiani operti, suas hæreses spargunt, suaq; venenota dogmata populo venditant: quē tanto facilius decipiunt, & in suos trahunt errores, quātō ipsi magis à populo reputantur fideles, & verē catholici. Ideo Christus sollicitā nostrī curā gerens, ac præuidens plures hæreticos sub nomine Christiano venturos, admonet dicens, Attendite à falsis prophetis qui veniunt ad vos in vestimentis ouium, intrinsecus autem sunt lupi rapaces. Et Ioā. in sua prima catholica epi. ait, Charissimi nolite omni spiritui credere, sed probate spiritus an ex deo sint, *1. Ioā. 4* quoniā multi pseudoprophetæ exierunt in mundū. Difficultas autem inde cognoscitur, quod hæretici nō eundem modū obseruant, sed suus cuiq; mos, & mille eorum species, & rerum discolor vsus. Quidā enim eorum occultantur vt sanctiores appareant, vt facilius mentes ignorantium decipere possint: vnde de illis Iob dicit, In desertis habitabant torrentiū, & in cauernis terræ. In cauernis hæretici habitāt, quia plerunque errorem suum nō audentes publicē prædicare, ne à sapientioribus, illis resistatur, procurant latenter & clanculo se imperitis ingerere, vt illos securius in suum errorem trahant. Hinc est quod apud Salomonem mulier quæ typum hæreseos tenet, dicit, Aquæ furtiue dulciores sunt, & panis absconditus suauior. Quod tantō periculosius, quanto occultius fit, quia difficilius illi veneno potest mederi. Quidam hoc publicē, & adeo licentius faciunt, quantō magis sibi persuadent suum posse errorem melius tueri. Quidam vt facilius suum aliis persuaideant errorem, curant, sanctiores apparere, & multa mirabilia operari, vt quanto meliores existimantur, tanto facilius illis credatur. Quidam vice versa, aliorum estimationem cōtemnentes, nec de ea vllō pacto curantes, hominibus pessimæ vitæ iunguntur, vt ad optata vitia pertingant, & suorum errorum faciles & libentes habeant ministros, Nam qui vitia pro virtutibus commendat, aut qui virtutes velut vitia reicit, nullos inueniet in eum propensiores, quā eos qui sunt ad illa vitia quæ ille laudat, procliuēs. Cum tot sint ergo hæreticorum mores varii, ingeniaq; diuersa, difficile esset certam præscribere regulam, qua cognosci valeant,

*Mat. 7**1. Ioā. 4**Hæreticorum mores diuersi & difficultates discernendi.**Iob 30**Pro. 9*

Quomodo hæretici  
cognoscuntur

Mat. 7.

Hæreticorum  
mores.

Prima hæ-  
retici con-  
iectura.

Ioan. 7.

August.

nisi Saluator nobis eam reliquisset. Is enim summus & opti-  
mus pastor atque magister, cum præmonuisset nos ut à falsis  
prophetis cauermus: modum quo eos cognosceremus, adiun-  
xit, dicens: A fructibus eorum cognoscetis eos. Nunquid colli-  
gunt de spinis uvas, aut de tribulis ficus? Sic omnis arbor bona  
fructus bonos facit, mala autem arbor malos fructus facit. Nō  
potest arbor bona malos fructus facere, neque arbor mala fru-  
ctus bonos facere. Cum tamen hæreticorum fructus, ut iam di-  
ximus, sint varij, nec omnibus ijdem, restat ut eadem semper  
maneant difficultas, Verum quauis tot sint hæreticorum mo-  
res varij, si tamen est aliquis fortè modus illis omnibus com-  
munis, velut eorum omnium genius, ab eo facile cognosci po-  
terunt. Ego autem re (ut decebat) attentius considerata, tres aut  
quatuor hæreticorum mores inuenio, illis omnibus cōmunes,  
ex quibus facile quisq; coniciet an quiuis doctor in suspicio-  
nem hæretici incidere meritò debeat, an nō. Prima ergo, & ne-  
scio an omnium maxima coniectura est, velle res nouas, & quæ  
parum conducunt, prædicare aut docere. Qui enim rerum no-  
uarum est amicus, & eas semper quærit ut prædicet aut doceat,  
signum est quod placere vult, quod existimationem sui in po-  
pulo quærit, quod seipsum vult prædicare, non Iesum Christū:  
ex quo conuincitur eum à semetipso loqui, & non à Deo: quo-  
niam ut est apud Ioannem, Qui à semetipso loquitur, gloriam  
propriam quærit. Qui autem propriam gloriam quærit, eam-  
que per nouæ doctrinæ prædicationem captandam sperat, etiā  
si quid erroneum inuenerit, ipsa nouitate delectatus probabit,  
& sperans se inde gloriam habiturum, non solum prædicare  
non metuet, inō tanquā preciosam gemmam populo ven-  
ditabit. Præterea ipsa doctrinæ nouitas est de se suspecta, quo-  
niam Christus & apostoli eius sufficientem doctrinam ad vitā  
æternam consequendam dederunt. Nec post legem à Christo  
datam est alia lex iterum à Deo danda, quoniam testamentum  
hoc est æternum. Si ergo aliquid noui nunc prædicatur, cuius  
nec vestigium habetur in ecclesia relictum ab apostolis vsque  
ad hunc diem, ipsa rei nouitate est suspectū, quoniam tunc opor-  
teret fateri apostolos non perfectè aut sufficienter prædicasse  
euangeliū, ecclesiamq; quam docendam spiritus sanctus susce-  
pit, tam longo tēpore fuisse in tenebris ignoratæ. Beatus Aug.  
in libro de ratione animæ ad Opratum, multas de anima opi-  
niones enarrans, de quadam earū, quam credit esse erroneā, nec  
tamen



tamen illā se posse expugnare cōcedens, ait, Ipsa tamē sola no-  
 uitate displicet. Et Aeneas Syluius loquēs de Ioāne Hufi Bo-<sup>Henricus</sup>  
 hemorū heresiarcha, lib. de origine Bohem. cap. 35. dicit quod <sup>Syluius</sup>  
 peregrinas semper & nouas opiniones amabat. Rursus, beatus  
 Paulus sæpe hāc doctrinarū nouitatē condēnat, & velut dāna-  
 tam fugiendā esse præcipit. vnde in prima ad Timoth. epist. di-  
 cit, O Timothee depositū custodi, deuittans prophanas vocum <sup>1. Tim. 6</sup>  
 nouitates, & oppositiones falsi nominis scientiæ, quā quidam  
 promittentes circa fidem exciderūt. Deinde qui nouam cona-  
 tur inducere doctrinā, eam debet efficacissimis eiisque euidentis-  
 simis argumētis probare, & quod maius est, si doctrina talis est, <sup>2. Hæreticis</sup>  
 vt ad vitā aternā consequendā necessaria esse prædicetur, debet <sup>miracula</sup>  
 eam euidentissima miraculorū operatione cōfirmare. Sic enim  
 factum esse reperimus quoties a Deo noua doctrina populo est  
 mādāta. Primò enim cū Moses mittitur ad Pharaonē, non au-  
 det ire, eò quod timebat ne illi propter rei nouitatem quam <sup>Exod. 3</sup>  
 erat Pharaoni dicturus, non crederet Pharaon, aut reliqui Aegy-  
 ptij. Quapropter illi Deus concessit potestatem miracula fa-  
 ciendi corā Pharaone & Aegyptiis, vt visa miraculorū euiden-  
 tissima operatione, persuaderentur ad credendum his, quæ Mo-  
 ses illis dicturus erat. Deinde dominus & nouam mundo præ-  
 dicans legē, ac veteris legis nouam & verā intelligentiam pan-  
 dēs, miraculis certissimis suā doctrinā cōfirmat. Postquā enim  
 sermonem prolixum coram discipulis suis aliisque homini-  
 bus fecit dominus in monte, in quo sermone docuit eos præce-  
 pta decalogi iuxta verū eorū sentum, cōtinuò post sermone fi-  
 nito miraculū operatus est: cū videlicet leproso petenti atque  
 dicenti, Domine si vis, potes me mundare: respondit, Volo, <sup>Matth. 8</sup>  
 mundare. Et confestim mundatus est à lepra. Neque hoc casu  
 factum esse putes, vt finito sermone illico dominus coram po-  
 pulo, qui eum audierat, sanet leprosum. Causā enim huius fa-  
 cti Hieronymus super octauum cap. Matthæi assignat dicens,  
 Recte post prædicationem atque doctrinam, signi offertur oc-  
 casio, vt per virtutum miracula, præteritis apud audientes ser-  
 mo firmetur Hæc Hieronymus. Quod si talia miracula Chri-  
 stus nō fuisset operatus, per quæ homines allicerētur in eius do-  
 ctrinam: ipsis Iudeis tunc nō credentibus, nulla fuisset propter  
 hoc culpa imputata. Ipse enim Christus ait, Si opera non fecis-  
 sem in eis, quæ nemo alius fecit, peccatū non haberent. Vnde <sup>Ioan. 15</sup>  
 clarissimè cōuincitur esse necessariam miraculorum operatio-



Marcus 16.

Ambrosius

Beda

Lutherus

nem ad tam excellentis doctrinae, ut est euangelica, confirmationem. Prædicato insuper per Christum euangelio, & plurimis ab eo miraculis confirmato, cum Apostoli post Christi in caelos ascensionem per diuersas nationes euangelium prædicant, diuersorum miraculorum operatione confirmant. De illis enim ait Marcus, Illi autem profecti prædicauerunt ubique, domino cooperante, & sermonem confirmante sequentibus signis. Beatus Ambrosius exponens illud ad Romanos primo, Per quem accepimus gratiam &c. sic ait, Testis enim doctrinae virtus est, ut quia quod prædicatur incredibile mundo est, gestis fieret credibile. Hæc ille. Et Beda libro 3. super Lucam capite 7. Cōcessa (inquit) primò potestate signorum misit prædicare regnum Dei, ut promissorum magnitudini attestaretur etiam magnitudo factorum, fidemq; verbis daret virtus ostensa, & noua facerent, qui noua prædicarent. Hæc Beda. Ex his ergo omnibus colligimus, nouam de fide doctrinam debere certissimis euidentissimisque miraculis confirmari. Quod si quid nouum sine talium miraculorum confirmatione prædicatur, ipsa nouitate est suspectum. Et qui talibus nouitatibus delectatur, easque inquirat anxius, ut inde inanem capter gloriam, hac sola ratione coniicio eum esse hereticum, aut in hæresim prouum, & qui facile in eam labetur. In hac parte adeò nobis fauet Lutherus, ut in seipsum verterit manus non considerans fortè quod loquebatur. Is enim volens astruere nulli homini quantumlibet docto, quantumlibet etiam sancto debere fidem adhiberi, nisi suam doctrinam apertissimis sacrae scripturae testimoniis comprobauerit, in proemio sui libri de captiuitate Babylonica sic ait: Legimus in Actis Apostolorum quod ij, qui cum omni auiditate verbum Pauli audierat, quotidie scrutabantur scripturas, si hæc ita haberent. Si ergo Pauli euangelium ceu nouum testamentum oportuit probari per veterem scripturam an ita haberet, qui tamen habuit auctoritatem à Deo sibi datam sicut Apostolus, ut eius verbo crederetur, quid nos facimus, qui patrum dicta quorum nulli fuit auctoritas noua docendi, sed tantum accepta per Apostolos conseruandi, nolimus ad scripturae iudicium vocari? Hæc Lutherus. Nullus est (ut opinor) adeò demens, qui renuat cuiusuis hominis dicta vocati ad iudicium scripturae, quoniam non iurauimus in verba hominis, sed in verba Dei: neque captiuare oportet intellectum nostrum in obsequium hominum, sed in

sed in obsequium Christi. Permittimus ergo sanctorum dicta vocari ad iudicium scripturæ, non autem ad iudicium Lutheri: ad iudicium quidem scripturæ, sed non ut à Luthero intelligitur. Iudicium enim scripturæ, hoc est interpretatio sacrę scripturæ, ut aliàs iā docuimus, non manet penes Lutherū, sed penes totā ecclesiam. Quod autem ait non licere alicui noua docere, consentimus ei. Verū si nulli sanctorum licuit noua docere, sed tantū accepta per Apostolos conseruare, quare tibi Luthere licebit tot nouitates excitare? Nunquid nō est nouum dogma omnes Christianos esse sacerdotes? Nunquid non est noua doctrina qua asseris, ad Eucharistię sumptionem nō esse necessarium, prius animum per contritionē & peccatorū confessionem expurgari? Nōne nouū est dogma seruū esse & nō liberū hominis arbitriū? Nōne noua est hæc sententia, nulla bona opera esse necessaria, sed solā fidē sufficere ad vitā æternā consequendā? Nūquid nō est etiā nouū dogma, cōcilia generalia probē (ut decet) cōgregata posse in fide errare, atq; ideò eorū decretis nos minimē obligari? Noua certē sunt hæc omnia, nisi fortē dicas ideò non esse noua, quia alij ante te hæretici illa confinxerūt. Hoc enim est tibi peculiare, ut rarò ex vino defecato, sed ex fecibus ab ecclesia reiectis sæpiissime haurias. Verū etsi hoc ita se habeat, ea tamen, quæ semel antiquata sunt, incipiūt aliquādo esse noua, quia tūc remouantur. Sic quāuis errores tuos plures ex Valdensibus, Vuitclefuitis, aliisque huiusmodi farinæ hominibus hauseris, quia tamen eos iam diu ab ecclesia reiectos atq; explosos resumpstisti & velut iam diu sepultos ab inferis suscitasti, ideò errores tui noui nūc sunt ac dicuntur. Si ergo hæc noua, & tamen asseris, pertinaciterque tueris, quæ nunquam per Apostolos tradita, neque ab eorum successoribus conseruata sunt, nunquid non incidisti in foveam, quam fecisti, & in laqueū quem parasti aliorum pedibus, cum dixisti nemini licere noua dogmata prædicare, sed tantū ab Apostolis accepta conseruare? Tibi ergo, qui nouas inducis doctrinas, incumbbat probare quæ asseris, eaque miraculis apertissimis confirmare, prout fecit Christus, & eius Apostoli fecerunt. Nobis autem, qui tam vetustam totius catholicę ecclesię fidem tenemus, non incumbit probare, cū iam non sit noua dicenda doctrina, quæ per tot secula est ad hunc vsque diem conseruata, & tot miraculis confirmata: quapropter non est opus ut nunc probemus quæ iam olim probata atque confirmata sunt.

<sup>a</sup>  
2 Hæresis 10  
iethusa

Iac. 1  
Ibidem 3

Gregor.

<sup>a</sup>  
3 Hæresis 10  
iethusa

Tim. 3

Secunda coniectura ex qua subodorari possumus hæreticum, est nimia libertas in pronuciando, ad quā sunt aliqui adeo proclives, ut nō dubitent quicquid in buccā venerit asserere. Quod autem semel prodidit definiēdi temeritas, superbia postmodum tuetur. & sēpissime auget pertinacia: quoniam superbia suadente fit, ut quod semel temere dictū est, recantare nolit: quapropter errori adiuncta pertinacia, consummatū facit hæreticum. Qui ergo ita liberrimē de rebus seriis & ad fidē spectantibus pronunciat, & quacunq; facillima ratione persuasus, sine ulteriore inuestigatione, aut doctorū aliorū virorū consilio, statim decernit sibiipsi fidēs, hic certē meritō suspiciōnē hæretici incurrit ut hæreticus esse putetur, vel in hæresim eū citissimē lapsu rū credatur. Vnde beatus Iac. ait, Si quis putat se religiosū esse nō refrenās linguā suā, sed seducēs cor suū, huius vana est religio. Et iterū, Lingua inquietū malū, plena veneno mortifero. Quapropter beatus Greg. exponens illud Iob, Respōdere quæso absque contentione, & loquentes, id quod iustū est iudicate: sic ait, Qui in dictis suis reprobationē meruit, ipse prius debet examinare quod dicit, quatenus inter cor & linguam, æquus quidam discretusque arbiter sedeat, subtiliter pensans, si recta verba cor offerat, quæ utiliter suscipiens ad auditorum iudicium lingua perducatur. Beatus igitur Iob, sua contra amicos agens, sed contra hæreticos nostra denūcians, præcipationem loquentium reprehendit, atque ad eorum mentem verba recolligit dicens, Loquentes, id quod iustum est iudicate: ac si aperte diceret: Si in eo quod nos per egressum locutionis exitis, reprehendi nō vultis, intus iustitiæ libram tenete, ut tantū foris quod dicitur, ex veritatis pondere placeat, quantum hoc interius trutina discretionis pensat. hucusque Gregorius. Tertiū vnde conicere licet aliquem esse hæreticum, est id quod ferimē omnibus hæreticis est proprium, ut videlicet si quis eum correxerit ut ab errore suo reuocet, ostendat illico impatientiam. Qua in re, quantumcunque hypocrita sit, & sanctus videri curet, eorum hypocrisis inde detegitur, quod simul atq; a quoquam fuerit admonitus, statim pro benefacto regerit maledictum, contumeliis & contumeliis iulaniens, impatiens ab alio doceri. Si enim commonefacis ut ab errore resipiscat, non emandatio, verum deterior & pestilentior euadit. De his ait Paulus, mali, & ipsi errantes. Huius rei apertissimum se nobis præbuit exemplum



plum Lutherus, qui cum pauculos quosdam à principio effu-  
tisset errores, de eis admonitus à pluribus doctis viris, tantum  
abfuit vt recantare vellet, vt peiores multò plures addiderit er-  
rores. Deinde verò cum à serenissimo Anglorum rege per scri-  
pturam fuisset correctus, cumque regratiari illi debuisset, aut  
saltem modeste respondere, conuiciis & iniuriis eum affecit.  
Demum cum à summo pontifice Leone decimo admonitus  
obedire noller, bonus pastor, ne ovis putrida, reliquas attractu  
inficeret oues, ab ouili ecclesiæ procul abegit. Huius autem cen-  
suræ Lutherus impatiens, cœpit debacchari in pontificem Ro-  
manum, & reliquos omnes ecclesiæ ordines. Hoc igitur mani-  
festum est hæretici signum, medicinam nullam ferre, nullam  
manum medicantis admittere: vnde euenit, vt insanibilis per-  
maneant. Quomodo enim curari potest, qui se tractari non pa-  
titur? Aut quomodo tractari potest, quem si quid doces, nuga-  
tur? si quid mones, irascitur, si quid hortaris, obnititur? si quid  
placās, incenditur. Efficacissima igitur est coniectura ex corre-  
ctionis impatientia conicere aliquem esse hæreticum, quia  
ostendit pertinaciam, quæ consumatum efficit hæreticum.

F. ALFONSI DE CASTRO ADVERSVS  
hæreses, in librum secundum,

## P R A E F A T I O.



Haactenus de his, quæ ad reuincendas hæreses ne-  
cessaria erant, disseruimus. Arma nanque osten-  
dimus vtrisque communia quibus & nos aduer-  
sus hæreticos pugnare debemus, & hæretici aduer-  
sus nos. Iudices signauimus, sub quibus certami-  
nis periculum subeundum erit, penes quos potestas sita est de  
victoria cœsendi, quod maximè etiā necessariū fuerat, quoniā  
his subditis nullus vnquā foret belli finis. Nā cū gloriæ cupidi-  
tate omnes tågatur, nullus erit, qui hastā in certamine abiice-  
re velit, aut herbā porrigere hosti: atq; ideo hac ratione esset si-  
ne fine bellandū, nisi ecclesia iudice alter cedere cogatur areq;  
præcipuè cū ij cōtra quos acturi sumus, filij dura ceruice & indo-  
mabili corde sint. Omnibus ergo (vt decebat) ad bellū paratis,  
opus est iam vt in campū descendamus, manusq; inter nos con-  
ferere incipiamus. Nō tamē aduersus omnes hæreses simul, nec  
aduersus omniū hæreticorū aciē pugnare decreui, sed ad singu-  
lare certamē quālibet seorsum hæresim prouocare. Hæreses aut  
ipsæ non iuxta tempora in quibus ortæ sunt ( vt in præfatione  
totius



totius operis statuimus ) sed iuxta rerum materias circa quas  
versantur , distribuentur. Vt autem ex hoc nostro labore faci-  
lius lector proficere possit, talis seruabitur ordo, vt rebus circa  
quas ortæ sunt hæreses, iuxta alphabeti ordinem dispositis, sub  
vnaquaque dictione illæ cōstituantur hæreses , quæ ad rem per  
vocem illam significatam pertinere videbuntur. Cū er-  
go prima alphabeti litera sit A, eas primum oportet  
bit pertractare res , quarum nomina ab ea lite-  
ra initium capiunt. Ab adoratione igitur  
auspicandum censui , vt primum o-  
mnium, tanquā de primo Dei  
præcepto, quid nos revere-  
ri aut adorare oport-  
reat , scia-  
mus.

ADOR



INTER omnes quæ hucusque ortæ sunt hæ-  
reses, duas tantum apud omnes quos evolui  
autores (qui Deo teste satis magno sunt nu-  
mero) reperio quæ sub hac inscriptione me-  
rito collocari debeant. Prima hæresis est, quæ  
adstruit crucem dominicam nullo pacto esse  
adorandam. Huius erroris dux atque magister fuit *Claudius*  
quidam Taurinensis episcopus, ut testatur Thomas Vualden.  
in lib. de sacramentalibus titu. 2. cap. 16. adducto pro hac re te-  
stimonio ex chronicis Iuonis Carnotensis, quæ fateor me non  
vidisse. Quo autem tempore hæc pestis viguerit, cum ille sub-  
ticuerit, apud alium inuenire non potui. Hanc eandem hære-  
sim iam sepulcrum, ab inferis suscitauit post aliquot annos qui-  
dam Ioannes Vuitclef, ut testatur idem Thomas Vualden lo- I. *Vuitclef*  
co proximè citato. Hic Ioannes Vuitclef Anglicus fuit, sacer-  
dos, magisterque in artibus, vir ingenio acer, & eloquens, quan-  
tum temporis illius penuria valebat (floruit nanque circa an-  
num domini 1380.) multa volumina scripsit, quibus ecclesiam  
catholicam persecutus est. Nā in illis multa & impia dogmata  
sparsit, de iure diuino, de humano, de ecclesia, de monachis, de  
cæremonijs, de decimis, de obediētia. & de alijs multis, quæ suis  
locis dicuntur. Tempus autem illud cuicumque crimini commit-  
tendo opportunum fuit, cum ecclesia tunc in tres partes fuerit  
scissa, à tribus se pro summis pontificibus gerentibus. Nunquā  
verò facilius quodcumque crimen proficit, quā bellorum tem-  
pore, quo omnia licent, omniāque impune fiunt. Tandem Deo  
miserante coactum est generale concilium apud Cōstantiam  
pro totius ecclesiæ vnione atque reformatione: in quo inter cæ-  
tera ibidem acta, 45. articuli ex eius libris excerpti, condemna-  
ti sunt. Et quoniam tunc Ioannes Vuitclef iam defunctus erat,  
facta prius diligenti examinatione de eius finali impœnitentia  
ac pertinacia, concilium censuit præfatum Ioannem fuisse hæ-  
reticum, corpusque illius & ossa (si possent ab alijs fidelium cor-  
poribus discerni) iussit exhumari, & extra ecclesiā iactari. Hæc  
omnia acta sunt in octaua eiusdem concilij sessione. Verum  
etsi inter articulos in eo concilio damnatos, iste de adoratione  
crucis minimè reperiatur, non ideo mirum videri debet alicui,  
aut ideo credere debet non esse hæreticum, quia à concilio in-  
ter illos

ter illos minimè connumeratus est. Nam postquam concilium illos 45. articulos recensuit, hæc verba subnectit: Compertum est etiam libros eius plures alios articulos continere similium qualitatum, doctrinamque in Dei ecclesia insanam, & fidei ac moribus inimicam inducere. Hæc concilium. Post ista autem verba immediatè sequitur condemnatio tam præfatorum 45. articulorum ibidem expressorum, quàm aliorum eiusdè qualitatis quæ in libris illis reperiri dicuntur. Ducenta nanque librorum volumina eum scripsisse refert Aeneas Sylvius in lib. de origine Bohemorum cap. 35. Credimus autem Thomam Vualden virum doctum perinde ac religiosum, libros eius ad ultimum inspexisse, quod Anglicus esset ipse ut alter, ideoque eos legisse, ut patriam quam ab Vuitclefuitarum errore infestam videbat (nam ferè coævus Ioanni Vuitclefo fuit) expurgare posset. Sit ergo huius Ioannis Vuitclef hæc semel enarrata historia, quoniam sæpissime deinceps in iudicium vocandus erit. Ostensis ergo istius hæresis patronis, superest ut de ipso errore discutiamus. Dubium est mihi in primis an inter hosce hæreticos de hac re omni ex parte conveniat. Nā et si de Vuitclefuitis constet eos asserere crucem ipsam in qua verè Christus pependit, minimè adorandam esse, multoquæ minus alias ad illius imaginem factas esse adorandas: de Claudio tamen Taurinensi non constat an prohibuerit has solum imagines crucis Christi adorari, an ipsam etiam crucem in qua Christus nostram operatus est salutem quoniam ex illo nihil aliud reperire potui præter fragmentum quod ex luone Carnotensi à Thoma Vualden citatur. Quicquid tamè asserat, certum est illum eodem gladio feriendum, quo Ioanne Vuitclef, cum hic utrunque prohibuerit. Nunc ergo solum præfati proposito convenit probare crucem illā in qua dominus pependit, meritò adorandam esse. Nam quod imagines illius adorari debeant, ad aliud spectat negotium, quando inferius in titulo imago, de omnibus simul imaginibus differemus. qualiter tolerantur, & ad quid earum usus in ecclesia profit. Adorationem hæc crucis, quam nunc inquirimus, propheta explicat dicens, Adorate scabellum pedum eius, quoniam sanctum est. Quod autem verius, scabellum Christi, quàm crux, cui pedes illius affixi sunt? Nam, etsi alia sint quæ meritò scabellum Christi dici possint, ut humanitas eius, nil tamen obstat quin crux etiam scabellum eius indicatur, quod adorare propheta præcipit. Vnde Hieronymus exponens

exponens locum illum Psalmi, sic ait, Multæ opiniones de scabello sunt, sed hoc propriè corpus dixit dominicum, in quo maiestas diuinitatis tanquam super scabellum stetit. Quod autem adorari debeat, eo ascendente docuerunt apostoli, cum adorantes regressi sunt in Hierusalem. Ad crucem dominicam, & ad animam sanctam hæc referenda sunt. Hæc ille. Vides hic qualiter ex Hiero. sententia scabellum sit corpus dominicum, scabellum sit anima, scabellum etiam sit crux dominica. Hæc autem adorari vna voce præcepit Psal. dicens, Adorate scabellum pedum eius, quoniam sanctum est. Idem etiam propheta alibi eandem sententiam replicat dicens, Introibimus in tabernaculum eius, adorabimus in loco ubi steterunt pedes eius. Quem locum pertractans Cassiodorus, postquam eum iuxta allegoriam exposuit, ait, Quod si hoc & ad historiam piè velis referre, significat fortè sanctam crucem, ubi corporaliter stetit quando in ea cõfixus apparuit. In qua steterisse rectè dicitur, ubi corpus eius infixum fuisse monstratur. Merito ergo hunc propheta locum dicit adorandum, qui nobis & fidei signum præstitit, & salutem. Hæc Cassiodorus. Hinc patet Cassiodorum asserere crucem dominicam adorandam, nec tamen ex suo tantum sensu, sed prophetico innixum testimonio. Ne autem caueris ex sensu mystico non esse sumendum argumentum, vide quid dixerit, eam scilicet expositionem esse iuxta historiam. Verum ne Cassiodoro in hac parte velut vnico testi diffidas, producam eiusdem rei alium, vt in ore duorum stet omne verbum. Damascenus nanque in lib. 4. de fide orthodoxa, cap. 12. de crucis dominicæ ligno disserens sic ait: Ipsum nimirum preciosum, & perquam verè venerandum, in quo semetipsum in hostiam pro nobis Christus obtulit, vt sanctificatum tactu sancti corporis & sanguinis, decenter adorandum, clauique & lancea, & indumenta, & sacra ipsius tabernacula, quæ sunt præsepe, spelunca, Golgotha salutaris, viuificum sepulchrũ, Sion ecclesiarum propugnaculum, & similia, vt Dei parens ait Dauid, Psal. 131. Introibimus in tabernaculum eius, adorabimus in loco ubi steterunt pedes eius. Quod autem crucem dicat, ostendit quod sequitur. Resurge domine in requiem tuam. Sequitur enim crucem resurrectio. Si enim amatorum desiderabilis domus, & amictus, & lectus, multo magis domini & saluatoris nostri, per quæ & saluati sumus. Hucusque Damascenus. Ex quo inter multa hoc vnum habes, crucem scilicet adorandam, &

hoc eod



hoc eodem prophetæ testimonio adiutus, quo Cassiodorus, Ne verò Ioannes Vuitclef subterfugiat ad quandam crucem spirituales quam fingit, ad quam auctoritates detorquet, vide quid Damascenus dixerit: In quo ligno semetipsum in hostiam pro nobis Christus obtulit. At non obtulit se nisi in materiali ligno, eoq; ad portandum grauissimo. Præterea hanc ipsam adorationem confirmat totius vniuersalis ecclesiæ ritus, & consuetudo, quæ statuit vt in feria sexta Parasceux post decantatum ex Ioanne Euangelista nobilem illum triumphum, quem per crucis mortem Christus illa die acquisiuit, eleuetur crux à sacerdote, vt à populo adoretur: deinde cruce ipsa in loco honesto collocata, sacerdos eam genibus flexis adoret, post quem ministri alij altari deseruientes, post quos cæteri quoque officio adstantes similiter adorent. Ecclesiæ autem vniuersalis traditio (vt suprà longius disseruimus) tanti est ponderis, vt qui illi obstat, non minus censeatur hæreticus, quàm si expressè scripturæ contradiceret, præcipuè in rebus grauib; & in quibus errare magnum esset periculum. At vbi magis interest nō errare, quàm circa cultum exhibendum? Nihil enim Deus magis abominatur, quàm idololatriam, adeò vt nomine abominationis sæpe in sacris literis idolum designetur. Non est ergo verisimile vt per tot secula ecclesia vniuersalis pro qua dominus rogauit vt fides eius non deficeret, idololatriæ labe macularetur, quemadmodum illi impingit impius & blasphemus Vuitclef. Accedit huic omnium sanctorum de hac re sententia. Nam præter Hieronymum Damascenum & Cassiodorum, quos iam citauimus, sunt alij multi, qui de hac re testimonium præbent. August. super Ioannem tract. 36. sic ait, Quid seruat fidei suo, qui talem honorem dedit supplicio suo? Deniq; modo in pœnis reorum non est apud Romanos. Vbi enim crux domini honorata est, putatum est quod reus honoretur. Hæc Augustinus. Non est iam cur nos irrideat Vuitclef propter honorem quem cruci exhibemus, cum illum Deus illi dederit, dicite August. Quid seruat fidei suo, qui talem honorem dedit supplicio suo? Chrysostomus super Matth. homil. 54, sic ait, Hæc enim crux orbem terræ saluauit, errorem abegit, veritatem reduxit, terram celum fecit, hæc homines angelos fecit, propter hanc demones non adhuc terribiles, sed contemptibiles, neque mors, sed somnus profert. Propter hanc omnia in terram projecta sunt & conculcata quæ impugnabant nos. Si ergo tibi dixerit

ixerit quis, Crucifixum adoras? & si deriserit, lachrymare, quo-  
niam insanit. Hæc Chrysostomus. Lachrymemur ergo pro  
 Vuitclefuitis, compatiamurq; illis, quoniam ex dicto Chryso-  
 stomi insaniunt. si insaniunt, iustius esset eos catenis vincire,  
 quam argumentis. Quem teiplum ergo Vuitclef facis, vt con-  
 temptis Hieronvmo, August. Chrysosto, Damasceno, Calsio-  
 doro, tuæ tantum prudentiæ innitaris? Cùm enim tam graue  
 crimen, quale est idololatria, toti ecclesiæ impingere non er-  
 befcis, quare vel vnicum testem in robur tuæ criminationis nō  
 adducis? Vis vt credatur tibi sine vllō scripturę testimonio ma-  
 gis quàm tot illustribus viris? quàm etiam totius vniuersalis  
 ecclesiæ traditioni & consuetudini? Cæterum quòd ecclesiam  
 de idololatria notas, hoc discutiamus, & videamus quàm ob  
 causlam id dicas. An fortè quia Christi fideles coram domini-  
 ca cruce genua flectunt, nudatūmq; inclinant verticem? Le-  
 uis certè causla pro qua tantum crimen obiiciatur ecclesiæ. Nā  
 cū exterior adoratio, vt quæcunque exterior operatio, non sit  
 bona aut mala censenda nisi quatenus ab interiori procedit, ta-  
 lem oportet bonitatis & malitiæ denominationem suscipiat,  
 qualem retinet operatio interior à qua deriuatur. Hac enim so-  
 la ratione ludæorum illudentiū genuflexiones adorationesq;  
 culpantur, quòd ex mala radice nempe irrisione procedebant.  
 Propter quod id inquirendum est, à qua scilicet radice talis ex-  
 terior cultus oriatur. Si ideo quispiam coram cruce flectit ge-  
 nua, aut inclinat caput, quòd eam credat esse aliquod nūmen,  
 aut aliquod supremum bonum, meritò talem criminaberis,  
 neque ob istam causlam à te discedemus. Sin verò ideo genua  
 flectit, quia visa cruce recordatur in illa aut alia simili Chri-  
 stum pro nobis pependisse, gratiasq; illi pro tam immenso be-  
 neficio nobis exhibito genua flectendo reddit, quid hic crimi-  
 naris vbi nulla est criminandi causla? Nōnetu credis Christū  
 cruci fuisse pro nobis affixum? Aut si credis, cū id in memo-  
 riā reducis, nōne amantē redamas? Quòd si istorum alterum  
 negas, vel hoc solo argumento conuinceris. Sin autem vtrun-  
 que istorum præstas, cur non accusas quòd illa præstamus? Nā  
 illæ prostrationes, capitum nudationes, manuū eleuationes co-  
 ram cruce factæ, nil aliud significant, quàm quòd per illa testa-  
 mur nos credere Christum in alia simili pro nobis pependis-  
 se: atq; ob tantū beneficium, cuius memoria per crucis aspectū  
 innouatur, seruitutem & obsequiū genu flectendo profite-  
 mur.

exterioris  
 ratio magis  
 bona neq; mal-  
 itia quædam  
 ab interiori  
 procedit.

Quæ omnia cum sint ab omnibus, & ab ipso etiam Vultu suo comprobata, hoc argumento conuincitur, nō solū eam crucē meritō adorandā, in qua dominus pependit, sed reliquas omnes quæ illius veræ sunt imagines. Nam ad aspectum earum æquē intellectus noster in memoriam reducitur crucifixi, quem per talem genuflexionē verē adoramus. In hoc tamen omnes reliquæ ab illa in qua Christus pependit, superatur, quod illa contactu carnis & sanguinis Christi quodammodo sanctificata fuit. Nec tamen ideo illæ adorandæ non sunt. Vnde Damascenus loco superius allegato, Adoramus etiā figuram preciosā & viuificā crucis, tamen ex alia materia facta est: non materiam venerantes (absit enim) sed figuram tanquā Christi signum, *Mat. 24* Dixit enim discipulis suis cōtestans. Tunc apparebit signū filii hominis in cælo, crucem dicens. Et paucis interpositis subiungit dicens, Adorandū est igitur signum Christi. vbi enim fuerit signum eius, illic & ipse erit. Materia autem ex qua figura crucis exprimitur, siue sit aurum, siue lapides preciosi, aut alia quæuis materiā, post figurationem si contingat dissolui, nō est adoranda. Omnia igitur quæ deo adiacuerunt, adoramus, ipsi reuerentiam pietatisq; cultū exhibentes. hactenus Damascenus. Hinc iam manifestē patet qualiter ex ea adoratione quā cruci exhibemus, nulla idololatriæ suspicio manare potest. Nam cū omnia quæ deo adiacuerunt, adoramus, deo soli in hoc reuerentiam ac pietatis cultū exhibemus. Hoc etiā confirmat Aug. *Lib. 3* *Cap. 3* in lib. de visita. infirmorū inquit, Habent siquidem Christianorum arcana, illius dominicæ crucis quoddā venerabile monimentum, quod de crucis ipsius imaginatione crucem cognominant, quod nos etiam omni veneratione dignissimum fate-mur, & ad recordationem Crucifixi nostri veneramus. Habetur enim in cruce quædam hominis verbera patientis imago, per quam salutifera nobis Iesu Christi renouatur passio. Hanc complectere humiliter, venerare simpliciter. tamen hæc ad memoriam tibi reduces.

, Nec deus est, nec homo, præsens quam cerno figura:  
 , Sed deus est & homo, quem signat sacra figura:  
 , Verus homo, verusq; deus, tamen vnus vterque,  
 , Probra crucis patitur, mortem subit, & sepelitur,  
 , Viuit & is crucis hæc per signa triumphat ab hoste,  
 , Id notum vobis crucis huius littera reddit,  
 , Scilicet ipse nota sunt crux & Crucifixus.

Hactenus

Haftenus Augu. Ex his dictis, qui minimè cæcus est. iam per-  
 spicere valebit qualis sit ipsa genuflexio, & alia quæuis adoratio  
 corâ cruce facta, & cui exhibetur. nam ipsi deo, in cuius memo-  
 riam verimus per crucis aspectum, atque ideo gratos nos quo-  
 dammodo cruci ostendimus, quòd tanti beneficij nobis exhi-  
 biti memores nos efficit. Nec mirū quòd ipsius Christi cogni-  
 tionem crucis aspectus innouet, cū illā Christus voce propria Mat. 24  
 appellauerit signum filij hominis. Nam loquens de aduentu  
 suo in iudicium ait, Tūc parebit signum filij hominis in cælo.  
 quod exponens Theophylactus ait, Crux tunc apparebit in cæ-  
 lo supra solē fulgens ad arguendos Iudæos. Veniet enim Chri-  
 stus cōtra Iudæos habens crucem vt magnā iustificādi materiā  
 & testimoniū, veluti si quis lapide percussus ostendat lapidē.  
 Signū autē dicit crucē tanquā trophæū & insigne regium. Hæc  
 Theophylactus. Vides hic crucē signū dictā: quod etsi eo mo-  
 do dicat Theophyl. signū, quo Trophæum, aut vexillū, aut in-  
 signe, nil obstat. nam hæc etiam quodāmodo ducūt in notitiā  
 eorū ad quos attinent. Verūm hoc clarius beatus Cyrillus expli-  
 cat. Is enim lib. 6. cōtra Iulianum respondēs, illi irridenti Chri-  
 stianos quòd crucis lignū adorant, postquā enumerauit benefi-  
 cia a Christo nobis in cruce exhibita, ait, Hæc omnia recorda-  
ri nos facit salutare lignū, & suadet vt cogitemus quòd sicut di-  
cit dominus Paulus, vnus pro omnibus mortuus est, & resurrexit.  
 Hæc Cyrillus. Hæc iam de hac re dicta sufficiant: quum ex eis  
 constet crucē dominicā, reliquāq; ad eiu imaginem factas,  
 meritò adorādas esse. Nec tamen ex hoc idololatrię scrupulus  
 vrgere debet, cū in ea adoratione nihil aliud cruci tribuamus,  
 quā quòd credimus Christū dominū in ea aut alia simili pro  
 nobis omnibus mortem subiisse, tantūmq; beneficiū cogno-  
 scentes, quod ex crucis aspectu recordamur, genibus flexis, nu-  
 datoq; vertice, seruitutē profitemur. Deniq; adoratio ipsa etsi  
 corâ cruce sit, mēs tamē nostra ad id solū fertur quod crux ipsa  
 repræsentat, dei scilicet filiū olim in cruce pēdentē. Cōtra hāc  
 hēresim scripsit vir diligētissimus Thomas Vualden. lib. de sa-  
 cramētalibus tit. xx. Ab ipso certē fateor me aliqua accepisse,  
 plurima etiā cōtuli. Scripserat etiā olim Ionas quidā Aurelia-  
 nensis episcopus de hac re cōtra Claudiū Taurinensem episco-  
 pum, primū huius hēresis parentē. Hoc tamē opus nō vidi, sed  
 sola historiæ relatione habeo ex fragmēto chronicorū Iuonis  
 Carnotensis per Thomam Vualden. citato.



Ioan. Oe-  
colampa-  
dus.

Secunda de hac re orta est hæresis asserens sacratissimam eucharistiam non esse villo pacto adorandam, crimen idololatriæ impingens cuicunque eam adoranti. Huius hæresis author est Ioannes Oecolampadius natione Germanus, vir trium linguarum, & omni genere bonarum literarum apprime doctus, sed tandem spiritu elationis ductus, sapere voluit plus quam oportebat, atque ideo factum est, ut deo permittente in insipientia sua deprehenderetur. Hic primum Lutheranae factioni adhæsit, exemploque Lutheri cum monachus ordinis sanctæ Brigittæ fuisset, monachatu reiecto, continentia quam in religione vouerat, posthabita, velut canis ad vomitum reuersus, uxorem duxit, ut velleo argumento nobis suos errores persuaderet. Demum impatiens (ut arbitror) sub Lutheri vexillis militare, aliquid ipsa Lutherana factione magis impium atque blasphemum e cogitauit, quod clarior appareret, & proprium leuare posset vexillum. Dicit namque Christum in eucharistia minime contineri, atque ob id idololatrias nominat eos qui sacratissimam eucharistiam venerantur adorantque. Cum autem Lutherus in hanc non posset trahi blasphemiam, diuisus est hac ratione Oecolampadiu a Luthero, factumque est ut qui nomina Oecolampadio dederunt, ab eodem nomen receperint, nempe Oecolampadiani dicti. Ut autem hunc errorem reuincamus, prius oportet ostendere, verum Christi corpus sub præteriti panis accidentibus verè & realiter contineri. Nam hac sola ratione (quod sciam) prohibent adorationem eucharistiæ, non prohibitori si veram Christi carnem sub illorum accidentium inuolucro latere crederent. Hoc autem (Deo adiutore) inferius in titulo, Eucharistia, ostendemus: quapropter vsque ad locum illum erroris huius impugnatio differatur. Otenso enim ibidem verum Christi corpus sub panis accidentibus contineri: inde manifestum euadet eucharistiam merito adorari. Quod si fortè aliquis tam ingratus est humanitati Christi, quam deus dispensatiue assumpsit tanquam instrumentum pro nostra redemptione facienda, ut eum etiam adorare dedignetur, hoc erit nunc solum comprobandum, & id breuibus, quoniam vix credere possum de homine qui se per Christi humanitatem redemptum agnoscit, ut illam adorare refugiat. Nam licet illa suapte natura indigna sit ut adoretur, ut tamen coniuncta est diuinitati cōiunctione tali quæ omnem excedit humanum angelicumque intellectum, omnem certè venera

venerationem meretur. Huius rei manifesta sunt testimonia. Primum illud psalmi quod supra diximus de cruce, Adorate *Psalm. 98* scabellum pedum eius, quoniam sanctum est, ut enim ibi patuit ex Hieronymi autoritate, inter multa quæ scabelli nomine intelligi possunt, corpus dominicum præ cæteris omnibus merito scabellum dici potest, quoniam in eo maiestas diuinitatis, tanquam super scabellum stetit. Hieronymi expositioni consentit Augustinus exponens eundem locum psalmi. Sic enim ait, Exponens mihi scriptura quid sit scabellum pedum eius, dicit, Terra autem scabellum pedum meorum. *Esa. 66* Anceps factus sum. Timeo adorare terram, ne damnet me qui fecit cælum & terram. Rursum timeo non adorare scabellum pedum domini mei, quia Psalmista mihi dicit, Adorate scabellum pedum eius. Quæro quid sit scabellum pedum eius, & dicit mihi scriptura, Terra scabellum pedum meorum. Flutuans conuerto me ad Christum, quia ipsum quæro hic, & inuenio quomodo sine impietate adoretur terra, sine impietate adoretur scabellum pedum eius. Suscepit enim de terra terram, quia caro de terra est, & de carne Mariæ carnem accepit. Et quia in ipsa carne hic ambulauit, & ipsam carnem ad manducandum ad salutem dedit, nemo autem illam carnem manducat nisi prius adorauerit, inuentum est quemadmodum adoretur tale scabellum pedum domini, & non solum non peccemus adorando, sed peccemus non adorando. Hæc Augustinus. Plurima hic præter intentionem ex Augustino habemus. Primò quod carnem suam ad manducandum dedit. nulquam autem alibi dedit quàm in eucharistia. est ergo mēs Augustini, Christi carnem in eucharistia contineri. verum de hoc alias longius. Deinde ipsam carnem adorandam ostendit dicens: Nemo illam carnem manducat nisi prius adorauerit. Nemo Augustine? Quid dices de Oecolapadio, qui manducans dedignatur adorare, timens in idololatriam incidere? Verba mea (inquit Augustinus) ad solos Christianos referenda sunt: è quibus nullus est qui manducet, quin adoret. Nam si adorare recusat, vel hac ratione minimè Christianus dicetur, sed hæreticus. ideo enim dixi quod peccamus non adorando. Hieronymo & Augustino consentit etiam Cassiodorus in expositione eiusdem psalmi, inquiens, Nunc dicendum nobis est quid in isto versu pedes eius significare videantur, scilicet stabilitatem diuinitatis, quæ semper in naturæ suæ omnipotentis gloria, tanquam pedum

indefecta stabilitas perseverat. Huius ergo verbi assumptum  
 corpus, quamvis gloriosum, quamvis magnum, quamvis ad-  
 mirabile tamen propter humilitatem humanitatis scabellum  
 E/s. 66 pedum competenter accepimus. Nam cum ipse dicat, Cæ-  
 lum mihi sedes est, terra autem scabellum pedum meorum:  
 corpus terrenum quod de Maria virgine sumpsit, bene (vt o-  
 pinor) eadem similitudine scabellum pedum eius probatur  
 intelligi. Hæc Cassiodorus. Quod autem dixit, vt opinor,  
 non hoc dixit quasi expositioni diffidens, sed tanquam homo  
 fragilitatem humani intellectus agnoscens, qui facile decipi  
 potest. Quapropter in his, quæ non sunt expressa, viri sancti ve-  
 rentur iudicium suum ac reformidant, ne fortè errent, qui lon-  
 gissimè ab errore esse volunt. Non sic hæretici, non sic, quo-  
 niam hi sententias suas adeò mordicus tenent, vt auelli nequa-  
 quàm possint. Verùm de hac re admonere oportet, vt licet  
 humanitatem Christi propter coniunctionem adorandam di-  
 camus, cum diuinitate, longè tamen minus si seorsum cōcipia-  
 tur. Non enim humanitati cultus latría tribuitur, quoniam  
 is soli Deo debetur. Denique adoramus aut veneramur huma-  
 nitatem, non propter se tantum, sed causa diuinitatis cui con-  
 iuncta est, ad quam diuinitatē adoratio ipsa referenda est tan-  
 quam ad vltimam illius causam. Quod si fortè cultu latría  
 adoretur humanitas, hoc erit ea ipsa adoratione vnica, qua a-  
 doratur Christi persona in qua humanitas subsistit, qua vna a-  
 doratione omnia in ipso subsistentia adorantur. Vnde Dama-  
 scenus libro quarto de fide orthodoxa, cap. 3. Caro igitur Chri-  
 sti secundum ipsius naturam (si subtilibus cogitationibus, quod  
 videtur, ab eo quod intelligitur, cogitationeque humanitatem  
 à diuinitate præscindas) inadorabilis est, vt creatura. Vnita au-  
 tem Deo verbo, propter ipsum, & in ipso adoratur. Eo nanque  
 modo quo rex & nudus adoratur & indutus, & purpura & nuda  
 purpura & conculcatur & proiicitur, facta autem regis ami-  
 ctus honoratur & glorificatur, & si quis illam proterere præ-  
 sumperit, persæpe morte multatur: & quemadmodum li-  
 gnum nudum non est tactu inaccessibile, atqui igni coniunctum,  
 & carbo factum, non propter seipsum, sed propter coniun-  
 ctum ignem inaccessibile fit, & non vt ligni natura tactu inac-  
 cessibile est, sed vt carbo, id est quando ignitum est lignum:  
 sic & caro secundum sui naturam non est adorabilis, adoratur  
 autem in incarnato Deo verbo, non propter seipsam, sed pro-  
 pter

pter coniunctum ipsi secundum hypostasim Deum. Et non dicimus quod carnem adoramus nudam, sed carnem Dei, id est incarnatum Deum. hucusque Damascenus. Quapropter Cassiodorus postquam exposuit scabelli tropum, subiungit: Et nota quia non dixit quoniam sanctus est, sed quoniam sanctum est, scilicet ut corpus à deitate, mentis contemplatione non discerneres, sed ad unam personam referres, id est ad verbum quod caro factum est, & habitavit in nobis. Hæc Cassiodorus. Sicut ergo caro Christi non per se subsistit, sed in verbo, candelæque cum illo habet hypostasim: sic etiam nec per se adoratur, sed in verbo: atque eadem unica adoratione, qua Christum colimus, veneramur humanitatem, quæ in illius est hypostasi. Neque hoc mirum videri debet alicui, quoniam sunt multa, quæ propter coniunctionem quam ad alia multò illis nobiliora habent, aliqua ab illis mutantur, quæ per se consequi non possent, nec tamen eis aliquid de sua nobilitate vice versa mutant: ut (gratia exempli) corpus si ab anima separet, non mouetur, non audit, non videt, non gustat, non nutritur, non augetur, non denique vivit, ex animæ tamen coniunctione hæc omnia habet, vivens enim corpus dicitur anima illi vitam præstante, nec tamen eadem ratione anima aliquid de corporis corruptione recipit: sic etiam fieri potuit, ut caro humana propter verbi unionem hoc ab illo recipiat, ut una cum illo adoretur. Verum de his satis. Adeo nanque ista sufficiunt, ut superflua fortasse alicui videantur: quoniam si Christi caro sub illis præteriti panis accidentibus latet, ut infra Deo adiutore me ostensurum promisi, erit etiam eadem ratione quadam peculiari existentia, ibidem filij Dei persona, cum hic carnem humanam quam semel assumpsit, nusquam à se postmodum separaverit. Quod si totus est ibi Christus in duabus naturis subsistens, erit proculdubio sacratissima eucharistia merito adoranda, siue humanitas eius adorabilis sit, siue non. Non enim colimus illa panis accidentia, quæ videmus, sed illud quod sub illis latet, nempe Christum Dei filium, & per illa quæ foris videmus, consurgit animus ad cultum eorum quæ non videt. Vnde Augustinus libro tertio de doctrina Christiana sic dicit, Qui verò aut operatur aut veneratur utile signum divinitus institutum, cuius viui significationem intelligit, non hoc veneratur quod videtur & transiit, sed illud potius quò talia referenda sunt. Hæc dicit Augustinus.



Alia est hæresis, quæ aliquo modo ad hanc materiam pertinet, de imaginibus scilicet omnino tollendis. sed de hac re inferius proprius erit tractatus in titulo, Imago.

Alię insuper plures sunt hæreses quę meritò hîc locari possent, omnes scilicet quæ idola colunt, verum his commodiorē præstabimus locum, cum infrà de idololatria vitanda agemus, ideò vide eas in titulo, Idololatria.

#### ABSOLUTIO.

**C**irca absolutionem quæ in sacramento pœnitentiæ peccatoribus confelsis impenditur, paucissimæ exortæ sunt hæreses, earq; recentes.

*Lutherus.* Prima igitur hæresis est, quæ asserit quòd credens se absolutum, absolutus est quantumlibet contritio desit, & quòd absolutio censenda est efficax: non quia fit, a quocunq; tandem fiat, erret vel non erret, sed quia creditur. Huius erroris dux atque magister factus est hoc nostro tempore quidam Martinus Lutherus. Quisnam is sit, operę precium erit semel enarrare, cum sæpe de eo in posterum facienda sit mentio. Lutherus hic natione Germanus, patria (ut opinor) Saxo, sub instituto fratrum eremitarum beati Augustini aliquandiu vixit, tandem à patre scilicet Augustino degenerans, qui hæreticorum acerrimus hostis fuit, hic filius degener hæreticus factus est, ab indulgentiis suorum errorum auspiciū sumens. Nam cum rabulas quosdam indulgentiarum prædicatores audisset, qui tot ac tanta (ut huius farinæ homines solent causa maioris quæstus effutire) de indulgentiis dixerunt, ut illis obuiandum fore decerneret: zelo & non secundum discretionem motus, in publicum prodiit, nō veram indulgentiarum intelligētiā edocens, sed eas omnino euertens, dixit eas nullius esse momenti. Cui cum à quibusdam doctis viris contradiceretur, suadereturq; ei ut palinodiā cantaret, tantum abfuit ut id faceret, ut intaniam auxerit, multò peiora quàm prius effundens. Sæpe quidem fit, ut ex modica ad paruum lapidem offensione, in alium maiorem caput impingat, ac pereat. Hic postmodum ducis Saxonie præsidio munitus, tantum inualuit, ut totam fermè Germaniā infecerit. Perspiciens igitur summus pontifex Leo decimus, qui tunc vniuersæ ecclesiæ præerat, hominem obstinatum in malo, nec vllis aut rationibus aut monitionibus posse mederi, vidensq; malū in dies augeri, ouem putridā, ne reliquas attactu inficeret oues, ex ecclesiæ ouili procul abegit. Lutherus autem sentiens se à  
comm

communione fidelium eiectū, non solū non ingemuit, aut planxit casum suum, sed vt impius in profundum peccatorū demersus cōtempnit: & diaboli membrū effectus, vt caput suum imitaretur, qui diabolus, hoc est calumniator dicitur, calumniari etiam ipse cōcepit pontificem summū, totamq; ecclesiam. Omnem ecclesiasticū ordinem euertit, monachātū omnem ab ecclesia procul esse iubet, liberam monachis viuendi facultatem tribuens. Cui pesti nisi Deus sua benignitate citō succurrat, timendum est ne vltcrius grassetur, & reliquū id modicum quod ē Germania superest, inficiat. Hanc Lutheri præsceptissimam rationem, quæ etiā toti huic seculo notissima sit fabula, nō tamen prætereunda erat, quoniam non solum præsētibz, sed etiam in posterum futuris scribimus. Is ergo inter alios plures errores hunc quem de absolutione narrauimus, edocet. Vt autē clarius eius insana mens agnoscat, verba eius referam: Si per impossibile confessus non esset cōtritus, aut sacerdos non serio sed ioco absolueret, si tamen cradat sese absolutum, verissimē est absolutus. Et paucis interiectis seipsum declarās subiungit: Dixi autem per impossibile, quia satis supradictum est, fidem sine contritione esse non posse, quum gratia nō infundatur nisi cum magna concussione animæ. Volui enim fidei virtutē declarare & commendare, quæ sola faciat ad remissionem peccatorum, & iustificationem pacis. Hæc Lutherus. Ex quibus verbis duo Lutheri dicta colligimus, quorum vnū fuit ex alio, tanquam fluuius corruptus ex fonte vitiato. Primò quidem asserit solam fidem iustificare, motus quibusdam authoritatibus quæ nullo pacto suam assertionem vel tantillum confirmant: quoniam etiā aliquæ sint authoritates scripturæ sacræ dicentes fidem iustificare aut purificare, nulla est tamen quæ asserat solam fidem iustificare hominem: imò ex eis oppositum conuincitur, cum omnes tales authoritates intelligendæ sint de fide formata per charitatem, quæ forma est omnium virtutum. Nam fides informis non iustificat. beatus enim Iacobus ait, *Iac. 3* Dæmones credunt & contremiscunt. Hi autē cum non sint iusti, planum est fidem informem non iustificare, sed formatam. Ac fides formata nunquam est sola, sed simul cum ea est charitas: nunquam ergo fides sola iustificat. Præterea sacerdos absoluit & remittit peccata per potestatem sibi à Deo collatam: non est ergo verum quod per solam fidem sit pœnitens absolutus. Sacerdotem autē remittere & absolvere, patet per id quod Chri-

*Ioan. 2.* **O**stus apostolis dixit, Quorū remiseritis peccata, remissa erunt: & quorū retinueritis, retenta sunt: Ecce planissimis verbis Christus dicit Apostolos remittere. Tunc quæro à Luthero, aut Christus illis verbis aliquam potestatem contulit Apostolis, aut nullam? Si dicat Christum nullam potestatem contulisse, apertè Christum facit hypocritam & fallacem, quum aliud fecerit quàm verbis demonstravit. Si aliquam dedit, cum non sit alia quàm potestas remittendi, prout verba sonant, oportebit tunc fateri pœnitentiam non per solam fidem esse absolutum, cum sacerdos etiam absoluat. Rursus, sacerdos verba absolutionis in propria persona & suo nomine dicit, aut mentitur. Ego te absoluo. aut ergo sic proferens verum dicit, aut mentitur. Nullus erit tam impius ut dicat per verba fallacia ministrari sacramentum. Quod si vera loquitur, & ita res se habet ut sacerdos profert, necessarium erit concedere sacerdotem per illorum verborum significationem aliquid operari. Vnde manifestè patet Lutherum miserè errare cum dicit solam fidem iustificare & absolue pœnitentem: cum ex prædictis pateat sacerdotem verè absolue. Ut autem Lutherus non possit citra magnam impudentiam huic catholicæ sententiæ aduersari, operæ precium erit ostendere hanc fuisse sacrorum virorum sententiam, ut omnes concorditer senserint sacerdotes potestatem à Deo recepisse pœnitentes absoluendi, & peccata remittendi. Vnde beatus Ambrosius libro primo de pœnitentia, capite septimo, aduersus Nouatianos negantes vilo modo fieri posse ut sacerdos peccata dimittat, sic loquitur: Cur baptizatis, si per hominem peccata dimitti non licet? In baptismo utique remissio peccatorum omnium est. Quid interest utrum per pœnitentiam an per lauacrum hoc ius tibi datum sacerdotes vendicent? vnum in utroque ministeriū est. Sed dices, quia in lauacro operatur ministeriorum gratia. Quid in pœnitentia? Nōne Dei nomen operatur? Quid ergo? vbi vultis vendicatis vobis Dei gratiam, vbi vultis repudiatis? Hęc Ambrosius. In quibus verbis apertè satis docet, talem habere potestatem sacerdotes in administratione sacramenti pœnitentiæ, qualem habent in administratione sacramenti baptismi. Cum ergo constet sacerdotem verè baptizare, nulla manet caussa cur Lutherus iam neget sacerdotes etiam verè absolue. Chrysostomus in homilia octogesima quinta super Ioannē, eandē sententiam cōfirmat, dicens, Non erraret quispiam si tunc eos potest

testatem quandam & gratiam spiritualem accepisse diceret, non tamen ut mortuos suscitaret, & virtutem ostenderent, sed ut peccata dimitterent. Differentes enim sunt gratiæ spiritus. quare addidit, Quorum remisistis &c. ostendens quod genus virtutis largiatur. Hæc Chrysostomus. Quibus verbis clarissime expressit sacerdotem peccata dimittere. Cyprianus vir & Cyprianus. martyrio & doctrina clarissimus, in libro de lapsis sic ait, Confitentur singuli, quæso vos fratres, delictum suum, dum adhuc qui deliquit, in seculo est, dum admitti confessio eius potest, dum satisfactio & remissio facta per sacerdotes, apud dominum grata est. hæc Cyprianus. Vides iam Luthere Cyprianum dicentem remissionem peccatorum fieri per sacerdotes. Quod verò Hieronymum pro sua sententia adducit, ex prava intelligentia procedit. Ut autem clarius id pateat, operæ precium est ut verba Hieronymi recitemus. Is enim exponens illud Matthæi, Tibi dabo claves regni cælorum, sic ait, Istum locum episcopi & presbyteri non intelligentes, aliquid sibi de phariseorum assumunt supercilio, ut vel damnent innocentem, vel soluere se noxios arbitrentur, cum apud Deum non sententia sacerdotum, sed reorum vita quaeratur. Legimus in Hier. Leuitico de leprosis ubi iubentur ut ostendant se sacerdotibus, & si lepram habuerint, tunc a sacerdote immundi fiant. non quod sacerdotes leprosos faciant, & immundos, sed quod habeant notitiam leprosi & non leprosi, & possint discernere qui mundus, quiue immundus sit. Quomodo ergo ibi leprosum sacerdos mundum vel immundum facit, sic & hic alligat vel soluit episcopus vel presbyter, non eos qui infontes sunt vel noxii, sed pro officio suo cum peccatorum audierit varietates, scit quis ligandus sit, quisue soluendus. hucusque Hieronymus. Mat. 16 Quæ verba bene discutere oportebit, ut eorum clarior sensus appareat. Primum ergo admonere oportet, quod Hieronymus dixit, videlicet quod sacerdos pro officio suo cum peccatorum audierit varietates, scit qui ligandus sit, quisue soluendus: non autem dixit, Scit qui ligatus sit, quisue solutus: sicut prius de sacerdote veteris legis dixerat eum discernere qui mundus quisue immundus sit. Ex quibus verbis apertissime conuincitur beatum Hieronymum aliquod discrimen posuisse inter sacerdotem discernentem de lepra, & sacerdotem euangelicū absolute a peccato, quoniam sacerdos veteris legis non mundabat leprosum, sed solum iudicabat eū fuisse mundatū: sacerdos autem Le. 14 euangelicū



tem euangelicus pœnitentem qui sua peccata coram eo confitetur, per clauem scientiæ & discretionis iudicat an talis sit dignus absolutione, vel non: non tamen adhuc est absolutus, antequam sacerdos verba absolutionis proferat: sicut leprosus post munditiam affecutam verè erat mundus antequam sacerdos iudicaret eum mundum. Quapropter beatus Hieronymus de sacerdote nouæ legis loquens, non dixit, scit qui ligatus sit, quive solutus: sed dixit, scit quis ligandus sit, quive soluendus: quoniam ex cognitione peccatorum, & dispositione ipsius pœnitentis agnoscit vtrum absolvere vel ligare debeat. Nam si cognouerit peccatorem obstinatum in malo, taliter vt suspicetur illum esse in proposito redeûdi ad vomitum, iudicat illum indignum, qui absolutionem recipiat. Cùm ergo Hieronymus dixit de sacerdote quòd scit qui ligandus sit, quive soluendus, satis apertè innuit, post inspectionem sacerdotis, id est post audientiam peccatorum, aliquid adhuc restare quod operandum sit à sacerdote circa ipsum pœnitentem, nempe ligare vel soluere. Quod autem Hieronymus dixit, quòd apud Deum non sententia sacerdotum, sed reorum vita quæritur, intelligendum est, non quòd sola quærat reorum vita, sed quòd principalius quærat tanquam fundamentum totius structuræ, cui quodammodo innitatur quicquid à sacerdote postea operatum fuerit. nam si peccator fuerit in voto peccandi, quantumlibet sacerdos verba absolutionis proferat, nunquam peccator erit absolutus. Aliquid ergo magis operatur sacerdos euangelicus circa pœnitentem, quam olim sacerdos veteris legis circa leprosum operabatur. Deinde ipsa verba Saluatoris clarissimè illud exprimunt. sic enim ait, Quorum remisistis peccata, remissa erunt. Non dixit, quorum declaraueritis peccata fuisse remissa, **Ioan. 20** remissa erunt: sed dixit, Quorum remiseritis peccata remissa erunt. Quibus verbis apertissimè ostenditur, illum contulisse sacerdotibus non tantum potestatem declarandi peccata fuisse remissa, sed potestatem verè remittendi peccata. Cùm ergo ex supradictis constet sacerdotem verè absolvere, & peccata remittere, conuincitur manifestè falsum esse id quod Lutherus dixit, solam fidem iustificare. Secundum quod Lutherus ait, ex illo corrupto fonte deductum est, illum videlicet esse verè absolutum, qui credit se esse absolutum, etiam si illi desit contritio, etiam si sacerdos non serio sed ioco absoluerit: quoniâ fide illa qua credit se esse absolutum (vt ille ait) iustificatur. Vt autem  
clarius

clarius pateat quibus tenebris sit inuolutus Lutherus, percontari oportet ab eo, quid per absolutum intelligat. Aut enim intelligit eum super quem sacerdos dixerit verba absolutionis, aut eum qui iam liber est à reatu gehennæ, & solutus est à nexibus peccatorum. Si eum dicat absolutum super quem sacerdos dixerit verba absolutionis, falsum est quod ait illum esse absolutum. Nam possibile est ut aliquis in proposito peccandi existens, super quem sacerdos verba absolutionis dixerit, credat se absolutum, quoniam credit verba absolutionis dicta super illum. quis tamen diceret hunc esse iustificatum? Similiter possibile est ut sacerdos aliquis erraret in forma absolutionis, ut videlicet non tenuerit formam ullam. sed solum diceret aliquid aliud huic negotio impertinens, & tamen pœnitens confessus credat sacerdotem vera absolutionis verba dixisse, eò quod non intellexerit quid sacerdos dixerit. tunc ille pœnitens credit se absolutum, quia credit verba absolutionis super eum fuisse dicta, nec tamen est verè (iuxta dictam interpretationem) absolutus, quoniam talia absolutionis verba non fuerunt super eum dicta. Si autem eum dicat Lutherus absolutum, qui ultra absolutionis verba, quæ super se dicta recepit, liber est à nexibus peccatorum: tunc assertionis eius talis erit sensus, ut videlicet ille sit absolutus, id est à peccato liber, qui credit se esse a peccato liberatum. Qui etiam sensus conuincitur esse falsus, per id quod Paulus ait, Nihil mihi conscius sum, sed neque in hoc iustificatus sum. Non enim ex eo quod aliquis credit se esse sine peccato, ideo oportet ut sit sine peccato. Fortè Lutherus dicet talem esse suæ assertionis sensum, ut videlicet dicat quod ille sit absolutus, id est à peccato liber, qui credit se esse absolutum, id est qui credit vera absolutionis verba super eum dicta fuisse. Hæc autè assertio sic intellecta quàm sit falsa, aperte ostendimus: quoniam etsi demus Luthero solam fidem iustificare, de ea erat capiendum, quæ à quolibet fidei exigitur, sine qua impossibile est placere Deo, ut est de his quæ Christus docuit. At circa absolutionem non exigitur à pœnitente ut credat sacerdotem dixisse verba absolutionis, quoniam ea res in solo facto sacerdotis consistit, qui errare potuit. sed id exigitur à pœnitente, ut credat verba absolutionis à sacerdote prolata vim habere à Christo talem, ut peccatorem à peccato soluât. Quapropter etiam si daremus Luthero primum quod proponit, videlicet solam fidem iustificare: solum inde colligere liceret. pœnitentem

1. Cor. 4

nitentem esse absolutum cum crederet sacerdotem talem habere potestatem, ut verbis absolutionis ab eo prolatis, pœnitentem absoluat. Quod si aliquis ideo dicendus esset absolutus, id est à peccato liber, quia credit se esse absolutum, id est verba absolutionis super eum dicta, sequeretur inde eum qui haberet in voto peccatum, esse liberum à peccato si verba absolutionis super eum dicat sacerdos. nam talis quanuis proponat se in posterum peccaturum, bene tamen credit se esse absolutum (iuxta præfatam interpretationem) quia credit sacerdotem super eum dixisse verba absolutionis. Verba ergo Lutheri ut aliquā habeant apparentiam, sic accipiēda sunt. Is vere est absolutus, id est à peccato liber, qui credit se esse absolutum, id est qui credit talem potestatem in sacerdote, ut verbis absolutionis ab eo super pœnitentem prolatis pœnitens ipse maneat absolutus, ita scilicet ut pœnitens vtrunque credat, videlicet sacerdotem dixisse absolutionis verba super eum, & credat ut illis dictis à sacerdote supra pœnitentem, pœnitens sit absolutus. Et de hac fide dicit quod ea sola iustificat. Ut autem hoc manifestè falsum esse appareat, cōsiderare oportet, quod prius sacerdos verba absolutionis profert, quā pœnitens credat se esse absolutum. Nam si verbis nondum finitis crederet se esse absolutum, falso crederet, quoniam nondum absolutus est. Nisi forte Lutherus tantum credulitati pœnitentis arroget, ut in vniuersum verbis absolutionis à sacerdote prolatis derogat. Quod si Lutherus dixerit totam absolutionis vim ex sola pœnitentis credulitate pendere, fateatur necesse est, ut is apud eum absolutus dicatur, qui credit se absolutum etiam si nulla verba super eū dicta sint, atque ita verba illa omnino superfluerent, & frustra dicerentur. Quod si non frustra dicuntur, & aliquid in pœnitente operantur, tūc quæram quid operantur. Si iustificationem aut absolutionem, falsum est ergo quod sola fides iustificat, ut Lutherus dixit, imo nunquam esset possibile fidem iustificare: quoniam is qui credit se esse absolutum, aut vere credit, aut falso. Si falso credit, ergo non est absolutus, quia non ita est ut crederet: crederet autem se esse absolutum, non est ergo absolutus. Si autem vere credit se esse absolutum, quum prius verba absolutionis dicantur, & postea pœnitētis credulitas succedat, petam ab eo quando hic pœnitens fuit absolutus, vtrum finitis verbis absolutionis antequā credulitas accedat, an post adhibitam pœnitentis fidem. Si tunc est absolutus quando verba fini

ba finiuntur antequàm fides accedat, clarum est pœnitentem tunc non iustificari per fidem, sed per sola verba absolutionis. Si verò tunc est absolutus quando verbis absolutionis iam prolatis fides pœnitentis accedit, qua credit se esse absolutum: tunc peto à Luthero quid talis pœnitens credit, quando dicit illum ex sua credulitate fuisse absolutum. Aut enim solum credit ipsum fuisse absolutum, id est verba absolutionis super ipsum fuisse dicta, & hoc nihil est, neque hanc credulitatem sufficere ut quis iustificetur, iam clarè ostendimus. Aut credit quòd finitis absolutionis verbis fuerit absolutus à peccato, & tunc falso credit, quoniam (ut dicit) nondum est absolutus etià finitis absolutionis verbis, quousq; fides accedat. ergo cum credit se iam fuisse absolutum, falso credit. At per falsam fidem nemo iustificatur. Si autem credit se absolui per suam fidem, oportebit dicere quod tunc sit absolutus quando credit se fuisse absolutum per suam fidem, ergo ut quis dicatur quòd credit se esse absolutum, opus est fide quadam reflexa, ut videlicet credat sacerdotē dixisse verba, eumq; habere potestatem à Deo sibi collatam: & deinde iterum credat per priorem fidē quam habuit, se fuisse absolutū. Nec antea vnquam poterit dici quòd credit se absolutum. Non est enim possibile, imo nec intelligibile, ut per eandem fidē per quam aliquis absoluitur & iustificatur, per eandem credat se iam fuisse absolutum. Quòd si est alia fides per quam absoluitur, & alia per quam credit se esse absolutum, falsum esse etiam oportet quod dixit, ut videlicet is solum sit absolutus, qui credit se esse absolutum: quia si per priorem fidem absoluitur, etià si secunda fides non accedat, nihilominus erit absolutus. Attende bene obsecro, lector, & diligenter circūspice hæc omnia, & clarè videbis quantis se tenebris Lutherus inuoluat, & quibus sit laqueis implicitus, ita ut explicari eum sit impossibile. Demum ut huic negotio finem imponamus, inter assertiones Lutheri condemnatas à Leone decimo, hæc de qua hucusq; disputauimus, vna est. Contra hunc Lutheri errorē scripsit Ioannes Roffensis episcopus, vir doctus simul atque religiosus, in eo libro quem cōtra omnes articulos Lutheri composuit. Scripsit etiam longius Iacobus Latomus in ea assertio- *Iaco.* nequam composuit damnationis factæ ab vniuersitate Louanienfi super articulis Lutheri. Alium autem vidi neminem qui de hac re tractauerit, quanuis plures legerim qui contra Lutherum scripserunt.



Luthe.



Secunda de hac re hæresis est quæ dicit puerum ac mulierem æquè absolueri vt papam. Huius hæresis autor est Martinus Lutherus, is de quo nunc proximè rationem dedimus. Vt autem clarius eius insana mens pateat, verba eius referam: & sunt quæ sequuntur. In sacramento pœnitentiæ, ac remissione culpæ, non plus facit papa, episcopus, quàm infimus sacerdos: imò vbi non est sacerdos, æquè tantum quilibet Christianus, etiam si mulier, aut puer esset. Hæc Lutherus. His verbis duo miscet Lutherus, Primò quidem dicit in pœnitentis absolutione omnes sacerdotes esse pares, ita scilicet vt omnes sacerdotes parem absoluendi potestatem habeant. Secundò dicit omnes Christianos posse absolueri, etiam si scœmina sit. Primū istorum si rectè intelligatur, illi concedimus, videlicet omnes sacerdotes quantum ad absolutionem culpæ parem habere potestatem. Cum enim iuxta Augustinum impium sit à Deo dimidiam sperare veniam, nunquam est dicendum quòd aliquis sit absolutus ab vno peccato, & non ab alio. Quapropter oportet fateri sacerdotem qui pœnitentem absoluit, absolueri ab omnibus, aut à nullo. Et ita quando absoluit simplex sacerdos, tantum absoluit de culpa sicut papa. Non est enim imaginandum quòd maiorem partem culpæ deleat papa per suam absolutionem, & minorem partē deleat infimus sacerdos, sed vterque eorū à tota culpa absoluit, aut penitus non absoluit. Quod autem adducitur de casibus reseruatis, à quibus infimus sacerdos absolueri non potest, nullo modo tollit nostrum propositum, quia quòd non absoluat, non est ex defectu potestatis, sed ex defectu iurisdictionis, quia videlicet pœnitens non est illi subiectus, quod maximè requiritur ad hoc vt sacerdotis sententia super eum lata sit valida. Sententia siquidem à non suo iudice lata, nulla est. Papa ergo latiore potestate quàm infimus sacerdos, quia plures habet subditos quàm infimus sacerdos. Infimus autem sacerdos circa suum subditum si plenè illi subditur, parem habet absoluendi potestatem cum papa, quia æquè à tota absoluit culpa, sicut papa. At non sic est de pœna quia vltra absolutionem, de pœna quæ restabat persoluenda, potest papa vel partem, vel totam relaxare, sicut circumstantia se offert. Infimus autem sacerdos, vltra absolutionem à culpa nunquàm propria authoritate potest in vniuersum à pœna absolueri. De paritate sacerdotum quantum ad absolutionem cul

nem culpæ, hæc dixisse sufficiat. Iam opus est vt de reliquo disputemus quòd Lutherus ait, quēlibet Christianū etiā si mulier aut puer esset in absentia sacerdotis æquē bene absoluerē sicut quilibet sacerdos. Hæc autē eius assertio ex prima hæresi, quam de hac materia narrauimus, atque oppugnauius, fluit. Superius nāque diximus Lutherū sentire totā vim ad culpā delēdā, ascribēdam esse fidei credētis, & nullo pacto ministro. Quapropter ex isto fonte colligit quòd etiā si mulier, aut puer hæc verba proferat, peccator hæc audiēs & credens statim absolutus est. Vt autē clarissimē conuincamus hoc esse falsum atque hæreticū, percuntari oportet à Luthero, an si penitēs audiret à Psittaco illa verba absolutionis, utrū Psittacus absolueret, & penitens esset absolutus. Si dicat Psittacū absoluerē, quid absurdius dici potest, & magis impium? Sin verò neget Psittacū absoluerē quāuis dicat verba absolutionis, oportet eum fateri aliquā esse potestatem in ministro proferente verba, qua deficiente in prolatore verborum, nihil fit. Nam si nulla esset in ministro virtus aut potestas, nihil prorsus referret quis esset prolator verborum, modò verba integrē proferret. Hæc autē quā sint absurda, nullus est qui nō videat. Quòd si potestas necessariò exigitur in ministro prolationis, & hanc cōstat nō fuisse à Christo collatam mulieri, cōuincitur inde mulierē nō posse absoluerē. Verūm hic scio Lutherum negare talē potestatem minimē collatā fuisse mulieri, imò constantissimē affirmat Christum illā potestatem dedisse omnibus Christianis. Hoc autem constat esse falsum, quoniam talis potestas fuit à Christo collata per illa verba quæ Christus post resurrectionem dixit discipulis suis, Quorum remiseritis peccata, remissa erunt & quorū retinueritis, retēta sunt. Cū autē Christus illa dixit, ibi nō erat aliqua mulier ad quā possent illa verba spectare, sed solū erant apostoli ad quos solū illa verba dirigebantur. Quòd si Lutherus dicat potestatem illam fuisse à deo collatam per illud quod habetur apud Matthæum, Quæcunque ligaueris super terram, erūt ligata & in cælo: etiā si hoc daremus Luthero, eadem pro nobis militat ratio, quoniā tunc cū illa dicebātur, nulla etiā erat mulier (vt ex historia euangelij patet) sed soli erāt apostoli atque alij discipuli quibus illa verba dicebantur. Vnde colligere oportet, solos Christi discipulos, eorūque successores, videlicet sacerdotes, illam potestatem à Christo accepisse. Quòd si Lutherus adhuc contendat verba illa quæ so-

Ioan. 20

Matth. 18

lis discipulis suis Christus dixit, ad omnes Christianos esse referenda, oportet tunc eum fateri, mulierem etiam posse consecrare corpus Christi: quia cum Christus dixit discipulis suis, Hoc facite in meam commemorationem: oporteret etiam illa verba ad omnes Christianos referre. Similiter oporteret concedere mulierem posse prædicare, quia apostolis dicitur, Itæ prædicate euangelium omni creaturæ. Et tamen Paulus dicit se non permittere mulierem prædicare. Rursum ut hominem vndique vallemus hoc oportuit discutere, quod Lutherus dixit mulierem posse absolvere ubi sacerdos non est. Hæc autem dicta alteri eiusdem Lutheri assertioni maximè repugnant. Lutherus nanque ait (ut infra longius differemus) omnes Christianos esse sacerdotes. Si ergo iuxta Lutherum omnes Christiani sunt sacerdotes, non est certè possibile ut mulier sit ubi sacerdos non est. Vides iam lector quot laqueis seipsum Lutherus inuoluit. Demum inter plures Lutheri assertiones à Leone decimo damnatas, hæc una est, aduersus quam hucusque disputamus. De hac re amplius disputare nolo, quoniam infra in titulo de Sacerdotio hæresi prima, longius de illa agetur.

## A D A M E T H E V A

**D**E primis humani generis parentibus, Adam scilicet & Heua, variaz olim tractatae sunt hæreses. Prima hæresis est asserens primos parentes esse damnatione perpetua in infernum detrusos propter eorum primum inobedientiæ peccatum. Huius erroris author fuit Tatianus quidam discipulus Iustini martyris, qui fuit temporibus Antonini imperatoris, & papæ Iulii huius nominis primi. Is Tatianus donec Iustinus eius magister vixit, nihil malè sentire vnquā ostendit (ut testatur Eusebius Cæsariensis in ecclesiastica historia) postea verò quàm ille martyrio vitam finiuit, à veritatis tramite deuiavit, & doctoris nomen ambiens, maluit magister fieri erroris, quàm discipulus veritatis. Secutus est autem in multis prædecessorum hæreticorum errores, videlicet Valentini, Marcionis, Saturnini: alios etiam plures errores ex proprio cerebro eduxit. Nam & hæresis Encratitarum authorem ac principem eum fuisse testantur beatus Irenæus libro primo aduersus hæreses, capite trigesimo: & beatus Hieronymus in commentariis super prophetam Amos & beatus Epiphanius libro primo contra octoginta hæreses, in fine tertii Tomi. Inter cæteros igitur huius

*Tatianus*

*Encratitica.*

tur huius Tatiani & Encratitarum errores vnus hic est, quo asserunt Adam scilicet & Heuam damnatione perpetua esse propter peccatum punitos. Cæterum vt hanc sententiam hæreticam esse conuincamus, quanuis ego eam talem esse credam, tamen (vt ingenuè fatear) mihi nullus sacræ scripturæ locus succurrit apertus, quo id efficere valeamus: neque aliquis eorū apud quos hæc assertio tanquam hæretica recitatur, & velut talis ab eis exploditur, asserti aliquem scripturæ sacræ locū apertum quo id refellat. Irenæus siquidem lib. 1. aduersus hæreses cap. 31. cum propter hanc assertionem Tatianum nota hæretici inurat, nullum tamen adducit locum scripturæ, quo id euincat. Eusebius Cæsariensis lib. 4. Ecclesiasticæ historiæ hunc errorem impingens Tatiano, nullum pro hac re adducit scripturæ sacræ testimonium. Philaster Brixienfis in libello, quem de hæresibus edidit, Tatiani hæreses enumerans, hanc etiam illi tribuit, nec vllum pro hac re asserti scripturæ sacræ testimoniū. Ad eundem modum se habet Epiphanius, qui contra Tatianū disputans, nullo illos sacræ scripturæ testimonio redarguit. Beatus etiam Augustinus in lib. de hæresibus ad Quod vult deum, cap. 25. de Tatiano loquens, dicit illum saluti primi hominis contradicere, nullum tamen proponit scripturæ testimonium, quo illam sententiam probet esse hæreticam. Omitto Guidonem Carmelitam, quoniam, is & si aduersus omnes hæreses se scribere instituat, multas tamen recēset, quas nullo testimonio scripturæ reiciat, sed suo tantum iudicio, ad quem modum etiā hic lusit fabulam. Nam Tatianorum & Encratitarum errores differens, hunc eorum esse errorem asserit, nullo ad hoc citato scripturæ sacræ loco, quo id euincat, sed mittit nos ad Anselmū in li. Cur deus homo. & ad beatū Hieronimum, in epistola ad Euagriū, in quibus nil tale reperi, vt ille testatur. Propter quod credo ipsum nec legisse loca illa, ad quæ nos mittit. Nā si legisset inuenissetque aliquid huic proposito cōducens, libentissimè (vt assolet) ab illis fuisset mutuatus. Nam in refellēdis aliis hæresibus vbi apertissima sunt contra illas testimonia, mirum quā molestus citator est, omnia quæ potest testimonia vnde libet adducens. Hic tamen vbi maximè opus esset aliquo scripturæ testimonio, ne illi videretur deesse, mittit nos ad alios. Verū et si nulla sit pro hoc errore refellendo aperta scriptura, non ideo non est censenda talis assertio hæretica: quoniam efficacissimum est testimonium (vt longius suprà di-



seruimus) omniū sacrorū doctorū cōcors de aliqua re sententia. Non enim est possibile vt omnes concorditer errēt, qui vt nos non erraremus, à deo missi sunt. Sic enim ait Paulus in ea  
*Eph. 4* quæ est ad Ephesios epistola: Et ipse dedit quosdam quidem apostolos, quosdam autem prophetas, alios verò euangelistas, alios autem pastores & doctores, ad cōsummationem sanctorum in opus ministerii, in ædificationē corporis Christi, donec occurramus omnes in vnitatem fidei. Ad quid autem eos dederit, subiungit dicens, Vt iam non simus paruuli fluctuantes, & circumferamur omni vento doctrinæ, in nequitia hominum, in astutia ad circumuentionem erroris. Vides qualiter ex Pauli sententia dati sunt à deo doctores, vt non circumferamur omni vento doctrinæ ad circumuentionem erroris. Quapropter fieri nequit vt omnes concorditer errent, qui ne alii errarent, missi sunt. Omnium autem sacrorum doctorum concors est sententia, Adam fuisse saluum, fuisseq; ex eorum numero quos Christus ad infernum descendens (iuxta Zachariæ vaticinium) eduxit vinctos qui erant in lacu. Sed ne hoc gratis & sine vllā coniectura dixisse videamur, beatus Irenæus lib. .aduersus hæreses repetens iterum hunc Tatiani errorem, aliquas easque elegantes adducit contra eum persuasiones: quas et si ex aperta scriptura non colligat, optimè tamen ex ea conicit. Has ergo non dedignabor huic operi inferere, breuissimè tamen, quum ille vberiore dicendi stylum nactus longius spatietur. Aliquas etiam ex me ipso addam, quò res ipsa magis firmetur. Primò ergo omnium id statuere oportet, genus humanum per Christum redemptum saluatūque esse, dicente Paulo: Sicut in  
*1. Cor. 15* Adam omnes moriuntur, ita & in Christo omnes vitificabuntur. Si ergo homo saluatur, oportet vt saluetur is, qui primò plasmatus est homo. Non est enim æquum vt qui primò ab inimico captus est, captiuus adhuc maneat liberatis filiis, quos in captiuitate genuerat. Si enim quispiam ab hoste captus, in captiuitate generet filios, quem alius miseratus, hostem qui illum cepit captiuūque tenet, inuadat, expugnētque: is qui hostem inuasit, iniuste faceret si filios à captiuitate liberaret, parentibus in captiuitate manentibus, propter quos hostem inuaserat. Cū ergo Adā captus teneretur à dæmone, propter quem deus carne indutus dæmonem expugnārit, non est vero simile vt filii Adam liberentur ipso parente manente captiuo, propter

propter quem dæmonem inuasit, vt pro illo vindictam sumeret. Rurlus. Si is qui prior factus est à deo homo vt viueret, impleretque ex eis (iuxta prophetam) angelicās ruinas, in ipsa *psal. 109* perpetua mensisset morte propter serpentis læsionem, nulloq; pacto reuerteretur ad vitam ad quam & propter quam creauit eum, iam oporteret dicere deum quodammodo victum à serpente, cum res successerit iuxta serpentis nequitiam, & non iuxta voluntatem dei. Deinde si Adam morte perpetua propter peccatum punitur, qualiter Paulus morti insultat dicens: Vbi est mors victoria tua? Vbi est mors stimulus tuus? Quod *I. Cor. 15* si peccatum Adæ adhuc manet, nec expiatum est vsquam, necesse est etiam vt maneat stimulus mortis: quoniam (iuxta eundem Paulum) stimulus mortis peccatum est. Ad nullum aliud peccatum fuit mortis stimulus, quam peccatum Adæ: quoniam per illud mors intrauit in orbem terrarum, Per vnum hominem, inquit Paulus, mors intrauit in orbem terrarum, eaque non ob aliam causam, quam propter primum eius peccatum. Peccatum ergo Adæ stimulus fuit mortis. Si ergo Tatianus dicit peccatum Adæ manere, fateatur necesse est stimulus mortis alicubi esse. malè ergo Paulus morti insultat eam victam denunciāns. Verum hæc Tatianum nihil mouebunt, quoniam inter alias eius insanias, vna est qua Paulo apostolo detrahit, eum etiam damnatum asserens, quo fit vt nullam eius epistolam admittat. Sed de his infra longius differemus libro 13. in titulo de scriptura sacra. Præterea non est dubitandum deum carne indutum pro homine congressum fuisse cum dæmone, eumque vicisse: quod præter alia scripturæ testimonia illud *Luc. 11* ostendit. vbi dominus parabolicè (vt assolet) loquens ait: Cum fortis armatus custodit atrium suum, in pace sunt omnia quæ possidet. Si autem fortior illo superueniens vicerit eum, vniuersa arma eius auferet, in quibus confidebat, & spolia eius distribuet. Qua parabola manifestè suum de dæmone triumphum ostendit, quod ex præcedentibus manifestè conuincitur. Nam quum à Iudæis obijceretur illi quod in Beelzebuth principe dæmoniorum eiecisset dæmonium illud quod erat mutum, respondit se in digito dei, cui cuncta subsunt, eiecisse dæmonium, pro cuius confirmatione hanc assumpsit parabolam. Christus ergo dæmonem vicit, armæque illius atque spolia abstulit. Primum autem diaboli spoliū primæque eius possessio fuit Adam quem tenebat captiuum sub sua po-

testate. Vt ergo victus clarè agnoscat<sup>r</sup> diabolus, hæc præcipua sunt spolia quæ ab eo capienda sunt, propter quæ bellum tam durum commissum est. Semper enim insultaret inimicus si vetera illa spolia mansissent apud eum. Præter hæc omnia valde nostrum propositum roborat illa peccati Adæ punitio, ex qua colligi aptè potest quid illi in posterum Deus decernat: quoniam puniens deus Adā non ita eum maledixit, vt vocaretur maledictus quemadmodum hi qui æterno igni destinati sunt: sed terram maledixit in operibus eius, in punitiōem illi infligens tædia, & terrenum laborem, & comedere panem in sudore vultus sui, & conuerti in terram ex qua assumptus est. Similiter etiam mulier punita est per tædia, labores, gemitus, tristitias, dolores partus. hoc autem dispensatiuè à deo factum est, vt neque maledicti à Deo in totum perirent, neque sine punitiōe viuētes Deum contemnerent. Omnis autem maledictiō in serpentem peruenit, qui eos seduxerat: vnde dixit Deus serpenti, Quoniam fecisti hoc, maledictus tu ab omnibus animantibus, & omnibus bestiis terræ. Similiter quum postea Cain peccaret fratrem suum occidendo maledictionem accepit à Deo: quoniam ad se peccatum attulit, neque Deum reueritus est. Nam interrogatus à Deo vbi esset Abel frater eius, respondit se nescire, quasi posset frustrari Deum. Et vt ipsam irreuerentiam auget, quasi cum quadam animi indignatione ait: Nunquid custos fratris mei sum ego? In Adam nihil tale euenit. Ab altero seductus est, nempe à muliere: mulier autem à serpente. Postquam peccauit, statim timore ac tremore concutitur: absconditurque, non vt credat se posse frustrari Deum, sed mente confusus præ rubore & verecundia mali commissi, non audet venire in conspectum & in colloquium eius. Initium autem sapientiæ timor domini. Cognitiō verò peccati maximè ad pœnitentiā stimulat, pœnitenti autem Deus peccata dimittit. Adæ ergo peccatum dimissum est, quoniam ex facto pœnituisse eum coiicitur. Foliis siquidem ficulneis, quæ delectationem nullam præstāt, sed quodammodo mordēt ac pungunt: corpus cōtexit, cum tamen alia plurima essent folia blādiora, quæ minus corpus eius affligere potuissent. Atq; ideo nullā in se portat maledictionem, quoniā Deus præuidit eā quam acturus erat pœnitentiā. Quod autē illa sint pœnitentiæ signa, inde conuincitur, quod statim dominus per illud flectitur ad misericordiā, tunicas pelli

Gene. 3

Psal. 110

eas pelliceas pro folijs ficulneis eos induens. Atque ( vt solenne est Deo peccatorē ad pœnitentiā stimulare, stimulatūque in melius prouehere ) Adam quē mēte compūctum vidit postquā eum eiecit de paradiso, noluit eum longē à paradiso habitare, sed ē regione paradisi ( vt ait scriptura ) eum posuit, vt per aspectum, & continuam loci memoriam, vnde propter peccatum eiectus fuerat, maior illi continui doloris suggereretur occasio. De hac re nullam ecclesiæ in concilio factam definitionem inuenio, quod tali ( vt opinor ) euenit causā, quoniam tunc eo tempore quo pestis illa orta est, sæuiente persecutione imperatorum, concilia non potuerunt congregari vsq; ad tempus Constantini maioris, sub quo pax data est ecclesiæ Dei. Cū autē post Tatianum à nullo reperiatur errorem hunc fuisse suscitatum, præterquam à Seuero eius discipulo, à quo Seueriani dicti sunt: hæc vt arbitror fuit causā, vt in concilijs quæ longo post tempore celebrata sunt, nihil de hoc errore definitum sit. Post primam huius operis editionem, reperi apertum scripturæ sacræ testimonium ad hanc hæresim reuincendā: quod nunc addere oportuit. Nam Sapiens de diuina sapientia loquēs, ita ait: Hæc illum qui primus formatus est à Deo pater orbis terrarū quum solus esset creatus, custodiuit, & eduxit illum à delicto suo. Quæ verba satis apertē docent Adam fuisse saluum. Gen. 3

**S**ecundus de hac re ortus est error, asserens Adā post peccatū perdidisse imaginem Dei. Hunc errorē tribuit Origeni Epiphanius episcopus Salaminæ in quadā epistola ad Ioannē episcopū Hierosolymitanū, quā beatus Hieronymus ē Græca in latinā linguā vertit, quæ & ideo inter epistolas beati Hieronymi cōtinetur, tomo earū secundo. Quis autē hic fuerit Origenes, nō oportet longā enarrare historiā, cū nomē illius adeo celebre sit, vt toti penē orbi innotescat, quapropter de eo tacēdū cenlui. Qui autē eius gesta ad plenū nosse cupit, legat Eusebiū Cæsariensem in Ecclesiastica historia lib. 6. que ferē integrum in hac cōsumit narratione. An autē propter hūc & alios errores, de quibus suis locis dicetur, cēsendus sit hæreticus, an non, lōga ab aliquibus textitur quæstio. Ruffinus siquidem aduersus Hieronymū pro Origene olim egit causam. Ioānes Hierosolymitanus episcopus cōtra, Epiphaniū Salaminæ vrbis in Cypro episcopū Origenē tuebatur. Extat etiā Pāphili martyris ( modo titulus verus sit ) pro Origene apologia, quā Ruffinus presbyter latinā fecit. Deniq; Ioānes Picus Mirandulanus, vir non



minus pius quàm doctus & eloquens, inter multas cōclusiones quas disputādas ac defendēdas Romæ suscepit tēpore Innocentij papę huius nominis octavi, hāc vnam miscuit. Magis pium est credere Origenem fuisse saluū, quàm damnatū. Quam cōclusionē cū aliqui velut hereticam cū aliis duodecim explodere vellēt: pro huius & aliarū duodecim defensione luculentam composuit apologiam. Post tot illustres viros ego nihil definire audebo quoniam id temerarium esset, maximè cū res sit valde dubia. Illud tamen dicam, me scilicet de Origene, & de cæteris quibuscunque id sentire, quod sciuerō catholicam ecclesiam sentire. Cū ergo iam de persona dictum sit, superest vt de errore discutiamus. In primis illud mihi dubium est, an Origenes senserit hominem per peccatum aliquid de sua substantia perdidisse, an solū qualitates animæ aliquas, vel vt sub aliis verbis dicam, an imaginem perdiderit, an solam similitudinē. Nam Victorinus Afer, à quo Hieronymus Rhetoricam didicisse fertur, in ea disputatione, quam aduersus Arrium scripsit, lib. i. edisserens illud Gene. Faciamus hominem ad imaginem & similitudinē nostram, sic ait: Aliud igitur est, iuxta imaginem esse, quod quidem substantia est: aliud autem iuxta similitudinē esse, quod non est substantia, sed in substantia nomē qualitatis declaratiuū. Sed sicuti Deū, sic & imaginē, hoc est Christū substantiā accepimus, perfectionē autem iuxta quale significatiuū intelligimus: & si simile quale significat necessariò. quomodo dicimus animā rationālē esse, & perfectē rationālē iuxta similitudinē perfectionis in Deo? Perfectā ergo esse animā iuxta imaginē, nunc, & in mūdo: iuxta similitudinē autē, postea fide in Deū & in Iesum Christū, qualis esset futura, si Adam non peccasset. In quo igitur rationalis, & ad rationem iuxta imaginē est, in quo futura perfecta est secundū similitudinem. Hactenus Victorinus. Ex quibus verbis patet secundū eum imaginem maximè distare à similitudine, Adamq; similitudinem perdidisse, non autem imaginem. Hanc eandē imaginis & similitudinis differentiam assignat Eucherius Lugdunēsis episcopus, vir certè nō minus doctrina quā sanctitate clarus, qui lib. i. super Genesim exponens eundem scripturæ locum, sic ait: Inter similitudinem & imaginē hoc interest: Imago Dei, omniū: similitudo, paucorū. Hæc nanq; imago Dei, ab excellentia diuinæ similitudinis distat, quòd imago Dei, anima peccatrix esse non desinit: ad Dei autem similitudinē, nisi anima sancta

ma sancta fuerit, non pertueniet, quia illa anima creata est per naturam: hæc dabitur consummari per gratiam: quoniam si nihil aliud est imago Dei, quàm mens naturaliter animæ humanæ collata, quid aliud erit similitudo, nisi scèliciter beatitudo conferenda? Et ideo quidem est magnum quòd hominis mens facta ad imaginem data sit in natura, cuius priuilegio carent animalia cætera: sed illud est multò præstantius, quod ei similitudo danda sit sui creatoris in gloria, vt ibi sit suo creatori similis, vbi erit sanctis angelis æqualis. Hæc Eucherius. Si ergo Origenes dicat Adam post peccatum perdidisse Dei imaginem, accepto imaginis nomine iuxta eam, quam prædiximus significationem, vt imago in natura consistat: manifestus est error, iustèque eum ob hanc causam accusat Epiphanius: quoniam de dæmonibus, quorum peccatum multò fuit grauius, dicit beatus Dionysius Areopagita, Naturalia in eis mansisse integra: quantò magis id factum esse in homine putandum est? Rursus, si peccatum aliquid subtraheret de natura, crebrescentibus peccatis tandem aliquando ipsa peccata totam animæ consumerent naturam, quod nefas est dicere. Testimonia scripturæ, quæ pro hac re Epiphanius adducit, mihi parum videntur ipsius propositum roborare, quamuis ille iactet se pro tribus testimoniis, quæ Ioannes Hierosolymitanus petebat, septem testimonia protulisse: quoniam omnia testimonia, quæ ex scriptura ille citat, præter vnum & alterum, solum probant hominem, primò ad imaginem Dei factum, aut conditum: quòd autè post peccatum in ipsa permãserit imagine, hoc nunquam exprimunt, præter vnũ ex Apostolo Paulo, & aliud ex Psalmis, quæ etiam fortè non conuincunt, quãuis vehementer persuadeant. Testimonia autem eius hæc sunt. In Genesi legitur, Vixit autem Adam centum triginta annis, & genuit filium ad imaginem & similitudinem suam, vocauitque nomen eius Seth. Hoc testimonium nihil conferre proposito, est adeo apertum, vt non sit opus refellere: quoniam ibi dicitur Seth fuisse genitum ad imaginem & similitudinem Adæ, non autè ad imaginem & similitudinem Dei. Neq; etiam Adam iuxta similitudinem Dei filium gignere poterat, retenta illa quam supra posuimus similitudinis significatione. Secundum testimonium est ex libro eodem sic dicens: Ne comederis carnem: ego enim vlciscar sanguinem vestrum de manu omnis hominis effudentis illum, quia ad imaginem Dei;

- fecit hominē. Ex hac autoritate nihil apertè cōvincitur nisi hominem ad imaginem Dei factum, non autem in ea perseuerasse. Idem etiam penitus sonat testimonium ex sapientia Salomonis: Creauit Deus hominem inexterminalē, & ad imaginem similitudinis suæ creauit eum. Neque aliud etiā probat testimonium ex epistola beati Iacobi dicētis, Lingua inquietū malum, plena veneno mortifero: in ipsa benedimus Deū & patrem, & in ipsa maledicimus homines, qui ad imaginē & similitudinem Dei facti sunt. Quod autē hæc autoritas homines dixit, nō hominē, videtur ex illa colligi, non solū Adam, sed ceteros homines post peccatū genitos, factos ad similitudinem Dei. Cui responderi posset, alios homines tunc dici esse factos, quia tūc ille plasmatus est, à quo omnes erant deducendi. Neq; hunc modum loquendi horrent sacræ literæ. Nam in Genesi legimus post perfectam mundi fabricam secundum specierum & formarum diuersitatem. Hæ sunt generationes quas fecit dominus in die quo creauit Deus cælum & terram. Tunc enim omnes generationes factas esse asserit scriptura, cū tamen postea per dierum volumina & successus factas esse referat, quædam primo die, aliquas secundo, & sic vsq; ad septimum diem. Dicuntur tamen omnes creaturæ factæ in die quo creauit Deus cælum & terrā, quia illo die facta est vniuersalis massa, ex qua omnes corporeæ substantiæ deriuatæ sunt. Ad quē modū posset etiam dici, quamuis aliquantulo coactius omnes homines tunc dici esse factos, quando Adam factus est: nam tunc sicut ipsum Adam, sic etiam ceteros omnes ad imaginem Dei factos esse. Illud autem Psal. in imagine pertransit homo, sed & frustra conturbatur, atque illud Pauli in pri. ad Corin. epistola, Vir non debet velare caput, quia imago & gloria Dei est: hæc duo magis vrgent, quoniam non solū ad primum hominem referri quouis medo possunt, sed de quocunque homine dicta esse constat. Verū imaginis nomen non semper scriptura capit iuxta eam differentiam quam supra posuimus, ita vt imago semper tribuatur nudæ naturæ: sed aliquando iuxta animæ qualitates: vt patet in epi. ad Colossen. Expoliantes vos (inquit Paulus) veterem hominem cum actibus suis, & induentes nouum, qui renouatur in agnitionem secundum imaginem eius qui creauit illū. Ex quo hoc loco manifestè patet hanc esse datā à Paulo differentiam, inter veterem & nouū hominem, vt vetus homo, qui ad peccatū pertinet, non habeat imaginem Dei, quia

Quia scilicet bonitate caret, nouus autem homo, qui ad gratiam per Christum recuperatam pertinet, gerat Dei imaginē. Iuxta quod oportet ut ibi imago non solum consistat in nuda animę substantia, sed in gratia etiam, per quam homo deiformis fiat. Et beatus Ambrosius super epistolas Pauli, exponens hunc locum ex epistola ad Colossenses, proximē citatum, sic ait: Imago hæc in cōuersatione bonę vitę intelligēda est: sicut dicit ad Corinth. in epistola prima: Quemadmodum portauimus imaginem eius qui de terra est, ita & portemus imaginem illius, qui de cælo est. Ipse est ergo creator hominis, cuius imaginem portare nos iubet in sanctitate & bonis operibus, quæ de filij Dei agnitione descendit. Hæc Ambrosius. Ex quibus manifestē colligitur, imaginis nomen non solum capi in literis sacris iuxta id quod in natura situm est, quod etiam nunquam perditur, sed aliquando etiam capi iuxta quasdam animę qualitates. Quod si fortē ita Origenes cepit imaginis nomen, ut imaginem pro similitudine vsurpauerit: quis non videt ibi nullam esse hæresis suspicionem? Hæc tamen dixi non ut quisquam putet me partes Origenis sumere velle. Nam fateor me de Origene eiusq; doctrina sentire id quod sancta mater ecclesia sentit: propter quod firmissimē hoc assero, si ecclesia alicubi de hac re censuit, id esse tenendum. Verum non reperio aliquem qui hoc impingat Origeni, præter vnum Epiphanium. Nam Theophilus Alexandrinus episcopus, qui in libro illo suo cui Paschalis nomen indidit, Origenis errores recenset, nullam de hoc facit mentionem. Beatus etiam Hieronymus, cum in pluribus locis de erroribus Origenis mentionem faciat, nusquam huius meminit. Quod fortē ideò factū puto, quod verba illa, quæ Epiphanius Origeni tribuit, etiam si in libris Origenis reperirentur, aliquem pium & catholicum patiebantur sensum, quem videlicet proximē retulimus. Sunt tamen aliqui zelo & non secundum discretionem impulsī, qui omne illud quod à sensu suo abest, statim hæresim esse clamant, qualis fortē fuit Epiphanius, ut ex illa eiusdē epistola superius citata facilē est cognoscere, quoniā ibi testatur se rupisse velum quoddā quod in tēplo reperit, hac sola occasione, quod imaginē Christi, aut alicuius sancti gerebat in se. Nā testatur se nō meminisse cuius fuerit imago, asseritq; esse cōtra scripturā sacrā, imaginē cuiuscunque hominis in ecclesia pendere. Hoc tamen an ita se habeat, vel parum doctus potest intelligere, & inferius in titulo,

Imago



Imago, nos amplius differemus. Sunt tamen multi, qui multa ab alijs exigunt, quæ tamen ipsi non præstant: & qui multa per indulgentiam condonant amicis, & sibi condonari volunt, qui tamen in alios duram faciunt censuram. cum ergo Epiphanius aliqua habeat in quibus indulgentia sit opus, iustum erat ut ipse etiam per indulgentiam aliqua condonaret Origeni, & non semper se illi exhiberet Catonem.

**T**ertius error in hac materia exortus est, quo docetur Adæ & Heuam si permansissent in iustitia, non coituros unquam: nec humanam speciem per commixtionem propagandam.

*Arme.* Hic error ab Armenis inuenitur, ut testatur Guido Carmelita in sua summa de hæresibus. Nam hic est apud eum undecimus error Armenorum. Hi Armeni Asiam incolunt, in ea parte quæ est inter Taurum & Caucasum montes sita. Horum patria Armenia dicta à Cappadocia usque ad Caspium mare protenditur. Hi Armeni cum primum catholicam fidem fuissent edocti: tandem veram fidei regulam dimittentes in multos errores prolapsi sunt. Proprium habent primatem, quem catholicum, appellant: huic velut summo pontifici obediunt. Romanum siquidem antistitem contemnunt, dicuntque eum non esse cæteris superiorem. Quo autem tempore, aut quam ob causam ab ecclesia defecerint, mihi hucusque non est notum. Hoc certum est, tempore Philastri Brixienfis episcopi, atque tempore beati Augustini, eos ab ecclesia nondum fuisse separatos, quoniam uterque istorum, hæresum auctores recensens, nullam de Armenis fecere mentionem. Quod autem ego ex pluribus conijcere possum, est Armenos fuisse ab ecclesia separatos propter decreta concilij Chalcedonensis sub Leone primo & Martino imperatore celebrati: quoniam in eo concilio damati sunt Eutices Abbas Constantinopolitanus, & Dioscorus Alexandrinus episcopus illius imitator. Armeni autem his hæreticis fauentes, decreta concilij Chalcedonensis recipere contempserunt. Inter alios ergo Armenorum errores is unus est, quo asserunt Adam & Heuam nunquam carnali copula iungendos si in statu illo in quo illos Deus condidit, permansissent: humanam speciem aliter propagandam asserentes. Hunc

*Alma.* errorem suscitauit postmodum impius Almaricus, ut testatur Bernardus delutzemburgo in suo catalogo hæreticorum. Nam apud alium neminem errores istius iuuenio. quanuis enim in lib. Epistolarum Decretalium, titulo de summa trinitate & si-

de cathol

de catholica, condemnatur præfatus Almaricus cum suis erroribus: nullus tamē ibidem illius error recitatur, nec glossa ibidem aliquid addit. Is itaque Almaricus Parisiensis doctor, qui tempore Innocentij tertij fuit, ab eodem in cōcilio Lateranensi damnatus, Armenis in hac parte consentit, eorūque auget insaniam: quoniam non solum in illo statu negat copulam carnalem, verumetiam sexuum differentiam nullam fuisse futuram asserit. Hoc autem vltimum adeò manifesta est insania vt non sit opuseam oppugnare. Nam Genesis primo legitur: Creauit Deus hominem ad imaginem & similitudinem suam, ad imaginem Dei creauit illum, masculum & fœminam creauit eos. Nec potest dicere illam sexus differentiam esse post peccatum, cum dicat, masculum & fœminam creauit eos. Hoc etiam clarius exprimitur à Christo redemptore nostro, qui apud Matthæum ait: Non legistis, quia qui fecit ab initio, masculum & fœminam fecit eos: sed quoniam non dicit eos fecisse masculum & fœminam ab initio, necessarium est Marcum etiam citare, qui hæc clarius expressit dicens, ab initio autem creaturæ masculum & fœminam fecit eos Deus. Iam de altero communi istorum errore discutiamus. Primo quidem eorum fundamentum inualidum est. Nam ideo Armeni in statu illo negant copulam futuram, quia nuptias illicitas esse putant, earūque vsum dicunt esse peccatum. Hoc quàm falsum sit, inferius Deo duce, ostendemus. Quod ergo asserūt de copula carnis minimè futura in illo statu, conuincitur esse falsum, ex eo quod dicitur in Genesi: Postquam enim Deus creauit Adam & Heuam ad imaginem suam, atq; masculum & fœminam eos fecit: statim benedixit illis, & ait, Crescite & multiplicamini, replete terram. Verū quia dicunt genus humanū aliter quàm per coitum multiplicandum: fortè alicui videbitur hūc locum non multum eos vrgere: ideo aliunde petamus arma. In eodem libro immediatè post quàm Heua describitur ex latere Adæ Gen. 2 formata, verba ipsius Adæ subiunguntur dicentis, Hoc nunc os ex ossibus meis, & caro de carne mea. Hæc vocabitur virago, quoniam de viro sumpta est. Quamobrem relinquet homo patrem suum & matrem, & adhærebit vxori suæ, & erunt duo in carne vna. Hæc autem verba dicta sunt ab Adam antequam peccaret, vt patet ex historiæ decursu. At nusquam vir & vxor fiunt vna caro nisi per coitum, per quem fit semen mixtio ad vnum hominis corpus generandum. Si verò dicāt ideo  
Adam

Mat. 19

Adam & Heuam dici vnam carnem, quia caro Heuæ sumpta est ex carne Adæ: qua ergo ratione vir qui nunc est cum vxore sua, dicitur vna caro, cum caro vxoris non sit repetita ab illo? An fortè verba illa Adæ tanquam ad solam Heuam dicta, sic erunt accipienda, vt ad posteros coniuges nullo modo referantur? Absit: quoniam per illa verba Deus pharisæos conuincit, ostendens non licere dimittere vxorem nisi causa fornicationis: quod non faceret si verba illa Adæ nō essent ad omnes coniuges referenda. Præterea Adam nec patrem neq; matrem habuit, sed ex terra formatus est à Deo. ergo illa verba Adæ non ad ipsum Adam, sed ad alios referri debent, cum ait, Propter hoc relinquet homo patrem & matrem &c. Quod si, vt necessarium est, fatentur illa verba Adæ ad omnes posteros applicanda, dicuntque ideo virum quemlibet esse vnam carnem cum vxore sua, quia licet caro vxoris non semper sumatur ex carne sui viri, sufficit tamen vt olim in primis parentibus sic factum fuerit, quoniam ad eorum imagines reliqui facti sunt: hac ergo ratione erit etiam quilibet vir cum qualibet fœmina vna caro, cum quælibet fœmina ad imaginem primæ sit facta, quæ ex latere viri sumpta fuit. quod absurdum est fateri. Eadē etiam lege erit fatendum Adam & Heuam ante copulam fuisse vnam carnem, quod tamen ex eiusdem verbis patet non ita esse. Nam formata ex eius latere Heua, statim in hæc verba prorupit, Propter hanc relinquet homo patrem & matrem, & adhærebit vxori suæ, & erunt duo in carne vna. Non enim dixit, sunt duo in carne vna, sed erunt (inquit) duo in carne vna. Quod si nulla alia re esset opus vt vna caro efficerentur, dicturus erat, Et sunt duo in carne vna. Cum ergo dixit, erunt duo in carne vna, significauit aliquam aliam rem esse necessariam, nempe coitum, vt caro vna dicantur vir & vxor etiam post primam coniunctionem animorum verbis expressam, per quam solam coniuges fiunt. Nam de coniugibus iam animo coniunctis loquitur Adam quando ait, & erunt duo in carne vna: quod patet ex eo quod prius dixerat, Propter hanc relinquet homo patrem & matrem, & adhærebit vxori suæ. Et postquam iam expresserat nomē vxoris, subiunxit. Et erunt duo in carne vna. Quod si quis adeo insaniat, vt pro hac defensione dicat Adam inconsideratè fuisse locutum: attendat illa non tantum esse verba Adæ, sed verba Dei per os Adæ loquentis. Hoc autem manifestum euadit ex his quæ apud Matthæum Christus retulit.

Nam

Nam pharisæis quærentibus an liceret homini dimittere vxorem suam quacunque ex causa, respondit, Nō legistis quia qui fecit ab initio, masculum & fœminam fecit eos, & dixit, Propter hoc dimittet homo patrem & matrem, & adhærebit vxori suæ, & erunt duo in carne vna: itaque iam non sunt duo, sed vna caro? Vides ex verbis Saluatoris qualiter is qui masculum & fœminam fecit eos ab initio, hoc est Deus, dixit, Propter hoc &c. Vnde Theophylactus super Matth. ait, Quomodo autem in Genesi scriptum est, Adam dixit, Propterea deseret homo patrem suum. Hoc autem dicit Christus, Deus dixit: propterea deseret homo. ac cetera. Dicimus igitur quod & id quod Adam dixit, ex Deo dixit: atque ita sermo Adæ, Dei est. Igitur quia vna caro facti sunt, & propter coitum & naturalem amorem coherentes, sicut impium est suam carnem diuidere, ita & coniuges diuellere. Hæc Theophylactus. Ex quibus patet verborum consonantia: quoniam sermo ille tribuitur Adæ tanquam instrumento: Deo autem tanquam artifici, aut linguæ illius motori. Patet etiam ex verbis Theophylacti, tunc virum & vxotem dici vnā carnem, quando scilicet per amorem & per coitum carnalem copulantur: quod ex ipsis etiam scripturæ verbis apertè conuincimus. Nam in priore epistola ad Corinth. I. Cor. 6 Paulus ait, An nescitis quoniam qui adhæret meretrici, vnum corpus efficitur? Erunt (inquit) duo in carne vna. Ex quibus Pauli verbis apertè conuincitur, per coitum solū virum & fœminam fieri vnā carnem, non tantum in coitu coniugum, verū etiam in fornicario. propter quod merito doctores definiūt ex fornicario etiam coitu oriri affinitatem veram, adeo vt illa etiam efficax sit censenda ad impediendum cōtractum matrimonij iuxta ecclesiasticas sanctiones. Taceant ergo Armeni insanientes, & ecclesiæ catholicæ obediant.

**Q**uartus qui in hac materia repertus est error, à Pelagio *Pelagius*. monacho suscitatus est. Hic enim dixit (vt ait beatus Augustinus in libro de Hæretibus ad quod vult Deū) quod Adam foret mortuus etiam si non peccasset, & quod mortuus est non ex culpæ demerito, sed ex conditione naturæ. Hic Pelagius ex magna Britannia oriundus, monachusq; existens in partibus Orientis, tandem in patriam reuersus, postquā errores suos alibi etiam sparserat, totam penè patriā suo infecit errore. Cū autem Angli pro hac re fauorem & auxilium peterent à Gallicanis episcopis, eo quod clarior apud eos esset doctrina, Ger



na, Germanum & Lupum episcopos & fratres (vt ait Beda in libro de ratione temporum) catholicæ fidei defensores accipiūt, qui antistites insulam ab hæresi Pelagiana expurgârunt, eam confirmantes in fide & verbo veritatis, & miraculorum signis. Vixit sub Honorio & Theodosio iuniore. Contra hunc Pelagium fuerunt duo concilia celebrata, vnum Carthaginense, & aliud Mileuitanum. Inter alios ergo huius Pelagij errores is vnus numeratur quo asserit Adam mortuum non propter culpam, sed ex naturali conditione qua cōditus est, in qua etsi mansisset, nec à Dei mandato recessisset, nihilominus (vt ille ait) moreretur. Hic autem error ex eo fortè videbitur alicui conuinci posse, quod dicitur in Genesi, In quacunque die comederis, morte moriêris. signū est ergo quòd si non comedisset ex ligno vetito, non moreretur. Cui argumentationi respondebitur, quòd etsi collectio illa efficax esset & valida, nihil propositum firmat, quoniam ille scripturæ locus de morte spiritali, quæ est peccatum, intelligendus est: vt optimè cōvincit Eucherius Lugdunensis episcopus in libro suo 1. super Genes. sic ait: Mortem dicit animæ, non corporis: quia non eo tempore mortui sunt quando comederunt. Ergo hanc quam Deus homini minatus est mortem, non eam tantum debemus accipere, qua caro separatur ab anima, sed hanc qua hæc alienatur à Deo, qui est vita sua. Sicut enim corpus viuit ex anima, ita anima vt beatè viuat, viuit ex Deo. Ergo deserta à Deo anima, iure dicitur mortua. Ex qua tres postea secutæ sunt mortes, prima in anima, secunda in carne, tertia in damnatione. Sed vt istæ sequerentur, prima præcessit desertio Dei. Hæc Eucherius. Et eodem modo hunc locum interpretatur beatus Gregorius in quadam epistola ad Narfi comitem, quæ est quartadecima libri quinti epistolarum illius. Hoc ergo scripturæ loco præterito, aliunde sunt nobis arma sumēda. Primò ergo hic error clarissimè conuincitur per id quod ait Apostolus in ea, quæ est ad Romanos epistola, Sicut per vnum hominem peccatum intrauit in hunc mundum, & per peccatum mors: ita & in omnes homines mors pertransiit, in quo omnes peccauerunt. Et in eadem epistola iterum ait, Corpus mortuum est propter peccatum. Hic scripturæ locus adeo apertè Pelagium oppugnat, vt nulla possit ratione ab eo defendi, quoniam in eo clarissimè loquitur de morte, quæ distinguitur à peccato, & hanc dicit fuisse propter peccatum introductam. Rursus Deus qui mortem non fecit,

nec

Gen. 2

Eucherius.

Ro. 5.

Ro. 8.

nec lætatur in perditione viuorum, vt dicitur in lib. Sapientie, *Sap. 1*  
 creauit hominem inexterminabilem, & ad imaginem simili- *Sap. 2*  
 tudinis suæ fecit illū. Si ergo inexternabile fecit, ergo in tali na-  
 turæ cōditione fecit, in qua si perseuerasset, non moreretur. De-  
 mum ipse ordo rei gestæ circa Adam, ostendit eum in pœnam  
 peccati incurrisse mortem. Primò quia tunicas pelliceas illi fe-  
 cit, quæ fieri non possunt nisi ex animali mortuo. Hæc ergo tu-  
 nica illi tanquā iam mortuo datur ex pelle animalis mortui.  
 Deinde cum ei maledictio terræ pro pœna infligitur, dicente  
 domino, In sudore vultus tui vesceris panetuo, donec reuerta- *Gen. 3*  
 ris in terram de qua sumptus es, quia puluises & in puluerē re-  
 uerteris. Hoc autem constat illi iniunctum esse propter pecca-  
 tum. Et nunquam homo reuertitur in terrā de qua sumptus est,  
 nisi mediāte morte: signū est ergo mortem pœnam fuisse pec-  
 cati. Postremò cum Adam eiicitur de paradiso, dicit Deus, Ne  
 forte comedat de ligno vitæ, & viuat in æternum. Ex quo vi-  
 detur per ligni vitæ etiam à morte præseruandum. Contra hūc  
 errorem est concilium Mileuitanum sub Innocentio primo, &  
 temporibus Arcadii & Honorii Imperatorum celebratum. In *Conciliū*  
 huius siquidem concilii gestis cap. primo sic dicitur, Placuit *Milenita-*  
 ergo omnibus episcopis qui fuerunt in hac sancta synodo, con- *num.*  
 stituere hæc quæ in præsentī concilio definita sunt, vt quicunq;  
 dicit Adam primum hominem mortalem factum ita, vt siue  
 peccaret, siue nō peccaret, moreretur in corpore, hoc est de cor-  
 pore exiret, nō peccati meritò, sed necessitate naturæ: anathe-  
 ma sit. Cū ergo ecclesia finem huic liti iam imposuerit, non  
 est quod amplius de hac re disputemus.

Quinta hæresis de hac re orta est quæ asserit primos paren- *Hæc adi-*  
 tes Adam & Euam fuisse cæcos ante peccatum, actūc primum *tio sequi-*  
 eos videre cœpisse, cū de cibo ligni vetiti comederūt. Ad quod *tur vsque*  
 asserendum ex eo mouetur, quod post illorum peccatum sacra *ad titulū*  
 scriptura refert, oculos eorum fuisse apertos, & sic suam confi- *Angelus.*  
 derasse nuditatem. Quis autem huius hæresis fuerit author, & *Gene. 3*  
 quo tempore fuerit orta, mihi non constat: quoniam solū Phi-  
 lastrum huius hæresis meminisse video, qui cum dicat, talem  
 fuisse aliquando ortam hæresim, non tamen expresse, quo tem-  
 pore aut loco, aut quo authore fuerit orta. Hæc hæresis facilli-  
 me conuincitur. Nam antequam illi peccassent, de muliere lo-  
 quens sacra scriptura, dicit: Vidit igitur mulier quod bonū esset *ibidem.*  
 lignum ad vescendū, & pulchrum oculis, aspectuq; delecta-

bile, & tulit de fructu illius & comedit. Si cæca illa fuisset, lignū videre non potuisset. Vidit, vt sacra retulit scriptura, nō igitur fuit cæca. Neq; opus est vt in re tā aperta amplius cōtendamus, Quod autem pro se afferunt, ex ignorantia procedit: quoniam si recte, vt decet, literam illam intelligerent, nullo modo sibi fauere plane agnoscerent. Audiant igitur beatum Augustinū, qui lib. 14. de ciui. Dei cap. 16. interpretatur quomodo illud sit intelligendum, sic inquit: Patebant oculi eorū, sed adhuc nō erant aperti, hoc est, nō attēti vt cognoscerent quid eis indumēto gratiæ præstaretur, quādo mēbra eorū voluntati repugnare nesciebāt. Qua gratia remota, vt pœna reciproca inobedientia plecteretur, extitit in motu corporis quædam impudens nouitas, vnde esset indecēs nuditas, & fecit attentos reddiditq; confusos. Hinc est quod posteaquā mandatum dei aperta transgressionē violarūt, scriptum est de illis: Et aperti sunt oculi amborum, & cognouerunt quia nudi erant, & consuerunt folia fici & fecerunt sibi cāpestria. Aperti sunt, inquit, oculi amborum, nō ad videndum nam & antea videbant, sed ad discernendum inter bonum quod amiserant, & malum in quod ceciderant. Hactenus August. Ad eundem modū interpretantur Chryso. & Eucherius in cōmentariis super Genesim, quorum verba in præsentiarum citare nolui, ne in re tam manifesta testimoniorum multitudinem, velut parum necessariam, lector fastidiret.

Sexta hæresis est quæ docet Euam cunctarū gentium matrem non esse ex costa Adæ formatā, prout historia libri Genesim iuxta faciem literæ refert, sed tunc simul Euam à deo de limo terræ, & non de costa Adæ formatam esse asserit, eodem puncto quo Adam de limo terræ formauit. Huius hæresis auctor & primus inuentor fuit Thomas de vico Caietanus. Quis autem is fuerit quāuis sit nunc toti orbi notum, quia tamen non solis præsentibus sed etiam futuris scribimus, operæ precium fore existimaui, plenè declarare. Fuit hic Thomas de vico religiosus ex ordine fratrum prædicatorū, ex Caieta oriundus, quā ob causam vulgo Caietanus nūcupatur. Fuit in theologia scholastica tam insigniter doctus, vt nulli ex his qui suo tēpore floruerunt, secūsus fuerit. Ob literarū eminentiā & morum probitatem, cōmuni fratrum sui ordinis consensu, fuit in generalē eiusdem ordinis magistrum electus, & inde à Leone x. fuit ad præbiteri Cardinalis dignitatem exaltatus. Quo loco cum per xx. annos vixerit, nullam tamen, vt cæteris mos est, humanorum vitio

rum vitiorum sinistram de se opinionem dedit. Multa & varia opera ædidi: sed multa scribenti contigit quod Salomon ait: In multiloquio non deerit peccatum. Nam quamuis multa vtilia scripsit, quia tamen suo ingenio multum fidebat. in aliquos lapsus est errores, è quib<sup>9</sup> vnus est iste de quo nūc disquirimus, quo asserit, Euam non esse formatam ex costa Adæ. Quæ autē sacra scriptura in libro Genesis de formatione Eux narrat, dicit ille non esse iuxta literam intelligenda, sed iuxta mysterium: non quidem per allegoriam, sed per parabolam. Somnus enim ille quem dominus misit in Adam (vt inquit) similitudinem gerit defectus virtutis virilis, vnde naturaliter producit homo: quia homo dormiens semihomo est, & similiter principium generans mulierem semiuirile est, Ablatio costæ ex viro ad formandam mulierem quatenus costa est os (vt ait) similitudo est diminutionis roboris ex animo viri ob vxorem: quatenus vero est costa, similitudo est socialis vitæ inter virum & vxorem, ita quòd nec superior viro, nec serua viri sed collateralis esset viri. Quatenus autem costa est vna, dicit esse similitudinem minimi roboris tum corporis tum animi mulieris, & perinde vt proportio virium muliebrium ad vires viriles, sit quemadmodū proportio vnius costæ ad reliquas costas omnes. Restitutionem vero carnis pro costa, dicit esse similitudinem representationis quæ fit viro dando illi carnalem generationem ac propagationem filiorum, loco diminuti roboris animi ex coniugio. Hæc sunt quæ ille de hac re docet in commentariis super Genesim. An autem propter hunc & alios eius errores ille sit hereticus censendus, an non, aliorum esto iudicium. Ego siquidem de doctrina in præsentiarum dissero, non de persona. Potuit quidem errare (vt in primo huius operis libro diximus) & hæreticus non esse: præsertim si nō pertinaci animo sue sententiæ adhæsit. Hæc iam enarrata assertio conuincitur esse hæretica, quia apertè oppugnat scripturam sacram, & totius ecclesiæ consensum. & in illa non solum vnus continetur error sed plures. Nam (vt Aristoteles ait) vno falso admissio, multa deinceps falsa sequuntur. Primo quidem (prout ego ex illius dictis coniicio) ille sentit Euā simul cum Adam à deo formatam esse. Ad quod dicendum mouetur per id quod ibidem scriptura ait: Masculū & fœminam creauit eos. Ex quibus verbis ille colligit simul à Deo illos fuisse formatos, Sed hæc sententiā aperte oppugnat Sapiens qui de diuina sapientia loquens, sic ait:



*Sapi. 1* Hæc, illū qui primus formatus est à deo pater orbis terrarum, cum solus esset creatus, custodiuit, & eduxit illū à delicto suo.

In quibus verbis, id maxime aduertere oportet, quod ait : cum solus esset creatus. Aliquod ergo tempus, iuxta Sapientem, fuit in quo solus erat Adam creatus: quo sit ut non ambo simul. *1. Tim. 2* Præterea, Paulus in priore ad Timotheum epistola ait: Adam primus formatus est deinde Eua. Et certè de hoc errore nō est quod amplius contendamus, cum tam aperte illi sacra contradicat scriptura. Ad secundum igitur errorem accedamus, quo asserit Euam non esse de costa Adæ formatam ut litera sacræ scripturæ in facie sonat. Contrarium huius erroris docet Paulus, qui Atheniensibus in medio Areopagi loquens, hæc ait: Deus qui fecit mundum & omnia quæ in eo sunt hic cæli & terræ cum sit dominus, non in manufactis templis habitat, nec manibus humanis colitur, indigens aliquo, cum ipse det omnibus vitam & inspirationem & omnia: fecitq; ex vno omne genus hominum inhabitare super vniuersam faciem terræ. In quibus verbis id annotandum est quod vltimò dixit: Fecitque ex vno omne genus hominum. Si Eua (ut iste asserit) nō est educta de costa Adæ, consequens est ut non omne genus hominum Deus ex vno fecerit. Et iterum in priore ad Corinthios epistola eandem sententiam docet, sic inquit: Mulier gloria viri est. Non enim vir ex muliere est, sed mulier ex viro. Ecce audis mulierem esse factam ex viro: nunquam autem alibi legitur ex viro facta, nisi cum Eua fuit ex costa Adæ formata. sentit ergo Paulus iuxta id quod historia libri Geneseos refert, Euam de costa Adæ fuisse formatam. Et ecclesiasticus hoc ipsum aperitius ostendit, qui postquam dixerat hominem à deo de terra fuisse creatum, postea de muliere loquēs, dicit: Creauit ex ipso adiutorium simile sibi. Præterea iuxta illam parabolicam literæ interpretationem quam hæc hæresis docet, nihil prorsus de formatione Eux habetur: sed solum modus declaratur quo deinceps aliæ mulieres essent generandæ, & causa exprimitur, cur potius fœmina quàm masculus generetur. Si illo loco, videlicet secundo capite libri geneseos, scriptura sacra nihil de formatione Eux dixerit, quando igitur & vbi Eux formationem expresse, ut nos plenè & clarè discere possimus materiā ex qua illa formata sit? Mirum certè est quòd Adæ formationem tam aperte declarauerit, dicens illum esse à deo de limo terræ formatum, & de Eux formatione nihil prorsus dixerit.

Nunquam

Nunquam siquidem scriptura quidquam de formatione Eux dicit præter id quod habetur in illo secundo Gene'eos capi. Si dicas, de illius formatione tunc disseruisse, cum primo capite dicit: masculum & foeminam creauit eos. Fateor quidem tunc de creatione foeminæ & maris dixisse. Sed per illa verba constare non potest, ex qua materia alter illorum fuerit effectus, quia solum dicit illos esse à Deo creatos, non tamen vnde fuerint ab illo producti. Nam ob hanc causam Moyse cap. 2. hominis formationem clarius & apertius docere decreuit: quippe qui bene intellexerat non posse illam cognosci per ea quæ primo capite disseruerat. Si dicas tunc de Eux formatione Mosem tractasse, quum secundo Gene'eos cap. dixit: formauit dominus Deus hominem de limo terræ, & inspirauit in faciem eius spiraculum vitæ: & factus est homo in animam viuente. Quia enim hæc vox, homo, cōmunis est generis, quæ tam foeminam quam marem significat, fortè inde suspicari posset illo loco de formatione foeminæ agi perinde ac maris. At, non ita esse vt dicitur, vel ex eo conuinci potest quod pro hac voce, homo, hebraica litera hoc loco habet, Adam. Vnde colligitur, de sola viri formatione Mosem tunc fuisse loquutum, Vbi ergo Eux formationem docuit Moses si tunc non docuit quando illam de costa Adæ formatam esse dixit? Vel quomodo Thomas de vio scire potuit Euam perinde ac Adam de limo terræ fuisse formatam, si nunquam hoc sacra expressit scriptura? Nam & si pluries dicat Adam de limo terræ formatū, nunquam tamē hoc dixit de Eua, Nam in libro Genetis (vt modo diximus) de Adam loquitur & non de Eua. Et Tobias Iunior Deum orans, Tob. 3 ait: Tu fecisti Adam de limo terræ, dedisti que ei adiutorium Euam. Ecce audis Adam de limo terræ factum, sed non Euam. Et Salomō de primo homine patre orbis terrarum in lib. Sapientix loquēs, sic ait: Eduxit illū de limo terræ, & dedit illi vir Sap. 10 tutem continendi omnia. Ecce dicit Adam de limo terræ formatum, de Eua autē nihil tale dicit. Iste ergo qui negat Euam fuisse de costa Adæ formatā, ostendat nobis scripturam sacram quæ apertè nos doceat, illā aliunde fuisse factā, & cædimus illi. Quod cum illa facere non possit, oportet vt ille ecclesiæ aliud docenti cedat. Rursum, si illo secundo Gene'eos capite, vbi dicitur Euam fuisse eductam de costa Adæ, scriptura sacra, vt iste dicit, nō tractat de productione Eux, vnde Salomon scire potuit, Adam aliquando fuisse solum? Et Paulus vnde didicis

Adam primum fuisse formatum & postea Euam? Nullus est enim alius sacrae scripturae locus unde hoc Paulus discere potuisset, nisi iste. Deinde, ipsa Adae verba, quae cum formatam vi  
*Gen. 2* diffet mulierem, dixit, hoc apertissime ostendunt. Haec, inquit ille, vocabitur virago, quoniam de viro sumpta est. Ex quibus verbis constat Adam iuxta rei euentum mulieri nomen imponere voluisse, ut quemadmodum à viro mulier educta fuerat, ita à viri nomine nomen mulieris duceretur. Nam vir hebraice dicitur, Ise, mulier vero dicitur Isca: quam analogiam si nos sequi vellemus, à viro, vira diceremus. Quod quia latinus sermo hanc vocem, vira, non admittit, beatus Hieronymus quantum latini sermonis lex patiebatur, expressit, dicens, Virago. His ergo sic prae-notatis opus est diligenter aduertere quid dixerit Adam. Haec vocabitur virago, inquit ille, quoniam de viro sumpta est. In quibus verbis nomen mulieri imponens, illius etimologiam, & deriuationis rationem expressit. Nā Isca ab isc, deducitur: causam verò quare tale nomen mulieri tribuerit, statim reddidit, dicens: Quoniam de viro sumpta est. Praeterea, liber Geneseos historicus est, & ideo quae ibi dicuntur iuxta historiam in faciem literae sunt intelligenda. Nam etsi in sacris historijs ea quae gesta narrantur, mysteria alia sub literae cortice saepe contineant, semper tamen in illis veritas historiae prius iuxta grammaticam significationem accipienda est, deinde quaerendus est mysticus sensus. Nisi forte in ipsomet historiae contextu scriptor expresse moneat parabolicum esse quod refert, tunc enim ipsemet author cogit nos dicta sua parabolice intelligere. Tale est illud quod in libro Iudicum dicitur de lignis quaerentibus sibi regem, quod postquam Ioatham dixerat, statim ostendit fuisse ab eo parabolice dictum, cum parabolam ipsam declarauit. At cum liber Geneseos historicus sit, & nullam in hoc loco de parabola admonitionem faciat conuincitur haec omnia de Euae formatione non esse parabolice accipienda. Accedit ad haec, cōcors omnium sacrorum doctorum sententia, quae, ut in primo huius operis libr. cap. 7. docuimus, tanti est momenti, ut pro ecclesiae definitione sit tenenda. A Christo autē nato vsq; in hodiernū diem omnes fideles cōcorditer senserunt Heuam cunctarū gētium matrē fuisse de costa Adae formatā. Et quia sic omnes sensisse res est manifestissima. decreui illorū pro hac re testimonia non afferre, ne in re minime necessaria cartas implerē, & nimia pro lixitate lectorē onerem.

rem. Si quis autē aliquorū pro hac re testimonia desiderat, ostēdam illi loca vnde capere possit. Aug. lib. 9. super Gen. ad literā cap. 19. & lib. 12. de ciui. Dei. cap. 2. Chrysost. 15. homil. super Gen. Greg. lib. 30. moralium, cap. 24. Theophilact. super Paulū ad Ephel. 5. & prima ad Corinh. 11. Anselmus super eadē Pauli loca. Eucherius super Gen. cap. 20. & 21. Petrus Lombardus 2. sententiarū dist. 18. Et omnes scholastici Theologi qui post Petrum Lombardū scripserunt. Neq; apud solos fideles christianos hæc semper est recepta doctrina sed etiam apud doctos Iudæos. Nā Iosephus Iudæus vir quidē hebraicē & græcē doctissimus lib. 1. de antiquitatibus, cap. 2. de hominis productione disserēs. sic ait, Videns autē Deus Adam non habentē societatem ad fœminā neq; cohabitationē, cū vtiq; nō esset delectatus vt in aliis animalibus, quæ copulata videbantur, vna die eo dormiente, auferens costam eius, finxit ei mulierē: & Adam sibi coniunctā cognouit de se fuisse plasmātam. Isca verò Hebraica lingua mulier appellatur. Hæc Iosephus. Miror ergo tantam esse huius Thomæ Caietani audaciam, vt contra omnium Christianorum & Iudæorum concordem sententiam, docere non vereatur, quasi ille solus reliquis omnibus cæcutientibus, veritatem ipsam intelligere potuerit. Misera igitur ecclesia, quæ per tot secula in tanto errore permanserit, vt nō intelligeret quo pacto fuerit Eva formata. Scilicet expectandus erat Thomas de Vio, cui soli huius rei intelligētia fuerat à Deo seruata, vt per illā ecclesia ab errore quo hæctenus fuerat infecta reuocaretur. Si hoc ita esse credidit, oportebat vt aperta miraculorum operatione tam noua doctrina cōfirmaretur, quatenus nos illi obnoxios faceret. Et crederemus hoc esse illi à Deo reuelatū: At cū nullū tale miraculu in huius nouæ doctrinæ testimonium fecerit, etiā si nihil aliud esset quo tale dogma reuinci possit, sola nouitate viris doctis displicere debuisset. Adde, quod hæc assertio à viris sanctis ante multos annos fuit hæreseos nota signata, & hæretici ab illis censentur, qui tali adhæserint sententiæ. Beatus Hieron. super epistolam ad Philem. interpretans locum illū ex libro Exodi, Credit populus Deo & Exod. 19 Moyse seruo eius, sic ait: Vna atq; eadē credulitas in Moyse refertur & in Deū: vt populus qui credebatur in dominū, æquē credidisse dicatur in seruum. Hoc autem nō solum Moyse, sed in omnibus sanctis eius est: vt quicumque credidit Deo, aliter eius fidem recipere non queat, nisi credat & in sanctos eius. Non



est enim in Deū perfecta dilectio & fides, quæ in ministros eius odio & infidelitate tenuatur. Quod autem dico, tale est. Credit quispiam in conditorē Deum, non potest credere, nisi prius crediderit de sanctis eius, vera esse quæ scripta sunt: Adam à Deo plasmatum, Euā ex costa illius & latere fabricatā: Enoch trāslatum, Noe naufrago solū orbe seruatum. Et postquā multa alia similia opera retulit, tandem subiungit. Hęc & cætera, quę de sanctis scripta sunt, nisi quis vniuersa crediderit, in Deū sanctorum credere non valebit. Hęc Hieronymus. In quibus verbis id annotandum est, quod inter illa quæ dicit necessariò credenda esse, misceuit formationem Euæ ex costa Adæ, & si quis hoc non crediderit, illum non posse in Deum credere, dixit. Demum Innocentius tertius huius nominis pontifex, decernēs diuino iure prohibitum esse, plures simul habere vxores, huic sententiæ tanquam firmissimo fundamento innititur, quod ab initio vna costa in vnam fœminam sit conuersa. Habetur autē hoc Innocentij decretum in cap. gaudemus, extrā, de diuortiis. Sed opus est vt discutiamus rationes quibus ad hanc hæresim asserendam Thomas de vico Caietanus fuit motus, & illas nullius esse roboris ostendamus. Primò quidem obiicit, quod inuitabile absurdum incurritur (verba sunt illius) vel quòd Adam fuerit monstrū, ante sublatā ex eo costā, vel quòd fuerit mancus post sublatā ex eo costam: quorum vtrunq; manifestè absurdum: nihil autem absurdi in prima rerum productione asserendū esse, confessum est ab omnibus. Et patet sequela (inquit ille) quia si costa illa erat superflua homini, ergo monstruosus homo: Si verò costa illa necessaria erat homini, cōstat quòd illa sublata redditus est homo mancus. Hęc ille. Discutiamus ergo quantum momenti hæc ratio habeat. Si nos concederemus Adam ante ablatā ab eo costā esse monstruosum hominē, ille hanc sententiā refellit per hoc quod cōmunis omniū consensus contrariū docet. Sic enim ait: Nihil autē absurdi in prima rerum productione asserendum esse, confessum est ab omnibus. Si hæc argumentatio ex communi omnium consensu, tam valida est, vt sola illa ad euincendum sibi fuerit sufficiens, suo ipsius gladio illum faciliè confodimus. Nam concors omnium sententia est (vt iam ostendimus) Euā de costa Adæ fuisse forinatā, Fateatur igitur oportet se errasse, cū contra omniū sententiam dixit, Euam non fuisse de costa Adæ formatā. Nā ob eandem costam nos fateri renuimus Adam fuisse monstruosum

sum hominem ante ablatam ab eo costam, quia contra communem omnium doctrinam sentire non audemus. Sed tunc ille nos inuadit, vt cogat nos fateri fuisse monstruosum hominem, quia costa illa erat homini superflua, cum non esset necessaria ad humanæ conditionis subsistentiam, aut si necessaria erat oportebit concedere ipsum Adam post ablatam ab eo costam fuisse mancum. Hunc nodum dissoluit beatus Thomas in prima parte, quest. 92. articulo 3. dicens costam illam fuisse de perfectione Adæ, non prout erat indiuiduum quoddam, sed prout principium speciei: sicut semen est de perfectione generantis, non quidem vt homo, quia aliàs homo postquam semen fudit & semine exhausto non esset homo: sed est de perfectione generantis in quantum generans est. Ita etiam costa illa fuit in Adam ad modum seminis, quia fuit materia vnde formanda erat mulier, & sic illa fuit de perfectione Adæ quatenus ille erat principium totius humanæ naturæ. Sed ille adhuc vrget dicens: Si non fuit Adam ante costam ab eo ablatam monstruosum principium, quia costa illa in ratione principij erat illi necessaria, saltem oportebit concedere illum fuisse monstruosum hominem, quia in ratione hominis non erat illi necessaria. Neque hoc oportet concedere, sicut nec homo semen habens dicitur monstruosus, quamuis semen illud non sit de perfectione hominis. Nam etsi ad consistentiam indiuidui non sit necessarium, est tamen necessarium ad conseruationem speciei: & hoc satis est ne monstruosus homo dicatur. Quoniam indiuidua non solū id retinent quod ad suā consistentiam est necessariū, sed etiam illud quod est necessariū ad conseruationem speciei. Secundo sic arguit: Postquā scriptura dixerat Adam appellasse cuncta animantia nominibus suis, & vniuersa volatilia cæli & omnes bestias terræ, statim subdit, Adæ verò nō inueniebatur adiutor similis eius. Ex hac litera ille sic arguit: Si secundum literam hic locus intelligatur ridiculā inquisitionē significat. In cuius enim mēte, inquit ille, veriti poterat indubium, an inter aues inueniretur adiutor correspondens Adæ? Vnde huiusmodi diuina inquisitio introducta à Mose, dicendo: & non inueniebatur: ad hoc introducta est, vt intelligeremus formationem subsequutā mulieris ex costa viri, non esse iuxta sonum literæ intelligendam. Hactenus ille. O ridiculum argumentum & ex mero somnio & litera conficta deductum. Sacra siquidem scriptura non dicit Deum quæ-

fuisse inter aues aut bestias adiutorem Adæ, sed solum ait, Adæ non inueniri adiutorem similem eius. Fortè dicet per verba illa scripturam innuere, Deum quæsiuisse adiutorem similem Adæ, quia nihil inuenitur nisi quod prius quæsitum est. Esto, vt iuxta veram & legitimam vocis significationem, quicquid inuentum fuerit prius sit quæsitū, non tamen inde consequēs est, vt quod dicitur non fuisse inuentū, sit etiā ante quæsitum. Nam sicut ea quæ non fuerunt quæsitā, falso dicuntur iuxta grammaticorum regulas inueniri, ita verè dicuntur non inueniri: quia duo contradictoria de eodem negari non possunt. Si scriptura dixisset Deum inuenisse adiutorium simile Adæ, fortè inde colligi posset, Deum quæsiuisse prius tale adiutorium. At cum dixerit, Adæ non inueniri adiutorium simile eius, nescio qua fronte inde colligere nititur Deum quæsiuisse adiutorem Adæ? Quod ergo scriptura post nominatas bestias & aues, ait: Adæ verò nō inueniebatur adiutor similis eius, idē est ac si dixisset, Adam nō habebat adiutorem similem eius, quāuis aues omnes & bestiarū fœminas ex sua specie haberēt quibus possent ad aliorū generationē adiuuari. Et, vt illius argumētatio magis eneruetur, ostendā fac: am scripturā nō semper vt illa tam exactā vocis significatione: quoniam apud illam, multa dicuntur inueniri ab his, qui nullo modo ea quæsierunt. Et ex multis vnū & alterū scripturæ locū proferā. Dauid in Psal. 118. ait: Tribulatio & angustia innenerunt me. Certū enim est, tribulationem & angustiam & reliqua homini incommoda quæ minimè sentiunt, aliquem quærere non posse. Nullus siquidem quærit nisi id quod sentire potest, an ad quod naturalem habet inclinationem. Sed illud est multò manifestius quod dominus per Esaiam prophetam de Gentibus loquens ait. Quæsierunt me, qui ante me non interrogabant, inuenerunt, qui nō quæsierunt me. Tertiò iterum vt suum errorē nobis persuadeat Caietanus, arguit sic inquiring: Accedit ad idem textus Mosi de sexto die, in quo manifestè scriptum est, Masculū & fœminā creauit eos. Ex hoc enim quòd Moses scripserat mulierē creatam esse sexto die, & postea translato homine in paradysum describit eam ex costa viri formatam, aditum intelligēdi huiusmodi formationem ex costa, non propriè sed secundum similitudinem, dedit. Producta siquidem sexto die mulier, non esse intelligendum putauit quòd iterum produceretur. Hactenus nec vno mutato verbo Caietanus. Non possum certè nō mirari hominē aliqui doct

Esa. 65

qui doctum tantum desipuisse, ut nodum hunc dissolvere nesciuerit. Nam ex ignorantia consuetudinis scripturarum hic error illi obrepfit, Mos siquidem scripturae sacrae est, saepe aliqua breui compendio narrare, & postea ad eadem latius differenda redire. Nisi enim hunc esse sacrae scripturae morem fateamur, multa incommoda & fidei catholicae repugnantia cogemur asserere. Oportebit quidem asserere, ut Philaster Brixientis propter huius observationis ignorantiam asseruit, spiraculum illud vitae quod Deus in facie Adae inspirauit, non esse animam Adae: quoniam 1. Gene. cap. dictum erat Adam creatum esse à Deo ad illius imaginem & similitudinem, unde sequitur illum iam habere animam, quia iuxta illam & non iuxta corpus, erat Dei imago. Cum ergo iam tunc Adam animam habuisset, fieri non posse videbitur spiraculum illud quod postea dicitur Deum illi inspirasse, esse animam. Oportet igitur iuxta hanc Caietani argumentationem, spiraculum illud non iuxta literam, sed parabolicè intelligere, ne anima bis producta esse dicatur. Verum hoc non ita esse nos Deo duce, infra ostendemus in titulo de anima, haeresi. 2. Oportebit etiam concedere si illa Caietani argumentatio valeret, hominis formationem de limo terrae, non esse ut litera sonat intelligenda, ne Adam bis creatus esse dicatur. Nam sicut capite 1. libri Geneseos Moyses dixerat foeminam esse creatam. ita etiam dixerat virum esse à Deo creatum. Masculum, inquit ille, & foeminam creauit eos. Et cap. 2. sicut de Euae formatione describit, dicens illam esseeductam de costa Adae, sic etiam de Adae productione tractat, docens illum de limo terrae fuisse formatum. Ne igitur Adam bis productus esse dicatur, oportebit, iuxta Caietani argumentationem, dicere illa in Adae productionem esse parabolicè intelligenda. Nos tamen hos & plures alios similes nodos facile dissoluimus attendentes ad sacrae scripturae morem, quae saepe ad ea, quae iam semel sub compendio dixerat, redit ut apertius & fusius illa narret. Fatemur quidem Euam sexto die à Deo fuisse creatam sicut Adam. Sed quia utriusque formationem, hoc est, viri & mulieris cum varia fuisset, Moyses illo primo capite non exprefferat, ideo iterum 2. cap. sigillatim utriusque sexus productionem dicere decreuit. Non igitur bis productam mulierem dicit Moyses, quamuis verba illius iuxta literae sonum accipiantur: sed quae semel obscurius ab illo dicta fuerant, iterum eadem repetit ut apertius & plenius illa referantur. Hanc autem esse veram & gratam illius literae expositionem confirmo  
testim



testimonio beati Augustini, qui libro sexto super Genesim ad literam cap. 2. ita inquit: Iam ergo de limo formatus erat, & illi iam soporato mulier ex latere iam facta erat, sed hoc tunc commemoratum non erat, quod nunc recapitulando commemoratum est. Neque enim sexto die factus est masculus, & accessu temporis postea facta femina: sed fecit eum, inquit, masculum & feminam fecit eos, & benedixit eos. Quo modo ergo iam hominem in paradiso constituto, mulier ei facta est? An & hoc praetermissum scriptura recoluit? Nam sexto illo die etiam paradisi plantatus est, & ibi homo collocatus est, & soporatus est ut Eva formaretur, & ea formata euigilauit, ei que nomen imposuit. Sed haec nisi per temporales moras fieri non possent. Non itaque ita facta sunt, sicut creata sunt omnia simul. Haecenus Augustinus. Ex his igitur omnibus clarissime patet quam vana & futilia sint argumenta quae Caietanum mouerunt ut contra omnes catholicos doctores sentiens in hunc pestiferum incideret errorem. Et certe prudentius ille egisset si suam fateretur ignorantiam dicens se nescire talibus argumentationibus respondere, quam propter illa contra omnium concordem sententiam praesumere.

## ANGELVS.

*Hermannus  
Rissuich.*

Circa angelorum materiam vnum praecise errorem apud eos quos euolui authores inuenio, qui asserit angelos non esse creatos à Deo, siue bonos, siue malos. Huius erroris primus author ex eis qui Christum semel professi sunt in baptismo (nam aduersus hos solos arma sumpsimus) fuit Hermannus Rissuich. Hic (ut refert Bernardus de Lurzburgo in suo catalogo haereticorum) homo Batauus, siue (ut vulgari vocabulo utar) Hollandrinus fuit, qui in multos errores lapsus est: tandem cum poenitentia duceretur, & palinodiam cantaret, misericordiam cum aliqua iustitia consecutus est, perpetuo carceri damnatus, anno domini 1502. Verum cum postmodum carceres euassisset, in priorem demetiam relapsus est, & multa etiam peiora quam prius effutiuit. Propter quod iterum captus anno domini 1512. per inquisitores prauitatis haereticæ damnatus est, & curiae seculari traditus, & ex eius mandato combustus est. Ex his ergo erroribus in quos Hermannus iste prolapsus est, hic est vnus quo asserit angelos siue bonos siue malos à Deo non esse creatos, quia (ut inquit) nusquam hoc scriptura asserit. Hic manifestus est error: quoniam de angelo malo clarè dicitur in libro

libro Iob, Ecce Behemoth, quem feci tecum. At nomine Behemoth, ut Hieronymo & Gregorio placet, nullus alius intelligitur quam dæmon. Et in eodē libro de eodē dicitur, Ipse est principium viarum Dei. Quod exponens beatus Gregorius ait, *Ibidem. 3* Quid enim vias Dei nisi eius actiones accipimus, de quibus per *Esa. 55* prophetam dicit, Non enim sunt viæ meæ sicut viæ vestræ. Et principium viarum Dei Behemoth dicitur, quia nimirum cum cuncta creans ageret, hunc primum condidit, quem reliquis angelis eminentiorē fecit. Hæc ille. Et apud Ezechielem prophetā *Exec. 31* sub nomine Aliur regis de eodē dæmone dicitur: Omne lignum paradisi non est assimilatum illi, & pulchritudini eius quoniam speciosum fecit eum in multis condensisq; frondibus. Qui in multis condensisq; frondibus speciosus esse factus describitur, quia multis supernorum spirituum legionibus superior creatus est. Præterea de omnibus angelis dicitur, Qui facit angelos suos *Psal. 103* spiritus. Per hæc enim prophetę verba beatus Paulus in ea quæ est ad Hebræos epistola ostendit Christum Dei filiū esse angelis superiorem, quod scilicet Deus angelos fecerit, Christus autem factus non sit. Sic enim ait: Et ad angelos quidē dicit, Qui *Heb. 1* facit angelos suos spiritus, & ministros suos flammam ignis. Ad filium autem, Thronus tuus Deus in seculum seculi. Quæ verba exponens Theophylactus, Angeli, inquit, creati sunt, & ad eos illud refertur, qui facit. Filius verò nequaquam creatus est, nec de eo illud, qui facit, est dictum: quia potius rex ille & dominus & Deus est, quod planè thronus iste testificatur, qui principatus est & imperij argumentum. Hæc Theophylactus. Accedit ad hæc quod dicitur apud Ioannem, Omnia per ipsum *Ioan. 1* facta sunt, & sine ipso factum est nihil. Aut ergo angelos esse factos à Deo concedat, aut ipsos esse nihil fateatur oportet. Ex manifesta igitur scripturæ ignorantia provenit dicere non posse colligi ex scriptura, angelos esse factos à Deo. Deniq; contra hanc hæresim est expressa ecclesiæ definitio. Nam concilium Lateranense sub Innocentio tertio celebratum, talem protulit definitionem, Vnum vniuersorum principium, creator omnium visibilium & invisibilium, spiritualium & corporaliū, qui sua omnipotenti virtute simul ab initio temporis utranq; de nihilo condidit creaturam, spiritualem & corporalem, angelicam videlicet & mundanam. Hæc concilium Lateranense. quæ verba habentur in volumine Decretalium titu. de summa trini. & fide catho. cap. firmitur.

ANIMA.

## ANIMA.

**I**Nter illa quæ in hac luce sub cælo nobis incognita sunt & magis abstrusa, anima nostra est, adeò vt verè propter illà dicat beatus Bernardus, Ex meipso cognosco quòd Deus incòprehensibilis est, quia meipsum non comprehendo. Cui dicto *Psal. 138* Bernardi quodammodo assentire videtur illud regij prophetae, Mirabilis facta est sciētia tua ex me. Miratur quidem propheta Dei sapientiam quàm magna sit, ex seipso. Ex hoc enim quòd seipsum homo nō cognoscit, qui tamen se credit aliquid scire, iustum est vt miretur scientiam illius qui omnia nouit, & nihil absconditum est ab oculis eius. Ex hoc ergo tam obruso intellectu animæ circa seipsam cognoscendam, euenit vt plures de eius substantia eiuſq; qualitibus orti sint errores. Omitto eos quos philosophi gentiles amplexati sunt: non enim contra eos nunc agimus, sed contra eos qui Christianam philosophiam doctrinamque euangelicam sectari se iactant. Qui errores non iuxta ordinem temporum quibus orti sunt, sed prout materia ipsa iuxta ordinem doctrinæ exigit, describentur. Primus ergo error est, qui negat animam rationalem esse formā corporis humani, non absolute, sed inquantum rationalis est. Concedit quidem animam rationalem esse formam corporis: non tamen sub hac ratione qua rationalis est, quia per hanc rationem non potest informare corpus. Huius erroris patronus esse dicitur quidam Petrus Ioannis, qui multos errores abbatis Ioachim, de quo postea dicemus, suscitauit. Tempore Clementis papæ huius nominis quinti. Ad istum ergo errorem oppugnandum, quoniam de re non in vniuersum theologia est sermo, ne in ambiguo laboremus, id primum scire oportet, quid sit forma. Forma est quæ dat esse rei, quæ, scilicet adueniens materiæ, dat esse ipsi substantiæ, & iuxta quam fit specierum differentia, quoniam materia vna est eadēque specie in omnibus substantijs corporeis. Quòd ergo vna res ab alia differat specie, varietas formæ est in causa, quoniam ab illa præcipue res capit esse, perfectioque ipsius iuxta illam pensatur. Secundum hanc ergo formæ assignatam rationem manifestus est error, negare animam rationalem esse formā corporis humani etiā inquantum rationalis est. Ex eo nāq; sequitur hominem ipsum minimè rationalem esse quod est hæreticum. Nam quòd homo rationalis sit, aut habet à forma, aut à materia. non enim aliunde illi aduenire potest, cum esse rationalem non acciden-  
taliter

Petrus Io-  
annis.

Forma

taliter illi adsit, sed essentialiter. partes autem essentielles nullas alias habet præter materiam & formam. A materia certum est non oriri quòd homo rationalis sit, cū hac ratione omnes substantias quæ similem habent cum homine materiam, oportet esse rationales. Prouenit ergo à forma sua quòd homo rationalis sit. nam illa est, iuxta definitionem datam, à qua res suam habet perfectionem. At iuxta Petri Ioannis dictum anima rationalis in quantum rationalis est, non est forma corporis. ergo ab illa homo non habet quòd sit rationalis, quia sub illa ratione, ut inquit, non est forma. A nulla ergo sua parte essentiali habet quòd sit rationalis, postquam nec à materia, nec à forma. nō esset ergo simpliciter iuxta dictum illius, homo censendus rationalis. Rursus. Si anima in quantum rationalis est, non est forma corporis humani, ergo nec pars aliqua essentialis hominis: quoniam cum non sit materia, non est aliqua quæ esse possit. Quod si sub hac ratione pars hominis non est, erit ergo ab homine necessario separandum quicquid perfectionis sub hac occasione illi tribui solet, quoniam ab exteris non capit perfectionē suam. Propter hanc enim causam homo imago Dei dicitur, quia imaginem in anima impressam esse ab omnibus conceditur hac sola ratione, quā rationalis est. Non esset ergo homo imago Dei dicendus. Non esset etiam dicendus liber, quoniam sublato ab homine eo quòd rationale dicitur, etiam oportet separare ab eo id quod est liberum, quoniam libertas sine ratione esset nequit. Quod si libertatem ab homine tollas, nulla est via per quam mereri aut demereri possit: quoniam id quod liberum non est, nunquam à Deo imputatur siue ad pœnam, siue ad gloriā. Erit ergo necessario cōcedendum animam rationalem etiam in quantum rationalis est, esse formam corporis humani. Hic error damnatus est in concilio Viennensi sub Clemente 5. Cuius concilij definitio ponitur in lib. epist. Clementinarum tit. de sum. tri. & fide catho. cap. vnico, sub his verbis: Porro doctrinam omnem seu positionem temere asserentem aut vertentem in dubiū quòd substantia animæ rationalis seu intellectiux, verè ac per se humani corporis non sit forma, velut erroneam ac veritati catholicæ fidei inimicam prædicto sacro approbante concilio reprobamus, definientes, ut cunctis nota sit fidei synceræ veritas, ac præludatur vniuersis erroribus aditus, ne subintrent, quòd quisquis deinceps asserere, defendere seu tenere pertinaciter præsumperit, quòd

*Conciliū  
Viennense.*



quod anima rationalis seu intellectiua non sit forma corporis humani per se essentialiter, tanquam hæreticus sit censendus. hucusque concilium Viennense.

**S**ecundus error, si modo error dici meretur, est, docens spiraculum quod Deus spirauit in Adam, esse ipsam animam. Hæc assertio recitatur à Philastro inter hæreses, nullo tamen nominato illius assertionis authore. Tamen salua  
*Gen. 1* eius reuerentia, non video cur hanc assertionem hæresis nota signauerit. Primò quidem reperio hanc esse doctrinam plurium verè catholicorum doctorum asserentium spiraculum illud quod spirauit in faciem hominis, esse animam hominis, quam tunc aut insufflando creauit, aut creando corpori insufflit. Vnde Chrysostomus homil. 11. super Genesim ait, Et vt doceat nos quod formatum illum de terra misericordia domini, & rationalem animæ essentiam habere voluerit, per quam animal hoc absurdum & perfectum fieret: Inspirauit (inquit) in faciem eius spiraculum vitæ. Vitalem dicere vult operandi efficaciam, ei qui de terra formatus est, spiraculum datum esse, & hoc substantiam animæ constitutam. vnde subdit: Et factus est homo in animam viuentem. Hæc Chrysostomus. Hoc etiam expressius dicit Eucherius, qui libro primo super Genesim sic ait, Ideo dicta est spiraculum vitæ, quia & iste aer plerunque dicitur spiritus: sed tamen spiritus vitæ non dicitur, quia caret vita. Queritur autem vtrum Deus animam insufflando fecit: an eam quam fecerat, corpori dando potius insufflauit? Vtrunque enim puto esse, nec habere aliquid quæstionis, quomodo siue in sufflâdo fecerit animam, siue creando donauerit, nec de aliquo flatu suo, nec de seipso, sed ex nihilo, aut sufflando creauit, aut creando corpori insufflauit: non quia illud spiraculum conuersum est in animam viuentem, sed operatum est animam viuentem. Hucusque Eucherius. Hoc idem dicunt Hugo cardinalis & Nicolaus Lyranus in suis expositionibus super Genesim: quorum dicta nolui hic inferere, quia eorum libri passim habentur. Hi tamen omnes viri catholici sunt. Iam opus est vt respondeamus his quæ pro se Philaster adducit. Primò enim ait inspirationem esse diuini spiritus quandam gratiam, ac propterea dicit spiraculum illud esse gratiam datam animæ Adæ post eius creationem, quemadmodum, vt ait, Apostolis post resurrectionem insufflans, dixit: Accipite non animam, sed spiritum sanctum, Deinde adducit ex scriptura, nomine spiritus gratiam

*Ioan. 20*

gratiam Dei designari, vt in primo Regum legitur de Saul <sup>1.re.16</sup>  
 quòd recessit ab eo spiritus Domini, & immundus spiritus fa- <sup>Sapi.1</sup>  
 tigabat eum. Et quod alibi legitur, in malignam animam non  
 intrare spiritum sapientiæ. Certe hæc omnia parum vrgent, &  
 in æquiuoco laborat. Ex ignorantia siquidem multiplicis si-  
 gnificationis huius nominis spiritus procedit. Aliquādo enim  
 aer in scriptura vocatur spiritus, vt ibi, Spiritus procellarū pars  
 calicis eorum. Et alibi, Dixit & stetit spiritus procellarum. Et <sup>Psal. 10</sup>  
 iterum in tertio Regum, Ecce dominus transit. & spiritus gran- <sup>Psal. 106</sup>  
 dis & fortis subuertens montes, & conterens petras ante Domi- <sup>3.Re.19</sup>  
 num, non in spiritu Dominus. Aliquando etiam omnis anima,  
 siue ea rationalis sit, siue irrationalis, vocatur spiritus, vt in Ge-  
 nesi legitur, Mortua est omnis caro quæ habebat in se spiritum  
 vitæ. Aliquādo sola anima rationalis vocatur spiritus. Sic enim  
 de Christo legimus, Inclinato capite emisit spiritum, id est ani-  
 mam, quam ipse propria potestate emisit, sicut prius dixerat,  
 Potestatem habeo ponendi animam meam. & iterum sumen-  
 di eam. Aliquando etiam sumitur spiritus pro tertia persona  
 diuina. hoc autem rarissime inuenitur, vt absolute nomen spi-  
 ritus pro deo sumatur, nisi cum quadam contractione, vt  
 puta dicendo, spiritus Domini, aut spiritus sanctus. Adæ  
 ergo datum est spiraculum vitæ id est, anima. quod manife-  
 ste conuincitur per id quod subiungitur, & factus est ho-  
 mo in animam viuentem. Per hoc enim homo factus est ani-  
 mal viuens, quòd Deus spirauit in faciem eius spiraculum vi-  
 tæ. In Apostolis autem, cum insufflat & dicit, Accipite spiri- <sup>Ioan. 20</sup>  
 tum sanctum: non addit scriptura, & facti sunt in animas viuen- <sup>Ioan. 10</sup>  
 tes, sicut de Adam dixerat. ideo flatus ille non ad vitæ natura-  
 lis donationem referendus est, quemadmodum cum spirat in  
 faciem Adæ, sed ad vitæ spiritualis, hoc est gratiæ cuiusdam lar-  
 gitionem. Magnum est ergo discrimen inter eum flatum quo  
 spirat Deus in faciem Adæ, & eum quo in Apostolos spirauit:  
 quoniam hic ad spiritualem quandam vitam, ille vero ad vitā  
 naturalem quæ per animam fit, referendus est. quod ex beati  
 Pauli verbis apertè conuincere licet, qui ait, Factus est primus <sup>1. Cor. 15</sup>  
 homo in animam viuentem, nouissimus autem Adam in spi-  
 ritum viuificantem. Ibi enim Paulus discrimen ponit inter pri-  
 mum & secundū Adam scilicet Christum. Quod si spiraculū  
 illud quo primus homo factus est in animā viuentē, esset quæ-  
 dam spiritualis gratia, esset etiam primus homo factus in spi-

Gene. I

ritum viuificantem: atq; ita non esset tale inter eos quale Paulus assignat discrimen. Si autem adhuc contédât per hoc quòd scriptura asserere videtur hominem integre formatum antequam inspirasset in faciem eius Deus, ergo ante spiraculum illud oportet quòd homo habeat animam, eò quòd homo sine anima esse nequit. Sic enim scriptura ait, Formauit Deus hominem de limo terræ. ecce hominem iam formatum: & cōtinuo subditur, & inspirauit in faciem eius spiraculum vitæ. Ex quo videtur aliud esse spiraculum, aliud autem anima. Quibus respondemus concedentes hominem sine anima esse non posse: his tamen non obstantibus, quotidiani quadam lege sermonis dici solet. talis homo est in gloria, cum tamen sola anima ibi nūc quiescat. hoc aut illo loco homo ille sepultus est, cum tamen hoc ad solum corpus referri possit. Nec istum modum loquendi abhorrent sacræ literæ. Nam animam sæpe interiorē hominem vocant, corpus verò exteriorē, tanquam duo sint homines, cum simul utrūque vnus sit homo. Ex hoc igitur negotio argumentum sumere licet, non esse facilē de hæresi pronuntiandum, etiam si testimonium adsit alicuius viri quantumlibet docti. Nam beatus Augustinus in prologo sui lib. de hæresi. ad Quod vult Deum, testatur hunc Philastrum multas assertiones inter hæreses annumerasse, quæ minime hæreses censendę sunt. Et quantum ad hanc assertionem spectat, in lib. 13. de ciui. dei cap. 24. irridet eos qui credunt spiraculum quod spirauit Deus in faciē Adæ, esse quandam gratiam animæ Adę collatam, & non potius ipsam animam.

Tertia de hac re hæresis est quæ docet hominis animā esse prius formatam quā corpus. Hunc errorem beatus Hieronymus tribuit Ioanni episcopo Hierosolymitano in quadam epistola quam scripsit ad Pammachium aduersus errores præfati Ioannis. In eundē errorem lapsus est Philaster Brixienfis, qui tã firmiter illi adhæsit, vt in suo libello de hæresi. dicat esse hæresim, asserere prius esse corpus Adę formatum, deinde animam creatam & illi insertam. Et hanc suam sententiā Philaster persuadere conatur per id quod in lib. Geneseos cap. 1. dicitur: Et creauit Deus hominem ad imaginem suam. Quia enim iuxta animam homo est imago Dei, & non iuxta corpus, putauit Philaster tunc de animæ creatione solum agi. Cum autē in 2. cap. eiusdem libri dicitur, Formauit igitur Dominus Deus hominem de limo terræ, tunc credit de sola corporis formatione

Mosē

Mosē loqui. Et hac ratione motus cenſet fide tenendum eſſe, prius animam creatam eſſe, & corpus deinde plasmatum. Ex praua ergo ſcripturæ intelligentia hæc hæreſis, ſicut aliæ, oritur. Non enim intellexit bonus ille homo, quòd utroque illo loco ſcriptura loquitur de totius hominis formatione: & ſcripturæ ſacræ morem eſſe, aliqua per anticipationem ſemel ſub compendio dicere, & poſtea ad illa longius differenda redire. Dixerat enim prius hominē eſſe à Deo ad ſui imaginem creatum: ſed vnde factus fuerat, an ex nihilo, non dixerat. Ideo 2. ca. iterum hominis formationem repetit, vt largius & expreſſius de ea loquatur. Nam quòd. 1. cap. non de ſolius corporis, ſed de totius hominis formatione fiat ſermo, ipſe verborum ordo ſatis apertè indicat. Sic enim ait: Et creauit Deus hominem ad imaginem ſuam: ad imaginem dei creauit illum: maſculum & fœminā creauit eos. Ecce vides ſexus diſtinctionem, maſculum videlicet & fœminā. At hæc ſexus diuerſitas in corpore ſita eſt, non in anima: quo ſit, vt tunc ſit corpus formatū, cum ſexus diſtinctio exprimitur. Quòd autem prius ſit corpus formatum, deinde anima creata, verba quæ in ſecundo cap. narrantur, ſatis aperte oſtendunt. Hæc enim referunt. Formauit igitur Dominus Deus hominem de limo terræ: & inſpirauit in faciem eius ſpiraculum vitæ: & factus eſt homo in animam viuentem. Cum dixit hominem formatum de limo terræ, corpus hominis expreſſit: quoniam anima non eſt facta de limo terræ, ſed corpus. Dicens, inſpirauit in faciem eius ſpiraculum vitæ, animam declarauit: quoniam hæc (vt in præfata hæreſi docuimus) eſt ſpiraculum vitæ quod Deus inſpirauit in faciem Adæ. Cum ergo conſtet ex ipſius literæ decurſu, prius fuiſſe hominem formatum de limo terræ, & poſtea in faciem illius Deum inſpiſſe ſpiraculū vitæ, conuincitur inde, corpus fuiſſe prius plasmatum, & deinde animam fuiſſe à Deo creatā. Hanc eandem ſententiam confirmat beatus Hieronymus in præfata epi. ad Pammachium, ſic inquiens: Si fuit anima antequam Adā in paradifo formaretur, in quolibet ſtatu & ordine & vixit, & egit aliquid (neq; enim poſſumus in corporalem & æternam in modū glirium immobilem torpentemq; ſentire) neceſſe eſt vt aliqua cauſſa præceſſerit, cur quæ prius ſine corpore fuit, poſtea circumdata ſit corpore. Et ſi animæ eſt naturale, eſſe ſine corpore, ergo contra naturā eſt eſſe in corpore. Si contra naturā eſt eſſe in corpore, ergo reſurrectio corporis contra



naturā erit. Sed non fiet resurrectio contra naturam, ergo iuxta sententiam vestram, corpus quod contra naturam est resurgēs, animam non habebit. Hæc Hieronymus, qui non solum quæ diximus asserit, sed argumentis pluribus nostram, hoc est catholicam sententiam confirmat. Deniq; Leo papa huius nominis primus de hac re sententiam protulit. Nam in quadam epistola ad Astorigensem episcopum, quæ est in ordine 71. in qua errores Priscilianistarum damnat, postquā decimo loco recensuit quendam illorum errorem, quo dicunt animas hominum prius in cælo fuisse, & inde propter sua peccata fuisse delapsas, & humanis corporibus insertas, hæc verba subnectit: Quā impietatis fabulam, ex multorum tibi erroribus texuerunt: sed omnes eos catholica fides à corpore suæ unitatis absceidit, constanter prædicans atq; veraciter, quod animæ hominum priusquam suis inspirarentur corporibus, non fuere: nec ab ullo incorporantur, nisi ab opifice deo, qui & ipsarū est creator, & corporum. Hæc Leo papa, vir quidem sanctus iuxta ac doctus. Et de hac re pro illius qualitate satis me dixisse arbitror. Aduersus hanc hæresim nullum alium scriptorem reperi præter beatum Hieronymum in ea epistola quam supra citauimus. quo loco non plura aduersus illam dicit quàm paucula illa quæ proximè præfati sumus.

*Gnostici.* Quartus error astruit animam esse aut dei substantiam, aut ex dei substantia. Hoc monstrum inuentum est quorundā hæreticorum, qui Gnostici sunt appellati vocabulo à scientia, quā iactabant, confictio. Horū principem alii alium tradunt. Philaster siquidē asserit eos à Nicolao diacono, de quo in Actis apostolicis fit mentio, duxisse originē. Irenæus autem in lib. 1. aduersus hæreses cap. 24. eorum authorem fuisse Carpocratem asserit: de quo postea dicemus. Irenæo magis crediderim, eò quòd doctior, diligētior, atq; vicinior illis temporibus fuerit. Hūc eundem errorē postea suscitauerunt Manichæi, quorum dux fuit.

*Manichæi.* Manes quidam, iuxta nomē suum insaniens, nā *μανικός* Græcis insanire significat. Quare discipuli eius in Græcia (vt ait August.) nomen insanix, quasi doctiores, & eo ipso mendaciores, vitantes, geminata n, Mannicheum, quasi manna fundentem, pro Manichæo, id est insano appellauerunt. Hic igitur Manes natione Persa, vita & moribus barbarus fuit, tam acer ingenio, vt insanire, vel dæmone adimpleri videretur: atque instinctu dæmonis agitatus inuisam & execrabilem omnibus hæresim

resam docuit. Christum se esse mentitus est, ipsum etiam paracletum se esse aliquando dicebat. Elatus itaque hac infania, ad similitudinem Christi, 12. discipulos eligens, ad predicandum mittebat. dogmata stulta & impia, a diuersis hæreticis qui iam prius extincti fuerat, mutuata, seminauit, & nostro orbi Persica venena propinauit. Ex hoc ergo Manete, Manichæorum hæresis orta est, tempore Probi Imperatoris, & Felicis papæ: quæ hæresis valde ecclesiâ infestauit, & longo tempore durans plures prouincias infecit. Ab his enim numerosa hæreticorū colluies progreditur: Multi namq; hæretici sub hac hæresi militarunt, quāuis aliis nominibus appellati sunt. Ad Manichæos siquidem pertinent Audiani, ab Audeo Syro sic dicti, de quo *Audiani.* agitur memoria lib. 7. hist. tripartitæ, cap. 11. Apocaritæ, *Apocarita* Brachitæ, *Brachita.* Decartitæ, *Decartita* Tascogrogitæ, *Tascodrogita.* Tefalitæ, *Tefalita.* Tetraditæ, *Tetradita* de quibus omnibus fit mentio. C. de hæreticis & Manichæis. alii etiā plures viri alioqui docti, vt Faustus, Felix, contra quos diuersas habuit beatus Aug. disputationes, diuersosque scripsit tractatus. Hi ergo Manichæi cōuenerunt in vnum cum Gnosticis aduersus dominum, & aduersus fidem, quam ille per Apostolos & prophetas nos docuit: dicentes, animam hominis esse dei substantiam. Contra hunc errorem est primo illud, quod paulo ante pertractauimus ex lib. Geneseos, Formauit Deus hominē de limo terræ, & spirauit in eo spiraculum vitæ. quod spiraculū superius ostēdimus esse animam ipsam, per id quod subditur, Et factus est homo in animā viventem. Si anima ergo est illud spiraculum quod spirauit Deus in faciem Adæ, sequitur eā non esse de dei substantia, quē admodum flatus ex ore hominis prodiens non est de substantia hominis, sed ex aere circumfuso. Sicut ergo nos possumus non de nostra natura qua homines sumus, sed de isto aere circumfuso, quē inspirando & respirando trahimus & expellimus, flatū facere cum sufflamus: ita omnipotens Deus, nō de sua natura, neq; de subiacenti materia, sed etiā de nihilo potuit facere flatū, quem corpori hominis inserendo, inspirasse vel insufflasse conuenientissime dictus est. Quod si forte ex hoc cōtendant animam esse æqualē cum Dei sapientia, de qua dicitur, Ego ex ore Altissimi prodii: huic obiectioni respondemus quod non dicitur sapientiam ore Dei efflatam fuisse: sed ex ore eius prodiiisse. Deinde non omnia quæ ex Dei ore prodeunt, oportet ea æqualia esse. Nam in Apocalypsi legimus Dominum dicētem cuidam, Vtinā frigidus aut calidus *Apo. 3*

esses: sed quia tepidus es, & nec frigidus nec calidus, incipiam te euomere ex ore meo. Præterea si animam Deus ex sua substantia fecisset, sitq; anima eiusdem substantiæ cuius est Deus, necessarium est ut easdē habeat proprietates quas Deus: quæ admodum pater & filius, videlicet Ioannes & Petrus, quoniam eiusdem sunt substantiæ, in eadēmq; sunt specie, easdem etiam habent proprietates, præcipuè eas quæ naturaliter adsunt, & minime separari possunt: ut gratia exempli si vnus rationalis, & alter: si vnus risibilis, & alter: si vnus mortalis, & alter. At multæ sunt proprietates quas Deo necessario tribuimus, quæ animæ nullo pacto conuenire possunt. Deus enim est omnipotēs, anima autem nostra non solum non potest omnia, verum paucissima sunt quæ potest. Deus est immutabilis, iuxta illud, Ego Deus, & non mutor. & alibi, Apud quem non est transmutatio, nec vicissitudinis obumbratio. In anima autē nostra quot sunt bone Deus mutationes? Modo hilaris, modo tristis: modo iracunda, modo mansueta: aliquando vult, aliquando idem nō vult: modo aliquid amat, postmodum illud idem odio prosequitur: nunc vitij dedita, nunc virtutibus studens. Non enim immeritò dixit Iob, nunquam in eodem statu hominem permanere: quod non minus verum est de anima, quàm de corpore. Si ergo hæc animæ conueniunt, quæ necessario Deo repugnant, consequens est animam non esse eiusdem substantiæ cū Deo, nec aliquo modo ex substantia diuina procedere. Verum post hæc omnia audiamus quid ecclesia in hac re definierit, quoniam iuxta superius dicta, ecclesiæ definitioni velut diuino oraculo obediendum est. Concilium siquidem Braccaren. primum ca. 5. suorum Decretorū sic definit: Si quis animas humanas vel angelos ex Dei credit substantia extitisse, sicut Manichæus & Priscillianus dixerunt, anathema sit. Ne ergo cū Manichæis & Priscillianistis anathemati aliquis subiaceat, ecclesiæ obediat oportet, dicenti animas à Deo creatas esse non ex Dei substantia, aut ex subiacenti materia. sed ex nihilo. Et Leo primus huius nominis pontifex epistola septuagesimæ prima cap. 5. sic ait: Quintò autem capitulo refertur, quod animam hominis diuinæ asserant esse substantiæ, nec à natura conditoris sui conditionis nostræ distare naturam. Quam impietate ex philosophorum quorundā & Manichæorum opinione manantē, catholica fides damnat, sciens nullam tam sublimem tamque præcipuam esse facturam, cui Deus ipse natura sit. Hæc Leo papa.

papa. Et multa alia ad hanc rem pertinentia eo loco dicit, quo de Priscillianistarum erroribus tractat.

Quintus error est qui docet animas non creari à Deo. Hic autem error adhuc diuisus est, sicut solenne est hæreticis nūquam tenere vnitatem. Quidam enim dicunt animas factas esse ab angelis, factasque ex igne & spiritu. Huius erroris authores fuerunt Seleucus & Hermias Galatæ, vt ait Philaster, à quibus Messalianorum hæresis orta est, vt dicitur in 7. lib. histo. tripartitæ. cap. 11. Alij autem dicunt animam filij fieri ab anima patris, quemadmodum corpus ex corpore. Huius erroris autor extitit Tertullianus, vt ait beatus Aug. in lib. de hæresibus. ad Quod vult Deum. cap. 86. Quis autem is fuerit, qualisque eius doctrina, cum ex alijs, tum etiam ex lib. illustrium virorū beati Hieronymi plenius discere potes. Huius sententia est, animam hominis esse corpoream, quamuis immortalem & ex anima patris velut corpus ex corpore generari. Hunc errorem docuit Apollinaris quidam Alexandrinus, de quo fit mentio in 5. lib. historię tripartitæ, cap. 44. Hunc eundem errorem tenent Luciferiani, à Lucifero quodam Caralitano episcopo eorum principe sic nominati, de quo in x. libro historię ecclesiasticę per Ruffinū addito fit mentio, nec tamē iste error illi ei tribuitur. Verū Guido carmelita dicit hunc errorem esse Luciferianorum: nescio tamen quos authores in hac parte secutus sit: quoniam beatus Augustinus in libro de hæresi. ad Quod vult Deū. cap. 81. de eis differens, dubius est in primis an sit hæc eorum assertio. Deinde etiam dubitat an dato quod eam tenuerint, propter illam censendi essent hæretici. Et de Tertulliano loquens loco proximè citato, cumque errorem hunc illi tribuat, dicit tamen non propter assertionem hanc esse clamatū hæreticum, sed quia ad Cataphrygarum sectam accedens, secundas nuptias velut adulteria damnauerit. Nam idem beatus pater Augustinus sæpissimè anceps est & dubius, quid de animæ origine sentiendum sit. Credit enim (vt ipsemet fateatur in epistol. de hac re ad Hieronymum per Orosium presbyterum missa, & in epistola ad Optatum) animas à Deo creari, & non ex traduce velut corpus generari: an autem ad hoc credendū fides catholica nos cogat, ipse dubitat: quoniam (vt ait) nullus est sacrę scripturæ apertus locus, qui hoc conuincat. Si enim quis afferat illud Psalmi: Qui fingit spiritum hominis in ipso: & illud, Qui sinxit sigillatim corda eorum: his

*Seleucus.*

*Hermias.*

*Messaliani.*

*Tertullianus.*

*nos.*

*Apollinaris.*

*ris.*

*Luciferiani.*

*ni.*

*Psal. 31.*



duobus testimoniis responderi potest, quod fingere dicimus eū qui ex præexistenti materia aliquid facit: sicut solemus appellare figulos eos artifices, qui ex massa terrea vasa conficiunt. ac proinde quāuis ex illis autoritatibus optimè cōvincatur hēre sis dicēs animas nō creari à Deo, sed ab angelis, vt dixerunt Seleucus & Hermas: non tamen conuincitur eas à Deo produci ex nihilo, quoniā fingere id nō sonat. Magis siquidem est creare quā fingere, & tamen nō semper creare in sacris literis sumitur pro eo quod producere ex nihilo: quod vel ex eo loco psal-  
*Psal. 50* mi patere potest vbi dicitur, Cor mundū crea in me Deus. Nā  
*Psal. 103* ibidē creari petit anima, quæ iā existit. Et in alio loco dicit: Emitte spiritū tuū, & creabūtur. Si ergo iā existēs creatur, per nouæ iustitiæ receptionē: quid prohibet vt iā existēs fingi dicatur, eò quod aliquid nouū acquisierit? Quod autē in Ecclesiast. legitur, Et reuertetur puluis in terrā suā sicut erat, & spiritus reuertetur ad dominū suū, qui dedit illū: hic locus etiā manifestissimè conuincit animā produci à Deo, sed quod anima ab eodem ex nihilo producat, nō ostēdit, imò (vt Aug. ait) facile huic obiectioni respondetur, corpus in terrā, de qua factū est primū hominis corpus, reuerti: sed spiritū ad Deū, à quo facta est prima hominis anima. Dicēt enim hi, qui hūc tutātur errorē quod sicut nostrum corpus quāuis ex illo primo corpore propagatum sit, eò tamē redit vnde ipsum primū corpus effectū est: sic anima nostra quāuis ex prima anima propagata, non ad nihil, quia immortalis est, sed ad Deū redit, à quo prima anima facta fuerat. Vnde Aug. in epi. ad Hierony. superius memorata de hac sententia loquēs, sic ait: Nolo mihi dicatur pro hac sententia debere accipi quod scrip:ū est, Qui finxit spiritū hominis in ipso, & qui finxit sigillatim corda eorū. Aliquid fortissimum atq; inuictissimū requirendum est, quod nos non cogat Deū credere vllarū animarū sine culpa aliquā damnatorē. Et parū infra. Nec illud quod in Ecclesiaste scriptū est: Tunc conuertetur in terram puluis sicut fuit, & spiritus reuertetur ad dominum, qui dedit illum. istam cōfirmat sententiam, quā volumus esse nostram. Hæc Aug. in epi. ad Optatū de origine animarum sic ait: Sed vbi res naturaliter obicura nostrum modulum vincit, & apertē diuina scriptura nō subuenit: temerē hinc aliquid definire humana coniectura præsumit. Secundum vitas autem, quas proprias habere incipiunt, nouos homines dicimus nasci, siue anima siue corpore. At verò secundum originale

ginale peccatū veteres nascuntur, ideo baptismo renouantur. Aliquid ergo certum de animæ origine nondum in scripturis sanctis reperiri. Nam hi, qui nouas sine vlla propagine asserūt animas fieri, inter testimonia, quibus id nituntur ostendere, ponunt etiam illa duo, quæ paulo ante commemorauimus. Qui fingit spiritum hominis in ipso: & , Qui finxit sigillatim corda eorū, de quibus vides quemadmodum possit à resistantibus responderi. Hucusque Augustinus. Quamuis ergo Augustinus credat animas non fieri ex traduce, sed ex nihilo à Deo produci, ad hoc tamen credendum dicit nullam esse sacræ scripturæ cogen-tem autoritatem. Et beatus Eucherius Lugdunensis episcopus, qui Augustino centum annis & aliquanto amplius posterior fuit, lib. 1. super Gene. exponens illud, Et ædificauit dominus Deus costam quam tulerat de Adam, in mulierem: sic ait: Quæritur vtrum fœmina de latere viri formata, ex eius anima acceperit animā? Et vtrū sicut caro nascentium ex carne, sic animæ ex animabus procreentur? An nouæ semper creentur à Deo, ex nihilo? Quæ quæstio in definiendo difficilis est, quia nihil est à sanctis viris, vel scripturarum autoritate manifestius pronuntiātū. Hęc Eucherius. Ceterum beatus Thomas in sua summa contra Gentiles lib. 2. cap. 86. hanc materiam pertractans, dicit esse errorem animas ex propagine velut corpora deriuari. post cuius erroris oppugnationem subnectit hunc fuisse Apollinaris errorem. Nec tamen is à præcedentibus sanctis viris aliqua ex parte recedit, nec aliquid certius de anima affert. Nam quamuis beatus Thomas dicat esse errorem, non tamen dicit esse hæresim. Lata est differentia inter hæresim & errorem: quoniam etsi omnis hæresis sit error, non tamen viceversa oportet vt omnis error sit hæresis censendus, vt in principio huius operis docuimus. Atque hoc ipsum sensisse videtur sanctus doctor cum appellauit errorem, quia aduersus illum disputans, solum argumentationibus merè philosophicis agit, nullas scripturæ autoritates asserens, quoniam contra Gentiles in illo operis libro agebat, non contra hæreticos. Hinc ergo colligere hoc vnum valebimus, hanc assertionem Tertulliani & Apollinaris, si aliquis sit sacræ scripturæ locus apertus, aut ecclesiæ definitio, cui repugnare ostendatur, esse hæresim censendam: si autem nullus scripturæ locus, aut ecclesiæ definitio in hac parte reperiatur cui repugnet, etsi non sit hæresis appellanda, dicetur tamen error: cum consistet ex physica ratiocinatio-

Gen. 2

*differentia inter  
hæresim et errorem  
v. 5.*

ne eam longissimè à veritate distare. Ad quod persuadendum post eas quas beatus Thomas affert argumentationes locoproximè citato, vnam ex meo capite in medium producam, quæ maximè ad rem confirmandam facit. Si anima ex anima propagatur, vt corpus ex corpore, aliquod semen oportet à parentibus decidere in coitu vnde anima seruetur, sicut semen decidit ad corporis formationem: alioqui diceretur anima ex nihilo produci, & non ex propagine, si nihil à parentibus decisum est vnde ipsa formetur. At cum sæpe eueniat, vt semina sine vllis conceptibus irrita permaneant, & coitus sine vlla prolis generatione frustrati succedant: quærendum tunc est quid de animæ semine factum sit, an pereat, an maneat? Si illud perire asseris, animam oportebit etiam te dicere esse mortalem: quia impossibile est vt cuius causâ & semen mortale est, ipsum immortale sit. Quod si illud perire negas, quin potius manere contendis: quare anima non generatur, cum semen illius decisum sit vnde propaganda erat? Nunquid dicendum erit sicut de corpore. ideo animam non generari, quia qualitates disponentes ad eius generationem requisitæ defuere: ita vt sicut ex nimia frigiditate mulier quamuis semine viri recepto non concipit, ita etiam anima quantumuis eius semine in ventre matris recepto, ob defectum alicuius similis qualitatis requisitæ nō producat? Quo concesso erit necessario dicendum animæ substantiā ex aliquibus qualitatibus pendere tam in generatione, quā in eius cōseruatione, ita vt illis semini eius adhibitis subsequatur animæ generatio: illis semotis anima nec generari nec subsistere queat. At cum qualitatibus illis aliquæ reperirentur contrariæ (quoniam alioqui nihil obstaret quo minus semine deciso, ex semine ipso cui maximè animæ conueniunt, orirentur, si nihil aliud esset illarum ortui repugnans) oporteret qualitates illas corruptioni esse subiectas, quibus corruptis necessario tūc anima corrumpereetur. Atque ita oporteret animam fateri esse mortalem. Verum etsi hæc collectio maximè persuadeat, vehementerq; vrgeat, non tamen cogit vt ex ea oporteat dicere istorum assertionem esse hæreticam: quoniā in causâ fidei efficaciores sunt autoritates, quā quęcunq; phvsicę argumētationes dicēte Hiero. in epi. ad Theophil. Alexād. Fides pura & aperta cōfessio nō quęrit strophas & argumēta verborū. Quod verò ait Tertullianus animam esse corpus, si ita intelligat, esse corpus, vt partes habeat, in partēsq; scindi possit, quarum vna  
in vno

in vno sit loco, altera in altero: hoc manifestè conuincitur esse hæreticum, per hoc quòd sacræ literæ docent animam esse spiritum. Ad quod spiritus est, corpus non est, nec esse potest. Dominus siquidem post resurrectionem suam discipulis apparès, illisque existimantibus eum spiritum esse, dixit, Videte manus meas, & pedes: quia ego ipse sum. *Lucæ 24* Palpate & videte, quia spiritus carnem & ossa non habet, sicut me videtis habere. Animam autem esse spiritum, pluribus scripturæ testimoniis comprobatur. Salomon enim in Ecclesiaste ait: Quis nouit si spiritus filiorum *Eccle. 3* Adam ascendat sursum? Et Dominus animā suā in morte commendans Patri ait: In manus tuas domine commēdo spiritum meum. Et liberam promptamq; voluntatē se habere ad passionem subeundam ostendens, ait: Spiritus promptus est, caro autem infirma. vbi nomine spiritus signauit animam. Et Paulus carnis & animæ pugnam describens, ait: Caro concupiscit aduersus spiritū. Anima ergo nō potest esse corpus, cū sit spiritus. Sed opus est iam vt contra Massalianos aperta sacrę scripturæ testimonia proferamus, quibus conuincamus animā hominis non ab angelis (vt illi dicunt) sed à Deo creatam fuisse. Primo illud est manifestum quod de creatione hominis Moyses refert dominum dixisse. Deus enim dixit: Faciamus hominem *Gen. 1* ad imaginem & similitudinem nostram. Et post pauca dicit Moyses. Creauit itaque Deus hominem ad imaginem suam. Fortè dicent Messaliani quòd per illud verbū, faciamus, Deus loquitur ad angelos quos voluit esse participes creationis animarum. Sed hoc facili conuincitur esse falsum: quia ad quorum imaginem factus est, illis dicit faciamus. Non est autem factus homo ad imaginem angelorum, sed ad imaginem Dei, ergo nō angelis, sed aliis personis diuinis dicit Deus pater, Faciamus hominem ad imaginem & similitudinem nostram. Præterea, illud est manifestius quod postea in eodem libro de creatione hominis differens Moyses ait: Inspirauit (inquit ille) in faciem eius spiraculum vitæ. At spiraculum illud fuisse animā quam Deus corpori Adę infuderat, iā suprà hęc si secūda ex sacris doctoribus ostēdimus. Deinde, plurima sunt sacrę scripturæ testimonia, quæ docent Deum esse omniū creatorem: ergo etiam animarum. Salomon ait: Creauit Deus vt essent omnia. Et Paulus ad Hebr. ait: Qui omnia creauit Deus *Sap. 1* est. Et vigintiquatuor seniores in Apocalypsi Ioannis adorātes *Heb. 13* Deū, dicunt: Dignus es domine Deus noster accipere gloriā & *Ap. 4* honor



honorem & virtutem, quia tu creasti omnia, & propter voluntatem tuam sunt & creata sunt. Demum contra hanc hæresim sunt plures ecclesiæ definitiones. Leo papa in epistola ad Toribium Astoricensem episcopum ait: Animæ hominum priusquam suis inspirarentur corporibus, non fuere: nec ab ullo incorporantur nisi ab opifice Deo qui & ipsarum est creator & corporum. Hæc ille. Symbolum Nicæni concilij ait: Credimus in vnum Deum patrem omnipotentem omnium visibilium invisibiliumque factorem. Eidem sententiæ subscribit Constantinopolitanum concilium. Eadem sententia apertius declaratur in concilio Lateranensi sub Innocentio 3. celebratum, cuius decretum quia iam supra in titulo de angelo, citauimus, ideo non est opus ut hic iterum repetatur.

**S**exta hæresis est quæ asserit animas sceleratorum hominum post mortem conuerti in dæmones, & in quæcunq; animalia bruta suis meritis congrua. Hanc hæresim recitat Philaster, nullo tamen illius nominato authore. Et Guido carmelita longo satis tempore posterior in suo lib. de hæresibus, cap. 76. inter hæreses innominatas, quarum non est certus author, eam recenset. Verum de hoc Guidone valde miror, quod eam sine nomine posuerit, præcipue cum legerit (ut credi par est) Augustinum in lib. de hæresibus ad Quod vult Deum. Hic enim etsi cap. 78. istum errorem sine nomine authoris scribat, sequens Philastrum in illa parte: postea tamen eas recensens hæreses quæ nec à Philastro nec ab Epiphanio commemorantur, cap. 86. de Tertulliano differens ait: Tertullianum sensisse animas hominum pessimas post mortem in dæmones verti. Et idem Guido cap. 63. de erroribus Tertulliani scribens, hunc errorem illi tribuit: quapropter miror qualiter postmodum inter innominatas hæreses eam locauerit. Tertullianus ergo sensit animas hominum, non omnes, ut Guido indifferenter illi tribuit, sed animas hominum pessimas post mortem conuerti in dæmones. An autem ipse dicat eas conuerti etiam in pecudes, Augustinus tacet, & mihi non est certum. Quod si neget, erit in hac sola parte hæc hæresis sine nominato patrono. Quid autem Tertullianum mouere possit ut in hunc errorem laberetur, certe

*Ioan. 8* non video: nisi forte illud quod dominus apud Ioannem Iudæis pessimis loquens ait, Vos ex patre diabolo estis. Et de transmutatione in pecudes, qui eam tutantur, forte mouentur ex illo

*Mat. 3* quod Ioannes Baptista ait, Progenies viperarum, quis monstrauit vos

uit vos fugere à ventura ira? Verùm hæc parum mouere deberent virum vel mediocriter doctum: præcipuè si consideraret non omnia sacra scripturæ verba sumenda esse iuxta solam grammaticæ nudam significationem. Sacra etenim scripturæ plena est metaphoris, alijsque figuratis locutionibus, in quibus propter aliquarum rerum inter se convenientiam, nomē vnus pro nomine alterius ponitur: vt cū Christus vocatur Leo, aut agnus non quòd vtrunq; horum sit, imo cū neutrum eorum sit, vtrunq; tamē dicitur ex quadam similitudine, eo quòd vtrique eorum aliquid simile habet. Sic etiam homines aliquando vocantur iumenta propter eorum mores quos iumentis similes habent. Progenies ergo viperarum vocantur Iudæi à Ioanne Baptista, eo quòd sicut illæ deuorantes matres suas nascuntur, similiter illi postquam patres, hoc est magistros & prophetas occiderant, tunc pœnitentiam agentes spiritualiter nascuntur. Ad hūc etiam modum accipiendum est quod dicitur, Vos Ioan. 8 ex patre diabolo estis: vt non iuxta naturam esse diaboli filios intelligatur, sed iuxta mores, in quibus filij parentes imitātur. Nam cuius opera quisque facit, eius & filius vocatur. Quod ex eo manifestè conuincitur, quòd Iudæis dicentibus patrē suum Abraham, Christus respōdit, Si filij Abrahæ estis, opera Abrahæ facite. Ad hunc autem errorem reuincendum vel illud testimonium satis est efficax, vbi Matth. 25. Christus hominibus parum misericordibus minatur se dicturum in die iudicii, Ite maledicti in ignem æternū, qui præparatus est diabolo & angelis eius. Ex quibus verbis ostenditur discrimen esse inter animas malorum hominum, & dæmones. Itē in lib. Sapientiæ dicitur, Sap. 11 Quomodo posset aliquid permanere, nisi tu voluisses: aut quod ad te vocatū nō est, cōseruaretur? Parcis autem omnibus quia tua sunt, qui amas animas, eas cōseruans. At quomodo cōseruaret animas, si eas in dæmones aliquādo verteret? Nam id quod vertitur in aliud, perire necesse est, vt in aliud vertatur. Quapropter ex eadem ratione oporteret fateri animam esse mortalem: quod tamen Tertullianus, teste Augustino, negat. Nam id quod in aliud conuertitur, tunc corrumpitur cum vertitur in aliud: vt vinum cum vertitur in acetum, aut aer cū conuertitur in aquam, desinit esse vinum, & desinit esse aer. Si ergo anima in dæmonem conuertitur aut in pecudem, necesse est vt in hac versione anima desinat esse, atq; ideo erit mortalis: quod esse erroneum nunc proximè ostendemus.

**S**Eptima hæresis est quæ dicit animam hominis simul cum corpore in morte hominis corrumpi. Et hæc in duas adhuc sectas partita est, quibusdam dicentibus eas cum corporibus simul interire, sed postmodum in resurrectione iterum cum corporibus suscitari. Hic error ( ut ait Eusebius lib. 6. historię ecclesiasticę cap. ) 26. exortus est in partibus Arabię. Sed hos hæreticos, quoniam nullum eorum Eusebius nominat authorem, beatus August. lib. de hæresibus cap. 83. dicit quod possumus Arabicos nominare, quo nomine a posteris qui de hæresibus scripserunt, nominantur. Hi disputatione Origenis præsentis, & eos alloquētis, teste Eusebio, cito resipuerunt. Abj autem dicunt animam sic in morte hominis cum corpore perire, ut nusquam postea redeat, quo facto videtur etiam hi negare resurrectionem. Verum de hoc aliàs inferius longius pertractabimus cum de resurrectione agemus. Hic fuit error Saducæorum quem errorem omissem, nisi alius illum postmodum suscitasset: quoniã solas illas hæreses pertractare decreui, quæ post Christi aduentum exortæ sunt, non illas quæ ante Christi aduentum extiterunt, prout beatus pater Augustinus in suo lib. de hæresibus etiam fecit. Hermannus igitur kissuich Hollandinus, de quo iam supra fecimus mentionem, post Saducæos hunc suscitauit errorem. Hi ergo etiam inter se diuisi in hoc tamen conueniunt, ut dicant animam per hominis mortem simul cum corpore perire. Quapropter vno eodémq; gladio ferendi sunt. Primò ergo ante omnia annotandum decreui, immortale aliquid biffariã dici: vno modo ut solum neget actum moriendi, ita ut illud dicatur immortale, quod nunquam morietur, quanuis mori posset: quomodo aliqui dicunt Adam si in iustitia perseuerasset, immortalem futurum, sic quod nunquam moreretur, quãuis potentiam ( ut dicunt ) haberet ad mortem. Alio modo aliquid dicitur immortale, ut non solum neget actum, sed potentiam mortis, ita ut sicut nunquam morietur, ita nec mori possit, quomodo dicimus Deum immortalẽ, Hoc ultimo modo cõuincere animam esse immortalem, maius requirit opus quàm Enchiridion nostrum patitur: quapropter nunc omittere decreui, præcipuè cum ad istos hæreticos reuincendos satis est probare animam hominis quantumlibet corpore pereunte nunquam perituram. Hoc autem euidentissime conuincitur ex præmio bonorum & malorum, vbi dicitur de vtrisque, Ibunt hi, scilicet iusti, in vitam æternam: illi autem, id

Herman-  
nus kiss-  
suich

Mat. 25

tem, id est peccatores, in ignem æternum. Aeternum autem esse non potest quod aliquando finietur. Et de iustis in particulari dicitur, Spes illorum immortalitate plena est. Præterea, di-  
 uersa hominum in hoc seculo vita, cui indignum sæpe pro nunc contingit præmium, adeo efficax mihi videtur argumentum, ut etiam si scripturæ testimonium deesset, sufficeret ad conuincendum, animam post mortem hominis manere: quoniam videmus in hac vita præsentis peccatores sceleratissimosque homines sapissime prosperari, nullasque suis meritis dignas hic luere pœnas: e contrario iustos aduersis vexari, morbis cruciari, plurimamque pati incommoda. Quod si animæ nunquam post hominis mortem manerent, posset mundi gubernator, cui hæc omnia subsunt, velut iniustus accusari, & iniustitiæ reprehendi, quod iustos puniret, sceleratosque homines præmio afficeret. At cum nullo pacto Deus tanquam iniustus sit accusandus, quoniam iustus dominus, & iustitias dilexit: hinc conuincitur animam post mortem hominis aliquam habere vitam, in qua vnusquisque recipiet congrua suis meritis præmia. Præter hæc ramen, scripturæ sacrę est apertissimum testimonium. In libro siquidem Sapientiæ legitur: Excæcauit illos malitia sua, & ne-  
 scierunt sacramenta Dei, neque mercedem sperauerunt iustitiæ, nec iudicauerunt honorem animarum suarum, quoniam Deus creauit hominem inextermabilem: ad imaginem similitudinis suæ fecit illum. Ex quo loco aperte conuincitur animam esse inextermabilem, id est incorruptibilem & immortalem, quoniam ut ex litera patet, de homine differit iuxta animam, & non iuxta corpus. iuxta quā in homine imago Dei sita est. Sic enim ait: nec iudicauerunt honorem animarum suarum. & causam subdens ait, quoniam creauit Deus hominem inextermabilem. Et in eodem lib. de animabus iustorum Salomon loquens  
 ait: iustorum animæ in manu Dei sunt, & non tanget illos tormentum malitiæ. Visi sunt oculis insipientium mori, illi autem sunt in pace. De eisdem etiā animabus iustis dicitur in Apocalypsi, Apo. 6  
 Vidi sub altare Dei animas interfectorum propter verbum Dei & propter testimonium quod habebant, & clamabant voce magna dicentes, Vsq; quo domine verus & sanctus non vindicas sanguinem nostrum de his qui habitant terram? Et datæ sunt illis singulæ stolæ albæ, & dictum est illis, ut requiescerent adhuc tempus modicum donec cōpleantur cōserui eorum: & fratres eorum qui interficiendi sunt sicut illi. Et in eodem lib. alibi dicitur:  
 Vidi



- Apo. 7** Vidi turbam magnam, quam dinumerare nemo poterat, ex omnibus gentibus, & tribubus, & populis, & linguis, stantes ante thronum, & in conspectu agni, amicti stolis albis, & palmæ in manibus eorum: & clamabāt voce magna dicentes, Salus Deo nostro qui sedet super thronum, & Agno. Qui autem sint isti de quibus loquitur, vnus ex senioribus explicuit dicēs, Hi sunt qui venerunt de tribulatione magna, & lauerunt stolas suas, & dealbauerunt eas in sanguine agni: ideo sunt ante thronū Dei,
- Luc. 1** & seruiunt ei die ac nocte in templo eius &c. Rursus, apud Lucam anima iusti Lazari deportatur ab angelis, & collocatur in sinu Abraham: & anima diuitis epulonis post eius mortem sepelitur in inferno, vbi cruciatur, atq; inde loquitur cū Abraham. Anima ergo post hominis mortem manet. Deinde dominus
- Mat. 10** apud Matthæum ait: Nolite timere eos qui occidunt corpus, animam autem nō possunt occidere. Si autem anima mortalis esset, & simul cū corpore periret: occidens corpus simul etiam occideret & animam, sicut fit in bruto, cuius anima ab interficiente corpus occiditur. Accedit ad hæc quod dominus
- Mat. 22** apud eundem Matth. ait Saducæis resurrectionem negantibus: De resurrectione autem mortuorum non legistis quod dictum
- Exo. 3** est à Deo dicente vobis, Ego sum Deus Abraham, & Deus Isaac, & Deus Iacob? Non est Deus mortuorum, sed viuentium. Anima ergo mortuo quantumlibet corpore viuit: nec simul cum corpore perit. Contra hanc hæresim extat expressa ecclesiæ definitio data in concilio Lateranensi sub Leone decimo, celebrato, quæ talis est: Leo episcopus seruus seruorum Dei. Ad perpetuam rei memoriam sacro approbante cōcilio. Apostolici regiminis sollicitudo nos assidue pulsat vt medendis animarum langoribus, quarum nos ex alto omnipotens author curam habere voluit, his potissimum qui instantius fideles nunc vrgere cernūtur salutifero olei & vini medicamine ad instar Samaritani in euangelio sollicitam operam impendamus. Ne nobis illud Hieremiæ obijciatur: Nunquid res nostra non est in Galaad, aut medicus non est ibi. Cū itaque diebus nostris (quod dolenter ferimus) zizanix seminator antiquus, humani generis hostis nonnullos perniciosissimos errores à fidelibus semper explosos in agro domini superseminare & augere sit ausus de natura præsertim animæ rationalis, quod videlicet mortalis sit aut vnica in cunctis hominibus: & nonnulli temere philosophantes secundum saltē philosophiam verum esse asseuerant,
- contra

contra huiusmodi pestē opportuna remedia adhibere cupientes. Hoc sacro approbante concilio damnamus & reprobamus omnes asserentes animam intellectiuam mortalem esse aut vnicam in cunctis hominibus, & hæc in dubium vertētes, cum illa non solum vere per se & essentialiter humani corporis forma existat sicut in canone felicitis recordationis Clementis papæ quinti prædecessoris nostri in generali Viennensi concilio edito continetur. Verum & immortalis & pro corporum quibus infunditur multitudine singulariter multiplicabilis & multiplicata & multiplicanda sit quod manifeste constat ex euangelio, cum dominus ait: Animam autem occidere nō possunt, & alibi. Qui odit animam suam in hoc mundo in vitam æternam custodit eam. Et cum æterna præmia & æterna supplicia pro merito vitæ iudicandis reponuntur aliis incarnatio & alia Christi mysteria nobis minime profuissent nec resurrectio expectanda foret ac sancti & iusti miserabiliores essent (iuxta Apostolum) cunctis hominibus. Cūque verum vero minime contradicat omnem assertionem, veritati illuminatæ fidei contrariam omnino falsam esse diffinimus: & ut aliter dogmatizare non liceat districtius inhihemus. Omnesque huiusmodi errores assertionibus inhærentes veluti damnatissimas hæreses seminantes per omnia ut detestabiles & abhominabiles hæreticos & infideles, & catholicam fidem labefactantes vitandos & puniendos fore decernimus. Insuper omnibus & singulis philosophis in vniuersitatibus studiorum generalium, & alibi publice legentibus districtè præcipiendo mandamus, ut cum philosophorum principia aut conclusiones in quibus à recta fide deuiare noscuntur auditoribus suis legerint: seu explanauerint. Quale hoc de animæ mortalitate: & mundi æternitate, ac alia huiusmodi, teneantur eisdem veritatem religionis Christianæ omni conatu manifestam facere, & persuadēdo pro posse docere, ac omni studio huiusmodi philosophorum argumenta, cum omnia solubilia existant, pro viribus excludere atque resolvere. Et cum non sufficiat aliquando tribulorum radices præscindere, nisi & ne iterum pullulent funditus euellere, ac eorum semina originalēque causas, unde facile oriuntur remouere. Cum præcipue humanæ philosophiæ studia diuturniora, quam Deus secundum verbum Apostoli euacuauit, & stultam fecit, absque diuinæ sapientiæ condimento, & quem sine reuelatæ veritatis lumine in errorem quandoque magis inducunt,

quàm in veritatis elucidationem. Ad tollendam omnem in præmissis errandi occasionem, hac salutari constitutione ordinamus & statuimus, ne quisquam decætero in sacris ordinibus constitutus, secularis vel regularis aut alias ad illos à iure arctatus in studiis generalibus, vel alibi publicè audiendo, philosophiæ aut poësis studiis vltra quinquennium post grammaticam & dialecticam siue aliquo studio theologiæ, aut iuris pontificii incūbat. Verùm dicto exacto quinquennio, si ex illis studiis insudare voluerit, liberum sit ei, dum tamen simul, aut seorsum, aut theologiæ aut sacris canonibus operam nauauerit vt in his sanctis & vtilibus professionibus sacerdotes domini inueniant, vnde infectas philosophiæ & poësis radices purgare, & sanare valeant. Et hos canones per ordinarios locorum vbi generalia studia vigent, & rectores vniuersitatis eorundem studiorum singulis annis in principio studii in virtute sanctę obedientiæ publicari mandamus. Nulli ergo omnino &c.

Octaua hæresis est quæ asserit animas transire de corpore in corpus, ita vt post vnius hominis mortē anima illius ad aliud corpus vegetandum atque fouendum trāseat. Hæc Pythagoræ philosophi fuit olim sententia, cui impij Albanenses post modum adhæserunt. eandem hæresim amplexati sunt Albigenses hæretici, sic dicti quoniam ex comitatu Albigenfi prope Tholosam orti sunt anno Domini 1200. tempore Innocentii papę huius nominis tertii. Quam sententiam seclusa adhuc fide, sed sola ratione naturali ductus facilè quisque deferet, si cōsideret quòd nihil omnino eorum quæ ante fuerunt, meminerint animæ. Oportebat siquidem eas meminisse eorum quæ ante facta sunt. Neque verisimile est vt hoc imputetur corpori, ita vt corporis admittio vniuersam ipsorum quæ antè habita erant, in totum extinguat memoriā. Sicut enim nunc soporato & quiescente corpore, quæcunque anima apud se sola videt, horum plura reminiscitur, atque sæpe post multum temporis ea quæ per somnium viderat, vigilans annuntiat: sic etiam reminisceretur illorum quæ antequam in hoc corpus veniret, in alio corpore egerat. Quod si quis forte neget vllam esse soporis similitudinem, pro eo scilicet quòd corpore soporato anima adhuc suam operationem corpori communicat: ita quòd non est illa sola quæ operatur, sed ipsa instrumento corporis vtens: ideo aliam congruentiorem asseram similitudinem. Paulus siquidem in tertium cælum raptus vidit arcana Dei quæ non licet homini

homini loqui: in quo raptu, quamuis ipse dubius sit an eius anima in corpore fuerit, an extra corpus: hoc tamen est certum, animam tunc minime corporeis sensibus vsam sed ipsam solam sine vlllo corporis adminiculo in illa, fuisse arcanorum contemplatione: quoniam corporei sensus ad illa contemplanda minime valerent, & tamen postea illorum quæ vidit, reminisceretur. Si ergo huius quod in breuissimo tempore extra visum est, cum ad corpus rediit, reminiscitur: multo magis anima illorum reminisceretur, in quibus per tot tempora in alio corpore viuēs remorata est. Quod si quis forte Platonem imitatus dicat, cum in aliud corpus animæ transfunduntur, eas obliuionis quoddam poculum à nescio quo dæmone oblatum bibere, quo euenit (vt ait Plato) vt præteritorum non recordentur: hoc certe magis videtur poetarum figmentum, quàm philosophorum, & multo minus theologorum doctrina. Si enim obliuionis poculum anima bibit, quod in ea omnium rerum deleat memoriam, percontabor tunc Platonem aut eum qui illum in hac parte sectatur, vnde ille scit animam suam a dæmone potatam fuisse, cum sit nunc in corpore anima eius, & per hoc ex illo obliuionis poculo potasse oporteat, vt etiam illius poculi perdiderit memoriam, & per consequens se potatam fuisse non recordetur. Quod si poculi illius obliuiscitur, vnde ergo nunc scit se olim fuisse potatam? Si enim dæmonem & poculum & introitum in corpus reminiscitur, cur non etiam reliquorum commemoratur? Ex quo aperte conuincitur hanc doctrinam non solum à fide catholica, sed etiam à vera philosophia esse alienam. Et beatus Athanasius in libro qui dicitur de beatitudine filii Dei, libro 6. regulas fidei ostendens, ait. Si quis confiteretur animas hominum in reuolutionem rursus in mundo, aut in hominibus, aut in pecudibus, aut in serpentibus, verti anathema illi. Hæc Athanasius. Verum ne quis me incuset quòd *Athanasius* propositi mei immemor cōtra Etnicos philosophos disputem: attendat me non pugnare aduersus hanc sententiam eò quòd Pythagoræ aut Platonis fuerit, sed quia Albanēses & Albigen-ses qui Christo nomina in Baptismo dederunt, eandem postmodum amplexati sunt.

Nona & vltima quā in hac materia inuenio, hæresis est, quæ asserit animas ante infusionē corporis peccasse, & in pœnā peccati in corpora tanquā in carcerē fuisse inclusas. Huius erroris author est Origenes vt illi impingit Epiphanius in epistola ad *Orige.*



Ioannē Hierosolymitanū episcopum, quæ inter opera Hieronymi reperitur tomo 4. eò quòd in latinā linguam ille eā verterit. hoc idē illi tribuit Theophilus Alexandrinus in suo Paschali. lib. 1. quod opus etiam Hieronymus in latinum vertit, & habetur in eo volumine quod dicitur Antidotum hæresum, Eandē hæresim postea tutatus est Priscillianus Hispanus Abilæ episcopus, qui ex omnium hæreticorum sentina hæreses hausit, vt dicit Leo papa in epistola ad Astorigensem episcopum, & beatus Augustinus in lib. de hæresibus ad Quod vult Deum cap. 70. Sed circa nomen ciuitatis cui hic Priscillianus præfuit, Erasmus Roterodamus vir alioqui longe doctissimus deceptus fuit. Nam in scholiis suis quibus librū beati Hieronymi de viris illustribus ornauit, cum de illo beatus Hieronymus dixisset fuisse Abilæ episcopum, ille interpretās hæc Hieronymi verba, dicit Abilā esse ciuitatem phenices in syria. Quæ in re valde hallucinatus est: quoniam licet, sit ciuitas in phenicia hoc nomine dicta, tamē Abila cui Priscillianus præfuit notissima ciuitas est in vltiore hispania, & nō ex minimis illius. Priscillianum autem fuisse hispanum constat ex Augustino in libro de hæresibus, & Leone papa in epistola ad Toribiū Astoricensem episcopum. Et inde euenit vt consilium Bracarense contra illum hispania celebrauerit. Contra hanc hæresim illa eadem argumenta militant, quæ aduersus proxime recitatam hæresim adduximus. Primo ergo de anima Christi patet quòd nunquā peccauit, nec per consequens dicendum est eam propter peccatum in corpus velut in carcerem fuisse detrusam. Nam vt est in prima Petri epistola, Peccatum non fecit, nec inuentus

1. Pet. 2 est dolus in ore eius. Qualiter enim ipse liberare omnes poterat à peccato, si anima eius peccato obnoxia, in pœnam peccati carceri fuisset mancipata? Præterea cum iuxta Apostolum, in resurrectione mortale hoc corpus induat immortalitatem, vt corpus sicut & anima congruum suis meritis præmium accipiat: quæ est hæc dementia dicere corpus esse animæ carcerem, datum illi in pœnam? tunc enim resurrectio non esset animæ beatæ in requiem, sed in pœnam, cum per illam cogeretur iterum redire ad carcerem vnde semel liberata fuerat. Et ita frustra esset corporū resurrectio, si expediret animabus absq; grauitate corporum ad cælum leuius subuolare. Rursus, si corpus esset animæ in carcerem & in pœnam: nullo pacto illud anima diligeret, nec ab eo separari doleret, nec vllō modo ad illud redire

redire vellet: quæ omnia experimento comprobantur esse falsa: & horum vltimum improbat Paulus dicens, Nolumus expoliari, sed superueſtiri. vbi corpus magis Paulus appellat veſtem, quam carcerem: & naturalem animæ ad illud inclinationem docet, cum ait, Nolumus expoliari, sed superueſtiri. Hoc est, refugimus & horremus corporis miseram conditionem, nõ autem ipsum corpus, quapropter nolumus simpliciter corpore carere, sed corporis miseriis & calamitatibus. vellemus autẽ corpore nouato veſtiri, quale erit in resurrectione. Deinde si animæ antequam corpus intrarent peccauerunt, & non in corpore, sed in pœnam peccati quod extra corpus fecerunt, in corpus velut in carcerem fuerunt inclusæ: oportebat vt Saluator ipse qui pro hominibus liberandis venerat, corpus non assumpsisset, cum animæ sine corpore peccauerint. oporteret etiã vt animas de corporibus liberaret eo tempore quãdo in baptismo peccata dimittit, statimque baptizatum de carcere corporis liberaret, cum dicat corpus solum in peccati pœnam fuisse productum, animæque datum iniustum est enim vt anima à peccato liberata, nihilominus adhuc carceri mancipetur. Adde quod Beatus Paulus de germanis in vtero Rebeccæ existentibus ait, Cum enim nondum nati fuissent, aut aliquid boni egissent aut mali, vt secundum electionem propositum dei maneret, non ex operibus, sed ex vocante dictum est ei, Quia maior seruiet minori: sicut scriptum est, Malach .i. Iacob dilexi, Esau autem odio habui. Ex qua apostoli sententia patet illos fratres nihil boni aut mali egisse antequam nascerentur. Verũ in his non est amplius immorandum, cum de hac re ecclesia olim suam addiderit definitionem, Concilium siquidem Braccarense primum capite suorum Decretorũ sexto sic ait, Si quis animas humanas dici prius in cœlesti habitatione peccasse, & pro hoc in corpora humana in terram deiectas, sicut Priscillianus dixit, anathema sit.

Ro. 9

## A N N V S.

**D**E hac re solum reperi quandam sententiam quæ à Philastro inter hæreses annumeratur. quæ meo quidem iudicio hæresis nomenclaturam nequaquam meretur. Is enim in suo libro de hæresibus dicit esse hæresim, asserere incertum esse numerum annorum ab origine mundi. Miror quidem virum doctum qui tam leuiter de hæresi pronunciauerit, cum sit res tam seria de hæresi censere, vt longo subtilique examine sit opus

antequam aliquid definiatur. Certum est enim varias esse de hac re supputationes : quapropter certum est nullam earum esse certam, præcipuè cum nullam earum ecclesia hucusque receperit. Eusebius quidem, quem in temporum computatione Augustinus imitatur, libro duodecimo de ciuitate dei capite decimo, numerat quinquies mille sexcentos vndecim annos à condito mûdo vsque ad tempus quo Roma capta est à Gothis. Beda in libro de ratione temporum vsque ad principatû Theodosii iunioris, quo tempore ait Vrbem à Gothis fuisse captam, quater mille quadringentos & duos annos numerat. Quæ diuersitas prouenit ex diuersa instrumenti veteris translatione: quoniam septuaginta interpretes in computatione annorum qui per diuersas generationes in libro Genesis distribuuntur, valde discrepant ab Hebraica veritate, quam nobis tradidit beatus Hieronymus. De qua dissonantia beatus Augustinus libro quintodecimo de ciuitate Dei per multa capitula disputat. Eusebius & Augustinus sequuntur in sua computatione septuaginta interpretes. Beda Hebraicam veritatem sequitur. Philaster verò nescio quam translationem sequitur, cum nullam istarum sequatur. nam in annorû computatione ab vtraque istarum recedit. Ponit liquidem ab origine mundi vsque ad tempus quo illud opus scripsit, quinquies mille trecentos septuaginta annos. Philaster autem Paulo prior fuit Augustino quoniam beatus Augustinus in prologo libri de hæresibus ad Quod vult Deum, testatur se illum Mediolani cum Beato Ambrosio vidisse. Quapropter nescio quo pacto nos efficiet obnoxios supputationi, cum aliæ extent quæ ab illa maxime distant, æque virorum non contemnendæ authoritatis. Accedit ad hæc, quod ipsemet Philaster non constat sibi, diuersis supputationibus vtens. Nam in eo capite vbi de hac re disserit, ab Adam vsque ad Heber sanctum, sub quo confusum est labium vniuersæ terræ, supputat octingentos quadraginta duos supra duo millia annorum & tamen parum antea de varietate linguarum disputans, & capite sequenti volens conuincere Iudæorum linguam non fuisse primam, tunc numerat ab Adam vsque ad Heber bis mille septingentos annos duntaxat. Nulla est ergo hæresis, asserere (vt Philaster ait) numerum annorum ab origine mundi esse incertum, cum nunquam de hac re ecclesia definierit, nec præcedentium aliquam opinionem vsquam respuerit.

Apostoli

## APOSTOLI.

**D**E Apostolis, eorumque vita, statu, & conditione, aliquæ sunt exortæ hæreses, quarum vna est quæ asserit Apostolos non prædicasse euangelium Christi iuxta spirituales intelligentiam, sed tantum secundum literam. Hic est error abbatum Ioachim, & Petri Ioannis, ut illis impingit Guido carmelita. Hic Ioachim ex Calabria oriundus fuit: monachusque ordinis sancti Benedicti, atque in Florenti cœnobio eiusdem ordinis abbas. hic multa scripsit, in quibus meo iudicio suum le- *Ioachim*  
*abbas.*  
*Pet. Ioan.*  
ue ingenium ostendit, quoniam in omnibus ferme libris suis, ut se futurorum præscium ostenderet, consuevit miscere pronostica, quod maximæ leuitatis & gloriæ cupiditatis indicium est: maxime cum aliter se in posterum res habuit, quam ipse prædixit. Nam ut de cæteris taceam, Fredericum imperatorem, hostem ecclesiæ futurum, sicut forte somniauerat, prædixit, quem omnes historiæ tradunt usque ad mortem in pace & tranquillitate ecclesiæ permansisse. Claruit sub Alexandro tertio huius nominis pontifice & Henrico sexto imperatore. Quod autem ad præsens dogma spectat, de quo nunc fit mentio, in eius scriptis quæ legi, non reperi, sed tantum à Guidone carmelita inuenio eum de hac re notatum. De qua re valde miror, quoniam cum in concilio Lateranensi sub Innocentio tertio celebrato, condemnatus sit quidam alius error huius abbatis Ioachim, de quo postea dicemus, mirandum est quod nullius alterius erroris concilium illud fecerit mentionem: cum tamen plures alios errores habuerit, quemadmodum illi impingit Guido. Verum possibile fuit errores illos tunc sic latuisse, ut in aures concilij non deuenirent. Quapropter fidamus in hac parte Guidoni. Hic ergo Ioachim inter cæteras fabulas quas populo Christiano ingerere voluit, hæc est vna, qua dicit tres hominis status. Primus status est in quo homines secundum statum carnis vixerunt, quem statum ab Adam perducit usque ad Christum. Secundus status est in quo mediam inter carnem & spiritum vitam homines duxerunt: & hunc statum à Christo usque ad beatum Benedictum protendit. Tertius status est in quo uiuitur (ut dicit) & uiuetur secundum spiritum: & hic status protenditur à beato Benedicto usque ad finem mundi. His autem tribus statibus adaptat tres ordines, videlicet coniugatorum, clericorum, & monachorum. Ordo coniugatorum incepit ad Adam, & (ut ipse ait) fructificare cœpit ab Abraham. Ordo



sacerdotalis incepit ab Ozia, qui de tribu Iuda incensum obtulit, sed fructificauit à Christo qui est rex & sacerdos. Ordo monachorum incepit à Benedicto, qui fuit vir sanctus. sed hic ordo cœpit fructificare temporibus abbatis Ioachim, vt ipsemet ait: Primo ergo statu data est lex carnalis. Secundo statu etiam data sit lex spiritalis, puta euangelium, nō tamen fuit prædicata per Apostolos nisi tantum secundum literā. Sed in tertio statu, quem ponit, dicit fore prædicandum iuxta spiritalem eius intelligentiam, & hoc per monachos illos sancti Benedicti. Omnibus his etiam assentit Petrus Ioannis, præterquā in tertio statu, quem iste, eò quod ordinis esset minorū, dicit capere suum initium à beato Frācisco, & quod per fratres sui ordinis sit spiritalis vita reformanda, & euangelium spiritaliter prædicandum. Atq; ita factum est vt suo quisque instituto sub quo militabat, fauere conaretur. Vt ergo omnia ordinatè subuertamus, primò ostendamus statum quē dicunt primum, ab Adam scilicet vsque ad Christū, non fuisse vitam secundum carnem. Paulus nanq; in ea quę est ad Rom. epi. ait: Qui in carne sunt, Deo placere non possunt. Illos autem Apostolus dicit in carne esse, qui secundum carnem viuunt. Alioqui qualiter verū esset quod subditur, Vos autem non estis in carne, sed in spiritu? Vnde beatus Amb. exponens hæc verba ait, In carne positi, dicuntur non esse in carne, si assentientes Ioanni apostolo mundana non diligant. Sententia enim homini sua, fingit naturam, vt hoc appelleretur quod sentit. Hæc Amb. Ex quibus colligitur homines primi status in carne omnes fuisse: cum iuxta istos, omnes secundum carnem vixerunt. Qui autem in carne sunt, iuxta Paulum Deo placere non possunt. Colligitur hinc nullum hominē primi status Deo placuisse. Præterea in eodem loco Paulus iterū expressius ait, Si secundum carnē vixeritis, moriemini. Hoc autem de morte secunda, scilicet gehenna intelligendum est, vt Theophylactus ait. Nam aliter quæ sequuntur, coherere non possent. Sic enim subditur: Si autem spiritu facta corporis mortificaueritis, viuetis. Omnes autē spiritu viuentes, corpore mortui erunt, sed viuent in æternū. Si ergo qui secundū carnem viuunt, iuxta Paulum oportet eos mori in gehenna: oportet fateri omnes homines primi status sic mortuos esse, vt nulla illos spes vitæ æternæ maneat. Dicere autem nullum hominem ab Adam vsq; ad Christum placuisse Deo, omnesque fuisse damnatos, manifesta est hæresis, quæ pluribus eisque apertissimis sa-

cræ scripturæ locis repugnet. De Abel siquidem legitur quod *Gen. 3* respexit dominus ad Abel, & ad munera eius. Nec aliter respexit quàm acceptâdo, quomodo non respexit ad Cain: quia ille non placuit Deo, ille autem placuit. Hoc enim modo exponit Paulus in epi. ad Hebr. dicens: Fide plurimam hostiam Abel, quàm Cain obtulit Deo: per quam testimonium cōsecutus est *Hob. 11* esse iustus: testimonium perhibente muneribus eius Deo, & per illam defunctus adhuc loquitur: Abel ergo iustus inuentus est apud Deum. sic enim voce diuina proclamatus est. Ut veniat *Luce 2* (inquit Christus) super vos omnis sanguis, qui effusus est à sanguine Abel iusti vsque ad sanguinem Zachariæ prophete. Præterea de Enoch eodem loco ait Paulus, Fide Enoch translatus *Heb. 11* est ne videret mortem, & non inueniebatur, quia transtulit illū dominus. Antemortem enim testimonium habuit placuisse Deo. Rursum satis conuincitur Dauid placuisse Deo, per id quod Deus de eodem Dauid dixit: Inueni hominem secundum cor meum. Quod autē efficacius testimonium adduci potest, quàm de Ioanne Baptista, qui diuino præconio sic exaltari meruit, ut nullus eo maior inter natos mulierum surrexisse dicatur? huic certē ego non auderem post virginem Dei matrem aliquem sanctorum præferre. Qualiter inquam dicemus Ioannem Baptistā secundum carnē vixisse, qui vinū & ficeram non bibit? qui locustis vescabatur? qui mollibus nō induebatur, sed veste expilis camelorū texta? hæc enim inimica sunt carni. Aper- *Matth. 3* tissimū ergo est mendacium dicere, omnes homines ab Adam vsque ad Christum secundum carnē vixisse. Ad secundum ergo statum deueniamus, in quo dicunt datam fuisse legem spiritua-  
lem, puta euangeliū, sed hoc aiunt non fuisse spiritualiter & secundū veram intelligentiā prædicatū, sed tantū iuxta literā, & in superficie. Hic ergo, ut istorū temeritas clarius pateat, per-  
contari illos oportet, utrū ideo Apostoli nō prædicauerunt secundum spirituale intelligentiā euangeliū, quia illud sic non intellexerūt? an quia cum intellexerint, prædicare noluerūt, si-  
bi ipsi verā intelligentiā seruantes, aliis autē solū denunciantes literam? Nullus diceret Apostolos ignorasse euangelium iuxta spiritua-  
lem illius intelligentiam, cum dominus dicat, Omnia quæ habui à patre meo, nota feci vobis. Et alibi, Vobis datum est nosse mysterium regni Dei. Quod si mysterium, non ergo *Ioan. 15* solam literam. Deinde quis audeat dicere beatum Ioannem euangelistā ignorasse intelligentiā spirituale euangelij, cui su-  
*Luce 8*

praepectus domini in cœna recumbēti reuelata sunt secreta cœlestia: Et de Paulo etiā quis audebit hoc dicere, qui in tertiū vsque cœlum raptus vidit arcana Dei, quæ nō licet homini loqui? qui etiā euangelium non ab hominibus, sed ab ipso Deo, vt ille ait, accepit? Præterea si Apostoli ignorauerunt spiritualem euangelij intellectū, malè Paulus impropere Iudæis quod solū literæ cortici adhærentes, literæ spiritū nō tenerent. Posset quidē illi obiici illud poētæ, Loripedē rectus derideat, Aethiopem albus. De Iudæis autem Apostolus loquens ait, Vsq; in hodiernum diē velamen positū est super cor eorum. Cum autem conuersus fuerit ad Deum, auferetur velamē. Dominus autem spiritus est. Vbi autem spiritus domini, ibi libertas. Nos verò omnes reuelata facie gloriam domini speculantes, in eandem imaginē transformamur tanquā a domini spiritu. Accedit ad hæc quod Christus prope mortem ab Apostolis discessurus, eis dixit, Paracletus autē, inquit, ille quem mittet pater in nomine meo, ille vos docebit omnia, & suggeret vobis omnia quæcunque dixerō vobis. Quid autem est suggeret illis, nisi declarabit, exprimet, quæ fortè obscurius à Christo dicta non intellexerant propter eorū tunc obtusum ingeniū, sed adueniente spiritu sancto omnia fuerunt illis aperta: Si autē Apostoli verum & spirituale euangelij intellectū habuerunt: oportet fateri eos ita prædicasse prout intellexerūt. Alioqui peiores fuissent quā si ignorassent, quoniā scientes, & iuxta scientiam docere nolentes, aut inuidiæ, aut alterius similis criminis meritò accusarentur, nulla eos excusante ignorantia. Nec in hac re meo iudicio est amplius morandū: cū de illa iam Apostolus Paulus sententiā apertā dixerit. Sic enim ait, Idoneos nos fecit ministros noui testamenti, nō litera, sed spiritu. litera enim occidit, spiritus autem viuificat. Nihil quidē contra istos expressius dici potuit. Abeant ergo & suas fabulas vetulis prope ignem narrent, & non viris doctis qui sciunt triticum discernere à lolio.

*Pseudo-  
apostoli.  
Gerardus.*

Secunda hæresis est, quæ asserit Apostolos nec habuisse nec recepisse pecuniā, neq; aliquid in crastinū seruasse: & quod peius est, docet etiā hæc heretis nihil horum Apostolis licuisse. Quapropter spem salutis tollit omnibus pecuniā recipiētibus, aut aliquid in crastinū seruātibus. Huius hæresis authores fuerunt quidā dicti pseudoapostoli, qui fuerūt circa tēpus Bonifacii papæ huius nominis 8. Istoru dux fuit quidā Gerardus Sagarrellus de Parma, qui captus in errore, damnatus & cōbustus fuit

fuit. Hunc velut discipulus magistrum sequutus est quidam *Sagarel-Dulcinus* Nouariensis, qui cum vxore sua *Margareta* eiusdem *lus*. criminis conscia similem suo magistro passus est mortem. De *Dulcinus*. his dici potest illud *Apocalyp*. Tentasti eos, qui se dicunt *Apo Apo 2* stolos & non sunt, & inuenisti eos mendaces. Nam isti iactabant se vitam apostolicam habere, eò quòd sicut *Apostoli*, vt dicebant, sic & ipsi pecuniam non recipiebant, neque aliquid in crastinum seruabant. Ad quòd asserendum mouebantur ex eo quòd *Christus* redemptor & mágister omnium *Apostolis* dixit, Nolite possidere aurum neque argentum, neque pecuniam in zonis vestris. Et iterum, Nolite solliciti esse in crastinum. Et alia huiusmodi quæ dominum dixisse *Apostolis* suis euangelistæ referunt. Verùm hæc hæresis ex prauo literæ intellectu, vt sæpe euenire solet, oritur. Quapropter contra hanc hæresim hoc ordine procedemus, vt primò illā de hæresi conuincamus, deinde verū illius euangelicæ scripturæ sensum doceamus. Primò ergo, *Apostolos* pecuniam habuisse, eamq; secum portasse satis conuicitur per id quòd dicitur apud *Ioannem*: Cum venisset *Iesus* in ciuitatem *Samarie*, quæ dicitur *Sichem*, ipso manente prope fontem extra ciuitatem, discipuli eius abierunt in ciuitatem vt cibos emerent. Rursus apud eundem *Ioannem* euangelistam dicitur, cum dominus *Iudæ* traditori dixisset. Quod facis, fac citius: hoc neminè *Apostolorum* intellexisse: eò quòd putabant, quia loculos habebat *Iudas*, quòd dixisset ei *Iesus*, eme ea quæ opus sunt nobis ad diem festum, aut egenis vt aliquid daret. Quæ verba pertractans *Theophylactus* super *Ioannem* ait, Et quomodo, quia alios admonet ne portent peram nec æs, ipse autem marsupium ferebat? Ostendit quòd & possessione carentem, & crucifixum mundo, magnam oportet eius partis, videlicet pauperum, curam habere. Hæc *Theophylactus*. In quibus verbis illud aduertere oportet, quòd *Theophylactus* sentit verbum *Christi* de non portanda pecunia esse inter admonitiones & consilia computandum, & non inter præcepta. Qualitercunq; tamè hoc se habeat: illud semper est certum, *Christum* & eius *apostolos* pecuniam, secum portasse: sicut duo, quæ proximè citauimus testimonia apertissimè ostendunt. Quapropter non est de hac re amplius contendendum: cum hæc sententia de non portanda pecunia, his testimoniis efficacissimè conuincatur. Ad aliam ergo huius hæresis particul



- ticulam procedamus. Nam quod isti pseudoapostoli aiunt de reseruatiōe in crastinum, eam non esse licitam, quoniam (vt dicunt) ita apostolis prohibitum est aliquid in crastinum seruare: hoc est falsum perinde ac reliquum. Christum siquidem & apostolos aliquid seruasse in crastinum bene cōuincitur per
- Ioan. 6** id quod habetur apud Ioannem. Cū enim dominus ex quinque panibus & duobus piscibus satiasset quinque milia hominum, dixit postea apostolis, Colligite quæ superauerunt fragmenta, ne pereant. collegerūt autem duodecim cophinos fragmentorum. Vides hic aliquid reseruatum. Apostolus etiā collectas fieri ordinauit per vnam sabbati, vt inde egentibus distriberent: nec tamen omnia quæ vno die colligebant, tunc diuidebant: sed prout necessitas & egestas pauperū exigebat. oportebat ergo inde aliquid seruare pro tempore. Similiter ( vt in
- Act. 11** lib. Actuum Apostolorum patet) multa procurata sunt necessaria indigentiae fratrum propter famem instantem, quæ per Agabum prædicta fuerat, & sub Claudio postea euenit. Deinde Paulus nauigans cum ad Cæsarem appellasset, ad quē missus est, nōne aliquid alimenti pro via recepit: nec tamen pro vno tantum die prouidit, quia non vna die solet naus ex Asia Romam peruenire: quinimo multis diebus in via moram fecit. Verū licet hæc clarissima sint, oportet tamen vt eorū obiectionibus respondeamus. Primò ergo adducunt illud
- Mat. 10** Matthæi, Nolite portare aurum neque argentum neque pecuniam in zonis vestris. Huic dupliciter respondemus. Primò quod aliqua fuerunt Apostolis prohibita vno tempore, quæ postea eis licuerunt: vnde liquet prohibitionem talem non fuisse absolutam & sempiternam, sed temporariam ad aliquod certum tēpus restrictam, quales sunt multæ ex his quæ habentur Matthæi decimo capite cum à domino ad prædicandum mittuntur: vt gratia exempli ibidem dicitur, In viam gentium ne abieritis, & in ciuitates Samaritanorum ne intraueritis: quod certum est referendum esse ad illud tempus quo ad prædicandum mittebantur, vt tunc nō accederent ad loca gentilium: non autem absolute, vt scilicet nunquam accederent ad ea loca quæ
- Mat. 15** gentes inhabitant. Nam in eodem Matthæo postmodum dicitur quod secessit Iesus in partes Tyri & Sidonis, quæ oppida
- Ioan. 4** ad gentes pertinebant. & apud Ioannem habetur quod accessit ad Samariam. Apostoli etiam post ascensionem Christi relicta Iudæa conuerterunt se ad gentes. Petrus siquidem fuit Antiochiæ

iochiz, & Romæ, vbi & mortuus & sepultus est. Ad hūc etiam  
 modum de non portanda pecunia in zonis, fuit fortè præce-  
 ptum apostolis pro illo solo tempore quo mittebantur. Vole-  
 bat enim Christus docere apostolos qualiter iactare deberent  
 cogitatum suum in domino, & in illo collocandam esse spem:  
 quo facto ipse illos enutrit. vt autem hoc experientia cogno-  
 scerent, misit illos iubens eis vt non portent pecuniam, qua re-  
 iecta experiri tūc possent quomodo nihil illis deesset, quoniam  
 ij quibus prædicabant, eos alere tenebantur. Dignus est (inquit)  
 mercenarius cibo suo. Quapropter cum aliās docens eosdem Mat. 10  
 de hac re etiam differuissent, ait: Quando misi vos sine sacculo Luc. 22  
 & sine pera, nunquid defuit vobis aliquid in via? Vnde videtur  
 hac ratione tunc illis fuisse prohibitum portare pecuniam, vt  
 tunc experiri possent dominum habere curam illorū, nihilque  
 illis deesse, etiam si pecuniam reiicerent, qua ratione conuince-  
 ret eos non debere spem suam figere in pecunia aut auro vel ar-  
 gento, sed in Deo. Aliter etiam dici potest iusta beatum Augu-  
 stinum, qui in pluribus locis ait illud non fuisse præceptum,  
 sed consilium. In secundo etenim libro de consensu euangeli-  
 starum capite trigesimo dicit, Cū dominus diceret aposto-  
 lis, nolite possidere aurum, neque argentum, neque pecuniam  
 in zonis vestris, &c. continuo subiecit, dignus est operarius mer-  
 cede sua. Vnde satis ostēdit cur eos hæc possidere aut ferre no-  
 luerit: non quia necessaria non sunt sustentationi huius vitæ:  
 sed quia sic eos mittebat, vt eis deberi monstraret ab eis quibus  
 credentibus euangelium nunciarent, tanquam stipendia mili-  
 tantibus. Vnde apparet hoc non ita præcepisse dominum, tan-  
 quam euangelistæ aliunde viuere non debeant, quā ab eis  
 credentibus quibus euangelium annunciant: alioquin contra  
 hoc præceptum fecisset Paulus, qui victum de manuum suarū  
 laboribus transigebat, ne cuiquam grauis esset: sed apparet do-  
 minum potestatem dedisse apostolis in qua scirent ista sibi de-  
 beri. Cū autem à domino aliquid imperatur, n. si fiat, culpa  
 inobedientiæ est. Cū verò potestas datur, licet cuiq; non vti,  
 & suo iure cedere. Hoc ergo ordinans dominus, quòd qui euan-  
 gelium annunciant, de euangelio viuant: illa apostolis loque-  
 batur, vt securi non possiderent nec portarent huic vitæ neces-  
 saria. Hucusque Augustinus. Et eandem sententiam repetit in  
 libro contra Adimantum hæreticum cap. 20. Idem prorsus di-  
 cit in libro de mendacio cap. 22. Quod autem afferunt ex euan-  
 gelio

*Mat. 6* gelio Matthæi, videlicet, Nolite solliciti esse in crastinum, ex hoc conuincere volentes non licere aliquid in crastinum seruare: nullo pacto suam sententiam confirmat. Primò quidem

*Cras* (vt ait beatus Hieronymus super Matth.) cras in sacris literis non solùm denotat diem proximè futurum post præsentem, sed omne tempus futurum, & incertum, vt illud dicatur cras

*Gen. 30* futurum, quod aliquando eueniet, vt in Genesi dicit Iacob. Respondebitque mihi cras iustitiæ mea, quando placiti tempus aduenerit coram te. vbi clarè patet hoc aduerbiũ cras poni pro tempore futuro. Et in Samuelis phantasmate Phitonysa loquitur ad Saulem, Cras tu & filij tui mecum eritis. Nec tamen die proximo Saul & filij eius sunt defuncti, sed aliquot transactis diebus moritur Saul cum tribus filijs. Et ita iuxta hanc interpretationem posset dici, per illam literam non prohiberi reservationem pro crastina die, hoc est proximè sequenti, sed provisionem pro toto tempore futuro. Secundo & melius & clarius respondemus, non prohiberi reservationem pro crastino: sed sollicitudinem: ne scilicet adeo solliciti sint, vt sollicitudo ipsa separet nos à Deo cui seruire debemus. Hoc autè & verba ipsa sonant, & ex præcedentibus facile colligitur. Non enim dixit, nihil seruabitis in crastinum: sed dixit, Nolite solliciti esse in crastinum. At sine sollicitudine quis potest in crastinum seruare, imo cum iam seruauit pro crastino, sollicitudo ipsa tollitur,

*1. Tim. 6* vt non sit ei iam cura de crastino, sed cogitet de Deo. Apostolus nanque ait, Habentes alimenta, & quibus tegamur, his contenti simus. Vnde Theophylactus exponens illa verba apud Matthæum, ait: Sufficit enim tibi quòd hodierna afflictione obrueris, quòd si & pro crastino sollicitus fueris, quando vacabis Deo, semper temetipsum crucians pro corporalibus? Hæc Theophylactus. Vides ibi sollicitudinem nimiam prohiberi, & nō solam reservationem, aut rerum pro crastino detentionem. Errant ergo pseudoapostoli dicentes nihil in crastinum licere seruare.

#### A Q V A.

**D**E hac re duas solùm reperio hæreses. Prima est quæ dicit aquam non esse creatam à Deo: sed esse illi coæternam. Hanc hæresim recitat Philaster, nullo illius nominato auctore: & beatus Augustinus in lib. de hæresibus septuagesimo sexto loco inter hæreses eam recenset, nec etiam auctoris meminit. Quicunq; illius fuit inuentor, nescio vnde sui erroris occasionē sumpserit,

sumpserit, nisi fortè quòd in libro Geneseos in quo de creatione rerum agit Moyses, cum de creatione cœli & terræ mentionem fecerit, nusquam tamen de creatione aquæ meminit, sed solum dixit quòd spiritus domini ferebatur super aquas. Hæc autem heresis faciliè conuincitur per id quod dicitur in Psalmo octogesimo octauo, Tui sunt cœli, & tua est terra, orbem terræ & plenitudinem eius tu fundasti, aquilonem & mare tu creasti. *Gen. 1*  
 & psal. 34. Omnia quæcunq; voluit dominus fecit in cœlo & *Ecc. 1*  
 in terra, in mari, & in omnibus abyssis. Si ergo Deus creauit mare, & aquas creasse etiam oportet, quoniã cōgregationes aquarum appellauit maria. Et (vt ait Ecclesiastes) omnia flumina intrant mare. Quod autem eorum nomine obijcitur, de creatione aquæ nullam factam esse à Mose mentionem in lib. Geneseos: hoc falsum est, & ex falsa scripturæ intelligentia procedens. Nam cum dixit, In principio creauit Deus cœlum & terram ibi nomine terræ omnia corporea quæ sub cœlo sunt significantur. Hoc etenim nomen terra duplìciter accipitur in sacris literis præcipuè in illo primo capite libri Geneseos. Aliquando nanque terra sumitur pro massa illa ex qua omnes creaturæ corporeæ deriuatæ sunt: de qua dicitur quòd erat inanis & vacua, id est informis, tanquam rudis quædã & indigesta moles, ex qua partes diuersæ sumptæ sunt ad diuersarum formarum susceptionem. Et hæc est de qua dicitur: In principio creauit Deus cœlum & terram, hoc est massam illam ex qua omnes res corporeæ deriuatæ sunt, & per consequens aqua. Et hanc terram philosophi vocant materiam primam, eo quòd prima sit materies, ex qua per susceptionem diuersarum formarum ceteræ corporeæ substantiæ digestæ sunt. Aliquando capitur terra, idq; vsitatus, pro vno ex quatuor elementis, & sic *Gen. 1*  
 capitur in eodè loco cum dicitur, Congregentur aquæ quæ sub cœlo sunt, in locum vnum, & appareat arida. Et factum est ita, & vocauit Deus aridam terram, cōgregationesq; aquarum appellauit maria. Cum ergo arida vocatur terra: contractius est nomen terræ quàm cum dicitur, In principio creauit Deus cœlum & terram: quoniã hic terra ad materiã omniũ substantiarũ corporearum se extēdit, & ita ad materiam aquæ. Quapropter de aqua ibidem nomine terræ fit mentio. Quod si nulla ibidem fieret de aqua memoria, nusquam inde colligere liceret aquam non esse creatam: cum hoc ex alijs scripturæ locis non minus canonicis quàm est liber Geneseos, apertè conuincatur.

Contra



Contra hanc hæresim est symbolum concilij Nicæni, & symbolum concilij Constantinopolitani quorum vtrunq; fatetur Deum esse omnium creatorem visibilibus & inuisibilibus. Et idem docet concilium Lateranense sub Innocentio .i. celebratum, cuius decretum habetur in cap. Firmiter. De sum. trin. & fide catholica.

Secunda hæresis est, quæ dicit aquam benedictam nihil plus habere virtutis aut efficaciarum quam non benedictam. Huius erroris primi, quod sciam, auctores fuere quidam, qui flagellantes sunt appellati. Hi circa tempus Gregorij papæ huius nominis decimi surrexerunt in Italia: atque inde in Germaniâ & Galliam processerunt, qui ad 40. annos vel circa semetipsos flagellando per mundum transierunt: & ita ab eorum opere nomen sortiti, vt flagellantes sese appellarentur: quoniam nodosis flagellis in quibus aculei inserti erant, seipsos flagellabant, dicentes quod hæc flagellatio potior sit ad delenda quæcunque peccata, quam quæcunque confessio: imò comparabāt ipsam martyrio, vel præferebant: quoniam vltro ipsi, vt dicebant, sanguinem proprium fundebant: martyres verò ab aliis hoc pati cogebantur. Ex ista secta pessimi errores derivati sunt: inter quos hic vnus est quem diximus. Post istos in eodem errore successerunt quidam hæretici in Anglia dicti Lollardi, lex secta Vuitclufitarum originem trahentes, sed in hoc suo magistro Vuitclufuo nō adhærentes, nec mirum, quoniam hoc est hæreticis peculiare, vt nesciant tenere vnitatem. His Lollardis in eodem errore successit quidam germanus dictus Ioannes de Vuestfalia superiore, tempore Federici imperatoris huius nominis tertij: cuius libri eodem tempore ob multas alias hæreses ibidem repertas Moguntia ex sententia inquisitorum hæreticæ prauitatis combusti sunt. Hi ergo omnes concordī animo asserunt aquam benedictam nullius esse virtutis maioris, quam sit nō benedicta: quia non possumus, vt dicunt, benedictionibus nostris res facere meliores quam Deuseas per naturā condidit. Quapropter impij Lollardi dicunt omnes benedictiones factas super vinum, panem, aquam, oleum, & sal, & ceram, ecclesiæ muros aut pauimenta, vestes, mitram, calices, & alia similia, esse merè opus necromantiæ potius quam veræ & Christianæ pietatis: quoniam, vt aiunt, per tales exorcismos & benedictiones creaturæ honorantur, credendo de ipsis quod sint maioris virtutis quam sint in natura propria, cum tamen in creatura sic benedi

benedicta nulla videatur mutatio facta, sed sola falsa fides, quod est principale in arte diabolica. Verum quantum spectat ad exorcismos & benedictiones, alibi ostendemus ea omnia non Titulo, esse futilia & inania, nec à Christiana pietate separata. Nunc er- Exorcis- go de aqua solū & specialiter differamus. Primo quidem patet mus. eius benedictionē non esse dæmonum inuocationem, vt Lollardi mentiuntur, per id quod in libro Numerorum scribitur de zelotypia mariti aduersus vxorem. Sic enim dicitur, Si spiri- tus zelotypiæ concitauerit virum contra vxorem suam, quæ vel polluta est, vel falsa suspitione appetitur, adducet eam ad sacerdotem, & offeret oblationem pro illa decimam partem sati farinæ ordeaceæ. Non fundet super eam oleum, nec imponet thus: quia sacrificium zelotypiæ est, & oblatio inuestigans adulterium. Offeret igitur eam sacerdos: & statuet eam coram domino: assumetq; aquam sanctam in vase fictili: & pauxillum terræ de pauimento tabernaculi mittet in eam. Cūque steterit mulier in conspectu domini, discooperiet caput eius: & ponet super manus illius sacrificium recordationis, & oblationem zelotypiæ. Ipse autem tenebit aquas amarissimas, in quibus cū execratione maledicta congescit: adiurabitque eam, & dicet, Si non dormiuit vir alienus tecum, & si non polluta es deserto mariti thoro: non te nocebunt aquæ istæ amarissimæ in quas maledicta congescit: Si autem declinasti à viro tuo, atque polluta es, & concubuisti cum alieno viro: his maledictionibus subiacebis. Det te dominus in maledictiones, exemplūque cunctorum in populo suo. putrescere faciat femur tuum, & tumens vterus tuus dirumpatur. Ingrediantur aquæ maledictæ in ventrem tuum, & vtero tumescente putrescat femur tuum. Et respondet mulier, amen, amen. Scribetque sacerdos in libello ista maledicta, & delebit ea aquis amarissimis in quas maledicta congescit, & dabit ei bibere. Hæc ibi. Quid ad hæc respondunt Lollardi? est ne ille exorcismus maledictionis & diabolicus, an potius diuina pietate plenus vocēque diuina prolarus? Quomodo ergo illa aqua habet virtutem & efficaciam? nunquid per artem diabolicam? Absit, sed per virtutem diuinam: & tamen ibi nulla videtur post exorcismum facta in aqua mutatio, vt ipsi petunt. Quid ergo latrant? Si hoc fecit Deus tempore illo, cur non etiam erit paratus & alia similia nunc operari per creaturas ad sui nominis inuocationem? Quapropter vetustissima ecclesiæ consuetudo fuit, ab ipsis etiam apostolis

Contra hanc hæresim est symbolum concilij Nicæni, & symbolum concilij Constantinopolitani quorum vtrunq; fatetur Deum esse omnium creatorem visibilibus & inuisibilibus. Et idem docet concilium Lateranense sub Innocentio . celebra-  
tum, cuius decretum habetur in cap. Firmiter. De sum. trin. &  
fide catholica.

Secunda hæresis est, quæ dicit aquam benedictam nihil plus  
habere virtutis aut efficaciz quam non benedictam. Huius er-  
roris primi, quod sciam, authores fuere quidam, qui *Flagellantes* sunt appellati. Hi circa tempus Gregorij papæ huius nomi-  
nis decimi surrexerunt in Italia: atque inde in Germaniā & Gal-  
liam processerunt, qui ad 40. annos vel circa semetipsos flagel-  
lando per mundum transierunt: & ita ab eorum opere nomen  
sortiti, vt flagellantes sese appellarentur: quoniam nodosis fla-  
gellis in quibus aculei inserti erant, seipsos flagellabant, dicen-  
tes quod hæc flagellatio potior sit ad delenda quæcunque pec-  
cata, quam quæcunque confessio: imò comparabāt ipsam mar-  
tyrio, vel præferebant: quoniam vltro ipsi, vt dicebant, sangui-  
nem proprium fundebant: martyres verò ab aliis hoc pati co-  
gebantur. Ex ista secta pessimi errores derivati sunt: inter quos  
hic vnus est quem diximus. Post istos in eodem errore succe-  
runt quidā hæretici in Anglia dicti *Lollardi*, lex secta Vuitcle-  
fuitarum originem trahentes, sed in hoc suo magistro Vuitcle-  
fuo nō adhærentes, nec mirum, quoniam hoc est hæreticis pecu-  
liare, vt nesciant tenere vnitatem. His Lollardis in eodem er-  
rore successit quidam germanus dictus Ioannes de Vuestfalia  
superiore, tempore Federici imperatoris huius nominis tertij:  
cuius libri eodem tempore ob multas alias hæreses ibidem re-  
pertas Moguntiz ex sententia inquisitorum hæreticæ prauita-  
tis combusti sunt. Hi ergo omnes concordi animo asserunt a-  
quam benedictam nullius esse virtutis maioris, quam sit nō be-  
nedita: quia non possumus, vt dicunt, benedictionibus nostris  
res facere meliores quam Deuseas per naturā condidit. Qua-  
propter impij Lollardi dicunt omnes benedictiones factas su-  
per vinum, panem, aquam, oleum, & sal, & ceram, ecclesiæ mu-  
ros aut pauimenta, vestes, mitram, calices, & alia similia, esse  
merè opus necromantiæ potius quam veræ & Christianæ pie-  
tatis: quoniam, vt aiunt, per tales exorcismos & benedictiones  
creaturæ honorantur, credendo de ipsis quod sint maioris vir-  
tutis quam sint in natura propria, cum tamen in creatura sic benedi

benedicta nulla videatur mutatio facta, sed sola falsa fides, quod est principale in arte diabolica. Verum quantum spectat ad exorcismos & benedictiones, alibi ostendemus ea omnia non Titulo, esse futilia & inania, nec à Christiana pietate separata. Nunc er- Exorcis- go de aqua solù & specialiter differamus. Primo quidem patet mms. eius benedictionē non esse dæmonum inuocationem, vt Lollardi mentiuntur, per id quod in libro Numerorum scribitur de zelotypia mariti aduersus vxorem. Sic enim dicitur, Si spiri- tus zelotypie concitauerit virum contra vxorem suam, quę vel Nu. 5 polluta est, vel falsa suspitione appetitur, adducet eam ad sacerdotem, & offeret oblationem pro illa decimam partem sati farinæ ordeaceæ. Non fundet super eam oleum, nec imponet thus: quia sacrificium zelotypiæ est, & oblatio inuestigans adulterium. Offeret igitur eam sacerdos: & statuet eam coram domino: assumerq; aquam sanctam in vase fictili: & pauxillum terræ de pauimento tabernaculi mittet in eam. Cùmque steterit mulier in conspectu domini, discooperiet caput eius: & ponet super manus illius sacrificium recordationis, & oblationem zelotypiæ. Ipse autem tenebit aquas amarissimas, in quibus cū execratione maledicta congescit: adiurabitque eam, & dicet, Si non dormiuit vir alienus tecum, & si non polluta es deserto mariti thoro: non te nocebunt aquæ istæ amarissimæ in quas maledicta congescit: Si autem declinasti à viro tuo, atque polluta es, & concubuisti cum alieno viro: his maledictionibus subiacebis. Det te dominus in maledictiones, exemplumque cunctorum in populo suo. putrescere faciat femur tuum, & tumens vterus tuus dirumpatur. Ingrediantur aquę maledictæ in ventrem tuum, & vtero tumescente putrescat femur tuum. Et respondet mulier, amen, amen. Scribetque sacerdos in libello ista maledicta, & delebit ea aquis amarissimis in quas maledicta congescit, & dabit ei bibere. Hæc ibi. Quid ad hæc respondunt Lollardi? est ne ille exorcismus maledictionis & diabolicus, an potius diuina pietate plenus vocetque diuina prolarus? Quomodo ergo illa aqua habet virtutem & efficaciam? nunquid per artem diabolicam? Absit, sed per virtutem diuinam: & tamen ibi nulla videtur post exorcismum facta in aqua mutatio, vt ipsi petunt. Quid ergo latrant? Si hoc fecit Deus tempore illo, cur non etiam erit paratus & alia similia nunc operari per creaturas ad sui nominis inuocationem? Quapropter vetustissima ecclesiæ consuetudo fuit, ab ipsis etiam aposto-



lorum tēporibus ad nos vsque deriuata vt aqua benediceretur, sale exorcizaretur: vt per orationes quæ in eius benedictione ad Deum funduntur, dignetur Deus similia operari per eius asperſionem in nobis, qualia orādo aut benedicendo prius petita sunt. Non quòd ex ipsa benedictione aqua ipsa habeat necessario illam virtutē, quia nec aqua baptismatis (iuxta veriorē opinionem) habet hanc virtutem: sed quòd Deus aſſiſtit & operatur verbis super aquam dictis: differenter tamen, quia in baptisinate Deus ex promiſſo aſſiſtit, atque ideo nunquam non operatur: quia cœlum & terra tranſibunt priuſquā verbum vnum eius tranſeat. quapropter niſi ipſe baptisinate ablutus obſtaculum peccati opponat, ſemper Deus in baptizatum gratiam infundit. At non ſic eſt de aqua benedicta, nec ſic (vt ita dixerim) obligatus eſt, quia nec ipſe promiſit, nec ipſe hoc ſignum inſtituit, ſed confiſdendum eſt de eo quòd dabit & efficiet id in nobis, quòd in aqua poſtulatū eſt cum benediceretur, vt puta dicendo, Virtutem tuæ benedictionis infunde, vt quicquid, in domibus fidelium vel locis hæc vnda reſperſerit, careat omni immunditia, liberetur à noxa: non illic reſideat ſpiritus peſtilens, non aura corrumpens: diſcedant omnes infidæ latentis inimici, &c. Quòd ſi hæc omnia non ſemper aqua aſperſa operatur, inde conuincitur eam non eſſe ſacramentum, quia ſcilicet non eſt efficax ſignū. Quia tamen per eius aſperſionem multa mirabilia deus operatus eſt, conuincimus quòd etſi non ſit ſacramentum, hoc tamen habet, quòd maioris ſit multo virtutis, quā non benedicta: quoniam ad eius aſperſionem multa deus operatur quæ per aſperſionem alterius aquæ non benedictæ nullo modo operaretur. Nam vt de cæteris taceam, illud eſt manifeſtum quòd in nono libro hiſtorix triperitæ capite triceſimo tertio Theodoritus vnus ex tribus authoribus à quibus triperitæ nomen accepit, ait. Reſert enim quòd cum Theodoſius Imperator piſſimus iuberet templi idolorū deſtrui, quidam præfectus Apamiæ ciuitatis accedens vt templum Iouis deſtrueret, quòd ſe poſſe facere diſfidit, propterea quòd ædificium eſſet adeo robuſtum, lapides in eo locati adeo magni, ita tenaciter ſibi inuicem adhærentes, vt impoſſibile iudicaret lapidum iuncturas poſſe diſſolueri. Cūque ſuperueniſſet quidam qui ſe hoc facturum promiſit, puta ſuffodiens tres per circuitum columnas quibus præſiquè totum ædificium innitebatur, & ſub earum baſibus ligna fortis

Theodoritus.

fortissima supponens immisit ignem, nec tamen ignis accendebatur: quoniam dæmon quidam teterrimus apparuit qui flammam secundum vires suas prohibebat operari. Cùmque frequenter hoc facerent, & molitionem suam explere non possent, nunciauerunt Marcello illius ciuitatis episcopo, qui ecclesiam accedens vasculum aquæ sub altari poni præcepit. ipse verò in terram prostratus dominum orabat vt dæmonis tyrannidem pelleret: ne ex hoc infidelibus maior exultationis occasio nasceretur. Hæc cum dixisset, facto signaculo crucis in aqua, quendam diaconum suum Equitium, fide & zelo munitum, sumere iussit aquam, & velociter currere, & cum fide aspergere, ignemque supponere. Quod cum fuisset factum, dæmon aufugit, non ferens aquæ virtutem. Quid ad hæc impij Lollardi dicent? Nonne aqua illa per episcopi sancti orationem mutauit naturam, vt ignem non solum non extingueret, sed potius accenderet? Propter hæc & alia similia quæ experta sunt à fidelibus, ecclesia illam aquæ benedictionem approbat, eamque fieri præcipit, nec tamen ab heri & nudiustertius, sed ab ipsis apostolorum temporibus procedens, ad nostra vsque tempora deriuata est. Alexander siquidem papa huius nominis pri- *Alexāder*  
mus, qui quartus à beato Petro pontifex Romanus extitit, in *papa.*  
suis decretis quæ in libro conciliorum passim circumferuntur, *De consec.*  
sic ait, Aquam sale conspersam populis benedicimus, vt ea cun- *dist. 3. cap.*  
cti aspersi sanctificentur ac purificentur, quod & omnibus sacer- *Aquam.*  
dotibus faciendum esse mandamus. Nam si cinis vitulæ asper- *Leu. 4.*  
sus sanguine populum sanctificabat atque mundabat, multo *4. re. 2.*  
magis aqua sale aspersa diuinisq; precibus sacrata populū sanctificat atq; mundat. Et si sale asperso per Elisæum prophetam sterilitas aquæ sanata est, quanto magis diuinis precibus sacratus sterilitatem aufert rerum humanarum, & coinquinatos sanctificat atq; mundat, & expurgat, & cætera bona multiplicat, & infidias diaboli auertit, & à phantasmatis versutiis hominem defendit? Nam si tactu simbriæ vestimenti Saluatoris saluos infirmos esse non dubitamus, quanto magis virtute sacrorum eius verborum diuinitus sacrantur elemēta, quibus sanitatē corporis & animæ humana percipit fragilitas? Hæc Alexāder Papa. Ex cuius dictis patet nō esse nouū huius aquæ benedictæ vsum, quē nunc ecclesia tenet: magnā illius esse virtutē nō ex natura aquæ, sed virtute benedictionis aut orationis super eam factæ. Nō est ergo claua infernalis, aspersorium aquæ benedictæ, vt

lorum tēporibus ad nos vsque deriuata. vt aqua benediceretur, sale exorcizaretur: vt per orationes quæ in eius benedictione ad Deum funduntur, dignetur Deus similia operari per eius asperſionem in nobis, qualia orādo aut benedicendo prius petita sunt. Non quòd ex ipsa benedictione aqua ipsa habeat necessario illam virtutē, quia nec aqua baptismatis (iuxta veriorē opinionem) habet hanc virtutē: sed quòd Deus aſſiſtit & operatur verbis super aquam dictis: differenter tamen, quia in baptismo Deus ex promiſſo aſſiſtit, atque ideo nunquam non operatur: quia cœlum & terra tranſibunt priuſquā verbum vnum eiustranſeat. quapropter niſi ipſe baptismo ablutus obſtaculum peccati opponat, ſemper Deus in baptizatum gratiam infundit. At non ſic eſt de aqua benedicta, nec ſic (vt ita dixerim) obligatus eſt, quia nec ipſe promiſit, nec ipſe hoc ſignum inſtituit, ſed confiſendum eſt de eo quòd dabit & efficiet id in nobis, quòd in aqua poſtulatū eſt cum benediceretur, vt puta dicendo, Virtutem tuæ benedictionis infunde, vt quicquid in domibus fidelium vel locis hæc vnda reſperſerit, careat omni immunditia, liberetur à noxa: non illic reſideat ſpiritus peſtilens, non aura corrumpens: diſcedant omnes inſidiæ latentis inimici, &c. Quod ſi hæc omnia non ſemper aqua aſperſa operatur, inde conuincitur eam non eſſe ſacramentum, quia ſcilicet non eſt efficax ſignū. Quia tamen per eius aſperſionem multa mirabilia deus operatus eſt, conuincimus quòd etſi non ſit ſacramentum, hoc tamen habet, quòd maioris ſit multo virtutis, quā non benedicta: quoniam ad eius aſperſionem multa deus operatur quæ per aſperſionem alterius aquæ non benedictæ nullo modo operaretur. Nam vt de cæteris taceam, illud eſt manifeſtum quòd in nono libro hiſtoriarū triperitiæ capite triceſimo tertio Theodoritus vnus ex tribus authoribus à quibus triperitiæ nomen accepit, ait. Refert enim quòd cum Theodoſius Imperator piſſimus iuberet templū idolorū deſtrui, quidam præfectus Apamiæ ciuitatis accedens vt templum Iouis deſtrueret, quòd ſe poſſe facere diſfidit, propterea quòd ædificium eſſet adeo robuſtum, lapides in eo locati adeo magni, ita venaciter ſibi inuicem adhærentes, vt impoſſibile iudicaret lapidum iuncturas poſſe diſſolueri. Cūque ſuperueniſſet quidam qui ſe hoc facturum promiſit, puta ſuffodiens tres per circuitum columnas quibus præciquè totum ædificium innitebatur, & ſub earum baſibus ligna  
fortiſ

Theodori  
tms.

fortissima supponens immisit ignem, nec tamen ignis accendebatur: quoniam dæmon quidam teterrimus apparuit qui flammam secundum vires suas prohibebat operari. Cùmque frequenter hoc facerent, & molitionem suam explere non possent, nunciauerunt Marcello illius ciuitatis episcopo, qui ecclesiam accedens vasculum aquæ sub altari poni præcepit. ipse verò in terram prostratus dominum orabat vt dæmonis tyrannidem pelleret: ne ex hoc infidelibus maior exultationis occasio nasceretur. Hæc cum dixisset, facto signaculo crucis in aqua, quendam diaconum suum Equitium, fide & zelo munitum, sumere iussit aquam, & velociter currere, & cum fide aspergere, ignemque supponere. Quod cum fuisset factum, dæmon aufugit, non ferens aquæ virtutem. Quid ad hæc impij Lollardi dicent? Nonne aqua illa per episcopi sancti orationem mutauit naturam, vt ignem non solum non extingueret, sed potius accenderet? Propter hæc & alia similia quæ experta sunt à fidelibus, ecclesia illam aquæ benedictionem approbat, eamque fieri præcipit, nec tamen ab heri & nudiustertius, sed ab ipsis apostolorum temporibus procedens, ad nostra vsque tempora deriuata est. Alexander siquidem papa huius nominis pri- *Alexāder*  
mus, qui quartus à beato Petro pontifex Romanus extitit, in *papa.*  
suis decretis quæ in libro conciliorum passim circumferuntur, *De consec.*  
sic ait, Aquam sale conspersam populis benedicimus, vt ea cun- *dist. 3. cap.*  
cti aspersi sanctificentur ac purificentur, quod & omnibus sacer- *Aquam.*  
dotibus faciendum esse mandamus. Nam si cinis virulæ asper- *Leu. 4.*  
sus sanguine populum sanctificabat atque mundabat, multo *4. re. 2.*  
magis aqua sale aspersa diuinisq; precibus sacrata populū sanctificat atq; mundat. Et si sale asperso per Elisæum prophetam sterilitas aquæ sanata est, quanto magis diuinis precibus sacratus sterilitatem aufert rerum humanarum, & coinquinatos sanctificat atq; mundat, & expurgat, & cætera bona multiplicat, & infidias diaboli auertit, & à phantasmatis versutiis hominem defendit? Nam si tactu simbriæ vestimenti Saluatoris saluatos *Mat. 9*  
infirmos esse non dubitamus, quanto magis virtute sacrorum eius verborum diuinitus sacrantur elemēta, quibus sanitatē corporis & animæ humana percipit fragilitas? Hæc *Alexāder* Papa. Ex cuius dictis patet nō esse nouū huius aquæ benedictæ vsum, quæ nunc ecclesia tenet: magnā illius esse virtutē nō ex natura aquæ, sed virtute benedictionis aut orationis super eam factæ. Nō est ergo claua infernalis, aspersorium aquæ benedictæ, vt



pessimi Flagellantes métiuntur: nec benedictiones aut orationes super eā dictæ sunt dæmonū maledictiones, aut necromantiz incantationes, vt impii Lollardi murmurant. Quod autem Lollardi obiiciunt, quod nos volumus per nostras benedictiones, res efficere meliores, quàm Deus eas per naturam condiderit: hoc adeo est manifeste verū: vt etiam ipsi quantumlibet renitantur, concedere teneantur. Deus siquidem quotidie nouas creat animas, quæ etsi bonæ sint per naturam, non tamen eas bonas creat in gratia: alioqui nullum esset in aliqua earū peccatum originale cū primo creata corpori adhæret: tamen postmodum per bonorum operum exercitium proficiunt in moribus, in quibus creatæ à Deo non fuerant. Quod si nullo pacto meliores effici possunt quàm Deus eas per naturam condiderit, frustra docentur, frustra illis bonitas persuadetur, frustra illis prædicatur. Accedit ad hæc, quod culpandæ nō essent, si meliores non fiunt: quia hoc eis impossibile esset, & ita totus illarum defectus in Deum reiiciendus erit, qui illas meliores non creauerit. Quæ omnia absurdissima sunt, & impietate plena. Non ergo debēt mirari impii Lollardi quod dicamus creaturas per hominum benedictiones meliores reddi quàm à Deo creatæ fuerint per naturam: hoc tamen non ab ipsis hominibus fit, sed à Deo propter merita benedictionum & orationū præcedentium. Huius autem benedictionis traditio specialis (vt ait Augustinus) in synagoga permāsit, & in ecclesia celebratur in nuptiis: vbi Dei creaturæ sub Dei benedictione iunguntur, & ibidem meliores fiunt, non tamen à benedicente aut orante, sed à Deo, vt multiplicetur super terram. De hac re, scilicet de aqua benedicta eiusq; virtute & efficacia, scripsit librum Ioannes de turre cremata Cardinalis sancti Sixti, ordinisq; fratrum prædicatorum, quē fateor me non vidisse, nec inuenire potuisse: quod doleo: quoniam cum virum doctū eum existimem, magnas mihi suppetias (vt credo) tribuisset. Verū Ioannes Tritemius in libro de ecclesiasticis scriptoribus refert hunc Cardinalem scripsisse librum de hac re.

F. ALF

## F. ALFONSI DE CASTRO ADVERSUS HÆRESSES, liber tertius.

## BAPTISMVS.



**P**LVRA sunt quæ in baptismo tenere & firmiter credere oportet, scilicet baptismum esse sacramentum, materiam baptismi esse aquam, verba quibus baptizandus est quisque, esse, in nomine patris & filii & spiritus sancti, &c. ipsius baptismi virtutem & efficaciam, ut per illum deleatur peccatum originale, & gratia à deo infundatur. His autem omnibus contrariæ hæreses ortæ sunt, quas tali ordine disponemus, ut prius de his dicamus quæ substantiæ baptismi aduersantur: deinde eas pertractabimus, quæ efficaciam virtutemque illius oppugnant. *Prima hæresis*

Prima ergo hæresis est, quæ errat in materia (prout recetiores theologi loquuntur) non enim baptizant in aqua, sed in igne. Hic est error Seleuci & Hermiæ Galatarum, de quibus iam supra diximus. Aug. in lib. de hære. cap. 59. de Seleucianis & Hermianis loquens, dicit illos non baptizasse in aqua, non tamen expressit in qua re baptizabant. Verum Philaster de illis dissensens, expressit eos baptizasse in igne: occasionem inde sumentes quod ait Ioannes Baptista apud Matthæum, de Christo loquens, Ipse vos baptizabit in spiritu sancto & igne. Quanquam & illa vox, igne, (ut doctissimus vir Eras. admonet) in exemplaribus Græcorum non habetur: tamen Hieronymus & Hilarius ita legunt, & Chrysostomus qui Græcus fuit, ita legit, & Cyrillus etiam Græcus in lib. de recta fide ad reginas, ita hunc locum citat. Quapropter locum illum admittentes prout citatur, dicimus Christum baptizaturum in spiritu sancto & igne, quia spiritus sanctus est ignis: vel quia hic baptizamur in spiritu & aqua, in futuro autem baptizamur igne: iuxta illud Apostoli, vniuscuiusque opus quale sit, ignis probabit. Et hac duplici interpretatione exponit illum locum Hieronymus, similiter Hilarius: & hos sequitur Christianus Druthmarus. Et hæc expositio de baptismo ignis pro tempore futuro satis apparet esse literę germana, per id quod immediatè subiungit, Cuius ventilabrum in manu tua, & permundabit aream suam, & congregabit triticum in horreum suum, paleas autem comburet igne inextinguibili. Ex quibus verbis patet illum fuisse locutum de igne futuri iudicii. *Verum*

*Prima hæresis**Seleucus.**Hermias.**Matth. 3**1. Cor. 3*

Nicolaus Lyranus ideo putat dictum, in spiritu sancto & igne, quia in primitiua ecclesia spiritus sanctus descendebat in figura ignis. Mihi (vt ingenue loquar) magis arridet prior expositio. Superest vt hæresim ipsam expugnemus, in quo negocio parum demorari conuenit, cum res sit apertissimè sacris literis contraria. Euntes (inquit dominus) in mundū vniuersum, prædicare euangelium omni creaturæ, baptizantes eos in nomine patris & filij & spiritus sancti &c. Baptizare autem græcè idem est quòd immergere latinè, & baptisma idem quod immersio aut lotio. Nullus autem lauat igne, sed adurit, aqua autem lauamur. Præterea Apostolus Paulus de baptismo mentionem faciens, lauacro aquæ Christum nos mundasse ait non autem adustione ignis. Sic enim ait: Viri diligite vxores vestras, sicut & Christus dilexit ecclesiā, & seipsum tradidit pro ea, vt illā sanctificaret, mundans eā lauacro aquæ in verbo vitæ, vt exhiberet ipse sibi gloriosam ecclesiā, non habentē maculam neque rugā. Ecce Apostolus dicit ecclesiā mundatā lauacro aquæ, nō autem adustā igne. Rursus ipsimet Apostoli baptizantes, vt ex pluribus locis Actorū Apostolicorū patet, in aqua baptizabāt, non tamen in igne. Accedit ad hæc q̄ ipsemet dominus noster Iesus Christus in Iordane baptizatus est à Ioāne, vt cōtactu suæ mūdissimæ carnis aquas sanctificaret, vt instrumentū esse possent diuinæ bonitatis ad expiāda peccata, & vt nobis exemplū præberet q̄ in aqua essemus baptizandi. Demū quoties vetus testamētū de hoc sacramēto figuratiue, vt solet, loquitur, nomine aquæ illud designat: vt apud Zachariā prophetā dicitur, In die illa erit fons patens domui David, & habitātibz Hierusalem, in ablutionē peccatoris & mēstruatæ. Et apud Ezech. dicitur: Effundā super vos aquā mūdā, & mūdabimini ab omnibus inquinamētis vestris, & ab vniuersis idolis vestris mūdabo vos. Apertissimū est ergo ex sacris literis baptismū in aqua fieri & nō in igne. Deniq; cōtra hāc hæresim est definitio cōcilij florētini sub Eugenio quarto celebrati, quod de sacramēto baptismi loquens hæc ait. Materia huius sacramenti est aqua vera & naturalis nec refert, frigida sit an calida. Hæc concilium.

**S**ecunda hæresis est circa formam huius sacramenti, hoc est circa verba quibus baptismus conficitur: quoniam nō illis vtitur quibus catholica vtitur ecclesia, & quæ Christus Apostolos suos docuit. Verū hæc hæresis partita est in plures, iuxta varias formas quibus diuersi hæretici vsi sunt. Quidam enim

enim sic baptizant, In nomine ignoti patris omnium, & veritate omnium matre, & in eo qui descendit, in Iesu. Hi sunt Marcitæ, discipuli Marci cuiusdā magicæ artis periti, qui circa tempora Apostolorum fuit: de quo mentionem facit Irenæus libro primo aduersus hæreses capite 8. & Eusebius libro 2. historię Ecclesiasticę capite 11. Hic enim Marcus inter alios, quos docuit errores, dixit quod is qui in lege & prophetis prædicatus est Deus, non esset pater domini nostri Iesu Christi: Cerdonem & Marcionem in hac parte sequutus: quia ille quidem, ut dicebat, ignotus esset: hic autem notus. de quo errore, a nobis differemus. Quapropter ab hoc errore, discipuli huius Marci procedentes, sic baptismi conficiebant, In nomine ignoti patris omnium &c. Alij verò ex eisdem sectatoribus Hebraica nomina ad pauorem audientium super eos, quos initiabant, terribiliter loquuntur. De Paulianistis & Cataphrygibus dicitur quod in nomine trinitatis minime baptizant, ut habetur prima questione. cap. Paulianistę. Quapropter in Nicenę concilio præceptum est, ut cum ad ecclesiam catholicam aliqui ex illis redierint, rebaptizentur, quoniam veram baptismi formam non tenuerunt, atque ideo nec verum baptismi. Quali autem forma utebantur, nunquam legi, neque apud Philastrium, neque apud Augustinum aut Guidonem, qui omnes de hac re loquuntur. Qui autem sint Cataphryges & quo tempore cœperint, in sequenti hæresi declarabitur. De Paulianistis verò, infra in titulo de Christo, hæresi prima dicitur. Aduersus istos omnes eisdem armis pugnabimus. Ostensa siquidem vera baptismi forma, manifestu euadet reliquas omnes inanes esse. Vera baptismi forma quam Christus docuit, ponitur in Mattheo, Euntes (inquit Christus) in vniuersum mundum, prædicare euangelium omni creaturæ: baptizantes eos in nomine patris & filij & spiritus sancti. Ex quibus verbis duo colliguntur esse necessaria ad formam baptismi, videlicet expressa trinitatis pronuntiatio, tribus scilicet personarum nominibus explicata, & verbum exprimens actum ipsum baptismi. baptizantes, inquit, eos in nomine patris & filij & spiritus sancti. De primo dicitur in canonibus Apostolorum, canone 49. Siquis episcopus aut presbyter iuxta præceptum domini non baptizauerit in nomine patris & filij & spiritus sancti: sed in tribus sine initio principijs, aut in tribus filiis, aut in tribus paracletis, abiciatur. Hæc ibi. Ut autem actus ipse bapti-

Marcitæ.

Paulianistę.

Cataphryges.

Marci ult.



zandi conformis sit verbis, præcipitur etiã vt in ipso baptismo trina sit mersio, quod ab ipsis etiam Apostolis statutum fuisse reperimus. Nam canon Apostolorum quinquagesimus sic ait, Si quis episcopus aut presbiter nō in trina mersione vnus msterij baptisma celebret, sed semel immergat in baptismo, quod dari videtur in domini morte, deponatur. Non enim, dixit nobis dominus, in morte mea baptizate: sed euntes docete omnes gentes, baptizantes eos in nomine patris & filij & spiritus sancti. Hæc ibi. Ecce quanta fuit Apostolis cura de expressione trinitatis in baptismo, vt non essent cōtenti verborum explicatione, nisi trinæ mersionis ostensione cōfirmaretur. Verum quod ibi dicitur de trina mersione, non est sic accipiendū, vt sine ea verus baptismus esse non possit, quoniam siue semel, siue bis, siue ter mergat, verus erit baptismus, si reliqua ad baptismum necessaria ad sint. Minister autem tenetur baptismū exequi in vna aut tribus mersionibus, iuxta consuetudinem loci in quo habitat. Nam de hac re iam definitum fuit in concilio Toletano quarto, cap. 5. quod quælibet ecclesia suam teneat cōsuetudinē. Hispania autē ad tollēdas occasiones hæresum, quæ ex trina mersione oriebātur, elegit in illo concilio vnicā mersionē, ne videlicet quispiā putaret triplicē esse personarū diuinarum substantiā, sicut trina erat mersio. Siue tamē vnica, siue multiplici mersione baptizet, verba tamen semper debent esse eadem, vt videlicet tres personæ propriis earum nominibus exprimantur. Quod si quis obiiciat Apostolorum factum, qui in Christi nomine solum baptizarunt, nō expressis aliarum personarū nominibus, vt apostolica historia narrat, quod ad prædicationē Philippi Samaritani conuersi sunt, & baptizati erant in nomine Iesu: huic obiectioni primò respondetur id quod beatus Ambr. ait, in nomine Iesu Christi totam designari trinitatem. Nam cum Christus idem sonet latinē quod vnctus, hoc ipso nomine quadam rerum connexionē denotatur & ipse, qui vnctus est, scilicet filius, & à quo vnctus est, videlicet pater, & vnctio ipsa qua vnctus est, videlicet spiritus sanctus. Quapropter cum in nomine Iesu Christi tota trinitas designetur, potuerunt (vt ait) Apostoli in nomine Iesu baptizare. Aliter respondetur & fortē exactius iuxta recētorum theologorum communem sententiam, Apostolos tunc id egisse ex diuina quadam dispensatione illis insinuata, propter exaltationē nominis Iesu Christi, quod Iudæis erat scandalum, gentibus autem stultitia. Qua  
occa

A 7. 8

occasione sublata, cum videlicet iam nomen domini Iesu esset exaltatum, nulli licet hoc solo nomine inuocato baptizare. Quod si secus aliquid attentatum sit, ut videlicet quis in solo Christi nomine baptizare tentaret, varia est inter doctores sententia, an baptismus esset inanis & infrugifer. De secundo autem videlicet quod requiratur verbum exprimens actum baptismationis, & tertio similiter, si persona baptizata, patet ex ipsis Christi verbis, Baptizantes (inquit) eos in nomine patris &c. Vbi ponitur participium baptizantes, exprimens actum ipsum: & pronomem eos, exprimens personas baptizatas. Quod autem actus baptizandi exprimitur per verbum indicatiui aut alterius modi, puta imperatiui, non est definitum quid necessarium sit, quoniam nec bene definiri posset, cum Christus in suis verbis actum baptismi participio expressit, & non verbo. Baptizantes (inquit) eos &c. Quapropter ecclesia Romana quantum ad hoc, permittit ac tolerat Græcos, qui in alia forma baptizant, quam Latini. Sic enim dicunt, baptizetur seruus Christi in nomine patris & filij & spiritus sancti. Quia enim in principio nascentis ecclesie tale schisma ortum est, ut quilibet æstimeret illum ad se pertinere, qui ab illo baptizatus esset, ita ut vnus diceret, Ego sum Cephæ, alius ego I. Cor. I sum Pauli, quos Apostolus reprehendens ait, Nunquid Cephas pro vobis mortuus est, aut Paulus? Ad tollendum hoc schisma ordinatum est inter Græcos, ut nullus baptizaret dicens, Ego te baptizo in nomine patris &c. sed diceret, Baptizetur seruus Christi in nomine patris, &c. ne villo modo verbis aliquibus ostenderet se baptismi auctorem, sed solum ministrum. Quod autem ibi sit integra baptismi forma, patet quia ibi est manifesta trinitatis expressio, ibi exprimitur actus baptizandi, quamuis in imperatiuo modo, quod non refert, & persona baptizata, quamuis in tertia persona: nihil ergo deficit. Non ergo propter hoc Græci iudicantur hæretici, quia sic baptizant: sed quia sic baptizantes, credunt Latinos alia forma vtentes, non conficere baptismum, & propter hoc hæretici iudicantur, cum dicendo, Ego te baptizo in nomine patris &c. omnia etiam ponantur ad debitam formam & Christi verbis conformem necessaria. Et quia Græci hac occasione sicut & alii ab ecclesie Rom. obediencia separati sunt, ideo schismatici appellantur. Cæterum quod Alexander tertius huius nominis Pontifex ait in cap. primo titulo, de baptismo & eius effectu in libro Epistularum decretalium, Si quis puerum ter in aqua immerferit in nomine patris & filij & spi-

ritus sancti, Amen : & non dixerit , Ego baptizo te in nomine patris & filij & spiritus sancti , non est puer baptizatus. Hoc mea sententia, saluo meliori iudicio, & ecclesiae definitione seclusa, cui me semper summito, ita intelligendum est, ut quantumlibet quis ter mergatur in aqua, non credatur baptizatus, etiam si talis immersio sit facta in nomine patris & filij & spiritus sancti, nisi cum hoc etiam exprimatur actus ipse baptismi. Siue autem exprimatur actus ipsius baptismi in indicativo modo, siue in imperativo : de hoc non definit ibi pontifex, quia nec de illa re questio ibi agebatur: ad quod maxime aspicendum est. quoniam beatus Hilarius dicit ex circumstantia scripturarum pēdere saepenumero verum illarum sensum. Quod si illa essent omnino exacta & necessaria ut a pontifice ibidem describuntur, esset etiam necessario illud pronomen ego semper exprimendum, ut dicatur semper, ego te baptizo in nomine patris &c. & tamen Glossa ibidem dicit omissionem illius pronominis ego, nullo pacto obesse baptismi, quin verum baptismi conficiatur. Hoc idem colligitur ex quadam responsione Zachariae papae, quae ponitur in volumine Decretorum de consec. distinc. 4. cap. retulerunt. Nam cuidam quarenti an rebaptizandus esset qui his verbis fuerat baptizatus, videlicet, baptizo te in nomine patris, & filias, & spiritus sanctias. Papa respondet quod si sic baptizās, huiusmodi verba protulit ex ignorantia linguae latinae, & non ut errorem aliquem per illa verba induceret, verē baptizauit: nec est iterato baptizandus ille sic ab eo baptizatus, Et tamen in illis verbis, ut constat, non ponitur illud pronomen ego. Vnde patet pronomen non esse necessarium. Et hoc ipsum fatentur theologi omnes. Dicimus ergo Graecos in sua forma conficere, quamuis sic conficientes peccent, quod ecclesiae Romanae subesse contemnunt. Nam hoc apertissimē definiuit concilium Florentinum sub Eugenio quarto celebratum, sic inquit: Non negamus quin & per illa verba: Baptizetur talis seruus Christi in nomine patris & filij & spiritus sancti: vel, Baptizetur manibus meis talis in nomine patris & filij & spiritus sancti, verum perficiatur baptismi: quoniam cum principalis causa ex qua baptismi virtutem habet, sit sancta trinitas, instrumentalis autem sit minister, qui tradit exterius sacramentum: si exprimitur actus, qui per ipsum exercetur minister cum sanctae trinitatis inuocatione, perficitur sacramentum. Hæc concilium Florentinum.

tinum. Ostendimus ergo veram baptismi formam & exactam, quam Christus docuit, quæ tam ex euangelio quam ex canonicis Apostolorum patuit, in qua tria sunt necessaria, videlicet verbum explicans actum baptizandi, & nomen exprimens personam baptizatam, & totius trinitatis per propria personarum nomina expressio. Quod si vel minimum horum desit, sicut nec est vera forma, ita nec verus baptismus. Ex quibus conuincimus, Marcitas, Paulianistas, Cataphryges in baptismo conficiendo errare. Quapropter merito concilium Nicenum statuit eos, cum ad ecclesiæ fidem redirent, fore iterum baptizandos.

Tertia hæresis est quæ respicit personam baptizatam. Sunt enim qui mortuos baptizant, & isti sunt Cataphryges, ut Philaster ait. beatus tamen Augustinus in lib. de hære. nihil tale illis impingit. Hi Cataphryges aut Cataphrygi sic dicti sunt, quia ex Phrygia prouincia originem traxerunt. Horum authores fuerunt Montanus, qui dixit se fuisse paracletum, & duæ eius prophetissæ, videlicet Prisca & Maximilla, quas ipse Montanus tanquam ex ipsius inspiratione factas iactabat. De quo qui plura noscere cupit, legat Euseb. in 5. lib. Ecclesiasticæ historiæ, à cap. 15. vsque ad 19. nec tamen toto illo sui operis decursu vsquam hunc errorem illis impingit: quum tamen plures alios eorundem errores recenseat. Aduersus hos Cataphrygas, ut ibidem Euseb. refert, scripserunt Apollinaris Hierapolites, Maltiares, Apollonius. Alia est hæresis huic similis, aut forte est eadem, quoniam de Cataphrygis Philaster, dicens eos baptizare mortuos, non differit qualiter id faciebant. De Marcionistis autem Theophylactus exponens illud primæ ad Corinthios 15. Alioqui quid facient qui baptizantur pro mortuis, si mortui non resurgunt? sic ait: Mos est Marcionistis hæreticis, cum aliquis apud eos sine baptismo discesserit, eius qui vita functus esset, feretro viuum aliquem submittere hominem. proinde feretrum ipsi adeuntes, à mortuo sciscitantur, utrum ei libeat baptizari: moxque qui latitat viuus, de loco inferiori respondens, se velle inquit: afferentemque demortui loco baptizabant. Hi itaque prauæ huius consuetudinis insimulati, Apostolum dictitant eam rem iniunxisse, producentque dementes illi & vesani id dictum, videlicet, Alioqui quid facient qui baptizantur pro mortuis, si omnino mortui non resurgunt? Hæc Theophylactus. Quæ ideo citavi, quod neminem

*Cataphryges.  
Montanus.  
Prisca.  
Maximilla.*

*1. Cor. 15*



neminem ex his qui de hæresibus scripserunt, de hac re fecisse mentionem reperio. Philaster siquidem & Augustinus & Guido quanuis de Marcione eiusque erroribus differunt, nihil tamen huiusmodi illum sensisse referunt. Sed neq; Eusebius, qui in quarto libro historiæ Ecclesiasticæ de illo scribit, vnquam de hoc errore eum accusat. Neque etiam Tertullianus in libro de hæresibus, Marcionis errores recensens, vnquam huius mentionem fecit. Denique Irenæus libro primo aduersus hæreses cap. 29. & lib. quarto cap. 57. de erroribus Marcionis disputans, nihil tale illi impingit. Quapropter mirari non desino, vnde nam Theophylactus qui his post multa secula successit, acceperit hunc Marcionis fuisse errorem. Verum si rem plenius circumspeciamus, Theophylactus non ait hunc fuisse Marcionis errorem, sed Marcionistarum. At solene est hæreticis, qui aliorum hæreticorum vestigijs adhærent, vt nunquam suorum magistrorum erroribus sint contenti, sed semper illorum infantiâ, aliquid impietatis addentes, augere nitantur. Quapropter possibile fuit, vt Marcionis sectatores, erroribus illius hanc hæresim coniungerent, atque ita primi illi scriptores de ea non fecerunt mentionem. Theophylactus autem qui posterior fuit, de Marcionistis hæc dixisse potuit, non tamen de Marcione. Cum ergo de Marcione fecerimus mentionem, nunc operæ precium

*Marcion* erit differere quis hic fuerit. Marcion (vt Irenæus & Tertullianus scribunt) Ponticus natione, temporibus Antonini Pij, prius in doctrina philosophorum maximè Stoicorum imbutus, deinde ad fidem Christi cōuersus, Cerdonis dogma secutus, multa ex philosophica doctrina catholicæ religioni inferere conabatur: Romamque veniens, plures ibi seduxit. hic cum ibidem Polycarpum postea martyrem inuenisset, salutans eum dixit, Agnoscis me? Cui Polycarpus, Agnosco primogenitum Sathanæ. Hic præter euangelium Lucæ, idq; ab eo circumcisum, nullum euangelium recepit. Similiter & epistolas Pauli Apostoli abscidit, auferens ab eis quicquid suæ impietati repugnare videbatur. Contra hunc plures grauissimi auctores scripserunt, Dionysius Corinthiorum episcopus, Philippus Creten. Hippolytus episcopus Africanus, Rhodon Atianus, Irenæus Lugdunensis episcopus, Tertullianus. E quib⁹ hi duo vltimi (quod sciâ) solùm extant. Hæc ergo semel dicta in posterum sint. Iam ad errorem tam Marcionistarum quam Cataphrygum deueniamus, quoniam inter vtrosq; de hac re conuenit, vt mortuis prodesse

desse baptisma existiment. Quod ex eo cōuincitur esse falsum, quòd post mortem non est tempus nec bene nec malè operandi. Vita hæc nobis à Deo conceditur in qua laboremus, qua finita iuxta id quòd quisq; in vita gesserit præmiabitur. Sic enim Sapiens ait: Ad quancunque partem lignum ceciderit, siue ad austrum, siue ad aquilonem, ibi manebit. Ligni nomine hominem designauit, qui tunc cadit cum moritur. Cadit autem ad austrum, qui ventus est calidus & humidus, cum homo in gratia decedit. illo enim vento flante, aqua per quam gratia designatur, descendit. Rursum, ille ad aquilonem cadere dicitur, qui in peccato moritur, quod per aquilonem merito figuratur, quoniam ventus ille frigidus est & pluuias dissipat. Et idē expressius iterum ait: Viuentes enim sciūt se esse morituros: mortui verò nihil nouerunt amplius, nec habent vltra mercedem, quia obliuioni tradita est memoria eorū: amor quoq; & odiū & inuidiæ simul perierunt, nec habent partem in hoc seculo, & in opere quod sub sole geritur. Si ergo non habent vltra mercedem nec partē in opere quod sub sole geritur, qualiter mortuo poterit prodesse baptismus qui confertur viuo in demortui locum submisso? Præterea si à mortuo velut qui non est, perit confessio (vt ait alius Sapiens) quare etiam non peribit baptismus, qui cæterorum sacramentorū est ianua? Rursus, Cū dominus baptisimi necessitatem manifestauit, & Apostolis cōmenda-  
*Ecc. 11*  
*Ecc. 9*  
*Ecc. 17*  
*Mat. vlti- mo.*  
*Mar. vlti- mo.*  
 uit prædicandum, ait: Euntes docete omnes gentes, baptizantes eos in nomine patris & filij & spiritus sancti. Vbi non dixit quòd baptizaretur vnus pro alio, sed quisque pro se. baptizantes (inquit) eos. Et expressius apud Marcum dicitur, Euntes in mundum vniuersum, prædicate euangelium omni creaturæ. Qui crediderit & baptizatus fuerit, saluus erit: qui verò nō crediderit, condemnabitur. Qui ergo sine baptismo discedit, quantumlibet in eius locum submissus eius nomine baptizetur, ille tamen mortuus nunquam dicitur baptizatus: quo fit vt eum perire sit necesse, quia baptizatus non fuit. Deinde per cōtabor ab istis, quòd peruenisse credunt eum qui sine baptismo discessit? Necessarium est vt ad infernum vadat, aut ad gloriā, vel sit in via ad gloriā, puta in purgatorio. Non est dicēdum eum peruenisse ad gloriā, nec esse in via ad gloriā: alioqui baptismus non esset necessarius, cū sine illo posset salus haberi. Erit ergo in inferno, quia iuxta euangelium, qui baptizatus non est, condemnabitur, ac si iam non crediderit. Si ergo est in infer

in inferno, ut quid alius pro eo baptizatur, cum hoc nihil illi prodesse poterit? In inferno siquidem, ut canit ecclesia, nulla est redemptio. Et Sapiens ait: Quodcunque facere potest manus tua, instanter operare, quia nec opus, nec ratio, nec sapientia, nec scientia erunt apud inferos, quod tu properas. Et dominus *Ioan. 9* apud Ioan. ait: Venit nox, quando nemo potest operari. noxtem vocans tempus post mortem, ut beatus Aug. ait, in quo nemini operari licet. ideo dixit, Operamini ergo donec dies est, id est dum estis in hac vita, quia post mortem nihil poteritis agere. Impie ergo vesani Marcionistae & Cataphryges mortuos baptizare tentarunt. Quod autem pro se adducunt illud Pauli, Alioqui quid facient qui baptizantur pro mortuis, si mortui omnino non resurgunt? suo proposito minimè conducit. ex falsa siquidem intelligentia provenit. Vnde Theophylactus illud locum exponens ait: Porro qui erant baptismum accepturi, integra pronunciabant fide symbolum, moxque & illud, Credo mortuos resurrecturos. Inquit itaque Paulus, qui futuram credunt mortuorum corporum resurrectionem, sub speque eiusmodi sunt baptizati, quidnam sint, cum eis Christus sit occursum, acturi? Quid praeterea resurrectionis gratia prorsus homines baptizantur, hoc est pro resurrectionis expectatione, si mortui non resurgunt? Hæc Theophylactus. Iuxta quem tantum valet pro mortuis baptizantur, ac si diceret pro resurrectionis expectatione baptizantur. Verum quoniam hæc expositio nimis coacta est, multumque à litera recedens: ideo aliter iuxta sententiā beati Ambro. respondetur: qui meo iudicio multo melius & literæ proximus exponit. Sic enim exponit: Alioqui quid facient pro mortuis baptizantur, si omnino mortui non resurgunt? Quid & baptizantur pro illis? Ambrosius. In tantum ratam & stabilem vult ostendere resurrectionem mortuorum, ut exemplum det eorum qui tam securi erant de futura resurrectione, ut etiam pro mortuis baptizarentur. Si quem forte mors præuenisset, timentes ne aut malè aut non resurgeret, aut qui baptizatus non fuerat, viuis nomine mortui tingebatur. unde subiicit, Quid & baptizantur pro illis? ex eplo hoc non factum illorum probat, sed fixam fidem in resurrectione ostendit. Quid & nos periclitamur omni hora? quotidie morior pro gloria vestra quam habeo in domino. Dicendo quid & nos periclitamur? discrevit personas, ostendens non catholicos esse qui pro mortuis baptizabantur. Denique supra dixit, ut quid baptiz

baptizantur pro illis: nūquid dixit & baptizamur pro illis? Hucusq; Ambro. Ex huius itaq; præclara expositione patet cōsuetudinem illam quā Theophylactus ascribit Marcionistis, vt viuus pro mortuo baptizaretur, tempore Pauli esse iam ab aliquibus introductam, quanuis nō approbatam. Vnde iterū magis miror quod eā Theophylactus Marcionistis tribuat, quoniam Marcion qui illorū fuit dux, centū ferme annis fuit beato Paulo Apostolo posterior: quoniā hic tēpore Antonini Pij floruit: Paulus autē sub Nerone moritur. Occasione virādæ huiusmodi hæreseos, Conciliū Carthaginēse tertium, cap. 6. tale *Cōcilium Carthagi-* statuit decretū. Itē placuit vt corporibus defunctorū Eucharistia non detur. Dictū est enim à domino, Accipite & edite. *nense.* dauera autē nec accipere possunt, nec edere. Cauēdū est etiam ne mortuos baptizari posse fratrū infirmitas credat, quibus nec Eucharistiam dari licitum est. Hæc concilium Carthaginense.

**Q**uarta hæresis est circa baptismi vim & potestatem, quā quidā sic minuere conantur, vt nullā baptismo virtutem tribuant. Diuersis tamē vijs ad hūc finē diuersi hæretici tēdūt. Psalliani etenim, qui & Euchitæ, id est orantes appellantur, nō *Psalliani.* autē Euchidæ (vt corruptè catalogus hæreticorum eos nomi- *Euchitæ.* nat) tantam vim orationi tribuunt, vt illam sufficere dicant ad omnia peccata delenda, quapropter *ωχῆται*, id est orantes appellantur. Hac de causā baptismō derogant dicentes nullam vtilitatem ex sacro baptisinate baptizatis accedere, sed solam studiosam orationē, dæmonē inhabitantē effugare. Hi etiam vocantur Messaliani & Enthusiastæ, id est afflati & diuini, aut sacrificatores, vt vertit interpretes Theodoriti in historia triper- *Messaliani* *Enthusia-* *sta.* tita. Catalogus autem hæreticorū titulo Messaliani, vocat eos Anthvatistas, corrupte tamen, nesciens quid diceret, quoniā sic fortē scriptū apud aliquē reperit: quapropter ex putrido lacu putridā hausit aquā. Errat etiā in titulo Elpulius, vbi loquitur de quodā sene huius pestiferæ factionis, à quo Flauianus quidā præsul Antiochenus miro artificio & per blāditiā extorsit, vt illo ~~rum~~ sectā illi reuelaret. hunc senē Catalogus vocat Elpulium: cum tamē in septimo libro historiæ triperitæ, cap. 11. vbi hæc omnia narrantur. Adelphius vocetur, nō Elpulius. Neque hoc vitium ascribere potui impressori: quoniā ille hæreticorum nomina digere iuxta ordinē alphabeti: positū est autē inter nomina quæ a litera E incipiūt. Huius factionis principes fuerūt (vt refert historia triperitæ loco proximè citato) Dadoes & Sabas,



*Sabas.* Sabas, & Adelphius, Hermas, & Symeones. Cæterum quantum ad præsentem errorem spectat, beatus Augustinus in lib. *Adelphius* de hæresibus. cap. 57. de Psallianis differens, huius erroris non meminit: Guido autem eo multò posterior nullam prorsus de Psallianis aut Messalianis aut sub alio quouis nomine facit mentionem. Nos autem ex historia tripertita hæc desumpsimus.

*Albanenses.* Post illos alij in eorum locum subrogati sunt, videlicet Albanenses, qui etiam dicunt baptismum nullius esse efficaciz. *Albigenses.* Albigenses autem omnino baptismum respuunt: quos meritò hic inferuimus: quoniam probata aduersus alios eius virtute & necessitate, cogentur Albigenses baptismini sacramentum recipere. De his autè qui sint, iam superius diximus. Demùm Petrus Ioannis, de quo iam aliàs loquuti sumus, (vt Guido Carmelita illi impingit) ait in baptismogratiā & virtutes quas vulgò theologicās vocant, minimè infundi. *Armeni.* Armeni autem ab omnibus sacramentis virtutem conferendi gratiam remouent. his in hac parte consentit Martinus Luther, qui cùm paucissima admittat sacramenta, in vniuersum tamen de eis dicit nullam gratiam conferre. In libro etenim suo de captiuitate Babilonica sic ait, Hæretica est, sed vsitata sententia, sacramenta nouę legis conferre gratiam iis, qui non ponunt obicem. Cùm ergo de omnibus sacramentis dicat, etiam ad baptismum referri debet. Quapropter hæc eius assertio his adiungenda fuit. Contra hos omnes hæreticos simul agendum est, cùm inter eos de hac re conueniat. Primò ergo hæc hæresis conuincitur per id quod dicitur Marci vltimo, Qui crediderit & baptizatus fuerit, saluus erit. At cùm sine gratia iustificante nemo saluetur, fieri oportet vt baptismus ipse conferat gratiam per quam baptizatus iustificetur, iustificatusque saluetur. Nam si iustus vix saluetur, inustus vbi apparebit? Huic alludere quodammodo videtur beatus Petrus in sua prima canonica, dicens, Expectabant Dei patientiam in diebus Noe, cùm fabricaretur arca. In qua pauci, id est octo animæ saluæ factæ sunt per aquā: quod & vos nunc similis formæ saluos facit baptisma. Vbi beatus Petrus similitudinem inter figuram & figuratum explicans, dicit, quemadmodum hi qui erant tempore Noe, salui facti sunt, quantum ad corporalem vitam per aquam: sic nunc saluamur, quantum ad spiritualem animæ vitam per aquam baptismi, peccatorum mundatricem. Habet ergo baptismus hanc vim & potestatem vt homines saluet. Salus autem ista sine gratia Dei esse nequit, dicente

dicēte Apostolo, Gratia enim Dei saluati estis per fidem, & hoc non ex vobis, quia Dei donum est. Præterea apud Ioannem dominus ait, Nisi quis renatus fuerit ex aqua & spiritu sancto, nō potest introire in regnum Dei. Talis autem renascentia ex aqua & spiritu sancto, non fit nisi per aquam baptismi, in quo gratia spiritus sancti confertur. Nunquam siquidem spiritus sanctus spiritualem renascentiam donat sine gratiæ suæ infusione: quoniam charitas dei toties in cordibus hominum diffunditur, quoties spiritus sanctus datur eis. Rursus beatus Petrus in die Pentecostes loquens ad Iudæos eius prædicatione compunctos, ait, Pœnitentiam agite: & baptizetur vnusquisque vestrum in nomine Iesu Christi, in remissionem peccatorum vestrorum, & accipietis donum spiritus sancti. Ex quibus verbis duo patent. Primum, quod baptisma prodest ad remissionem peccatorum: quod etiam ex symbolo concilii Niceni patet, vbi dicitur: Credo vnum baptisma in remissionem peccatorum. At sine gratiæ collatione remissio peccatorum non fit. Secundum est, quod per baptisma recipitur donum spiritus sancti. Accipietis ( inquit ) donum spiritus sancti. Donum autem spiritus sancti, est gratia & fides, quæ in baptismo infunduntur, sicut & gratia: quoniam sine fide impossibile est placere Deo, ut Paulus. Baptizatus autem si non placeret Deo, non saluaretur. Confert ergo baptismus fidem, sicut & gratiam. vtraque enim Dei donum est. Deinde ex dictis Pauli hæc etiam sententia comprobatur, qui in epistola ad Rom. sic ait, An ignoratis fratres quod quicumque baptizati sumus in Christo Iesu, in morte ipsius baptizati sumus? Consepulti enim sumus cum illo per baptismum in mortem: ut quomodo Christus surrexit à mortuis per gloriam patris, ita & nos in nouitate vitæ ambulemus. Si enim complantati facti sumus similitudini mortis eius, simul & resurrectionis erimus: hoc scientes, quia vetus homo noster simul crucifixus est, ut destruat corpus peccati, ut vltra non seruiamus peccato. Hæc ibi Paulus. Ex quibus verbis constat illum tribuere renouationem vitæ baptismi. Talis autem nouitas pertinet ad gratiam, quoniam sicut vetustas refertur ad peccatum, ita nouitas ad gratiam. Et in epistola ad Galatas ait, Quicumque in Christo baptizati estis, Christum induistis. Quid autem est Christum induere, nisi gratiam eius habere, qua velut vestimento regimur? Sic enim Hierony. exponens illa verba, ait, Si quis hoc corporeū, & quod oculis car-

Ioan. 3

Actu. 2

Heb. 11

Ro. 6

Gal. 3

nis aspicitur, aquæ tantum accipit lauacrum, non est indutus Dominum Iesum Christum. Nam & Simon ille de Actibus Apostolorum, acceperat lauacrum aquæ, verum quia sanctum spiritum non habebat, indutus non erat Christum. Hæc Hieronymus. Et Theophylactus eadem verba exponens dicit, Confirmat quemadmodum Dei filii sumus & baptismi ob gratiam. Neque enim dixit, quotquot estis baptismo abluti, filii estis Dei effecti, sicuti subsequens ordo poscebat: sed quod magis tremendum, Christum induistis. Nam si Christum induimus Dei filium, eique sumus assimiles redditi, in vnam haud dubie sumus & consanguinitatē deuecti & speciem: gratia id affecuti, quod illum constat esse natura. Hæc Theophylactus. Et in episto. ad Tit. 3 Titum, iterum Paulus eandem confirmat sententiam, dicens; Cū autē benignitas & humanitas apparuit saluatoris nostris Dei: non ex operibus iustitiæ quæ fecimus nos, sed secundum suam misericordiam saluos nos fecit, per lauacrum regenerationis & renouationis spiritus sancti, quam effudit in os abunde per Iesum Christum saluatorem nostrum, vt iustificati gratia ipsius, hæredes simus secundum spem vitæ æternæ. Hæc ibi Paulus. Nihil autem his verbis expressius quicquā dici potuit: quoniam dicit nos saluos fecisse per lauacrum regenerationis: lauisse autem vt iustificati gratia ipsius, hæredes efficeremur vitæ æternæ. His ergo tā claris scripturæ testimoniis manifestum est baptismum habere vim & potestatem peccata delendi, & gratiam conferendi. Contra hanc hæresim est decretum concilii Florentini sub Eugenio 4. celebrati quod de sacramēto baptismi loquēs, sic ait. Huius sacramēti effectus est remissio omnis culpæ originalis, & actualis, omnes quoque poenæ quæ pro ipsa culpa debentur. Propterea baptizatis nulla pro peccatis præteritis iniungenda est satisfactio: sed morientes antequā culpā aliquā cōmittāt, statim ad Dei visionem & regnum cœlorum perueniunt. Hæc concilium Florentinum. Per quæ verba non solum Messalianorum sed etiam Petri Ioannis error conuincitur, quia dicit per baptismum deleri peccatum, & regnum cœlorum donari, quorum neutrum sine gratia fieri non potest. Verum quoniam Petrus Ioanni (vt ait Guido) hoc concedens de adultis, de paruulis negat quod paruulis conferatur gratia aut aliqua virtus, aliqua oportet adducere sacrorum conciliorum testimonia quibus hæc impia hæresis reiiciatur. Concilium Lateranense sub Innocentio. 3. celebratum, cuius decretum ponitur in libro Epistolarum

Decreta

Decretalium titulo de summa trinita. & fide catho. ca. firmiter credimus, sic ait, Sacramentū baptis̃mi, quod ad Dei inuocationem, & indiuiduæ trinitatis, videlicet patris & filii & spiritus sancti, cōsecratur in aqua, tam paruulis quā adultis in forma ecclesiæ a quocunque collatum fuerit, proficit ad salutem. Hęc concilium Lateranense. Præterea conciliū Viennense sub Clemente 5. celebratum, cuius decretum ponitur in libro Clementinarum titulo de summa trini. & fide catho. cap. fidei catholicæ, sic ait, Baptisma vnicum baptizatos omnes in Christo regenerans, est sicut vnus Deus, ac fides vnica ab omnibus fideliter confitendum: quod celebratum in aqua in nomine patris & filii & spiritus sancti, credimus esse tā adultis quā paruulis communiter perfectum remedium ad salutem. Verum quia quantum ad effectum baptis̃mi in paruulis, reperiuntur doctores quidam theologi opiniones contrarias habuisse, quibusdam ex ipsis dicentibus, per virtutem baptis̃mi paruulis quidem culpā remitti, sed gratiam non conferri: aliis e contrario asserentibus quod & culpa eisdem in baptismo remittitur, & virtutes & informans gratia infunduntur quo ad habitum, etsi non pro illo tempore quo ad vsum: nos attendentes generalem efficaciam mortis Christi, quæ per baptisma applicatur pariter omnibus baptizatis: opinionem secundam quæ dicit tam paruulis quā adultis conferri in baptismo informantem gratiam & virtutes, tanquam probabiliorem, & dictis sanctorum, & doctorum modernorum theologiæ magis consonam & concordē, sacro approbante concilio duximus eligendam. Hucusque concilium Viennense. Quod autem vocat opiniones vtrasque, hoc est referendum ad tēpus ante concilii definitionem: tunc enim erant opiniones. Quapropter dixit de tempore præterito doctores theologos contrarias opiniones habuisse. At nunc post cōcilii definitionē, nō est opinio, sed fides, cū illam partē totū suscepit conciliū. Paruulis ergo & adultis proficit baptis̃mus, vtrisque gratia & virtutes cōferēs. Quod autē Pet. Ioan. & eius sequaces negāt paruulis virtutes cōferri, eō q̃ in actū exire nō possunt: ex ignorantia prouenit, q̃ nesciāt distinguere inter habitū virtutis, & eius actū. Nā cū aliqua sanctorum authoritates sonant paruulos nō habere fidē: de actu fidei intelligendū est. Paruuli siquidē cū non habeant vsum rationis, actu credere nō possunt: his tamē nō repugnat quin fidei habitum retineāt, quo cum ad annos discretionis peruenerint, ad actum credēdi peruenerint.

*Concilium  
Viennense.*



Quinta heresis est circa ipsius baptismi unitatem. Sunt enim aliqui qui rebaptizant eos qui iam semel baptismum suscep-  
*Ca. 69* runt. Horum autem variae adhuc sunt sectae. Donatistae liqui-  
dem ( prout August. in lib. de haeresibus refert ) rebaptizant eos qui ab ecclesia catholica ad eos veniunt: quoniam ( vt aiunt ) extra ecclesiam baptismus conferri non potest. Ipsi autem asseriebant ecclesiam penes solos ipsos esse. Quapropter ad illos ab ecclesia deficientes, rebaptizabant, dicentes prius non suscepisse verum baptismum. Hi Donatiani vel Donatistae primum propter Caelilianum contra suam voluntatem ordinatum ecclesiae Carthaginensis episcopum, schisma fecerunt, obii-  
*Donatistae* cientes ei crimina quae probare non potuerunt. Sed postmodum falsitatis rei deprehensi, schisma in haeresim pertinaci defensione verterunt, tanquam ecclesia Christi propter crimina Caeli-  
liani, siue vera, siue falsa, toto terrarum orbe perierit ubi fortuna promissa est, atque in Africa Donati parte remanserit, in aliis autem terrarum partibus quasi contagione communionis extincta fuerit. Donatistae autem a Donato quodam dicti sunt, qui tempore Constantii Imperatoris, & Liberii Papae floruit. De quo plura dicimus infra in titulo de Ecclesia, haeresi prima.  
*Armeni* Hunc eundem errorem tenent Armeni ( vt ait Guido Carmelita ) qui venientes ad ipsos ex ecclesia Romana, rebaptizant, dicentes in ecclesia Romana non esse verum baptismum, eo quod ( vt ipsi aiunt ) apud Latinos non est vera & catholica ecclesia, sed solum apud ipsos Armenos. Vides hic apertissimè impletum quod praedixit Christus apud Matthaeum: Si quis vobis dixerit, ecce hic est Christus, aut illic, nolite credere. Surgent enim pseudochristi & pseudoprophetae, & dabunt signa magna & prodigia, ita vt in errorem inducantur, si fieri potest, etiam electi. Ecce praedixi vobis. Si ergo dixerint vobis, ecce in deserto, nolite exire: ecce in penetralibus, nolite credere. Ista certe iam videmus impleta, multos pseudachristos & pseudoprophetas audiui-  
*Mat. 24* mus. Donatistae dicunt, ecce apud nos est Christus, & non alibi. Armeni dicunt, ecce apud nos est Christus. Sed iuxta monitionem Christi oportet vt non credamus illis, sed maneamus in catholica ecclesia, quae vna est omnium mater. Ad hunc locum etiam pertinet error Cypriani, & aliorum Africae Episcoporum, qui concilio apud eos de hac re celebrato definierunt, haereticos cum ad ecclesiae communionem rediissent, fore rebaptizandos, quia ( vt asseriebant ) inter haereticos non potest

potest conferri baptisma. In hac autem parte zelo vt suspicor, & non secundum discretionem moti, & odio quod aduersus hereticos conceperant, ducti, errauerunt. Nec tamen propter hunc errorem Cyprianus aut alii ei consentientes iudicandi sunt heretici, quia illum pertinaciam inositate minimè defenderunt: quinimo parati ab aliis meliora docentibus corrigi, sententiam suam dixerunt. Quod ex ipso facto patuit, quoniam à summi ecclesie pontificibus, videlicet Cornelio, Lucio, Stephano edocti, contraria prioribus ipsi Aphridemmerunt. Qui error non primum in Aphrica, sed in pluribus antea locis, velut in Iconio, vt Eusebius in 7. lib. historiae Ecclesiae. cap. 6. refert, fuit tractatus. Nouissimè autem diebus istis in partibus Germaniae superioris surrexit quidam Baltasar, qui homines docet rebaptizare, dicens paruulis non prodesse baptisma: quapropter cum ad annos discretionis peruenerint, debere iterum baptizari. quod in multis fecisse perhibetur, multo:que in suum impium errorem seduxisse, adeo vt huius factionis homines Anabaptistae, hoc est rebaptizatores vocentur. Contra hunc Baltazarem & eius sequaces non est quod amplius agamus, quoniam cum iam ostenderimus paruulis sicut adultis prodesse baptisma: fundamento eorum subuerto, totius erroris structura corruet. Contra alios autem omnes hoc ordine procedemus, vt primo ostendamus ministri malitiam nullo modo inuere baptismi veritatem: quin à quocunque ministro conferatur, dummodo cetera quae sunt necessaria teneat, verus sit baptizamus. Primo probatur per illud quod habetur apud Ioannem, videlicet quod discipuli Christi baptizabant, inter quos erat Iudas, qui quamuis non proditor, tamen fur erat & latro: nec tamè de baptizatis ab ipso legitur quod rebaptizati vnquam fuissent. Præterea hoc ipsum expressius confirmat dictum Ioannis Baptistae, Vidi spiritum descendentem quasi columbam de caelo: & mansit super eum, & ego nesciebam eum: sed qui misit me baptizare in aqua, ille mihi dixit, Super quem videris spiritum descendentem, & manentem super eum, hic est qui baptizat in spiritu sancto. Hæc ille in Euangelio Ioannis. Ex quibus verbis patet eum qui baptizat, esse Christum filium Dei. Nam quamuis minister exterius corpus abluat, Christus tamen est qui interius mundat animam. Hic ergo est solus qui baptizat in spiritu sancto, reliqui autem vt ministri. Hic est, inquit, qui baptizat in spiritu sancto: cum tamen ipse tunc non

Baltasar.

Anabaptistae.

Ioan. 4

Ioan. 1

baptizaret, sed potius à Ioanne baptizabatur: per quod innuere voluit ipsum Christum esse qui semper baptizat, quantumlibet varietur minister. Si ergo ille est qui baptizat, quid malus minister poterit obesse? Nam & Paulus ait: Neque qui plantat est aliquid, neque qui rigat: sed qui incrementum dat Deus. Vnde conuincitur quod nihil potest obesse minister malus, cum dominus qui baptizat, sit bonus. Hoc etiam B. Augustinus elegantissime comprobatur dicens, Si superbus fuerit minister, cum diabolo computatur: sed non contaminatur donum Christi. Quod per illum fluit, purum est. Per lapideum canalem transit aqua ad areolas. In canali lapideo nil generatur: sed hortus fructus plurimos affert. Et lib. 10. de vnico baptismo, sic ait: Cum tantum valeat baptismus per hominem contemptibilem, quantum per Apostolum datus: ita nec illius, sed Christi esse cognoscitur. Item inuenimus dictum ab Apostolis, & gloriam meam, quanuis vtique in domino: & ministerium meum, & prudentiam meam, & Euangelium meum: quanuis vtique à domino impartitum sit atque donatum: baptismum autem meum nemo eorum dixit omnino. Neque enim omnium æqualis est gratia: nec ministrant omnes æqualiter, nec æquali prudentia vel scientia sunt omnes præditi: & in euangelizando alius alio melius operatur: & ideo dici potest alius alio doctior in ipso, salutari doctrina. Alius autem alio magis minusve baptizatus dici non potest, siue ab inferiore siue à maiore baptizetur. Et Zacharias Papa Bonifacio Episcopo scribens ait, Enimuerò quosdam baptizatos absque interrogatione symboli ab adulteris presbyteris & indignis factus es. In his tua dilectio teneat antiquum morem ecclesiae: quia quisquis in nomine patris, & filij, & spiritus sancti, baptizatus est, rebaptizari minime liceat. Non enim in nomine baptizantis, sed in nomine trinitatis, huius gratiae donum percepit. Et teneatur quod Apostolus ait: Vnus Deus, vna fides, vnū baptisma. Hæc ille. Ex his ergo tam apertis scripturæ & sacrorum doctorum testimonijs aperte conuincitur, ministri malitiam nequaquam obesse baptismo, quin per illum baptisma verum conferri queat. Verum dicet aliquis, has autoritates bene sufficere ad probandum de quocunque alio crimine, vt puta adulterio, homicidio, &c. quod illud in ministro non obest quin verum conficiat baptisma: de hæretico tamen hoc non probant. Sed si bene inspiciantur, æquè probant de hæretico, sicut de cuiusque

cuiusque alterius criminis reo: quoniam siue minister sit adulter, siue homicida, siue hæreticus: qui baptizat in spiritu sancto, Christus est. Vnde Augustinus in libro de baptismo. Cur hæretici foris baptizare non possunt? An quia peiores sunt eo ipso quod foris sunt? Sed nihil interest ad integritatem baptismi quanto peior id tradat. Neque enim tantum interest inter malum & peiorem, quantum inter malum & bonum: & tamen cum baptizat malus, non aliud dat, quam ille qui bonus est: ergo cum baptizat peior, non aliud dat, quam ille qui minus malus est. Hæc Augustinus. Et idem cōtra Cresconium grammaticum ait: Si inter bonos ministros, cum sit alius alio melior, non est melior baptismus qui per meliorem datur: nullo modo malus est, qui etiam per malum datur, quando idem baptismus datur. Et ideo per ministros dispares Dei munus æquale est, quia non illorum, sed eius est. Hæc ille. Præterea baptizatus a Iudæo aut Pagano rectè verba proferente, & intentionem habente faciendi quod Christiani faciunt, verè baptizatus est, nec iterum debet baptizari. ergo baptizatus ab hæretico, verè etiam erit baptizatus. Assumptum probatur per illud quod Nicolaus papa respondet ad consulta Bulgarorum, & ponitur in volumine Decretorum. de consecratione. distinctione 4. A quodam, Iudæo nescitis an Christiano, an Pagano, multos in patria vestra baptizatos esse asseritis: & quid inde sit agendum, consulitis. Hi profecto si in nomine sanctæ trinitatis, vel tantum in nomine Christi, sicut in Actibus Apostolorum legitur, baptizati sunt: vnum quippe idemque est (vt sanctus Ambrósius exponit) quia non illorum sed eius est, rebaptizari non debent. Hæc ibi Nicolaus papa. Ex his ergo testimoniis conuincimus, ministri malitiam, etiam si hæresis sit, nullo pacto obesse baptismi, quin hæreticus verum baptismum conferat, si ea faciat quæ ad baptismum sunt necessaria. Verū hic admonere oportet, ministri malitiam, etiam baptismi non obstat quoniam verus sit baptismus, obesse tamen baptizato, vt scilicet gratiam per talem baptismum non recipiat, quia posuit obstaculum culpæ, quam sic à tali malo ministro baptismum recipiendo, commisit. Qui enim à malo ministro, præcipue hæretico, ex certa scientia baptismum recipit, peccat: tum quia communionem cum hæretico habet in his in quibus maxime conueniebat nullam communionem habere: tum etiam quia circa hoc expressa facta est per ecclesiam prohibitio. Vnde inter Ca-

Nicolaus  
papa.



Augusti-  
nus.

nones apostolorū, canone quadagesimo sexto dicitur, Episcopum aut presbyterum, hæreticorum suscipientē baptismā, damnari præcipimus. Quæ enim conuentio Christi ad Belial? aut quæ pars fidei cum infidei? Hæc ibi. Peccat ergo ab hæretico scienter & industria baptismum recipiens: quapropter licet verum baptismum recipiat, non tamen effectum baptismi. Si tamen necessitate cogente id faceret, utpote quia mors instat, nec alius adest à quo baptismum recipere possit, præter hæreticum hominem, potest ab eo baptismū recipere: modo id nō faciat hac intēione, ut illius hæresi assentiat, sed tanquā verā fidem catholicam suscipere volens. Vnde beatus Augustinus, & ponitur in volumine Decret. de consec. dist. 4. cap. Quomodo. sic ait: Potest peiori tradere separatus, sicut potest habere separatus: sed quā perniciosum est habere, tā perniciosum est tradere. Ille autē cui tradidit, potest salubriter accipere, si ipse nō separatus acceperit, urgente mortis necessitate. Hæc Augustinus. Excepta ergo necessitate urgente, quisquis à malo præcipuē hæretico ministro baptizatur, peccat. Verum ergo baptismum recipit, effectum baptismi non recipit, quia culpa eius impeditus est baptismus, ne suum circa illum haberet effectum. Et hinc ait Augustinus loco proximè citato, sui erroris originem sumpsisse Cyprianum, & ceteros apud Aphricam episcopos. Non ob aliud, inquit, visum est à quibusdam etiam egregius viris & antistitibus, inter quos præcipuē beatus Cyprianus eminebat, non esse posse apud hæreticos, vel schismaticos baptismum Christi, nisi quia non distinguebant sacramentum ab effectu, vel vsu sacramenti. Et quia eius sacramenti vsu atque effectum in liberatione à peccatis, & rectitudine cordis apud hæreticos non inueniebant: ipsum sacramentum quoque illic non esse putabant. Hæc Augustinus. Si ergo, ut iam plenè ostendimus, ministri qualiscunque malitia non obest quin ab eo baptizatus verum suscipiat baptismum: consequens est ut ab eo baptizatus, rebaptizari minimè debeat. Et hoc est secundū quod discutere promissimus. Verū quoniam Armeni, ut diximus, Latinos rebaptizant, alia tamen ratione ducti, quā Aphri illi episcopi & Donatistæ, contra quos modò egimus: quia videlicet dicunt Romanam ecclesiam non habere iustam baptismi formam: ideo contra istos aliter agendum est, ostendere videlicet ecclesiam Romanam veram baptismi tenere formam, quo facto verus erit etiam baptismus: & ita non erit cur ab eis  
Latini

Latini rebaptizētur. Quòd autem vera sit apud Latinos baptis-  
mi forma, ex secūdo errore de baptismo superius improbo  
paruit. Nam forma quā Christus docuit, apud Matthæum de-  
scripta, tria exprimit necessaria, quæ sunt, verbum exprimens  
actum baptizandi, nomē designans personam baptizatam, in-  
uocatio trinitatis expressæ. Baptizantes, inquit, eos in nomine  
patris & filij & spiritus sancti. Baptizantes, ecce primum: eos,  
ecce secūdum, scilicet persona baptizata: In nomine patris &c.  
ibi ostenditur tertium. Forma autem quam ecclesia Romana  
tenet, hæc omnia complectitur. Ea enim sic habet: Ego te ba-  
ptizo in nomine patris & filij & spiritus sancti. In qua cū om-  
nia sint necessariò requisita, non est cur impij Armeni negēt  
apud nos esse verum baptismum. Contra inpios autem Anaba-  
ptistas, qui pro libito rebaptizant non solum semel & iterum,  
sed tertio, quarto, & quinto, quoniam baptismum, velut pœni-  
tentiam, quoties placet iterant: contra istos inquam aliter agen-  
dum est. Primò eorum hæresim expugnat id quod ait Pau-  
lus, Vnus Deus, vna fides, vnum baptisma. Si ergo, Paulo te-  
ste, vnum est baptisma: quomodo impij Anabaptistæ tria  
& quatuor baptismata vni & eidem conferre præsumunt?  
Præterea hoc ipsum plenius & expressius confirmat Paulus in  
ea quæ est ad Romanos epistola. An ignoratis fratres, quia  
quicumque baptizati sumus in Christo Iesu, in morte ipsius ba-  
ptizati sumus? Consepulti enim sumus cum illo per baptismū  
in mortem: vt quomodo Christus surrexit à mortuis per glo-  
riam patris: ita & nos in nouitate vitæ ambulemus. Hæc Pau-  
lus ibi. Ex quibus & aliis eiusdem loci verbis patet baptismum  
esse velut quandam mortis Christi figuram. Sicut enim in  
morte Christi peccatum mortuū est: ita & in baptismo etiam  
peccatum nostrum perit, per meritum tamen passionis eius.  
Cū autem ex aqua emergimur, resurrectionem Christi figu-  
ramus. At Christus semel pro peccatis nostris mortuus est, non  
autem bis aut ter: ergo etiam nos pro peccatis nostris semel  
tantum baptizari oportet. Christus etiam resurgēs ex mortuis  
iam non moritur, mors illi vltra non dominabitur: ergo &  
nos ex aqua semel emergi, non oportet ad aquæ lauacrum ite-  
rum redire. Impij ergo Anabaptistæ, qui rebaptizare præsu-  
munt, rursus sibi met ipsis, vt ait Paulus, crucifigunt filium Dei.  
Nam de illis expressè loquebatur Paulus, & non de aliis. Qui  
enim secundo baptizat, quantum in ipso est, secundo etiam

Rom. 6

Heb. 6

*Concilium  
Carthagi  
nense.*

Christum cruci affigit : quoniam cum baptismus figura sit, quædam mortis Christi. qui secundo baptizat, hoc ipso ostendit Christum secundo mortuum fuisse. Rursus hoc ipsum, sacrorum conciliorum definitiones confirmant. Nam in symbolo edito a concilio Niceno dicitur, Confiteor vnum baptisma in remissionem peccatorum. Concilium Carthaginense primum, capite suorum Decretorum primo sic ait : Gratus episcopus concilio præsidens dixit. Ergo si vobis placet, consideremus primum titulum rebaptizationis, unde sanctitatem vestram postulo, ut mentis vestræ placita producat ad descendentem in aquam, & interrogatum in trinitate secundum euangelij fidem, & Apostolorum doctrinam, & confessum bonam conscientiam in Deum de resurrectione Iesu Christi, si liceat iterum interrogari in eadem fide, & in aqua iterum tingi. Vniuersi episcopi dixerunt, Absit, absit Illicitas esse sanctimus rebaptizationes, & satis esse alienum à sincera fide, & catholica disciplina. Hæc concilium Carthaginense. Et concilium Vienne, sub Eugenio quinto celebratum ait : Baptisma vnicum baptizatos omnes in Christo regenerans, est sicut vnus Deus, ac fides vnica, ab omnibus fideliter confitendum. Hæc consilium Vienne : & habentur in Clementina, Fidei catholicæ, de summa trinitate, & fide catholica. Concilium etiam Florentinum, sub Eugenio quarto celebratum eandem sententiam docet, sic inquit : Inter hæc sacramenta tria sunt, baptismus, confirmatio, & ordo, quæ characterem, id est spirituale quoddam signum a cæteris distinctiuum imprimunt, in anima indelebile. Vnde in eadem persona non reiterantur. Reliqua verò quatuor characterem non imprimunt, & reiterationem admittunt. Hæc concilium Florentinum. Quod si quis his conciliorum definitionibus obicere vellet alterius Carthaginensis concilij decretum Cypriano præsentem celebratum, quod ait ab hæreticis non conferri verum baptismum, atque ideo ab eis baptizatos debere iterum baptizari, huic responderi potest, non esse pares omnium conciliorum definitiones. Conciliorum namque prouincialium autoritas non est tanta, ut eius definitioni omnes obtemperare cogantur : quoniam prouincialia concilia (ut in principio huius libri docuimus) errare possunt. Non enim pro illo conuentu Deus rogauit, ut eius fides non deficeret : neque illis Deus se affuturum semper promissit. Con-

lia

lia autem generalia legitimè congregata minimè errare possunt. Quapropter si quid in prouinciali concilio decretum est, quod à vera fide deuiare videatur, per generale concilium (vt beatus Augustinus lib. 6. contra Donatistas cap. 1. docet) corrigi debet. Quod in casu factum esse comperimus. Concilium siquidem Africanum, septuaginta & vnus episcoporum, in quo decretum est hæreticos non posse verum baptismum conficere, prouinciale fuit, & non generale: quapropter errare potuit, & corrigitur à Cornelio tunc Romano pontifice, aliisque Italix episcopis, vt refert Eusebius septimo libro historix ecclesiasticæ, & postmodum corrigitur per concilium Carthaginense primum in decreto quod proximè citatum est. hoc autem concilium vniuersalis accepit ecclesia, & ita eius definitionem omnes amplecti tenentur. Contra hunc errorem scripsit beatus Augustinus librum de vnico baptismo, atque iterum tractatum de baptismo contra Donatistas septem partium libris. hoc nostro tempore scripsit Ioannes Faber volumen grande contra Anabaptistas. contra eosdem Leopoldus quidam Germanus.

Sexta hæresis est circa ipsius baptismi sacramentalia, hoc est circa illa, quæ baptismum in eius collatione circumstant ex quodam ritu matris ecclesiæ. Armeni enim (vt ait Guido, quem in historia Armenorum sequimur, quia nullum alium reperire potuimus) dicunt non posse conferri baptismum alicui nisi eidem conferatur Eucharistiæ sacramentum. Secundo dicunt chrisma ad eò esse exactum ad verum baptismum perficiendum, vt nisi baptizatus chrismate vngatur, non sit baptizatus. Harum autem duarum assertionum vtraque est erronea & hæretica. Nam quod primo dicunt de eucharistia, conuincitur manifestè ex eo quod dominus discipulis suis præcipiens vt docerent omnes gentes, & baptizarent eos in nomine patris & filij & spiritus sancti, nullam de eucharistiæ sumptione fecit memoriam, fecisset tamen si ea ad baptismi collationem exigereetur. Deinde eucharistiæ sacramentum multò post baptismum est institutum: quoniam in die cœnæ dominicæ, feria scilicet quinta pridie quàm pateretur, instituit eucharistiæ sacramentum. Baptismus autem longè ante fuerat institutus. Nam Ioannis quarto dicitur quod discipuli Christi baptizabant: ergo tunc baptismus iam fuerat institutus, quamuis non sub interminatione gehennæ



gehennæ præceptus, sicut post Christi resurrectionem. Alioqui baptizati ab apostolis, iterum postea fuissent baptizandi: quod nunquam factum fuisse legimus. Quare ex hoc melius colligi posset, eucharistiam non posse dari nisi præeunte baptisinate, vtpote prius instituto. Quod autem baptismus non possit dari sine eucharistiæ sacramento, nulla prorsus ratione fulcitur: sed mere voluntarie dicitur. Quapropter eadem facilitate qua dicitur, meretur vt contemnatur: quanuis nos id facere iam non valemus: nam si cōtemnimus, valida ratione ducti id facimus. Secunda etiam assertio non minus est erronea: quoniam etsi chrisma exigatur in baptismo, non tamen illud exigit baptismus: sed ecclesia illud exigit à ministro cōficiēte baptismum: ita vt si chrisma non adhiberetur, extrema necessitate seclusa, minister peccaret, quoniam ecclesiæ præceptum prætermisit: baptismus tamen nihilominus esset adeo perfectus (si cætera adsunt) vt non sit opus illum sic ablutum iterato baptizare. Christus nanque baptismum instituens, nullum de chrismate adhibendo dedit præceptum. Per hanc eandem rationem rej-

*Claudius.*

citur alius error huic similis, cuiusdam Claudij Taurinensis episcopi, de quo iam supra diximus. Is enim dixit baptismum esse nullum si fronti ipsius baptizati signum crucis non iningeretur. Hic autem manifestus est error: quoniam si ea peraguntur quæ Christus præcepit, constat baptismum esse perfectum. Constat autem, Christum cum institueret baptismum, nunquā de signo crucis meminisse.

*Vualdenses.*

**S**eptima hæresis est huic penitus opposita. Vualdenses enim dicunt (vt Aeneas Syluius libro de origine Bohemorū cap. 35. testatur) baptismum aquæ, nulla interiecta sacri olei mixtura fore recipiendum. Vualdenses autem isti sic appellati sunt, quoniam Vualdo quidam ciuis Lugdunensis fuit author eorū. Vocantur etiam pauperes de Lugduno, quoniam Vualdo ille Lugdunensis, à quo originem traxerunt, cum diues admodum esset, opibus relictis, pauperibūque erogatis, euangelicam paupertatem se seruaturum prætendit: sub cuius velamine multos impios errores se tegere credidit. Nam cum idiota esset, quosdam libros vulgari ac materna lingua sibi conscribi fecit. cum aliquibus sanctorum testimonijs. Quos libros cum non sane, vt decebat, intelligeret, suo tamē inflatus spiritu, apostolorum officium prædicando vsurpauit. Cœpit hæc Secta Vualdensium (vt ait Guido) circa Annum Domini M. C L X X. quæ vt idem

idem ait, fuit Romæ in Generali Cōcilio damnata. Inter alios ergo istorum Vualdensium errores, is vnus est, quo asserūt nullo pacto oleum sacrum in baptismo debere misceri. Quem errorem postea secutus est Ioannes Vuitcleff, de quo iam diximus. Pro huius ergo erroris clariori discussione, annotare prius oportet, pluries sacrum oleum aut chrisma dari. Aliquando enim datur post ipsum baptismum iam susceptum, aliquot etiam dierum aut annorum spatio interiecto: & hoc est sacramentum à baptismo distinctum, vel, vt verius dicā, est ipsius sacramenti materia, quod confirmatio appellatur. Et de hoc non est præsens sermo. Aliquando etiam datur oleum in ipsamet baptismi collatione. Ibi enim vnguntur chrismate in pectore & scapulis, & in fronte. Hoc autem fit ad designandam misericordiam quam nobis Deus exhibet condonando peccata per baptismi susceptionem. Oleum nanque in sacris literis sapissime misericordiam significat. Vnde beatus Damascenus libro quarto de fide orthodoxa capite decimo ait, Oleum in baptismo assumitur, vnctionem significans, & Christos, id est vnctos nos efficiens, & misericordiam Dei nobis annuncians per spiritum sanctum, quia & ramum oliuæ ijs qui ex diluuiο saluati sunt, columba tunc attulit. Hæc Damascenus. Est etiam alia non minor causa: quia videlicet per baptismum in certamen quoddam spirituale descendimus, & in luctam quādam. Sicut enim in agone positus, luctamque aggrediens, vngebatur, quo minus ab hoste posset capi, sed potius facile ex eius manibus elabi posset: sic etiam spiritualem hanc luctam aggressurus, sacro prius oleo vngitur: per quod baptizandus ad luctam præparetur, ne dæmon eum comprehendat, sed ex eius potestate elabatur. Vnde beatus Ambrosius lib. j. de sacramētis ait: Quemadmodum dicit apostolus sanctus, Sit in te fidei deuotionisque plena flagrantia. Venimus ad fontem, ingressus es, considera quos videris, quid loquutus sis. Considera, repete diligenter, occurrit tibi leuita, occurrit tibi presbyter. Vnctus es quasi athleta Christi, quasi luctamen huius seculi luctaturus. professus es luctaminis tui certamina. Qui luctatur, habet quod speret: vbi certamen, ibi corona. Luctaris in seculo, sed coronaris à Christo, & pro certaminibus seculi coronaris. Nam etsi in cælo præmium, hic tamen meritum præmij collocatur. Hæc ibi Ambrosius. Ex quo patet non esse recentem ecclesiæ adinventionem, vt oleum sacrum baptismō misceatur. Verum vt

Vuitcleff.

Damascenus

Ambr.

rūm vt rem adhuc multo vetustiore esse ostendamus, citare  
*Dionysii.* oportet Dionysium Areopagitam Pauli apostoli discipulum.  
*Areopagita.* Is enim in secundo capite ecclesiasticæ hierarchiæ, de ritu huius sacramenti differens ait: Deiformis quidam hierarcha incipit sacram vñtionem, sacerdotes autem in ipso perficiunt vñtionis ministrationem, ad sacros in typo eum qui perficitur agones euocantes, secundum quos athleta Christo affectus est, quia vt Deus athletæ conditor est, vt sapiens autem leges ipsius posuit. Hæc Dionysius. Quæ verba commentator aut illius expositor enarrans, ita ait: Solebant athletæ agonizaturi vnguento odorifero & confortatiuo vngi, vt vnguenti lubricitas efficeret eos irretrahibiles, & non impedibiles ab aduersarijs: & odor cerebrum, & per consequens sensus cōfortaret, & ipsius penetratio nervos & ossa irrigaret, & spiritus mortuos multiplicaret, & sic athletam roboraret. Hæc ibi. Hunc ergo ritum Romana tenet ecclesia, non nouum, sed antiquum, & ab ipsis apostolis ad nos vsq; vt ostendimus, deriuatum. Quod oleum si omitteretur, nihilominus si cætera adessent, verus esset baptismus: quanuis sic illud præter vrgentem necessitatem omittebat, peccaret. Apostoli enim sola aqua absque oleo baptizabant, vt patet ex actibus apostolorum. Nunc autem id fieri non liceret, ecclesia vetante. Quid ergo impij vaudentes murmurent, cum oleum appositum nihil baptismo nocere ostendatur? Quapropter obediendum erit consuetudini catholicæ ecclesiæ, quæ à spiritu sancto regitur, maximè in sacramentis decernendis, administrandisque.

Octaua hæresis est asserens pueros non egere baptismo ad deletionem peccati originalis, quia videlicet negat pueros ante baptismum vllum peccatum originale habere. Hic est error  
*Pelagius.* Pelagij, vt ait beatus Augustinus libro de hæresibus, cap. 88.  
*Armeni.* Est etiam Armenorum, vt illis impingit Guido Carmelita. Verum pro hoc errore expugnando infra commodior erit locus, cum videlicet de peccato agemus. Ostendemus enim tunc paruulos ante baptismum peccati originalis esse reos, & ob id gehennæ obnoxios. quo facto manifestum euadet eos egere baptismum ad eiusdem peccati originalis deletionem.

Nona & vltima, quod sciam, de hac re hæresis est quorūdam qui dicti sunt flagellantes se, de quibus iam supra diximus. hi dixerunt baptismum aquæ iam cessasse, mutatumque esse in baptismum sanguinis. Quod ex quadam inepta allegoria scripturæ

pruræ comprobant. Dicunt enim quòd quando Christus in Cana Galilææ circa finem nuptialis conuiuij aquam mutauit in vinum, designauit quod circa finem mundi baptismus aquæ in baptismum sanguinis mutari deberet. Et sicut vinum rubrum omni vino prius posito conuiuantibus magis placuit & commendabatur: ita noua lex baptismi sanguinis præ cunctis ante datis legibus à Deo gratissima acceptabitur quapropter dixerunt quod post ipsorum in mundum aduentum, nemo potuit saluari & verus existere Christianus, nisi in proprio sanguine cū flagello de corpore suo excusso baptizaretur. Quod non solum hæresis, sed potius ineptia aut dementia dici deberet. Nam quod primo dicunt baptismum cessasse, ostendimus esse falsum, cum aduersus eos infra sub titulo euangelium, conuincemus euangelicam legem fore æternam, post quam nulla alia sit futura. Quod autem aiunt baptismum aquæ esse mutatum in baptismum sanguinis, sine quo nemo saluari possit: si id ostenderent ad literam ex euangelio, cederem: sed allegoricus ser pruræ sensus (vt supra in principio huius libri docuimus) nullo modo est efficax ad aliquod dogma stabiliendum. Præterea qui dixit, Qui crediderit & baptizatus fuerit, saluus erit: non dixit, Qui se flagellauerit, saluus erit: qui vero non se flagellauerit, condemnabitur. Si ergo dominus hoc non dicit, qui occidit & viuificat, & qui potest corpus & animam mittere in gehennam: qua authoritate eos qui non se flagellant, audent condemnare? Rursus etsi baptismi vicem (vt ait beatus Augustinus) suppleat sanguinis pro Christo effusio: non tamen eius vim & potestatem omnino eneruat. satis est enim vt eius vicem tenere possit. Deinde sanguinis effusio quæ baptismi locum tenere meretur, talis esse oportet, vt ab alio sit illata, quam ipse patienter tolerans, efficit vt baptismi vicem tenere possit. Verum cum quis sibi ipsi infert mortem aut læsionem corporis talem ex qua corpus circa vitam periclitetur, vt impij flagellantes fecisse dicuntur, non solum non tenet baptismi vicem, sed valet ad gehennam.

## BEATITUDO.

**D**E hac re est vna hæresis Arménorum asserentium beatos non videre essentiam Dei, sed claritatem quandam illius essentiae, in qua visione dicunt beatitudinem consistere. Hunc eundem errorem postea suscitauit quidam Petrus Abailardus dicens, *Armeni. Petrus Abailardus.*  
Deum



*Arnaldus  
Brixienſis.*

*Almaricus.*

Deum non videri per eſſentiam à beatis. Hic Petrus natione Gallus fuit, tempore Innocentij papæ huius nominis ſecundi, qui ſuo conſiſus ingenio. omnium ſanctorum doctorum ſententias contemnere cœpit, & velut alter Iſmael manus ſuas contra omnes leuauit. Quapropter iuſtum fuit, vt manus omniũ contra ipſum leuarentur. Ex hac igitur nimia ſui confidentia euenit, vt in multos laberetur errores, quos alij eum ſecuti defendere conabantur, præcipuè quidam Italus dictus Arnaldus Brixienſis, à quo (vt opinor) dicti ſunt Arnaldicæ hæretici, qui ſingulis annis Romæ in cœna domini excommunicantur: & in cap. excommunicamus, extra de hæreti. Contra hunc Petrum Abailardum ſurrexit ſanctus Bernardus, qui vt cum eo diſputaret, & ad veram fidem reuocaret, è ſuo monaſterio in Burgundia ſito ad ciuitatem Remenſem venit: Petrus tamen veritus ne à beato Bernardo vinceretur, noluit cum eo congregi. ſic enim ipſemet B. Bernardus refert in quadam epiſtola, quæ eſt in ordine aliarum 190. Inter alios ergo errores quos docuit, is vnus fuit, quo ait, Deum non videri à beatis per eſſentiã ſuam. Poſt hunc Petrum ſurrexit quidam Almaricus, de quo iam ſuperius diximus, qui hunc tutatus eſt errorem, dicens Deũ non videri vllo pacto in ſe, ſed in ſuis creaturis. Inter hos ergo omnes de hoc conuenit, quia omnes aſſerunt Deum nec etiam à beatis vllo pacto videri. Hanc autem aſſertionem eſſe hæreticam, expreſſis ſcripturæ testimonijs apertiſſime conuincere.

**1. Cor. 13.** mus. Paulus ſiquidem in 1. ad Corint. epiſt. diſcrimen aſignas inter eam cognitionem quam in hac vita de Deo habemus, & eam quam poſtmodum in gloria habituri ſumus, ait: Videmus nunc per ſpeculum in ænigmate, tunc autem facie ad faciem. Ecce aperte Paulus promittit pro alio ſæculo facialem Dei viſionem. Quod ſi Deus per creaturas tantum videretur, & non amplius: quis nõ videt illam eſſe viſionem per ſpeculum? Nam in creaturis quædam Dei imago apparet: quapropter creatura ipſa ſpeculum quoddã eſt per quod Deum videmus. Quo fiet, vt beati ſolum in creaturis Deum videntes (prout iſti hæretici aſſerunt) adhuc videant per ſpeculum, & ita non clariorem habeant notitiã, quàm hi qui in hoc ſæculo degunt. Præterea

**Apoc. 22.** beatus Ioannes in Apoca. loquens de ſtatu cœleſtis patriæ ſub nomine & figura nouę Hieruſalem, ita dicit, Et omne maledictum non erit amplius: ſed ſedes Dei & agni in illa erunt: & ſerui eius ſeruiant illi, & videbunt faciem eius. Rurſus dominus

Ieſus

Iesus Christus paruulos qui in illū credunt, commendans, ita apud Matthæum, loquitur, Videte ne cōtemnatis vnum ex his pusillis: Dico enim vobis quia angeli eorum in cœlis semper vidēt faciem patris mei qui in cœlis est. Ecce ex Saluatoris nostri sententia, angeli semper vident faciem Dei. Qualiter ergo hi hæretici non verentur dicere Deum nunquam videri in se? Apparet certe eos conuenisse in vnum aduersus dominum, & aduersus Christum eius. Quod si forte dicant se de hominibus solum dixisse, & non de angelis, ita vt angelis permittant Dei visionem, hominibus autem negent: attendant quod per eundē Saluatorem dicitur, In resurrectione enim neq; nubent, neque nubentur: sed erunt sicut angeli Dei in cœlo. Ex quibus verbis apparet Christum æquasse homines angelis pro alia vita. Verum hæc autoritas (vt ingenue fatear) solum æquat homines angelis in hoc quòd nullum matrimonii vsum habebūt, sicut nec angeli: non tamen ibidē facit eos pares quantum ad facialem Dei visionem. Tamen esto ibidē non dicat, negare nō possunt Paulum & Ioannē in locis proximè citatis de hominibus expresse loqui. quapropter si ad solos homines suā assertionem restringunt, illa duo scripturæ loca illis obiicimus. His etiam accedit quod regius propheta petit dicens: Ostende faciem tuā, & salui erimus. Non autē petit id quod donari erat impossibile: alioqui audire mereretur id quod dominus duobus fratribus per matrē petentibus dixit, Nescitis quid petatis. Hoc etiā petiit Moses dicens, Si inueni gratiā in conspectu tuo, ostende mihi faciem tuam, vt videam te. Ecce apertissima sunt testimonia quibus ostendimus Deum à beatis videri per essentiam suam. Quid autem hos hæreticos mouerit vt sic errarent, à nemine citatum reperi. Nam & Guido qui hunc Armenorum errorem discutit, nihil adducit vnde ansam sui erroris acceperint, sicut nec in vniuersum in vllo vnquā errore facit. Sic enim aliorum errores reiicit, vt nunquam illorum argumentis respondeat, quod tamen necessarium erat perinde ac alterum. Nam vt ait Aug. in lib. de doctrina Christiana, valde bonum est, vt quicquid cōtradici potest, si occurrerit, refutetur: ne ibi occurrat vbi non erit qui respondeat: aut præsenti quidē & tacenti occurrat, & minus sanatus abscedat. De hac ergo re (vt opinor) ansam erroris ceperunt, quia in plerisq; locis scripturæ dicitur, Deum non videri ab aliquo. In Exodo nāq; dicitur, Non videbit me homo & viuēt. Et Iob de sapientia diuina loquens ait, Abscon-

Mat. 18

Matth. 22

Psal. 79

Mat. 20

Ex. 34

Exo. 34

Iob. 28

- dita est ab oculis omnium viuētium, volucres quoq; cæli later.
- 1. Tim. 6** Et paulus in prima ad Timoth. epistola ait, Qui lucē habitat inaccessibilem, quem nullus hominum vidit, nec videre potest.
- 1. Ioan. 4** Et beatus Ioan. in 1. sua catho. epi. dicit, Deum nemo vidit vnquam. His ergo scripturæ locis male intellectis mihi visum est hos hæreticos posse adduci in præfatum errorem, quæ in medium proponere oportuit, eisq; respondere, ne alii forte legentes & non intelligentes, in eundem labantur errorem. Fatemur quidem Deum in hac vitâ mortali à nemine videri, immò nec videri posse iuxta legem datam ab homine viuente vitâ hac corruptibili: quoniam aut videret visu corporeo, aut per intellectum. Corporeus sensus (vt manifestum est) non est capax visio nis diuinæ. Anima verò cum intra corpus mortale est, ministerio sensuum utitur: quapropter necessarium est vt non excedat operationem illorum: quoniam artifex non potest subtilius opus operari quàm patitur natura instrumēti quo mediante operatur. Cùm ergo anima utatur sensibus tanquam instrumento ad suas operationes, non poterit vltra euagari, quàm circa illa quæ vis sensitua pertingit. Sensus autem non potest Deum videre. Nec ergo anima cum intra corpus mortale existit, vtens ministerio sensuum, poterit Deum videre. Et ad hunc sensum spectant quæ Deus loquitur in Exo. dicens, Non videbit me homo & viuet. Et quod Ioan. ait, Deum nemo vidit vnquam, vt videlicet Deū nemo videat dum viuit hac vitâ mortali. Quod autem dicitur Paulum cum raptus fuit ad tertium cælum, Deū vidisse, huic sententiæ non repugnat. Nam quamuis paulus viderit, hoc factum esteducta prius anima extra vsum & ministerium sensuū. Etsi enim anima intra corpus fuerit (quod dubium est ipsi Paulo) tamē à ministerio sensuum fuerat separata. Hoc autem inde colligitur, quod Paulus ait, Siue in corpore, siue extra corpus fuerim, nescio. Quod si ministerio sensuum tunc vsa fuisset eius anima, sciuisset certò Paulus se in corpore tunc fuisse. De aliis autem quos scriptura refert vidisse Deum, sic accipiendum est, vt intelligamus eos vidisse quosdam angelos claritate magna fulgentes, qui cum à deo missi fuerant, diuinitatem ipsam quodammodo repræsentabant: quapropter
- Gene. 32** qui eos videbant, dicebant se Deum vidisse. Sic enim dixit Iacob, Vidi Dominum facie ad faciem, & salua facta est anima mea. Hoc etiā dicitur de Mose. Loquebatur Dominus ad Mo-
- Exo. 33** sen facie ad faciē, sicut loqui solet homo ad amicū suū. Quod si Moses

si Moses: clare Deum vidisset, frustra Deū orasset dicēs, Si in-  
 ueni gratiā in conspectu tuo, ostende mihi faciem tuā, vt videā  
 te. Hi ergo omnes & alii quotquot vidisse Deū in scriptura sa-  
 cra reperiuntur, in imagine Deū viderunt: quanquam de Mose  
 aliqui sentiāt Deū clare vidisse, anima tamen eius à ministerio  
 sensuū tunc abstracta. Sic enim intelligitur quod eidem Mosi à *ibidem.*  
 Domino dicitur. Nō videbit me homo, & viuet. Et quod Iob *Iob. 38*  
 ait, sapientiam esse absconditam ab oculis omniū viuientium,  
 eorū scilicet qui viuunt hac mortali vita. Verū tunc iam vrget *I. Tim. 6*  
 id quod Paulus dixit, Qui habitat lucē inaccessibilem: quē nul-  
 lus hominum vidit, sed neq; videre potest. Cui respondemus  
 Paulum dixisse lucem diuinā esse inaccessibilem: non tamen  
 simpliciter, & omnibus inaccessibilē, sed homini. Nā ad huius  
 confirmationē statim subiunxit, quem nullus hominū vidit.  
 Inaccessibilis est ergo, sed homini. Inuisibilis est, sed ab homi-  
 ne, sed ab humana sapientia. Sacra siquidem scriptura omnes  
 qui secundū carnem viuunt, homines vocare solet, & humani-  
 tatis nota, inurere. Vnde in. I. ad Corint. epi. Paulus ait, Cum sit *I. Cor. 3*  
 inter vos zelus & cōtentio, nōne carnales estis, & secundū homi-  
 nē ambulatis? Et infra, Nonne homines estis? Hinc est quod cū  
 in eadē epist. testimoniū Esa. protulerit dicentis, q̄ oculus nō *Esa. 64*  
 vidit, nec auris audiuit, nec in cor hominis ascēderunt quē prę-  
 parauit Deus iis qui diligunt illū: postea Paulus subiecit, nobis  
 autem reuelauit Deus per spiritū suum. Quibus vebis manife-  
 stē se ab hominis nomine separauit, eō q̄ non secundū carnem  
 vivebat. Nullus ergo eorū qui propter vitā secundum carnem,  
 homines appellātur, Deū vidit, sed neq; videre potest. De aliis *I. Cor. 13*  
 autem quōd Deū in posterū clare videbunt, non potuit Paulus  
 apertius testari, quām dicens, Videmus nunc per speculum in  
 ænigmate, tunc autem facie ad faciē. Vnde patet homines ali-  
 quando habituros facialē Dei visionē. De angelis autem aper-  
 tissime veritas dixit, Angeli eorū semper vident faciem patris *Mat. 18*  
 mei qui in cœlis est: Neque huic Saluatoris dicto obuiat quod  
 beatus Pet. dicit, In quē desiderant angeli prospicere. Nā ange-  
 li & vident, & videre desiderāt, sicut & alii etiā homines beati, *I. Pe. 2*  
 videntes desiderāt, & desiderātes vident. Beati siquidē videntes  
 Deū satiātur, iuxta illud psalmi, Satiabor cū apparuerit gloria *Psal. 16*  
 eius. Satiatē autē solet sequi fastidiū. Desideriū etiā sine cōse-  
 cutione eius quod desideratur, anxietatē habet. & anxietas pœ-  
 nam. Beativero omni anxietatis pœna carēt: quia pœna & bea-



titudo nunquā cohærere possunt. Quapropter ab utroque, videlicet à satietate & desiderio, si remoueamus omne illud quod pœnam inferre videtur scilicet fastidium & anxietatem, dabimus beatis satietatem & desiderium, ita ut remouendo à desiderio anxietatem, dicamus eos desiderantes satiari: & separando à satietate fastidium, dicamus eos satiatis desiderare. Bene ergo dicit Petrus, in quem desiderant angeli prospicere: quia etiam vident, videre tamē desiderāt: hoc est, sic dei visione fruuntur, ut quamuis satiari nullum tamen inde fastidium habeant. Pro huius ergo hæresis confutatione satis me dixisse arbitror, iuxta eam quam promisi tenere breuitatem.

Secunda hæresis est, quæ asserit beatitudinem consistere in carnis deliciis. Hic error fuit olim apud quosdam Iudæos repertus, qui omnia quæ à prophetis de Christi regno dicuntur, carnaliter intelligebant. Ex quo errore videtur processisse illa *Mat. 15* petitio matris filiorum Zebedæi petentis à Christo, Dic ut sedcant hi duo filii mei, vnus ad dexteram tuam, & alius ad sinistram in regno tuo. Nec tamen propter istos sic errantes, hanc hæresim hic collocaßem, cum à principio operis statuerim eas solum recensere hæreses, quæ post Christi in cœlos ascensionē exortæ sunt, nisi quod plures inuenio ex eis qui Christo nomina in baptismo dederunt, in hūc errorem fuisse lapsos. Primus ergo qui hunc errorem suscitauit, fuit Cerinthus quidam, pessimis moribus assuetus. Cuius nationis aut gentis fuerit, mihi non constat: hoc solum scio illum fuisse coæuum Beato Ioanni euangelistæ. Nam beatus Irenæus libro 3. aduersus hæreses cap. 3. de beato Policarpo loquens sic ait: Et sunt qui audierunt eum dicentem, quonia n̄ Ioannes domini discipulus in Epheso iens lauare, cum vidisset intus Cerinthū, exiit de balneo non lotus, dicens quod timeat ne balneum concidat, cum intus esset Cerinthus inimicus veritatis. Hęc Irenæus. Inter alios ergo Cerinthi errores, is vnus est quo asserit post resurrectionē terrenum futurum esse regnum Christi, & homines in carne concupiscentiis & libidinibus subiectam vitam acturos. Hunc eundem errorem aliqui impingunt Papiæ Hieropolitano episcopo, qui fuit discipulus beati Ioannis euangelistæ. Qui autem illi impingunt, mouerentur ex quodam dicto beati Hierony. qui in suo libro de ecclesiasticis scriptoribus de hoc Papiæ loquens sic ait, Hic dicitur mille annorum Iudaicam edidisse *dwligwari*, quem sequuti sunt Irenæus & Apollinarius, & cæteri

teri qui post resurrectionem aiunt in carne cum sanctis dominum regnaturum. Hæc Hieronymus. Verum ex verbis Hieron. nihil tale habetur Papiam sensisse, quale est id quod nunc de Cerintho retulimus. Solū enim ex Hieronymi verbis habetur Papiæ sententiam fuisse Christum iterum in terris secundum carnem regnaturum: & hoc quidem verum est illum sensisse. ut ex aliis plurimis authoribus constat. Sed non asseruit illum sensisse tale regnum Christi futurum in carnis deliciis, prout Cerinthus dixit. Nec docuit etiam Papias, regnum Dei, quod alio nomine beatitudinem aut gloriam dicimus, perpetuas habiturum carnis voluptates. Nihil enim unquam tale sensit: Cerinthus autem omnia hæc docuit. Quapropter videtur mihi inter Cerinthum & Papiam latum esse discrimen, quamuis in aliqua erroris parte conueniant. Vterque enim istorum sensit post resurrectionem dominum cum sanctis mille annis regnaturum in terra. In hunc autem errorem lapsus est Papias motus ex illo quod beatus Ioannes dicit in Apocalypsi, ubi de iustis loquens ait, Et vidi animas decollatorum propter testimonium Iesu, & propter verbum Dei, & qui non adorauerunt bestiam, nec imaginem eius, nec acceperunt inscriptionem in fronte aut in manu sua, & regnauerunt cum Iesu mille annis reliqui eorum non vixerunt donec finiantur mille anni. Propter hæc verba Apocalypsis male intellecta, credidit Christum in terra cum sanctis secundum carnem mille annis regnaturum: quia illa verba Apocalypsis credidit iuxta literæ corticem, & non iuxta mysticum sensum esse intelligenda. Vnde Euseb. lib. 3. historię ecclesiasticę cap. 39. de hoc Papias loquens sic ait, Dicit autem & alia plurima à maioribus tibi tradita miracula, & nouas quasdam parabolas Saluatoris, & doctrinam incognitam, magisque fabulosam, mille annos futuros post resurrectionem, quibus corporaliter regnum Christi in hac terra futurum sit. Sed ego puto eum spirituales & mysticas apostolorum traditiones corporaliter & secundum litteram suscepisse, nec potuisse discernere ea quæ illi in figuris velut lactentibus & paruulis loquebantur, qui & reuera etiam ex ipsis quæ conscripsit opusculis, exigui sensus vir & minus capax ostenditur. Multis tamen post se ecclesiasticis viris erroris huius præbuit causas, autoritatē dogmatis tantum ex vetustate tribuens, non etiā ex ratione dictorum, sicut Irenæo, & siquis alius eum in hac parte visus est sequi. Hęc Eusebius. Quāuis ergo in hac parte Papias errauerit, non tamen propter hoc aliquis an-

Apocalyp.

20

riquorum illum nota hæretici inussit: quia nec pertinax forte  
 fuit, vt meliora docenti obtemperare noluerit, Pertinacia verò  
 est præcipua pars quæ hæreticum efficit, vt iam supra docui-  
 mus. Propter quod non possum cohibere memetipsum quin  
 succenseam fratri Bernardo de Luzemburgo, qui in suo cata-  
 logo hæreticorum non veritus est hunc Papiam aliis hæreticis  
 annumerare, præcipue cum hoc apud nullum antiquorū fuisse  
 factum repererit. Beatus enim August. in suo libro de hæresi.  
 ad Quod vult Deum, cum omnes hæreticos recenseat, nun-  
 quam huius Papiæ meminit. Philaster Brixienſis episcopus  
 nullam in suo libro de hæresibus de hoc Papia fecit mentio-  
 nem. Isidorus etiam in 8. libro Etymologiarum, cum omnes  
 quos potuit scire hæreticos enumerauerit, nec de Papia vllam  
 fecit memoriam. Omitto Guidonem, quoniam is recentior est  
 quam vt in vetustis hæreticis enumerandis fides ei adhibea-  
 tur. Quod si aliqua illi fides debetur, nunquam etiam ille hu-  
 ius Papiæ meminit. Si ergo nullus istorum illustrium virorum  
 Papiam inter hæreticos recensuit, vnde habuit frater Bernar-  
 dus de Luzemburgo vt eum hæreticum censuerit? Si enim pro-  
 pterea quòd Hieronymus dixit Papiam mille annorum Iudai-  
 cam edidisse *διωξας*, statim erat inter hæreticos collocan-  
 dus, quare etiam eadem ratione non annumerauit inter eosdē  
 Irenæum, Appollinarem, Lactantiū, Victorium Pictauiesem,  
 cum de his omnibus referat Hieronymus eodem loco quòd se-  
 cuti sunt Papiam in hac parte? Aut ergo Papias non est hæreti-  
 cus censendus: aut alii qui eum in hac parte sunt secuti, eadem  
 ratione dicentur hæretici. Hæc omnia in medium placuit af-  
 ferre, vt videant hi qui facillè de hæresi pronunciant, quàm fa-  
 cillè etiam ipsi errent, & intelligant non esse tam leuiter de  
 hæresi censendum, præcipue cum non sit peius crimen quod  
 viro Christiano possit impingi, quàm si hæreticus appelletur.  
 Papias ergo, & qui eum secuti sunt, hoc senserunt, Christum  
 videlicet post resurrectionem regnaturum cum iustis mille  
 annis in terra. Et sic sentientes, græco vocabulo *χίλιας* ap-  
 pellati sunt. Quod verbum è verbo exprimentes latine di-  
 cere possumus millenarii. Cerinthus autem de regno Chri-  
 sti per mille annos in terra sentiens, carnales quasdam vo-  
 luptates in illo regno futuras ponit, & vitia quasdam por-  
 tentosa cussibet libidinis. Præter hoc sensit etiam regnum  
 Dei post istos mille annos in terra, futurum in cœlis, in  
 volupta

oluptatibus carnis, in gula & luxuria. Qua in re latissime abest à sensu Papiæ, & aliorum qui Papiam sunt secuti. Quod autem Cerinthus hæc duo asseruerit, apertissimè ostendit Eusebius in libro tertio Ecclesiasticæ Historiæ capite vigesimo octauo. Sic enim de Cerintho loquens ait: Post resurrectionem terrenum dicit futurum esse regnum Christi in Hierusalem, & homines in carne iterum concupiscentijs & vitijs subiectam conuersationem habituros. Contra fidem quoque scripturarum, quosdam mille annos designat: in quibus multa quidem & alia corruptionis opera, & nuptiarum festiuitates dicit futuras, ad eos qui libidini sunt dediti, decipiendos. Sed & Dionysius cum de Ioannis reuelatione disliceret, & quædam secundum ea quæ antiquitus ecclesiæ tradita fuerant, disputaret, mentionem facit huius ipsius viri in his verbis: Cerinthus (inquit) à quo Cerinthiana hæresis oborta est, figmentis suis auctoritatem magni nominis acquirere secundum scripturæ huius prauam intelligentiam gestiebat: quippe cuius hæc erat hæresis, vt affirmaret terrenum futurum esse Christi regnum. Et quia erat ventris & gulæ ac libidini deditus, ea futura decernebat, quæ sibi propria libido dictabat. Ventris, & eorum quæ sub ventre sunt, incitamenta, cibis, potibus, nuptijs prædicabat explenda. Et vt aliquid sacratius dicere videretur, legales aiebat festiuitates rursus celebrandas, & hostias carnales iterum iugulandas. Hæc Eusebius. Ex cuius verbis, & alijs quæ supra de Papiæ ex eodem Eusebio attulimus, constat latum esse discrimen inter Papiæ & Cerinthi errorem: quoniam de Papiæ nihil aliud habemus præterquam quod ait Christum mille annis regnaturum in terra cum sanctis post resurrectionem. Au-  
g autem Papias senserit in illo mille annorum regno futuras esse delicias carnales, an spiritales, mihi non constat. Quod si eas futuras dixit spiritales, non erat grauis error. Nam beatus Augustinus libro vicesimo de ciuitate Dei capite septimo de hac sententia disputans, non audet appellare errorem, sed opinionem. Sic enim loco præallegato ait: Quæ opinio esset vtcunq; tolerabilis, si aliquæ deliciæ spiritales in illo sabbato affuturæ sanctis per domini præsentiam crederentur. Nam etiam nos hoc opinati fuimus aliquando. Hæc Augustinus. Ex quo iterum patet male sensisse fratrem Bernardum de Luzemburgo, cum recensuit Papiam inter hæreticos: quoniam beatus Augustinus ait tolerabilem esse opinionem illam mille annorum,



si in illis annis spirituales & non carnales ponantur deliciæ. At Cerinthus, ut modò enarrauimus, carnales dicit futuras delicias non solum in illo mille annorum regno, sed etiam in posterum, quoniam ea in illo Dei regno futura dicebat, quæ propria libido dictabat: & in illis felicitatem summam figebat: & propter hanc causam, hunc ipsius Cerinthus errorem sub titulo Beatitudinis locauimus. Nec miretur lector quod tam longam in enarranda huius hæresis historia fecimus disputationem: quoniam video plures in hoc errasse, ut errorem Cerinthus cum errore Papiæ confundant, credentes vnum esse vtriusque erroris: quapropter oportuit eorum discrimen ostendere. Superest iam ut ostendamus in illo regno beatitudinis nullas esse futuras carnis delicias, quemadmodum Cerinthus fabulatur. Primo omnium, Paulus huic sententiæ apertissimè obuiat, dicens, Regnum Dei non est esca & potus: sed iustitia, & pax, & gaudium in spiritu sancto. Præterea si regnum Dei, hoc est beatitudo, in carnis deliciis consisteret, nulla esset rectior via ad illud regnum, & beatitudinem assequendam, quam vita in carnis voluptatibus expleta: quoniam nulla est rectior via ad beatitudinem, quam illa quæ simillima est termino viæ, ipsi videlicet beatitudini. Hinc veri catholici & fideles qui suam beatitudinem figunt in Dei cognitione & amore, nullam etiam aliam breuiorē & certiore viam ad beatitudinem assequendam docent, quam veram Dei cognitionem & perfectam illius dilectionem. Si ergo beatitudo in carnis voluptatibus sita est: carnis voluptas certissima erit via ad beatitudinem adipiscendam. At nihil magis impedit beatitudinis consecutionem, quam carnales deliciæ. Paulus enim apostolus recensens eos quibus regnum Dei est interdictum, inter eos enumerat carnis voluptatibus deditos. Sic enim ait, Neque idolis seruientes, neque adulteri, neque molles, neque masculorum concubitores, neque fures, neque auari, neque ebrioli, neque maledici, neque rapaces regnum Dei possidebunt. Et iterum, Sicut portauimus imaginem terreni, portemus imaginem cœlestis. Hoc autem dico fratres, quia caro & sanguis regnum Dei possidere non possunt. Nomine autem carnis & sanguinis designauit vitam secundum carnis & sanguinis instinctum: quod patet ex eo, quia per illa declarauit imaginem terreni hominis. Et alibi, in ea videlicet quæ est ad Gal. epist. postquam enumerauit opera carnis, subiungit: Qui talia agunt, regnum Dei non consequentur. Si ergo opera carnis aduersantur consecutioni ipsius

Rom. 14

1. Cor. 6

1. Cor. 15

Gala. 5

ipsius regni Dei : quî fit vt ipsum regnum Dei in eisdem ope-  
 ribus carnis consistat? Rursum ipse veritatis magister hunc er-  
 rorem propria voce damnat: quoniam Saducceus de resurrectione *Mat. 22*  
 disputantibus respondens ait, In resurrectione neque nubet,  
 neque nubentur: sed erunt sicut angeli Dei. Si in resurrectione  
 non sunt nuptiæ, iuxta dictum Saluatoris, oportet necessariò fa-  
 teri, vt non sit ibi fornicatio, aut alius quicunque concubitus. Et  
 quoniâ dicit homines futuros sicut sunt angeli Dei, oportet etiâ  
 concedere nullum illis futurum sibi corporalis gustum. Vnus  
 enim ex his qui astant coram domino, videlicet Raphael, Tho-  
 bias loquens ait, Cùm essem vobiscum per voluntatem Dei, vi *Tho. 12*  
 debar quidem vobiscum manducare & bibere, sed ego cibo in-  
 uisibili, qui ab hominibus videri non potest, vtor. Hic autem  
 cibus qui ab hominibus videri non potest, Deus ipse est: quem  
 videntes & amantes gustant. vnde regius propheta ait, Gustate *Psal. 32*  
 & videte quàm suavis est Dominus. Si enim ipse Deus non esset  
 cibus animæ nostræ, nunquam Propheta præciperet vt gusta-  
 remus eius suauitatem. Non enim gustatur nisi quod comedi  
 aut bibi potest. Et de hoc spiritali cibo & potu intelligendæ sunt  
 auctoritates illæ, quæ in vtroque scripturæ sacræ instrumento  
 promittunt in illa futura beatitudine cibum & potum, vt apud  
 Esaiam dicitur, Serui mei comedent, vos autem esurietis: serui *Esa. 4*  
 mei bibent, vos autem sitietis. Tunc enim satiabuntur, vt ait re- *Psal. 11*  
 gius Propheta, cùm apparuerit gloria Domini. Sic etiam acci- *Luce 17*  
 piendum est quod ait Saluator, Ego dispono vobis, sicut dispo-  
 suit mihi pater, vt edatis & bibatis super mēsam in regno meo.  
 Quemadmodum enim Christus filius Dei satiatur per visio-  
 nem essentia suæ, quam accepit à patre suo per generationem:  
 sic etiam nos satiari oportet per visionem essentia diuinæ: quâ  
 visionē vt nos assequeremur, Christus obtinuit per merita suæ  
 passionis: & tunc disposuit nobis mensam, cùm meruit vt no-  
 bis daretur gloria, in qua videntes Deum, satiamur eius visio-  
 ne. Cerinthus cùm esset carnis voluptatibus deditus, non cre-  
 didit alium esse cibum spiritualem animæ, & alium corporis:  
 quapropter omnes auctoritates quæ de cibo & potu, de con-  
 uiuiis, de cœna, pro illa futura beatitudine loquuntur: putauit  
 iuxta literam carnaliter intelligendas. Non attendit enim  
 alium esse cibum præter eum, qui oculis carnis videtur, & denti-  
 bus atteritur. Si enim verbum Dei, iuxta dictum Saluatoris, *Ma. 4*  
 est cibus animam nutriēs, quanto magis nutriet & reficiet ipse-

met Deus? Moyses nanq; solo Dei colloquio quadraginta diebus absque alio corporali cibo nutritur. Hos duos cibos, videlicet corporalem & spiritualement, & eorum discrimen, Saluator descripsit dicens, Operamini non cibum qui perit: sed qui permanet in vitam aeternam. Hæc aduersus Cerinthi errorem dicta sufficiant: omisis aliis argumentis, quæ in scholis pertractari solent ad probandam beatitudinem in sola Dei visione, & illius dilectione consistere. Vbi nanque apertissima sunt scripturæ sacræ testimonia, superfluum est argumenta plura superaddere, velut si quis velit lumen addere fulgentissimis solis radiis. Alter etiam Papæ error, de mille annorum regno, quibus ait Christum post resurrectionem regnaturum secundum carnem, ex supradictis cōuictus est. Nam Saluator dixit, In resurrectione neque nubent, neque nubentur. sed erunt sicut angeli Dei. Ex quibus apertè conuincitur, post resurrectionem non esse futurum vllum maris & scēminæ coitum, nullum etiam cibi & potus vsum: & per consequens, nullam secundum carnem vitam. Illud autem quod in suæ sententiæ confirmationem ex Apocalypsi producant, minimè intellexerunt, & propterea in errorem lapsi sunt. Sic enim dicitur in Apocalypsi: Et vidi animas decollatorum propter testimonium Iesu, & propter verbū Dei: & qui non adorauerunt bestiam, neq; imaginem eius, neq; acceperunt characterē eius in frontibus, aut in manibus suis: vixerūt & regnauerūt cū Christo mille annis. Ceteri verò mortuorū non vixerunt donec consummentur mille anni. Hęc est resurrectio prima. Beatus & sanctus qui habet partē in resurrectione prima. In his verbis Apost. ostēdit discriminē inter bonos & malos. Boni etenim qui non adorauerunt bestiam, id est dæmonem, vixerunt, quia etsi corpora eorum nunc mortua sint, animæ tamen eorum viuunt per gratiam & gloriam quā nūc possidēt. Et hæc vocatur resurrectio prima, quæ ad gratiam & gloriā animarū pertinet. Quapropter beatus Iohannes dixit: Beatus & sanctus qui habet partē in resurrectione prima. Alia est resurrectio secūda, quæ erit cū corpora resurgentia ad vitam accipient stolam immortalitatis. Et per oppositū, mors etiam est duplex. quædam dicitur prima, & est peccatū, quod est mors animæ: de qua morte Saluator ait, Sine mortuos sepelire mortuos suos: vt videlicet in anima mortui sepelirent mortuos in corpore. Secunda mors, est damnatio perpetua. In quā mortui præcipitabūtur, qui à prima quæ est mors peccati, non

non resurgunt. Et ideo merito beatus qui habet partem in resurrectione prima. Sancti ergo viri qui propter testimoniū Iesu, & propter verbum Dei decollati sunt, & qui non adorauerunt bestiam, id est dæmonem, vixerunt: quia etsi eorum corpora nunc mortua in sepulchris iaceant, tamen eorū animæ habent vitā gratiæ & gloriæ, & nūc regnant cū Christo mille annis, id est omnibus annis qui sunt futuri vsq; ad iudicium. Nam vsque ad illud tempus sancti habebunt præcisè vitam animæ, & resurrectionem primam: post illud verò tempus habebunt resurrectionem secundam, id est vitam corporum simul & animarum. Quod autem millenarius numerus capiatur pro vniuersitate, manifestè cōvincitur per id quod dicitur in Psalmo: *Psal. 104*  
 Memor fuit in seculum testamenti sui, verbi quod mandauit in mille generationes: id est in omnes. Et in Ecclesiastico, Melior est vnus timens Deum, quam mille filij impij, id est quā omnes filij impij. Præterea denarius numerus aliquādo etiam ponitur pro vniuersitate, vt apud Matthæum dicitur regnum *Ecc. 16*  
 cœlorum, quod militans est ecclesia, a similari decem virginibus, quo numero omnes homines tam boni quā mali designati sunt. At denarius numerus, radix est millenarij numeri, qui quadratum solidum est. Nam denarius numerus si per se ipsum ducatur, efficit centum. Quod si rursus decem ducas per centum, efficient mille. Si ergo denarius numerus pro vniuersitate ponitur, millenarius qui ex denario bis ducto consurgit multo rectius pro vniuersitate ponetur. Cū ergo beatus Ioannes de sanctis iam defunctis loquens dixit quod vixerunt & regnauerunt cum Christo mille annis, sic accipiendum est, vt intelligatur eos vixisse & regnare cum Christo omnibus annis futuris vsq; ad diem iudicij. Quibus annis etsi mortui sint corpore, viuunt tamen anima, & regnant cum Christo. De peccatoribus defunctis loquens apostolus Ioannes dixit, Cæteri verò mortuorum non vixerunt donec consumantur mille anni: Quia peccatores defuncti, toto hoc tempore vsque ad diem iudicij nullam habent vitam: quoniam eorum corpora mortua iacent, & animæ eorum mortuæ etiam sunt per peccatū. Trāactis autem his mille annis, id est toto illo tempore vsque ad diem iudicij, aliquam vitam habebunt, quia etsi animæ eorum per peccatum mortuæ sint, eorum tamen corpora per resurrectionem vitam quanuis miseram recuperabunt. Vel fortè ibi ponitur millenarius numerus pro vniuersitate temporis futuri  
 etiam



etiam post diem iudicii, ita vt sit sensus, sancti vixerunt & regnauerunt cum Christo mille annis, id est semper, quia etsi nō semper vixerint corpore, post mortem tamen corporis semper vixerunt, & semper viuunt in anima. Ceteri verò mortuorum, id est peccatores, nō vixerunt donec consummentur mille anni, id est nunquam vixerunt: quia veram vitam animæ & corporis amiserunt. Nec ibi illa dictio donec, dicit alicuius temporis finem. Sic enim sæpe ponitur in sacris literis, vt nullum dicat finem temporis: vt patet in Psal. Dixit dominus domino meo, sede à dextris meis, donec ponam inimicos tuos scabellū pedum tuorum. Nunquam enim erit tempus, quo filius Dei nō sedeat ad dexteram patris: & tamen dixit eum sedere donec ponat inimicos illius scabellum pedum suorum. Vnde conuincitur illud aduerbium donec, positum esse sine aliqua temporis limitatione. Ad hunc etiam modum capitur quod dixit Ioannes euangelista, Ceteri verò mortuorum non vixerunt donec finiantur mille anni, id est donec finiatur temporis vniuersitas: hoc est, nunquam vixerunt. Aliam expositionem horum mille annorū assignat beatus Augu. lib. 20. de ciuita. Dei cap. 7. legat qui voluerit. ego nolui in medium afferre, quoniā mihi illa non placuit. Hæc autem quam modo retulimus, ab eo etiā assignatur: & mihi verior videtur. Aduersus hos *χίλιετας*, id est millenarios, scripsit olim Gennadius presbyter Massiliensis: vt testatur Ioannes Tritemius in suo libro de ecclesiasticis scriptoribus: quo vtinam frui liceret: magnū quidem (vt opinor) nobis adiutorium præbuisset.

*Origenes.* Tertia hæresis est quæ asserit nec beatitudinem nec miseriam esse perpetuam. Huius hæresis author est Origenes. hic enim (si Augustino & Theophylo Alexandrino credimus) quasdam alternationes beatitudinis & miseriarum ponit: ita vt transactis aliquot annorum curriculis, animas beatas dicat iterum in corpora mortalia reuerti, & in eis corporis molestias pati, & inde iterum ad beatitudinem euocari: & a beatitudine rursus ad miseriam deflecti. quo pacto fiet perpetuus quidam beatitudinis & miseriarum circulus. Et eodem modo sentit etiam de miseris, vt illos dicat aliquando ad hoc seculum redituros: & inde iterum ad beatitudinem euocari. Vnde euenit vt dicat dæmones aliquando fore saluandos. Hæc sententia apertissimè conuincitur esse hæretica, & ratione, & scripturæ sacræ testimonijs. Ratione prius aggrediamur, & percotemur Origenem, vtrum anima

anima quæ iam beatitudinem adepta est, sciat suam beatitudinem aliquando finiendam: an prorsus ignoret? Si penitus nescit suam beatitudinē aliquando finiendā, oportebit tunc Origenē fateri nos in huius seculi miseria existentes peritiores esse, quā beati sint in illa futura beatitudine quoniam in hoc seculo existentes, noscimus finiendam esse aliquando beatitudinē: beati autem ignorant futurā miseriam. Nos etiā in hoc seculo vitam agentes, scimus (iuxta Origenis sententiam) beatorū felicitatē aliquando desituram: quod cū ipsi ignorent, consequens est vt peritiores simus illis. Si autem finem suæ fœlicitatis scit anima beata, hac sola ratione misera esse conuincitur, quoniam semper erit cum metu amittendi quod amat. At metus passio quædam est animæ: & qui timet, quodam modo patitur, & quādam miseriam sustinet. Præterea metus ille vim amoris quodammodo remittit. Teptidus enim quisque amat id quod scit se aliquando deserturum. quapropter fiet vt beatus sciens suam beatitudinem aliquando finituram, remisse ac repide amet eandē. Hoc enim vnico & fortissimo argumento Christus ab amore diuitiarum separare nos voluit, quod aliquādo peritura essent. Nolite (inquit) thesaurizare vobis thesauros in terra, vbi æru- Mat. 6  
go & tinea demolitur: & vbi fures effodiūt atq; furantur. Rursum. Si beatus scit suam fœlicitatem desituram: multo beatius & quietius viuet hic anima in hoc seculo, quā illic in illa beatitudine: & tanto beatius, quanto melior est spes certa boni acquirendi, quā metus mali imminētis. Miser siquidem in hoc seculo viuens, spem habet futuræ beatitudinis: beatus autē metum patitur futuræ miseriæ, ad quam (iuxta Origenē) post aliquot annorū curricula est reuocandus. Omisissis autē argumentationibus, scripturarum sacrarum testimonijs agamus: quoniam hæc vehementius vrgent. Scriptura siquidem sacra non tantum semel aut iterum dicit beatitudinem & miseriam damnatorum esse perpetuas. Vnde Salomon in lib. Sapiētiz ait: Iu- Sapi. 3  
storum animæ in manu Dei sunt: & non tanget illos tormentum mortis. Quod si à beatitudine ad miseriam, & à miseria ad beatitudinē per continuas alternationes sine cessatione circumeunt, necesse est vt illos tangat tormentū mortis. Et iterū assignās diuersum beatorum & damnatorū statum, postquam de damnatis disseruerat, de beatis dicit, Iusti autē in perpetuū viuent, & apud dominum est merces eorum. Præterea apud Da- Sapi. 5  
nielem dicitur, Et in tempore illo saluabitur populus tuus o- Dan. 12  
mnis

mnis qui inuentus fuerit scriptus in libro: & multi de his qui dormiunt in terræ puluere, euigilabūt: alij in vitā æternam, alij in opprobriū, vt videāt semper. Qui autē docti fuerint, fulgebunt quasi splendor firmamenti: & qui ad iustitiam erudiūt multos, quasi stellæ in perpetuas æternitates. Ecce hic bis vno cōtextu beatorū statū propheta declarauit esse perpetuū. Rursum Gabriel angelus de filio Dei incarnādo Mariam virginē alloquens ait: Regnabit in domo Iacob in æternū, & regni eius nō erit finis. Domus autē Iacob illa est quæ alibi appellatur dom⁹ Israel, scilicet gloria cœlestis, cuius magnitudinem propheta vnus admiratur dicēs, O Israel quā magna est domus tua. Ia

*Luc. 1* cob siquidē ille est idē qui & Israel. eadē ergo domus Iacob, & domus Israel. In hac domo dicit angelus Christū regnaturū in æternū. At qualiter poterit in illa domo regnare in æternum, si domus nō est æterna? Oportet ergo vt domus illa beatitudinis sit æterna, vt in illa possit Christus regnare in eternū. Regnum etiā Christi beati sunt, qui in Apocalypsi clamant. Fecisti nos Deo nostro regnū. Hoc est enim illud regnū quod corā Pilato

*Apo. 5* Christus cōfessus est nō esse de hoc mūdo. Et merito, quoniam alibi de iustis loquens dixerat, Si de mūdo essetis, mūdos quod suum erat diligeret: propterea mundus vos odit, quia non estis de mundo. Si ergo beati regnum Dei dicūtur, quomodo regni Christi nō erit finis, si à beatitudine ad miseriam beati aliquando reuocantur? Oportet ergo beatitudinem fateri æternam, vt regnum Christi verē dicatur esse sine fine. Cæterum quod de damnatis dicitur, apertissimē conuincitur per id quod apud

*Mat. 25* Matthæum dominus minatur se dicturum peccatoribus in die iudicij, Ite maledicti in ignē æternum, qui præparatus est diabolo, & angelis eius. Et apud Lucam, pater Abraham diuiti epuloni in inferno sepulto ait: Et in his omnibus inter nos & vos chaos magnum firmatum est, vt hi qui volunt hinc transire ad vos, non possint: nec inde huc transmeare. Quibus verbis nihil apertius dici potuit ad Origenis insaniam reuincendā. Contra hunc errorem scribit beatus Aug. in lib. 12. de ciuitate Dei, cap. 20. quo in loco solū agit argumentis, nullum scripturæ sacræ asserens testimonium. Quod inde venisse constat, quia tunc contra Ethnicos philosophos agebat, quos sacræ scripturæ testimonium parum mouere poterat. Contra eundem errorem etiam disputat beatus Grego. in Moralibus super illud Iob 40. Aestimabit abyssum quasi senescentem.

Quarta de hac re hæresis est, quæ asserit hominem in hac *Begardi.*  
 præsentī vita posse consequi finalem beatitudinem secun- *Beguna.*  
 dum omnem gradum perfectionis quem habebit in patria.  
 Hanc hæresim suscitaverunt quidam homines in Alemania, di-  
 cti Begardi, & quædā mulieres dictæ Beguinæ, qui omnes mo-  
 do quodam honesto & religioso incedunt. Nam hodie in Ger-  
 mania inferiori vidi ipsemet mulieres sic nominatas Begui-  
 nas, quæ in societate quadā honesta vivunt, sine tamen alicuius  
 voti expressi emissionē, & cum propriæ suppellectilis reten-  
 tione: quæ cum volunt, & modus vivendi eis displicet, li-  
 beram recedendi habet facultatem: & in toto possunt societate  
 relinquere. Secus autem se habent Begardi quoniam hi cœ-  
 nobia habent, & tria vota, ut alij monachi, Domino red-  
 dunt. Hanc rationem Begardorum & Beguinarum hic red-  
 dere placuit: quoniam hæc nomina aliis nationibus sunt pror-  
 sus ignota, ut potè Hispanis & Italis, & magna ex parte Gal-  
 lis. Hi ergo Begardi & Beguinæ, inter alios, quos tenuerunt  
 errores, hunc docere tentarunt, Hominem videlicet in hac vita  
 posse cōsequi finalem beatitudinem, quam habebit in patria.  
 Ut autem hunc errorem convincamus, prius oportet beatitu-  
 dinem definire: ne forte de voce contendamus, & non de re. Sed  
 quoniam iuxta Aristotelis præceptum, æquivocum prius est in  
 sua distincta significata partiendum, quàm definiatur, ideo mul-  
 tiplicem beatitudinis significationem prius ostendere oportet.  
 Beatitudo siquidem in sacris literis aliquando & sæpe capitur  
 pro via ad beatitudinē consequendam. Beatus vir (inquit Pro- *Psal. 1*  
 pheta regius) qui non abiit in consilio impiorum, & in via pec-  
 catorum non stetit, & in cathedra pestilentie non sedit: sed in  
 lege domini voluntas eius. Et alibi, Beatus vir qui timet domi-  
 num: in mandatis eius cupit nimis. Et ipse dominus apud Mat- *Psal. 3*  
 thæum assignat octo beatitudines, id est octo vias quibus per- *Matth. 5*  
 venit ad beatitudinem. Beati, inquit, qui lugent, quoniam ipsi  
 consolabuntur. In illa autem vita beata, in qua perfecta est fe-  
 licitas, nullus erit luctus. Ibi enim absterget Deus omnem la-  
 chrymam ab oculis sanctorum. Vocatur autem luctus, beati-  
 tudo: quoniam certa via ad beatitudinem futuram, est in hac  
 vita lugere, & nolle hic prosperari. Vocatur etiam fides vita æ-  
 terna, eo quod via quædam est ad vitam æternam. Sic enim di-  
 cit Christus, patrem pro nobis rogans, Hæc autē est vita æter- *Ioan. 17*  
 na, ut cognoscant te solum Deum verum, & quem misisti Ie-  
 Christum



Christum. Quem locum beatus Cyrillus pertractans, ait, Radicem atque originem æternæ vitæ, fidem, & veræ pietatis virtutem esse affirmat. Veram autem pietatem illam esse asserimus, cui alieni falsiq; cultus crimen inuri nō potest. Hæc Cyrillus. Quapropter maximè miror quòd quidā theologi scholastici illum locum Ioannis afferunt ad probandum beatitudinis præcipuam partem esse Dei visionem, minorem autem esse dilectionem: pro qua re nullum aliud afferunt scripturæ testimonium, quàm illud Ioannis quo Christus ait, Hæc est vita æterna, vt cognoscant te solum Deum verū, & quem misisti Iesum Christum. Omitto qualiter hunc locum interpretentur alij qui partem tutantur aduersam. nam eorū interpretatio merè voluntaria est, & ex eorum cerebro prodiens, non autem ex literæ ordine. Quod si à sacris doctoribus illius loci intelligentiā peterent non tantum operis in ea re consumpsissent. Nec tamen hæc ideo dicta esse volo, vt quis existimet me velle contendere potissimam partem beatitudinis non esse visionem: quoniam neque pro hac parte neque pro aduersa certare volo: cū hic non pertractem hominū variè sentientiū opiniones, sed solam catholicam fidem. Hæc tamen ideo dixi, vt ij qui docent beatitudinis præcipuam partem esse visionem, agnoscant quàm debili fundamento innitantur, cū constet illum locum Ioannis, de fidei cognitione, quæ via est ad beatitudinem, esse intelligendum. Et hoc ex ipsius literæ decursu facillimè colligi potest. Nam Christus illo loco non orat patrem vt illum per claram suæ essentia visionem clarificet, sed per fidei cognitionem. tunc enim Christus clarificatus est, cū clarè cognitus est per fidem quòd sit filius Dei. Tunc clarificatus est, cū homines crediderunt illum esse filium Dei. Cū ergo Christus orat patrem, vt clarificet filium suum, hoc petit, vt fidem suæ diuinitatis hominibus donet, per quam credant illum esse Dei filium. Et propterea vt ostenderet quòd non sibi soli consulens, sed hominibus prospiciens petit, subdit: Hæc est autem vita æterna, vt cognoscant te solum Deum verum, & quem misisti Iesum Christum. Hoc est, Vitam æternam habebunt, si in te & in me crediderint. Nec mirari debent, quod dicamus fidem vocari vitam æternam, cū apud Ioannem etiam dominus dicat, Qui credit in me, habet vitam æternam. Non dixit habebit, sed habet: vt clarè ostenderet fidem dici vitam æternam, eò quòd via quædam est rectissima ad vitam æternam cōsequendam

dam. Hanc autem expositionē docet beatus Cyrillus (ut ostendimus) super Ioannem. Et in libro de fide ad reginas, hunc locum idem Cyrillus citans, ut inde conuincat Christum esse Deum, sic ait, Si cum agnitione solius & veri Dei iunctam esse *Cyrillus.* necesse est & adesse agnitionem Iesu Christi, & vitam hoc æternam parit, quomodo non omnibus manifestum est quod Deus verus est Christus? Hæc ibi Cyrillus. In quibus verbis id aduertendum est quod dixit, vitam æternam parit: vnde clare patet quod Cyrillus sentit illum locum esse intelligendum de cognitione fidei: quam ideo dicit vocari vitam æternam, quia parit vitam æternam. Beatus Augustinus etiam hanc interpretationem innuit, non tamen ita expresse ut Cyrillus, sed per quasdam verborum ambages: ideo eius verba omitto, contentus indicasse lectori. Beatus Hilarius in libro de patris & filii unitate, cum illa eadem Christi verba citasset ad probandam Christi diuinitatem. statim hæc verba subiungit, Vitæ æternæ fidem vel loqui hæretice disce credere, & separa à Deo Christum, si potes à patre filium, à Deo verò super omnia Deum, à solo vnum: vnus enim Dominus est Christus Iesus. Si vita æterna est, in Deum solum verum credidisse sine Christo, confitendum est solum verum Deum salutem non dedisse. Hæc Hilarius. Cum ergo tot clarissimi viri doceant illum locum Ioannis esse intelligendum de cognitione fidei, quæ est via ad æternam vitam: conuincitur eos falso fundamento inniti, qui illud citant ad probandum præcipuam beatitudinis partem esse visionem. Hæc per occasionem diximus. Nunc autem ad primū huius causæ caput reuertamur, dicentes, viam ad beatitudinē aliquando appellari in sacris literis beatitudinem. De ista beatitudine sic dicta, nō est intentio nostra nunc loqui, quoniam de hac nulli dubium est quod in hac vita habeatur. Aliquando capitur beatitudinis nomen pro fœlicitate summa, quam in alia vita speramus. Et de hac dicitur in psalmo: Beati qui habitant in domo tua domine, in sæcula sæculorum laudabunt te. Et de hac beatitudine præsentem facimus sermonem: ideo definitionem eius prius statuamus. Diuus Seuerinus Boëtius sic eam definit: Beatitudo est status omnium bonorum aggregatione perfectus. Et conuenit cum eo quod dicit Augustinus, Beatus est qui habet quicquid vult, & nihil mali vult: hoc est, Beatus est ille qui habet omne bonum quod potest rectè velle. Ex quo sequitur illum esse beatum, qui Deum perfectè possi-

Psal. 83

det. tunc enim nostra voluntas satiata est, quoniam Deo habito  
*Psal.* 102 habetur omne bonum. De illo namq; dicitur, Qui replet in bonis desiderium tuum: renouabitur vt aquilæ iuuentus tua. Tunc siquidem replebitur in bonis desiderium nostrum, quando per resurrectionem renouabitur iuuentus nostra. Tunc erit satiata nostra voluntas, iuxta id quod propheta ait, Satiabor cum appa-  
 ruerit gloria tua. Beatitudo ergo non habetur nisi satiata volū-  
 tate, & repleto desiderio. At desiderium nostrum in bonis, nul-  
 lus potest replere nisi solus Deus. Deū autē nemo habet nisi qui  
 1. *Ioan.* 4 eum perfectē amat. Qui manet in charitate, inquit Ioā. in Deo manet, & Deus in eo. Deus autem nō potest perfectē amari in hac vita: quia nō potest in eadē perfectē cognosci. Quæ enim minus cognoscimus, minus etiam amari necesse est: quoniam ea quæ non cognoscuntur, amari non possunt. At Deus non potest de communi lege in hac vita, clara & facili notitia cogno-  
 2. *Exo.* 33 sci, iuxta id quod dicitur in Exodo. Non videbit me homo &  
 1. *Co.* 13 viuet. Et Paulus ait, Videmus nunc per speculum in ænigmate, tunc autem facie ad faciem. Si ergo in hac vita nō potest Deus perfectē & clare videri, ergo neque amari perfectē: & per consequens neque possideri: ex quo sequitur voluntatem nostram non posse hic satiari, neque desiderium repleri, ex quibus colligitur non posse fieri vt homo hic sit beatus ea beatitudine de  
 3. *Iob.* 7 qua loquimur. Præterea militia quædam est, vt ait Iob, vita hominis super terram. Si ergo vita cuiusque hominis super terrā, quædam militia est: necessariō sequitur, vt ibi beatitudo esse nō possit, quoniam beatitudo & quietem & tranquillitatem & securitatem habet annexam: quæ omnia longissime absunt à militia. Ibi siquidem labor, ibi metus. Quapropter nullus militās se fœlicē clamat, nisi postquam victoriā fuerit adeptus. Neq; in ipsamet militia quis coronatur: sed post trāfactum certamē. Cum ergo beatitudo quasi quædam sit beatorum corona, conuincitur vt beatitudo non possit haberi in hac vita, quæ est militia quædam. Rursum, idem Iob describens vitam hominis quam agit in hoc sæculo, ait, Homo natus de muliere, breui uiuens tempore, repletur multis miseriis. Si miseriis repletur, qui fit vt beatus esse possit? Miseriis, inquam, repletur hæc vita, laboribus plena, cibi & potus indiga, cibo & potu defatigata. Hæc humores tumidant: dolores exterminant: ardores exsiccant: aer morbidat: cibi inflant, ieiunium macerat: ioci soluunt, tristitiæ consumunt: sollicitudo coarctat, securitas hebetat: senectus incuruat



curuat: infirmitas frangit: mors omnino tollit. Quæ omnia velut ex diametro cum beatitudine pugnant: quò sit ut in hac vita beatus homo esse non possit. Demum præter hæc omnia tam aperta testimonia, extat ecclesiæ de hac re definitio. Concilium namque Viennense sub Clemente quinto celebratum, inter octo errores Beguinarum & Begardorum quos damnauit, huc quarto loco statuit: cuius decretum ponitur in libro Clementinarum titulo de hæreticis, cap. ad nostrum. Contra hunc Beguinarum errorem nullum scio authorem scripsisse ex professo: propter quod valde miror Guidonis Carmelitæ, qui cum summam de hæresibus scripserit, nunquam harum Beguinarum neque errorum illarum meminit, cum tamen parum ante ipsum fuerint, & in concilio Viennensi, ut diximus, damnatæ. Propter quod oportuit ut ipsum non lateret, præcipue cum Viennense concilium quadraginta aut fortè paucioribus annis Guidonem præcesserit. Alios tamen Beguinos & Beguinæ recenset Guido in fine sui operis: qui (ut ex dictis Guidonis constat) longissime absunt ab istis de quibus nos modo locuti sumus. Nam errores istorum Beguinorum, de quibus loquitur Guido, nullo pacto conueniunt cum illis qui in concilio Viennensi damnati sunt.

Quinta hæresis est quæ docet omnem intellectualem naturam seipsa naturaliter esse beatam, & hæc etiam à Begardis & Beguinis inuenitur, & quinto loco collocatur inter eas octo quas proxime narrauimus esse damnatas in concilio Viennensi. *Begardi.*  
Nec immerito à concilio damnatur, cum expressa sint scripturæ testimonia, Paulus namque ait: Gratia dei vita æterna. Et iterum, iustificati gratis per gratiam Dei. Si ergo gratis iustificamur, multo magis & gratis beatificamur. Et iterum: Nō est voluntas neque currentis, sed dei misericordis. Non ergo in seipsa naturaliter est beata quælibet intellectualis creatura. *Beguni.*  
Præterea, Si (ut Christus ait) nemo bonus nisi solus Deus, quia ipse natura bonus, nos autem non sumus boni natura, sed sua tantum voluntate: multo magis oportebit dicere, ut nemo beatus ex sua natura, nisi solus Deus. Rursum, si quælibet intellectualis natura seipsa est beata, nulla ergo intellectualis natura potest esse misera: quoniam ea quæ à natura insunt, nullo modo deferi possunt. Hanc etiā hæresim oppugnant ea quæ aduersus proxime narratā hæresim diximus: quoniam si in hac vita nullus potest beatitudinem assequi, cōsequens est ut homo nō sit naturaliter

Ro. 6

Ro. 3

Ro. 9

Matth. 19

Mat. 10



beatus. Valeant ergo Beguinæ, & colum & fufum exerceant, & nullo modo fcripturas diuinas pertractent.

Sexta hærefis docet, nullam animam ante diem iudicii effe beatam, quoniam (vt ait) nulla anima ante illum diem videt Deum. Huius hærefis authores funt Armeni. eandem etiam *Armeni.* *Græci.* tuerentur Græci. Verum hi (tefte Guidone) multo magis delirant, quoniam ficut negant beatitudinem dari iuftis ante diem iudicii, ita etiam negant pœnam dari peccatoribus ante illum diem. Post iftos furrexit Ioannes vigefimuffecundus huius nominis pontifex. Sed ne verbis meis aliquis in hac parte fidem deroget, verba Adriani papæ referam, qui in fuo quarto Sententiarum in calce cuiusdam quæftionis de Sacramento confirmationis ita ait, Nouiffime fertur de Ioanne vigelimofecundo quod publicè docuit, declarauit & ab omnibus teneri mandauit quod animæ purgatæ ante finale iudicium non habent ftolam, quæ eft clara & facialis visio Dei: & vniuerfitatè Parifienfem ad hoc induiffè dicitur, quod nemo in ea poterat gradum in theologia adipifci, nifi primitus hunc errorè iuraffet fe defenfurum, & perpetuo ei adhæfurū. Hæc Adrianus. Præter hos funt adhuc alii huius erroris patroni, viri quidem illuftres, fanctitate perinde ac fcientia clari: Irenæus videlicet beatiffimus pro Chrifto martyr, Theophylactus Bulgariz epifcopus, beatus Bernardus. Nec mirari quifquā debet fi tanti viri in tam pe-  
*Iaco. 3.* ftiferum errorè funt lapfi: quoniā (vt beatus Iacobus apoftolus ait) qui non offendit in verbo, hic perfectus eft vir. Admonere tamen hic oportet lectorem, ne putet hunc errorè aliquid tantorum virorum fanctitati aut doctrine detrachere, nam cum illo tempore nunquam ecclefia de hac re quidquam diffiniffet, nec res illa fuiffet vnquam in quæftionem vocata, nec tam expreffa fuiffent sacrę fcripturę pro illius diffinitione testimonia, vt non poffent in alium fenum vt cunq; detorqueri: potuerunt eo tempore alterutram partem citra hærefis notam docere: præfertim cum non deeffent aliqua fcripturæ testimonia, quæ illis quodammodo fauere viderentur. Vt autem fidem meam nulli fufpectam in hac parte relinquam: volo illorum verba imprefentiarum afferre, vt candidus lector agnofcat ita illos  
*Irenæus.* docuiffe quemadmodum nos de illis tellari fumus. Irenæus in calce libri quinti aduerfus hærefes, hæc fcribit verba: Cū enim Dominus in medio vmbre mortis abierit, vbi animæ mortuorum erant, poft deinde corporaliter refurrexit, & poft refurrectionem

tionem assumptus est, manifestum est quia & discipulorum eius, propter quos & hæc operatus est Dominus, animæ abibūt in inuisibilem locum, diffinitum eis à Deo: & ibi vsq; ad resurrectionem cōmorabuntur sustinentes resurrectionem: post recipientes corpora, & perfecte resurgentes: hoc est corporaliter quemadmodum & dominus resurrexit, sic venient ad conspectum Dei. Hæc Irenæus. In quibus verbis cum dixit, sic venient ante conspectum Dei, indicauit aperte animas ante corporum resurrectionem nō recipi in gloriā cōlestem. Theophylactus *Teophylactus.* autem exponens illud Apostoli ex vndecimo capite ad Hebræos: Et hi omnes testimonio fidei probati, non acceperunt repromissionem, sic ait: Cur, inquit, pusillo animo estis si certando exagitati nondū sitis pro susceptis laboribus mercedem adepti quandoquidē quos diximus sancti, et si testimonium per fidem sunt nacti Deo perplacuisse, nil tamen adhuc cōlestium promissorum sint consecuti: tamen si fuisse constat nonnullos, vt Dauidem regem, his terræ bonis affectos: haud tamen præsentia hæc ipsi inquirimus, sed quæ in cœlo sunt, certiores & veras promissiones. Hæc Theophylactus. Et post hæc paucis interiectis subdit: Nonne erga hos nil æquum Deus se exhiberet, & his ipsis videretur inferre iniuriam: si quidem qui intolerandis laboribus fuissent priores, in coronis tamen & præmiis capiendis nos operiantur necesse sit? Atqui pergrata est illis huiusmodi expectatio: vt cum fratribus perfectionem & gloriam adipiscantur. Et quibusdam interpolitis iterū ait: Obtulit pater his qui prius operi insudassent, aliquid degustandum, operiri hos interea iubens, & fratres alios, vt vnā cū his opipare & vbertim vescantur. At hi vt fraterna charitate tenentur, læti expectant, vt inter epulas illas instructiores, gaudio inter se ineffabili expleantur. hæc Theophylactus. Et idem dicit super vigesimum tertiū caput Lucæ, pertractans illud quod Saluator noster dixit latroni, Hodie mecū eris in paradiso. Et miror quod cum de quibusdam aliis illius sententiis chalcographus in calce expositionis euangeliorum lectorem admonuerit, istam tamen intactam reliquerit. forte non aduertit. Beatus Bernardus sermone tertio in festo omnium Sanctorū, hæc verba scribit, In illam enim beatissimam domū nec sine nobis intrabūt, nec sine corporibus suis: id est nec sancti sine plebe, nec spiritus sine carne. Hæc ibi. Et sermone proxime sequenti, qui quartus est de eadem festiuitate, de sinu Abraham loquens, sic ait, In hunc

ergo locum Saluator descendens contriuit portas æreas, & vetes ferreos confregit, eductosque vinctos de domo carceris, sedentes quidem, hoc est, quiescentes, sed in tenebris & umbra mortis, iam tunc quidem sub altari Dei collocavit, abscondens eos in tabernaculo suo in die malorum, & protegens eos in abscondito tabernaculi sui donec veniat tempus in quo procedat completo iam numero fratrum, & percipiant regnum quod eis paratum est ab origine mundi. Hæc Bernardus. In quibus verbis id aduertendum est quod ait sanctos non percipere regnum quod eis paratum est, donec compleatur numerus fratrum. sed manifestiora multo sunt quæ subiungit. nam paucis interiectis, exponens illud Apocalypseo: Vidi sub altare Dei &c. sic ait: Porro altare ipsum de quo nobis habendus est sermo, ego pro meo sapere nil aliud arbitror esse quam corpus ipsum domini Saluatoris. credo autem quod & ego super hoc sensum eius habeam, præferim cum audiam eum in euangelio promittentem: Vbiunque fuerit corpus, illuc congregabuntur & aquilæ. Interim ergo sub Christi humanitate feliciter sancti quiescunt, in quam nimirum desiderant etiam angeli ipsi prospicere, donec veniat tempus quando iam non sub altari collocentur, sed exaltentur super altare. Sed quid dixi? Nunquid humanitatis Christi gloriam, non dicam hominum, sed vel angelorum assequi poterit quis, nedum superare? Quoniam igitur modo super altare dixerim eos exaltandos, qui nunc sub altari quiescunt, visione vtriusque & contemplatione, non prælatione. Ostendet enim nobis filius, ut pollicitus est, semetipsum non in forma serui, sed in forma Dei: ostendet etiam nobis patrem & spiritum sanctum, sine qua nimirum visione nihil sufficeret nobis: quoniam hæc est vita æterna, ut cognoscamus patrem Deum, & quem misit Iesum Christum: & in eis, in quod non est dubium, etiam spiritum vtriusque. Hucusque Bernar. Ex cuius verbis luce clarius constat illum sensisse sanctorum animas ante diem iudicii in sola visione humanitatis Christi quiescere, & post illam diem fore exaltandas usque ad visionem diuinitatis. Preter hic lectorem ne existimet horum sanctorum dicta me ideo hoc loco citasse, ut illorum gloriam & honorem hac occasione vel tantillum minuerem: absit enim a me tam maleuolus animus: nam etiam si id optassem, tantus ego non sum ut id assequi potuissem, præsertim quod, ut proxime supra admonui, ecclesia illo tempore nil vnquam diffinierat:



finierat: quapropter liberum tunc illis fuit sic citra hæresis labem sentire. sed ideo istorum sanctorum dicta hoc loco apposui, ut lector admoneretur, ne si illa in illorum operibus legeret, illorum sententiam incautus sequeretur. Si autem aliter illos quàm ego existimo sensisse aliunde constiterit, precor lectorem ut me magis inscium & ignorantem, qui illorum dicta non intellexerim, quàm maleuolum censeat. Sed iam opus est ut ostendamus animas sanctorum quæ ex corporibus purgatæ discedunt, aut post corporis dissolutionem alibi purgatæ sunt, esse iam beatas, & clarè Deum videntes. Primum omnium illud profero ex psalmis testimonium ubi propheta ad Christum loquens ait: Ascendisti in altum: cepisti captiuitatem: accepisti dona in hominibus. Quæ verba beatus Paulus in epistola ad Ephesios repetens, ait: Ascendens in altum captiuam duxit captiuitatem. Quid aliud erāt iusti in sinu Abraham detenti, quàm captiuitas quædam? Hos enim hic Paulus prophetā imitatus, captiuitatem dixit, eo loquutionis modo, quo militiam dicere solemus eos qui militant. Hos itaq; iustos qui à dæmone propter primi parentis peccatum capti tenebantur, Deus sua morte liberauit, & in aliam dulcem & optabilem captiuitatem transtulit, ut sicut antea à diabolo captiui tenebantur cui aliquando seruierant, sic postea à Deo capti sint, ut illius seruant iustitiæ. Nam propter hoc ipsum (ut arbitror) captiuitatem ipsam dixit captiuam, quia fœlici & desiderabili captiuitate sic detinentur in gloria, ut sicut antea nō licebat illis ab inferis repedare: sic etiam modo non sit illis liberum ab illa beata vita vel ad modicum diuertere. De hac igitur captiua captiuitate propheta loquens ait, Captiuam duxit captiuitatem. sed quò duxit? Profecto in nullum alium locum duxit, quàm in illum in quem ipse ascendit: quoniam ipso ascendente secum duxit. Ascendit autem in cœlū: ergo in cœlum duxit captiuā illā captiuitatem. Ascendens (inquit) in cœlum, captiuā duxit captiuitatē. Nec in cœlū ducuntur ut ibi sine Dei visione maneat, pro qua tot secula ingemuerant. Nā alioquin quod esset illis solatiū, aut quā meliorem haberent conditionē per Christi mortem iam redempti, si solā locorum transmutationē haberent? Cum ergo in cœlum, quò ipse ascendit, illos duxerit, in beatā utriq; vitam quā diu desiderauerant transtulit. Sic enim beatus Hierony. in cōmentarijs super psalmos exponens illū versum, ait: Cœlorum excelsa conscendens, eos qui in captiuitate dia-

Psal. 68

Eph. 4



Lucæ 23

boli tenebantur, absoluit: ac post se tanquā captiuos deductos æternæ vitæ restituit. Hæc Hieronymus. Præterea illud est manifestissimum, quod Saluator noster in cruce pendens, latroni se illi commendanti, dixit: Hodie mecum eris in paradiso. Si animæ purgatæ non vident Deum ante diem iudicii, quis est ille paradysus in quo simul cum Christo illo die latro futurus esse promittebatur? An fortè in cāpis Elvsiis aut in insulis fortunatis illum detineri dicemus? Absit hoc à fidelium cordibus. Non est enim vero simile vt Saluator noster, qui legem spirituales iam dederat, & suo ore prædicauerat, & illam tunc sua morte confirmabat, ad terrenas veteris legis promissiones non reuocaret. Spiritualia nobis promissit: regnum quippe cœlorū: & hoc ipsum est quod nunc appellat paradysum, cum latroni ait: Hodie mecum eris in paradiso. Deinde in posteriori episto

2. Cor. 5

la ad Corinthios Paulus adhortans illos ad labores omnes pro Christo tolerandos etiam vsque ad mortem, sic ait: Scimus enim quoniam si terrestris domus nostra huius habitationis dissoluatur, ædificationem ex Deo habemus domum non manufactam, sed æternam in cœlis. Quæ verba interpretans Anselmus in commentariis super epistolas Pauli, sic ait: Prædicatores ecclesiæ postquam de corporibus transeunt, nequaquam per morarum spatia (sicut antiqui patres) cœlestis patriæ perceptione differuntur: sed mox vt à carnis colligatione exeunt, in cœlesti sede requiescunt, sicut in hac sententia demonstratur, Non enim dicitur, habebimus domum æternam in cœlis, sed habemus: quia videlicet protinus habetur illa domus ex quo ista dissoluitur. Prius autem quàm redemptor noster morte sua humani generis pœnam solueret, eos etiam qui cœlestis patriæ vias sectati sunt, post egressum carnis, inferni claustra tenuerunt: nō vt pœna quali peccatores plecteret, sed vt eos in locis remotioribus quiescentes, quia necdū intercessio mediatoris aduenerat, ab ingressu regni reatus primæ culpæ prohiberet. Nunc autem perfecti quiq; mox in regnum suscipiuntur. Hactenus Anselmus. Rursum beatus Paulus Philippētib; scribēs ait: Cupio dissolui, & esse cum Christo. At inane esset & inutile hoc desiderium, si ipso mortuo anima nondum posset ad cœlum peruenire in quo constat Christum esse. Cupit ergo dissolui, quia sine vlla hæitatione credit statim post suam dissolutionem ad Dei visionem peruenire. Vnde beatus Ambrosius in cōmentariis hæc Pauli verba pertractans, ait: Habet enim desiderium

Phil. 1

fiderium excedere, & cum Christo esse, multo melius æstimans  
 ut iam præsens sit apud Deum, ut exoptatis & promissis fruatur.  
 Hæc Ambrosius. Ex cuius verbis constat sanctos statim  
 post mortem frui optatis & promissis. At visio Dei & optata &  
 promissa est, imò maxima omnium quæ nobis promissa sunt.  
 & illud est expressius quod in Apocalypsi dicitur (si tamen iuxta  
 veram sanctorum intelligentiam sumatur) ubi de animabus  
 eorum qui propter verbum Dei interfecti sunt, & sub altari  
 Dei clamant, beatus Ioannes loquens ait: Et datæ sunt illis Apoc. 6  
 singulæ stolæ albæ, & dictum est illis ut requiescerent adhuc  
 tempus modicum donec complerentur conferui eorum & fratres  
 eorum qui interficiendi sunt, sicut & illi. Quæ verba pertrahens  
 beatus Augustinus homilia sexta super Apocalypsim ait,  
 Aram Dei ecclesiā dicit, sub cuius oculis martyres effecti sunt:  
 & licet animæ sanctorum in paradiso sint, tamen quia sanguis  
 sanctorum super terram funditur, sub ara clamare dicuntur.  
 Hæc Augustinus. Et Ambrosius Ansbertus lib. 4. super Apoc.  
 hæc eadem verba pertractans ait: Quid itaque hoc loco per albas  
 stolas nisi merces baptismi, nisi præmium martyrij, nisi retributio  
 malorum, nisi gaudia cœlestis patriæ designantur? Vbi  
 etiam intelligimus quia sanctorum animæ quæ nunc singulas  
 stolas acceperunt, binas quandoque accipient, id est dupla gaudia.  
 Ante resurrectionem quippe stolas singulas accepisse perhibentur  
 electi: quia in sola adhuc anima æternis beatitudinibus perfruuntur.  
 binas autem in resurrectione accepturi sunt, quando cum animarum  
 perfecto gaudio etiam corporis incorruptione vestientur. Hæc  
 Ambrosius Ansbertus. Eodem modo hunc Apocalypseos locum  
 interpretatur B. Gregorius, qui in expositione septem Psalmorum  
 pœnitentialium exponens illud ex quarto Psalmo pœnitentiali,  
 Auditui meo dabis gaudium & lætitiā, hæc quæ sequuntur scribit.  
 Sancti enim viri mundi gloriam mentis despectu calcantes,  
 omnes in se mortales voluptates mortificant, ut in Deo postmodum  
 perenniter viuant: qui quoniam mundi miseras pro Deo pati minimè  
 refugiunt, beatitudinis æternæ retributionem acquirunt: quæ  
 nimirum beatitudo & animabus eorum ante resurrectionem tribuitur,  
 & corporibus nihilominus post iudicium conferetur: sicut in  
 Apocalypsi Ioannes Apostolus scribit dicens: Vidi sub Apoc. 6  
 altari Dei animas interfectorum propter verbum Dei, & testimonium  
 quod habebant, & clamabant voce magna dicentes,

Vsq̄uequo Domine sanctus & verax non vindicas sanguinem nostrum de his qui sunt in terra? Et datæ sunt eis singulæ stolæ albæ : & dictum est illis vt requiescerent tempus adhuc modicum donec cōpleatur numerus conseruorū & fratrum ipsorum qui interficiendi sunt sicut & illi. Quid namque est singulas illis stolas albas tribuere, nisi animabus eorū beatitudinis æternæ immortalitatē cōferre? Quid verò est donec electorū numerus impleatur requiescere, nisi futuræ resurrectionis gloriā expectare? In qua nimirum iterū singulas stolas albas accipiet: quia immortalia & incorruptibilia corporū suorū vestimenta resument. Haftenus Gregorius. Cuius verba tam apertè catholicam fidē exprimunt, vt nihil amplius possit desiderari. Eandem sententiam refert Beda, qui in cōmentariis super Apocalypsim præfata verba interpretās, sic ait: Singulas modo stolas habent animæ sanctorum de sua beata immortalitate gaudentes: resurgētibus autē corporibus (iuxta Esaiam) in terra sua duplicia possidebunt. Hæc Beda. Ad eundem modū interpretantur Haymo & Ricardus de sancto victore in cōmentariis quæ ediderūt super Apocalypsim. Horum verba prudens omī, ne prolixitate nimia grauare lectorē. Præter hæc tam clara testimonia, hanc nostram & totius ecclesiæ sententiam confirmat, quòd contra iusticiam videtur esse differre per tot secula mercedem mercenario: propter quod in lege olim præceptū erat,

**Esa. 61** Non morabitur apud te opus mercenarij. Omnes autem iusti quasi mercenarij sunt in vinea domini laborantes. Mercenarij inquam, qui cū domino vineæ, hoc est, cū Deo patre, ex denario diurno, clara scilicet Dei visione, conuenerunt: & ex huius mercedis expectatione omnes suos labores quamlibet du-  
**Leu. 19** ros libenter tolerant. Cū ergo in morte omnes labores sic finiantur, vt iam nō sit amplius ad meritōrū cumulum laborandum: oportet vt illis animabus quæ iam purgatæ sunt, statim merces suorū laborū: æterna scilicet beatitudo, tribuatur: alioqui iniustitia illis fieret, si illis fideliter laborātibus merces nō statim daretur, nulla in illis existente causā quo minus statim reddatur. Deinde peccatori agenti quod potest, Deus statim  
**Prouer. 3** dat gratiam: ergo iusto vsque ad mortem agenti quod potuit, Deus statim donabit gloriam. Accedit ad hæc quòd (iuxta sapientis dictū) spes quæ differtur, affligit animū: quo fiet vt animæ quantumlibet sanctæ in expectatione futuræ beatitudinis suspensæ, sint in continua afflictione. At nō est æquū vt pœnam



nam toleret, qui peccatū si quod cōmisit, iam dignè purganit. Præterea peccatoris anima statim post mortē tolerat suppliciū: ergo anima iusti statim etiā post mortē habebit præmiū: præsertim cū Deus citius ad misericordiā flectatur quā ad vindictam, & propensius & libentius iustos afficiat præmio, quā peccatores pœna. De pœna peccatorū statim post illorū mortem semper inflicta, testatur Iob sic inquit: Ducunt in bonis dies suos: & in puncto ad inferna descendunt. In puncto dixit, quia continuo post mortem sine vlla quiete descendunt ad inferos, vt ibi dignas pro peccatis suis luāt pœnas. Et illud est aper-  
Iob. 21  
tissimum quod de diuite illo epulone apud Lucā dicitur: Mortuus est diues, & sepultus est in inferno. Si peccatoribus dignam  
Luc. 16  
statim infligit Deus pœnam, non est vero simile vt iustis non statim debitum reddat præmium. Demum inter ecclesiastica dogmata, quæ in libro de ecclesiasticis dogmatibus numerantur, septuagesimum octauum ad hanc rem pertinens, sic ait: Post ascensionem Domini ad cœlos, omnium sanctorum animæ cum Christo sunt, & exeuntes de corpore ad Christum vadunt, expectantes resurrectionem corporis sui, vt ad integrā & perpetuā beatitudinem cum ipso pariter immutentur: sicut & peccatorum animæ in inferno sub timore positæ expectant resurrectionem sui corporis vt cum ipso ad pœnā detru-  
Ecclesiasticum dogma.  
dantur æternam. Hæc ibi. Superest autem vt aduersariorū obiectionibus respōdeamus. Primo enim nobis obiciunt Paulū qui in epistola ad Hebræos enumeratis pluribus sanctis qui per fidera vicerūt regna, postea subdit: Et hi omnes testimonio fi-  
Heb. 11  
dei probati, non acceperunt repromissionē, Deo pro nobis melius aliquid providente, vt non sine nobis consummarentur. Ex quibus verbis colligitur nullam animam ante diem iudicij esse beatam, quousq; omnes iusti simul beatificentur: quia dixit quod non acceperunt repromissionem. Fatemur enim illos nō accepisse repromissionem: quoniam resurrectio corporum quā Deus sanctis suis repromisit, adhuc differtur: vt simul omnes resurgamus, quatenus in communi gaudio omnium, maius fiat singulare. Et ita expectant donec omnes resurgamus, Deo ita sapienter ordinante, vt non sine nobis consummarentur, hoc est, vt non sine nobis perciperent consummatam beatitudinē animæ & corporis. Et propter hoc non dixit, vt non sine nobis bearentur: sed dixit, vt non sine nobis cōsummarentur: quia licet sine nobis beatitudinem animæ sint consecuti, tamen perfe-  
ctam



etiam & consummatam animæ & corporis beatitudinem non sine nobis assequantur. Cum ergo sancti iam in anima beati, nos ad suam consummationem expectent, ardentius nostram cupiunt liberationem, & propter se, & propter nos: atque pro nobis interpellant, ut citius omnes à presentis seculi miseria liberemur. Ipsi enim planè norunt se non sine nobis consummandos: quoniam cum ipsi pro suorum corporum resurrectione quam summe optant, preces supplicationesque ad Deum funderent, acceperunt diuinum responsum ut requiescerent tempus adhuc modicum, donec compleatur numerus cōseruorum & fratrum eorum qui interficiendi sunt sicut & illi. Hanc igitur repromissionem quæ de corporis immortalitate data est, sancti nondum acceperunt, ut integram & perfectam beatitudinem sine nobis non haberent: alias tamen promissiones quæ videlicet de animarum gloria datæ erant, iam acceperunt, quoniam iam Deum vident, iam adimpletæ sunt lætitia cum vultu Dei: in illo exultant, illo fruuntur. Alioqui sibi non constaret Paulus, quoniam paulò superius de eisdem sanctis loquens dixerat, Per fidem vicerunt regna, operati sunt iustitiam, adepti sunt repromissiones. Plures & variæ sunt dignitates quas animæ iuxta suorum meritorum varietatem iam receperunt: sed præter has omnes promissiones superest adhuc vna de suorum corporum incorruptione: & de hac dicit quod non acceperunt repromissionem: & ob hanc causam donec hanc etiam repromissionem accipiant, perfectam & consummatam non habent lætitiā. Sanctis ergo suorum corporum resurrectionem desiderantibus, & à Deo petentibus, tali modo respondet Deus, quo aliquis paterfamilias habēs plures filios, singulisque de agro reuertentibus, & rogantibus ut cibum sibi tribuat, respondet: Cibus vobis omnibus iam paratus est: sed præstolamini fratres vestros: ut cum in unum positi fueritis, omnes in commune comedatis, & epulemini gaudentes. Secundò nobis obijciunt illud ex prima Ioannis epistola: Nunc filij Dei sumus: sed nondum apparuit quid erimus: scimus autem quoniam cum apparuerit, similes ei erimus: quia videbimus eum sicuti est. At ante iudicii diem non apparebit quid erimus. ergo ante illum diem non videbimus Deum sicuti est. Huic autem obiectioni nos respondemus quod licet Ioannes dicat nos futuros esse similes Deo, & visuros illum cum apparuerit quid erimus, non tamen dicit nos non visuros illum antea quàm appareat quid erimus:

hoc tamen

Apo. 6

Heb. 11

1. Ioan. 3

hoc tamen oportebat esse dictum, vt collectio argumenti esset bona: quod cum dictum non sit, dicimus malam esse illius syllogismi collectionem. Potest etiam aliter responderi, vt dicamus iam in animabus sanctorum apparuisse quid in illis futurum erat: quoniam iam habent hæreditatem ad quam adoptati erant: iam vident Deum, iam fruuntur illo. Nunc, inquit Ioannes, filij Dei sumus. Filij inquam adoptiui, ad cœlestē gloriā adoptati, sed nondum apparuit quid erimus, quia nondū manifestū est nobis id ad quod adoptati sumus: nescimus quāta sit hæreditas nobis seruata scimus autem quoniam cum apparuerit hæc adoptio, cum reuelata nobis fuerit hæreditas ad quam fueramus destinati, tūc videbimus Deum sicuti est. nam ipsamet visio hæreditas est ad quam adoptati sumus. quapropter fieri nequit vt appareat id quod nobis destinātū erat, quin Deum videamus. Sicut ergo dicimus sanctorum animas ante diem iudicij Deum videre: ita dicimus iam in illis apparuisse quid futuræ erant. Hæc sunt testimonia scripturæ quæ aduersarijs in faciem fauere videntur. cū ergo tam parum moueāt hæc scripturæ testimonia, & tam aperta sint: quæ nos supra citauimus, & tantorum patrum authoritate confirmata: oportet vt firmissimè credamus, & nullatenus dubitemus sanctorum animas, quæ ex hoc mundo purgatæ discedunt, aut post earum à suis corporibus separationem alibi purgatæ sunt, iam vsque ad facialem Dei visionem peruenisse, & æternam beatitudinē esse iam affecutas. Sed vt huic negotio finem imponamus, opus est vt ecclesiæ definitionem proferamus. Innocentius papa huius nominis tertius, vir præter pontificalem dignitatem omni veneratione dignus, respondens episcopo Cremonensi quærenti de quodam presbytero non baptizato & iam defuncto, an potuit sine baptismo saluari, ita ait: Inquisitioni tuæ respondemus, presbyterum quem sine vnda baptismatis extremū diē clausisse significasti: quia in sanctæ matris ecclesiæ fide, & Christi nominis confessione perseuerauit, ab originali peccato solutū, & cœlestis patriæ gaudium esse adeptum asserimus incunctanter. Hæc Innocentius Papa: & ponuntur hæc verba in volumine epistolarum decretalium, titulo de presbytero non baptizato, in capitulo quod incipit, Apostolicam. Post hæc Innocentij definitionē Benedictus vndecimus huius nominis pontifex aliam multo vberiore & expressiore de hac re dedit definitionem: cuius verba, quia raro illa decretalis inuenitur,

ad ult

*Extra-  
gans.  
benedicti.*

ad vltimum vsque verbum hic inseram : & sunt quæ sequuntur. Benedictus seruus seruorum Dei ad perpetuam rei memoriam. Benedictus Deus in donis suis, & sanctus in omnibus operibus suis, qui sacrosanctam Romanam catholicam & apostolicam ecclesiam quam vt vineam plantauit dextera sua, quàmque vt præcipuam in ecclesiarum omnium caput erexit vt vetricem, dicente domino ad Petrum: Tu es Petrus, & super hanc Petram ædificabo ecclesiam meam: sua miseratione non deserit, sed per beatos Apostolos suos præcipuè Petrum & Paulum singulares eiusdem ecclesiæ defensores, pia benignitate & continua pietate custodit, quatenus eisdem rectoribus gubernata, in se stabilis maneat fundata supra firmam petram, omnesque Christianæ fidei cultores illi obediant, illi pareant, illi intendant, sub illius magisterio degant, sub eius disciplina & correctione consistant: non illis dogmatizetur improuidum, inseratur incautum, in fide temerarium ingeratur: sicque declinent homines à malo, & faciant bonum, ambulent per vias rectas, & ad meliora per sancta desyderia proficiantur, sperent iustorum propinquas æternæ vitæ retributiones, timeant malorum inferni calamitates non remotas: nam scriptum est, Ecce venio cito, & merces mea mecum est reddere vnicuique iuxta opera sua. quod si secus à quoquam fuerit attentatum, id protinus sua autoritate poenis etiam adiectis prout expedire viderit, prorsus euellat. Pro qua vt in se ipsa subsistens alios informaret, passionis suæ tempore saluator noster Iesus Christus patrem exorasse perhibetur, dicens: Simon, ecce Satanas expetiuit vos vt cribraret sicut triticum: ego autem pro te rogaui vt non deficiat fides tua: & tu aliquando conuersus confirma fratres tuos. Sanè dudum tempore fœlicis recordationis Ioannis 22. prædecessoris nostri, inter nonnullos etiam theologicæ facultatis magistros, super visione animarum iustorum hominū post mortem suam, in quibus nihil erat purgabile cum de hoc seculo decesserunt, vel si fuerat, iam purgatum fuerat ex toto, an diuinam essentiam videant ante corporum suorum resurrectionem & iudicium generale, & super nonnullis alijs orta materia quæstionis, ipsorum aliqui negatiuam, aliqui affirmatiuam, alij verò secundum suas imaginationes, de visione diuinæ essentiae ab animabus huiusmodi, diuersa & diuersimode ostendere nitebantur: prout ex dictis & scriptis ipsorum noscitur apparere: super reiectis suis verò concertationibus, quas hic causa

causa breuitatis omittimus, quia ita ex nostris determinationibus inter se etiam decidebant. Cúmque idem præcessor noster ad quem prædictorum determinatio pertinebat, ad decissionē concertationum huiusmodi se pararet, in suo consistorio publico tam fratribus suis sanctæ Romanæ ecclesiæ Cardinalibus, de quorum numero tunc eramus, quam prælatis & magistris in theologia qui multi aderant præsentés, iniungendo districtius & mandando vt super materia de visione prædicta quando requirerentur ab eo, deliberate vnusquisque diceret quod sentiret. Tamen morte præuentus sicut domino placuit, perficere illud nequiuít. Defuncto itaque prædecessore præfatto, nos diuina dignatione ad apicem summi apostolatus assumpti, diligentius attendentes quanta ex præmissis eorum concertationibus non solutis, animarum imminent pericula, quanta exinde possunt scandala suboriri: vt ipsorum varietas pereat, & veritatis soliditas innotescat, habita prius super prædictis solita examinatione & diligenti deliberatione cum fratribus nostris dicte Romanæ ecclesiæ cardinalibus, de ipsorum fratrum consilio, hac in perpetuum valitura constitutione, auctoritate apostolica diffinimus, quòd secundum communem Dei ordinationem, animæ sanctorum omnium qui de hoc mundo ante domini nostri Iesu Christi passionem decesserunt, necnon sanctorum apostolorum, martyrum, confessorum, virginum, & aliorum fidelium defunctorum post sacramentum baptismi ab eis susceptum, in quibus nihil purgabile fuit quando decesserunt, nec erit quando decedent etiam in futurum, vel si tunc erit aliquid purgabile in eisdem, tamen post mortem suā purgabunt, atq; animæ puerorum eodem Christi baptismate renatorum, & baptizandorū, cum fuerint baptizati, ante vsum liberi arbitrij decedentium, mox post mortē suam, & purgationem præfatam in illis qui purgatione huiusmodi indigebant, etiam ante resurrectionem suorum corporum, & iudicium generale, post ascensionem domini nostri Iesu Christi in cœlum, fuerunt sunt & erunt in cœlo, cœlorum regno, & paradiso cœlesti, cum Christo sanctorum angelorum cōsortio aggregatz, ac post Christi Iesu passionem & mortem viderūt & vident & videbunt diuinam essentiā immediate se bene & clarè & aperte illis ostendentem: quòdque sic videntes eadem diuina essentia perfruuntur: nec non quòd tali visione & fruitione eorū animæ qui iam decesserunt, sunt vere beatæ, & habent vitam æternam &



nam & requiem, & omniū illorum qui postea decedent, cū eandem diuinam videbunt essentiam, ipsaq; persueuntur ante iudiciū generale, ac quodd visio huiusmodi eiūsq; fructus actū fidei & spei in eis euacuant, prout fides & spes propriè theologice sunt virtutes: quodq; postquam inchoata fuerit vel erit talis intuitiua & facialis visio, & fruitio in eisdem, eiusdem visio & fruitio sine aliqua intermissione seu euacuatione prædictæ visionis & fruitionis continuata existet, & continuabitur vsq; ad finale iudiciū & tunc vsque in sempiternum. Diffinimus insuper quodd secundum Dei ordinationem communem animæ decedētium in actuali peccato mortali, mox post mortem suam ad inferna descendunt, vbi pœnis infernalibus cruciantur: & quodd nihilominus in die iudicij omnes homines ante tribunal Christi cum suis corporibus comparebunt, reddituri de factis propriis rationem, vt recipiat vnusquisque propria corporis prout gessit siue bonum siue malum: Decernentes prædictas nostras diffinitiones seu determinationes, & ipsarum singulas ab omnibus fidelibus esse tenendas. Quicunque autem deinceps prædictarum nostrarum diffinitionum seu determinationū, ac singularum ipsarum contrarium scienter & pertinaciter tenere, conferre, prædicare, docere, aut defendere verbo vel scripto præsumperit, cōtra eum, sicut cōtra hereticū modo debito procedatur. Nulli ergo hominū liceat hanc paginā nostræ constitutionis &c. Datū Auinione 4. Cal. Februarij, pontificatus nostri anno secundo. Haftenus Benedictus papa. Sed ad maiorem eiusdem rei confirmationem, proferam de eadem re vniuersalis ecclesiæ diffinitionem. Nam Concilium Florentinum sub Eugenio quarto celebratum, per hæc verba diffinit. Concilium Florentinum. Diffinimus illorum animas qui post baptismum susceptum nullam omnino peccati maculam incurrerunt, illas etiam quæ post contractam peccati maculam, vel in suis corporibus, vel eisdem exuta corporibus, prout superius dictum est, sunt purgata, in cœlum mox recipi, & intueri clarè ipsum dominum trinum & vnum sicuti est, pro meritorum tamen diuersitate alium alio perfectius: illorum autem animas qui in actuali mortali peccato, vel solo originali decedunt, mox in infernum descendere, pœnis tamen disparibus puniendās. Hæc Concilium Florentinum. Et quidem pro hac re satis me dixisse arbitror. Aduersus hanc hæresim scripsit satis diffusè Guillelmus Ocham parte secunda Dialogorum tractatu

Conciliū  
Florent.

statu primo: & beatus Thomas in quodam opusculo quod inscribitur, Contra Græcos & Armenos, Capite nono, aduersus hanc hæresim pauca quædam affert.

Septima hæresis asserit omnes beatos esse pares in gloria, neque ullam esse in cælis præmiorum differentiam: quoniam nullam esse ait meritorum in hac vita disparitatem: sed omnes iustos pares esse asserit in meritis & in præmiis, & omnes peccatores pares etiam esse dicit in peccatis, & in pœnis. Huius erroris dux & magister fuit Iouinianus quidam Romanus, prius *Iouinianus* monachus, postea monachatu reiecto ad mundum quem olim *nus* deseruerat, reuersus. Fuit temporibus Damasi, & Siricii papæ: sub Damaso monachus, Sub Siricio monachatu reiiciens, hanc inter alias hæreses docuit. Nunc de diuersitate meritorum & varia illorum retributione dicemus: quoniam de peccatorum differētia, infra in titulo de peccato habendus est sermo. Meritorum & præmiorū varietatem apertissime conuincit id quod dominus apud Ioannē ait, In domo patris mei mansiones multe sunt. Domum patris dixit regnum cæleste, cuius domus magnitudinem propheta quidam admiratus dixit: O Israel quā magna est domus tua, & ingens locus possessionis tuæ. Hæc est *Barn. 3* illa domus Iacob de qua angelus ad virginem loquens ait: Et regnabit in domo Iacob in æternum. Nisi enim de domo illa *Luc. 1* cælesti in æternum duratura loqueretur, verum esse non posset quod ait: & regnabit in domo Iacob in æternū. Nā in eo quod æternū non est, ille in æternum regnare non posset. Hanc ergo domum Iacob, in qua ipse in æternum regnabit, nunc domum patris sui appellat. Quod autem de hac domo in qua iam regnat, loquatur: & non de illa in qua per membra sua nunc militat, hoc est, ecclesia ista inferiore, verba quæ sequuntur, aperte declarant. Si quo minus, inquit, dixissem vobis, quia vado *Ioan. 14* parare vobis locum: & si abiero, & parauero vobis locum, iterum venio & accipiam vos ad me ipsum, ut vbi sum ego, & vos sitis. Nullus dubitat locum quem præparare se dicit Christus apostolis, in cælo esse, in regno cælorum: non in terra in qua præsens apostolos relinquebat. locus ergo ille quem se apostolis paraturum dicit, ille idem domus est patris, de quo ait, In domo patris mei mansiones multe sunt. Si ergo domus est regnum cælorum, quid erit varietas mansionum, nisi varietas præmiorum quæ in illo regno habetur iuxta varietatem meritorum? Præterea in priore epistola ad Corinthios Paulus ait: *I. Cor. 15*

Sicut in Adam omnes moriuntur, ita in Christo omnes viuificantur: vnusquisque autem in suo ordine. si vnusquisque in suo ordine resurget, diuersa ergo erunt merita resurgentium: alioqui si vnum est omnium resurgentium meritum, omnes in eodem ordine resurgent, & non vnusquisque in suo. Et in eodem loco iterum Paulus ait, Alia claritas solis, alia claritas lunæ, & alia claritas stellarum. Stella enim à stella differt in claritate. sic & resurrectio mortuorum. Sed hunc locum Iouinianus, teste Hieronymo, ita interpretatus est, vt diceret stellam differre à stella, quia spirituales differunt à carnalibus. Carnales ergo iuxta Iouiniani interpretationem stellæ erunt, & in cœlestibus simul cum spiritualibus erunt. Absit tamen à fidelium cordibus hæc sententia. Non enim stellarum nomine Paulus totum genus humanum comprehendit, sed solos iustos: quoniam peccatores ipsi tenebræ sunt: tantum abest vt aliis lucere possint. De solis ergo iustis eum locutum fuisse constat cum dixit, Alia claritas solis, alia claritas lunæ: vt maiores in claritate solis sint, & qui in sequenti gradu sunt lunæ splendore rutilent. Ac rursum in alio loco. Qui parce seminat, parce & metet: & qui seminat in benedictionibus, de benedictionibus & metet. Vides hic varietatem mentium iuxta varietatem seminantium. Seminantes autem hic dicuntur omnes bene operantes, iuxta illud prophetæ: Qui seminant in lachrymis, in exultatione metent. Euntes ibant & flebant mittentes semina sua. Venientes autem venient cum exultatione portantes manipulos suos. Et illud est manifestum quod apostoli orantes dicunt, Domine adauge nobis fidem. Si vna est omnium fidei mensura, quomodo orant apostoli augeri suam fidem? Et Christus Saluator noster de Ioanne Baptista testimonium ferens ait inter natos mulierum non surrexit maior Ioanne Baptista, sed qui minor est in cœlo, maior est illo. Audis in cœlo minorem sed vbi minor est, necesse est esse maiorem. Similiter de præceptorum suorum adimptione & transgressionem Christus loquens ait: Qui ergo soluerit vnum de mandatis istis minimis, & docuerit sic homines, minimus vocabitur in regno cœlorum. qui autem fecerit & docuerit, hic magnus vocabitur in regno cœlorum. Vbi autem magnus & minimus, oportet vt non omnes eadem mensura metiantur. Eandem etiam differentiam Hierem. 31 maximi & minimi per Hieremiam prophetam explicat dicens: Ecce dies veniunt dicit Dominus, & feriam domui Israel & domui

& domui Iacob fœdus nouum , non secundum pactum quod pepigi cum fratribus vestris. Et paucis interiectis subdit. Dabo legem meam in visceribus eorum:& in corde scribebam illam:& ero eis in Deum:& ipsi erunt mihi in populum:& non docebit vir ultra proximum suum , & vir fratrem suum , dicens: cognosce dominum. Omnes enim cognoscent me à minimo vsque ad maximum. Ex quorum verborum contextu apertissime cognoscitur, prophetam de futuro Christi in cœlis regno fuisse locutum: cum tamen de illo loquatur. ait: Omnes cognoscent me à minimo vsque ad maximum. Si omnes sunt futuri æquales, quomodo ibi erunt maximus & minimus? Rursus in posteriore ad Corinthios epistola Paulus ait: Omnes nos manifestari oportet ante tribunal Christi: vt recipiat vnusquisque propria corporis prout gessit, siue bonum, siue malum. Deinde per Esaiam prophetam de eunuchis dominus loquens ait: Dabo eis in domo mea & in muris meis locum & nomen melius à filiis & filiabus, nomen sempiternum dabo eis, quod non peribit. In quibus verbis apertissime virginem præposuit coniugatis. nam de illis solis eunuchis loquitur qui se castrauerunt propter regnum cœlorum: quos illis qui in filiis generandis coniugalis vitæ meritum seruant, hic prætulit dicens: Dabo eis nomen melius à filiis & filiabus. Cum ergo ait, dabo eis nomē melius: ostendit & coniugatis dari in domo sua locum bonum, sed multo inferiorem:& nomen bonum, sed minus quam virginibus. Sed ne quis forte carnalis existimaret ex hac promissione aliquid temporale sperandum, continuo subiicit, nomen sempiternum dabo eis. Verum quia hæreticus adhuc elabi poterat dicens sempiternum hoc loco pro diuturno accipi. sicut ea quæ largissimæ sunt durationis, sempiterna aut æterna dicere solemus: ideo vt omnem rimulam hæretico obstrueret, addidit, quod non peribit. Quid ergo amplius Iovinianus quærit? Quid serenitati veritatis nebulas suæ peruersitatis offundit? Quid in tanta scripturarum luce nebulas vnde insidietur inquirat? Sempiternum hoc nomen quod non peribit, quidquid illud est, gloriam certe quandam excellentem significat, quæ propria spadonibus Dei fore promittitur, nec cum aliis qui filios procreauerunt, erit communis. non ergo omnes in illo regno patris sunt meriti. Accedit ad hæc quòd spiritus illi angelici non omnes eiusdem sunt conditionis, neque omnes eiusdem sunt meriti. Nam ex eis quidam dicuntur angeli, alii

2. Cor. 5

Esa. 56



archangeli, alii throni, dominationes, potestates, cherubim, & seraphim. At frustra esset tanta diuersitas nominum, si nulla esset diuersitas meritorum. Si hæc meritorum diuersitas est in angelis, cur non eadem reperietur in hominibus: præsertim cū iustis hominibus Saluator promittat quod erunt sicut angeli Dei? Præterea diuersitatem pœnarum iuxta peccatorum diuersitatem apertissimè ostendit Saluator dicens: Filius qui nouit voluntatem patris, & non fecit secundum illius voluntatem, vapulabit multis. Filius autem qui non nouit voluntatem patris, nec fecit secundum eius voluntatem, vapulabit paucis. Vides hic apertum discrimen non quidem iusti & peccatoris, sed peccatoris & peccatoris. vterque enim peccator: quapropter vterque vapulat, alter tamen altero durius: nam vnus vapulat paucis, quia leuius peccauit: alter autem multis, eò quod grauius deliquit. Cū ergo alius alio grauius puniatur iuxta peccatorum suorum varietatē: oportet vt alius etiā alio iuxta meritorum suorum diuersitatem maiori præmio donetur. Sed iam superest vt videamus quid sit illud quo Iouinianus suam tuetur hæresim. Omnibus, inquit, in vinea domini laborantibus æqua

*Mat. 20* merces fuit data à iusto patrefamiliās: vnus quippe denarius. Quidā enim ex illis ab hora diei prima vsq; ad vltimam laborarunt, alii autē sola vna hora fecerunt: in mercedis autem receptione omnes pares sunt facti: quoniam omnes vnum dumtaxat denarium receperunt. Huic obiectioni respondet beatus Augustinus in lib. de sancta virginitate cap. 26. per hæc verba: Quid utiq; denarius ille aliud significat, nisi quod omnes cōmuniter habebunt? sicuti est ipsa vita æterna, ipsum regnum cœlorum, vbi erunt omnes quos Deus prædestinauit, vocauit, iustificauit, glorificauit? Oportet enim corruptibile hoc induere incorruptionem, & mortale hoc induere immortalitatem. Hic est ille denarius merces omnium. stella tamen à stella differt in gloria. sic & resurrectio mortuorum. Hæc sunt merita diuersa sanctorum. Si enim cœlum significaretur illo denario, nōne in cœlo esse, omnibus est commune sideribus? & tamen alia est gloria solis, alia lunæ, alia stellarū. Si denarius ille pro sanitate corporū poneretur, nōne cum rectè valemus, omnibus membris cōmunis est sanitas, & ipsa si vsq; in mortem permaneat, pariter & æqualiter omnibus inest? Et tamen posuit Deus membra, singulū quodq; eorum in corpore prout voluit, vt nec totum sit oculus, nec totum auditus, nec totum odoratus: & quicquid

quicquid est aliud, habet suam proprietatem, quāvis æqualiter habeat cum omnibus sanitatem. Ita quia ipsa vita æterna pariter erit omnibus sanctis æqualis, denarius omnibus attributus est: quia verò in ipsa vita æterna distinctè fulgebunt lumina meritorum, multæ sunt mansiones apud patrem: ac per hoc in denario quidem non impari, non viuet alius prolixius: in multis autem mansionibus honoratur alius alio clarius. Hactenus Augustinus. Alia adhuc multa nobis obiicit Iovinianus, verum hæc tam friuola sunt, & tam parui momenti, ut illa recensere pigeat, & illis respondere dedignemur. si quis tamē ea scire desiderat, legat beati Hieronymi librum secundum aduersus Iovinianum, quoniam eo loco ille omnes Ioviniani nānias irridet, & illis respondet. Sed iam opus ut ecclesiæ de hac re diffinitionem audiamus. Concilium Thelense auctoritate Syrici papæ in Africa celebratum sic ait, Agrestis enim vlulatus est, nullam virginittis gratiam, nullum castitatis ordinem reteruare, promiscuè omnia velle confundere, diuertorum gradus abrogare meritorum, & paupertatem quandam cœlestium remunerationum inducere: quasi Christo vna sit palma, quā tribuit, ac non plurimi abundant tituli præmiorum. Hæc concilium thelense. Eandem sententiam docet concilium Florentinum sub Eugenio. 4. celebratum. Nam in illis verbis, quæ ex concilio Florentino ad confutationem proxime præcedentis, hoc est sextæ hæreseos supra citauimus, postquam dixit sanctorum animas iam ante diem iudicii clare Deum videre sicuti est, statim subiugit, pro meritorum tamen diuersitate aliū alio perfectius. Et illos qui ad infernu detcedunt, dicit pœnis disparibus puniri. Aduersus Iovin. scriptit Beatus Hiero. duos libros: & in. 2. aduersus hanc hæresim disputat beatus Angusti. in lib. de sancta virginitate aduersus eūdem errorem disputat. Alios non vidi.

*Concilium  
thelense.*

*Concilium  
Florenti-  
num*

## BELLVM

**D**E hac re fuit vnus error Manichæorum dicentium nullo pacto licere gerere bellum: atque ob hanc causam (ut testatur August. lib. 22. contra Faustum cap. 74.) reprehendunt Moysen, quod bella gesserit. Hunc errorem velut iam sepultū, ab inferis suscitauit hoc nostro æuo Ioannes Oecolampadius, qui in hoc à Manichæis differt, quod Moysen belligerantem non reprehendit quoniam eo tempore Dei aut iussu aut permissione licebat bellare. Nunc autem Christo, ut ait, bellum

*Manichæi.*

*Ioan. Oeco-  
lampadius.*

prohibente, iam non licet Christianis vlllo pacto bellare. Eandem sententiam docet Cornelius Agrippa in lib. de vanitate scientiarum. Nā de scientia artis militaris disserēs, posteaquā illam multis iniurijs laceſſiuit, & scommatis affecit, hæc ait: Atq; nihilominus laudauit eam diuinus ille Plato, ipſeq; Aug. & Bernardus catholici in ecclesia doctores, hanc alicubi probauerunt, & pontificia decreta illā non improbant, licet Christus & apostoli longē aliter sentiant. Tandē vel repugnāte Christo non infimū in ecclesia gradū obtinuit. hæc Agrippa. In quibus verbis apertē docet Christū prohibuisse bellum. Cōtra Manichæorum sententiā qua reprehendūt Moysen bellantem, piget disputare: cum ex scripturæ testimonio pateat Moysen ex præcepto domini bellasse cōtra nationes barbaras & infideles. Aut ergo Deū etiā reprehendant, aut Moyſi bellanti calūniari desinant. Si longiorē de hac re disputationē optas, lege b. Aug. contra Faustū lib. 22. cap. 74. & per alia quatuor sequentia capita. De reliquo autē in quo Oecolampadius & Agrippa assentiunt Manichæis arcentibus homines ab omni belloru genere, opus

*Luc. 3* est vt diligenter inquiramus. Lucas enarrans Ioannē in deserto prædicantē & baptizantē, ait: Interrogabant autē eū & milites dicentes, Quid faciemus & nos? Et ait illis: Neminē cōcutiaris, neq; calumniā faciaris, & cōtenti estote stipendijs vestris. Si autem bellū esset prorsus illicitum: respondere debuisset beatus Ioānes, Arma abijcite, militiam istā deferite, neminem percutite, neminē vulnerate. Cū autē nihil eorum dixerit, sed calumniā prohibuerit, & vt suis stipendijs contenti forent, præcepit: eo ipso visus est bellū approbare. Præterea cū Centurio

*Mat. 8* Christo diceret, Et ego homo sum sub potestate cōstitutus, habens sub me milites: & dico huic vade, & vadit: & alij veni, & venit: & seruo meo fac hoc, & facit. Christus hæc audiēs, fidem Centurionis laudauit: militiæ verò desertionem nō imperauit: imperaturus autē si bellum nullo pacto liceret. Rursū Hero

*Mat. 22* dianis quærentibus vtrū liceret census dari Cæsari, respondit Christus, Reddite quæ sunt Cæsaris, Cæsari: & quæ sunt Dei, Deo. Hac autem de causā tributa redduntur, vt inde militi ad

*Ro. 13* pacis conseruationē necessario, stipendium soluatur. Sic enim ait: Paulus cū de obedientia principi præstanda disserit, Ideoq; necessitate subditi estote nō solum propter iram, sed etiā propter cōscientiam. Ideo enim & tributa præstat is. Ministri enim Dei sunt, in hoc ipsum seruientes. Deinde si nullo pacto bellare licet:

lare licet: sequeretur inde quod peccatorem sceleratum se à iudice defendentem, vt ab eo non capiatur ad punitionem, si iudex inuadat vt capiat & puniat, malè ager. hoc autè fateri, esset nimis absurdum, & totius humani conuictus destructiuum, & sacris literis apertissimè contrarium. Beatus enim Paulus in ea quæ ad Rom. est epist. ait: Omnis anima potestatibus sublimioribus subdita sit. Non est enim potestas nisi à Deo. & parū infra, Si autem malum feceris, time. Non enim sine causā gladium portat. Dei enim minister est, vindex in iram ei qui malum agit. Quæ autem pro se afferunt, parum propositum suū confirmant. Primo quidem obijciunt id quod Dominus apud Matth. ait: Ego autem dico vobis non resistere malo, sed si quis percusserit te in dexteram maxillam tuam, præbe illi & alterā. Huic enim obiectioni August. respondet illud non esse operis præceptum, sed affectus: vt videlicet animus noster ita patienter toleret vnius maxillæ percussione, vt paratus sit, si in alia iterum percuteretur, patienter etiam ferre. Potest etiam aliter responderi. Quid enim obstat eandem obiectionē duplici modo reicere? Potest enim & nō immerito dici, illā Saluatoris sententiā non pertinere ad præceptorum numerum, sed esse inter cōsilia connumerandā. Quod autē ita sit, ex immediatè sequētibz facile censerī potest, quoniam quæ immediatè sequuntur, nullo modo ad præceptorum numerum spectare videntur, sed ad cōsilia: vt sunt illa, Et ei qui vult tecū in iudicio contendere, & tunicam tuā tollere, dimitte ei & pallium. Et quicumque angariauerit te mille passus, vade cum illo & alia duo. Quæ duo, nullus nisi metus inops contedet esse præcepta, sed solum cōsilia viris perfectis data. Si ergo cōsiliū est illud, inde conuincitur dictū illud, nullo modo Manichæorū sententiæ fauere. Secundo obijciunt, virum Christianū debere præliari orationibus & precibus ad Deum fatis, vt Deus illorū misereatur, & iniuriam illis illatā ab eis repellat, & offendentes a sua mala intentione reuocet. Cui obiectioni responderemus concedentes iustum bellatore debere orationibus ad Deum emissis præliari. quoniā (vt dicitur in 1. Mach. lib. 4) nō in multitudine exercitus victoria belli, sed de cælo fortitudo est. Nec tamen ideo abstinendū est à bello, & in vniuersum reiciēda sunt arma, quoniā Moysē orante in monte, Amalech vincitur gladio Iosue.

Secunda hæresis est Martini Lutheri: & nescio an paulò mi-  
eior, vel potius durior aut atrocior quā præcedens, dicen-



da sit. Is nanque ait, non licere Christianis bellare in Turcas, quoniam, ut dicit, est repugnare voluntati Dei visitanti & corrigenti iniquitates nostras per illos. Itaque Lutherus non ab omni bello arcer Christianos, sed à bello in Turcas gerendo quia in re videtur mihi durior hæc, quàm Manichæorum sententia. Si epim Christiano licet aduersus Christianum pugnare, qui fit ut aduersus Turcam. ò liceat? In bello nanq; ut iustū sit, causa potissimum exploranda est, à qua belli iustitia pendet. quod si eadem causa & multo vrgentior est in bello aduersus Turcā, quàm in bello aduersus Christianum: sequitur inde ut iustius sit bellum quod in Turcam mouetur, quā id quod aduersus quēlibet Christianum geritur. Causa autem propter quam princeps mouere potest bellum, est ut inde pax perfecta habeatur. Vnde August. in epist. ad Bonifacium comitem, ait: Non queritur pax ut bellum exerceatur, sed bellū geritur ut pax acquiratur. esto ergo bellando pacificus, ut eos quos expugnas, ad pacis vtilitatem vincendo perducas. Hæc Augu. At pacem nihil magis conseruat & fouet quàm iustitia, & nihil magis perturbat quàm iniustitia. Iustitia, inquit Propheta, & pax osculatae sunt. Causa ergo propter quam quis potest iustè bellare, est iustitiæ exequutio, & illius conseruatio. Quo fit, ut si quis te occidere aut percutere iniustè velit, tu iustè possis ei obuiare: & si quis per vim & violentiā res tuas vellet à te rapere, tu iustè possis illi resistere. Et si fortè iam surripuit aut clanculo, aut alio quouis modo, & non patet alia via recuperandi nisi bello, tu iustè potes mouere bellum ut recuperes: modò in te sit auctoritas & potestas bellum congregandi. non enim ad quemuis spectat exercitum cogere, & bellum inire, sed ut ait Augu. contra Faustum, hoc est solius principis munus. Cùm ergo eadem sit causa aduersus Turcam ineundi bellum, & auctoritas & potestas in Imperatore & aliis regibus Christianis non desit, sequitur ut æquè iustum, imò & multo iustius possit aduersus eos bellum moueri, quàm aduersus Christianos, cùm multo iustior illic sit causa, quàm hic. Si enim Christianus Christianum inuadit ut cædat & spoliet, & ob hoc alter iustè resistit, nōne Turca Christianos inuadit ut occidat & spoliet? imò certè ut multo peiora agat, ut videlicet eos fidem negare cogat, & Christo & eius euangelio renunciare, ut nomen Christianum, si posset, ex orbe deleat. Nōne hæc peiora sunt? Si ob recuperandum patrimonium ab alio Christiano raptum, licet eum aggredi bello: cur

*Psal. 84*

lor: cur non licebit etiam aduersus Turcam pugnare, qui tot ciuitates & oppida, ne dicā regna & imperium à Christianis rapuit cū magno eorū dedecore, & maxima illata iniuria? Si ergo aduersus aliquem præliari licet, licere autem iam suprà ostendimus, aduersus nullū æquè licebit, vt aduersum Turcam. Machahæus pugnat aduersus Antiochum, & alios reges infideles pro religione & fide & ceremoniis, & in hoc facto laudatur. Cur non etiam laudabitur Christianus pugnans aduersus Turcam pro fide & religione? De hac re plurimę extant ecclesię definitiones, nō per verba quę docuit, sed per opera quę exercuit quibus nos verius exemplo quā verbo instruxit. In concilio siquidem apud Clarum montem sub Vrbano secundo celebrato decretum est vt bellum aduersus Turcas fieret, in quo mirificè Vrbanus profecit. Post cuius mortem Paschalis secundus succedens, vt testatur Platina, bello cœpto fauit. Calixtus quoque secundus habito Laterani nongentorum patrum concilio, ex eorum assensu decreuit vt primo quoque tempore supplementa militiæ iam deficientis, Christianis in Asia bellum gerentibus subministrarentur. Qua spe, vt idē Platina scribit, erectus Balduinus Hierosolymorū rex, Gazin regē Turcarum minorem Asiam incolentiū bello superauit, & in vincula coniecit. Lucius etiam tertius, eodem Platina teste, habito Veronæ concilio, principes Christianos adhortatus est vt Christianis pro fide in Asia laborantibus subueniretur. Quid ergo Lutherus contra tot testimonia verborum & exemplorum præsumit docere, non licere Christianis bellum inferre Turcis? Certè vt coniecere valeo ex eius vita & operibus mundo notis, hac sententia se inimicum esse Christi, & diaboli ministrum declarauit: quoniam hæc docens, visus est velle nomen Christianū funditus delere: quoniam nisi Christiani Turcis hucusque restitissent, iam actū esset dere Christiana. Sed gratias Deo, qui melius suo populo consuluit, quā Lutherus optasse videtur. Iam videamus quo argumento suam sententiam confirmet, quia videlicet, inquit, sic aduersus Turcas bellare, est resistere Deo, visitanti iniquitates nostras per illos. O fortem argumētatorem. Tūc es ille Luthere, qui scholasticos theologos irrides, eos sophistas appellans? Nōne tu hic sophistam merum agis? Quænam obsecro est ista collectio, Deus visitat iniquitates nostras per bellum quod à Turcis contra nos geritur, ergo nō licet resistere? Ad hunc modum non liceret nobis vllam prouisionem

facere contra famem, vllam medicinam sumere contra morbos, vllum antidotum percipere contra pestem. per hæc enim omnia Deus etiam visitat iniquitates nostras. Tamen & si visitet, non inhibet vt remedio aliquo adhibito illis obuiemus. Ita etiam etsi Deus visitet iniquitates nostras per Turcas, non tamen inhibet defensionem. Ita enim Deus visitat suos, vt non derelinquat: Misericordia nanq; quã erga nos semper exercet, exaltat iudiciũ illius. Visitabo, inquit, in virga iniquitates eorũ, & in verberibus peccata eorum: misericordiam autem meam non dispergam ab eo. Contra hunc errorem scripsit Ioannes Rossensis episcopus in eo opere quod contra captiuitatem Babyloniam Lutheri edidit, toto vno integro articulo, videlicet tricesimo quarto. Scripsit etiam ante septuaginta annos Dionysius Riskel Carthusianus libellum quendam de bello Turcis inferendo, in quo suadet bellum Turcis debere fieri.

## B E N E D I C T I O.

*Valdenses.*

**O**Mnes benedictiones quas ecclesia facit aut dicit super vinum, panem, aquam, oleum, sal, ceram, incensum, arbores oliuarum & palmarum, vestimenta, calices, aut alias quasunque res ad vsum ecclesiasticarum rerum necessarias, impij Valdenses pro sua solita temeritate & impietate irrident & subfannant, dicentes illas omnes nullius esse momenti. Hos Valdenses hic, vt alibi semper, imitantur Vuitclesistæ: qui, vt patrum suorum insaniam augerent, dicunt tales benedictiones esse veram practicam necromatiæ potius quam sacre Theologiæ: tantum abest vt illas alicuius virtutis esse credant. De hoc errore iam supra nonnihil diximus cum de virtute aquæ benedictæ disputauimus, in titulo de aqua, hæresi secunda: & infra in titulo exorcismus, multa amplius dicemus: quapropter vsq; ad illum locum disputationem differimus.

## B E S T I A E T B R V T V M.

*Gnostici.  
Manichæi*

**D**E hac re vnã duntaxat reperio hæresim, eamque à solo Philastro citatam, quæ asserit bestias omnes rationis esse capaces, omniaque bruta animalia, æquẽ vt hominem, non solum sentire, verum etiam intelligere. Hanc hæresim Philaster tribuit Gnosticis & Manichæis. Augustinus autem in libro de hæresibus ad Quodoultdeum, de Gnosticis & de Manichæis cū disserit, nunquam hunc errorẽ illis impingit, nec Irenæus multo vetustior Augu. & Philastro, libro primo de hæresibus, cap. tricesim.

tricesimoquarto recensens Gnosticorum errores, vnquam huius erroris meminit. Sit autem hæc Gnosticorum sententia aut Manichæorum, aut secus res se habeat, non multum curo, cum certum sit talem assertionem esse erroneam, & sacris literis apertissimè contrariam. Nolite, inquit Propheta, fieri sicut equus & mulus, quibus non est intellectus. Falsum est ergo omnia bruta esse rationis capacia. Et idem Propheta iterum ait: Homo cum in honore esset, non intellexit, comparatus est iumentis insipientibus, & similis factus est illis. In quo autem similis factus sit, declarauit, cum dixit eum non intellexisse. Per hoc enim quod non intellexit, assimilatus est iumentis, quoniam illa non intelligunt. Siquidem bruta intelligunt, in quo quæso assimilatus est iumentis, cum honorem in quo eum Deus constituit, non agnouit? Ex his ergo duobus scripturæ sacræ testimoniis apertissimè conuincimus bestias non esse rationis capaces.

Psal. 31

Psal. 48

## FINIS LIBRI TERTII.

F. ALFONSI DE CASTRO ADVERSVS  
hæreses, Liber quartus.

## CALCEAMENTVM.



E hac re vnā hæresim citant Philaster & Augustinus, quæ docet non licere homini calceamenta portare. Huius autem erroris nullum assignant patronum: eam tamen tenentes, ab opere ipso discalceati sunt nominati. Verum hic admonere oportet, hos non damnari velur hæreticos quia calceamentis non vtuntur, sed ideo damnantur, quia credunt non licere illis vti. Calceamentis namque carere, & discalceatos incedere, bonum est & meritorium, tantum abest vt sit hæreticum. Nudis siquidem pedibus ambulans affligit carnem suam, & corpus castigat, ne animæ resistat, sed obsequatur vt decet. At carnis macerationem quis dubitat esse bonam? Bonum est ergo & vtile, nudis pedibus incedere. Quapropter beatus Franciscus Minorum pater, monachis sub suo instituto degentibus, è quorum numero ego sum, &

Discalceati.

vtnam



utinam bonus, præcepit ut nisi necessitate cogente, calceamenta non portarent. Credere tamen nullo pacto licere portare calceamenta, hoc est hæreticum. Dominus enim assignans ludæis modum iuxta quem debeant agnum Paschalem comedere, dicit: Calceamenta habebitis in pedibus vestris. Propter quod, ut veritas figuræ, & corpus umbræ assimileretur, sacerdotes solenne sacrum celebrantes, in quo verus ille agnus, videlicet Christus benedictus comeditur, calceamenta in pedibus tenent, etiā qui aliās non essent portaturi, ut fratres minores, qui etsi aliās nudis pedibus incedant, cum tamen missam celebrant, calceamenta in pedibus tenent. Et dominus ad Ezechielem ait: Calceamenta tua erunt in pedibus tuis. Et Christus redemptor noster cum Apostolos suos misit binos ante faciem suam, misit illos (ut Marcus ait) calceatos sandalijs. Præterea, quod nunquam reperitur denegatum, intelligitur esse concessum. Si ergo portare calceamenta nunquam fuit omnibus prohibitum, inde conuincitur esse nobis concessum. Verum hic fortē aliquis obijciat, Mat. 10 quod portare calceamenta dominus prohibuit. Nam (ut Matthæus testatur) cum misit duodecim Apostolos ad prædicandum, inter alia quæ illis præcepit, hoc quoque dixit, Nō peram in via, neq; duas tunicas, neq; calceamenta, neq; virgam. Ecce calceamenta ibi prohibita. Fatemur ibi calceamenta fuisse prohibita, sed non omnibus. Solis enim Apostolis tunc loquebatur, ad quos solos illa præcepta spectasse dignoscitur, ut aliās docuimus. Nec etiam Apostolis in perpetuum & semper fuerunt data illa præcepta, sed solum pro illo tempore quo mittebantur. Ibi siquidem dicitur, In viam gentium ne abieritis. Luc. 22 Et tamen in posterum illis mandatur: Euntes in mundum vniuersum, prædicate euangelium omni creature. Illic etiam prohibuit portare peram: tamen postea dicit, Quando misi vos sine sacculo & pera & calceamentis, nunquid aliquid defuit vobis? At illi dixerunt, Nihil. Dixit ergo eis: Sed nunc qui habet sacculum, tollat similiter & peram: & qui nō habet, vendat tunicam suam, & emat gladium. Ex quibus constat, illa quæ apud Matthæum referuntur, solum pro illo itinere peragendo esse data Apostolis præcepta, nō autem pro tempore sequenti. Multo ergo minus ad nos iam pertinere possunt. Cum ergo nulla sit facta de portandis calceamentis prohibitio, apertissimè conuincitur, licitum esse omnibus calceamenta portare, nisi illis fortē qui se ad hoc per votum obligauerunt.

## CANTVS.

**V** Nam dūtaxat de hac re inueni hæresim, quæ irridet can-  
tus qui dicuntur in ecclesia. Huius erroris primus auctor  
(vt opinor) fuit quidā Hilarius, de quo beatus Augustinus lib. *Hilarius.*  
11. Retractionum cap. 11. mentionem facit, illiusq; errorem  
prodit. Et nescio an Hilarius iste ex Arrianis fuerit, qui canti-  
bus sacris etiam detraxerunt, quia in illis audiebant Christi lau-  
des, quem ipsi vehementer cupiebant deprimere. Vnde Am-  
brosius in quadam oratione contra Auxentium de basilicis tra-  
dendis inuehens, quæ ponitur in quinto libro suarum epistola-  
rum, sic ait, Itaque & hodie cum laudatur Christus, Arrianorū  
amentia verberatur. Geraseni præsentiam Christi ferre nō po-  
terant: isti peiores Gerasenis, nec laudationem Christi sustine-  
re possunt. Vident pueros Christi gloriam concinentes, quia *Psal. 8*  
scriptum est: Ex ore infantium & lactetium perfecisti laudem:  
irrident istam ætutulam fidei plenam, cum dicunt, ecce quid *Luc. 19*  
clamant? Sed respondet ijs Christus, Si hi tacuerint, lapides cla-  
mabunt, hoc est fortiores clamabunt: clamabūt & iuvenes, cla-  
mabunt & maturiores, clamabunt & senes. Hæc Ambrosius.  
Ex cuius verbis patet Arrianos detrahere laudibus Christi in  
ecclesia decantatis. Tamen (vt existimo) non ideo detrahebāt,  
quia cantabātur laudes, sed quia laudabatur Christus vltra eo-  
rum opinionem, quoniam credebant Christum esse purā crea-  
turam, quapropter inuidebant laudibus quibus Christus extol-  
lebarur vt verus Deus. quas laudes moleste tulissent etiam si  
summissa voce & non cum cantu dicerentur. Hæc dixi propter  
Thomam Vualden, qui Arrianis videtur hunc errorem tribue-  
re, motus hac Ambrosij auctoritate, male (vt opinor) perspe-  
cta. Hilarius tamen (vt ex Augustini verbis patet) simpliciter  
cantibus detrahebat. Hunc errorem suscitauit Valdenses, qui *Valdēs.*  
dixerunt frustra tempus teri in cantibus ecclesiasticis. Hos  
postmodum secutus est Ioannes Vuitcleff Anglicus, qui adeo *Ioannes*  
cantibus ecclesiasticis detraxit, vt cantantes in ecclesia, vocau- *Vuitcleff.*  
rit sacerdotes Baal, quibus cum clamore orātib; Helias pro- *3. Reg. 8*  
pheta dixit, Clamate voce maiore: Deus enim vester forsitan  
cum alio loquitur, aut in diuersorio est, aut in itinere, aut certē  
dormit: vt excitetur. Quapropter dicit Ioannes Vuitcleff, eos  
qui in ecclesia canunt, esse sacerdotes Baal, quoniam sic clamāt  
ac si Deus dormiens eos non audiret, & eorum vocibus esset  
excitandus. Vt autem hunc errorem clarius conuincamus, ad-  
monere

- monere prius oportet, duplicem esse orationem quæ corā Deo fit, Vnam priuatam, quæ à singulari persona fit. Aliam publicam, quæ ab hominum conuentu in vnum congregato fit. Primam orationem expedit magis esse cum silentio quàm cum clamore: quia sic cum clamore orās impedit alium ne ita quiete apud eum orare possit, quia suis vocibus, alterius sensum ad suos sermones rapit. Deinde sic publicè cum clamore orās, suas secretas petitiones, quas fortè nō expediebat alium scire, in auribus bonorum & malorum audiendas committit, & ita contingit, vt ab hominibus, quibus sua secreta reuelauit, derideatur. Et propter hoc laudatur Anna Samuelis mater, de qua oratio in primo lib. Reg. Porro Anna loquebatur in corde suo, tantùmque labia illius mouebantur, & vox penitus non audiebatur. Et de hac oratione intelligendum est id quod Paulus ait: Si nō fuerit interpres, taceat in ecclesia, sibi autem loquatur & Deo. Si tamen quis ex impatienti quodam ac feruenti desiderio clamauerit orans etiam priuate, loco tamen vbi alios non perturbet. & sui cordis secreta non prodiderit sic orans, nec crediderit Deum magis audire cum fortius clamatur, quàm cum basse, iste sic orans cū clamore nō malè agit. imò bene, si fortè ad id intēdit, vt alius oratione audita excitetur ad Deum laudandum. Vnde Propheeta ait: Ad dominum cum tribularer clamaui, & exaudiuit me. Ne autem subterfugiant hæretici dicentes illud debere intelligi de clamore cordis, & non de clamore oris, afferamus in medium Christum saluatorem nostrū, cuius operibus nullus nisi impiè detrahere potest. Is enim (vt ait Ioannes) Lazarū suscitaturus, eleuatis sursum oculis dixit, Pater gratias ago tibi quoniam audisti me. Ego autem sciebam quia semper me audis, sed propter populum qui circumstat, dixi, vt credāt quia tu me misisti. Hæc cum dixisset, voce magna clamauit: Lazare veni foras. Ecce hic vides Iesum voce magna clamantem, qui tamē voce summissa poterat audiri, imò qui sine vlla voce poterat suscitare. Et vt fortius nostra sententia confirmetur, vide quid Matthæus dicat, Et circa horam nonam clamauit Iesus voce magna, dicens. Heli heli lamazabathani. hoc est, Deus deus meus, vt quid dereliquisti me? Demum vt hominem tribustestibus conuincamus, afferamus Paulum, qui de Christo loquēs sic ait: Qui in diebus carnis suæ preces supplicationesque ad illum qui posset eum saluum facere à morte, cum clamore valido &

lido & lachrymis offerens, exauditus est pro sua reuerentia. Quid ergo dices impiè Vuitcleff ad ista tam clara testimonia quæ tibi obijciuntur? Sed certè vereor ne etiam audeas Christū criminari, qui non dubitasti sponsam eius ecclesiā & contēnere & accusare. Alia est oratio publica in qua non tantum cōsultitur propriæ cuiuslibet orantis vtilitati, sed cōmunibus cōmodis prospicitur. Et in hac oratione expedit orare alte, vt orantes inuicem audiantur, & se inuicē audientes, de Dei laude sancta quadam æmulatione contendant. Duo nāq; Seraphim clamabar alter ad alterum, Sanctus, sanctus, sanctus, dominus Deus *Esa. 6* Sabbaoth. Plena est omnis terra gloria eius. Ad quorum similitudinem duo chori in ecclesiā sunt, qui per vices alternas cantant, & tanquam duo Seraphim alter ad alterū clamant. Expedit etiam orationē clamorosa in cōmuni fieri, vt alij hoc audientes excitentur ad Dei laudem. Vnde dominus apud *Mat. 5* Mathæum ait: Luceat lux vestra corā hominibus, vt videant opera vestra bona, & glorificēt patrē vestrum &c. Et de oratione ipsa & laude ait Propheta: benedicā dominū in omni tēpore, semper laus eius in ore meo. In domino laudabitur anima mea, *Psal. 32* audiant mansueti & lætentur. Magnificate dominū mecū, & exaltemus nomē eius in idipsum. Ecce ergo cui rei deseruit illa publica & alta laudum decantatio. Vnde Rabanus in lib. de Institutis clericorum, cap. 76. ait: Psalterium idcirco cum melodia cantilenarum suauium ab ecclesiā frequentatur, quò facilius animi ad compunctionem flectantur. Perfecta autem vox est alta, clara, suavis. Alta vt sufficiat, clara vt aures adimpleat, suavis vt animos audientium suauiter demulceat. Si autem aliquid ex his defuerit, perfecta vox non erit. Hæc Rabanus. Eandem sententiā confirmat beatus Isidorus lib. j. de Officijs, cap. 6. dicens, Itaque & in hymnis & psalmis canendis, non solum prophetarum, sed etiam ipsius Domini & Apostolorum habemus exemplum, & præcepta de hac re vtilia ad mouendum pie animum, & inflammandum diuinæ dilectionis affectum. Hæc Isidorus. Cum ergo cantus vtilitas non parua iam pateat, opus est vt illum comprobemus testimonio scripturarum. Propheta Regius ait: Cantate ei canticum nouum, bene psal- *Psal. 32* lite ei in vociferatione. Et ne posset Vuitcleff subterfugere, detorquens scripturam ad orationem mentalem, dixit, bene psal lite ei in vociferatione. Præterea Christo nato facta est cū an- *Luc. 2* gelo multitudo militiæ cœlestis laudantiū Deum, & dicentiū,  
Gloria



Gloria in excelsis Deo, & in terra pax hominibus bonæ voluntatis. Rursum, cum Christus intrabat ciuitatem Hierosolymam, cœperunt (vt Lucas ait) omnes turbæ discipulorum gaudentes laudare Deum voce magna super omnibus quas viderant virtutibus, dicentes, Benedictus qui venit rex in nomine domini, pax in cœlo, & gloria in excelsis. Et quidam Phariseorum de turba dixerunt ad illum, Magister increpa discipulos tuos. Quibus ipse ait: Dico vobis quia si hi tacuerint, lapides clamabunt. Hæc Lucas. Ex quibus verbis cōstat Vuitclefitas similes esse Phariseis reprehendentibus discipulos cum clamore laudantes Deum. Deinde vt cantus magis comprobaretur, ipse dominus cum discipulis suis cantare dignatus est. nam instante morte sua, post cœnam vltimam hymno dicto cum discipulis suis, exiit in montem Oliueti. Vt autem hoc factū nobis maximè fauere clarius dignoscatur, oportet declarare quid sit hymnus. Hymnus græca vox est, græcè ὕμνος, latinè autem valet tantum ac canticum siue laus quæ Deo tribuitur. Vnde Augustinus super psal. 72. in expositione tituli sic ait: Hymni laudes sunt Dei cum cantico. Hymni, cantus concinentes laudem Dei. Si sit laus, & non est Dei, non est hymnus. Oportet ergo vt sit hymnus, vt habeat hæc tria, & laudem, & Dei, & canticum. Hæc Augustinus. Eidem sententiæ subscribit Isidorus, qui lib. 6. Etymologiarum cap. 34. sic ait: Hymnus est canticū laudantium Deum proprie, aut hymni sunt concinentes laudē Dei, quòd si sit laus, & non est Dei, non est hymnus. si sit & Dei, & laus, & non cantetur, non est hymnus. Hæc Isidorus. Si ergo iuxta Matthæum & Marcum Christus dixit hymnum cum discipulis suis, ergo cantauit. Et confirmat hoc propositum, factum Pauli & Silæ, qui in carcere positi, clamantes Deum laudabant. Sic enim dicitur, Media nocte Paulus & Silas adorantes laudabant dominum: & audiebant eos qui in custodia erāt. Subito verò terræmotus factus est magnus, ita vt mouerentur fundamenta carceris. Et statim aperta sunt omnia ostia, & vni per forum vincula soluta sunt. Si ergo non licet alte & cum clamore & cum cantu orare, quomodo ad orationem clamorofam Pauli & Silæ tot miracula facta sunt? Postremò hanc catholicam sententiam confirmat totius ecclesiæ vsus, nō nouus, sed ab ipso ecclesiæ nascentis exordio vsque ad nostra tempora conseruatus. Et vt cætera de hac re testimonia omittam, vnū citābo, eo cæteris efficacius, quòd ab homine extraneo & nostræ relig

stræ religionis inimico prolaturum est. Plinius namque secundus *Plinius*  
 in quadam epistola ad Traianum de Christianistuc (vt sic di-  
 cam) nascentibus loquens, ait, Adfirmabant autem hanc fuisse  
 summam vel culpæ suæ vel erroris, quod essent soliti stato die  
 ante lucem convenire, carmenque Christo, quasi Deo dicere  
 secū inuicē. Hęc ille. Et vt rem magis confirmemus, aliud pro-  
 ducemus testimonium hominis etiam exteri sed multum lau- *Philo.*  
 dati. Philo enim Iudæus, qui tempore Apostolorū fuit, & Chri-  
 sti tempora attingit, de Christianorū cantibus apertissimū per-  
 hibet testimoniū. Nam Eusebius Cæsarien. lib. 2. Ecclesiasticæ  
 historiæ cap. 17. enarrans qualiter Philo Iudæus omnia eccle-  
 siasticæ institutionis initia, & originem Apostolicæ traditionis  
 decripserit: dicit illum hoc etiā de Christianis narrasse, quod  
 vnus ex omnibus consurgens in medio, psalmū honestis mo-  
 dulis concinebat, & præcinenti ei vnū versiculū omnis multi-  
 tudo respondebat. Post ista tam manifesta testimonia quibus  
 impium Virclefferrasse conuincimus, extat ecclesiæ de hac re  
 definitio. Conciliū nāque Agathense cap. 30. suorum Decreto- *Cōcilium*  
 rum sic definit, Et quia cōuenit ordinem ecclesiæ ab omnibus *Agathēse.*  
 æqualiter custodiri, studendū est vt vbiq; (sicut fit) & post an-  
 tiphonas, collectiones per ordinē ab episcopis vel presbyteris  
 dici, & hymnos matutinos vel vespertinos decantari diebus  
 omnibus, & in conclusione matutarum vel vespertinarum  
 missarū post hymnos capitella de psalmis dici, & plebē colle-  
 cta oratione ad vespem ab episcopo cum benedictione di-  
 mitti. Hęc concilium. In quibus verbis præcipitur aperte, vt  
 hymni omnibus diebus decantentur. Sed iam videamus quo  
 argumento suum propositum confirmare nitantur, vt illi re-  
 spondeamus. Sic enim aiunt: Christus prohibuit orare cum cla-  
 more & cantu, cum prohibuit publicam orationem, præcipiēs *Mat. 6*  
 vt secreto oraretur ab omnibus. Apud Matthæum nanq; sic ait.  
 Tu tamen cum oraueris, intra cubiculum tuum, & clauso ostio  
 tuo, ora patrem tuum in abscondito, & pater tuus qui videt in  
 abscondito, reddet tibi. Cui obiectioni respōdemus, Christum  
 per illa verba non prohibere opus, sed intentionem. non enim  
 prohibuit publice orare, sed prohibuit ne hac intētionē & hoc  
 animo aliquis oraret in publico, vt ab aliis videretur. Hoc autē  
 ita esse colligitur ex præcedentibus eiusdem Christi verbis.  
 Præcedentia siquidem & sequentia verum sensum literæ ma-  
 nifestant. Præcedentia autem Christi verba sunt hæc, Et cum

oratis, non eritis sicut hypocritæ qui amant in synagogis & in angulis platearum stantes orare, ut videantur ab hominibus. Amen dico vobis, receperunt mercedem suam. Et statim subiungit, Tu autem cum oraveris &c. Præcedentibus autem verbis prohibuit intentionem malam, quæ est cum quis orat ut videatur ab hominibus. Sequentibus autem præcipit bonam intentionem, ut videlicet oret hac sola intentione, ut videatur à Deo. Quod si quis hac intentione etiam publicam orationem faciat, interio sua est secreta, id est ut secretè fiat, quia ad solum Deum eam dirigit, quamvis opus fuerit publicum. Et in hoc bene agit, immo sepe necesse est ut sic fiat, quoniam (ut ait beatus Augustinus) si non habuerimus inspectores, nullos etiam habebimus imitatores. Si vero orans optat ab aliquo videri, quantumlibet claudat ostium cubiculi in quo orat: iuxta tamen Christi intentionem in publico orat: quoniam Christus magis animum attendit quam opus. Et opus ipsum nunquam bonum aut malum censetur, nisi quia à bono aut à malo animo procedit. Secundo obiiciunt per id quod propheta Helias ad prophetas Baal ait, Clamate voce maiore. Deus enim vester forsitan cum alio loquitur, aut in diuersorio est, aut in itinere, aut certe dormit, ut excitetur. Propter quod arguit Ioannes Vuitcleff, non licere orare cum clamore, quia (ut dicit) sic orantes sunt sicut prophetæ Baal qui reprehenduntur ab Helia. Fatemur prophetas Baal fuisse reprehensos, aut potius derisos ab Helia, nec tamen hac sola ratione quòd clamabant, sed quia clamantes credebant Deum altiores voces magis audire quam bassas. Ideo sic credentes clamabant orantes, ut facilius eorum voces Deus audiret, Helias ergo eorum errorem deridens ait: Clamate voce maiore &c. Non quòd reprehendat clamorem, sed reprehendit errorem quo credunt Deum egere altioribus vocibus ut audire possit. Qui autem orat cum clamore & cantu, credens Deum æque audire voces bassas ut alias, immo, quod maius est, audire clamores cordis, iste sic credens etsi orans clamet ex quodam feruente & impatiente desiderio, non errat. Superius nanque ostendimus Christum cum clamore orasse, & pueros clamantes approbasse. Ad hunc modum Christus reprehendit prolixitatem verborum in oratione, non simpliciter & absolute, sed sicut Ethnici faciunt. Sic enim ait, Orantes autem nolite multum loqui sicut Ethnici faciunt. Putant enim quòd in multiloquio suo exaudiantur. Quæ

verba

3. Reg. 18

Mat. 6

verba exponens Rabanus, ait. Reuera omne multiloquium à gentibus venit, qui exercendæ linguæ potius quam mundando animo dant operam, & hoc nugatorii, studii vel rogatorii genus, etiam ad prece Deum flectendum transferre conantur arbitantes sicut hominem iudicem, ita verbis Deum adduci in sententiam. Nolite itaque similes esse illis, dicit vnus & verus magister. Hæc Rabanus. Itaque illis verbis non absolute prohibuit Christus multiloquium & prolixam verborum orationem: quoniam ipse prolixè & prolixius orauit. Sed prohibuit multiloquium in oratione quemadmodum Ethnicici faciunt, qui putant quòd in multiloquio suo exaudiantur. hoc est, prohibuit ne crederemus Deum per multiloquium nostrum magis flectendum, sed per maiorem animi feruorem. Contra hunc errorem scripsit satis diffuse & copiose frater Tho. Vualden in lib. suo de Sacramentalibus, titulo secundo, à quo fateor me aliqua decerpisse, plura etiam contuli.

Luc. 22

## CAPVT.

Vnus est error dicens non esse vnum caput ecclesiæ in terris, videlicet Papam, Sed de hoc infra longius dicemus in titulo Papa.

## CHARACTER.

Lutherus.

**I**Nter plures Lutheri errores, is vnus numeratur, quo dicit, in nullo sacramento imprimi characterem, sed hoc asserere, ait esse meram nouorum theologistarum fictionem. Hoc autem quàm sit falsum, plurium sacrorum doctorum testimoniis conuincemus, quos Lutherus nec novos theologistas vocare poterit, nec sententiarios. His enim nominibus sæpissime alios notat, quorum non est dignus corrigias calceamentorum soluere. Sed ne forte de nomine contendamus, prius oportet ostendere quid sit character, de quo nostra est hæc præsens disputatio. Character vox græca est, & latine sonat tantum ac signum vel figura. Character ergo, de quo nunc loqui paramus, figura quædam est (siue autem illa sit qualitas siue relatio, parum interest) quam Deus animæ imprimit in signaculum quo suum gregem discernit ab aliis. Oues enim vt ab ouibus distinguantur, signo quodam illis impresso notantur. Milites etiã à militibus in bello signo quodã distinguuntur. Portari etiam aliquando solet signũ quoddam tanquã symbolum nobilitatis cuiusdam, per quod à plebe, aut ab aliis mediocris status ho-



minibus distinguere quis valeat, ut in Hispania quidam portant in pectore spatham ex serico aut panno rubro factam. Alibi aliqui portant vellus aureum pendens ex catenula collo circumfusa. Iuxta hunc modum in tribus sacramentis imprimitur character, id est quaedam figura in anima, qua ab aliis non sic signatis distinguatur. Per baptismum siquidem gratiam recipimus, & inter oves dominicas connumeramur, & ouile eius intramus. Ut ergo ab aliis non baptizatis, qui tamquam oves diaboli sunt, distinguamur, caractere quodam signamur à Deo in anima.

*Iob. 7* Et quoniam militia est vita vita hominis super terram ( ut ait Iob ) & ecclesia ista quae nunc in terris est, militans appellatur, quia in ea militamus aduersus dæmonem, carnem, & mundum: ideo grādioreseffecti sacramentum confirmationis accipimus, in quo gratia nobis praestatur, qua robaremur in militia, & fortiores simus in praelio contra hostes nostros. Et ideo tunc Christus dux noster nos caractere suae militiae notat, ut ab hostibus distinguamur, & ab aliis etiam nostrarum partium qui ad hanc militiam nunquam perueniunt, ut saltē hoc signaculo separemur. In ordinis vero sacramento, qui eum recipit, ad altiorem quandam statum extollitur, & velut ex plebeio ad nobilium statum euehitur, quapropter quasi quoddam sui status signum tunc à Deo illi imprimitur. Sed ne Lutherus dicat nos in allegoriis tepus terere, oportet ut singula percurramus & testimoniis comprobemus. Et primo de baptismo dicamus. Beatus Hieronymus exponens illud Pauli ad Ephes. Nolite contristare spiritum sanctum dei, in quo signati estis in die redemptionis, sic ait, Signati autem sumus Spiritu Dei sancto, ut & spiritus noster & anima imprimantur signaculo Dei, & illam recipiamus imaginem & similitudinem ad quam in exordio conditi sumus. Hoc signaculum sancti Spiritus ( iuxta eloquium Saluatoris ) Deo imprimente signatur. Hæc Hieronymus. Ex quibus verbis patet nostram animam signari signaculo Dei, quod signaculum nos characterem appellamus. de nomine nanque non contendimus, sed de re. Verum si de nomine adhuc contendit, audiat Augustinum, qui non semel aut iterum characteris nomen exprimit. Is enim contra Cresconium grammaticum dicentem rebaptizandum esse eum qui ab hæreticis baptizatus fuerat, lib. 1. cap. 6. sic ait: Neque enim propterea immutandus vel improbandus est regius character in homine, si erroris sui veniam & militandi ordinem à rege impetrauerit, quia eundem cha

dem characterem quo sibi satellites congregaret, desertor infixit: aut propterea signa mutanda sunt ouibus cum dominico gregi sociantur, quia eis dominicum signum fugitiuus seruus impresit. Hæc Augustinus. Quibus verbis bis characterem, bis signum nominauit. Et de baptismo contra Donatistas eandem causam agens, libro sexto, cap. primo sic ait, Habere & dare & accipere sacramentum baptismi, satis eluxit pastoribus ecclesiæ catholicæ toto orbe diffusæ, per quos postea plenarii cōcilii auctoritate originalis consuetudo firmata est, & ouem quæ foris errabat, & dominicum characterem à fallacibus deprædatoribus suis foris acceperat, venientem ad Christianæ vnitatis salutem ab errore corrigi, à captiuitate liberari, à vulnere sanari, characterem tamen dominicum in ea agnoscipossiusquàm improbari, quandoquidem ipsum characterē multi & lupi & lupis infigunt: qui videntur quidem intus esse, veruntamen ad illam ouem quæ etiam ex multis vna est, non pertinere, morum suorum fructibus cōuincuntur, in quibus in finem vsque perdurant. Hæc ibi Augustinus. Et in quodam sermone de gestis cum Emerito Donatistarum episcopo, sæpenumero characterem baptismi nominat. breuitati studens, nolui in medium afferre, qui voluerit legat ibi, & inueniet eum in septimo tomo operum Augustini. Iam vides Luthere qualiter testimoniis Hieronymi & Augustini probauimus characterem imprimi in baptismo, & istos non poteris dicere novos theologistas (vt assoles) nec sententiarios, cum eorum quilibet plusquam sexcentis annis magistrum sententiarum Petrum Lombardum præcesserit. Sed iam ad confirmationis sacramentum pergamus. Innocentius papa huius nominis primus, vir doctrina & sanctitate clarus, Decentio Eugubino episcopo scribens, cap. 3. sic ait, De consignandis vero infantibus, manifestum est ab alio fieri quàm ab episcopo non licere. Nam presbyteri licet sint sacerdotes, pontificatus tamen apicem nō habent. Hæc autem pontificibus solis deberi, vt vel consignēt, vel paracletum spiritum tradant, non solum consuetudo ecclesiastica demonstrat, verū illa lectio Actuum Apostolorum, quæ asserit Petrum & Ioannem esse directos qui iam baptizatis traderent spiritum sanctum. Hæc Innocentius. Ex quibus verbis duo colligimus. vnum est, confirmationem non posse nisi ab episcopo conferri. Alterum est, quod in tali consignantur eam recipientes. Sic enim appellauit eam, videlicet consignationem, Sed quia forte

Innocentius primus.

hoc testimonium aliò detorquebit quàm oportet, vno iam argumento de omnibus his tribus sacramentis, videlicet baptismo, confirmatione, & ordine, concludamus. In his enim sacramentis. sancto docente spiritu, didicit ecclesia non patiendam iterationem, non ob aliam causam, quam quod in eis characteris confertur signaculum, quod deleri nullo modo potest. Quàuis enim peccatores sepe numero illud maculent, & è candido reddant atrum, è purissimo reddant impurum, nunquam tamen ita poterūt eradere, quin illo characterè consignati, orbitoto maneāt in die iudicii noti ad gregem dominicum pertinere, cuius signaculo impressi sunt. Cum ergo ille character qui per talia sacramenta imprimitur, sit indelebilis, ideo non iterantur sacramenta quæ illum imprimunt. Quod autem sacramenta illa iterari nō possint, testatur Augu. de baptismo & ordine, ad hunc modum loquens. Vtrunq; enim sacramentum est, & quadam consecratione vtrunq; homini datur, illud cum baptizatur, illud cum ordinatur. ideo non licet in ecclesia catholica vtrunque iterari. Hæc augustinus. Eidem sententiæ subscribit Gregorius, qui lib. 2. sui registri, epistola. 32. sic ait, Illud autē quo i dicitis, vt is qui ordinatus est, iterum ordinetur, valde ridiculum est, & ab ingenii vestri consideratione extraneū, nisi forte quod exemplum ad mediū deducitur, de quo & ille iudicandus est, qui tale aliquid fecisse perhibetur: absit autem à fraternitate vestra sic sapere. Sicut enim baptizatus semel, iterum baptizari nō debet: ita qui consecratus est semel, in eodem iterum ordine consecrati nō debet. Sed si quis forsitan cum leui culpa ad sacerdotium venit, pro culpa pœnitētia indici debet, & tamen ordo seruāri. Hæc Gregorius. Et vt iam cōcludamus, cōciliorum definitiones expedit adducere Concilium Carthaginense quartum sic definit: Non licet fieri rebaptizationes, neque reordinationes, vel retrālationes episcoporum. & ponuntur hæc verba in volumine Decretorū de consecra. dist. 4. cap. non licet. De cōfirmatione autem Cōcilium Tarrāconense sic ait, Dictum est nobis quod quidam de plebe bis vel ter, vel eo amplius, episcopis ignorantibus tamen, ab eisdem episcopis confirmantur. Vnde nobis visum est eandem confirmationem sicut nec baptismum iterari minime debere. Hæc ibi. Quæ verba adducit Gratianus in volumine Decretorum de consecra. dist. 5. cap. dictum est. Tamen vt ingenue fatear, cum recurrissem ad volumen cōciliorum, vt ibi ex fonte haurirē, nihil tale ibidem

Augu.

Grego.

Cōcilium  
Chartagi.

Consilium  
Tarrac.

ibidem reperi quale Gratianus citat sub illis titulis. Quo fit ut mea sententia dicere oporteat, vel titulum illum qui est in Gratiano, incuria scriptorum fuisse corruptum: aut illorum conciliorum decreta, quæ nunc apud nos sunt, esse mutila & manca, nec adeo integra ut Gratiani tempore existebant. Sed iam ad rem. Ex supradictis testimonijs constat illa tria sacramenta esse initerabilia. hoc autem non ob aliud evenit, nisi quia in illis imprimitur character, qui est indelebilis: qui character cum in alijs sacramentis non imprimatur, talia sacramenta iterato recipi possunt. Denique ut sententiam nostram plenè confirmemus, operæ precium erit concilij Florentini de hac re definitionem proponere, quoniam apertissimè insanam Lutheri sententiam damnat. Sic enim ait: Inter hæc sacramenta, tria sunt, baptismus, confirmatio, & ordo: quæ characterem, id est spirituale quoddam signum à cæteris distinctivum imprimunt in anima indelebile. Unde in eadem persona non iterantur. Reliqua verò quatuor characterem non imprimunt: & reiterationem admittunt. Hæc concilium Florentinum. Et de hac re hæc dicta sufficiant. Contra hunc errorem nemo ex ijs qui aduersus Lutherum disputarunt (quod sciam) aliquid scripsit, præter vnum Angliæ regem, qui in eo opere quod pro defensione sacramentorum ecclesiæ scripsit, succincte satis & persunctorie hunc errorem tangit.

*Concilium  
Florentinū.*

#### CARDO ET CORPVS HVMANVM.

**H**ic est vnus error Manichæorum dicentium corpus suapte natura malum, & ideo à malo principio factum. Hic est etiā error Patricianorū, à Patricio quodā Romano (ut ait Philaster) sic appellatorū. Hi dicunt carnē à diabolo factā, & ideo insequendā, & morte plectendā. Qui adeo carnē suā odiebant sicut idem Philaster & Augustinus testantur) ut vltro mortē sibi inferre nō dubitauerint, ut vel sic carne carere possent. Hūc eundē errorē ex parte tenent alij dicti Paterniani, qui alio nomine vocantur (ut Augustinus ait) Venustiani. Hi dicunt inferiores partes corporis humani, nō à Deo, sed à diabolo esse factas: quapropter licentiā tribuentes omnium flagitiorum ex illis partibus, impurissimè viuūt. De reliquis autē superioribus corporis partibus nihil tale asserunt sicut Patriciani dicunt. ideo tamen in vnū eos cōiungere placuit, quia vno eodēmq; gladio ferendi sunt. Nam ostenso quòd totum hominis corpus à Deo factum sit, inde etiā manebit probatum, inferiores corporis

*Manichæi.*

*Patriciani.*

*Paterniani.*

*Venustiani.*



- partes esse à Deo factas, cum illæ etiam sint de substantia corporis humani. Quo autem tempore aut Patriciani aut Paterniani cœperint, neque ex Augustino, neque ex Philastro cōstat.
- Gen. 1* Primo ergo obicimus id quod in Gen. dicitur, Et creauit Deus hominem ad imaginem suam. Ad imaginem Dei creauit illū, masculum & fœminam fecit eos. Ad hæc sexus distinctio non est in anima sita, sed in corpore, nec alibi quam in inferioribus corporis partibus. Si ergo Deus masculū & fœminam fecit eos, sequitur quod non tantū creauit animam, cum iuxta illam nulla sit sexus distinctio, sed etiam fecit corpus: quod est cōtra Patricianos. Et non solū fecit superiores partes corporis, sed etiā inferiores, in quibus est potissima sexus diuersitas, & per hoc cōuincuntur Paterniani. Præterea in eodem libro postea dicitur,
- Gen. 2* Immisit ergo dominus Deus soporem in Adam: cumq; obdormisset, tulit vnā de costis eius, & repleuit carnē pro ea. Et adificauit dominus Deus costam quam tulerat de Adam, in mulierem. Ecce hic vides Dominum pro costa fecisse carnem: & ex costa iterū fecisse mulierem. non autem eam fecit ex costa quantum ad animam, quoniam illa creatur, & cum sit spiritalis, ex nihilo fit, nec ex costa fieri poterat. reliquum est ergo vt
- Psal. 118* secundum corpus à Deo factam esse ex costa fateantur. Rursum, Propheta regius ait: Manus tuæ Domine fecerunt me, & plasmauerunt me. Corpus autem æquē est de substantia hominis vt anima: dicente Athanasio, anima rationalis & caro vnus est homo. Cum ergo scriptura sæpe testetur Deum fecisse hominem, nulla corporis & animæ in hac re facta distinctio, conuincitur vt etiam fecerit corpus sicut animam. Et vt nulla
- Iob 10* possit tergiuersatione hic error celari, Iob expressè de corpore loquitur dicens, Sicut lac me coagulasti, non autem coagulatur iuxta animam, vt liquet, sed iuxta corpus. Et ecclesiasticus ait:
- Eccle. 18* Deus de terra creauit hominem. Quod etiam ad corpus referri oportet, cum anima ex nihilo sit creata. Deinde cum Deus creauit hominem, & masculum & fœminam fecisset, benedixit eis, dicens, Crescite & multiplicamini, & replete terram. Quibus verbis (vt alias docuimus) generationem præcepit, quæ per corporum coniunctionem fit, & non per quascūq; corporis partes (vt omnibus notum est) sed per inferiores, in quibus potissima sexus distinctio consistit. ergo partes illas quibus generatio faciēda est, à Deo factas esse oportet, a quo generatio præcipitur. Et hoc contra Paternianos. Confirmat nostram sententiā manifest

nifestius Paulus dicens, Neque exhibeatis membra vestra arma iniquitatis peccato, sed exhibete vos ipsos Deo tanquā ex mor- *Rom. 6*  
 tuis viuentes, & membra vestra arma iustitiæ Deo. Cū ergo  
 arma iustitiæ corpus & eius membra Paulus appellet, conuinci-  
 tur inde vt suapte natura non sit malum, cū possit illud ad ar-  
 ma iustitiæ conuerti. Postremo Christus nostrā assumens na-  
 turam, factus est verus homo, sicut vnus ex nobis. voluit enim  
 (vt ait Paulus) per omnia fratribus assimilari. Et Ioannes eius  
 incarnationem describens, vno verbo dixit: Et verbum caro fa- *Ioan. 1*  
 ctum est. Et paulus iterum ait: Qui factus est ex semine Dauid *Rom. 1*  
 secundum carnem. Si ergo caro hominis aut corpus humanum  
 à diabolo sit factū, vt Patriciani fabulantur, aut inferiores tan-  
 tū corporis humani partes, vt Paterniani mentiuntur, diabo-  
 lus fecerit: oportebit tunc dicere Christum Dei filium aliquid  
 diabolicum retinere. Absit autem vt in tantam blasphemiam  
 incidamus. Quæ enim societas lucis ad tenebras? aut quæ con-  
 uentio Christi ad Belial? Et ipsemet Christus Dei filius de dæ- *2. Cor 6*  
 mone ait: Venit enim princeps huius mundi, & in me non ha- *Ioan. 13*  
 bet quicquam. Sed iam audiamus ecclesiæ de hac re definitio-  
 nem. Leo papa huius nominis primus, in epistola 71. in qua erro-  
 res Priscillianistarum damnat, cap. 8. hæc ait: Octauum eorum *Leo papa.*  
 est plasmationem humanorum corporum diaboli dicere esse  
 figmentum, & semina conceptionum opere dæmonū in mulie-  
 ris vteris figurari: propterea resurrectionem carnis non esse cre-  
 dendam: quia creatio corporis non sic congruens animæ digni-  
 tati. Quæ falsitas sine dubio opus diaboli est: & talia prodigia  
 opinionum, figmenta sunt dæmonum, qui non in scēminarum  
 ventribus formant homines, sed in hæreticorum cordibus tales  
 fabricant errores. Quod immundissimum virus de Manichæe  
 impietatis specialiter fonte procedens, olim fides catholica de-  
 prehendit atque damnauit. Hæc Leo papa. Concilium Bracca- *Concilium*  
 rense primum capite tertio suorum decretorum sic definit: Siquis *Brac.*  
 dicit creationem vniuersæ carnis non opificiū esse Dei, sed ma-  
 lorum angelorum, sicut Manichæus & Priscillianus dixerunt,  
 anathema sit. Reliquum autem Patricianorum errorem, quo  
 credunt seipso debere occidere, vt vel hoc medio carne priuen-  
 tur, inferius in tit. de occisione, expugnabimus. De alio etiam  
 Paternianorum errore, quo putabant omnia flagitia quæ per par-  
 tes corporis inferiores committi possunt, esse licita: inferius in  
 tit. de coitu disputabimus.

Secunda hæresis docet imaginem Dei ad quam homo à Deo conditus esse dicitur, esse in hominis carne sitam, & non in anima. Verum de hoc errore infra Deo duce, in titulo de imagine disputabimus.

## C I B V S.

*Tatianus.*  
*Encratita.*  
*Manichæi.*  
*Aerius.*  
*Cathari.*  
*Priscillianus.*  
*Græci.*  
*Exod. 12.*  
*Leuit. 11.*

DE hac re est vnus error dicens non licere vesci carnibus. Hic est error Tatiani & Encratitarū, quos supra diximus à Tatiano fuisse exortos. De quibus Irenæus lib. 1. cōtra hereses, cap. 30. mentionē facit. Hunc errorē postea suscitauerunt Manichæi. Eidem adhæsit Aerius, vt Philaster ait: Aug. tamen dicit Epiphaniū hoc illi non impingere. Cathari autē infantiā hanc auxerunt, dicentes non licere comedere oua, caseum, lac, etiā si necessitas adsit. Hūc errorē Catharis impingit Guido Carmelita. Hi autem Cathari qui ista docent, nō sunt illi qui aliās dicuntur Nouatiani, sed alij Nouatianis posterioris, qui ad Manichæorum familiā pertinent, quos Aug. non Catharos, sed Catharistas appellat. Nam Aug. in lib. de hæresibus cap. 46. de Manichæis differens, dicit illos in tres partes esse diuisos. Quidam dicti sunt Manichæi, nomen authoris seruantes: Alii Macarij, Alij Catharistæ, hoc est, mundatores siue purificatores, propter quasdam horrendas & execrandas purificationes quas faciebant. Isti aliquandiu extincti, tandem post aliquot secula surrexerunt in Alemania, sub Imperatore Frederico 1. & vocati sunt Cathari, & melius vocarentur Catharistæ vt Aug. eos appellauit: quia illi non mundati sed mundatores erant. Priscillianus etiā carnes tanquam immundas escas deuicauit. Græci etiā (vt Guido illis impingit) damnant eos qui comedunt de suffocatis, aut alias carnes in lege veteri prohibitas. Contra hos omnes clamat scriptura sæpissimè. Primo Dominus ad Moysen loquitur, quæ suo nomine filiis Israel dicturus sit, in hunc modum, Decima die mentis huius tollat vnusquisque agnū per familias & domos suas. Sin autē minor est numerus vt sufficere possit ad vescendum agnū, assumet vicinū suū, qui coniunctus est domui eius, iuxta numerū animarum, quæ sufficere possunt ad esum agni. Ecce vides qualiter Dominus præcipit comedere agnū. Quod si carnes malę essent & immundę, Deus nullo pacto præcepisset. Præterea, Deus præscribens leges eorū, quæ comedere poterant filij Israel, per Moysen loquitur dicens, Hæc sunt animalia quæ comedere debetis de cunctis animantibus terræ. Omne quod habet diuisam vngulam, & ruminat in pecoribus

coribus, comedetis. Eandem sententiā in reiteratione legis, hoc est in Deut. replicat dicēs: Hoc est animal quod comedere debetis: Bouē & ouē & caprā & ceruū, capreā, bubalū, tragelaphū, pygargū, orygē, camelopardalu. Omne animal quod in duas partes findit vngulā, & ruminat, comedetis, Sed quoniā impij Manichæi vetus testamentū reiciūt, dicentes illud a quodā malo Deo esse factū, de quo errore alias disputabimus, ideo testimoniis noui testamenti opus est vt nostrā rē firmemus. Et primo omniū tuba Aposto. videlicet Paulus pro nobis clamat in ea quæ est ad Rom. epist. dicens, Scio & cōfido in domino Iesu, *Rom. 14.* quia nihil cōmune per ipsum, nisi ei qui existimat quid cōmune esse, illi cōmune est. Cōmune hic vocat Apost. cibū immundum, & lege diuina prohibitū: sicut alibi dixit Petrus Apostol. *Act. 10.* Cōmune & immundū nunquā māducaui. Et post prædicta, Paulus eodē loco subiungit, Omnia quidē mūda sunt, sed malu est homini, qui per offendiculū manducat. Hoc autē dicit Paulus, quia propter vitandū scandalū in proximo, debet homo à carnibus abstinere, si videt aliū scandalizari ex eiū carnium, sicut alibi ait: Si fratrē meum scandalizo, carnes nō comedā in æternum. Et in eodem priori loco eandē persequens sententiā Paulus subiungit: Qui autē discernit, si māducauerit, damnatus est, *Rom. 14.* quia nō ex fide. Tatianus ergo & Manichæus & Priscillianistæ & Cathari damnati sunt iuxta Paulū, quia māducantes discernunt cibos, putātes aliquibus nō esse vescendū. Præterea in epi. ad Timoth. hoc clarius exponit dicens, Spiritus autem manifestē dicit, quia in nouissimis temporibus discedant quidam à fide, attendentes spiritibus erroris, & doctrinis dæmoniorū, in hypocrisi loquentiū medacium, & cauteriatam habentiū suam conscientiam, prohibentiū nubere, abstinere à cibis quos Deus creauit ad percipiendū cum gratiarū actione fidelibus, & his, qui cognouerunt veritatē: quia omnis creatura Dei bona est, & nihil reiciendum quod cum gratiarū actione percipitur. Sanctificatur enim per verbum Dei, & orationē. Iam quæso, quid his verbis apertius dici poterat? Rursum confirmat hanc sententiā visio Petri, de qua sic dicitur in actibus Apostolorum, Et cum esuriret Petrus, voluit gustare. Parantibus autē illis, cecidit super eum mentis excelsus. Et vidit cælum apertū, & descendens vas quoddam velut linteum magnum quatuor initiis submitti de cælo in terrā, in quo erant omnia quadrupedia & serpētia terræ, & volatilia cæli. Et facta est vox ad eum, Surge Petre,



Petre, occide & māduca. Ait autem Petrus, Absit domine, quia nunquam manducaui omne commune aut immundū. Et vox iterum secundo ad eum, Quod Deus purificauit, tu commune ne dixeris. Hoc autem factum est per ter. Et statim receptū est vas in cœlum. Hæc ibi. Deinde ipse Christus (vt omnes euangelistæ testantur) comedit agnum paschalem. Si autem carnes ex se essent immundæ & illicitæ, Christus totius perfectionis & virtutis exemplum, nunquā comedisset. Accedit ad hæc omnia ecclesiæ in hac parte definitio. Concilium nanq; Braccarense primum, capite quartodecimo suorum Decretorū sic definit. Si quis immundos putat cibos carniū, quas Deus in vſu hominum dedit, & non propter afflictionem sui corporis, sed quia immunditiam putauerit, ita abstineat ab eis, vt nec olera cœta cum carnibus pergustet, sicut Manichæus & Priscillianus docuerunt, anathema sit. Hæc Concilium. Post tam expressa scripturæ sacræ & ecclesiæ testimonia, non est quod iam amplius de hac re disputemus. Verū superest vt respōdeamus cuidam obiectioni quæ pro errore Græcorum fulciendo adduci posset. In concilio siquidem ab Apostolis Hierosolymę celebrato, de quo in quintodecimo capite Actuum Apostolorum fit mētio: cum de hac re fieret disputatio, sic lata est sententia, Visum est enim spiritui sancto & nobis, nihil vltra imponere vobis oneris, quā hæc necessaria, vt abstineatis vos ab immolatis simulacrorum, & sanguine, & suffocato, & fornicatione, a quibus custodientes vos bene agetis. Hæc ibi. Quæ verba nullo modo nostræ sententiæ repugnant, quoniam illa ab Apostolis pro tunc prohibita sunt, & non quia ex se mala, aut quia lege diuina interdita: sed prohibita sunt propter Ethnicos qui nouiter conuertebantur ad fidem. Iudæi enim maxime horrebāt comedere immolata simulacrorum, siue idolothyta, & suffocatū. Apostoli autem timentes ne Iudæi conuerti occasione cibi quæ horrebant, separarentur a communione fidelium, præceperunt fidelibus vt ab illis cibis abstinerent, ne occasione cibi perderēt fratres, quos fortē ad dominum possent conuerrere, a talibus cibis abstinendo. Hoc autem ita esse faciliē conuincimus. Nam vt de ceteris taceam, inter cibos illic annumeratos sunt immolata simulacrorum, de quibus Apostolus dicit esse licitum comedere modo non sit conscientia idoli: id est dummodo hoc propter idoli reuerentiam nō faciat, credens fortē aliquid numinis esse in idolo. Sic enim ait in prima ad Corinthios epistola.

**I**dola: De escis autem quæ idolis immolantur, scimus quia nihil est idolum in mundo, & quòd nullus est Deus nisi vnus. Nā sunt qui dij dicantur siue in cœlo siue in terra (siquidem sunt dij multi, & domini multi) nobis tamen vnus Deus pater, ex quo omnia, & nos in illo: & vnus dominus Iesus Christus, per quē omnia, & nos per ipsum. Sed non in omnibus scientia. quidam autem cum conscientia vsq; nunc idoli, quasi idolotheum manducant, & conscientia ipsorum cum sit infirma, polluitur. Esca autem nos non commendat Deo. Neque enim si manducauerimus, abundabimus: neque si non manducauerimus, deficiemus. Videte autem ne fortē hęc licentia vestra offendiculū fiat infirmis. Hęc Paulus. Ex quibus verbis clare patet licitum esse comedere ea quæ immolata fuissent idolis, modo conscientia idoli non adellet. Verū et si hoc ei esset licitū: si videret alium ex hoc scandalizari, à cibo aliās licito deberet abstinere, ne fratrem suum occasione cibi perderet. Nullus est ergo cibus nobis diuina lege prohibitus: sed iuxta licentiam nobis à Salvatore datam, de omnibus cibus qui apponūtur nobis, licebit manducare.

Secūda est hærēsis huic proximæ opposita, quæ asserit quoslibet cibos, quolibet etiam die, omnibus, sine vllō discrimine esse licitos, quantumlibet per ecclesiasticas sanctiones fuerint prohibiti. Hęc est hærēsis Iouiniani, vt patet ex Augustino libro de hærēsis, ad Quod vult Deum cap. 82. Hic Iouinianus monachus fuit Romæ tempore beati Hieronymi, cōtra quem idem Hieronymus scripsit. Est etiam error Valdēsium, qui tempore quadragesimæ carnem & oua & reliqua prohibita comdebant, dicentes nullum esse peccatum hoc facere, imò dicebāt ecclesiam non posse talem ciborum abstinētiā præcipere, & in tali abstinētia à carnibus dicebant nullum inesse meritum. Hunc eundem errorē hoc nostro tempore amplexati sunt Lutherani, qui omni feria sexta & sabbato, & in omnibus diebus quadragesimæ carnes effrenatē comedunt. Audiui ipsemet hoc mense quo hęc scribo, videlicet in mense Maio anno domini M.D.XXXIII. à quodam viro probò Colonienſi, quòd ipso eunte ad nundinas quæ habentur Francfordiæ, quæ ciuitas est superioris Germaniæ, tempore quadragesimæ in quolibet ferme oppido ante Francfordiam nullus cibus illi aut socijs eius, aut quibuscumque alijs aduenientibus dabatur ab hospitibus præter carnes, quas si aliquis respuebat ob temporis reuerentiam

*Iouinianus.  
Valdēs.*

*Lutherus.*

*Erasmus  
Roteroda-  
mus.*

rentiam, & ecclesiae statutum, nullo modo illi volebant aut panem aut vinum venale tribuere. Francfordiae autē dicebat mihi rem mitius agi propter nundinas quae tunc tempore quadragesimae ibi habebantur, ut libentius ad illas quisque veniret. Dicebat enim toto tempore quadragesimae carnem simul & pisces omnibus propinari: neminem tamen ad aliquem cibum cogi, sed liberam cuique manere facultatem edendi quod libuisset. De eadem autem haeresi suspicionem non modicam praebuit multis Erasmus Roterodamus, vir utinam tam pius quam doctus: & nescio an plenè & rectè ab hac se purgauerit suspicionem. Nam in multis suis scriptis apertissimè hanc videtur docere sententiam: è quibus vnum & alterum indicabo lectori: ut ex illis coniciat quid ille velit. In epistola praeposita paraphrasi primae ad Corinthios, sic ait: Mihi purioris Christianismi videtur, magisque consentaneum evangelicae & apostolicae doctrinae, si nullum certum cibi genus praescribatur: sed admo- neantur omnes, ut quisque pro corporis habitu vescatur quae maxime conducunt bonae valetudini: non ad luxum, sed ad sobrietatem, cum gratiarum actione, ac studio bonae mentis. Haec Erasmus. Et in paraphrasi octavi capitis primae ad Corinthios, sic ait: Approbo quod dicis, Esca non commendat nos Deo. Cum enim Deus uniuersa creauerit ad usus humanos, neque quicquam à nobis exigit praeter vitae pietatem, quid illius refert, piscium an quadrupedum an volatiliū carnibus vescamur? Nihil enim pietati quicquam vel addit vel adimit horum delectus: superstitiosum facere potest, piū nequaquam. Christus nullum horum discrimen docuit. Proinde temeritatis sit, si quis homunculus conetur quenquam huiusmodi constitutionibus onerare. Pro suo quisque corporis affectu vescatur quibus velit, modo sobrie parcēque, super omnibus gratias agens Deo. Hucusque Erasmus. Candidum lectorem obtestor per Christi passionem, & illius supremum iudicium, ut omni affectu procul semoto consideret quid ex his Erasmi verbis colligi possit. Nonne hic apertissimè & luce clarius docet, nullum esse meritum in ciborum delectu? in abstinentia à carnibus & lacticijs? imo dicit esse puriorem Christianismum, & magis evangelicae & apostolicae doctrinae consentaneum, à nullo cibi genere abstinere. De hac re fuit à Parisiensibus theologis communi illorum censura notatus. Sed illorum censurae sic ille respondit, ut mihi videatur de huius haeresis suspicionem se male purgasse. Nam etsi fatetur se nolle

se nolle præpositorum ecclesiæ obedientiam ledere, neq; velle  
 vt quisque pro libito contra ecclesiæ statuta vescatur carnibus  
 aut alijs cibis tempore quo ab ecclesia sunt interdicti: tamen in  
 ea sententia persistit, vt dicat nihil proficere ad pietatem cibo-  
 rum discrimen: & esse magis Christianæ doctrinæ conforme,  
 si talis ciborū delectus statuto ecclesiæ tolleretur: quoniam (vt  
 ait) Christus nullū ciborū delectū docuit. Admittit etiam car-  
 nium abstinentiā, sed hanc liberā esse optat: vt quisq; suo arbī-  
 trio & nō lege cogente à carnibus abstineat. Nā in responsione  
 ad primā de hac re Parisiensiu censurā, sic ait: Arbitror autem  
 puriorem fuisse Christianismū tēporibus apostolorū ac mar-  
 tyrū, quā nunc, quando sic refrixit hominū charitas. At illis  
 temporibus, quū nullū esset præscriptū de ciborū discrimine,  
 plures vltro abstinebant à carnibus, quā nunc faciunt coacti  
 lege. Hæc Erasmus. In quibus verbis satis aperte indicat bonū  
 esse abstinere à carnibus: sed malū esse alios ad hoc faciendum  
 lege cogere. Et si ita sentit, in alium errorē labitur similē erro-  
 ri Aerij, qui dixit nō esse bonū hominē ad ieiunium cogere: sed  
 liberū fore cuiq; cū voluerit ieiunare. Sed de hoc Aerij errore  
 infra in titulo de ieiunio hæresi secunda disputabimus. Hoc er-  
 go errore dimisso, ad priorē hæresim de ciborū delectu reuer-  
 tamur. Huius hæresis expugnatio, ex alio quod infra discuti-  
 mus pendet, videlicet an ecclesia possit aliquam legē de nouo  
 statuere: de qua re dicemus infra in titulo de ecclesia. Verūm  
 quantū pro nunc possumus differemus. In veteri instrumento  
 reperimus laudatā abstinentiā aliquorū ciborū & potuum, qui  
 etiā lege diuina nō erant prohibiti. In libro nāq; Numerorum  
 talis describitur lex Nazaræorū: Vir siue mulier cū fecerint vo-  
 tum vt sanctificentur, & se voluerint domino cōsecrare, à vino,  
 & omni quod inebriare potest, abstinebunt. Acetū ex vino & ex  
 qualibet alia portione, & quicquid de vua exprimitur, nō bibēt.  
 vuas recentes siccāsque nō comedent cūctis diebus quibus ex vo-  
 to domino consecrantur. quicquid ex vinea esse potest ab vua  
 passā vsq; ad acinum, nō comedent. Sed ad hoc, & ad alia quæ  
 de veteri testamento afferri possunt, respondebunt fortē, in ve-  
 teri lege fuisse licitam imo meritoriam talium ciborū absti-  
 nentiā, quia per illā obedientia præstabatur domino illam  
 præcipienti: in lege autē euāgelica nō licere iam talē ciborum  
 differentiā facere, cū dominus omniū ciborū esum cōcesserit.  
 Sed hoc facillimē reiijcimus, si consideret quisq; nō minus esse  
 licitum

Nume. 6



licitū in veteri lege bouis & ouis esum, quā nūc in lege euangelica. Sicut enim nunc oēs cibi sunt à Deo permīssi, ita & tūc bos & ouis & capra & alia animalia quæ rumināt, & vngulam habent diuisam, erant concessa, vt patet ex *Leuitico* & *Deutero* *Leuit. 11* nomio. Sed non obstante tali indulgentia & concessione illorum ciborum, tunc in veteri lege ante promulgationem euangelij, licitè quis imò meritoriè ab illis cibis abstinēbat, ergo & nunc ab eisdem licitè & meritoriè abstinēbit: cū par sit vtrouque ratio, & æqua pro vtroque tempore illorum ciborū concessio. Quod autem diximus pro tempore veteris legis meritoriè aliquē à carnibus abstīnuisse, satis cōvincitur per id quod *Matthæus* de Ioanne Baptista ait: Ipse autem Ioannes habebat vestimentum de pilis camelorum, & zonam pelliceā circa lumbos suos. Esca autē eius erat locustæ, & mel syluestre. Ecce iam vides Ioannem Baptistā à carnibus abstīnuisse: nec in hoc errasse dicere poterunt, quem constat ex vtero matris sanctificatum fuisse. Quod si per hoc non meritoriè egit, cur de hac re tantopere eum euangelista laudauit? Preterea post datū & prædicatum à Christo euangelium, in quo omniū ciborum esum Christus concessit, Apostoli in vnum congregati Hierosolymis, prospicientes tranquillæ conuersationi eorum qui ex ludæis & gentibus conuertebantur, decretum quoddam ediderūt in hunc modum: Visum est spiritui sancto, & nobis, nihil vltra imponere vobis oneris, quā hæc necessaria, vt abstineatis vos ab immolatis simulacrorum, & sanguine, & suffocato, & fornicatione, à quibus custodientes vos bene ageris. Tunc iam percontabor Valdenses & Lutherum, an Apostoli sic decernentes errauerint, an iustè definierint? Absit vt dicant Apostolos post receptum iam sanctum spiritum in re tam seria omnes concorderet errasse, maximè spiritu sancto illis tūc assisistēte: sic enim dicunt: Visum est spiritui sancto, & nobis. Si ergo Apostoli tūc in vnum congregati, iusta quidam de causa moti prohibere potuerunt esum suffocati & sanguinis: cur etiam modo ecclesia, aut concilium generale illam repræsentans, illos eosdē aut alios similes cibos ob aliquas causas iustas prohibere non poterit? Nunquid detrudemus nunc ecclesiam ad angustiores limites quā antè, vt ea nunc non possit, quæ antè iustè poterat? Quod si hoc dicunt: ostendāt literas à Deo de cælo missas, per quas reuocauit auctoritatem & potestatem quam olim ecclesiæ suæ concesserat. Rursum inter ecclesiastica dogmata per beatum

rum Augustinum collecta, vnum habetur in hūc modum, Sacratz virginitati nuptias coꝛquare, aut pro amore castigandi corporis abstinentibus à vino vel carnibus nil credere meriti accrescere, non hoc Christiani, sed Iouiniani est. Hæc ibi. Adde quòd ab ipsiſe eccleſiæ naſcentibus primordiis talis fuit Apoſtolicorum virorum conſuetudo, vt à pluribus cibis abſtinerent. Philo ſiquidem ſapientiſſimus vir Apoſtoliſ coꝛuus, de Chriſtianorum vita loquens, hæc dicit, vt eum citat Eusebius ſecundo libro hiſtoriæ eccleſiaſticæ, cap. 17. Atque in ipſiſ diebus in terra recumbentes, ſicut antiqui moriſ fuiſſe dicitur, vinum quidem nemo omnino ne guſtu quidem contingat, ſed nec quamlibet carnem: tantum autem aqua ſit eiſ poculum, & panis cum ſale vel hyſſopo cibus. Hæc ibi Eusebius. Poſtremò iam audiamus eccleſiæ definitionem. Concilium ſiquidem Toletanum octauum, cap. ix. ſic definit: Et etiam quicumque quadageſimæ dies, quæ anni totius decimæ putantur, quæ & in oblatione ieiunii domino conſecrantur, quibus etiam ſaluberrime conditio humani generiſ expiatur, dum à quatuor mundi partibus ad hanc homo religionem crediturus adducitur, & quatuor elementis formatur, & propter trãſgreſſionem decalogi, quatuor decies conuenienter affligitur, illi qui temerarie hæc omnia contemnunt, nec voracitatiſ ingluuiem frènant, & quod peiuſeſt, paſcalia feſta illicitorum eſum perceptione prophanant: quibus ex hoc adeo acerrime interdicitur, vt quiſquis ſine ineuitabili neceſſitate, atque fragilitate, & euidente languore, ſeu etiam impoſſibilitate ætatiſ, diebus quadageſimæ eſum carniū præſumpſerit attentare, non ſolum reus erit reſurrectioniſ dominicæ, verum etiam alienus ab eiufdem diei ſancta communionē: & hoc illi cumuletur ad pœnam, vt ipſius anni tempore ab omni eſu carniū abſtineat gulam, quia ſacriſ diebus abſtinentiæ oblituſ eſt diſciplinam. Hæc Concilium. Cuiuſ definitioni quemlibet Chriſtianum magiſ oportet obedire, quàm cuiuſuiſ concilio malignantium Valdenſium aut Lutheranorum. Sed iam videamus quæ nobiſ obiectant. Primò enim obiiciunt id quod dominuſ dixit diſcipuliſ ſuiſ cum eoſ ad prædicandum miſit, In eadem, inquit, domo manete, edentes & bibentes quæ apud illoſ ſunt. Et rurſum, In quacunque ciuitatem intraueritiſ, & ſuſceperint voſ, manducate quæ apponuntur vobiſ. Cui obiectiōi reſpondemus illa verba Chriſti nō ad omneſ Chriſtianoſ pertinere, ſed ad Apo-

stolos solum: nec illis pro toto tempore futuro sunt dicta, sed pro illo duntaxat tēpore, quo ad illud iter mittebantur. Quibus enim tunc dicitur, In viam gentium ne abieritis, & in ciuitates Samaritanorum ne intraueritis: postea dicitur, Euntes in mundum vniuersum, prædicate euangelium omni creaturæ. Deinde illis verbis, vt Theophylactus admonet, solum docet Apostolos & Apostolorū nomine reliquos prædicatores euangelii, vt contenti sint cibo & potu qui offertur ab iis apud quos diuersantur, neque eos debere quærere deliciares cibos quam sint ii qui offeruntur ab iis quibus prædicant. Adde quòd etsi ad omnes illa verba pertinerent, nihil ex eis colligitur, nisi quòd nobis iam permittebatur aut indulgebatur quilibet cibus etiā qui antè in lege erat prohibitus: non autem est præceptum ibi, sed libera quædam facultas concessa. Quod si per hoc quòd sub imperatiuo modo posita sunt, contendis esse præceptum esse, & non indulgentiam: ad hunc modum oportebit te etiam fate-  
*Leuiti. 11* ri præceptum esse quod dominus in Leuitico dixit: Omne animal quod habet vngulā diuisā, & ruminat, comedetis. quod si concedis: concedas etiam oportet Ioannem Baptistam peccasse, quia iuxta præceptum non fecit, cum nullum tale animal comedit. Certum est ergo illud esse intelligendum iuxta indulgentiam: vt sit sensus, Omne animal quod habet vngulam diuisā & ruminat, comedetis, id est, poteritis comedere. Et hoc modo exponit Beatus Augustinus illum locum in libro de opere monachorum cap. 6. Ad hunc etiam modum capienda sunt illa euangelii verba, In quancunque ciuitatem intraueritis, & susceperint vos, manducate quæ apponuntur vobis, id est, licitum erit vobis manducare de omnibus quæ apponuntur vobis: vt videlicet intelligatis nullum iam per me esse vobis prohibitum cibum, nisi vos ipsi pro libito ab eis abstinere volueritis, aut in posterum à meis successoribus vobis interdictum fuerit. Secundo obiciunt id quod dominus apud Matthæum  
*Mat. 15* ait, Quod intrat in os, non coinquinat hominem, sed quod exit de ore, id coinquinat hominem. ergo comedens carnes in quadragesima, non peccat. Respondemus, fatentes cibum nullum ex sua natura posse maculare animæ substantiam: sed voluntas deprauata, qua contra præceptum ecclesiasticum carnes comedit, illa est quæ coinquinat hominem. Illa autem praua voluntas sollicitans ad inobedientiam, est intima homini, & exit de corde, & inde peruenit ad os per prauī operis executionem. Ad  
hunc

hunc modum dicimus etiam, ut Paulus ait, quòd esca nos non commendat Deo. Esca enim ipsa nec meliores nec peiores facit: sed obedientia, qua obedientes præcepto ecclesiæ abstinemus ab aliquibus cibis, commendat nos Deo, & meliores facit: inobedientia autem peiores. Sed iam discutere etiam oportet id quod pro se adducit Erasmus: Christus, inquit ille, nullum docuit ciborum discrimen, ergo purioris Christianismi erit si nullus habeatur ciborum delectus. Quàtum hæc collectio valeat, vel mediocriter doctus si bene consideret, intelliget. Nam ad hunc modum oporteret etiã colligere quòd purior esset Christianismus si omnes procul ab ecclesiâ abigeretur ceremoniæ, quoniam Christus aut nullas aut paucissimas docuit ceremonias. Eadem ratione fatendum etiam erit, quòd purioris Christianismi esset si corpus dominicum daretur cœnatis quàm si daretur ieiunis: quoniam Christus Saluator noster nec verbo nec exemplo docuit dare ieiunis: cum ipsemet corpus suum Apostolis cœnatis dederit. Non enim consequens est, ut quia Christus redemptor noster hoc aut illud non docuit, ideo longe sit à puro & verò Christianismo. Ille purior est Christianismus, qui propius accedit ad vitam & imitationem Christi & apostolorum eius. At Erasmus ipse in responsione ad Parisienses fatetur tempore Apostolorum cum nullum erat præscriptũ de ciborum delectu, plures abstinuissse à carnibus quàm nunc. Purioris ergo Christianismi erit abstinere à carnibus ad domandam carnis rebellionem, quàm vesci carnibus quæ corpori vires nimias ministrant ut suam possit exercere tyrãnidem. Cæterum quod Christus nullum docuerit ciborum delectum, forte Iudæorum imbecillitas fuit causa. Iudæi siquidem putabant cibos quos lex Mosæica interdixerat, esse natura malos & immundos, ac proinde vetitos: & si Christus Saluator noster adhuc pergeret carnes & alios cibos prohibere, in suo forte confirmati fuissent errore, & in alium ducerentur, ut crederent etiã carnes esse natura malas, quemadmodũ Manichæi impiè sentientes opinati sunt. Vrgitur ab hoc errore Christus Saluator noster Iudæos auocaret, noluit vllum ciborũ discrimen docere. Postea vero cũ ecclesiâ ex gentibus collecta, spiritu sancto suggerente fuit satis edocta nullũ cibum esse natura malum, sed omnem creaturam bonam esse, nihilque esse reiiciendum quod cum gratiarum actione percipitur, Christus qui nobiscum est vsque ad consummationem sæculi, ecclesiã suam docuit le-



ges statuere, quibus aliqua ciborum genera certis aliquibus temporibus interdiceret: ut pabulo nimis nutriente corpori sublato, cogatur animæ nutui deseruire. Nam domitores equorum non verbera solum adhibent ad domandum, sed cibum etiam aut cibi fortioris genus subtrahunt, scænum pro hordeo tribuentes: ut fame debilitetur equorum nimis effrænata vis. Sunt enim escæ quædam, quæ non solum nutriunt corpus ad vitam, sed inflammant ad libidinem. Ab his abstinere, non parum conducit ad veram pietatē augendam. Qui plura de hac re videre optat, legat Iodocum Clichthoucum in propugnaculo ecclesiæ, quod contra Lutheranos edidit, in quo satis diffuse hanc rem pertractat.

## C I R C V N C I S I O.

**V**Nus est error asserēs adhuc in noua lege debere paruulos circumcidi, verum de hoc errore inferius dicemus in titulo, Lex, ubi probabimus omnia legalia iam cessasse: quo facto, actum etiam erit de circumcisione.

## C H R I S T V S.

**C**Hristus, nomen est vnius personæ duas naturas habentis, diuinam videlicet & humanam. hanc enim esse fidem rectam Athanasius ait, & catholica prædicat ecclesia, ut credamus & confiteamur, quia Dominus noster Iesus Christus Dei filius, Deus & homo est. Deus est ex substantia patris ante secula genitus, & homo est ex substantia matris in seculo natus. Cum ergo plures exortæ sint circa personam Christi hæreses: hoc ordine eas pertractabimus, & primo de illis dicemus quæ circa naturam eius diuinam versantur, deinde illas pertractabimus, quæ solū naturam humanam tangere videntur. Postremo de illis differemus quæ totam respiciunt personam in duabus naturis existentem.

*Ebion* Prima ergo de hac re hæresis est, quæ negat Christum fuisse Deum, sed solam naturam habuisse humanam. Huius hæresis primus author (quod sciam) fuit Ebion quidam apostolis coæuus, quoniam anno Domini octogesimo sub Domitiano Cæsare & Cleto papa floruit. Contra hunc Ebionem, ut dicit beatus Hieronymus lib. de ecclesiasticis scriptoribus, Ioannes omnium nouissimus scripsit euangelium, rogatus ab Asiæ episcopis. ideo compulsus est diuinam edicere natiuitatem. Post hunc Ebionem, vel ut verius dicam eodē tempore quo Ebion, Cerinthus

Cerinthus eundem tenuit errorem. Philaster tamen hunc erro- *Cerinthus*  
rem Carpocrati cuidam tribuit, tanquam primo illius patro- *Carpocra*  
no, & post illum Cerintho, & deinde Ebioni, quem dicit fuisse *tes.*  
Cerinthi discipulum. Post istos, vt idem Philaster ait, hunc er-  
rorem tutatus est Theodorus quidam Bizantinus, qui in perse- *Theodo-*  
cutione positus, Christum saluatorem negauit, à quo tempore *rus.*  
cepit docere Christum esse purum hominem, & non Deum.  
Hoc autem fecit eredens hoc medio, negationis opprobrium à  
se reiicere. cogitauit enim apud se quòd si quis illi negationis  
crimen impingeret, responderet quòd hominem negauerat,  
non Deum. Beatus tamen Augustinus hæc omnia tribuit cui-  
dam Theodotioni. nescio tamē vbi litera sit corrupta, an apud  
Philastrum, in cuius libro hic hæreticus vocatur Theodorus:  
an apud Augustinum, vbi vocatur Theodotion. certum est  
enim ex Eusebii historia ecclesiastica, fuisse quendam hæreti-  
cum Theodorum nomine, qui docuit Christum fuisse purum  
hominem, & ob id à Victore papa fuisse ab ecclesia eiectum.  
An autem Theodotion alius hoc etiam senserit, me latet. Fuit  
etiam iste error cuiusdam Artemonis, de quo Eusebius libro. 5. *Artemon.*  
cap. 28. historiz ecclesiasticæ. Post istos eundem errorem am-  
plexatus est Paulus Samosatenus in Syria, qui dixit Christum *Paulus*  
fuisse quidem hominem iustum, non autem Deum. Hic sub se- *Samosate-*  
uero Imperatore vixit, & Victore papa huius nominis primo. *nus.*  
Cui successit in eodem errore velut discipulus magistro Pho-  
tinus quidam, qui errorem iam deficientem sic instaurare &  
confirmare nitebatur, vt ille errorem defendentes Photiniani *Photinus.*  
& non Pauliani dicerentur. Istorum ergo omnium commu-  
nis fuit error, Christum purum hominem fuisse ex vtroq; sexu  
natum, nec ante Mariam eius matrem extitisse. Arriani autem  
etsi credant Christum non ex vtroq; sexu natum, cum tamen  
puram esse creaturam arbitrantur, dicuntq; illum non natura,  
sed adoptione filium Dei. Verum cum istis obiicitur ex sacris  
literis conuinci Christum esse filium Dei, fatentur, cum hoc  
tamen dicunt illum esse creaturam, quia filium Dei ipsi dicunt  
esse quandam Dei creaturam, & spiritum sanctum aliam creatu-  
ram productā à filio. Ideo contra istos Arrianos nihil nunc  
agemus, sed ad aliū locū differimus, quando de Deo: & vnitate  
illius essentiz, & trinitate personarum differemus. Cum ergo  
hoc sit vnū ex præcipuis nostræ fidei fundamentis, Christū vi-  
delicet esse verū Deum Dei filium, illud oportet ostendere esse

firmisimum, & pluribus sacræ scripturæ testimonijs roboratum. A primo ergo euangelio, videlicet Matthæi, incipientes, per reliquos noui instrumenti libros discurremus. Baptizatus

**Mat. 3** autem Iesus (ait Matthæus) confestim ascendit de aqua: & ecce aperti sunt ei cœli, & vidit spiritū Dei descendentē sicut columbam, & venientē super se: & ecce vox de cœlo dicens, Hic est filius meus dilectus, in quo mihi cōplacui. Vides hic non solū de

**Ibid. 16** terra, sed de cœlo testimoniū, qualiter Christus est filius Dei. Et iterū apud eundē, Venit autē Iesus in partes Cæsareæ Philippi, & interrogabat discipulos dicens, Quē dicunt homines esse filium hominis? At illi dixerunt: Alij Ioannē Baptistā, alij autem Heliam, alij verò Hieremiam, aut vnū ex prophetis. Dicit illis Iesus, Vos autem quē me esse dicitis? Respondēs autem Simon Petrus, dixit, Tu es Christus filius Dei viui. Et hic vocatur à Petro filius Dei viui, nec tamen pro hoc dicto reprehensus est, imò potius laudatus. Postquā etenim Petrus sua verba finiuit, statim Christus subiūgit, Beatus es Simon Bariona, quia caro & sanguis non reuelauit tibi, sed pater meus qui in cœlis

**Mat. 17** est. Rursum idem Matthæus enarrans Christū in monte transfiguratum, & Petrum petentem ibidem manere, ait: Adhuc eo (videlicet Petro) loquente, ecce nubes lucida obumbravit eos: & ecce vox de nube dicens: Hic est filius meus dilectus, in quo

**Mar. 9** mihi bene complacui: ipsum audite. Hoc etiā narratur à Marco & Luca. Præter hoc tamen Marcus aliud expressius habet

**Mar. 14** testimonium. describēs siquidem examinationem quam summus sacerdos de Christo faciebat, ait: Rursum summus sacerdos interrogabat eum, & dixit ei: Tu es Christus filius Dei benedicti? Iesus autem dixit illi, Ego sum. Nullum certē expressius testimonium potest afferri pro hac fide confirmanda. Lucas verò enarrans Gabrielem angelū de cœlo ad virginē missum, verbāq; eiusdē angeli ad virginem referēs, sic ait: Hic erit magnus, & filius altissimi vocabitur: & dabit illi domin⁹ Deus sedem Dauid patris eius, & regnabit in domo Iacob in æternū, & regni eius nō erit finis. Iam vides eū vocatū ab angelo filium altissimi. Sequitur, Dixit autē Maria ad angelum, Quomodo fiet istud, quoniam virum nō cognosco? Et respondens angelus dixit ei, Spiritus sanctus superueniet in te, & virtus altissimi obumbrabit tibi: ideōq; & quod nascetur ex te sanctum, vocabitur filius Dei. Et Elizabeth cum visitatur à Virgine Maria habente iam in utero Iesum, exclamat voce magna, & dicit, Benedicta

nedicta tu in mulieribus, & benedictus fructus ventris tui. Et unde mihi hoc, vt veniat mater domini mei ad me? Adhuc Iesus est in vtero paruulus corpore, & vocat eum Elizabeth dominum suum. Qualiter quæso dominus illius esse potest, si præter humanam naturam non haberet diuinam, secundum quam & dominus est Elizabeth, imò omnium creaturarum? Iam opus est vt audiamus aquilam illam sublimem, Ioannem euangelistã, qui supra pectus domini in cœna recubuit, cui & reuelata sunt secreta cœlestia. In principio (inquit) erat verbum, & verbum erat apud Deum, & Deus erat verbum. Omnia per ipsum facta sunt, & sine ipso factum est nihil. Sequitur, Et verbum caro factum est, & habitauit in nobis. Verbum vocat filium Dei, quẽ & vocauit Deum dicens, & Deus erat. hunc filium Dei factum esse hominem declarauit dicens, Verbum caro factum est. Rursum, cùm dixisset Iesus Iudæis, Abraham pater vester exultauit vt videret diem meum: vidit, & gaudius est. dixerunt ergo Iudæi ad eum, Quinquaginta annos nondum habes, & Abraham vidisti? Dixit eis Iesus, Amen amen dico vobis, Antequam Abraham fieret, ego sum. Si Christus ante carnis natiuitatem non exiit, quomodo verum est quod ait, antequam Abraham fieret, ego sum, cùm Abraham præcellerit Christum iuxta carnis natiuitatẽ plusquã mille annis? Et alibi vocatur filius Abraham. non est ergo possibile vt filius sit ante patrem, nisi aliam habeat naturam, nempe diuinã, secundum quam filius Abraham non sit, & prior illo sit. Præterea idem Iesus Christus Lazarum mortuum suscitaturus, Martha sororẽ Lazari alloquens ait, Ego sum resurrectio & vita: Qui credit in me, etiam si mortuus fuerit, vita viuet: & omnis qui viuit & credit in me, non morietur in æternum. Credis hoc? Ait illi, Vti quẽ Domine, ego credidi quia tu es Christus filius Dei, qui in hunc mundum venisti. Paulus etiam vas electionis, qui vidit arcana Dei, non semel tantũ aut iterũ de hac re præbet testimonium, sed frequentissimẽ. In epistola siquidem ad Roma nos sic eos alloqui incipit: Paulus seruus Iesu Christi, vocatus Apostolus segregatus in euangelium Dei, quod ante promiserat per prophetas suos in scripturis sanctis de filio suo, qui factus est ei ex semine Dauid secundum carnem, qui prædestinatus est filius Dei in virtute secundũ spiritũ sanctificationis ex resurrectione mortuorũ Iesu Christi domini nostri, per quẽ accipimus gratiã & apostola. &c. Obserua hic quod primo dixit

*Ibidem.**Ioan. 1**Ibid. 3**Math. 1**Ioan. 11**Rom. 1*



- prædicationem Christi esse euangelium Dei: ex quo satis aperte conuincitur Christum esse Deum. Deinde subiungit Christum esse prædestinatū siue declaratum aut manifestatū filium Dei ex resurrectione mortuorum. per hoc enim quod seipsum suscitauit, declaratus est Deus. Nam etsi multi ex mortuis suscitati sint, nullus tamē propria virtute surrexit: sed ab alio suscitatus est, nēpe ab ipso Deo, & ab aliis sanctis ministerio quodam, hoc est precibus ad Deū fuis, quas Deus exaudiens, mortuū pro quo sanctus orat, suscitāt. Christus autē cū seipsum suscitauit a mortuis propria virtute, per hoc declaratus est filius Dei. Et iterū idē Paulus ait, Secundū duritiē tuā, & cor impēnitens, thesaurizas tibi iram in die iræ, & reuelationis iusti iudiciij Dei, qui reddet vnicuiq; secundū opera eius. Ecce vides hic iudicium Christi vocatū iudiciū Dei. Beatus enim Paulus Apostol. dicit oportere nos omnes manifestari ante tribunal Christi, vt reportet vnusquisq; prout gessit in corpore suo, siue bonum, siue malum. Et cū pater omne iudicium dederit filio, & cū iuxta beatū Iacobum vnus sit legislator & iudex, conuincitur inde vt Christus sit Deus, cū non sit aliud futurū iudicium, quā illud quod Christus in fine facturus est: hoc autē Paulus vocat iudicium Dei: Christus ergo Deus. Et in eadē epist. iterū ait: Optabam enim ego ipse anathemata esse à Christo pro fratribus meis, qui sunt cognati mei secundū carnem, qui sunt Israelitæ, quorum adoptio est filiorum, & gloria, & testamētum, & legislatio, & obsequium, & promissa, quorum patres ex quibus est Christus secundum carnem, qui est super omnia Deus benedictus in secula. Amē. Nihil poterat ad ostendendā Christi diuinitatem expressius dici. Rursum in epist. 1. ad Corinth. sic ait, De escis autē quæ idolis immolantur, scimus quia nihil est idolum in mundo, & quod nullus est Deus nisi vnus. Nam etsi sunt qui dicantur Dij, siue in cælo siue in terra, siquidē sunt Dij multi, & domini multi, nobis tamē vnus est Deus pater, ex quo omnia, & nos in illo: & vnus dominus Iesus Christus, per quem omnia, & nos per ipsum. Hæc ibi Paulus. Si ergo vnus solus est Deus, & nullus alius præter illū, & coassumitur in vnam deitatis naturā dominus Iesus Christus, per quē Paulus ait facta esse omnia: ergo Christus est Deus. Et in 2. epist. ad Corin. ait: Epistola nostra vos estis, scripta in cordibus nostris, quæ scitur & legitur ab omnibus hominibus, manifestati quoniā epistola estis Christi ministrata à nobis, & scripta nō atramento, sed

sed spiritu Dei viui, non in tabulis lapideis, sed in tabulis cordis carnalibus. Epistolā Christi vocat Apostolus Corinthios, quia illi Christi mandata & leges apud seipsos tanquā apud aliqua literarum monumenta conseruabant. hanc autē epistolā dicit Paulus à se ministratam: vt sicut legis veteris Moses olim fuerat minister, sic etiā ad legē euangelicam vulgandā & prædicandam minister fuit. & hanc scriptā non atramento, sed spiritu Dei viui. Scripta est ergo à Deo in cordibus nostris, quem admodum per Hier. prophetā dixerat. Post dies illos, dicit Dominus, dabo legē meā in visceribus eorū, & in corde eorū scribam eam. Si ergo Corinthij sint epistola Christi, & hæc est scripta à Deo, Christus igitur Deus. Illius siquidē est epistola à quo scribitur, nisi cum fortē quis minister est alterius, vt alio dictante quis scribat: tunc enim epistolam dicemus esse eius qui dictauerat, etsi ipse non scribat. hic autē idem est dictare & scribere, idē dictans & scribens. Cū enim scripta sit epistola à Deo, non autē scribit Deus alio quopiam dictante, epistola verò dicitur esse Christi: manifestē conuincitur Christum esse Deum. Et in epist. ad Philip. sic etiam ait: Hoc sentire in vobis, quod & in Christo Iesu: qui cū in forma Dei esset, non rapinā arbitratus est esse se æquale Deo. Quid clarius expectari potest, quā quod Paulus hic dicit ad confirmandā Christi diuinitatem? Et epistola ad Titū sic admonet dicens, Seruos dominis suis subditos esse, in omnibus placentes, non contradicentes, non fraudantes, sed in omnibus fidem bonam ostendentes, vt doctrinā Saluatoris nostri Dei honorēt in omnibus. Hæc Paulus ibi, vbi apertissimē vocat Saluatorem Deum. Ex omnibus reliquis epistolis Pauli poteram similia afferre testimonia: verū ne tædio afficiam lectorem, & vt breuitatem quam à principio operis tenere statui, non excedam: omnibus illis prætermisis, ad epistolam quam ad Hebreos misit accedamus, quoniam in illa videtur Paulus velut ex professo & instituto hanc rem differere. Sic etenim ait, Cui enim dixit aliquando angelorum, filius meus es tu, ego hodie genui te? Et rursum, Ego ero illi in patrē, & ipse erit mihi in filium: Et cū iterum introducit primogenitum in orbem terræ, dicit, Et adorēt eum omnes angeli Dei. Et ad angelos quidē dicit, Qui facit angelos suos spiritus, & ministros suos flammā ignis. Ad filiū autē, Thronus tuus Deus in seculum seculi: virga æquitatis, virga regni tui. Dilexisti iustitiam, & odisti iniquitatem: propterea vnxit te Deus Deus tuus

Hier. 31

Phil. 2

Tit. 2

Heb. 1

oleo exultationis præ participibus suis. hæc & alia multa ibi Paulus de Christo loquitur, quibus & diuina & humana eius demonstratur natura. Verū prædicta plenius discutiamus. Si ergo Christus adoratur ab angelis, oportet vt sit Deus, cum solus ille sit adorandus. Deinde si factor est angelorum, & sedē habet in seculum seculi, oportet vt Deus sit, quoniam nullus alius angelos fecit, nisi solus Deus. Rursum, qui iuxta humanam naturam paulò minor angelis est factus, quomodo poterat esse angelorum conditor, si aliam non haberet naturam præter humanā? Christus igitur Deus. Quod autem vnctus dicitur præ participibus suis, hoc iuxta humanam naturam capiendum est: vt videlicet vnctio non referatur ad diuinam naturā, sed ad humanam. Deus igitur & homo Christus: Deus natura, homo verò dispensatione quadam, similis nobis per omnia factus, quando factus est ex muliere secundum carnem. Vt Deus angelos cōdit, vt homo vngitur oleo exultationis præ participibus suis. Et ista quidē adeò aperta sunt, vt nullo modo possint subterfugere dicentes Christum esse filiū Dei adoptione: sed oportet eos dicere eū esse filiū Dei natura. Nam filius Dei adoptione est omnis iustus, qui prædestinatus est à Deo in adoptionē filiorū in hæreditatē gloriæ. At nullus purus homo quantumlibet iustus, quantumlibet adoptatus, condit angelos, nec adoratur ab angelis, nec sedet ad dexteram maiestatis in excelsis. Quæ omnia cum soli illi qui natura Deus est, conueniant: conuincitur Christum esse verum filium Dei, & verū Deum. Beatus etiam Petrus huius rei testimonium sæpe repetit. In priore siquidem epistola dicit Christum sedere in dextera Dei, profectum in cœlū subiectis sibi angelis, & potestatibus & virtutibus. Et in 2. epist. sic ait: Non enim indoctas fabulas secuti, notā facimus vobis domini nostri Iesu Christi virtutem & præscientiā, sed speculatores facti illius magnitudinis. Accipiens enim à Deo patre honorem & gloriā, voce delapsa ad eum huiusmodi à magnifica gloria, Hic est filius meus dilectus, in quo mihi complacui. Et hanc vocem nos audiuius de cœlo allatam, cum essemus cum ipso in monte sancto. Hæc ibi Petrus. Beatus Ioannes apostolus & euangelista in sua 1. canon. epist. de hac re apertissimū profert testimonium, dicens: Et scimus quoniam filius Dei venit, & dedit nobis sensum, vt cognoscamus Deum verum, & firmus in vero filio eius Iesu Christo. Hic est verus Deus, & vita æterna. Quid hic garrere possunt hæretici, dicentes Christū esse filium

1. Pet. 3

2. Pet. 1

1. Ioan. 5

filium Dei non natura, sed adoptione? Vide quoties vno conte-  
 xtu eos reiiciat Aposto. Vocat enim Iesum Christū verū filium  
 Dei. At qui sola adoptione est filius, non est verē filius, sed filius  
 cū additamento, videlicet adoptione filius. Et ne vllus tergiver-  
 sationi pateret locus, addidit, Hic est verus Deus, & vita ater-  
 na. Quibus verbis nihil obiici potest. Præterea ipsemet Chri-  
 stus ait: Opera quæ ego facio in nomine patris mei, ipsa testi-  
 monium perhibent de me. Videamus ergo opera eius, & discu- Ioan. 10.  
 tiamus num ex eis poterimus cōvincere Christum esse Deum.  
 Primo quidem peccata dimittit. Cū enim paralyticū quen- Luc. 5  
 dam Christo offerrent aliqui, vt ab illo sanitate donaretur, eo-  
 rum fidem vt vidit Iesus, dixit: Homo, remittuntur tibi pecca-  
 ta tua. Remittere autem peccata soli Deo conuenit. Nam et si  
 sacerdotes peccata dimittant, hoc faciunt ministerio quodam,  
 non autoritate vt Saluator fecit. Præterea cogitationes homi-  
 num cognoscit. Hoc autem duplici testimonio comprobamus. Luc. 5  
 Cū enim Pharisei & Scribæ audissent Christum paralytico  
 dicentem, Remittuntur tibi peccata tua: cœperunt cogitare di-  
 centes, Quis est hic, qui loquitur blasphemias? Quis potest  
 dimittere peccata nisi solus Deus? Vt cognouit autem Iesus  
 cogitationes eorū, respondens dixit ad illos, Quid cogitatis in  
 cordibus vestris &c. Et iterum, cū eiecisset ab homine quo- Luc. 11  
 dam dæmonium mutum, quo eiecto cū loqueretur mutus, &  
 admiraretur turbæ, quidā ex eis dixerunt, In Beelzebub princi-  
 pe dæmoniorum eiicit dæmonia. Et alij tentantes, signum de  
 cœlo querebāt ab eo. Ipse autē vt vidit cogitationes eorū, dixit  
 eis, Omne regnū in seipsum diuisum desolabitur &c. Iā vides  
 Christū inspicientē cogitationes hominum. At solus Deus est,  
 qui illas inspicere valeat. Homo enim, vt in 1. Regum, videt ea, 1. Reg. 16  
 quæ foris patent, dominus autē intuetur cor. Et propheta regius Psal. 7  
 ait: Scrutans corda & renes Deus. Rursum, miraculorū claritas  
 quæ Christus operatus est, eandē astruit naturæ diuinæ in Chri-  
 sto fidem. A seculo non est auditum quia quis aperuit oculos  
 cæci nati: qualiter Christus aperuit, imponens lutum super ocu-  
 lose eius. Qui postmodum in vtroque homine iam sanus, dice-  
 bat, Nisi esset hic à Deo, non poterat facere quicquam. Veriorē  
 habet fidem de Christo hic cæcus, quā Cerinthus, aut Ebiō,  
 aut Paulus Samosatenus, aut Phorinus, & reliqui eiusdem fari- Ioan. 6  
 næ. Et vt alia miracula omittamus, de mortuis ab eodem susci-  
 tatis dicamus. Suscitauit Lazarum verbo solo dicens, Laza-  
 re veni



re veni foras. Suscitauit filium viduæ etiam solo verbo dicens,  
*Luc. 7* Adolescens tibi dico surge. Et filiam archisynagogi non solum  
*Mat. 9* verbo, sed tactu manus. Sic enim ait Matth. Et cum eiecta esset  
 turba, intrauit, & tenuit manum eius, & dixit, Puella surge. Et  
 surrexit puella. Iam quo pacto non est vita secundum naturam,  
 cui mortui obediunt? qui non solum sermone mortem potuit  
 repellere, sed tactu manus? ostendens per hoc viuificum esse  
 suum corpus: quod esse non poterat nisi quia coniunctum erat  
 vitæ, scilicet diuinitati, in qua omnes viuimus, mouemur, & su-  
 mus. Iam videamus, quis est qui potest solo imperio & sermo-  
 ne à morte reuocare ad vitam, nisi solus Deus? quoniam etsi ho-  
 mines quoque suscitauerint mortuos, non in sua tamen virtute  
 hoc fecerunt, sed in Christi nomine. Aliud siquidem est roga-  
 re, aliud imperare. Aliud est mereri, aliud donare. Helias qui-  
 dem suscitatur, sed orans, non imperans. Helisæus etiam cum fi-  
 lium Sunamitis suscitatur, prius clauso ostio orat. Quod autem  
 mortuo configuratur, & tactu corporis suscitatur, factum est ut  
 typus esset & figura venturi, qui in carne humana existens etiam  
 mortuus ipse & sepultus, mortuos suscitare posset. Petrus etiam  
 cum Tabitam suscitauit, prius positus genibus orauit, & postea  
 conuersus ad corpus, dixit, Tabita surge. Et cum Aeneam para-  
 lyticum ab annis octo iacentem in lecto, sanauit, sic illi loqui-  
 tur, Aenea, sanet te dominus noster Iesus Christus. surge, sterne  
 tibi. Et continuo surrexit. Vides ibi expressam deprecantis vo-  
 cem, non imperantis: sed de sua virtute & potestate diffidentis,  
 & in potestate domini Iesu Christi confidentis. Et cum claudi  
 pedes in ingressu templi eleemosynam petentis consolidasset,  
 ait: Argenti & aurum non est mihi, quod autem habeo, hoc  
 tibi do: In nomine Iesu Christi Nazareni surge & ambula. Vi-  
 des qualiter non in suo nomine facit, sed in Christi nomine.  
 Quapropter etsi verbo imperatiuo usus est, non ut præsumens  
 de sua potestate hoc facit, aut de authoritate suæ præceptionis,  
 sed confidens, de merito, & Christi promissionibus, qui illis di-  
 xit, Si quid petieritis patrem in nomine meo, dabit vobis. Quid  
 ergo hic hæretici respondere possunt? Si in nomine Christi Pe-  
 trus imperat: nonne multò melius idem Christus suo nomine  
 imperare poterit? Sed obstat, quia Christus etiam rogat patrem,  
 & hoc non tantum semel aut iterum, verum sæpissimè facit.  
 Fatemur quidem quòd obijciunt. Rogat quidem Christus ut  
 homo: imperat ut Dei filius. Rogat etiam propter circunstan-  
 tes, cum

tes, cum videlicet aliquid coram eis acturus erat, ne sinistrum quid suspicarentur de eo, sicut alias Phariseos de eo dixisse constat: In Beelzebub principe dæmoniorum eiicit dæmonia. Ne quid ergo tale de eo suspicarentur cum aliquid coram eis magnificum & illustre operaturus erat, rogat patrem: ut crederent illa, Dei virtute operari. Rogat ergo patrem ut homo, qui poterat imperare ut filius Dei. Demum ut iam concludamus, ipse Christus spiritum sanctum se daturum apostolis promittit. Qui ergo spiritum sanctum, qui etiam Deus est (ut infra Deo duce conuincemus) mittit, & Apostolis donat nonne oportet ut ipse etiam sit Deus? Alioqui Deus à pura creatura & mitteretur & daretur: quod impium esset asserere. Christus ergo verus filius Dei, non adoptione, sed natura: veram habet diuinitatis substantiam. Opera nanque eius testimonium perhibent de ipso. Vnde ipsemet Iudæos redarguens ait: Si opera non fecissem in eis, quæ Ioan. 15 nemo alius fecit, peccatum non haberent. Præter hæc omnia tam aperta scripturæ sacræ testimonia, extant etiam plurimum conciliorum de hac re definitiones, per quas catholica ecclesia, quid nos secundum veram fidem de Christo sentire oporteat, manifestauit. Verum has conciliorum definitiones vsq; ad sequentis hæresis expugnationem differimus. Ibi enim ostendemus contra alios hæreticos veritatem naturæ humanæ in Christo, & tunc adijciemus conciliorum definitiones, consentientium duas naturas in Christo, videlicet diuinam & humanam in unitate personæ. Contra hanc hæresim plurimi ex antiquis scripsere. Ambrosius fecit volumen de fide ad Gratianum, quinque libris partitum, in quo ostendit Christum verum Deum patri æqualem. Beatus Cyrillus fecit librum de recta fide ad reginas, in quo idem probat.

Secunda hæresis est, quæ negat Christum habuisse naturam humanam, sed vnam tantum in eo ponunt, naturam videlicet diuinam, sicut & vnam personam. Hæc autem hæresis in multis adhuc factiones scinditur. Solenne est enim hæreticis, ut nunquam sciant tenere unitatem. Quidam enim ex eis simpliciter & absolute negauerunt Christum humanam habuisse naturam. Huius erroris author fuit Cerdon, ut Augustinus ait in Cerdon libro de hæresibus, cap. 21, Irenæus tamen lib. j. aduersus hæreses, cap. 28. de hoc Cerdone loquens, quem dicit fuisse tempore Higinij papæ, qui fuit nonus à beato Petro, & eiusdem Cerdonis errores ibidem recensens: nunquam hunc errorem illi impingit.

impingit. Augustinus verò refert Cerdonem ita docuisse, ut dixerit Christum neque natum ex foemina, neque habuisse carnem, neque verè mortuum, neque quicquam passum, sed simulasse passionem. Hūc errorem longo post tempore secuti sunt Procliani- Proclianitæ, quos Philaster dicit fuisse Galatas. hi, ut Philaster  
*ta.* & Augustinus testantur, dixerunt non venisse in carne. Apelles  
*Apelles.* autem, de quo Eusebius lib. 5. cap. 13. mentionem facit, docuit, sicut Augustinus & Philaster testatur, Christum carnem suam non de matre sumpsisse, sed eam ex elementis accepisse, quam resurgens ex mortuis, mundo reddidit, & ita sine carne (ut ait) Manichæi  
*Manichæi* in cælum ascendit. Manichæi huic simillimum errorem tuerantur, dicentes Christum nō fuisse verum hominem, sed phantasticum, & phantasma quoddam, nec ex utero virginis prodijisse. Hunc Manichæorum errorem amplexatus est Priscillianus.  
*Priscillianus.* Hunc Manichæorum errorem amplexatus est Priscillianus, qui (ut constat ex quadam epistola Leonis papæ huius nominis primi) nec natalem domini secundum carnem, nec diem resurrectionis illius piè venerabatur: propterea quod Christum verum fuisse hominem non credebat. Alij autem dixerunt Christum verum fuisse hominem, non tamen eiusdem naturæ nobiscum, quia (ut dicunt) Christus à patre missus, corpus cœleste secum traxit, nihilque de virgine accepit, sed per illam tanquam per rimam quandam aut per fistulam sine vlla carne de ea assumpta transijt. Huius erroris dux & magister fuit Valentinus.  
*Valentinus.* Huius erroris dux & magister fuit Valentinus, qui floruit tempore eodē quo Cerdon, ut ait Irenæus lib. 3. aduersus hæreses cap. 4. Apollinaris (ut Augustinus ait) etiam dixit Christum non assumpsisse carnem ex virgine: neque tamen ideo negabat Christum carnem habuisse: quoniam dicebat in ipso incarnationis opere aliquid verbi in carnem esse conuersum. Hic ex Laodicea Syriæ fuit ortus, floruitque sub Constantio filio Constantini maioris. Qui de illo plura nosse cupit, legat historiam tripartitā lib. 5. cap. 49. Hi ergo omnes quos enumerauimus hæretici conuenerunt in vnum aduersus dominum, & aduersus Christum eius, quoniam illi omnes etsi diuersis semitis incedant, ad hunc tamen scopum omnes tendunt, ut Christum verum & perfectum hominem, cuiusmodi nos sumus, negent: quapropter humanam naturam quæ sit eiusdem speciei cum nostra, ab illo separare contendunt. Contra hos ergo omnes simul pugnare oportebit. Cū enim ostenderit ex sacris literis Christum veram carnem ex virgine matre & non aliunde assumpsisse, quam carnem in sua propria substantia

substantia manentem, suæ deitati vniuit, salua vtriusque naturæ proprietate: omnes tunc hæretici præfati victi remanebunt. Sed ante omnia opus est, ne fortè in vanum laborauerimus, vt vnum hoc iaciamus fundamentum, veritatem humanæ naturæ in duabus substantijs consistere, corpore videlicet & anima rationali, nec aliud esse hominem quàm corpus & animā. Hoc ergo iacto fundamento, sic hostes nostros aggredimur. Christus est ex semine Abrahæ. non est autem semen Abrahæ secundum diuinitatem, vt clarissimè patet. erit ergo secundum humanitatem. At in humanitate nihil est aliud quàm corpus & anima. cum ergo anima non fiat ex propagine, vt supra contra Apollinarem euicimus: restat vt iuxta carnem sit semen Abrahæ. Si ergo caro eius est semen Abrahæ: conuincimus vt caro eius non sit de cœlo, quemadmodum Valentinus fabulatur. Si enim de cœlo secum corpus traxisset, fieri nequireret vt esset semen Abrahæ. Quod autem Christus sit semen Abrahæ, & ex semine Abrahæ secundum carnem natus: ostendit id quod in Genesi legimus dictum esse Abrahæ à Deo per angelum, *Ge. 22* Per memetipsum iuravi, dicit dominus, quia fecisti hanc rem, & non pepercisti filio tuo vnigenito: benedicam tibi & multiplicabo semen tuum sicut stellas cœli, & velut arenam quæ est in littore maris. Possidebit semen tuum portas inimicorum tuorum: & benedicentur in semine tuo omnes gentes terræ, quia obedisti voci meæ. Vt autem de intellectu horum verborum non contendamus, audiamus apostolum Paulum, qui in epist. ad Gala. illa verba in hunc modum declarat: Abrahæ dictæ *Gala. 3* sunt promissiones, & semini eius. Non dicit & seminibus eius, quasi in multis, sed quasi in vno, & semini tuo, qui est Christus. Præterea in epist. ad Roma. Paulus vocat Christum semen Dauid. Sic enim ait: Paulus seruus Iesu Christi, vocatus apostolus, segregatus in euangelium Dei, quod antè promiserat per prophetas suos in scripturis sanctis de filio suo, qui factus est ei ex semine Dauid secundum carnem. Vides hic expresse Christum iuxta apostoli sententiam factum esse ex semine Dauid. In eo autem quod addidit secundum carnem, innuere voluit aliam esse Christi naturam, nempe diuinam, secundum quam nō sit factus ex semine Dauid. Nam si sola fuisset in Christo humana natura, sufficebat dicere, qui factus est ei ex semine Dauid. Verū ne quid simile opinandi præbuisset occasionē, dixit: qui factus est ex semine Dauid secundum carnem, vt per hoc daret intelligere aliam



aliam esse in Christo naturam secundum quam non est factus  
 ex semine Dauid. Si ergo Christus est semen Abrahe, & factus  
 est ex semine Dauid secundum carnem, ergo Christus veram  
 carnem habuit contra Cerdonem & Manichæum: & nō de cœ-  
 lo, vt Valentinus dixit: aut ex elementis, vt Apelles: quoniam si  
 de cœlo traxit, aut ex solis elementis conflauit, non ergo de se-  
 mine Abraham, aut Dauid. Eodē argumento conuincitur Apol-  
 linaris dicens aliquid diuinitatis conuersum fuisse in carnem.  
 Omitto pro nunc quod illud fieri nullo pacto poterat, vt osten-  
 demus. Sed si fieri posset, factumq; fuisset, tunc Christus secun-  
 dum carnē non esset factus ex semine Dauid, sed ex aliquo dei-  
 tatis quod in carnem fuisset conuersum. Quando enim aliquid  
 conuertitur in aliud: illud aliud in quod cōuertitur dicitur fie-  
 ri ex illo quod in aliud conuersum est: vt gratia exempli cū  
 vinum vertitur in acetum, dicimus acetum factū ex vino præ-  
 existente. Si ergo aliquid diuinitatis conuersum fuit in Christi  
 carnem, necessarium erit vt dicatur carnem Christi factam esse  
 ex diuinitate: non ergo ex semine Dauid. Rursum beatus Mat-  
 thæus euangelista humanam Christi generationem edisserens  
 sic ait: Liber generationis Iesu Christi filij Dauid filij Abraham.  
 Abraham genuit Isaac, &c. Sequitur infra: Iacob autem genuit  
 Ioseph virum Mariæ, de qua natus est Iesus, qui vocatur Chri-  
 stus. Si Christus carnem veram nō habuit, vt dixit Cerdon: aut  
 carnem phantasticam habuit, vt mentitus est Manichæus: aut  
 de cœlo traxit, vt somniauit Valentinus: aut de solis elementis  
 conflauit, vt fabulatus est Apelles: quomodo Christus erit filius  
 Dauid, & filius Abraham, si carnem non habuit deriuatam ab il-  
 lis? Præterea si Christus nihil accepit ex virgine Maria, sed per  
 eam (vt ait Valentinus) quasi per fistulam transiit: quomodo ve-  
 rum erit quod ait Matthæus, de qua natus est Iesus, qui vocatur  
 Christus? & quod ait angelus Mariæ virgini iuxta Lucam: Ecce  
 concipies & paries filium, & vocabis nomen eius Iesum? Fi-  
 lius siquidem substantiam carnis accepit à matre, alioqui nec  
 de ea nasci diceretur, nec filius eius iure vocabitur. Quod si so-  
 lus per illam transitus sufficeret vt filius illius dicatur, vocabi-  
 mus eadem lege & menstruum mulieris filium eius, & vrinam,  
 aliæque superflua, quæ mulier ex se emittit. hoc autem fateri,  
 apertissima esset ineptia. Christus ergo qui & natus est de virgi-  
 ne gloriosa, & filius eius vocatur, substantiam carnis habuit ex  
 Mat. 1  
 Luc. 1  
 Gal. 4 ca. Sed clarius apostolus Paulus in ea quæ est ad Galatas epist.  
 hos

hos hæreticos reiicit dicēs, Cū venit plenitudo temporis, misit Deus filiū suum factū ex muliere. Si factus est ex muliere, ergo non ex cælesti materia, aut ex elementorū adunatione corpus accepit, sed ex ipsa muliere ex qua factus est. Nam si ex ea nihil accepit, qualiter ex ea fieri potuit? Accepit ergo corpus ex muliere ex qua factus est. Accedit ad hoc, quòd sapissime sanguinem Christi audimus nominatum in nouo instrumento: quod vere dici nō posset, nisi Christus veram carnis substantiam habuisset. Paulus enim ait in ea quæ est ad Ephesios epistola, Vos *Ephes.* eratis lōge, facti estis prope in sanguine Christi. Et in epist. ad Hebræos ait, Si enim sanguis hircorū & taurorum, & cinis vitu *Heb.* læ aspersus, inquinatos sanctificat ad emundationem carnis, quanto magis sanguis Christi, qui per spiritū sanctum semetipsum obtulit immaculatū Deo, emundauit conscientiam nostram ab operibus mortuis ad seruiendū Deo viuenti? Beatus *1. Pet. 1* etiā Petrus ait, Nō corruptibilibus auro & argento redēpti estis de vana vestratōuerfatione paternæ traditionis, sed precioso sanguine quasi agni incontaminati & immaculati Christi. Et *1. Ioan. 1* beatus Ioan. dicit: Sanguis Iesu Christi filii Dei emūdat nos ab omni peccato. Necessē est ergo, vt verā carnis substātiā habeat, qui verū dicatur sanguinē habere. Deinde ipsius Christi opera apertissime verā carnis substantiā testantur. Esurire, sitire, lassari, dormire, tristari, dolere, pati, crucifigi, mori, resurgere, euidenter humanū est. His autē omnibus Christum fuisse obnoxium, clarius est quā vt testimonio aliquo egeat, quod nunc in medium afferri oporteat. Præterea, cū passio sua instaret, ex *Mat. 16* tædio & horrore illius dixit, Spiritus prōptus est, caro autē infirma. Quibus verbis apertissime testatus est se carnem habere, cuius infirmitas in passionis tolerātia declarata est. Post resurrectionem etiam ob nullā aliā causā quadraginta dierū spatio in terris demoratus est, & cum discipulis conuersatus est colloquens, coābulans, conuescens, quā vt ostenderet veram carnis substantiam, & eundem quē crucifixum & mortuum viderant, resurre. illē cognoscerent. Vnde Lucas ait, Quibus & præbuit *Act. 1* seipsum viuum post passionem suā in multis argumentis, per dies 40. apparens eis. & loquens de regno Dei. Hac de causā dicit Thomæ de resurrectione incredulo, Infer digitum tuum *Ioan. 10* huc, & vide manus meas: & affer manum tuam, & mitte in latus meum, & noli esse incredulus, sed fidelis. Vulnus lateris, fixuras clauorum, & omnia recentissimæ passionis signa mon-

strabat, & palpanda praebebat, ut per hoc veritatem carnis post resurrectionem agnoscerent, quam moriendo cognouerant. Manifestissimis ergo scripturae sacrae testimoniis ostenditur Christum veram carnem habuisse. Eos autem qui illam in Christo negant, beatus Ioan. euangelista vocat Antichristos. Omnis spiritus (inquit) qui non confiteretur Iesum Christum in carne venisse, ex Deo non est, & hic est Antichristus. Ceterum quoniam Apollinaris dixit aliquid diuinitatis conuersum fuisse in carnem, hoc esse impossibile fieri opus est ut ostendamus, quauis per superiora argumenta sufficenter haec haeresis reuincatur. Deus enim immutabilis est. semperque in vno eodemque statu permanens, ipso attestante, qui per quendam prophetam ait, Ego Deus, & non mutor. Et Paulus de Christo loquens ait, Et tu in principio

*2. Ioan. 4* Domine terram fundasti, & opera manuum tuarum sunt caeli. Ipsi peribunt, tu autem permanebis, & omnes ut vestimentum veterascent, & velut amictum mutabis eos, & mutabuntur. tu autem idem ipse es, & anni tui non deficient. Est ergo simplex & incommutabilis natura deitatis tota semper in sua essentia, nec damnum sui recipiens, nec augmentum: ita ut nulla additione possit fieri maior, aut alicuius partis detractio minor. Si ergo (ut Apollinaris somniauit) aliquid deitatis conuersum fuisset in carnem, iam per illam conuersionem deitas esset minor, quoniam illa conuersione, facta aliquid deitatis deperderetur, illud videlicet quod in carne fuisset conuersum. Nam id quod in aliud vertitur, non manet in sua natura post talem versionem factam: ut cum vinum vertitur in acetum, post talem conuersionem non manet vinum in sua substantia. Quapropter esset necessario iuxta Apollinarem dicendum, in incarnatione verbi diuinitatem fuisse diminutam. Quod autem Apollinarius pro sui

*Ioa. 1* erroris confirmatione affert illud Ioannis. Verbum caro factum est, volens per hoc probare verbi substantiam conuersam fuisse in carnem, ex mera ignorantia procedit. Non enim opus est, ut quoties aliquid fit qualicumque: (ut ita dicam) factionis aut facturae modo, vnum conuertatur in aliud: potissimum quando illud quod fit, non simpliciter & absolute fit, sed aliquale tunc fit, quale prius non erat: ut gratia exempli, si lignum aliquod nunc albere incipit, dicimus tunc lignum fieri album, non quod lignum vertatur in albedinem, sed quod ligno manente eodem in sua substantia, recipiat in se albedinem, per cuius accessionem lignum est album. Similiter si corpus humanum alias frigidum accedat

cedat ad ignem, & calefiat, dicimus illud corpus fieri calidum, nec tamē ideo dicimus corporis humani substantiā verti in calorem, sed quod ipsa corporis humani substantia manēte corpus ipsum recipiat in se calorē, per cuius inhæsiōem corpus ipsum dicatur calidū. Ad hunc modū (si aliqua tam ineffabilis mysterii potest adaptari similitudo) cū dicimus, Verbum caro factū est, sic accipiēdum est qualiter dicimus, corpus sit calidū, ita vt nō intelligamus verbū aliquo pacto conuerti in carnem, sed quod verbi substantia sine vlla sui mutatione manēte: suscepit in se nostræ carnis substantiā, per cuius accessiōē verbū factū est caro, id est, carneū, vt ita loquar. Nam aliās si per hoc quod dicitur verbū caro factū est, esset intelligendū quod verbi substantia sit conuersa in carnē, oportebit eadē lege dicere Dei substantiā cōuersam fuisse in maledictiōē: quia Paulus dicit, Christus nos redemit de maledictō legis, factus pro nobis ma- *Gala. 3* ledictum. Hoc autem nefas est & horrendum fateri. Dictus est autem Christus factus maledictum, nō per talē cōuersionem, sed quia in cruce pependit, in qua omnis qui pendeat, maledictus vocabatur. Sed iam opus est vt de hac re ecclesiæ definitio *Deu. 21* nes afferamus. Conciliū Nicenū trecentorum & decem & octo *Cōcilium* patrum sub constantino celebratum, sic ait, Credimus in vnum *Nicenum.* Deū patrē omnipotentē, omnīū visibiliū & inuisibiliū conditorē, Et in vnū dominū Iesum Christū filiū dei de patre natū vnigenitū, hoc est de substantia patris, Deū verū de Deo vero, natum nō factū, hominūsiō patris, hoc est eiusdē cū patre substantiæ: per quē omnia facta sunt quæ in cælo & quæ in terra: qui propter nos & propter nostrā salutē descendit, & incarnatus est. Homo factus, passus est, & resurrexit tertia die, & ascendit in cælos, inde venturus est iudicare viuos & mortuos. Eos qui dicunt, erat quādo nō erat, & antequā nasceretur nō erat, & quia ex nullis subsistētibus factus est, aut ex alia subsistentia vel substantia dicunt esse, aut conuertibilē filiū Dei, anathematizat catholica & apostolica ecclesia. Hæc Concilium Nicenum. Ex cuius decreto omnes hæretici in præsentī errore & in præcedenti nominati, colliduntur & corruunt. Conciliū Ephesinum pri- *Cōcilium* mum ducetorum episcoporum sub Theodosio iuniore & Va- *Ephesinū.* lentiniano principibus celebratum, in principio, hoc est in ea epistola quam Nestorio misit, sic ait, Sequētes itaque omnium sanctorum patrum cōfessiōes, quas loquēte in eis sancto spiritu protulerunt, & intentioni quæ est in eorum intellectibus,



æquis vestigiis inhærentes, itaq; iter ambulantes regium, profitemur quod ipsum vnigenitū Dei verbum natum ex ipsa patris essentia, de Deo vero Deus verus, lumē de lumine, per quē omnia facta sunt siue in cœlis siue in terra, salutis nostræ causa descendens, ad exinanitionē sese dignatus est inclinare: natus autem & homo factus id est, carnem de virgine sancta suscipiens, eamq; propriam faciens, natiuitatem nostram ex vulua sustinuit, homo de muliere procedens, nec quod erat abiiciēs. Nam licet factus est in assumptione carnis & sanguinis, tamen etiam quod erat Deus natura scilicet & veritate persistens, nec carnem itaq; dicimus in naturam deitatis esse cōuersam, nec in substantiā carnis inseparabilem Dei essentiā cōmutatam. Hęc Concilium Ephesinū. Et eandem sententiā profert Concilium Chalcedonense sub Martino imperatore & Leone papa huius nominis primo: qui quidē Leo in epistola quadam ad Astorigensem episcopū, quæ est septuagesima prima, in qua Priscillianistarum errores dānat, sic, inquit: Quarto autem cap. continetur, quod natalem Christi, quē secundum susceptionem veri hominis catholica ecclesia veneratur, quia verbum caro factū est, & habitauit in nobis: non vere isti honorent, sed honorare se simulent, ieiunantes eodē die, sicut & die dominico, qui est resurrectionis dies: quod utiq; ideo faciunt, quia Christum dominum in vera hominis natura natū esse non credunt, sed per quandam illusionem ostentata videri volunt quæ vera nō fuerint, sequentes dogma Cerdonis atque Marcionis, & cognatis suis Manichæis per omnia concordātes: qui, sicut in nostro examine detecti atque conuicti sunt, dominicum diem, quem nobis saluatoris nostri resurrectio consecrauit, exigunt in mœore ieiunii: soli (vt proditum est) reuerentiæ hanc continentiam deuouentes, vt per omnia sint à nostræ fidei vnitate discordes: & dies qui à nobis cum lætitia habetur, ab illis in afflictione ducatur. Vnde dignū est, vt inimici crucis Christi & resurrectionis, talem accipiant sententiā, qualem elegere doctrinam. Hactenus Leo papa, vir quidem sanctus iuxta ac doctus. Conciliū Ispalense secundum, cap. 13. decretorū suorū ac gestorū eandem definitionem de hac re profert. Quorum duorū conciliorum verba nunc prætereo: quoniam pro expugnatione quartæ hæresis, quā de hac materia prodemus, iterū à nobis erunt repetenda. Quapropter qui huic negotio voluerit adaptare, legat quartum huius tituli errorem, & eius expugnationem, quoniam

niam valde vicinus est huic. Sed opus est vt aduersariorū obiectionibus respōdeamus. Valentinus nanque ideo ait Christum de cœlo carnē traxisse, quia Paulus ait, Primus homo de terra terrenus, secundus homo de cœlo cælestis. Cui obiectioni respondemus, fatētes id quod Paulus ait, Christū videlicet hominem cælestē esse & fuisse, nec tamen ideo dicendū est carnem eius esse cælestē. Ad hoc enim vt vere homo cælestis dicatur, sufficit vt natura diuina, in qua subsistit, cælestis sit, sicut ex opposito ad hoc vt filius Dei passus & mortuus dicatur, sufficit vt natura humana, in qua etiam cū natura diuina subsistit, passa fuerit & mortua. Propter vnionem siquidē illarum duarū naturarum in vno supposito, quicquid de qualibet illarū seorsum prædicatur, illud idem dicitur de supposito, in quo ambæ subsistunt, quāuis non eodem prædicationis modo: quia si aliquid de natura dicitur in abstracto, nō oportet sic dici de supposito, sed in cōcreto: vt gratia exēpli, Christus non vere dicitur humanitas, sed vere dicitur homo. Quapropter Christus dicitur omnipotens, quia illud naturæ diuinæ competit: dicitur infinitus, eadem ratione: dicitur etiam infirmus, dicitur finitus, quia hæc naturæ humanæ sunt propria. Hac ergo de causā Christus dicitur homo cælestis, quia secundū naturam diuinam est cælestis: quomodo Adam dictus est terrenus, quāuis anima eius ex qua etiam sicut ex corpore cōponitur, sit cælestis. Itaq; Paulus Christo dedit nomē à principali natura, cum vocauit eum cælestem: Adæ vero dedit nomen à minus principali, vocans eum terrenum. Manichæus autem sic obiicit, Paulus de Christo loquens ait: In similitudinem hominū factus, & habitu inuentus vt homo. Si Christus in similitudinē hominū factus est: ergo nō est verus homo. Quæ argumentatio omnino est inanis, & ex falsa imaginatione procedens, ex hoc videlicet quod credit vnū hominem non esse alteri similem etiā secundū substantiam: quod maxime falsum est, & à modo loquendi sacræ scripturæ valde alienum: quoniā etsi Aristoteles dicat similitudinem fundari in qualitate, & nō in substantia, tamen sacra scriptura nō est alligata regulis Aristotelicis, quæ sæpenumero vocat similia illa quæ sunt eiusdē speciei. Sapiēs nanq; ait: Omne animal diligit sibi simile, Et iterum: Omnis caro ad simile sibi coniungitur. Et expressius de homine dicit Deus, Faciamus adiutoriū simile sibi, de Eva loquēs quæ similis est Adæ, cō quod eiusdē speciei est cū illo. yterq; enim homo. Et in eodem libro

1. Cor. 15

Gal. 4

Eccle. 15

Gene. 2

ibidem. 5

parum infra: Vixit autem Adam 130. annis, & genuit filium ad imaginem & similitudinem suam, vocauitq; nomen eius Seth. Cum ergo Seth factus sit ad similitudinem Adæ, oporteret iuxta argumentationem Manichæorum, vt Seth homo nō esset, quia similis est homini. Illa ergo quæ eiusdem speciei sunt, similia esse dicuntur: qui modus loquendi etiam ab ipsa philosophorum doctrina non est omnino alienus. Iuxta hunc ergo modum Christus cum sit verus homo, dicitur in similitudinē hominum factus, quia humanam suscepit naturam, quæ eiusdem est speciei cum nostra. Contra hunc errorem scripsit beatus Athanasius vnum librū de incarnatione verbi, in quo duas Christi naturas ostendit. Beatus Ambrosius scripsit alium librum de incarnationis dominicæ sacramento, in quo ferme omnes quos hic enumerauimus errores commemorat, & expugnat. Beatus etiam Cyrillus Alexandrinus episcopus librū elegantem fecit, quem prætitulauit de recta fide ad Theodosium principem, in quo varios hæreticorum errores de incarnatione Domini recenset & conuincit.

Tertia hæresis de incarnationis dominicæ mysterio est, quæ duas ponens in Christo naturas, duas etiam dicit esse personas, vnā diuinitatis, aliam humanitatis: nec vnum Christum in deitate & humanitate sentit, sed separatim atq; seicctim alterum docet esse filium Dei, alterum filium hominis, quem dicit etiam appellari Christum: quapropter virginem Mariā nō Dei, sed hominis tantum matrē appellat. Deniq; Christū esse tantum hominē dicit, non autem Deum, sed in quo Deus speciali quadam prærogatiua habitaret: atq; ideo Christum dicit vocari Emmanuel, quod interpretatur nobiscū Deus: non quia simul sit Deus & homo, sed quia in humanitate diuinitas habitaret: quapropter Christum non Deum, sed deiferum appellat.

*Nestorius.*

Huius hæresis authorem omnes produnt fuisse Nestoriū Constantinopolitanū episcopum, qui, vt Genadius ait: & ex lib. 12. historię tripartitæ cap. 4. cōstat, fuit tempore Theodosi iunioris. Verū beatus Ambro. in lib. de incarnationis dominicæ sacramento cap. 6. huius erroris mentionē facit tacito illius erroris autore. At beatus Ambrosius nō paruo tempore Nestoriū præcessit, quoniā beatus Ambrosius tempore Theodosij maioris archiepiscopus fuit Mediolanensis: nam Theodosiū propter crudelitatem Thessalonicæ ab eo factam excommunicauit, & illi ingressum ecclesiæ prohibuit. Hic autē Theodosius, pater

pater fuit Arcadij imperatoris. Arcadius verò pater Theodosij junioris fuit, sub quo fuit Nestorius: quapropter miror quod omnes huc errorē tribuāt Nestorio tanquā primo illius authori. Fieri tamē potuit, vt quāuis alius ante eū hoc asseuerauerit, nō tamen ita publicē vt Nestorius, quapropter latius sub Nestorio hæc hēresis fuerit diffusa, & ab illo nomē hac ratione suscipiens, Nestoriana hēresis fuerit appellata. Post Nestoriū iam defunctū, atq; in cōcilio Ephesino condemnatū, suscitauit eūdem errorē Petrus Gnaphæus Antiochenus episcop. qui duas Petrus  
Gna-  
phæus. personas in Christo ponens, ausus est in angelico hymno, qui trisagion à Græcis vocatur, quartā superaddere vocem dicens, Sanctus Deus, sanctus fortis, sanctus & immortalis, sanctus qui crucifixus est. vt sanctum fortē, quo nomine filius Dei designatur, alium faceret ab eo qui crucifixus est. Hic autē Petrus Gnaphæus condemnatus est in quinta Synodo Constantinopolitana. Hæc hēresis satis iam cōfutata relinquitur ex confutatione primæ hēresis quā de hac re narrauimus & reiecimus: quoniam vt satis patet, Nestorij hēresis coincidit cum errore Pauli Samosatēni & Photini & aliorum impiē sentientium Christum fuisse purum hominem, & virginem eius matrē fuisse matrem puri hominis. Quapropter cum illic ex apertis scripturæ testimoniis ostenderimus Christum verum fuisse Deum, & in secundæ hēresis expugnatione docuerimus Christum esse verum hominem: satis inde (vt existimo) reiicitur Nestorius. Verum quoniam duas nobis contendit facere personas, vnā quæ sit Deus, aliam quæ sit homo: & quæ propria sunt Deo, vni personæ attribuit in sola natura diuina existenti: & quæ propria sunt hominis, personæ in sola humana natura existenti accommodat: ideo hoc nobis probandum restat, eundem esse Christum, qui sit Deus, & qui sit homo: ita vt vnus & idem sit Deus, & homo. Primo ergo, virgini Mariæ petenti ab angelo modum Luc. 1 iuxta quem conceptura esset filium, angelus respondit, Spiritus sanctus superueniet in te, & virtus Altissimi obumbrabit tibi: ideoque & quod nascetur ex te sanctum vocabitur filius Dei. Quibus verbis apertissimē eiusdem Christi humanam diuinamque naturam expressit. Cum enim dixit, ex te nascetur, proprietatem humanæ naturæ de matre sumendam declarauit. Cum autem dixit sanctum, ostendit quod sine contagione carnalis cōcupiscentiæ gigneretur. Dicens verò, vocabitur filius Dei, clarissimē ostēdit naturæ diuinæ pro-



prietatem. Quæ omnia cū angelus dixerit virgini glorioſæ de filio quem ipſa conceptura & paritura erat, conſtat filium virginis eundem eſſe qui & filius Dei: conſtat etiam illam, matrem Dei meritò dici debere. Nam ſi filius virginis Mariæ, filius Dei eſt, & Deus, fieri vllō pacto nequit vt virgo mater Dei non ſit. Præterea cū virgo glorioſa iam prægnās Elizabet cognatam ſuam viſitaret, eadem Elizabet ſpiritu ſancto repleta exclamat dicens: Vnde hoc mihi, vt veniat mater Domini mei ad me? Vides hic qualiter Elizabet vocat virginem glorioſam matrem Dei? Nam quis alius dominus præter Deū? Ille enim ſolus dominus, ille ſolus altiſſimus. Magis ergo oportet credere Elizabet ſpiritu ſancto repletæ, quæ virginē matrem Dei nominat, quā Neſtorio, qui ſpiritu diabolico agitatus negat eā matrem Dei. Rurſum, ipſemet Chriſtus ait: Nemo aſcendit in cœlum, niſi qui deſcendit de cœlo, filius hominis qui eſt in cœlis. Quibus verbis vtrunque naturam in vna perſona expreſſit, quoniam cū ſe filium hominis dicat, de cœlo tamen ſe deſcendiſſe aſſerit: quia iuxta naturam diuinā à patre qui eſt in cœlis originē trahens, ad noſtræ humanitatis ſuſceptionē ſe inclinavit. Deinde Paulus plurimis in locis hoc clariſſimè docet. In epift. ſiquidem ad Rom. ait: Paulus ſeruus Ieſu Chriſti, vocatus

**Ibidem.** Apoſtolus, ſegregatus in euangelium Dei, quod antè promiſerat per prophetas ſuos in ſcripturis ſanctis de filio ſuo, qui factus eſt ei ex ſemine David ſecūdū carnē. Ex quibus verbis duo colliguntur notatu digna, noſtro propoſito deſeruientia. Primò,

**2. Cor. 4.** Paulus dixit euāgelium Dei. Et cū alibi dicat, Nō enim nos ipſos

**1. Cor. 2.** prædicamus, ſed Chriſtū Ieſum. Et alibi, Non enim me iudicavi aliquid ſcire inter vos niſi Ieſum Chriſtū, & hunc crucifixū: conuincitur inde, Chriſtum eſſe Deum. Paulus prædicat euangelium Dei, & non prædicat niſi Ieſum Chriſtū crucifixū, Ieſus Chriſtus ergo Deus. Quòd ſi adhuc cōtentioſè veritati reſiſtēs, dicat aliū eſſe qui ſit Deus, & aliū qui ſit crucifixus: videat ſecūdū quod Paulus dicit de filio Dei. Qui factus eſt, inquit, ei ex ſemine David ſecūdū carnem. Nā illud pronomeſ relatiuū qui, facit vt quæ ſequentur, eidē accōmodentur perſonæ quā ſignificat nomen illud cuius fecit relationē. Si enim diceres, Ariſtoteles docuit mundū caruiſſe initio, qui dixit etiā eum cariturū ſine: quis adeò demens eſt, vt per hæc verba duos Ariſtot. intel ligat, vnū qui docuerit mundū ſine initio, aliū qui dixerit mundum ſine ſine? Eundē enim Ariſtoteleſ fuiſſe, qui illa docuerit,

illis

illis verbis designatur. Relatiuum nanq; est quasi quædā eiusdem nominis repetitio. Cū ergo Paulus dixit de filio Dei, Qui factus est ei ex semine Dauid secundum carnem, non potest alicui alteri adaptari, quā eidē filio Dei. Est enim ac si dixisset, Et ille idem filius Dei factus est ex semine Dauid secundū carnem. Vna est ergo eadem persona, quæ filius Dei est iuxta naturam diuinam, & facta est ex semine Dauid secundum carnē. Eadē consequentia conuincit id quod in epistola ad Philip- Phil. 2 pentes ait: Hoc sentite in vobis quod in Christo Iesu: qui cū in forma Dei esset, nō rapinam arbitratus est esse æqualē Deo. Certum est illud pronome qui vnam Christi personam referre, nō duas. Nam si duas referret, numeri esset pluralis, & verbū illi responderet pluralis numeri: cū autem verbo singularis numeri iungatur, constat vnam illud tantū personam referre, non duas. Si vnam refert: quæro vtrum diuinam, aut humanam? Si humanam, tunc sequitur vt humanitas Christi æqualis sit diuinitati: quia Paulus ait: Qui cū in forma Dei esset, non rapinam arbitratus est esse æqualem Deo. Quod si personam illam quæ in sola natura diuina existit, dicas pronomen referre: tunc qualiter conueniunt quæ Paulus vno orationis contextu, subiungit dicens: Sed semetipsum exinaniuit formā serui accipiens, in similitudinem hominum factus: & habitu inuentus vt homo, humiliavit semetipsum factus obediens vsq; ad mortē, mortem autem crucis? Tunc enim oporteret vt natura diuina crucis mortē sustinuerit, quod aperta est blasphemia. Vt autem hæc omnia incōmoda euitemus, necellārium est iuxta veram fidē fateri duas esse naturas in Christo in vnitāte personæ, quæ persona iuxta naturam diuinam æqualis est patri, secundū quā Ioan. 10 ait: Ego & pater vnum sumus, secundum humanā naturam mi- Ioan. 14 nor est patre, secundum quam ait: Pater maior me est. Secundū diuinā est immortalis, Secundū quā ait: Ego sum resurrectio & Ioan. 11 vita. Secundū humanā fit obediēs vsq; ad mortē, mortē autē crucis: secundū quā ait: Veruntamē nō sicut ego volo, sed sicut tu. Et epi. ad Gal. ait: At cū venit plenitudo tēporis, misit Deus Mat. 26 filium suum factū ex muliere. Ecce hic apertissimē Paulus di- Gal. 4 cit filium Dei factum ex muliere. idem ergo filius Dei est, & filius mulieris, quoniā ex ea factus esse dicitur. Et in priore epist. ad Corinh. hoc expressius decet, dicens, Si enim cognouissent, 1. Cor. 2 nunquam Dominum gloriæ crucifixissent. Nihil apertius contra Nestorium dici potuit: cū dicat Dominum gloriæ, hoc

est Deum fuisse crucifixum. Vnus ergo idem est qui crucifixus est, & mortuus est, & qui Deus & dominus gloriæ est. Multa alia scripturæ testimonia possem afferre, quæ breuitati studens omitto. Sed vno tantum argumento iam aduersus Nestorium agam. Et percontor ab eo, an credat filium Dei incarnatū fuisse, an prorsus neget? Si negat filium Dei incarnatum, contradicit Ioanni dicenti, Verbum caro factum est, & contradicit fidei

**Ioan. 1** Niceni concilij dicentis de filio Dei, Qui propter nos & propter nostram salutem descendit, & incarnatus est, & homo factus, passus est. Si verò (vt decet) concedit filium Dei incarnatum: ipso incarnationis nomine duas innuit apertè naturas, vnam quæ incarnata est, & aliam qua incarnatus est. Non enim seipsa natura deitatis incarnata est, sed natura carnis incarnatā esse oportet. Vt ergo filius Dei incarnatus dicatur, oportet vt filius Dei carnem in se habeat. Quòd si alia esset persona carnis, alia deitatis, nullo pacto posset dici incarnatus. Nunquā enim aliquid dicitur tale per qualitatem existentem in alia persona. Quis adeò esset demens, vt diceret Petrum esse album propter albedinem inhærentem Ioanni? Sic etiam fieri non potest, vt filius Dei dicatur incarnatus propter carnem existentem in alia persona, sed propter carnem quam habet in vnitatem sui suppositi sibi vnitam. Nunquam etiam diuersarum naturarum nomina dicuntur de se inuicem nec in concreto, nec in abstracto, nisi illæ duæ naturæ insint eidem personæ: vt gratia exempli, nisi albedo & frigiditas insint eidem supposito, nunquam album diceretur frigidum, Quamuis enim albedo inhæreat lacti, & frigiditas ferro, nunquam album diceretur frigidum. Si tamen albedo & frigiditas reperiantur in niue, tunc meritò dicimus album esse frigidum. Sed homo dicitur Deus, & in ea quæ sunt propria hominis, dicuntur de filio Dei: & ea quæ sunt propria Dei, dicuntur de filio hominis. ergo filius hominis, & filius Dei, vna est persona. De illo enim dicitur, In principio erat verbum, & verbum erat apud Deum, & Deus erat verbum: per quod natura ostenditur diuina. De eodem etiā dicitur, Et verbum caro factum est: vt per hoc natura demonstraretur humana. De illo dicitur. Omnia per ipsum facta sunt, & sine ipso factum est nihil. quod proprium est Dei. De eodem dicitur quòd factus sit ex muliere, quod proprium est hominis. Magieum adorant, quod soli Deo debetur: sed in præsepio reclinatum inueniunt, & matris vbera sugentem, quod ad hominem pertinet. Infan-  
tia

tia paruuli ostenditur humilitate cunarum, maiestas diuinitatis declaratur vocibus angelorum. Quem sicut hominem diabolica tentat astutia, eidem tanquam Deo angeli ministrant. Qui lassatus ex itinere velut homo sedit supra puteum, idem clamat & dicit, Venite, ad me omnes qui laboratis & onerati estis, & ego reficiam vos. Qui sitiens velut homo, petit à Samaritana potum, idem velut Deus dicit, Si scrires donum Dei, & quis est qui petiti à te bibere, tu forsitan petisses ab eo, & daret tibi aquam viuam, de qua qui biberit, non sitiet iterum. Qui esurit velut homo, idem velut Deus de quinque panibus & duobus piscibus satiauit quinque millia hominum. Qui miserationis affectu velut homo deflet amicum mortuum, idem sublato lapide quadriduanæ sepulturæ velut Deus excitat rediuuium. Is qui velut homo cruci affixus erat, idem velut Deus latroni paradysum promittit, lucem in tenebras conuertit, & omnia elementa tremere facit. Licet tamen vnus & idem sit in duabus naturis, aliud est quod illi debetur iuxta maiestatem diuinitatis, aliud quod dispensatiuè habuit iuxta humilitatem humanitatis. In vno coruscat miraculis, iuxta aliud succumbit iniuriis. Et sicut secundum diuinitatem ab æqualitate paternæ gloriæ non recessit, ita iuxta humanitatem, naturam nostri plasmatis non reliquit. & licet aliquando nominetur vni tantum naturæ nomine, non propterea intelligendum est alteram ab illo excludi, vt gratia exempli si dicatur, filius hominis tradetur gentibus ad illudendum, flagellandum, & conspuendum: quia ibi solum nominatur filius hominis, non propterea credendum est filium Dei non fuisse traditum, sed personam in sola humana natura existentem. hoc enim esset absurdum. Nam & filius Dei patitur, & filius hominis patitur: quia idem est filius Dei, & hominis. Cum autem dicitur filius Dei, aut filius hominis: & si ibi in qualibet voce vna tantum exprimitur natura, duæ tamen dantur intelligi duplici ratione. Vna, quia vox illa filius hominis, aut illa filius Dei, non est nomen naturæ, sed nomen suppositi, in quo cum sint duæ naturæ, ambæ dantur intelligi, quia per nomen suppositi datur intelligi totum suppositum prout est. At cum sit in duabus, & si non explicetur nisi vna, tamen per hoc separatur ab altera. Altera ratio est, quia sæpe nomine partis datur

Ioan. 4

Ioan. 6

Ioan. 11

Luce. 13

tur



tur intelligi totum , & nomine vnus naturæ datur intelligi totum suppositum in duabus naturis subsistens: vt gratia exempli, homo res quædam est ex duabus naturis admodum diuersis composita , corpore videlicet & anima , & tamen nomine vnus illarum sæpe totus homo denotatur , quem modum lo-

**Gen. 46** quendi non abhorrent sacræ literæ. In Genesi etenim cum numerantur omnes qui cum Iacob ingressi sunt in Aegyptum, sic legimus , Cunctæ animæ quæ ingressæ sunt cum Iacob in Aegyptum, & egressæ sunt de femore eius, absque vxoribus filiorum eius, sexaginta & sex. Et post pauca iterum, Omnes animæ domus Iacob quæ ingressæ sunt in Aegyptum, fuere septuaginta. Ecce hic vides nomine animæ totum hominem designari. Vide etiam eum nomine carnis significatum. Non permanebit (inquit Deus) spiritus meus in homine in æternum , quia caro est. At caro nomen est proprium alterius tantum naturæ duorum ex quibus homo componitur. Quod si hoc bene considerasset Nestorius, nunquam in tam impiam lapsus fuisset hæresim, duas personas distinguens propter duas quas cognoscebat naturas. Nam ex rebus creatis posset quodammodo in tam admirabilis sacramenti cognitionem peruenire. Nam homo etsi duas naturas habeat valde diuersas, vna tamen est persona , diuersas denominationes suscipiens propter diuersitatem naturarum, quoniam mortalis dicitur, & hoc propter solum corpus quod moritur , quâuis anima immortalis sit. Dicitur etiam intelligens ratione animæ , quæ sola in homine intelligit. Dicamus cum catholica ecclesia sentientes , Christum Dei filium duas habere naturas, diuinam videlicet & humanam, inconfusas in vnitæte suppositi, sine vlla earum mixtione vnitas , ita vt vnus & idem sit Dei filius, & hominis filius. Qui verò aliter sentit, vt duos faciat filios, vnum hominis, alterum Dei , est Antichristus, vt Ioannes Euangelista ait: Omnis (inquit) spiritus qui soluit Iesum, ex Deo non est, & hic est Antichristus. Quâquam in codicibus Græcis nõ sic habeatur, sed sic, Omnis spiritus qui non confitetur Iesum in carne venisse , ex Deo non est. Verum hæc lectionis varietas vt alia sit apud Latinos, quàm apud codices græcos nunc reperiatur , inde euenit, quod, vt ait historia tripertita lib. 12. cap. 4. heretici hunc sensum ex veteribus exemplaribus abstulerunt, qui volebant separare ab hominis dispensatione diuinitatem, itaq; raserunt id quod illis apertissimè obuiabat , sicut aliàs sæpissimè eos fecisse constat. Sed Erasmus

Roterod

Roterodamus vir certè ad nauseam doctus, & de bonis literis bene meritus, in suis Annotationibus super nouum testamentum editis, suspicatur hanc particulam quæ nunc in latinis codicibus habetur, aduersus hæreticos esse additam, quorum alij Christo sic tribuebant humanam naturam, vt adimerent diuinam: alij sic tribuebant diuinam, vt adimerent humanam. Hanc autem suam suspicionem cum aliquo modo confirmauerit Erasmus, non tamen sic eam mordicus tenet, quin liberum dimittat cuilibet suum iudicium, vt sentiat prout velit. Quapropter iuxta libertatem ab eo donatam loquens, dico magis consonum esse particulam illam non esse additam. Primo, quia etsi ecclesia hanc habeat consuetudinem, vt propter nouas hereses insurgentes, nouas effingat voces, nunquam tamen reperietur vt in sacris literis aliquid addiderit minueritve. Sed fortè dicet hoc non ab ecclesia additum, sed ab aliquibus doctis viris, quod postea successu temporum sic ab omnibus susceptum est. Esto. Verum hoc negari non potest, authores illos à quorum fragmentis in vnum confarcinatis historia illa tripertita nomen accepit, Græcos fuisse, & græcè scripsisse, qui è græco in latinum per Epiphanium Scholasticum hortatu Cassiodori versi sunt. At author ille vnde hoc sumptum est, dicit in antiquis exemplaribus sic haberi, Omnis spiritus qui soluit Iesum, ex Deo non est. Non ergo apud solos Latinos sic habetur, sed apud Græcos sic tunc habebatur. Fieri ergo potuit vt antiqua exemplaria perderentur, & supersint illa sola quæ ab hæreticis deprauata sunt, & quæ ab illis exemplaribus fuere transcripta. Præterea idem author historię dicit veteres interpretes hoc ipsum defignasse, quod aliqui adulterarint hanc epistolam, soluere hominem à Deo volentes. Authorem verò illum vnde hoc sumptum est, constat esse Socratem, quoniam à principio vndecimi libri vsque ad finem duodecimi, in quo ista narrantur, nullus alius intitlatur quàm Socrates, qui, vt constat ex vltimis verbis historię, tempore Theodosij iunioris fuit, quo tempore etiã fuit Nestorius. Rursus, beatus Leo papa huius nominis primus, in epistola ad Flavianum Constantinopolitanum episcopum, contra Euticetem hæreticum agens, verba illa adducit, Omnis spiritus qui soluit Iesum, ex Deo non est. Leo autem hic valde vicinus fuit Nestorio, imò (vt conijcere possum) coæuus, quanuis fortè non fuerit Papa tempore Nestorij: quoniam Nestorius tempore papæ Cælestini fuit, sub quo celebratum est cõsiliū  
Ephesi

Ephesinum, in quo damnatus est Nestorius. Cælestinus autem (ut Platina testatur) præfuit ecclesiæ annis octo, mensibus decem. Post Cælestinum præfuit eidem vniuersali ecclesiæ Sixtus tertius, annis octo. Post istū successit Leo, de quo nunc agimus, qui particulā illam, prout nos nunc habemus, citat. Quod si illa fuisset tunc addita, non fuisset adeo demens ut contra hæreticū agens testimonio suppositio aut addito vteretur. Quapropter mihi magis placet, ut dicamus illam esse veram literā quam nunc codices Latini retinent, & Græcos codices fuisse, prout historia tripartita refert, ab hæreticis deprauatos. Et ita hoc testimonio Ioannis adiuti, dicimus Nestorium de spiritu Antichristi fuisse, quoniam omnis spiritus qui soluit Iesum, ex Deo non est, & hic est Antichristus. Quis autem est qui verius soluit Iesum, quā Nestorius, qui diuinā à Christo separat naturam, duas ponens personas, vnā deitatis, aliam carnis? dissoluens illum admirabilem nexum vtriusq; naturæ in vnitāte suppositi. Contra hanc hæresim est concilij Ephesini definitio, in quo post multa quæ illic contra Nestoriū ex sacræ scripturæ testimonijs definiuntur, sic decernitur. Igitur quia Deum carne vnitū iuxta subsistentiam, sancta virgo corporaliter peperit, idcirco eam Dei genitricem esse profiteamur, non quod verbi natura existēdi principium de carne sortita sit, erat enim in principio verbum, & Deus erat verbum, & verbū erat apud Deum, & ipse conditor seculorum patri coæternus, & vniuersitatis conditor, sed quod ut superius diximus, iuxta subsistentiā sibi met vniens humanam naturam, natiuitatem sustineret ex ipsa vulua corporea. Hæc concilium Ephesinum. Contra hanc hæresim scripsit beatus Cyrillus in libro de recta fide ad Theodosium, in quo libro contra plures hæreticos disputat, præcipue tamen contra hanc Nestorij hæresim. Gelasius Papa scripsit etiam aduersus Nestorium & Euticerem librum de duabus naturis in vna persona. Ioannes papa alium paruum libellum de eadem re edidit. Gennadius etiam scripsit aduersus Nestorium, sed huius opus nō vidi. Ioannes Cassianus etiam scripsit opusculum de incarnatione verbi contra Nestoriū, quod nunc recens est in Germania excusum.

Quarta hæresis est huic præcedēti omnino opposita, & quodammodo declinat ad secundam hæresim. Hæc autem quarta hæresis dicit vnā esse personam Christi, & in hoc bene cōtra Nestorium: sed sicut Nestorius propter duas quas videbat in Christo

Christo naturas, duas etiam dixit personas, ita etiam hæc hæresis propter vnam quam fide tenebat esse Christi personam, cogitur ex ignorantia vnam tantum in Christo ponere naturam, videlicet diuinam. Quia tamen videbat aperta sacræ scripturæ testimonia probantia Christum veram carnem habere, secundum quam natus sit de virgine, & pro nobis passus & mortuus, dicit & faretur filium Dei esse incarnatum, sed in ipso incarnationis momento carnem fuisse cōuersam in diuinitatem.

Huius erroris author extitit quidam Eutices abbas cuiusdā monasterij in Constantinopoli tempore Leonis Papæ huius nominis primi, & Martiani Imperatoris. Hic Eutices dixit Christū vnam tantum habuisse naturam, videlicet diuinam, sicut vna erat persona: quia etsi fateretur verbi incarnationem, post illā tamen vnionem dicebat carnem fuisse conuersam in deitatem, & ita secundum eum factum est vna carnis deitatisque substantia: quapropter coactus fuit concedere Christum fuisse passum secundum naturam diuinam, quia per incarnationem carnis substantia, vt dicebat, fuerat in substantiam diuinitatis cōuersa. Hanc hæresim cum Flauianus Constantinopolitanus Episcopus damnasset cum Euticete illius authore, ortum est hac de causa aliquod dissidium inter Christianos orientales, quibusdam defendentibus Euticetem, alijs eum damnantibus.

Quapropter annuente Imperatore Theodosio iuniore Synodus Ephesina indicitur, in qua præsidete Dioscoro Alexandrinæ vrbs episcopo, eodem Euticetis errore, vt postea patuit, infecto, Eutices restituitur, & Flauianus damnatur. Et hæc vocatur secunda Ephesina synodus, quæ à catholicis omnibus velut execranda & maledicta reiicitur, quoniam nec summi pontificis autoritate celebrata, nec ad eam ex ecclesia catholica factus est generalis conuentus, sed solis hæreticis conuenientibus definitum est tale venenosum dogma. Post hunc Euticetem, & Dioscorum illius fautorem, paruo tempore elapso surrexerunt alij hæretici dicti Acephali, sic nominati quoniam simul insurgentes, nullus repertus est qui illorum esset princeps atque magister. Hi duas in Christo negabant naturas, sed vnam tantum affirmantes, videlicet diuinam, eandem dicebant fuisse crucifixam. Et quoniā in Chalcedonensi cōcilio huius oppositum fuerat definitum contra Euticetem & Dioscorum, hi nolunt acquiescere definitionibus eiusdem Chalcedonensis concilij. Hæc hæresis, si bene quisque considerauerit, ab expugnatione

Eutices.

Dioscorus

Acephali.

trium



trium præcedentium hæresum manet expugnata. Probato siquidem, ut iam probauimus, in Christo duas esse naturas, diuinam videlicet & humanam in vnitate personæ: conclusum tunc est contra istos qui vnā tantum naturam astruunt. Sed quoniam modum & rationem vnius tantum naturæ asserunt, dicentes substantiam carnis fuisse conuersam in diuinitatem, & diuinitatem dicunt passam in cruce esse: hæc duo sunt à nobis pro viribus Deo duce explodenda, vtram nefanda blasphemia non audiat. Si Christus vnā tantum habet naturam, aut illa natura est omnino simplex sine vlla cōpositione, aut est natura composita. Si natura illa vnica quam dicunt esse in Christo, est simplex sine vlla cōpositione, & illa natura est diuina, erit ergo Christus tantum Deus, & non homo. nō enim fieri potest ut homo dicatur, qui naturam non habet humanam, sicut album non potest dici quod non habet albedinem. Hoc autem in expugnatione secundæ hæresis reiecimus, vbi probauimus Christum verum fuisse hominem. Et reuera hæc Euticetis hæresis valde conformis est hæresi Valentini aut Apellis aut Manichæi, quoniam is Eutices (ut Flavianus Constantinopolitanus episcopus ait in epistola quam Leoni papæ huius nominis primo misit prodens Euticetis errores) dixit carnem domini non esse nobis consubstantialem tanquā ex nobis susceptam, & coadunatam Dei verbo, sed dicebat virginem quæ eum genuit, secundum carnem consubstantialem nobis esse, ipsum autem dominum non suscepisse carnem ex ea consubstantialem nobis. Quæ omnia iam impia & absurda esse superius conuicimus. Si autem illa natura quam in Christo ponūt, non sit simplex, sed composita, ut puta tertia quædam ex duabus coalita, tunc sequeretur patrem & spiritum sanctum esse incarnatos, & virginem Christi matrem esse Deum & hominem simul: quæ omnia sunt hæretica. Quod tamē oporteat eos ista concedere, sic conuincimus, quoniam Christus Dei filius, ut catholica confitetur ecclesia iuxta definitionem Niceni concilij, consubstantialis est patri, id est eiusdem cum illo substantiæ & naturæ. Si ergo filius Dei, ut isti heretici dicunt, per vnicā quam solum habet naturam, incarnatus dicitur, & homo appellatur: ergo pater, qui eandem habet naturam quam filius incarnatus etiam dicitur, & homo vocabitur. Et eodem modo potest argui de spiritu sancto, quia spiritus sanctus, ut in concilio Constantinopolitano primo ecclesia definiuit, eiusdem est cum pa-  
tre &

tre & filio substantiæ: quapropter eadem ratione dicitur spiritum sanctum fuisse incarnatum, & esse hominem. Quæ omnia esse erronea, nullus est fidelis qui non videat. Et quoniam (ut suspicari possum ex dictis Gelasii papæ contra Euticetem scribentis) hoc modo posuit Eutices vnā in Christo naturam quasi compositam, & velut tertiam ex duabus resultantem, quoniam Eutices dicebat ante incarnationem duas fuisse naturas, sed post incarnationem vnā tantū mansisse naturam, quia tunc quædam veluti confusio aut cōpositio facta est naturarū: & affert Gelasius papa exemplum eorum: quo suum errorem confirmare nituntur. Quemadmodum (inquiūt) homo vna est natura ex duabus aliis composita, qua compositione & vnione facta, tertia resultat, quæ nulla illarū est: sic dicunt esse in incarnatione verbi, vt ante incarnationem duæ fuerint naturæ, post incarnationem vnā tantum manserit, duabus illis in vnā (vt aiunt) coeuntibus. Ideo aduersus hanc compositionem secūdo arguamus. Sic exponentes, nunquam Christum faciunt duas naturas habentem. Non enim eas habuit ante vnionem, quia tunc secundum omnes vnus tantum erat naturæ, puta diuinę. Neque post incarnationem, quia tunc secundum ipsos vnus est tantum naturæ compositæ. Præterea, quid est quod ait ante incarnationem fuisse duas, post incarnationem vero vnā? Quomodo enim ante incarnationem poterant esse duæ naturæ, cum tunc verbum non esset incarnatum? Aut enim dicis humanam naturam quam Deus sibi vniuit, ante vnionem per se substituisse, & tunc dices filium Dei sibi vniuisse personam humanam, & non naturam: & tunc duas facies cum Nestorio personas: & sic à Nestorio fugiens, ad eundem confugies. Aut forte dicis quod etsi non tota humana natura præcesserit ante incarnationem, tamen anima eius antea in cœlo fuerat, aut in terris conuersata, & tunc in incarnatione fuerit carnī à Deo assumptę infusa. Quod si hoc fateris, incidis in Origenis errorem de animabus primo creatis in cœlo, & postea corpori infusis. quem errorem iam supra Deo duce euicimus. Alio autem modo non possum suspicari quo pacto dicas ante incarnationem fuisse duas. Rursum, si ante incarnationem erant duæ, & post non manet nisi vna, ergo per incarnationem aut fit alterius illarum deperditio, aut fit vtriusq; mixtio & confusio: sicut cum vino miscetur aqua, ante mixtionem erant duæ naturæ, post mixtionem est vna tantum natura. Si per incarnationem fit car-

nis deperditio, iam non incarnatio, sed potius (vt ita dicam) de-  
 carnatio dicenda esset. Si est vtriusque naturę mixtio aut com-  
 positio, ita vt tertia resultet ex illa compositione natura, tunc  
 oportet vt neutrius naturę illarum ex quibus componitur, de-  
 nominationem suscipiat. Homo enim (vt illorum exēplo vtat)  
 qui tertia quędam est natura, ex duabus valde differentibus na-  
 turis constans, corpore videlicet & anima, neq; animę neque  
 corporis denominationē suscipit, quoniā nec anima nec cor-  
 pus dicitur, sed solum dicitur homo. Ita ergo oporteret quod  
 Christus nec Deus diceretur, neque homo, postquam naturam  
 quādam habet ex illis duabus cōpositam. Quod si fortē exemplū  
 per me adductū magis placet de vino mixto aquę, quod post  
 mixtionem retinet nomen vini, aqua conuersa in vinum: & ita  
 forte dicas, carne conuersa in deitatē per incarnationem, man-  
 sisse in Christo nomen Dei. tunc considera ibi etiam non ma-  
 nere nomē aquę, sed solum vini, eò quod per mixtionem aqua  
 fuit versa in vinum: & ita post incarnationem oporteret te con-  
 cedere Christum nō esse hominem, eò quod humanitas fuerit  
 in diuinitatem conuersa. Deinde si vna tantū est in Christo  
 natura, quomodo secundum illam poterit tam oppositas susci-  
 pere denominationes? Impossibile enim est, vt vna eadēque  
 natura substantiales suscipiat differentias contrarias, quia oppo-  
 sita non possunt dici de eodem secundum idem. Quod si oppo-  
 sita de eodem dicantur, oportet vt diuersa in se contineat, secun-  
 dum quę diuersas suscipit dictiones: vt homo quia corpus ha-  
 bet & animam, potest dici corporeus secundū corpus, incorpo-  
 reus secundum animam: mortalis secundū corpus, immortalis  
 secundum animā. At cum Christus dicatur mortalis & immor-  
 talis, passibilis, & impassibilis, finitus & infinitus, oportet vt di-  
 uersas habeat naturas, iuxta, quarum diuersitatem diuersas istas  
 suscipiat denominationes. Non est ergo in Christo vna natura  
 composita, sed duę simplices quarū quęlibet suis est determi-  
 nata proprietatibus. Error autem iste Euticianorum (vt Damas-  
 scenus. iiii. lib. de fide Orthodoxa ait) & similiter Nestoriano-  
 rum, vt mihi videtur, inde ortus est, quod nescierunt distingue-  
 re inter naturam & personā. & ideo Nestorius duas cognoscens  
 naturas, duas credebat esse personas. Eutices autem ex opposi-  
 to, quoniā vnā fatebatur & fide credebat esse Christi personā,  
 inde credebat oportere vnā etiam tantū esse naturam. Vterque  
 tamen corū facilē, si malitia nō eos excēcasset, potuisset cogno-  
 scere

scere & videre in vno hominis supposito duas esse naturas, in quo nec pluralitas naturarum concludit pluralitatem personarum, nec vnitas personæ, arguit vnitatem naturæ. Hoc ergo hominis exemplū, quantum ad hoc solum spectat, commodissimum est, quāuis in aliis maxima sit dissimilitudo: quoniam in homine est naturarū pluralitas in vnitatem personæ per naturalem compositionem vnius ex pluribus: in Christo autem est pluralitas naturarum simplicium sine vlla earum compositione aut mixtione. Et ita in homine tres sunt naturæ, duæ duarum partium, videlicet corporis & animæ, & tertia ex illis resultans, scilicet ipse homo qui nulla illarum est. In Christo verò duæ sunt tantum naturæ, diuina & humana, ex quibus nulla alia tertia constituitur. Sed iam opus est vt alium Euticetis & Acephalorum communem errorem & impiam blasphemiam reiiciamus, qua dicunt diuinitatem in cruce passam fuisse. Quis hoc feret? Cuius aures non horrent audire diuinitatem aut dolere aut pati potuisse? Deus si quidem cum summè perfectus sit, & quoddam infinitæ perfectionis pelagus, talibus miseriis subiici nequit. Ego Deus (dicit ipsemet) & non mutor. Si nō mutatur, fieri ne- *Mala. 3* cessante est, vt aut semper doleat & semper patiatur, quod summa esset miseria: aut nunquam doleat, immo nec dolere possit nec pati. Nam si semel gaudens, & carens omni passione, postea dolet & patitur: necessarium est vt tunc mutetur. Præterea Petrus Apostolus ait, Christo igitur passo pro nobis in carne, & vos *1. Pe. 4* eadem cogitatione armamini. Carne passum dixit, nō deitate. Et Paulus Apostolus ait, An experimentum queritis eius qui in me loquitur Christus? Qui non infirmatur, sed potens est in *2. Cor. 14* nobis. Nam etsi crucifixus est ex infirmitate, sed viuit ex virtute Dei. Passus est ergo Christus & mortuus, sed ex nostræ humanitatis infirmitate. Viuit autem impassibilis & immortalis, sed ex suæ diuinitatis virtute, quæ tanta est, vt in se nec mortem subire, nec passionem aliquam sustinere possit. Ipse etiam Christus Iesus se in carne fuisse passum testatur. Nam Iudæis dicentibus & petentibus ab eo, Quod signum ostendis nobis, quia hæc facis? respondit Iesus, & dixit eis, Soluite templum hoc, & in tribus diebus excitabo illud. ille autem dicebat de templo corporis sui, quod solutum fuit in morte, excitatum in resurrectione. propter quod Euangelista quasi hoc declarans subiunxit, Cum ergo resurrexisset à mortuis, recordati sunt Discipuli, eius quia hoc dicebat: &



crediderunt scripturæ & sermoni quem dixit Iesus. Vides hic passionem ad corpus relatum, non autē ad deitatem, quoniam illa pati non poterat. Prophetiæ etiam quæ de Christi passione præcesserant, de passione in carne loquuntur. Vnde in psalmo sub persona Christi dicitur, Foderunt manus meas & pedes meos, dinumerauerunt omnia ossa mea. Et Esaias ostendens voluntariam fuisse Christi passionē, sub persona eiusdē Christi ait, Corpus meum dedi percutientibus, & genas meas vellētibus. Et vt alia multa præteream, quid aliud significāt illæ angelorum voces ad Christum, quibus eum interrogabant dicentes, Quare rubrum est vestimentū tuum? Nomine vestimenti carnem designantes, qua vestita fuit diuinitas in incarnatione. Hæc autem caro cum fuisset suo sanguine intincta, querebant, quare rubrū est vestimentum tuum? Et iterum, Quis est iste qui venit de Edom, tinctis vestibus de Bosra? Aduersus tam apertā blasphemiam piget plura afferre testimonia. Eius certe narratio pro expugnatione suffecisset, nisi aduersus homines duræ ceruicis & indomabilis cordis ageremus, cuiusmodi sunt omnes hæretici. Contra hanc hæresim sunt plurimorū conciliorū definitiones. Concilium nāq; Chalcedonense sic ait, Consentientes sanctis patribus, vnum eundemq; filium confiteri Dominum nostrum Iesum Christum consona voce edocemus, pariter perfectum eundem in deitate Deū, & hominem eundem ex anima rationali & corpore secundum diuinitatē vnus cum patre naturæ, secundum humanitatem eundem vnus naturæ nobiscum, per omnia similem nobis absq; peccato, ante secula quidem ex patre natū secundum diuinitatem, in nouissimis vero diebus eundem propter nos & propter nostram salutem hominem factum: hunc vnum eundemq; Christum filium Dei vnigenitum in duas naturas inconfusē, immutabiliter, indiuisē, inseparabiliter cognoscendum, in nullo naturarum differentias propter vnitatem perimendas, magis autem salua vtriusq; naturæ proprietate, & in vna coeunte persona, vnoq; statu concurrente, non in duabus personis partiendum vel diuidendum, sed vnum eundemq; filium vnigenitum Deum verum Dominum Iesum Christum. Hæc concilium Chalcedonense: cuius decreto non minus Nestorii quàm Euticetis & Acephalorum hæresis corrui. Sed quia impii Acephali & maledicti non recipiunt Chalcedonense concilium, ideo ad priora & posteriora concilia confugiamus. Hæc namque hæresis ante Euticetem & Acephalos

Cōcilium  
Chalcedo-  
nense.

Acephalos fuit. Nam Philaster, qui longo tempore ante eos fuit, refert quandam hæresim quæ dixit diuinitatem in cruce doluisse, & passam fuisse. Eâdem etiam recitat Augustinus etiã Acephalis vetustior, quamuis nullus eorum authorem hæresis prodat. Concilium Ephesinum, quod tertia synodus dicitur, *Cōcilium Ephesinū.* circa finem suorum decretorum sic ait, Sic illum diximus passum esse, & resurrexisse, non quia Deus verbum in sua natura passus sit, aut plagas aut clauos & transfixiones, aut alia vulnera susceperit (Deus nãque incorporealis & extra passionem est) sed quia corpus illud quod ipsi proprium factum est, hoc sustinuit: ideo hæc omnia pro nobis ipsis dicitur passus. Inerat enim in eo corpore quod patiebatur, Deus qui pati nō poterat. Hæc Concilium Ephesinum. Et concilium Ispalense secundum. xiii. suo *Cōcilium Ispalense.* rum Decretorum capitulo sic ait: Ergo sicut immaculata fides, & sancta Dei ecclesia docet, confitemur dominum nostrum Iesum Christum intemporaliter ex patre Deum natum, temporaliter ex vtero gloriosæ virginis Mariæ hominem editum, & ob hoc in vna existere persona duas naturas habentem: deitatis, qua ante secula genitus: & humanitatis, in qua diebus vltimis editus est: in illa secundum formam Dei, in ista secundum formam serui consistens. In illa patri manens æqualis, in ista sine peccato similis nostræ conditioni. In illa inuiolabilis, in ista passibilis. In illa ex qua mori nō potuit, in ista in qua mortem suscepit. Hæc concilium Ispalense expresse contra Acephalos. Quibus verbis omnes hæreses præfatæ circa Christi personam exortæ colliduntur. Contra hanc hæresim scripsit Gelasius papa eodem libello quo scripsit contra Nestorium. Scripsit etiam Boetius aduersus eandem hæresim vnum librū de duabus naturis. Et beatus Damascenus libro tertio de fide orthodoxa per singula capitula contra singulas præfatas hæreses disputat.

Quinta hæresis est quæ asserit Christum solum corpus habuisse, non autem animam. Huius auctor fuit Arrius, vt testatur Augustinus in libro de hæresibus ad Quod vult Deū, cap. 49. sic de Arrianis loquens: In eo autem quod Christum sine anima solam carnem suscepisse arbitrantur, minus noti sunt, nec aduersus eos ab aliquo inueni de hac re fuisse certatum. Sed hoc verum esse & Epiphanius non tacuit, & ego ex eorum quibusdam scriptis & collocutionibus certissime cōperi. Hæc Augustinus. Verum quia ex his verbis non constat an Arrius

Arrius

hoc venenum repererit, an sequaces illius de suo cerebro postea addiderint ideo pro nunc de Arrio tacemus. Apollinaris, de quo iam aliàs diximus, hūc errorem postea suscitavit, qui communiter dicitur illius erroris auctor. Philaster hanc hæresim recitat nullo nominato illius auctore. Hæc hærësis satis conuincitur per ea quæ in expugnatione secundæ hærësis dicta sunt. Si enim Christus veram habuit naturæ humanæ substantiam, ergo & habuit animam, quoniam sine ea perfectus homo esse non potest. Verum et si hoc apertissimè eum conuincat, particularibus argumentis non pigebit contra eum agere. Christus passionis suæ tempore iam appropinquante ait: Tristis est anima mea vsque ad mortem. Et antè dixerat, Ego sum pastor bonus, & animam meam pono pro ouibus meis. Et iterum, Potestatem habeo ponendi animam meam, & iterum sumedi eam. Aperta satis sunt hæc, neque vllam parabolam redolentia. Verum his auctoritatibus (vt Augustinus ait) Apollinaris respondebat, dicens Christum animam habuisse non rationalem, sed solum eam quæ corpus viuificaret: & verbum ipsum loco rationalis animæ exitisse. Sed per hoc nō effugit quin dicat Christum non fuisse integrum & perfectum hominem eiusdē substantiæ nobiscum. Sed vt nullum illi pateat effugium, consideremus quid Lucas de eo dicat, Iesus proficiebat sapientia & ætate & gratia apud Deum & homines. Quomodo autem profecerit sapientia, sequentia verba declarant, quoniam addidit, & ætate. Iuxta id ergo profecit sapientia, secundum quod profecit ætate. At cum secundum solam naturam humanam profecerit ætate, consequens est vt iuxta eandem profecerit sapientia, quoniam secundum naturam diuinam, quæ immutabilis & infinitè sapiens est, nullo modo proficere poterat. Profecit ergo sapientia secundum humanitatem. Sed si humanitas quam suscepit, animam rationalem non habuit, ergo secundum humanitatem nihil sapuit, quoniam secundum animam rationalem sapere debuisset, & non secundum corpus, aut secundum animam præcisè vegetantem corpus. Rursum propter hoc filius Dei nostram suscepit naturam, vt per naturam ab eo susceptam nostris succurreret defectibus, & is qui sine peccato erat, nostra peccata dissolueret. Nihil ergo profuisset nobis solum carnem sine anima suscipere, quia peccata nostra in anima erant, & non in carne, quæ peccare non potest. Sed Christus totum hominem redemit, qui ait: Totum hominem

minem sanum feci in sabbato. Totum ergo hominem Christus assumpsit, qui totam hominem redemit. Demum iste error plurimorum conciliorum definitionibus damnatur. Concilium Romæ habitum sub Damaso papa, sic ait: Anathematizamus eos qui pro hominis anima rationali & intelligibili dicunt Dei verbum in humana carne versatum, cum ipse filius sit verbum Dei, & pro anima rationali & intelligibili in suo corpore fuerit, sed nostram, id est rationalem & intelligibilem sine peccato animam susceperit atque saluauerit. Hæc concilium Romanum. Cuius concilij decreta ponuntur in libro Conciliorum generalium, non inter ipsa concilia, sed post inter decreta Damasi papæ. Concilium Ephesinum cap. xiiij. suorum Decretorum sic ait: Non enim dicimus quod Dei natura conuersa vel immutata sit, sed magis quod carnem animatam anima rationali sibi copulauerit, verbumque substantialiter & ineffabiliter factus sit homo. Hæc Concilium Ephesinum. Concilium Chalcedonense sic ait, Consentientes sanctis patribus vnum eundemque filium confiteri dominum vostrem Iesum Christum, consona voce edocemus pariter perfectum eundem in deitate Deum, & hominem verum eundem ex anima rationali & corpore &c. Hæc concilium Chalcedonense. Contra hanc hæresim non vidi nec hucusque sciui aliquem qui scripserit præter beatum Ambrosium, qui in libro de incarnationis dominicæ sacramento, per totum septimum capitulum contra eam agit.

Sexta est hæresis quæ asserit in Christo tantum vnā fuisse voluntatem, videlicet diuinā. Huius hæresis auctor fuit Macharius Antiochenus episcopus, qui condénatus est in sexta synodo Constantinopolitana sub Agathone papa celebrata. Huius hæresis fautores dicti sunt Monothelitæ, non, ut quidā corruptè dicunt, Monoselitæ: & quidam, cuius nomen sciens prætereo, deriuationem nominis assignare volens, non minus impudenter quā imprudenter dixit, Monoselitæ dicuntur à Monoso illius hæresis auctore. Monothelitæ dicti sunt ab vna tantum voluntate quā Christo tribuebant: quoniam *μὴν* græce, valet latine tantum ac vnus. *θέλησις* idem est quod voluntas. Hinc ab illis duabus dictio est cōposita *μονοθέληται*, quasi vnā asserentes voluntatē. Contra hanc hæresim sic agimus, & primo ab illius patrono querendū est an duas in Christo fateatur naturas. Si vnā tantū dicit in Christo naturā, sicut vnā voluntatem,

Ioan. 7

Conciliū  
Romanū.Conciliū  
Ephesinū.Conciliū  
chalcedo-  
nense.Macha-  
rius.Monothe-  
lita.



tunc ad aliquam prædictarum hæresum reducendus est, quæ in Christo duas negauerunt naturas. Si verò duas in Christo fateretur naturas, ergo & duas oportet eum fateri voluntates: quoniam sicut vnus naturæ vna est voluntas, ita plurimum naturarum plures sunt voluntates. Ideo enim dicimus patris & filij & spiritus sancti vnā esse voluntatem, quia vna in illis tribus personis est deitatis substantia. Ita ergo in Christo, in quo sunt duæ naturæ diuersæ, diuinitatis videlicet & humanitatis, oportet vt duæ sint etiam voluntates, vna quæ pertinet ad diuinitatem, altera quæ spectat ad humanitatem. Præterea si vna tantum est in Christo voluntas, ergo vna tantum in Christo erit natura, quoniam sicut vna natura vnā infert voluntatem, ita ediuerso vna voluntas vnā arguit naturam. Vna siquidem voluntas nō potest esse duarum naturarum. Rursum si vna tantum est voluntas, aut illa erit diuina, aut humana, aut tertia ex illis composita, sicut supra Eutices dixerat. Si diuina tantum est voluntas, ergo Christus non habuit integram & perfectam humanitatem eiusdem speciei cum nostra, quoniam perfecta humanitas sine voluntate esse non potest, si autem illa vna voluntas est tantum humana, ergo Christus non erit Deus, quoniam non potest esse Deus sine voluntate diuina. Vtrumque autem horum duorum probauimus esse hæreticum. Si verò dicat illam vnā Christi voluntatem esse tertiam ex illis duabus compositam, tunc sequitur quod illa voluntas nec diuina sit nec humana, quoniam compositum nō suscipit denominationem alicuius suarum partium ex quibus componitur: & ita secundum ista oporteret dicere Christum nō esse verum Deum, nec verum hominem, quia nec voluntatem habet diuinā (secundum istos) nec humanā. Sed omisis his argumentis, scrutemur scripturas sacras, quoniam (vt Christus ait) illæ testimonium perhibent de illo. Marcus euangelista ait, Venit Iesus in partes Tyri & Sydonis: & ingressus domum, neminem voluit scire, & non potuit latere. Quomodo non potuit latere cum voluit? Nōne voluntas diuina omnipotens est? Nōne omnia quæ voluit Dominus fecit in cælo & in terra? Ergo secundum id quod non potuit latere, secundum id voluit neminem scire. At constat eum secundum humanitatem non potuisse latere, quia secundum illam non erat omnipotens, ergo secundum eandem voluit neminem scire & secundum diuinā voluntatem non ita voluit. ergo alia est voluntas diuinitatis, & alia humanitatis

Ioan. 5

Mar. 7

nitatis. Præterea, cum Christus esset proximus passioni, dixit Pater si vis, transfer calicem istum à me. Veruntamen non mea voluntas, sed tua fiat. Vides hic expressè duas Christi voluntates nominatas, vnam diuinitatis aliã humanitatis? Nam si vna tantum esset Christi voluntas, videlicet diuina, quomodo fieri posset quod Christus patrem oraret dicens, non mea sed tua voluntas fiat? Non enim est possibile vt voluntas patris impleatur, voluntas autem filij, nõ, cum vna sit patris & filij voluntas. Sed quia duæ sunt in Christo voluntates, vna diuinitatis quæ eadem est cum volũtate patris, secundũ quam nihil à patre petit: alia humanitatis, secundum quam quodammodo passionem nolebat: ideo suam voluntatem, id est humanam postponas diuinę, dicit, Non mea voluntas, sed tua fiat. Rursum, beatus Apostolus Paulus de Christo loquens ait, Factus est obediens vsque ad mortem, mortem autem crucis. Non fuit autem obediens secundum naturam diuinã, quia obedientia subiectionem quandam denotat. Secundum autem naturam diuinam non erat subiectus patri, quia secundum illam non rapinam arbitratus est esse se æqualem Deo. Secundũ humanam ergo naturam factus est obediens. Obedientia autem volũtaria quædam est subiectio, & sine volũtate obedientia esse nequit. illud enim quod per vim & coactionem fit, non fit per obedientiam. Cum ergo Christus secundum humanitatem factus fuerit obediens patri vsque ad mortem, oportet necessariò vt secundum eandem voluntatem habuerit secundũ quam patri voluit. Contra hanc heresim celebratum est concilium Constantinopolitanum, quod sexta synodus appellatur, sub Agathone papa. Post longas ergo de hac re collationes, & disputationes in hoc concilio habitas, tandẽ actiõe decima septima sic definitur, Iuxta quod olim prophetæ de eo: & ipse nos dominus Iesus Christus erudiuit, & sanctorum patrum nobis tradidit symbolum, duas naturales voluntates in eo, & duas naturales operationes, indiuisè, inconuertibiliter, inseparabiliter, inconfusè, secundum sanctorũ patrum doctrinam ad æquẽ prædicamus, & duas naturales voluntates, non contrarias (absit) iuxta quod impij asseruerunt hæretici sequentem humanam eius voluntatem, & non, resistentem vel reluctantam, sed potius subiectã diuinæ eius atq; omnipotentĩ voluntati. oportebat enim carnis voluntatem moueri, subiici verò voluntati diuinæ, iuxta sapientissimum Athanasium. Sicut enim eius caro Dei verbi dicitur & est: ita & na-

Luc. 22

Phil. 2

Cōcilium  
Constanti-  
nopolitanũ.

Ioan. 3

turalis carnis eius volūtas, propria verbi dicitur & est: sicut ipse ait: Quia descendi de cælo non ut faciam voluntatem meam, sed eius qui misit me patris. suam propriam dicens voluntatem, quæ erat carnis eius. Hæc concilium Constantinopolitanum. Contra hanc hæresim nullum reperi scriptorem præter Damascenum, qui tertio lib. de fide orthodoxa cap. 14. de hac re disputat, non nominato (ut solet) erroris auctore. Unde suspicio mihi oritur Macharium illū Antiochenum episcopum non fuisse primum huius hæresis inuēctorem, sed alium quempiam multo illo vetustiorē, fuisseq; statim sepultam ac postea per Macharium suscitata. Nam Ioannes Damascenus qui cōtra hanc hæresim disputat, per aliquot secula præfatum Machariū præcessit. Vixit enim Ioannes Damascenus (si Ioanni Tritemio credimus) sub Theodosio Iuniore circa annum domini 450. Macharius autem hic floruit sub Agathone papa huius nominis primo, & ut diximus, damnatus est in sexta synodo, quæ, iuxta computationem Mariani Scoti, celebrata est anno domini 698. Et Petrus Lombardus. iii. lib. Sentētiarum distin. xvij. de hac re agit, quamvis breuiter & perfunctoriē. Qui autem plenius de hac re edoceri cupit, legat acta sextæ synodi, in qua satis diffusè hoc negotium inquiritur. Huius hæresis nunquam meminit Guido Carmelita in sua summa de hæresibus, quod valde miror, cum sit viris doctis notissima. Unde conuincitur eum non legisse acta sextæ synodi. Apparet etiam quod alias diximus, eum in veteribus hæresibus recensendis nullum alium legisse præter opusculum Augustini de hæresibus, aut capitulum quoddam Isidori in suis Etymologiis, in quo enumerat hæreses quæ ad suū vsque tempus præcesserunt. Cum enim neque August. neque Isidorus hanc hæresim enumeret, utpote utroq; posteriorem, ideo Guido illius non meminit.

Basilides.

Marcus.

Septima hæresis nimis ingrata est Christo redemptori nostro, quoniam non agnoscit beneficium ab eo nobis collatum. negat enim Christū crucifixum fuisse, sed Simonem Cyrenæū qui angariatus sustulit crucē. Huius erroris auctor fuit impius Basilides Apostolorū tempore, de quo Euseb. lib. 4. historiæ ecclesiast. cap. 8. loquitur. Post hunc paucō tempore elapso Marcus à quo Marcitæ hæretici dicti sunt, eidē adhæsit errori, dicēs Christum non verè sed putatiuē passum fuisse. Contra hunc errorem piget testimonia scripturæ afferre, cum vtrunque testamentum plenum sit testimoniis passionis Christi. Et dimisso

so ver

so veteri, in quo ferè omnia per figuras & anigmata dicta sunt, quatuor euangeliorum apertissima est historia enarrans Christi passionem. nullius autem eorum ait Cyrenæum fuisse passum, sed solum portasse crucem, cui postea fuit Christus affixus. Et Paulus hoc sæpissimè in suis epistolis docet. In priore enim Epistola ad Corinthios ait: Nos autem prædicamus Christum crucifixum. Et iterum, Nihil me scire iudicaui inter vos, nisi Iesum Christum, & hunc crucifixum. Et ut omnia alia omit-  
tam, Petrus Apostolus eo die quo spiritum sanctum recepit cum aliis, prædicans populo ait: Viri Israelitæ, audite verba hæc, Iesum Nazarenum virum approbatum à Deo in verbis, vir-  
tutibus, & prodigiis & signis quæ fecit Deus per illum in me-  
dio vestri, sicut scitis, hunc definito consilio & præscientia Dei traditum, per manus iniquorum affligentes, interemistis. Et infra, Certissimè sciat ergo omnis domus Israel, quia & do-  
minum eum & Christum fecit Deus hunc Iesum, quem vos cruci-  
fixistis. Qui ergo per passionem suam mortuus est, quomo-  
do non verè sed putatiuè passus est? Quod si non verè passus  
est, falsa est prædicatio Pauli. Contra talem insaniam non  
est opus plura afferre: quia, ut à principio statuimus, contra eos  
solos nunc agimus, qui Christo nomina per baptismum dede-  
runt. Qui verò hæc asserunt, aut Ethnicos aut Iudæos se  
esse ostendunt, quoniam (ut ait Paulus) prædicare Iesum  
Christum crucifixum, Iudæis est scandalum, Gentibus autem  
stultitia.

1. Cor. I

Ibidem. 2

Act. 2

1. Cor. I

Octaua hæresis est non minus ingrata ipsi Christo, nõ agno-  
scens etiam beneficium tam immensum, quale nobis contulit,  
videlicet redemptionem nostram. Huius hæresis auctor est qui-  
dam Bassus nomine, sub apostolorum temporibus, de quo apud  
solum Philastrum reperio mentionem factam fuisse. Hic Bas-  
sus dixit non separari salutem neque in Christi maiestate, neq;  
in eius præsentia corporali. Hunc errorem longo postea tem-  
pore suscitauit Petrus Abailardus, qui dixit non ideo filium Dei  
fuisse incarnatum, ut hominem liberaret. Et ut clarius eius stul-  
ta mens appareat, verba illius hic inseram, quæ beatus Bernar-  
dus ponit Epistola 190. Ideo, inquit, sicut dicunt doctores, hac  
necessitate incarnatus est filius Dei, ut homo, qui aliter li-  
berari non poterat, per mortem innocentis iure liberaretur à  
iugo diaboli. Sed ut nobis videretur, nec diabolus vnquam ius  
aliquod in homine habuit, nisi fortè Deo permittente, ut carce-  
rarius;

Bassus.

Petrus A-  
bailardus.



- rarius: nec filius Dei ut hominem liberaret, carnem assumpsit. Hæc Petrus Abailardus. Ecce nouum alterum Goliath, qui omnibus catholicis doctoribus exprobrat, omnes eos errasse dicens. Verum hic Deo duce petra catholicæ fidei percussus corruet. Primum ergo quod dicit diabolus nullum ius aut potestatem habere in homine: manifestè conuincitur per id quod
- Ioan. 14** dominus apud Ioannem ait: Venit enim princeps mundi huius, & in me non habet quicquam. Si nullam potestatem habebat in homine, quomodo princeps mundi vocatur? Et apertius ostendit id quod sequitur, videlicet, & in me non habet quicquam. Quod si in alijs hominibus nullum etiam ius aut potestatem habebat: quid opus erat addere, & in me non habet quicquam? Quia tamen per verba præcedentia dixerat diabolum habere potestatem super homines, ne quid simile de eo putari posset, addidit, & in me non habet quicquam. Ut autem nulla nostra expositione aut argumentatione sit opus, audi beatum Paulum expressè hoc dicentem. Nequando (inquit) det illis Deus pœnitentiam ad cognoscendam veritatem, ut resipiscant à diaboli laqueis, à quo captiui tenentur ad ipsius voluntatem. Vides hic laqueos diaboli nominari à Paulo: & captiuos homines à diabolo teneri ad eius voluntatem. Præterea si homines capti non erant à dæmone per peccatū, nihil ergo Christus sua morte operatus est: quoniam si nos captiui non eramus, certè oportet ut nec redempti etiam simus. Non enim redimitur nisi qui captus est. Verum hoc ingratus & blasphemus Petrus Abailardus concessit, dicens filium Dei non ideo carnem assumpsisse ut hominem liberaret. Sed error iste plurimis sacræ scripturæ testimonijs damnatur. Et ut vetus testamentum omittam, ad nouum accedo. Apud Matth. legimus angelum dixisse Ioseph de virgine Maria sponsa eius, Pariet autem filium, & vocabis nomen eius Iesum. Ipse enim saluum faciet populum suum à
- Ioan. 3** peccatis eorum. Et apud Ioan. idem Christus ait: Non enim misit Deus filium suum in mundum ut iudicet mundum, sed ut saluetur mundus per ipsum. Et in cœna vltima carnem suam dans in cibum discipulis suis, ait: Hoc est corpus meum, quod
- Luc. 20** pro vobis tradetur. Et calicem porrigens ait: Hic est calix nouum testamentum in sanguine meo, qui pro vobis fundetur.
- Gal. 4** Et beatus Paulus ait: Vbi venit plenitudo temporis, misit Deus filium suum factū ex muliere, factum sub lege, ut eos qui sub lege erant, redimeret, ut adoptionem filiorum reciperemus. Et
- alibi,

alibi, Deus autem qui diues est in misericordia, propter nimiam *Ephē. 2*  
 charitatem suam qua dilexit nos, & cum essemus mortui pecca-  
 tis, cōiuiificauit nos Christo, cuius gratia estis saluati. Et in alio *Colo. 2*  
 loco, Et vos cum mortui essetis in delictis, & præputio carnis  
 vestræ, conuiificauit cum illo, donans vobis omnia delicta,  
 delens quod aduersum nos erat chirographum decreti quod  
 erat contrarium nobis: & ipsum tulit de medio, affigens illud  
 cruci: & expolians principatus & potestates, traduxit confiden-  
 ter, palam triumphans illos in seipso. Et Beatus Petrus apostolus *1. Pet. 1*  
 ait: Sciens quod non corruptibilibus auro vel argento redem-  
 pti estis de vana vestra conuersatione paternæ traditionis, sed  
 precioso sanguine quasi agni incontaminati & immaculati  
 Christi. Postremo illa quatuor animalia & vigintiquatuor se-  
 niores quos Ioannes vidit cecidisse coram agno, cantabant di-  
 centes, Dignus es accipere librū, & aperire signacula eius, quo- *Apo. 5*  
 niam occisus es, & redemisti nos Deo in sanguine tuo, ex omni  
 tribu, & lingua, & populo, & natione. Ecce isti qui redemptione  
 per Christum facta iam fruebantur, agnoscunt redemptionē.  
 Petrus autem Abailardus, quoniam per peccatum in captiuita-  
 te diabolica detinebatur, non agnoscebat redemptionem. Con-  
 tra hoc sunt plurium conciliorum definitiones. In symbolo fi-  
 dei edito in concilio Nicæno sic de Christo filio Dei dicitur,  
 Qui propter nos homines & propter nostram salutem descen-  
 dit de cœlis, & incarnatus est, atque homo factus passus mortuus  
 est, & resurrexit tertia die, ascendit ad cœlos, venturus iudicare  
 viuos & mortuos. Hęc cōcilium Nicænum. Et eadem ferè ver-  
 ba ponuntur in symbolo facto in cōcilio Constantinopolita-  
 no, quod secunda synodus dicitur. Cōcilium Ephesinum, quod  
 tertia synodus dicitur, in vltimo capitulo suorum Decretorum  
 sic ait: Est enim ineptum & stultum hoc dicere, quod is qui ante  
 omnia secula est consempiternus patri, secundæ generationis  
 eguerit ut esse inciperet: sed quia propter nostram salutem, na-  
 turam sibi copulauit humanam, & processit ex muliere, idcir-  
 cò dicitur esse natus carnaliter. Hęc concilium Ephesinum. &  
 idem dicit concilium Chalcedonense, quod quarta synodus di-  
 citur. Ecce contra Petrum Abailardum omnia quatuor cōcilia  
 quæ beatus Greg. dicit se venerari tanquam 4. euangelia. Ob-  
 mutescat ergo Petrus Abailardus, & suam compescat superbā  
 arrogantiam, qua non est veritus contra omnium sacrorū do-  
 ctorum concordem doctrinam sentire. Contra hunc errorem  
 nullum

nullum reperi scriptorem præter beatum Bernardum, qui in quadam epist. ad Innocentium papam, quæ est in ordine 190. de hac re disputat, à quo aliquid hausimus. Huius hæresis etiam nō meminit Guido, imò nec ipsius Petri Abailardi ullam unquam mentionem facit.

**Pet. Abailardus.** Nona hæresis negat in Christo fuisse spiritum timoris domini. Et hoc venenum etiam est à Petro Abailardo inuētum, quemadmodum illi impingit beatus Bernardus illa eadē epistola, videlicet 190. quanuis contra illum nō disputat. Sed eam

**Esa. 11** redarguit & conuincit Esaias propheta, qui de Christo loquens ita ait: Egredietur virga de radice Iesse, & flos de radice eius ascendet, & requiescet super eū spiritus domini, spiritus sapientiæ & intellectus, spiritus consilij & fortitudinis, spiritus scientiæ & pietatis, & replebit eum spiritus timoris domini. Hæc virga quæ de radice Iesse orta est, virgo est Maria de genere Dauid, qui filius fuit Iesse, vt Matth. narrat. Flos autem est Christus, qui ait: Ego flos campi, & lilium conuallium. Super hunc florem requieuit ille septenarius spiritus quem Esaias exprefit, id est septem eiusdem spiritus sancti dona, inter quæ spiritus timoris domini numeratur. Præterea quid trepidat ponere in Christo spiritū timoris domini? An fortè quia timor est imperfectorum, secundum quod Ioan. ait: Perfecta charitas foras

**1. Ioan. 4** mittit timorem? Et ideo fortè Petrus Abailardus timēs negare in Christo fuisse perfectam charitatem, negauit in eo fuisse spiritum timoris. Quod si ita est, trepidauit certè timore vbi non erat timor. Nesciuit enim multiplicem esse timorem domini. Quidam nāq; est timor domini seruilis, cū videlicet quis propter odium pœnæ quā timet, fugit peccatum: qui timor seruilis dicitur, quia serui talem timorem consueuerunt habere. Dicitur etiam initialis, quia via quēdā est & initium ad bonū. Vna enim pars iustitiæ est declinare à malo, ad quā introducit hic seruilis timor, & ideo initialis vocatur, de quo dicitur, Initium sapientiæ est timor domini. Hic timor est imperfectorū, quia perfecta cuiuscūq; operis executio à charitate ortū habere debet. Hic autem timor nō oritur à charitate, sed ab odio pœnæ. Hunc timorē perfecta charitas foras mittit: quoniā qui sic iam Deum diligit, vt ex amore eius cuncta operetur, tunc iam desinit agere propter odium pœnæ. Qui enim ex odio pœnæ agit, quasi coactus à pœna quā timet agit: quā si sciret nunquā fore infligendā, desisteret ab actione. Qui verò ex amore agit, mere

**Psal. 110** libere

libere agit. Hunc timorem Christus non habuit, quia perfectissimam habuit charitatem, quæ illum non permittebat. Alius est timor domini filialis, cum quis, scilicet fugit malum ex solo amore patris, ne videlicet offendant patrem qui ideo dicitur filialis, quia talitimore bonus filius timere debet patrem. Et hunc non solum non expellit charitas, imo eum producit charitas, & ab ea ortum habet. Et hunc timorem habuit Christus, quia à multis, imo ab omnibus malis declinavit, & non timore alicuius pœnæ, sed ex solo Dei amore. ergo fuit in eo timor filialis. Quod si adhuc contendas dicens hunc timorem filialem habere immixtam quandam pœnā, & ob hoc illum dicas non fuisse in Christo, cuius anima fuit beata ab origine suæ cōceptionis: hoc nihil obstat: quia etsi eius anima fuit beata, nihilominus tristabatur in passione, quæ tristitia multo grauior fuit pœna, quàm illa quæ est immixta timore filiali. Ergo qui potuit tristari cum esset beatus, timere etiam potuit præcipuè timore filiali, cuius si aliqua est pœna, mitissima certè est. Rursum, beati qui iam extra omnem pœnam sunt, timent dominum: ut propheta ait: *Ti-* P/al. 118  
mor domini sanctus permanet in seculum seculi. Christo ergo nihil sua beatitudo obstare potuit quin Deum timuerit. Verum hoc propheta dictum de quodam alio timore interpretatur, quæ vocant reuerentialē, qui non est aliud quàm quædam ipsius Dei reuerentia: & hunc dicunt habere beatos. Quod si hic sit à timore filiali distinctus, & timorem filialem negent inesse beatis, sed solum quæ appellant reuerentialē, non tamē per hoc euadet Petrus Abailardus, quin aliquis spiritus timoris domini (ut Esaias dixit) fuerit in Christo: quoniam cum Christus præ omnibus reueritus sit Deum, adeo ut propter illam reuerentiam Paulus Heb. 5  
dicat eum à Deo fuisse exauditum: consequens est, ut etiā supra omnes Deum timuerit hoc timore quem vocant reuerentialē. Non est ergo cur Petrus Abailardus trepidet Christo tribuere timorem: quoniam etsi non habuit timorem seruilem, quem perfecta charitas foras mittit, habuit tamen timorem filialem aut reuerentialem quem perfecta charitas producit.

Decima hæresis asserit Christum substinuisse vulnus lanceæ cū adhuc viuus esset. Huius erroris auctor fuit quidam Petrus 10  
annis, ut Guido carmelita illi impingit. Et certè miror quod homo qui vel parum latine sciat, & legat euāgeliū Ioānis, in huc incidat tā apertū errorē: nisi fortè superba eius malitia illū excecante: quoniam beatus Ioannes enarrans passionē Christi, post multa

Pet. Ioan.



Ioan. 19

multa tormenta quæ Christo illata esse dicit, de morte eius sic ait: Cum ergo accepisset Iesus acetū, dixit, Cōsummatū est. Et inclinato capite tradidit spiritū. Iudæi ergo, quoniā parasceue erat, vt nō remanerēt in cruce corpora sabbato, erat enim magnus dies ille sabbathi, rogauerūt Pilatū, vt frāgeretur eorū crura, & tollerētur. Venerūt ergo milites, & primi quidem fregerunt crura, & alterius qui crucifixus est cum eo. Ad Iesum autem cū venissent, vt viderunt eum iam mortuum, non fregerunt eius crura, sed vnus militū lancea latus eius aperuit, & continuo exiuit sanguis & aqua. Et qui vidit, testimonium perhibuit, & verum est testimonium eius. Et ille scit quia vera dicit, vt & vos credatis. hucusq; beatus Ioannes in euangelio. Ex istorum autem verborum ordine clarissimè patet Christum fuisse iam mortuum cū latus eius fuit lancea percussus. Et si ergo angelus de cœlo aliud annuntiaret nobis, non esset credendus. Neque caussa deuotionis aut contemplationis licet mendaciū fingere. Iste autem vt augeret dolores passionis Christi, dicebat licitè posse dici & contemplari Christum fuisse percussus lancea cū adhuc viuus esset. At Deus non indiget mendacio nostro. Ideo meritò error iste damnatus est in concilio Viennensi sub Clemente papa 5. Huius autem concilij definitio habetur in volumine Clementinarum Decretalium, titulo de summa trinita. & fide catholica. vbi postquam citauit illū locum Ioannis quem nos proximè narrauimus, sic definitur: Nos igitur ad tam præclarum testimonium, ac sanctorum patrum & doctorum communem sententiam, apostolicæ considerationis, ad quam duntaxat hæc declarare pertinet, aciem conuertentes, sacro approbante concilio declaramus prædictum apostolum & euangelistam Ioannem, rectum in præmissis factę rei ordinem tenuisse, narrando quod Christo iam mortuo vnus militū lancea latus eius aperuit. Hæc concilij Viennensis definitio, cui magis quemlibet credere oportet, quàm phantasticis hæreticorum imaginationibus.

Cerinthus

Vndecima hæresis est quæ negat Christum surrexisse. Huius hæresis magister est Cerinthus, de quo iam aliàs diximus. hic vt Augustinus testatur, dixit Christum non surrexisse, sed aliquando surrecturum. Hæc hæresis adeo facilliter reuincitur, vt qui eam tutari velit, cogatur negare omnia quatuor euangelia, quæ consona vōce affirmant Christum surrexisse. Nam matthæus vltimo sui euāgelij cap. & Marcus etiam vltimo, & Lucas vltim

ultimo, & Ioannes penultimo sui euangelii capite, omnes hi  
 vnanimis testantur Christum surrexisse. Præterea, si Christus  
 non resurrexit, ergo ipse mēdax est inuentus, qui apostolis suis  
 prædixerat se post passionem suam & mortem resurrecturum.  
 Falsa etiam oportuit esse argumenta & sophistica, quibus, vt  
 Lucas ait, suam resurrectionem probare voluit. Sic enim ait,  
 Quibus & præbuit seipsum viuum post passionem suam in  
 multis argumentis, per dies quadraginta apparens eis, & lo- Act. 1  
 quens de regno dei. Rursum, Si Christus nō resurrexit, ait Pau-  
 lus, inanis est prædicatio nostra, inanis & fides vestra. Inueni- 1. Cor. 1  
 mur & falsi testes Dei, quoniam testimonium diximus aduer-  
 sus Deum, quod suscitauerit Christum, quem non suscitauit. In  
 re igitur tam aperta superfluum esset longam texere dispu-  
 tationem.

Duodecima & vltima, quam de hac re reperio hæresim, est  
 quæ asserit Christum in cœlos sine carne ascendisse. Hanc hæ-  
 resim docuit Apelles, & cum ipso Apelle, quod sciam, sepulta Apelles.  
 fuit. Hic, vt Augustinus ait, dixit Christum sine carne resurre-  
 xisse, & sine eadem in cœlum ascendisse. Quid hac sententia  
 fabulosius dici potest? Nulla siquidem ratione mouetur, nullo  
 argumēto fulcitur, nulli fundamento innititur: sed merū som-  
 nium aut pura fabula apparet. Si Christus sine carne resurre-  
 xit: quis fuit ille quem in medio discipulorum constitutū octa- Ioan. 20  
 ua resurrectionis die Thomas tetigit? Cuius erant illæ manuū  
 cicatrices, & lateris vulnus, quæ Thomæ ostendit, & palpanda  
 præbuit? Diuinitas siquidem nec oculis corporeis videri pote-  
 rat, nec manibus tangi, nec cicatrices sustinere. Præterea, disci-  
 pulis apparens Christus post resurrectionem, illisque contur-  
 batis & conteritis, eò quod existimarent se spiritum videre, di- Luc. 24.  
 xit, Quid turbati estis, & cogitationes ascendunt in corda ve-  
 stra? Videte manus meas, & pedes meos, quia ego ipse sum. Pal-  
 pate & videte, quia spiritus carnem & ossa non habet, sicut me  
 videtis habere. Et cum hoc dixisset, ostendit eis manus & pe-  
 des. Adhuc autem illis non credētibus, & mirantibus præ gau-  
 dio, dixit, Habetis aliquid quod manducetur? At illi obtulerūt  
 ei partem piscis assi, & fauum mellis. Et cum manducasset co-  
 ram eis sumens reliquias dedit eis. Quomodo ergo sine carne  
 resurrexit, qui resurgens, manus & pedes habet, & fauum mel-  
 lis comedit? Rursum, si Christus sine carne ascendit in cœlum,  
 quis est ille quem Stephanus in persecutione positus vidit, di- Act. 7

*Act. I* cens, Ecce video cœlos apertos, & filium hominis stantem à dextris virtutis Dei? At filius Dei, si carnem secludas, non amplius dicetur filius hominis. Accedit ad hæc, quòd Christo ascēdente in cœlum, angeli dixerunt Apostolis: Viri Galilæi, quid statis aspicientes in cœlum? Hic Iesus qui assumptus est à vobis in cœlum, sic veniet quemadmodum vidistis eum euntem in cœlum. At cum, Iesus in forma humana sit iudicaturus, conuincitur vt in forma etiam humana ascenderit. Aduersus tã apertum mendacium, & tam claram dementiam, non est opus plura asserere. Et certè puderet me ista narrare, si illos hæreticos fuisset pudicum illa asserere. Sed cum eorum insanix iam vulgata sint, & per multos scriptores qui de illis mentionem fecerunt, narrata: necesse fuit eas hic inferere, vt cum aliis hæresibus Damnantur.

## C O N C I L I V M.

**D**E hac re vnum solum reperio errorem omnibus ferme hæreticis communem. Omnibus namque hæreticis semper fuit, & hucusque est proprium, conciliorum authoritati detrahere, eamque pro viribus imminuere: quoniam vident nihil esse adeo efficax ad eorum effrœnatam audaciam reprimendam, sicut est concilii generalis authoritas. Quapropter cum hæretici omnes obstinate suos tueantur errores, euenit vt si forte eorum aliquis error per concilium fuerit damnatus, ad hoc eis commune asylum confugiant, dicentes concilium in tali definitione errasse. Hoc egit *Arrius*. cum enim damnatus fuisset in concilio Niceno, ille & eius sequaces acquiescere nolentes definitioni concilii, dixerunt concilium errasse. Ad eundem modum se habuit *Nestorius* in concilio Ephesino damnatus, vt ille & eius fautores suam sententiam concilii Ephesini decreto præponerent. Nec aliud fecere *Eutices* & *Dioscorus* in concilio Calcedonensi damnati. Notissima est etiam historia de *Ioanne Huf* Bohemo, qui cum amplexus fuisset doctrinam *Ioannis Vuiteleff*, & eam vidisset in concilio Constantiensi damnari, nec tamen propter hoc destitit suum mordicus tenere errorem, dicens concilium Constantiense errasse in cōdemnatione *Ioannis Vuiteleff*. Postremus omnium *Lutherus* cum à principio prædicationis suorum errorum, concilium appellasset, timens postea ne forte concilio congregato sua venenosa dogmata damnantur, addidit hoc aliud venenum, dicens concilium

concilium generale quantumlibet probe, vt decet congregatum: posse in fide & moribus errare, & concilium Cōstantiense errasse in condemnatione Ioannis Hufs. Aduersus ergo horum omnium hæreticorum dementiam hoc probandum est, concilium generale recte congregatum non posse errare in fide. De conciliis autem particularibus, quæ in singulis prouinciis fiunt, non est mens nostra disputare, quoniam illa talia errare possunt, & aliqua eorum errasse compertum est. Concilium certe Carthaginense octoginta episcoporum, cui inter fuit beatus Cyprianus martyr, errauit, definiens hæreticos & ab hæreticis baptizatos fore rebaptizandos. & alia multa celebrauerunt Donatistæ concilia, in quibus ipsi iactabant se habere multas Episcoporum centurias. & de his quod errauerint non dubitamus: verum etsi hæc aut alia similia prouincialia concilia errauerint, eorum error non obest toti ecclesiæ, cum huiusmodi error per definitionem generalis concilii corrigatur, quemadmodum docet beatus Augustinus libro secundo contra Donatistas, sic dicens, Et ipsa concilia quæ per singulas regiones vel prouincias fiunt: plenariorum conciliorum auctoritati, quæ fiunt ex vniuerso orbe Christiano, sine vllis ambagibus cedere, cum experimento rerum aperitur. Hæc Augustinus. De solis ergo conciliis generalibus recte congregatis dicimus ea errare non posse. Vt autem hoc clare comprobemus: oportet eos percontari, vtrum sit aliquis certus modus quo errans in fide doceri possit, vt reuocatus ab errore, certam teneat fidei regulam. Si dicant nullum talem modum esse certum, duo sequuntur inconuenientia. Primum, quod non recte & sufficienter Deus ecclesiæ suæ prouiderit. Secundum, quod nullus quantumlibet in fide errauerit, per hoc peccabit: quia videlicet immedicabili ignorantia laborat. Impium enim est dicere vt Deus obligauerit aliquem ad id quod sibi impossibile est. Si ergo nulla patet via certa qua ab errore reuocari possit, erit ergo illi impossibile certam tenere fidei regulam: quapropter cum ea caruerit, non peccabit. Si autem dicant aliquam esse viam certam qua doceri possit vt relicto errore ad rectam fidem redeat, hæc non erit hominis cuiuslibet particularis doctrina, quoniam quilibet particularis homo errare potest in fide etiā si papali dignitate fulgeat. Erit ergo via certa cōcilii generalis recte cōgregati definitio. Quod si ipsum cōciliū etiā errare posset, nec ista esset certa via: adhuc essemus dubii an concilium



ipsum rectè senserit, an malè. Quo facto, semper essemus hesi-  
*Iacob. 1* tantes, & similes, vt ait beatus Iaco. fluctui maris qui à vento  
 mouetur & circūfertur. Verū hic Lutherus & sui complices viā  
 certissimam esse aiunt scrutinium scripturarum, penes quas di-  
 cunt esse iudicium omne ad contentiones de fide summouen-  
*Ioan. 5* das: quoniam Christus dixit, Scrutamini scripturas, quoniam  
 illæ testimonium perhibent de me. Quibus obiicimus, quòd  
 ex illa autoritate solum habetur scripturas locum tenere te-  
 stium, & non locum iudicis. Non enim dixit, Scrutamini scri-  
 pturas, quoniam illæ iudicium ferunt de me, sed dixit, Scruta-  
 mini scripturas, quoniam illæ testimonium perhibent de me.  
 At testium officium non est ferre sententiam, sed solum testi-  
 monium dicere. Ad iudicem vero spectat testium dicta audire  
 & scrutari: quibus auditis, iuxta eorum testimonium sententiā  
 dicit. Quapropter fatemur, iuxta scripturæ sacræ testimonium  
 sententiam esse dicendam: verum opus est iudice qui testium  
 dicta inquirat, audiat, scrutetur: quo sublato, etiam ex scripturæ  
 sacræ testimonio non potest certitudo fidei haberi, quoniam  
 ipsam eandem scripturam quisque pro suo arbitrato interpre-  
 tabitur. Arrius certe plures scripturæ locos pro sui erroris con-  
 firmatione afferebat. Nestorius, vt Gennadius in cathologo  
 scriptorum ecclesiasticorum ait, sexaginta scripturæ testimo-  
 niis suam hæresim confirmare nitebatur. Et quis hæreticus suā  
 hæresim non conatus est scripturæ autoritatibus probare? Si  
 enim quempiam hæreticum noua docentem interrogas, vnde  
 hoc probas, quòd catholicæ ecclesiæ antiquā fidem dimittere  
 debeam? statim ille mille testimonia, mille exempla, mille  
 affert auctoritates, de lege, de psalmis, de Apostolis, de Prophe-  
 tis, quibus perperam interpretatis suum venenosum dogma  
 confirmet. Quo pacto ergo tunc scriptura erit iudex, cum ea  
 pro libito hæreticus iuxta ac catholicus vtatur? Arrius & Atha-  
*Ioan. 14* nasius contendunt de consubstantialitate filii. Arrius pro se  
 affert illud Christi dictum, Pater maior me est. Athanasius  
 suam & catholicam fidem confirmat per illud quod Christus  
 dixit: Ego & pater vnum sumus. Vterque eorum dicit se, scruta-  
 rum fuisse scripturas, & quòd illæ testimonium perhibent de  
 sua doctrina. Non est ergo sufficiens & certa via scrutinium  
 scripturarum, quoniam eas quisque pro libito interpretatur.  
 Opus est ergo iudice, qui sententiam dicat de interpretatione  
 illarum scripturarum, quis sit verus earum sensus. Is autem iu-  
 dex, vt

dex, vt nos certos sua sententia reddat, oportet vt talis sit qui  
 falli non possit. Particularis autem homo, quicumque is sit, falli  
 potest. Erit ergo necessario generale concilium talis iudex qui  
 falli non potest, & nos certos de vera fide per suam sententiam  
 faciat. Aut ergo nullus est iudex infallibilis cui certo credere  
 teneamur, aut concilium generale erit talis iudex qui falli non  
 possit. Quod si nullum esse talem iudicem dicas cui certo cre-  
 dere teneamur, qualem, bone Deus, tunc haberemus Ecclesiam?  
 quam inconstantem, quam dubiam, quam hesitantem? ipso  
 certe Proteo mutabiliorem. Quomodo non vacillabit omnis  
 Christianorum fides, si non est certum cui credere teneamur?  
 Et certe si quisque bene consideret, fomentum omnium hære-  
 sum validissimum est, dicere quod concilium generale recte  
 congregatum errare possit: quoniam illo admissio, omnes hæ-  
 reses per conciliorum auctoritatem damnatae resurgent, & nul-  
 la inuenietur via qua illas ab ecclesia reicere valeamus. Nam  
 si scripturis sacris contra eos agatur, statim eas aut omnino  
 reiicient, eas esse canonicas negantes, aut perperam interpreta-  
 buntur, & ad suum sensum detorquebunt, sicut eos fecisse, &  
 nunc facere experientia docet. Et ita ecclesiae facies esset omni-  
 no confusa, & turpis, & misera. Præterea, in conciliis generali-  
 bus recte, vt decet, congregatis, adest spiritus sanctus eorum mo-  
 derator & rector, qui eos in fide instruat, quapropter sicut nec  
 spiritus illis assistens errare potest, ita nec ipsa concilia quæ ab  
 eo diriguntur. At Deum assistere ipsis generalibus conciliis  
 recte congregatis, conuincitur per id quod Dominus ait, Si duo  
 ex vobis consenserint super terram de omni re quacunque per- Mat. 18  
 tuerint, fiet illis à patre meo qui in cælis est. Vbi enim sunt duo  
 vel tres congregati in nomine meo: vbi sum in medio eorum.  
 Quod si hoc promissum vides duobus aut tribus in nomine  
 Christi congregatis, quid futurum putas cum totum generale  
 concilium fuerit congregatum? Hoc etiam ex concilio Hiero-  
 solymæ ab Apostolis celebrato clarius patet, vbi Apostoli in  
 vnum congregati vt de cessatione legalium definirent, sic sen- Act. 15  
 tentiam proferunt: Visum est spiritui sancto & nobis &c. Rur-  
 sum ecclesia habet spiritum sanctum illi assistentem, & eam  
 gubernantem. Sic enim Christus promisit: Paracletus autem  
 spiritus sanctus, quem mittet pater in nomine meo, ille vos do- Ioan. 14  
 cebit omnia, & suggeret vobis omnia quæcunque dixerò vobis.

- Nec enim hæc verba ad solos apostolos referenda sunt, nec illa spiritus sancti missio, ut ait Bernardus, propter solos Apostolos facta est. Ad quid enim necessariae erant Apostolis omnium gentium linguæ, nisi quia omnes gentes docendæ erant? Et ipsamet veritas ait: Ego vobiscum sum usque ad consummationem sæculi. Quod verbum nequaquam ad solos Apostolos referendum est, cum illi non essent permansuri in hac misera vita ad finem usque mundi. Sed toti ecclesiæ dictum est illud, cui Deus promittit se ad finem usque affuturum. Hoc autem antea sub nomine Christi Salomon loquens prædixerat: Vineam, inquit, mea coram me est. Christus ergo semper ecclesiæ adstat tanquam sponsus sponsæ suæ cohabitans, tanquam caput membris suis hærens, ut ea vegetet atque regat. At concilium generale, ut in principio huius operis docuimus, ecclesiam vniuersalem repræsentat. concilio ergo generali in quo vniuersa ecclesia repræsentatur, Deus ipse assistit, illud docens omnia ad salutem necessaria. Deinde si concilium generale, ut diximus, vniuersalem ecclesiam repræsentat: sequitur concilium errare non posse in fide & moribus, quia ecclesia quæ per concilium generale repræsentatur, non potest errare in fide aut moribus. De ecclesia namque ipsamet veritas ait: Portæ inferi non præualebunt aduersus eam. Portæ inferi sunt singula mortalia peccata, per quæ fit introitus ad infernū. Quod si vniuersalis ecclesia in fide aut moribus errare posset, portæ inferi prævalerent aduersus eam. Et apud Ioannem eadem veritas iterum ait, Ego rogabo Patrem & alium paracletum dabit vobis, ut maneat vobiscum in æternum. Quæ verba non ad solos Apostolos referenda sunt, sed ad vniuersalem ecclesiam, cui promittit spiritus sancti præsentiam ad finem usque sæculi. Et beatus Apostolus Paulus dicit, Viri diligite uxores vestras, sicut Christus dilexit ecclesiam, & seipsum tradidit pro ea ut illam sanctificaret, mundans eam lauacro aquæ in verbo vitæ, ut exhiberet ipse sibi gloriosam ecclesiam, non habentem maculam aut rugam, aut aliquid huiusmodi, sed ut sit sancta & immaculata. Si ergo Christus exhibuit ecclesiam sine macula & sine ruga, qualiter eam inficere poterit hæretis labes, aut peccati macula? Rursum, idem Paulus in alia epistola vocat ecclesiā columnā & firmamentū veritatis: ex quibus verbis cōvincitur ut ipsa errore aliquo inuoluta non possit.

possit. Non enim est possibile, ut ea quæ columna & firmamentum est veritatis, erret. Ex his ergo & alijs plurimis quæ possunt afferri, conuincimus generale concilium rectè ( ut de-  
 cet ) congregatum, non posse in fide aut moribus errare. Dici-  
 mus autem concilium tunc esse generale, & rectè congrega-  
 tum, quando pontificis summi autoritate cōuocantur omnes  
 quorum interest de re illa definire. Sine summi pontificis au-  
 thoritate concilium generale celebrari non potest. Hinc non  
 est mirum si Ariminense concilium errauerit: quia ab hæreti-  
 cis Arrianis, fauente Constantio imperatore, & ipso Arriana  
 hæresi infecto, congregatum est, contradicente tamen Liberio  
 papa. Quapropter omnia in hoc concilio gesta, Damasus pa-  
 pa, conuocato postmodum Romam concilio, rescidit pror-  
 sus. Eadem ratione concilium Constantinopolitanū sub Con-  
 stantino & Gregorio tertio celebratum, inane est & pestife-  
 rum, quia renitente Gregorio tertio congregatum fuit, & con-  
 tra illius mentem & aliorum catholicorum lata est ibi senten-  
 tia de imaginibus omnino ab ecclesia tollendis: & ideo hoc  
 fuit postea in septima synodo quæ Nicena fuit, sub Hirene im-  
 peratrice damnatum. Nec oportet ad hoc ut concilium dica-  
 tur generale, quòd omnes Christiani conuocentur, sed solum  
 illi ad quos spectat docere & regere, quales sunt maiores ec-  
 clesiæ, ut episcopi & similes. Ad hos enim spectat docere, &  
 ad alios non. Et hoc valde consonum est rationi. Si enim o-  
 mnes possent docere, omnes definire, ad omnes spectaret de  
 fide sententiam dicere: tunc totum corpus vnum membrum  
 esset: Paulus tamen ait: Nam & corpus non est vnum mem-  
 brum, sed multa. Si dixerit pes, quoniam non sum manus,  
 non sum de corpore, non ideo non est de corpore: & si di-  
 xerit auris, quoniam non sum oculus, non sum de corpo-  
 re: non ideo non est de corpore. Si totum corpus oculus,  
 vbi auditus? Si totum auditus, vbi odoratus? Nunc autem  
 posuit Deus membra vnumquòdque eorum in corpore sicut  
 voluit. Quòd si essent omnia vnum membrum, vbi cor-  
 pus? Nunc autem multa quidem membra, vnum autem  
 corpus. Et aliquibus interiectis subiungit: Nunquid omnes  
 apostoli? Nunquid omnes prophetæ? Nunquid omnes do-  
 ctiores? Ex quibus Pauli verbis conuincimus quosdam esse in  
 ecclesia ad hoc à Deo destinatos, ut doceant & definiant:  
 aliorum autem munus esse, doceri, & aliorum documenta

I. Cor. 12



fufcipere. Hi ergo omnes quorum intereft docere, regere, de-  
finire, ij foli cōuocandi funt, non autem promifcuum vulgus.

**Act. 15** Cū enim diffenfio efferet in ipfo ecclefie nascentis exordio de  
ceremoniis veteris legis, quibufdam dicentibus eas fimul cum  
lege euangelica debere feruari, alijs autem cōtrarium affirmā-  
tibus, congregatum eſt Hieroſolymę hac de cauſa concilium:  
ad quod ſolū conuenerunt Apoſtoli & ſeniores videre de verbo  
hoc: & tamē quæ ibi determinanda erant, omnes concernebāt.

**Dent. 17** Cui ſimillimum eſt id quod in veteri lege Dominus præcepit.  
Si difficile, inquit, & ambiguum apud te iudicium eſſe perſpe-  
xeris inter ſanguinē & ſanguinem, cauſſam & cauſſam, lepram  
& non lepram, & iudicium intra portas tuas videris verba va-  
riari: ſurge & aſcende ad locum quem elegerit dominus Deus  
tuus, veniēsque ad ſacerdotes Leuitici generis, & ad iudicē qui  
fuerit illo tempore, quæſque ab eis, qui indicabunt tibi iudi-  
cij veritatem, & facies quodcunque dixerint qui præſunt loco  
quem elegerit Dominus, & docuerint te iuxta legem eius: ſe-  
queriſque ſententiam eorum, nec declinabis ad dexteram, neq;  
ad ſiniſtram. Vides hic qualiter ad omne dubitationis vulnus  
amputandum mittit nos Dominus non ad reges, non ad duces,  
non ad promiſcuam plebem, ſed ad ſacerdotes Leuitici gene-  
ris: & præcipuē ad ſummum tunc temporis ſacerdotē, ad quem  
magis quā ad quolibet alium ſpectat, vt aliās in principio  
huius operis diximus, de fide definire. Maiores ergo ecclefie  
ad conciliū vocandi ſunt, & non promiſcuum vulgus. Quod ſi  
aliquis quantūlibet deiectus ex plebe, etſā nō vocatus ad conci-  
liū acceſſerit, & velit toti cōcilio aliquid proferre, dicens ſe ha-  
bere aliqua quæ ad communē omniū utilitatem ſpectant, is  
proculdubio nō eſt contēendus, ſed audiendus, & poſtea ad ma-  
iores ſpectabit definire. Vnde Paulus in 1. ad Corint. epiſt. ait:  
**1. Cor. 14** Si non fuerit interpres, taceat in eccleſia, ſibi autem loquatur, &  
Deo: prophetæ autem duo aut tres dicant, & cæteri diiudicent.  
Quod ſi alij reuelatum fuerit ſedenti, prior taceat. Ex quibus  
Pauli verbis conſtat eos eſſe audiendos, & non contemnēdos,  
qui id quod ſibi reuelatum fuerit, docere voluerint. Cū ergo  
omnes quorum intereſt, conuocati ſunt, & ſummi pontificis au-  
thoritatē congregati: tunc concilium generale recte congrega-  
tum dicetur. Quod ſi omnes ſic congregati, vnanimēs & con-  
cordes, aut eorum maior pars cum ſummo pōtifice conſentiat:  
illa erit certa ſententia, & pro infallibili concilij generalis de-  
ſinitio

definitione tenenda. Pro hac re potuisssem sacrorum doctorū testimonia, & conciliorum decreta afferre, sed omisi quoniam contra damnantes concilia agimus, qui eidem concilio de se definiendi dicent, Tu de teipso testimonium perhibes, testimonium tuum non est verum. De hac re scripsit, satis tamen breuiter, Ioannes Episcopus Rossensis in eo opere quod contra captiuitatem Babylonicam Lutheri fecit, duobus articulis, scilicet vicesimooctauo & vicesimono. Scripsit etiam vir doctissimus Iodocus Clichthoueus in eo opere quod composuit pro assertionem veritatum in concilio Senonensi contra Lutherum definitarum capite tertio. Dionysius Riskel Carthusiensis ante istos per annos sexaginta, scripsit de autoritate Concilij libros tres. Huius autem opus non vidi, sed testimonio Ioannis Tritemij in suo libro de Ecclesiast. scriptoribus hoc habui. Guilielmus Occam in libris dialogorum de hac re pertractat fusius quam oportebat, & nescio an ira sanè vt veritas postulat: quoniam omnia quæ ibidem pertractat, adeò indecisa reliquit, vt nescias quas partes tenere velit. Ioannes Gerson etiam plures edidit tractatus, in quibus de potestate Ecclesiæ & de Conciliorum autoritate differit. Ioannes de turre Cremata in libro de summa Ecclesiæ: Ioannes Eckius & alij complures de hac re locupletissimè tractant.

Ioan. 8

## C O I T V S.

**D**E hac re fuit quidā bestialis & turpis error. Nam Simon ille Magus, de quo in actibus Apostolorum fit mentio, docuit promiscuum fœminarum vsum esse licitum, ita vt quisque qua vellet vti sine peccato posset. Eadem turpitudinem eodem ferè tempore docuit Saturninus quidam in Syria. In eodem errore fuerunt Nicolaitæ: quapropter de illis dicitur in Apocalypsi, Hoc habes bonum, quòd odisti facta Nicolaitatum, quæ & ego odi. Hi Nicolaitæ à Nicolao qui vnus fuit ex septem diaconis qui cum Stephano in ministerium viduarum deputati fuerant, occasionem sui erroris sumpserunt. Ille nanque cum ab Apostolis increparetur de zelotypia vxoris, quam valdè pulchrā habebat: vt se de zelotypia coram Apostolis purgaret, vxorem in publicum produxit, dicens, vt qui vellet, ea vteretur: ostendere volens hoc facto se non esse adeo zelotypum, vt ipsi impingebatur. Ex quo facto alij occasionem sumentes, crediderunt hoc licitum esse, vt quisque qua vellet fœmina vteretur:

Simon magus.  
Saturninus.Nicolaitæ.  
Apos. 2

qui ab isto Nicolao originem se habere iactantes, Nicolaitæ sunt appellati. Si quis tamen de hoc amplius nosse cupit, legat Eusebium libro tertio ecclesiasticæ historiæ cap. 29. Philaster etiam narrat talem fuisse Florianis consuetudinem, ut in ecclesia post occasum solis; extinctis lucernis, promiscuè quas vellent mulieres accipientes cum eisdem miscerentur. Sed hunc errorem Augustinus his Florianis non tribuit, quamvis de illis loquitur in libro de hæresibus. cap. 66. nisi fortè alij sint de quibus Philaster loquitur, quoniam illi vocantur à Philastro Floriani: at 1) quorum Augustinus meminit, vocantur ab eo Floriani, à Florino quodam illorum magistro sic dicti. Quis autem fuerit istorum Florianorum dux; & quo tempore vixerit, Philaster non expressit neque ego apud alium invenire potui. Hunc eundem errorem promiscui concubitus suscitavit in Bohemia quidam dicti Adamitæ, quorum princeps & dux fuit quidam Picardus ex Gallia Belgica. Hic enim (ut Aeneas Syl. in libro de origine Bohemorum refert) in Bohemiam sub Sigismundo Romanorum rege penetrauit, qui præstigiis quibusdam numerosam virorum ac mulierum plebem ad se traxit, quos nudos incedere iubens, Adamitas vocavit, se autem filiū Dei dixit, & Adam vocari præcepit. Suis Adamitis connubia promiscua permisit: quamvis sine illius assensu nefas esset mulierem cognoscere, sed ut quisque libidine vrente in aliquem exarsit, eam manu apprehendit, & adiens principem, dicebat se illam appetere. Quo audito, ille Picardus eorum princeps respondebat, Ite, crescite & multiplicamini. Hanc eandem hæresim, sed cum magis obscena & nefanda turpitudine docuerunt Valdenses. illi enim (ut Guido carmelita de illis narrat) dixerunt quod vrente carnis libidine, omnis carnalis commixtio tam inter viros quam inter feminas est licita. Et certè miror quod in cogitationem hominum venire possit, non dico ut tale quid faciant, sed ut licitè illud fieri posse credant. Certus enim sum aliquos fuisse masculorum concubitores, quoniam hoc scripturæ sacræ testantur: sed vix credere possum, ut sic facientes, se malè facere non credant, aut saltem non timeant, conscientia sua illos accusante. Lex enim naturalis quæ omnium cordibus est insita, & nemine docente scitur: docet hoc nefandum & pessimum scelus esse fugiendum. Hi omnes hæretici de mendacio conuincuntur, si ex sacris literis ostenderimus nullum coitum esse licitum

citum præter eum, qui coniugio mediante inter virum & propriam uxorem habetur. Vt autem hoc clarius apparet, hoc prius supponendum est, omnem coitum possibilem haberi, esse triplicem tantum, videlicet aut cum iumento, aut cum homine masculo, aut cum femina. Coitus cum iumento lege naturali damnatus est, & eum Deus lege scripta damnauit, dicens: Cum omni pecore non coibis, nec maculaberis cum eo. Mulier non succumbet iumento, nec miscebitur ei, quia scelus est. Et in eodem libro iterum ait: Qui cum iumento & pecore coierit, morte moriatur, pecus quoque occidite. Mulier quæ succubuerit cuilibet iumento, simul interficietur cum eo. Sanguis eorum sit super eos. Coitum cum homine masculo, eadem lex damnat. Nam & Sodomam & Gomorram ciuitates incendio destruxit, ita vt egresso Loth, à maximo vsq; ad minimum omnes comburentur propter peccatum hoc. Et in Leuitico Dominus ait: Cum masculo non commiscearis coitu femineo, quia abominatio est. Et iterum, Qui dormierit cum masculo coitu femineo, vterque operatus est nefas, morte moriantur. Sit sanguis eorum super eos. Et Apostolus Paulus de Gentibus loquens ait: Propter hoc tradidit illos Deus in passionem ignominie. Nam feminae eorum mutauerunt naturalem usum in eum usum qui est contra naturam. Similiter autem & masculi relicto naturali usu feminae, exarserunt in desideriis suis inuicem, masculi in masculos turpitudinem operantes. Et voco hic coitum cum masculo, etiam si cum femina coeat tanquam cum masculo. nam coitus ille contra naturam etiam est, & ideo damnatus. Omnis enim coitus, secundum cuius speciem aut modum generatio non potest haberi, iure naturæ reprehenditur. Finis namque ad quem natura coitum ordinauit, est generatio, & multiplicatio speciei: propter quod omnis coitus qui tali modo fit quali impossibile esset generationem ad sortum ex illo habere, naturali lege damnatur. Hoc ergo contra obscenissimos Valdenses sufficiat. Restat ergo solus coitus qui est viri cum femina. Hic autem coitus tripliciter fieri contingit. Aut enim aliquis coit cum illa quæ sibi coniugio copulata est, aut cum illa quæ etiam coniugio copulata est alteri, aut coit cum soluta, quæ videlicet non est alicui nupta. Si coit cum uxore alterius, talis coitus vocatur adulterium, & est lege diuina damnatus. Sic etenim lex diuina ait: Si mœchatus quis fuerit cum uxore alterius, & adulterium

Le. 18

Le. 20

Gen. 19

Leuit. 18

Ibidem 20

Rom. I



adulterium perpetraverit cum cōiuge proximi sui, morte moriantur & mœchus & adultera. Et ipsa veritas in euangelio inter opera mala quæ coinquinant hominem, enumerat adulteria. De corde enim exeunt (inquit) cogitationes malæ, homicidia, adulteria, fornicationes, furta. &c. Coitus verò cum soluta, quæ nulli lege matrimonij est alligata, vocatur fornicatio: & hic coitus etiam diuina lege damnatur, vt patet ex dicto Saluatoris proximè citato, vbi inter ea quæ coinquinant hominem, **Mat. 15** post adulteria enumeravit etiam fornicationes. Græci tamen (vt Guido illis impingit) dicunt simplicem fornicationem nō esse peccatum. Martinus de magistris in suo lib. de temperantia: quæstione secunda de luxuria, dicit se fateri fornicationem simplicem esse peccatum mortale: tamen dicit insuper quòd oppositum credere non sit hæreticum, quia (vt dicit) testimonia scripturæ sacræ nō sunt expressa, quoniam etsi in pluribus locis prohibeatur fornicatio, tamen possunt dicta illa interpretari quòd nomen fornicationis sumitur generaliter pro luxuria in communi: & quia illius multæ sunt species malæ, ideo dicit fornicationem hoc nomine sumptam esse damnatam, quia luxuria ex genere suo est mala. Sed cum pace illius dixerim, ego credo Martinum alioqui virum doctum, in hac parte errasse, quoniam vt aliàs diximus, beato Hieronymo nobis suffragante, in sensu literæ consistit euangelium, & non in nuda littera. quapropter diximus non ad quemlibet spectare interpretationem scripturæ, sed ad solam ecclesiam: aut si in aliqua particulari persona talis potestas residet, ea est in solo summo pontifice. Ecclesia ergo quæ habuit ius & potestatem discernendi scripturas sacras a prophanis, illa habet potestatem discernendi verum & legitimum sensum à non vero. Nihil certè profuisset scire quænam sit scriptura diuina, si postea in eadem scriptura reciperemus sensum falsum pro vero. Sicut ergo credimus ecclesiæ dicenti hanc aut illam esse scripturam diuinam: ita etiam oportet credere eidem dicenti hunc aut illum esse eiusdem scripturæ sensum. At ecclesia catholica docet simplicem fornicationem esse peccatum, & contra legem diuinam, ergo tenendum est fornicationem esse lege diuina prohibitam: & ita necessarium est vt hæreticus sit qui pertinaciter dixerit simplicem fornicationem non esse peccatum. Præterea concors omnium sacrorum doctorum de eadem re sententia, fidem facit, quoniam etsi in aliquibus plures eorum errauerint, fieri ta-

men

men acquit vt omnes concorditer errent. Quomodo enim possibile est vt omnes errent, qui (vt Paulus ait) ne nos erraremus, à Deo dati nobis sunt? Aut concors est omnium sanctorum doctorum sententia, simplicem fornicationem esse peccatū mortale, nec vllus vnquam ex his qui ab ecclesia probati sunt, oppositum asseruit. Sed iam videamus vtrum fornicationis nomen possit semper in sacris literis pro luxuria in genere accipi. Primo certè constat in illo Saluatoris dicto, quod paulò antè citauimus, nullo modo sic accipi posse, nisi ineptam Christo tribuerimus locutionem. Sic enim ait: De corde enim exeunt cogitationes malæ, homicidia, adulteria, fornicationes. Ecce post adulteria subiunxit fornicationes. Quis autem nisi ineptè loquens, post enumeratam speciem addit postea genus illius speciei? Species autem congruè post genus additur. Nullus enim aptè loquens sic diceret, De domo ista multa sublata sunt, videlicet vestes, vasa, arietes, pecora. Nā eo ipso quòd arietes nominati erant, pecora intelligebantur, quia arietes pecora sunt. Cum ergo Christus post adulteria subiunxerit fornicationes: signum est fornicationem ibi non posse capi loco generis, vt omnem carnis libidinem significet: nec pro adulterio, quoniā esset inanis eiusdem rei repetitio. Præterea hoc eodem ordine vitia illa carnis enumerat Paulus. Sic enim in epistola ad Galatas iuxta Ambrosij lectionem dicitur, Manifesta sunt opera carnis, quæ sunt adulterium, fornicatio &c. Vbi iterū post adulterium reperitur fornicatio, & ideo oportet vt nec pro adulterio ponatur, nec pro genere carnalis libidinis, sed pro specie distincta ab adulterio. Rursus in epistola priorē ad Corinthios sic ait: Nolite errare: neque fornicarij, neque idolis seruientes, neque adulteri, neque molles, neque masculorum concubitores, neque fures, neque auari, neque ebriosi, neque maledici, neque rapaces regnū Dei possidebunt. Vides hic fornicarijs expressè denegatum esse regnum Dei. At nullus rationis capax à regno Dei excluditur nisi propter peccatum mortale. Neq; hic etiam potest dici quòd fornicatio ponatur pro genere cuiuslibet libidinis carnalis: quoniam tunc superflue adduntur reliquæ libidinis species, videlicet adulteri, molles, masculorum concubitores: quoniam negato genere, negantur omnes generis species: velut si dixeris, nullum animal esse in illa domo, eo ipso negasti ibi esse hominem, aut equum, aut aliud quoduis brutū. Præterea si ibi nomen fornicarij pro genere ponitur, & nō pro specie)

Matt. 15

Gal. 5

1. Co. 6

specie, & cuilibet fornicario regnum Dei interdicatur: sequitur, ut qui fornicationem (quemadmodum illi loquuntur) simplicem commisit, sit prohibitus à regno Dei quoniam fornicatio simplex, species quædam est luxuriæ. negato ergo genere, negatur etiam species. Ex his ergo satis patet coitum soluti cum soluta, qui fornicatio dicitur, esse lege diuina prohibitum. Solus ergo coitus qui est viri cum propria vxore, licitus est. Deinde promiscuus concubitus expressè lege diuina prohibetur. Nam quis verius potest dici promiscuus concubitus, quàm quem meretrices sustinent? quoniam paratæ sunt cum quocunque volente coire. Et ille meretricius coitus propriè fornicatio dicitur, à *Deu. 23* fornicibus in quibus meretrices degere solebant. Talis autem coitus lege diuina prohibetur. Non erit (inquit) meretrix de filiabus Israel, nec scortator de filiis Israel. Sequitur infra, quia abominatio est vtrunque ad dominum Deum tuum. Accedit ad hæc, quòd si promiscuus concubitus esset licitus, & (ut turpes & obsceni Floriani faciebant) in ecclesia extinctis lucernis, mulieribus promiscue miscerentur viri, contingeret sæpe ut filius coiret cum matre, & pater cum filia, quod natura horret, & lex diuina damnat. Aduersus ergo omnes præfatos hæreticos hæc dicta sufficiant.

Secunda hæresis est omnino præcedenti opposita, quoniam omnem coitum damnat, dicēs omnem coitum esse illicitum. Et de hac sententia inter plures hæreticos conuenit. Verùm de hac re inferius agemus in titulo de nuptijs, vbi probabimus Deo duce nuptias esse licitas, & à Deo probatas.

Tertia hæresis docet carnalem coitum vrente carnis libidine non esse peccatum, sed bene osculum: quia (ut dicunt) ad hoc non inclinat natura, ad illum autem est naturalis quædam instigatio. Et hæc est vna ex hæresibus quas Beguinæ & Begardi asseruerunt. Hic autem error duos in se complectitur. Vnus est quòd instigante carne carnalis coitus non est peccatum, & de hoc conuenit inter hos & Valdenses, quos iam in prima hæresi euicimus. Alius est quòd osculum sit peccatum. & si de aliquo osculo loquantur, verum dicunt, quoniam osculum per quod fit sollicitatio ad coitum, peccatum est, sicut & ipse coitus. Omnis enim operatio, à fine ad quem dirigitur, sumit denominationem, ita ut si finis sit bonus, & reliqua adsint, operatio erit bona. Si finis est malus, operatio erit mala. Omne ergo osculum quod ad sollicitandam carnem dirigitur, peccatū est.

Si verò

Si verò de quolibet osculo loquantur, quòd omne tale sit peccatum, manifestus est error, quoniam osculum quod in signum pacis & veri amoris præstatur, tale non solum non est peccatum, sed potius est actus virtutis, sicut & ipsa pax cuius est signum. Christi enim discipuli se inuicem osculantes, signum pacis & veri amoris osculo præbebant. Quapropter Iudas hoc signum Iudæis dederat dicens, Quemcunq; osculatus fuero, ipse Mat. 27 est, tenete. Nam cum discipuli Christi alicunde remeabunt ad Christum, osculū ori illius in signum pacis infigebant. Hoc fecit & Iudas, vt tali signo proderet Christum. Ideo Christus dixit illi, Osculo filium hominis tradis? Præterea, nec omne osculum quod causa sollicitandæ carnis præstatur, peccatū est, præcipue si coitus ille ad quem dirigitur, licitus est, vt in coniugibus contingit. Si enim vxor exigat à viro vt coeat cum ea, & vt hoc debitum vxori præstet, vir osculatur vxorem, vt videlicet per hoc excitetur caro ad reddendum debitum quod alijs reddere non posset: non solum non est peccatum tale osculum, sed virtutis actus, sicut & ipse coitus est actus iustitiæ, cum per illū vir reddat vxori quod illius est. Postremo hæc sententia Beguinarum damnata est in concilio Viennensi sub Clementes. celebrato: cuius concilij definitio habetur in libro Clementinarū titulo de hæreticis, cap. ad nostrū, vbi condemnantur octo Beguinarum errores, & is de quo agimus, septimo loco annumeratur per hæc verba: Septimo quòd mulierum osculum, cū ad hoc natura non inclinēt, est mortale peccatum: actus autē carnalis, cum ad hunc natura inclinēt, peccatum non est, maximè cum tentatur exercens. Hæc ibi. qui error cum alijs septē ibidem numeratis simul damnatus est.

## C O N F E S S I O.

**R**Es quædam valde difficilis est confessio peccatorum, per quā peccator sacerdoti omnia peccata sua in aurem dicit, qua re nihil durius aut grauius in tota lege euangelica reperitur: ideo propter operis difficultatem, multi hæretici nec salutē suæ nec salutē aliorū cōsulētes, conati sunt eā funditus tollere, diuersis tamē vijs id aggredi tentarunt. Primus ergo de hac re error est, qui negat eā esse à Deo institutā, sed dicit sola humana cōstitutione stabilitā. Hūc errorē docuit in Hispania quidā Petrus Osmentis doctor theologiæ Salmātinus. Et hūc errorē dominus Alfonso Carillo archiepiscopus Toletanus & Hispaniarū primas, habito prius cū plurimis doctis viris cōsilio, damnavit,



*Lutherus.*

*Iacobita.  
Lutherus.*

*Ioannes  
Vuislefs.*

*Valdenses*

navit, & hæreticū declaravit autoritate Sixti 4. tunc pontificis maximi. ad hāc causam illi specialiter delegata. Quam definitionē idē Sixtus postea confirmavit: cuius cōfirmationē in fine huius hæresis, nec vno verbo mutato, referemus. Hic est etiā error Lutheri: imò ante Lutherum huic errori ansam præbuerūt aliqui iuris canonici periti. Nā glossator decreti in principio distinctionis quintæ de pœnitentia dicit quòd melius est credere illam cōfessionem peccatorum auricularem esse institutam ex quadam vniuersalis ecclesiæ traditione, quàm ex noui aut veteris testamenti autoritate. Secundus error est qui dicit non esse necessariū confiteri sacerdoti, sed sufficit soli Deo peccata confiteri. Hic est error quorundā orientalium hæreticorū qui dicuntur Iacobitæ, & hos sequitur Lutherus dicens non esse necessariam hanc clanculariam confessionem, quæ in aurem sacerdotis fit, sed sufficit si soli Deo confiteatur. Hunc enim errorem ex primo deducit velut putrem aquam ex fonte corrupto. Nam cum afferrentur testimonia scripturæ confessionem peccatorum præcipientis: interpretatus est ea de confessione quæ Deo fit, quam dicit esse diuino iure præceptam, eamq; sufficientem. Tertius error dicit confessionem esse superfluam & inutilem si contritio adsit: & huius hæresis auctor est Ioannes Vuislefs. Quartus error dicit non esse necessariam omnium peccatorum examinationem, nec esse omnia peccata mortalia confitenda, quoniam, vt Lutherus ait, dum volumus omnia purè cōfiteri, nihil aliud facimus, quàm quòd misericordiæ Dei nihil volumus relinquere ignoscendum. Quintus error omnino tollit confessionem, & iste est error Valdensium, qui coincidit cum errore qui est Iacobitarum & Lutheri. Sextus error est dicens in confessione non conferri gratiam qua homo iustificetur: & ita negat confessionem posse dici sacramentum. Et hunc errorem etiam docet Lutherus. Hos omnes errores sic ex industria coniunxi, causā prolixitatis vitandæ, quoniam testimonia quæ contra illos citaturi sumus, aliquando duos errores, aliquando tres eorum simul conuincunt. ideo ne eandem authoritatem bis aut ter repeteremus, hos errores simul cōiunximus, vt citato alicuius testimonio, in eo tunc omnia quæ contra errores pugnant, annotemus. Omitto pro hac re testimonia, quæ ex veteri testamento afferri possunt, quoniam omnia, quæ inde afferri possunt pro hac re, adeò obscura sunt, vt quamuis nostro proposito faucant, illud tamē apertè ostēdere nequeūt.

Omitto

Omitto etiam illa quæ in nouo testamento sub quadam figura & sub quodam velamine dicta sunt. Verbi gratia, Christus dixit decem leprosis salutem ab eo petentibus: *Ite, ostēdite vos sacerdotibus.* Et leproso quem descendens de monte tactu suæ manus purificauit, dixit, *Vide, nemini dixeris, sed vade ostende te sacerdoti, & offer munus.* Ex quibus verbis etsi satis congrue dici possit confessionem designari, quoniam per lepram peccatum figuratur, quapropter per ostensionem lepræ sacerdoti faciendam, ostenditur peccatorum confessio sacerdoti facienda: & quod mundatus a lepra adhuc debeat ostendi sacerdoti, significat quod mundatus a peccato per contritionem, adhuc debet ostendere peccatorum suorum maculas remanentes per confessionem sacerdoti faciendam: hæc inquam etsi satis pie dicta sint, non tamen sunt efficacia ad hæreticum reuincendū: quoniam nullus sensus sacræ scripturæ (vt in principio huius operis docuimus) efficax est ad fidem roborandam, & hæreticos reuincēdos, nisi ille literalis sit ex sensu enim mystico nunquam potest sumi argumentum efficax contra hæreticos. At quod ille sensus datus sit mysticus in illa litera, apertissimum est. Simile etiam est illud quod Lazaro resuscitato Christus dixit apostolis, *Soluite eum, & supite abire.* Ex quo etiam colligi posset, quod peccator quāuis per gratiam a Deo in contritione collatam sit a morte peccati suscitatus, nihilominus ligatus sacerdoti traditur, vt absoluator a vinculo quo tenetur ad certam pœnam pro peccati satisfactione soluēdam. Hæc certe pia sunt, & multum ecclesiæ catholicæ fidem iuuant: sed quia non tam aperta sunt, ideo non sunt adeo efficacia vt oporteret. Quod ex toto sacro instrumento (mea quidem sententia) efficacius & fortius potest afferri, est illud verbum quod Christus post resurrectionem suam discipulis dixit, *Accipite spiritum sanctum, quorum remiseritis peccata, remittuntur eis: & quorum retinueritis, retenta sunt.* Quæ verba subtili sunt examine discutienda, quoniam multa ex illis verbis nobis suffragantia colligere possumus. Primo ergo dicitur, quorū remiseritis peccata, remittuntur eis. Quibus verbis iuxta sententiam omnium sacrorum doctorū potestatem dedit sacerdotibus absolvendi homines a peccatis. At sacerdotes non possunt peccata remittere, nisi prius ea cognouerint: quoniā qui sententiam de re aliqua laturus est, oportet vt plene rem eandem prius agnoscat, sicut Sapiens ait, *Qui iudicat quæ nouit, iudex iustitiæ est.*

Pro. 12 Peccata autem aliorū, maxime quę secreto, & intra cordis latebras cōmissa sunt, sacerdotes non possunt agnoscere, nisi ipsimet peccatores sacerdotibus peccata sua reuelēt. Qui ergo sacerdotibus potestatem remittendi peccata dedit, illis eisdem verbis peccatoribus obligationem confitēdi sua peccata iniunxit. Verū huic argumentationi fortasse respondebit quispiā, quod ex verbis saluatoris solū haberi potest confessionē esse sub cōsilio tanquā bonum quoddā opus, & ad salutem maximē conducens: qua cōfessione facta, sacerdotes habent potestatem absoluenti, sibi per illa verba à Christo collatā. Sed hæc responsio faciliē reiicitur per id quod post illa verba immediate subiungitur, Quorū retinueritis, retenta sunt. Nihil certē aliud est sacerdotes retinere peccata, nisi non remittere. Sensus ergo litterę est, Quorū non remisistis peccata, illa nō sunt remissa. Si ergo ad hoc vt peccata sunt remissa, oportet vt ea sacerdos remittat: ergo ad hoc vt peccata sint remissa, oportet etiā vt peccator illa sacerdoti manifestet. Quod si iterū forte quis dicat ex illis verbis non haberi necessitatē confessionis clancularię, quę nunc in aurē sacerdotis fit: de hac re non contendo, modo concedant ex illis verbis haberi necessitatem confessionis, siue illa clācularia sit, siue publica: quoniā (vt late aduersus Lutherum disputat Iaco. Latomus) in vtraq; earū potest consistere sacramentū pœnitentię. Non est enim sic de necessitate sacramenti pœnitentię, quod cōfessio fiat secretē, vt si publicē fieret, non esset sacramentū: quāuis male ageret qui publice confiteretur, nisi aliqua particulari iusta causā urgente. Præterea ex illis verbis, Quorū remisistis peccata, remissa erunt, conuincitur gratiam per absolutionē sacerdotis infundi à Deo. Sacerdote enim remittente ministerialiter, Deus vere peccata tunc remittit. At cum peccatorum remissio nunquam sine gratia gratum faciente habeatur: sequitur vt quoties sacerdos pœnitentem à peccatis absoluit, toties Deus gratiā infundat. Quod si per illā gratia infunditur à Deo, sequitur eā recte dici posse sacramentum, quia post verba sensibilia significantia absolutionē peccatorum, si peccator obicē non ponat, efficaciter sequitur gratię infusio. Ex his ergo verbis multa colligimus, videlicet confessionem esse necessariam, cōtra Valdensēs: eamq; non debere fieri soli Deo, sed etiā sacerdoti qui absoluturus est pœnitentem à peccatis, & hoc contra Iacobitas. Habemus etiā per confessionem infundi gratiam, & ita esse sacramentū, & hoc cōtra Lutherum.

Lutherum. Rursum si confessio sola humana inuentione est introducta, & non præcepto diuino, ostendant qui hoc dicunt, illam primæquam ecclesiæ institutionem: quam cum non sciant nec possint ostendere, oportet ut fateantur illam esse à Deo. sicut enim isti exigunt à nobis apertum scripturæ testimonium, quo probemus confessionem fuisse à Deo institutam sic nos exigimus ab eis apertam & veracem historiam, qua doceant primam ecclesiæ institutionem de confessione faciendam. Nos pro nostra fide protulimus testimonium ex euangelio Ioannis. Ipsi autem ut doceant fuisse ab ecclesia institutam, nunquam ostendent primam ecclesiæ institutionem. Quod si quis dicat eam fuisse institutam in concilio Lateranensi, in quo facta est Decretalis illa nimis vulgata quæ incipit, Omnis vtriusque sexus: hoc si ad confessionem annuatim faciendam referatur, facile crediderim, quoniam ante illam Decretalem nescio an fuissent homines obligati ad confessionem quolibet anno faciendam. Sed si de confessione simpliciter dicatur eam cœpisse in ecclesia à tempore illius concilii: constat illud esse falsum. quoniam Innocentius Papa huius nominis tertius, sub quo illud concilium Lateranense celebratum est, & decretalis illa edita (ut Platina ait) adeptus est summum pontificatum circa annum domini. MCC. ante quem per multas annorum centurias fuere Augustinus. Hieronymus. Ambrosius, & alii plures, qui dicunt confessionem esse necessariam: & constat eam tempore apostolorum fuisse exercitam. In actis siquidem Apostolorum dicitur, *Act. 19* Multi credentium veniebant confitentes & annunciantes actus suos. Deinde ecclesia catholica errare non potest in his quæ ad fidem & bonos mores spectant. At concors omnium sacrorum doctorum de aliqua re sententia (ut in principio huius operis docuimus) manifeste ostendit eam esse mentem & definitionem ecclesiæ: quoniam cum plures fuerint doctores sanctitate perinde ac scientia præcellentes diuersis temporibus diuersisque locis existentes qui eidem sententiæ subscribere, quorum sententiam nunquam ecclesia damnauit, sed ad eorum assertionem tacuit, quæ nunquam ad hæreses damnanda stracere solet, conuincitur inde illam sententiæ cui omnes doctores subscribunt, esse veram ecclesiæ catholicæ mentem, & veram fidem. Cum ergo omnium sacrorum doctorum sit concors sententia confessionem omnium peccatorum mortalium de quibus peccator recordatur, esse necessario sacerdoti faciendam,



& sine ea saluari non posse, eamq; à Christo esse institutam: constat inde hanc esse catholicæ ecclesiæ fidem, confessionem videlicet peccatorum esse diuino præcepto & non humano introductam. Horum autem sacrorum doctorum aliqua pauca testimonia afferam ex quibus hoc perspicuum euader. Omitto in hac re Bernardum, Hugonem de sancto Victore, & Richardum, Bedam, Rabanum, Isidorum, atque etiam Gregorium, quoniam horum notissima sunt testimonia. Ad vetustiores accedo. **Leo papa.** Leo papa huius nominis primus, in epistola ad Theodorum episcopum Foroliuiensem, quæ est in ordine 69. sic ait, Multiplex misericordia dei ita lapsibus subuenit humanis, vt non solum per baptismi gratiam, sed etiã per pœnitentiæ medicinam spes vitæ reparetur æternæ, & qui regenerationis dona violassent, proprio se iudicio condemnantes, ad remissionem criminum peruenirent. Sic diuinæ bonitatis præsidii ordinatis. vt indulgentia Dei nisi supplicatione sacerdotum nequeat obtineri. Mediator enim Dei & hominum, homo Christus Iesus, hanc præpositis ecclesiæ tradidit potestatem, vt & confitentibus actionem pœnitentiæ darent, & salubri satisfactione purgatos, ad communionem sacramentorum per ianuam reconciliationis admitterent: cui vtique operi ipse Saluator interuenit, nec vnquam ab his abest quæ ministris exequenda commisit, **Mat. 28** dicens, Ego vobiscum sum vsque ad consummationem seculi. vt si quid per seruitutem nostram bono ordine & gratulando impletur affectu, non ambigamus per spiritum sanctum fuisse donatum. Hæc Leo Papa. In quibus verbis multa sunt notatu digna quæ nostro proposito deseruiunt. Cum enim dixit diuinæ bonitatis præsidii ordinatis, innuit nō esse humana constitutione introductam, sed diuino iure ordinatam. Cum vero ait veniam non posse aliter haberi nisi supplicatione sacerdotum, ostendit cōfessionis necessitatem. Dicens autem Deum semper assistere absolutioni & ministerio sacerdotum, satis aperte declarauit huius sacramenti efficaciam. August. in lib. 50. homiliarum homilia 49. sic ait, Qui post vxores vestras vos illicito concubitu maculastis, si præter vxores vestras cum aliqua concubulistis, agite pœnitentiam, qualis agitur in ecclesia, vt oret pro vobis ecclesia. Nemo sibi dicat, occulte ago, apud Deū ago: nouit Deus, qui mihi ignoscit, quia in corde ago. Ergo sine causa dictum est, Quæ solueritis in terra, soluta erunt in cœlo? **Mat. 18** Ergo sine causa sunt datæ clauæ ecclesiæ Dei? frustramus euangelium

euangelium Dei: frustamus verba Christi? promittimus nobis quod ille negat? nonne nos decipimus? Hæc Augustinus. Quibus verbis aperte dicit esse necessariam sacerdotis absolutionem, & non sufficere vt secreto Deo confiteatur pœnitens. Quod si necessaria est sacerdotis absolutio, ergo necessaria est peccatoris confessio, quia sacerdos absolvere non potest peccata quæ non nouit. Et cum in pluribus aliis locis hoc idem dicat, expressius tamen super Ioannem tractatu 49. eandem sententiam explicat. Videat qui volet. Satis etenim mihi est, qui breuitatem tenere promisi, vt lectorem admonuerim. Hieronymus exponens illud Ecclesiast. 10. Si mordeat serpens in silentio &c. sic ait: Si quem serpens diabolus occultè momorderit, & nullo conscio eum peccati veneno infecerit, si tacuerit qui percussus est, & non egerit pœnitentiam, nec vulnus suum fratri & magistro voluerit confiteri, magister qui linguam habet ad curandum, facile ei prodesse non poterit. Si enim erubescat ægrotus vulnus medico confiteri, quod ignorat medicina, non curat. Hæc ibi Hieronymus. Quibus verbis apertissime ostendit confessionis necessitatem, vt sine ea vulnus peccati curari non possit. Ambrosius libro primo de pœnitentia cap. 7. disputans aduersus Nouatianos negantes pœnitentiam posse peccantibus proficere, sic ait: Cur baptizatis, si per hominem peccata dimitti nō licet? In baptismo utiq; remissio omnium peccatorum est. Quid interest vtrum per pœnitentiam, an per lauacrum, hoc ius sibi datum sacerdotes vendicent? Vnum in vtroque ministerium est. Sed dices quia in lauacro operatur mysteriorum gratia. Quid in pœnitentia? nonne Dei nomen operatur? Quid ergo? Vbi vultis, vëdicatis vobis Dei gratiam, vbi vultis repudiatis? Hæc Ambrosius. In quibus verbis beatus Ambrosius clarissime docet, in pœnitentia perinde ac in baptismo gratiam per sacerdotum ministerium conferri. Nunquam autem per ministerium sacerdotum pœnitentia completur, nisi cum peccatorem sua peccata confitentem sacerdos absoluit. Ergo per pœnitentiæ sacramentum, hoc est per confessionem, homo recipit gratiam: cuius oppositum dicit Lutherus in sexto errore suprâ nominato. Huius autem sacramenti necessitatem docet idem Ambrosius lib. ii. de pœnitentia cap. vii. cuius verba causâ prolixitatis vitandæ relinquo, satis putans lectorem dirigere. Beatus Cyprianus sermo. v. de lapsis, loquens de illis qui corde solum peccauerunt, sic ait, Hi quâuis *Cypria-*

*Ambrosius*

nullo sacrificij aut libelli facinore constricti sunt, quoniā tamen de hoc vel cogitauerunt, hoc ipsum apud sacerdotes Dei dolenter & simpliciter confiteātur, exomologesin conscientiae suae faciant, animi sui pondus exponāt, salutarē medelam paruis licet & modicis vulneribus exquirant. Et parum infra. Confiteantur singuli. quæso vos fratres, delictum suum, dum adhuc qui deliquit, in seculo est, dum admitti eius confessio potest, dum satisfactio & remissio facta per sacerdotes, apud Dominum grata est. Hæc Cypr. Ex his Cypr. verbis duo colligimus. Vnū, quod videlicet confessio faciēda est apud sacerdotes Dei, & non solū coram Deo. Alterum, quod illa non sit faciēda solū de publicis, sed etiam de occultis quæ intra cordis latebras commissa sunt. Cuius oppositum docet Lutherus. De aliis autem occultis peccatis, quæ sic occulta sunt, ut ipsum peccatorem lateant, vel quia eorum non recordatur, vel quia firmiter credit, excusabili ignorantia, non esse peccata. de his, inquam, non disputamus quod ea confitenda sint. Nullus enim fuit vnquam tam demēs, ut putaret illa etiam sacerdoti in aurem fore narranda, quorum pœnitens non recordatur. Quod verò Lutherus pro se adducit, dicens non oportere omnia cōfiteri, quia ut dicit, sic facientes nihil relinquunt misericordiae Dei ignoscendum: tale est ac si diceret non oportere etiam laborare ut omnia opera nostra bona & bene facta sint, cum sic facientes, multo minus velint aliquid relinquere misericordiae Dei ignoscendum: quapropter illo argumento Lutherus etiam persuaderet hominibus ut nolint omnia bene operari. Adde quod etiam si omnia confiteantur peccatores, adhuc omnia relinquunt misericordiae Dei ignoscenda: quoniam etsi peccatores omnia confiteantur peccata, immensam tamen exercet misericordiam Deus, cum omnia remittat: cum etiam si omnia opera quantumlibet exacte fecerimus, magnam nobis exhibet misericordiam cum ea ad vitam acceptat æternam: quoniam non sunt condignæ pœsiones huius seculi ad futurā gloriam quæ reuelabitur in nobis. Sed ne ex solis doctoribus latinis testimonia sumpsisse videantur, operæ precium erit aliquorum Græcorū testimonia proferre. Cyrillus lib. iij. super Leuiticum exponēs illud, Si peccauerit vnum aliquid de istis, pronunciet peccatum quod peccauit, sic ait: Est aliquid in hoc mirabile secretum, quod iubet pronūciare peccatum. Etenim cuiusvis generis pronūciāda sunt & in publicū proferēda cūcta, quæ

Rom. 7

Cyrillus.

quæ gerimus: si quid in occulto gerimus, si quid in sermone solo, vel etiam intra cogitationum secreta commisimus, cuncta necesse est publicari, cuncta proferri. Proferri autem à nobis, aut ab illo qui accusator peccati est & incensor. Hæc Cvrillus. Vides hic qualiter omnia proferri iubet, & nullum celari permittit, si volumus diaboli accusationem euadere. Chrysostomus homilia 3. super Matthæum loquens de illis qui baptizabantur à Ioanne confitentes peccata sua, sic ait: Confessio peccatorum, est testimonium conscientiæ timentis Deum. Qui enim timet iudicium Dei, peccata sua non erubescit confiteri. Qui autem erubescit, non timet. Perfectus enim timor soluit omnem pudorem. Illic enim turpitudine confessionis aspicitur, vbi futuri iudicii pœna non creditur. Nunquid nescimus quia confessio peccatorum habet pudorem, & quia hoc ipsum erubescere pœna est grauis? Sed ideo magis iubet Deus confiteri peccata nostra, vt verecundiam patiamur pro pœna. Nam & hoc ipsum pars est iudicii. Hæc Chrysostomus. In quibus verbis hoc aduertere oportet, quod dicit iussisse Deum vt confiteamur peccata nostra, vt vel sic verecundiam patiamur tanquam pœnam pro peccatis nostris susceptam. quæ verba nullatenus ad confessionem quæ soli Deo fit, referri possunt. Plura certè de hac re asserre possem sacrorum doctorum testimonia, verum ne nimia prolixitate grauarem lectorem, omitto. Sed inter tam multa testimonia vel vnum esse debet (mea quidè sententia) efficacissimum, quòd nulla humana autoritate populus vnquam potuisset adduci, vt occultissima scelera, quorum tacitam conscientiam horrebant, in alienas aures, tanto cum pudore, tanto cum periculo, sine vlla cunctatione effunderet. Nec simile est vero fieri potuisse vt tot presbyteri promiscuæ multitudinis confessiones audientes, secretum seruarent, etiam hi qui aliàs nihil cōtinere possunt, nisi Deus ipse qui sacramentum instituit, rem tam salubrem speciali gratia defenderet. Confessio ergo peccatorum quæ sacerdoti fit, est à Deo instituta, in qua omnia sunt peccata reuelanda, quorum pœnitens recordatur: quibus reuelatis in cōfessione, & data à sacerdote absolutione, pœnitenti Deus peccata dimittit, & gratiam infundit: quæ omnia diuersis testimonijs probata iam sunt. Sed de institutione cōfessionis quòd illa sit à Deo, testatur Sixtus quartus pontifex maximus, qui de hac re definiuit per hæc verba quæ nunc subiiciuntur.



*Extra-  
gans. Sixti  
quarti.*

**S**ixtus episcopus seruus seruorum Dei, Ad perpetuā rei memoriam. Licet ea quę de nostro mandato ritē fiunt, plenam obtineant roboris firmitatem: tamen illis interdum nostri muniminis robur adiicimus: vt eò firmitus illibata persistant, quò magis nostro fuerint præsidio communita. Dudum siquidem ad audientiam nostram deducto, quod à modico tunc decurso tempore citra in Hispaniarum regnis, & præsertim in vniuersitate studij Salmanticensis, fuerant & adhuc erant nonnulli iniquitatis filij, qui quasdam falsas, sanctę catholicę fidei contrarias, erroneas, scandalosas & malè sonantes propositiones, præsertim circa peccatorum confessionem, & ecclesiastica sacramenta in studio huiusmodi, & in frequentissimo hominū cœtu veras esse publicè affirmare, & pertinacissimè sustentare, ac defendere: apertissimas sacrę scripturę autoritates eorum erroribus repugnātes, earum rectum, clarum & apertum sensum falsis eorum interpretationibus impudenter violando refellere: huiusmodi quoque eorum falsa dogmata manifestè hæreticę prauitatis labem continentia in aliorum mentes inferere, & simpliciu animas illaqueare: & vt illa in plurium notitiam peruenirent, & vt in perpetuum de illis memoria haberetur, libros componere, & in publicum, vt illos legendi omnibus esset facultas, tradere præsumpserant eatenus, & præsumebant: Nos tunc venerabili fratri nostro Alphonso Archiepiscopo Tolitano per alias nostras literas cōmisimus, vt assumptis secum aliis quibus in Theologia magistris, & aliis viris literatis (vocatis his qui propositiones ipsas veras esse affirmare nisi erant, & nitentur in dies: & auditis quę ipsi pro illarum veritate, & alij Christi fideles ad dilucidandam earū falsitatem deducere vellet) an quę in propositionibus huiusmodi continebantur, falsa, & fidei præfatę contraria, erronea, & malè sonantia existerent, auctoritate nostrā declararet, & decideret: & declaratione huiusmodi facta, illos quos in præmissis culpabiles esse reperi-  
ret, si iuxta sanctorum patrum instituta & canonicas sanctiones se emendare, & depositis de cordibus eorum totaliter erroribus prædictis, ad ecclēsię vnitatem, hæretica labe huiusmodi abiurata, redire, & iuxta declarationem suam tales propositiones esse scandalosas, falsas, & hæreticas, ac malè sonantes fateri, & desuper confectum librum huiusmodi retractare, & cum effectu refutare recusarent, & in illis, eorūque erroribus pertinaciter insistere vellent: hæreticos, ac censuris & pœnis in tales à  
iure

iure promulgatis irretitos esse decerneret: plena sibi desuper auctoritate concessa, prout in nostris inde confectis literis plenius continetur. Postmodum verò sicut accepimus, præfatus Archiepiscopus ad executionem dictarum literarum, earum forma seruata ritè procedens, dilectos filios Petrum de Prexanoo, & Petrum de Ocanna, ac Petrum de Caloca, necnon Didacum de Betonno, Martinum quoque Alfonsum Delatorre, magistros, & Petrum Didaci de Constana, ac Ioannem de Quintanapalla, licentiatos in theologia: necnon Tellium de Buendia Toletanum, & Vascun de ribera, & de Talauera, in eadem ecclesia archidiaconos, Thomam de Cuenca, & Ioannem de Medina decretorum doctores: ac Garfiam Fernandi de Alcala, in eisdem decretis licentiatum, & alios quamplures magistros in Theologia: ac doctores & licentiatos in eisdem decretis: alios quoque quamplurimos doctos & literatos viros ex diuersis regnorum prædictorum locis: pariter & dilectum filiū Petrum de Osma propositionum prædictarum auctorem, eiusque sequaces, coram se ad suum oppidum de Alcala Toletanensis diocesis euocari fecit: ac dicto Petro de Osma & sequacibus minimè comparentibus, debito tempore expectatis: matura super omnibus propositionibus prædictis deliberatione præhabita, de vnanimi consilio & assensu magistrorum & prædictorum doctorum declarauit illas propositiones, per quas Petrus de Osma, & eius sequaces prædicti pertinaciter affirmare non verebantur, confessionem peccatorum in specie, ex vniuersalis ecclesiæ statuto, non diuino iure compertam fore: & peccata mortalia, quo ad culpam, & pœnam alterius sæculi, absque confessione, sola cordis contritione: prauas verò cogitationes sola displicentia deleri: & quod confessio secreta sit, necessario non exigi: & non peracta pœnitentia confitentes absolui non debere: & Romanum pontificem purgatorij pœnam remittere, & super his quæ vniuersalis ecclesia statuit, dispensare non posse: sacramentum quoque pœnitentiæ quantum ad collationem gratiæ, naturæ, non autem institutionis noui, aut veteris testamenti existere: & alias quas propter earum enormitatem, vt illi qui de eis notitiam habent, obliuiscantur earum: & qui de eis notitiam non habent, ex præsentibus non instruantur in eis, silentio prætermittendas ducimus: falsas, sanctæ fidei catholicæ contrarias, erroneas, & scandalosas, ac à fidei veritate alienas, ac sanctorum patrum decretis & apostolicis constitutionibus

contrarias fore, manifestam hæresim continere, dictarum litterarum & per illas sibi concessæ facultatis vigore declarauit: & pro talibus haberi & reputati debere decreuit: prout in quibusdam authenticis scripturis desuper confectis plenius continetur. Et demum (præmissis sic ut præfertur gestis, & propositis in consistorio coram nobis) nos dilectis filiis nostris Stephanotituli sanctæ Mariæ in transtiberim: & Ioanni tituli sanctæ Praxedis, presbyteris cardinalibus, ut de præmissis gestis per ipsum archiepiscopum, diligenter se informarent: & quæ inuenirent, nobis & aliis fratribus nostris sanctæ Romanæ ecclesiæ cardinalibus referrent, qui tam zelo fidei, quàm ut nostris parerent mandatis, onus huiusmodi prompta volūtate suscipientes, cuncta diligenter rimarunt: & quæ inuenerūt, nobis & aliis fratribus nostris memoratis fideliter retulerunt: propositiones præfatas erroneas fore pluribus autoritatibus & rationibus, præter illas quas in archiepiscopi processibus inuenerūt, etiam demonstrantes zelo fidei memoratæ. Nos igitur, ad quem spectat errores huiusmodi extirpare, habita eorundem sanctæ Mariæ in transtiberim & sanctæ Praxedis Cardinalium relatione prædicta, ipsius Archiepiscopi solertiam & diligentiam in præmissis plurimum in Domino commendantes, ex certa nostra scientia archiepiscopi declarationem, & decretum huiusmodi, & prout illa concernunt, omnia & singula in scripturis prædictis Archiepiscopi super præmissis confectis contenta, auctoritate apostolica, tenore præsentium, de eorundem referētium & aliorum fratrum nostrorum vnâ cum consilio & assensu, laudamus, confirmamus, & approbamus, ac præsentis scripti patrocinio communimus: suppletes omnes & singulos defectus si qui forsan interuenerunt in eisdem. Et nihilominus pro potioris cautelæ suffragio omnes & singulas propositiones prædictas, falsas, sanctæ catholicæ fidei contrarias, erroneas & scandalosas, & ab euangelica veritate penitus alienas, sanctorum quoque patrū decretis, & aliis apostolicis constitutionibus contrarias fore, ac manifestam hæresim continere, dicta auctoritate declaramus. Præfato quoque archiepiscopo scientia & auctoritate prædictis committimus & mādamus, ut contra dicti Petri de Osma sequaces prædictos, si huiusmodi hæresim, in quâ prolapsi sunt, abiurare, & eundem Petrum prout errantem secuti sunt, errores suos abiurantem & se emandantem sequi recu-  
sauerint,

ſauerint, aut malitioſè diſtulerint, iuxta prædictarum aliarum noſtrarum literarum continentiam, tanquam hæreticos procedere non omittat. Et vt geſta per eum probè & laudabiliter zelo fidei de mandato noſtro, & per nos meritò approbata, ad omnium incolarum illarum partium notitiam facilius perueniant: qua habita poſſint ſeiſpoſ ne in prædictos prolabantur errores, liberius cuſtodire, præſentes noſtras literas cum proceſſu per eum habito, ac dicti Petri abiurationem, ſingulis illarum partium episcopis ſignificare non omittat: qui poſt ſignificationem eandem, clero & populo ſuarum ciuitatum & diœceſum ea publicari procurent: & generaliter omnia faciat, quæ pro huiusmodi hæreſis extirpatione neceſſaria fuerint, ſeu ei quomodolibet opportuna videbuntur, non obſtantibus conſtitutionibus & ordinationibus apoſtolicis, ac omnibus illis, quæ in dictis literis volumus non obſtare, cæteriſque cõtrariis quibuſcunque. Nulli ergo omnino hominum liceat &c. Quòd verò confeſſio ſit neceſſaria etiam ſi contritio adſit, præter teſtimonia adducta teſtatur Concilij Conſtantiensis definitio. In quo Concilio, ſeſſione octaua damnati ſunt 41. articuli Ioannis Vuitcleſ: & inter cæteros is vnus ſeptimo loco aſſignatur, ſub his verbis: Si homo debite fuerit contritus, omnis confeſſio exterior eſt ſibi ſuperflua & inanis. Quæ ſententiã ſimul cum aliis ibidem condemnata eſt. De hac materia confeſſionis contra Lutherum ſcripſit Ioannes Roſſenſis episcopus, in eo opere quod contra Lutheri captiuitatem Babyloniam edidit. Scripſit etiam ſatis diffuſè Iacobus Latomus in eo opere quod pro aſſertione determinationis facultatis Louauienſis contra Lutherum compoſuit. Scripſit etiam frater Gaſpar Sagerus ordinis minorum. Alios autem, qui multi referuntur, non vidi.

Alius eſt error ad hanc rem quodammodo ſpectans, qui dicit omnes homines cuiuſcunque conditionis fuerint, poſſe audire confeſſiones, & pœnitentes abſoluere. Hic error eſt martini Lutheri dicentis omnes Chriſtianos eſſe ſacerdotes. Verùm de hoc errore inferius diſputabimus in titulo de ſacerdotibus, vbi, Deo duce, probabimus non omnes Chriſtianos eſſe ſacerdotes.

## CONFIRMATIO.

**H**æreſis Græcorum eſt, vt ait Guido, confirmationem non eſſe ſacramentum. Frater Bernardus de Lutzemburgo in ſuo

Concilij  
Conſtan-  
tiense.

Lutherus.

Græci.



contrarias fore, manifestam hæresim continere, dictarum litterarum & per illas sibi concessæ facultatis vigore declarauit: & pro talibus haberi & reputati debere decreuit: prout in quibusdam authenticis scripturis desuper confectis plenius continetur. Et demum (præmissis sic ut præfertur gestis, & propositis in consistorio coram nobis) nos dilectis filiis nostris Stephanotituli sanctæ Mariæ in transtiberim: & Ioanni tituli sanctæ Praxedis, presbyteris cardinalibus, ut de præmissis gestis per ipsum archiepiscopum, diligenter se informarent: & quæ inuenirent, nobis & aliis fratribus nostris sanctæ Romanæ ecclesiæ cardinalibus referrent, qui tam zelo fidei, quàm ut nostris parerent mandatis, onus huiusmodi prompta volûtate suscipientes, cuncta diligenter rimarunt: & quæ inuenerût, nobis & aliis fratribus nostris memoratis fideliter retulerunt: propositiones præfatas erroneas fore pluribus authoritatibus & rationibus, præter illas quas in archiepiscopi processibus inuenerût, etiam demonstrantes zelo fidei memoratæ. Nos igitur, ad quem spectat errores huiusmodi extirpare, habita eorundem sanctæ Mariæ in transtiberim & sanctæ Praxedis Cardinalium relatione prædicta, ipsius Archiepiscopi solertiam & diligentiam in præmissis plurimum in Domino commendantes, ex certa nostra scientia archiepiscopi declarationem, & decretum huiusmodi, & prout illa concernunt, omnia & singula in scripturis prædictis Archiepiscopi super præmissis confectis contenta, auctoritate apostolica, tenore præsentium, de eorundem referètiũ & aliorum fratrum nostrorum vnà cum consilio & assensu, laudamus, confirmamus, & approbamus, ac præsentis scripti patrocinio communimus: supplentes omnes & singulos defectus si qui forsan interuenerunt in eisdem. Et nihilominus pro prioris cautelæ suffragio omnes & singulas propositiones prædictas, falsas, sanctæ catholicæ fidei contrarias, erroneas & scandalosas, & ab euangelica veritate penitus alienas, sanctorum quoque patrũ decretis, & aliis apostolicis constitutionibus contrarias fore, ac manifestam hæresim continere, dicta auctoritate declaramus. Præfato quoque archiepiscopo scientia & auctoritate prædictis committimus & mādamus, ut contra dicti Petri de Osma sequaces prædictos, si huiusmodi hæresim, in quâ prolapsi sunt, abiurare, & eundem Petrum prout errantem secuti sunt, errores suos abiurantem & se emandantem sequi recu-  
sauerint,

ſauerint, aut malitiſe diſtulerint, iuxta prædictarum aliarum noſtrarum literarum continentiam, tanquam hæreticos procedere non omittat. Et vt geſta per eum probè & laudabiliter zelo fidei de mandato noſtro, & per nos meritò approbata, ad omnium incolarum illarum partium notitiam facilius perueniant: qua habita poſſint ſeipſos ne in prædictos prolabantur errores, liberius cuſtodire, præſentes noſtras literas cum proceſſu per eum habito, ac dicti Petri abiurationem, ſingulis illarum partium episcopis ſignificare non omittat: qui poſt ſignificationem eandem, clero & populo ſuarum ciuitatum & diœceſum ea publicari procurent: & generaliter omnia faciat, quæ pro huiusmodi hæreſis extirpatione neceſſaria fuerint, ſeu ei quomodolibet opportuna videbuntur, non obſtantibus conſtitutionibus & ordinationibus apoſtolicis, ac omnibus illis, quæ in dictis literis voluimus non obſtare, cæteriſque cõtrariis quibuſcunque. Nulli ergo omnino hominum liceat &c. Quòd verò confeſſio ſit neceſſaria etiam ſi contritio adſit, præter teſtimonia adducta teſtatur Concilij Conſtantiensis definitio. In quo Concilio, ſeſſione octaua damnati ſunt 41. articuli Ioannis Vuitcleſ: & inter cæteros is vnus ſeptimo loco aſſignatur, ſub his verbis: Si homo debite fuerit contritus, omnis confeſſio exterior eſt ſibi ſuperflua & inanis. Quæ ſententia ſimul cum aliis ibidem condemnata eſt. De hac materia confeſſionis contra Lutherum ſcripſit Ioannes Roſſenſis episcopus, in eo opere quod contra Lutheri captiuitatem Babyloniam edidit. Scripſit etiam ſatis diffuſè Iacobus Latomus in eo opere quod pro aſſertione determinationis facultatis Louauienſis contra Lutherum compoſuit. Scripſit etiam frater Gaſpar Sagerus ordinis minorum. Alios autem, qui multi referuntur, non vidi.

Alius eſt error ad hanc rem quodammodo ſpectans, qui dicit omnes homines cuiuſcunque conditionis fuerint, poſſe audire confeſſiones, & pœnitentes abſoluere. Hic error eſt martini Lutheri dicentis omnes Chriſtianos eſſe ſacerdotes. Verùm de hoc errore inferius diſputabimus in titulo de ſacerdotibus, vbi, Deo duce, probabimus non omnes Chriſtianos eſſe ſacerdotes.

## CONFIRMATIO.

**H**æreſis Græcorum eſt, vt ait Guido, confirmationem non eſſe ſacramentum. Frater Bernardus de Lutzemburgo in ſuo

Concilij  
Conſtan-  
tienſe.

Lutherus.

Græci.

in suo catalogo hæreticorum de Græcis loquens, dicit eos sacramentum confirmationis paruulis statim post baptismum conferre, & hoc per simplices sacerdotes. Itaque hi duo contraria videntur Græcis tribuere, & nescio vtri eorum credam. Vt autem ingenuè verum dicam, nulli istorum in hac re fido, quoniam neutrum video exacte rem inuestigasse, sicut ex alijs pluribus conijcere licet. Siue ergo hoc Græci teneant siue illud, hoc

**Valdenses.** certum est Valdenses hunc errorem docuisse, quanuis Guido de eorum erroribus differens, nunquam hoc illis tribuat. Tamen Aeneas Syluius, qui postea summus pontifex effectus, & Pius secundus dictus est, in libro de origine Bohemorum capite tricesimo quinto errores Valdensium recensens, hunc inter alios illis impingit. Post istos Ioannes Vuitclef Valdesium

**Ioannes Vuitclef** instaurans sectam, dixit confirmationem posse à quolibet presbytero dari: non tamen (quod sciam) negauit confirmationis sacramentum, quoniam Thomas Valden, qui diligentissime huius errores perscrutatus est, in suo primo tomo doctrinalis fidei libro secundo capite quinquagesimo septimo solum hoc impingit Vuitclefo, quòd videlicet dixerit confirmationem conferri posse à quocunque sacerdote, & quòd sola lucri tempora-

**Lutherus.** lis cupiditate est reseruatum episcopis. Martinus Lutherus dogmata sua à lacubus putridis & infectis (vt solet) hauriens, Valdensibus consentit, dicens confirmationem neque esse sacramentum, neque gratiam conferre, sed esse meram ceremoniam, & ritum quendam. Vt autem hoc esse falsum conuincamus, memores esse oportet illius quod in principio huius operis supra docuimus: multa videlicet esse fide tenenda etiam si per scripturas sacras expressè probari non possint. Deinde ne in posterum de nomine solum contendamus, hoc prius admonere oportet, vt quæ à recentioribus scriptoribus confirmatio vocatur, illa eadem sit quæ ab antiquis & vetustioribus vocatur consignatio. Veteres siquidem ex ritu & ceremonia quæ in illius sacramenti collatione obseruatur, consignationem appellauere, eò quòd chrismate, hoc est oleo consecrato, episcopus hoc sacramentum conferens, frontem pueri iam baptizati unxit, facto super frontem ex eodem chrismate signo crucis, quo tanquam validissimo & impenetrabili scuto muniatur aduersus demonis iacula. At recentiores ad effectum ipsius sacramenti aspicientes, confirmationem appellauere, quoniam in hoc sacramento donatur gratia per quam fortior quilibet & firmior esse valeat

se valeat ad pugnam cum dæmone sustinendam : & ideo merito confirmatio dicitur , quia per illam firmior efficitur. His ergo suppositis, facile probabimus confirmationem esse sacramentum conferens gratiam , quod à solis episcopis ministrari potest. In actis Apostolorum legimus quòd cum apostoli qui Act. 8 erant Hierosolymis , audissent quia recepit Samaria verbum Dei, per prædicationem Philippi diaconi, miserunt ad eos Petrum & Ioannem. Qui cum venissent, orauerunt pro ipsis vt acciperent spiritum sanctum. Nondum enim in quenquam illorum venerat, sed baptizati tantum erant in nomine Domini Iesu. Tunc imponebant manus super illos, & accipiebant spiritum sanctum. Ecce hic vides ad impositionem manuum apostolicarum spiritum sanctum super iam baptizatos descendisse. Vnde conuincitur confirmationis sacramentum gratiam suscipientibus conferre , quoniam hoc modo per impositionem manuum orationi coniunctam apostoli tunc conferebant confirmationem, sicut illum locum plures sacri doctores & vetustissimi interpretantur : & summi pontifices sancti simul & docti, & antiquitate reuerendi, sic illum locum declarant: & concilii generalis definitio de confirmatione locum illud esse intelligendum decernit. quæ omnia mox subiiciemus. At, sicut in principio huius operis docuimus , ille pro vero & indubitato sacræ scripturæ sensu recipiendus est, quem ecclesia nobis pro vero sensu scripturæ dederit. Nam sicut ad eam spectat scripturas sacras à prophanis distinguere , ita ad eam spectat verum scripturæ sensum à falso separare. Cum ergo ecclesia nos doceat illum scripturæ locum de confirmatione aut frontis consignatione esse intelligendum , non est quòd amplius de illo dubitemus. In illo autem loco apertissime dicitur per manuum impositionem spiritum sanctum conferri : ergo per confirmationem præstatur gratia nouiter confirmato. Quòd autem in illo loco Actorum Apostolicorum nulla sit mentio de vnctione chrismatis , sed de sola manuum impositione, nihil mouere debet, quoniam etsi hoc ibi subtrahatur , nihilominus tamen certum est Christum ita iussisse vt confirmandus chrismate vngeretur , & Apostolos ita fecisse vt Christus illis præceperat. Nam Fabianus Papa & martyr in epistola ad Orientales episcopos, reprehendens eos episcopos, qui non quolibet Fabianus papa. anno in feria quinta, quæ dicitur esse in cœna Domini, conficiebant chrisma , sed chrismate duorum aut trium annorum

sæpenum



sæpenumero utebantur, sic ait: Errant enim qui talia excogi-  
 rant, & mente vasa potius quàm recta sentiunt. In illa enim  
 die dominus Iesus postquam cœnauit cum discipulis suis, &  
 lauit eorum pedes: sicut à sanctis Apostolis prædecessores no-  
 stri acceperunt, nobisque reliquerunt, chrisma conficere do-  
 cuit. ipsa enim lauatio pedum nostrorum significat baptismũ,  
 quando sancti chrismatis vnctione perficitur, atque confirma-  
 tur. Hæc Fabianus papa. Quem Lutherus nec velut recentem  
 aut trecentenarium, vt solet, reiicere potest, quoniam ante mil-  
 le & fermè trecentos annos sub Decio Imperatore martyrio  
 coronatus est. Præterea in eodem libro Actorum Apostolico-  
 rum reperimus iterum à beato Paulo simile quid fuisse factũ.  
 Hic enim cum discipulos quosdam solo Ioannis baptismo  
 baptizatos reperisset, illos vero baptismo in nomine Iesu ba-  
 ptizauit, quo facto imposuit illis manus, & venit spiritus san-  
 ctus super eos, & loquebantur linguis, & prophetabant. Ecce  
 iterum vides gratiam per manuum impositionem dari. Quod  
 si gratia infallibiliter ibidem confertur sub aliquo signo sensi-  
 bili exterius apparente: nil obstat quin sacramentum dicatur.  
 Sed hic vnum aduerte, quòd nunquam illa manuum impositio  
 facta est nisi per solos Apostolos, & nunquam reperietur ab  
 aliis discipulis facta: vnde sacri & vetusti doctores colligunt  
 hoc sacramentum non posse ab aliis quàm ab episcopis con-  
 ferri, quoniam episcopi succedunt Apostolis, reliqui vero pres-  
 byteri representant discipulos, & illis succedunt. Hoc autem  
 testimoniis sacrorum doctorum & vetustorum comprobare  
 oportet. Damasus papa in epistola de coepiscopis sic ait: Quòd  
 autem solis Apostolis eorumque successoribus proprij sit offi-  
 cij tradere spiritum sanctum, liber Actorum Apostolorum do-  
 cet, præsertim cum nullus ex septuaginta discipulis, quorum  
 isti, de presbyteris loquitur, in ecclesia speciem gerunt, legatur  
 donum sancti spiritus per manus impositionem, vt prædictum  
 est, tradidisse. Hæc Damasus papa doctus simul & sanctus, qui  
 ante mille & plus quàm centum annos obiit. Innocentius pa-  
 pa homo eiusdem farinae cum Damaso, quoniam sanctus & do-  
 ctus fuit, in epistola ad Decentium Egubinum episcopũ cap.  
 tertio sic ait: De consignandis verò infantibus manifestum est  
 ab alio fieri quàm ab episcopo non licere. Nam presbyteri li-  
 cet sint sacerdotes, pontificatus tamen apicem non habent.  
 Hæc autem pontificibus solis deberi, vt vel consignent, vel spi-  
 ritum

Damasus  
 papa

Innocen-  
 tius.

ritum paracletum tradant, non solum consuetudo ecclesiastica demonstrat, verum illa lectio Actorum Apostolorum, quæ asserit Petrum & Ioannem esse directos qui iam baptizatis traderent spiritum. Nam presbyteris seu extra episcopum, seu præ sente episcopo cum baptizant, chrismate baptizatos ungerere licet, sed quod ab episcopo fuerit consecratum: non tamen frontem ex eodem oleo signare, quod solis debetur episcopis cum tradunt spiritum paracletum. Hæc Innocentius. Ex istis verbis patet confirmationem, siue consignationem conferre gratiam suscipienti, & talem confirmationem non posse ab alio quam ab episcopo conferri. & dicit id esse non solum ex consuetudine ecclesiastica, sed ex lege diuina, quæ in Actis Apostolorum fundatur. Idem sub eisdem ferme verbis quibus Damasus, dicit Leo papa huius nominis primus in epistola ad vniuersos Germaniæ & Galliæ episcopos, quæ est in ordine sexagesima sexta. videat qui volet, quoniam in volumine Conciliorum generalium insertæ sunt hæ Leonis epistolæ. Melchiades papa & martyr in epistola quadam ad Hispaniæ episcopos, expressius huius sacramenti virtutem explicat, sic inquit: Spiritus sanctus qui super aquas baptismi salutifero descendit illapsu, in fonte plenitudinem tribuit ad innocentiam, in confirmatione augmentum præstat ad gratiam. Et quia in hoc mundo tota ætate victuris, inter inuisibiles hostes & pericula gradiendum est, in baptismo regeneramur ad vitam, post baptismum confirmamur ad pugnam. In baptismo abluimur, post baptismum roboramur. At si continuo transitoris sufficiat regenerationis beneficia, victuris tamen necessaria sunt confirmationis auxilia. Regeneratio per se saluat mox in pace beati seculi recipiendos: confirmatio autem armat & instruit ad agones mundi huius, & prælia reseruandos. Qui autem post baptismum cum acquisita innocentia immaculatus peruenit ad mortem, confirmatur morte, quia non potest peccare post mortem. Hæc Melchiades papa. Deinde Eusebius papa, qui hunc Melchiadem in pontificatu præcessit, quiq; sub Diocletiano pro Christi nomine gloriosum sustinuit martyrium in Epistola tertia, quæ est ad Episcopos Tusciæ & Cæpagnæ, de hac re apertius reddit testimonium, sic inquit: Hæreticos omnes quicumq; Dei gratia conuertuntur, & in sanctæ trinitatis nomine credentes baptizati sunt, Romanę ecclesię regulam tenentes, per manus impositionem  
reconcil

reconciliari præcipimus. Manus impositionis sacramentū magna veneratione tenendum est, quod ab alijs perfici non potest nisi à summis sacerdotibus. Nec tempore Apostolorū ab alijs quàm ab ipsis apostolis, legitur aut scitur peractum esse: neque ab alijs ( sicut iam dictum est ) quàm ab illis qui eorum locum tenēt, vnquàm perfici potest, aut fieri debet. Nam si aliter præsumptum fuerit, irritum habeatur & vacuum, nec inter ecclesiastica vnquam reputabitur sacramenta. Hæc Eusebius papa & martyr. In quibus duo sunt annotanda quæ nostro proposito deseruiunt. Primum quidem ait: confirmationem esse sacramentum, quod Lutherani negant. Deinde dicit illud non nisi ab Episcopis posse conferri, quod negauit Ioannes Vuitclef. Urbanus papa & martyr Apostolorum temporibus vicinus in Epistola de communi vita, & oblatione fidelium, ad omnes episcopos scripta sic ait: Omnes fideles per manus impositionem episcoporum, spiritum sanctum post baptismum accipere debent, vt plene Christiani inueniantur: quia cum spiritus sanctus infunditur, cor fidele ad prudentiam & constantiam dilatatur. Hæc Urbanus papa, & martyr, qui apertè asserit per confirmationem aut manus impositionem spiritum sanctum infundi. Clemens etiam papa & martyr, qui quartus à beato Petro fuit, in quarta epistola sua hoc dicit idem circa finem epistolæ. Epistolæ autem istius habentur in illo volumine in quo omnium conciliorum decreta coaceruata sunt, in principio illius voluminis. Quod autem Hieronymus in libro aduersus Luciferianos ait esse magis propter honorem sacerdotij quàm ex legis necessitate decretum, vt solus episcopus per impositionem manus spiritum sanctum conferat, hoc me non mouet, nec quenquam mouere debet, quoniam præstat credere magis Damaso & Innocentio, & alijs sanctis perinde ac doctis quos citauimus, quàm soli Hieronymo, qui aliàs etiā opinatus est inter presbyterum & episcopum nullum esse ex lege diuina discrimen. Nec in hoc aliquid detrahimus Hieronymo (absit) nec propter hoc aliquid gloriæ illius deperit, quoniam ipsemet beatus Hieronymus catholicè, vt decet, sentiens, ad eundem Damasum Papam scribit, dicens se illam solam velle tenere fidem, quam illum Romanus pontifex & verus Petri successor docuerit. Nec etiam monere debet factum beati Gregorij, qui scribens Ianuario episcopo, permittit vt presbyteri  
sacram

sacramentum confirmationis baptizatis conferant : quoniam  
 vt ex illa eadem epistola patet , ipse prius hoc illis presbyteris  
 ne id facerent prohibuerat : quia tamen inde scandalum nasci  
 cognouit, permisit vt presbyteri illud conferrent ad scādalum  
 & maius aliud malum euitandum. sic enim ex eadem epistola  
 patet esse permissionem, & non concessionem. An autem malè  
 fecerit sic permittendo vel non, ego non disputo, nec ad me spe  
 ctat, qui nunc de casibus particularibus non ago. Si tamen co  
 gor sententiam meam prodere, credo virum sanctum simul &  
 doctum neq; errasse voluisse, neq; id quod faciebat ignorasse.  
 Sed iam opus est vt de hoc concilii definitionem audiamus.  
 Concilium Ispalense secundum , cui interfuit beatus Isidorus, *Cōcilium*  
 recensens ea quæ presbyteris sunt interdicta, & solis episcopis *Ispalense.*  
 reseruata, cap. 7. suorum Decretorum inter alia etiā annume  
 rat confirmationem, dicens, Siquidem nec benedicere eis eccle  
 siam, vel altaria consecrare, neq; per impositiones manuum fi  
 delibus baptizandis vel cōuersis ex hæresi spiritum tradere, nec  
 chrisma conficere, nec chrismate baptizatorum frontem signa  
 re. Hæc concilium Ispalense. Præterea inter quadragintaquin  
 que articulos Ioannis Vuiclef in concilio Constantiensi damna *Cōcilium*  
 tos, is vnus vigesimo octauo loco constituitur , sub his verbis: *Constan-*  
 Confirmatio iuuenum, & clericorum ordinatio, locorum con  
 tiense.  
 secratio, reseruantur papæ & episcopis propter cupiditatem lu  
 cri temporalis & honoris. Qui articulus cum aliis eiusdē Ioan  
 nis Vuitclef ibidem vna super omnes lata sentētia dānatus est.

## C O N T R I T I O.

**F** Cce iterū nobis occurrit Lutherus, qui præsto est vt omnes *Luthe.*  
 bene agere volentes impediat, & à bono opere deterreat.  
 Is enim ait, contritionem, & peccati detestationem quæ abhor  
 rore gehennæ incipit, esse peccatum: tātum abest vt illam pro  
 bare velit. Vt autē eius insana mens omnibus pateat, verba eius  
 referam. Contritio (inquit) quæ paratur per discussionem, col  
 lectionē & detestationem peccatorum, qua quis recogitat an  
 nos suos in amaritudine animæ suæ, ponderando peccatorum  
 grauitatem, multitudinem, scēditatem, amissionē æternæ bea  
 titudinis, & acquisitionem æternæ dānationis: hæc contritio fa  
 cit hypocritam, immo magis peccatorem. Hæc Lutherus. Ex  
 quibus duo colliguntur Lutheri errores. Vnus quo dānat con  
 tritionem quæ oritur ex consideratione & odio gehennæ, & di  
 cit talem cōtritionem esse peccatum. Alter quo dicit nō opor



tere ad parandam veram contritionem, discutere & colligere omnia peccata, recogitando grauitatem, multitudinem & foeditatem eorum. Primo ergo manifeste errat damnans cōtritionem quæ oritur ex consideratione & odio gehennæ: quoniam etsi talis peccati detestatio, quæ ex solo gehēne odio oritur, perfecta & meritoria non sit, non tamen ideo est mala. Nam si talis peccati detestatio mala est, aut talem malitiam habet ex seipsa, aut eam contrahit ex causā vnde oritur, videlicet odio gehennæ. Nullus est tam demens qui dicat talem detestationem peccati esse malam ex se, quoniam tunc quocunque sine præfixo esset mala: ita vt etiam si talis detestatio fiat propter Deum, sit futura mala. Illa enim operatio quæ ex natura sua mala est, qualēcumque finem respiciat, mala erit. Quia enim velle furari malum est, propter quemcunque finem illud fiat, semper male fiet. Cū ergo talis detestatio peccati non sit mala ex se, oportet vt sit mala propter causā vnde oritur, videlicet propter odium gehennæ. Ad odium gehennæ nō est malum. potest enim quis licite odisse gehennam, quoniam ad hoc ipsum inclinatur natura etiam nō vitata. Adeo enim tenaciter inhæret naturæ illud gehennæ odium, vt prorsus gehēnam diligere nequeat. Quod si detestatio peccati ex se non est mala, nec odium gehennæ ex se est malum, quā sit vt detestatio peccati quæ ex odio gehennæ oritur, sit mala? Præterea si talis detestatio peccati sit mala, sequitur inde timorem dei seruilem esse malum, quoniam constat talem peccati detestationem procedere ex timore serui. Verum hoc Lutherus concedit, ideo hoc expugnare oportet: quo facto, de Luthero vtrobiq; triumphabimus. Antequā tamen eum aggrediamur, oportet bene scire de qua re contra eum pugnare velimus. Pro quo admonere expedit dupliciter cōtingere posse vt aliquis timore pœnæ fugiat peccatum. Fieri enim potest, vt quis sic peccatum timore pœnæ fugiat, vt si pœnā minime imminuere conspiceret, peccatum nūquam relinqueret. Et iste quāuis peccati opus effugiat, peccandi tamen voluntatē retinet. Quapropter eum qui sic timore pœnæ peccatū detestatur, male agere dicimus, & in hoc non est verus Dei timor etiā seruilis, quoniā qui verè Deum timet etiā timore serui, ab omni peccato declinat. vnde beatus Ambro. sermone. 15, super psal 118. sic ait, Carnes animæ sunt carnales cogitationes. Cōfigat has carnes timor domini, & iudiciorū eius, & seruituti redigat. Quod si carnes istæ reiciant clauos

clauos diuini timoris, haud dubie dicitur, Nō permanebit spi- *Gen. 6*  
 ritus meus in hominibus, quoniam carnes sunt. Nisi igitur affū-  
 gantur cruci hæ carnes, & configantur clauis à timore domini,  
 non permanebit in his spiritus Dei. Hæc Ambro. De hoc ergo  
 timore, & de huiusmodi peccati detestatione, non disputamus  
 aduersus Lutherū: quinimmo conuenit inter nos de hac re. Ali-  
 ter cōtingit detestari peccatū timore pœnæ: sic videlicet, quòd  
 timore pœnæ, & peccati opus, & peccādi volūtas prorsus abiici  
 tur. Contingit enim vt quis consideret gehennā, & grauissimā  
 eius pœnam, quā maximè odit, & inde ascēdat ad cōsideratio-  
 nem Dei, qui potest talē pœnā infligere, & sic considerās timer  
 Deū velut potentē talem pœnā infligere. Et hic timor Dei di- *Mat. 10*  
 citur seruilis, quādo timetur Deus propter solā eius potentiam.  
 Et hunc vt nos habeamus, & persuadet & incitat dominus ipse  
 qui dicit: Eū timete qui potest corpus & animā mittere in gehē  
 nā. Deinde peccator hoc timore percussus progreditur ad cō-  
 siderationē peccati sui, quod caussa est vt talis pœna irrogetur  
 peccatori: quapropter cōsiderat quāta sit peccati grauitas, quā-  
 ta eiusdē fœditas, quanta etiā enormitas, quæ talē exigit pœnā.  
 Ex cōsideratione tandē huius grauitatis & fœditatis peruenit  
 vt absolute & simpliciter sic fugiat peccatū, quòd nulla in eo  
 peccādi maneat volūtas, sic videlicet q̄ et si iam pœnā nunquā  
 fore infligendā certō sciret, nunquā peccare vellet, quoniā iam  
 peccati enormitatē plene agnouit, ad quā tamen cognoscendā  
 ex cōsideratione & odio pœnæ surrexit. Talis ergo detestatio  
 peccati, quæ, vt patuit, ex timore dei seruii oritur, & ex cōside-  
 ratione & odio gehēnæ procedit, bona est. Talis etiā timor dei  
 seruilis bonus est: immo donū est spiritus sancti: quod patet ex  
 eo, quod proxime citauimus Ambrosii testimonio. Nisi, inquit  
 affigantur cruci hæ carnes, & cōfigātur clauis à timore domini,  
 nō permanebit in his spiritus Dei. Vides hic timorem domini  
 pertinere ad spiritū dei. Sed q̄ de timore seruii loquatur, con-  
 uincitur ex eo quod parū infra in fine eiusdē sermonis ait. Ille  
 enim, inquit, dignus est qui habet Christi timorē, vt crucifigat  
 carnale peccatū. hūc timorē sequitur charitas. Hæc ille. Ex cu-  
 ius verbis patet aliquē esse timorē domini bonū ante charita-  
 tē, quod tamē negat Lutherus per quē timorē expellitur pec-  
 catum. Nec illū qui sic peccatū ex illo timore deserit, Ambro.  
 reprehēdit: quinimò laudat. Præterea si ille timor dei seruilis  
 malus est, quis est ille timor qui est initiū sapientiæ? Non certē *Psal. 110*

rimor filialis, quoniam iste posterior est ipsa vera sapiētia, cum ex charitate oriatur, non autem charitas ab illo. Qui sit ergo ut malus sit, qui totius boni initium est, & primus gradus ad virtutem capessendā? Rursum, Dauid hoc timore fuit a somno peccati excitatus, neque in hoc reprehēditur, quinimmo laudatur. Nam & peccatū illi dimissum est per hanc detestationem: tantum abest ut faceret magis peccatorē, prout Lutherus ait. Cum enim Nathā propheta comminatus esset Dauid ex parte Dei afflictiones & angustias pro peccato cōmisso, Dauid peccatum agnoscens ait, Peccaui. Et Nathā propheta statim subiunxit, Dominus quoq; transulit peccatū tuum a te. Quod etiā timore illo fuerit excitatus, ipsemet Dauid testatur dicens, Circum-

*2. Reg. 12* dederunt me dolores mortis, & torrentes iniquitatis conturbauerunt me, dolores asferni circūdederūt me, praeoccupauerūt me laquei mortis. Deinde Esaias propheta ait, Domine in angustia requisierūt te, in tribulatione murmuris doctrina tua eis. Sicut quæ concepit, cū appropinquauerit ad partum, dolēs clamat in doloribus suis, sic facti sumus. A facie tua domine concepimus, & quasi parturimus spiritū. Et vbi nos habemus, a facie tua domine, translatio L X X. dicit a timore tuo, & Hieronyminus ait esse idē a facie tua, & a timore tuo. Propheta etiam regius peccatores ad pœnitentiā excitat, hoc timore eos compungens. Nisi cōuerſi fueritis (inquit) gladium suū vibrauit, arcum suum tetendit, & parauit illum. Hunc etiā timorem incutiebat peccatoribus Ioannes Baptista dicēs, Genimina viparum, quis ostēdit vobis fugere a vetura ira? Facite ergo fructus dignos pœnitētia. Et paulo post, Iam enim securis ad radicem arboris posita est. Omnis ergo arbor nō faciens fructum bonū excidetur, & in ignē mittetur. Et ut finem imponamus, quoties Christus redēptor noster hunc timorem peccatoribus incussit? Quoties eos per hunc timorem ad pœnitentiam inducere voluit? Nisi pœnitentiam (inquit) egeritis, omnes simul peribitis. Per timorem etiā illius vltimi atq; terribilis iudicii excitat ad bonum. Nam cū de iudicio disseruisset, dixissetq; illum diē esse incertum, subiunxit: Vigilate ergo, quia nescitis qua hora dominus vester vēturus sit. Vides hic aperte qualiter timore iudicii compungit, ut ad bene agendū perducatur. Quod si hoc malum esset, ut Lutherus ait, Saluator ipse non tam ex animo hoc persuaderet. Parabola etiam Publicani nihil aliud prætendit quā in contritionē quæ per considerationem peccatorū, & cōsiderat

derationem enormitatis eorum paratur, bonā esse. Nam de Publicano illo dicit veritas quod descendit iustificatus. Verū quare iustificatus? Quia videlicet in templo orans, à longe stabat, neq; audebat oculos ad cœlum leuare, sed percutiebat pectus suum dicens, Deus propitius esto mihi peccatori. Quare non audebat oculos ad cœlum leuare. Cognoscebat certe gravitatem & multitudinem peccatorum suorū, & ideo indignum se iudicabat qui propius accedere posset, aut oculos in cœlum leuare: ideo percutiebat pectus suum dicens, Deus propitius esto mihi peccatori. Ecce vides contritionē huius Publicani quam parauit per discussionem, collectionē & derestationem suorum peccatorum. Et per illam cōtritionem iustificatus est, qui antē non fuerat iustus: quoniā ipsamet veritas ait, Amen dico vobis, descendit hic iustificatus. Verū cum ascendisset in templū oraturus, nō erat iustus, sed descendit iustus. Postremo illa filii prodigi parabola ad quid aliud spectabat, quā vt doceat nos ex odio pœnæ ad Deum conuerti, talemq; conuersionem esse deo gratā? Filius siquidem ille cum omnē substātiā quā a patre acceperat, malē consumpsisset, in tantam redactus est inopiam, vt porcos pasceret: & tanta fame premeretur, vt cuperet saturari de siliquis quas porci manducabant: & nemo illi dabat, Ecce vides stimulum pœnæ grauis excitantem a somno peccati. Vide qualiter excitatur, quia cū fame periret, in se reuersus dixit. Quid autem fecit eum ad se reuerti? certē fames maxima quā patiebatur, fecit eum, qui extra se & patrē suum abierat in regionem longinquā vitiorū, vt rediret ad se & ad patrē suum, id est ad considerationē suæ scēditatis, & bonitatis paternæ. Felix necessitas, quæ illum ad bene agendum compulit. Ad se ergo reuersus dixit, Quanti mercenarii patris mei abundant panibus, ego autem hic fame pereor? Surgam & ibo ad patrem meū. & dicam ei, Pater peccaui in cœlu & coram te, iam non sum dignus vocari filius tuus &c. Quod autem contritio huius bona fuerit, patet, quoniā receptus est a patre, & datur illi stola prima, videlicet prima gratia, qua per peccatū exutus fuerat, & gaudium fit cū eo: & meritò, quoniam magnum gaudiū fit in cœlo super vno peccatore pœnitentiā agente. Hic ergo filius etsi postmodū patrem diligebat, tamen initiū totius suæ conuersionis, & primus gradus ad illā dilectionem fuit cognoscere suā miseram cōditionem, & statum in quo erat. ad hanc autem cognitionē incitauit & impulsit fames quā patiebatur,

Luc. 18

Luc. 15



Quid ergo obgannit Lutherus, & nouum vult nobis condere euangelium? Hæc enim tā aperta sunt testimonia, vt eū vndiq; transigant. De hac re scripsit ante 40. annos Frater Stephanus Brulifert tractatum insignem de timore domini seruili, aduersus quendam innominatum prædicatorem, qui tunc temporis populo prædicans, eadem docere tētauit de timore seruili, quæ nunc Lutherus docet. Scripsit etiam nunc Ioannes episcopus Roffensis in eo opere quod contra Lutheri captiuitatem Baby Ionicam edidit: cui rei totum vnum articulum videlicet sextū tribuit. Iacobus Latomus in opere quod pro assertionē facultatis Louaniensis contra Lutherum scripsit, multo fufius quā Roffensis de hac re tractat. Alium autem non vidi.

## C O R R E C T I O.

**D**E hac re est vnus error dicens quòd populares possunt ad suum arbitrium dominos delinquentes corrigere, sed de hoc infra disputabimus in titulo de subditis.

## C R E A T V R A.

**P**Rima de hac re hæresis est dicens creaturas ab alio quā à Deo esse factas. Verum hæc in plures adhuc sectas diuiditur. Quidam enim dixerunt totū hunc mundum fuisse ab angelis factū. & huius erroris princeps fuit Simon ille Magus, de quo in actis Apostolorū fit mentio, quem secutus est Menāder illius discipulus, & Saturninus, à quo Saturniani dicti sunt. qui ait solos septem angelos fecisse mundum præter conscientiam Dei patris. & Cerinthus. Alii dixerūt creaturas factas esse à malo deo. hi enim, vt infra dicemus, duos posuerunt deos. Vnum bonum, qui nihil rerum harum creauerit: alium malum, à quo omnes creaturas processisse dicunt. Huius hæresis authores fuerunt hi qui appellati sunt Gnostici. Hos secutus est impius Manichæus. August. tamen in lib. de hæresibus cap. 46. de Manichæis loquens dicit illos asserere mundum fuisse factum à bono Deo, sed habere in se cōmixtionem mali. Sed Theophylactus Manichæos dicit asserere creaturā esse à malo deo factam. Exponens enim miraculū illud quod est apud Ioānem quādo de quinq; panibus satiauit dominus quinq; millia hominum, sic ait, Confundantur Manichæi dicentes quòd panis & omnes creaturæ factæ sint à malo deo: propterea si quis dederit eis panem, non accipiunt illū de manibus illius, sed procul quidē illū abici iubent: stātes autem & maledicentes ei qui dedit, dicūt, Qui seminauit te, dispergatur: & qui pinsuit te, pinsatur carne, & simili a.

& similia. Confundantur itaq; dicētes q̄ boni Dei filius Christus panes multiplicarit. Nam si mala fuisset creatura, beatus Deus illam utiq; nō multiplicasset, ut taceam interim q̄ ipse panes comedit. Hęc Theophylactus. Et concilium Braccarēse primū cap. 13. hoc idē triouere videtur Manichæo, quod illi tribuit Theophylactus, sicut infra patebit. Eundē etiam errorem cum Manichæo docuit postea Priscillianus. Hęc ergo istorum omnium hæreticorum communis hæresis conuincitur per id quod dicitur Genesis primo. In principio creauit Deus cœlum & terram. non ergo angeli, aut aliæ virtutes. Et Salomon ait: Creauit Deus ut essent omnia. Et ecclesiasticus idem expresse asserit dicens, Qui uiuit in æternum, creauit omnia simul. Verum hoc testimonio non conuincitur Manichæus, quoniā dicit malum Deum esse æquē æternum sicut bonum: quapropter illum Ecclesiastici locum de suo malo Deo interpretabitur. Sed audiat Malachiam dicentem, Nunquid non Deus vnus creauit nos? Ecce Manichæe Dei vnitatē, & illum vnū Deum creatorē omnium nostrū. Non ergo creaturæ sunt ab angelis, ut Simon aut Menander aut Valentinus dixerunt. Non etiā a malo Deo, ut impius Manichæus dixit, & illius sectator Priscillianus. Sed quoniā Manichæus (ut alias dicemus) vetus testamentū reuocat, ad nouum confugiamus instrumentū. Ioannes de filio Dei loquens ait: Verbum erat apud Deū, & Deus erat verbū. Omnia per ipsum facta sunt, & sine ipso factū est nihil. Et paulo post, In mundo erat, & mundus per ipsum factus est. Et Paulus apostolus ait: Qui autem omnia creauit, Deus est. Et particularem sermonem de cibis alibi faciens, reprehendēsq; eos qui ab illis abstinere docent, ait illos habere cauteriatam consciētiam, qui prohibent nubere, & prohibent abstinere a cibis quos creauit Deus ad percipiēdum cum gratiarum actione. Et xxiiij. seniores procidentes ante thronum in Apocalypsi dicebant, Dignus es domine Deus noster accipere gloriam & honorē & virtutem, quia tu creasti omnia, & propter volūtatem tuam sunt, & creata sunt. Et concilium Nicenum ad reprimendam hanc Manichæorum insaniam adiecit in suo symbolo credendū esse in vnum Deū factorem cœli & terræ, visibilibus omnium & inuisibiliū. Deniq; conciliū Lateranense sub Innocentio papa huius nominis tertio, postquā tres omnes summæ trinitatis personas vnicā esse substantiā dixerat, hęc verba subdit. Vnū vniuersorum principiū, creator omnium visibilibus & inuisibiliū, spi-

Priscillianus.

Sapi. I

Ecc. 18

Mal. 2

Ioan. I

Heb. 3

I. Ti. 4

Apo. 4

ritualium & corporalium, qui sua omnipotenti virtute simul ab initio temporis vtrunque de nihilo condidit creaturam, spiritualem & corporalem, angelicam videlicet & mundanam: ac deinde humanam quasi communem ex spiritu & corpore constitutam. Hæc Concilium. Quæ verba habentur in volumine decretalium primo de sum. tri. & sic catho. Deinde concilium Braccarëse primum, cap. 13. sic definit: Si quis dicit creationem vniuersæ carnis non opificium esse Dei, sed malorum angelorum, sicut Manichæus & Priscillianus dixerunt; anathema sit. Hæc Concilium Braccarense. Cōtra Manichæos cū aliàs pluries scripserit Augustinus, tamen de hac re signanter scripsit super Genesim contra Manichæos.

Mani-  
chæus.

Secunda hæresis quæ ex priore Manichæus deducit, est quòd creaturæ sunt malæ ex se & generatione sua, quia (inquit) a malo Deo creatæ sunt. Cui sententiæ postea subscripsit Priscillianus. Hæc autem hæresis adeò est aperta, vt non esset opus aduersus eam pugnare, nisi contra homines effrontes & duræ cervicis ageremus. Sed suo costelo configamus. Omnis creatura ex se bona est, quia (vt iam proximè conuicimus) omnis creatura ab vno Deo qui summè bonus est, facta reperitur. Præterea, descripta per Moysen omnium rerum creatione, statim addidit, Vidit Deus cuncta quæ fecerat, & erāt valdè bona. Quid

Gen. 1

1 Sap. 2

ergo insanit Manich. dicens ea omnia esse mala? Rursum Sap. ait, Diligis Domine omnia, & nihil odisti eorū quæ fecisti. Sed si creaturæ ex se malæ essent, Deus id quod malum est diligeret. Sed iam ad testamentum nouum recurramus oportet, quia contra Manichæos agimus. Paulus ait in priore ad Timotheū epist. Omnis creatura Dei bona est. Postremo, concilium Braccarense primum cap. 7. suorum decretorum sic definit, Si quis

1. Tit. 4  
Concilium  
Braccarë-  
se.

dicat diabolum non fuisse prius angelum bonum à Deo factū, nec Dei opificium fuisse naturam eius, sed dicit eum ex tenebris emerisse, non aliquem sui habere authorem, sed ipsum esse principium absq; substantia mala, sicut Manichæus & Priscillianus dixerunt, anathema sit. Et cap. 8. iterum, Si quis credit quòd aliquas immundas creaturas diabolus fecerit, & tonitrua, & fulgura, & tempestates, & siccitates ipse diabolus auctoritate sua facit, sicut Priscillianus dixit, anathema sit. Hæc concilium Braccarense. Nec opus est plura afferre in re tam aperta. Contra hanc hæresim scripsit beatus Augustinus in pluribus locis, præsertim in libro primo de libero arbitrio, quo loco ostendit

ostendit nihil esse malum nisi à nostro libero arbitrio, & in libro 2. de moribus ecclesiæ.

## C R V X.

**D**E hac re est vnus error qui nullo pacto permittit crucem adorari, sed dicit esse idololatrem eum, qui crucem aut adorat, aut quomodolibet reueretur. Sed de hoc errore iam supra disputauimus in titulo de adoratione, errore primo.

F. ALFONSI DE CASTRO AD-  
uersus hæreses, Liber quintus.

## D E C I M A E.



Ecimas non esse sacerdotibus soluendas quidam hæretici docuerunt: quamquam ad hoc docendum nõ eadem ratione omnes persuadebantur. Fuerunt enim quidam dicti Pseudoapostoli, quorum dux & magister fuit quidam Gerardus Sagarellus de Parma circa annum Domini 1260. qui captus & iudicio ecclesiæ damnatus, igni traditus est. Hiergo Pseudoapostoli (vt Guido ait) dixerunt decimas non debere dari sacerdotibus Romanæ ecclesiæ, quia non sunt pauperes sicut Apostoli. Post istos successit in eodem errore Ioannes Vuitcleff, alia ratione motus. Dicebat enim quod decimæ sunt puræ eleemosynæ, & parochiani possunt propter peccata suorum prælatorum ad libitum suum eas auferre. Sed hæc sententia conuincitur esse hæretica per hoc quod nulli licitum est transgredi præceptum diuinum. Præceptum autem diuinum est de decimis soluendis. Omnes (inquit Deus) decimæ terræ, siue de frugibus, siue de pomis arborum, Domini sunt, & illi sanctificantur. Hæc autem decimæ multiplici ratione præcipiuntur à Deo. Prima, vt sit cibus in pomo Domini. Sic enim per Malachiam prophetam Dominus ait: Inferte omnem decimam in horreum meum, vt sit cibus in domo mea, hoc est ad sustentationem eorum qui in domo mea sunt. Iuxta quod dictum fuerat in lege: Nihil aliud possidebunt, decimarum oblatione contenti, quas in vsus & eorum necessaria separavi. Secunda causa est vt seruiant in templo, & orent Deum pro populo. Et hæc causa assignatur in libro Numerorum. Filiis, inquit, Leui dedi omnes decimas pro ministerio quo seruiunt mihi in tabernaculo fœderis, vt non accedant ultra filij Israel ad taber-

Pseudo-  
apostoli.

Ioã. Vuit-  
cleff.

Leuit. 7

Mala. 3

Nume. 18

Ibidem.



naculum: solis filiis Leui in tabernaculo seruientibus, & portan-  
 tibus peccata populi. Cui consonat id quod Apost. ait: Qui al-  
 tario deseruiunt, cum altario participant. Tertia causa est, vt  
 1. Cor. 9 vacent legi Dei, & populū doceant. quæ causa describitur in 2.  
 1. Par. 31 libro Paralip. vbi dicitur, Præcepit etiam habitantibus in Hie-  
 rusalem, vt darent partem sacerdotibus & leuitis, vt possent va-  
 1. Cor. 9. care legi Domini. Cui consonat Paulus dicens, Si seminamus  
 vobis spiritualia, magnum est si nos carnalia vestra metamus?  
 Quarta causa est pauperum egestas. Non enim propter solos  
 ipsos sacerdotes decimæ illis redduntur, sed etiam propter pau-  
 perum necessitatem. Vnde August. ait: Decimæ ex debito re-  
 quiruntur. Qui eas dare noluerit, res alienas inuadit: & quanti  
 pauperes in locis suis vbi ipse habitat, illo decimas non dante  
 mortui fuerint: tantorum homicidiorum reus ante æterni iudi-  
 cis tribunal apparebit, quia rem. a Deo pauperibus delegatam,  
 suis vlibus referuauit. Hæc August. Ecce vides Deum laxissi-  
 mē præceptū de decimis soluendis reperere. non sunt ergo pu-  
 ræ elemosynæ, cū illo iure debeantur. Quid ergo Pseudoapo-  
 stoli & Vuitcleff aduersus Dei præceptū docere tentant? Sed di-  
 cunt Pseudoapostoli: Pauperes nō sunt sacerdotes: habēt vnde  
 alias viuāt: non ergo eis debentur, quia iam panis sufficiens est in  
 domo Domini. Esto. Sed nunquid hæc sola fuit causa vt deci-  
 mæ illis darentur? Sed istis patrocinator Vuitcleff. dicens, multi  
 ex eis nec seruiunt in tēplo, nec Deū pro peccatis populi orant,  
 sed ipsi peiores populo sunt, nec plebe sibi cōmissam docēt: nō  
 est ergo cur illis decimæ persoluantur. Concedimus plures ē sa-  
 cerdotibus tales esse, vt prorsus indigni sint sacerdotis nomine.  
 Sed nunquid propter solos sacerdotes decimæ persoluantur eis?  
 Pauperum enim egestatem ostendimus esse causā propter  
 quam decimæ debeant persolui. Et propter hanc causā do-  
 cent peritissimi theologorum, sacerdotes etiam alias abundan-  
 tes in diuitiis, posse decimas recipere tanquam earum dispensa-  
 tores, vt eas videlicet pauperibus distribuunt. Et qui hoc non fa-  
 ciunt, iniuste eas retinent. Sed esto, nec sacerdos qualis oportebat  
 sit, nec decimas pauperibus diuidat, nunquid ideo quod illi  
 iure debetur, est illi denegandum? Hac enim lege fieret, vt cū  
 quilibet etiam laicus necessaria victui & vestitui haberet, si vl-  
 tra hoc aliquis alius pecuniam quam mutui lege aut alicuius  
 rei venditione illi debebat, illi deneget nolens debitum solue-  
 re, iuste hoc faciat, quoniam communis omnium sanctorum  
 senten

sentētia est, vt qui vltra necessitatē sibi aliquid reseruat, rapere dicatur. Ambrosius inquit, plus quā sumptui sufficit, violenter detentum est. Et Hieronym. ait: Aliena rapere conuincitur, qui vltra necessitatem sibi reseruare probatur. Augustin. idem sapissimē repetit. Iustē ergo, iuxta Vuitclesi & pseudoapostolorum sententiam iste debitor posset negare debitum creditori superflua habenti, quia illa superflua iniustē habet. Verū ab sit vt hoc concedamus, quia etsi ille malē agit retinendo, iste nō ideo bene agit debitum negādo, quoniā non ad quemlibet spectat vt malē agentem puniat. Ita etiam quamuis sacerdotes non rectē officium sibi commissum exequantur, non tamen ideo plebs bene agit decimas illis denegando, quia nō ad plebē spectat sacerdotum peccata punire, sed ad superiores, puta ad episcopos, aut archiepiscopos, aut summum pōtificem, qui deberent sacerdotes malē viuētes officio & beneficio priuare, & in eorum locum alios bonos subrogare. Quod si non fecerint, relinquendi sunt iudicio diuino puniendi. Nec opus est in hac re amplius morari, cū sit de hac re expressa definitio. Nam inter 45. articulos Ioannis Vuitclesi in concilio Constantiensi *Cōcilium Constantiense.* condemnatos, is vnus decimo octauo loco constituitur, sub his verbis: Decimæ sunt puræ eleemosynæ, & parochiani possunt propter peccata suorum prælatorum ad libitum suum auferre eas. Qui articulus simul cum aliis vna super omnes lata sententia per concilium Constantiense damnatur. Verum hic admonere volo lectorem, vt non existimet me sentire, vt ex præcepto diuino sit nunc omnibus iniunctum decimas sacerdotibus tribuere iuxta veram & præcisam decimæ partis assignationem. Quod ideo dico, quia etsi ab omnibus receptum sit aliquid deberi sacerdotibus offerri, & hoc non solum iure diuino, verum etiam lege naturæ, tamen vtrum id quod debetur, sit iuxta veram decimæ taxationem computandum, de hoc est controuersia inter doctores: Canonistis dicentibus etiam illam decimæ taxationem esse iure diuino adhuc sacerdotibus debitam: Theologis verò dicentibus talem decimæ taxationem fuisse veteris legis cæremoniam, atque ideo fuisse per mortem Christi abrogatam, sicut & cæteræ veteris legis cæremoniæ. Quapropter dicunt aliquid deberi sacerdotibus de iure diuino & naturali: quod autem tale quid sit sumendum iuxta veram decimæ taxationem, illud dicunt esse nunc in lege euangelica ex solo iure humano. De qua re impræsentiarum non est meatis meæ

ris meæ aliquid definire, quoniam non suscepi onus tractandi opiniones, sed veram fidem contra hæreticos, contra quos satis esse arbitror ostendisse sacerdotibus decimas deberi ex præcepto diuino, quod nemini transgredi licet. An autem talis decima sit verè decima totius pars, an non: parum refert, quia et si præcepto diuino non esset indicta, iure tamen pontificio præcipitur, cui omnes Christiani subesse tenentur.

## D E V S.

**Esa. 45** **S**ecretissima res est Deus, & quæ omnium intellectus maxime fugiat: adeo ut propheta quidam fuerit coactus dicere, **1. Ti. 6** Verè tu es Deus absconditus. Nec mirum, quoniam (ut ait Paulus) habitat lucem inaccessibilem, quam nullus oculus ferre potest. **3. Re 19** Hinc cum dominus pertransiret coram propheta Elia, & ante dominum spiritus grandis & fortis, subuertens montes, & conterens petras, Elias operuit vultum suum pallio, quia videlicet sciebat tantum diuinæ maiestatis splendorem humanos oculos ferre non posse. Nam si filij Israel non poterant intendere in faciem Moyfi, eo quod cum domino in monte habuisset colloquium, quid putas faciet intellectus humanus, si intendere velit in faciem Dei, ut illum proprii ingenij acumine penetret? **Pro. 25** Certè necessarium est ut fiat quod Sapiens ait: Scrutator maiestatis opprimetur à gloria. Quapropter nulla est res, in cuius cognitione perfecta magis oporteat captiuare intellectum nostrum in obsequium Dei, quam ipsemet Deus, quoniam ad inuestigandum supremum illud vnitatis & trinitatis mysterium nullus intellectus fide destitutus sufficit. Hinc tot de hac re ortæ sunt hæreses (omitto Gentilium & Paganorum errores) quoniam suis viribus innitentes, de suo ingenio confisi, magis humanis argumentationibus quam fidei tribuerunt. Et ita factum est ut maiestatem diuinam perscrutari volentes, oppressi sint à **Exo. 19** gloria, & in multas hæreses lapsi sint. Quia ergo posuerunt in cælum os suum, & montem illum qui super omnes montes est tetigerunt: oportet ut lapidibus ora eorum obstruamus, iuxta præceptum domini dicentis, Omnis qui tetigerit montem, lapidabitur. Ad has ergo hæreses refellendas hoc ordine aggrediemur, ut primo illæ pertractentur, quæ ipsam diuinitatē absolute sumptam respiciunt. Deinde illas discutiemus, quæ ad singulas diuinas personas spectant.

Prima ergo hæresis est quæ asserit plures Deos. Et hæc in plures factiones diuisa est. Hoc enim hæreticis est commune, ut nunquam

nunquam sibi consent. Quidam enim dixerūt duos esse Deos, vnum bonum, à quo omnia bona: alterū malum, a quo omnia mala procedere dicebant. Huius hæresis primi authores fuere ij qui Gnostici appellati sunt: de quibus iā aliās diximus. Post istos Apelles quidam (de quo Eusebius lib. 5. histo. ecclesi. cap. 13.) eundem tutatus est errorem de duobus dijs, vno bono, altero malo, quamquā aliquantum in hoc à Gnosticis differt, qui (vt Augustinus de hæresibus cap. 23 refert) nō dixit illos duos Deos esse duo rerum principia, sed vnum tantū dicit esse principium, Deum scilicet bonum, & ab illo factum alterum Deū, qui cum malignus esset, mūdum in sua malignitate fecit. Hos Gnosticos post aliquot annos imitatus Manichæus, eundē do-  
 cuit errorem, & sub hoc magis præualuit quā sub Gnosticis: aded vt ab illo nomen acceperit, & Manichæorum iam appel-  
 letur. Verū hic Manichæus (vt commune est hæreticis qui sepultas iam hæreses suscitant, & quò clariores appareant, infamiam augere procurant, ex suo cerebro nonnihil addentes) vltra Gnosticos hoc dixit, duo videlicet scripturæ instrumenta à duobus illis dijs processisse. testamentum vetus dicit esse factū à malo Deo, testamentum autem nouum à bono, & hunc conditorem noui testamenti dicit esse patrem domini nostri Iesu Christi, non autem illum qui fecit vetus testamentum. Hunc errorem post multa secula ab inferis reuocarūt Albanenses. Hoc enim illis impingit Guido. Et catalogus hæreticorum idem tribuit Albigenisibus. Alij autē hæretici dixerunt duos esse Deos, sed non dixerūt vnum bonum esse, alterum verò malum. Huius erroris author fuit quidam nomine Cerdon, quanuis Philaster dicat Cerdonem sensisse duos Deos, vnum bonum, & alterum malum. Beatus tamen Augustinus lib. de hæresibus. cap. 21. dicit Cerdonem posuisse duo principia sibi aduersantia, & Deum legis ac prophetarum non esse patrem Christi, nec esse bonum, sed iustum: alium vero Deum esse patrem Christi, & hunc esse bonum. Ecce ex Augustini sententia Cerdon non potuit aliquem Deum esse malum, quoniam dicit illum esse iustum, quanuis non sit bonus. Vt autem beati Augustini sententia confirmetur, in medium producam Irenæum, multo verustiore Augustino & Philastro. Is enim Irenæus lib. j. aduersus hæreses cap. 28. de hoc Cerdone loquens ita ait: Et Cerdon autem quidam ab his qui sunt erga Simonem occasionem accipiens, cum venisset Romam sub hoc Hygino, qui nonum locū  
 episcop



ris meae aliquid definire, quoniam non suscepi onus tractandi opiniones, sed veram fidem contra hæreticos, contra quos satis esse arbitror ostendisse sacerdotibus decimas deberi ex præcepto diuino, quod nemini transgredi licet. An autem talis decima sit verè decima totius pars, an non: parum refert, quia et si præcepto diuino non esset indicta, iure tamen pontificio præcipitur, cui omnes Christiani subesse tenentur.

## D E V S.

**Esa. 45** **Exo. 34** **3. Re 19** **Pro. 25** **Exo. 19** **Exo. 19**  
**S**ecretissima res est Deus, & quæ omnium intellectus maxime fugiat: adeo ut propheta quidam fuerit coactus dicere, Verè tu es Deus absconditus. Nec mirum, quoniam (ut ait Paulus) habitat lucem inaccessibilem, quam nullus oculus ferre potest. Hinc cum dominus pertransiret coram propheta Elia, & ante dominum spiritus grandis & fortis, subuertens montes, & conterens petras, Elias operuit vultum suum pallio, quia videlicet sciebat tantum diuinæ maiestatis splendorem humanos oculos ferre non posse. Nam si filij Israel non poterant intendere in faciem Moyfi, eo quod cum domino in monte habuisset colloquium, quid putas faciet intellectus humanus, si intendere velit in faciem Dei, ut illum proprii ingenij acumine penetret? Certè necessarium est ut fiat quod Sapiens ait: Scrutator maiestatis opprimetur à gloria. Quapropter nulla est res, in cuius cognitione perfecta magis oporteat captiuare intellectum nostrum in obsequium Dei, quam ipsemet Deus, quoniam ad inuestigandum supremum illud vnitatis & trinitatis mysterium nullus intellectus fide destitutus sufficit. Hinc tot de hac re ortæ sunt hæreses (omitto Gentilium & Paganorum errores) quoniam suis viribus innitentes, de suo ingenio confisi, magis humanis argumentationibus quam fidei tribuerunt. Et ita factum est ut maiestatem diuinam perscrutari volentes, oppressi sint à gloria, & in multas hæreses lapsi sint. Quia ergo posuerunt in cælum os suum, & montem illum qui super omnes montes est tetigerunt: oportet ut lapidibus ora eorum obstruamus, iuxta præceptum domini dicentis, Omnis qui tetigerit montem, lapidabitur. Ad has ergo hæreses refellendas hoc ordine aggrediemur, ut primo illæ pertractentur, quæ ipsam diuinitatē absolute sumptam respiciunt. Deinde illas discutiemus, quæ ad singulas diuinas personas spectant.

Prima ergo hæresis est quæ asserit plures Deos. Et hæc in plures factiones diuisa est. Hoc enim hæreticis est commune, ut nunquam

nunquam sibi consent. Quidam enim dixerūt duos esse Deos,  
 vnum bonum, à quo omnia bona: alterū malum, à quo omnia  
 mala procedere dicebant. Huius hæresis primi authores fuere  
 ij qui Gnostici appellati sunt: de quibus iā aliās diximus. Post *Gnostici.*  
 istos Apelles quidam (de quo Eusebius lib. 5. histo. ecclesi. cap. *Apelles.*  
 13.) eundem tutatus est errorem de duobus dijs, vno bono, alte-  
 ro malo, quamquā aliquantū in hoc à Gnosticis differt, qui  
 (vt Augustinus de hæresibus cap. 23 refert) nō dixit illos duos  
 Deos esse duo rerum principia, sed vnum tantū dicit esse prin-  
 cipium, Deum scilicet bonum, & ab illo factum alterum Deū,  
 qui cum malignus esset, mūdum in sua malignitate fecit. Hos  
 Gnosticos post aliquot annos imitatus Manichæus, eundē do- *Mani-*  
 cuit errorem, & sub hoc magis prævaluit quā sub Gnosticis: *chai.*  
 adeo vt ab illo nomen acceperit, & Manichæorum iam appel-  
 leretur. Verū hic Manichæus (vt commune est hæreticis qui se-  
 pultas iam hæreses suscitant, & quō clariores appareant, infa-  
 niam augere procurant, ex suo cerebro nonnihil addentes) vl-  
 tra Gnosticos hoc dixit, duo videlicet scripturæ instrumenta à  
 duobus illis dijs processisse. testamentum vetus dicit esse factū  
 à malo Deo, testamentum autem nouum à bono, & hunc con-  
 ditorem noui testamenti dicit esse patrem domini nostri Iesu  
 Christi, non autem illum qui fecit vetus testamentum. Hunc er-  
 rorem post multa secula ab inferis reuocarūt Albanenses. Hoc *Albanen-*  
 enim illis impingit Guido. Et catalogus hæreticorum idem tri- *ses.*  
 buit Albigenibus. Alij autē hæretici dixerunt duos esse Deos, *Albig.*  
 sed non dixerūt vnum bonum esse, alterum verò malum. Hu-  
 ius erroris author fuit quidam nomine Cerdon, quanuis Phi- *Cerdon*  
 laster dicat Cerdonem sensisse duos Deos, vnum bonum, & al-  
 terum malum. Beatus tamen Augustinus lib. de hæresib. cap.  
 21. dicit Cerdonem posuisse duo principia sibi aduersantia, &  
 Deum legis ac prophetarum non esse patrem Christi, nec esse  
 bonum, sed iustum: alium vero Deum esse patrem Christi, &  
 hunc esse bonum. Ecce ex Augustini sententia Cerdon non po-  
 suit aliquem Deum esse malum, quoniam dicit illum esse ius-  
 tum, quanuis non sit bonus. Vt autem beati Augustini senten-  
 tia cōfirmetur, in medium producam Irenæum, multo vetu-  
 stiores Augustino & Philastro. Is enim Irenæus lib. j. aduersus  
 hæreses cap. 28. de hoc Cerdone loquens ita ait: Et Cerdon au-  
 tem quidam ab his qui sunt erga Simonem occasionem acci-  
 piens, cum venisset Romam sub hoc Hygino, qui nonum locū  
 episcop

episcopatus per successionem ab Apostolis habuit, docuit eum qui à lege & prophetis annunciatum sit Deus, non esse patrē domini nostri Iesu Christi. Hunc enim cognosci, illum autē ignorari: & alterum quidem iustum, alterum autem bonū esse. Hæc Irenæus. Ex cuius verbis nil tale habetur, ut Cerdon senserit duos esse Deos, quorum vnus sit bonus, alter malus. Hunc Cerdonem secutus est Marcion Ponticus Cerdonis discipulus. Eodem tempore quo fuit præfatus Cerdon (ut Irenæus lib. 3. aduersus hæreses cap. 4. ait) extitit quidam hæreticus Valentinus nomine, qui cū Platonius esset (ut Tertullianus in lib. de hæresibus ait) Platonis sectam religioni Christianæ miscens, multa figmenta fabulosa docuit. Is enim duo omnium rerum principia esse dixit, quæ appellauit profundum & silentium: & profundum dixit esse patrem, & ex coniugio profundi & silentij processisse intellectum & veritatem, & protulisse in honorem patris æonas octo, id est octo secula. De intellectu autem & veritate processisse verbum & vitam, & protulisse æonas decem. De verbo & vita processisse hominem & ecclesiam, & protulisse æonas duodecim, quæ omnes simul sunt triginta, id est triginta secula. De tricesimo seculo dicit diabolus genitum, & à diabolo alios natos qui fecerunt hunc mundum. Itaque omnia ait processisse ex illis duobus principiis, profundo videlicet & silentio. Quæ omnia sunt mera figmenta, & meræ fabulæ, quæ nulla prorsus ratione fulciri possunt, sed ex cerebro delirantis aut somniantis hominis deriuata. Has fabulas indoctas secuti sunt Secundus, à quo Secundiani: & Ptolemæus quidam, & Marcus, huius Valentini sectatores. Contra omnes hos hæreticos non est operosum disputare: cum apertissima sint scripturæ sacræ testimonia, quæ docent vnum tantum esse Deum: eumque esse summe bonum, à quo cuncta procedunt. In Deuteronomio dicitur, Audi Israel, dominus Deus tuus vnus est. Et in eodem libro iterum, Videte quod ego sim solus, & non sit alius præter me. Naamam ille à lepra animæ pariter & corporis sanatus ait: Verè scio quod non sit alius Deus in vniuersa terra, nisi tantum in Israel. Propheta regius, qui & ipse Israelita erat, dicit, *Psal. 17* Quis Deus præter dominum? aut quis Deus præter Deum? Et iterum, *Psal. 85* Quoniam magnus es tu, & faciēs mirabilia, tu es Deus solus. Sapiens Salomon eandem etiam fidem docet. Nec enim *Sap. 12* *Esa. 45* (inquit) est alius Deus quàm tu, cui cura est de omnibus. Esaias etiam eandem fidem commendat, qui Deum describit ita loquentem,

quentem, Ego dominus, & non est alius: extra me nō est Deus. Et in eodē loco, Ego Dominus, & nō est alter. Et iterum ibidē, Ego Dominus, & non est alius. Et in eodem loco. Nunquid nō ego Dominus, & nō est vltra Deus absq; me? Eandem sententiam iterū ibidem repetit dicens, Convertimini ad me, & salui eritis omnes fines terræ, quia ego Deus, & nō est alius. Sed quoniam & Cerdon & Manichæus vetus testamentum non recipiunt: vt nulla illis ad fugam pateat via, testimoniis noui instrumenti illos configere oportet. Paulus in priore ad Corin. 1. Cor. 8 epist. sic ait: Scimus q̄ nullus est Deus nisi vnus. Nam et si sunt qui dicantur dii, siue in cælo siue in terra, siquidē sunt dii multi, & domini multi: nobis tamen vnus est Deus pater, ex quo omnia, & nos in illo. Et in episto. ad Galatas ait: Mediator vnus Eph. 4 nō est, Deus autem vnus est. Et alibi, Vnus dominus, vna fides, Gala. 3 vnum baptisma, vnus Deus & pater omnium, qui super omnes, & per omnia, & in omnibus nobis. Omitto hic rationes philosophicas adducere, quoniā non disputamus aduersus gentiles, sed aduersus eos qui Christo nomina in baptismo dederunt, & qui se Christianos iactant, cū nihil minus sint. Aristoteles sæpissime demonstrare contendit vnū tantum esse omnium rerum principium. Verū cū scripturæ sint adeo apertæ, nō est opus nostris argumentationibus. Quod ait Cerdon, Deum videlicet legis & prophetarum nō esse patrē domini nostri Iesu Christi, cui subscribit Manichæus, addens Deum noui testamenti non esse eū qui dedit & vetus. Hęc impietas vnico Pauli verbo conuincitur. Multifariam (inquit) multisq; modis olim Deus loquens patribus in prophetis: nouissimē autē diebus istis locutus est nobis in filio, quem constituit hæredē vniuersorum, per quem fecit & secula. Quod si aliud adhuc testimonium requiris, aperiat os suū ille mutus Zacharias, & dicat, Benedictus Heb. 1 dominus Deus Israel, quia visitauit & fecit redemptionem plebis suæ. Patet q̄ loquitur de patre domini nostri Iesu Christi, quia nō aliter visitauit & fecit redemptionē plebis suæ, nisi mittendo filium suū, vt saluaretur mundus per ipsum. De hoc ergo patre cum loquatur, addidit, Sicut locutus est per os sanctorū qui à seculo sunt prophetarum eius. Ecce manifestē patet, Deum qui locutus est per prophetas, esse etiam locutum in nouo testamento in Euāgelistis, & fecisse redemptionem nostram per filium suum. Quod si tertium adhuc petunt testem, petamus & nos auxilium à beata virgine Maria, vt pro nobis de hac re Luc. 1 testimon



testimonium dicat: nec deerit petitioni nostræ. Illa siquidem magnificans Deum eò quòd respexerit humilitatē ancillæ suæ, & fecerit illi magna qui potens est, & alia multa quæ ad Patrē domini nostri Iesu Christi necessariò referenda sunt: tandem ait, Suscepit Israel puerum suum, recordatus misericordiæ suæ: Sicut locutus est ad patres nostros Abraham & semini eius in secula. Ille ergo Deus qui fecit nobiscum misericordiam: ille in quā locutus est ad patres nostros Abraham & semini eius. Non est ergo alius veteris, alius noui testamenti Deus: nec alius qui locutus est per prophetas, & alius qui est pater domini Iesu Christi. Verum hoc Paulus expressius docet, qui in epistola ad Romanos ait: Quoniam quidem vnus est Deus qui iustificat circumcisionem ex fide, & præputium per fidem. Quid ergo insanit Manichæus? Nōne in circūcisione vetus, & in præputio nouum testamentum designatur? Sed iam videamus reliquū quod aiunt: vnum videlicet ex duobus diis quos ponunt malum esse. Quæ vlla vnquam maior potuit esse blasphemia? Quæ aures hoc ferre possunt, aut quis intellectus hoc cogitare potest, vt Deo malitiam impingat? Non possunt hæc vllō pacto coherere, vt Deus sit, & malus: quoniam si Deus est, necessariò bonus est: & si bonus non est, Deus certè non est. His certè hæreticis aptissimè cōuenit id quod Paulus de gentibus loquens ait: Cū cognouissent Deum, non sicut Deum glorificauerunt, aut gratias egerunt, sed euanuerunt in cogitationibus suis, & obscuratum est insipiens cor eorum. Dicentes enim se esse sapientes, stulti facti sunt. Ecce qualiter isti impij & blasphemi hæretici Deum glorificant, qui eum malum dicūt. Vide quales illi gratias reddunt, qui supremam illi malitiam impingunt. Cū ergo omnium cordibus à natura insitū sit, vt Deum esse bonum agnoscamus: pro re tã aperta piget testimonia scripturæ afferre: quoniā & si quis ea desideret, apertissima sunt: adeò vt ipsum euangelium, cui soli isti hæretici credunt, dicat: Nemo bonus nisi solus Deus. Cōtra hos hæreticos non esset agendū argumētis, sed lapidibus, iuxta præceptū Domini dicētis, Homo qui maledixit Deo suo, portabit peccatum suum: & qui blasphemauerit nomen Domini, morte moriatur. Lapidibus opprimeret eū omnis multitudo populi, siue ille ciuis, siue peregrinus fuerit. Qui blasphemauerit nomē Domini morte moriatur. Quis autem verius Deo maledicit, quàm qui dicit Deum esse malum? hic ergo lapidibus opprimendus venit à tota multitudine.

Secunda

Secunda hæresis est quæ docet Deum esse corporeum. Huius hæresis primus, ut existimo, author extitit Tertullianus. *Quantum* hunc Tertullianum de hac re quodam modo excusat beatus Augustinus in lib. de hæresibus cap. 86. dicens non propter hoc dicendum esse hæreticum Tertullianum, quia potuit ita de Deo sentire, ut diceret eum esse corpus quoddam, non quidem tale quod partes habeat quarum alie maiores, alie minores existant, quod etiam loco sit circumscriptum, & certis limitibus conclusum: sed ideo potuit nominare corpus, quia videlicet non est inane, sed est aliquid, qui ubique totus est. Sed re vera nescio an talis res quæ partes non habet, congrue & apte posset vocari corpus. Verum beatus Augustinus mitissima usus censura excusauit quod potuit. considerauit nanque nullum esse acerbius & grauius crimen quod Christiano possit obiici, quam crimen hæreseos: ideo antequam illud alicui impingamus, oportet prius rem anxie examinare, & lapidem ad filum reducere. Discant ergo ab Augustino eximio fidei zelatore, hi qui tam leuiter de hæresi pronunciant, ut si forte quispiam docuerit aliquid quod ab eorum placitis vel digito transuerso discedat, statim hæresim inclament, nullam prorsus hominis excusationem admittentes etiam cum facile excusari potest. Cum ergo beatus Augustinus Tertullianum de hac re excuset, nolo ego aduersus eundem seuerior esse iudex. Malo enim, iuxta beati Chrysostomi sententiam, de misericordia Deo rationem reddere, quam de crudelitate. Sed quamuis Tertullianus fuerit excusatus, non tamen ideo pugnare desinam aduersus iam narratam hæresim, quoniam non aduersus homines est nobis colluctatio, sed aduersus hæreses, præcipue quod huic hæresi non desunt fautores, qui illam tutati sunt etiam absque Tertulliano. Fuerunt enim quidam hæretici appellati Vadiani, qui dixerunt Deum esse corporeum, & habere membra ut homines habent: moti ex eo quod sæpenumero in sacris literis, potissimum in veteri instrumento, Deo membra tribuuntur, & Adam factus esse dicitur ad imaginem & similitudinem Dei, unde colligunt Deum habere membra quemadmodum Adam. Hi hæretici à suo errore nomen sortiti, vocati sunt Anthropomorphitæ, quia anthropos græce, idem est quod homo latine. Hæc autem hæresis orta est in partibus Aegypti tempore Damasi papæ, & Theodosii senioris: contra quam scripsit & eam confutauit (ut dicitur in historia tripartita libro 10. cap. 7.) Theophilus Alexan-

*Tertullia.**Vadiani.**Anthropomorphitæ.*

testimonium dicat: nec deerit petitioni nostræ. Illa siquidem magnificans Deum eò quòd respexerit humilitatē ancillæ suæ, & fecerit illi magna qui potens est, & alia multa quæ ad Patrē domini nostri Iesu Christi necessariò referenda sunt: tandem

**Luc. I** ait, Suscepit Israel puerum suum, recordatus misericordiæ suæ: Sicut locutus est ad patres nostros Abraham & semini eius in secula. Ille ergo Deus qui fecit nobiscum misericordiam: ille in quā locutus est ad patres nostros Abraham & semini eius. Non est ergo alius veteris, alius noui testamenti Deus: nec alius qui locutus est per prophetas, & alius qui est pater domini Iesu Christi. Verum hoc Paulus expressius docet, qui in epistola ad

**Rom. 3** Romanos ait: Quoniam quidem vnus est Deus qui iustificat circumcisionem ex fide, & præputium per fidem. Quid ergo insanit Manichæus? Nōne in circūcisione vetus, & in præputio nouum testamentum designatur? Sed iam videamus reliquū quod aiunt: vnum videlicet ex duobus diis quos ponunt malum esse. Quæ vlla vnquam maior potuit esse blasphemia? Quæ aures hoc ferre possunt, aut quis intellectus hoc cogitare potest, vt Deo malitiam impingat? Non possunt hæc vlllo pacto coherere, vt Deus sit, & malus: quoniam si Deus est, necessariò bonus est: & si bonus non est, Deus certè non est. His certè hæreticis apertissimè cōuenit id quod Paulus de gentibus loquens ait: Cū cognouissent Deum, non sicut Deum glorificauerunt, aut gratias egerunt, sed euauerunt in cogitationibus suis, & obscuratum est insipiens cor eorum. Dicentes enim se esse sapientes, stulti facti sunt. Ecce qualiter isti impij & blasphemij hæretici Deum glorificant, qui eum malum dicūt. Vide quales illi gratias reddunt, qui supremam illi malitiam impingunt. Cū ergo omnium cordibus à natura insitū sit, vt Deum esse bonum agnoscamus: pro re tã aperta piget testimonia scripturæ afferre: quoniā & si quis ea desideret, apertissima sunt: adeò vt ipsum euangelium, cui soli isti hæretici credunt, dicat: Nemo bonus nisi solus Deus. Cōtra hos hæreticos non esset agendū argumētis, sed lapidibus, iuxta præceptū Domini dicētis, Homo qui maledixit Deo suo, portabit peccatum suum: & qui blasphemauerit nomen Domini, morte moriatur. Lapidibus opprimeret eū omnis multitudo populi, siue ille ciuis, siue peregrinus fuerit. Qui blasphemauerit nomē Domini morte moriatur. Quis autem verius Deo maledicit, quàm qui dicit Deum esse malum? hic ergo lapidibus opprimendus venit à tota multitudine.

Secunda

Secunda hæresis est quæ docet Deum esse corporeum. Huius hæresis primus, ut existimo, author extitit Tertullianus. *Quantum* hunc Tertullianum de hac re quodam modo excusat beatus Augustinus in lib. de hæresibus cap. 86. dicens non propter hoc dicendum esse hæreticum Tertullianum, quia potuit ita de Deo sentire, ut diceret eum esse corpus quoddam, non quidem tale quod partes habeat quarum alia maiores, alia minores existant, quod etiam loco sit circumscriptum, & certis limitibus conclusum: sed ideo potuit nominare corpus, quia videlicet non est inane, sed est aliquid, qui ubique totus est. Sed re vera nescio an talis res quæ partes non habet, congrue & apte posset vocari corpus. Verum beatus Augustinus mitissima usus censura excusavit quod potuit. Consideravit namque nullum esse acerbius & grauius crimen quod Christiano possit obici, quam crimen hæreseos: ideo antequam illud alicui impingamus, oportet prius rem anxie examinare, & lapidem ad filum reducere. Discant ergo ab Augustino eximio fidei zelatore, hi qui tam leuiter de hæresi pronunciant, ut si forte quispiam docuerit aliquid quod ab eorum placitis vel digito transuerso discedat, statim hæresim inclament, nullam prorsus hominis excusationem admitcentes etiam cum facile excusari potest. Cum ergo beatus Augustinus Tertullianum de hac re excuset, nolo ego aduersus eundem seuerior esse iudex. Malo enim, iuxta beati Chrysostomi sententiam, de misericordia Deo rationem reddere, quam de crudelitate. Sed quamuis Tertullianus fuerit excusatus, non tamen ideo pugnare desinam aduersus iam narratam hæresim, quoniam non aduersus homines est nobis colluctatio, sed aduersus hæreses, præcipue quod huic hæresi non desunt fautores, qui illam tutati sunt etiam absque Tertulliano. Fuerunt enim quidam hæretici appellati Vadiani, qui dixerunt Deum esse corporeum, & habere membra ut homines habent: moti ex eo quod sæpenumero in sacris literis, potissimum in veteri instrumento, Deo membra tribuuntur, & Adam factus esse dicitur ad imaginem & similitudinem Dei, unde colligunt Deum habere membra quemadmodum Adam. Hi hæretici à suo errore nomen sortiti, vocati sunt Anthropomorphitæ, quia anthropos græce, idem est quod homo latine. Hæc autem hæresis orta est in partibus Aegypti tempore Damasci papæ, & Theodosii senioris: contra quam scripsit & eam confutauit (ut dicitur in historia tripartita libro 10. cap. 7.) Theophilus Alexan-

Tertullia.

Vadiani.

Anthropomorphitæ.



drinus episcopus. Frater Bernardus de Lutzemburgo in suo catalogo hereticorum dicit hanc heresim coepisse sub Agapeto papa, & Berengario imperatore. & constat eum loqui de Agapeto huius nominis secundo, quoniam Agapetus huius nominis primus (ut Platina refert) fuit sub Iustiniano imperatore, ad quem videndum est Roma usque; ad Constantinopolim accessit, ubi & mortuus est. oportet ergo ut is Agapetus de quo catalogus loquitur, sit secundus. A Damaso autem sub quo pestis haec orta est, usque; ad Agapetum ferè sexcenti anni intercessere: quapropter nescio apud quem legerit eam coepisse sub Agapeto & Berengario. Et quod magis miror, in eodè loco de eisdem Anthropomorphitis loquens, postquam dixerat eam coepisse sub Agapeto & Berengario, subiunxit quod Theophilus Alexandrinus condemnauit heresim Anthropomorphitarum: pro cuius rei confirmatione affert testimonium ex collationibus Cassiani. Et certè haec duo minime cohaerere possunt, ut heresis coeperit sub Agapeto, & eam Theophilus Alexandrinus condemnauerit, & sic sentientes disputatione confunderit: quoniam à Theophilo Alexandrino, de quo Cassianus mentionem facit, usque ad Agapetum papam secundum ferè sexcenti elapsi sunt anni, & usque; ad Agapetum primū ferè trecenti anni, quoniam Theophilus iste (ut patet ex historia tripartita lib. 10. cap. 10.) tempore Damasi papae fuit. nam ad eum misit Isidorus quendam episcopum legatum. Vnde coniecere licet fratrem Bernardum de Lutzemburgo ex centonibus pluribus male cōsutus illud opus confalsasse, nulla rerum coniectura facta. Apud vnum authorem fortè legerat hanc heresim sub Agapeto inceperit, & nihil amplius ibi legit. apud Cassianum legit aliud, videlicet quod Theophilus eam disputatione cōuicerit. & iste illa duo, non considerans an simul cohaerere possent, in vnum coniunxit. Quid quod rerum consonantia omissa, facillimum erat deprehendi ab homine versato inter eruditos authores, falsum esse quod sub Agapeto inceperit: quoniam prater id quod historia tripartita refert, Augustinus qui vtrumque Agapetum per aliquot secula praecessit, in lib. de haesib. cap. 50. huius haesesis meminit sub nomine etiam Anthropomorphitarū. Haec coactus sum digito ostendere, partim amore veritatis allectus, partim calore iracundiae accessus: cum videam quosdam adeo futes & profusos in pronunciando & in scribendo, ut quicquid legerint, etiam apud quencumque, nulla facta rerum indagine, statim transcribant,

bant, & coram tota multitudine magna cum fiducia pronuncient. satis sibi esse putantes quod apud alium quempiam legerint. Hæc ergo Anthropomorphitarum sententia apertè hæreseos conuincitur. Si Deus corporeus est, & figuram habet humanam, & membra, & partes vt homo, oportet vt finitus sit, & certis limitibus concludatur, quoniam id quod infinitum est, nullius potest esse figuræ, cum ad figuram perficiendam necessariò requiratur vt termino vel terminis claudatur. At Deus qui infinitus est, nullo potest limite concludi, ergo nec figuram habere, nec loco claudi. Excelsior est enim cælo (vt est *Iob 22.*) apud *Iob*) & super stellarum verticem collocatur. Et propheta *Psal. 144* ait, Magnus dominus, & laudabilis nimis, & magnitudinis eius non est finis. Quod si magnitudinis eius nullus est finis. nulla etiam illius erit figura. Præterea si corporeus est Deus, & membra vt homo habet, sequitur quod non sit totus vbi-que, sed pars eius in vno loco, & pars alia in alio loco, & ita erit per partes in loca diuisus, quod summæ illius perfectioni maxime obuiat. Rursum, oporteret etiam in Deo fateri compositionem, & dicere ea quæ in Deo sunt, non esse omnia infinitæ perfectionis, quoniam quælibet illarum partium ex quibus componitur, minor est suo toto: & ita non æquè perfecta vt totum: quapropter necessariò erit finita, quoniam quod infinitum est, excedi non potest. Multa alia similia possunt fieri argumenta sumpta ex imperfectionibus quæ corporibus adiacent: sed ea, prolixitatem euitans, omitto, quoniam sine illis ex sacra scriptura apertissimum habemus testimonium. Ipsa enim veritas apud Ioannem ait, Spiritus est Deus. Si spiritus est Deus, ergo non est corporeus, & membra humana habens, quoniam eadem veritas apud Lucam ait, Spiritus carnem & ossa *Ioan. 6* non habet, sicut me videtis habere. *Luc. 6* Quod autem Anthropomorphitæ pro se afferunt, parum momenti habet, & ex praua scripturæ intelligentia procedit. Quamuis enim scriptura sacra sæpe nomet Dei membra, vt puta caput, oculos, linguam, aures, manus, brachia & his similia, non tamen sunt illa iuxta literam sumenda, sed iuxta mysterium latens per res illas designatum. Sunt enim pleraque in sacris codicibus, maxime in veteri instrumento, quod carnali populo & adhuc rudi datum est, quæ nullo modo iuxta literæ primam significationem accipienda sunt, nec accipi possunt, sed in illis quid res ipsa per literam significata vltèrius portendat, aspiciendum est. Res

namque ipsæ sæpe etiam significant, & aliquid ingerunt sensibus, æquè ut voces. Quod in omnibus metaphoricis locutionibus contingere est manifestum, in quibus propter similitudinē inter aliqua repertam, vnum alterius nomine appellatur, ut si voratē lupum dixeris, aut anarū talpam: non quod hæc sint, sed illa quibus similia esse reperiuntur. Ad eundē modū oportet multa in sacris literis interpretari, & non secundū primam vocum significationem, testāte Apostolo, quod litera occidit, spiritus autē viuificat. E quibus multis hoc vnum & præcipuū est, quotiescunq; Deo aliquod membrū aut aliqua effigies tribuitur, tunc membro audito intelligas illo nomine Deo tribui vim illam & virtutem quæ perfectior in illo membro reperitur: ut cum audis in Deo caput, intellige diuinā essentiā, quæ omnia præcedit. Et cum dicitur caput respectu corporis mystici, quod est ecclesia: intellige influxum in reliqua mēbra, quæ nos sumus. Cum audis oculos, intellige virtutem videndi talē, ut nihil eū latere possit. Sic enim ait Apostolus: Nulla creatura ei inuisibilis est, omnia nuda & aperta sunt oculis eius. Aures habere dicitur, quia talis est in eo vis, ut verbum quantumlibet summissee prolatum, latere eum non possit, de quo Sapiens ait, Auris cœli audit omnia, & tumultus murmurationis non abscondetur. Quod si in hanc expositionem hi hæretici non flectuntur, sed omnia contendunt iuxta literæ primam significationem intelligi debere, cogentur fateri Deū esse monstrum quoddam, immo tale aliquid quod nihil sit, cum aliquādo nominetur leo, aliās vermis, aliās locusta. Vnde manifeste cōvincitur hæc non esse accipienda iuxta primam literæ significationem, sed iuxta id quod res ipsæ per illas voces designatæ significant. De quorum omnium mystica significatione extat liber beati Anselmi, cui titulus est de mēbris Deo attributis: in quo exponit quid singula mēbra Deo attributa significant. Est etiā de eadē re aliustractatus sub nomine Hieronymi inscriptus, quem velut nothum, & beatū Hieronymum minimè redolentem, vir doctissimus Erasmus Rotherodamus in quarto tomo operum illius collocavit, in quem locum reiecit omnia quæ hucusq; falsò ascripta erant Hieronymo. Cōtra hos Anthropomorphitas scripsit Theophilus Alexandrinus, cuius proxime fecimus mentionē. Scripsere etiā (ut testatur Ioā. Tritemius in suo catalogo scriptorū ecclesiasticorū) Faustus episcopus Regiensis, & Ratherius monachus, sed nullū istorum operū vidi.

Tertia

Tertia est hæresis, quæ potius dicenda est blasphemia, asserens Deum esse mendacem. Hæc est Armenorū hæresis, quem *Armeni:* admodum illis impingit Guido. Dicunt enim Deum dixisse Caim, quod à nullo homine occideretur, & tamen, ut ipsi aiunt, Caim occidit seipsum, & ita cōvincunt Deū dixisse falsum, cū ab homine fuerit occisus. Et certe, ut ingenue fateat, vix possum credere, etiā si Guido testetur, quod Armeni in tam grauē errorem sint lapsi, ut Deū esse mendacem fateantur, quoniā hoc nō potest in sensum hominis cadere, ut veritatem dicat esse mendacium, præcipue cum Armeni etiam hæretici sint, scripturas tamen sacras non reiiciant. nam hoc nunquā illis impingit Guido. Si ergo scripturas sacras recipiunt, quomodo poterunt dicere Deum esse mendacem, cū ipsæ scripturæ toties Deū prædicent veracissimū? Non enim, inquit scriptura, est Deus quasi homo, ut mentiatur. Et propheta Hieremias ait, Dominus autem *Nu. 2* Deus verus est. Et ipsemet Deus ait, Egō sum via, veritas, & *Hie. 10* vita. Si ergo veritas est, quomodo mentiri poterit? Certe non magis quā frigus calefacere, aut nigredo albefacere. Præterea quomodo Deus mentiri posset, qui tātum abominatur peccatum? qui toties homines à mendacio deterret, tanquā à vitio pessimo? Abominatio est domino, inquit Sapiens, labia mendacia: qui *Pro. 12* autem fideliter agunt, placent ei. Et alibi, Os quod mentitur, *Sapi. 1* occidit animam. Rursum si Deus semel mendacii conuincitur, restat ut nunquā ei in posterū credatur. hoc est enim, teste Aristotele, mendacis hominis præmiū, ut illi veritatē dicenti non credatur. quod si Deo non est credendum, peribit omnis lex, omnis conuictus, nulla erit fides. Et non est certe quod de hac re amplius contendamus, cum sit tam aperta dementia, ut quiuis etiā infidelis & paganus eam agnoscat. Non est enim natio tam barbara, quæ nō horreat mendacium. Quæ de Caim asserunt, nō reperiuntur in sacris literis. Scriptura enim sacra non dicit Caim seipsum occidisse, imō nec vllam mortis illius facit mentionem, quāuis aliqui doctores opinentur Caim fuisse virum illū quem Lamech credens esse feram occidit. Cæterum et si scriptura dixisset Caim fuisse occisum à Lamech, aut seipsum præcipitasse, non ideo Deus arguendus erat mendacii, quia Deus non dixerat quod Caim non esset occidendus ab aliquo homine, sed dixit, Omnis qui occiderit Caim, septuplū punietur. Quibus verbis solum prohibuit omni homini occisionem Caim: non tamen negauit eam futuram. *Gen. 4*



*Petrus A. bailardus.* Quarta hæresis minuit Dei omnipotentiam. Nam Petrus Abailardus (vt illi impingit beatus Tho.) dixit quod Deus non potest facere res aliter quam facit. quapropter dixit omnia de necessitate absoluta euenire. Sed de hoc errore inferius disputabimus cū de futuro contingenti agemus.

*Noetus.* Quinta hæresis est quæ negat in diuinis personarum numerum. huius hæresis author fuit Noetus quidam, à quo Noetiani dicti sunt. De hoc Noeto beatus Epiphanius differens in libro octoginta hæresum, hæresi 57. ita ait: Alius post Bardesanem, Noetus nomine surrexit, non ante multos annos, sed ante hoc nostrum tempus centum triginta plus minus annis, Asianus vrbs Ephesi existens, qui alieno spiritu ductus, voluit à seipso, quæ neque prophetæ neque apostoli neque ecclesia ab initio obtinuit neque cogitauit, dicere ac docere. Hic à seipso insanix elationibus elatus, ausus est dicere patrē passum esse. Insuperq; ad maiore fastū ac demētiā delatus, seipsum dixit esse Moſen & fratrem suum Aaron. Et aliquibus interiectis, addit Moritur autem idem paulò post vnà cum proprio fratre, non velut Moſes in gloria: neque ipsius frater Aaron ille sepultus est in honore. Abiecti enim sunt velut transgressores, & nemo ex pijs ipsos cooperuit. Postea verò sequaces eius mente corrupti, corroborarunt hoc dogma, per ea subducti quibus etiam præceptor ipsorum ab initio. Hæc Epiphanius. Hunc sequutus est Sabellius, eiusdem Noeti (vt Philaster ait) discipulus, à quo Sabellio Sabelliani dicti sunt, & sub hoc nomine nota est magis hæc hæresis, quàm sub nomine Noeti. Orta est hæc pestis apud Ptolemaidem Aegypti, sub Gallieno Imperatore, & Sixto papa huius nominis secundo. Hi ergo dixerunt in diuinis vnā tantum esse personam, diuersis tamen nominibus nominatam. Ex quo fonte corrupto hunc etiā vitiatum riuulum deducūt, patrem videlicet esse passum, quemadmodum & filium: quod fateri fuit illis necessariū, cū dicerent patrem & filium eandem esse personam. Et ita ab hac doctrina nomen sortiti, vocati sunt Patripassiani: quia patrem passum esse docebant. Eundē errorē (vt Augu. ait libro de hæreſibus capite 70.) docuit postea Priscillianus. Istorū hæresis inde orta est (vt ait Eusebius Cæsariensis. 10. lib. historix ecclesiasticæ cap. 26.) q̃ nesciunt distinguere inter essentiā & personā: vel (vt verbis Eusebij vtar) inter substantiam & subsistentem: cum tamen latum sit inter illa discrimē. Substantia quidem aut essentiā, aut natura, quo vocabu-  
lo the

lo theologi scholastici magis vtuntur, est cōmune aliquid pluribus singularibus in quo indiuidua singula conueniūt, & quod totum cuiuslibet singularis perfectionem explicat. Persona verò est singulare quoddam, vnumque numero, mente & ratione præditum, à cæteris eiusdem naturæ indiuiduis singulari proprietate discretum: vt cum dicis hominem in communi, naturam explicas humanam omnibus hominibus communem: cōmunem dico non re, sed sola vocis dictione. cum verò dicis Petrum, Ioannem, Franciscum, personas nominas quæ in illa natura humana conueniunt. Conueniunt inquam sola (vt dixi) vocis dictione, quia quilibet eorum dicitur & est verus homo. Aut si mauis, conueniunt in definitione explicante rei perfectionem, quæ in quolibet singulari reperitur. In Deo ergo substantia aut essentia est ipsa deitatis natura, quæ totam deitatis perfectionem dicit. Persona verò, est singulare quoddam in quo deitas existit, ab alio singulari realiter separatum, realiter inquam non per naturam, sed per proprietatem personalem: vt cum dicimus Deum, substantiam explicamus naturæ diuinæ omnibus personis communem. Communem inquam non, vt diximus de homine, sola vocis dictione, sed verè & realiter cōmunem. Cū verò dicimus patrem, aut filium, aut spiritū sanctum: vnum singulare, aut vnā personā dicimus, in qua deitas subsistit. Cū ergo hoc trinitatis & vnitatis mysteriū tam altum sit, vt humanum & angelicum superet intellectum, hic oportet captiuare intellectum nostrum in obsequiū fidei. Quapropter superfluum est, imò ridiculum, rationibus & argumentis hoc agere, sed solis scripturarū testimoniis, ex quibus aperte demonstrabimus, Deo duce, eiusdem Dei vnitatem, & personarum trinitatem. In libro Genesis, descripta omnium aliarum creaturarum productione, cum de homine creando Deus decernit, sic dicit, Et vidit Deus quod esset bonum, & ait: Faciamus hominem ad imaginem & similitudinem nostram, & præsit &c. Et paucis interpositis subiungit: Et creauit Deus hominem ad imaginem suam. His verbis, & diuinitatis vnitatis, & personarum pluralitas aperte ostenditur. Sic enim dixit, Vidit Deus quod esset bonum, & ait: Faciamus hominem &c. Cū verò post nomen singularis numeri quale est Deus, subiunxit verbum pluralis numeri, videlicet faciamus, declarauit pluralitatem personarum: quoniam si vna tantum esset persona, non dixisset in plurali numero, faciamus. Deinde etiā my-

Gen. 1

sterio non caret id quod sequitur. Dicens enim, faciamus in plurali, addidit imaginem, & non imagines: ad similitudinem dixit, non ad similitudines, per hoc innuens quod etsi pluralitatem personarum denotauerit plurali numero loquens, non tamen per hoc credendum esset in Deo esse plura exemplaria, sed unum tantum, ad cuius imaginem & similitudinem homo factus est. Addens insuper nostram, iterum pluralitatem personarum ostendere voluit, ut responderet verbo faciamus. Si enim tantum una esset persona, ut Sabellius mentitus est, meam dixisset, non nostram. Præterea in eodem libro cum de subuersione Sodomæ & Gomorræ agitur, sic dicitur, Igitur Dominus pluit super Sodomam & Gomorram sulphur & ignem à Domino de cælo, & subuertit ciuitates has. Si tantum est una persona in diuinis, quis est hic dominus qui pluit à Domino? Cum enim dixit, Dominus à Domino, filium ostendit, per quem (ut ait Ioannes euangelista) facta sunt omnia: qui & à domino pluire dicitur, quia à quo habet esse, ab illo habet & operari. Dicens ergo Dominus à Domino, patrem & filium ostendit. Dominus enim filius est, & à Domino, quoniam à Patre genitus. Pater autem dominus est, sed non à domino, quoniam ingenus est. Rursum propheta regius de Christo loquens, vocem patris ad Christum dictam refert in hunc modum: Filius meus es tu, ego hodie genui te. Et iterum idem, Ex utero ante luciferum genui te. Quæ verba apostolus Paulus de Christo filio Dei esse dicta testatur, qui de Christo loquens in hunc modum ait, Cui enim dixit aliquando angelorum, ego hodie genui te? Non est autem possibile ut idem gignat seipsum ut sit: nec intellectus hominis potest hoc capere, ut idem sit pater suiipsius, & filius suiipsius. Alius est ergo qui gignit, & alius qui genitus est: alius pater, alius filius. Deinde ipsa summa veritas sæpissimè hanc docuit veritatem. Nam obicientibus illi Phariseis, quod de seipso testimoniū diceret, ac propterea testimonium illius non esset verum, respondit: Et si iudico ego, iudicium meum verum est: quia solus non sum, sed ego, & qui misit me pater. Et in lege vestra scriptum est, quia duorum hominum testimonium verum est. Ego sum qui testimonium perhibeo de meipso, & testimonium perhibet de me, qui misit me pater. Nihil certè apertius quicquam dici poterat contra Sabellium. Si enim pater & filius una est persona (ut Sabellius somniauit) filius solus esse dicitur, etiam si cum illo sit pater: quemadmodum dicerem solū Tullium scripisse Tusculanas

lanas quæstiones, etiam si Cicero scripserit eas, quoniam Tul-  
 lius & Cicero vna est persona quamuis diuersa sunt nomina.  
 Quod verò sequitur, apertius adhuc est. Volens enim probare  
 testimonium suum esse verum, citauit pro se legem dicentem  
 duorum hominum testimonium esse verum. Cum ergo ipse  
 & pater illud testimonium perhiberent, oportet ut illud sit ve-  
 rum. Ecce quo argumento Phariseos conuincit. Si verò pater  
 & filius vna esset persona, malè argumentaretur, nec bene pro  
 se legem citaret: quia lex testimonium duorum probat, non  
 testimonium vnus. oportet ergo ut pater & filius duæ sint per- Ioan. 10  
 sonæ, si Christi argumentum alicuius est valoris. Et iterum ipsa-  
 met veritas eisdem Iudæis ait: Ego & pater vnum sumus. Di-  
 cens sumus in plurali, manifestè declarauit se & patrem duas  
 esse personas: quoniam alioqui sum dicturus erat, non sumus.  
 Dicens verò, vnum sumus, declarauit earundem personarum  
 vnā esse deitatem. Et iterum ad patrem orans eadem veri- Ioan. 17  
 tas ait: Hæc est vita æterna, ut cognoscant te solum Deum ve-  
 rum, & quem misisti Iesum Christum. Quorum verborum sen-  
 sus non est, Deum patrem esse solum verum Deum, ut à dei-  
 tate excludamus Christum, quoniam iam suprā cū de per-  
 sona Christi ageremus, probauimus cōtra alios hæreticos Chri-  
 stum esse verum Deum. Sensus ergo est, ut cognoscant te & quē  
 misisti Iesum Christum, esse solum verum Deum. Cum ergo  
 patrem & Iesum Christum coniunctione copulatiua numeras-  
 set, eos dixit esse verum Deum. Ex quibus verbis etiam & per-  
 sonarum pluralitas, & diuinitatis vnitas manifestatur. Verum  
 etsi hæc scripturæ testimonia efficacia sint ad probandum per-  
 sonarum pluralitatem cum deitatis vnitate, non tamen osten-  
 dunt veram trinitatem, quoniam ex illo dicto, faciamus homi-  
 nem &c. conuincitur plures esse personas, nō tamen conuinci-  
 tur esse tres. Ut autē hoc conuincamus, alia oportet afferre testi-  
 monia. Et primo illud est omnium efficacissimum, quāuis sub  
 quadam figura latens, quod Abraham ad ilicē Mambræ sedenti Gen. 18  
 contigit. Cum enim eleuasset oculos, apparuerunt ei tres viri  
 stantes prope eum. quos cū vidisset, cucurrit in occursum eo-  
 rum de ostio tabernaculi sui, & adorauit in terra, & dixit, Do-  
 mine, si inueni gratiā in oculis tuis, ne trāseas seruū tuū &c. Vi-  
 des hic tres primū apparuisse, & his tribus Abraham loquens  
 quasi vni, ait: Domine, quo verbo & personarum trinitas, & di-  
 uinitatis vnitas declaratur: quoniam etsi certum sit illos tres



- angelos fuisse, tamen Abraham non tam ad angelos, quam ad illum cuius imaginem illi gerebant, verba sua dirigēs ait, **Psal. 66** Domine si inueni gratiam in oculis tuis &c. Dauid etiam propheta & rex, vt ostenderet Deum trinum in vnitare, ait: Benedicat nos Deus, Deus noster, benedicat nos Deus, & metuant eum omnes fines terræ. Cum enim ter Deum nominaſſet, ne fortè inde occasione in aliquis caperet suspicandi tres eſſe Deos, relationem postmodum faciens, in ſingulari numero dixit, & metuant eum omnes fines terræ. Ter enim nominans Deum, tres declarauit personas. Addens autem, & metuant eum &c. declarauit omnes tres vnū eſſe Deū. **Esa. 6** Eſaias etiam exprimens voces Seraphim laudantiū Deum, ait: Sanctus, Sanctus, Sanctus. Sed ne ex eo quod ter ſanctus dixerat, vnitatē diuinæ ſubſtantię ſciſſam eſſe aut diuiſam aliquis ſuspicaretur, ſubiunxit, Dominus Deus ſabbaorh. Cū ergo ter ſanctus dixit, trinitatē perſonarū ostendit. Addens autē poſtea dominus Deus, in ſingulari, eiſdē trinitatis vnitatē declarauit. Ipa etiam veritas, Chriſtus videlicet **Mat. 28** redēptor noster, cū rediuiuus iam ſurrexerat, aſcensurus in cœlum apoſtolis ait: Eūtes docete omnes gentes, baptizātes eos in nomine patris, & filij, & ſpiritus ſancti. Ecce hic vides omnes tres personas propriis nominibus appellatas. Sed cū omnes tres nominaret, in nomine dixit, nō in nominibus, vt per hoc oſtēderet omnes tres vnū eſſe Deū, & vnā habere deitatis ſubſtantiā. Beatus Ioannes in ſua canonica epiſt. hanc rem apertiffimē docet. Tres ſunt (inquit) qui teſtimonium dant in cœlo, pater, verbum, & ſpiritus ſanctus: & hi tres vnum ſunt. Hoc autem teſtimonium adeo eſt clarum, vt nulla poſſit tergiverſatione celari. Ibi enim audis tres, & vnum. Tres contra Sabellium, vnum contra Arrium: quemadmodum poſtea dicemus, Paulus **Rom. II** quoque vt indiuiſam ſanctæ trinitati operationem oſtenderet, ait: Ex ipſo, & per ipſum, & in ipſo ſunt omnia, ipſi gloria in ſecula ſeculorum, amen. Cum enim ter ipſum explicuit, perſonarum trinitatē manifeſtauit. Sed addens poſtea, ipſi, & **1. Cor. 13** non ipſis, oſtendit illas tres personas vnum eſſe. Et alibi, Gratia domini noſtri Ieſu Chriſti, & charitas Dei, & communicatio ſancti ſpiritus, ſit cum omnibus vobis. Vide ibi tres expreſſe perſonas nominatas, quamquam ibi non denotetur earundem vnitās. ſed præſenti propoſito ſatis eſt hoc, quoniam nunc contra Sabellium agimus negātem in diuinis plures eſſe personas. Poſtremo Ioannes in Apocalypſā, poſtquam deſcripſerat

pferat illa præclara quatuor animalia, de illis adhuc loquēs ait,  
 Et requiem non habebant die ac nocte dicentia, Sanctus, San- Apo. 4  
 ctus, Sanctus, dominus Deus omnipotens, qui erat, & qui est, &  
 qui venturus est. Quæ verba simillima sunt illis quæ ex Esaia  
 proximè citauimus. Cum ergo tot sint de hac re clarissima  
 scripturæ sacræ testimonia, non est quod aliquis Sabellio deli-  
 ranti credat: sed captiuēt vnusquisq; intellectum suum in ob-  
 sequium huius fidei, credens Deum esse trinū, & vnum, trinum  
 in personis, & vnum in essentia. Si enim sola ratione huma-  
 na hoc mysterium perscrutari aliquis voluerit, opprimetur à Cantic. 6  
 gloria tanti mysterij. Huic enim dictum esse videtur illud can-  
 ticorum, Auerte oculos tuos à me, quia ipsi me auolare fece-  
 runt. Quia quanto magis nititur ad hoc mysterium sola ra-  
 tione inuestigandū, tanto minus cognoscimus, & ob hoc ipsum  
 Deum à nobis auolare facimus. Hanc hæresim damnat Leo  
 papa huius nominis primus. Nam epistola septuagesimæ pri-  
 mæ, quæ est ad Astorigensem episcopum, in qua Priscillianista-  
 rum errores reiicit, sic ait: Primo itaque capitulo demonstra-  
 tur quā impiè sentiant de trinitate diuina, qui & patris & filij  
 & spiritus sancti vnā atque eandem asserunt esse personam,  
 tanquam idem Deus nunc pater, nunc filius, nunc spiritus san-  
 ctus nominetur: nec alius sit qui genuit, alius qui genitus est,  
 alius qui de vtroq; processit: sed singularis vnitas in tribus qui-  
 dem vocabulis, sed non tribus sit accipienda personis. Quod  
 blasphemix genus de Sabellij opinione sumpserunt, cuius di-  
 scipuli etiam Patripasiani meritò nuncupantur: quia si ipse  
 est filius qui & pater, crux filij, patris est passio: & quicquid in  
 forma serui filius patri obediendo sustinuit, totum in se pater  
 ipse suscepit. Quod catholicæ fidei sine ambiguitate contrariū  
 est, quæ trinitatem vnitatis sic *ἑκαστος* confitetur, vt patrem &  
 filium & spiritum sanctum sine confusione indiuisos, sine tem-  
 pore sempiternos, sine differentia credat æquales. Hæc Leo pa-  
 pa, vir præter pōtificalem dignitatem sanctus simul & doctus.  
 De hac re scripsit diuus Hilarius Picta uorū episcopus in duo-  
 decim libris de trinitate, in quibus contra omnes hæreticos de  
 ea malè sentientes, disputat: quamuis præcipuè agat contra Ar-  
 rium. Scripsit beatus Augustinus quindecim libros de trinita-  
 te, in quibus multo clarius & expressius quàm Hilarius rem  
 ipsam pertractat. scripsit etiam iterum de trinitate & vnitate  
 Dei librum vnū. Richardus de sancto Victore, post istos, corū  
 dicta

dicta & præcipue Augustini perstringens, & quodammodo exponens, composuit sex libros de trinitate. Specialem autem scriptorem qui contra Sabellium solum de hac re scripserit, hucusque non vidi.

Sexta hæresis est circa personarum diuinarum æqualitatē, quoniā etsi plures fateatur personas in diuina natura subsistentes, eas tamen dicit esse inæquales. Prius ergo de filij persona pertractemus, deinde de spiritu sancto dicemus. De persona ergo filij est vna hæresis, quæ dicit filium esse minorem patre, neque esse eiusdem substantiæ cum patre, sed esse meram creaturam.

*Arrius.* Huius blasphemiae author primus (quod sciam) fuit Arrius quidam presbyter Alexandrinus, tempore Constantini maioris, & Siluestri papæ: cuius rei historiam qui plenè scire desiderat, legat decimum librum historiæ scholasticæ per Ruffinum additum, & primum librum historiæ tripartitæ à capite duodecimo vsque in finem. Verum aliqui sunt qui hunc errorem impingunt Origeni, qui plus quam per centum annos præcessit Arrium: à quo Origene Arrium hausisse ferunt. Beatus enim Augustinus in libro de hæresibus capite quadragésimotertio de Origene loquens sic ait: Dicit præterea ipse Origenes, quod filius Dei sanctis hominibus comparatus, veritas sit: patri collatus, mendacium: & quantum distat Apostoli à Christo, tantum filius à patre. Vnde nec orandus est filius cum patre, quia non est author indulgendarum petitionum, sed supplicator. Hæc de Origene Augustinus. Hoc etiam impingit Origeni Theophilus Alexandrinus episcopus in suo paschali per beatum Hieronymum à græco in latinum traducto, qui libro secundo eiusdem paschalis dicit Origenem docuisse filium non esse orandum, neque cum filio patrem. Epiphanius in quadam epistola ad Ioannem episcopum Hierosolymitanum, quam Hieronymus latinam fecit: ait Origenem fuisse patrem Arrij, innuere volens Arrij doctrinam ab Origene fuisse deductam. Ad hunc eundem errorem accedit proximè Metangismonitarum hæresis. Hi enim dicebant (ut Augustinus libro de hæresibus capite quinquagesimo octauo ait) sic filium esse in patre, sicut vas paruum in vase maiore, filium minorem patre faciētes. Et ita à doctrina sua

*Metangismonita.* nomen acceperunt, Metangismonitæ vocati. ἀγγίσμων græce, vas dicitur latine, μετ' ἀγγίσμων dictio composita idem est quod infusio vnius vasis in aliud. inde metangismonitæ, id est, si ita licet loqui, transuāsantes vel inuāsantes. Quis autem fuerit istorum dux,

rum dux, & princeps, Augustinus subtrahit. Huius hæresis tot extiteret post Arrium fautores, ut longum esset & difficile omnes enumerare. Nulla enim fuit unquam hæresis quæ tantum inuenerit, quoniam valde diffusa, longo tempore durauit. Ab ortu siquidem solis & meridie, videlicet ab Aegypto veniens, per Græciam transiit in Aquilonem, & inde Gothi egressi totum Gothi. penè occidentem hoc veneno infecerunt, quoniam illi Arrianis maximè fauebant. Durauit autem hæc pestis ferè per trecentos annos, atque fortè amplius. Nam Hispaniam hoc morbo laborasse tempore Gregorij papæ, ipsomet Gregorio narrante cognouimus: qui tertio libro dialogorum capite trigesimo primorefert Ermigildum primogenitum filium Leonigildi regis Hispaniarum, qui à Gothi originè duxerat, & Arrianus erat, fuisse ad veram fidem à Leandro Ispalensi archiepiscopo conuersum. Qui Ermigildus ob hoc à patre in vincula & carcerem coniectus, cum in die paschatis à quodam episcopo Arriano eucharistiam sumere nollet, ex mandato patris interfectus est, & verus Dei martyr effectus. Mortuo patre successit illi alius filius secundus nomine Recharedus, qui & ipse Arrianus erat: sed hic mortuo patre à Leandro conuersus est ad fidem catholicam, quemadmodum & frater eius Ermigildus. Hic Recharedus paulatim omnes Arrianos eiecit ab Hispania: nec permisit unquam aliquem sub eo militare qui Arrianus esset. A Constantino autem, sub quo Arrius insanire cœpit, usque ad Recharedum ferè trecentum anni interiecti sunt. Hæc narraui ut videatur quanto tempore hæc pestis ecclesiam vexauerit. Cuius hæresis fautores, etsi non omnes, enumerabo tamen præcipuos, eos videlicet qui famosiores fuere. Post Arrium successit in eadem secta Aetius quidam post Aetium Eunomius alter: *Aetius.* post istos Acacius, eodè ferè tempore. Hi tres videlicet Aetius, *Eunomius* Eunomius, Acacius, tempore Constantij Imperatoris filij Constantini maioris, fuerunt. Qui autem plura de illis nosse cupit, *Acacius.* legat quintum librum historiæ tripartitæ. Varimandus quidam, *Varimandus.* contra quem scripsit Idacius clarus Hispanus. Maximinus episcopus, contra quem Augustinus scripsit, & publicè disputauit, *Maximus.* quæ disputatio habetur in sexto tomo operum Augustini in impressione Parisiensi. Felicianus alius, cum quo disputauit publicè idem pater Augustinus, quæ disputatio habetur in eodem *Felicianus* tomo operum Augustini. Pascensius quidam comes, cum quo *Pascensius.* etiam disputauit idem pater, & ad quæ pro hac re aliquot misit epistolas,



epistolas, quæ disputatio reperitur inter epistolas Augustini,  
*Petrus* epistola 178. Secutus est Petrus Abailardus etiam hunc errorē,  
*Abailardus.* quoniam, ut illi impingit beatus Bernardus epist. 190. posuit  
 gradus in trinitate, dicens personas esse inæquales qui etsi ver-  
 bis voluerit differre ab Arrio, re tamen assentit illi. Fuere alij  
 multo plures, qui Arrianam hæresim tutati sunt, sed hi fuere  
 clariores. Hæc hæresis ex his que iam alibi diximus, facile con-  
 uinci potest. Superius quidem cum de Christi persona agere-  
 mus, ostendimus ex scripturis Christum filium Dei esse verum  
 Deum. Ostendimus etiam in huius tituli, quem modo pertra-  
 ctamus, hæresi prima, tantum esse vnum Deū. Aut ergo Chri-  
 stus filius Dei non est Deus, aut si est Deus, oportet ut sit vnus

*Isa. 43.* cum patre Deus, quoniam ipse Deus pater per Esaiam prophe-  
 tam loquens ait: Ante me non est formatus Deus, & post me nō  
 erit. Ego sum, ego sum dominus, & abiq; me non est saluator.  
 Si ergo ante Deum patrem nō fuit alius Deus, nec post illum,  
 ut ille ait: erit alter, ergo filius non est Deus. quod si Deus est,  
 oportet ut sit ille idem Deus qui pater: quia nec ante nec post  
 ipsum est alius Deus. Præterea si filius est Deus, quomodo po-  
 test pater filium aliquo tempore præcedere, ut ait Arrius, cum  
 dicat Deus pater, post me nō erit alius Deus? Si filius est Deus,  
 ergo patri coæternus. Nam si patri non est coæternus, sed po-  
 sterior patre, ergo non est Deus: quia pater ait: post me nō erit  
 alius Deus. Vides quibus angustiis premitur Arrius dicens filiū  
 minorem patre, nec eiusdem substantiæ cum eo, nec coæternū  
 patri, sed posteriorem patre, & ab eo creatum. Hæc enim dicēs,  
 cogitur negare filium Dei esse Deum, aut si fatetur esse Deum,  
 cogitur ponere duos Deos, cum dicat illum non esse eundem  
 Deum qui & pater, sed alium. Si ergo pater est vnus Deus, & fi-  
 lius alter Deus, iam duo erunt dij. Sed contradicere pater dicēs,

*Isa. 45.* Ego dominus, & non est amplius. Extra me non est Deus. Si fi-  
 lius est Deus, & non de substantia patris, ut ait Arrius, iam ex-  
 tra patrem esset Deus. Et certè tam efficax mihi videtur hæc ar-  
 gumentatio, ut quem libet Arrianum conuincat. Sic enim eum  
 concludit, ut nulla rimula pateat illi qua elabi possit. Nihilom-  
 inus tamen plura aduersus eum citabimus testimonia. Ioan-  
 nes nanq; euāgelista de filio Dei loquēs ait: Omnia per ipsum  
 facta sunt, & sine ipso factum est nihil. Aut ergo filius Dei ni-  
 hil est, aut factus nō est. Quod si aliquid est, & factus est, ut Ar-  
 rius fatetur, ergo per verbum Dei, hoc est per filium factus est:

ergo

ergo filius Dei per seipsum factus est, & ita erat antequam fieret. quæ omnia de nulla re ullus intellectus capere potest, tantum abest ut de filio Dei verè dicantur. Rursum, si filius Dei est, ergo æqualis patri, & eiusdem naturæ cum eo, quoniam nō est aliter possibile ut filius sit, qui non est de substantia patris. Non est enim possibile ut filius hominis sit, qui non sit homo: multò ergo minus filius erit Dei, qui nō est Deus. Si Deus, aut ergo idem Deus cū patre, & est quod fides catholica docet: aut alter Deus, & tunc erunt plures dii. Non est etiam possibile ut filius hominis sit, qui non est de substantia hominis genitus: sic ergo non erit possibile ut filius Dei sit, qui non est de substantia diuina genitus. Quod si ex eadem substantia patris genitus est, & Deus est ut pater, oportet ut æqualis sit patri, alioqui nec de substantia patris erit, nec Deus erit. Propterea (inquit Ioannes) magis quærebant eū Iudæi interficere, quia nō solum soluēbat sabbatum, sed & patrem suū dicebat Deum, æqualem se faciens Deo. Peiores sunt Iudæis Arriani, & obtusiores ingenio illis: quoniā Iudæi bene intellexerunt Christū prædicantem se æqualem patri per hoc solum quod dixit se filiū Dei. Videbāt enim non posse aliter fieri ut filius Dei esset, quin esset etiam Deus, & per consequens æqualis patri, & eiusdē naturæ cum eo. Præterea, Behemoth ille qui diaboli figurā gerit, principium viarum, hoc est operum Dei, in libro Iob prædicatur: eò quod prima sit Dei creatura. Oportet ergo hac ratione, ut filius Dei non factus esse credatur, aut illū post Behemoth factū esse putetur: quoniā alioqui non erit possibile ut Behemoth sit principium viarum Dei. Deinde ipsemet filius Dei de hac re testimonium perhibet, dicens, Ego & pater vnū sumus. Qui locus (mea quidem sententia) apertissimè Arriū conuincit: quamquā Erasmus Roterodamus, vir de bonis literis optimè meritis, aliter sentiat, dicens hoc loco parum agi cōtra Arrianos: quia de re eū nunc in contentionē voco, nō quod cū Arrianis eū sentire credam (quod absit & illū sentire, & me de illo credere) sed ut ostendā quod malè locū illū Ioānis circūspexerit: nec mirū, quia quādoque (ut est in prouerbio) bonus dormitat Homerus. Credo certè eū aliter nunc sensurū, si locū reuiscat, & diligenter scrutetur. Ut autem clarius agamus, verba eiusdē Erasmi referā. Is enim doctissimus vir in annotationibus super primā catholicā epistolam Ioannis exponēs illud, Tres sunt qui testimonium dant in cœlo &c. sic ait: Dominus Ioānis decimo dicit, Ego & pater vnum sumus.

Ioan. 5

Iob 40

Ioan. 10

Erasmus

I. Ioan. 5

sumus. Hoc testimonio quomodo prosterneatur Arrianus? nisi doceas vnum in literis sacris non appellari, nisi quæ sunt eiusdem substantiæ. Nunc cum innumera loca suppetant quæ doceant intelligi de consensu mutuæque beneuolentia, ad confirmandam opinionem orthodoxi valebit: ad retundendam hæretici pertinaciam non video quantum valeat. Quod autem Christus ibi loquatur de concordia quam habet cum patre, probabili coniectura colligitur quod Christus non respondet ad id quod dixerat sese vnum cum patre, sed quod Deum appellabat patrem suum, seq; singulari quodam modo vocabat filium Dei. Hucusque Erasmus. Sed salua huius viri doctissimi reuerentia, hic locus apertissimè Arrium conuincit. Vt autem hoc ostendamus, video à nobis hoc exigi vt probemus locum illum nullo pacto posse de animorum cōcordia intelligi. Pro qua re plenè exhibēda illud est ante omnia aspiciendum, quid est in eo loco subiecta materia, de qua sermo fiebat: & quis scopus ad quem Christi verba dirigebantur. hoc enim est maximè necessarium ad cuiuslibet scripturæ intelligentiam, videlicet eiusdem scripturæ circumstantias scrutari, ex quarum scrutinio facilè scripturæ intellectus hauritur. Christus siquidē in eo loco cum de ouibus suis differeret, dixit, Et non rapiet eas quisquam de manu mea, hoc est de potestate. solenne est enim in sacris literis potestatem nomine manus designari. Et vt alia multa testimonia omittam, illud est apertum vbi dicitur, Factum est verbū Domini in manu Agg. prophete. In manu, i. in potestate eius. Sic etiam hic accipiendum est cum Christus dicit, Et non rapiet eas quisquam de manu mea: nisi fortè velimus Deum cum Anthropomorphitis corporeum credere: quoniam etsi de Christo posset iuxta literā dici quod habeat manus iuxta naturā humanā, de patre tamen hoc non potest dici, de quo postea dicitur, Nemo potest rapere de manu patris mei. Christus ergo volens ostēdere oues suas esse tutas, dicit, Et nō rapiet eas quisquam de manu mea. Vt autem hoc probaret, addidit sequentia, dicens, Pater qui dedit mihi, maior omnibus est. Sic enim ibi legit Erasmus, Et nemo potest rapere de manu patris mei. Vt enim probet Christus neminem posse rapere oues suas de manu sua, hoc assumit, quod videlicet nemo potest rapere de manu patris sui. vnde colligit quod nemo possit etiā de manu sua assumere. Quod si quis de collectione dubitauerit, tanquam malè collegerit, addidit, Ego & pater vnum sumus, quo dicto probauit

Probat bene collegisse in argumentatione sua. Nam si ille & pater vnum sunt, non magis poterit rapere de manu sua, quàm de manu patris. Et quòd ille sit verborum ordo, ex litera ipsa patet, & Augustinus & Theophylactus sic eam distribuunt. Cum ergo ad hunc finem verba illa Christus dixerit, constat apertissime, nullo pacto posse intelligi de vnitatem animorum, sicut ali bi dicitur, Erat eorum cor vnum, & anima vna. Nam si de vni Act. 4 tate & consensu animorum verba illa interpretentur, collectio Christi erit nullius valoris, vt clarissime patet. Sic enim argumentatur, Nemo potest rapere de manu patris mei, ergo nemo potest rapere de manu mea. Si quis neget eum bene collegisse, probat dicens, Ego & pater vnū sumus. vnum inquam potestate, de qua tunc erat quæstio, vnum inquam natura. Vnam certe oportet esse manū patris & filii, vt bene colligat filius neminē posse rapere oues de manu sua, per hoc quòd nemo potest rapere de manu patris sui. At si de vnitatem animorum & mutua beneuolentia loqueretur, qualis erat illa collectio? Quis nō videt illam esse prorsus inuolidā? Ad hunc enim modū posset quis in gratia existens dicere & argumentari, Nemo potest hunc calanum rapere de manu mea, quia nemo potest rapere de manu patris omnipotentis qui in cœlis est. Quod si quis dicat collectionem esse prorsus inutilem, in eiusdē collectionis probatio nem subiiciet id quod Christus dixit, Ego & pater vnū sumus. Iam (vt opinor) satis aperte ostendimus quā efficax sit hoc scripturæ testimoniū aduersus Arrianos. Quod si Erasmus bene circumspexisset, certò scio quòd rectius intellexisset. Verū ille (vt patet) nō aspexit ad præcedentia, sed solum ad sequentia, per quæ Christus respōdit Iudæis. Iudæi nanq; audito illo verbo, melius quàm Arriani illud intellexerunt, ex illo colligentes Christum se dicere Deum, quia dixerat sese vnum cum patre, quod dictum per sequētia verba quodāmodo confirmat. Accedit ad hæc, quod Paulus de eodem filio Dei loquens ait, Qui Philip. 2 cum in forma dei esset, non rapinā arbitratus est esse se æqualem Deo. Vides hic æqualitatē dei. cur ergo Arri audes dicere Deum patrem maiorem, filium vero esse minorem? Aduerte etiā quod hic Paulus de Christo loquens secundum expressam diuinitatem dixit, cum in forma Dei esset: non autem dixit, cū in forma Dei factus esset, sicut alias de eo iuxta humanitatem dictum est, Verbū caro factum est. Non ergo sic dixit, sed ita, cum in forma Dei esset, quia esse est proprium Dei, iuxta illud,



sumus. Hoc testimonio quomodo prosterneatur Arrianus? nisi doceas vnum in literis sacris non appellari, nisi quæ sunt eiusdem substantiæ. Nunc cum innumera loca suppetant quæ doceant intelligi de consensu mutuæque beneuolentia, ad confirmandam opinionem orthodoxi valebit: ad retundendam hæretici pertinaciam non video quantum valeat. Quod autem Christus ibi loquatur de concordia quam habet cum patre, probabili coniectura colligitur quod Christus non respondet ad id quod dixerat sese vnum cum patre, sed quod Deum appellabat patrem suum, seq; singulari quodam modo vocabat filium Dei. Hucusque Erasmus. Sed salua huius viri doctissimi reuerentia, hic locus apertissimè Arrium conuincit. Vt autem hoc ostendamus, video à nobis hoc exigì vt probemus locum illum nullo pacto posse de animorum cōcordia intelligi. Pro qua re plenè exhibēda illud est ante omnia aspiciendum, quid est in eo loco subiecta materia, de qua sermo fiebat: & quis scopus ad quem Christi verba dirigebantur. hoc enim est maximè necessarium ad cuiuslibet scripturæ intelligentiam, videlicet eiusdem scripturæ circumstantias scrutari, ex quarum scrutinio facilè scripturæ intellectus hauritur. Christus siquidē in eo loco cum de ouibus suis differeret, dixit, Et non rapiet eas quisquam de manu mea, hoc est de potestate. solenne est enim in sacris literis potestatē nomine manus designari. Et vt alia multa testimonia omittam, illud est apertum vbi dicitur, Factum est verbū Domini in manu Agg. prophete. In manu, i. in potestate eius. Sic etiam hic accipiendum est cum Christus dicit, Et non rapiet eas quisquam de manu mea: nisi fortè velimus Deum cum Anthropomorphitis corporeum credere: quoniam etsi de Christo posset iuxta literā dici quod habeat manus iuxta naturā humanā, de patre tamen hoc non potest dici, de quo postea dicitur, Nemo potest rapere de manu patris mei. Christus ergo volens ostēdere oues suas esse tutas, dicit, Et nō rapiet eas quisquam de manu mea. Vt autem hoc probaret, addidit sequentia, dicens, Pater qui dedit mihi, maior omnibus est. Sic enim ibi legit Erasmus, Et nemo potest rapere de manu patris mei. Vt enim probet Christus neminem posse rapere oues suas de manu sua, hoc assumit, quod videlicet nemo potest rapere de manu patris sui. vnde colligit quod nemo possit etiā de manu sua assumere. Quod si quis de collectione dubitauerit, tanquam malè collegerit, addidit, Ego & pater vnum sumus, quo dicto probauit

Probauit bene collegisse in argumentatione sua. Nam si ille & pater vnum sunt, non magis poterit rapere de manu sua, quàm de manu patris. Et quòd ille sit verborum ordo, ex litera ipsa patet, & Augustinus & Theophylactus sic eam distribuunt. Cum ergo ad hunc finem verba illa Christus dixerit, constat apertissime, nullo pacto posse intelligi de vnitate animorum, sicut alibi dicitur, Erat eorum cor vnum, & anima vna. Nam si de vni- Act. 4 tate & consensu animorum verba illa interpretentur, collectio Christi erit nullius valoris, vt clarissime patet. Sic enim argumentatur, Nemo potest rapere de manu patris mei, ergo nemo potest rapere de manu mea. Si quis neget eum bene collegisse, probat dicens, Ego & pater vnū sumus. vnum inquam potestate, de qua tunc erat quæstio, vnum inquam natura. Vnam certe oportet esse manū patris & filii, vt bene colligat filius neminē posse rapere oues de manu sua, per hoc quòd nemo potest rapere de manu patris sui. At si de vnitate animorum & mutua beneuolentia loqueretur, qualis erat illa collectio? Quis nō videt illam esse prorsus inualidā? Ad hunc enim modū posset quis in gratia existens dicere & argumentari, Nemo potest hunc calamus rapere de manu mea, quia nemo potest rapere de manu patris omnipotentis qui in cœlis est. Quod si quis dicat collectionem esse prorsus inutilem, in eiusdē collectionis probatio nem subiiciet id quod Christus dixit, Ego & pater vnū sumus. Iam (vt opinor) satis aperte ostendimus quā efficax sit hoc scripturæ testimoniū aduersus Arrianos. Quod si Erasmus bene circumspexisset, certò scio quòd rectius intellexisset. Verū ille (vt patet) nō aspexit ad præcedentia, sed solum ad sequentia, per quæ Christus respōdit Iudæis. Iudæi nanq; audito illo verbo, melius quàm Arriani illud intellexerunt, ex illo colligentes Christum se dicere Deum, quia dixerat sese vnum cum patre, quod dictum per sequētia verba quodāmodo confirmat. Accedit ad hæc, quod Paulus de eodem filio Dei loquens ait, Philip. 2 Qui cum in forma dei esset, non rapinā arbitratus est esse se æqualem Deo. Vides hic æqualitatē dei. cur ergo Arri audes dicere Deum patrem maiorem, filium vero esse minorem? Aduerte etiā quod hic Paulus de Christo loquens secundum expressam diuinitatem dixit, cum in forma Dei esset: non autem dixit, cū in forma Dei factus esset, sicut alias de eo iuxta humanitatem dictum est, Verbū caro factum est. Non ergo sic dixit, sed ita, cum in forma Dei esset, quia esse est proprium Dei, iuxta illud,

- Exo. 3** Ego sum qui sum. Ex eodem etiam scripturę testimonio convincitur Sabellius. Nam qui par est & æqualis, alterum habeat oportet cui collatus equalis reperiatur. Ex illa ergo æqualitate duæ ostenduntur personæ. Sed iam opus est ut contra dictum Origenis ostendamus filium dei orandum. Hoc autem non est
- Psal. 96** magnum negotium, cum apertissima sint scripturę testimonia. Propheta siquidē de filio Dei loquēs ita, ait: Adorate eum omnes angeli eius. Hæc autem verba Paulus interpretatur esse dicta à patre cœlesti de filio suo vnigenito, sic dicens: Et cū iterum introducit primogenitum in orbē terrarū, dicit, Et adorent eum omnes angeli Dei. Quomodo ergo non est orandus, quem clare constat esse adorandum? Quo testimonio nō minus prosternitur Arrius quā Origenes. Si enim filius Dei est creatura, ut Arrius ait, quomodo illum Deus pater adorare iubet, qui alias omnis creaturę adorationem tam strictē prohibuit? Omitto Magorū adorationem huic etiam incunabilis existenti exhibitam. Præterea, Stephanus cū lapidaretur à Iudæis, Iesum Christum filium Dei orabat, dicens, Domine Iesu suscipe spiritum meū. positus autem genibus clamauit voce magna dicens, Domine ne statuas illis hoc peccatū. Petrus etiam ut Aeneā paralyticum à morbo liberaret, ait, Aenea sanet te Dominus Iesus
- Actu. 7** Christus. Vox certe illa deprecantis, est, nō imperātis: quia nemo imperat nisi illi quē credit sibi subiectū. Deniq; Paulus ait, **Phil. 2** Dedit illi nomē, quod est super omne nomē, ut in nomine Iesu omne genu flectatur, cœlestium, terrestriū, & infernorū. Quod antē Esaias prophetauerat, qui Dei nomine loquens ait, Mihi curuabitur omne genu. Talis autem genuflexio cuiusdā adorationis & humillimæ deprecationis indicium est. Præter hæc tam aperta scripturę testimonia extat Concilii Nicæni definitio, quod sub Constantino maiore celebratum est, in quo trecenti & decem & octo patres cōgregati, talem ore proprio ad suam & nostram salutē confessi sunt fidem, Fides Nicæni concilii. Gredimus in vnū Deum patrem omnipotentem visibiliū & inuisibiliū cōditorem. Et in vnum Dominū Iesum Christum filium Dei natū de patre vnigenitum, hoc est de substantiā patris, Deum de Deo, lumen de lumine, Deū verum de Deo vero, natum non factū, consubstātialem patri, id est vnus substantiæ cum patre, quod Græci *ὁμοουσιον* dicunt. per quē omnia facta sunt quæ in cœlo & in terra &c. Hæc conciliū Nicænum. Eandem fidē protulit concilium Constantinopolitanum sub
- Theodosio

*Cōcilium  
Nicænum.*



Theodosio maiore celebratum, & concilium Ephesinum sub Theodosio iuniore, & conciliū Chalcedonense sub Martino Imperatore, & plurima alia concilia hoc idē confessa sunt: de qua re extat liber vnus beati Hilarii de synodis celebratis aduersus Arrianos, in quo libro reddit rationē eorū conciliorum quæ aduersus Arrianos celebrata sunt. Verū quoniā Arriani aliquot scripturæ loca perperā intellecta adducunt in suæ hæresis testimoniū, pro illis ferme omnibus dissoluendis sufficit admonere lectorē. vt quoniā in Christo duæ sunt naturæ, quædam diuina, secundum quā equalis est patri: altera humana, secundum quam minor est patre: quotiescunq; scriptura Christo tribuit infirmitatē, aut inæqualitatem patri, aut alia huiusmodi, ea intelligat esse interpretanda iuxta naturā humanam, secundum quā infirmus fuit & debilis, & patre minor. Secundum illā verbū caro factū esse dicitur, secundū quam patrē orat, & cum clamore valido & lachrymis preces effundit. reliqua autē de illo iuxta diuinitatē sunt accipienda. Contra hanc hæresim plures scripsere. In primis Athanasius, quē cum eodē Arrio disputasse ferunt, scripsit de vnica deitate trinitatis libros duos, Beatus Cyrillus scripsit opus insigne, quod thesaurū inscripsit, quatuordecim libris partitū, in quo cōtra plures hereticos agit, præcipue tamen contra Arrianos. Ex latinis scriptoribus primus, quod sciā, ex his qui extant fuit Hilarius Pictauorum episcopus, qui etsi in libris de trinitate diffuse cōtra Arriū & alios hæreticos disputet, tamen specialē librū de hac re contra Arriū edidit de patris & filii vnitatem. Victorinus Afer, à quo dicitur Hieronymū didicisse Rhetoricam, quatuor libris contra Arriū disputat, quod opus ante annos quinq; est impressum Basileæ: inter illa opera quę in antidoto hæresum coaceruata sunt. Beatus Ambrosius scripsit de fide orthodoxa cōtra Arrianos librū vnum. Beatus Augustinus sæpissime cū Arrianis, vt iam ostendimus, disputauit, & libros contra eos composuit plures: cōtra sermonē Arrianorum librum vnū. contra Maximinū Arrianorum episcopū libros tres. Cōtra Felicianū librum vnū. Idacius clarus Hispanus, qui, vt suspicor, eodē ferme tempore fuit quo August. scripsit aduersus quendam Varimandum Arrianum insigne opus, quod etiam habetur in eo volumine quod Antidotum hæresum inscribitur. Alios autem non vidi.

Septima hæresis est quæ negat filium Dei esse verbum. Huius hæresis authores, vt Augustinus in libro de hæresibus



*Alogiani.* capite 30. ait, dicti sunt Alogiani, quasi sine verbo. logos enim græcè, latine verbum dicitur. Et quia in Euangelio Ioannis expresse hoc habetur quod filius Dei sit verbum patris, hac occasione euangelium illud non recipiebant, dicentes illud non esse Ioannis Apostoli. Contra hanc hæresim non est opus disputare, cum sit tam apertum testimonium Ioannis Apostoli, quod nullo pacto negare possunt. Superius enim ostendimus catalogum librorum canonicorum, in quo insertum est euangelium Ioannis. Quo catalogo assignato, tunc signauimus arma catholicis & hæreticis communia, quibus & hæreticum se tueri & catholicum pugnare oportet. Cum ergo hi hæretici prouocent catholicos ad certamen, non est quod arma iam recepta veluti culpata reiiciant. Sed ne testimoniis carere videar, opus est ut aliunde etiam testimonia petamus ad hanc hæresim reijci-

*Sap. 16* ciendam. Sapiens namque ait, Cum quietum silentium contingerent omnia, & nox in suo cursu medium iter haberet, omnipotens sermo tuus domine exiliens de cælo, a regalibus sedibus durus debellator in mediam exterminii terram profiliuit. Hæc autem verba constat non posse intelligi de sermone prolatiuo, qui verberato aere sonat, quoniam ille omnipotens non est, sed solus Deus omnipotens est. Et alibi expressius, Fons sapientiae

*Eccle. 1* verbum dei in excelsis. Et Propheta in persona patris loquens ait, Eructauit cor meum verbum bonum. Constat autem quod

*Psal. 44* de filio dei loquatur, quoniam de illo sunt illa quæ sequuntur, Speciosus forma præ filiis hominum &c. Et Esaïas apertius hoc docet, qui ait, Exsiccatum est fœnum, & decidit flos verbū autem dei nostri manet in æternum. Verbum autem prolatiuum

*Esa. 40* simul cum ipso sono transit, & minorem durationem quam fœnum habet: quapropter fieri nequit ut ad illud verba Esaïæ referantur, sed ad filium Dei, cuius aduentus in hunc mundum in illo capitulo prædicatur. Illud ergo verbum quod est æternum & omnipotens, & quod est fons sapientiae, quodque pater cælestis eructauit gignendo, & quod ex ore Altissimi prodiit: illud inquam est filius Dei, Taceant ergo Alogiani, & quæ non intelligunt, venerentur tanquam sacramentum absconditum, & nolint res diuinas ex capacitate sui intellectus metiri.

Octaua hæresis est de filii persona malè sentiens. dicit enim filium Dei ignorare diem vltimum. Huius hæresis authores, ut *Ignorita.* Isidorus libro 8. Etymologiarum cap. 5. ait, dicti sunt Ignoræ, eo quod ignorantiam impingant Deo. Quis fuerit primus huius hæ-

ius hæresis Inuentor, aut quo tempore cæperit, Isidorus nō prodidit, neque apud alium ego inuenire potui. Ad hoc autem dicendum moti sunt propterea quòd Christus apud Martham Mat. 10 dixit, De die illa & hora nemo scit, neque angeli cœlorum, nisi Mat. 13 solus pater. Et apud Marcum expresse nominatur filius, vbi sic dicitur, De die autem illo vel hora nemo scit, neque angeli in cœlo, neque filius, nisi pater. Sed antequam huic obiectioni respondemus, oportet vt nostram & catholicam fidē prius confirmemus. Propheta regius ait, Omnis consummationis vidi Psal. 118 finem. Cum ergo vltimus dies finis sit & consummatio temporis, sequitur quòd illum viderit. Si forte dicas illud Prophetæ dictum non esse filio Deitribuendum, saltem Esaïæ dictum non poteris hac occasione reiicere: quoniam de Christo filio Dei pro nobis crucifixo loquens, ita sub nomine eiusdem Christi ait, Torcular calcaui solus, & de gentibus non est vir mecū. Calcaui eos in furore meo, & cōculcaui eos in ira mea: & aspersus est sanguis super vestimēta mea, & omnia indumenta mea inquinaui. Dies enim vltionis in corde meo, annus retributionis meę venit. Hic aperte vides filium Dei fatentem se scire diē vltimum, quoniam ait, Dies vltionis in corde meo. Quæ verba constat in persona filii Dei esse dicta quoniā qui dixerat Torcular calcaui solus &c. eadem verborum consequentia subiunxit dicens, Dies vltionis in corde meo. Præterea, Paulus de filio Dei loquens ait, In quo sunt omnes thesauri sapientiæ & scientię absconditi Si omnes thesauri sapientiæ & scientię, ergo etiā Colo. 2 notitia vltimæ diei. Rursum, Omnia per filium Dei facta sunt, Ioan. 1 vt ait Ioannes Apostolus, ergo etiam tempus & omnes dies per illum facti sunt: ergo & vltimus ab illo mente iam factus est, qui nouit omnia quæ factururus est, antequam fiant. Deinde ipse met filius Dei ad patrem loquens ait, Omnia mea tua sunt, & Ioan. 17 tua mea sunt. Aut ergo filius scit diem vltimum quemadmodū pater, aut pater ignorabit quemadmodū filius, quoniā alioqui falsum esset quòd filius ait patri, Omnia tua mea sunt, Et in alio loco, Omnia mihi tradita sunt à patre meo. Sed si illius vltimæ diei notitiam sibi pater seruauit, oportet vt non omnia filio suo pater dederit. Accedit ad hoc, quòd si vltimum ignorat, omnes etiam qui sunt ante illum, oportet ignorare: quoniam si ignorat diem vltimum, sciet etiam illum solum sibi ignoratū: & si sciret omnes præcedentes diem vltimum, necessario sciet diem proxime sequentem esse vltimum, alias non esset certus

Act. 1

se scire omnes dies præcedentes. Quod si certò scit omnes dies præcedentes vltimum, tunc iam sciet proximè sequentem fore vltimum, & ita sciet vltimum. Aut ergo vltimum scit, aut si vltimum ignorat, præcedentes eum ignorare erit necesse. Ostenso igitur quòd filius Dei scit vltimum diem æquè bene vt pater, superest vt declaremus quo pacto intelligendum sit cum ait se diem illum nescire. Pro qua re valdè suffragatur nobis id quod in Actis apostolorum legimus discipulos interrogasse Dominum dicentes, Domine si in tempore hoc restitues regnum Israel? quibus ille respondit, Nò est vestrum nosse tempora vel momenta, quæ pater posuit in sua potestate. Ibi certè filius nò negat se scire, sed solù ait non spectare ad illos illius diei scientiã. Vnde colligitur illù diem esse secretũ, & nulli reuelandũ. quod prudens ipse Dominus fecit, vt nos cautos redderet, & hac occasione vigilare faceret: Ideo dixit, de illa nemo scit. Quòd autè hac occasione illud dixerit, ex decursu literæ colligitur, quoniã statim subiũxit, Vigilate ergo, quia nescitis qua hora dominus vester venturus sit. Ne autem fortè crederent labore aut industria aut aliqua humana ratiocinatione se posse illũ diẽ scire, addidit. neq; angeli cœlorũ, vt hoc dicto illos à quolibet huius diei scrutinio deterreret. Sed quia fortè discipuli hoc vellent ab ipso Christo eorũ magistro discere & inquirere, vt eos ab hac inquisitione separaret, vltèrius addidit, neque filius, sed solus pater, quasi hoc verbo illis diceret, Nolite solliciti esse de illius diei notitia, quoniã illam nullus habet: neque à me ipso petatis, quoniã nec ego etiã scio. Nò quòd ipse simpliciter nesciat, sed quia etsi sciat, non tamẽ vt illis reuelare debeat: quẽadmodum si aliquid tibi secretè cõmissum est vt nulli alteri reueles, & postea aliquis à te de illa re sciscitetur: respõdebis, & meritò, te nescire, quoniã etsi scias, nò tamen sic scis vt reuelare possis. Sacra autè scriptura, cũ pro hominibus erudiendis facta sit, eodẽ more loquendi vtitur quo homines loqui solẽt. quapropter (vt ait b. Aug. in libris de doctrina Christiana) ei idẽ tropis, figuris, & metaphoris vtitur, quibus in nostra cõmuni locutione vtimur. Filius ergo Dei fatetur se nescire diẽ illũ, quia etsi sciat, non tamẽ sic vt reuelare debeat. Quod manifestè ostendit illa sententia, Nò est vestrum nosse tempora vel momenta quæ pater posuit in sua potestate. Noluit autè illis dicere apertè, scio, sed nolo vobis reuelare: ne illos hac respõsione tristes redderet, aut minus erga seipsum affectos hac occasione efficeret. De hac re

hac re longe disputat beatus Hilarius in 9. libro de Trinitate, paulò ante finem.

Nona hæresis etiam filio ignorantiam impingit. Origenes *Origenes.* nanq; quemadmodum illi tribuit Epiphanius in quadam epistola ad Ioannem episcopum Hierosolymitanum, dixit filium non posse videre patrem, nec spiritum sanctum posse videre filium. Et certe Epiphanius citat verba Origenis in libris Perilarchon, ubi sic Origenem dixisse refert: Sicut enim incongruum est dicere, quod possit filius videre patrem, sic inconsequens est opinari, quod spiritus sanctus possit videre filium. Hæc dixisse Origenem refert Epiphanius. Ut verum fatear, miror virum tam doctum, qualis fuit Origenes, in tam apertum errorem fuisse lapsum, cum sit tam apertus locus scripturæ ita dicēs, Nemo nouit filium nisi pater, *Mat. ix* neque patrem quis nouit nisi filius, & cui voluerit filius reuelare. In hoc loco tam verè tribuitur filio notitia patris, ut ex eo magis posset quis suspicari spiritum sanctum non videre patrem. Quamquam & hoc non ita se habet, quoniam ea quæ ad se dicuntur, quæ nunc recentiores theologi absoluta & essentialia appellant, tribus personis sunt communia, sicut & ipsa essentia. Quapropter etsi in his locutionibus reperiatur dictio exclusiua, per quam prima fronte excludi videatur aliqua persona: nulla tamen earum excluditur, sed solum excluduntur illæ res quibus essentia diuina non sic se comunicat. Ut vnum est multis gratia exempli afferam, per *Esa. 45* prophetam Deus pater loquitur dicens, Ego dominus, & non est alter formans lucem, & creans tenebras. Nunquid ergo dicemus filium aut spiritum sanctum non formare lucem, quia dixit pater, non est alter formans lucem? Absit. Nam de filio Dei Ioannes ait: Omnia per ipsum facta sunt, & sine ipso factum est nihil. Et *Gen. i* cum aquæ crearentur, spiritus domini ferebatur super eas. Et de eodem spiritu Dauid ait: Verbo domini cæli firmati sunt, & spi- *Psal. 32* ritu oris eius omnis virtus eorum. Ad hunc modum interpretandum est id quod dicitur, Nemo nouit filium nisi pater, neque patrem quis nouit nisi filius. Notitia enim res est quæ ad se dicitur, hoc est absoluta, ac proinde essentialis, & omnibus tribus personis communis: quapropter etsi ibi dictio exclusiua ponatur, non est tamen intelligendum aliquam personam diuinam excludi. quia etiam spiritus sanctus cognoscat patrem sicut filius, & in filium æquè perfecte sicut pater. Hoc autem quod de spiritu sancto dicimus, clarius patebit cum in sequentis hæresis expugnatione conuincerimus ex sacris literis spiritum sanctum esse patri & filio con-



substantialem, hoc est eiusdem cum illis substantiæ: quæ propter erit necessarium, ut omnia quæ sunt patris & filij, sint etiam spiritus sancti, ita ut spiritus sanctus verè dicere possit utiq; quod filius dixit patri, Omnia mea tua sunt, & tua mea sunt. Vnde apertissimè conuincitur spiritum sanctum cognoscere Patrem, quemadmodum filius, & filium quemadmodum pater.

**Macedo-**  
**nus.** Decima hæresis impetit spiritum sanctum, quoniam ait spiritum sanctum esse minorem patre & filio, & non esse eiusdem substantiæ cum patre, sed esse veram creaturam. Huius hæresis princeps fertur Macedonius quidam Constantinopolitanus episcopus, tempore Constantij Imperatoris, & Liberi papæ, à quo Macedonio Macedoniana hæresis appellata est, quamquæ & eandem hæresim prius docuerat Arrius, qui sicut dixit filium dissimilem patri, & esse creaturam, ita etiã docuit de spiritu sancto. Sed quoniam Arrij sequaces diuisi sunt, quibusdam affirmantibus filium quodammodo similem patri, licet non eiusdem essentia: quam partem tenuit Eunomius quidam corpore leprosus, & artis dialecticæ callidissimus: aliis autem affirmantibus filium per omnia similem patri, sed spiritum sanctum esse illis prorsus dissimilem meramque esse creaturam, & istorum dux fuit Macedonius, ideo ab eo nomen accipit, ut Macedoniana hæresis diceretur: quoniam sub Arrio magis disputatum est de filio quàm de spiritu sancto. Hi sic sentientes vocati sunt pneumatomachi, id est spiritus sancti impugnatores. πνευμα græcè, est idem quod spiritus latinè. quod si in sacris literis reperiatur præposito articulo 7 (v: annotat Didymus in lib. de spiritu sancto) semper significat spiritum sanctum. μάχομαι græcè, est idem quod latinè pugno. inde dictio composita πνευμάτωμαχος, id est spiritus sancti oppugnator. Hic non possum continere meipsum quin referam quàm bellam illius vocis etymologiam adferat Bernardus de Lutsemburgo in suo catalogo hæreticorum, ubi sic ait, Et dicuntur à pneuma, id est spiritus, & tocos, id est mater, quia spiritum sanctum ex matre ipsa processisse dicebat, & de filio Dei. Et certè non est mirandum quod ignorauerit, sed illud valdè miror, esse aliquem tam impudentis arrogantia, ut quod prorsus ignorat, non vereatur tanta cum autoritate docere. Sed hoc non potest vlllo pacto tolerari, quod videlicet ut etymologia quam ex suo cerebro finxerat, proposito negotio conueniret, addidit Macedonium sensisse quod spiritus sanctus ex matre processerit & de filio Dei, tanquam si filius Dei coiens cum matre genuisset spiritum

spiritum sanctum. Dispeream si vel per somnium Macedonius tale dixit, aut si frater Bernardus hoc apud aliquem scriptorem de Macedonio reperit. Nam beatus Augustinus in lib. de hæresibus cap. 52. de Macedonio loquens, nihil tale illi impingit: Philaster qui hos hæreticos non Macedonianos, sed Semiarianos appellat, nunquam huius fabulæ meminit. Ecclesiastica historia in decimo libro, cap. 25. de Macedonio loquens, nullum tale figmentum illi tribuit. Historia tripartita lib. 5. cap. 41. de hæresibus Macedonij differens, nec vllum matris nomen circa spiritus sancti productionem ibidem posuit, sed solum dicit Macedonium sensisse quod spiritus sanctus sit patri dissimilis, & minister illius, & illa dixerit spiritui sancto tribuenda, quæ de angelis dicuntur. An autem angeli dicantur in scriptura habere matres, videat frater Bernardus de Lutzemburgo. Beda in libro de ratione temporum de Macedonio faciens mentionem, nunquam illum tale sensisse refert, quale illi impingit Bernardus de Lutzemburgo. Et ut ad recentiores descendam, Platina in vita Felicis papæ huius nominis secundi, idem dicit de Macedonio, & sub eisdem ferè verbis quibus Ecclesiastica historia de Macedonio differuerat. Guido cum semper Augustinum & Isidorum sequatur etiam hic sui similis, solum Augustini & Isidori de Macedonio censuram refert. Vbi ergo Bernardus de Lutzemburgo inuenit Macedonium dedisse spiritui sancto matrem, ex qua & filio Dei spiritum sanctum processisse dicat? Certè ego aliud non possum conicere, nisi quod fortè apud alium similis farinæ legit, & nulla adhibita rei indagine, ut alijs de illo diximus, in suum opus transcripserit, aut fortè, quod magis credo, ipse apposuit è suo cerebro, ut etymologia per eum allata subiectæ materiæ conueniret, & ita, ut est in prouerbio, ad lapidem applicauit amussim. Sed iam opus est ut ad oppugnationem hæresis accedamus. Pro qua re memores esse oportet eorum quæ superius contra Sabellium attulimus. ibi enim ostendimus trinitatem vnitatis, patrem videlicet & filium & spiritum sanctum vnum esse Deum. Ipsa enim veritas dixit Apostolis suis, Euntes in mundum prædicate euangelium omni creaturæ, baptizantes eos in nomine patris & filij & spiritus sancti. Cum in nomine dixit, & non in nominibus, aperte ostendit eorum trium vnum esse nomen, vnamque substantiam. Spiritus sanctus ergo est Deus, & patri consubstantialis. Præterea, ut supra de filio sumus argumentati, cum vnus tantum sit Deus, & non

Mat. 28

- plures: non potest esse ut spiritus sanctus sit Deus, quin sit unus cum patre & filio Deus, quoniam alioqui plures essent dii, quod catholica fides abominatur. At quod spiritus sanctus sit Deus,
- 1. Cor. 6** ait: An nescitis quoniam membra vestra templum sunt spiritus sancti, qui in vobis est, quæ habetis à Deo? Et ne quisquā ipsum spiritum sanctum negaret Deum, continuo secutus ait: Et non estis vestri, empti enim estis precio magno. glorificate ergo & portate Deum in corpore vestro. Cum dixit portate Deum in corpore vestro, insinuauit nobis spiritum sanctum esse Deum,
- 1. Cor. 11** cuius templum membra nostra esse prædixerat. Et in eadem epistola iterum, Nemo potest dicere dominus Iesus, nisi in spiritu sancto. Diuisiones verò gratiarum sunt, idem autem spiritus. Et diuisiones ministrarum sunt, idem autem Dominus. Et diuisiones operationum sunt, idem verò Deus, qui operatur omnia in omnibus. Ecce hic vides spiritum sanctum vocatum dominum & Deum. Præterea nisi spiritus sanctus esset Deus, quomodo esset possibile, ut peccatum in illū sit tam graue, quod, ut
- Mat. 12** Christus ait, neque hoc seculo neque in futuro remittatur: Fieri enim potest, ut grauius sit peccatum in creaturā, quam illud quod aperto Marte fit in Deum. At si spiritus sanctus esset creatura, ut
- Act. 5** Macedonius ait, grauius esset peccatum in creaturā, quā in Deum. Rursum, Petrus ad Ananiā, qui fraudauerat Apostolos de precio agri venditi, ait: Anania cur tentauit Satanas cor tuū mentiri te spiritui sancto? Ut autē explicet spiritum sanctum esse Deum, subiunxit: Non es meturus hominibus sed Deo. Quem ergo spiritum sanctum prius dixerat, eundē postea Deum nominauit. Deinde opera spiritus sancti arguunt eum esse Deum, quia ea illū facere cognoscimus, quæ non nisi à Deo fieri possunt. Gratiam donat, ut Apostolus ait: Diuisiones gratiarum sunt, unus autē spiritus qui impartitur. Tamen David ait, Gratiā & gloriā dabit Dominus. ergo spiritus sanctus qui gratiā donat, est dominus
- Rom. 5** & Deus. Charitatē effundit in cordibus nostris. Charitas Dei inquit Paulus, diffusa est in cordibus nostris per spiritum sanctum qui datus est nobis. Spiritus sanctus peccata remittit, quod
- Ioan. 20** soli Deo est proprium. Dominus enim Iesus Christus sanctis Apostolis insufflans ait, Accipite spiritum sanctum: quorum remiseritis peccata, remissa sunt. Apostolis datur spiritus sanctus, ut possint peccata dimittere. Si ergo illi per spiritum sanctum peccata remittunt, multo melius ille, in cuius virtute hæc faciunt,



faciunt, remittet. Quomodo ergo nō est Deus, qui peccata propria auctoritate dimittit? Spiritus sanctus loquutus est in prophetis, ut pater & filius. De Deo enim pater Zacharias dixit, Locutus est per os sanctorum qui à seculo sunt prophetarum eius. *Luc. 1*  
 Et Petrus ait, Non enim voluntate humana allata est aliquando prophetia, sed spiritu sancto inspirate locuti sunt sancti Dei homines. Et Paulus ait, Omnis scriptura diuinitus inspirata. Si spiritus sanctus in prophetis & Apostolis loquitur, & omnis talis scriptura diuinitus inspirata est, ergo spiritus sanctus Deus est. Spiritus sanctus ubique est, ut pater, quod manifestè ostendit propheta dicēs, Quò ibo à spiritu tuo? & quò à facie tua fugiā? *Psal. 138*  
 si ascendero in cœlum, tu illic es, &c. Multa alia similia ex scriptura sacra diligens lector colligere potest. Sed iam audiamus ecclesię definitionem. Concilium Constantinopolitanum. 150. *Cōcilium Cōstantinopolitanum.*  
 episcoporum sub Theodosio maiore & Damaso papa damnata hæresi Macedonia, talem protulit fidem, Credimus in vnum Deum patrem omnipotentem factorem cœli & terræ &c. Sequitur, Credimus in spiritum sanctum Dominum & viuificantem ex patre procedentem, cum patre & filio adorandum & conglorificandum, qui locutus est per prophetas. Eandē fidem docuit Ephesinum concilium, eandem amplectitur concilium Chalcedonense, eandem recepit concilium Lateranense sub Innocentio papa huius nominis tertio celebratum, cuius definitio habetur in lib. Epistolarum decretalium titulo de sum. trinitate & fide catholica. Contra hanc hæresim scripsit Didymus Alexandrinus duos libros de spiritu sancto, quod opus beatus Hieronymus latinitate donauit. Basilius aduersus Eunomium edidit librum vnum. Beatus Ambrosius omnibus in hac parte copiosior est, qui tribus libris de spiritu sancto ad Gratianum Imperatorem editis strenuè pro fide catholica pugnat.

Vndecima hæresis ait spiritum sanctum esse animam mundi. Huius hæresis magister & doctor fuit Petrus Abailardus. *Petrus Abailardus*  
 Hoc enim impingit illi beatus Bernar. in quadā epist. ad Innocentium papam, quæ est ordine eius epistol. 190. Hæc sententia inde dignoscitur esse hæretica, si animaduertimus illud cōmunē atque notissimum omnibus principium, Omne totum maius est sua parte. Quod non solum verum est de maiori (ut ita loquar) vel de excessu in magnitudine molis, sed etiam de excessu secundum perfectionem, ita videlicet quòd oportet omne totum esse maius, hoc est perfectius qualibet sua parte  
 scilicet



seorsum sumpta. 7 Quo fundamento iacto, facile superædificabimus veram fidei doctrinam, q̄ scilicet spiritus sanctus nec sit nec esse possit anima mundi, quia inde sequeretur spiritum sanctum esse minorem mundo, quia pars mundi, cum sit anima eius. sequitur etiam spiritum sanctum esse mundi limitibus inclusum & circumscriptum atq; definitum, quod tamen fateri aperta est blasphemia: quoniam (vt proxime conuicimus) spiritus sanctus est Deus. At Deus nullis locorum spatiis clauditur. *Iob 22* Nonne cogitas q̄ Deus excelsior cælo sit, & super stellarū verticem sublimetur? Cælum & cæli cælorum eū capere non possunt. Et qualiter capere possent cæli illum qui mensus est *2. Pa. 2* pugillo aquas, & cælos palmo ponderauit? Si ergo mundus nō potest capere spiritum sanctum, nō est possibile quod spiritus sanctus sit anima mundi, quoniam omnis anima capitur ab eo corpore quod fouet & viuificat.

*Græci.* Duodecima hæresis est, quæ negat spiritum sanctum procedere à patre & filio. Hanc hæresim docuerūt & tutati sunt Græci per multas annorum centurias, ita vt hæc fuerit vna ex præcipuis causis propter quas à Romana & catholica ecclesia diuisi sunt. Eundem errorem tenent Armeni. Dicunt enim spiritum sanctum à patre procedere, sed non à filio: ad quod inde mouentur, quia in Euangelio solum inuenitur processus à patre, nunquam tamen ibi (vt dicunt) reperitur processus à filio. Et in symbolo Niceno, & symbolo Constantinopolitano solū ibi ponitur processus à patre, in quibus nulla fit mētio de processione spiritus sancti à filio. Quapropter negant spiritū sanctum à filio procedere. Sed ne in vacuum laboremus, de sola voce contententes, quæramus quid intelligitur per hoc quod est procedere ab alio. Et ego non possum aliud intelligere, quā esse ab alio productum: & deriuatum ab alio, vt fluuius procedit à fonte, quia ab illo trahit originē suam: calor procedit ab igne, à quo productus est: lux procedit à sole, à quo generatur. sic etiam filius procedit à patre, à quo genitus est: spiritus sanctus procedit à patre & filio, quoniam ab utroq; productus est. Quod si aliud illis significat procedere ab alio, quā produci ab illo, aut deriuari ab illo, tunc de voce contendimus, & ignoramus de qua re loquantur. Si verò nobiscum sentiunt de vocis significatione, apertè illis ostendemus ex sacris literis spiritum sanctum procedere à filio sicut à patre, quoniam producit à filio sicut à patre. Hoc autem ita se habere, ipsa veritas nos docet, quæ

cet, quæ apud Ioannem ait: Cùm autem venerit ille spiritus ve Ioan. 16  
 ritatis, docebit vos omnem veritatem. Nō enim loquetur à se-  
 metipso, sed quæcunq; audiet, loquetur &c. Quæ verba expo-  
 nens Didymus in secundo libro de spiritu sancto, ita ait: Non  
 enim loquetur à semetipso, hoc est non sine me, & sine meo &  
 patris arbitrio, quia inseparabilis à mea & patris est voluntate,  
 quia non ex se est, sed ex patre & me est. hoc enim ipsum quod  
 subsistit & loquitur, à patre & me illi est. Ego veritatē loquor,  
 id est inspiro quæ loquitur siquidem spiritus est veritatis. Hæc  
 Didymus. Quem, eò q̃ Græcus esset, libentius proulimus, vt  
 fortè hac occasione eius expositio facilius à Græcis recipiatur.  
 Quæ sequuntur apud Ioannem, magis adhuc nostram fidē con-  
 firmant. Ille (inquit de spiritu sancto Christus) me clarificabit,  
 quia de meo accipiet, & annuntiabit vobis. Omnia quæcunq; ha-  
 bet pater, mea sunt: propterea dixi quia de meo accipiet, & an-  
 nuntiabit vobis. Quid est dicere, de meo accipiet? hoc est, sicut  
 à me per productionem habet essentiam, ita & scientiā omnē.  
 Sicut enim filius dixerat aliàs se audiuisse à patre suo, ita nunc  
 dicit spiritum sanctum audire ab eo. Quomodo autē audiat,  
 declarat subdēs, quia de meo accipiet, hoc est, quia de mea sub-  
 stantia & à me productus est, & producit, & producet.  
 Quòd autem dixi à me illum accepturum, nō miremini, quia  
 sicut accipit à patre, ita accipit à me. Omnia enim quæ pater  
 habet, mea sunt. si ergo de substantia patris accipit, de mea opor-  
 tet q̃ accipiat. Si ergo de substantia patris filius, cerrè non po-  
 test aliter esse quin ab illo procedat. Præterea spiritus sanctus  
 etiam est spiritus filij, sicut spiritus patris, quòd non diceretur  
 nisi à filio procederet sicut à patre. Paulus siquidem ait: Qui au- Ro. 8  
 tem spiritum Christi non habet, hic non est eius. Et alibi, Misit Gal. 4  
 Deus spiritum filij sui in corda vestra. Ecce hic vides nomina-  
 tum spiritum sanctum esse spiritum filij, qui aliàs dicitur spi-  
 ritus patris. Ex quo conuincitur vt à filio etiā sicut à patre pro-  
 cedat. Rursum. Spiritus sanctus mittitur à filio sicut à patre: si-  
 gnum est ergo q̃ etiam à filio sicut à patre procedit. Filius si- Ioan. 16  
 quidem ait: Si ego non abiero paracletus non veniet ad vos. Si  
 autem abiero, mittam eum ad vos. Qui ergo à filio mittitur si-  
 cut à patre, fieri necesse est vt à filio sicut à patre procedat. Ac-  
 cedit ad hæc, q̃ Athanasius in symbolo ait: Spiritus sanctus à  
 patre & filio non factus, nec creatus, nec genitus, sed procedēs.  
 Et hic etiam Græcus est. Sed iam post hæc omnia audiamus ec-  
 clesiæ

Conciliū  
Lateranen-  
se.

clesiæ definitionem. Conciliū Lateranense sub Innocentio papa huius nominis tertio celebratum, fidem suam per hæc verba protulit: Firmiter credimus & simpliciter cōfitemur, quod vnus solus est verus Deus, æternus, immensus & incommutabilis, omnipotens, & incomprehensibilis, & ineffabilis, pater, & filius, & spiritus sanctus. Tres quidem personæ, sed vna essentia, substantia, seu natura simplex omnino. Pater à nullo, filius à patre solo, ac spiritus sanctus pariter ab vtroque, absq; initio semper ac sine fine. Pater generans, filius nascens, & spiritus sanctus procedens: consubstantiales, & coomnipotentes, & coæterni. Hæc concilium Lateranense. Ex cuius fidei definitione omnes præfatæ hæreses quas de Deo & de personis eius exortas esse narrauimus, prosternuntur. Hæc autem concilij fides habetur in volumine Epistolarum Decretalium titulo de sum-

Cōcilium  
Lugdunense.

ma trinitate, & fide catholica. Et concilium Lugdunense sub Gregorio nono celebratum, expressius hanc fidem docuit, ita dicens, Fidei ac deuota professione fatemur quod spiritus sanctus æternaliter ex patre & filio, non tanquam ex duobus principiis, sed tanquam ex vno principio, nō duabus spirationibus, sed vnica spiratione procedit. Et paucis interpositis subiungit, Sed quia nonnulli propter irrefragabilis præmissæ veritatis ignorantiam in errores varios sunt prolapsi, nos huiusmodi erroribus viam præcludere cupientes, hoc sacro approbante concilio, damnamus & reprobamus omnes qui negare præsumpserint æternaliter spiritum sanctum ex patre & filio procedere, siue etiam temerario ausu asserere quod spiritus sanctus ex patre & filio tanquam ex duobus principiis, & non tanquā ex vno procedat. Hæc ex concilio Lugdunensi: quod decretum habetur in 6. lib. Epistolarum Decretalium, titulo de summa trinitate & fide catholica. Verum ne Græci horum cōciliorum definitiones reiiciant hac occasione quod à Latinis celebrata fuerint, opus est vt alicuius concilij apud eos celebrati definitionē illis obiiciamus. Concilium Ephesinum, quod sub Theodosio iuniore celebratum est, & tertia synodus appellatur, in epistola à toto concilio ad Nestorium missa, circa finem epistolæ sic ait: Quanuis enim in sua sit substantia spiritus eius, & intelligatur in persona proprietates iuxta id quod spiritus est, & non filius, attamen alienus ab illo non est. Nam spiritus appellatus est veritatis, & veritas Christus est vnde & ab isto similiter sicut ex Deo patre procedit. Hæc ibi. Nec possunt calumniari dicentes

centes hanc esse epistolam Cvrilli, & non concilij deffinitionem, quoniam, vt patet, principium epistolæ sic habet, Religioso & Deo amabili confacerdoti Nestorio Cyrillus, & quicumque sunt apud Ephesi synodum, In qua inscriptione præpositus est Cvrillus, quoniam ex commissione Cœlestini papæ in illo præsidebat concilio. Quod autem Græci dicunt euangelium non ostendere processionem spiritus sancti à filio, iam ostendimus esse falsum: quia etsi ibi non explicetur sub nomine processionis, sub verbis tamen æquipollentibus satis declaratur. Concilium etiam Nicænum & Constantinopolitanum etsi dicant spiritum sanctum procedere à patre, & taceant de filio, non tamen dicunt solum procedere à patre. Quid, quod dicentes illum procedere à patre, hoc solo dicto testati sunt illū processisse à filio? quoniam (vt ait Boetius in lib. de trinitate) exceptis relationibus oppositis, omnia quæ de vna persona dicuntur, dicuntur etiam de aliis. Cum ergo spiratio actiua non opponatur filiationi, sed solum spirationi passiuæ, quæ conuenit spiritui sancto, sequitur inde, vt cum dicitur spiritū sanctū procedere à patre, intelligatur inde quod etiā procedat à filio.

Tertiadecima hæresis omnes personas diuinas impetit, & conuitiis afficit, quoniā ait potentiā esse propriā patris, nō appropriatā, sapientiā filij, benignitatē spiritus sancti. Hūc errorem tribuit etiā Petro Abailardo sanctus Bernardus in illa epistola 190. quam sæpe iam citauimus. Hæc hæresis faciliē cōuincitur, si primò supponamus rem illā nō esse verē alicuius propriam, quæ pluribus cōuenire dignoscitur. At cum cōstet ex sacris literis, potētiā, sapientiā, & benignitatē, sicut omnia alia quæ ad se dicuntur, omnibus tribus personis cōuenire, sequitur inde, vt nulli personæ aliqua illarū sit propria. Patrē ille fateatur potētē, sed audiat de filio dictū esse, Omnia per ipsum facta sunt, & sine ipso factū est nihil. Et quū angelorū ministerio in gloriā ascendit, percontantibus aliquibus quis ille esset, alij respondent, Dominus fortis & potēs, dominus potēs in prælio. Et inter nomina quæ filio Dei tribuit Esaias, sunt ista videlicet, Deus fortis, pater futuri seculi: quæ non ob aliā causam quā propter eius potentiā illi tribuuntur. Sed audi iam filij & spiritus sancti potētiā simul. Verbo domini (inquit Psalter) cœli firmati sunt, & spiritu oris eius omnis virtus eorū. Filij sapientiā concedit Petrus Abailardus: audiat ergo Paulum Deo patri tribuentem sapientiā. Is enim in calce epistolæ ad Romanos ita ait,

*Petrus*

*Abailardus.*

*Ioan. 1*

*Psalm. 18*

*Esa. 9*

*Psalm. 32*



ita ait: Cogniti soli sapienti Deo per Iesum Christum, cui honor & gloria in secula seculorum. De spiritu sancto ait ipsa-  
*Ioan. 16* met Sapientia discipulis suis loquens, Cum autem venerit ille spiritus veritatis, docebit vos omnem veritatem. At quomodo sapiens non est, qui potens est docere omnem veritatem? Et ut  
*Esai. 11* reliqua omittam, inter alia spiritus sancti dona Esaias enumerat sapientiam, scientiam, & intellectum. Non potest ergo fieri, ut qui sapientiam & scientiam donat aliis, sapiens ipse non sit. Sola iam benignitas superest ut ostendatur communis tribus. hanc cum Petrus Abailardus tribuat spiritui sancto, non est opus nisi ut ostendamus illam convenire patri & filio. De patre ipsa-  
*Luc. 6* met veritas testatur quod benignus sit. Nam cum apud Lucam precepisset ut beneficiamus iis qui odiunt nos, statim subdidit, Et eritis filij altissimi, quia ipse benignus est super ingratos  
*Sap. 7* & malos. De filio autem Salomon testatur, qui de sapientia divina, quae filius Dei est, loquens, ita ait: Est enim in illa spiritus intelligentiae sanctus &c. sequitur, Suavis, amans bonum, acutus, qui nihil vetat benefacere, humanus, benignus, stabilis &c. Si in sapientia est spiritus benignus, quomodo ipsa benigna non erit? Sed expressius hoc nos docet Paulus, qui in epistola ad Titum ita dicit, Cum autem benignitas & humanitas apparuit Saluatoris nostri &c. Colligamus autem ex his omnibus, nec potentiam esse propriam patris, nec sapientiam filij, nec benignitatem spiritus sancti, sed omnia quae ad illos dicuntur, omnibus personis esse communia. Dicuntur tamen appropriata, quia etsi sunt omnibus communia, habent tamen aliqualem cum una persona convenientiam & similitudinem: ut potentia etsi omnibus personis sit communis, dicitur tamen convenire patri, quia ille est fons (ut Augustinus ait) totius deitatis, à quo reliquae duae personae procedunt. Dicitur etiam filius sapientia, quia etsi pater & spiritus sanctus sapientes sint, tamen filius est genitus per intellectum patris, & est notitia quaedam ab illo producta: & propter hanc similitudinem illi appropriatur sapientia, quae omnibus est communis. Ad eundem modum solemus tribuere spiritui sancto bonitatem & amorem, quia spiritus sanctus productus est à patre & filio per illorum voluntatem, & est amor ab ambobus productus. propter hanc cum illo convenientiam illi tribuitur amor, quāvis omnibus sit communis. Huius haeresis non meminit Guido, sicut nec aliarum quas docuit Petrus Abailardus.

## DIABOLVS.

**D**E hac re est vnus Manichæorum & Priscillianistarum error, quo docent diabolum ex sua natura malum esse, nec posse esse bonum. Hæc hæresis etsi iam superius prostrata fuit cum de creatione & creaturis omnibus disputauimus. nihilominus tamen aduersus hanc non pigebit particularia asserere testimonia. Christus enim de diabolis loquens ait, In veritate non stetit, quia non est veritas in eo. Ex quo verbo patet eum creatum fuisse in veritate. sed per suam malitiam ab illa cecidisse. nam si in ea nunquam fuisset, non dixisset, in veritate non stetit, sed dixisset, nunquam in veritate fuit. Hoc autem alibi expressius docuit dicens, Videbam Satanam sicut fulgur de cælo cadentem. Qui ergo de cælo cecidit, in cælo fuisse necesse est, ubi non nisi boni existunt. Quod etiam clarius ostenditur per illud quod ait diabolus cecidisse ut fulgur: id quod ideo dictum esse constat, quia fulgur lucem in sua origine habet, quæ cum parum dureret, & citò extingueretur, simul cum suo casu vertitur in tenebras. Sic etiam diabolus cum in luce gratiæ & claræ cognitionis à Deo creatus fuerit, parum in ea manens, de cælo cecidit, & in tenebras detrusus est. Ideo ait, Videbam Satanam sicut fulgur de cælo cadentem. Esaias etiam de eo sub nomine regis Babylonis ait, Quomodo cecidisti de cælo Lucifer, qui manens oriebaris? Qui manens oriebaris dixit, propterea quod in principio suæ formationis aut creationis lucem habuit. Ezech. etiam propheta sub nomine regis Tyri de eo dicit, Tu signaculum similitudinis Dei, plenus sapientia, & perfectus decore, in deliciis paradisi Dei fuisti. Sequitur, Tu cherub extentus & protegens, & posui te in monte sancto Dei. In medio lapidum ignitorum ambulasti, perfectus in viis tuis à die conditionis tuæ. donec inuenta est iniquitas in te. Ecce quam multis verbis declarat diabolus aliquando fuisse bonum. Quod si quis dicat verba illa solum ad regem Tyri esse referenda, quomodo illi conuenire potuit quod dixit, in deliciis paradisi Dei fuisti? Et iterum, Posui te in monte sancto dei? Hic autem mons sanctus Dei cælum est de quo per Prophetam dicitur, Mons Dei mons pinguis, mons in quo beneplacitum est Deo habitare in eo. Et alia multa ibidem referuntur, quæ regi Tyri nequaquam conuenire possunt, prout annotat beatus Hieronymus in expositione Ezechielis. Præter hæc omnia scripturæ sacræ testimonia, est etiam aperta ecclesiæ definitio. Nam Leo papa huius nominis primus in epistola ad Toribium Astro-

Ioan. 8

Luc. 10

Esa. 14

Ezech. 28

Ibidem.

Psal. 67

rigensem episcopum, in qua errores Priscillianistarū damnat, cap. 6. hæc ait, Sexta annotatio indicat eos dicere quod diabolus nunquam fuerit bonus, nec natura eius opificium Dei sit, sed eum ex Chao & tenebris emerxisse: quia scilicet nullum sui habeat auctorem, sed omnis mali ipse sit principium atque substantia: cum fides vera, quæ est catholica, omnium creaturarū siue spiritualium siue corporalium bonam cōfiteatur substantiam, & mali nullam esse naturam, quia Deus qui vniuersitatis est conditor, nihil non bonum fecit. Vnde & diabolus bonus esset, si in eo quod factus est permaneret. Sed quia naturali excellētia male vsus est, & in veritate non stetit, non in contrariam transiit substantiam, sed à summo bono cui debuit adhærere, desciiuit: sicut ipsi qui talia asserūt, à veris in falsa prouūt, & naturam in eo arguunt, in quo sponte delinquant, ac pro sua volūtaria pueritate damnantur. Quod utiq; in ipsis malum erit, & ipsum malum non erit substantia, sed pœna substantiæ. Hactenus Leo papa vir quidē factus perinde ac doctus. & concilium Lateranense sub Innocentio tertio celebratum, hæc ait: Diabolus enim & alii dæmones à Deo quidem natura creati sunt boni, sed ipsi per se facti sunt mali: homo verò diaboli suggestionē peccauit. Hæc concilium. Quæ verba habentur in libro Decretalium, capite 1. de sum. trinitate & fide catholica. Demum concilium Braccarense primū de hac re definit, quod in cap. 7. suorum decretorum ita ait, Siquis dicit diabolum non prius fuisse angelum bonum à Deo factum, nec Dei opificium fuisse naturam eius: sed dicit eum ex tenebris emerxisse, non aliquem sui habere authorem, sed ipsum esse principiū atq; substantiam malam, sicut Manichæus & Priscillianus dixerunt, anathema sit. Hæc concilium Braccarense. Quod autem Manichæi pro se adducunt illud Christi de diabolo dictum, Ille homicida est ab initio, parum mouet: quoniam illud non sic accipiendum est, vt intelligamus diabolum initio suæ creationis fuisse homicidam, quia tunc homo non erat quem occideret, vt homicida vocaretur: sed dicitur homicida ab initio conditionis humanæ, quando statim vt homo conditus est à Deo, diabolus illi mortem propinauit.

*Concilium  
Braccaren  
se.*

*Ioan. 8*

*Origenes.* Secunda hæresis est Origenis, dicentis diabolum aliquando liberandum fore à pœna inferni. Hoc enim illi impingit Augustinus in lib. de hæresibus, capite 43. Verū de hac iam superius cum de beatitudine ageremus, disputauimus. Ibi enim ostendimus

ostendimus & beatitudinem & pœnam inferni esse perpetuas, nec vnquam finem habituras. Et præter illa quæ illic de omnibus damnatis dicta sunt. hanc hæresim peculiariter conuincit illud quod apud Matthæum veritas ait se hominibus malis in iudicio dicturum, Ite (inquit) maledicti in ignem æternum, qui præparatus est diabolo, & angelis eius. Ex quibus verbis satis apertè constat diabolum sicut & homines malos pœna æterna fore puniendos. Mat. 25

Tertia hæresis est quæ asserit diaboli suggestiones in nobis fieri cōtractu lapidum, aut herbarum, prout illorum sagax malitia nouit singula singulis vitiis cōuenire. Sed de hac nihil hoc loco dicere placuit, quoniam infra aptiorẽ illi captabimus locum, videlicet in titulo, tentatio. Illo enim loco, auuante Deo, de hac re disputabimus.

F. ALFONSI DE CASTRO ADVERSUS HÆRESSES, Liber Sextus.

ECCLESIA.



**H**OC nomen ecclesia, græca vox est *ἐκκλησία* latine idem sonat quod cœtus, aut congregatio, & solet capi pro ipsa hominum congregatione: quæ significatio sapissime in sacris literis habetur. Aliquando etiam significat locum illum in quo populus congregatur, præcipuè locum in quo congregatur populus vt reddat laudes Deo, qui locus proprio vocabulo dicitur templū. Sic enim inuenimus in lib. Iudith: Postea verò conuocatus est omnis populus, & per totam noctem intra ecclesiam orauerunt petentes auxilium à Deo Israel. Quo loco (vt apertè cōstat) ecclesię nomen ponitur pro ipso loco in quo congregatur populus. Verum hæc significatio rarior est in sacris literis. Hac ergo significatione omissa, quoniam de rebus ad illam pertinentibus, infra sub titulo Templi dissereremus, primā significationē pertractemus, de qua aliquas reperio hæreses. Prima est quæ asserit intra ecclesiam non esse bonos & malos, sed solos bonos ad illam pertinere asserit. Huius hæresis author fuit Donatus quidā, a quo Donatistæ appellati sunt. Hic Donatus, vt Augustinus lib. de hæresib. cap. 69. refert, è Numidia, quæ pars Aphricæ est exiens, totam penè Aphricam suo errore infecit. Cuius erroris initium & causa Iudith. 6

Donatus.



fuit, quia Cæcilianus contra voluntatem Donati fuerat ordinatus ecclesiæ Carthaginensis episcopus. Cui Cæciliano crimina imponens, quæ probare non potuit, à iudicibus, qui optime rem nouerunt, tanquā impostor Donatus indicatus est. Qui volens suā falsitatē pertinaci dissensione firmare, schisma in hæresim cōmutauit. Nam ab ecclesia se diuisit, dicens in sola Donati parte esse verā ecclesiā: in aliis autem partibus, quæ Cæciliano fauebant, nō esse ecclesiā, quia etsi ibi aliqui essent boni, ex cōmunionem tamen malorū maculabantur, & ita ecclesia peribat. Hinc tandē Donatus, adiunctis sibi eiusdem factionis episcopis, Maioranū quendā apud Carthaginē ordinauit episcopum, post quē Donatus alius successit, tātā doctrinæ & eloquentiæ, vt ab eo multi, vt August. ait, putent fuisse vocatos Donatistas. Et hic secūsus Donatus est ille de quo beatus Hiero. in lib. illustriū virorum facit mentionem, quāuis dicat ab illo Donatianos esse appellatos. Nam opuscula quæ Donatū scripsisse Arriano dogmati cōuenientia refert Hieron. illa Aug. huic secundo tribuit, à quo ait propter doctrinæ eminentiā plerisque putasse Donatianos fuisse vocatos. Et in hac parte magis crediderim August. quòd Apher fuerit, quēadmodum Donatus, quapropter melius potuit rē agnoscere. Nec possum hic tacere quæ hoc loco Bernardus de Lutzemburgo in suo catalogo hæreticorum de Donatistis loquēs ait, Hic enim cū dixisset Donatum, primum videlicet, vt ex eius litera facile est coniicere, fuisse tēporibus constantii Imperatoris, & Iulii papæ, & id quidem bene. Platina illi fauente in vita Liberii papæ, postea subiungit dicens Cyprianum Carthaginensem episcopum scripsisse diuersos tractatus & epistolas aduersus hūc Donatū. Quis iam ferre poterit hominem toties in eūdē lapidē offendentem? Cyprianus siquidē tempore Cornelii papæ fuit, & eodem die quo Cornelius Romæ, quāuis non eodem anno, Cyprianus Carthagine sub Valeriano & Galieno principibus, vt Hieronymus ait, passus est. A Cornelii autem passione vsq; ad Iuliū sub quo Donatus fuit 70. aut plures anni intercesserunt. Qui fit ergo, vt Cyprianus scribat aduersus Donatum, septuaginta annis ipso posteriorem? Et certē, ni memoria me fallit, in omnibus Cypriani operibus nulla est mentio de aliquo Donato, præterquā in secundo libro, cuius secunda epistola est ad quendam Donatum, in qua nec nomen hæreseos positum est, nec de hæresi vlla memoria, sed solum enarrat Donato in illa epistola quali

la qualiter fuerit ex gentibus ad fidem Christi cōuersus: & mundi laqueos illi declarat, vt hac occasione cautum illum redderet. Verū hic bonus homo fortē legens epistolæ solum titulum: putauit illum esse Donatum hæresiarcham, cum tamen constet esse aliū hæretico verustiores. Ad hos Donatistas pertinent Rogatiani, à Rogato quodam dicti, de quibus mentionem facit Augustinus epistola 48. Ad hos etiā pertinent Circuncelliones de quibus aliās dicemus. Hunc errorem post multas annorum centurias suscitauit ab inferis Ioannes Hufs: cui in eodem errore successit Ioannes de Rock sesana, qui concilio Basiliensi astans (vt Aeneas Syluius in libro de origine Bohemorum refert) concilio obedire nolens recessit. Hunc eundem errorē vltimus omnium defendit Lutherus. Contra hunc errorē est illud Prophetæ, Et si is qui oderat me, super me magna locutus fuisset, abscondissē me forsitan ab eo: tu vero hominibus vnanimis, dux meus & notus meus, qui simul mecū dulces capebas cibos, in domo Dei ambulauimus cum consensu. Vides hic malum simul cum bono in domo Dei. Domus autem Dei, ecclesia est, quemadmodum Apostolus Paulus testatur dicens, Hæc tibi scribo, sperans me venire ad te cito. Si autem tardauero, vt scias quomodo oporteat in domo Dei conuersari, quæ est ecclesia Dei viuī. Præterea Paulus Apostolus docet omnes fideles ad ecclesiam Dei pertinere: qui in exordio prioris epistolæ ad Corinthios, sic ait, Paulus vocatus Apostolus Iesu Christi per voluntatem Dei, & Solthenes frater ecclesiæ Dei quæ est Corinthi, sanctificatis in Christo Iesu, vocatis sanctis, cum omnibus qui inuocāt nomen Domini nostri Iesu Christi in omni loco ipsorum, & nostro &c. Ex quibus verbis illud est annotandum, quod dixit, ecclesiæ Dei, non autem dicit huius aut illius hominis, vt heretici faciunt, qui ecclesiam Dei toto orbe terrarum diffusam, ad paruum ipsorum numerum coarctant, sed ecclesiam Dei appellauit. Sanctificatos eos dicit in Christo Iesu, quia per baptismum fuerant in Christo regenerati. Et tamē hos ipsos quos appellauit ecclesiā Dei, & sanctificatos in Christo Iesu propter baptismum susceptum, in multis postmodum redarguit. Contentiones inter illos esse asserit, quibuldam dicentibus, Ego sum Pauli: aliis, ego sum Cephæ. Cū enim, inquit, sit inter vos zelus & contentio, nonne carnales estis, & secundum hominem ambulatis? Et postmodum de fornicatione quosdam eorum reprehēdit. Hos ergo quos de multis pec-

Rogatiani.

Circuncelliones.

Ioannes Hufs.

Ioannes Rock sesana.

Luthe.

Psal. 54

1. Tim. 3

1. Cor. 15

ibidem 3

- catis reprehendit, ecclesiā Dei appellauit, quia sanctificati erāt
- 1. Cor. 1** in Christo Iesu per baptismum. Et in 2 epistola ad Corinth. iterum illis scribens, vocat eos ecclesiā Dei, cum tamen eos postmodum arguat, & minetur illis nisi fecerint poenitentiam.
- 2. Cor. 1** Rursum, Ecclesia est vnum corpus, iuxta Paulum, cuius corporis caput est Christus. Huius autem corporis membra sunt omnes fideles, e quibus qui iusti sunt, membra sunt viua & sana; qui autem peccatores, membra sunt mortua & putrida, in fine rescedenda. Hoc autem ex ipsius Christi verbis patet, qui ait, Ego sum vitis, vos palmites. Et parum ante, Omnem palmitem in me non ferentem fructum, tollet cum. Aduerte quod non dixit, Palmitem non ferentem fructum esse iam sublatum, sed esse tollendum. Ex quo conuincitur fideles adhuc per veram fidem Christo cohaerere, qui ab eo tolerantur vsque ad mortem, in qua si cum nullo fructu reperiunt, rescantur omnino tanquam membrum putridum. Deinde ipsamet veritas plurimis parabolis docuit, in ecclesiae gremio contineri omnes fideles. Simile, inquit, est regnum caelorum saganæ missae in mare, & ex omni genere piscium congreganti: quam, cum impleta esset educentes, ac secus litus sedentes, elegerunt bonos in vasa, malos autē foras miserunt. Sic erit in consumatione seculi. Exhibunt angeli, & separabunt malos de medio iustorum, & mittent eos in caminum ignis. Ecce vides hic regnum caelorum comparatum esse non multitudini bonorum piscium, sed saganæ, quæ bonos & malos continet. At regnum caelorum, de quo hic loquitur, cum constet non esse patriam caelestem, quæ est ecclesia triumphans, sequitur quod sit ecclesia militans, quæ aliquando
- Mat. 22** est in caelis regnatura. In illis etiam nuptiis, quibus comparatum est regnum caelorum, nonne inuentus est vnus non habens vestem nuptialem? Talem autem defectum constat fuisse magnum scelus, quoniā propter illud ligatis manibus & pedibus iubetur mitti in tenebras exteriores, vbi erit fletus, & stridor dentium. Ex decem virginibus quibus regnū caelorum iterū comparatum est, quinq; erant fatuae, quæ acceptis lampadibus, non sumperunt oleum secū: & ideo tanquā fatuae repullae sunt. Rursum, beatus Paulus in posteriore epist. ad Timot. ait, In magna autem domo non solū sunt vasa aurea & argentea, sed & lignea, & fictilia, & quædā quidē in honorem, quædā autem in contumeliā. In contumeliā videlicet ea quæ sunt fictilia. Magnam autē domū Apostolus appellat ecclesiā, quæ domus Dei est, in qua

qua aurea vasa & argentea sunt iusti, fictilia autem sunt peccatores. Accedit ad hæc, quod si ecclesia ex solis prædestinatis (ut Ioannes Hufs ait) coalesceret, & illi, iuxta eundem, damnari non possunt, nec membra diaboli esse, ecclesia ista non esset militans dicenda, sed triumphans: quoniam sicut à Deo prædestinati sunt, ita apud Deum, cui omnia sunt præsentia, triumphatores reputantur. Satis enim triūphat, qui prædestinatus est. Nec minus Lutherum convincit, id quod dominus Saluator noster circa fratrem in nos peccantem facere iussit. Si peccauerit (inquit ille) in te frater tuus, vade & corripe eum inter te & ipsum solum. Si te audierit, lucratus eris fratrem tuum. Si autem te non audierit, adhibe tecum adhuc unum vel duos, ut in ore duorum vel trium te situm stet omne verbum. Quod si non audierit eos, dic ecclesie. Si autem ecclesiam non audierit, sit tibi sicut ethnicus & publicanus. Ecce vides peccantem in nos fratrem, ad ecclesiam pertinere, membrumque; aliquid illius esse. Nam alioqui non præciperetur ut peccatum illius denunciaretur ecclesie, ab illa corrigendum: neque ecclesia illum aut corripere aut quomodolibet punire posset. Quia si non est membrum ecclesie, neque ad illam pertinet, nulla in illo ecclesia habebit potestatem. Diceretur namque; illi id quod Paulus ait: Quis tu es qui iudicas servum alienum? Oportet Mat. 18  
 ret igitur fateri, iuxta istorum hæreticorum sententiam, ut quisquis mortaliter peccauerit, sit eo ipso extra ecclesie potestatem & iurisdictionem constitutus. Hoc autem concedere quam sit absurdum, & à vera fide alienum, nemo est vir doctus qui hoc aperte non videat. Accedit ad hæc, quod si ex solis iustis, ut isti hæretici doceant, constat ecclesia catholica, oportet necessario fateri ecclesiam esse inuisibilem, utpote in solo spiritu qui videri non potest, consistentem. Nemo enim potest agnoscere omnes qui verè sunt iusti, & qui sunt peccatores. Nam in his iudicandis atque discernendis sæpe homines falluntur, iustos pro iniustis, & iniustos pro iustis iudicantes. Causa huius deceptionis est quia homines non intuentur cor, in quo bonitas aut malitia residet, sed ea sola vident quæ foris patet. Si ecclesiam inuisibilem esse concedunt, quomodo fratrem in nos peccantem & audire nolentem, denunciabimus ecclesie? Quomodo in rebus dubiis ecclesiam consulimus, si illam non videmus? Qualiter ecclesie monitis aut præceptis obtemperabimus, si, quæ sit ecclesia, agnoscere non possumus? Oportet certè ecclesiam visibilem esse, ut illam adire, consulere, venerari, & illius præceptis obedire possimus. Sed de hac re abunde



suprà libro 1. disputauimus. quo loco multis sacræ scripturæ testimoniis, multisque vrgentissimis rationibus ostendimus ecclesiam militantem visibilem esse, omnibûsque conspicuam, ideo non est opus nunc aliquid inde repetere. Deniq; in arca Noe, quæ typum gessit huius ecclesiæ inferioris, quoniam in mari huius seculi ambulans, quâuis iactata multis fluctibus, nunquam tamen submergetur: in illa, inquam, animalia immunda simul reperiuntur cum mundis. In ista ergo ecclesia inferiori, quæ hic militat, omnes reperiuntur: soli infideles extra illam sunt: omnes qui fidem orthodoxam firmiter tenent, in illa continentur. Quod si qui inter eos peccatores sunt, ecclesia eos tolerat vsque ad littus maris, hoc est vsque ad finem seculi, & tunc fiet separatio per ministerium angelorum: qui bonos pisces, id est bonos homines reponent in vasa sua, id est in loca illis à Deo præparata: malos autem mittent in caminum ignis, vbi erit fletus, & stridor dentium. Quæ separatione facta, accipiet eam vir suus Christus gloriosam non habentem maculam aut rugam, aut aliquid huiusmodi, sed sanctam & immaculatam. Ante hanc etiam separationem opere complendam, nos mente & sola cogitatione malos à bonis separantes, vocamus nunc ecclesiam immaculatam, columbam sine felle, talē videlicet eam nunc considerantes, qualis postmodum est futura: non quod per hoc bonos à malis separemus, quoniam talis separatio in littore maris, hoc est in fine seculi facienda est. Nam illud quod dicit Apostol. ecclesiā videlicet esse sine macula & sine ruga, beatus Hiero. dicit in futuro seculo esse complendū. Is enim exponens 31. cap. Hieremiæ in fine capituli sic ait: Vide quanta habeat loca ecclesia, & quomodo illud Apostolicū, vt sit sine macula & ruga, in futuro & in cœlestibus seruetur. Audis angulos, audis scabiem, audis ruinas & cineres, & regionē mortis & tenebrarū, & de tua virtute & impeccantia gloriaris? Hęc Hieronym. Quod verò Donatistæ & Rogatistæ dicunt bonos ex cōmunionē malorū inquinari, & ob hoc dicebant malos nō pertinere ad ecclesiam, nec esse in eam recipiendos, ne ex eorū cōmunionē boni inficerentur: hoc apertissimē conuincitur per illud dictum Christi, quod Apostolis suis ait: Vos mundi estis, sed non omnes. Sciebat enim quisnā esset qui traderet eū: propterea dixit, non estis mundi omnes. Vides hic Iudam mixtum cum Apostolis, & tamen eius malitia nihil eis nocuit, quia cū ille dicatur immundus, alios tamē Christus dixit esse mundos.

Ephes. 5.

Ioan. 13

dos. Quòd autē Iudas communionē sacramēti cū aliis acceperit, infra cum de Eucharistia agemus, Deo duce prouocabimus. Propterea, Dominus per Ezechielem prophetā ait, Et erunt in montibus quasi columbæ conualliū omnes trepidi, vnusquisq; in iniquitate sua. Sua dixit, non alterius. Et Paulus de præmio tam bonis quàm malis reddendo loquens ait: Omnes nos manifestari oportet ante tribunal Christi, vt referat vnusquisque propria corporis prout gessit, siue bonum siue malum. propria dixit, non autem aliena. Et alibi, Vnusquisque onus suū portabit, suum dixit. Et iterum de indignè sumentibus corpus Domini ait, Quicumq; manducauerit panē hunc, & biberit calicē Domini indigne, iudicium sibi māducat & bibit. Sibi inquā dixit, non alij. Et Ioannes in Apocalyp. Iudicati sunt mortui ex his quæ scripta sunt in libris, secundum opera eorum. Secundū opera eorum dixit, nō secundum opera aliorum. Præter hæc omnia tam clara scripturæ testimonia extat aduersus primā erroris partem ecclesiæ vniuersalis definitio: Nam inter articulos Ioannis Hufs in Constantiensi concilio sessione quintadecima condemnatos, plures sunt ad hanc rē pertinentes. Tertius enim articulus sic ait: Præsciti non sunt partes ecclesiæ, cū nulla pars eius ab ea finaliter excidat, eò quòd prædestinationis charitas qua ipsa ligatur, non excidit. Articulus quintus sic dicit, Præscitus etſi aliquando sit in gratia secundum præsentem iustitiam, tamen nunquam est pars sanctæ ecclesiæ. Et vicesimus quartus articulus eiusdem est iste, Gratia prædestinationis est vinculum quo corpus ecclesiæ, & quodlibet eius membrum iungitur ipsi capiti insolubiliter. Qui articuli simul cum alijs eiusdem Ioannis Hufs vna super omnes lata sententia in cōcilio Constantiensi condemnati sunt. Contra hunc errorem, præter Augustinum, non agnosco alium scriptorem. Is enim plures de hac re edidit tractatus. Vnus ad Vincentium Donatistam, & est in numero epistolarum suarum, epistola 48. Alter contra Fulgentium Donatistam, & in hoc magis disputat contra illam secundam partem erroris quo Donatistæ docent bonos maculari ex communione malorum. Alius tractatus eiusdē & hic præcipuus est contra epistolā Petiliani, in quo acriter pugnat pro vnitatem ecclesiæ toto orbe diffusæ. De istis duobus erroribus Donatistarum Guido non facit vllam mētionem: quamuis de Donatistis disserit. Et miror, cū Augustinus illos tribuat Donatistis, quem Guido semper sequitur.

Eze. 7

2. Cor. 5

Gal. 6

Apo. 20

Gōcilium  
Constan-  
tienze.

Secundus error est, qui docet ecclesiam errare posse. Hunc errorem docuit (vt catalogus hereticorum ait) quidam Ioannes de Vuessalia tēpore Frederici Imperatoris huius nominis tertij qui propter hunc errorem & alios Maguntiae damnatus fuit, & eius libri combusti. Hic ergo Ioannes inter alios errores hunc vnum docuit, Ecclesiam videlicet errare posse, & aliquando errasse, nectantam esse ecclesie in definiendo certitudinem, vt errare non possit. Si de errore earum rerum quae fidem & bonos mores respiciunt, hic loquitur, constat eius doctrinam esse haeticam, quam supra iam e pugnauimus, cum de conciliorum autoritate differuimus. Si autē loquatur de errore earum rerum, quae nec fidē nec mores spectāt, doctrina illius nō est haetica. quoniā certū est in talibus ecclesiā posse errare. Nullū est enim periculū, etiam si omnes quotquot sunt, sentiret, pertinaciterq; assereret Carolū Cæsarem huius nominis quintum, Hispaniarumq; regē eiusdē nominis primū, nunquā in Italiam venisse, quamuis certō sciamuseum in pluribus Italiae oppidis fuisse, & Bononiae, quae Italiae ciuitas est, à Clemente papa huius nominis septimo imperij coronam suscepisse. Cui tamen haec res minimū ad salutē pertineat animarū, nullū esset inde salutis dispendiū etiā si vniuersalis ecclesia de hac re falleretur. Nā omnes catholici viri fatentur ecclesiā posse falli in his maximē quae non respiciunt ius, sed quae solā rem gestā concernūt: vel (vt verbis magis vulgaris utar) potest ecclesia errare in his quae sunt facti, quemadmodū cōtingit cum aliquis per verba futuri tēporis cōtrahit cum aliqua muliere, quā postmodum carnaliter cognouit sine vllō maritali affectu: quo facto, cū alia postea cōtrahit per verba praesentis tēporis, vero (vt decet) maritali animo: in tali euentu ecclesia iudicat istū esse alligatū priori foeminae, & decernit eum esse liberum & solutū a secunda, quia ecclesia credit piē illū coisse cum priore foemina animo adimplendi & exaequendi quod prius pollicitus fuerat: quo casu vera esset vxor illius, vt ecclesia sentit. Rest tamen aliter se habuit, vt prius diximus. Ecclesia certō scit illam esse veram vxorē istius, in quam iste prius verū mariti animum cōcepit, & in hoc nunquam fallitur. quod autem in hanc aut illam animum habuerit, ecclesia non potest certō scire, & per consequens falli potest. An autem iste Ioannes de Vuessalia de hoc an de illo errore docuerit, cum dixit ecclesiā posse errare, mihi (vt ingenuē fatear) non est certum, quoniā bonus catalogus nō exprelsit, neq; ego apud

Lib. 4. in  
rit. de concilio.

apud alium inueni. Credo tamen quòd de primo errore senserit, & propterea meritò condemnatus fuit.

Tertia hæresis est quæ ecclesiæ potestatem minuit. Et huius erroris auctores fuerunt Valdenses, siue pauperes de Lugduno. *Valdenses* Quos secutus est postea Ioan. Vuitcleff, dicens decretales epistolæ esse apocryphas, & nullius momenti, & stultos vocat eos, *Vuitcleff.* qui illis incubunt. Hunc sequutus est præfatus Ioannes de Vues- *laones de* *Vuessalia.* *falia,* qui apertè docuit neque apostolos neque eorum successores prælatos ecclesiæ habere à Christo authoritatem condendi canones seu leges. Eundem errorem hoc nostro seculo docet Lutherus. Si quis tamen ad hunc errorem pertinere dicat illud *Lutherus.* quod alij docuerunt, obedientiam non esse præstandam summo pontifici, aut aliis quibuscunque prælati ecclesiæ, tunc plures habebit hic error protectores. Pseudoapostoli dixerunt ipsos non subiici alicui, nisi soli Christo, quemadmodum, inquit, *Pseudoapostoli.* Apostoli soli Christo fuerunt subiecti. Begardorum etiam & *Begardi.* Beguinarum hæresis fuit, quòd homo in statu perfectionis existens, non tenetur alicui homini obedire. Horum ergo hæreticorum, videlicet Valdensium, Pseudoapostolorum, & Begardorum, hæresis pestilentior est quàm Ioannis vuitcleff, & aliorum: quoniam illi & si negent ecclesiam posse condere leges & statuta ad quorum obseruationem omnes homines teneantur, non tamen negant in vniuersum subditos debere obedientiam suis prælati. Cum ergo probauerimus ecclesiam posse aliquid decernere & statuere cui omnes obedire teneantur, & cuius transgressio sit letalis, actum erit de omnibus his hæreticis. Pro hac *Pro. 6* re Salomon testimonium reddit, dicens, Conserua fili mi præcepta patris tui: & ne dimittas legem matris tuæ: liga ea in corde tuo iugiter, & circumda gutturi tuo. Quòd si hæc verba ad sola præcepta Dei, qui & verus & solus est pater noster, dicas esse referenda, non obisto. Verùm dic mihi, quæ est ista mater cuius legem docet non esse dimittendam? Hæc enim duo coniunxit & præcepta patris, & legem matris. Quibus verbis docuit præcepta Dei patris esse conseruanda: & præcepta ecclesiæ matris nostræ, in qua per baptismum quod in ea recepimus, renati sumus, non esse contemnenda. Et iterum, Ne transgrediaris terminos antiquos, quos posuerunt patres tui. Ecce hic patres dixit, non pater, unde constat illa verba non posse de solis præceptis diuinis intelligi. Quod si dicas verba illa fore interpretanda de patribus veteris testamèti, quibus permissa fuit à Deo potestas in re dubia *Pro. 22*



- bia decernendi: quare idem non dicitur de praelatis legis euan-  
*Psal.* 44 gelicæ? præsertim cum diuinus Psalter dicat, Pro patribus tuis  
nati sunt tibi filij, constitues eos principes super omnem terrā.  
*Dent.* 17 Et ipse Deus in Deutero. ait: Qui autem superbierit nolens obe-  
dire sacerdotis imperio qui eo tēpore ministrat domino Deo  
tuo, ex decreto iudicis morietur homo ille, & auferes malum de  
Israel, cunctūq; populus audiēs timebit, vt nullus deinceps in-  
tumescat superbia. Quòd si tantum valuit autoritas & pote-  
stas sacerdotis legis veteris, vt eius imperium nullus sine mor-  
tis periculo contemnere auderet, quanto maior erit autoritas  
sacerdotis supremi in lege noua? Certè multo maior, cum ma-  
ius sit sacerdotium huius, quàm sacerdotiū illius. Verùm huic  
*Gala.* 5 obiectioni respondentes obiciunt nobis Paulum dicentem: Si  
*1. Cor.* 7 spiritu ducimini, non estis sub lege. Et iterum, Empti estis pre-  
cio magno, nolite fieri serui hominum. Quibus verbis volunt  
nos esse per Christum liberatos à lege Mosaica, quapropter  
aiunt non oportere amplius hominibus nos subiici. Sed hæc  
non ita se habent, quoniam etsi Christus nos liberauit à seruitu-  
te peccati, & à seruitute legis Mosaicæ, hoc est à iugo cæremo-  
niarum & legitimorum, non tamen sustulit obedientiam præ-  
latorum, imò strictius præcepit. Per illa autem verba Paulus  
non auertit subditos ab obedientia praelatorum, quā aliās aper-  
tissimè commendasse ostendemus, sed ab illa auertit seruitute  
qua quisq; illius se esse fatebatur, à quo baptizatus erat: quidā  
*1. Cor.* 3 dicens, Ego sum Pauli: alius, ego sum Apollos: atque alius, ego  
sum Cephæ. Christus enim solus pro nobis passus est, atq; ideo  
totos nos ipsos illi soli debemus. Sed dimisso testamento vete-  
ri, in quo multa adhuc exempla nobis suffragantur. accedamus  
ad nouum, in quo veritas clarius lucet. Christus enim secreto  
*Mat.* 18 peccantem, postquàm semel correptus audire noluerit, ad ec-  
clesiæ iudicium deferri præcipit: & si eam non audierit, iubet  
reputari tanquàm Ethnicum & publicanum, hoc est, vt per ex-  
communicationem segregetur à cæterorum consortio, vt vel  
sic erubescens resipiscat. Excommunicatio autem non nisi pro  
crimine letali, eòq; graui & cui est adiuncta pertinacia, infligi-  
tur. Constat ergo graue crimen esse ecclesiæ inobedientiā, quæ  
tam graui pœna punitur. Verùm quia aliqui istorum hæreti-  
corum (vt Lutherus) excommunicationes irrident, ideo aliud  
proferamus testimonium. Discipulis suis Christus loquens, &  
in eis omnibus praelatis illorum successoribus, ait: Qui vos au-  
dit, me

dit, me audit. Qui vos spernit, me spernit. Qui autem me spernit, spernit & eum qui misit me. Ex quibus verbis colligimus obedientiam quæ propter Deum hominibus præstatur, non esse humanam servitutem (ut Lutherus mentitur) sed esse Dei servitutem, quoniam ait: Qui vos audit, me audit. Colligitur etiã inobedientiam ecclesiæ pro inobedientia Dei reputari apud ipsum Deum. Et Paulus in prima ad Thessalo. epistola ait: Sci-  
 tis quæ præcepta dederim vobis per dominum Iesum. Et pau-  
 cis interiectis subdit, Itaque qui hæc spernit, non hominem sper-  
 nit, sed Deum, qui etiam dedit spiritum suum sanctum in nobis. Hoc etiam Moyses clarissimè docuit, cum populo Israel mur-  
 muranti aduersus eum & Aaron fratrem eius dixit, Dabit vo-  
 bis dominus vespere carnes edere, & mane panes in saturitate,  
 eo quod audierit murmurationes vestras quibus murmurati estis  
 contra eum. Nos enim quid sumus? Nec contra nos est murmur  
 vestrum, sed contra dominum. Ex quibus duobus locis scriptu-  
 ra proximè citatis satis apertè couincitur præcepta iusta præ-  
 positum non esse duntaxat humanà dicenda, cum vim suam  
 & robur habeant à præcepto diuino, præsertim cum illorum cō-  
 temptores tanquam contēptores diuinorum præceptorum coram  
 Deo reputentur. Præterea ipsa veritas iterum apud Matthæum ait: Mat. 23  
 Super cathedrã Moysi sederunt Scribæ & Pharisei: quæcūq; di-  
 xerint vobis, facite: secundum verò opera eorum nolite facere. Vi-  
 des hic obedientiam nobis iniunctã, & non solum aliquorum, sed  
 omnium præceptorum. Quæcūq; (inquit) dixerint vobis, facite.  
 Quid est autè dicere quæcūq;? Nunquid facturi sumus scele-  
 ra, si nobis præcipiantur? Absit. Per illa enim verba solum præ-  
 cipitur nobis obedientia earum rerum quæ ad cathedrã pertinet,  
 hoc est earum rerum quæ ad facilitorem obseruantiam mandatorum  
 Dei conducunt, & viã aperiunt. De aliis autè præceptis quæ  
 ab hac obseruatione præceptorum Dei homines auertunt, di-  
 xit alibi ipsa veritas, Quare transgredimini præcepta Dei pro-  
 pter traditiones hominum? Et infra, Populus hic labiis me ho-  
 norat, cor autè eorum longe est à me. Sine causa autem colunt  
 me, docentes doctrinas & mandata hominum. Quibus verbis  
 Christus reprehendit eas hominum traditiones quæ legi diui-  
 nae aduersantur, & non (ut Lutherus somniat) omnes leges hu-  
 manas. Rursum Paulus in epistola ad Romanos ait: Omnis  
 anima potestatibus sublimioribus subdita sit. Non est enim po-  
 testas nisi à Deo. Quæ autem sunt à Deo, ordinata sunt. Itaque  
 qui re

1. Thes. 4

Exo. 11

Mat. 15

Rom. 8

qui resistit potestati, Dei ordinationi resistit. Qui autē resistunt  
*Titum.* 3 sibi damnationem acquirunt. Et ad Titum scribēs ait: Admo-  
 ne illos principibus & potestatibus subditos esse, dicto obedire,  
*Heb.* 4 ad omne opus bonum paratos esse. Et in epistola ad Hebræos,  
 Obedite præpositis vestris, & subiaceite eis. Ipsi enim peruigi-  
 lant quasi rationem pro animabus vestris reddituri. Et quod de  
 prælatis ecclesiasticis loquatur, conuincitur per id quod in eodē  
 capite antē præmiserat. Mementote præpositorum vestrorum,  
 qui vobis locuti sunt verbum Dei. Suam insuper auctoritatem  
 circa inobedientes declarat Paulus, cum in priore epistola ad  
*1. Cor.* 4 Corinthios ait: Quid vultis? in virga veniam ad vos, an in cha-  
*2. Cor.* 13 ritate, & spiritu mansuetudinis? Et in secunda epistola iterum:  
 Ideo enim hæc absens scribo, vt non præsens durius agam se-  
 cundum potestatem quā dominus dedit mihi in ædificationē,  
*2. Thef.* 3 & non in destructionem. Et in secunda ad Thessa'lonicenses,  
 Quod si quis non obedierit verbo nostro per epistolam, hunc  
 notate, & non commisceamini cum illo, vt confundatur. Non  
 est autem minor potestas in ecclesiæ prælatis nunc, quā tunc  
 fuit: erit ergo obediendum prælatis ecclesiæ in his quæ ad ob-  
 seruationem legis diuinæ conducibilia esse noscuntur. Quid  
 ergo impij Valdenses, pseudoapostoli, & Begardi, & Vuitclesi-  
 tæ, & Hussitæ oblatrant, & ecclesiæ obedientiam contemnunt,  
 cum tot scripturæ testimoniis sit confirmata? Verū Lutherus  
 in hac parte eo truculentior bestia quo cautior, admittit eccle-  
 siæ obedientiam, sed negat eam dilatarī posse vltra ea quæ ex-  
 presse in sacris literis habentur. Quod si ad hunc modū opor-  
 teret fabulam ludere, periret omnis cultus, & tota Christianæ  
 reipublicæ religiosa politia destrueretur, imò ipsa Christiana  
 religio tota laberetur, cum fides, quæ fundamentum est illius,  
 eo ipso prorsus euerteretur. Diei dominicæ festiua solennitas  
 non reperitur iniuncta in sacris literis, tamen ecclesia præcipit  
 diem dominicam obseruari. Neq; hoc centenarium aut trece-  
 narium est inuentum ( prout Lutherus & ei adherentes obii-  
 cere solent ) sed ab ipsis nascentis ecclesiæ cunabulis prodiit, &  
 hucusq; à Christianis religiose obseruatum est. Diuorum ima-  
 gines esse venerandas scriptura nunquam præcepit, & tamē se-  
 ptima synodus quæ in Nicæa fuit congregata, decreuit ab om-  
 nibus Christianis digna veneratione suscipi. Scripturæ sacræ  
 nunquā iusserunt vt stantes & erecti audiamus euangeliū cum  
 publice legitur, aut q̄ leuemus manus cum corpus domini le-  
 uatur

uatur à sacerdote, aut q̄ tundamus pectora, aut q̄ flectamus  
 genua ante altare dum oramus, hæc inquam atq; alia huiusmo-  
 di pia cæremoniæ non sunt expressè in sacris literis earum ta-  
 men aliquas ecclesia statuit, alias perpetua consuetudine obser-  
 uauit hucusq; Quæ omnes si sustollantur, quia scriptæ nõ sunt  
 in sacro instrumento, statim infra paucissimos dies ea quam vo-  
 camus deuotionem, vel ( vt melius dicam ) sacrorum affectus  
 periret. Nam is cultus qui adhuc in Christianorum pectoribus  
 viget, quamuis minimus sit, his tamen cæremoniis fouetur &  
 nutritur. Et nisi ad has compellerentur Christiani, citissimè  
 aut nullus aut frigidissimus cultus Dei futurus esset. Verùm et-  
 si hæc ita se habent, minima tamen sunt ad ea quæ mox subi-  
 ciemus. Perpetuam siquidem uirginitatem Mariæ nunquã sa-  
 cræ literæ apertè expresserunt, nõ audeat ergo aliquis Mariam  
 Christi matrem, uirginem iam appellare, eo q̄ sacræ literæ il-  
 lud non produnt. Nunquam sacræ literæ eandem sacratissimã  
 uirginem nomine matris Dei appellauerunt, sed solum matrem  
 Christi, aut matrem Iesu eam nominant: malè ergo concilium  
 Ephesinum contra Nestorium censuit eam theotocon, hoc est  
 matrem Dei verè & meritò esse nominandam. Si ad Lutheri  
 gnomonem, quem nobis præscribit, essent omnia examinan-  
 da, nec dicemus patrem ingentum esse, nec filium asseremus  
 consubstantiali patri, quoniam nullum istorum in sacris li-  
 teris expressè reperitur, sed ex quadam ratiocinatione infalli-  
 bili ecclesia collegit, declarans ea quæ erant obscura, & eruens  
 ea quæ erant abscondita. Quòd si hoc in caussa fidei statuere li-  
 quit, cur non etiam licebit eos mores statuere, qui ad obserua-  
 tionem mandatorum Dei maximè conducunt? Nam de cæte-  
 ris fateamur prælatos ecclesiæ nihil posse statuere, quoniam ( vt  
 inquit Paulus ) data est illis potestas in ædificationem, non in I. Cor. 10  
 destructionem. Deus siquidem præcepit nobis vt illum cole-  
 remus, nec tamen expressit quando: Ecclesia autem potesta-  
 te sibi à Deo tradita utens, expressit, vt die dominico præcipuè  
 missam audientes Deum coleremus. Præcepit etiam Deus ie-  
 iunium, nec id vno aut altero tantum loco dixit, sed ferè innu-  
 meris, nunquam tamen expressit diem ieiunij: quapropter ne  
 tale ieiunium perpetuò sine eiusdem obseruatione præteriret,  
 eo quòd nulla certa esset signata dies, ecclesia expressit dies  
 quibus ieiunandum est. Præcepta ergo ecclesiæ expressiua & de-  
 claratiua sunt mandatorum Dei, & quæ viam parant ad obser-  
 uationem



- uationem præceptorum diuinorum. Et ita ecclesia illa sua præcepta statuens, nō aliud statuit quàm Deus (vt Lutherus illi impingit) sed eadē statuit quæ Deus, cum illa quæ decernit, tendūt ad clariorem intellectum & ad facilitiorē obseruationē mandatorum Dei. Cū enim Paulus nonnulla statuisset quæ in scripturis antea nō erant expressa, statim subiunxit, Si quis videtur propheta esse aut spiritualis, cognoscat quæ scribo vobis, quia
- I. Cor. 14** Domini sunt mandata. Præterea idem Apostolus decernit virum fidelem debere permanere cum vxore infideli, & fidelem vxorem cum viro infideli, si alter coniugum infidelis nullum incommodum inferat fidei alterius, & velit cum altero fidei permanere: & si discesserit nolens cum fidei habitare, discedat fidei manente libero ad susceptionem alterius. Et tamen cū hæc statuit aut decernit Paulus, fatetur nunquam Dominum hoc dixisse. Nam hoc daturus decretum præmisit dicens,
- I. Cor. 11** Dico ego, non Dominus. Rursum, idē Apostolus præcepit mulierem velato capite orare, viros autem capite nudato, quod tamen nulla antea scriptura expresserat. Quia tamē spiritu prophetico vidit aliquos futuros qui prælatorum statuta damnaverent, postquam præceptum illud dedit, subdidit, Si quis autem videtur cōtentiosus esse, nos talem consuetudinem non habemus, neq; ecclesia Dei. Deinde cū contentio exorta esset an in lege euangelica obligarentur homines ad obseruationem legum veterum in veteri lege præceptorum, deuoluta est causa ad Apostolos & seniores qui erant in Hierusalem, qui habito maturo (vt decebat) consilio, & re prius anxie examinata, talē protulere sententiam. Visum est spiritui sancto, & nobis, nihil vltra imponere vobis oneris, quàm hæc necessaria, vt abstineatis vos ab immolatis simulacrorū, & sanguine, & suffocato, & fornicatione: a quibus custodientes vos bene ageris. Hæc quatuor quæ Apostoli decreuerūt esse necessaria, certum est non esse nobis in lege euangelica à Deo iniuncta, imò nec iam sunt necessaria omnia illa. Verū Apostoli metuentes ne hac occasione iudæorum & Gentilium cōmunio impediretur, ne etiam hac occasione aliqui ex Iudæis auerterentur à susceptione legis euangelicæ, inhibuerunt illa quatuor pro illo tēpore, vt facilius ecclesia ex gentibus & Iudæis coalesceret. Ecce Apostoli statuerunt quæ nec in scriptura repetebantur expressè, nec à Deo vnquam audierant. Quid ergo? Detrudemus ecclesiam in tales angustias, aut concludemus eam intra tam strictos limites, vt dicamus

eamus eam nunc minoris esse potestatis ad aliquid statuendū quod non exprimat in sacris literis, quā tunc fuit? Si dicāt ecclesiam nunc non habere tantam potestatem quantam tunc ostendant expresse per sacras literas clarissimè, vt à nobis exigunt, dicentes ecclesiæ potestatem esse nūc minorem, & Deum minuisse potestatem quā semel ecclesiæ dederat: & si id ostenderint, meritò cedam. Cū autē id ostendere non possint, cur volunt ecclesiæ statuta intra limites scripturæ sacræ concludere, quæ olim talibus limitibus, non sepiebantur? Potuissem hic plura sacrorū virorum testimonia afferre, sed vitandæ prolixitatis causa omitto, tum etiā quia hi contra quos nunc agimus, videlicet Vuitcleff & Lutherus floccipiēdunt sanctorum quorumcūq; virorū dicta. Sed præter hæc omnia tam clara testimonia, hæc hæreticorum assertio est iam in pluribus conciliis damnata. Nā inter octo errores Begardorū & Beguinarum, qui in concilio Viēnensi sub Clemente quinto celebrato damnati sunt, tertius in ordine est quo aiunt illos qui sunt in statu perfectionis, & spiritu libertatis, nō esse humanæ subiectos obedientiæ. Huius autem cōcilii decretū habetur in lib. Clementinarū constitutionū titulo de hæreticis, cap. ad nostrum. Et cōcilium Constantiense condēnans in sessione octaua plures articulos Ioannis Vuitcleff, hūc inter alios locauit, sub his verbis, Decretales epistolæ sunt apocryphæ, & seducunt à Christi fide, & clerici sunt stulti qui student eis. Qui articulus simul cū aliis vna super omnes lata sententia dānatus est. Et in sessione quintadecima iterū condemnat idē concilium plures assertiones Ioannis Hufs, inter quas hæc inuenitur sub his verbis: Obedientia ecclesiastica est obediētia secundum adinventionem sacerdotū ecclesiæ, præter expressam authoritatē scripturæ. Dicamus ergo iuxta catholicā fidem, ecclesiæ statuta non esse contēnenda, sed strictè obseruāda. An autē quēcūq; transgressio illorū sit mortalis, non dissero: quoniā video quosdā, & non ex infima theologorum scholasticorū sorte, qui asserunt trāsredientes præcepta ecclesiæ, modo id nō omittant ex contēptu, sed ex infirmitate quadam, aut fortè negligentia, nō peccare mortaliter: alios autē scio docere oppositum. Cū autē ego in hoc opere solam fidē pertractare statuerim: de opinionibus hominū variè sententiū disputare nolo. Contra hāc hæresim scripsit Ioannes Rossensis episcopus in eo opere quod cōtra captiuitatem Babylo nicā Lutheri edidit, articulo 27. Scripsit etiam Iodocus

*Cōcilium  
Viennēse.*

*Concilia  
Constantiense.*

Clichthouzeus multo diffusius in suo Antiluthero parte prima.

Quarta hæresis est quæ docet ecclesiã ipsam, hoc est ecclesiasticos viros, non posse vllas diuitias possidere, nec agros nec possessiones vllas, quia, vt dicunt, Apostoli quibus primores ecclesiæ successerunt, pauperes fuere, nihil penitus possidentes. Huius hæresis primi inuectores, vt refert August. lib. de hæresi. cap. 50. fuerunt Vadiani siue Anthropomorphitæ: qui hac occasione ab ecclesia separauerunt seipfos, quia dicebant non licere episcopis diuitias possidere, quos tamen diuites esse videbant. Post istos multo tẽpore elapso surrexerũt Valdenses, siue pauperes de Lugduno, qui, vt illis impingit Aeneas Syluius lib. de origine Bohemorũ cap. 35. dixerũt sacerdotes pauperes esse debere, & sola cõtentos esse eleemosyna. Huus tamen erroris nõ meminit Guido cũ hæreses Valdensiũ recenseret. Eundem errorem docuit Marsilius Paduanus. vir quidem ecclesiæ toti & ecclesiasticis omnibus odiosè infensus. Vixit hic Marsilius sub Ioanne papa huius nominis xxii. & ab eodẽ damnatus est. Valdenses imitatus est hoc loco, quẽadmodum alibi semper, Ioannes Vuitcleff. Postremus omnium Lutherus hoc nostro seculo eundem tutatur errorem, persuadens principibus vt bona ecclesiæ diripiant, quod & in multis Germaniæ superioris oppidis factum esse audiuimus. Huius hæresis fundamentum superius euertimus, cum de apostolorum paupertate disseruimus. ibi enim docuimus ex sacra scriptura apostolos aliquid possedisse. Similiter supra in titulo, de decimis, ostendimus decimas ex iure diuino deberi sacerdotibus: è quibus decimis primam portionem capere potest sacerdos, & reseruare pro sibi necessariis, victu scilicet & vestitu. Sed præter hæc omnia sunt adhuc alia specialia scripturæ testimonia. Sacerdotes enim legis veteris habuerunt possessiones & agros. Nam postquam populus Israel adeptus est terram promissionis, Leuitica tribus vnde sacerdotes sumebantur, ex præcepto Domini accepit ab aliis tribubus quadraginta octo vrbes cum suis suburbanis. Decimas etiam omnium terræ nascentium, & omnium pecudum recipiebant Leuitæ, Cur hoc non licebit sacerdotibus nouæ legis, præcipuè cum non reperiatur hoc esse à Christo illis interdictum, quemadmodum supra docuimus cum de apostolorum paupertate disputauimus? Præterea Paulus Apostolus ad Timotheum scribens qualem oporteat episcopũ esse, inter cætèra exigit ab eo hospitalitatẽ. At hospitalitas exerceri nequit ab eo qui

eo qui facultates non habet, quas ministrare possit iis quos hospitio receperit. Dicit etiam ibidem Paulus oportere episcopū bene regere domum suam: quoniam (inquit) is qui domui suæ præesse nescit: quomodo ecclesiæ Dei diligentiam habebit? Ad bonum autem domus præpositum spectat, ut provideat uxori & filiis quos habet, de victu & vestitu, & de illis rebus sine quibus hæc misera vita conseruari nequit. Hæc autem nullus sine facultatibus commodè exequi potest. Rursum Pius papa & martyr in epistola Italicis directæ sic ait, Ad sedem apostolicam perlatum est quod sint inter vos contentiones & æmulationes, & prædia diuinis vsibus tradita quidam humanis applicant vsibus, & domino Deo cui tradita sunt, ea subtrahūt, ut suis vsibus inseruiant. Quapropter ab omnibus illius usurpationis contumelia depellenda est, ne prædia sibi secretorum cœlestium dicata à quibusdam irrudentibus vexentur: quod si quisquā præsumpserit, velut sacrilegus habeatur, & sicut sacrilegus iudicetur. Hæc Pius papa: quem non possunt incusare quod malus fuerit, cum martyrio vitam finierit. Nec ut trecen-  
 tenarium, quemadmodum facere solet Lutherus, possunt eum reiiicere, quoniam decimus à Petro summus pōtifex fuit. Quid ergo impius Lutherus suadere audet principibus, ut ecclesias diripiant atque spolient? Nonne videt à papa sanctissimo, velut sacrilegos esse iudicatos qui hoc faciunt? Huic papæ sanctissimo alius eiusdem farinae homo subscribit, videlicet *Vrbanus* papa & martyr, qui de hac re tale edidit decretum: Videntes ergo sacerdotes summi, & alii, atque Leuitæ, & reliqui fideles plus utilitatis posse afferre si hæreditates & agros quos antè vendebant, ecclesiis quibus præsidebant episcopi traderent, eò quod ex sumptibus eorum tam præsentibus quàm futuris temporibus plurima & elegantiora possent ministrare fidelibus communem vitam ducentibus, quàm ex precio eorum, cœperunt prædia & agros quos vendere solebant, matricibus ecclesiis tradere, & ex sumptibus eorum viuere. Ipsæ verò res in ditione singulorum parochiarum Episcoporum, qui locum tenent apostolorum, erant & sunt vsque adhuc, & futuris semper debent esse temporibus. E quibus episcopi & fideles dispensatores eorum, omnibus communem vitam diligere volentibus, ministrare euncta necessaria debent, prout melius potuerint, ut nemo in eis egens inueniatur. Hæc *Vrbanus* papa & martyr. Post *Vrbanum* confirmauit eandem sententiam *Lucius*



papa & martyr, qui in epistola ad episcopos Galliarum & Hispaniarum dānat rapientes bona ecclesiarum. Plura alia sacrorum virorum testimonia pro hac re potuissent afferre, quę breuitatis causa omitto. si quis tamē curiosus lector ea videre desiderat, legat librum decretorū 12. causa, quęst. 1. & in sequentibus quęstionibus, videlicet, 2. 3. 4. 5. in quibus locis multa huius rei testimonia Gratianus reposuit. Accedit ad hæc, quod multi ex summis pontificibus relati sunt inter sanctos etiam ab eo tempore quo ecclesia possedit diuitias. Et multorū conciliorum decreta sunt de bonis ecclesię nō alienandis, de cœconomis ecclesię. Et concilium Calcedonense, quod vnum est ex illis quatuor, quę beatus Gregorius fatetur se recipere, velut sancta quatuor euangelia, cap. 22. districtius inhibet clericis ne post mortem episcopi rapiāt res ad eū pertinentes. Vnde patet concilii autoritate esse permissam rerū proprietatem episcopis. Postremo ex pluribus assertionibus Ioānis Vuitcleffi in concilio Constantiensi sessione octaua dānatis, aliquę sunt quę ad hanc rem pertinent. Decimus enim articulus sic ait, Contra scripturam sacrā est q̄ viri ecclesiastici habeant possessiones. Tricesimus, secundus dicit, Ditare clerum est contra regulam Christi. & in sequenti assertionem ait, Siluester papa & Constantinus Imperator erauerunt ecclesiam dotando. & tricesimus sextus articulus est, Papa, cum omnibus clericis suis possessionem habentibus sunt hæretici, eō q̄ possessionē habent, & omnes consentientes eis, scilicet domini seculares, & cæteri laici. Hi omnes articuli simul condemnati sunt in illa sessione octaua concilij Constantiensis. Verū hic attendant domini ecclesiastici, q̄ quamuis illis liceat diuitias possidere, non tamen licet eas auarē custodire, aut indebitē expendere. De hac re scripsit Iodocus Clichthouæus in eo opere quod edidit pro declaratione veritatum definitarum in concilio Senonensi.

## E L E E M O S Y N A.

*Vuitcleff.* **D**E hac re est vnus error docens non licere eleemosynas tribuere fratribus mendicantibus. Huius erroris dux fuit Ioānes Vuitcleff, qui asseruit eum omnem esse ipso facto excommunicatum, qui eleemosynas fratribus cōtulerit. Ad cuius assertionem duplici mouetur ratione. Vna, quia ille omnem monachorum ordinē damnat, & monachos vitā priuatam degētes asserit non esse de religione Christiana. Et sanctos viros qui diuersos monachorū ordines instituerunt, peccasse in hoc dicit, &

cit. & nisi de hoc eos pœnituerit, contendit eos esse damnatos. Altera ratio qua mouetur, est quia omnem mendicitatem dicit esse fratribus illicitam, quoniā (vt ait) fratres per labores manuum debēt victum acquirere, & nō per mendicitatem. Itaque iste Vuitcleff vt vnum protegat errorem, alium affert aut peiū lentiolem, aut æqualem, dignum quidem patella operculum. Monachatum quem ille in vniuersum damnat, nō est præsēntis negotij nunc defendere infra Deo duce longiorē suo loco faciemus disputationem. Quōd autem laborē manuum ē monachis exigit vnde viuere debeant, non damno in vniuersum, nec etiam generaliter probo. Ego quidem etsi monachus sum, cum Euchitis aut Messalianis non sentio qui dicebant monachis omnem manū laborem esse illicitū. vellem enim quosdam manibus laborare, nec tamen omnes. Sed de hac re alibi differemus sub hac inscriptione aut titulo, Labor. Mendicitatem, Deo adiutore, probabimus suo loco. cum de illa sub eius nomine differemus, non solum esse licitam, verū etiam meritariam. Sublatis igitur fundamētis quibus hæc impia Vuitcleffi assertio innitur, necessarium est vt & ipsa corruat. Nam si monachus licitus est, & monachis mendicare licet, aliis etiam licebit illis eleemosynam impendere. Hæc etiam assertio Vuitcleffi vna est ex illis 45. quæ in octaua selsione cōcilij Constantiensis danatæ sunt. Articulus enim eius vicesimus ibidem damnatus sic ait, Conferens eleemosynam fratribus, est excommunicatus eo facto. quæ assertio simul cum quadraginta quatuor eiusdem Vuitcleffi, ibidem dānata est. Cum ergo ecclesia huic liti finem imposuerit, non est quod nos de hac re amplius contendere debeamus.

*Cōcilium  
Consta-  
tense.*

De hac re nullum alium errorē reperi apud aliquem eorū qui de hærenbus scripti sunt, aut hæreses recensuerunt. Verū beatus August lib. 21 de ciuitate Dei cap. 22. dicit se comperisse quosdā putantes eleemosynam tantæ esse virtutis, vt qui eā exercuerit, quantum hoet criminosē & nefariē viuat, æternum tamen suppliciū non sit habiturus: sed illis duntaxat dicebant perpetuū supplicium esse destinātū, qui eleemosynas non fecerunt, aut facere contēpserunt. Huius hæresis cum Augu. nullū prodiderit authorem, ego illam hic omittere decreueram: sed quia fortē in posterū, vt quotidie simile nostris demeritis exigentibus experimur, aliquis exurget qui illā defendere conetur, mutauī sententiā, & illā huic operi intexui, sola narratione

contentus. Ad eius siquidem confutationem apertissimū & effi-  
 1. Cor. 13 caciſſimum est illud Pauli, Si distribuero in cibos pauperum o-  
 mnes facultates meas, charitatem autem nō habuero, nihil mi-  
 hi prodest. Si quis autem amplius de hac re videre optat, legat  
 Beatum Augustinum lib. 21. de ciuitate Dei, cap. 27. quo loco  
 redarguit hunc errorem, quem supra 22. capite eiusdem libri  
 narrauerat.

## E P I S C O P V S.

*Aerius.* **D**E hac re est vnus error quo docetur episcopum non esse  
 simplici sacerdote superiorem. Huius erroris author fuit  
 Aerius quidam, quamuis Philaster de illo loquens, nunquā hoc  
 illi tribuit. August. tamen in lib. de hæres. cap. 53. de illo loquēs  
 ait: quod dolens quia episcopus ordinari potuit, in Arrianorū  
 hæresim lapsus est, & alia plura addidit dogmata, quorū vnum  
 fuit hoc, presbyterum videlicet ab episcopo nulla differentia  
 debere discerni. Hunc eundē errorē post multos annos ab infe-  
 ris suscitārūt Valdēs, dicētes nullū esse inter sacerdotes discri-  
 men. His postea subscripsit Marsilius Paduanus. Valdenses (vt  
*Marsilius* aliās diximus) semper secutus est Ioā. Vuitcleff, & omnes eorū  
*Paduanus* errores tutatus est: quapropter vt sui similis esset, hunc etiā do-  
*Vuitcleff.* cere tentauit: quē errorē ex eodē fonte deduxit, ex quo Aerius.  
 Nam Thomas Vualdē in suo doctrinali fidei antiquaz. tome 1.  
 lib. 2. arti. 3. cap. 60. quo loco hāc rem ille pertractat, dicit Io-  
 annem Vuitcleff ambisse episcopatū Vigoriēsem, quē tamen  
 nō fuit assecutus, & ideo contēnere cepit, quod prius anxie de-  
 siderauerat. Hōc enim sēpissime euenire experiētia didicimus,  
 vt qui nō potest cōsequi quod maximē optat, ad contemptū il-  
 lius rei & vilipendiū confugiat, vt vel hoc remedio, suo impo-  
 tētī desiderio medeatur, & aliis persuadeat se parū optasse quod  
 assecutus nō fuit. Sic etiā quia Aerius & Vuitcleff episcopatum  
 assequi nō potuerūt, illius dignitatem & eminētiā gradū se cō-  
 temnere simulārunt. Antē tamē quā hanc hæresim oppugnare  
 aggediar, lectorē admonere decreui, ne videlicet existimet me  
 sic his hēreticis in hac parte cōtradecere, vt sentiā episcopatum  
 esse aliū ordinē à sacerdotio. Quod ideo præmonui, quia sunt  
 aliqui sentientes episcopatū differre à sacerdotio, quemadmo-  
 dum sacerdotiū à diaconatu, ita videlicet vt alius character im-  
 primatur in episcopi ordinatione, ab illo qui impressus fuerat  
 cū fuit ordinatus sacerdos. Alij rursus docent, nec alium  
 imprimi characterem, nec alium esse ordinem episcopi & sa-  
 cerdotis,

sacerdotis, sed dicunt esse eiusdem ordinis diuersos gradus, ita vt intra eundem ordinem duo sint gradus, vnus altero ex sua primæua institutione superior. De qua re non est meū impræsentiarum definire: quoniam (vt aliàs sæpe statui) non hic hominum variè sentientium opiniones pertracto, sed solā catholicam fidem. ideo hanc rem aliis discutiendam relinquo. Mei ergo propositi est, solū ostendere, inter episcopum & sacerdotem esse aliquod discrimen, non quod à Cæsare (vt Ioannes Vuitcleff murmurat) emanauerit sed quod ab ipso Christo & eius apostolis processerit, ita vt episcopus ab ipsa diuina institutione sit alio simplice sacerdote dignitate superior. Hoc autē sic cōuincimus. Oportet enim vmbra[m] similem esse corpori, & figuram veritati. Omnia autē quæ in veteri testamento præcesserunt, figuræ quædam fuerunt eorum quæ in lege noua futura erant, Paulo testante, qui ait: Omnia in figura contingebāt illis. At in lege veteri distinctio fuit sacerdotum. Nam Aaron summus fuit sacerdos, filij autē eius minores sacerdotes. Summus sacerdos distincta habebat ornamenta à minoribus. Summus sacerdos intrabat in sancta sanctorum, quod aliis sacerdotibus non erat licitum, vt patet ex libro Leuitici, & ex epistola Pauli ad Hebræos. Ad solum summum sacerdotem pertinebat celebrare festum expiationis, vt patet ex eisdem locis. Cū ergo tam latum præcesserit in lege veteri inter sacerdotes discrimen, coniciamus inde vt diuersum etiam in lege noua sacerdotium fuerit à Christo institutum. Hoc etiam nostrum argumentum confirmatur autoritate Leonis papæ, qui in epistola 66. quæ est ad vniuersos Germaniæ atque Galliæ ecclesiarum episcopos, sic ait: In diuinis enim literis præcipiente domino solus Moyſes in tabernaculo Dei erexit altare, solus ipse vnxit, qui vtique summus Dei sacerdos erat, sicut scriptum est de eo, Moyſes & Aaron in sacerdotibus eius. Ideoque id quod tantum facere principibus sacerdotum iussū est, quorum typum Moyſes & Aaron tenuerunt, omnino decretum est vt episcopi vel presbyteri qui filiorum Aaron gestant figuram, arripere non præsumant. Hæc Leo papa. Præterea Paulus ad Titum scribens, ait: Huius rei gratia reliqui te Crete, vt ea quæ defunt corrigas, & constituas per ciuitates presbyteros, sicut ego tibi disposui. Hoc loco beatus Paulus nomine presbyterorum intellexit episcopos, quoniam (vt Theophylactus admonet, & ante illum Chrysostomus) nolebat.

1. Cor. 10

Exo. 19

Leu. 16

Heb. 9

Leo papa.

Psal. 98

Cap. 1



Paulus vniuersam insulam videlicet Cretam vni episcopo demandari potissimū cū adeo magna fuisse dicatur, vt centum oppida munita habuerit. ideo Tito scribit vt vnicuiq; vrbi proprium praeiciat presbyterum, hoc est episcopū, credens hoc modo populum melius fore curandum. Præter hoc etiam ipsa literæ series hoc cōuincit. Nā cū praecepisset presbyterorū ordinationem, subiungens postea qualis debeat esse is qui ordinandus est, tunc iam expressit episcopi nomen, quo argumento conuincitur eundē appellare episcopum, quē prius appellauerat presbyterū. Hoc iam semel in posterū dictū sit. Episcopus ergo (vt ad scopum cōuertamur) presbyteros ordinat: simplex autem sacerdos hoc non potest, quemadmodū infrā cū de sacerdotibus agemus, Deo fauēte, ostendemus. nō est ergo prorsus idem episcopus & presbyter. Rursum si ex diuina ordinatione idem est omnino presbyter & episcopus, sequitur inde, vt quemadmodum episcopus presbyteros ordinat, ita econuerso presbyter possit ordinare episcopos: quod nunquā factū esse legitimus: quoniā etsi Paulus dicat Timotheo scribens, Noli negligere gratiam quæ in te est, quæ data est tibi per prophetiam cū impositione manūū presbyteri: Chrysostomus tamē & Theophylactus & reliqui exponunt de episcopo, hoc adiciēs Chrysostomus, quod presbyteri episcopum nō intronizabāt. Deinde episcopi sunt successores apostol. & eorū locum tenent, alij autem clerici in locum 70. discipulorum subrogati sunt. At nullus dubitat, quod & ipse Vuitcleff concessit, vt testatur Thomas Vualden, apostolos videlicet singulari quadam prærogatiua fuisse superiores meritō & dignitate cæteris discipulis. Quod autem apostolorum successores sint episcopi, reliquorum verō discipulorum alij sacerdotes, hoc Vuitcleff negat, sed dicit sacerdotes omnes succedere apostolis, & diaconos reliquis discipulis. Quare ipse inde concludit omnes sacerdotes esse pares. Vt ergo suo telo configamus eum, hoc totis viribus est annitendum, vt ostendamus omnium testimonio, episcopos solos esse apostolorum successores, sacerdotes verō & reliquos clericos esse successores discipulorū. Addidi de reliquis clericis, quia vi deo aliquos putantes solos sacerdotes subrogatos esse in locum discipulorum, quod non ita se habere conuincitur ex eo quod

*1. Tim. 4.* Philippus diaconus ē numero discipulorum fuit, & Stephanus, & alij diaconi. Omisissis igitur his recentioribus, quibus nō tanta fides debetur, primus omnium testimonium pro nobis dicat

Beda

Beda, qui lib. 3. super Lucam, cap. 15. sic ait: Sicut duodecim apo-  
stolos formam episcoporum exhibere simul & demonstrare ne-  
mo est qui dubitet, sic & hos 72. figuram presbyterorum, id est se-  
cundi ordinis sacerdotum gessisse sciendum est: tamen si primis ec-  
clesiæ temporibus, ut apostolica scriptura testis est, utrique pre-  
sbyteri, utrique vocabantur episcopi, quorum vnum scientiæ ma-  
turitytate, aliud industriam curę pastoralis significat. Hęc Beda.  
Eandem sententiam profert Isidorus in quodam sermone in *Isidorus.*  
synodo habito, ita dicens: Presbyteri quippe successores & vica-  
rij sunt 70. discipulorum, qui præcedebant dominum Iesum  
Christum in omnem ciuitatem, & locum quod erat ipse ventu-  
rus. Ita presbyteri quia adiutores sunt episcoporum, rudes popu-  
los initiant, baptizandos vnitati ecclesiæ incorporant, in omni-  
bus sacramentis vsque ad manus impositionem populo Dei mi-  
nistrant, Episcopi verò successores sunt apostolorum. Hęc Isido-  
rus. Et beatus Damasus in epistola de coepiscopis, quos solū sa-  
cerdotes esse decernit, postquā dixerat eos non posse confirma-  
tionis sacramentum ministrare, ita dicit, Quod autē solis apo-  
stolis eorumq; successoribus proprii sūt officij tradere spiritū *Damasus.*  
sanctum, liber Actū Apost. docet præsertim cū nullus ex 70.  
discipulis, quorū isti in ecclesia speciem gerunt, legatur donum  
sancti spiritus per manū impositionem (ut prædictum est) tra-  
didisse. Hęc Damasus. Vides iam tres illustres viros pro nobis  
dedisse testimonium, qui omnes fatentur episcopos successores  
esse apostolorum, presbyteros verò locū tenere discipulorum.  
Sed quod res firmior reddatur, plures adhuc pro hac re testes ad-  
hibeamus. Urbanus papa & martyr in epistola de communi vi-  
ta & oblatione fidelium, loquens de rebus ecclesiæ assignatis, à *Urbanus*  
quibus dispensari debeant, sic ait: Ipsæ verò res in ditione sin-  
gularum parochiarum episcoporum, qui locum tenent aposto-  
lorū, erāt, & sunt vsq; adhuc, & futuris semper debent esse tem-  
poribus. Hęc Urbanus papa. Quibus verbis satis aperte dixit  
episcopos successores esse apostolorum, nulla presbyterorum  
habita mentione. Anacletus papa & martyr, qui quartus à bea-  
to Petro apostolo ecclesiæ catholicæ præfedit, in epistola de pa-  
triarchis & primatibus ac reliquis episcopis, ita ait: Sacerdotum  
fratres ordo bipartitus est, & sicut dominus illum constituit, à  
nullo debet perturbari. Scitis autem à Domino apostolos esse  
electos & constitutos, & postea per diuersas prouincias ad præ-  
dicandum dispersos. Cū verò mensis cœpisset crescere, vi-

dens paucos esse operarios, ad eorum adiumentum 70. eligi præcepit discipulos. Episcopi verò, domini apostolorum: presbyteri quoque 70. discipulorum locum tenent. Hæc Anacletus papa & martyr. In quibus verbis id aduertendum maxime est, quod ait Dominum instituisse bipartitum sacerdotum ordinem. Huic Anacleto soli magis crediderim quam mille Vuitcleffis, imò magis quam Hieronymo aut Aug. aut cuius alij recettori quàm libet sancto & docto. Nam præter vitæ sanctitatem, quam martyrium maxime commēdat, beatos apostolos vidit, & ut ipse in principio epistolæ quā modo citauimus testatur, à beato Petro apostolo fuit presbyter ordinatus. Vnde credendum est illum veram apostolorum mentem penetrasse, & illorum spiritum tenuisse. Et ut aliquid ultra addamus, beatus Augustinus lib. de hæresibus cap. 53. Aerij errores enumerās, hunc inter illos recenset, quòd videlicet presbyteros pares episcopis fecerit. Præter hæc omnia tot illustrium virorum testimonia, illud maxime hoc nostrum propositum roborat, quod superius cum de confirmatione ageremus, docuimus. Ibi enim ostendimus confirmationis sacramentum non posse conferri ab aliquo tantum sacerdote, sed à solo episcopo, & hoc ex diuina institutione, & non ex ecclesiæ ordinatione. Si ergo confirmationem ministrat episcopus, & illā non potest alius presbyter ministrare, conuincitur inde ut non sit idem presbyter & episcopus. Sed his omnibus obiicit nobis Ioannes Vuitcleff beatum Hiero. qui super epist. ad Titum, exponens illum locum, Huius rei gratia reliqui te Cretæ &c. ita ait, Idē ergo est presbyter, qui episcopus: & antequā diaboli instinctu studia in religione fierent, & diceretur in populis, Ego sum Pauli, ego Apollo, ego autem Cephæ, communi presbyterorum concilio ecclesiæ gubernabantur. Postquā verò vnusquisq; eos quos baptizauerat, suos putabat esse, non Christi, in toto orbe decretum est, ut vnus de presbyteris electus superponeretur cæteris, ad quem omnis ecclesiæ cura pertineret, & schismatum semina tollerentur. Hæc Hiero. Cui obiectioni respondet Thomas Vualden loco illo superius citato, verum quòd episcopi sint presbyteri. nam hoc sentit Hiero. quòd autem inter episcopum & presbyterum non sit aliqua distinctio, hoc Hiero. non expressit. Sed reuera fallitur Thomas Vualden, quoniam in toto illo decursu post verba proximè citata nihil aliud conatur Hiero. quàm ut ostendat ex diuina institutione non esse differentiam inter episcopum & presby

Hieron.  
Tit. 1



presbyterum, sed tale discrimen fuisse postea inuentum ad schismata tollenda. Et interpretatur Hieronimus dictum de superpositione episcoporum cæteris presbyteris ab ecclesia inuenta, debere intelligi de sola præsentia in concilio, ita videlicet quod toti communi concilio sacerdotum præsit vnus episcopus in edendis canonibus, hoc non tam ex institutione diuina quàm ex humana consuetudine arbitratur euenire. Et de hac præsentia dicit dictū Hiero. debere intelligi. Vtrum autem hæc expositio verum sensum Hieronymi & veram eius mentem exprimat, ego nolo nunc discutere, sed lectori relinquo, qui locum illum Hieronymi attentè (vt decet) legens, facile comprehendet satis alienam esse à mente Hieron. illam expositionem. Sed vt clarius pateat qualis fuerit Hieronymi de hac re sententia, videamus quid in dialogo Orthodoxi & Luciferiani dicat. Ibi enim circa medium dialogi, sub persona Orthodoxi de confirmationis sacramento disserens, ita loquitur: Quod si hoc loco quæris quare in ecclesia baptizatus, nisi per manus episcopi non accipiat spiritum sanctum, quem nos asserimus in vero baptismo tribui, discere hanc obseruationem ex ea autoritate descendere, quod post ascensum Domini spiritus sanctus ad apostolos descendit. Et multis in locis idem factitatum reperimus, ad honorem potius sacerdotij, quàm ad legis necessitatem. Alioquin si ad episcopi tantum imprecationem spiritus sanctus defluit, lugendi sunt qui in vinculis, aut in castellis, aut in remotioribus locis per presbyteros & diaconos baptizati, antè dormierunt quàm ab episcopis inuiserentur. Hæc ibi Hieronymus. Ex quibus verbis clarè patet illum sentire non esse ex necessitate legis quod episcopus solus per manus impositionem spiritum sanctum conferat, sed hoc esse ex ecclesiæ institutione ad honorem sacerdotij. Ideo aliter Hiero. testimonio respondere oportet. Sed antequàm respondē, percōtari expedit Ioan. Vultesum, quare Hiero. testimonio cōtra nos nūc pugnet, cū alibi & Hiero. & omnes alios sacros doctores tam facile reiciat & vilipendat? Aut ergo illū cū pro nobis citatur, recipiat, aut nullo pacto illum nobis obiiciat. Deinde cur nobis obiicit vnum solum Hieronymum contra tot illustres viros sanctitate perinde ac doctrina insignes? Nūquid vnus Hieronymi dictum præferre vult sententiæ tot clarissimorum virorum? Parū dixi, nunquid fortè toti ecclesiæ catholicæ, aut concilio illā representanti, solū Hiero. præponet. Conciliū siquidē *Cōcilium*  
Ispalense



*ispalense* Ispalense secundum (vt suprà cum de cōfirmatione ageremus, ostendimus) definit à solis episcopis posse confirmationē conferri, & (vt postea ostendemus) idem concilium eēset presbyterum nullo modo posse alium in presbyterum aut diaconum ordinare. q̃ si ordinare attentauerit, eius ordinationem decernit esse nullam, & esse necessariò iterandam ab episcopo, vt sic ordinatus possit aliquid exercere. At si ex institutione diuina illud posset presbyter ministrare, quanuis peccaret contra ecclesiae decretum faciens, nihilominus eius ordinatio esset valida, quemadmodum dici solet de clerico excommunicato conficiente eucharistiam, qui quanuis peccet sacramentū consecrās, nihilominus tamen rata & firma est eius consecratio. Cū ergo tam expressa sit concilij definitio, quis contra eam oppondere audebit solius Hiero. sententiam? Ego certè doctrinam beati Hiero. suminè extollo, eius sanctitatem maximè veneror, sic tamen, vt putem eum hominem fuisse, qui cum hic ageret, falli potuit, sic etiam vt eius sententię plurimorum catholicorum doctorum & pōtificum, quales fuere Damasus, Urbanus, Anacletus, decreta illi praeferam. Nec mirum debet hoc esse alicui. Nam prater hoc q̃ illi pontifices sancti fuerunt vt Hiero. & eorum aliqui martyrio clari, & omnes doctrina insignes, implemet Hiero. illorum decretis libentissimus suam subiicit sententiam, vt patet ex aliquot eius epistolis ad Damasum papā. Nec etiam mirari quisquam debet, q̃ beatus Hierony. vir alioqui doctissimus sic deceptus fuerit, quoniam quandoq; bonus dormitat Homerus. Quod maximè euenire potuit tunc, quando adhuc doctrina illa non fuerat in quaestionem deducta, nec tūc ecclesia aliquid de ea definierat: quapropter potuit sine vllō fidei dispendio ita sentire, maximè cū habuerit aliquot scripturæ testimonia, quæ pro illo sententiam dicere videbantur: quæ oportet vt sigillatim discutiamus. Primò ergo q̃ narrat, ad tollendum schisma quo vnusquisq; eos quos baptizabat, suos putabat esse, non Christi, decretum fuisse vt vnus de presbyteris electus, superponeretur ceteris, ad quem omnis ecclesiae cura pertineret: quo pacto Hierony. hoc probet, ego nescio, imò oppositum ex Actibus apostolorum conici potest, præcipue quia remedium illud quod beatus Hiero. dicit fuisse adhibitū, non erat sufficiens vt schisma tolleretur: quoniam et si illo modo schisma intra vnam urbem exortum tollebatur, non tamē schisma inter plures vrbes. Per illud siquidē remedium nō tollitur

litur quin omnes vnus vrbs dicantur Pauliani, à Paulo illius ciuitatis episcopo: alij Petriani, à Petro alterius ciuitatis episcopo. Quo facto quis non videt adhuc schismatū semina manere, cū dicatur adhuc, ego sum Pauli, ego sum Cephæ? Non erat autem præcisè curandū vt hoc aut illo modo schisma non fieret, sed vt nullo. Ideo vt ex apostolica historia conici potest, aliud remedium efficacius illi schismati adhibitū est, vt videlicet omnes Christo initiati, cōmuni vocabulo Christiani appellarentur, à Christo, qui caput est omnium, qui etiā, vt Ioannes Baptista testatur, est qui verè nos baptizat. Ad cuius rei cōfirmationem, beati Athanasij proferā testimoniū. Is enim disputans contra Arrium reiiciēte hanc vocem *μouσιον* propter illius nouitatem, ostendēsq; propter nouitates hæreticoru insurgentiū, ecclesiam consueuisse noua constringere nomina, ita ait: Et vt quod dico, planius fiat, vtor exemplo, In ipso Christiana religionis prædicationis initio omnes qui credebant domino nostro Iesu Christo, non Christiani, sed discipuli tantūmodo nominabantur. Et quia multi nouorum dogmatū authores extiterant doctrinæ obuiātes apostolicæ, omnes sectatores suos discipulos nominabāt, nec erat vlla nominis discretio inter veros falsosque discipulos, siue qui Christi, siue qui Dositæ, siue Theodæ, siue Iudæ cuiusdā, siue etiam Ioannis sectatores, qui se quasi Christo ecclesiæ fatebantur, quin potius vno discipulorū nomine censerentur. Tunc apostolici cōuenientes Antiochiā sicut eorum, Luca narrante, testantur acta, omnes discipulos nouo nomine, id est Christianos, appellant, discernentes à comuni falsorū discipulorū vocabulo, vt & diuini per Esaiam oraculi sermo impleretur, quo ait: Seruiētibz verò mihi vocabitur nomē nouū. Huc sq; Athanasius. Rabanus super actus apostolorum, exponens locū illum vbi de impositione Christiani nominis dicitur, sic ait: Omnes sectæ nomen trahebant de suo auctore, ideo fundata fide, & firmitatē obtinēte, primū in Antiochia, vbi præ cæteris locis fides florebat, sumptum est à Christo nomen Christianum. Hæc Rabanus. Et certè hoc remedium verius obuiatum est schismati, quā constitutendo, vt Hiero ait, vnū ex presbyteris, qui cæteris superpositus, omnē ecclesiæ curam haberet. Sed iam reliqua quæ pro se beatus Hieron. affert, videamus. Apostoli ad Philippē. verba sunt ista: Paulus & Timotheus serui Iesu Christi, omnibus sanctis in Christo Iesu, qui sunt Philippis, cum episcopis & diaconibus, gratia vobis & pax,

Ioan. i

Athanasius.

Act. i

Esai. 65

Phil. i

pax, & reliqua. Philippi vna est vrbs Macedonię, & certę in vna ciuitate plures, vt nuncupantur, episcopi esse non poterant, sed quia eosdę episcopos illo tempore quos presbyteros appellabant, propterea, inquit, de episcopis quasi de presbyteris est locutus. Deinde in Actibus Apostolorū scriptum est, q̄ cū venisset Apostolus Miletū, miserit Ephesum, & vocauerit presbyteros ecclesię eiūsdę, quibus postea inter cetera sit locutus: Attendite vobis & omni gregi in quo vos spiritus sanctus posuit episcopos regere ecclesiā domini quā acquisiuit per sanguinem suū. Quo loco diligentius obseruare admonet Hiero. quomodo vnius ciuitatis Ephesi presbyteros vocans, postea eosdę episcopos dixerit. Alia etiā pro se citat, quę quia debiliora sunt, & minus efficacia, omitto. Illud ergo primū non cōstat an sit ita intelligendū qualiter Hiero. interpretatur, quoniā nomine episcoporum Ambrosius ibi intelligit Paulū & Timotheum. Sic enim ait: Cū episcopis & diaconibus, hoc est cū Paulo & Timotheo, qui vtiq; episcopi erant: simul & significauit & diaconos qui ministrabant eis. Ad plebē enim scribit. Nam si episcopis scriberet & diaconibus, ad personas eorum scriberet: & loci ipsius episcopo scribendū erat, non duobus vel tribus, sicut ad Titum & Timotheū. Hęc Ambrosius. Ex cuius verbis satis patet quā diuersum à Hieronymo sentiat. Sed quoniā aliud testimonium ex Actibus apostolicis apertius est quā vt possit eludi, ideo aliter & verius respondendū videtur, nomina illa, videlicet presbyter & episcopus, ex sua primæua institutione latiore habuisse significationē quā modo habeāt. Episcopus enim dictio græca est, & composita ab ἐπί præpositione græca, quę idem significat q̄ latine super: *ἐπισκοπος* verò idem est quod intentio: & ita episcopus tantum valet ac superintendens, inde *ἐπισκοπῆν* superintendere. Episcopi ergo nomē inde sumptum videtur, q̄ is qui præficitur aliis, eorū curę superintendere debet. Iuxta quā nudam interpretationē nulli dubium quin presbyteri parochi, episcopi dici debeant, nam ipsi etiā superintendunt curę animarum sibi commissarum. Presbyter etiam est vox græca *πρεσβύτερος* latine interpretatur senior. Presbyter ergo ætatis est nomen, quę non iuxta numerum annorum computanda venit, sed iuxta sensus maturitatem, quemadmodū sapiens ait: Senectus venerabilis est non diuturna, neq; annorū numero computata. Cani autem sunt sensus hominis, & ætas senectutis vitę immaculata. Vnde Anacletus papa in epistola de ordinatione

dinatione episcoporum sic ait : Porro Moysi præcipitur vt eligat presbyteros , vnde & in prouerbiis dicitur , Gloria senum Pro. 20  
 canities. Hæc verò canities sapientiam designat, de qua scriptum est: Canities hominum prudentia est. cumq; non gentos & amplius annos ab Adam vsq; ad Abraham vixisse homines legerimus, nullus alius primus appellatus est presbyter, id est, senior, nisi Abraham, qui multo paucioribus vixisse annis cōuincitur, non ergo propter decrepitam senectutem, sed propter sapientiam presbyteri nominantur. Hęc Anacletus. Si ergo propter sapientiam, qua insignitus esse debet, presbyter nominatur, apparet vocē ex sua institutione plus etiā significare quam nunc significet: nā iuxta illam omnes sapientes presbyteri dici possent, cū tamē multi sint qui modo presbyteri nō dicantur. Quod si contendas nomen presbyteri ab annorū numero esse alicui tribuendū, oportebit cedere vt omnes senes verē possint dici presbyteri: quod tamen nunc nō ita fiet. Nomen ergo presbyteri ex quacūq; deriuatione sumatur, commune est episcopis & cæteris sacerdotibus. Episcopi nomen etiam commune est ex sua prima institutione omnibus sacerdotibus, præcipuē illis quibus animarū cura cōmissa est. Ecclesia ergo timēs ne propter vocabulorū indistinctā significationē quis opinaretur res etiam esse prorsus indiscretas, vocabulorum significationes contraxit hoc modo, vt ille solus nominaretur episcopus, qui aliis sacerdotibus superior existens, totius ciuitatis curā haberet: ille autē diceretur presbyter, qui corpus domini conficere aut consecrare posset. Itaq; ecclesia hoc statuens, non constituit nouum ordinē, aut eiisdē ordinis nouum gradum decreuit, sed gradus sacerdotij antiquos, & a Deo institutos, censuit propriis nominibus nūcupari, ne fortē ex cōmunionē aut idēitate vocabulorū occasio oriretur existimādi res etiā ipsas per illa nomina designatas esse prorsus easdem. Hoc autē ecclesiā posse nullus merito dubitare poterit: quoniam si ecclesia propter nouas causas emergentes potuit rebus antiquis noua imponere nomina, quid prohibet vt nouis etiā insurgentibus causis potuerit antiqua vocabula ad contractionē significationem restringere? Quod si aliquis Hierony. plus iusto deditus, adhuc Hieronymi sententiā tenere voluerit, talibus angustiis opprimetur, vt oporteat eum etiā dicere diaconos esse episcopos. Nā Paulus Timotheo qui episcopus erat, scribens, diaconū eū nō 2. Ti. 4  
 minat, dicens, Ministerium tuū imple. quo loco grācē habetur

*diaco*



*Διακονία*, hoc est diaconatum: vbi apertè pro officio episcopi diaconatum dixit. Et non immeritò, quoniam vox diaconatus, vt de alijs diximus, iuxta suam primam significationem ministerium significat. Episcopus autem cum etiam sit minister, sicut Christus de seipso dixit, ideo non immeritò episcopo scribens dixit, Ministerium tuum vel diaconatum tuum imple. Ecclesia hanc diaconi vocè ad solum ministrum qui in certo gradu in altari ministrat, contraxit. Ne autem ista ex nostro cerebro conficta esse videantur, huius rei duos testes afferro. Theophylactus super primum caput epistolę ad Philip. declarans illud, cum episcopis, & diaconis, sic ait: Episcopos sacerdotes dicit. Neque enim plures præter vnum erant episcopi, qui singulis ciuitatibus præsiderent: quippe cum nondum essent huiusmodi nomina dispartita, sed episcopi tantum diaconi & presbyteri dicebantur. Hęc Theophylactus. In quibus maximè aduertere oportet quod ait, cum nondum essent huiusmodi nomina dispartita: vbi apertè ostendit esse factam partitionem non rerum, sed vocabulorum. Eandem sententiam innuit beatus Augustinus in quadam epistola ad beatum Hieronymum, quę est in ordine epistolarum Augustini 19. Sic enim inquit, Quamquam enim secundum honorum vocabula, quę iam ecclesię vsus obtinuit, episcopatus presbyterio maior sit, tamen in multis rebus Augustinus Hieronymo minor est. Hęc Augustinus. In quibus verbis id maximè obseruare oportet quod dixit, secundum honorum vocabula quę iam ecclesię vsus obtinuit: non autem dixit, secundum gradus honoris quos ecclesię vsus obtinuit. vbi apertè innuit fuisse ex ecclesię vsu illorum vocabulorum distinctiones. His ergo ita digestis, respondemus Hieronymo, verum esse quòd tunc temporis presbyteri etiam dicerentur episcopi; quia tunc non erat facta vocabulorū distinctio: nec tamen ex eo sequitur quòd idē prorsus fuisset qui episcopus. Verum dicet aliquis, si tunc vocabulorum significationes erant indiscretę, quo pacto valebimus ex sacris literis illarum rerum distinctionem agnoscere? Cui quæstioni respondemus, quòd per ratiocinationem. Scimus enim ex sacris literis, solos apostolos, quibus episcopi succedunt, tribuisse spiritū sanctum per manus impositionem: quod alij discipuli quorum locum alij minores sacerdotes tenent, nunquam præstiterūt. Scimus apostolos, & episcopos eorum successores, alios ordinasse in sacerdotes, de alijs autem discipulis hoc nunquam legi-  
inde

inde conuincimus, episcopos maioris semper fuisse potestatis, quam alii sacerdotes. Hoc autem quod de ordinatione dixi, quod solus episcopus potest ordinare, ipsemet Hieronymus fatetur. nam in epistola ad Euagriū sic ait, Quid enim facit excepta ordinatione episcopus, quod presbyter nō facit? Hęc ille. Et in fine epistolę iterū ait, Et vt sciamus traditiones apostolicas sumptas de veteri testamento: quod Aaron, & filii eius, atq; Leuitę in templo fuerunt, hoc sibi episcopi, & presbyteri, & diaconi vendicent in ecclesia. Hęc Hieronymus. Ex quibus verbis patet beatum Hieronymum sibi ipsi in hac parte minime constare: quoniam si hoc est in ecclesia episcopus, quod in lege veteri Aaron, & hoc presbyter quod filii Aaron, conuincitur etiam inde vt ex ipsa institutione diuina episcopus sit quoniam alio presbytero maior: quoniam, vt iam proxime docuimus, Aaronis sacerdotiū ex ipsius Dei institutione maius erat quam sacerdotium filiorum Aarō. Hęc rem prolixè satis & vltra statutam breuitatem pertractaui, quoniam neminem de illa scripsisse reperi præter vnum Thomā Vualden, qui etsi aliqua ex parte iuuare potuit, rem tamen, vt decebat, minime absoluit. De Guidone pudet dicere, quoniam Aerianorū hæreses recensens, & hanc illis annumerans, cum contra alios eorum errores testimonia adduxisset, hunc solum intactum reliquit, nullum afferens scripturę aut sanctorum doctorum testimonium, aut nullum argumentum propter quod se ostenderet illam assertionem de hæresi meritò notasse.

Alius est etiam error circa episcoporum personas exortus, quo docetur nullum peccatorem aut iniustum hominem posse esse episcopum. Huius erroris authores fuerunt. Valdenses, dicētes quod presbyterum non dignitas, sed vitę meritum efficiebat potio-  
*Valdenses.*  
*Vuitcleff.*  
 rem. Hos imitatus est Ioannes Vuitcleff. Et quidem si hi dixissent, vt qui malus est & criminofus, ordinandus non esset in episcopum, id rectè admonuissent, quoniam illud sæpe docet Paulus Apostolus. Sed quoniā docent, eū qui semel in peccatum labitur, dignitatē & officium episcopatus amittere, ita vt hæc duo minime coherere possint in vna persona vt episcopus simul & malus sit: hoc certe male senserunt. Verū quoniā sunt alii qui hoc etiā de quolibet sacerdote docuerūt, alii rursus de qualibet etiam laicali potestate hoc idē senserunt, ideo vsq; ad alium locum hæc res disputanda differatur, cum videlicet de omnibus simul sub titulo de potestate agemus.

Flagellantes.

Eccle. 17

Baru. 2

Psal. 110

Luc. 21

Psal. 23

**I**Nter alias Flagellantium hæreses hæc vna fuit, qua dixerūt post aduentum suæ sectæ euangelium desiisse. Quem errorem non nisi idiotæ homines, quales fuere Flagellantes, docere potuissent: cum sint tam aperta scripturæ sacræ testimonia testantia euangelium in perpetuum, hoc est in finem seculi duraturum. Sapiens namq; de lege a Deo hominibus data loquens ait, Testamentum æternum constituit cum illis, & iustitia & iudicia sua ostendit illis. Vides qualiter vocatur testamentū æternum, & constat. quod non loquitur de priori testamento, quia illud reuocatum est, vt probat Paulus sæpe, præcipue in epistola ad Heb. & per prophetam Baruch Dominus loquens, hoc clarius expressit. Et statuam illis, inquit, testamentū alterū sempiternum, vt sim illis in Deum, & ipsi erūt mihi in populum. Et propheta regius ait: Redemptionē misit dominus populo suo: mandauit in æternum testamentum suū. At non fuit nobis data alia redemptio nisi in aduentu filii Dei, qui verbo & opere prædicans, euāgelium nobis in testamentum suū reliquit quod in morte sua confirmatum est: & tunc reuocātū prius. hoc ergo euangelium quod solum vere dici potest testamentum, quia illud solum confirmatum est, hoc inquam testamentum mandauit nobis in æternum: non ergo cessabit vnquam. Et ipsa veritas hoc idem cōfirmat dicens, Amen dico vobis quod non præteribit generatio hæc donec omnia fiāt. Quæ verba exponens Theophylactus super Luc. ait. Generationē vocat non eos qui tunc aderant, sed omnium fidelium generationem. Solet enim scriptura hoc nominare modo, vt, Hæc est generatio quærentium dominū. Quia autem turbationes & bella, & alterationes dixit futuras tam elementorum quā rerum, ne quis suspicetur, quod forte aliquādo destruendus sit Christianismus, dicit, Non. Non enim præteribit hæc Christianorum generatio. Cælum quidem & terra immutabuntur: sermones autem mei & euangelium meum nō peribunt, sed manebunt. Tametsi commoueantur omnia: fides tamen in me non deficiet: Apparet autem hoc loco, quod ecclesiā omni creaturæ præferat. Ecclesia enim eius, & verbum ac euangelium nequaquam peribunt. Hactenus Theophylactus. Præterea in verbis quibus quotidie vinum in sanguinem Christi transsubstantiamus, sic dicitur, Hic est calix sanguinis mei noui & æterni testamenti, qui pro vobis & pro multis effundetur &c. Quæ verba etsi non expresse inueniātur in euan

in euangelio, certò tamen credendū est ecclesiam illa à Christo recepisse. Verum ut nulla iam pateat rimula ad fugam, audiunt Paulum hoc idem dicentem, Deus autem pacis, inquit, qui *Heb. 13* eduxit de mortuis pastorem magnum ouium in sanguine testamenti æterni Dominum nostrum Iesum Christum, apert vos in omni bono &c. Rursus de quatuor illis animalibus quæ Ezechiel vidit, & Ioanni in visione monstrata sunt, dicitur quod ibant & non reuertebantur cum ambularent. Atquod per illa quatuor animalia designati sunt quatuor euangelistæ, apertius est quàm ut dubitari debeat, aut probatione indigeat. Quid est dicere quod semper ibant, nisi quod euangelia semper manebunt? Tempore procedente & ipsa etiam procedunt. Quod si euangelium iam, ut isti Flagellantes mentiuntur, cessasset: non vere diceretur de animalibus quod ibant & non reuertebantur. Testamentum siquidē vetus quoniam reuocatum est, & iam amplius non obligat, finiuit iter suum, nec dicitur de eo quod vadit & non reuertitur, quæadmodum de quatuor animalibus dicitur quod ibant, & non reuertebantur. Vnde beatus Gregorius homilia 6. super Ezech. ait, Testamentum nouū etiam per testamenti veteris paginas testamentum æternum appellatum est, quia intellectus illius nunquam mutatur. Bene ergo dicitur quod rotæ euntes ibant, & non reuertebantur cum ambularent, quia nouū testamentum non rescinditur, dum vetus iam spiritualiter intelligitur. Post se non redeunt, quia vsq; ad finē mundi immutabilia persistunt. Ambulāt ergo, sed non reuertuntur, quia sic spiritualiter ad cor nostrum veniūt, ut eorum præcepta vltcrius non mutantur? Hæc Gregorius. Accedit ad hæc, quod ij qui sentiunt euangelium finitum esse, & aliud loco eius subrogatum testamentū. aut negāt Christū mortuum, aut volūt eum iterū crucifigere. Nā si, ut ait Paulus, testamentū in morte testatoris confirmatum est, ergo euangelium iam confirmatū est, aut Christus mortuus non erit. quod si Christus mortuus est, & testamentū eius oportet sic esse firmū, ut nunquā reuocari possit, & si aliud post istud succedet, ut illud etiā firmetur oportebit testatoris mortē accedere quapropter oporteret ut Christus iterū moreret, ut per eius mortē illud aliud testamentū confirmaretur. Quis autē hoc fateri audebit? Certe non alius quàm ille qui sibi ipsi iterū crucifigit filiū dei. Paulus nāq; ait, Christus resurgēs *Ro. 6* ex mortuis, iam non moritur: mors illi vltra non dominabitur. Aduersus tam insanam & impiam hæresim piget plura asserre.



Alius est etiam error dicens euāgelium non fuisse prædicatum ab apostolis secundum spiritalem intellectum, sed solum secundum literam. Huius erroris, ut Guido refert, author fuit abbas Ioachim, quem secutus est quidam alius Petrus Ioannis. Verum de hoc errore iam supra disputauimus cum de rebus ad apostolos pertinentibus ageremus.

#### E V C H A R I S T I A.

**D**E hoc mirifico sacramento, omni que sacramentorum præstantissimo plurimæ ortæ sunt hæreses, quarum omnium authoribus perperam successit, Deo pro sua gloria zelante, ac puniente ingratitudinem erga tantum beneficiū nobis exhibitum, Omnes quidem aut parentes aut patroni earum hæresum infelicem in hac vita habuerunt exitum: infeliciorem, imo vero infelicissimum retinentes in alio seculo. In disserendis verò huiusmodi hæresibus hoc ordine procedemus, ut primo de his agamus quæ substantiam sacramenti tangunt, Postea verò eas pertractabimus quæ eiusdem sacramenti efficaciam minuere conantur. Postremo de illis loquemur quæ præparationem animi ad huius sacramenti receptionem exactam tollunt.

*Cathari,* Primus de hac re est error dicens nullo modo ex pane posse confici corpus Christi, eò quòd panē creaturam diaboli esse dicāt. Hunc errorem Guido carmelita Catharis tribuit, à quo Cathari maxime absunt: nisi forte ipse alios Catharos præter Nquatianos inuenit. Sed video qua occasione homo iste in hūc scopum illiserit. Beatus namque August. in lib. de hære. cap. 40. *Manichæi* de Manichæis differens qualiter illi dicebant alimenta omnia esse immunda propter mali principii commixtionē, eamque quibusdam execrandis purgationibus adhibitis purificabant. Nam farinæ ex qua panis pro eucharistia conficiendi erat, humanum semen miscebant, dicentes semine admixto farinam purificari, atque ea sic, ut dicebant, per seminis mixtionem purificata, sacramentum execrandum conficiebant. Propter istas nempe ciborum execrandas purificationes beatus Augustinus vocat eos non Catharos, quod latine sonat mundos sed potius Catharistas, hoc est purificatores. Ex quo loco perperam intellecto homo iste, ut puto, deceptus est, ut errorem istum Catharorum factioni tribueret. Nam Manichæos hic vocauit Augustinus Catharistas, propter illam ciborum purificationem, non quòd Manichæi factioni eorum hæreticorum ascribantur, qui visitato nomine Cathari appellantur. Nihil enim inter Manichæos

**Chæros** & **Catharos** conuenit. Nouatiani nanque Cathari vocati sunt, vt alias dicemus, propter animæ mundiciam quam iactabant, propter quam ab ecclesia separati sunt, quòd illa peccatores resipiscentes velut benigna mater amplecteretur. Constat tamen bonum Guidonem putasse hos Catharos esse illos qui Nouatiani dicuntur. Quia de his Catharis disserens, dicit iam alias se de illis fuisse loquutum, cum videlicet de Nouatianis tractauerat. Hic error satis, vt arbitror, reiectus est ex his quæ suprà aduersus Manichæos disputantes docuimus, omnem scilicet creaturam bonam esse, omnesq; ab vno principio nempe Deo prodiisse. Quod si panis sua natura bonus est, nō eger illa horrēda purificatione vt ex eo eucharistia confici possit. Quapropter nō est quòd amplius aduersus hunc errorē pugnemus.

Secunda hæresis circa materiam huius sacramenti est quæ asserit non posse hoc sacramentum confici in azymo pane, sed præcise in fermentato. Iste est error Græcorum, qui inter alia peruersa dogmata, propter quæ ab ecclesia Romana discessere, hoc vnum tuentur: Romanam ac catholicam ecclesiam suggillantes, quòd in pane azymo conficiat. Latinos omnes hac de re Azymitas vocant, eos anathematizant, vt testatur beatus Anselmus in quadam epistola de fermentato & azymo, & teste Guidone carmelita non permittunt Latinos sacerdotes in eorum altaribus sacrum mysterium cōficere. Quod si ipsis nescientibus aut inuitis celebrare contigerit, lauant altaria, quoniam ea credunt esse polluta ex falso, vt asserunt, sacrificio per sacerdotem Latinum in azymo confecto. Hanc etiam hæresim amplectuntur Armeni, eandem tenent Ruteni. Ne autem gratis id dixisse videantur, hoc argumento suam sententiam confirmant. Eo pane conficiendum est hoc sacramentum à nobis, quo Christus ipse cum illud sacramentum instituit, confecit: ipso etenim opere exemplum nobis dedit, vt quemadmodum ipse fecit, ita & nos faceremus. Christum autem in fermentato confecisse, euangelium Ioannis testatur, dicens eum ante diem festum paschæ cœnasse cum discipulis, in qua cœna sacramentum istud instituit, nobisque illud conficiendi potestatem tribuit. At ante pascha fermentato vescabantur Iudæi, non azymo sicut & in septem diebus Paschæ azymos panes, iuxta legem, comedebant, fermentatos vero edere non licebat. Verum hæc argumentatio futilis est omnino, cum nec verum assumat, neq; bene colligat. Si enim eorum collectio firma esset, illos suo

Armeni.  
Ruteni.

Ioan. 13

Exo. 12

ipforum gladio velocissimè confoderemus. Oporteret nanque illa ratione necessariò in azymo conficere, quia Christum in azymo confecisse, si tamen ritu Iudaico eum pascha celebrasse non negetur, clarissimè ex tribus euangelistis còstat, quibus minime Ioannem repugnare ostendemus. Vt autem clarius omnia manifestentur, ipforum euangeliorum litera reciterur.

**Mat. 26** Matthæus sic habet: Prima autem die azymorum accellerunt discipuli ad Iesum dicentes, Vbi vis paremus tibi comedere pascha? At Iesus dixit, Ite in ciuitatem ad quendam, & dicite ei, Magister dicit: Tempus meum prope est, apud te facio pascha cum discipulis meis. Et fecerunt discipuli sicut constituit illis Iesus, & parauerunt pascha. Vespere autem facto discumbebat cum duodecim. Et infra, Cœnantibus autem eis accepit Iesus panem, & benedixit, ac fregit, deditque discipulis suis, & ait: Accipite & comedite: hoc est corpus meum. Hæc Mat. ex quo manifestè cõuincitur Christum eo tempore quo iam fermentatum comedere non licebat, nempe in cœna primæ diei azymorum, à quo Iudæi festiuitatē Paschæ auspicabantur, hoc sacramentum instituisse, discipulisque suis ad comedendum dedisse. At cùm Christus tunc legem non soluerit, imò eam se velle seruare ostenderit, colligitur illum nec fermentatum comedisse, nec discipulis suis ad comedendum dedisse. Confecit ergo in azymo.

**Mat. 14** Marci autem historia simillima est huic. Sic enim habet: Et primo die azymorum, quando pascha immolabant, dicunt ei discipuli, Quò vis eamus & paremus tibi vt manduces pascha? Et mittit duos ex discipulis suis, & dicit eis, Ite in ciuitatem, & occurret vobis homo lagenam aquæ baiulans &c. Et infra, Vespere autem facto venit cum duodecim. Et infra, Et manducantibus illis accepit Iesus panem, & benedicens fregit, & dedit eis & ait: Sumite, hoc est corpus meum. Hæc Marcus, qui etiam ostendit eo die eaque hora confecisse quando iam Iudæis non licebat fermentato vesci. Demum Lucas eadem refert. Venit inquit, dies azymorum, in qua necesse erat occidi pascha, & misit Petrum & Ioannem dicens, Euntes parate nobis pascha, vt manducemus. Et infra, Euntes autem inuenerunt sicut dixit illis, & parauerunt pascha. Et cùm facta esset hora, discubuit, & duodecim apostoli cum eo. Et infra, Et accepto pane gratias egit, & fregit, & dedit eis dicens, hoc est corpus meum quod pro vobis datur. hoc facite in meam commemorationem. Ecce Lucā per omnia cū reliquis consentientē. Quòd autem

autem Ioānes ait ante diem festum paschæ hæc acta esse, ipsa- Ioan. 13  
met scriptura docente declaratur. Nam Iudæorū festiuitates à Leu. 23  
vespera in vesperam computabantur. Et de festiuitate agni pa- Exo. 12  
schalis specialiter dicit scriptura, Immolabitque eum vniuersa  
multitudo filiorum Israel ad vesperam. Et iterum in Leu. 23  
Leuitico, **Mense primo quartadecima die mensis ad vesperā pascha do-**  
**mini est, & quintadecima die mensis huius solēnitas azymorū**  
**est. Septē diebus azyma comedetis, dies primus erit vobis cele-**  
**berrimus sanctūsq;.** Vnde patet solennitatē azymorū quintade-  
cima luna incipere, eūmq; diē qui quintadecima occurrebat, ef-  
se celeberrimū totius solēnitatis paschalis. qui dies hac rōne pa-  
scha appellatur, vt apud Ioan. quū dicitur, Iudæi nō intrauerūt Ioan. 18  
prætorium Pilati, vt nō cōtaminarentur, sed māducarēt pascha.  
Nō quidē pascha, id est agnū paschalē, quoniā illū iam nocte  
præterita qua Christus cœnauit cū discipulis suis, Iudæi etiam  
comederāt, qđ ex Marco cōuincitur, dicēte, Et prima die azy- Mar. 14  
morum quādo pascha immolabāt, dicūt ei discipuli, Quō vis  
eamus & paremus tibi vt māduges pascha? Ex quib⁹ verbis con-  
stat Iudæos eodē die comedisse agnū paschalē quo Christum.  
Cū ergo Ioānes ait Iudæos feria sexta qua Christ⁹ passus est,  
nō intrasse in prætorium Pilati, vt nō cōtaminarentur, sed mādū-  
carent pascha, nomine paschæ ibi azymos panes nominauit,  
quos septē dieb⁹ cōtinuis comedere tenebātur, quorū prim⁹ &  
celeberrim⁹ dies ille erat quo Christus passus est. At panes illos  
comedere hominibus immūdis nō licebat, atq; ideo abstinue-  
rūt à domo gētilis hominis, ne hac occasione cōtaminati im-  
pedirentur ab esu illorū. Si ergo quintadecima luna prim⁹ dies  
azymorū, isq; celeberrimus est, qui à vespera diei præcedētis iu-  
xta legē cōputāndus est, & quartadecima Luna vergēte iā vespere  
agnus comedēdus est, manifestē colligitur eā vesperā quar-  
tadecimæ Lunæ qua agnus comeditur, initium esse primi diei  
azymorum, qui quintadecima Luna celebratur. Quō fit vt tūc  
in vnū cocant dies primus azymorum & pascha, aut esus agni  
paschalis. Atq; ita constat in illa agni paschalis cœna non li-  
cere iam Iudæis vesci fermētato, quōd iam ab eo tempore pri-  
mus azymorum dies computabatur. Eum ergo diem quē Mar-  
cus appellauit primū diem azymorū, decimamquartā scilicet  
lunam, quōd in eius vespera primum panes illi comederentur,  
Ioannes dixit ante diē festum Paschæ, pascha nominās primū  
diem solēnitatis paschalis, qui quintadecima luna celebrandus



erat. Cùm ergo iam ostenderimus inter Ioannem & alios euangelistas de hac re conuenire: non est quod impij ac blasphemij Græci calumnientur dicentes alios euangelistas in hoc (vt ipsi asserunt) errasse, atque ideo à Ioanne, qui posterior scripsit, correctos esse. Nā si semel ad sacras literas (ut Aug. verbis utar) vel minimum admittatur mendacium, nihil amplius in eis solidæ veritatis manebit, quæ possit aduersarius cōvinci. Præterea euangeliorum, sicut & cuiuslibet alterius scripturæ sacræ, author est spiritus sanctus: ipse autem euangelista velut calamus fuit quo mediante spiritus sanctus scripturam sacram in ordinem redegit. Quis verò ita demens erit, vt scripturæ alicuius mendacium calamo imputet, qui moueri nequit, & non potius scribæ calamum mouenti? Quo fit, vt qui asserit mendacium quantumlibet paruum in sacra scriptura reperiri, illud crimen Deo illius authori impingat, & non scriptori. At Deum mendacij nota inurere manifesta est blasphemia. Taceant ergo blasphemij Græci, & manus ori suo imponāt, definātq; Deū blasphemare, dicentes Mat. Mar. Luc. cœnā dominicā narrantes errasse, atq; à Ioanne correctos fuisse. Neq; enim errauerunt, neq; à Ioanne vlllo pacto dissentiunt. Et si dissentirēt (quod obnixè negamus) nō esset certè cur plus Ioāni credendū esset quā aliis tribus cōcordibus, cū in ore duorū aut triū ster omne verbū. Fateantur ergo necesse est qui pro catholicis haberi volūt, Christū in azymo pane cōsecrassse. Si ergo collectio Græcorū valida esset, potius colligeremus in fermēto nō posse celebrari, quā in azymo. Si enim necessariò eo pane conficiendū est hoc sacramentū quo Christus confecit: cōstat autē Christū in azymo cōfecisse: necessarium erit etiā nos in azymo cōficere. Hoc tamē non ita se habet. Nam & in fermētato confici potest, sicut & in azymo, quoniam azymū & fermentatū sacrificans, verū panem sacrificat. Et cū legimus dominū corpus suum ex pane cōfecisse, legimus panem accepisse: & quamuis certū sit azymū fuisse, illud tamen euangelistæ subtraherunt. Et cū alibi se & carnem suam panem vocauit, nec azymū dixit nec fermentatū, fortè sciens præteriiit, vt vel hoc argumēto ostenderet liberū nobis manere quo pane conficere vellemus. Non enim azymus & fermentū substantialiter differunt: sicut nec homo nouus ante peccatum, & inueteratus fermēto peccati. Verū dices, si Græci in fermētato conficientes rectè conficiunt, quid causamur eos in hoc hæreticos? Cui obiectioni respōdemus eos nō ideo censendos hæreticos,

reticos, quòd in fermentato conficiant: sed quia sic conficientes putant in azymo nò posse cōfici. quod tamē falsum esse ostendimus, cū in eo Dominū cōfecisse monstrauimus. Præterea cū ipse celebraret, ait: Hoc facite in mei commemorationem. Si Luc. 22 autem voluisset vt nos, quibus hoc in apostolis præcepit, in azymo nò cōficeremus, præmonuisset nos in eis, & dixisset, Ne faciatis hoc in azymo. Cū ergo dicēs hoc facite, azymū non excepit, in quo tamen ipse cōsecrauit: quis audebit excipere quod ipse nò excepit, & prohibere quod nò solū nullo sermone prohibuit, sed etiam opere confirmauit? Nos autem sic cōficientes in azymo, credimus Græcos verè in fermentato conficere, quāuis sic conficientes peccent propter ecclesiæ diuisionem quam faciunt, & à cuius obedientia se separauerunt. Ecclesia siquidē etsi cognosceret in utroq; legitimē cōfici posse, quibusdā tamē iustis causis ad vnā certā materiā, nempe ad azymū oēs fideles arctauit. Primū quòd Christus in ea cōfecerit, quod efficiēs nò solū non prohibuit vt in azymo cōficeremus, imò potius inuitauit dicens, hoc facite in meā cōmemorationem, supple quod ego facio. Deinde quia in azymo synceritas, in fermēto autem 1. Cor. 5 malitia designatur, iuxta apostolū dicentē, Itaq; epulemur nò in fermēto veteri, neque in fermēto malitiæ & nequitiae, sed in azymis synceritatis & veritatis. Et Dominus in euangelio, Ca- Luc. 12 uete à fermēto Phariseorū, quod est hypocrisis. Quapropter in lege præceptū erat: Omnis oblatio quæ offertur Domino, absq; Leu. 2 fermēto fiet, nec quicquā fermenti ac mellis adolebitur in sacrificio Domini. Nimirū hoc tropo designans in omni opere bono omnem prorsus inanē gloriā vitandā. Cū ergo fermētum malitiam designet, qualis in Christi humanitate nullatenus valet inueniri, ecclesia meritò censuit in azymo esse celebrandum, vt signū exterius, scilicet panis accidētia, esset signato conformius. Cui præcepto repugnātes Græci etsi verè conficiant, tamen sic conficientes peccant, eò quòd Christū in prælati ecclesiæ spernunt, ipso dicente, Qui vos spernit, me spernit. Lu. 10 Quæ res in Concilio Florentino, quod pro vnione Græcorum sub Eugenio 4. huius nominis pontifice celebratū est, definita fuit. Nā Conciliū illud definit, in azymo siue fermēto panis triticeo corpus Christi veraciter confici: sacerdotēq; in altero ipsum Domini corpus conficere debere, vnumquemq; scilicet iuxta suæ ecclesiæ orientalis siue occidentalis consuetudinem. Et hanc definitionem Græci tunc susceperunt, quamuis postea

illam contempserint. De hac re beatus Anselmus nimis breuem, compendiosum tamen fecit tractatum, qui inscribitur de fermentato & azymo.

*Valdenses* Tertia hæresis est circa verba quibus hoc sacramentum conficiendum est. Valdenses nanq; (vt ait Guido carmelita cap. 9. de hæresibus Valdensium) cōsecrant sine consueta ecclesiæ forma, qua Christus consecrans, nobis consecrandi modum tradidit: sed dicendo septies pater noster, & benedicendo panem & vinum, se consecrare dicebant. Verum Aeneas Syluius qui & Pius secundus, pontifex max. vix certè meo iudicio longè diligentior circa inquisitionem historię quā Guido, in lib. de orig. Bohe. cap. 15. errores Valdensium ad vnum vsque recensens, nihil tale comminiscitur. Antoninus etiam Florentinus archiepi scopus quarta parte suæ summæ, titulo 11. cap. 7. enumerans errores pauperum de Lugduno, qui & Valdēs appelluntur, nullam huius rei facit mentionem. Bernardus de Lutzemburgo in suo catalogo, nec in titulo pauperes de Lugduno, nec in titulo Valdenses (nā eos hoc duplici nomine bis inter hæreticos annumerat) nihil simile eis tribuit, imò in titulo Valdenses, secutus historiam Aeneæ Syluij in lib. de orig. Bohemorum, aliquid huic assertioni repugnans commemorat. Nam istorum assertiones enumerans Aeneas Syluius, quem & sequitur Bernardus de Lutzemburgo, sic ait: Sacerdotem quocunque loco, quocunque tempore, sacrum Christi corpus conficere posse, petentibusque ministrare: sufficere vt verba sacramentalia tantū dicar. Ex quibus verbis plus colligimus eos veram conficiendi formam tenere, quā omittere. Præterea assertio ipsa adeo est insana, vt vix persuaderi possim aliquem hominem Christo initiatum, & inter christianos nutritum, eam docuisse cum nullus sit sacræ scripturæ locus vnde huius rei suspicio haberi posset, nisi fortè ansam erroris acceperint ex ea particula quæ in oratione dominica connumeratur, scilicet, panem nostrū quotidianum da nobis hodie. At cum isti tantum dominicæ orationi tribuant, vt nullam aliam præter illam admittant (sicut infra in titulo de oratione ostendemus) possibile est vt eā arbitrarentur etiam ad corporis Cristi consecrationem efficacem, præcipuè cum Valdensium secta, vt aliàs diximus, ab homine prorsus literarum ignaro suscitata fuerit. Aduersus hanc hæresim, quòd tam demens ac farua sit, pugnare dedignamur, cum tam aperta sint scripturæ testimonia apud Mat. Mar. & Luc. di-

centia

rentia Christum corpus suum consecrasse supra acceptum panem dicendo, Hoc est corpus meum. Quorum vnus, scilicet Lucas addidit Christum facta consecratione dixisse, hoc facite in meam commemorationē. Quo elogio & illa facere, & eisdem verbis quibus ipse fecerat, iussit. Et Paulus in prima ad Corinthios epistola eadem commemorat, quæ cum sint luce clariora, prætereo.

Quarta hæresis est quæ negat verum Christi corpus realiter in sacramento sub panis speciebus, & sanguinem sub speciebus vini contineri: in quo errore conueniunt plures, ique inter se, vt hæreticorum mos est, valde diuersi. Quidam nanque dixerunt ibi esse carnem alicuius hominis, siue iustus ille fuerit, siue peccator, non esse curandum, in quam carnem panis ibi præexistēs conuerteretur, quæ caro, vt asseriebant, proficiebat in remissionem peccatorum. Alij rursus dicebant panem illum conuerti in carnem hominis, non tamen cuiuslibet sine discrimine, sed in carnem hominis iusti ac sanctificati, qui templum esset Dei, qui diuinam in se habitationem possideret. Et hunc errorem apparet habuisse Nestorium ex prima synodo Ephesina. Nam Nestorius, vt superius ostendimus, dixit duas personas in Christo: vnā quæ esset homo, & aliam quæ esset Deus in illo homine tanquam in templo habitans. Itaque dicebat in eucharistia contineri veram carnem, sed illam esse carnem puri hominis, non autem Dei. Inter hos ergo errores de hoc cōuenit, ibidem videlicet carnē filij hominis cōtineri, non autē carnē Dei. Sed penes hoc abinuicē discedunt, quod primi asserūt eā esse carnē cuiuslibet hominis, siue iusti, siue peccatoris. Qui aut sint huius erroris authores, apud neminē reperi, nisi quod illū Ephesina synodus cōdenat. Alij dicūt ibi esse carnē cuiusdā puri hominis, iusti tamē. Vtriq; ergo negāt ibi esse carnē filij Dei. Sunt adhuc alij qui negāt prorsus ibi carnē cōtineri. Hi autē nullam prorsus admittūt carnē ibi realiter cōtineri: dicunt tamē carnē filij Dei ibi esse nō verē & realiter, sed tantū in signo & figura, quemadmodum continebatur in aliis rebus, quæ in veteri testamento Christum representauerunt, vt fuit agnus paschalis, vacca extra portam ciuitatis pro peccatis populi immolata, & petra, quæ virga percussa sitienti populo aquam ministravit: in quibus omnibus Christus continebatur, non realiter, sed significatiuē, eò quod signa quædam erant ipsum Christum representantia. Quapropter verba illa quibus & Christus tūc panem



nem in suum corpus conuertit, & nos etiam nunc ex eius præcepto in eius commemoratione facimus dicendo, Hoc est corpus meum, ad hunc sensum detorquent, ut dicant eo modo esse intelligenda quo Paulus dixit, Petra autem erat Christus. At petram esse Christum, non ea ratione dixit Paulus, quod vera esset petra, sed quod petra illa representauit Christum, ac ideo dicitur ab eo Christus: tanquam si expressius dixisset, id quod petra illa significabat, Christus est. Ad hunc modum dicunt intelligendum esse quod Christus ait: Hoc est corpus meum, non quod ibi sit verum Christi corpus, sed quoddam signum Christum representans. Huius erroris primi duces (ut Guidoni placet) fuerunt Armeni. nescio tamen quos authores in hoc secutus fuerit Guido, ut hanc hæresim Armenis impingeret, quam nullum alium illis tribuisse reperio. Omnes enim quos huius peruersi dogmatis fecisse mentionem reperio, asserunt hanc fuisse Berengarii inuentionem. Hic Berengarius natione Gallus, clericus diaconus ecclesie sancti Mauricij Andegauensis fuit, homo parum eruditus (ut Guidmundus testatur) sed dialecticis quibusdam captiunculis prorsus deditus, per quas fallacem huius mundi gloriam, quam maxime cupiebat, se capturum sperabat. Qua de causa factum est, ut in hanc quam modo retulimus insaniam proruperit. Hac occasione motus Leo nonus tunc summus ecclesie pontifex, vir omnium historicorum testimonio vitæ sanctitate clarus, Vercellis concilium congregauit, quod Berengarium ascitum, minimeque (ut Lanfrancus ait) venire volentem, cum suis complicibus, nisi citissime resipiscerent, perpetuo damnauit anathemate. Leo tamen pauco postmodum interiecto spatio moritur, atque Berengarius in sua obstinatione persistens, venenum suæ hæresis per totas diffudit Gallias. Qua de re Victor secundus, qui Leoni 9. successit, conciliū Turonis per Hildebrandum ecclesie Romanæ tunc Cardinalem, ac illius vice concilio præidentem celebrauit: in quo Berengarius per quosdam eruditissimos viros, & præcipue per Lanfrancum Cantuariensem archiepiscopum conuictus, sed minime emendatus est. nam inde exiens ad vomitum velut canis rediit. Quam ob causam Nicolaus 2. qui Victori in ecclesie administratione successit, Romæ concilium centum & tredecim episcoporum congregat, in quo adfistens Berengarius, aut emendatus, aut emendatum se pœnæ timore simulans, palinodiam cantauit, quæ in volumine decretorum recitatur de cōsec. dist. ij. c. Ego

ij. c. Ego Berengarius. Berengario successit post centum & eo amplius annos impius quidam Almaricus, de quo iam supra *Almaricus* fecimus mentionem. Hic dicebat non aliter esse corpus Christi in eucharistia, quàm in alio quouis pane, aut qualibet alia re. Sic enim de illo refert Bernardus de Lutzemburgo in suo catalogo, citans quendam Cæsarium monachum. Alium autem neminem inueni qui hoc Almarico tribuat. Antoninus nanq; Florentinus 4. parte summæ, titulo 11. cap. 7. recensens errores Almarici, nihil tale commemorat. Et Platina enarrans vitam Innocentij 3. sub quo in concilio Lateranen. dogmata Almarici condemnata sunt, cum illius alios errores recenscat, nec tamen huius meminit Cæsarium quem catalogus citat, nō vidī. Illum catalogum ergo secutus, Almaricum hunc inserere decreui, eò q̄ istius dogma non longe absit à Berengario: quapropter etiam eodē feriendus sit gladio quo ille. Post istos omnes ad centum annos & eo amplius Ioannes Vuitcleff eundē amplexatus est errorem, vt patet ex concilio Constantiensi sessione octaua. Demum hoc nostro tempore Ioannes Oecolampadius, cuius vitam iam breui supra descripsimus, hanc hæresim à tot annis sepultā redux it ab inferis, eamq; quoad potuit scripturis munivit tam ex sacro instrumento, quàm ex dictis sanctorum, aliquibus male adductis, quibusdā detruncatis, omnibus tamē malè intellectis. Is enim ea verba Christi quibus nos quotidie sacramentū conficimus, scilicet. Hoc est corpus meū, sic exponit. id est, hoc significat corpus meum, vel hoc est figura corporis mei. Vt autem hoc clarius pateat, verba eius referā. Oecolampadius. Tempus est vt accedamus ad id in quo status est sermonis: nempe vt probemus verba cœnæ dominicæ eodem tropo dicta, quo illa quæ Apostolus dixit, Petra autē erat Christus, hoc est petra significabat Christum, vel erat figura Christi. Nam in hoc totum dissidium est. Si enim *ὡς ἀν/ὸς* & substantiue absq; tropo exposuerimus, est: asseremus corpus Christi in altari non tantū sacramentaliter (vt vocant) sed tam verē ac in cœlo est, adesse. Sin nostra cōuenit expositio, de trās- substantiatione, vel de consubstantiatione (vti liceat aduersariorum verbis) suspiciādum nihil. Ita sæpe ex minimis verbulis summæ quæstiones emergunt. Neq; in hoc contenderim, si quis per corpus magis figuram corporis intelligi, quàm verbū est, velit per significat interpretari. Nam id ipsum mihi arridet: vt unq; tamen probō, eò quòd eundem sensum reddit, siue est significat

Oecolampadius.

1. Cor. 10

significat interpreteris, siue corpus figuram & sacramentū corporis. Nos sensum non verba quærimus. Hucusq; Oecolampadius. O illustrem scripturæ expositorem. Si ad hunc modum liceat scripturas exponere, vel potius dixerim alienare aut deprauare: inexhausta suggeretur suscitandarum hæresum materia. Omnis etiam auferetur gladius quo hæreticus configi possit. Nulla quidem scriptura erit quæ non pari facilitate possit corrumpi. Multum quidem hoc nouo tropo exultarent olim Cerdonitæ, & Manichæi, & quisquis negauit Christum verum corpus habuisse, verumque hominem fuisse. Nec minus hac noua expositione gauderent Arriani, Eunomiani, Aeriani, ac cæteri omnes qui negarunt Christum esse Deum. Nam omnia quæ illis repugnare viderentur, facillè sibi conciliarent exponendo verbum est per significat: vt si dicatur, Deus erat verbum, id est, figura quædam deitatis fuit verbum. Et illud, Verbum caro factum est, sic exponetur, id est verbum factum est quædam carnis figura. aut sic, verbum carnem per quandam figuram significat. At quis orthodoxus tales ac tam inuitas, tam distortas, tamque à litera alienas expositiones patiatur? Cæterum quod plures affert sacræ scripturæ locos in quibus huiusmodi tropi deprehenduntur, non inficior. sæpe numero etenim scripturæ sacræ figuris & tropis vtuntur (sicut Augustinus ostendit in lib. 2. de doctrina Christiana) nec tamen ex eò quod sæpe vtuntur figuris, colligendum est omnem scripturæ locutionem esse figuratam. Quapropter ex hoc quod alibi scriptura sacra tropo quodam sit vsa, non bene colligit Oecolampadius vt etiam nunc figurata locutione vtatur. Nam et si bis mille locos ostendat quibus figurata infit locutio, hi tamen omnes nunquam efficient quod istis verbis etiam aliqua adsit figurata locutio, qualem ipse finxit. Nūquid dicet aliquis hanc esse iustam consecutionem, Paulus tropo vsus est cum dixit, Petra autem erat Christus: ergo & Christus similiter tropo vsus est quum dixit, Hoc est corpus meum? Atque ideo adhuc Oecolampadio probandum restat, vt in his verbis scilicet, Hoc est corpus meum, aliquis subsit tropus, quod nusquam efficiet. Præterea et si quasdam figuratas locutiones in scriptura admittamus, non tamen talē qualē Oecolampadius confingit, vt per verbum est, intelligamus significat. Na quod adducit de Paulo scilicet, Petra autem erat Christus, nullo modo propositum suū iuuat. Nō enim Paulus dixit Christum esse petram corporeā, sed spiritualement: quod ex præcedentibus clare conuincit

convincitur. sic nāq; ait: Bibebant autem de spiritali cōsequen- 1. Co. 10  
 ti eos petra, petra autē erat Christus. Vides iam quā petrā dix-  
 rit esse Christū, nempe spiritalē, de qua bibebant, quæ populi  
 illius comes existens, multis eū miraculis adiuvit. Quod si ad-  
 huc contendas ad petrā corporeā referendum, dic quæso vbinā  
 inveniatur illam sensibilem petram ē qua vnda profuit, populū  
 fuisse secutam quocūq; perrexisset? Huius quidē tanti miracu-  
 li nullam Moyses fecit mentionē, quum tamen alia minora re-  
 censuerit. Verūm hoc Paulus tribuit illi petræ quam dixit esse  
 Christum. Bibebant, inquit, de spiritali conseguente eos petra.  
 At petra nō eos comitabatur, sed Christus opem illis in omni  
 eventu laturus. Sic enim exponit Ambrosius. Sequens tamē pe-  
 tra dicta est, quæ intelligitur esse Christus. Vbi enim deficiebat  
 humanū eius suffragiū, aderat Christus: ideo sequebatur, ut vbi  
 defecisset, ille subveniret: nec enim petra aquā dedit, sed Chri-  
 stus. Hæc Ambrosius. Sed multo clarius hæc ex Chrysostomo disci-  
 mus, qui illum Pauli locū explanans ait: Quū dixisset q̄ potū  
 spiritalē bibebant, addidit, Petra autē erat Christus. Nō enim  
 ipsius petræ natura aqua scaturiebat, siquidē etiā antea scatu-  
 risset: sed alia quædā spiritalis petra omnia operata est, hoc  
 est Christus, qui præsens ubiq; omnia fecit miracula. ideo di-  
 xit, conseguente. Hæc Chrysostomus. Demū Theophylactus  
 eodē modo locū illum interpretatur, dicēs, De esca quidē cum  
 meminisset, nulla præterea indiguit assertionē, quæ per se satis  
 pateret, nec quicquā esset à sui natura immutata. In potu verò,  
 quia eius dūtaxat subministrandi modus immutaretur, asser-  
 tionibus utitur, dicens nequaquā lapidis ipsius naturā potū hūc  
 præstitisse, qui etsi aliās scaturisse conceditur, spiritalis tamen  
 alius lapis id omne operabatur, id est Christus. Consequēti au-  
 tem eo dixit, ut ostenderet Christū eundē hunc illis vbique af-  
 fuisse, & miracula huiusmodi factitasse omnia. Hæc Theophy-  
 lactus. Ex istis clarissimis authoribus manifestū est iam, Paulū  
 nō dixisse Christū esse illā corpoream petram, ex qua manavit  
 aqua: sed Christū esse illā petrā spiritalē figuratā per aliā cor-  
 poreā. Atq; ita nō erit opus exponere est per significat: cū Chri-  
 stus verē & realiter sit illa petra de qua Paulus loquitur, nēpe  
 spiritalis. Ad hūc etiā modū cū Christus Ioannē Baptistam  
 laudaret, non dixit absolute, Ipse est Elias, sed ait: Et si vultis  
 recipere, ipse est Elias ille qui venturus est. Quod & annotavit Mat. 11  
 Chrysostomus dicens, Non dixit, Hic est profecto Elias, sed, si Chrysost.  
 vultis



vultis suscipere, hic est, Si mēte videlicet attenta vtriusq; gesta, & animo facili non contentioso suscipere volueritis. Neque finem hic fecit: sed vt ostendat quanta solertia opus sit, cum dixisset, Elias, addidit, qui venturus est. Et confestim adiecit, Qui habet aures audiēdi, audiat. Hucusq; Chrysostomus. Et Theophylactus quem nobis idem Oecolampadius latinum dedit, illum Matthæi locum explanans ait: Si vultis (inquit) accipere, hoc est, si sana mente iudicatis, & non inuida, ipse est Elias quē dixit propheta Malachias venturum. Etenim præcursor Elias idem sortiti sunt ministerium, & hic quidem prioris aduentus, Elias autem posterioris præcursor. Hæc Theophylactus. Ecce hic etiam clarè patet non esse opus exponere est per significat, cum Ioannes verè & realiter fuerit nō Elias absolute, sed Elias ille qui erat venturus. Fateor quidem Eliam Ioannem significasse, atque ideo Ioannes verè & realiter fuit non Elias, sed ille quem Elias significauit. De his duobus locis differui, quoniā hi inter alios ab Oecolampadio citatos præcipui sunt, quibus ipse innititur, vt probet hoc verbum est, posse exponi per hoc verbum significat: in quibus satis, vt arbitror, clare ostendimus, nō esse opus tam violenta atque notha expositione. Quod si hoc gratis donare velimus Oecolampadio, vt in his proximè citatis locis ex Matthæo & Paulo, ac aliis pluribus locis opus sit hoc verbum est per significat exponere, nunquid consequens ideo erit necessario in omnibus Christi verbis exponere est, id est significat? Certè vel parum doctus dialecticus videt hanc collectionem esse infirmam, In verbis Pauli cum dicit, Petra erat Christus, exponi debet verbum est per significat: ergo in verbis Christi quum dicit, hoc est corpus meum, verbū etiam est, exponi debet per significat. Nam vt hæc collectio valida esset, oportebat eam iuuare per additionem alicuius vniuersalis enūciationis, huius videlicet, In omnibus Christi dictis, & Pauli, hoc verbum est, exponi debet per verbū significat. Qua vniuersali sublata, nusquam concludes hæc Christi verba esse exponenda per verbum significat, ex hoc quòd illa Pauli verba sic exponenda sunt: imò de quouis alio loco Pauli minime colligetur verbum est ibidem repertum exponi debere per significat, per hoc quòd alibi sic expositum sit, nisi fortè præmiseris vniuersaliter in omnibus illius locis ita fieri oportere. At non credo Oecolampadium adeo insaniisse, vt hanc vniuersalē admittat. Cæterum nec prætereundum censeo quòd Oecolampadius

1. Cor. 10  
Luc. 22

padius eiusq; sequaces asseuerant literas sacras promiscuo populo lingua vulgari tradendas, vt à quolibet sine discrimine legantur. Nam ex hoc loco eorum temeritas conuincitur: præcipue si quædam Oecolampadii verba proxime citata repetamus. Sic enim dixit. Ita sæpe ex minimis verbulis summæ quæstiones emergunt. Hæc ille. Si ex minimis verbulis summæ quæstiones (vt ai) emergunt, qualiter ex opposito tam claras asseris scripturas sacras, vt à populo intelligi valeant? Nunquid homo in literis minime versatus, nec spiritu Dei illustratus (non enim omnes hoc Dei spiritu sunt donati) poterit eas quæstiones dissoluere, quas viri in literis exercitatis minime explicare valeant? Aut forte plebanus homo negociis huius mundi implicitus poterit in his Christi verbis, hoc est corpus meum, deprehendere tropum aliquem, vel figuratam locutionem: quā nullus ex tam ingenti multitudine virorum sanctitate & doctrina clarissimorum, qui à Christo passio vsq; ad hoc tempus fluxerūt, valuit inuenire præter vnum Berégarium, & alterū Oecolampadium? Quod si tam claræ sunt scripturæ sacræ, vt populo legendæ atq; ab eo intelligendæ sine discrimine tradantur, cum tot sancti viri sanctitate perinde ac doctrina clari hūc tropum nusquam in his verbis deprehenderint, certum est ibi nullum esse. Hucusque id solum egimus, vt ostenderemus Oecolampadii argumentationes fuitiles esse & inanes, minimèque efficaces ad suum perniciosum dogma stabiliendum. superest ergo, vt nos melius nostrum propositum confirmemus: quod Deo auctore, qui semper veritati adstat, facile, vt spero, efficiemus: quoniam plurima nobis suffragantur pro hac re testimonia, eaque adeo expressa, vt nulla valeant tergiuersatione celari. E quibus aliqua pauca ego afferam: reliqua vero qui habere voluerit, fontes illi vberrimos ostendam, vnde ad nauseam vsque haurire valeat.

Primo ergo illa verba Christi expressa sunt quibus ait, Hoc Luc. 22  
est corpus meum. Nil certe expressius quicquā dici potuit: nec in re tanti momenti, qualis est ista, credendū est Christū tropo aliquo aut figurata loquutione vsum fuisse, ne ansam errandi hac occasione nobis præberet. Verū quū de hac re iam satis dixerimus, opus est vt ex aliis testimoniis ostendamus nullum ibi esse tropum, verumq; ibi esse corpus Christi. quod natum est de virgine, & pro nobis in cruce pependit, iacuit in sepulchro, ac deinde reuixit, ad cælosq; ascendit. Hoc autem totum,

Ioan. 6

illud Ioannis sextum caput confirmat, in quo sapissime hanc sententiam repetit, vt nulla nobis dubitatio maneret. Ego sum, inquit Christus, panis viuus, qui de cœlo descendi, si quis manducauerit ex hoc pane, viuet in æternum. Et panis quē ego dabo, caro mea est, quā ego dabo pro mundi vita. Ecce hic bis positum hoc verbū dabo, vt semel referas ad donationem in modum cibi, iterum autem referas ad passionem, in qua seipsum morti tradidit pro nostra omnium vita: ac si parum expressius dixisset. Panis quē vobis daturus sum ad comedendū, caro mea est, caro inquā illa quā dabo pro vestra omnium vita. Verum forte vt iam cœpisti, etiam hic interpretaberis verbum est, per significat, vt dicas sic esse intelligendum. Panis quē ego dabo, carnem meam significat, aut figura quēdam est corporis mei. Quod si ad hunc modū etiam hunc locum perueritis, manifeste iam te illis Iudæis Capernaitis annumeras, qui audito illo Christi verbo quod capere non poterant, litigabant adinuicē, dicentes: Quomodo potest hic nobis carnem suā dare ad manducandū? Quapropter oportebit vt verba quæ huic cōtentioni Christus respondit, tibi obiiciamus: Amen amen dico vobis, nisi manducaueritis carnem filii hominis, & biberitis eius sanguinem, non habebitis vitam in vobis. Ecce iam eandem sententiam Christus repetit, ostendens carnem suam vere esse cibum. & quia præiudicē vnū Berengarium & alterum Oecolampadium exposituros hoc verbum est per significat: ne quid tale suspicari merito possent, iam non repetit hoc verbum est, sed ait, nisi manducaueritis carnem filii hominis, & biberitis eius sanguinem, non habebitis vitam in vobis. Ex quibus verbis nihil tale iam potest fingi vt verbum manducare exponatur per significare: nisi forte iterum confugiat exponens carnem per figuram carnis dicens sic debere intelligi, nisi manducaueritis carnem. id est figuram carnis filii hominis &c. Quis non videt hanc esse tam alienam à litera expositionem, vt nulla ex parte illi conuenire valeat? Verum ne quid tale iam fingi possit, manifeste ostendunt verba quæ Christus subnectit dicens, Qui manducat carnem meam, & bibit sanguinem meum, habet vitam æternam, & ego resuscitabo eum in nouissimo die. Caro enim mea vere est cibus, & sanguis meus vere est potus. Ecce iam non dicit solum caro mea est cibus, sed ne vllō pacto exponi valeat est per significat, addidit vere, dicens, Caro mea vere est cibus, & sanguis meus vere est potus. Nihil clarius aut expressius

pressius dici potuit, quàm dicendo, caro mea vere est cibus. Quod si caro Christi in eucharistia tantum est significatiue, & per quandam imaginem, non ergo vere est cibus, sed significatiue aut imaginariè est cibus. Quod bene notabis lector, nam hic locus præ omnibus aliis maxime aduersarium configit, nostrumq; propositum confirmat. Caro, inquit, mea vere est cibus, ac si diceret, non significatiue aut figuratiue, sed vere est cibus. Nam si figuratiue tantum esset cibus, nequaquam vere esset cibus. Nunquam enim imagines aut figuræ dicentur vere esse illa quorum sunt imagines. Quis enim diceret imaginem Dei vere esse Deum? Non credo Oecolampadium hoc dicturum. Si enim hoc diceret, præter alia incommoda contra omnium fidem, hoc esset aduersus Oecolampadium peculiare, imagines scilicet esse tolerandas, cum imago Dei vere sit Deus. Oecolampadius tamen, vt aliàs dicitur, imagines non sustinet. Si ergo imago aut figura non dicitur vere esse id cuius est imago, sed tantum significatiue: qualiter caro Christi, quæ nullo modo (vt Oecolampadius ait) comeditur, dici poterit vere cibus? Si autem dicas eo modo dicit cibum; quo verbum Dei dicitur cibus, vt ibi, Non in solo pane viuunt homo: certum est verbum Dei ibi non dici esse vere cibum, sed per quandam metaphoram, aut similitudinem: vt quemadmodum cibus corporalis in stomachum traiectus, sufficientiq; calore digestus nutrit corpus, vitamque illi confert: sic verbum Dei auditum, memoriamque bene mandatum, calore charitatis sic digestum, vt opere quis compleat quod voce audierat, nutrit animam, vt tamque illi spiritualement confert. Si quis, inquit Christus, sermonem meum seruauerit, mortem non videbit in æternum. Ex his ergo Christi verbis clarissime conuincitur verum Christi corpus in eucharistia sub speciebus panis, & verum sanguinem sub speciebus vini contineri. Verum quia Oecolampadius per quandam rimulam elabi conatur, dicens illud sextum Ioannis caput nullo pacto tendere ad eucharistiam, sed ad manducationem spiritualement carnis, per quam, vt ipse dicit, habemus vitam æternam: oportet vt ostendamus omnem cateruam virorum sanctitate & doctrina clarissimorum, hoc Ioannis caput sextum de eucharistia intellexisse, atque ita exposuisse. Nam in principio huius libri ostendimus sensum sacræ scripturæ ab ecclesia esse petendum. Nam cuius autoritate scripturas has pro diuinis amplectimur, eadem etiam autoritate

Mat. 4

Ioan. 8



oportet illarum scripturarum sensum tenere. Parum quidem refert verba tenere, sensum autem verborum penitus ignorare. Nec difficultas circa sola verba versatur, quorū significationē grammaticus scire potest, sed circa sensum. Et ipsemet Oecolampadius in verbis superius citatis dixit, Nos sensum nō verba querimus. Si ergo magis querendus est sensus quā verba, cum ex ecclesiæ decreto teneamus hanc aut illā esse diuinam scripturam: ex eius etiam decreto oportebit sensum scripturæ quem illa nobis præstiterit, tenere. Ex sensu certe scripturæ fides nostra pendet, non ex nudis verbis. Oportet ergo adire ecclesiam de hac re, & videamus quid nobis decernat.

Theophylactus.

Ioan. 6

Et primum ostendamus sigillatim diuersorum patrum in hac re comunem omnium fuisse sententiam, illud Ioannis caput de eucharistia esse intelligendum. Et primum omnium in acie cōstituo Theophylactum ab eodem Oecolampadio latinitate donatum, is enim exponens illud Ioannis, Panis quē ego dabo, caro mea est, quam ego dabo pro mundi vita: sic ait, Manifeste autem nobis hoc loco de mystica cōmunionē corporis sui dicit. Nam panis (inquit) quem ego dabo, caro mea est, quā ego dabo pro mundi vita. Porro potestatem suā indicans, quod non vt seruus & minor patre crucifigendus sit, sed voluntarie, inquit: Ego dabo carnem meā pro mundi vita. Nam quamuis & a patre dicatur esse traditus, attamen & seipsum tradidisse dicitur. & illud quidem est, vt discamus eius cum patre concordiam: hoc autem, vt liberam voluntatem filii non ignoremus. Attende autem quod panis qui a nobis in mysteriis manducatur, non est tantum figuratio quædam carnis domini, sed ipsa caro domini. Non enim dixit, Panis quem ego dabo, figura est carnis, sed caro mea est. Transformatur enim arcanis verbis panis ille per mysticā benedictionē, & accessionem sancti spiritus, in carnem domini, Et ne quem conturbet quod credendus sit panis caro. Etenim in carne ambulante domino, & ex pane alimoniam admittente, panis ille qui māducabatur, in corpus eius mutabatur, & similis fiebat sanctæ eius carni, & in augmentum & sustentationem cōferebat iuxta humanum morē. Igitur & nunc panis in carnem domini mutatur. Et quomodo, inquit, non apparet nobis caro, sed panis? Vt non abhorreamus ab eius esu. Nam si quidem caro apparuisset, insuauiter affecti essemus erga cōmunionem. Nūc autē condescendēte domino nostræ infirmitati talis apparet nobis mysticus cibus, qualibus alio qui

alioqui assueti sumus. Hucusq; Theophylactus: quē ideo tam  
 prolixè citavi, quòd maxime nostro negotio fauet, atq; omnes  
 Oecolāpadii captiunculas his solū verbis soluit. Beatus etiam  
 Cyrillus, illa quæ sexto Ioannis capite à Christo dicuntur, de  
 hoc mirifico sacramento exponit, vt quilibet ibidē videre po-  
 test. Vt autē hoc lector sine tuo labore videas decreui hic in-  
 sere ea quæ ille libro quarto super Ioannē capite sextodecimo  
 differit, in hunc modū. Cyrillus. Distinguit rursus inter mysti *Cyrillus.*  
 cam benedictionē, & manna, & aquarū fluentia ex lapide, & cali-  
 cis sancti cōmunicationē Iterum eadē repetit, ne magis mānē  
 miraculū admirentur, sed ipsum potius suscipiant, qui cōlestis  
 panis & æternæ vitæ largitor est. Patres enim, inquit, vestri mā-  
 ducauerunt mānā in deserto, & mortui sunt. Hic est panis qui *Ioan. 6*  
 de cōelo descendit, vt aliquis ex ipso comedat, & nō moriatur.  
 Mannæ nāq; alimentum non æternā vitā, sed breue famis re-  
 medium afferebat. Non ergo erat cibus verus, id est panis de  
 cōelo. Sanctum vero Christi corpus ad immortalitatē & vitam  
 æternā nutriens, cibus est. ita inquit. Sed aquā illi ex petra bibe-  
 runt: quid igitur inde lucrati sunt, qui mortui fuerunt? Nō erat  
 igitur potus ille verus, sed verus potus est sanguis Christi, quo  
 radicitus mors euertitur atq; destruitur. Nō enim hominis sim-  
 pliciter sanguis est, sed eius qui naturali vitæ coniunctus, vita  
 affectus est. Propterea corpus & mēbra Christi sumus, quia per  
 hanc benedictionē mysteriū ipsum filiū Dei suscipimus. Hæc  
 Cyrillus. Ex quo manifeste patet de sacramento eucharistiæ  
 interpretari ea quæ de mystico pane Ioannis 6. reponuntur. In  
 quo admonere pium lectore decreui, vt quoties apud Cyrillum  
 de pane loquentem repererit mysticā benedictionē, intelligat  
 hoc admirabile sacramentum. hac etenim voce ille sæpissime *Chrysostomus.*  
 vtitur, cū impræsentiarum, tum etiā alibi sæpe. Chrysostomus  
 etiā hæc verba de hoc præstantissimo sacramento exponit ho-  
 milia quadregesima quinta super Ioannē: vbi ostendit quæ ver-  
 ba huic sacramento cōueniant, quæ autem non. Nā explanans  
 illa verba, Ego sum panis vitæ, sic ait, Iam in mysteriorū tra-  
 ditionē deuenturus est, & primū de diuinitate sua sic disputat.  
 Ego sum panis vitæ. Neq; enim de corpore hoc dictum est, de  
 quo circa finē inquit, Panis quē ego dabo, caro mea est, sed ad-  
 huc de diuinitate. Etenim illa propter Deū verbum panis est,  
 quæ admodū hic panis propter aduenientē ei spiritū panis cōle-  
 stis efficitur. Hæc Chrysostomus, qui clarissime distinguit in-

rer ea verba Christi quæ ad suam diuinitatē, & ea quæ ad corpus eius, vt sub mysteriis velatur, pertinere videtur. Atque sermonem de his mysteriis, hoc est de hoc sacramento (nam hoc ipse appellat mysteria) inchoari docet ab illo loco, Panis quē ego dabo, caro mea est. quod valde notabis lector, quoniā hoc plurimum tibi deseruiet ad obuiādum huiusmodi hæreticorū technis. Beatus Augusti. apertissime omnia illa quæ de carne Christi Ioannis sexto dicuntur, ad hoc eucharistiæ sacramentum refert. Quod vt clarissime lector agnoscas, ex multis quæ tractatu. 26. super Ioannem dicit, hoc vnū afferam. exponens enim illum locum, scilicet, Qui manducat meam carnem, & bibit meum sanguinem, habet vitam æternā: sic ait, Ad vtrunque autem respondet quod ait æternam. Non ita est in hac esca quam sustentandæ huius corporis vitæ causa sumimus. nā qui eam non sumpserit, non viuet: nec tamen qui eam sumpserit, viuet. Fieri enim potest, vt senio vel morbo vel aliquo casu pluri mi & qui eā sumpserint moriantur. In hoc vero cibo & potu, id est corpore & sanguine domini non ita est. Nam & qui eam non sumit, nō habet vitam: & qui eam sumit, habet vitā, & hāc vtique æternam. Hęc August. Vbi explicans dicta verba Christi de eucharistia asserit apertissime ibi esse verū Christi corpus, & verū sanguinem. Sic enim dixit, In hoc vero cibo & potu, id est corpore & sanguine Domini, quo nihil potest expressius dici. Sunt etiam alii plurimi sacri doctores, qui etsi Ioannē in vniuersum nō exposuerunt, tamen inter ea quæ scripserunt aliis locis, partes huius capitis exposuerunt, q̄ proposito quod tūc pertractabant, cōducere videbāt. quæ connumerare nō pigebit, atq; eo maxime quod nō tam faciliē inueniri queant: quæ nos aliud agentes annotauimus huic negotio postmodum applicanda. Cassiodorus in primis exponens illud psalmi, Tu es sacerdos in æternū, sic ait, Cui enim potest veraciter & euidenter aptari, nisi domino saluatori qui corpus & sanguinem suū in panis ac vini erogatione salutariter cōsecrauit? sicut ipse in euangelio dicit, Nisi māducaueritis carnē filii hominis, & biberitis eius sanguinē, nō habebitis vitā æternā. Sed in ista carne ac sanguine nil cruentū, nil corruptibile mens humana cōcipiat: ne sicut dicit apostolus, corpus domini indigne māducat: sed viuificatrice substantiā atq; salutarē, & ipsius verbi propriam factam, per quam peccatorū remissio, & æternæ vitæ dona præstantur, Hęc Cassiodorus, qui manifeste fatetur in eucharistia

Ioan. 6

Cassiodorus.

Psalm. 109

Ioan. 6

I. Cor. 10

sita corpus ac sanguinem contineri, & hoc probat testimonio  
 adducto ex Ioannis sexto, quod viderit huic proposito aptissi-  
 mum. Beatus Gregorius exponens illud Iob 6. Nunquid ru-  
 giet onager cum habuerit herbam? ait; Tunc ergo herbam  
 onager inuenit, cum gentilis populus gratiam diuinæ incar-  
 nationis accepit. Tunc bos vacuum præsepe non habuit, cum  
 plebi Iudaicæ eius carnem expectanti lex exhibuit quem diu  
 expectatum prophetauit. Vnde & natus dominus in præsepe  
 ponitur, vt videlicet signaretur quia sancta animalia quæ ieu-  
 na diu apud legem inuenta sunt, incarnationis eius fœno satia-  
 rentur. Præsepe enim natus impleuit, qui cibum semetipsum  
 mentibus mortalium præbuit, dicens, Qui comedit carnem Ioan. 6  
 meam, & bibit sanguinem meum: in me manet, & ego in eo.  
 Hæc Gregorius. Qui asserēs Deum se dedisse nobis in cibum,  
 affert pro hac re testimonium ex Ioannis 6. Ambrosius lib. 6.  
 de sacramentis cap. 1. Sicut verus est Dei filius dominus noster  
 Iesus Christus, non quemadmodum homines per gratiam, sed  
 quasi filius ex substantia patris: ita vera caro, sicut ipse dixit,  
 quam accipimus, & verus est potus. Sed fortè dicas quod dixe-  
 runt tunc temporis etiam discipuli Christi audientes dicentem,  
 Nisi quis manducauerit carnem meam, & biberit sanguinem  
 meum, non manebit in me, nec habebit vitam æternam. fortè  
 dices, quomodo vera? Qui similitudinem video, non video san-  
 guinis veritatem. Primo omnium dixi tibi de sermone Chri-  
 sti, qui operatur vt possit mutare & conuertere genera instituta  
 naturæ. Deinde vbi non tulerunt sermonem Christi discipuli  
 eius, sed audientes quod carnem suam daret manducare, & san-  
 guinem suum daret bibendum, recedebant. Solutamē Petrus  
 dixit, Verba vitæ æternæ habes, & ego à te quò recedam? Ne igi-  
 tur plures hoc dicerent, veluti quidam esset horror cruoris, sed  
 maneret gratia redemptionis, ideo in similitudinem quidē ac-  
 cipis sacramentum, sed veræ naturæ gratiam virtutemq; con-  
 sequeris. Ego sum ( inquit ) panis viuus qui de cœlo descendi.  
 Sed caro non descendit de cœlo, hoc est carnem in terris assum-  
 psit ex virgine. Quomodo ergo descendit panis è cœlo, & pa-  
 nis viuus? Quia idem dominus noster Iesus Christus consors  
 est diuinitatis & corporis. Et tu qui accipis panem diuinæ eius  
 substantiæ, in illo participas alimento. Hucusq; Ambrosius.  
 Vbi aduerte lector quam clare asserat nos manducare carnem  
 Christi, & qualiter verba quæ habentur Ioannis 6. exponat de



vera Christi carne, quam dicit nos sub panis specie māducare.

*Hilarius.* Hilarius octauo libro de trinitate sic ait, Non est humano aut seculi sensu in Dei rebus loquendum, neque per violentam atque impudentem prædicationem cœlestium dictorum sanitati, alienæ atque impiæ intelligentiæ extorquenda peruersitas est. Quæ scripta sunt, legamus, & quæ legerimus, intelligamus, & tunc perfectæ fidei fungemur officio. De naturali enim Christi in nobis veritate quæ discimus, nisi ab eo discimus, stultè atque impiè discimus. Ipse enim ait: Caro mea verè est esca, & sanguis meus verè est potus. qui edit carnem meam, & bibit sanguinē meū, in me manet, & ego in eo. De veritate carnis & sanguinis nō est relictus ambigendi locus: nunc enim & ipsius Domini professione, & fide nostra verè caro est, & verè sanguis est. Et hæc accepta atque hausta hæc efficiunt, vt nos in Christo, & Christus in nobis sit. Hæc Hilar. in quibus apertissimè ostendit nos manducare veram Christi carnem: & bibere verū eius sanguinem, adducto pro hac re testimonio quod putauit conueniens ex Ioannis 6. cap. Cyprianus in expositione orationis dominicæ sic ait: Hunc autem panem dari nobis quotidie postulamus, ne qui in Christo sumus, & eucharistiam quotidie ad cibum salutis accipimus, intercedente aliquo grauiore delicto, dum abstinenti & non communicantes à cœlesti pane prohibemur, à Christi corpore separemur, ipso prædicante & monente,

*Iohan. 6.* Ego sum panis vitæ, qui de cœlo descendi. Si quis ederit ex hoc pane, viuet in æternum. Panem autem quem ego dederō, caro mea est pro sæculi vita. Quando ergo dicit, in æternum viuere si quis ederit de eius pane, vt manifestum est eos viuere qui corpus eius attingunt, & eucharistiam iure communicationis accipiunt, ita contrā timendum est & orandum, ne dum qui abstētus separatur à Christi corpore, procul remaneat à salute, comminante ipso & dicēte, Nisi ederitis carnem filij hominis, & biberitis eius sanguinem, non habebitis vitā in vobis. Et ideo panem nostrum, id est Christum dari nobis quotidie petimus, vt qui in Christo manemus & viuimus, à sanctificatione & corpore eius non recedamus. Hæc Cyprianus. Vides hic lector, qualiter Cyprianus asserit eum qui ab eucharistiæ communione separatus est, esse etiam separatū à corpore Christi, atque ideo à salute, cui aptat testimonium ex Ioannis 6. nempe illud, Nisi ederitis carnem filij hominis &c. Et in lib. primo aduersus Iudæos eandem sententiam confirmat per testimonia ex illo loco

loco Ioannis adducta. Demum Origenes homilia 7. super librum Numerorum, sic dicit: Et quæ prius ænigmate designabantur, nunc in specie & veritate complentur. Et ideo ille qui species figurarum & ænigmatum disquirebat, dicit: Scimus autem quoniam patres nostri omnes sub nube fuerunt, & omnes in Moyse baptizati sunt, in nube, & in mari. Et omnes eandem escam spiritualement manducauerunt. Et omnes eundem potum spiritualement biberunt. Bibebant autem de spiritali consequenti eos petra. Petra autem erat Christus. Vides quomodo ænigmata legis Paulus absoluit, & species ænigmatum docet, & dicit quia petra in ænigmate erat apud Moysen antequam iungeretur huic nostræ ætiopissæ. Nunc in specie petra Christus est. Nunc enim os ad os loquitur per legem Deus. Antea in ænigmate fuit baptismus in nube, & in mari: nunc autem in specie regeneratio est in aqua & in spiritu sancto. Tunc in ænigmate erat manna cibus: nunc autem in specie caro verbi Dei est verus cibus: sicut ipse dicit, quia caro mea verè est cibus, & sanguis meus verè est potus Hucusque Origenes. Ex quo multa nobis suffragantur. nam cum disserat de his, quæ prius in figura habebantur, & nunc in veritate habentur, tria adducit exempla, quorum vnum est manna, qui cibus Iudæis fuerat, sed in figura figurabat nanque Eucharistiam, in qua nos Christi carne pascimur in veritate & non figura, ut Oecolampadius ait. pro qua re confirmanda, ut vides lector, Origenes citauit testimonium ex Ioan. 6. capite, quod huic proposito vidit esse commodissimum. Patet ergo ex tot virorum clarissimorum testimonio, ea quæ de pane & carne & sanguine Christi Ioan. 6. dicuntur, ad eucharistiæ sacramentum esse referenda. Verum ut hominem auctorum testimonio obruamus, ostendamusque; velut hæreticum ab ecclesiæ vnitatem diuisum: alia insuper producam illustrium virorum testimonia, qui manifestè probant in hoc præstantissimo sacramento verum Christi corpus & sanguinem sub speciebus panis & vini contineri. Leo primus sanctitate perinde ac doctrina clarus, in epistola ad Constantinopolitanos ita scribit, In ecclesia Dei omnium ore tam consonum est, ut nec ab infantium linguis veritas corporis & sanguinis Christi inter communis sacramenta fidei taceatur, quia in illa mystica distributione spiritalis alimonie hoc impartitur, ut accipientes virtutem cœlestis cibi, in carnem ipsius, qui caro nostra factus est, transeamus. Hæc Leo. Iuuenius etiam presbyter Hieronymo

antiquior, carmine hexametro euāgelicā historiā describēs ait:

Hæc ubi dicta dedit, palmis sibi frangere panem:

Diuisumq; dehinc tradit: sanctumq; precatus

Discipulos docuit, proprium se tradere corpus.

Hinc calicem sumit Dominus, vinóque repletum

Sanctificat gratis verbis, potumque ministrat,

Edocuitque suum se diuisisse cruorem:

Atque ait, hic sanguis populi delicta remittet.

Hunc potate meum: iam veris credite dictis.

*Arnobius.* Arnobius super psal. 110. sic ait: Confessio trinitatis, & magnificētia deitatis, opus eius: iustitia eius immutabilis perseuerat in secula seculorum, in qua iustitia memoriam fecit mirabilium suorum dicens, Hæc quotiescunque feceritis, in mei memoriā facietis. Quando hoc dixit misericors & miserator Dominus? Tunc sine dubio, quando escam dedit corporis sui timentibus se. Et hoc testamentum memor erit Dominus in æternum, per quod virtutem operum suorum annunciauit populo suo. Hæc

*Irenæus.* Vides lector qualiter Arnobius asserat Dominū dedisse nobis escam corporis sui. Irenæus in lib. 5. aduersus hæreses hanc etiam fatetur fidem dicens, Quando & mixtus calix, & fractus panis præcipit verbum Dei, sit eucharistia sanguinis & corporis Christi, ex quibus augetur & cōsistit nostrę carnis substantia. Quomodo negant carnē capacem esse donationis Dei, qui est vita æterna, quæ & sanguine & corpore Christi nutritur, & membrum eius sit, quemadmodum apostolus ait in ea quæ est ad Ephesios epistola, Quoniam membra sumus corporis eius, de carne eius, & de ossibus eius? Non de spiritali aliquo & inuisibili homine differens hæc (Spiritus enim neque carnem neque ossa habet) sed de ea dispositione quæ est secundum hominem quæ ex carnibus & nervis consistit, quæ de calice qui est sanguis eius nutritur, & de pane qui est corpus eius augetur. Hæc Irenæus: quem Tritemius in libro de ecclesiasticis scriptoribus martyrem fuisse docet, eumq; discipulum fuisse Policarpi martyris testatur Hieronymus, qui & eundem Polycarpum martyrem asserit fuisse discipulū Ioannis Euangelistæ: ex quo patet hunc Irenæum ab apostolo Christi fuisse edoctum mediante Polycarpo. Quæ idcirco dixi, quod efficacius sit eius testimonium. Ignatius demum discipulus, ut credo, Christi, coæuus saltem apostolis, in quadam ad Romanos epistola sic ait: Panem Dei voco panem cœlestem, panem vitæ, qui est caro Iesu Christi

Christi filij Dei viui, qui natus est in nouissimo ex femine Dauid & Abraham. Et potū voco sanguinē eius, qui est dilectio incorruptibilis, & vita æterna. Hęc Ignatius beatissimus martyr. Plurimos alios authores, eosque illustres, quorum testimonia etiam nobis suffragari possent, prudens omisi, ne onerarem lectorem, & ne breuitatis (quam in principio operis promisi) videar oblitus. ea tamen in posterum aduersus alios errores de eucharistia afferemus: quę cum legeris, rogo lector attendas plurima ex illis huic seruire proposito. Hęc certē taliū virorū testimonia, etiam si locus scripturę deesset, sufficere deberent ad quancunque fidem confirmandam, etiam si centum Oecolampadij repugnarent. Verū cum tot illustres viri Oecolampadio repugnent, qualiter non veretur aduersus tot clarissimos viros, imò aduersus totā ecclesiā collū exerere? Certē in causā est id quod Cyrillus dicit de Iudæis litigantibus, ac dicentibus, Quo- *Cyrillus.* modo potest hic nobiscarnem suam dare ad manducandu? Sic enim ait Cyrillus: De Deo non sine magna impietate conclamant, nec in mentem venit nihil esse impossibile apud Deum. Nam cum animales essent (vt ait Paulus) spiritalia intelligere non poterant, sed fatuitas quædam tam magnum sibi videtur mysterium. Hęc Cyrillus. Ita ergo, vt patet, Oecolampadio fatuitas quædam tam magnificum videtur mysterium, nec intelligit quid intus lateat, nec considerat nihil esse impossibile apud Deum. Quare autem non intelligit, in aperto est: quia teste Paulo, animalis homo non percipit ea quę Dei sunt. *I. Cor. 2.* At quis magis animalis quam Oecolampadius, cuius manifesta sunt opera carnis? Nam cum monachus esset ordinis sanctę Brigittę, reiecta continentia quam in monachatu vouerat, vxorem duxit: cum tamen ea esset ætate, qua si in seculo liber maneret, vxore abstinere debuisset, Sarrā imitatus, quę dixit, Con- *Gen. 18* senui, & quomodo voluptati operam dabo? Verum hic fortē ex *Dan. 13* senibus illis erat qui exarserunt in concupiscentiam Susannę. Cæterum vt rem penitus absoluamus, superest vt concilia quę in huius rei confirmationem celebrata sunt, afferamus. Primo tertia synodus ex his quatuor quas beatus Gregorius fatetur se venerari tanquam quatuor euangelia, quę quidem synodus Ephesina prima est ducentorum episcoporum numero, in quo *Cōcilium* præsedit summi pontificis vicem gerens Cyrillus Alexan- *Ephesinū.* drinus episcopus. In epistola quadam à toto concilio missa Nestorio hæretico, Constantinopolitano episcopo, de cuius dogmate



dogmate agebatur, qui dicebat duas esse in Christo personas, aliam Dei, aliam hominis, sicut aliàs iam de hoc differuimus, ita dicitur: Sic etiam ad mysticas benedictiones accedimus, & sanctificamur participes sancti corporis & preciosi sanguinis Christi omnium nostrum redemptoris effecti, non ut communem carnem percipientes (quod absit) neque ut viri sanctificati, & verbo coniuncti secundum dignitatis unitatem, aut sicut diuinam possidentis habitationem, sed verè viuificatricem, & ipsius verbi propriam factam. vita enim naturaliter ut Deus existens, quia propriè carne vnitus est, viuificatricem eam esse professus est: & ideo quauis dicat ad nos, Amen amen dico vobis, nisi manducaueritis carnem filij hominis, & biberitis eius sanguinem: non tamen eam ut hominis vnus ex nobis existimare debemus. Quomodo enim iuxta naturam suam viuificatrix esse caro poterit hominis? sed ut verè propriam eius factam qui propter nos filius hominis est factus & vocatus. Hæc Concilium. Per quod decretum omnes hæretici negâtes veram Christi carnem verumque sanguinem in eucharistia contineri, qualitercunque id negent, hic apertè reiiciuntur. Verum quum hoc viderit Oecolampadius, perpendens quantè arrogantia sit faciem toti concilio opponere, ad hoc confugit, ut dicat illud non esse ex actis in concilio, sed esse in epistola à Cyrillo ad Nestorium directâ. Hoc autem manifestè conuincitur falsitatis ex titulo eiusdem epistolæ. Sic enim inscriptio epistolæ habet: Religioso & Deo amabili confacerdoti Nestorio Cyrillus, & quicumque sunt apud Ephesi synodum. Ex ista epistolæ inscriptione apertè colligitur epistolam à toto concilio esse ad Nestorium mandatam: quo fit ut quæ in ea continentur, velut acta concilij esse recipienda. Post aliquot deinde annorum centurias Leo nonus, ut diximus, celebrauit concilium Vercellis, in quo hoc impium Berengarij dogma damnatū est. Deinde sub Victore secundo aliud concilium Turonis celebratum est præsidente Ildebrando Romanæ ecclesiæ diacono Cardinali: in quo iterum Berengarij dogma sicut à toto concilio, ita & ab ipso Berengario reiectum est. Demum sub Nicolao secundo concilium Romanum centum xiiij. episcoporum coactum est hac de causa, & Berengarium ad vomitum rediisse compertū est, in quo iterum Berengarius concilij decretum suscipiens, suo dogmati renunciauit. Quorum conciliorum acta incuria scriptorum non habemus. Nam in eo volumine conciliorum quod

Parisijs

Parisiis impressum est, à quinta synodo Constantinopolitana  
 vsque ad concilium Constantiense nullum aliud conciliū in-  
 terponitur: in quo interiecto temporis spatio cōstat multa con-  
 cilia celebrata fuisse, eaque non parui momenti. Itaque ex illo  
 Vercellensi, Turonensi, ac Romano conciliis, nihil aliud repe-  
 rio præter abiurationem, quæ à concilio Romano oblata est  
 Berengario, vt eam coram toto illo conuentu legeret, ac ita es-  
 se fateretur. Quæ quidem abiuratio ponitur in volumine de-  
 cretorum de consecra. distin. 2. cap. Ego Berengarius. Demum *Concilium*  
 post hæc omnia Concilium Constantiense recensens errores *Constan-*  
 Ioannis Vuitcleff, tertio loco istum collocat his verbis, Chri- *tienſe.*  
 stus non est in eodem sacramento identice & realiter in pro-  
 pria præsentia corporali quem errorem cum aliis omnibus  
 eiusdem authoris vna super omnes lata sententia damnat. Con-  
 tra hanc impiam hæresim olim cum eam primus Berengarius  
 tutaretur, scripsit primus Lanfrancus Cantuariensis archiepi-  
 scopus. Post eum Guidmundus ex monacho Auerlanus episco-  
 pus. Eodem tempore Algerius, ex scholastico monachus Cor-  
 biensis in Saxonia. Scripsit etiā aduersus eum teste Ioanne Tri-  
 temio quidam Adelmanus, ex clerico Leodiensi episcopus Bri-  
 xiensis, qui eiusdem Berengarij condiscipulus fuerat. Scripsit  
 etiam aduersus eundem Hildebertus quidam episcopus Ceno-  
 manensis, ac postea archiepiscopus Turonēsis, vt testatur idem  
 Tritermius in lib. de ecclesiasticis scriptoribus. Hos duos vlti-  
 mos fateor me non vidisse, aliorum tamen opera legi. Post  
 istos omnes hoc nostro tempore contra Oecolampadium scri-  
 psit omnibus istis longè diffusius atque acutius Ioannes Ros-  
 sensis episcopus, vir non minus vita quàm doctrina clarus, qui  
 illis antiquis scriptoribus meritò cōparari valet. Quòd si mul-  
 tos tales episcopos ecclesia in sui regimen retineret, qualis ille  
 est, non sic labentem ploraremus, vt nunc (proh dolor) inge-  
 miscimus. Si omnia ad vnguem quæ ad hoc negotium spectāt,  
 habere vis, lege viri huius ad finem vsq; librum. Spero Deo au-  
 thore si dubius accesseris, cōfirmaberis, & omni scrupulo sub-  
 lato discedes in firmissima fidei petra fundatus. Scripsit etiam  
 aduersus eundem Oecolampadium Iodocus Clichthouæus.  
 alios non vidi, quanuis plures alios scripsisse audiam.

Quinto de hac re orta est hæresis, quæ asserit in eucharistia  
 post factam consecrationem manere eundem panem qui ante  
 consecrationem ibidem erat. Sed hæc hæresis in duas factiones  
 est scissa.

est scissa. Quidam enim dixerunt panem simul esse cum eucharistia, nec amplius insanierunt. Horum dux fuit Ioannes Vuitcleff, cuius iam sæpe fecimus mentionem. Alij verò insaniam augentes sic affirmant panem ibidem esse, quod asserūt panem esse corpus Christi. Hoc autem recens est inuentum, nempe à *Luthe.* Martino Luthero prodiens, qui ait has esse veras: panis est corpus Christi: vinum est sanguis Christi. Inter hos duos. f. Vuitcleff & Lutherum, de hoc conuenit, quod vterque fatetur post consecrationem superstitem esse panem: moti hac ratione, & sæpe in nouo instrumento appellatur hoc sacramentum panis, vt in actis Apostolorum dicitur, Vna autem sabbati cum conuenissemus ad frangendum panem, Paulus disputabat cum eis, profecturus in crastinum. Et in prima ad Corinth. epist. Panis quē frangimus, nōne participatio corporis domini est? Quoniam vnus panis & vnū corpus multi sumus. omnes qui de vno pane & de vno calice participamus. Et rursus in eadem epist. *Act. 20* Quotiescunque enim manducabitis panem hunc, & calicem bibetis, mortem domini annunciabitis, donec veniat. De hoc autem inter istos est dissidium, quod Vuitcleff non admittit panem illum qui ante consecrationem erat, dici posse corpus Christi, Lutherus autem illud concedit, asserens has esse veras, panis est corpus Christi, vinum est sanguis Christi: motus hac ratione, quæ illi est adeo efficax, vt nullus sit qui illi possit ob stare. Verba (inquit) diuina accipienda sunt iuxta grammaticæ nudam intelligentiam: ita vt nō liceat ei per angelum nedum per hominem vim vllam fieri, ne detur occasio aduersariis scripturas eludendi. At vis (vt ait) sit verbis diuinis, si quod Christus dicit panem, hoc nos dicamus intelligi panis accidentia: & quod ille vinum vocat, hoc nos dicamus esse tantum vini speciem. Omnibus ergo modis verus panis (ait) ac verum vinum superest in altari, ne verbis Christi fiat vis, si species sumatur pro substantia. Nullam enim transsubstantiationis (inquit) euangelistæ fecere mentionem. Sed hoc recens quoddam inuentum est, nempe trecentenarium (vt ait) nec eo amplius. Sic ergo dicit Lutherus esse verba consecrationis intelligenda: Hoc, id est hic panis, est corpus meum. Hic, id est hoc vinum, est sanguis meus. Ecce quibus præstigiis confidit Lutherus seducere tot sapientes viros quot sunt in ecclesia? Credit fortē omnes nos infantes esse adhuc in cunabulis, vt similibus nāniis decantatis valeat nos dementare. Contra hos omnes vno eodēque gladio

dio pugnandum est. nam quum ostenderimus facta consecra-  
 tione nullum panem manere, simul etiam patebit hanc enun-  
 ciationem, scilicet panis est corpus Christi, nullo pacto esse ve-  
 ram. Primum ergo ostendamus hanc Lutheri interpretationem  
 esse à litera remotissimam: quod vel ex eo constare manifeste  
 potest, quod articulus hoc, vel pronomen demonstratiuum cū  
 sit neutri generis, nullo modo potest referri ad panem, quod  
 panis masculini sit generis. Fortè dices ibi substantiue posi-  
 tum, quemadmodum adiectiuum in neutro genere ex gram-  
 maticorum regula in substantiui locum subrogare liceat: at-  
 que ita dices hunc esse sensum: Hoc, id est hæc res (pane demon-  
 strato) est corpus meum. Veniamus iam ad verba calicis, in  
 quibus nullum tale reperire poteris subterfugium. Sic enim di-  
 citur ibi, Hic est sanguis meus. Vides qualiter articulus vel pro-  
 nomen demonstratiuum ibidem positum est masculini gene-  
 ris, cum autem vinum neutri generis sit, qui sit vt pronomen  
 hic, possit demonstrare vinum. Si enim dixisset, hoc est san-  
 guis meus, ansam præbuisset opinandi vinum ibidem mane-  
 re. At cum dicat, hic est sanguis meus, quis non videt articulum  
 masculini generis nullo pacto ad vinum posse referri, quod  
 neutro genere nominatur? Hæccine est grammatica Luthere,  
 iuxta quam ais verba Dei esse nudè interpretanda? Adeò enim  
 nuda est hæc interpretatio, vt literam à suo vero sensu pror-  
 sus denudet, nihilque apud literam de vero eius sensu relin-  
 quat? Quòd si ad Græcam linguam ceu fontem noui instru-  
 menti nos reuoces, credens fortè hanc collectionem minimè  
 valere, deciperis. Nam pronomen demonstratiuum quod græ-  
 cè ponitur, vtrobique neutrum est. Verba nanque quibus cor-  
 pus consecratur, sic habent, τοῦτό ἐστι τὸ σῶμα μου. Verba autem  
 quibus consecratur sanguis, sic habent, τοῦτο γὰρ ἐστι τὸ αἷμα  
 μου. Vides iam vtrobique pronomen positū neutrum esse, nèpe  
 τοῦτο. Nomen autè græcè significās corpus, scilicet τὸ σῶμα, &  
 nomen significās sanguinē. ἢ τ. αἷμα, vtrobique neutrum est. Ex quo  
 patet vtrobique pronomen demonstratiuum sequenti nomini esse  
 aptandū, nullo modo autè ad præcedēs referendū: quia cū no-  
 men ibi pro pane positū sit ἄρτος, quod constat esse masculini  
 generis, cōuincitur pronomen neutri generis ad panem minimè  
 referri posse. Vinum autè græcè dicitur ὄινος, quod constat esse  
 etiam masculini generis. Colligimus ergo Christi verba nul-  
 lo pacto fauere Luthero, imò potius illi omnino repugnare.

Nullò



Nullo etenim modo expressius potuisset dicere nihil illic re-  
 manere panis, quā cū dixit, Hoc est corpus meum. Nō enim  
 dixit, hic, id est in hoc loco, est corpus meum : aut cū hoc quod  
 videtis, est corpus meum, tanquam in pane aut simul cum pa-  
 ne consisteret: sed hoc est (inquit) corpus meum, nimirum de-  
 clarans manifestè (vt hæreticorum ora obstrueret) hoc totum  
 quod porrigebat, ipsius corpus esse. Cæterum quò res sit aper-  
 tior, & tergiuersandi nullus pateat locus, euangelistarum verba  
 referamus. *Mat. 27* Matthæus enim sic ait, Cœnantibus autem eis, acce-  
 pit Iesus panem, & benedixit ac fregit, deditque discipulis suis,  
 & ait: Accipite & comedite, hoc est corpus meum. Et accipiens  
 calicem, gratias egit, & dedit illis dicens, Bibite ex hoc omnes.  
*Mar. 14* Hic est enim sanguis meus noui testamenti, qui pro multis ef-  
 fundetur in remissionem peccatorum. Marcus verò sic narrat,  
 Et manducantibus illis, accepit Iesus panem, & benedicens fre-  
 git & dedit eis: & ait illis, Sumite, hoc est corpus meum. Et acce-  
 pto calice gratias agens dedit eis, & biberunt ex illo omnes. Et  
 ait illis, Hic est sanguis meus noui testamenti, qui pro multis ef-  
 fundetur. *Luc. 22* Lucæ autem verba sunt ista: Et accepto pane gratias  
 egit & fregit & dedit eis dicens, Hoc est corpus meū, quod pro  
 vobis datur. Hoc facite in meam commemorationem. Simili-  
 ter & calicem postquam cœnauit, dicens, Hic est calix, nouum  
 testamentum in sanguine meo, qui pro vobis fundetur. Ex om-  
 nibus his euangelistarum verbis patet nullum esse locū in quo  
 post factam consecrationem sacramentum vocetur panis aut  
 vinum, sed tantū corpus aut sanguis. Si enim Christus in pa-  
 ne suscepto nullam fecisset mutationem, eumq; vt susceperat,  
 minimè variatū discipulis porrexisset, dici meritò posset me-  
 rum panem dedisse discipulis. Verū cū priusquam discipulis  
 manducandum porrigeret, panem conuerterit in carnem: ne-  
 quaquam dici potest eum panem quem in manus susceperat,  
 discipulis tribuisse, sed corpus suum in quod cōuerterat. At Lu-  
 therus obstat sic dicens, Euangelistæ referunt Christum in ma-  
 nus sumpsisse panem. Et nos etiam hoc ipsum fatemur. Verū  
 cū recipiunt apostoli, iam non audis panē nominari, sed cor-  
 pus: nec vinum, sed sanguinem. Quòd autem aiunt Lutherus  
 & eius imitatores, hoc mirabile sacramentum vocari panem,  
 atque inde colligunt aut panem ibi esse, aut ipsum panem esse  
 corpus Christi, non rectè colligunt. Id enim solenne est sacris  
 scripturis, vt panē appellēt quod comedi quouis modo potest:  
 quia

quia ut dicit Ecclesiasticus, Initium vitæ hominis aqua & panis. Hoc modo manna dictus est panis, ut apud Prophetam, Panem cæli dedit eis, omne delectamentum in se habentem. Ecce panem vocat scriptura quem alias dixit esse velut semen coriandri. hoc etiã modo filius Dei secundum diuinitatis substantiam dictus est panis, quod spiritualiter manducatus mentem intus reiciat. Sic enim dicit ipse, Ego sum panis vitæ, qui de cælo descendi. Quæ verba (ut supra admonuimus) minimè ad corpus referenda sunt, sed ad diuinitatis substantiam, quod hæc de cælo descenderit, non autem corpus. Simili modo nos fatemur Christi corpus panem dici generali ista appellatione, quia videlicet specie panis opertum à nobis manducatur in spiritua-lem interioris hominis refectionem. Possumus etiam aliã huius appellationis rationem reddere, nec omnino ineptam, quinimo cõformem cõmuni vsui loquentium, & ipsis etiam scripturis sacris. Vtitatissimus siquidem est loquendi modus, ut re eo nomine appellemus, quo res ex qua genita est, vocabatur. Si enim alicui dedisses vinũ, quod ille postmodũ artificio aliquo aut operante natura vertisset in acetum, quod ille iterũ ad comedendum aliquam aliam rem tibi porrigeret, diceret tibi, nec improprie, ecce tuũ vinum quod largitus es mihi: nimirum hac locutione designans acetum illud ex vino donato fuisse genitum, aut vinũ in acetum fuisse versum, quapropter factum est ut nomine vini gaudeat nunc etiã acetum, quia ex illius materia genitũ est: cũ tamen vere & iuxta nominis propriã significationẽ acetũ nõ possit dici vinum. q̃ res sint specie substantiaq; differenter. Nec ab hoc modo loquendi abhorrent sacra literę. Vide quid dicatur in Exodo. Tulitq; Aaron virgam corã Pharaone & seruis eius, quæ versa est in colubrum. Vocauit autem Pharaon sapientes & maleficos, & fecerunt etiã ipsi per incantationes Aegyptiacas & arcana quædã similiter: proieceruntque singuli virgas suas, quæ versæ sunt in dracones: sed deuorauit virga Aaron virgas eorũ. Ecce iam vides virgã Aaron versam in colubrum, atq; post eam versionem iterum vocari virgam, cum nihil minus sit quã virga. nam & deuorat aliorum virgas, quod virgæ minimè conuenit. Virga tamen post eam versionẽ vocatur, quod ex illa materia à Deo factus sit coluber ille. Ad hũc modum etiam in sacratissima eucharistia, cum panis vertatur in corpus Christi, sit inde ut corpus in quod vertitur, eodẽ nomine vocetur quo panis commutatus in corpus vocabatur,

*Concilium  
Constantien-  
se.*

non quòd panis sit, sed quia panis loco subrogatus, atque ideo præteriti panis nomen conseruat. Sed circa hoc non erat opus tot argumentis, cum ecclesia huic litæ iam finem imposuerit. Verùm hoc fecimus, vt hæreticorum cauillis responderemus, ostenderemusq; rationem de ea quæ in nobis est fide. Concilium Constantiense sessione octaua enumerans 45. errores Ioannis Vuitcleff, huc primo loco collocat, sub his verbis, Substantia panis materialis, & similiter substantia vini materialis, manent sine subiecto in eodem sacramento altaris, quem errorem cum aliis 44. vna super omnes lata sententia concilium dānat. Verùm etū hoc sufficienter ostendat panem non manere, non tamen ostendit panē transsubstantiari in corpus Christi, quod Lutherus negat, irridetq; , dicens hanc transsubstantiationem esse recens inuentam, nec vetustiore quàm trecentenariā. Si de vocabulo solo est dissidium, indigna prorsus res est vt pro ea digladiemur, inodò cōueniat inter nos de re. Res autem est, panem non manere post consecrationem, ipsumq; conuerti in corpus Christi, siue autem illam versionem appeller transsubstantiationem, siue transmutationem, siue conuersionem, non multum curabo, dummodo fateatur panem non manere post consecrationem, illumque verti in corpus Christi, Horum primum iam ostendimus cū ex aliis, tum ex concilii Constantiensis definitione. Alterum ostendere superest, panem scilicet verti in corpus Christi, idque non esse recens theologorum scholasticorum inuentum, nempe trecentenarium, vt Lutherus ait. Pro qua re plurima sanctorum patrum citabo testimonia: quæ omnia, si bene cōsideres lector, videbis etiā aduersus prædictā Berengarii & Oecolāpadii hæresim manifeste pugnare. Primū omnium Theophylactum illi oppono, quē nec scholasticum neque trecentenarium dicere poterit. Is enim exponens illud Ioānis, Panis quem ego dabo, caro mea est, sic ait, Attende autem quòd panis qui a nobis in mysteriis manducatur, non est tantum figuratio quædam carnis domini, sed ipsa caro domini. Non enim dixit, Panis quem ego dabo, figura est carnis, sed caro mea est. Transformatur enim arcanis verbis panis ille per mysticam benedictionē, & accensionem sancti spiritus, in carnem domini. Et neminem cōturbet quòd credendus sit panis caro. Etenim & in carne ambulāte domino, & ex pane alimoniam admittente, panis ille qui manducabatur, in corpus eius mutabatur, & similis fiebat sanctæ eius carni, & in augmentum & susten-

*Ioan. 6.*

sustentationem conferebat, iuxta humanum morem. Igitur & nunc panis in carnem domini mutatur. Hæc Theophylactus. Quibus verbis nihil potest apertius dici. nā dixit panem transformari in carnem, & iterum mutari in carnem: vocans nempe transformationē, quod recentiores theologi dixerunt trāssubstantiationem. Quod autē dixit quòd credendus sit panis caro, eodem modo dixit quo superius exposuimus, quia scilicet panis vertitur in carnem, cōseruato scilicet in re postera, rei præcedentis vocabulo. Damascenus etiam lib. 4. de fide orthodoxa ca. 14. hanc eandē sententiam quāuis aliis verbis dicit, sic enim ait, Corpus enim secundum veritatem coniunctum est diuinitati, quod ex sancta virgine corpus est, nō quòd ipsum corpus assumptum ex cœlo descēderit, sed quòd ipse panis & vinum transmutatur in corpus & sanguinē Dei. Si autē modū requiris quo nam pacto sit, facit tibi audire, quoniā per spiritum sanctum, quēadmodum ex sancta deipara seipso & in seipso dominus carnē sustentauit. Et nihil amplius cognoscimus, quā quòd verbū Dei verum est & efficax & omnipotēs, modus autē inscrutabilis. Neq; est hoc etiā dictu promptū, quomodo naturaliter per comestionē panis, & vinū & aqua per potionem in corpus & sanguinē comedētis & bibentis trāsmutatur, & non sit aliud corpus præter id quod prius erat ipsius. Sic & propositionis panis vinūq; & aqua per inuocationē & aduentū spiritus sancti supernaturaliter transmutatur in corpus & sanguinem Christi, & nō sunt duo, sed vnū & idem. Hucusq; Damascenus. Vides hic ter nominatā trāsmutationē panis in corpus, & vini in sanguinē. Quòd autem ad finē dixit, Et nō sunt duo, sed vnū & idem, vt nō referre posses ad panē & corpus, quòd illa scilicet non sunt duo, sed vnū & idē, vt nil tale intelligas: superius dicta manifestant. Superius nāque dixerat corpus quod ex alimento nutritur, & in quod alimentū conuertitur, nō esse aliud corpus præter id quod prius erat ipsius ante comestionem. Sic etiā panis in eucharistia nō aliud corpus Christi cōuertitur, quā in id quod ante consecrationē prius habebat, vt scilicet nō sint duo corpora, vnum quod ante consecrationem, aliud in quod facta consecratione panis transmutatur. Hunc autē Damascenum nō potest Lutherus dicere recentem, nisi forte talē se credit Lutherus, vt illi mille anni sint tanquam dies hesternæ quæ præterit: quoniā hic, teste Ioanne Tritemio, fuit tēporibus deuotissimi imperatoris Theodosii senioris, à quo ad nostrū hoc



*Greg.* tempus mille cētum anni & eo amplius elapsi sunt. *Gregorius Nisse,* etiam Nissenus frater Basilii magni, in libro de mystica vita Moyſi, exponēs rationem illius cibi mannæ in deserto dati patribus, sub cuius figura de eucharistia disſerit, sic ait, Is igitur mirabilis sine agricultura panis, varietate qualitatis ad ſulcipientium habitudinem, virtutem suam cōmutat. Nam cum sit panis, ignorat labefieri: sic in carnem vertitur: noluit olus imitari. quicquid denique aſſumentī conueniens & expetitum sit, vt *Apoſtolus* vult, qui hāc nobis mensam preparauit, in id cōmutatur. Hāc ille: quibus verbis ſemel atq; iterum dicit panē verti in carnem. Neque hunc reiicere merito valebit *Lutherus* hac occasione quōd trecentenarius sit. Nam pluſquā millenarius hic eſt. *Beatus Cyprianus* *Gregorio* pluſquā cētum annis vetuſtior sic ait, Panis iſte quem dominus diſcipulis porrigebat, non eſt effigie ſed natura mutatus, omnipotentia verbi factus eſt caro: & ſicut in perſona Chriſti humanitas videbatur, & latebat diuinitas, ita ſacramento viſibili ineffabiliter diuina ſe inſudit eſſentia. Hęc *Cyprianus*, vbi audis panē verbi omnipotentia mutatum in carnem. Et *Irenæus* apoſtolorum temporibus vicinus, libro 5. aduerſus hæreſes sic ait, Quando ergo & mixtus calix, & fractus panis percipit verbum Dei, ſit eucharistia ſanguinis & corporis Chriſti, ex quibus augetur & conſiſtit noſtræ ſalutis ſubſtantia: quomodo negant carnem capace eſſe donationis Dei, qui eſt vita æterna, quæ & ſanguine & corpore Chriſti nutritur, & membrum eius ſit? Hęc *Irenæus*. In quibus verbis aduertere oportet quōd dicit panem & vinū fieri eucharistiā corpori & ſanguinis. ſi ergo panis ſit corpus, oportet vt in hac effectiōne non maneat panis. Cum enim ex aliqua ſubſtantia ſit alia, nuſquam præterita manet. Hęc ergo teſtimonia ſufficiant, vt oſtendamus illi tranſſubſtantiatione nō eſſe nouam, nec trecentenariam, vt ipſe aſſerit, ſed multo vetuſtiorē, nempe ab ipſis eccleſiæ primordiis proſeſſam. Quōd ſi de vocabulo contendat id eſſe nouum, nos non verba curamus, ſed res: quoniam vocabulorū proprietates inquirere, grammaticorum eſt munus, non theologorū. Nam ſi de re conſtat, vocabuli nouitas non debet orthodoxum offendere, vt beatus *Athanafius* ait in ea quam habuit aduerſus *Arriū* diſputatione. Nouis nāque hēreſibus ſuccedētibz eccleſia nouit vocabula noua conſingere ad clariuſ res exprimendum, & hæreſibus obuiandum. Cum enim in ipſo naſcentis eccleſiæ initio quiſque ab eo nomen acci-

men acciperet, à quo baptizabatur, aut à quo edocebatur, ita vt dicerent, Ego sum Pauli, ego sum Cephe, ego sum Apollo, factum est hac de caussa ad obuiandū huic pesti, vt omnes Christo initiati communi vocabulo vocaretur Christiani, quod nomen primum Anti. chiz hac occasione natum esse historiz produnt. Postea etiam surrexit Arrius docens filium patri inæqualem, nec eiusdem substantiz: cui hæresi ecclesia obuians effinxit sibi nomen consubstantialitatis, nunquam in sacris literis repertum. Sic etiam videns hæreticos insurrexisse qui dicerent panem manere simul cum corpore: ad denotandum panem minimè post consecrationem superstitè, sed esse verum in corpus, nomen transsubstantiationis confinxit, quod rem, vt apparet, adeo clare explicet, vt nullum iam hæresis vestigium post se relinquat. An autem congruè aut ornatè aut politè explicet, non curo, modo fideliter ac catholicè doceat. Neque video caussam quare non habeat hanc auctoritatem ecclesia fingendorum vocabulorum, sicut & quālibet Rempublicam habuisse dignoscitur, ex quorum consensu & fitione concordia vocabula vim accepere significatiuam. Sed iam opus est vt ostendamus ecclesiam de hac re definitè. Concilium *Cōcilium* Lateranense sub Innocentio tertio celebratum sic definit, Vna est fidelium *Lateranense* vniuersalis ecclesia, extra quam nullus omnino saluator, in qua idem ipse sacerdos & sacrificium Iesus Christus, cuius corpus & sanguis in sacramento altaris sub speciebus panis & vini veraciter continetur, transsubstantiatis pane in corpus, & vino in sanguinem potestate diuina, vt ad perficiendum mysteriū unitatis accipiamus ipsū de suo quod accepit ipse de nostro. Hæc concilium, & ponuntur hæc verba in volumine epistolarum decreta. ti. de summa trini. & fide catolica in capitulo, firmiter credimus. In quibus verbis definiuntur omnia quæ huic negotio videbantur necessaria.

Sexta hæresis est quæ asserit pro calicis consecratione non esse apponendū vinum, sed solam aquā. Hic est error quorundam qui ab effectu vocati sunt Aquarii. Sic enim eos beatus Augu. in lib. de hæresibus cap. 64, appellat: nec tamen quā pro se habeant rationem, refert. Verum ex ecclesiastico dogmate proxime citādo constat eos sobrietatem adeo diligere, vt eius conseruandæ caussa etiā pro calicis consecratione vinū euitandum putent. Quis fuerit huius hæresis autor, & quo tempore cœperit, apud neminem inuenire potui. Aduersus hūc errorem

*Aquarij.*

Mat. 26 tres euangelistæ pugnant, Matthæus scilicet, Marcus, & Lucas. Hi enim omnes referentes modum dominicæ cœnæ, dicunt Christum calicem porrexisse discipulis, & ut ostenderent quem illis in calice liquorem præbuerit, addiderunt verba Christi dicentis, Non bibam amodò de hoc genimine vitis usque in diem illum, cum illud bibam vobiscum nouum in regno patris mei. Ex quibus verbis satis aperte ostenditur eum liquorem quem Christus discipulis in calice potandum dedit, fuisse genimen vitis, nempe vinum. Quod si quis forte pertinax contendat de alio quopiam vitis fructu esse illa verba intelligenda, hoc plurimorum conciliorum definitionibus reiicitur, quæ asserunt vinum in calice esse necessarium pro sanguinis consecratione, ut

*Concilium  
Lateranense.*

panis pro corporis consecratione. Concilium nanque Lateranense sub Innocentio tertio celebratum, inter alia sic definiit: Vna verò est fidelium vniuersalis ecclesia, extra quam nullus omnino saluatur. In qua idem ipse sacerdos est sacrificium Iesus Christus, cuius corpus & sanguis in sacramento altaris sub speciebus panis & vini veraciter continentur. Hæc concilium. Ex quo patet sub specie vini sanguinem latere, & non sub specie aquæ. Alia sunt insuper concilia quæ hoc exprimunt, quæ quoniam aduersus proximè describendam hæresim iterum citanda sunt, prætereo usque ad locum illum. Accedit huc etiam quod signa debent esse aliqua ex parte similia signatis. At inter aquam & sanguinem nulla versatur similitudo, præcipuè si philosophis credimus, asserentibus puram aquam nullius esse alimenti. Nò erat ergo consentaneum aquam in signum sanguinis institui.

*Græci.  
Armeni.*

Septima hæresis est quæ cum hac proximè enarrata velut ex diametro pugnat. Nam hæc si vinum in calice apponit quòd nullam penitus miscet aquam, asseritque eam minime miscendam esse. Hic est error Græcorum, à Guidone carmelita vndecimo loco inter errores Græcorum locatus. Est etiam error Armenorum, quem Guido vicesimoquarto ordine recenset. Pro eius erroris reprobatione est vnum hoc iaciendum prius fundamentum, quòd modica scilicet aqua vino mixta in vini substantiam conuertitur, aut in sua substantia sine conuersione manens, cum modica sit, minorisq; efficacis quàm vinum, non vertit vinum a sua natura. Vtrum autem horum sit verius, non sum adeo demens ut audeam definire quod Innocentius 3. pontifex summus, vir alioqui doctissimus, non ausus est de-

definire, prout in cap. cum Martha, tit. de celebratione missarum, patet. Hoc ergo iacto fundamento, facile hoc nostrum, id est catholicum, superedificabimus dogma. Nam hoc sacramentum in memoriam dominice mortis fit, Paulo testante, qui ait: Quotiescunque manducabitis panem hunc, & calicem bibetis, mortem domini annuntiabitis donec veniat. At Christo mortuo (ut est apud Ioannem) vnus militum lancea latus eius aperuit, & continuo exiit sanguis & aqua. Ut ergo sacramentum calicis velut perfectum signum illud repræsentet, oportet ut in calice aqua vino misceatur, quæ aquam de Christi latere simul cum sanguine exeuntem repræsentet. Quod etsi ex Christi institutione non esset, ecclesia nihilominus hoc statuere poterat, quum aqua (ut diximus) vinum cui miscetur, non destruat. Hoc autem ita faciendum esse, atque ita esse factum ab ipsius ecclesiæ primordiis, pluribus edocemur testimoniiis. Omitto aliorum sanctorum testimonia, præcipue beati Cypriani in episto. ad Cæcilium fratrem. Alexander autem primus, apostolis vicinus, nam sub Aelio Adriano imperatore ecclesiam rexit, sic ait in decretis suis, quæ in primo tomo conciliorum generalium inferuntur: In sacramentorum quoque oblationibus, quæ inter missarum solennia domino offeruntur, passio domini miscenda est, ut eius cuius corpus & sanguis conficitur, passio celebretur: ita ut repulsis opinionibus superstitionum, panis tantum & vinum aqua permixtum in sac. iñcio offerantur. Non debet enim, ut à patribus accepimus, & ipsa ratio docet, in calice domini, aut vinum solum, aut aqua sola offerri, sed vtrunque permixtum, quia vtrunque ex latere eius in passione profluxisse legitur. Hæc ille. Vides hic papam sanctum simul atq; doctum, vicinūque apostolorum temporibus, testari se ita à patribus nempe ab apostolis vel eorum discipulis suscepisse. Et inter ecclesiastica dogmata, quæ beatus Aug. vel ut alij volunt, Gennadius, vno volumine colligit 75. loco tale dogma locatur. In eucharistia non debet pura aqua offerri, ut quidam sobrietatis falluntur imagine, sed vinum cum aqua mixtum, quia & vinū fuit in redemptionis nostræ mysterio, cum dixit, Non bibam amodo de hoc genimine vitis. & aqua mixtum, non quod post cœnam dabatur, sed quod de latere eius lācea perfollo aqua cū sanguine egressa. vinū de vera ei⁹ carnis vite cū aqua expressum ostendit. Hactenus ecclesiasticū dogma. Præterea in collectario

1. Cor. xi  
Ioan. 19



*Cōcilium  
Carthagi  
nense.*

*Prover. 9*

*Messaliani*

*Armeni.*

*Mal. 1*

quod beatus Martinus Braccharensis episcopus fecit ex cōciliis orientalibus 55. cap. sic habetur, Non oportet aliquid aliud in sanctuario offerri præter panem, & vinum, & aquā, quæ in typo Christi benedicuntur, quia dum in cruce penderet, de corpore eius sanguis effluxit & aqua, hæc tria vnum sunt in Christo Iesu. Hæc hostia & oblatio Dei in odorem suauitatis. Hæc ibi. Rursus Carthaginense conciliū tertiū in suorum decretorum ca. 24. sic habet: In sacramentis corporis & sanguinis Domini nihil amplius offeratur, quā ipse Dominus tradidit. Hoc est panis, & vinum aquæ mixtum. Ex quibus verbis videtur concilium quippiam plus asserere, scilicet Christum ita tradidisse, ut scilicet aqua vino misceretur. Quod etsi textus nō sit scripturæ expressus, mihi tamen valdè probatur, quod sobrietatis causa crederem Christum aquam vino miscuisse. Cui alludere videtur illud Salomonis, Sapientia ædificauit sibi domum, excidit columnas septem, immolauit victimas suas, miscuit vinum, proposuit mensam suam. Misit ancillas suas ut vocaret ad arcem, & ad mœnia ciuitatis. Siquis est paruulus, veniat ad me. Et insipientibus locuta est: Venite, comedite panem meum, & bibite vinum quod miscui vobis. Ex his ergo omnibus constat aduersus schismaticos Græcos & Armenos, aquam vino in calicis consecratione esse miscendam.

Octaua hæresis est, non substantiam sacramenti, sed eius virtutem & efficaciam oppugnans: quæ asserit hunc sacratissimū cibum nec prodesse quicquam, nec etiam lædere. Huius hæresis magistri atque auctores fuerunt Messaliani, qui & *ἰουάνῃαι*, id est orantes, vel *ἰνδοισίαται*, id est afflati aut diuini appellantur, quorum historiā iam supra narrauimus. Hanc eandem tutantur hæresim Armeni, ut eis impingit Guido carmelita, dicēs hunc esse illorum vicesimum tertium errorem. Verū hi à Messalianis in hoc diuiduntur, quod Messaliani asserūt nihil prodesse aut lædere, Armeni autē dicunt soli corporis saluti prodesse. Concordi tamē sententia hi omnes asseuerāt nihil prodesse animæ. Quibus meritò dici possit id quod per Malachiam prophetam Dominus ait: At vos o sacerdotes qui despicitis nomen meum, & dixistis, in quo despeximus nomen tuum? Offertis super altare meum panem pollutum, & dicitis, in quo polluimus te? In eo quod dicitis, mensa Domini despecta est. Hæc ibi. Nōne despectam facit mensam Domini, qui dicit eam nullo vsui esse? Hæc autem assertio manifestæ hæreseos cōuincitur per ea quæ

Ioan.

Ioan. 6. à Christo dicta sunt in huius sacramenti approbationem & laudem, in quibus non semel huius præstantissimi sacramenti virtus ostenditur. Qui manducat (inquit Christus) <sup>Ioan. 6</sup> carnem meam, & bibit sanguinem meum, habet vitam æternam. Nonne satis prodesse tibi videtur quod manducatum vitam præstat æternam? Quod si hæc ad futurum referas, ut scilicet intelligatur eum qui manducauerit, in posterum habiturum vitam æternam, tunc verò cum primum manducatur, nihil cōferre: etiam hoc dicto fateris eucharistiam aliquid commodi afferre suscipienti. Nam et si sola futurorum spes non bect hominem, non est tamen dubitandum multo feliciorum esse eum, qui sperat (etiam si nihil habeat) quàm qui desperat. Nam qui sperat, initium quoddam possessionis habet: quo fit ut ipsa rei priuatione eum alat spes. Sic enim ait beatus Ioannes, Scimus quoniam cum apparuerit, similes ei erimus, quoniam videbimur sicuti est. Et omnis qui habet hanc spem in eo, sanctificat se sicut ille sanctus est. Magnum ergo commodum eucharistiam afferre fateris, cum admittas ex eius manducatione ius nos quoddam acquirere ad vitam æternam post mortem possidendam. Prætera tale ius ad habendam in posterum beatitudinem, nullus expers gratiæ habere potest. Nam quamvis beatitudo sit donum Dei, ut Apostolus ait, gratia Dei vita æterna, <sup>Rom. 6 an. 1</sup> vel ut alia translatio ait, Donum Dei vita æterna: hanc tamen <sup>Mat. 25.</sup> gratiam nunquam de plenitudine Christi recipimus nisi pro alia gratia qua hic nos prius iustificari oportet, ut in eam veniamus indulgentiam qua dicitur, Ibunt iusti in vitam æternam. Necessarium est ergo eum qui dignè suscipit hoc sacramentum, si in posterum hac de causâ habiturus est gloriâ, suscipere etiam in præsentem gratiam. Verum quò res sit apertior, alia quæ sequuntur Christi verba referamus: quoniam illa expressius nostrum propositum confirmant, Qui manducat (inquit) meam carnem, & bibit meum sanguinem, in me manet, & ego <sup>1. Ioan. 4</sup> in illo. & ut beatus Ioannes in quadam epistola ait, Omnis qui in eo manet, non peccat: colligitur hinc manifestè, hoc Christi corpus manducatum, omnem prorsus peccati culpam à nobis abigere, quod non paruum emolumentum est. Nūquam etiam aliquis in Deo manet, aut Deus in illo speciali existentia, nisi per charitatem. Qui manet, inquit Ioannes, in charitate, in Deo Deo manet, & Deus in eo. Si ergo qui māducat carnē Christi, & bibit eius sanguinem, in illo manet, ergo in charitate & dile-

ctione manet. Nam si non diligeret, non maneret in illo, quoniam ut beatus Ioan. ait, Qui non diligit, manet in morte. Quae de causa Christus nos alibi monebat in dilectione sua manere, ut fructum aliquem afferre possemus. quo fit ut qui hoc sacramentum recipit, charitatem etiam recipiat, per quam in Deo maneat. Ut autem Christus hoc propositum magis confirmaret, tertio eandem sententiam repetit dicens, Sicut misit me vi-

Ioan. 6

uens pater, & ego vivo propter patrem: & qui manducat me, & ipse viuet propter me. Viuens pater misit filium. quia voluntate patris incarnatus est. viuit propter patrem in quantum Deus, non quod ipse in se non haberet vitam, sed quia non a se, sed a patre nascens, habuit vitam nascendo, a quo habuit diuinitatem genitus. Viuit etiam propter patrem in quantum homo, quia voluntate patris factus homo, corpus quod assumpsit, viuificauit. Atque ergo, Sicut misit me viuens pater, & ego vivo propter patrem: & qui manducat me, viuet propter me, i. quemadmodum homo factus sum patris voluntate, & homo factus vivo, corpusque meum vita repleo: sic qui carnem meam manducat, propter me viuet, quoniam carnem meam habet, quae viuificatrix est propter inhabitantem in ea diuinitatem. Ecce ergo manifesta Christi verba, quibus saepe testatur magnam utilitatem manducantibus hoc sacramentum successuram, nempe vitam aeternam. Rursus ipsum rei vocabulum hoc indicat. vocatur etenim eucharistia, quod latine dicitur bona gratia, indito ab effectu vocabulo, quod magnam gratiam sumentibus conferat. Deinde cum in hoc sacramento recipiatur non solum corpus aut humanitas Christi, sed ipsa diuinitas humanitati coniuncta: quis credat Deum aliquem inhabitare, cui non magna dona concedat? Quapropter beatus Bernardus hoc sacramentum ceteris praeferebat ait, In hoc sacramento non solum gratia, sed ille a quo est omnis gratia, sumitur. Quibus verbis expressit magis esse recipere ipsum totius gratiae fontem, quod in aliis sacramentis non sic corporaliter fit, quam recipere gratiam quam omnia sacramenta praestant. Magnam ergo gratiam sacramentum eucharistiae praestat, pro qua in futuro donat vitam aeternam. Ex quibus alia multa oriuntur, ut sancti testantur, quorum vnum alterum solum citabo. Cyrillus.

Cyrillus lib. 4. super Ioannem cap. 17. sic ait, Pias quaeso cogitationes suscipias, studiosè sanctèque viuas, & benedictione participes, quae (mihi crede) non mortem solum verum etiam morbos omnes depellit. Sedat enim cum in nobis maneat Christus, seru-

uiens

uientem membrorum nostrorum legem, pietatem corrobo-  
 rat, perturbationes animi extinguit, nec in quibus sumus pecca-  
 tis cōsiderat, sed ægrotos curat, collisos redintegrat, & sicut bo-  
 nus pastor, qui animam suam pro ouibus suis posuit, ab omni  
 nos erigit casu. Hæc Cyrillus. Quod autem dixit, nec in quibus  
 sumus peccatis cōsiderat, propter peccata uenialia dixit, de qui-  
 bus dicitur, Septies in die cadit iustus. Et propter peccata quæ *Psalm. 24*  
 nos latent, de quibus etiam alibi dicitur. Ab occultis meis mun- *Psalm. 8*  
 da me Domine. Hoc autem ex præcedentibus quæ in eiusdem  
 lib. cap. eodem refert, cōstare potest. Beatus Chrysostomus ho- *Chryso-*  
 milia. 45. super Ioan. de hoc sanguine in sacramento nobis ex- *stomus.*  
 hibito ita ait: Hic sanguis effusus vniuersum abluit orbem ter-  
 rarum, de quo multa Paulus ad Hebræos profecurus est. Hic  
 sanguis abdita & sancta sanctorum purgabat. Quod si eius fi-  
 gura tantam habuit vim in templo Hebræorū, & in media Ae-  
 gypto liminibus aspersus, longè magis veritas. Hic sanguis au-  
 reum altare significauit. Sine hoc princeps sacerdotum in pe-  
 netralia ingredi non audebat. Hic sanguis sacerdotes faciebat,  
 hic sanguis in figura peccata purgabat. In qua si tantam habuit  
 vim, si umbra ita mors horruit, quantopere quæso ipsam for-  
 midabit veritatem? Hic nostrarum animarum salus est, hoc la-  
 uatur anima, hoc ornatur, hoc incenditur. hic igne clariorem  
 nostram mentem reddit, & auro splendidiorem. Huius sangui-  
 nis effusio cælum peruium fecit. Admiranda sanè ecclesiæ my-  
 steria, admirabile sacrarium. Ex paradiso fons scatuit, à quo  
 sensibiles fluuij emanarent. A mensa hac prodiit fons qui flu-  
 uios spiritales diffundit. Iuxta hunc fontem non steriles salices  
 germinant, sed quercus cælum ipsum attingentes, quæ fructus  
 tempestiuos & solidos semper producant. Si quis æstuat, ad  
 hunc fontem se conferat, & recreabitur. Mundat squalorem &  
 sordes, æstus mitigat, non solares, sed quos ignitæ sagittæ im-  
 primunt. Etenim ortum suum supernè habet, inde radicem  
 vnde irrigatur. Multi huius fontis riuus, quos paracletus diffun-  
 dit: & filius arbiter est, neque bidente aut ligone viam facit, sed  
 animos nostros aperit. hic fons lucis, diffundens radios ve-  
 ritatis. hic supernæ adstiterunt virtutes, fluctuum eius pul-  
 chritudinem inspicientes. Nam manifestius quàm nos illæ  
 propositorum virtutem & fulgorem inaccessibilem intuen-  
 tur. Hucusque Chrysostomus, quem tam prolixè citauimus,  
 ut videant hi heretici, aut qui eos postmodum sequentur,  
 quantum



quantum hic sanctus huic præstantissimo sacramento tribuerit, qui cum multa elegantissimèque dixerit, nec tamen rem absoluit, quoniam id quod laudabat, maius re vera est omni laude.

- Nona hæresis, quæ etiā sacramenti efficaci virtuti repugnat. Nam asserit hoc præstantissimum sacramentum, in die cœnæ domini, feria scilicet, quinta maioris hebdomadæ confectum, esse maioris virtutis, quàm alio quolibet die consecratum. *Græci.* Huius erroris duces fuerunt Græci, vt testatur Guido carmelita: qui illorum errores recensens, hunc decimo octauo loco collocat, dicitque eos hac occasione nulla alia die anni quàm die cœnæ conficere, confectumque illo die sacramentum per totum annum conseruare, vt inde infirmis ministretur. Hos Græcos secuti sunt Valdenses. Sic enim idem Guido illis impingit, qui hunc ait esse nonum illorum errorem, nescio tamen quos auctores secutus, quoniam apud nullum alium ex his qui illorum errores enumerant, inuenio vllam de hac re factam mentionem. Aeneas Syluius libro de origine Bohemorum capite 35. recensens Valdensium errores, nihil tale eos dixisse memorat, alios tamen plures recenset, quorū nunquàm meminit Guido. Quapropter vt in aliis, ita etiam hic valde miror istius boni hominis, nec scire vnquam potui ad cuius exemplar hos errores depinxerit. Hic error manifesta est insania: quoniam nos super verum panem verba Christi proferentes, verè cōficimus corpus Christi, quocunque die id fiat. Non enim sacramentum ex tēpore pendet, sed ex materia & forma, pane scilicet, & Christi verbis debita intentione prolatis. Christus enim dicens apostolis suis, Hoc facite in meam commemorationem, non dixit vt hac sola die quæ per annorum volumina obuenerat, hoc sacramentum conficerent. Nihil tale dixit, nullam eis temporis legem præscripsit, sed absolutè ait: Hoc facite in meam cōmemorationem. Et beatus Paulus Corinthios edocens, ait se tradere illis quòd à domino acceperat. Quale autem sit illud, inter alia subiungit, Quotiescunque enim manducabitis panem hunc, & calicem domini bibetis, mortem domini annuntiabitis donec veniat. Non dixit, in die anniuersaria cœnæ dominicæ, sed ait: quotiescunque. Si quocunque die, quacunque hora verba Christi debita intentione super panem proferantur, verè conficitur corpus Christi, quī ergo sit vt in die cœnæ domini confectum, maiorem virtutem hoc sacramētum habeat, quàm alio quocunque;

quocunq; die? Si idem corpus est sub illis panis speciebus quocunq; die conficiatur, ergo quantum ad sacramentum spectat, eadem erit operatio. In operationibus siquidē naturalibus hoc euenit, vt causa inuariata, subiectoq; manente vniformi, idem semper sequatur effectus. In liberis autem actionibus qualis est ista, variatio actionis à sola voluntatis mutatione oritur. At Deus huius sacramenti vim & virtutem nobis exprimens, absolute dixit, Qui manducat meam carnem, & bibit meum sanguinem, in me manet, & ego in eo. Nō dixit, qui manducat me hoc aut illo die, in me manet: sed absolute dicens, qui manducat meam carnem, & bibit meum sanguinem: immediate subiunxit, in me manet, & ego in eo. Quod si dierū discrimen statuere voluisset, addidisset certē, Qui autem manducauerit carnem meā hoc die, plus ex me habebit, aut plus gratiæ recipiet, quā alio quolibet die. Verū cum nihil tale admonuerit, quid fabulantur insani Græci? Sed non est mirandum, quia hic est Græcorum genius, vt nunquam nugari desinant, semper in anilibus fabulis fingendis operam consumant. Beatus nanque Cvrillus in libro sexto aduersus Iulianum apostatā refert Solonem hoc conuicio fuisse à quodam Aegyptio affectum, Vos Græci quando à pueritia aut infantia discedetis? vsque adeo eos pueros ac vanos existimauit.

Decimus error est circa præparationem animi ad huius sacramenti receptionem, asserens hanc præparationem nō oportere fieri per peccatorum suorum discussionem, & eorundem confessionem: nec vllam pœnitentiam requiri, sed solam fidē, qua scilicet credant & confidant se gratiam ibi consecuturos. Huius tam pestiferi erroris author factus est Martinus Lutherus, neminem in hac re ducem sui erroris habens, quod vix iterum cōtigit ei. Nulla enim est assertio eius ex his venenosis per Germaniam ab eo diffusis, quæ alium non habuerit authorem ab ecclesia (vt nunc Lutherus est) reiectum, præter hanc quam modo pertractauimus, aut forte alteram quam cum sua damnatione Lutherus inuenit. Quanquam & hanc etiam ex autoritate Cypriani inferius citanda patebit fuisse olim, nec tamē impune, sicut eam nunc Lutherus docet. Vt autem clarius insana Lutheri mens pateat, eius verba subiungam, quæ talia sunt: Magnus error est eorum qui accedunt ad sacramentum eucharistiæ, huic innixi, quòd sint confessi, quòd non sint sibi conscij alicuius peccati mortalis, quòd præmiserint orationes suas & præpar

*Lutherus.*

præparatoria. omnes illi iudicium sibi manducant & bibunt. Sed si credant & confidant se gratiam ibi consecuturos, hæc sola fides facit eos puros & dignos. hæc Lutherus. Vt autem ostendamus hanc Lutheri assertionem esse hæreticam, considerare prius oportet quid & quale hoc sacramentum sit. Nónne cibus? Certè credo hoc non inficiabitur Lutherus, qui non adeò insanit vt cum Oecolampadio neget veritatem corporis & sanguinis Christi. Quanquam sic insanire optauerit, anxieq; modum quæsierit quo id faceret, vt ipsemet testatur in quadam epistola ad Argentinenses de hac re missa: quam fateor me nō legisse, præter quoddam eius fragmentum quod dominus episcopus Rossensis citat in penult. capite totius operis de veritate corporis & sanguinis aduersus Oecolampadium. Rossensi autem, cum ob eius vitæ candorem maximè fidam quòd talia non imposeret Luthero: verba quæ ille ex Luthero citat, hic inferere decreui. Hoc ( inquit Lutherus ) diffiteri nec possum, nec volo, quòd si Carolstadius, aut alius quispiam ante quinquennium mihi persuadere potuisset in sacramento præter pauem & vinum esse nihil, ille magno beneficio me sibi deuinctum reddidisset. grauib; enim curis anxius in hac excutienda materia multum desudabam. omnibus neruis extensis me extricare & expedire conatus sum, cum probè perspiciebam hac re papatui cum primis me valde incommodare posse. Hæc Lutherus. Attende obsecro lector quo spiritu Lutherus ducatur, qua intentione sacramentorum mysteria perscrutetur, vt scilicet papatui incommodaret. Qui alteri nocere cupit, is certe non habet spiritum Dei. At qui spiritu Dei caret, quo spiritu penetrabit adyta sacramentorum, & mysteriorum diuinorum? Suo? nequaquam: quoniam illa iam mysteria esse desissent, si noster spiritus inuestigare ac intime perscrutari ea valeret. Sed iam ad cœptum prius negotium reuocemus orationē. Lutherus ergo fatetur in eucharistia esse verum corpus & verum sanguinem Christi, admittitque hanc sacratissimam eucharistiam cibum esse, nec tamen solum corporis, quin potius animæ, quòd eam nutriet, impinguetque. Nam hac occasione Paulus Corinthios non sine stomacho reprehendit, quòd nullum huius cibi fecissent discrimen ab aliis quæ in solius corporis alimoniam sumuntur. At cum nihil nutriatur nisi quòd viuit, oportet vt quisquis hoc sacramentum perceperit, prius vi-

1. Io. 4 tam habeat, vt eo nutrirī possit. Omnis autem qui peccat, manet in

net in morte. Omnis ergo qui hoc mysterium suscepturus est, eam oportet faciat diligentiam, quæ ut immunis sit a peccato, est necessaria. Qui autem peccatis fuerat maculatus, nulla postmodum per pœnitentiam expiatione facta, sola fides (ut supra ostendimus, & infra adhuc longius differemus) minime eam emundat. Necessarium est ergo ut qui peccauerit, quoniam Deo mortuus est, per pœnitentiam prius vitam recuperet antequam hoc sacramentum recipiat, si illo nutrirî atque impinguari vult, quoniam hic cibus est viuorum, & non mortuorum. Præterea beatus Paulus Corinthios reprehendens quod nullam huius cibi ab aliis differentiam fecissent, docet eos qualiter oporteat eos parari ad huius sacramenti susceptionem, dicens, Probet seipsum homo, & sic de pane illo edat, & de calice bibat. Qui enim manducat & bibit indigne, iudicium sibi manducat & bibit, non diiudicans corpus domini. Quid quæto est seipsum probare, nisi inquirere vitam suam qualisnam fuerit, disquirere de operibus num iusta fuerint, aut aliqua expiatione digna? quemadmodum & alibi dixit, Opus autem suum probet vnusquisque, & sic in semetipso tantum gloriam habebit, & non in altero. Et alibi, Omnia probare, quod melius est tenete. Probare ergo Paulo est tentare, inquirere, discutere. Præcipit ergo Paulus ut homo seipsum probet, id est discutiatur quid intus habeat, qualia sint opera eius, quale propositum in posterum. Hæc autem discussio aut probatio non in casum fieri præcipitur, nempe ut si discussione præmissa in aliquo eum conscientia mordeat, abstineat quousque per pœnitentiam præterita peccata diluerit. Sin vero sufficienti discussione atque probata nullus scrupulus vrget, sic de pane illo edat. Quod si non ad hunc scopum examinatio illa tendit, frustra eam præcipit Paulus, si ea nihilominus neglecta digne hoc sacramentum sumeretur. Quod lōge à Pauli sententia esse, eius sequentia verba declarant. Nam quum dixerat, Probet autem seipsum homo, & sic de pane illo edat, subiunxit, Qui enim manducat & bibit indigne, iudicium sibi manducat & bibit. quibus verbis expressit illum indigne manducare, qui prius non se probauerit atque discusserit. Hanc autem expositionem esse vere germanam literæ, constat ex ipsius Pauli dictis: imò adeo est germana, quod non potest censeri expositio, cum nil aliud sit quàm ipsius Pauli verba. Cæterum quò res clarius pateat, Theophylactum Pauli optimum interpretem citabo, qui lo-

1. Cor. II

Gal. 6

1. The. 5

1. Cor. II



qui locum Pauli exponēs sic ait, Consuevit Paulus cum aliqua de re sibi tractanti, alia opportunè differenda incideret, & hanc ipsam transigere, quemadmodū impræsentiarum cum de mēsa cœptus sit sermo, de mysticis etiam rebus incidente sermone, & mystica disputat, utpotè quemadmodum sint necessaria, & bonorum omnium caput in eo consistere patefecit, ut tersa & nitida conscientia ad diuina mysteria concedatur: inquitq;, Neminem tibi in iudicem proposuerim præter teipsum. Tua itaque consciētia examinata discussaq; adito ea mysteria, non festis modo profestisque diebus, sed quouis tempore, cum parum te & dignum compereris. Hæc Theophylactus. Deinde hoc ipsum valdè confirmat, si consideremus rerum ordinem quem Christus seruauit cum discipulis suis corpus suum manducandum præbuit. Antequam enim corpus suum apostolis exhibuisset, legē de esu agni paschalis prius impleuit, & postea discipulorum pedes lauit. Neque id sine mysterio credendum est eum fecisse, qui aliàs permisit discipulos, ut testatur euangelium, illotis manibus manducare. Illo nanq; facto designauit, prius animorum affectus, qui pedibus significantur, esse purgandos, quàm qui spiam ad hoc tam sublime præsumeret accedere sacramentum. Cuius rei figura præcessit in Exodo, ubi dicitur: Et missa aqua lauabunt in ea Aarō & filij eius manus suas ac pedes, quando ingressuri sunt tabernaculum testimonij, & quando accessuri sunt ad altare ut offerāt in eo thymiamata Domino, ne fortè moriantur. Sic etiā verus sacerdos Christus, secundum tamen ordinem Melchisedech, adducturus apostolos suos ad verum altare, mensam, scilicet dominicam, in qua corpus suum omni thymiamate preciosius offerendum erat, prius eorum pedes lauit, eorū purgauit affectus. propterea dixit, Vos mundi estis, sed non omnes. ut intelligeret illam pedum lotionem ad animorum affectum esse referendam, qua Iudas minimè lotus erat, etsi exteriores eius pedes velut omnium aliorum apostolorum Christus lauisset. His deinde peractis, porrigens apostolis corpus & sanguinem suum, admonuit eos, ut quoties hæc essent facturi, memores essent tam immensi atque magnifici beneficij illis exhibiti. Hoc nempe sermone eos ad mutuā illi exhibendam charitatem excitans, ut scilicet hæc agentes redamaremus eum qui suam erga nos eximiam dilectionē tanto nobis exhibito beneficio ostenderit. Post hæc omnia euangelistæ commemorāt, Iudam, qui parum pio affectu hoc sacramen-

rum

tum sumpserat, vitam cum mala morte cōmutasse, vt scilicet caueremus nobis ipsis, ne si indignè sumeremus, quid simile nobis contingeret, sicut & pluribus aliis postmodum accidisse refert Paulus. Nam postquā admonuerat, eum qui indignè manducasset, & bibisset, iudiciū sibi māducare & bibere, subiunxit: 1. Cor. 15  
 Ideo inter vos multi infirmi & imbecilles, & dormiunt multi. ac si diceret, quia multi indignè sumpserunt, etiam in hac vita, infirmitate, & repentino interitu puniti sunt. Quid ergo futurum speras in alia, nisi quod multo durius punientur? Ad hęc etiam accedit quod in Leuitico præcipit dominus dicens, Ego Leui. 22  
 dominus. Dic ad eos, & ad posteroseorum, Omnis homo qui accesserit de stirpe vestra ad ea quæ consecrata sunt, & quæ obrulerunt filii Israel domino, in quo est immunditia, peribit coram domino. Quod si ad illam futurorū vmbra aut offerendam, aut tangendā, tantam Deus exigit munditiā, quanto maiorem credendū est eum exigere ad sui corporis & sanguinis siue oblationem, siue perceptionē? Rursus (vt beati Hierony. verbis utar) Ioseph ille iustus propterea sindone munda inuolutū in sepulchro nouo corpus domini sepeliuit, præfigurans corpus domini accepturos, tam mundā mentē debere habere, quā nouam. Quod si præter hęc scripturæ testimonia, aliqua etiā sanctorum patrū quis desideret, quod ea clarius rē forte explicent, quā vt Lutherus possit eludere, ea iam nunc subiicimus. Aug. in epistola ad Iulianū comitem sic ait, Ab his pietas domini nostri Iesu Christi nos liberet, & seipsum edendū tribuat, qui dixit, Ego sum panis viuus, qui de cœlo descendi. qui manducat meam carnē, & bibit meū sanguinē, habet vitam eternam in seipso. Sed vnusquisq; antequā corpus & sanguinē domini nostri Iesu Christi accipiat, seipsum probet: & secūdum Apostoli præceptum, sic de pane illo edat, & de calice bibat: quia qui indignè manducat corpus & sanguinē domini, iudiciū sibi manducat & bibit, non diiudicās corpus domini. Quando enim eū accipere debemus, antea ad confessionem & pœnitentiā recurrere debemus, & omnes actus nostros curiosius discutere, & peccata obnoxia, si in nobis senserimus, citò festinemus per confessionem & veram pœnitentiā abluere, ne cum Iuda proditore diabolus intra nos celātes, pereamus. Hęc Augu. Quibus verbis nihil potest apertius dici ad Lutheri temeritatem conuincendam. Isichius etiā (Ioāne Tritemio authore) Gregorii Nazianzeni quondā auditor, super 26. Leuitici, exponēs illud, Cu-

I. Cor. II

studite sabbata mea, & pauere sanctuarium meum, sic ait, Propter quod sanctuarium eius paueamus, ut nec corpus nostrum polluamus, nec ad corpus Christi, in quo est omnis sanctificatio, in ipso enim omnis plenitudo inhabitat diuinitatis, sine subtili diiudicatione nostri temere accedamus, sed prius nosmetipsos probemus, reminiscētes eius qui dixit, Quicumque manducauerit panem aut biberit calicem domini indigne, reus erit corporis & sanguinis domini. Probet autē seipsum homo, & sic de pane comedat, & de calice bibat. Qualē probationem dicit? Id est, ut in corde mūdo atq; cōscientia, & pēnitentiā eorum quæ olim deliquit, intendēti, participetur sanctis ad ablutionē peccatorum suorū. Hæc Illichius, qui nostrā, id est, catholicā apertissimē confirmat sententiā. Gregorius Nissenus frater Basilii magni in libro de mystica vita Moyse, huic sententiæ subscribit, ita inquit, Illud verò prætermittendum nullo pacto est, quod posteaquā mare trāsierūt, posteaquā amaritudo aquarum sitienti, virtute ligni in dulcedinē conuersa est, posteaquā deliciose apud fontes & palmas fuerunt, postea denique quā ex lapide biberūt, tūc quæ ab Aegypto viatica & cibos sibi assumperunt, penitus eos defecerunt, tūc omni nutrimento quod ab Aegypto ferebant, absumpto, desuper sibi defluit cibus varius simul & simplex. Simplex visu, atque vnicus. Qualiter varius? Ad singulorum cupiditates se vertens. Quid igitur hic discimus? Quod oporteat videlicet fide, baptizate, labore, omni virtute, omni euāgelica doctrina mūdōs purōsque animos nostros facere, ita ut omnino alienigeni mores, & Aegyptiaca vitia, vitiorū scilicet omnium turba nos deficiat, & demum depurato defecatoq; animo celestem cibum esse suspiciendum, quē nulla nobis satio agriculturæ artibus produxit, sed panis est absq; semine, absq; aratione, absq; alio humano opere nobis paratus. Hactenus Gregorius ille. Beatus Hiero. in Commentariis super epi. ad Titum, declarans episcopi virtutes ita scribit, Si autem laicis imperatur ut propter orationem abstineant se ab vxorum coitu, quid de episcopo sentiendū est, qui quotidie pro suis populiq; peccatis illibatas deo oblaturus est victimas? Relegamus Regū libros, & inueniemus sacerdotē Abimelech de panibus propositionis noluisse prius dare David & pueris eius, nisi interrogasset vtrum mundi essent pueri à muliere, non vtrique aliena, sed coniuge. Et nisi eos audisset ab heri & nudius tertius vacasse ab opere coniugali, nequaquam panes quos

nes quos prius negauerat, concessisset. Tantum autem interest inter propositionis panes, & corpus Christi, quantū inter vmbra & corpora, inter imaginē & veritatem, inter exemplaria futurorū & ea ipsa quę per exemplaria præfigurabātur. Quomodo itaq; mansuetudo, patientia, sobrietas, moderatio, abstinentia lucri, hospitalitas quoq; & benignitas, præcipuē esse debent in episcopo, & inter cūctos laicos eminētia: sic & castitas propria, & ( vt ita dixerim ) pudicitia sacerdotalis: vt nō solū ab opere se immundo absteineat, sed etiā à iactu oculi, & à cogitationis errore, mens Christi corpus cōfectura sit libera. Hęc Hiero, qui tamen nihil de fide commemorat, sed hanc præsupponens, vitorū abstinentiā præcipit, & nō qualēcūq; sed omnino exactam. Cyprianus itē martyr beatissimus, cuius doctrinā cum sanctitate certat, in sermone quinto de lapsis. aduersus hāc insanam Lutheri assertionem strenuē pugnat, dicens, Emergit enim fratres dilectissimi nouum genus cladis. quasi parū persecutionis procella sequierit, accessit ad cumulū sub misericordię titulo malum fallens, & blanda perniciēs. Cōtra euangelii vigorem, contra domini ac dei legem, temeritate quorundam laxatur in cautis cōmunicatio, irrita & falsa pax, periculosa dātibus, & nihil accipientibus profutura. Non quærunt sanitatis pœnitentiam, nec verā de satisfactione medicinā. Pœnitentię de peccatoribus exclusa est: grauissimi extremiq; delicti memoria sublata est. Operiuntur morientium vulnera, & plaga letalis altis & profundis visceribus infixā, dissimulato dolore contegitur. à diaboli artis reuertentes, ad sanctum domini sordidis & infectis nidore manibus accedunt. Mortiferos idolorū cibos adhuc penē ructantes, exhalantibus nunc etiā scelus suū faucibus, & cōtangia funesta redolētibus, domini corpus inuadūt, quum occurrat scriptura diuina, & clamet & dicat: Omnis mundus manducabit carnem, & anima quęcūque manducauerit ex carne salutaris sacrificii, quod est domini, & immunditia eius super ipsum, & peribit anima illa de populo suo. Apostolus itē testetur & dicat, Nō potestis calicē domini bibere, & calicē demoniorū: non potestis mensā domini cōmunicare, & mensā dæmoniorū. Idem cōtumacibus & peruicacibus cōminetur & denūciat dicens, Quicūq; ederit panē aut biberit calicē domini indignē, reus erit corporis & sanguinis domini. Spre-  
tis his omnibus atq; cōtēptis, vis infertur corpori eius & sanguini eius. plus modo in dominū manibus atq; ore delinquūt, quā

I. Cor. II

I. Cor. II



cum dominum negauerunt. Ante expiata delicta, ante exomologesin factam criminis, ante purgatam conscientiam sacrificio & manu sacerdotis, ante offensam placatam iudignantis domini & minantis, pacem putant esse, quam quidam verbis fallacibus venditant. Non est pax illa, sed bellum. Neque ecclesiam iungitur qui ab euangelio separatur. Quid iniuriam beneficium vocant? Quid impietatem vocabulo pietatis appellant? Quid eis qui flere iugiter, & rogare dominum suum debent, intercepta poenitentiae lamentatione communicare se simulant? Haec sunt huiusmodi lapsis, quod grado frugibus, quod turbidum sordus arboribus, quod armentis pestilens vastitas, quod nauigiis saeva tempestas. Solatia aeternae spei adimunt, arborem a radice subuertunt, sermone morbo ad letale contagium serpunt, nauem in scopulos, ne in portum perueniat, illidunt. non concedit pacem facilitas ista, sed tollit: nec communicationem tribuit, sed impedit ad salutem, Haecenus Cyprianus. Ex quo clare perspicis lector iam alias fuisse qui hanc Lutheri dementiam tutati sint, quos tam acriter beatus Cyprianus insectatur, nec minus facturus nunc, si superstes esset, aduersus Lutherum. Denique ut iam finem negotio imponamus, ecclesiastica dogmata etiam Luthero in hac parte repugnare. Nam inter ecclesiastica dogmata per beatum Augustinum aut per Gennadium in unum volumen collecta 53. loco tale dogma locatur: Quotidie Eucharistiae communionem percipere, nec laudo, nec reprehendo. Omnibus tamen dominicis diebus communicandum suadeo & hortor, si tamen mens in affectu peccandi non sit. Nam habentem adhuc voluntatem peccandi grauari magis dico Eucharistiae perceptione quam purificari: & ideo quamuis quis peccato mordeatur, peccandi non habeat de cetero voluntatem, & communicaturus satisfaciat lachrymis & orationibus, & confidens de domini miseratione, qui peccata pie confessioni donare consuevit, accedat ad Eucharistiam intrepidus & securus. Sed hoc de illo dico quae capitalia & mortalia peccata non grauare. Nam quae mortalia crimina post baptismum commissam premittunt, hortor prius publica poenitentia satisfacere, & ita sacerdotis iudicio reconciliatum communioni sociari, si vult non ad iudicium & condemnationem sui Eucharistiam percipere. Sed & secreta satisfactione solui mortalia crimina non negamus, sed mutato prius seculari habitu, & confesso religionis studio per vitae correctionem, & iugi, imò perpetuo luctu miserante Deo, ita duntaxat, ut contraria pro his quae poenitet agat, & Eucharistiam omnibus do

bus dominicis diebus supplex & submissus vsque ad mortem percipiat. Hucusque ecclesiasticum dogma: cui cum Lutherus repugnet, toti ecclesiæ, cuius esse dignoscitur, repugnare cõuincitur, atque ideo merito hæreticus censetur, & vt talis euitatur. Reiecto ergo venenoso Lutheri dogmate, salutiferis ecclesiæ traditionibus assentientes, fateamur ei qui non indignè velit hoc sacramentum percipere, contritionem & cõfessionem esse necessariam. Recepto tamen absolutionis sacramento qui accedunt, cognoscentes quã magnus sit is quem suscepturi sunt, dicere eos oportet illud Lucæ, Serui inutiles sumus: quod facere debuimus fecimus. Post quæ omnia orare oportet Deum, a quo sancta desyderia, recta contilia, & iusta sunt opera, vt ipse sibi in anima nostra dignum præparet habitaculum, sine quo nos nihil validum facere possumus. Aduersus hanc hæresim scribit Dominus episcopus Rossensis in eo opere quod aduersus omnes Lutheri errores edidit. Cui rei articulum sui operis quintũ decimum tribuit. A quo præter illam quã proxime citauimus Cypriani auctoritatem, nihil mutuatus sum, reliqua autẽ sanctorum virorum testimonia, quò rem amplius locupletaremus, ex nostro labore contulimus. Quod ideo te lector admonui, vt etiam si hanc nostram epitomen legeris, non ideo ab illius lectione abstinendum putes, quòd illic multa quæ te docere possint reperies.

Vndecima de hoc sacramento hæresis est, asserēs eos qui aliquibus peccatis fuerint obuoluti, etiam si ad mensam dominicam accedant, & à sacerdote consecratum panem recipiant, nõ recipere corpus domini. Huius hæresis nullum vnquam potui reperire authorem, quanquam reperio illi non defuisse patronum. Nam Petrus Lombardus, qui vulgò Magister sententiarum dictus est, in 4. libro suarum Sententiarum, dist. 9. postquam recensuit quorundam sanctorum testimonia quæ huic errori in specie fauere videntur, hæc verba subiunxit, Hæc verba & alia huiusmodi vbi de spirituali manducatione agitur, quidam obtruso corde legentes, erroris caligine inuoluti sunt, adeo vt præsumperint dicere corpus & sanguinem Christi à bonis tantum sumi, & non à malis. Hæc Petrus Lombardus. Ex quibus verbis patet fuisse olim aliquos qui hunc errorẽ tuerentur. Nec tamen aliquis ex his omnibus qui super Magistrũ sententiarum commentarios ediderunt, memorat aliquem huius erroris authorem, quod tamen ab eis exigendum erat, cū com-

mentandi onus susceperint. Sit quiuis huius erroris author, dum tamen constet eum semel fuisse assertum, necessarium est nobis eum expugnare. quod paucis Deo authore absoluemus. Nā

**1. Cor. 11** Apostolus dicens, Qui manducat & bibit indignè, iudicium sibi manducat: manifestè asserit, quantuncunq; indignum posse manducare corpus Christi, quamuis talis manducatio valdè sit illi incommoda, nempe quæ iudicium damnationis illi inferat. Similiter de Iuda proditore cōstat ex euangelio eum in cœna vltima cum aliis apostolis sumpsisse corpus dominicū, nec tamè dignè, cū iam diabolus misisset in cor, vt traderet eū Iudas. Verū quoniā audio aliquos id vehemèter negare, vt apertius rem hāc colligamus, Euangelistarū verba oportet referre.

**Ioan. 13** Matthæus enim dominicā cœnā enarrans sic ait, Vespere autē facto discūbebat cū duodecim discipulis suis: & edētibz illis dixit, Amē dico vobis quia vnus vestrū me traditurus est. Et infrā Cœnantibus autē eis, accepit Iesus panē, & benedixit ac fregit: deditq; discipulis suis, & ait: Accipite & comedite, hoc est corpus meum. Et accipiēs calicem gratias egit, & dedit illis dicens, Bibite ex hoc omnes. Ad hunc autem modū ferè omnino eisdem verbis referunt Marcus & Lucæ a quæ ad cœnam spectant. Vides hic primò omnes duodecim primū cœnæ adstitisse, & postmodū nulla prorsus adhuc de Iudæ recessu ad principes & sacerdotes mentione facta, subditur, Cœnantibus autem eis, omnibus scilicet duodecim, accepit Iesus panem, deditque discipulis suis. quo loco cū nullus excipiat, intelligendum est omnibus discipulis adstantibus dedisse, ac ita dedisse Iudæ. Hoc autem expressius conuincitur ex calicis distributione, vbi dicitur, Bibite ex hoc omnes. ergo & Iudas bibit, cū eum adfuisse constet. Quod si bibit ex calice, cur non etiā manducauit panem cū etiam in calice (vt proximè ostendemus) integra sit Christi substantia sicut in pane? Quod si adhuc contendas Iudam minimè adstitisse, dicatque eum cœna facta in qua cum vndecim fuerat, continuo ante corporis consecrationem abisse ad principes & sacerdotes, vt de modo proditiōis eos conueniret, & cum eis pacisceretur, atque ita nec corpus nec sanguinē, quod alij receperant, recepisse: hoc ex Ioanne facilè conuincitur. Et vt res sit apertior, hic consyderare oportet qualiter Christus (vt Ioannes testatur) bis ad cœnā sederit, ita vt primò cœnam iuxta ritum Iudaicum agnum paschalem edendo fecerint: huic cœnæ nullus dubitare potest Iudam adfuisse,

fuisse, quum testentur Matthæus, Marcus, & Lucas, adstitisse duodecim. Hac cœna peracta, surgens a cœna, lauit pedes discipulorum, cuius rei solus Ioannes meminit. Quod cum alij euangelistę prætermiserint, vix poterit quis ab eis edoceri qualiter Christus bis ad cœnam sederit, quum continua narratione de cœna pertractent, nullum prorsus vnus ab altera discriminē signantes. Lotis igitur discipulorum pedibus, iterum Christus rediit ad mensam. quod Ioannes satis apertè expressit dicens, Postquàm ergo lauit pedes eorum, accepit vestimenta sua: & cum recubisset iterum, dixit eis, Scitis quid fecerim vobis? Et infra post hæc commemorat buccellam datam Iudæ, quum adhuc in mensa essent. Ex quibus verbis manifestè colligitur Christum bis ad mensam cœnantem recubuisse, semel antequam discipulorum pedes lauerat, atque iterum postquàm eorum pedes lauit. Et in hoc secundo mensę accubitu Christus corpus suum discipulis dedit. De prima cœna est quod Matthæus Marcus & Lucas aiunt vespere factò discubuisse cum duodecim discipulis suis. Ad secundam cœnam post pedum lotionem factam spectat quod dicunt, Cœnantibus autem eis, accepit Iesus panem, & benedixit ac fregit, deditque discipulis suis, & ait: Accipite & comedite, hoc est corpus meum. In hac autem cœna factum est quod Euangelistę referunt Christum dixisse, Vnus vestrum me traditurus est, atque postmodum vt innotesceret Ioanni traditorẽ futurum Iudam, dicunt panem intinctũ Iudæ porrexisse. Quòd autem hæc in secunda cœna facta fuerint, in qua suũ corpus consecrauit, apertè Ioannes & Lucas testantur. Quòd verò alij euangelistę narrent corporis Christi consecrationẽ postquàm dixerant Christum dixisse, Vnus vestrum me traditurus est, hoc est ex cõmuni modo loquendi quo sacrę literę vtuntur, vt postquàm generali locutione aliqua enarrauerint, iterũ ad priora quę restabant clarius differenda redeant. Sic etiã Matthæus, Marcus, & Lucas, de hac cœna differentes sub nomine vnus quasi vna sit, licet lotio pedũ fuerit interiecta, continua narratione ea quę Christus dixit, subiungunt, scilicet, Vnus vestrum me traditurus est, & quę sequuntur. At his enarratis, ad cœnæ historiam, ex qua aliqua prætermissa fuerant, redeunt subiungunt, Cœnantibus autem eis, accepit Iesus panem &c. ita vt ab illo loco quandam historię retro celsionem factam agnoscas, non autẽ continuationem: quod ex illa cõiunctione apposita, videlicet autẽ,



susplicari licet. Nā si prosecutio illa esset historiar, dixisset, Cœnantibus eis accepit Iesus panem. At cū dixerit, Cœnantibus autem eis, credendum est historiam ad præterita quæ dicenda restabant redire. Hęc autem ideo differui, vt inde appareat Iudam vsque ad vltimam cœnam, siue vsque ad finem cœnæ māfisse cū aliis vndecim. Quo fit vt si Iudas affuerit māducauerit etiā corpus Domini, & biberit eius sanguinē, præcipuē cū Christus dixerit, Bibite ex eo oēs. Et Marcus ita illos fecisse quēadmodum Dominus præceperat, testatur dicens, Biberunt ex eo omnes. Huic autē sententiæ Lucas apertissimē fauet: qui postquam verba consecrationis calicis dixerat, statim subiungit:

**Mar. 14** Verumtamen ecce manu tradentis me, mecum est in mensa. Ex quibus verbis satis patet Iudam fuisse præsentem cū Christus consecrauit calicem, & tradidit discipulis. Et cū Marcus dicat, biberunt ex eo omnes, conuincitur etiam Iudam bibisse. Ne autem hæc ex nostro cerebro dicta videantur, sacros producā auctores, quibus in hac parte subscripsi. Theophylactus super illud Matth. 26. Cœnantibus autem eis, accepit Iesus panem, sic ait, Apposuit autem vescentibus, vt ostenderet crudelitatem Iudæ, quia in mensa & comunione ciborum illius, quando etsi fera fuisset, mansuetiorem se exhibuisset, tunc neq; cū argueretur intellexit, sed & corpus illius gustans non pœnituit. Hęc Theophylactus. Et Chrysostom. in homil. de prodicione Iudæ, in eādē subscribit sententiam dicens, Fuit quidem aliquando pascha Iudaicum, sed exemptum & euacuatum est paschæ (spiritualis aduētū, quod Christus tradidit. Nam cū manducarent (inquit) & biberēt, accepit panē, & fregit, & dixit, Hoc est corpus meū quod pro vobis tradetur. Agnoscunt quod loquor, qui diuinis sunt consecrati mysteriis. Et iterum accepit calicem, & dixit, Hic est sanguis meus qui pro multis effundetur in remissionē peccatorum. Et præsens Iudas erat ista Christo dicente, Iste est sanguis, dic Iuda, quem triginta denariis vendidisti. Iste est sanguis, de quo ante cum Pharisæis pacta fecisti. O Christi misericordia. O Iudæ demētia. Ille eū triginta denariis pacifcebatur vt videret, & Christus ei sanguinē quē vendidit offerebat, vt haberet remissionē peccatorū. Hęc Chrysostomus, qui expressē asserit Iudam mensæ dominicæ adfuisse, Christūmq; illi sanguinem suum tribuisse. Augustinus autem tot locis hanc sententiam repetit, vt nesciam quem illorum ceteris præferam. nam omnes in medium asferre non patitur cōpendij

pendij ratio, quam tenere decreui. Super Ioannem tractatu 50. sic ait: Talis erat Iudas, & tamen cum sanctis discipulis intrabat, & exibat. Ad ipsam cœnam dominicam pariter accessit. Conuersari cum eis potuit, eos inquinare nō potuit. De vno pane & Petrus accepit, & Iudas: & tamen quæ pars fidelis cum infideli? Petrus enim accepit ad vitam, Iudas ad mortem. Quomodo enim ille odor bonus, sic ille cibus bonus. Sicut ergo odor bonus, ita & cibus bonus, bonos viuificat, malos mortificat. Qui enim manducauerit & biberit indignè, iudicium sibi māducat & bibit. Hæc August. Quibus verbis nihil potest expressius pro nostra sentētia dici. Ex his ergo doctoribus simul cum euangelij litera, constat Iudam sumpsisse corpus & sanguinem Domini. At cum hoc sumpsit, iam diabolus (Vt est apud Ioan-<sup>Ioan. 13</sup> nem) miserat in cor eius vt dominum suum atque magistrum venderet. Colligitur ergo manifestè, eum qui indignè ad mēsam dominicam accedit verum Christi corpus accipere, quāuis nihil illi prosit, imò quammaximè obest, non ipsius panis natura, sed ipsius accipientis vitio. & hoc est quod sub aliis verbis recentiores theologi dixerunt, scilicet quod talis indignus quamuis manducet sacramentaliter, non tamen spiritualiter, quia corpus manducatum quantumcunque sit bonum, ex accipientis malitia illi obest. Sæpe enim cōperimus quæ valdè bona sunt, aliis ob suam malitiam obesse. Nam si rei bonitas sufficeret accipienti, frustra Dominus præcepisset dicens, Quod iustum est, iustè exequeris. Pro huius ergo rei confirmatione superfluum erit quicquam superaddere, cum satis ex dictis nostrum propositum constet.

Vltima (quod sciam) de hac re hæresis est quæ asserit necessariò sub vtraque specie scilicet panis & vini esse communicandum, ita quòd qui sub vna specie tantum cōmunicat, etiā si laicus sit, peccat, quoniā (vt aiunt) contra præceptum Christi agit, qui præcepit sub vtraque specie communicare. Huius hæresis authores primi fuerunt Græci, hos post modum sequuti sunt Bohemi, in sua adhuc damnatione inanētes, atq; occasione hac à Romanæ ecclesiæ obedientia hucusq; diuisi. Nec tamē hunc errorem velut ceteros Bohemorum, Ioannes Hufs eorum propheta suscitauit. Nam post inceptam huius Ioannis dementiā paulòque progressā (vt Aeneas Syluius in libro de origine Bohemorum capite trigesimoquinto testatur) attulit Bohe-<sup>Petrus</sup> mix hanc nouam pestem quidam Petrus Dresensis Germa-<sup>Dresensis.</sup>

nus, qui à suis cognitus quòd Valdensium lepra fuisset infectus, patria pulsus est, indeq; fugiens, Pragam Bohemiarum ciuitatem velut hæreticorum atylum petiit. In qua tunc ciuitate Iacobellus quidam Misnensis, moribus perinde ac literis clarus, curam tenebat populi, sua prædicatione edocendi. Hunc Petrus cum cõuenisset, mirari se ait hominem doctum simul ac sanctum, qui populi instruendi onus suscepisset, non animaduertisse errorem communionis Eucharistiarum, qui iam pridem ecclesiam perfundasset, in qua sub vna tantum specie dominicum corpus populo ministratur, cum apud Ioannem sub duplici specie panis vinique sumi iubeatur, dicente Domino, Nisi manducaueritis carnem filii hominis, & biberitis eius sanguinem, non habebitis vitam in vobis. Commotus his Iacobellus præfatus, cum perquisitis vetustis sanctorum codicibus, communionem calicis aliquando v̄sitatam pleneq; laudatam inuenisset, populum admonet ne deinceps communionem calicis, sine qua saluari nemo postea, negligeret. Huic cæteri qui iam in Bohemia aderant hæretici consenserunt, non modicum læti quòd sententiam aliquam inuenissent in sacro vt aiebant euangelio fundatam, per quam Romanæ sedis vel ignorantia vel nequicia argui posset. Hoc pestiferum dogma post centum & eo amplius annos sequutus Lutherus, totam penè Germaniam hoc infecit errore, in qua iam laici vt sacerdotes sub vtraque specie communicant, damnationem (vt aiunt) nisi ita fecerint, incursum. Vt autem omnibus pateat quàm mordicus hoc dogma Lutherus teneat, eius verba referam. Is enim cum alias sanam doctrinam prædicasset, postmodum bene actorum poenitens, in hæc verba prorupit: Hunc articulum reuocaui libro de captiuitate Babylonica, & iterum his scriptis reuoco, & dico Bohemos & Græcos in hac parte nec hæreticos, nec schismaticos sed christianissimos & euangelicissimos esse, quos & his verbis oro & obtestor in Domino, vt in ea sententia firmiter permaneant, cum pro se habeant expressum textum euangelij, & longæum apud Græcos in hunc diem seruatum catholicum vsum ecclesiæ. Nec moueatur tyranni illius Romani & Antichristi, variis & impiis decretis, quibus alteram partem sacramenti per vim abstulit, quibus Christus ipse donauit. Hæc Lutherus. Pro huius erroris confutatione hoc primum statuere oportet, totum Christum sub qualibet huius sacramenti specie integrè contineri, quoniam ex hoc tota ferme huius causæ virtus pendet. Hoc autem ex eo maxime conuenit

conuincitur, quod ait Apostolus, Romanorum sexto, Chri Rom. 6  
 stus iam non moritur, mors illi ultra non dominabitur. At  
 si sub specie panis corpus esset exangue, oporteret necessa-  
 rio, ut esset etiam inanimatum, atque cadauer, quod anima  
 corpus exangue minimè vegetare potest. Corpus autem cū se-  
 mel assumptum à diuinitate, nunquam postea fuerit ab ea  
 reiectum, fieret inde ut quoties panis consecraretur, toties  
 Christus ibi velut in sepulchro mortuus iaceret, totiesque  
 corpus eius nouum cadauer fieret. ut autem hæc non fiant,  
 erit necessario concedendum sub specie panis corpus Chri-  
 sti esse animatum, atque ideò sanguine vegetatum. Quod  
 cū à diuinitate nunquam sit separatum, totum etiam Chri-  
 stum in duabus naturis ibidem esse fateri oportebit. Per-  
 inde etiam de sanguine dicendum est. nam cū eum pro no-  
 bis semel iam in ara crucis effusum, in resurrectione sua  
 Christus resumpserit, nunquam iterum eum fusurus, con-  
 uincitur inde etiam nunquam sanguinem verum illius in-  
 tegrè alicubi esse sine eius corpore vero. Quod si sub spe-  
 cie vini solus sanguis inaneret, toties sanguinem fundi o-  
 porteret, quoties vinum consecraretur, quod vi consecratio-  
 nis sanguis ibidem constitutus, à corpore tunc separaretur.  
 Ut autem hæc fugiamus, erit sine vlla hæsitacione conceden-  
 dum in sacramento Eucharistiæ sub vtraque specie, panis  
 scilicet, & vini totum Christum integrè contineri. Et licet  
 hoc de continentia verum sit, non tamen perinde est de si-  
 gnificatione. Nam quamuis sub illis panis speciebus totus  
 integer Christus lateat, non tamen totum Christum spe-  
 cies illæ significant, sed solū corpus illud pro nobis in  
 ara crucis oblatum cū iam scilicet exangue erat, sanguine in  
 vniuersum à corpore separato. Ad eundem modum species vi-  
 ni etsi totum integrum Christum cōtineant, non tamen aliud  
 significant quā sanguinem illum effusum cū à corpore esset  
 separatus. nec tamē eum esse separatum significant, quoniā fal-  
 sum esset signū, sed eum solū significant, qualiter solus erat cū  
 separatus erat à corpore, ita ut significatio non ad separationē,  
 sed ad sanguinē referatur. Secundū pro nostri. i. catholici dog-  
 matis cōfirmatione iaciendū fundamentū est, gratiā quę in hoc  
 sacramēto cōfertur, nō tam cōferri virtute signi, quā virtute si-  
 gnati. Non enim illę species panis aut vini quę exterius patēt, ta-  
 les sunt quæ ex se animā viuificēt, quę hominē in electorum for-  
 tem



tem resuscitare valeant, aut quæ nos in Deo esse efficiant, & Deum in nobis: sed hæc omnia fiunt virtute carnis, quæ propter inhabitantem in ea vitam, nempe diuinitatem, viuificatrix esse censetur. Ex his duobus tertium iam clarè confurgit, nihil scilicet, plus gratiæ conferri virtute sacramenti ei qui duplicem speciem sumpserit, panis scilicet, & vini, quàm qui tantum vnâ. Nam quum exceptis speciebus quæ gratiam nequaquam conferre possunt, tantum sumat, nempe totum Christum integrè, qui vnâ sumit speciem, sicut qui ambas, nō est cur plus gratiæ accipiat virtute sacramenti hic quàm ille, præcipuè cum vnicum sit sacramentum, & non duo, quanuis duæ sint species, aut duo signa. Quum ergo hæc ita se habeant, constat nihil gratiæ laicis deperire propter alterâ, id est vini subtractam speciem. Post hæc omnia quartum addendum censui, vt quadrata structura confurgat, nullum esse datum à Christo præceptum de manducatione Eucharistiæ sub vtraque specie. Nam quod in primis adducunt ex Ioannis sexto, Nisi manducaueritis carnem filij hominis, & biberitis eius sanguinem, nō habebitis vitam in vobis: admittimus quidem, atque extensis (vt aiunt) brachiis amplectimur illa verba de corporali atque visibili esu Eucharistiæ esse intelligenda. Neque mihi placet quod Gaspar Sagerus vir alioqui doctus & catholicus pro fide aduersus Lutherum strenuè decertans ait: hæc verba de spiritali esu, qui per fidem & charitatem fit, esse intelligenda, motus illis verbis quæ postmodum in eodem capite Christus subiunxit, Spiritus est qui viuificat, caro nō prodest quicquam. verba quæ locutus sum vobis, spiritus & vita sunt. Ex quibus verbis ille colligit verba illa de spiritali esu esse intelligenda. Verum hæc non ita se habent, vt patet legenti Theophylactum, Cyrillum, Chrysostomum, Augustinum, qui omnes in expositione super Ioannem fatètur illa ad corporalem & visibilem manducationem esse referenda. Et istorum omnium dicta superius hæresi quarta recensuimus. Quod autem subditur, Spiritus est qui viuificat, caro non prodest quicquam: sic exponunt Theophylactus & Cyrillus, id est caro ista quam dixi viuificaturam eum qui illam sumpserit, suapte natura hoc efficere nō valebit, tamē hoc efficiet propter inhabitantem in ea spiritum filij Dei. nam hic spiritus est qui verè viuificat, caro autem sola nihil prodesse poterat, sed propter coniunctionem cum verbo, ad altiore quandam dignitatem eleuata est, vt viuifica-

trix

trix esse possit. Quemadmodum enim si alicui liquori mel infundas ac misceas, totum liquorem dulcem facit, eamque illi tribuit proprietatem, quam alias non habebat: sic diuinum verbum carni vnitum, quoniam verbum vita est, carnem ipsam etiam viuificatricem fecit: atque ideo caro ex se non prodest quicquam, sed à spiritu habet vt viuificare possit. Quod verò dixit, Verba quæ ego locutus sum vobis, spiritus & vita sunt, huc tendit, quòd viderat Iudæos murmurare credentes Christum eis præcepisse vt more ferarum carnem humanam ederent, sanguinè que biberent: atque ideo eos reprehendens de carnali illa suorum verborum intelligentia, edocet eos mysterium quoddam latere, verbaque sua sic esse intelligenda, non quòd crederent corpus suum dentibus atterendum, sed sub sacramento manducandum. Dicimus ergo atque fatemur verba illa, scilicet: Nisi manducaueritis carnem filij hominis &c. de corporali esu esse intelligenda, nec tamen admittimus Christum illis verbis nobis præcepisse vt Eucharistiam sub duplici specie acciperemus. Nulla nanque in illis verbis specierum panis aut vini fit mètio, sed solum de signatis scilicet carne & sanguine, quæ sub illis signis continentur. Non enim dixit, Nisi manducaueritis carnem filij hominis sub specie panis, & biberitis eius sanguinem sub specie vini, non habebitis vitam in vobis. Non sic dixit, sed sic, Nisi manducaueritis carnem filij hominis, & biberitis eius sanguinem, non habebitis vitam in vobis. At cum diximus sub specie panis corpus contineri simul etiam & sanguinem, fit, vt qui Eucharistiam sub specie panis sumit, carnem manducet, sanguinè que bibat, cum sanguinis sumptio verè potus dicatur, sicut & carnis acceptio dicitur manducatio. Nec tamen hac occasione sat erit sacerdoti conficienti vnā sine altera speciem sumere: quoniam sacerdos conficiens & consecrans, ipsum summum sacerdotem Iesum Christum repræsentat, qui pro nobis corpus & sanguinem suum in ara crucis obtulit, sicut ipse Christus expressit dicens, *Hoc facite in meam commemorationem. Quid est dicere, hoc facite, nisi, hoc conficite, hoc consecrate? Scio tamen aliquos ex ipsis hæreticis esse qui hoc apertissimè negant, imò irrident talem interpretationem, quum dicimus, hoc facite, valere tantum ac si dixisset, consecrate. Nam quidam Ioannes Riuius atthendoriensis in quadam epistola de communione sub vtraque specie, hanc interpretationem irridet, sic inquit: Nam quum apud*  
Luc. 22  
cuang

euangelistam legatur, τοῦτο ποιῆτε, non poterit. hoc facite, pro  
sacrificate, accipi. Nam hanc planè græca vox interpretatio-  
nem respuit. Hec ille. Non erat opus vt veram literæ interpre-  
tationem agnosceremus, literā græcam citare, quæ nihil pror-  
sus hac in parte à latina dissentit, neque interpretationem no-  
stram (vt Ioannes Riuus ait) magis quàm latina litera respuit.  
Non enim sumus tam rudes, aut latini sermonis, vel græci tam  
ignari, vt putemus hoc verbum facio, aut hoc verbum græcū  
ποιῶ, illi respondens, significare ex sua institutione idem quod  
consecrare, aut sacrificare. Verùm etsi hoc ita se habeat, tamen  
quia solenne est, & apud doctissimos viros sæpe vsurpatum, vt  
nomen aut verbum generale accommodetur ad particulares  
illius species, hinc euenit vt sæpe illius significatio varietur, iux-  
ta varietatem particularis materiæ de qua fit sermo. Hoc au-  
tem verbum, facio, aut græcum illi respondens videlicet ποιῶ,  
generale verbum est, ad omnem efficientiæ modum explican-  
dum. Nam qui legit, aut scribit, aut pingit, aut cantat, aut bibit,  
aut saltat, aliquid facere dicitur. Proinde si quis vno saltu trāsi-  
ret aquæ torrentem, & postea diceret aliis, Facite vos hoc, nul-  
lus negabit per illa verba illum præcipere aliis, vt similiter  
transilirent torrentem. Siquis etiam pictor peritus coram di-  
scipulis pingēs diceret postea discipulis suis, Facite hoc, omnes  
audientes intelligerent, magistrum præcepisse discipulis, vt  
aliud simile pingerent. Et tamen hoc verbum facere, nec pin-  
gere, nec saltare significat ex sua propria & adæquata signifi-  
catione, quanuis omnia illa signo quodam generali significet.  
Ad eundem prorsus modum accipienda sunt verba Christi,  
quum ait: Hoc facite in meam commemorationem. Illis enim  
verbis præcepit Apostolis, vt quod illum fecisse viderant, ipsi  
postmodum facerent. At Christus panem in manus suas acce-  
perat, benedixerat, consecrauerat, consecratumq: eisdem Apo-  
stolis distribuerat. Dicens ergo Apostolis, Hoc facite, præcepit  
illis, vt panem accipientes similiter benedicerent, consecrarent,  
consecratumque populo traderent. Non est ergo absurda (vt  
Ioannes Riuus ait) sed germana literæ interpretatio, quum il-  
la verba Christi, Hoc facite, per ista verba, consecrate, sacrifi-  
cate, explicamus. Illis nanque verbis potestatem consecrandi il-  
lis dedit. tunc enim à Christo ordinati sunt sacerdotes, eis ad-  
iungente vt in suæ passionis commemorationem hoc facerent.

1. Cor. II quod expressius dixit Paulus, Hic calix nouum testamentum  
est in

est in meo sanguine. Hoc facite quotiescunq; bibetis, in meam commemorationem: Si facere hic pro cōsecrare ponitur, quod ad solos sacerdotes ( vt alias disseremus ) spectat: constat solis sacerdotibus dictum esse, vt quotiescunque bibunt, in sui commemorationem faciant. Cuius autem rei esset futura cōmemoratio, verba subiuncta manifestant. Quotiescunq; enim inquit, manducabitis panem hunc, & calicem bibetis, mortem domini annuntiabitis donec veniat. Memoriam ergo dominicæ mortis sacerdos in altari agit, non autem ille qui à sacerdote recipit: quapropter sacerdos hac lege deuinctus est, vt quotiescunque celebret, nec panem sine vino consecret, nec vnam speciem sine altera sumat: quoniam etsi sub qualibet specie totus integer Christus lateat, non tamen quælibet species totum Christum significat aut repræsentat, sed species panis solā carnem significat, species vini solū sanguinem repræsentat, cuiusq; solius memoriam gerit. Quo fit vt si solum panem consecraret, aut solum panem consecratum sumeret, solius oblationis memoriam faceret qua Christus obtulit suum corpus, nulla autem tūc memoria fieret sanguinis effusi, atq; pro nobis à Christo oblati, quod species panis etsi sanguinem contineat, non tamen sanguinem repræsentat, aut eius memoriā facit. Ad hunc eundem modum si solum vinum consecraretur, aut illud consecratum solum sumeretur, solius sanguinis oblati atq; effusi, & non corporis memoria fieret. At cum sacerdotes consecrantes, in memoriā dominicæ mortis quam pro nobis tulit, consecrare teneantur, colligitur inde vt sub vtraque specie id facere obligentur, quum neutra absq; altera perfectam Christi oblationem repræsentet: quod Christus innuit cū post panis & vini cōsecrationem dixit, Hoc facite in meam commemorationē, Luc. 22.  
 Quidnam est hoc quod facturi sunt in tuam commemorationem? Hoc inquam totum quod ego proximè coram vobis feci. Verum cum recipienti de manu alterius consecrantis, nihil tale præcipiatur vt in memoriam dominicæ oblationis sumat, nunquam is qui de manu alterius sumit, siue laicus ille sit, siue sacerdos, tenetur in eandē memoriā sic sumere, vt vnam sine altera non sumat. Illi enim simul non agunt aliquid circa sacramentum, atq; ideo eis non dictum est, Hoc facite in meā commemorationem. Neq; eis etiā dicitur, Bibite ex eo omnes, sed solum iis quibus dabatur, nempe Apostolis, qui omnium futurorum



rorum sacerdotum personas gerebant, quibus in Apostolis hoc sacramentum in memoriam Christi conficere præcipiebatur. His ergo solis dicitur, Bibite ex eo omnes. nisi fortè dicatur illa verba ad omnes Christianos esse referenda, omnesque Christianos (vt Lutherus ait) esse sacerdotes. Verùm de his aliàs longius disputabimus. Quod verò ex hoc colligunt Eucharistiam esse sumendam sub vtraque specie, quòd Christus sub vtraque specie discipulis suis illam dedit, ineptè quidem colligūt. Nam si ex omnibus Christi factis in hoc sacramento (omitto alia eius facta) esset sumendum argumentum ad sic necessariò faciendum, Græci conficientes in fermentato, licitè non conficerent, quum vt superius sub hoc titulo ostendimus, Christus in azymo confecerit: eos tamen licitè sic posse conficere diximus. Præterea non liceret ieiuno stomacho recipere Eucharistiam, quū Christus discipulis suis non ieiunis, quinimò cœnatis corpus suum dederit. Deinde nec liceret in calice aquam vino miscere, quoniam et si Christus propter suam sobrietatem ita fecisse credatur, Evangelistæ ramen nihil tale commemorant. At hi contra quos nunc agimus, nihil recipere volunt quod nō sit in sacris literis expressum: quo fit vt aquam vino miscere nō debeant, quia nullus Evangelistarum expressit Christum in calice sancto aquam vino miscuisse. Vides iam satis (vt existimo) quàm futile sit argumentum inde colligere nos esse obligatos ad præbendum laicis Eucharistiam sub vtraque specie, quòd Christus sic porrexerat Apostolis. Omitto quorundam responsionem, assignantium discrimen, quòd Apostoli ordinati sunt sacerdotes à Christo per illa verba, Hoc facite in meam commemorationem. De his enim verbis non constat Christum facta consecratione immediatè ea dixisse antequam Eucharistiā sub vtraque specie Apostolis dedit, vel post. Quòd si prius dixit quàm dederit, constat eum sacerdotibus dedisse. Si verò verba illa Christus post datam illis Eucharistiam dixit, manifestum est illum non sacerdotibus tunc dedisse. Quod mihi ex literæ decursu magis probatur. Nec tamen ideo (vt diximus) argumentum est efficax vt sic nos facere obligemur. Quòd si alicui negotio illud argumētum deseruire potest, huic certè erit, vt credamus non esse contra euangelicam institutionem, Eucharistiam sub vtraque specie aliis etiam laicis porrigere, quod firmissimè fatemur. Nā olim per multa secula sic apud omnes cathol

catholicos vſitatum eſſe, ex multorum ſanctorū ſcripturis didicimus. Sother papa qui tertius decimus à beato Petro, ſummus eccleſiæ pontifex fuit, ſic ait, In cœna Domini à quibuſdā perceptio Eucharistiæ negligitur, quæ quoniam eadem die ab omnibus fidelibus ( exceptis his quibus pro grauiffimis criminibus inhibituſ eſt ) percipienda ſit, eccleſiaſticus vſus demōſtrat: cum etiam pœnitentes eadem die ad percipienda corporis & ſanguinis dominicę ſacramēta reconcilientur. Hæc Sother papa. Quæ verba habentur, de conſecrat. diſtin. 2. Capit. In cœna. Cyprianus martyr Sothere pluſquam vno ſeculo poſterior, de eadem re teſtimonium reddit, qui in ſermone de lapſis loquēs de quadā puella à dæmone obſeſſa, quæ ad ipſum Cyprianum diuina celebrantem myſteria, adducta fuerat, hæc ait: Vbi verò ſolennibus adimpleris calicem diaconus offerre præſentibus cœpit, & accipientibus cæteris locus eius aduenit, faciem ſuam paruula inſtinctu diuinæ maiestatis auertere, os labiis obrurantibus premere, calicem recuſare. Perſtitit tamen diaconus, & reluētanti licet, de ſacramento calicis infudit. Tūc ſequitur ſingultus, & vomitus. In corpore atque ore violato Eucharistiā permanere non potuit. Sanctificatus in domini ſanguine potus de pollutis viſceribus erupit, tanta eſt poteſtas domini, tanta maiestas. Hæc Cyprianus. Auguſtinus Cypriano poſterior huius eccleſiaſtici vſus teſtimonium reddit, ſic in-  
 quiens: Quum frangitur hoſtia, dum ſanguis de calice in ora fidelium funditur, quid aliud quàm dominici corporis in cruce immolatio eiꝯque ſanguinis de latere effuſio designatur? Hæc Auguſtinus. Et habentur, De Conſecrat. Diſtin. 2. in cap. Quū frangitur. Hanc conſuetudinem fuiſſe adhuc in eccleſia tempo-  
 re beati Gregorii papæ, conſtat ex his quæ ille in quadam homilia paſchali refert, Sic enim ad populum loquens, ait: Quid ſit ſanguis agni, nō iam audiendo, ſed bibēdo didiciſtis: qui ſanguis ſuper vtrūque poſtem ponitur, quādo non ſolū ore corporis, ſed etiam ore cordis hauritur. Hæc Gregorius, & habentur, De conſecrat. Diſtin. 2. in cap. Quid ſit. Et huius rei aliquando in eccleſia catholica facta, hiſtoria tripartita meminit. In huius nanque hiſtoriæ cap. triceſimo libri noni, vnus ex iis tribus authoribus ex quorum fragmentis conſarcinatis tripartitę nomen accepit, nempe Theodoritus, enarrans verba beati Ambroſii quibus Theodoſium excommunicauit propter immenſam crudelitatem quam Theſſalanicæ exercue-

rat, & qualiter eū ab ingressu templi prohibuit, sic ait, Quibus igitur oculis aspicias communis domini tēplum? Quibus calcabis pedibus sanctum illius pauimentum? Quomodo manus extēdes, de quibus sanguis adhuc stillat iniustus? Quomodo huiusmodi manibus suscipies sanctum domini corpus? Qua temeritate ore tuo poculum sanguinis preciosi percipies, quando furore verborum tuorū tantus iniuste est sanguis effusus? Recede igitur, recede, nec altero peccato priora crimina augere contendas. Hæc ibi. Ex quibus verbis duo annotanda sunt. Primū est, olim laicis Eucharistiā dari in manus: quod cū ex aliis historiis, tū etiā ex hoc loco colligitur. Sic enim dixit Quomodo huiusmodi manibus suscipies sanctū domini corpus? Secundū est, Laicos sub specie vini Eucharistiā tunc recipere. postquam enim de susceptione corporis dixerat, subdidit, Qua temeritate ore tuo poculum sanguinis preciosi percipies? Nisi forte quis dicat Theodorum hunc præsēntis historiæ auctorem Græcum fuisse, atque ob id eam more suo narraſſe, quod Græcis, vt diximus mos sit Eucharistiā sub vtraque specie sumere. Hoc colli-

*Causa tollenda cōmunio sub vtraque specie.* gitur ex eis aliquādo factum fuisse, quod tamē ecclesia re postmodum bene circumspecta deleuit, nec immerito, cum ad hoc faciendum nec autoritas nec causa illi deesset. Causæ quidem ad id tollendum plurimæ subsunt. Prima, numerosa fidelium multitudo indies crescens, propter quam cōmunicandā periculum erat effusionis sanguinis, quod in præcedente tempore propter populi paucitatē non adeo timendū erat. Altera huic proxima, delatio vini ad loca distantiora pro communicandis

*Prima* infirmis, quo casu timendū valde erat ne inopinato deferentis lapsu sanguis effunderetur. Nā ob aliam similem causam, cum olim communio sub vtraq; specie laicis daretur, sanguinē domini a diacono fuisse fustum, in vita sancti Donati episcopi & martyris legitur, vbi hæc verba habentur. Cumq; die quadam missam celebrasset populo, & de corpore Christi venerabiliter recrearetur, diaconus sanguinem sacrum populo tradens cecidit, & sanctū calicem comminuit. Hæc ibi. Deinde ne vinum pro infirmis cōseruatum vertatur in acetum, quod plurimum contingere solet. Quarta ratio est, quod apud plerasq; gētium

*Quarta.* nationes magna est vini raritas, ob quam difficillimum esset, & aliquando impossibile vt sub vini specie totus populus cōmunicaret: quoniam vinum deesset quod tantæ multitudini sufficeret. Et quod præ his omnibus magis curandum erat, ne scilicet

scilicet homines hac occasione in eum ducerentur errorem, ut crederent sub vtraque Eucharistiæ specie non æque totum Christum contineri, sicut de quibusdā, nempe Nestorianis, dicitur in hunc errorem lapsos fuisse. Quo fieret, ut cum laborā-  
*Nestoriani.*  
 ti in extremis species vini propter quasdam vrgentes causas subtraheretur, suspicaretur se non integre cōmunicatum. Causæ ergo suppetunt, æque non contemnendæ, nec autoritas defuit. Nam si ex hoc quòd Christus communicauit semel discipulis sub vtraque specie, fatemur illud licite fieri posse, si ecclesia non prohiberet: ergo si ostendamus Christum in vna tantū specie eucharistiam aliquādo discipulis communicasse, fateri etiam oportebit hoc ipsum etiam licere, Eucharistiam videlicet sub vna tantum specie populo cōmunicare, præcipue quum constet de Apostolis post Christū aliàs id factitasse. De Christo patet. Nam Lucas enarrans historiam discipulorū euntium in castellum quod dicitur Emaus, quibus Christus resurgēs factus est obuiam, ait, Et factum est dum recūberet cum eis, accepit panem, & benedixit, ac fregit, & porrigebat illis. Et aperti sunt oculi eorum, & cognouerunt eum, & ipse euauit ex oculis eorum. Hunc autem panem fuisse Eucharistiam ex eo constare potest, quod dicit, benedixit, ac fregit nunquam enim aliter consecratio illa in euangelio, nec in epistolis Pauli nominatur, nisi benedictio. Et cognouerunt eum in fractione panis, quippe quòd viderint modum obseruantē quem in cœna vltima tenuerat quum apostolis suum corpus porrigebat. Verum ne ista sic dicta nostræ fallaci suspicioni imputentur, grauissimos authores sic sentientes citabo. Theophylactus itaq; hunc Lucæ locum exponens ait, Et quando permittit, tunc aperiuntur oculi eorum, & agnoscunt eum. Insinuat & aliud quiddā, nempe quòd oculi eorū qui benedictū panē assumāt, aperiuntur ut agnoscant illū. Magnā enim & indicibilē vim habet caro domini. Hęc Theophylactus. Hoc etiam testatur Augu in iii. lib. de cōsensu euangelistarū, sic inquiēs, Nō incongruenter accepimus hoc impedimentū in oculis eorū à Satana factum fuisse, ne agnosceretur Iesus, sed tamen à Christo facta est permissio vsq; ad sacramentū panis, ut vnitāte corporis eius participata, remoueri intelligatur impedimentū inimici, ut Christus posset agnosci. Hęc Aug. Huius sentētię est Chrysost. homilia. 17. super Matth. atq; idē asserit Beda super Lucā. Quorū verba ut prolixitatem fugerem, in medium asserre contempsit.



Cum ergo Christus tunc sacramentum dedit, panem solū Lucas commemorat dedisse, nullam vini faciens mentionem. Esto Christus tunc corpus suum non dederit, quoniam de hac re nihil definire volo, Apostoli tamen hoc idem usurparunt. Nam in Act. 2  
 Act. 20 Vides hic nullam vini factam mentionem. Et alibi in eodem libro dicitur, Vna autē sabbati cum conuenissemus in crastinū ad frangendum panem, Paulus disputabat cum eis profecturus in crastinum. Neque hic aliqua de vino facta est mentio. Si ergo Christus semel discipulis suis in vna tantum specie communicauit: si Apostoli aliis etiam in vna tantum specie sepe communicarunt, conuincitur, minime ex Christi praecepto Christianos omnes obligari ad sumendum sub vtraque specie. Adde quod in Ioannis 6. ca. in quo de hoc sacramento fit mentio, saepe fit memoria panis, nunquā autem memoria vini. Nam etsi de sanguine fiat mentio, non tamen ut sub specie vini sumendus est. Deinde vna earum petitionum quae in oratione dominica memorantur apud Mattheum, est de hoc sacramento sub his verbis, Panem nostrum supersubstantialē da nobis hodie. in qua nulla de specie vini fit mentio. Praetereo figuras huius sacramenti, quae cum multae sint, rarissimē tamen in specie vini, sed omnes fere in specie cibi praecesserunt, ut de māna, & agno paschali, & panibus propositionis. Quod autem in Gene. dicitur, Melchisedech panem & vinum obtulisse, figura quidem fuit huius sacramenti sub vtraque specie, non tamen in plebeio homine, sed in vero Dei sacerdote: quoniam intelligendum est, non quod illa obtulerit Abraham. Nam ut ista porrigerentur Abraham, non erat necessarius Christi sacerdos. Sed quod illa obtulit Deo, gratias ei reddens pro victoria quam Abraham de inimicis habuerat. Cum ergo tot testimoniis comprobetur nullum esse de hac re diuinum praeceptū, ut omnes videlicet Christiani sub duplici specie Eucharistiā sumant, quid prohibet ecclesiā statuere ut laici ad vnam tantum speciem arceantur, praecipue cum ad id statuendum tot vrgentes causae subsint, & nullum inde incommodum sequatur? Est ergo constantissimē fatendum ecclesiae vsum hactenus obseruatum de communione sub vna tantum specie laicis praestanda, sacris literis minimē difformem, quinimo iustum verēque catholicum esse. Quapropter

propter Græci, Bohemi, & Lutherani oppositum asserentes, heretici censendi sunt, ac velut tales euitandi. Sed neque in his amplius iam remorari decet lectorem, cum à pluribus conciliis fuerit iam hæc causa definita. Concilium nanq; Constantiense sessione 13. per hæc verba definit: Et sicut hæc coluetudo ad euitandū aliqua pericula & scandala rationabiliter introducta quod licet in primitiua ecclesia huiusmodi sacramentum reciperetur à fidelibus sub vtraque specie, postea à conficientibus sub vtraque specie, & à laicis tantūmodo sub specie panis suscipiatur, cum firmissime credendum sit, & nullatenus dubitandum, integrum Christi corpus & sanguinem tam sub specie panis, quam sub specie vini veraciter contineri, vnde cum huiusmodi consuetudo ab ecclesia & sanctis patribus rationabiliter introducta, & diutissimè observata sit, habenda est pro lege, quam non licet reprobare, aut sine ecclesiæ autoritate prohibito mutare. Quapropter dicere quod hanc consuetudinē aut legem observare, sit sacrilegium aut illicitum, ceterū debet erroneum, & pertinaciter asserentes oppositum præmissorum, tanquam hæretici arcendi sunt, & grauiter puniendi per diocesanos locorum. Hæc concilium Constantiense. Et concilium Basiliense in quo longius hæc res cum Bohemis disputata est hanc eandem præfati concilii sententiam sessione trigesima confirmat. Si quis autem à me petat, quando communio sub vtraque specie inter laicos desierit, ego (vt ingenuè loquar) ignore, Nam, etsi in re hac inuestiganda omnem adhibuerim diligentiam, apud nullum tamen scriptorem potui huius rei inuenire initium, neque vllam ante concilium Constantiense inuenio de hac re ecclesiæ definitionem. Credere igitur par est ex communi fidelium populorum & orthodoxorum præsulū tacito consensu. receptam esse sub vna tantum specie communionem. Quando autem primum incœperit, mihi non constat. Contra hanc hæresim scripsit olim, vt Ioannes Triterius testatur, quidam Ioannes Hagen Carthusiensis, Postea hoc nostro tempore multi scriptisse feruntur, è quibus vidi Gasparum Sagerum in suo scrutinio diuinæ scripturæ, & episcopum Rossensem, qui in eo opere quod contra omnes Lutheri errores edidit, vnum de hac re integrum fecit articulum: & Iodocum Clichthouæum in eo compendio quod fecit veritatum in concilio Senonensi definitarum. Albertus Pighius in lib. controuersiarum Ratisponę habitarum, controuersia septima.

Valesii

Mat. 5

Mat. 19

Mat. 19

I. Cor. 7

Gene. I

**F**Vit quædam non minus crudelis & temeraria, quàm erronea sententia quorundam dicentium esse necessarium ad Deo bene serviendum, ut quisque castratus & eunuchus sit. Huius hæresis authores, ut August. libro de hæresibus cap. 37. ait, fuerunt quidam nominati Valesii qui non solū seipsos, sed etiā eos quos hospitio recipiebant, castrabant, credentes sic deo se debere servire. Hic error satis aperte convincitur per id, quod vnum ex legis præceptis est, ut neminē occidamus. Quo præcepto non solū prohibetur (ut ipsamet veritas exposuit) occisio, sed omnis res quæ ad illam quoquo modo tendit. Nā sicut in præceptis affirmatiuis non solum præcipiuntur res illic expressæ, sed illis præceptis etiam mandantur res illæ sine quibus aliæ non possunt haberi: ita in præceptis negatiuis, hoc est in prohibitionibus, non solum prohibentur illæ res ibidē expressæ, sed etiam interdicuntur aliæ omnes res quæ ad illas maxime impellunt, & latā viam aperiūt. At certū est eum qui castratur, adeo periclitari, ut tunc maxime dubia sit eius vita. Vidi enim ego ipse quendam castrari à chirurgo, ut vel sic morbum alioqui incurabilem depelleret, qui tamen ex ea sola occasione mortuus est. Cum ergo tam periculosum sit castrare aliquē, ut veri similiter de morte illius agatur, cū castrādus est, cōvincitur inde ut talis castratio eodē præcepto sit prohibita, quo prohibetur hominis occisio. Nec erit vnquam licita, nisi causa salutis adipiscendæ, quā alia faciliiori via assequi nō posset. Præterea si necessarium esset ut omnes castrarētur, coniugia perirent, quæ deus approbavit, præcipiens ut nullus dimittat uxorem suam, excepta causa fornicationis. Et Paulus iubet virum reddere debitum uxori, ut videlicet inuicem nō fraudentur. At quomodo vir castratus poterit uxori debitum persolvere, cum talis debiti solutio non alio modo fiat, quàm per carnalē coitum? Rursum, si oporteret omnes viros castrare, citissime humanū genus finiret, non ex dei præcepto & voluntate, sed ob defectum propagationis. Sed huic sententiæ obuiat præceptum domini dicentis, Crescite & multiplicamini. Quod præceptū in mundi exordio propter generis humani multiplicationem obligavit omnes, nunc autem cum iam sit satis propagatum, & late diffusum, non obligat, nisi necessitas vigeret, ut si forte humanum genus esset ex aliquibus calamitatibus ad tantam paucitatem reductum, ut necesse esset ad eius conservationem

nem homines misceri mulieribus. Eo enim casu instante, tunc præceptum illud de multiplicatione speciei humanæ, vires suas resumeret, & æquè obligaret sicut à principio institutionis humanæ. Nam hac sola ratione filia Loth cocuntur cum patre excusantur à peccato incestus, quia videlicet credebant post incendium Sodomæ & Gomorræ omnes homines perisse, neque alium præter earum patrem superstitem esse. Tãtam enim sancti viri putarunt esse illius præcepti vim, vt etiam ad patris cum filia concubitum extendi existiment propter vitandam generis humani deletionem. Beatus siquidẽ Irenæus lib. 4. aduersus hæreses cap. 51. de filiabus Loth loquens, sic ait: Ille quidem filia secundum simplicitatem & innocentiam putantes vniuersos homines perisse, quemadmodum & Sodomitæ, & vniuersam terram iracundiam Dei superuenisse, dicebant hæc. Quapropter & ipsæ excusabiles sunt, arbitantes se solas relictas cum patre suo ad conseruationem generis humani, & propter hoc circūueniebant patrem. Hæc Irenæus martyr. Eisdem subscribit Origenes, qui homilia 5. super Gen. ait: Quamuis grande eis crimen videretur furari concubitum patris, grauior eis tamen videbatur impietas si humanæ (vt putabant) posteritatis spem seruata castitate delerent. Propter hoc ergo consilium ineunt, minore (vt ego arbitror) culpa, spe tamen argumentòq; maiore, patris incestitiam vel rigorem vino molliunt & soluunt. Singulis ingressæ noctibus, singulæ suscipiunt ab ignorante conceptum. Vltra non repetunt, non requirunt. Vbi hic libidinis culpa? Vbi incesti crimen arguitur? Quomodo dabitur vitio, quod non iteratur in facto. Hæc Origenes. Tamen beatus Augustinus lib. 22. contra Faustum, cap. 43. aliquam illis sceminis culpam tribuit, dicens, Et potius quidem nunquam esse matres, quàm sic vti patre debuerunt. Sed quamuis illas peccasse censeat Augustinus, tamen illas valde excusat, quia videlicet non ardore libidinis motæ, sed solum propter conseruationem humani generis fecerunt, credentes humanum genus tunc perire si ipsæ patre suo non vterentur. Et hoc quidem pro nostro testimonio satis est: quoniã si illa voluntas conseruandi genus humanum per coitum bona non esset ex se, nullo modo potuisset illas à tanta malitia liberare, quantam illis incestus talis constare potuisset. Eucherius Lugdunensis episcopus libro 2. super Genesim, Origenis sententiam tuetur, & eisdem verbis quibus Origenes, nec vno mutato verbo. Accedit



ad hæc, quod Dominus in euangelio non commendauit natos  
 Mat. 19 eunuchos ex utero matris suæ, nec eunuchos qui facti sunt ab  
 hominibus, sed eos commendauit eunuchos qui se castrauerunt  
 propter regnum cælorum. Hæc autem castratio non sic est ac-  
 cipienda, quod membra virilia refecentur, quoniam si tales eu-  
 nuchos Christus laudasset, eadem ratione etiam laudasset illos  
 qui ab utero maris nati fuissent eunuchi, aut qui ab hominibus  
 facti sunt eunuchi, quod non fecit. Præterea illo modo et si opus  
 venereum omnino abigitur, non tamen tollitur illius operis  
 mala voluntas, quæ maximè vitanda erat: cum ab ea omnis  
 bonitas aut malitia exterioris operis pendeat. Noui ego homi-  
 nem à quo membrum virile ob urgentem infirmitatem fuerat  
 abscissum, qui tamen, ut ipse postea fatebatur, vehementer car-  
 nis pruritum patiebatur, & sæpe dolebat se non posse exequi  
 quod caro concupiscebatur. Quid ergo illi proderat castratum  
 fuisse? Certè parum proderat animæ suæ saluti, cum libidinis  
 ardor carnem, ireretur, & praua voluntas intra secreta animæ ad-  
 huc latitaret. Abeant ergo Valesij & animas suas à praua volū-  
 tate castrent, & corpora intacta relinquant.

## EXCOMMUNICATIO.

**Q**ui semel hostem alicuius se declarauit, quacunque re po-  
 test, nocere illi procurat, & omnem illius potestatem mi-  
 nuere, & funditus, si potest, tollere conatur. Quod in V-  
 uitleffuistis & Hussitis & Lutheranis faciliè est agnoscere: quo-  
 niam hi omnes, velut viperarum genimina, matris suæ ecclesiæ  
 viscera rodere nunquam cessant: & cum in ea per baptismum  
 fuerint nati, ab ea per hæresim exeuntes, illam occidere volunt,  
 omnem ab illa potestatem auferentes. Inter alia ergo quæ ab  
 ecclesia separare nituntur, est potestas excommunicandi. Dicit  
 enim Vuitlef, excommunicationem à papa aut quocunq; alio  
 prælato inflictam, non esse timendam, quia est censura, ut di-  
 cit, Antichristi. Et Ioannes Hufs asserit clerum suppeditare lai-  
 cos per excommunicationem & alias censuras. Lutherus autem  
 muros Hierico iam destructæ reædificare tentans, ait excom-  
 municationem non solum non esse timendam, sed cum gau-  
 dio recipiendam & procurandam. Ut ergo istorum ora obstrua-  
 mus, ex sacris literis ostendamus ecclesiam habere potestatem  
 excommunicandi: deinde enarrabimus incommoda, quæ ex-  
 communicato eueniunt, propter solam excommunicationem,  
 ut vel sic agnoscat Lutherus quantum sit timenda. Potestatem

excom

Vuitlef.

Io. Hufs.

Lutherus.

excommunicandi tribuit Christus ecclesiæ cū apud Matthæū ait, Si peccauerit in te frater tuus, vade & corripe eum inter te *Mat. 18* & ipsum solum. Si te audierit, lucratus eris fratrem tuum. Si autem te non audierit, adhibe tecum adhuc vnum vel duos, vt in ore duorum vel trium testium stet omne verbum. Quod si non audierit eos, dic ecclesiæ. Si autem ecclesiam non audierit, sit tibi sicut ethnicus & publicanus. Quid autem est dicere, sit tibi sicut ethnicus? Idē certē est ac si dixisset, nullā prorsus cum eo habeto communionem, quoniam communio cum infidelibus est christianis interdicta. Vnde Paulus ait, Quæ pars fide- *2. Cor. 6* li cum infideli? Et beatus Ioannes in sua secunda epistola ait: *2. Ioan. 1* Si quis venit ad vos, & hanc doctrinam non habet, nolite recipere eum in domum, nec Aue ei dixeritis. Qui enim dicit illi Aue, communicat operibus eius malis. Ecce prædixi vobis, vt in die Domini non confundamini. Quod ergo fuit populo Israel Chananæus, hoc est homini christiano homo infidelis. Cum ergo dixit, sit tibi sicut ethnicus: idem est ac si dixisset cū illo non esse communicandum. Vt autem sententiam ecclesiæ excommunicantis aliquem, ratam & firmam esse nullus dubitaret, addit, Amen dico vobis, quæcunque alligaueritis super *Mat. 18* terram, erunt ligata & in cœlis: & quæcunque solueritis super terram, erunt soluta & in cœlis. Quæ verba exponens beatus Hieronymus in commentariis super Matthæum, ait: Quia dixerat, si autem ecclesiam non audierit, sit tibi sicut ethnicus & publicanus, & poterat contemptoris fratris hæc occulta esse responsio, vel tacita cogitatio, si me despicias, & ego te despicio: si tu me condemnas, & mea sententia cōdemnaberis: potestatem tribuit apostolis, vt sciant qui a talibus condemnantur, humanam sententiam diuina sententia roborari: & quodcunq; ligatum fuerit in terra, ligari pariter & in cœlo. Hæc Hieronymus. Vides hic Hieronymum tribuentem ecclesiæ potestatem excommunicandi, & hoc non ex suo cerebro, quemadmodum heretici sciunt, sed ex verbis euangelij, quæ de illa potestate censeret esse intelligenda. Hieronymo cōsentit Chrysostomus, qui exponens illa Matthæi verba, ait: Vide qualiter duplicibus collegauit necessitatibus, & pœna quæ hic est, scilicet proiectione ab ecclesia: Sit tibi sicut ethnicus & publicanus, & supplicio futuro, quod est esse ligatum in cœlo. Hæc Chrysostomus. Christianus Druthmarus super Matthæum idem dicit, & ferè eisdē verbis quibus Hieronymus. ideo non fuit opus ea repetere, sed sa-

Mat. 18.

Ioan. 20

tis est indicasse lectori. Eandem etiam sententiam docet Urbanus papa & martyr in epistola de communi vita & oblatione fidelium. In ea enim epistola postquam inhibuit ne ecclesiarum facultates caperentur in alios usus conuertendae, & cuicumque diripienti excommunicationem minatus, ne talem excommunicationem aliquis vilipenderet, ait: Quod autem sedes episcoporum in ecclesiis excelsae constitutae & praeparatae inveniuntur ut thronus, speculationem, & potestatem iudicandi & soluendi atque ligandi a Domino sibi datam materiam docent. unde ipse Saluator in euangelio ait: Quaecumque ligaueritis super terram, erunt ligata & in caelo. Et quaecumque solueritis super terram, erunt soluta & in caelo. Et alibi accipite spiritum sanctum, quorum remiseritis peccata, remittuntur eis: & quorum retinueritis, retenta sunt. Ideo ista praetulimus charissimi, ut intelligatis potestatem episcoporum vestrorum, in eisque Dominum venerimini, & eos ut animas vestras diligatis, & quibus illi non communicat, non communicetis, & quod eiecerint, non recipiatis. Haec Urbanus papa & martyr, cuius epistola habetur in eo volumine in quo sunt omnium conciliorum decreta coaceruata. Hos autem doctores citavi, ut videat Lutherus qualiter illum euangelij locum sacri doctores sint interpretati, ex illo colligentes, ecclesiam habere potestatem excommunicandi. Verum etsi talem potestatem praelati ecclesiastici habeant: non tamen debent illam temere & pro leuissima culpa infligere: quoniam cum sit acerbissima poenitentia, nullus ea poena debet plecti, nisi pro crimine letali, nec pro quolibet tali, sed (ut patet ex contextu literae euangelicae) pro solo illo cui est admixta pertinacia. Vnde Leo papa huius nominis primus in epistola ad episcopos per Viennensem provinciam constitutos, quae est 67. sic ait: Nulli Christianorum facile communio denegetur, nec ad indignationis fiat hoc arbitrium sacerdotis, quod in magni reatus violatione inuitus & dolens quodammodo debet animus vindicantis. Cognouimus enim pro commissis & leuibus verbis quosdam a gratia communionis exclusos, & animam pro qua Christi sanguis effusus est, irrogatione tam sequi supplicij sauciata, & inermem quodammodo exutamque omni munimine, diabolicis incurtibus ut facile caperetur obiectam. Certum si quando causa talis emerferit, ut pro commissi criminis qualitate aliquem iuste faciat communionem priuari, istant poenitentiae subdendus est, quem reatus inuoluit, nec particeps esse supplicij, qui confors non docetur

cetur commissi. Hæc Leo papa. Ex cuius verbis multa sunt,  
 quæ postmodum annotabuntur. Quod autem nostro propo-  
 sito seruit, est, excommunicationem non esse irrogandam alicui  
 nisi pro culpa, eaque graui. Prius enim quàm aliquis excommu-  
 nicetur, discutienda est criminis qualitas. quod si in eo crimine  
 inuentus fuerit, corrigendus est, & omnibus viis ad pœniten-  
 tiam inducendus. Et si monitiones contemnens pœnitere no-  
 luerit, nec ad rectum tramitem redire, tunc meritò excommu-  
 nicandus erit, vt vel sic confusus & erubescens resipiscat. Nam  
 hic est vnus finis propter quem aliquis excommunicari debet,  
 propter suam, excommunicati videlicet, vtilitatem. Vnde be-  
 tus Paulus de Corinthio illo loquens qui cum nouerca sua coi-  
 bat, sic ait, Iudicavi tradere huiusmodi hominem Satanæ in  
 interitum carnis, vt spiritus saluus sit in die Domini nostri Iesu  
 Christi. Vides qualiter traditur Satanæ, vt scilicet spiritus sal-  
 uus sit. Et in priore ad Thimotheum epistola dicēs aliquos cir-  
 ca fidem naufragium passos esse, subdit, Ex quibus est Hyme-  
 neus & Alexāder, quos tradidi Satanæ, vt discant non blasphemare:  
 Et in posteriore ad Thess. epist. ait: Quod si quis nō obe-  
 dit verbo nostro per epidolam, hunc notate, & ne commiscea-  
 mini cum illo, vt cōfundatur. Primò ergo per excōmunicatio-  
 nem prospicitur ipsius excommunicati vtilitati, vt videlicet cū  
 viderit se à cōmunionē fidelium eiectū, vel sic confusus pœni-  
 teat malè actorū. Sæpissimè nanque cōpertum est vt excōmu-  
 nicatione aliquis coactus, emēderet quæ prius malè gesserat. Cu-  
 ius rei cū plurima possint afferri exempla, illud omnium ma-  
 ximum est quod narratur 9. lib. historiæ tripartitæ cap. 30. de  
 Theodosio Imperatore, qui ob crudelem multorū hominū cæ-  
 dem Thessalonicæ illius iussu factā, ab Ambrosio Mediolanē-  
 si episcopo excōmunicatus est, & ab ingressu ecclesiæ prohibi-  
 tus. Hæc excommunicationē imperator patienter tolerās, eò q̃  
 iustè sibi inflictā cognouit: octo cōtinuis mensibus ab ingressu  
 ecclesiæ abstinuit, domiq; manens, fletibus & gemitibus pœni-  
 tentiam pessimi sceleris agebat, veniāmq; à Domino postula-  
 bat. quod Ambrosius plenè cognoscens, post illos octo mēses  
 ecclesiæ communionem illi dedit. Propter hoc autem factum  
 nunquā imperator fuit aduersus Ambrosium etiā aliis irri-  
 tantibus indignatus: imò postea de hac re Ambrosium Con-  
 stantinopoli laudauit. Multum certè profuit Theodosio ex-  
 communicatio illa, quæ illum ad peccati sui cognitionem  
 adduxit,

1. Cor. 5.

1. Tim. I

2. Thess. 3



adduxit, & illius pœnitentiā agere coegit. Fœlix enim est necessitas quæ nos ad meliora perducit. Et propter hanc causam vocatur excommunicatio medicinalis, quia finis eius est mederi peccatori morbo peccati laboranti. Erit namq; medicinalis excommunicatio, si eam non contempserit, sed potius confusionem suam aspiciens, emendet quæ malè prius egerat. Si autem contemnens excommunicationē, pœnitere negligat, tunc excommunicatio nō est illi medicinalis, sed letalis. Verum etsi letalis sit, non tamen propter hoc excommunicatio reuocanda est, quoniam excommunicans non solū consulit vtilitati ipsius excommunicati, sed etiam incolumitati totius reliquæ communionis. Quia enim vnum pecus morbidū inficit omne pecus: ideo pecus infectum sequestratur, ne reliquas attactu suo inficiat oues. Nec propter hoc pastor iudicatur crudelis, sed pius: imò crudelis & secors & ignauus esset censendus, si hoc nō faceret. Vnde B. Ambrosius lib. ij. de offic. cap. 27. sic ait: Cum dolore amputatur etiam quæ putruit pars corporis, & diu tractatur si potest sanari medicamentis. si non potest, tunc à medico bono abscinditur. Sic episcopi affectus bonus est, vt optet sanare infirmos, serpentia auferre vlcera, adurere aliqua, non abscindere, postremo quòd sanari non potest, cum dolore abscindere. Hæc Ambrosius. Non ergo (vt Lutherus obiicit) crudelis est censenda mater ecclesia eo quòd filium suum tam sauo supplicio punit, quia ad filij vtilitatem facit, quam si filius contempserit, consulit incolumitati aliorum, quia videlicet mauult, & recte, vnum perdere, quam omnes. Ex his ergo omnibus satis patet ecclesiam habere potestatem excommunicandi, & in quos, & propter quem finem talis excommunicatio est exercenda. Præter hæc omnia ad eandem rem confirmandam, non paruum, imò maximum pondus habet totius vniuersalis ecclesiæ antiqua consuetudo, quæ per scripta & decreta summorum pontificum & sanctorum & doctissimorum cognoscitur. Deinde plurium conciliorum decreta hodie extant, quibus dicitur, Siquis tale aut tale fecerit, excommunicetur, aut priuetur communionē, aut anathema sit: quòd idem est. Postremo in concilio Constantiensis sessione octaua condemnantur 45. assertiones Ioannis Vuitlef, quarum vna est hæc. Nullus prælatus debet aliquem excommunicare, nisi prius sciat eum esse excommunicatum à Deo: & qui sic excommunicat, est hæreticus ex hoc, vel excommunicatus. Et alia assertio eius ita habet,

Conciliū  
Constantiense.

bet, Excommunicatio papæ & cuiuscunque prælati non est timenda, quia est censura Antichristi quæ propositiones cū aliis eiusdem vna super omnes lata sententia damnatæ sunt. Nunc ergo opus est vt ostendamus qui sint huiusmodi excommunicationis effectus, vt Lutherus agnoscat illam non esse (vt ait) optandam, sed maximè fugiendam. Primo ergo excommunicatus traditur Satanæ, vt ab eo facilius & liberior torqueatur. Nam etsi propter peccatum ante excommunicationem iam sit in dæmonis potestate, quia seruus dæmonis per peccatum est factus: tamen per excommunicationem maiorem in eo habet dæmon potestatem, vt facilius pro sua libidine illum torquere possit. Ante excommunicationem enim etsi per peccatū charitatem amiserat, quapropter Christo non est viuaciter coniunctus: non tamē ab eo est prorsus separatus: quoniam per fidem nonnullam habet vnionem: quemadmodum membrum aridum carens vita, quod corpori per nervos & pellem coniungitur, & aliquantulo fouetur corporis calore. Et propter hanc fidem & coniunctionem particeps est orationum communium quæ ab ecclesia fiunt. Et propterea dæmon non tantam potestatem in eum habet vt pro sua libidine illum vexet, quoniam resistit virtus reliquorum membrorum quibus est per fidē coniunctus. Post excommunicationem verò destituitur hoc auxilio, & à corpore magis separatur, & sic dæmon potest eum facilius quàm antea torquere. Certum enim est quod is qui in sordibus est (vt est in Apocalypsi) sordescere potest adhuc: quem- Apo. 22  
admodum qui iustus est, iustificari potest adhuc. Ita qui in dæmonis erat potestate, potest adhuc magis illius potestati subdi. Ioannes siquidem refert dæmonem intrasse in Iudā post acceptam buccellam panis, & tamen ante acceptam buccellam Ioan. 13  
iam diabolus erat in eo, quia Ioannes antea dixerat q̄ diabolus miserat in cor Iudæ vt traderet Christū. Ecce diabolus qui iam Iudam possederat, iterum intrat in eum, maiorem in eum accipiens potestatem. Sic etiam est in excommunicato, qui per peccatum ante excommunicationem iam erat possessus à dæmone, seruus eius effectus: post excommunicationem verò maiorem in eum dæmon accepit potestatem. Non enim iam fouetur à corpore vt antea, quia nec iam bonorum ecclesiæ est particeps, nec illi prosunt cōmunes ecclesiæ orationes, nec pro illo publicas & solennes preces fundere licet. Cuius rei hoc manifestum est testimonium, quòd cum in die parasceues ecclesia oret

sia oret pro omnibus, etiam pro Paganis, pro solis tamen excommunicatis qui publicè denunciati sunt, non orat. Quod si talibus auxiliis destituitur excommunicatus, verosimile est ut maiorem in eum dæmon habeat potestatem quàm ante excommunicationem, etiam si in peccato fuisset. Hoc autem testimonio Pauli comprobatur. Nam certum est Corinthium illum qui patris uxorem acceperat, tunc possessum esse à diabolo, tamen Paulus iudicauit illum tradere Satanæ. Et de Alexandro & Hymeneo qui à vera fide errauerant, testatur se illos tradidisse Satanæ. Vnde clarè patet Paulum tradidisse Satanæ eos qui iam à diabolo possessi erant. Sed si ab eo possidebantur, quomodo illos tradit dæmoni, & cur? Certè qui possidebàtur, non prorsus sub illius ditione erant, & ideo tradit ut magis sint illi subiecti, & liberius illos possit torquere. Ut autem clarius pateat hæc veritas, & hæc esse verborum Pauli sententiam, aliquorum sanctorum testimonia proferam. Pro qua re maxime facit illud quod supra ex epistola 67. Leonis papæ citauimus. Eius postrema verba sunt hæc. Cognouimus enim pro cõmissis & leuibus verbis quosdam à gratiæ communionis exclusos, & animam pro qua Christi sanguis effusus est, irrogatione tam saui supplicij fauciatam, & inermem quodammodo, exutamque omni munimine diabolicis incurribus ut facile caperetur obiectam. Hæc Leo. Quibus verba etsi reprehendat eos qui temere excommunicationem inferunt, tamen satis apertè declarat hunc quem diximus excommunicationis effectum. Beatus Aug. in lib. de verbis Apostoli sermone 68. eandem docet sententiam, sic dicens: Omnis christianus dilectissimi qui à sacerdotibus excommunicatur, Satanæ traditur. Quo modo? quia scilicet extra ecclesiam diabolus est, sicut in ecclesia Christus: ac per hoc quasi diabolo traditur, qui ab ecclesiastica cõmunionem remouetur. Vnde illos quos tunc Apostolus Satanæ esse traditos prædicat, excommunicatos à se esse demonstrat. Hæc Augustinus. Et Beatus Ambrosius exponens illud quod de Alexandro & Hymeneo Apostolus ait: videlicet, Quos tradidi Satanæ ut discant non blasphemare, ita dicit: Traditio autem hæc est, quia commotus Apostolus blasphemias eorum, sententiã protulit in eos. Diabolus autem qui ad hoc paratus est, ut auersos à Deo accipiat in potestatem, audita sententia corripit eos, ut intelligerët hac causa se pœnis astringi, quia blasphemauerāt. Hæc Ambrosius. Eandem sententiã docet Origenes, qui in homilia

milia secunda super librū Iudicum ita ait: Nō solū per Apostolos suos Deus tradidit delinquentes in manus inimicorū, sed & per eos qui ecclesiæ præsident, & potestatem habent nō solum soluendi, sed & ligandi, traduntur peccatores in interitū carnis, cū pro delictis suis à corpore Christi separantur. Hæc Origenes. Quæ verba in volumine Decretorū, causa vndecima, quæstione tertia, in capitulo, Audi, sub nomine Hieronymi vitiose citantur, quoniam præter id quod Hieronymus super lib. Iudicum nō scripsit, illa verba iuxta eundem literæ ordinē prout ibi sub inscriptione Hieronymi ponuntur, habentur in homil. 2. Origenis super librum Iudicum. Sed ad scopum nostrū redeamus. Hanc sententiā docet etiā Antherus papa & martyr, qui in epistola ad episcopos provinciarū Beticæ & Toletanæ ita ait: Veteri quidē lege habetur, quicumq; sacerdotibus nō obtēperasset, aut extra castra positus lapidabatur à populo, aut gladio ceruice subiecta contemptū expiabat cruore. Nūc verō inobediens spirituali animadversione trūcatur, & eiectus ab ecclesia rabido demonū ore discerpitur, Hæc Antherus papa. Cuius doctrinam martiriū pro Christo susceptū maxime commendat. Lutherus tamē pro sui erroris (quem ipse putat verā fidem) cōfirmatione, martiriū subire maximē reformidat, quoniam intra Saxoniarū angustias sic se continet, vt inde exire non audeat, non putans se alibi fore tutum. His omnibus assentit beatus Urbanus papa etiam & martyr in illa epistola superius citata quæ est de communi vita fidelium. Is enim pontifex sanctus prohibens ne bona ecclesiæ in alios vsus conuertantur, ita ait: Hæc fratres valde cauenda sunt & timenda, quia res ecclesiæ non quasi propriæ, sed vt communes & domino oblatae, cum summo timore non in alios quā in præfatos vsus sunt fideliter dispensandæ, ne sacrilegij reatum incurrant qui eas inde abstrahūt vbi traditæ sunt, ne pœnam & mortem Ananiæ & Sapphiræ incurrant, & (quod peius est) anathema maranatha fiant, & si non corpore, vt Ananias & Sapphira ceciderunt, anima tamen, quæ potior est corpore, mortua & alienata à consortio fidelium cadant, & in profundum barathri labantur. Hæc Urbanus papa & martyr. Quibus verbis dicit excommunicationem esse peiorem mortem. Quid ergo Lutherus dicere audet excommunicationem non esse timendam? Nunquid non omnes à natura habent vt mortem horreant, & formident? Multo ergo magis erit horrenda & formidanda excommunicatio, quæ

peior



peior est morte. Ex his etiam conuincitur falsum esse quod Lutherus ait excommunicationem esse poenam praeiudicis externam, quia cum excommunicatus, ut iam satis euicimus, tradatur Satanæ, ab illo vexandus, & omni munimine destitutus dæmonis incurfibus obiiciatur, & illius anima magis à dæmone possideatur quam ante excommunicationem: colligitur inde excommunicationem esse etiam poenam internam. Secundus

Cum excommunicatus  
non conuincitur

excommunicationis effectus est, separari ab aliorum communione conuictu & contubernio, ita ut illis nec loqui valeamus, nec illos hospitio recipere. Paulus enim in priore epist. ad Corint.

1. Cor. 5 ait: Si is qui frater nominatur inter vos, est fornicator aut auarus, aut idolis seruiens, aut maledicus, aut ebriosus, aut rapax:

2. The. 3, cum huiusmodi nec cibum sumere. Et in 2. epist. ad Thessal. Quod si quis non obediit verbo nostro per epistolam, hunc notate, & non commisceamini cum illo: ut confundatur. Et beatus

2. Ioan. I Ioannes in sua 2. catholica epist. ita dicit, Si quis venit ad vos, & hanc doctrinam non affert, nolite recipere eum in domum, nec Aue ei dixeritis. Qui enim dicit illi Aue, communicat operibus eius malignis. Ecce prædixi vobis, ut in die Domini non

confundamini. Ex his beati Ioannis verbis aperte constat excommunicatum esse priuatum beneficio hospitalitatis & familiarium aliorum hominum colloquio. Et beatus Calixtus papa & martyr in epistola ad omnes Galliarum episcopos, has omnes poenas excommunicationis quæ externæ sunt, vno literæ decursu complectitur dicens, Excommunicatos quoque à sacerdotibus nullus recipiat ante vtriusque partis iustam examinationem, nec cum eis in oratione, aut cibo, aut potu, aut osculo communicet, nec Aue eis dicat: quia quicumque in his vel in aliis prohibitis, scienter excommunicatis communicauerit, iuxta apostolorum institutionem, & ipse similiter excommunicationi subiacebit. Hæc Calixtus papa. Cuius epist. est inter illas pontificum epistolas, quas B. Isidorus præfixit volumini conciliorum generalium. Et concilium Carthaginense quartum cap. 73. & concilium Braccarense primum cap. 33. inhihent sub excommunicationis poena ne aliquis communicet excommunicato. Quid ergo tibi videtur Luthere? sunt hæc omnia a deo bona, ut merito, quemadmodum tu doces, sint optanda? Si illa essent optanda & perquirenda, non illa beatus Paulus infligenda decerneret ad illorum confusionem. Nullus enim confunditur cum fruitur illis quæ maximè optauerat. Apostoli certe non confundebantur

Calixtus

Concilium

Carthaginense.

Concilium

Braccarense.

se.

bantur contumeliis sibi pro Christo illatis, quia illas maximè optauerant. ideo cum irrogabantur, ibant à conspectu concilii gaudentes, quoniam digni habiti fuerāt pro nomine Iesu contumeliā pati. Ita si excommunicatio bona esset, & ob id optanda, cum infertur, nullus deberet confundi. Et tamen Paulus vult peccatorem excommunicari, vt excommunicatus cōfundatur, vt vel sic resipiscat. si episcopus excommunicans alium (vt ex beati Ambrosii sentētia suprà paruit) dolere debet quia alium excommunicat: multo magis oportet vt doleat is qui excommunicatur, quoniam episcopus non dolet propter se, sed propter sœuum, quod alteri irrogat, supplicium. Verùm hic admonere oportet lectorem, vt non existimet cōmunionem cum excommunicatis esse adeo interdictā, vt non liceat vllō pacto cum illis conferre. Nam si aliquis hac ratione cum excommunicato loquitur, vt illum doceat viam rectā, & à via pessima illum auertat, & reducat ad gremium ecclesiæ, à qua suis demeritis exigentibus est eiectus, tunc rectissimè facit: & si excommunicatum pœnitere, & ecclesiæ se subiicere persuaferit, magnā pro hac re mercedem à deo recipiet, tantum abest vt hoc faciens peccet. Vnde beatus Augustinus enarrans psalmum 54. sic ait, Diligamus inimicos, corripiamus, castigemus, & excommunicemus, cum dilectione etiam à nobis separemus. Videte enim quid dicat Apostolus, Si quis autem non obaudit verbo nostro per epistolam, hunc notate & nolite cōmisceri cum eo. Sed ne subrepat tibi iracundia, & turbet oculū tuū, nō inquit vt inimicū eū existimetis, sed corripite vt fratrē, vt erubescat. A quo indixit separationē, non prœcidit dilectionem. Hæc Augustinus. Cū ergo excommunicatio nō prohibeat dilectionem proximi: sequitur vt nec etiā sit prohibitiū colloquium quod ex charitate procedit, & ad charitatem ordinatur.

## EXORCISMVS.

**V**aldenses ad hoc solum nati esse videntur, vt ecclesiam euernerent si possent. Nulla enim re vititur ecclesia quam non tentarint destruere, omnem (vt dicitur) mouerūt lapidem, vt eam oppugnarent. Exorcismos omnes ab ecclesia tollere conati sunt, dicentes, Omnes benedictiones aquarum, cādelarum, palmarum, ornamentorū, calicum, & patenarum, altarium, cœmisteriorum, esse irridēdas, & nihil prorsus habere momenti. Vuitclefuisse autem cum in verba Valdēsū iurasse videantur magis quā in verba Christi, aut ecclesiæ: hic, vt alibi semper, fuisse.

*Quodamque loco  
cū excommunicato  
loqui.*

*Aug.*

*The. 2. 3*

*Valdēs.*

*Vuitcle-*

Valdensium sectam tuentur. Dicunt enim tales benedictiones esse magis deductas ex vera necromantia, quā ex sacra theologia, quia si per tales exorcismos & benedictiones credimus naturam meliorari, ut ipsi dicunt, falsum est. Ut autem istorum calumnias reiiciamus, dicemus prius quid sit exorcismus. Exorcismus græca vox est, & latinè sonat idem quod adiuratio, & proprie exorcismus est inuocatio illa nominis diuini quæ fit super energumenos, hoc est habentes spiritum immundum, adiurando cum per virtutem diuinam, ut egrediatur ab eis. Vnde Beatus Augustinus libro primo de vita beata. Exorcizare est, per diuina immundum spiritum adiurando expellere. Hinc etiam exorcismus dicitur omnis benedictio cuiuscunque rei qua contra dæmones aut contra alia similia toxica vitimur, ut benedictio aquæ, salis, candelarum, palmarū &c. In his enim omnibus inuocamus nomē domini, precātes ut illæ res sint eo fauente qui solus hoc potest facere, nobis in auxilium & tutamen aduersus dæmonem. Quæ quidē inuocatio nescio quo modo possit recte accusari, cum tā aperta sit in literis. Omitto hic quod Beda super 19. Actorū Apostolicorum refert ex Iosepho, regem Salomonē suā gentem docuisse modos exorcismi, quibus immundi spiritus expulsi ab homine, vltius reuerti non

**Luc. 10** sint ausi. Ad euāgelium accedamus. Discipuli redeūtes de prædicatione quā illis magister omnium Christus præceperat, dicunt illi, Domine etiā dæmonia subiiciuntur nobis in nomine tuo. Quid est dicere in nomine tuo, nisi ad inuocationē tui nominis?

**Mar. vlti.** Et ipse dominus ascēdens in cælū promisit se nunquam illorum inuocationi defuturum, dicēs, In nomine meo dæmonia eiicient. Quod autē hoc nō semper fiat, ut inuocato nomine Iesu, dæmon egrediatur: minima fides ipsius inuocantis est in causa. Nam si perfectē credidisset, hæc & maiora fecisset. Et ad hos solos, videlicet in fide perfectos, Dei promissio pertine

**Luc. 17** revidetur, quia prius dixerat, Signa autē eos qui crediderint, hæc sequētur, & cætera. Et apud Luc. dominus ait, Si habueritis fidē sicut granū sinapis, dicetis hic arbori moro, Eradicare, & transplantare in mare, & obediet vobis. At arbor morus sensum nō habet, & iussū fidelis præcipientis adimplet. non est ergo mirū quod dæmones fidelibus obediant, non quidē propter ipsorum fidelium naturalem virtutem, sed propter fidem quā habent. Quid ergo? erūnt ne discipuli Christi & eius apostoli dicendi necromātici aut magici, eo quod inuocato nomine Iesu dæmones ei-

nes eiiciant à corporibus hominū obfessorum? Et quod magis adhuc exaltat hanc nominis inuocationē, est, q̄ aliquando etiā per reprobos homines eiiciuntur dæmones ad inuocationē nominis Iesu, & hoc ad ipsorum inuocātium condēnationem, aut propter videntiū & audientium vtilitatē. Pro vtriusq; cōfirmatione est illud quod in Actis Aposto. legimus, quōd cū Aposto- Act. 19 li eiecissent dæmonia, tentauerunt aliqui de cicuneuntibus Iudæis exorcistis inuocare super eos qui habebant spiritus malos, nomen domini Iesu, dicentes: Adiuro vos per Iesum quē Paulus prædicat. Erāt autem cuiusdā Iudæi nomine Sceuæ principis sacerdotum septē filii, qui hoc faciebant. Respōdens autem spiritus nequā, dixit eis, Iesum noui, & Paulum scio: vos autem qui estis? Et insiliēs in eos homo in quo erat dæmonium pessimum, & dominatus amborum, inualuit cōtra eos, ita vt nudi & vulnerati effugerēt de domo illa. Hoc autē notū factū est omnibus Iudæis atq; Gentilibus qui habitabant Ephesi, & cecidit timor super omnes illos, & magnificabatur nomē domini Iesu. Hæc ibi. Ex quibus verbis patet apud Iudæos fuisse exorcistas, de quibus Christus apud Luc. ait. Si ego in digito Dei eiicio dæ- Luc. 11 monia, filii vestri, hoc est exorcistæ, in quo eiiciunt? Patet etiā quā potens fuerit nominis Iesu inuocatio, & per eius virtutem adiuratio, vt etiā per reprobos facta, tanta operetur. Non ergo illa sunt attribuēda arti magicæ, vt impii & blasphemii Vuit-elefuitæ docēt, sed solū Deo, qui inuocatus adest prope omnibus inuocantibus eum cū fide & humilitate. Vnde August. lib. 10. de ciuit. Dei cap. 22. sic ait, Vera pietate homines Dei aeriā potestatem inimicā cōtrariamq; pietati exorcizando eiiciunt, non placando: omnes tentationes aduersitatesq; eius vincunt, orando nō ipsam, sed Deū suum aduersus ipsam. Nō enim aliquem vincit aut subiugat nisi societate peccati. In eius ergo nomine vincitur qui hominem assumpsit, egitque sine peccato vt in ipso sacerdote ac sacrificio fieret remissio peccatorum. Hæc Augustinus. De exorcismis qui fiunt ad dæmonū eiectionem, hæc dicta sufficiant. Nunc ad aliarum rerum benedictiones accedamus. Benedictiones altarium ex veteri lege ortum habuerunt. Nam Moyses ex præcepto domini in taberna- Exo. 20 culo erexit altare, & ipse vnxit. Ex quo argumento deducit Leo papa huius nominis primus in epistola 66. solis episcopis, quorum figuram summus sacerdos repræsentauit, licere altaria consecrare & benedicere. Hoc idem docet Beatus



*Cōcilium* Damasus papa in epistola de coepiscopis. Idē censet concilium  
*Ispalense*. Ispalense secundum cap. 7. suorum decretorū. Demum conciliū  
*Cōcilium* Agathense cap. 14. ita decernit. Altaria placuit nō solum  
*Agathēse*. vnctione chrismatis, sed etiā sacerdotali benedictione sacrari.

De benedictione aquæ suprā satis disputauimus, quæ lector nō  
 contemnat videre, quoniā ex eo loco multa hauriet huic propo-  
 sito apta. Benedictiones panis & reliquorū fructuum non sunt  
 nouæ, & ab omnibus inuentæ, quæ admodum ecclesiæ impin-

*Gene. 1* gunt Vuitlefuiſtæ, sed ab ipſo Deo processerunt, qui opere &  
*Exo. 23* verbo ita nos facere docuit. Nā cum Deus pisces maris creasset,

benedixit eis, & in Exodo, Nō adorabis Deos eorum, nec coles  
 eos. Non facies opera eorum, sed destrues eos, & cōfringes sta-

*Leu. 23* tuas eorum. Seruietisque domino Deo vestro, vt benedicā pa-  
 nibus tuis & aquis. Et in Leuitico dominus præcepit populo Is-

rael dicens: Cum ingreſsi fueritis terram quā ego dabo vobis, &  
 messueritis segetem, feretis manipulos spicarum primitias ve-

*Deu. 26* stras ad sacerdotem. Qui eleuabit fasciculum corā domino,  
 vt acceptabile sit pro vobis altero die sabbati, & sacrificabit

*Eze. 44* illum. Et in Deuter. præcipit dominus vt de omnibus fructibus  
 primitiæ offerantur domino, & dentur sacerdoti, vt inuocet no-

men domini super eas. Et apud Ezech. expressius ait, Primitiua  
 ciborum vestrorū dabitur sacerdoti, vt reponat benedictionem

domui ruz. Quem locum exponens Hieronymus ait, Primi-  
 tiæ ciborū nostrorum sacerdotibus offeruntur, vt nihil guste-

mus nouarum frugū nisi quod sacerdos antè gustauerit. hoc au-  
 tem facimus vt reponat sacerdos benedictionem & oblationē

nostram in domo sua, siue vt ad precationem suā dominus be-  
 nedicat domibus nostris. Grandis dignitas sacerdotū, sed gran-

dis ruina si peccauerint. Hæc Hieronymus. Quid ad hæc dice-  
 ri impii Vuitlefuiſtæ? nunquid Deus docuit populum Israel

necromantiā, aut magicæ artis peritiā? Absit à cordibus omniū  
 talis impietas. Deus enim strictissime inhiuit, & odioſe nimis

*I. Tim. 4* abominatur idololatriam, super quam tamē fundatur magia.  
 Sed ad legem nouam accedamus, Christus panē daturus apo-  
 stolis benedixit, similiter & calicem daturus prius gratias egit:  
 & cum cœnasset, hymnū dixit, docens nos vt cū comederimus,  
 similiter faciamus. Quod si quis respōdeat illa de solo mysti-  
 co pane, & mystica benedictione verba fieri: audiat apostolum  
 Paulum, qui ita in priore ad Tim. epi. ait, Omnis creatura bo-  
 na est, & nihil reijciendū quod cū gratiarū actione percipitur:

sanctifi

sanctificatur enim per verbū Dei & orationē. Quæ verba expo-  
nens Theophylactus ait, Ergo immūdū erit nisi sanctificetur?  
Nequaquā: sed ex permisso id ponit. Nam primū asseuerando  
nihil dicit immūdū, deinde cōcedimus, inquit, immundum id  
fieri: habes tamen quā adhibere possis medelā. Cruce obsigna,  
laudē Deo & gratias redde, sic immunditia omnis & fœditas  
dilaberetur. Cum enim gratias agimus, omnia emundantur. Hęc  
Theophylactus. De sacris vestibus & palliis, & vasis quanti sint  
momenti, & qua reuerētia cōrectanda, docet Clemēs papa &  
marter in quadā epi. ad Iacobu fratrem domini, quæ inscribitur  
de sacris vestibus & vasis. Legat eam qui de hac re doceri volue-  
rit. De benedictione luminū solum afferā decretum cōciliū 4.  
Toleranti. illud enim cōciliū de benedictione cerei pascalis de-  
cernens, cap. 8. suorum decretorū ita ait, Lucerna & cereus infra  
vigilias apud quasdam ecclesias non benedicitur, & à nobis cur  
benedicatur, inquirunt. Propter gloriosum enim noctis ipsius  
sacramentū hæc solēniter benedicimus, vt sacræ resurrectionis  
Christi mysteriū quod tēpore huius mortis votiuz aduenit, be-  
nedictione sanctificati luminis suscipiamus. Et quia hæc obser-  
uatio per multarū loca terrarum. regionesq; Hispaniæ in eccle-  
siis cōmendatur, dignū est propter vnitatē pacis, vt in Gallica-  
nis ecclesiis cōseruetur. Nulli autē impune erit qui hoc cōtem-  
pserit, sed patrū regulis subiacebit. Hęc cōciliū Toletanū. Quo  
in loco hoc solū admonere oportet, vt licet talis cerei benedi-  
ctionem omittere nō sit contra fidē, erit tamen cōtra fidē, vili-  
pendere, & credere nullius valoris & momenti, imò mortifera  
esse quæ ecclesia cōgregata statuit obseruāda. Valēat ergo im-  
pii Vuitclefuisse, & vereātur appellare magicos & necroman-  
ticos tot sanctos viros, quorū doctrina & sanctitate fulget eccle-  
sia vt sol & luna. Ipsi enim potius dicēdi sunt necromantici &  
incātatores qui diabolica astutia homines idiotas & simplices  
demētāt & incantāt, illos à veritate fidei auertētes, & ad impia  
dogmata cōuertētes. Sed opus est vt eorū obiectioni respōdea-  
mus. Obiiciūt. n. nobis Vuitclefuisse, q̄ nos volumus benedi-  
ctionibus nostris creaturas facere meliores quā Deus eas p̄ na-  
turā fecerit. Talis autē creaturarū profectus, vt meliores efficiā-  
tur, nulla, vt aiunt, experiētia cognoscitur. ridiculū est ergo eas  
benedicere. O forte argumentū, Dic. nōne ex euāgelio, constat  
eum qui habuerit fidē sicut granū sinapis, habere tantam virtu-  
tem, vt si dixerit arbori moro, trāsplātare, trāsplāteretur statim?

*Cōcilium  
Toletanū.*

*Luc. 17*

At cum ante fidem susceptam hoc non possit, cōvincitur ut per fidei accessione fiat melior. Quid ergo prohibet ut idem dicamus de aliis rebus quæ benedictionem suscipiunt, ut meliores fiant, quàm per naturam fuerint? Non quòd homo eas meliores faciat, sed Deus ad preces ipsius benedictis. Sed de hac re iam suprà in titulo de aqua fecimus longiorem disputationem: quapropter ad illum locum mittimus lectorem.

PRÆFATIO IN VII. LIB.



UANDO hoc opus aggressus sum, decreueram in tot libros illud parti, quot sunt literæ in alphabeto. Credebam enim sub unaquaque alphabeti litera tot reperiri dictiones ab illa incipientes, quæ significarent res de quibus aliquando fuissent hæreses orta, ut sufficerent ad unum iustum librum absolendum. Verum cum ad hunc locum perueni, agnovi non ita ut decreueram, fieri posse: nisi fortè iustā unius libri mensuram minuire vellem: quoniam sub hac sexta litera alphabeti, videlicet f, solas tres dictiones, easque nimis steriles reperi, de quarum significatu aliqua pertractentur hæreses. Quare cum in hoc loco agnoscerem me frustratum esse spe mea: antequàm aliquid scribere cepissem, processi ad sequentis literæ explorationem faciendam, timens nequid simile postea accideret. Ea igitur probè, ut decebat, explorata, unicam duntaxat sub ea reperi dictionem de cuius significato fuisset aliqua hæresis pronunciata. Hoc idem reperi in aspirationis nota videlicet h. Quapropter notabundus hoc loco hasi, nesciens quòd me verteret: quoniam si iuxta id quod primò decreueram, prosequi vellem, in inani gloria notam merito incurrissem, eò quòd ex multitudine librorum in opere gloriam fuisset visus capiasse. Omnia igitur mihi circumspectanti, visum est prudentius fore sententiam semel decretam mutare, quàm malè definitā pertinaciter tueri: præsertim cum lex diuina doceat modū ad cuius imitationem id corrigere valeamus. Deus namque olim præcipiens populo Iudaico esum agni paschali, mandauit ut unusquisque tolleret agnum per domos & familias suas. Verum considerans multas esse pauperes domos, intra quarum lares minimè posset una nocte integer agnus deuorari: remedium adiecit, ut quisque talis iungat sibi vicinum qui coniunctus est domui eius, quousque tot sint anima quæ sufficere possint ad esum totius agni. Qualiter præcedentium literarum alphabeti adeò diues fuit, & tantā habuit dictionum familiam, ut sufficiens fuerit ad perficiendum unius libri iustum volumē. At hæ tres quæ nunc proximè sequuntur, adeò pauperes sunt, & tam modicam habent familiam, ut duæ illarum, ne dicam una, vix sufficiant ad unum integrum absolendum. Idcirco decreui omnes hæ tres alphabeti literas intra unam domum concludere: ut librum quem earum qualibet sola absolueret ob suam penuriam non poterat, simul iunctæ absoluant. Quod si fortè in posterum aliquid simile deprehendero, idem me facturum decerno.

F. ALF

F. ALFONSI DE CASTRO ADVER-  
sus hæreses, Liber Septimus.

F A T V M.



V M variaz fuerint de hac re philosophorum  
sententia, nullam tamen earum hic pertracta  
bo, sed iuxta meum primum institutum, solū  
enarrabo quid senserint hi qui se Christianos  
profiterentur & iactāt, etsi nihil minus sint. Fuit  
ergo de hac re quidam error asserens fato con  
uersationes hominum esse imputandas. Huius erroris author  
(vt Augu. lib. de hæresibus cap. 35. ait) Bardesanes quidam Sy- Bardesa-  
nes.  
rus, vir doctus: quem Augu. dicit prius fuisse catholicū, & post  
ea in Valentini errores fuisse lapsum, addidisseque de suo hūc  
quem diximus errorem. Verū Eusebius Cæsariensis lib. 4. hi  
storiz ecclesiasticæ cap. vlti. de hoc Bardesane loquens, aliter  
quā Augu. de illo sentit. Dicit enim illum in schola Valen  
tini nutritum, postea verò cum magistri errores notasset, ad ve  
ram fidei regulam rediisse, quanuis nō omnes illius errores re  
liquisse asserat. Dicit etiam illum scripisse cōtra Marcionem,  
& alios hæreticos, & ad Antoninū imperatorem dialogum  
de fato, quem dialogum Eusebius de nullo errore notat, sed po  
tius eum appellat dialogum potentissimum. An autem ita sen  
serit vt Aug. illi impingit, ego non possum definire. Sed creda  
mus Aug. & Epiphaniū quē Aug. in hac parte secutus est. Epi  
phanius episcopus in libro octoginta hæresum, hæresi 56. de  
hoc Bardesane differens, aliter quā Eusebius & Augu. de illo  
sentit. Sic enim ait: Post hos deinceps sequitur Bardesianus qui  
dam sic vocatus. Bardesianus autem hic, ex quo hæresis Barde  
sianistarum orta est, ex Mesopotamia secundum genus erat, ex  
inhabitantibus ciuitatem Edessenorum. Qui primum quidem  
optimus vir fuit, & libros nō paucos conscripsit, quādo sanam  
mētē habebat. Nam ex sancta Dei ecclesia procedebat, doctus  
existens in duabus linguis græca & Syrorū. Augaro autē Edes  
senorū principi viro sanctissimo familiaris erat primum & si  
mul eius adiutor & ipsius eruditionis particeps. Durauit post il  
lius obitū vsq; ad tēpora Antonini Cæsaris, non Pij appellati,  
sed Veri. Et multa in Abidan astronomum cōtra fatū differēs,  
collegit. Sed & alia eius scripta secundū piam fidē circūferun  
tur. Apollonio vero Antonini amico cōtradicebat, admonenti



vt negaret seipsum Christianum dicere. Hic autem fermè in confessionis loco constitutus erat, sermonesque prudentes respondit, pro pietate viriliter defensionem suscipiens, mortem se non formidare dicens, quā necesse sit affore, etiam si regi nō cōtradiceret. Et sic vir hic per omnia magnoperè ornatus erat, donec in errorē sectæ suæ incidit, factus instar pulcherrimæ nauis, cui incomparabile onus immittitur, & quæ iuxta ripas portus tracta est, & totū mercimonium perdidit, & aliis qui nauē ascenderunt mortem induxit. Corruptur enim hic per Valentinianos, & ex ipsorum improbitate, venenum & zizania horum haurit. Multa autem & ipse alia principia emissionesque ac productiones narravit, & abnegata mortuorum resurrectione suam hæresim docuit. Hactenus de Bardesane, siue Bardesiano sanctus Epiphanius, qui & si dicat illum in Valentini errores fuisse lapsum, apertè tamen dicit illum contra hæresim de fato loquentem scripsisse. Verū et si hic Bardesanes hanc hæresim non fuerit tutatus, non defuit tamen qui illi impensè fauerit. Hunc enim errorem docuit Priscillianus, qui dixit homines esse fatalibus stellis alligatos, & ipsum corpus nostrum secundum duodecim signa cœli esse compositum, constituens in capite Arietem, Taurum in ceruice, Geminos in humeris, Cancrum in pectore, & hoc modo alia signa per cæteras corporis partes distribuit vsque ad plantas, quas Piscibus tribuit: quia hoc vltimū esse signū astrologi docent. Et huius erroris non meminit Guido cum de Priscilianistis loquitur: quod valde miror: cum apertè illum prodiderit Aug. quem Guido semper imitatur. Hæc ergo doctrina facilè conuincitur hæreseos, quoniam apertè tollit hominis arbitrium, vt nullam prorsus in eligendo habeat libertatem: quoniam si homo liber est in eligendo, ita vt res aliter agere possit quàm agit, consequens est vt homo non sit fatalibus astris alligatus. Quod si ex astrorum virtute pendet quicquid acturus est homo, & non ex sua electione: non est ergo hominis arbitrium liberum. At hominem esse in suis electionibus liberum, infrà Deo præstante ex sacris litteris ostendemus. Præterea si fato omnia reguntur in homine, non erit quod laudemus in homine aut vituperemus. In his enim quæ à natura insunt, nec laudamur nec vituperamur. Rursus si homines à fato ducuntur, nulla cōsultatione erit opus, quoniā in his quæ nō possunt aliter euenire, superflua est omnis consultatio. Nullus enim erit adeò demēs, vt de castino solis

solis ortu vel de hodierno occasu consultet, quia quocūq; adhibito consilio non est in nostra potestate quin hodie sol occidat, & cras oriatur. Nō erit etiam opus pugnare aduersus vitia: imō inanis esset talis pugna, sed expectandum erit quò fata duceant, quibus homo nō potest repugnare: cū sit (vt dicunt) fato subiectus. Frustra igitur persuadetur boni amor & prosecutio, & dissuadetur vitiū. Frustra dixit propheta: Declina à malo. & *Psal. 33* fac bonum. Frustra etiam dixit Paulus: Fugite fornicationem. *1. Cor. 6* Quis ergo suadebit alicui illa quæ non sunt sub eius potestate? Nullus nisi demens suadebit alicui vt ordinem cœli euertat. Deinde si fato homines subiiciuntur, non erit opus legibus. Vt quid præcipitur mihi pax, si me fata impellunt ad bellū? Iniuste mihi interdicitur furtū, si me furari fata cogunt. Peribit etiā hac ratione iustitia, quæ vult vt bonis præmium, malis autem & dyscolis pœna irrogetur. Iniuste fur aut adulter punitur, si à fato vterque sic cogitur, vt neque adulterium hic, neq; ille furtum euitare vllō modo possit. Nulla certè erit caussa propter quam bonū agens præmio potius donetur, quàm malum agēs: quare hic puniatur, non autem ille, cū vterque ex necessitate & non ex libertate agat. Quod si alicui bonum aut malum imputandum venit, imputabitur fato, quod ad bonum aut malū impellit. At cū tale fatum sit iuxta istos certus ordo astrorum in causando aut influendo, qui certus ordo sit à Deo ordinatus, & illis sideribus tributus: conuincitur vt in Deum etiam mala hominum referantur, qui fatum sic disposuit, vt hominē ad malè agendum cogeret. Hoc autem adeo est impium, vt aures horreant audire, Deum esse authorem præcipuū nostrorum vitiorum. Accedit ad hæc id quod experientia & aliorum testimonio cognouimus. Sæpe enim contingit geminos ex eodē vtero nasci valdè disparis ingenij, vt clare patet de Iacob & Esau, quorum quāta fuerit dissimilitudo, liber Genesis apertissimè ostendit. Quod si fortè dicas ex illis geminis vnum prius fuisse natum quam alterum, & ita per illius temporis interual- lum quod fuit inter ortum vnius, & ortū alterius, fuisse alium, & aliū siderū aspectū, & ita aliud & aliud fatum: tunc petam ab eis, cū in vno & eodem vtero essent, à quo fato fuit ordinatū, vt prior vnus quàm alter nasceretur, cū tamen sæpe contingat vt simul ex eodem semine, & ex vno coitu, ambo gemini concipiantur? Cū ergo ex eodem semine, & ex eodē coitu cōcepti sint, conuincitur vt saltē intra vterū vnū & idē sit vtriusq; fatū.

*Concilium  
Braccarense.*

*Leo papa.*

Quod si idem erat, quo pacto fieri potuit ut à fato ductus aut impulsus vnus prior exiret quàm alter? Hæc omnia adeò aperta sunt, ut non sit opus in re tam aperta plura expendere: sed solum audiamus ecclesiæ de hac re definitionem. Conciliū Braccarense primum cap. suorum decretorum sic ait, Si quis animas & corpora humana fatali signo credit astringi, sicut Pagani & Priscillianus dixerūt, anathema sit. Et cap. 10 iterum ait, Si qui duodecim signa, id est signa quæ mathematici obseruare solēt, per singula animæ vel corporis membra dissipata credunt, & nominibus patriarcharū ascripta dicunt, sicut Priscillianus dixit, anathema sit. Hæc concilium Braccarense. Leo papa huius nominis primus etiam hanc hæresim damnat. Nam in quadā epistola ad Astoricensem episcopū, quæ est in ordine 71. in qua errores Priscillianistarum condemnat, sic ait: Vndecima ipsorum blasphemiam est, qua fatalibus stellis & animas hominum & corpora opinantur astringi: per quam amentiam necesse est ut omnibus paganorum erroribus implicati, & fauentia sibi (ut putant) sydera colere, & aduersaria studeant mitigare. Verum ista sectantibus nullus in ecclesia catholica locus est: quoniam qui se talibus persuasionibus dedit, à Christi corpore torus abscessit. Hæc Leo papa vir quidem sanctus pariter & doctus. De hac re scripsit beatus Thomas Aquinas opusculū de fato, quod est 28. in ordine opusculorum eius. Sed in illo tractatu parum aut ferè nihil contra hunc errorem disputat, ad alia se diuertēs. Beatus Gregorius Nissenus scripsit de fato paruum libellū, sed elegantem. Qui autem copiosius & exactius hanc rem (meo iudicio) discussit, est beatus Augustinus in quinto libro de ciuitate Dei, à primo capite vsque ad finem vndecimi. quo loco obsecro te lector ut legas etiam commentarios doctissimi viri Ludouici viuis, quoniam multum te ille iuuabit ad philosophorum de fato varias sectas intelligendas.

#### F I D E S.

*Petrus Abailardus.*

**E**X omnibus hæreticis solus Petrus Abailardus causam potissimam suarum hæresum prodidit. Certum est enim maximam hæresum partem, imò verius dixerim, totam hæresum colluuiem inde esse ortam, quia videlicet volunt hæretici concludere fidem intra limites nostri intellectus, ut illa non putent credenda, quæ intellectus noster non potest ratione comprehendere. Hic autem morbus cum fuerit omnibus hæreticis communis

munis, solus tamen Petrus Abailardus morbum aperuit. Is enim (vt beatus Bernardus illi impingit epist. 190.) dixit nihil esse credendum, quod excederet virtutem nostri intellectus. Pro qua re affert illud Sapient. Qui citò credit, leuis est corde. Credere autem cito (dicit ille) est adhibere fidem ante rationem. Hunc autem errorem Paulus aperte reiecit, dicens, Fides est substantia rerum sperandarum, argumentum non apparentium. Quæ Pauli verba siue ad fidei definitionem spectent, siue (vt Erasmo in annotationibus placet) laus quædam fidei, & non definitio dicenda sint, hoc certum erit Paulum vera de fide pronunciasse. Quid ergo est dicere argumentum non apparentium, nisi quod Chrysostomus exponit, conuictio earum rerum quæ non videntur? Quasi fides sit quæ cogat nos credere ea etiam quæ non videmus, nec ratione inuestigare possumus. Verum hic admonet Erasmus Paulum non loqui de ea fide qua ea quæ credenda sunt credimus, sed de fide qua alicui fidimus, hoc est de fiducia. Sed ignoscat mihi obsecro: quoniam aliter esse ipsamet Pauli verba conuincunt. Nam post illud fidei siue encomium siue definitionem subiungit: multa quæ ad fiduciam minimè referri possunt: vt est illud, Fide intelligimus aptata esse secula verbo Dei. At fiducia non propriè respicit præterita, quemadmodum futura. Deinde de Enoch loquens ait, Ante translationem enim testimonium habuit placuisse Deo. Sine fide autem impossibile est placere Deo. Vt autem apertius innueret de qua fide loquebatur, subdidit, Credere enim oportet accedentem ad Deum, quia est, & inquirentibus se remunerator sit. At credere Deum esse, non video quo pacto ad fiduciam possit referri. Basilus magnus in expositione psal. 115. interpretatur illum locum Pauli de vera fide qua credimus & non de fiducia. Beatus Augustinus in libro quinquaginta homiliarum, homil. 32. exponit illud Pauli de fide, & non de fiducia. Beatus Bernardus in illa epistola proximè citata etiam de fide exponit hoc Pauli testimonium, citans aduersus Petrum Abailardum. Et Theophylactus in commentariis super Paulum etià de fide exponit. Quapropter spero Erasmus non malè consulturum si nos ab eo hic dissentimus: cum ipse dissentiat ab Augustino, Basilio, & aliis. Sed iam ad huius causæ caput nostra reuertatur oratio. Paulus apostol. in ea quæ est ad Romanos epistola, de Abraham loquens, ait: Qui contra spem in spem credidit, vt fieret pater multarum gentium. Sed quomodo in spem contra spem? Quia videlicet

H. 190. p. 100

Eccle. 19

Heb. 11

Erasmus.

Rom. 4



delicet ex natura nulla erat spes ut iam gignere posset, eò quòd ipse multa esset ætate confectus, quia ferè centenarius, & vxor eius Sarra, ex qua fuerat illi semē promissum, duplici erat mortificatione affecta, videlicet senio, & sterilitate. ideo iuxta naturam non erat spes neq; verisimile ut Sarra & senex & sterilis ex homine sene conceptura foret. Verum etsi hoc ratio non suggererat, spem tamen habuit credens posibilia esse quæ illi Deus promiserat. Quòd si non sunt credenda ea quæ sunt supra rationem, immeritò Paulus laudauit Abraham quia còtra spem

**Luc. 1** in spem credidit. Immeritò etiam Zachariás pater Ioannis Baptistæ fuisset punitus quia partum vxoris suæ, quā senem & sterilem sciebat credere noluit. Hic enim iuxta Petrum Abailardum potius fuisset præmiandus quàm puniendus, quoniam (ut ille pro se citauit) qui cito credit, leuis est corde. In priore epistola ad Corinthios Paulus ait: Sermo meus & prædicatio mea non in persuasibilibus humanæ sapientiæ verbis, sed in ostensione spiritus & virtutis, ut fides vestra non sit in sapientia hominum, sed in virtute Dei. Quid hic respondebit Petrus Abailardus? Si non sunt credenda (ut ille ait) nisi ea quæ ratione cõprehendi possunt: tunc nostra fides pendebit ex humana sapientia. Paulus tamen dicit fidem nostram non esse in sapientia hominum, sed in virtute Dei. Et beatus Gregorius ait: Fides non habet meritum, cui humana ratio præbet experimentum. Et beatus Augustinus in libro quinquaginta homiliarum, homilia 12. eandem ostendit doctrinam, dicens, Arcana & secreta regni Dei prius quærunt credentes, quòd faciant intelligentes. Fides enim gradus est intelligendi: intellectus autem, meritum fidei. Apertè hoc propheta dicit omnibus præpropere & præpostere intelligentiam requirentibus, & fidem negligentibus.

**Esai. 7** Ait enim, Nisi credideritis, non intelligetis. Habet ergo & fides ipsa quoddam lumen suum in scripturis, in prophetia, in euangelio, in Apostolicis lectionibus. Et paucis interpositis subdit, Videtis ergo fratres, quandiu sint peruersi, & properando vitiosi, qui tanquàm immaturi conceptus, ante ortum quærunt abortum: qui nobis dicunt, quid me iubet credere quod non video? Videam ego aliquid, ut credam. Iubes credendum quod nō videam? Ego videre volo. & videndo credere, non audiendo. Dicat propheta, Nisi credideritis, non intelligetis. Ascendere vis, & gradus obliuisceris. Utique peruersè homo, si iam tibi possem ostendere quid videres: non hortarer ut crederes. Hucusque Aug

*Credibile esse  
ut intelligamus.*

que Augustinus. Quibus verbis apertè satis impetit Petrum Abailardum, & videtur verba sua dirigere Augustinus in aliquem qui fortè similiter vt hic Abailardus senserat. Beatus Basiliius exponens Psalm. 115. in exordio Psalmi sic ait: Fides su- Basilii.  
pra omnem rationem scientiarum disciplinarumve animam sublimem trahit. Fides denique non geometricis aut necessariis nititur probationibus. In nomine domini Iesu Christi Nazareni surge & ambula. Hanc enim vocem continuò per spiritum sanctum subsecutus est statim effectus. Ex prodigio namque diuinitatis vnigeniti, manifestatio necessaria videntibus est orta. Dic quæso quid ad fidem faciendam, veritatèmq; persuadendam vehementius? an dialecticæ propositiones secum symperasmata consequentia trahentes, an potius tale tantumque ostentum ab omnibus clarissimè visum, omnèmq; virtutem excedens? Et parum infra, Denique in quolibet studio quod ordine in finem procedit, impossibile primorum subiectorum demonstrationes inquirere: sed necesse omnium artium quæ probatione nituntur, principia sine vestigatione aut ratione posita, reliqua quæ deinceps sequuntur, cum ratione ostendant. Sic & theologiæ mysterium ex fide minime rationibus probata ædificiū quærit. Hæc Basiliius. Sed dicet mihi aliquis, vt quid tandiu moraris hominum testimonia citans? quoniam Petrus Abailardus omnium hominum quantumlibet sanctorum & doctorum sententias aspernatur, & pro libito refellit. Fateor: pro hæc causa in primo huius operis libro illum in iudicium vocavi: verum etsi illum non moueant, mouebunt tamè lectorem pium. Et si ille non recipit alios doctores, recipiet tamen Paulum, ex quo conuincimus fidem esse supra humanam intelligentiam. Illud autem quod Petrus Abailardus ex ecclesiastico pro se citauit, videlicet, Qui cito credit, levis est corde: non de fide in Deum, est accipiendum, sed de mutua inter homines ipsos credulitate. Nam alioqui virgo gloriosissima leuitatis arguenda veniret, eò quòd credidit angelo dicenti Deum fore ex illius carne concipiendum, nulla ad hoc petita aut exhibita ratione qua id futurum possibile conuinceretur. Captiuemus ergo nos intellectum nostrum in obsequium Christi, vt Christo & veris eius discipulis credamus: & sic credentes, intelligemus facilius ea quæ antea intelligi à nobis nō poterant.

Alia est hæresis quæ sic extollit fidem, vt bonis operibus deprahar. Hunc errorem (vt Augustinus refert libro de hæresibus

*Eccl. 12*

*serm. de hæresibus*

*Eunomius* cap. 54. ) docuit primo Eunomius quidam Arrianus, qui dixit omnes qui fidem quam ille docebat, tenerēt, fore saluos etiam si quantumlibet graua peccata committerent, & in illis perseuerarent. Hunc errorem iamdiu sepultum spiritu pythónico aut potius diabolico instinctus Lutherus suscitauit ab inferis, dicens solam fidem iustificare: quapropter opera ait non esse necessaria ad assecutionem vitæ æternæ: quod si fiant, ea nullo pacto iustificare asserit. Sed hoc secundum vsque ad alium locum differimus. Nunc ergo de solo primo disputabimus, probantes non solam fidem sufficere, sed etiam exigi à nobis bona opera. Nam aliàs oportebit fateri, neque homicidium, neque periurium, neque adulterium, neque furtum fore homini imputanda, modò ille credat se saluandum per virtutem promissionis in baptismo factæ. Hanc enim fidem sufficere docet Lutherus. Sic enim ait: Iam vides quàm diues sit homo Christianus siue baptizatus, qui etiam volens non potest perdere salutem suam quantiscunque peccatis, nisi nolit credere. Nulla enim peccata eum possunt damnare, nisi sola incredulitas. Hæc Lutherus. O vocem impiam, & totius nequitie fomentum. O serpentis sibilum venenatum. Nouerat quippe callidissimus serpens Deum iuxta operum qualitatem singulis redditurum siue bonum siue malum, prout in corpore gessit. ideo excogitauit quo pacto posset homines securos operum facere, vt præmio frustraretur. Attendite obsecro, & videbitis quot venenosi riuuli ex hoc vitiato fonte scateant. Si sola fides iustificat, nunquam ergo per alicuius sacramenti susceptionem homo iustificabitur. Ecce iam vides omnem sacramentorum virtutem perisse. Pœnitentia enim nihil prodest peccatori, si sola fides iustificet. Cōfessio peccatorum nihil iuuat, sed sola fides. Elemosyna, ieiunium, oratio, & reliqua huiusmodi nullius sunt momenti, quia sola fides iuxta Lutherum iustificat. Nullum quantumlibet letale crimen obest, modò credat, quia sola fides sufficit ad salutem. Quis hæc ferre poterit? Non certè Christianus homo, imò vel parum pius philosophus ethnicus tolerare non poterit. Quis enim ethnicus nō abominatur furtum? Quis non horret homicidium qualecunque? Quis non execratur parricidium? Quis nō odit adulterium? Quis vnquam periurus non malè audiuit? Quis vnquam laudauit iusti fœderis violationem? Omnia tamen hæc, & siquæ sunt alia peiora, habenti fidem Lutherus permittit. Excommunicatio ideo ab eo

contem

*Sola fides nō  
iustificat*

*Ex asserctione  
iustificationis  
solius fides, nulli  
hæc hereses add  
sunt*



contemnitur, quia solam fidem sufficere putat: quapropter si credit, quantum libet & quomodolibet excommunicetur, nihil putat illi obesse excommunicationem. Sæpe enim contingit <sup>simile</sup> homini aberranti, rectamque viam relinquenti, intrare per syluam densam, credens illic esse verum & rectum iter: cui paulò progredienti obfistunt densi rami arborum: ille autem ne retrocedat, rumpere nititur. quod si vltcrius aliquod aliud impedimentum fortius se opponat, quicquid illud sit, omnino aut frangere aut euellere, aut quoquo modo tollere conatur, ne inceptam semel viam deferat. Sic mihi videtur Lutherus fecisse: Nam cum hunc quem diximus tutari cœpisset errorē, obiciebatur illi sacramentorum efficax virtus, prosternit omnia sacramenta. opponebatur contritio, deiicit contritionem. obfistebat satisfactio pro peccatis, tollit prorsus satisfactionē. Hęc autem omnia, ne illum priorem errorem deferat: sicq; factum est, vt quod semel prodidit desinendi temeritas, conseruauerit postea & auxerit tuendi pertinacia. Frangas (inquit Quintilianus) citius quàm corrigas quæ in prauum induruerunt. Verum ad nostrum institutum reuertamur, & omisis argumentis ad scripturæ iudicium accedamus. Dominus ad Cain ait: Si bene <sup>Gen. 4</sup> egeris, recipies: si autem malè, statim in foribus peccatū tuum aderit. Ecce hic bono operi promittitur præmium, malo autem pœna: non ergo sola fides iustificat, sed etiam opera: quoniam si opera non iustificarent, non redderet illis retributionem dominus. Et sapiens ait: Bonorum operum gloriosus est <sup>Sap. 10</sup> fructus. Et iterum, Reddet Deus iustis mercedem laborum suorum. Et propheta cum petisset à domino quis in illius tabernaculo esset habitaturus, respondit statim dicens, Qui ingreditur sine macula, & operatur iustitiam. Operatur dixit: & <sup>psal. 14</sup> cum postmodum aliqua virtutum opera enumerasset, subdit claudens psalmum, Qui facit hæc, non mouebitur in æternum. Non dixit qui credit hæc, sed qui facit hæc, vt ostenderet operum virtutem & necessitatem. Præterea dominus per Esa. <sup>Esa. 1</sup> prophetam bona opera nobis commendat, his verbis, Qui scite agere peruersè, discite bene facere. Quarite iudiciū, subuenite oppresso, iudicate pupillo, defendite viduam. Sed quid opus est tot afferre testimonia, cum omnes libri prophetarum pleni sint admonitionibus quibus nos ad bona opera hortantur, alliciunt, & impellunt? Quod si nouum testamentum appellas, reiiciens fortè in hac parte vetus: ad nouum instrumen-

rum



rum volo mecum accedas, & audi Christum apud Matthæum  
*Mat. 7.* dicentem, Non omnis qui dicit mihi, Domine, Domine, intra-  
 bit in regnum cælorum: sed qui facit voluntatem patris mei,  
 qui in cælis est, ipse intrabit in regnum cælorum. Multi dicēt  
 mihi in illa die, Domine, Domine, nōne in nomine tuo pro-  
 phetauimus, & in nomine tuo dæmonia eieccimus, & in no-  
 mine tuo virtutes multas fecimus? Et tunc confitebor illis,  
 Quia nūquam noui vos, Discedite à me omnes qui operamini  
 iniquitatem. Quis autē est qui dicit Christo, Domine, Domi-  
 ne, nisi qui fidem habet qua credit eum esse verum Dominum?  
 nec tamen omnis talis intrat in regnum cælorum: nō ergo so-  
 la fides iustificat hominem. Quod autem talia Christi verba  
 sint intelligenda de fideli non habente opera charitatis, restan-  
 tur omnes sacri huius loci expositores, è quibus aliquos citabo,  
 vt vel inde nostram sententiam firmiorem faciamus, ostenden-  
 tes illam fuisse sanctorum virorum doctrinam. Theophylact.  
*Theophyl.*  
*lactus.* exponens illum Matthæi locum sic ait, Hoc loco ostendit se-  
 ipsum Dominum, quādoquidem dicit, Domine, Domine. nam  
 ita se & Deum dicit. Docet autem nos, si fidem absque operi-  
 bus habuerimus, nihil nobis eam profuturam. Nā dicēdo, qui  
 facit voluntatē, non dixit, qui semel fecit, sed qui vsq; ad mor-  
 tem facit. Hæc Theophylactus. Et Christianus Druthmarus  
 super Matthæum exponens illa eadem verba ait: Non in hoc  
 cōfidat aliquis, quia Christianus est: si non facit opera Christia-  
 nitatis, non intrabit in vitam æternam: quia qui se dicit nosse  
 Deum, & mandata eius non custodit, mendax est. Hæc ille. Bea-  
 tus Hieronymus in libro primo commentariorum super Mat-  
 thæum, hoc modo illa verba pertractat. Sicut suprà dixerat eos  
 qui haberent vestem vitæ bonæ, non recipiendos propter dog-  
 matum nequitiam: ita nunc è contrariō asserit ne his quidem  
 accommodandam fidē, qui cū polleant integritate fidei, tur-  
 piter viuunt, & doctrinæ integritatem malis operibus destruūt.  
 Hæc Hieronymus. In cuius verbis aduertere oportet quod di-  
*Basilius.* xit integritatē fidei non sufficere. Beatus Basilus in regula mo-  
 nachorum capite nonagesimoquarto inducit monachos pe-  
 tentes in hunc modū: Quomodo potest quis sine charitate tan-  
 tam fidem habere, vt montes transferat, aut substantiam suam  
 diuidat, & corpus suum tradat vt ardeat? Huic autem monacho  
 rum quæstioni respondet Basilus huiusmodi verbis. Basilus,  
 Si memores sumus Domini dicētis, Faciunt enim omnia vt vi-  
 dean

deantur ab hominibus. sed & illud quod respondit illis dicen-  
 tibus, Domine nōne in nomine tuo dæmonia eiecimus, & in Mat. 7  
 tuo nomine virtutes multas fecimus? cum ait ad eos, Nescio  
 vos vnde sitis. Non quia mentiti sunt, sed quia Dei gratia abusi  
 sunt ad proprias voluntates, quod utique alienum est à charita-  
 te Dei. Hæc Basilius. Sufficiunt hæc virorum sacrorum testi-  
 monia quibus comprobauimus verā esse ac literæ germanam  
 expositionem eam quam nos prius proposueramus. Patet etiā  
 ex eorum omnium testimonio concordī, fidem solam sine ope-  
 ribus non sufficere. Sed reliqua testamenti noui percurramus Ioan. 15  
 testimonia. Apud Ioānem Dominus Iesus Christus ait, Omnē  
 palmitem in me nō ferentem fructum, tollet eum pater meus.  
 Tollere autem eum, vt infra ipsemet ait, est mittere illum in  
 ignem vt ardeat. Cum ergo non ob aliud condemnatur quā  
 quod fructum non fecerat, conuincitur inde opera esse neces- Mat. 25  
 saria. Rursum de vltimo iudicio dominus differens, vitā æter-  
 nam promittit his qui opera pietatis in pauperes & egenos exer-  
 cuerunt, & ignem æternum decernit illis qui eiusmodi opera fa-  
 cere contempserunt. Veniat ergo Lutherus, & extollens se supra  
 omne quod dicitur Deus, Dei sententiam reuocet, & gloriam  
 promittat hominibus sceleratis, si credant. Promissiones certē Promissiones  
hereticorum  
 huiusmodi sunt promissiones serpentis antiqui, qui primis pa-  
 rentibus scientiam promittens, scientiam sustulit, & ignoran-  
 tiam loco eius subrogauit. Sic mihi videtur facere Lutherus: qui  
 dum gloriam æternam solū credenti promittit, ignem eter-  
 num sibi & illi parat. Deinde, adolescenti petenti à domino  
 quid faciendo vitam æternam possideret, respondit Christus  
 verus magister: Si vis ad vitam ingredi, serua mandata. Ec- Mat. 19  
 ce hic vides mandata exigi tanquam necessaria ad vitæ æter-  
 næ consecutionem. Nam si necessaria non essent, non iam præ-  
 cepta sed consilia dicenda essent. Hoc enim existimo esse di- Præcepti et consilij  
discrimen.  
 scimen inter præceptum & consilium, quod hoc suadetur tan-  
 quam bonum, non tamen exigitur vt necessarium: illud verō Mat. vlti.  
 sic exigitur, vt de illoratio reddenda sit. Quod si necessaria nō  
 sunt, præcepta dicenda non sunt. Non enim præcipiuntur nisi  
 vt fiant. Hoc autem de mandatis seruandis iterum repetit do-  
 minus cum in cælum ascensurus discipulis suis ait, Euntes do-  
 cete omnes gentes, baptizantes eos in nomine patris & filii &  
 spiritus sancti, docentes eos seruare omnia quæcunque manda-  
 ui vobis. Non dixit, docentes eos credere tantū, sed seruare

- Mar. vlti.* omnia. non ergo sola fides sufficit. Et apud Marcum eodē temporis articulo ait, Qui crediderit & baptizatus fuerit, saluus erit. Ex quo patet etiam vltra fidem requiri baptismum. non ergo sola fides sufficit ad salutem: aut si hæc sola sufficit, baptismus non est necessarius. Cum vero dixit, Qui autem non crediderit, condemnabitur: docuit baptismum sine fide non prodesse, quemadmodū nec fides sine baptismo. Paulus etiam in ea quæ est ad Romanos epistola ait, Nō auditores legis iusti sunt apud Deum, sed factores legis iustificabuntur. Auditores legis hic vocat eos qui ex auditu crediderunt: quoniam fides est ex auditu. Et in priore ad Corinthios epistola ait, Si habuero omnem fidem ita vt montes transferam, charitatem autem non habuero, nihil sum. Quibus verbis apertissimè ostendit fidem solam non sufficere, sed esse etiam necessariam charitatem. Et *1. Cor. 16* rursus eosdem Corinthios admonens dicit, Stare in fide, viriliter agite, & confortamini. omnia autem vestra in charitate fiant. Quibus verbis post fidei admonitionem addidit charitatis opera, innuens fidem sine illis nō sufficere ad salutem. Et in *2. Cor. 5* posteriore epistola ad eosdem ait, Omnes nos manifestari oportet ante tribunal Christi, vt referat vnusquisque propria corporis prout gessit, siue bonum, siue malum. Ecce patet præmia distribuenda singulis iuxta eorum operum qualitatem, Verū quid moramur in re tam aperta? Beatus enim Iacobus in sua *Iaco. 1* catholica epist. ait, Qui autē perspexerit in lege perfectē liberatis, & permanserit in ea, nō auditor obliuiosus factus, sed factor operis, hic beatus in suo facto erit. Et in alio eiusdem epistolæ capite, Vis autē scire o homo inanis, quoniā fides sine operibus mortua est? Et iterum ibidem, Videtis quoniam ex operibus iustificatur homo, & non ex fide tantum. Et rursus, Sicut enim corpus sine spiritu mortuum est, ita fides sine operibus mortua est. Vides quā apertè, quā sine vllis inuolucris hanc sententiā docet beatus Iacobus? Tam clara certè sunt hæc pro nostra, hoc est catholica doctrina testimonia, vt Lutherus eorum claritatem & efficaciam perspiciscens, nesciens quò se diuerteret, ad commune omnibus hæreticis asylum confugiat, dicens talem epistolam non esse Iacobi apostoli, neque apostolico spiritu dignam. Ob eandem etiam causam negat librum Apocalypsis: nimirum quia per illius testimonium temeraria Lutheri reuincebatur doctrina. In eo enim libro sic dicitur, Beati mortui qui in domino moriuntur. A modo enim iam dicit



dicat spiritus, ut requiescant à laboribus suis. Opera enim illorum sequuntur illos. Et iterum, Et alius liber apertus est, qui est vitæ, & iudicati sunt mortui ex his quæ scripta erant in libris, secundum opera ipsorum. Et rursus, Ecce venio citò, & merces mea mecum est, reddere unicuique secundum opera sua. Apo. 22  
Propter hæc ergo tam clara horum librorum testimonia quæ aduersus Lutherum militât, Lutherus decreuit his libris fidem non præstare, dicens eos non esse ex canone sacrorum librorum. Verùm de hac re in primo huius operis libro capite secundo differuimus. Antè enim quam ad pugnam accederemus, ne fortè in posterum quid simile, ut nunc, contingeret, de armis utrique parti communibus disputauimus, ut prius conueniret inter nos de armis quibus esset pugnandum. Ibi ergo ostendimus hos libros esse canonicos: quapropter non est quod amplius de hac re disputemus. Accedit ad hæc, quòd si sola fides iustificaret, ut Lutherus ait, omnia in vno mandato, videlicet in fide, complerentur: Paulus tamen dicit omnia in vno mandato compleri, nempe in charitate: non autem in fide. Sed charitatem nominans, fidem includit, quæ est eius fundamentum. Quod si fortè Lutherus propter hæc testimonia dicat se intelligere de fide formatam, quæ uiuit per charitatem illam fouentem, tunc conuenit inter nos, quoniã nos etiam dicimus talem fidem iustificare, quamuis de illa etiã non admittamus quòd sola iustificet. Nã si fides ut iustificare possit, opus habet charitate: multo uerius charitas dicenda est iustificatrix, à qua habet fides ut iustificet, quã ipsa fides quæ per charitatem iustificat. A forma enim quæ rei perfectionem præstat, capitur ipsius rei ut substantia, ita & proprietas & denominatio. Paulus autem finem legis dicit esse charitatem, & non fidem. Præterea quomodo fides potest esse sola sine operibus, si ipsa fouetur à charitate? Charitas enim non est ociosa, quoniã, ut ait Paulus ad Galat. 5. In Christo Iesu neque circumcisio aliquid ualet, neque præputium, sed fides quæ per charitatem operatur. Et dominus apud Ioannem, Si diligitis me, mandata mea seruate. Si ergo charitas adest, operatur quod si non operatur, iam charitatis nullum est signum. Vnde beatus Ioannes in sua prima catholica epistola sic ait, Qui habuerit substantiam huius mundi, & uiderit fratrem suum necesse habentem, & clauserit viscera sua ab eo, 1. Ioan. 3 quomodo est charitas patris in eo? Probatio ergo dilectionis,

*Galat. 5*

*Fides formata  
iustificat, sed  
non sola.*

*Ioan. 14*



vt ait Beatus Gregorius, exhibitio est operis. Dicamus ergo non solam fidē iustificare, sed etiam opera esse necessaria. Qui autem sola fide contentus, sine operibus putat esse sibi satis, videtur mihi similis esse illi homini de quo dicitur in euangelio quod cœpit ædificare, & non potuit cōsummare. Nā fides fundamentum est, super quod, veluti super quandam firmissimam

*Luc. 14* petram, Deus fundauit Ecclesiam suam: super quod etiam nos omnes fundari præcipit Paulus, vt stabiles & immobiles simus à spe Euangelii quod audiuius. Si ergo fundamentum est fi-

*Colo. 3* des, aliquid superædificandū erit, quoniam qui fundamentum iacit, de reliquo ædificio cogitat. Illud verò quod superædificandum est, vt ædificium maneat laudabile, est opus bonum. Vnde Paulus in priore epistola ad Corinthios ait, Si quis autē super-

*1. Cor. 3* ædificat super fundamentum hoc, aurum, argentum, lapides preciosos, ligna, fœnum, stipulā, vniuscusque opus manifestum erit. Ex quibus Pauli verbis patet opera esse illa quæ superponenda sunt fundamento fidei. Qualiter autem quisq; superædificauerit, ignis probabit. Qui ergo fide sola contentus, opera contennit, is meritò cœpit ædificare, & nō potuit consummare. Propter has vrgentissimas rationes quæ apertissime conuincūt opera esse necessaria ad beatitudinem assequendam, posteriores

*Lutheranorum assertio.* { Lutherani volentes ducis sui sententiam corrigere, fatentur ingenuè operum necessitatem: quia sine illis (vt aiunt) vera fides esse nō potest: illa tamē opera nihil prorsus ad hominis iustificationem valere dicunt. Nam quidam Ioannes Riuus Athenodoriensis ex Lutheranorum factione in quadā epistola ad amicum innominatum, quæ inscribitur de sola fide, postquam opera fidei coniunxerat, sibi ipsi obiicit atque respondet, sic inquit. Opera igitur, dicit aliquis, requiruntur. Fateor, verū non vt iustitiam per ea assequamur, & hæredes existamus æternorum bonorum, id quod statim à renascentia sumus: sed vt fidem per ea nostram comprobemus, palamq; omnibus notam ac testatam faciamus. Nanque ea demum solida ac perfecta est fides, quæ est per charitatem efficax, vt Apostolus inquit: Quemadmodum enim eiusmodi sit arbor, de fructibus cognoscitur: ita vera ne sit fides an secus, ex operibus atque factis perspicitur. Et aliquibus interpositis, subdit: Nam ne erres fides in Deum plena atque perfecta, non simplex vlla credulitas, sed persuasio firma est cum spe fiduciāque erga Deum iuncta: sic vt nō spei minus in

nus in fide quam credulitatis adfit. Nam simplex illa, de Deo  
 persuasio, solum aditur quidam & velut ianua est, ad ipsam so-  
 lidam ac perfectam fidem. Hactenus Ioannes Riuus. Ex cuius  
 verbis constat, fidei nomen longe aliter ab illo accipi, quam  
 Paulus accepit, quum, de fide, vt particularis est virtus, loquitur:  
 Nam fides hæc de qua Ioannes Riuus loquitur, complectitur  
 secum spem. At Paulus illam non solum à spe, sed etiam à cha-  
 ritate separat & distinguit. Nunc autem, inquit Paulus, manent  
 fides, spes, charitas, tria hæc: maior horum est charitas. Si fides,  
 vt Ioannes Riuus ait, complectitur in se spem, iam nō tria, sed  
 duo sunt. Si tria sunt, vt Paulus ait, oportet necessario fidem ab  
 aliis duabus separare. Et de hac fide quæ à spe, & charitate sepa-  
 ratur, nos dicimus illam non sufficere ad iustificandum homi-  
 nem: quod ille etiam fatetur. De alia verò fide quæ secum ha-  
 bet spem connexam, dicit ille quòd sola illa sufficiat ad iustifi-  
 cationem. Sed huic sententiæ catholica fides repugnat, quæ do-  
 cet neque fidem, neque spem valere aliquid sine charitate. Si ve-  
 ro dicit Ioannes Riuus fidem connectere, sibi charitatem sicut  
 spem, iam tunc ex tribus virtutibus Theologalibus faciet no-  
 bis vnā, videlicet fidem. Itaque non tria: vt Aposto. Paulus  
 ait, sed vnum erunt. Cæterum quod de operibus ait, illa non va-  
 lere ad iustificationem assequendam, si intelligit, opera nostra  
 nullius esse apud Deum meriti ad assequendam beatitudinem,  
 aperte repugnat sacris literis, quæ toties referunt Deum propter  
 bona opera daturū hominibus gloriam æternam. Sed de hoc  
 alias in titulo de merito longius disputabimus: Si vero intelli-  
 git quòd opera nostra dum in peccato sumus, non valent ad as-  
 sequendam iusticiam, hoc est, gratiam iustificantem, hoc ipsum  
 quilibet catholicus fatebitur: quoniam Paulus ait: Si ex meri-  
 tis, iam non est gratia. Verū et si opera non valeant iustificare,  
 disponunt tamen mentem, ad iusticiam de manu Dei gratis re-  
 cipiendam: quod ille negare non poterit. Superest vt Lutheri  
 obiectionibus respondeamus. Primò nāque obiicit illud Apo-  
 stoli Pauli ad Romanos v. Iustificati ergo ex fide, pacem habeamus  
 apud Deum. Et illud ad Ephesios secundo, Gratia estis sal-  
 uati per fidem, & hoc non ex vobis. Et in epistola ad Hebræos:  
 Sine fide impossibile est placere Deo. Et in actibus Apostolo-  
 rum Beatus Petrus loquēs de gentibus conuersis ad Christum,  
 ait, Et qui nouit corda Deus, testimonium perhibuit: dans illis  
 spiritum sanctum sicut & nobis, fide purificans corda eorum.

*Paulus de Fide  
 non iustificat*

*fides distincta  
 non iustificat*

*fides cum spe &  
 charitate iustificat*

*opera*

*702.*

*Lora pytharata  
 sola fide*

*Heb. 11  
 Act. 16*

*Prospicio ad  
locum superiora*

Et per prophetam Abacuch cap. secundo dicitur, iustus ex fide  
vivit. In quibus omnibus scripturæ locis & aliis quamplurimis  
iustificatio, & purificatio tribuuntur fidei, nulla operum men-  
tione facta. Signum est, inquit Lutherus, quod sola fides sine  
operibus iustificat hominem. Huic autem objectioni respon-  
demus, verum esse quod in illis scripturæ locis dicitur, fidem  
scilicet iustificare hominem, & sine illa neminem esse iustum:  
non tamen sic dicitur fidem iustificare, quod alia omnia exclu-  
dantur à iustificatione. Non enim per hoc quod effectus dici-  
tur produci ab una causa, per hoc excluditur alia, quæ parti-  
ceps fuit illius productionis: ut gratia exempli si quis dicat Pe-  
trum esse genitum à Ioanne, non per hoc asserit eum non esse  
genitum à matre, etiam si mater taceatur. aut si dicat eum esse  
factum à patre & matre, non ideo colligendum est inde ut in-  
telligat talis sic loquens Petrum non fuisse productum à Deo.  
Scriptura ergo etsi dicat iustificationem pendere ex fide, non  
tamen dicit eam pendere ex sola fide. At dicunt, de iustifi-  
catione loquens expressit fidem, nulla mentione operum fa-  
cta. Fatemur eum tunc tacuisse de operibus, non tamen illa  
excluserit à iustificatione. Nam si per hoc quod tacentur, de-  
bent reputari pro exclusis, oporteret etiam dicere baptismum  
non esse necessarium quin sine ipso quilibet saluari posset,  
quoniam in nullo illorum locorum scripturæ quæ modò ci-  
tauimus, sit mentio aliqua baptismi: fides ergo sine baptismo  
saluabit? Absit. Quod si Lutherus dicat baptismi necessita-  
tem alibi fuisse expressam, etsi in his locis taceatur, & hoc  
sufficere asserat: & nos hoc etiam illi respondebimus, quod  
licet in his locis scripturæ citatis, aut aliis quibuscunque ta-  
ceantur opera cum de iustificatione sit sermo, non per hoc  
intelliguntur exclusa à iustificatione, quoniam satis est pro  
illorum assertionem, operum virtutem & efficaciam alibi fuis-  
se expressam, sicut patet in testimoniis per nos primum ad-  
ductis. Præterea si per hoc quod opera tacentur, licet ea  
excludere, aut eorum exclusionem inferre, eadem ratione  
licebit fidem etiā excludere à iustificatione, quia sæpe operi-  
bus tribuitur iustificatio, nulla fidei mentione facta. Et ut  
alia eius rei testimonia omittam, vel illud est apertum, quod  
in commendationem eleemosynæ dicitur: Eleemosyna ab  
'Tob. 4. omni peccato & morte liberat. Vide quod dixit, ab om-  
'Eccle. 3 ni peccato. Et iterum de eadem, Ignem ardentem extin-  
guir

gnit aqua, & eleemosyna refistit peccatis. Et rursum ipsa-  
 met veritas ait: Date eleemosynam, & omnia munda sunt *Luc. 6.*  
 vobis. Aduerte quod dicit, omnia. Posset ergo aliquis sic argu-  
 mentari, eo modo quo Lutherus, Ecce Saluator commēdat no-  
 bis eleemosynam, & nullam prorsus tunc de fide mentionem  
 faciens, dicit omnia esse nobis munda. Ergo fides non est neces-  
 saria, sed sola eleemosyna sufficiet, maximè quia in die iudicij  
 (vt ipse dominus ait per Matthæum) de hac petet rationē, nec *Mat. 25*  
 tunc etiam vllam fidei mentionem facit. Absit autem vt quis  
 dicat solam eleemosynam sufficere ad vitam æternam, cū Pau *1. Cor. 13*  
 lus dicat: Si distribuero omnes facultates meas in cibos paupe-  
 rum, charitatem autem nō habuero, nihil mihi prodest. Quo-  
 tiescunq; ergo fides aut quæuis alia virtus laudatur, vel aliquid  
 honoris illi tribuit, semper intelligēdum est hac subintellecta  
 conditione, si rectè suum exequatur officium. Tunc autem dici-  
 tur suum officium rectè exequi, si alia non omiserit quæ aliās  
 præcepta sunt. Sicut enim eleemosyna dicenda est bona, quan-  
 do ex fide procedens solo Dēi respectu fit: sic etiam fides tunc  
 erit sufficiens, quando illi fuerint opera necessaria coniuncta.  
 Non enim per hoc q̃ vna aut altera virtus laudatur, statim in-  
 tidendū est aliis, quia virtutes nō sibi inuicem inuident, quem-  
 admodum homines facere solent, qui aliorū laudes existimant  
 suas esse contumelias, putantq; suæ gloriæ detrimentū esse cu-  
 iuscunq; alterius laudes. At virtutes nō ita, sed omnes sua sorte  
 contentæ, & quælibet suū gradū agnoscēs, nec inferiorē despi-  
 cit, nec altiori inuider. Per hæc ergo quæ diximus, facile (vt exi-  
 stimo) cuiuslibet obiectioni responderi posset, fatentes fidē iusti-  
 ficare, fidem exigī, fidē purificare, sed non solā, sed cum ea exi-  
 guntur omnia illa quæ aliās præcepta inueniuntur. Nā alioquin  
 frustra præciperetur. Verū vnus nobis restat scrupulus adhuc  
 tollendus. Paulus siquidem in ea quæ est ad Rom epistola ait:  
 Arbitramur iustificari hominem per fidem, sine operibus le-  
 gis. Et in epi. ad Gala. Scientes autem q̃ non iustificatur homo  
 ex operibus legis, nisi per fidē Iesu Christi, & nos in Christo le-  
 su credidimus, vt iustificemur ex fide Christi, & nō ex operib⁹  
 legis. Propter quod ex operibus legis non iustificabitur omnis  
 caro. De his duobus scripturæ locis maximè glorianur Luth-  
 rani, quia (vt ipsi aiunt) in illis sic tribuitur iustificatio hominis  
 ipsi fidei, vt excludatur opera. Quibus respōdemus, Paulū in it *Responso*  
 lis duob⁹ locis loqui de operibus legis veteris, puta de cæremoni-

2. obiectio.

Ro. 1

Gala. 2



niis & aliis ritibus, quæ omnia fuerant per Christi mortem deleta, vt nullam penitus virtutem habentia, quapropter nec iustificare quenkū poterant. Non autem loquebatur de operibus aliorum præceptorum decalogi. Ipsa autem materia de qua in illis epistolis tractat, ita esse apertè conuincit, quoniam (vt beatus Hilarius ait) circumstantiæ scripturarū solent scripturæ sensum aperire. Certum est autem Paulum in illis duabus epistolis circa hoc versari vt ostendat legem Mosaicam, quæ solis Iudæis data fuerat, iam cessasse, legemque Christi nouam esse omnibus communem. Ideo post illa verba quæ ex 3. cap. epist. ad Rom. citata sunt, statim subiunxit, An Iudæorum Deus tantum? Nonne & Gentium? Imò & gentium, quoniam quidem vnus est Deus qui iustificat circumcisionem ex fide, & præputiū per fidem. Et de epistola ad Galatas manifestum est in illa hoc velle docere Galatas, vt videlicet crederent legitima non esse amplius exercenda. nam ob hanc causam testatur se reprehendisse Petrum, quòd videlicet per simulationem gētes iudaizare cogebat. Nulla in illis epistolis ad Rom. videlicet, & ad Galat. fit mentio de aliis operibus quàm de operibus legis veteris. Nil ergo aduersus nos illa scripturæ loca agūt: quoniam etiam nos fatemur illa opera legis veteris iam nullius esse momenti. Scio aliter hæc loca ab aliis exponi, & aliter obiectioni responderi ab eisdem: mihi tamen hic sensus magis placet, quoniam magis germanus est literæ. Et Theophylactus illa duo loca exponit eo modo quo nos exposuimus. Beatus Ambrosius ad eūdem modum interpretatur. Beatus Hierony. illum locū epist. ad Gala. docet eodem modo esse intelligendum. Hæc ergo de hac re dicta sufficiant iuxta breuitatē quam à principio statui-  
Scriptores
mus. De hac re scripsit Aug. opus quod inscribitur de fide & operibus. Scripsit etiā frater Iacobus Hochstratus hoc nostro seculo cōtra Lutheranos quandā epitomē de fide & operibus. Io-  
docus Clichthoueus in illo opere quod fecit pro declaratione & assertionē veritatū definitarū in cōcilio Senonēsi, in ca. vlt. totius operis de hac re disputat. Thomas de Vio Caieta. speciale de hac re opusculū cōtra Lutherum scripsit. Post illū longē copiosiorē tractatū edidit Ambr. Catharinus Politus. Et alij multi scripsisse dicuntur, quos longum esset recensere.

## F O R N I C A T I O.

*Græci.* **I**nter alios Græcorum errores quos Guido recenset, est vnus ad hanc rem pertinens. Dicunt enim (vt ille ait) fornicationem  
nem

nem simplicem, hoc est, coitum soluti cum soluta, non esse peccatum mortale. Sed aduersus hunc errorem iam supra disputauimus in titu. de Coitu, hæresi. i. ad illum ergo locum mittimus lectorem.

## FVRTVM CONTINGENS.

**D**E hac re est vnus error quo docetur nihil contingens in rebus euenire, sed omnia quæ fiunt, necessitate absoluta fieri. Huius hæresis author fuit Petrus Abailardus. Eum postea *Petrus Abailardus* secutus est Ioannes Vuitcleff, dicens potetiam Dei & ætalem *Vuitcleff.* creationem eiusdem esse mensuræ, ita vt non possit plures res creare quàm creat, nec aliter res facere quàm fecit. Eundem errorem tutatur nunc Lutherus, dicens omnia quæ fiunt, tam absoluta necessitate fieri, vt impossibile sit aliter fieri quàm fiunt. *Lutherus.* Hinc apertè cõuincimus verum esse quod aliàs diximus, causam videlicet hæresum potissimam esse quòd fidem metiuntur iuxta nostri intellectus potentiam, ita vt illa sola credenda putent, quæ eorum intellectus comprehendere potest. Quia enim humillimus intellectus, vel vt melius dicam, excæcatus Petri Abailardi & Ioannis Vuitcleff, non potest cognoscere alia quàm ea quæ facta sunt, inde concludunt Deum non posse facere nisi quæ facta sunt. Itaque diuinam omnipotentiam concludere volunt & circunsepire limitibus sui intellectus, quod maxima est blasphemia. Paulus nanq; ait vias Dei esse inuestigabiles. Quæ locum pertractans Origen. lib. 9. super epist. ad Rom. ait: Neq; *Rom. II* inscrutabilia iudicia, & inuestigabiles viæ dicerentur, nisi quia nulla est creatura quæ vel inuestigare valeat vel scrutari. Solus enim filius est qui nouerit patrem, & solus est spiritus sanctus, qui scrutatur omnia, etiam altitudinem Dei: & ideo hanc altitudinem Dei, quam inscrutabilem dicit & inuestigabilem, omni creaturæ inscrutabilem dicit. Hæc Origenes. Quid ergo superbissimi hæretici scrutari tantant quod inscrutabile est? & vestigare quod inuestigabile est? Volunt enim velut illi *Gen. II* Babylonij qui turrim edificare cœperāt, in cœlū ascendere, sed deiecit eos Deus, dum se eleuare super altitudinem cœli contendunt, & ita euauerunt in cogitationibus suis, & obscuratū *Rom. I* est insipiens cor eorū: dicentes enim se esse sapientes, stulti facti sunt. Melius certè Aug. qui captiuans intellectū suū in obsequiū omnipotentia diuinæ, ita dicit: Demus Deū aliquid posse quod nos fatemur inuestigare non posse. in talibus enim rebus tota ratio facti est potentia faciētis. Hæc Aug. in quadā epist. ad

Volufianum. Cæterum quia Petrus Abailardus & Ioannes Vuitcleff in hoc vnum conuenerunt, vt apud feipfos solos, contra Sapientis præceptum, prudentes sint, & omnium sanctorum virorum sententiis posthabitis, de solo suo sensu glorientur, idè ex sola sacra scriptura testimonia proferentes, cõtra illos agamus. Et primò pro nobis testimonium dicit Sapiens, qui loquens de via filiorum Israel per desertum, ita ait: quod quidam errantes colebant muros serpentes, & bestias superuacuas, Immisisti illis multitudinem mutorum animalium in vindictam, vt scirent quia per quæ peccat quis, per hæc & torquetur. Non enim impossibilis erat omnipotens manus tua, quæ creauit orbem terrarum ex materia inuisa, immittere illis multitudinem vrsorũ, aut audaces leones, aut noui generis ira plenas & ignotas bestias, aut vaporem ignium spirantes, aut fumi odorẽ proferentes, aut horrendas ab oculis scintillas emittentes, quarum non solum læsura poterat illos exterminare, sed & aspectus per timorem occidere. Nam & sine his vno spiritu poterant occidi, persecutionem passi ab ipsis factis suis, & dispergi per spiritum virtutis tuæ: sed omnia in mensura & numero & pondere disposuisti. Vides quàm multa numerauit Sapiens, quæ deum ait potuisse facere, cum tamen nunquam facta fuerint. Alia ergo potest facere, & aliter facere quàm facit. Et post illa verba iterum ait Sapiens, Misereris omnium, quia omnia potes, & dissimulas peccata hominum propter pœnitentiam. Ecce laudat Dei miserationẽ, quã inde cõuincit, qd cū possit hominẽ peccantẽ statim è mûdo tollere, vitã illi permittit qua pœnitere possit, & veniam promereri. Eandem etiam sententiam in eodem libro, altero tamen capite, Sapiens repetit. Nec potest Vuitcleff eua-

*Sap. 12* dere ea parte qua tentat, dicens Deum multa potuisse quæ non fecit, potuisse inquam, si voluisset. Sed nos dicimus quod potuit cū tamen nõ voluit, quia si voluisset, fecisset: vnde cõuincitur vt nõ voluerit quod non fecit. Præterea Christus redẽptor noster pridie quàm pateretur, & cū proximus esset vt caperetur, Petro qui gladio amputauerat auriculã serui principis sacerdotũ, dixit, An putas quia nõ possum rogare patrẽ meum, & exhibebit mihi plusquã duodecim legiones angelorum? Quomodo ergo implebũtur scripturæ: quia sic oportet fieri. Petrus voluit magistrũ vi & armis defendere, & impedire, si posset, ne caperetur. At ipsemet magister volẽs ostẽdere esse in manu sua nõ pati si veller, dicit se posse rogare patrẽ suum vt exhiberet illi duode-

*M. 14. 26*

cim

cim legiones angelorum, qui facilius hoc exequi possent. Verū licet hoc se posse dixerit, constat tamen illum non sic, ut poterat, fecisse. Et apud Ioannem ostēdens se sola voluntate mortē passurū, & nō necessitate absoluta, ut aiunt hæretici, dicit, Propterea me diligit pater, quia ego pono animam meam, & iterū sumam eam. Nemo tollit eā à me, sed ego pono eā à meipso. *Ioan. 10* Potestatem habeo ponēdi eam, & potestatem habeo iterum sumendi eam. Quibus verbis innuit manifestē se habere potestatem impediēdi virtutē hominum machinantium ad mortem eius. ideo dixit, Nemo tollit eam à me. ac si apertius Iudæis diceret, Vos sititis sanguinem meū, & mortē meam anxie desideratis. Hoc autem scitote quod me inuito & inuoluntario nullus vestrū praualebit. Rursum B. Paulus in ea quæ est ad Heb. epi. de Christo loquēs ita dicit: Qui in diebus carnis suæ preces supplicationesq; ad eum qui possēt illum saluum facere à morte, cum clamore valido & lachrymis offerens, exauditus est pro sua reuerentia. Quid hoc testimonio apertius desiderari potest? Paulus ait Deum potuisse liberare Christum à morte, hoc est, ne talem pateretur mortem. Hoc tamē cū nō fecerit, cōiunctur Deum aliud & aliter posse facere quā facit. Et in priore epistola ad Corin. ait: Fidelis est Deus qui non patietur vos tentari supra id quod potestis. Non autem patimur aut permittimus (nam pati hic ponitur pro eo quod est tolerare aut permittere) nisi ea quæ cū aliter euenire possint, impedire nolumus ne ita eueniant: quæ cū non impedimus, sed sinimus esse prout sunt, tunc dicimur ea pati, aut tolerare, aut permittere. Nullus enim rectē & ut decet loquēs diceret, Ego non patiar ignē esse frigidum: aut, patiar ignem esse calidū, quoniam nullus nostrū potest facere ut ignis frigeat, aut impedire ne caleat. Cū ergo Paulus dicat de Deo quod non patietur nos tentari supra id quod possumus, signum est quod aliter euenire potest, ut videlicet supra nostram potentiam tentemur. Hoc autē et si contingere posset, quia tamen ne ita eueniat, Deus non permittit, ideo ait Paulus quod nō patietur nos tentari supra id quod possumus. Ex quo loco si rectē consideretur, apertē etiā ostēditur Deū posse facere res aliter quā facit. Deinde mutatio ipsa operationū quæ in creaturis Deo iubēte cōtingit, apertissimē ostendit Deū posse facere res aliter quā facit. nā læpe cōtingit ut res aliter se habeant & aliter operentur quā à natura illis cōcessum fuerat: quæ mutatio cōiunctur ut cū aliter factū fuerit, nō necessitate

*Hebr. 5*  
*1. Cor. 10*

tate



- tate sed mera Dei voluntate ita factum esse credamus. Quod
- Gen. 21** enim mulier in iuuentute sterilis, prout de Sarra sacra narrarhi  
 storia, postea senio confecta pariat, præter naturæ ordinem eue  
 nit. Asina Balaam cum loquitur, limites suæ conditionis exce-
- Nu. 22** dit. Quæ cum motum suum relinquens, stetit in fauorem filio-  
**Iosu. 10** rum Israel, ultra leges naturales hoc habuit. Virga amygdali  
**Nu. 17** nomine Aaron constituta, contra naturalem ordinem sine ra-  
**Dan. 3** dice florēt, cum esset arida, & fructū emittit. In fornace arden-  
**Nu. 20** te pueri inclusi nō comburuntur. Et ex petra arida quæ nullam  
 humoris virtutem continebat, fluunt aquæ largissimæ adeo vt  
 pro sexcētis millibus animarum suffecerint. Cum hæc omnia  
 præter naturæ ordinem eueniant, docemur vt cum iuxta natu-  
 ræ ordinem aliquid fit, credamus tunc etiam Deum aliter fa-  
 cere posse. Accedit ad hæc, quod si nihil contingenter euenit,  
 sed omnia necessitate absoluta fiunt, orationes erunt prorsus  
 inutiles. Vt quid Deum oramus si necessariò euenit id quod se-  
 mel decretum est? Frustra enim oramus si id quod petimus, no-  
 bis etiam non petentibus fiet: aut si futurum non erat, impossi-  
 bile est vt fiat. Frustra ergo oramus? Absit. Nam dominus nos  
**Mat. 6** orare præcepit, & Dauid Rex orans in ieiunio & fletu: sperauit  
 se posse impetrare à Deo ne filius suus moreretur, quanuis per
- 2. Re. 22** Natham prophetam fuerat ei dictum, Filius qui natus est tibi,  
 morte morietur, & cum postea vidit filium mortuum, dixit Da-  
 uid seruis suis qui illum reprehenderant propter ieiuniū & fle-  
 tum, Propter infantem, cum adhuc viueret, ieiunauī & fleuī. Di-  
 cebam enim, Quis scit si fortè donet eum mihi dominus, & vi-  
 uat infans? Nunc autem quia mortuus est, quare ieiuno? Ecce  
 Dauid credit Deum potuisse facere de morte filij eius aliud  
 quàm fecit, & Petrus Abailardus hoc non credit. Quapropter  
 videtur mihi velut alter Goliath, qui omnes filios Israel, id est  
 omnes sacros doctores ad bellum prouocat: sed vide eum iam
- Mat. 26** nunc à Dauide percussū & interfectū. Præterea Christus  
 patrem orans ait: Pater si possibile est, transfer calicem hunc à  
 me. At Christus qui futura præuidebat, sciebat se calicem po-  
 taturum: ergo iuxta istorum sententiā impossibile erat vt non  
 biberet. Frustra ergo orat? Absit vt in tantam blasphemiam pro-  
 rumpamus, vt dicamus Christum petiuisse patrem id quod im-  
 possibile erat sibi donari. Quod autē dixit. Si possibile est, non  
 dixit quasi dubitans de potentia, sed velut sciens diuinā volun-  
 tatem cui reluctari nolebat. ideo quod hic dixit, Pater si possi-  
 bile

bile est: alius euangelista eandem orationem enarrans dixit, Pater si vis. ex quorum duorum locorum collatione ostenditur Christi verba sic esse intelligenda, Pater si possibile est, hoc est, si potest fieri sine cassatione tuæ voluntatis: nam huic contradicere Christus nolebat, sed volebat eam impleri: ideo subdit, Veruntamen non sicut ego volo, sed sicut tu. Hieronymus autem, & Christianus Druthmarus qui illum imitatur: aliter exponunt, quanuis eorū expositio nostro primo proposito non contradicat. Cæterum quod illa non fuerint verba de Dei potentia dubitantis, verba Marci conuincunt. Nam post illā orationem Marcus refert Christum sic dixisse, Abba pater, omnia tibi possibilia sunt. quibus verbis apertissimè innuit Deū posse transferre calicem ab illo, ne videlicet illum biberet. cum autem non sic factum fuerit, conuincimus Deum posse facere res aliter, quā facit. Aduersus hunc errorem militant ea quæ inferius pro assertionem liberi arbitrij dicemus. Lector ergo ex illo loco petat plura si illa desiderat, quoniam ostensa arbitrij libertate, conuincitur non omnia necessariò euenire. Postremo ex 45. articulis Ioan. Vuitcleff in concilio Constātiensi sessione octaua dānatis, is vnus vicesimoseptimo loco statuitur, quod dicit: Omnia de necessitate absoluta eueniunt. Qui simul cum aliis vna super omnes lata sentētia damnatus est. Aduersus hūc errorem scripsit Thomas Vualden in suo 1. tomo doctrinalis fidei antiquæ, lib. 1. artic. 1. à capite 10. vsq; ad caput 14. Sed in illo loco aliquantulum tepuit, quoniā rarissimus fuit in citandis testimoniis sacræ scripturæ, densior autem in citandis testimoniis aliorum sacrorum doctorum: quod faciendū non erat, præsertim quia expressa sunt scripturæ sacræ testimonia, & quia contra homines agebat quos cōstat testimonia hominum non recipere.

## G R A T I A.

**P**elagij error notissimus est, qui tantum tribuit libero arbitrio, vt diceret absq; gratia Christi hominem posse omnia præcepta Dei implere, & suis meritis vitam æternam consequi. Et cum super hac re ab aliis increparetur, eatenus cessit admonitioni, vt diceret gratiam non esse abiiciendam velut prorsus inutilem, sed esse amplectendam, quia illa accedente facilius posset haberi gloria æterna. quibus verbis innuebat sine gratia beatitudinem posse acquiri, licet difficilius quā cum gratia. Cælestis Hunc errorem post Pelagium docuit Cælestinus quidam (vt nūc opinor

opinor) monachus, cuius autem gentis fuerit, mihi non est notum, quoniam Gennadius in catalogo illustrium virorum de illo differens, patriam subtrixit. Ex illius autem descriptione constat fuisse Pelagio coxuum sub Innocentio Papa huius nominis primo. Aug. tamē in lib. de hæresi. cap. 88. dicit huius erroris fautores fuisse postea etiā appellatos Cœlestinianos ab hoc Cœlestino. Eundem tutatus est errorē Iulianus episcopus Capuanus, vir (ut ait Gennadius) acer Ingenio, in diuinis scripturis doctus, & qui aduersus beatum Augustinum impugnatores illius scripsit libros aliquot. Aduersus hunc errorem tali temperamento oportet aggredi, ut sic gratiæ necessitatem defendamus, quod non derogemus libero arbitrio. sic rursus libertatem voluntatis asseramus, ut eam egere gratia conuincamus. Ut autem hoc melius faciamus, admonere prius oportet triplicem esse libertatē. Quædā est libertas à culpa, de qua Apostolus ait: Cum enim serui essetis peccati, liberi facti estis iustitiæ. Et alibi: Vbi spiritus domini, ibi libertas. Hæc libertas non est illa qua dicimus liberum esse omne hominis arbitrium. Est alia libertas quæ opponitur contra seruitutem miserix, de qua etiam Apostolus ait: Et ipsa creatura liberabitur à seruitute corruptionis in libertatem gloriæ filiorum Dei. Neque hæc libertas nostro proposito deseruit, quoniam non ab illa dicitur arbitrium hominis liberū. Tertia libertas est quæ opponitur contra necessitatem, aut verius coactionem, quoniam aliqua necessario sunt, ut gratia exempli productio spiritus sancti, dilectio mutua personarum diuinarum, quæ liberè fiunt, quanuis necessario, non tamen ex coactione aut violentia, quia non nituntur in oppositum. Ab hac libertate vocamus hominis arbitrium liberum. Hanc libertatem habet homo à sua conditione, estque illi adeo insita, ut ab eo diuelli non possit. Hanc autem arbitrij libertatem non est nunc opus ut probemus, quoniam aduersus Pelagium agimus, qui plus iusto arbitrio humano fuit. Si qui autem sunt qui hanc libertatem expugnant, nō sunt modò citandi, quoniam alibi contra illos disputabimus. Cæterum ut arbitrij libertatem, & gratiæ necessitatem simul ostendamus, est vltèrius aduertendum, voluntatis nostræ operationes esse triplices. Quædam enim earum est bona, ut velle dare eleemosynam egenti, propter Deum. Alia mala, ut velle furari. Alia media, quæ nec bona nec mala censenda est, ut velle fricare barbam, aut deambulare, nullo considerato fine ad quem

de Libertate melius  
huius catholici as-  
serio.

Libertas  
opulenta.

Ro. 6

2. Cor. 3

A miseria

Ro. 8

A necessitate  
conditionis

Voluntatis operum  
honestas iniquitas.

quem hæ operationes diriguntur. nam si aliquis illis operationibus præfigeretur finis, ab illo posset quælibet illarum bonitatem aut malitiâ accipere. His ergo iactis fundamentis, quinque addo catholicas assertiones. Prima. Liberum arbitrium ex se & ex sua conditione potest eligere quamlibet volitionem malam. Secunda catholica assertio: Liberum arbitrium ex sola suæ naturæ conditione (non excludo hic aut in prima assertione illam Dei generalem concausationem) potest eligere quodlibet opus medium, quod videlicet nec est bonum nec malum. Tertia catholica assertio: Liberum hominis arbitrium ex sola sua potestate, addita etiam illa communi & generali Dei concausatione, non potest sine aliquo Dei speciali auxilio bonum aliud quod operari, quoniam semper circa illud præcedit quædã motivatio, aut attractio, aut inspiratio, aut aliquod donum naturæ superadditum, quod ipse Deus merè gratis quibus illi placet, donat. Quarta catholica assertio, Postquam Deus voluntatem nostram excitavit ad bonum, est in ipsa hominis voluntate hæc potestas, ut Deo monenti & inspiranti consentiat, aut dissentiat. Quinta catholica assertio: Postquam voluntas nostra cum Dei adiutorio cœpit agere aliquod bonum, non potest sine eiusdem Dei speciali adiutorio bonum inceptum proseguere, & in eo perseverare. Ex istis ergo quinque assertionibus apertissimè patet quanta sit nostri liberi arbitrij potestas, quanta sit etiam in libero arbitrio gratiæ divinæ necessitas. Verum superest ut ne solum docere videamur, ea quæ diximus, testimoniis scripturæ sacræ comprobemus. De prima & secunda & quarta assertionibus inter nos & Pelagium convenit: quapropter non est quod nunc pro earum assertionibus laboremus. Restant igitur mihi solæ duæ probandæ, videlicet tertia & quinta. Impotentiā nostram satis aperte ostendit dominus per Esa. prophetam dicentem, Nunquid gloriabitur securis contra eum qui secatur in ea? aut exaltabitur serra contra eum à quo trahitur? Quomodo si eleuetur virga contra eleuantem se, & exaltetur baculus, qui utitur lignum est. Ecce vides qualiter Deus seipsum comparat artifici, nos autem securi aut serræ, aut alij instrumento quo mediante artifex operatur. At securis aut serra nunquam lignum scindet nisi ab alio ad hoc moueatur: sic etiam nostrum liberum arbitrium nunquam bonum aliquid operari poterit, nisi à Deo moueatur ad illud agendum. Quomodo ergo si exaltetur serra contra eum qui secatur in ea, sic omnis qui de bono opere gloriatur,

*Catholicæ assertio-  
nes de libero ar-  
bitrio.*

*Probat 3. et 5.  
Esa. 10. 5.*

*argumentum*



opinor) monachus, cuius autem gentis fuerit, mihi non est notum, quoniam Gennadius in catalogo illustrium virorum de illo differens, patriam subtrahit. Ex illius autem descriptione constat fuisse Pelagio coeuum sub Innocentio Papa huius nominis primo. Aug. tamē in lib. de hæresi. cap. 88. dicit huius erroris fautores fuisse postea etiā appellatos Cœlestinianos ab hoc

*Julianus.*

Cœlestino. Eundem tutatus est errorē Iulianus episcopus Capuanus, vir (ut ait Gennadius) acer Ingenio, in diuinis scripturis doctus, & qui aduersus beatum Augustinum impugnatores illius scripsit libros aliquot. Aduersus hunc errorem tali temperamento oportet aggredi, ut sic gratiæ necessitatem defendamus, quod non derogemus libero arbitrio. sic rursus libertatem voluntatis asseramus, ut eam egere gratia conuincamus.

*de Libertate melius  
huius catholici  
sermo.*

*Libertas  
a culpa.*

Ro. 6

2. Cor. 3

*A miseria*

Ro. 8

*A necessitate  
coactionis*

Ut autem hoc melius faciamus, admonere prius oportet triplicem esse libertatē. Quædā est libertas a culpa, de qua Apostolus ait: Cum enim serui essetis peccati, liberi facti estis iustitiæ. Et alibi: Vbi spiritus domini, ibi libertas. Hæc libertas non est illa qua dicimus liberum esse omne hominis arbitrium. Est alia libertas quæ opponitur contra seruitutem miseriæ, de qua etiam Apostolus ait: Et ipsa creatura liberabitur a seruitute corruptionis in libertatem gloriæ filiorum Dei. Neque hæc libertas nostro proposito deferuit, quoniam non ab illa dicitur arbitrium hominis liberū. Tertia libertas est quæ opponitur contra necessitatem, aut verius coactionem, quoniam aliqua necessario sunt, ut gratia exempli productio spiritus sancti, dilectio mutua personarum diuinarum, quæ liberè fiunt, quanuis necessario, non tamen ex coactione aut violentia, quia non nituntur in oppositum. Ab hac libertate vocamus hominis arbitrium liberum. Hanc libertatem habet homo a sua conditione, estque illi adeo insita, ut ab eo diuelli non possit. Hanc autem arbitrij libertatem non est nunc opus ut probemus, quoniam aduersus Pelagium agimus, qui plus iusto arbitrio humano fauit. Si qui autem sunt qui hanc libertatem expugnant, non sunt modò citandi, quoniam alibi contra illos disputabimus. Cæterum ut arbitrij libertatem, & gratiæ necessitatem simul ostendamus, est vltèrius aduertendum, voluntatis nostræ operationes esse triplices. Quædam enim earum est bona, ut velle dare eleemosynam egenti, propter Deum. Alia mala, ut velle furari. Alia media, quæ nec bona nec mala censenda est, ut velle fricare barbaram, aut deambulare, nullo considerato fine ad quem

*Voluntatis operatio  
hinc inde*

quem hæc operationes diriguntur. nam si aliquis illis operationibus præfigeretur finis, ab illo posset quælibet illarum bonitatem aut malitiâ accipere. His ergo iactis fundamentis, quinque addo catholicas assertiones. Prima. Liberum arbitrium ex se & ex sua conditione potest eligere quamlibet volitionem malam. Secunda catholica assertio: Liberum arbitrium ex sola suæ naturæ conditione (non excludo hic aut in prima assertione illam Dei generalem concausationem) potest eligere quodlibet opus medium, quod videlicet nec est bonum nec malum. Tertia catholica assertio: Liberum hominis arbitrium ex sola sua potestate, addita etiam illa communi & generali Dei concausatione, non potest sine aliquo Dei speciali auxilio bonum aliud quod operari, quoniam semper circa illud præcedit quædã motivatio, aut attractio, aut inspiratio, aut aliquod donum naturæ superadditum, quod ipse Deus merè gratis quibus illi placet, donat. Quarta catholica assertio, Postquam Deus voluntatem nostram excitavit ad bonum, est in ipsa hominis voluntate hæc potestas, ut Deo monenti & inspiranti consentiat, aut dissentiat. Quinta catholica assertio: Postquam voluntas nostra cum Dei adiutorio cœpit agere aliquod bonum, non potest sine eiusdem Dei speciali adiutorio bonum inceptum prosequi, & in eo perseverare. Ex istis ergo quinque assertionibus apertissimè patet quanta sit nostri liberi arbitrij potestas, quanta sit etiam in libero arbitrio gratiæ divinæ necessitas. Verum superest ut ne solum docere videamur, ea quæ diximus, testimoniis scripturæ sacræ comprobemus. De prima & secunda & quarta assertionibus inter nos & Pelagium convenit: quapropter non est quod nunc pro earum assertionem laboremus. Restant igitur mihi solæ duæ probandæ, videlicet tertia & quinta. Impotentiæ nostram satis apertè ostendit dominus per Esa. prophetam dicentem, Nunquid gloriabitur securis contra eum qui secatur in ea, aut exaltabitur serra contra eum à quo trahitur? Quomodo si eleuetur virga cōtra eleuantem se, & exaltetur baculus, qui utriusque lignum est. Ecce vides qualiter Deus seipsum comparat artifeci, nos autem securi aut serræ, aut alij instrumento quo mediante artifex operatur. At securis aut serra nunquam lignum scindet nisi ab alio ad hoc moueatur: sic etiam nostrum liberum arbitrium nunquam bonum aliquid operari poterit, nisi à Deo moueatur ad illud agendum. Quomodo ergo si exaltetur serra contra eum qui secatur in ea, sic omnis qui de bono opere gloriatur,

*Catholicæ assertiones de libero arbitrio.*

*Probat 3. et 5. Esa. 10. 5.*

*argumētum*

- riatur, & non in domino gloriatur. Simillimum est huic quod  
*Psal. 44* diuinus Psalter ait: Lingua (inquit) mea calamus scribæ velo-  
 citer scribentis. Esaias ostendit infirmitatem nostram ad opus,  
 exemplo serræ pro hac re adducto. Dauid eandem impotentiam  
 circa verba formanda docet, linguam suam calamo comparans.  
 Sicut enim calamus nunquam scribet nisi manus scribæ illum  
 moueat: sic nullus potest aliquid boni dicere, nisi lingua eius à  
*Mat. 10* Deo moueatur. Non enim (inquit discipulis suis Christus) vos  
 estis qui loquimini, sed spiritus patris vestri qui loquitur in vo-  
 bis. Et Paulus ait: Nemo potest dicere dominus Iesus, nisi in  
*1. Cor. 12*  
*2. Hie. 10* spiritu sancto. Præterea Hieremias propheta dicit, Scio domi-  
 ne quia non est hominis via eius, nec viri est ut ambulet & diri-  
 gat gressus suos. Vide quid dicat. Nō negat esse in hominis po-  
 testate ambulare, nam hoc potest homo cum sola Dei genera-  
 li concaufatione: sed negat esse in hominis potestate rectè am-  
 bulare, ut videlicet dirigat gressus suos ad finem quem omnes  
*2. Psal. 36* quærimus, scilicet gloriam æternam. Hoc autem Dauid expref-  
 sus docet. A domino (inquit) gressus hominis diriguntur. Ideo  
 suam agnoscens infirmitatem, adiutorium petit à domino, di-  
 cens, Perfice gressus meos in semitis tuis, ut non moueantur ve-  
*Psal. 16* stigia mea. Et iterum, Gressus meos dirige secundum eloquium  
*Psal. 118* tuum, & non dominetur mei omnis iniustitia. Erubescat ergo  
*6. Hie. 17* Pelagius dicens vnumquemque suo arbitrio regi. Et idem Hie-  
 remias dominum orat dicens, Sana me domine, & sanabor. Sal-  
 uum me fac, & saluusero, quoniam laus mea tu es. Si Hieremias  
 poterat seipsum sanare, ut quid à Deo illud petit? Rursum per  
*1. Ose. 13* prophetam Osee iterum Deus eandem sententiam docet dicens,  
 Perditio tua Israel: tantummodo ex me adiutorium tuum. Hæc  
 ex veteri testamento testimonia sufficiant. Nunc iam ad no-  
 num, in quo veritas clarius lucet, accedamus. Sine me (inquit  
*1. Ioan. 15* Christus) nihil potestis facere. Si nihil possumus, quomodo po-  
 terimus sine illo vitam æternam consequi? Et iterum eadē ve-  
*2. Ioan. 6* ritas ait: Nemo potest venire ad me, nisi pater qui misit me, tra-  
 xerit eum. Præterea in illa oratione quam verus magister nos  
*Mat. 6* docuit, dicitur, Adueniat regnum tuum. quibus verbis petimus  
 à Deo gloriam cœlestem, quæ est regnum Dei æternum. Et ite-  
*Ibid.* rum in alia petitione habetur: Et ne nos inducas in tentatio-  
 nem, sed libera nos à malo. Hæc omnia vnus & verus magister  
 nos docuit petere à patre suo. At si hæc omnia nos possemus  
 consequi per solam nostri arbitrij potestatem, non esset opus  
 nos ea

petere à Deo. Ex quo facile conuincitur neminem posse vitam æternam consequi, aut omnia peccata euitare sine Dei speciali auxilio. Verùm hic dicit Pelagius tales petitiones nō esse inanes, quia etsi nostrū liberum arbitrium omnia illa possit, difficilia tamen sunt illi. Ad hoc ergo dicit petimus, vt eo adiuuante facilius assequamur, quæ sine illius adiutorio difficilè assequi possemus. Sed hoc Pauli testimonio reiicitur, qui in episto. ad Rom. ait, Quos iustificauit, hos & magnificauit. Nō dixit, quos iustos inuenit: sed dixit, quos iustificauit: vt his verbis doceret nos quòd omnis nostra iustificatio ab ipso Deo est, & nō à nobis. ideo iterum ait, Neq; volentis neque currentis, sed Dei est misericordis. Quibus verbis apertissimè docet nihil nos posse sine dei speciali auxilio. Nā quid quæso est illud quod ait, neq; currentis? Per illa nanq; verba docet quòd non solum remissa voluntas & tepida, sed etiā quæ nimio ardeat desiderio, & quæ quantumlibet vehementè adhibeat conatum, non potest ex se vitam æternā assequi, sed hoc ex sola Dei misericordia pendet. Hoc est enim dicere, neq; volentis, neque currentis: quoniā qui currit, magis circa motū conatur, & eius mēbra vehementiore impulsu agitantur à corde, quā si lēto gradu incedat. Et in alia epistola: Non quòd sufficientes simus cogitare aliquid ex nobis, quasi ex nobis, sed sufficientia nostra ex Deo est. Quid hic respondet Pelagius? Si nō sumus sufficientes cogitare, minus & velle, quoniam quæ nō cognoscimus, velle nō possumus. Et si velle bonum nō possumus, nec operari valebimus. Nostra, inquit, sufficientia ex Deo est. Et quid Pelagius ait? Nostra, inquit Pelagius, sufficientia ex nobis ipsis est, sed facilitas ex Deo. Apertissimè ergo Pelagius pugnat cum Pauli doctrina, hoc est cum fide catholica. Et in eadē epist. eandē sententiam replicat dicēs, Potens est autem Deus omnem gratiam abundare facere in vobis, vt in omnibus semper omnē sufficientiam habentes, abundetis in omne opus bonum. Ecce vides quid nobis cōferat gratia, nō certè solam facilitatem ad opus bonū, vt Pelagius dicit, sed confert nobis omnem sufficientiā. Non ergo sumus nos sufficientes sine Dei gratia. Præterea cum idem Paulus rogaret dominum tertio vt auferret ab eo stimulū carnis, responsum est illi à domino: Sufficit tibi gratia mea. Non enim dixit dominus Paulo, Tu ipse sufficis, sed dixit, sufficit tibi gratia mea. 2. Cor. 11. Quòd si Paulus hoc quod petebat, potuisset, quamuis difficilè, præstare, meritò respondisset illi dominus illud quod Beatæ

Roma. 8 f

Roma. 9 f

2. Cor. 3. 6

2. Cor. 9 f

Gratia nobis est  
sufficiens

2. Cor. 11



Lucia pro suae matris salute Beatam Agatham deprecanti, eandem Agatham respondisse fertur. Vt quid, inquit, à me petis virgo Lucia, quod ipsa poteris matri tuae praestare continuo? Verum quia Paulus non poterat tam improbae tentationi Sathanae etiam cum magna difficultate resistere, ideo dominus dicit illi, Sufficit tibi gratia mea. Rursum, in epist. ad Ephesios idem Apostolus ait, Gratia enim estis saluari per fidem, & hoc non ex vobis. Dei enim donum est, non ex operibus, ne quis gloriatur. Pelagius ne in totum videretur tollere auxilium diuinum, dicit fidem esse donum Dei, & sine illa nos non posse saluari, atque ideo dicit nos hoc debere Deo, quod scientiam nobis dedit qua illum vere cognosceremus, & sciremus ea quae agenda essent: qua scientia habita, dicit non esse nobis opus ulteriore dono gratiae aut charitatis, quoniam nec charitatem vult fateri donum Dei: neque eam dicit esse necessariam, sed sufficere solam fidem cum nostri arbitrii potestate: & hoc modo interpretatur illud testimonium Pauli quod proxime citauimus: Gratia estis saluari per fidem. Sed attendat Pelagius quod Paulus non ait nos esse

6 *Eph. 2* saluatos sola fide, sed gratia, & hoc per fidem. Nam fidem solam aut scientiam non sufficere, idem Paulus testatur, dicens, Si habuero omnem scientiam, & tantam fidem ut montes transferam, charitatem autem non habeam, nihil mihi prodest. Deinde in epist. ad Philip. ait, Deus est enim qui operatur in nobis velle & perficere pro bona voluntate. Si Deus est qui operatur, non ergo scientia sufficit. Cum autem dixit, velle & perficere, docuit ut credamus gratiam Dei esse necessariam non solum ad bonum aliquod incipiendum, sed etiam ut possimus in bono incepto perseverare. Nam hoc est perficere, quoniam qui coepit aedificare, & non potuit consummare, hic non est perfectus vir: sed qui perseverauerit usque in finem, hic saluus erit. Haec autem salus non habetur nisi per gratiam Dei. Paulus namque in epist. ad Titum ait, Apparuit benignitas & humanitas saluatoris nostri Dei, qui non ex operibus iustitiae quae fecimus nos, sed secundum misericordiam suam saluos nos fecit, per lavacrum regenerationis & renouationis spiritus sancti, quem effudit in nos abunde per Iesum Christum saluatorem nostrum, ut iustificati gratia ipsius, haeredes simus secundum spem vitae aeternae. Potuissim hic sacrorum virorum plurima producere testimonia, sed cum scripturae sacrae tam aperte pro nobis testentur, superfluum erit hominum testimonia citare. Colligimus

mus ergo cuiuslibet boni initium, & eiusdem perseverantiam, à divina gratia pendere, & non ex solo hominis arbitrio. Cuius rei signum est illud quod dominus præcepit dicens, Offeretis *Deu. 12* in loco illo quem dominus elegerit, holocausta, decimas & primitias manuum vestrarum. Quid sunt primitiæ manuum nostrarum iuxta moralem intelligentiam, nisi initium nostræ bonæ operationis? Et quid per decimas cōgruentius intelligi potest quàm perseverantia, & totius boni operis complementum? Tota lex decem mandatis continetur, quibus vitam possumus assequi æternam. Primitias ergo & decimas domino offerre tenemur, quia boni initium & illius complementum domino sunt tribuenda, qui illa in nobis & per nos operatur. Sed opus est ut Pelagianorum obiectionibus respondeamus. Primo sic nobis obiciunt. Nullus peccat in eo quod vitare nō potest. Si ergo *Prima ob-*  
non est homini liberum præcepta omnia adimplere & peccata *iectio.* omnia vitare, cum nō vitat, non peccat, quia hoc ipsum vitare non poterat. Cui respondemus, hanc esse nostri arbitrii potestatem, ut Deo monenti consentiat, & Deo operanti coopere- *Responsio* tur. Deus autem nunquam seipsum nobis negat, imò semper paratus est ut nos excitet & adiuvet. Paulus namque ait, Fidelis *I. Cor. 10* est Deus, qui nō patietur vos tentari supra id quod potestis. Inde ergo homo culpatur, non quia solus non facit, cum hoc esset illi impossibile, sed quia Deum monentem non audit, ad eius vocem non excitatur, illi vocanti non responderet. Nam de hac re queritur dominus peccatoribus, dicens, Vocavi, & renui- *Prou. 1* stis: & extendi manum meam, & non fuit qui aspiceret. Despexistis omne consilium meum, & increpationes meas neglexistis. Ego quoque in interitu vestro ridebo, & subsannabo cum vobis id quod timēbatis, aduenerit. Ecce iam vides de qua re dominus peccatores accuset, quia scilicet vocauit, & noluerunt illi respondere, noluerunt facere iuxta eius consilium. nec impotentiam aut infirmitatem propriam causari poterunt, quia ipse extendit manum suam ut eos adiuuaret, eius tamen auditorium neglexerunt. Extendi, inquit, manum meam, & non fuit qui aspiceret. Si quispiam casu in foueam caderet, ex qua surgere & exire non posset, & illi alter manum præberet *Similis* ut illum iuuaret & sic exiret, nonne meritò culpandus esset si adiutorium recusans, in fouea manere vellet? Quod si postea increpetur quòd in fouea manet, & non exierit, poterit ne meritò causari quòd exire non potuit? Non certe: quia et si solus

non potuisset, potuisset tamen cum adiutorio alterius, quo uti noluit. Sic etiam licet homo, se solo non possit omnia Dei precepta implere, & omnia peccata vitare, potest tamen hæc omnia cum Dei adiutorio facere: quapropter peccator culpatur, quia Deum monentem non audit, & adiuuantē negligit, illius auxilio uti noluit. Secundo sic obijciūt. Si Deus omne bonum quod est in nobis, operatur, nullum ergo erit nostrū meritum, nulla nostra mescet. Cui ego similiter obijciendo respondeo. Si nostrum arbitriū se solo omnia bona operari potest, non est cur de bonis operibus a nobis factis Deo gloriā reddamus, sed nobis ipsis, qui operati sumus illa, gloriā vindicare iure poterimus. Absit tamen ut quisquam hoc apud se cogitet. Diuinus nāque Psaltes ait, Non nobis domine non nobis, sed nomini tuo da gloriā. & iterum, Gloriabuntur in te omnes qui diligunt nomen tuum. Et Paulus, Qui gloriatur, inquit, in domino gloriatur. Pelagius ergo qui in se & non in domino gloriatur, non diligit nomen domini, quoniā omnes qui diligunt nomen domini, in illo gloriātur: illi tribuentes gloriā omnium bonorum suorum, & sibiipsis imputātes sua opera mala. Quid ergo Pelagi gloria ris in malitia, qui potens es in iniquitate? Cū non sis tam potens ad bonū quantū ad malum, quæ est hæc tua malitia, ut glories ris de bono, qui potens es in iniquitate? Vide quid dicat ipsemet Deus, Gloriā meā alteri non dabo. Sed quid dabis nobis domine? Pacem, inquit, meam do vobis, pacē meam relinquo vobis. Nobis pacem, illi gloriā. Hanc rerum distributionem nato domino angeli cecinerunt. Gloria, inquit, in excelsis Deo, & in terra pax hominibus. Deo gloriā, hominibus pacem reddunt angeli. Dic ergo Pelagi, vis tu gloriā a Deo præripere, quā illi reddūt omnes angelorū chori, & quā ipse sibiipso seruauit? Quod si gloriā Deo cogeris reddere, quomodo illi das gloriā si tu omnia dicis te operari? Sed ne videamur obiectionē obiectione eludere, obiectioni illius clarius respondeamus, sic Deo gloriā reddentes, ut nostra merita non euacuemus, sic rursus nostrum meritum asserētes, ut gloriæ diuinæ nihil detrahāmus. Nostrum enim liberū arbitriū, ut supra iam docuimus, citra Dei monitionem, præuentionē, & cooperationem, non potest aggredi aliquod opus verè bonum. Cum tamen a Deo monitum & præuentū fuerit, potest Deo monenti obedire, Deo operāti cooperari. Ecce duo, Dei videlicet monitionē, *Roma. 8* & nostrā obedientiam: Dei operationē, & nostram cooperationem:

nem: quæ duo Paulus simul innuit dicens, Spiritus est qui adiu- *I. Cor. 3*  
 uat infirmitatem nostram. Et alibi clarius hoc ipsum expressit  
 dicens, Dei enim coadiutores sumus. Ex quibus vrbis aperte sa-  
 tis colligimus in eodem opere simul & Deū & nos operari. Et  
 iterum, cū multa bona per ipsummet facta, & se plus omnibus  
 laborasse dixisset: ne fortē gloriam bonorum operum sibiipsi *I. Cor. 15. 6.*  
 arrogasse quispiam putaret, subiunxit, Nō autem ego, sed gra-  
 tia Dei mecum. Nō dixit, per me: ne fortē inde aliquis conice-  
 ret illū fuisse velut instrumentum in operando: sed dixit, gratia  
 Dei mecum, vt per hoc ostenderet se fuisse Dei cooperatorem.  
Deus ergo pręuenit monendo, excitando, nos autem sequimur  
eum, dum illi monenti obedimus per consensum: & cum iuxta  
illius monitionem operamur, illē adiuuat infirmitatem nostrā.  
 Quibus duabus rebus respondent duæ aliæ, videlicet gloria &  
 meritum, ita vt Deo reddamus nos gloriam, Deus autem nobis  
 reddat iuxta meritum nostrum. Quia enim ille pręuenit nos  
 in opere, ad illud nos excitans, & ipso opere adiuuat nos, sine  
 cuius adiutorio nihil agere possemus: ideo debemus illi gloriā,  
 tanquam primæ illius operis origini, Ex hoc autem quod nos  
 monitioni illius consentimus, qui tamen dissentire poteramus,  
 debetur nobis merces & præmium, & inde meritum nostrum. *Rom. 8*  
 Debetur inquam, non ex operis natura, quia, vt ait Paulus, non  
 sunt condignæ passionēs huius seculi ad futuram gloriam quæ  
 reuelabitur in nobis: sed debetur ex iure promissionis. Hanc  
 enim legem nos natu. a docuit, vt quod quisque promittit, debe-  
 re se credat. Opus ergo quod meritum dici potest, sine duobus  
 effici nequit, sine Dei videlicet pręuentione & assistentia, & sine  
 nostro consensu & cooperatione. In primo est Dei gloria, in se- *Esa. 26. 6*  
 cundo est meritum nostrum. Quæ omnia vno verbo propheta  
 nos docuit dicens, Omnia opera nostra operatus es nobis do-  
 mine. Cum enim dixit, Opera nostra, aperuit nostram circa il-  
 la operationem: quoniam si circa illa nihil operaremur, nō di-  
 cerentur opera nostra. Cum autē dixit Deo, operatus es, osten-  
 dit idem opus nostrum esse opus Dei, quia in illo eodem ope-  
 re Deus adiuuat infirmitatem nostram, operans nobiscum. Di-  
 cens autem nobis, innuit meritum nostrū, quia licet ille nobi-  
 scum operetur, ad nostrum tamen commodum est illius coo-  
 peratio, non ad suum, quia bonorum nostrorum ille non indi- *Psal 15*  
 get. Tertiō nobis obiciunt dicentes, Sicut potest liberum no- *Tertia ob*  
 strum arbitrium de bono in malum corruere, quare non etiam *iectio.*



*Lucio*

*Cocilium  
Mileuitanum.*

poterit de malo ad bonū resurgere? Quibus nos respondemus quod non tam facilē quis potest exire de fouea, quā facilē in eam potest labi. ita etiā quamuis sola voluntate in foueam peccati quis cadat, non tamen inde sola voluntate sine Dei gratia eum adiuuante exire potest. Sed dices, Quid ergo? Nunquid per peccatum perdimus liberū arbitrium? Absit. Verū perdimus per peccatum gratiam diuinā, cuius auxilio liberum nostrum arbitrium, bonum poterat operari, quā iam sublata amplius non potest bonum operari quod ad vitam perducatur æternā. Sed iam opus est ut ecclesiæ definitionem producamus. Concilium Mileuitanum, cap. 4. suorum decretorum de hac re per hæc verba definit: Quisquis dixerit eandem gratiam Dei per Iesum Christum dominum nostrū propter hoc tantū nos adiuuare ad non peccandum, quia per ipsā nobis reuelatur & aperitur intelligentia mandatorum, ut sciamus quid appetere, quid vitare debeamus, non autem per illam nobis præstari, ut quod faciendum cognouerimus, etiā facere diligamus, atque valeamus, anathema sit. Et cap. 5. rursum ait. Itē placuit, ut quicumque dixerit ideo nobis gratiam iustificationis dari, ut quod facere per liberum arbitrium iubemur, facilius possumus implere per gratiam, tanquam si gratia nō daretur, non quidem facile, sed tamen possumus etiā sine illa implere diuina mandata, anathema sit. De fructibus enim mandatorum dominus loquebatur, ubi non ait, Sine me difficilius potestis facere, sed ait, Sine me nihil potestis facere. Hæc cocilium Mileuitanū. Aduersus Pelagianos scripsit beatus Hieronymus tres dialogorum libros. Beatus Augustinus plures contra eosdem edidit tractatus, videlicet De peccatorum meritis & remissione ad Marcellinum libros tres. De natura & gratia contra Pelagianos librum vnum. De gratia Christi contra Pelagium & Cælestinum libros duos. Contra duas epistolas Pelagianorum, ad Bonifacium libros quatuor. Contra Iulianum Pelagianum libros sex. De gratia & libero arbitrio ad Valentinum librum vnum. Contra Pelagianos hyponosticōn libros sex, in quorum tertio de hac re disserit, quanquam hoc opus non esse Augustini Erasmus opinatur. Extat etiā Prosperi Aquitanici elegans opusculum de libero arbitrio aduersus colluctatorem, in quo de hac re disputat. Beatus Bernardus scripsit aliud opusculum de gratia & libero arbitrio. Ioannes Trithemius in suo catalogo ecclesiasticorum scriptorum refert Gēnadium scripsisse etiā aduersus

*Augustinus  
contra Pelagi-  
anos scripsit.*

*Antiqui qui scri-  
psit de Libero  
arbitrio*

aduersus Pelagium, sed hoc opus fateor me non vidisse.

Secunda hæresis docet gratiam in baptismo semel receptā, postmodum amitti non posse. Huius hæresis author fuit Iovinianus. quidam monachus Romanus, qui monachatu reiecto veni-  
 lut canis ad vomitum reuersus est. Hic inter alios errores hunc etiam docuit, dicens eos qui plena fide per baptismum renati sunt, non posse postea peccare. Hunc errorem (vt B. Augu. lib. de hæresi. cap. 88. refert) docuit etiam Pelagius, dicens vitam iu-  
 storum in hoc seculo nullum habere peccatum, tanquā si is qui semel iustus est, iam amplius peccare non possit. Hanc tamen erroneam doctrinā cœlestia simul & terrestria expugnāt. Nam dæmones in gratia fuisse à Deo creatos iam superius in titulo de diabolo ostendimus. Hi autem nō fuerunt stabiles in gratia, neq; in veritate, imò in illis inuenta est iniquitas. Videbam (inquit) Satanā sicut fulgur de cœlo cadentē. Quid ergo nobis futurū putas? Et in angelis suis Deus reperit prauitatem, quanto magis hi qui habitant domos luteas, qui terrenū habēt fundamētū, consumentur velut à tinea? Si in cœlo ruinæ, quāto magis in terra? Si Lucifer ille qui manē oriebatur, & qui in deliciis paradisi fuisse, & omni lapide precioso ornatus describitur, cecidit, quis de sua cōstantia præsumet? Nunquid fortiores erunt homines quam angeli? Absit vt hoc aliquis de se præsumat. Sed iam ad homines descēdamus. Deus creauit hominē rectū, & tamē postea cōtēpto Dei præcepto, vt placeret vxori, comedit de fructu ligni vetiti. Loth in Sodoma iustus inuenitur, quapropter cū tota ciuitas periret incendio, ipse saluatur, & post modicū tēpus ebrietatē ex culpa sua patitur, & cū filiabus suis coit. Dauid de post scētantes eligitur in regē, & à Samuele ex præcepto Dei vngitur, postea tamē & adulteriū, & homicidiū cōmittit. Salomon huius filius à domino prius dilectus, & ab eo sapiētia vltra oēs homines est donat⁹: quis tamē dubitat eū postmodū fuisse mulierosum & idololatrā? Plurima possem ex veteri instrumēto pferre exēpla, sed breuitati cōsulēs omitto. Ad nouū accedam⁹. Pridie quā dominus Iesus Christus pateretur, cœnatē illo cū apostolis suis, dixit Petro, cū illū lauare vellet. Qui lotus est, nō indiget nisi vt pedes lauet. vos mundi estis, sed non oēs. His verbis designauit apostolos esse in gratia. quod autē ait: sed nō oēs, cōstat fuisse dictū propter Iudam qui tūc volebat Christū vendere. At qui mundi erant, postea relicto magistro omnes fugerunt, & scandalum pasci sunt, & Pe-

Iovinianus.

Pelagius.

Luc. 10  
10b. 4.Esa. 14  
Eze. 28Gen. 4  
Gen. 191. Re. 16  
2. Re. 11

Ioan. 13

trus ter magistrum negat. Quid his Iovinianus, quid Pelagius etiā respōdere poterunt? Quod si alterum adhuc desideras exemplū, audi. Nicolaus Antiochenus diaconus ab apostolis eligitur tanquam vir boni testimonij, & plenus spiritu sancto, ut cum Stephano & aliis quinque viduis ministraret, malē tamen à multis postmodum audiit, propter illud quod Dominus in

**A 7.6** Apocalypsi ait, se odisse facta Nicolaitarū. Propter hos & alios similes qui, diabolo instigante & nimium impellēte a culmine

**Apo. 2** virtutum ad maxima vitia corruerunt, Deus ad Iob de magna dæmonis potētia & astutia, sub nomine Behemoth loquēs ait: Sternit sibi aurum quasi lutum. Quæ verba (ut constat) nō possunt iuxta literæ superficiem intelligi, sicut neque omnia alia quæ ibi Dominus de illo Behemoth aut Leviathā differit. Nā alioqui si iuxta literam intelligi contendas, nō magnopere Leviathan potentiam commendaret Deus per hoc, quod sternit sibi aurum quasi lutum, quā quiuis infirmus & debilis homo possit super aurum ac super lutum calcare. Quum igitur mysticus huius literæ sensus sit requirēdus, audiamus illum à beato Gregorio, qui mirificē (ut solet) literam interpretatur sic in-

**Iob 41** quiens: Hoc loco aurum claritas sanctitatis accipitur: Lutū vero vel terrenarum rerum avaritiam, vel prauarum contagia doctrinarum, vel sordes carnalium voluptatum nil obstat intelligi. Quia enim multos Leviathan iste, qui intra sanctam ecclesiam fulgore iustitiæ resplendere videbantur, tunc vel terrenarum rerum concupiscentia, vel errantis doctrinæ contagio, vel carnalibus sibi voluptatibus subiicit, aurum sibi proculdubio quasi lutum sternit. Aurum verò quasi lutū sternere est, in quibusdā vitæ mūditiā per illicita desideria cōculcare, ut hi etiā sordidis eius vestigiis seruiunt, qui contra illum prius virtutum splendore rutilabant. Et post pauca, subdit. Toties igitur nunc aurū sibi quasi lutum subiicit, quoties castitatē fidelium per carnis vitia sternit. Toties aurum quasi lutū calcat, quoties sensum continentium per immūda desideria dissipat. Haftenus Greg. Præterea in illa oratione quā Dominus nos docuit, dicimus, Dimitte nobis debita nostra. & iterū, Et ne nos inducas in tērationem. Quod si (ut Iovinianus ait) homo qui plena fide baptizatus est, non potest à dæmone subverti, hæc oratio non congruit homini baptizato, atq; ideo nec toti ecclesiæ. Ecclesia tamē illam quotidie cantat. Rursus vas electionis castigat corpus suum, & in seruitutem redigit, ne fortē aliis prædicans, ipse

**1. Cor. 9** reprob

reprobis inueniatur. Et ad Corinthios scribens ait, Timeo ne  
 sicut serpens decepit Euam astutia sua, ita corrumpantur sensus  
 vestri a simplicitate quæ est in Christo. Quod si tanta est post  
 baptismum securitas, quare Paulus trepidat timore ubi nullus  
 est timor? Quare etiam monet alibi dicens, Et qui sibi videtur  
 stare, videat ne cadat. Et Galatas reprehendit quod à recta via  
 discesserint. Sic enim ait, Currebatis bene, quis vos impediuit ve-  
 ritati non obedire? Demum Dominus in Apocalypsi per Ioan-  
 nem apostolum angelo Ephesi ecclesiæ ait, Scio opera tua, & la-  
 borem, & patientiam tuam, & quia sustinuisti propter nomen  
 meum, & non defecisti: sed habeo aduersus te quod charitatem  
 tuam primam reliquisti. Vnde ergo tantam securitatē promit-  
 tunt Iouinianus & Pelagius iis qui semel in baptismo iustifica-  
 ti sunt? Videntur ergo mihi isti hæretici esse illi de quibus per  
 Hierem. prophetam Dominus queritur dicens, Curabant con-  
 tritionem filiarum populi mei cum ignominia, dicentes, Pax, pax,  
 & non erat pax. Sed iam videamus cui fundamento innitantur,  
 & ostēdamus tam debile esse, ut vno digito euertere illud pos-  
 simus. Adducūt enim pro se illud Ioan. in prima canonica, O-  
 mnis qui natus est ex Deo, peccatum non facit. Sed hoc statim  
 corrui, quoniam non ita esse intelligendum, ut illi putant, ver-  
 ba quæ sequuntur, apertè conuincunt. Nam statim subiunxit,  
 causam eius quod dixerat reddens, Quoniam (inquit) semen  
 ipsius in eo manet. Semen dixit gratiā aut charitatem, per quā  
 filij Dei effcimur. Causa ergo quare qui ex Deo natus est, non  
 peccat, est, quia semen Dei, id est gratia, in eo manet. Non est e-  
 nim possibile ut quis in gratia existat, & peccet. illa enim  
 duo ad idem tempus referenda sunt ut simul cohærere nō pos-  
 sint, videlicet in gratia esse, & peccare. Nam si ad diuersa tem-  
 pora referas, ut qui semel in gratia manserit, in posterū peccare  
 non possit, tunc faceres Ioannem secum pugnantem. Nam in  
 eadem epistola prius dixerat, Si dixerimus quia peccatum non  
 habemus, nos ipsos seducimus, & veritas in nobis non est. Et ite-  
 rum, Filioli mei, hæc scribo vobis, ut nō peccetis. Si omnis qui  
 natus est ex Deo, non potest in posterum peccare, frustra mo-  
 net ne peccent. Aliter huic locum exponit beatus Bernardus,  
 qui in libro de natura & gratia, dicit illud esse intelligendum  
 de prædestinatis, quorum peccata, siqua sunt, non imputantur  
 ad pœnam, quoniam digna pœnitentia hic purgantur, atq; ideo  
 non peccant, peccato inquam ad mortem. Præterea, in sui et-

2. Cor. 11

1. Cor. 10

Gala. 5

Apo. 2

Hic. 6

1. Ioan. 3

1. Ioan. 1



*Matt. 7. 2. Cor. 13.*

roris confirmationem adducit illud quod Saluator apud Mat-  
thzum ait. Non potest arbor bona fructus malos facere. Sed  
hoc æquè parum mouet sicut præteritum, quoniã ex mala etiã  
intelligentia oritur, vt sibi fauere putet Iouinianus. Qualiter au-  
tem sit intelligendus locus ille, Hieronymus explicat lib. 2. ad-  
uersus Iouinianum sic inquires: Tandiu ergo nec arbor bona  
malos fructus facit, nec mala bonos, quandiu vel in bonitate  
sua vel in malitia perseverat. Hæc ille. Quod si pro se citent il-  
lud Pauli, Charitas nunquã excidit: nihil nos mouet, quoniam  
ibi Paulus non negat charitatem semel habitam amitti posse  
in hoc seculo, sed docet charitatem quam in hoc seculo habue-  
rimus, in futuro seculo non excidere: quemadmodũ de fide do-  
cet, quã in alia vita, succedente clara visione, amittimus. Itaq;  
ibi confert charitatem, fidei & prophetiæ, & reliquis virtutibus,  
quascũ dicat in alia vita non esse, solam tamen charitatẽ di-  
cit ibidem manere. De hac re extat concilij Mileuitani defini-  
tio, quod in 6. suorum decretorum capite ita ait, Item placuit,  
quod ait sanctus Ioan. apostolus, Si dixerimus quia peccatũ non  
habemus, nos ipsos seducimus, & veritas in nobis non est: quis-  
quis sic accipiendum putauerit, vt dicat propter humilitatẽ nõ  
oportere dici nos non habere peccatũ, non quia veritas est, ana-  
thema sit. Et cap. 8. iterum, Item placuit vt quicunq; verba ipsa  
dominicæ orationis vbi dicimus, Dimitte nobis debita nostra,  
ita volunt a sanctis dici, vt humiliter non veraciter hoc dicatur,  
anathema sit. Quis enim ferat orantẽ, non hominibus sed ipsi  
Domino mentientem, qui labiis sibi dicit dimitti velle, & cor-  
de dicit quæ sibi dimittantur debita non habere? Hæc conciliũ  
Mileuitanum. Aduersus Iouinianum scripsit beatus Hierony.  
duos libros, & in 2. contra hunc errorem disputat.

*Cõcilium  
Mileuita.**Lutherus.**Psal. 98**Eccle. 9*

Tertia hærelis docet omnem hominem iustum scire se esse  
in gratia, & esse certum de sua iustitia. Hunc errorem primus,  
quod sciam, docuit Lutherus. Cum qua doctrina, alia eiusdem  
Lutheri assertio velut ex diametro pugnat. Dicit enim alibi ne-  
minẽ esse certũ se nõ semper peccare mortaliter, propter oc-  
culissimum superbix vitiũ. Quomodo ergo quis erit certus se  
esse in gratia aut charitate, si nõ est certus se nõ peccare morta-  
liter? Nũquid poterũt hæc duo simul inesse alicui, vt gratiã aut  
charitatẽ habeat, & mortaliter peccet? absit. Iniquos enim deus  
odio habet, tantũ abest vt grati illi sint. Præterea Sapi. ait, Ne-  
mo scit utrũ amore an odio dignus sit, sed omnia in futurũ ser-  
uantur

nantur incerta. Ecce Lutheri impudentē arrogantia, quoniam quod Sap. fatetur se nescire, Lutherus se & alios scire contendit. Quapropter videtur mihi esse semē illius serpētis antiqui, quī dū primis parētibus scientiā promisit, scientiā sustulit. Rursum Iob ille voce Domini laudatus, cui suo tēpore similis super terram nō inteniebatur, ait, Si venerit ad me, nō videbo eū. si abierit, nō intelligā. Ad quē autē venit Deus nisi ad illū qui mādāta eius seruat? Sic enim ipse ait, Si quis diligit me, sermonē meū seruabit, & ad eū veniemus. Recedit etiam ab eo qui mandatis illius nō obtēperat. Iob ergo fatetur se nescire quādo Deus venit ad eū, aut quādo recedit ab eo. Et iterū, Si simplex fuero, hoc ipsum ignorabit anima mea. Et tamē Lutherus nō veretur dicere omnē hominē iustū esse certū se esse in gratia. Accedit ad hęc quod ait Paulus, Nihil mihi conscius sum, sed neq; in hoc iustificatus sum. Poruissē pro hac re plura sanctorū virorū testimonia citare, sed quoniam res est aperta ex sacris literis, illa producere nolo, breuitati studens. Aduersus hunc Lutheri errorem, nullum reperi scriptorem, sed solū vidi definitionem facultatis Parisiensis in hac parte illum dānantis.

Iob 9

Ioan. 14

Iob 9

1. Cor. 4

## H A E R E T I C V S.

**F**Verunt quidā adeo demētes, vt dicerent omnes hēreticos bene sentire: quā sententiā (vt Philaster ait) asseruerūt quidā dicti Rhetorij. Verū hęc assertio adeo rationi repugnat, vt Augustino in lib. de hāresib. cap. 72. videatur impossibile, vt aliquis suę mentis compos hoc sentire posset. Cū enim plures sint hāreses ex diametro pugnātes, non est possibile vt vtraq; earum credatur esse vera, non certē magis quā credere duo contradictoria simul vera. Quapropter non est quod aduersus hanc dementiam pugnemus. sola narratione eam expugnasse credimus, quoniam seipsam oppugnat.

Secūda est hēretis quę docet hēre. nō esse aliqua corporali pœna puniēdos, sed esse iudicio diuino relinquiēdos. Verū de hac re nihil impresentiarū dicemus, qm̄ specialē prolixū de hac re paramus tractatū qui de iusta hēreticorū punitione inscribitur.

Tertia hēretis est quę docet omnē illum esse censendū hēreticum, qui quouis modo læthaliter peccat. Hanc hēresim prodisse tempore Gregorij papæ huius nominis vñdecimi, testatur Nicolaus Eimerici in suo directorio inquisitionis, nec tamen prodit quis illius fuerit author: sed tantū dicit Greg. 11. habito prius pleno (vt decebat) doctorum virorum consilio

dama

damnaſſe hanc aſſertionem velut hæreticam, & à vera catholice fidei regula deuiantem. Fortè ad hunc errorem pertinet, id quod aliqui ex Lutheranis de fide & operibus diſputantes, aſſerunt. Nam aliqui eorum docere conantes ſolam fidem iuſtificare hominem, videntèſq; plurima ſcripturæ ſacræ teſtimonia quæ apertiffimè docent operum bonòrum neceſſitatem, dicunt fidem non eſſe vbi neceſſaria opera non ſunt. Fit itaque neceſſario, iuxta iſtorum ſententiam, vt quoties quis læthale aliquod crimè commiſerit, toties fidem perdat: quoniam (vt iſti aiunt) fides ſine operibus conſiſtere nequit. Sed docet quidam Ioannes Riuius Atthendorienſis in quadam epiſtola quæ inſcribitur de ſola fide ad amicum innominatum. vbi hæc quæ ſequuntur inferit verba. Etenim fieri nequit (ait ille) vt vbi vera ſynceræque eſt fides, ibi impiè quis aduerſus Deum agat. Et parum ſupra ante præfata verba expreſſius hoc idè docet, ſic inquiens. Quandiu quidem filij Dei ſumus, hæredes etiam ſumus. Filij autem ſumus eòuſq; planè, dum fidem in Chriſtum retinuerimus. Ea amiſſa non agnoſcit vt filios, pater ille cœleſtis. Amittitur autem, ſi & impiè viuas, nec pœnitentiã impietatis agas. Hæc Ioannes Riuius. Si per quodlibet peccatum mortale amittitur fides, ergo omnis qui mortaliter peccat eſt infidelis. Si infidelis eſt, oportet neceſſariò ait: aut Iudæus, aut Saracenus, aut Paganus, aut hæreticus ſit. Quoniã nulla alia infidelitatis ſpecies hucusque à viris doctis aſſignata eſt. Quum igitur homo alias verè Chriſtianus, ob ſolum adulterij aut furti crimem ab eo commiſſum, non ſit Iudæus, aut Saracenus, aut Paganus cenſendus, oportebit neceſſariò, iuxta iſtius Ioannis Riuij ſententiam, fateri illum eſſe hæreticum. Et certè niſi quæſtionis difficultas ex ſola nominis ſignificatione penderet, clariffime patet non omnem peccatorem, etiam ſi læthale ſit illius crimem, eſſe hæreticum. Nam cum duo ſint peccatorum genera, vnum cum ea fiunt quæ facienda non erant, alterum cum ea deſeruntur quæ facere tenebamur: ſi hoc ſecundo modo quis peccet, quo pacto illum dices hæreticum, quem nihil egiffe aut docuiſſe conſtat? Præterea fieri poteſt vt aliquis graue aliquod crimem committat, & ſe malè agere ſciat: nam alioqui verum non eſſet quod Saluator ait: Filius qui nouit voluntatem patris, & non facit ſecundum eius voluntatem, vapulabit multis. At Chriſtus Saluator noſter qui ipſamet veritas eſt, mentiri non potuit. Fieri ergo poteſt vt quis malè agat etiam cum ſe malè agere credat.

Luc. 12

credit. Non enim tam morigera est voluntas, ut semper intellectui sibi consulenti cedat, imò sapissimè illius consilium dedignatur, & consilio illius spreto quodlibet agit. Certum siquidem est non omne peccatum esse ex pura ignorantia, sed multa esse ex pura malitia, quod vel ex eo apertissimè constare potest, quod in lib. Iob legitur. Quasi impios percussit eos in loco videntium. Qui quasi de industria recesserunt à Deo, & omnes vias eius intelligere noluerunt, ut peruenire facerent ad eum clamorem egeni, & audiret vocem pauperum. Ex quibus verbis apertè conuincitur, aliquem malè agere posse, quanuis certo ille sciat, se contra Dei præcepta facere. Ille igitur qui iuxta hunc modum contra Dei præcepta agit, peccat, non tamen hæreticus ab ullo viro docto & catholico censetur. Qui enim fieri potest ut qui nulli hæresi adhæret, hæreticus sit? At ubi non est error in fide, ibi hæresis esse non potest: quoniam hæresis opponitur fidei. Qui ergo malè agens, se malè agere credit, hæreticus non est dicendus, quo fit ut non omnis peccator sit hæreticus dicendus. Deinde si omnis peccator esset censendus hæreticus, oporteret omnem peccatorem post primam & secundam correptionem deuitare: quoniam apostolus Paulus ait: Hæreticum hominem post primam & secundam correptionem deuita. Aliter tamen faciendum esse Christus nos docuit, qui secundo peccantem non vitandum dixit, sed ecclesiæ denunciandū. Neque opus est ut aduersus hanc damnatam hæresim amplius disputemus, præsertim quod supra lib. I. cap. 9. ex sanctorum virorum doctrina ostendimus quis verè hæreticus dici debeat: ex quibus apertissimè constat non omnem peccatorem esse de hæresi notandum.

## HORAE CANONICAE.

**I**Nter alios errores quos impingit Valdenses Aeneas Silvius in libro de origine Bohemorum, is unus est quo docent in horis canonicis cantandis dicendisque frustra tempus teri. Huius tamen erroris bonus Guido non meminit cum errores Valdensem recenset. Hunc errorē suscitauit postea Ioannes Vuitcleff, dicens quod licet sit bonum orare, non est tamè æquum ut homo arctetur ad orandum certo & determinato tempore, quia, ut dicit, hoc repugnat libertati Christianæ, sed ait liberū debere esse cuilibet ut oret, cum voluerit. Tanquam si libertas Christiana in hoc sita esset, ut nulli humanæ legi obligetur. Superius namque ostendimus ecclesiam habere à Deo potestatem instituendi

Rob 34

Tit. 3

Mat. 18

Valdenses.

Vuitcleff.



- stituendi leges, quibus omnes Christianos obliget. In hoc ergo sita est Christiana libertas, ut primò per baptismum homo liberetur à seruitute peccati, quæ maxima est seruitus. Deinde liberi simus à iugo seruitutis legis Mosaicæ: in quibus duobus vera Christiana libertas collocatur. Et hæc est libertas qua (ut dicit Paulus) Christus nos liberauit. Non autem sic liberos nos fecit, ut liberum nobis sit quasi libet humanas leges contemnere, quia illis obtemperare tenemur cum iustæ sunt. Cum ergo iustum sit ut Deum oremus, & pro beneficiis à Deo receptis illi gratias reddamus (nam hoc Deus præcepit, nec tamen signauit tempus quando hoc faciendum esset) ecclesia tempus orandi instituens, nihil aliud facit quàm præscribere tempus quo præceptum illud diuinum implendum sit, sicut in præcepto de sanctificatione sabbati declarat illud impleri per auditionem missæ in die dominica. Omnes ergo illi quibus ab ecclesia certum orandi tempus præscriptum est, illo tempore orare tenentur: nec sic facientes frustra faciunt, quia ecclesiæ præcipienti obediunt. At qui ecclesiam audit, Christum eius sponsum audit. Quis autem adeò desipiet ut dicat nos frustra Deo obedire? Melior est certe obedientia quàm victima, & nolle acquiescere quasi peccatum ariolandi est. Præterea ecclesia instituens certa orandi tempora, ita ut quolibet die certis horis ad hoc destinatis ab aliquibus
- Gal. 4** oretur, iuste facit, quoniam ut dicit Sapiens, Omnia tempus habent, & suis spatiis trāseunt vniuersa sub cælo. Si ergo tempus est flendi, & tempus ridendi, tempus plangendi, tempus saltandi, tempus loquendi, tempus tacendi, cur non etiam tempus orandi? Beatus Apostolus Paulus Corinthiis scribit, ut omnia honestè & secundum ordinem fiant. Si omnia, ergo etiam oratio secundum ordinem fieri debet. At qualis ordo erit, si nullum certum tempus erit deputatum orationi, quo cōueniatur ad ecclesiam, sed quisque oret aut ecclesiam accedat cum libuerit? Tunc certè omnia turbabuntur. Rursum quod statæ sint horæ ad orandum, non est humanum inuentum, sed sacra scriptura docente
- Dan. 6** cognoscimus. Daniel ingressus est domum suam, & fenestris apertis in suo cœnaculo cōtra Hierusalem tribus temporibus in die fletebat genua sua, & adorabat confitebaturque coram Deo suo, sicut & antè facere consueuerat. Ecce vides Daniele tribus temporibus dominum orantē, & hoc non vno aut altero
- Act. 3** tantum die, ne fortè putares à casu hoc fecisse, sed sic semper facere consueuerat. Et in Actibus Apostolorum dicitur quod Petrus
- & Ioan**

& Ioannes ascendebant in templum ad horam orationis nonā. Et in eodem libro iterū dicitur q̄ Petrus ascendit in superiora vt oraret circa horam sextā. Ex quibus scripturæ locis conuincimus, olim apud Iudæos fuisse aliquas horas easq; statas orationi destinatas, quas apostoli obseruarunt, à quibus hæc orandi tēpora vsq; ad nos processerunt. Neq; immeritò his tribus temporibus, videlicet hora tertia, sexta, nona, olim Iudæi orabant, & nunc Christiani orant, quoniā (vt ait beatus Cyprianus) in illis tribus horarum spatiis ter sacramentū trinitatis denotatur. Nam à prima hora vsq; in tertiā, trinitas horarum cōpletur. Rursum peracta tertia, à quarta vsq; ad sextam altera est trinitas. Deinde à septima vsq; ad nonam, trinitas tertia completur. Hæc ergo horarum spatia iam pridē spiritualiter determinantes adoratores Dei, statutis & legitimis ad precē temporibus seruibant. Præter hæc tria orandi spatia fuit etiam apud Iudæos olim mediæ noctis silentiū orationi deputatū à viris sanctis, quorum exemplū viri religiosi in noua lege secuti, media nocte surgunt vt Deo laudes dicāt. Diuinus nanq; psaltes ait: *Me Psal. 118* dia nocte surgebā ad cōfitendū tibi. Et iterum, Memor fui nocte nominis tui domine. Et ne impius Vuiteleff subterfugiat dicens ex vno facto Dauid nō esse sumendum argumentū, vt nos qualibet nocte hoc facere velimus: audiat ipsum prophetā non vna aut altera tantū nocte hoc faciētē, sed per singulas noctes. Lauabo (inquit) per singulas noctes lectum meum, lachrymis *Psal. 6* meis stratum meū rigabo. Hunc autem locum de oratione nocturna esse intelligendū beatus Hilarius docet, exponēs locum illum psalmi, Memor fui nocte nominis tui domine. Sic enim ait: Scit præcipuē nocturno tēpore diuini esse à nobis nominis recordandū. Scit tū maximē custodiam Dei legis à nobis esse retinendā, cum subrepunt animo impuræ cupiditates: cum stimuli vitiorū per recens assumptum cibū corpus exagitant. Tū Dei nomen recordandū: tum custodiēda eius lex est, pudicitia, continentia, timorē Dei statuēs. Nouit hoc præcipuē tempore dominū esse orandū, deprecandum, promerendum, dicēs alio loco, Lauabo per singulas noctes lectū meum, lachrymis meis *Psal. 6* stratum meum rigabo. Non est periculoso nocturnarum vigiliarum ocio animus relaxandus, sed in omnibus deprecationibus, in confessionibus peccatorum occupandus est: vt cum maxime corporeis vitiis datur opportunitas, tum præcipuē eadem vitia diuinę legis recordatione frangantur. Hæc Hilarius,

Ex cu

Ex cuius verbis constat David prophetā non vna aut altera tantum nocte, vrimpius Vuircleff dicit, Deum laudasse, sed singulis noctibus hoc fecisse. Et vt nos etiā faciamus, alibi hortatur dicens: In noctibus extollue manus vestras in sancta, & benedicite Domino. Et in actibus apost. dicitur quod Paulus & Silas media nocte adorantes laudabant Deum, & audiebant eos qui in custodia erant. Subito verò terre motus factus est magnus, ita vt mouerentur fundamenta carceris. Et statim aperta sunt omnia ostia, & vniuersorum vincula soluta sunt. Quid dicent hic Valdenses, vanum esse putantes media nocte surgere ad orationem, cum tam aperta miracula Deus operatus sit ad Pauli & Silæ orationem nocturnam? Non est ergo vanum, vt illi existimāt, surgere ante lucem. Nec promisit Deus coronam profundè stertentibus, sed vigilantibus. Beatus, inquit, seruus ille quem cum venerit Dominus eius inuenerit vigilantē. Ecce iam vides horas olim à Iudæis obseruatas vt in illis Deum orarent, videlicet media nocte, hora tertia, sexta, & nona. Verum ecclesia, quò iustitia Christianorum plus abundaret quàm pharisæorum & scribarū, vltra illas horas alias elegit, scilicet manè hora prima, & vespèram, & completorium, cum videlicet prima noctis vigilia incipit. Vnde beatus Cyprianus in expositione orationis dominicæ, postquā enumerauit horas olim à Iudæis orationi destinatas, sic ait, Sed nobis fratres dilectissimi præter horas antiquitus obseruatas orandi, nunc & spatia & sacramenta creuerunt. Nam & manè orandum est, vt resurrectio Domini in matutina oratione celebretur: quod olim spiritus sanctus designauit in psalmis, dicens, Quoniam ad te orabo Domine, manè exaudies vocem meam. Manè astabo tibi, & contemplanbor te. Et iterum per prophetam loquitur, dicens, Diluculo vigila bunt ad me, dicentes, Eamus & reuertamur ad dominū Deū nostrum. Recedente item sole, ac die cessante necessario rursus orandum est. nam quia sol Christus verus est, & dies verus, sole ac die seculi recedente quando oramus & petimus vt super nos veniat denuo lux, Christi precamur aduētum, lucis æternæ gratiam præbiturum. Hæc Cyprianus. Omitto de hac re plura hominū sanctorum testimonia, quoniam scripturæ sunt aperta. Si quis tamen ea videre desiderat, legat Thomam Vualden libro de sacramentalibus, titulo tertio, quo loco copiosè de hac re disserit. Accedit ad hæc vniuersalis ecclesiæ consuetudo, quæ has horas orandi statas, ante multas annorum cēturias in templis

plis maioribus & monasteriis obseruauit. Et ne forte calūni-  
 tur quod consuetudo hæc fuerit ex sola ecclesiæ permissione,  
 audiant ecclesiæ definitionem hoc facere præcipientem. Con-  
 cilium namque Agathense tricesimo capite suorum decretorū *Cōcilium*  
 modum docet quo in aliquibus horis orādum sit. Sic enim ait, *Agathēse.*  
 Et quia conuenit ordinem ecclesiæ ab omnibus æqualiter cu-  
 stodiri, studendum est ut ubiq; sicut fit, & post antiphonas col-  
 lectiones per ordinē ab episcopis vel presbyteris dici, & hym-  
 nos matutinos, vel uespertinos decantari diebus omnibus, & in  
 conclusionē matutinarum, vel uespertinarum missarum post  
 hymnos capitella de psalmis dici, & plebem collecta oratione  
 ad uesperam ab episcopo cum benedictione dimitti. Hęc con-  
 cilium Agathense. In quibus uerbis non solum designat horas  
 certas orandi, sed modum quo tunc orandum est. Designant  
 ergo hæretici reprehendere tot ecclesiasticos viros, imo totam  
 ecclesiam statis horis Deum laudantē. Nam Deus easdem ho-  
 ras mysteriis cōsecrauit. Media siquidem nocte nascitur ex vir-  
 gine matre. Hora prima mane surrexit ex sepulchro rediui-  
 uus. Tertia hora spiritus sanctus venit super apostolos & alios  
 discipulos. Hora sexta crucifigitur. Hora nona mortuus est. Ve-  
 spere cum discipulis cœnat. illosq; suo sacratissimo corpore re-  
 ficit. Completorii tempore, quod prima est noctis uigilia, in  
 montem secessit solus orare, ut pararetur tentationi quæ illa  
 nocte erat superuentura. Septies ergo in die, iuxta prophetam, *Psal. 118*  
 nos laudem Deo dicamus, ut huiusmodi buccinis diui-  
 narum laudum, diaboli & mundi machinæ cor-  
 ruant, quemadmodum olim septem tu-  
 bis clangentibus sacerdotibus  
 muri Hierico cor-  
 ruerunt.



## IDOLOLATRIA.



Non potui non mirari, cū reperi fuisse aliquos ex his qui Christo nomina dederunt, idolorum cultores, quoniam omnis qui Christi doctrinam, vel summis labiis gustauerit, facillime potest deprehendere nihil esse magis deo iniuriosum, quā si aliquid præter ipsum Deū summe colatur. Verū et si apertissime lex Dei idololatriam abominetur, non defuere tamen ex his qui se Christianos iactarunt, qui aliud præter Deum coluerint, & colendum esse docuerint. Fuerūt quidam (vt August. libro de hæresi. cap. 17. ait) qui serpentem coluerunt, & velut Deum venerabantur. Serpentem namque illum qui decepit Adā & Euam, dixerunt esse Christum. Et hac de causa serpentem quendam viuum nutriebant & venerabantur, qui ad sacerdotis incarnationem egrediebatur de spelunca, & ascendebat super altare quod erat supra speluncam, & lambebat oblationes quas illi sacrificabant, quo peracto regrediebatur ad speluncā. Huius autem serpentis cultum habuisse ortum à Nicolaitis, vel Gnosticis, August. refert ex sententia aliorum. Hi serpentis cultores dicti sunt *Ophitæ* Græco vocabulo, quoniam *ὄφις* Græce, latine serpens dicitur, inde *ὀφίται* dicti sunt, quod latine valet tantum ac si diceret serpentine: qui merito sic appellati sunt à serpēte quem colebant.

*Caiani* Alii fuerunt Caiani, qui Cain venerabantur, dicentes eum ex altera virtute videlicet diaboli fuisse factum, & ex altera Abel, & virtutem maiorem quæ erat in ipso Cain, inualuisse vt suum interficeret fratrem. Hæc ex Philastro, quoniam August. libro de hæresibus capite decimo octauo non ita clare hunc istorum errorem prodit. Alios autem errores istis impingit ibi August. quorum Philaster non meminit. Verū de illis alibi nos differemus. Fuerunt rursus alii dicti *Sethiani* eo quod Seth filium Adæ fabulosa quadam vanitate verebantur, dicentes eum de superna matre natum, quā asserunt conuenisse cum superno patre, vnde diuinum aliud semen nasceretur tanquam filiorum Dei. Philaster dicit quosdam ex istis putasse ipsum Seth fuisse Christum. Sed Augustius capite decimonono libri de hæresibus de istis loquens, nihil tale illis tribuit. Tertulianus autem in suo

suo libello de hæresibus, hos hæreticos appellat Sethoitas, & non Sethianos quemadmodum Philaster & August & cum de illis differit, nihil tale illis impingit vt crediderint Seth fuisse Christum. Alii fuerunt qui Angelos adorabant, & ideo Angelici fuerunt dicti. Hos Aug. enumerat inter hæreticos tricesimo nono loco. Hæ omnes sectæ tã antiquatæ & ex memoria hominũ abolitæ sunt, vt lateat nos qui fuerint illarum inuētores, & quo tempore cœperint. Apud Augustinum nullum alium errorem qui ad idololatriam pertineat, reperio. Philaster autem plures alias idololatrias recenset. quosdam enim dicit adorare solem, quos vocat Heliognostos: alios rursus adorare mures, & hos vocat musoritas: aliasque plures enumerat idololatrias, quas omitto, quoniam ille sic illas narrat, vt dicat illas fuisse olim apud Iudæos ante Christi aduentum. Ego autem solas illas recensere decreui quæ post Christi passionem inter Christianos exortæ sunt. Quapropter miror quare August. illas tres præfatas hæreses, videlicet Ophitas, Caianos, & Sethianos, suo operi inseruerit, cum statuerit se illas solas hæreses enarraturum, quæ post Christi in cœlos ascensionem fuerunt exortæ. Philaster tamen illas easdem tres hæreses præfatas illis annumerat quæ ante Christi aduentum fuerunt, Nā de hæresibus Iudæorũ primo differens, ab Ophitis suũ auspicatur librũ. Contra has hæreses nõ est operosum disputare, præcipue cum illarum auctores se Christianos iactauerint, quapropter sacras scripturas oportebit eos recipere, in quibus apertissima sunt testimonia ad idololatriã reiiciendã. Nam illud est manifestum quod dominus aduersus dæmonẽ hæreticorũ parentẽ citauit. Dominũ, inquit, Deum tuum adorabis, & illi soli seruiēs. Et in Deuteronomio, Cũ reperti fuerint apud te intra vnã portarũ tuarũ quas dominus Deus tuus dabit tibi, vir aut mulier qui faciant malũ in cõspectu domini Dei tui, & trãsgradientur pactũ illius, vt vadant & seruiãt diis alienis, & adorẽt eos, solẽ & lunam, & omnẽ militiã cœli. quæ nõ præcepi, & hoc tibi fuerit nunciatum, audiensq; inquisieris diligenter, & verũ esse repereris, & abominatio facta est in Israel, educes virũ ac mulierẽ qui rẽ sceleratissimã perpetrarũt, ad portas ciuitatis tuæ, & lapidibus obruentur. Et Esaias recensens causas multas propter quas populus Israel derelictus fuit à Deo, præcipuã causam ait fuisse idololatriam. Sic enim ait, Proiecisti enim populũ tuũ domum Iacob, quia repleti sunt, vt olim, & augures habuerunt vt Philistiim.

Angelici.

Heliogno-

sti.

Musorita.

Exo. 6

Deu. 17

Esai. 2

Et parum infra: Et repleta est terra eius idolis. Opus manuum suarum adorauerunt, quod fecerunt digiti eorū. Et incuruauit se homo, & humiliatus est vir. Ne ergo dimittas eis. Et alia plurima ibi sequuntur ad idololatriā repellendam. Præterea multa hominū millia ex filiis Israel morte punita sunt eo quod adorauerant vitulum aureum. Tres pueri quia noluerunt adorare statuam, a domino præmiantur. Nam in fornacē ex regis imperio missi, ab angelo Dei custodiuntur, ne flamma noceret illis. Ioannes etiam cum cecidisset ante pedes angeli qui illi visionē ostenderat, & voluisset illum adorare, prohibuit illum angelus ne illud faceret, dicens, Vide ne feceris. Conseruus enim tuus sum & fratrum tuorum prophetarum, & eorum qui seruāt verba prophetiæ libri huius. Deum adora. In re tam aperta piget plura citare testimonia, quoniam si quis ea desideret, sacra scriptura plena est illis.

## I E I V N I V M.

*Iouinianus.*  
*Valdenses.*  
*Vuitcle.*  
*Lutherani.*  
*1. Tim. 4.*  
*Ro. 1.*

**P**Rima heresis est quæ ait ieiunium nullius esse meriti apud Deum, Iouinianus siquidem, & qui illius errorem instaurarunt, Valdenses. Vuitclefitæ, Lutherani, non solum ciborum delectum dānant, sed ultra addunt, dicentes in ieiunio nullum esse meritum, offerentes in sui erroris confirmationem illud Pauli malè ab illis intellectū, Corporalis exercitatio ad modicū utilis est. Et certe miror quod homo qui se Christianum iactat, & scripturas sacras recipit, dicat in ieiunio nihil esse meriti, quia hoc docere non possunt nisi voluptatū amatores, qui docent illa quæ propria libido dicitur. Si enim virtutes amandæ sunt, & illarum veri amatores meritū habent, habebit necessariò meritum aliquod ieiuniū, cum virtus sit, & pars temperantiæ. Nam cum gula sit vitium quod in nimio cibo, aut potu committitur, fieri nequit ut ieiuniū, quo cibo & potui parcimus, virtus non sit. Et si ieiunium est actus studiosus propter Deū factus, quid sit ut illi nō reddatur sicut & cuilibet bono operi merces aliqua? Præterea ieiunium non solum est virtus, sed adiuuat plures alias virtutes. & viam parat apertissimam ad illas, quapropter oportet ut præmium illi respondeat, quemadmodum aliis virtutibus quibus cōsentit. Cum enim Paulus dicat eos qui malè agentibus consentiunt, dignos esse pœna, cur non etiam digni erunt præmio qui bene agentibus cōsentiant? Nūquid Deus erit largior in punitioe quā in præmio? Absit. Oportet ergo ut ieiunium donetur præmio, quemadmodū donatur virtus cui viam aperit.

aperit. Parat namq; ieiunium viam castitati, quæ maxime virtus est. Nam si gula iuuat luxuriam, oportet vt ieiuniū adiunget castitatem, quoniā oppositarum causarū oppositi sunt effectus. Quid peccare fecit Sodomā, nisi saturitas panis? Venter mero æstiuans facile despumat in libidinem. Si ergo panem subtraxeris & vinum, peccato viā præcludis, quoniam, vt ait quidam, sine Cerere & Baccho friget Venus. Ieiunium etiam orationē adiuvat, cuius rei signū est, quod dominus cū docere voluisset modum quo orare debemus patrē cœlestem, prius de ieiunio & de eleemosyna disseruit, & continuo orationem docet. ieiunium & eleemosynā vno tractatu orationi cōiunxit, vt per hoc innueret ieiunium & eleemosynā duas esse alas orarū adiutorio se in altum tollit oratio. Cum enim māducaisset & bibisset populus, surrexit nō orare sed ludere, nō adorare Deū, sed adorare vitulum aureū. Moyses in mōte ieiunio quadraginta dierum legē suscipit, sed cu populus satiatus fecisset vitulum quē adoraret: frangit Moyses tabulas in quibus lex erat scripta & merito, quoniam stomachus plenus non est aptus ad suscipienda diuina mandata, nec ad illa intelligenda. Tres pueri intra fornacem mittūtur, cuius incendium adeo erat magnum, vt vltra quadraginta cubitos flāma extenderetur: ieiuni tamen ingredientes, illæsi egressi sunt de fornace. Daniel vir desideriorum, cum per tres hebdomadas ieiunasset, leones in quorum lacum missus est, ieiunare fecit, quoniam cum illi ieiuni essent, vt audiū ilium deuorarent, nec tamen illi nocuerunt. Deinde post ieiunium trium hebdomadarum idem Daniel vidit visionem, in qua sibi dictum est ab angelo: Ex die primo quo posuisti cor tuum ad intelligendum vt te affligeres in conspectu Dei tui, exaudita sunt verba tua, & ego veni propter sermones tuos. Quomodo ergo non habet meritum, ieiunium quod meretur exauditionem? Helias ieiunus orat, & ad eius orationem tribus annis & sex mensibus ros pluuiæ non cecidit super terrā. Rursum ieiunus iterum orat, & pluuias a Deo impetrat. Ieiunus ad montem Dei peruenit, in quo diuinam habuit præsentiam, quāuis Deū non vidit, quoniā velut indignum se reputans vultum pallio operuit cum dominus transiret. Ieiunium ergo legē accepit, voracitas legem perdidit. Ieiunium ab incedio liberat, fomentis ciborum libidinis ignes crescunt. Ieiunium mentem ad orationem parat, crapula intellectum obtrusum reddit. Ad nouum testamentum accedamus, vnde possumus habere testi-

Exe. 16

Exo. 32

Dani. 3

Dan. 10

3. Reg. 17

3. Reg. 19



monia multò adhuc clariora. Anna prophetissa filia Phanne-  
*Luc. 2* lis laudatur apud Lucam quòd non discedebat de templo, ieiun-  
 nis & obsecrationibus seruiens die ac nocte. Quod si ieiunium  
 res est nullius momenti (vt hæretici docent) quare de illo lau-  
 datur? Præterea cum Dominus eiecisset spiritum immundum  
*Mat. 17* ex corpore cuiusdam pueri, quæsierunt ab eo discipuli eius:  
*Mar. 9* Domine quare nos non potuimus eicere? Quibus ille re-  
 spondit: Hoc genus dæmoniorum non eicitur nisi in oratione  
 & ieiunio. Qui sit ergo vt res nullius momēti sit, quæ tā potens  
 est vt dæmones eicere valeat? Rursum ipsemet veritatis magi-  
 ster modū docens iuxta quē ieiunare debeamus, ait: Tu autē cū  
*Matth. 6* ieiunas, unge caput tuū, & faciē tuā laua, ne videaris hominibus  
 ieiunās, sed patri tuo qui est in abscondito, & pater tuus qui est in  
 abscondito, reddet tibi. Ecce iam vides apertissimum meritum  
 ieiunij. Nam pro ieiunio reddet nobis pater. Nunquam autem  
 redditur præmium nisi pro merito. Si ergo pater reddet pro  
 ieiunio, oportet fateri in ieiunio esse aliquam meriti ratio-  
 nem. Apertissima sunt hæc testimonia: quapropter non est o-  
 pus plura citare. Superest tamen vt hæreticorum obiectioni-  
 bus respondeamus. Primò nobis obiiciunt illud Pauli in  
*1. Tim. 4* prima ad Timoth. epist. Corporalis exercitatio ad modicum  
 utilis est, pietas autem ad omnia utilis est, promissionem habēs  
 vitæ quæ nunc est, & futuræ. Cui obiectioni respondemus  
 illum Pauli locum minimè aduersari nostræ sententiæ, dupli-  
 ci de causā. Vna, quia ieiunium non propriè dicitur corpo-  
 ralis exercitatio, neq; de illo ibi loquitur Paulus. Vnde Theo-  
 phylactus exponens illud Pauli locum, sic ait: Nonnulli cor-  
 poris exercitationem ieiunium dicunt, quod tamen secus se ha-  
 bet, siquidē spiritalis sit. Nam et si corpus per inediam macera-  
 tur, spiritus tamen est vigilantior. Sed corporalis exercita-  
 tio corporis est agitatio quædam: quæ cum laboris habeat  
 plurimum, parum tamen & ad breue corpori sit profutura.  
 Hæc Theophylactus. Ecce patet qualiter ieiunium non est  
 exercitatio corporalis, sed spiritalis, quia spiritui confert. Sed  
 esto ieiunium sit exercitatio corporalis, altera erit adhuc caus-  
 sa quare locus ille nostræ sententiæ non repugnabit. In illo si-  
 quidem loco Paulus non absolute negat corporale exercitatio-  
 nem esse utilem, sed illam dicit esse inutilem aut modicū utilem  
 si non habet pietatem sibi coniunctam. Et quod hic sit illo-  
 rum verborum sensus, cōvincitur ex præcedētibz. nā antea præ-  
 miter

miserat dicens Timotheo vt exerceret seipsum ad pietatem, & continuo subdidit, corporalis exercitatio ad modicum utilis est, pietas autem ad omnia utilis est. quati diceret, non sic fidas carnis macerationi, vt hanc solam sine pietate sufficere putes, quoniam sine pietate ad modicum utilis est, ideo exerce te ipsum ad pietatem, quæ multo præstantior est quam carnis maceratio. Et ad hunc modum interpretatur Ambrosius dicens, Exercitium autem corporale ad modicum utile dicit. Ieiunare enim & abstinere à cibis manente authoritate creatoris non multum prodest, nisi addatur huic pietas, cuius opera multorum præciis adiuuatur ad dominum promerendum. Et parum infra, Corporis autem exercitium nihil aliud quam carnis frena sunt. Si quis ergo, quia misericordia magna res est, lubricum tamen carnis patiat, huiusmodi quid fiet? sine dubio vapulabit, quia illud oportuit fieri, & hoc minimè prætermitti. Hæc Ambrosius. Secundo nobis obiciunt illud domini verbum per Esaiam prophetā populo Israelitico dictū: Nun- Esa. 58 quid tale est ieiunium quod elegi, per diem affligere hominem animam suam? Et paucis interiectis subiungit: Nonne hoc est magis ieiunium quod elegi? Dissolue colligationes impietatis, solue fasciculos deprimentes, dimitte eos qui contrafacti sunt, liberos, & omne onus dirumpe. Frange esurienti panem tuum, & egenos vagosque induc in domum tuam. Cum videris nudum, operi eum, & carnem tuam ne despexeris. Tunc erumpet quasi mane lumen tuum, & sanitas tua citius orietur. Quibus verbis Deus apertissimè comprobatur ieiunium & abtinentiam à peccatis, cui adiungitur bonorum operum exercitiū, præcipue pietatis erga pauperes & egenos. Hæc autem obiectionem eodem modo reuicimus, quo præcedentem. Fatemur certe solum ieiunium, si cætera non adsunt, nullius esse momenti. Ieiunium enim sine pietate & reliquis bonis operibus, parū aut nihil valet. At non inde sequitur vt ieiunium cum pietate, & reliquis operibus, nullius sit momenti, imo cū cætera adsunt, multum precium habet. Bona est enim oratio cum ieiunio & elemosyna. Dominus ergo per illa verba prophetæ solum dānat Tob. 12 ieiunium quod perperā sit, & cui multa alia scelera adiunguntur. Hoc autem manifestū euadit ex his quæ ante dixerat. Ecce (inquit) in die ieiunii vestri inuenitur volūtas vestra, & omnes Esa. 58 debitores vestros repetitis. Ecce ad lites & contentiones ieiunatis, & percutis pugno impiē. Nolite ieiunare sicut vq; ad hāc

diem, vt audiatur in excelfo clamor vester. Non dixit absolute, nolite ieiunare, sed addidit, sicut vsque ad hanc diem. Quid est dicere sicut vsque ad hanc diem? Hoc est vt non percutiant pugno, vt non ad lites & contentiones ieiuent, vt non exequantur voluntates suas sicut antea. Aliud autem ieiunium quod ex charitate fit, vt caro subiiciatur spiritui, nec tamen ideo deseruntur pauperes, tale inquam ieiunium laudatur à Deo, & præmiū dicit illi esse à patre statutum. Alioqui si per hoc quod ieiunium perperam factum reprehenditur, colligere vis vt etiam si bene fiat, nihil prorsus valeat: ad hunc modum oportebit dicere sabbati celebritatem in veteri lege nullius fuisse momenti, quoniam eos qui sabbata colebant non prout Deus volebat, per eundem prophetam Dominus reprehendit dicens, Calendas vestras & solēnitates vestras odiuit anima mea. Facta sunt mihi molesta. Et de sacrificantibus & offerentibus incensum in peccato dicit, Ne offeratis sacrificium frustra, incensum abominatio est mihi. Et de his omnibus dicit, Laboravi sustinens. Et cum extenderitis manus vestras, auertam oculos meos à vobis: & cum multiplicaueritis orationē, nō exaudiam. Manus enim vestrae sanguine plenae sunt. Lauamini, mundi estote: auferte malum cogitationum vestrarum ab oculis meis. Abcant ergo & ex his verbis condemnent etiam sabbati sanctificationem, & oblationem incensi, & omne sacrificium: & dicant solū sufficere vt auferamus malum cogitationum nostrarum. Absit autē vt quis tantū desipiat, qui hæc dānare audeat. Ibi enim Dominus damnat eos qui non prout decebat, aut sacrificabant, aut sabbatum lætitia quadam prophana colebant, & hæc omnia in peccato mortali faciebant, satis sibi esse putantes si illa exteriora fecissent. Sabbati autem veram sanctificationem Dominus præcipit: tantū abest vt damnet. Ad hunc modū postea locutus est de iunio, vt ieiunium quod sine pietate & cum peccato mortali fit, damnauerit, reliquum autem intactū reliquerit. Deniq; istorum hæreticorum sententia plurimis conciliorum definitionibus, aperte damnata est. Concilium Gangrense cap. i. suorum decretorum sic ait: Si quis eorum qui proposito sunt continentia, præter necessitatem corporalem superbiat, & ieiunia communia totius ecclesiæ putauerit cōtemnenda, perfectam in sua scientia vindicans rationem, anathema sit. Hæc concilium Gangrense. Anathema ergo Ioviniano, Luthero, cæterisque quibuscunque huius hæresis patronis: quoniam hi omnes

nes ieiunia contemnūt, cū dicāt illa nullius prorsus esse apud Deum meriti. Concilium Telenēse in quo non solum ista, sed alia Iouiniani hæreses damnatæ sunt, postquam de castitate definiat, tandem de ieiunio loquens, hæc ait: Merito ab illis viduitas despicitur, quæ solet obseruare ieiunia, quibus se dolēt isti aliquo tempore esse maceratos, & propriam vlciscūtur iniuriam, quotidianis quoque conuiujs vsūque luxuriæ, laborem abstinentiæ propulsare desiderant, Qui nihil rectius faciunt, quam quod ipsi se suo ore cōdemnent. Et post aliqua Pauli testimonia ibidem adducta, tandem subdit concilium. Si parum est quod Apostolus dixit, audiant prophetam dicentem. Et operui in ieiunio animam meam. Ergo qui non ieiunat, intectus & nudus est, patet vulnere. Hæc concilium. Contra hunc errorem scripsit etiam beatus Hieronymus in secundo libro contra Iouinianum, quo loco multas ieiunij laudes texuit. Beatus Ambrosius elegantem librum fecit qui inscribitur de Helia & ieiunio, in quo mirum in modum extollit ieiunium. Iodocus Clichthouæus hoc nostro seculo largissimè de hac re scripsit in illo opere quod dicitur propugnaculum ecclesiæ contra Lutheranos.

Secunda hæresis docet ieiunia non debere institui pro certo aliquo & statō tempore, sed quod quilibet ieiunet cū voluerit. Hanc hæresim primus (quod sciam) docuit Acrius, nisi fortè hæc sit hæresis cuiusdam Eustathij, qui concilio Gangrensi damnatur, eo quod ieiunia ecclesiastica contemnebat. Hæc autem hæresis non est eadem illa quam docuit Iouinianus, quoniam de Acrio Augustinus differens libro de hæresibus cap. 53. non dicit illum contempsisse in vniuersum ieiunia, sed hoc solum illi tribuit, quod dixerit statuta solemniter ieiunia nō esse obseruanda, sed ieiunandum esse cū quisque voluerit, ne sub lege esse videretur. Itaq; Acrius ieiunio non detrahit, sed solum detrahit ieiunij legibus, nullo pacto admittens ecclesiam posse ad ieiunium obligare: quia etiam ieiunium sit salubre, & proficiū animæ, non vult tamen vt ad illud aliquis arctetur, sed potius liberum cuique esse vult ieiunare cū voluerit. Hæc dixi quia video aliquos de ieiunio disputantes, qui in eodem errore collocant Acrium cum Iouiniano, cū tamē latum sit inter illos discrimen. De hoc etiam errore suspectum se multis præbuit Erasmus, Roterodamus, a qua suspitione nunquā (quod sciam) se bene purgauit. Nam in paraphrasi secundi capitis Marci,

Acrius.



hæc ait: Tristia sunt ieiunia quæ præscribit lex: & ob hoc ingrata Deo, qui diligit hilarem datorem. Hæc Erasmus. Quæ quidem Erasmi verba à Parisiis theologis communi omnium censura sunt damnata. Horum tamen censuræ respondit Erasmus, præfatorum verborum declarationem præbens. Sed illius declaratio talis fuit, ut maiorem reliquerit hæreseos suspicionem. Verba illius referam, quò clarius eius mens possit agnosci. In responsione siquidem ad Parisienses hæc verba habet: Porro qui metu ieiunat, non ieiunaturus nisi lex cogeret, huius ieiunium hætenus certè triste est, & ingratum Deo, quod caret alacritate spiritus, qua præcipue delectatur Deus. Neminem igitur reuoco ab obedientia superiorum, sed ostendo quid Deo sit gratus. Neque enim ideo infirmi liberi sunt à constitutionibus, quòd Deus cum alacritate ac sponte ieiunantes præfert iis qui legis impulsu ieiunant potius quàm ex animo. Hæc Erasmus. In quibus verbis satis apertè docet, melius esse ieiunare ex arbitrio proprio, quàm lege coactum. Ob quam causam ille optat ut huiusmodi ieiuniorum præcepta ecclesia tolleretur. Non quòd ille credat ecclesiam non posse tales leges statuere, aut sic statutas esse temerè violandas: sed quia censet melioris esse conditionis apud Deum spontè ieiunantem, quàm qui lege ad id faciendum cogitur. Et credit plures fore qui spontè ieiunarent & abstinere à carnibus, quàm nunc faciunt coacti lege. Nam in responsione ad primam censuram Parisiensium de ieiunio, & delectu ciborum, hæc verba ait: Arbitror autem puriorem fuisse Christianismum temporibus Apostolorum ac martyrum quàm nunc est, quando sic refrixit hominum charitas. At illis temporibus cum nullum esset præscriptum de ciborum discrimine, plures vltro abstinebant à carnibus, quàm nunc faciunt coacti lege. Hæc Erasmus in præfatio loco. Et in libello de ciborum delectu, supputatione 23. hæc ait: Siquis adeo firmus sit, ut perpetua sobrietate sibi temperet, huic non admodum opus sit in dictis ieiuniis: nisi pro tempore huiusmodi victima placanda sit ira Dei. Sed ob rudes, inquit, & crassos, certi dies præscribuntur. Sit hoc sanè tolerabile. Præscribitur vnica refectio, præscribitur & cibi genus. Nec hoc satis. Intentantur æterna damnatio consuetudinis humanæ violatori. Hæc Erasmus. Ex quibus verbis luce clarius constat quòd male habet Erasmus, esse aliquos ieiuniorum dies præscriptos: sed hoc malum tolerabile censet:

fet: verum illud intolerabile putat, quod ieiunia præcipiantur  
 sub interminatione gehennæ: & hoc durius existimat, quod  
 in huiusmodi ieiuniis certa aliqua ciborum genera prohiben-  
 tur. Erasmus ergo (vt ex his quæ diximus liquido constat)  
 idem cum Aerio sentire videtur. Ipsorum tamen error (vt  
 proximè diximus) alius est ab errore Iouiniani. Verum etsi a-  
 lius sit hic error ab illo, non est opus nouas aduersus illum ex-  
 cogitare machinas: quoniam (vt superius ostendimus cum  
 de ecclesiæ potestate ageremus) ecclesiæ potest statuere leges,  
 potissimum eas quæ ad obseruantiam diuinorum mandato-  
 rum conducibiles esse videntur, quibus legibus omnes chri-  
 stiani subesse tenentur. At cum ieiunium esse vtile nos aduer-  
 sus Iouinianum & eius assecclas nunc proximè ostenderimus, &  
 Aerius ipse (vt existimo) non neget, conuincimus inde vt eccle-  
 sia possit statuere ieiunia, quæ cum ab illa fuerint statuta, ab  
 omnibus Christianis obseruanda erunt, ita vt nullus ea con-  
 temnere impune possit. Et certè hic error magis impetit eccle-  
 siæ potestatem, quàm ieiunij virtutem. Quapropter cum con-  
 stiterit de ecclesiæ potestate, vt illa possit statuere quod con-  
 ducere videbitur, actum erit de hoc errore, præcipuè cum  
 aliqua sint ieiunia ab apostolis instituta, aut fortè à Chri-  
 sto communi omnium magistro. Nam de quadragesima di-  
 citur à plurimis non infimæ sortis, sed maximæ authorita-  
 tis viris, eisque non recentibus, sed vetustissimis authoribus,  
 quadragesimæ ieiunium fuisse à Christo institutum, ita vt  
 obligatio ad illam, non tantum ex præcepto humano pen-  
 deat, sed diuino. Vnde Maximus episcopus ait: Sacrarum  
 literarum exempla protulimus, quibus approbaremus hunc  
 quadragenarium numerum non esse ab hominibus constitu-  
 tum, sed diuinitus consecratum, nec terrena cogitatione ini-  
 tiatum, sed cœlesti maiestate præceptum. Et paucis in-  
 teriectis, de præceptis eiusdem ieiunij quadragesimalis ait,  
 Hæc autem non tam sacerdotum præcepta, quàm Dei sunt.  
 Atque ideò qui ea spernit, non sacerdotem spernit, sed Chri-  
 stum, qui in suo loquitur sacerdote. Hæc ille. Theophilus  
 Alexandrinus ait, Habemus quadragesimam ab aposto-  
 lis institutam & ordinatam. Et Ignatius martyr in quadam  
 epist. ad Philip. quæ est quarta in ordine, ita ait: Dies festos no-  
 lite inhonorare, quadragesimam verò nolite pro nihilo habere.  
 imitatione enim continet Dei cōuersationis. hebdomadā etiā  
 passionis

*Concilium  
Braccarense.*

*Concilium  
Toletanum.*

*Concilium  
Gangrense.*

*1. Re. 15*

passionis nolite despiciere. Hec Ignatius. Ex quibus testimoniis etsi fortè nō satis constet eam fuisse à Christo institutam sub præcepto, constat tamen ad Christi exemplum fuisse ab apostolis observatam, & sub præcepto Christianis iniunctam, post quorum decessum ecclesia in plurimis conciliis statuit eam stricte debere observari. Nam concilium Braccarense primū cap. 16. suorum decretorum sic definit, Si quis quinta feria paschali, quæ vocatur cœna domini, hora legitima post nonam ieiunus in ecclesiis missas non tenet, sed secundum sectam Priscillianiani festiuitatem ipsius ab hora tertia per missas defunctorum soluto ieiunio colit, anathema sit. Et in collectorio græcarum synodorum per Martinum Braccarensem episcopū facta, cap. 50. ita dicitur, Non liceat quinta feria nouissimæ hebdomadæ ieiunium soluere, & omnem exhonore quadragesimam, sed sincere abstinentes totam quadragesimam peragere. Et concilium Toletanum octauum cap. 8. apertius & strictius hoc præcipit, vt videlicet tota quadragesima ieiunetur, & abstinetur à carnibus. Thelephorus papa & martyr, qui septimus à beato Petro apostolo pontificatum tenuit, decretum etiam edidit de abstinentia carniū in quadragesima, ante quem etsi quadragesima ieiunaretur, vt constat ex dicto Ignatii martyris nunc proximè citato, mihi tamen non constat an tunc ante Thelephorum tale ieiunium celebraretur in abstinentia carniū, an per solam ciborum parsimoniam, vt videlicet cum carnibus ieiunarent semel in die & minus quàm aliās comedētes: de qua re cum mihi non constet, nihil definio. Hoc tamen certum est ex Philonis testimonio per Euseb. lib. 2. historię ecclesiasticę citato, tempore apostolorum fuisse abstinentiam carniū. Deniq; concilium Gangrense cap. 19. de omnibus ieiuniis ab ecclesia statutis ita definit, Siquis eorum qui proposito sunt continentię, præter necessitatem corporalem superbiat, & ieiunia communia totius ecclesię putauerit contemnenda, perfectam in sua scientia vindicans rationem, anathema sit. Plura alia potuissem huc citare conciliorum decreta, sed hæc sufficiant. Cæterum quod Erasmus ait melius esse ieiunare spontè, quàm ex legis præcepto, cōuincitur esse falsum per illud quod in 1. Regum lib. dicitur: Melior est obedientia quàm victima. Melior ergo quàm ieiunium. Et meritò obedientia præfertur ieiunio, quoniam ieiunium ad temperantiam pertinet: obedientia verò pertinet ad iustitiam, quæ reddit unicuique quod suū est. Per  
obed

obedientiam siquidem superiori præstamus quod debemus. Qui spontè ieiunat, solum ieiunij meritum habet: qui verò legis impulsu ieiunat, & ideo ieiunat, vt legi obediat, hic vltra ieiunij rationem habet etiam meritum obedientiæ. Melior ergo est conditio illius qui præcepto obediens ieiunat, quàm qui sponte sua ieiunat: quoniam hic vnicum tantum, videlicet ieiunij, meritum habet: ille verò duplex, ieiunij & obedientiæ meritum. Ad hanc rem etiam agunt ea quæ inferius in titulo de voto dicemus. Nam eo loco (Deo duce) probabimus meliora esse quæ ex voti obligatione fiunt, quàm quæ spontè. Ex quibus etiam colligitur vt meliora sint opera quæ ex obligatione præcepti fiunt, quàm quæ ex proprio arbitrio. Sed videamus quid pro se afferat Erasmus. Deus (inquit ille in responsione ad Parisienses) pharisaica ieiunia damnat apud Esaïam, & Christus illa etiam detestatur, quæ nullo pacto sunt æquanda cum spontaneis ieiuniis, quæ Apostoli hausto cœlesti spiritu citra præceptum vllum erant ieiunaturi. Fateor quidem quòd Deus pharisaica ieiunia per Esaïam damnauerit, sed nō ob eam causam quòd præscriptis diebus ieiunabant, aut præcepto legis: sed quia tantum ieiunio fidebant, vt reliquis omnibus virtutibus & bonis operibus posthabitis, solo ieiunio se Deo satisfacere crederent. Vt autem hæc clariora sint, Esaïæ verba referre oportet. Ecce (inquit ille) in die ieiunij vestri inuenitur voluntas vestra, *Esa. 58* & omnes debitores vestros repetitis. Ecce ad lites & contentiones ieiunatis, & percutitis pugno impie. Nolite ieiunare sicut vsque ad hanc diem, vt audiatur in excelsis clamor vester. Hæc apud Esaïam dominus. In quibus verbis constat nullam esse de præcepto ieiunij factam mentionem: nec ieiunium Phariseorū ob hoc esse culpatum, quòd lege cogente, & non ex arbitrio ieiunauerint. Deinde aduertere oportet quòd non absolutè prohibuit illis ieiunium, sed duntaxat prohibuit concilium tale quale illi faciebant. Non enim absolutè dixit, Nolite ieiunare: sed addidit, sicut vsq; ad hanc diem, vt audiatur in excelsis clamor vester. Propter iactantiam, & alia peccata quæ in diebus ieiuniorum perpetrabant, illorum damnauit ieiunia, nō autem quia lege præcipiente ieiunabant. Non est ergo quasi Pharisaicum reputandum ieiunium quod ob legis præceptum fit.

Tertia hæresis est Begardorum & Beguinarum dicentium *Begardi.* hominem non obligari ad ieiunia ecclesiastica cum ad statum *Beguina.* perfectionis peruenerit. Et hic error etiam ab errore Aerij aliquantu



quantulum differt, quoniam Begardi & Beguinæ non omnes Christianos eximunt ab obligatione ieiunij. quemadmodum Acrius docuit, sed solum illos qui ad gradum perfectionis pervenerunt. Quod si hunc errorem deducunt ex alio errore eorundem quo docent illos qui in tali perfectionis statu sunt, non esse humanæ obedientiæ subiectos, atque ideo dicant non teneri etiam ad ieiunia ecclesiastica, tunc non erit opus nova aduersus hunc errorem parare argumenta, quoniam iam supra probauimus omnes Christianos cuiuscunque status sint, teneri ad obseruationem legum ab ecclesia institutarum. Si vero dicant ideo non teneri ad ieiunium, quia videlicet non indiget ieiunio ad animæ salutem is qui perfectionis statum adeptus est, *Gala. 5* tunc aliis oportet agere argumentis. Et primo contra eos militat illud Pauli, Caro concupiscit aduersus spiritum, & spiritus aduersus carnem. Hæc enim sibi inuicem aduersantur, vt non quæcunque vultis, illa faciatis. Quod si tam rebellis est caro, oportet eius rebellionem ieiunij habenis compescere. Verum forte Begardi dicent eum qui statum perfectionis adeptus fuerit, non pati se in hanc carnis & spiritus pugnam, sed habere in pace tabernaculum suum. Hoc autem adco aperta est dementia, vt non sit opus eam oppugnare, quoniam soli virgini Dei matri hoc priuilegium tribuitur, vt talem pacem in se habuerit. Vnde Richardus de sancto Victore lib. 2. de Emanuele cap. vlti. sic ait: In cæteris sanctis magnificum habetur quod à vitis non possunt expugnari, in ista mirificum videtur quod à vitis non potest ipsa vel in modico impugnari. Cæteris sanctis in commune præcipitur vt in mortali eorum corpore peccatum non regnet, soli isti singulariter datur vt mortale corpus eius *1. Cor. 9* peccatum non inhabitet. Hæc ille. Præterea, vase electionis Paulus apostolus qui vsque ad tertium cælum raptus vidit arcana Dei quæ non licet homini loqui, is inquam castigat corpus suum, & in seruitutem redigit neque hoc frustra facit, quoniam timet ne cum aliis prædicauerit, ipse reprobusefficiatur. Magnus ille *Mat. 3* Ioannes Baptista, quo inter natos mulierum non surrexit maior, qui & spiritu sancto repletus est ex utero matris suæ, is etiã castigat corpus suum, à vino & sicera abstinens, carnes non comedens, sed cibus eius locustæ & mel syluestre. Quid ergo impij Begardi & libidinosæ Beguinæ præsumunt? Nunquid maiorem sibi virtutis perfectionem arrogant quàm Paulo, & Ioanni Baptistæ? Et vt aliquid mirabilius atq; sacratius dicamus, ipsemet

ipsemet qui peccatum non nouerat, nec inuentus est dolus in ore eius, ieiunauit quadraginta diebus & noctibus, non quod ipse opus haberet ieiunio, sed quo nobis exemplum daret, ut quantumlibet perfectus quisque foret, agnosceret ieiunium esse tibi necessarium. Quandiu enim hic sumus, inimicos domi nostræ habemus, qui velut latrunculi nobis insidiantur. Et intra portas Hierusalem Iebuseus fuit semper in medio, neque vnquam deleri potuit. ita intra carnem nostram, quantumlibet perfectus quisque sit, semper manet aliquis stimulus incitans ad malum. quapropter ieiunare oportet, ut ieiunio carnis malitia reprimatur. Demum inter octo errores Begardorum & Beguinarum condemnatos in concilio Viennensi sub Clemēte 5. is secundus est. Huius autem concilij definitio habetur in lib. clementinarum decretaliū, in titulo de hæreticis, capite cuius initium est, Ad nostram &c. Videat ibi qui uolet.

*Conciliū  
Viennēse.*

## I M A G O.

**F**Virolim quidā error, qui nostro hoc seculo iam aliquibus innouatus est, docens imagines esse tollendas ab ecclesia, & dicens idololatriā esse imagines in tēplis habere, siue illæ sint Christi, siue sancti hominis cuiuscūque. Huius hæresis primū authorē vix inuenire possum. Platina in vita Adriani papæ huius nominis primi, dicit sub hoc pontifice habito cōcilio Franco-niæ fuisse abrogatā hæresim Felicianā de tollēdis imaginibus. Cum autē eam appellauerit Felicianā, nō aperuit tamē a quo Felice sumpsit exordium. In vita tamē Cōstātini papæ prius dixerat Felicem quendā Rauennatē archiepiscopum a Iustiniāno imperatore in Pontum relegatum, qui postea a pristina hæresi discedens sub Theodosio imperatore in patriā reuersus est. Verum hoc in loco etiā subtrahit qualis fuerit huius Felicis hæresis. Quod si ex illis duobus locis quis conicere velit, ut dicat ab hoc Felice fuisse hanc hæresim appellatā Felicianā, non repugno: quāquā scio ante hunc Felicē non defuisse qui hunc errorē docuerit. Nam cōstat ante Constantinū papā, cuius tempore fuit hic Felix, per centum annos & eo amplius fuisse beatum Gregorium papā huius nominis primū. At beatus Gregorius Serenū quendā episcopū Malsiliensem per epistolā redarguit, quod incōsiderato zelo sanctorū imagines fregerit timēs ne a populo adorarētur. Et beatū Gregoriū plusquā cētū & quinquaginta annos præcessit Epiphanius Cyprius. Is autē in quadam epistola ad Ioannē episcopū Hierosolymitanū circa finem

nem epistolę dicit se scidisse velū quoddā quod pendere vide-  
 rat in foribus cuiusdā ecclesię. Scidit autē illud eō q̄ habue-  
 rit imaginē Christi, aut alicuius hominis sancti, nō enim me-  
 minit cum hęc scribebat, cuius fuerit imago, dicitque esse con-  
 tra auctoritatem scripturarum, in ecclesia Christi imaginem  
 hominis pendere. Ecce ad quę tempora hunc reducimus erro-  
 rem. Verū et si hi duo episcopi ita senserint, non tamen sunt  
 hac de causā de hęresi notati, quoniam res nō erat adeo aper-  
 ta, nec de illa re, quod sciam, vnquam ecclesia illo tēpore de-  
 finierat: quapropter liberum tunc eis erat citra hęresis notam  
 ita sentire. Deinde ita sentientes, non pertinaci animo suę sen-  
 tentię adhęserunt, vt parati non essent ecclesię aliud docenti  
 obtemperare. Huius hęresis fautores fuere plūres Gręcorum  
 Imperatores. Nam Leo tertius Imperator Constantinopolitanus  
 ob hanc hęresim, Platina teste, à Gregorio papa huius nomi-  
 nis 3. & imperio, & communione fidelium priuatur. Constan-  
 tinus quintus Imperator, qui elephantię morbo correptus in-  
 teriit, huic adhęsit hęresi. Eidem fauit Leo 4. Imperator huius  
 Constantini filius. Vxor tamen istius Leonis Irene dicta, Leo-  
 ne defuncto curam gerens Imperij, nomine filij, videlicet Con-  
 stantini sexti, concilium in Nicęna vrbe secundum congrega-  
 ri fecit, in quo à trecentis & quinquaginta episcopis eodem con-  
 uenientibus definitum est, vt qui sacras imagines delendas dice-  
 rent, perpetuo anathemate notarentur. Hanc tamē ecclesię de-  
 finitionem Constantinus 6. grandæuus factus malorum homi-  
 num persuatione deceptus recipere noluit. Et hęc res fuit vna  
 ex præcipuis causis propter quas à Gręcis Imperatoribus de-  
 fecerunt Latini. Hunc errorem post multa tempora su-  
 citarunt  
 10. an. Vuit  
 cleff. Valdēses, quibus, vt aliās semper, consentiūt Vuitcleffite. Hunc  
 errorem iam sepultū ab inferis reuocarunt hoc seculo in qui-  
 busdam Germanię partibus quidam Carolitadii, & alius Bal-  
 thasar Hiebmaier, Lutherani, quamquam in hac parte à magi-  
 stro eorum Luthero desciscunt, quoniam hic sanctorum imagi-  
 nes probat. Hęc hęresis facile conuincitur, si cōsideremus quo  
 pacto ex præcepto Domini imagines apud Iudęos fuerint, qui-  
 bus tamen districtius inhiuerat ne sculptile haberent. Nam  
 cū præcepisset Moysi vt faceret propitiatorium de auro mū-  
 disimo, statim subiungit dicens, Duos quoque Cherubim au-  
 reos & productiles facies ex vtraq; parte oraculi. Cherub vnus  
 sit in latere vno, & alter in altero. Ecce hic vides imagines  
 Cherub

Leo 3. Im-  
 perator.  
 Constanti-  
 nus Impe-  
 rator.

Valdenses  
 10. an. Vuit  
 cleff.  
 Carolsta-  
 dius.  
 Balthasar  
 Hiebma-  
 ier.

Exod. 25

Cherub, & non in loco vulgari, sed in propitiatorio, quod erat operimētum arcæ testimonij. Præterea cum populus Israel ob murmuraciones quas aduersus Deū & Moysem dixerat, serpentium morsus pateretur, Moyses pro populo orat ad dominū: cui dominus ait, Fac serpentem & pone eū pro signo. Qui percussus aspexerit eū, viuet. Fecit ergo Moyses serpentem æneū, No. 21 & posuit eum pro signo. Quē cum percussi aspicerent, sanabātur. Ecce iterum aliā imaginē ex præcepto domini factam, cuius vsus non fuit prorsus inutilis, cum ad eius aspectum à serpentibus percussi sanabantur. Hunc tamen serpentem æneum Ezechias rex confregit postea, nō quia malum erat talem imaginem retinere, sed quia videbat populum honores diuinos illi impendere, tanquā aliquid nōminis esset in eo. Hæc autem esse causam quare illum rex confregerit, ipsa Regum historia satis 4. Re. 18 aperte declarat, dicēs, ipse dissipauit excelsa, & cōtriuuit statuas, & succidit lucos, confregitq; serpentem æneum quem fecerat Moyses. Siquidem vsque ad illud tempus filii Israel adolebant illi incensum. Vocauitq; nomen eius Nahasthan. Vides causam quare confractus sit serpens, quia videlicet filii Israel adolebāt illi incensum. Cōsiderauit nāque sapiens rex populū esse ad idololatriam pronū, utpote qui non semel tantum aut iterum, verū sæpissime idola coluerit: a quo errore credens non posse populum aliter reuocare, quā si serpentem confregisset, ideo tunc meritō confregit. Et ne ex serpente confracto occasionem doloris haberent, credentes se aliquod numē perdidisse, nomen serpenti imposuit, quo audito cognoscerent & intelligerent nō esse id quod putabant. Vnde Angelomus Angelo- nachus vetustus author, in stromatibus suis super libros Regū mss. hunc locū exponens, ita ait, Vocauitq; nomen eius Nahasthā. Siquidem Nahasthan interpretatur æs eorum: ut quem illi pro numine colebant, in dictis eius metallū eum esse, non Deum agnoscerent. Hæc Angelomus. Si ergo populus Christianus esset nunc æquē pronus ad idololatriam ut tunc fuit populus Israel, nec aliter posset ab errore reuocari quā imaginibus cōfractis, crederem eas meritō debere confringi. Illa enim quæ necessaria non sunt, etsi bona quantumlibet sint, sæpe tamen tolluntur, aut prorsus abrogantur propter mala quæ inde oriri cognoscuntur. Sic ergo etsi imaginum vsus sit bonus & ecclesiæ utilis: si tamē inde idololatria orireretur, cui aliter iudicio maiorum obuiari non posset quā imagines confringendo, tunc



iustum esset ut ex imperio maiorum tollerentur aut confringerentur, & non ex libera cuiuscunque hominis voluntate. At nunc Christianus populus non est ad idololatriam pronus, ut populus Iudaicus fuit, quoniam nec initiatus est unquam Beelphegor, nec adoravit Astarthen deam Sidoniorum, nec coluit Baal, neque idolis templa construxit: quapropter non est nunc aliqua virgens causa propter quam imagines confringi debeant, sicut tunc fuit ut confringeretur serpens, quoniam etsi unus aut alter simplicitate quadam deceptus erraret, ille docendus est, & non propter illius imagines sunt prorsus tollendae. Leges siquidem & statuta, non paucorum numero, sed maiori populi multitudini prospiciunt. Haec adeo late digessimus, quoniam ex hoc Ezechiae regis facto merito laudando, haeretici volunt suum detestandum errorem probare. Cum autem rem apertissime exposuerimus, patebit iam manifeste quam inani fundamento nitantur. Sed iam ad confirmandam nostram sententiam redeamus. Salomon in templo fecit Cherubim, & palmas & malogranata, & in mari aeneo posuit duodecim boues, & in basibus laterum leones cum bobus. Neque in harum rerum pictura aut sculptura Salomon reprehensus est, quinimo mirifice laudatus. Si ergo tunc licuit duodecim boues sculperem, cum magis esset de idololatria timendum, cur nunc non licebit duodecim apostolos pingere, quorum illi duodecim boues figuram gerebant? Si licuit serpentem exaltare coram populo ad idololatriam prono, ut ex illius aspectu filii Israel a serpentium moribus liberarentur, cur non licebit nunc Christum in cruce exaltatum depingere, ut ex illius imaginis aspectu reducamus ad memoriam immensa beneficia quae generi humano in cruce moriens exhibuit? Si umbras licuit pingere, cur non licebit pingere corpus? Rursum imaginum usus utilis est, quoniam imagines sunt idiotarum litterae, quas aspicientes, in illis tanquam in libris scriptis legunt, & ad memoriam per earum aspectum reducunt ea quae alias in memoriam non venissent. Videntes enim historiam depictam qua representatur homo nudus columnae alligatus, & multis plagis vulneratus, & alios a dextris & sinistris eius, qui vicissim illum flagellare contendunt, cum haec inquam aspicimus, recordamur Deum pro nobis hominem factum similia in carne passum, quod in memoriam cum venerit, ministratur nobis causa compassionis, & dilectionis, eo quod pro nobis talia passus est. Nec ob aliam causam veneramus imagines, quam quod nos in exemplum

exemplaris memoriam venire faciunt, & inde affectus nostros mouere possunt. Non quòd talis adoratio in sola sistat imagine, sed quia transit ad id cuius est imago. Nam, vt beatus Basiliius ait, honor qui deferretur imagini, refertur ad prototypum. Quapropter non est quòd de idololatria timeamus, si simplices & idiotæ doceantur nò esse sistendam mentem in imagine cum coram ipsa procidimus, sed hoc còmodum imagines habere, quòd nostrum intellectum excitant ad agnoscendum & amandum illa quorum sunt imagines. Si ergo literæ legentibus permittuntur, cum tamen sacræ literæ in maxima veneratione habeantur, cur non etiam imagines permittentur, etiam si in precio sint habitæ, modò non ultra iustitiâ? Pictura enim Græcè *εἰκονισμός*, id est, viua scriptura vocatur, eò quòd imago sit quasi alterum scripturæ genus. Cuius rei apertissimum est testimonium, quòd in ea parte mundi quam Hispani immensa & diuturna nauigatione versus occidentem ultra columnas Herculis nauigantes, sub Carolo huius nominis primo Hispaniarum rege, & Cæsare eiusdem nominis quinto, inuenerunt, nullæ apud homines illius terræ sunt literæ repertæ, sed imaginibus loco literarum utebantur. Imagines si uidem taliter pingebant, vt res possent quas voluissent apertè significare. Et hoc non in vno, aut altero loco, sed cum ultra sexcentas leucas per terram perrexerint, nulla vnquam literarum vestigia inuenerunt, sed solum imaginum vsum. Neque ascribendum est eorum rusticitati, cum sit gens alioqui viuacissimi ingenii, & quæ in aliquibus artibus mechanicis subtilissimè operetur, & ciuitates habeat frequentissimi populi Nam de Temistitam dicunt qui viderunt, esse opidum habens plusquam ducenta millia domorum. Et cum hæc omnia adfuerint, literæ tamen deficiebāt, solis imaginibus contenti. At nunc per Hispanos qui coloniam ibi fecerunt, præcipuè per fratres minores, qui circa illos magnificè laborant, literæ iam traditæ sunt, ita vt homines illius terræ propriam linguam literis latinis scribant. Hoc in medium afferre placuit, quoniam efficacissimum argumentum mihi videbatur vt probarem imagines locum tenere literarum, & per consequens æque vt literas posse prodesse. Si ergo imaginum vsus est utilis, neque vsquam lege diuina prohibitus, imò comprobatus, vt ostendimus, conuincitur inde apertissimè vt malum sit, imagines ex ecclesia tollere. Deinde si nullū esset ad huius rei confirmationem aliud argumentum, quàm

ecclesiae vniuersalis vsus, vel hoc solum esset sufficiens, praesertim cum imaginum vsus non sit recens in ecclesia, sed vetustissimus, & ab ipsis apostolis ad haec vsq; tempora continuo decoratus seruatus. De hac re testimoniu perhibet Eusebius Caesariensis, qui in 7. lib. Historiae ecclesiasticae cap. 14. de Caesarea Philippi ciuitate loquens, ita ait, Verum quia vrbis huius fecimus mentionem iustum videtur commemorare etiam illud in ea quod historia dignum diximus. Mulierem quam sanguinis profluuio laborantem a Salvatore curata euangelia tradiderunt, huius vrbis ciue constat fuisse, domusq; eius in ea etiam nunc ostenditur. Pro foribus vero domus ipsius, basis quaedam in loco editiore collocata monstratur, in qua mulieris ipsius velut genibus prouolutae palmasq; suppliciter tendentis imago aere videtur expressa. Adstat vero alia ex aere nihilominus fusa statua, habitu viri stola compta circumdanti, & dexteram mulieri porrigentis. Huius ad pedem statuae, e basi herba quaedam noua specie nascitur, quae cum exorta fuerit, excrefcere vsque ad stolae illius aerei indumenti fimbriam solet. Quam cum summo vertice crescens herba contigerit, vires inde ad depellendos omnes morbos languoresque conquirat, ita ut quaecunque illa fuerit infirmitas corporis, haustu exiguo madefacti salutaris graminis depellatur, nihil omnino virium gerens si antequam aereae fimbriae summitatem crescendo contigerit, decerpatur. Hanc statuam ad similitudinem vultus Iesu formatam tradebant, quae permansit ad nostra vsque tempora, sicut ipsi oculis nostris inspeximus. Et nihil mirum si hi qui ex gentilibus crediderant, pro beneficiis quae a Salvatore fuerant consecuti, huiusmodi velut munus videbantur offerre, cum videamus etiam nunc apostolorum Petri & Pauli, & ipsius Saluatoris imagines designari, tabulasque depingi. Sed & antiquas ipsorum imagines a quibusdam conseruatas nos vidimus. Hucusq; Eusebius. Hanc autem statuam fuisse a Iuliano apostata in inuidiam Christi destructam, historia tripartita refert, quae lib. 6. & cap. 41. sub nomine Socratis de eodem Iuliano imperatore loquens, ita ait: Cum enim cognouisset in Caesarea Philippi ciuitate Phoeniciae, quam Pameada vocabant insigne Christi esse simulacrum, quod mulier illa sanguinis liberata profluuio constituerat, eo deposito suam ibi statuam collocauit. Quae violento igne de caelo cadente, circa eius pectus diuisa est, & caput cum cervice vna parte deiectum, atque in terra fixum, reliqua vero pars hactenus superfuit, & fulminis indicium

dicium reseruauit. Statuam verò Christi tunc quidem pagani  
 trahentes confregerunt. postea verò Christiani colligentes in  
 ecclesiam recondiderunt, vbi hætenus reseruatur. Hæc in hi-  
 storia tripartita Cassiodorus ex Socrate. Quid ergo impii hæ-  
 retici imagines ab ecclesia tollere audent, quarum vsum tantis  
 miraculis Deus cõfirmavit, & ecclesia catholica ab ipsis aposto-  
 lorum tẽporibus, teste Eusebio, vsq; ad hæc tempora conserua-  
 uit? Demũ hæc hæresis de tollendis imaginibus in plurimis cõ-  
 ciliis dānata est, videlicet in cõcilio Nicæno secundo, quod sub  
 Irene imperatrice & Constantino imperatore eius filio cele-  
 bratũ est, & septima synodus appellatur, & in cõcilio Frãcfor-  
 diensi sub Adriano papa huius nominis primo, in quo summi  
 pontificis authoritate præfuderunt Theophylactus & Step-  
 hanus episcopi. Verũ opus est vt aduersariorum obiectionibus  
 respõdeamus. Primò obiciũt nobis quia Deus in Exodo & in  
 Deuteronomio districtè prohibet omnia simulacra, dicēs, Nō  
 facies tibi sculptile, neq; omnem similitudinẽ quæ est in cœlo  
 desuper, & quæ in terra deorsum, neq; eorum quæ sunt in aquis  
 sub terra. Cui respondemus, illā prohibitionem a Deo esse fa-  
 ctam causa vitandæ idololatriæ, ita vt ad hunc finem intelli-  
 gantur omnia simulacra esse prohibita, non vt non habeantur  
 aut fiant absolutè, sed vt non fiant ad colendum ea. Hunc  
 autem esse verum literæ sensum, ex præcedentibus & sequenti-  
 bus faciliẽ conuincitur. Nam antequā talem prohibitionem in  
 Exodo faciat, hæc verba præmittit, Non habebis Deos alienos  
 coram me. post quæ verba immediate sequitur prohibitio si-  
 mulacrorum qua prohibitionem facta, continuo subiungit de il-  
 lis loquens, Nō adorabis ea neq; coles. Itaq; ex præcedentibus  
 & sequentibus verbis colligimus ad hunc finem prohiberi simu-  
 lacra, ne videlicet pro diis habeantur. At nos cū imagines co-  
 limus, non illas tanquam deos veneramus, quoniā nostrā ado-  
 rationem, vt diximus, non ad illas sed ad earum exempla refe-  
 rimus. Secundo obiciunt illud verbum Christi apud Ioan-  
 nem, Veri adoratores adorabunt patrem in spiritu, & veri-  
 tate. Nam & pater tales quærit, qui adorent eum in spiritu.  
 vnde cõcludere nituntur hæretici, non esse opus imaginibus,  
 quia cum illas colimus, non spiritu adoramus, sed corpore. Fa-  
 temur quidem veram & potissimam adorationem esse in spi-  
 ritu, cum videlicet fide, spe, & charitate, vt Augu. ait, rendimus  
 in Deum: sed quoniam intellectus noster aliquando dormit,

Cõcilium  
 Nicænum.  
 Cõcilium  
 Francfor-  
 dianum.

Exo. 20  
 Deu. 5

Ioan. 4



Dei oblitus, & affectus tepidus est, nō prout decet Deum amās, ideo oportet aliquibus rebus exterioribus intellectum excitare, vt per earum aspectum & considerationem ad Dei memoriam reducat̃ intellectus, & inflammetur affectus. Contra hanc h̃eresim scripsere olim, Gregorius papa huius nominis tertius, & Adrianus papa huius nominis primus, & Ioannes Monachus tempore Gregorij papæ 3. Verum opera istorum non vidi, sed solo testimonio Ioannis Triterij h̃ec habeo, qui in suo catalogo scriptorum ecclesiasticorum de præfatis viris refert illos contra hanc h̃eresim scripsisse. B. Damascenus in lib. 4. de fide orthodoxa, cap. 17. nōnihil de hac re differit. Thomas Vualden in suo lib. de sacramentalibus titu. 19. copiosius aduersus hanc h̃eresim disputat. Nos etiam superius in tit. de adoratione h̃eresi. 1. plura diximus quæ huic loco congruè adaptari possunt, ad quē locū accedet lector, ex quo plura haurire poterit, si velit.

Secunda h̃eresis asserit imaginem Dei ad quam homo factus est à Deo, esse corpori impressam, & non animæ. Hanc h̃eresim inter alias recenset Philaster Brixienſis episcopus in suo opere de h̃eresibus: nec tamen prodit quis illius fuerit author. B. Augustin. in suo libello de h̃eresibus ad Quod vult Deum, cap. 76. huius h̃eresis post Philastrum meminit: sed authorem illius etiam non indicauit. Quid autem huius authorem vt sic sentitet mouerit, mihi non constat. quia nec August. nec Philaster apud quos eam legi, aliquid de hoc dixerunt. ego tamen arbitror hūc errorem ex alio deriuari, quo docetur Deū esse corporeum, & habere membra omnia corporis, quemadmodū homo habet: & qui sic sentiunt (vt ego existimo) inde arguūt Dei imaginem esse in corpore hominis, & non in anima. Et huic nostræ suspicioni aperte fauet Ioannes Cassianus, qui in suis collationibus, decima collatione, de Anthropomorphitarum h̃eresi differens, ait huius h̃eresis patronos ideo asserere Deum esse corporeum, quia scriptura dicit hominem esse ad Dei imaginem factum. Sed illum errorem iam nos Deo iuuante apertis scripturæ testimoniis supra destruximus in titulo de Deo, h̃eresi secunda. Ex cuius h̃eresis impugnatione, h̃ec quam in manibus habemus, facile mea sententia proſternitur. Nam si Deus corporeus non est, neque membra habet vt homo, fieri non potest vt homo secundum corpus Dei imago dicatur. Præterea res quælibet eò alterius dicenda est imago, quia illius præcipuas partes repræsentat: quoniam si minimam illius partem

partem solum referret, immeritò diceretur imago. Nul-  
 lus enim diceret Petrum esse Ioannis imaginem ob hanc so-  
 lam causam, q̄ n̄uū aliquem in maxilla Petrus habeat, aut  
 verrucam in fronte, quemadmodum Ioannes habet. Si autem  
 similes oculos habeat, & similia labra, similem genarum co-  
 lorem, simili modo frontem contrahat, similem habeat vul-  
 tum, similia etiam reliqua corporis delineamenta, meritò di-  
 cetur Petrum esse Ioannis imaginem, præsertim si est ad illius  
 imitationem factus: quia principales illius partes exprimit ac  
 repræsentat. At quæ in Deo sunt præcipua (si inter infinitè per-  
 fecta vnum alio potest esse principalius) sunt intelligentia, &  
 memoria, & voluntas. Nā super hæc tanquam super bases ali-  
 quas ferè reliquæ omnes diuinæ perfectiones fundantur. Nam  
 super voluntatem illius diuina fundatur omnipotentia. Pro-  
 pterea siquidē Deus omnipotens dicitur & est, quia omnia quæ  
 vult, potest: neq; aliquid nisi ipso volente aut permittente fieri  
 potest. Si Deus intellectu careret & voluntate, neq; sapiens esse  
 posset, neq; prudens, neq; iustus, neq; misericors, neq; creator,  
 neq; gubernator, neq; rector. Fieri enim non potest vt bene &  
 plenè gubernet qui non intelligit neq; vult. Intellectus ergo &  
 voluntas sunt quasi quædam bases & fundamenta omnium di-  
 uinarum perfectionum. Homo autem secundum animam ha-  
 bet intellectum, memoriam & voluntatem, nō secundum cor-  
 pus. Anima enim intelligit, non corpus. Anima meminit, non  
 corpus. Anima vult, non corpus. Nam corpus absq; anima nō  
 solum hæc sed neq; alios vitæ actus exercere potest. Non enim  
 potest videre, audire, loqui, comedere, ambulare, aut alia id ge-  
 nus. Ex quibus colligimus hæc omnia cum agit, ab anima vi-  
 res suas sumere. Cum ergo sola anima habeat intellectū, me-  
 moriam, & voluntatem consequēs est vt secundum solā etiam  
 animam Dei imaginem homo portet. Rursum si Dei imago  
 est in corpore hominis, & non in anima, oporteret vt alia bru-  
 ta animalia quæ similem homini habent sui corporis figuram  
 (qualia in mari aliqua esse dicuntur) imaginem Dei portēt, &  
 sint ad imaginem Dei facta, quemadmodum homo. Huic ta-  
 men sententiæ scriptura sacra apertissime contradicit. Nam  
 postquam Deus creauerat cetera grandia, & omnem animam  
 viuētem atq; motabilem quam produxerant aquæ in species  
 suas, & omne volatile secundum genus suum: postquam  
 etiam fecerat bestias terræ iuxta species suas, & iumenta &

*Gen. 1* omne reptile terræ in genere suo, ad hominis creationem deus  
 niens dixit Deus: Faciamus hominem ad imaginem & similitu-  
 dinem nostram, ut præsit piscibus maris, & volatilibus cæli, &  
 bestiis vniuersæ terræ, omnique reptili, quod mouetur in terra.  
 De nullo autem animali dictum est quod factum sit ad imagi-  
 nem Dei, nisi de solo homine. Si autem Dei imago esset in cor-  
 pore hominis impressa, haberent etiam illam Dei imaginem  
 alia bruta animalia quæ homini secundum corpus assimilan-  
 tur. Potuisssem pro hac re plura sanctorum testimonia coacer-  
 uare, verum nolui in re manifestissima nimia prolixitate gra-  
 uare lectorem.

## INDVLGENTIAE.

*Valdenses*  
*Vuitcleff*  
*Lutherus*  
**I**ndulgentias quas pontifices peccatoribus præstant, condo-  
 nando videlicet illis pœnam ad cuius tolerantiam peccator  
 obligatur etiã remissa culpa, multi hæretici contemnunt atq;  
 irridet Valdenses nanq; asserunt papam nullam prorsus habere po-  
 testatē indulgentias concedendi: quas si concesserit, dicunt nul-  
 lius esse virtutis. Hunc errorem etiam docuit Ioannes Vuit-  
 cleff, qui nunquam a Valdēsis deficit. Hi quò suum errorem  
 confirmant, alium magis execrandum errorem docent. Dicunt  
 enim nullum esse purgatorium ignem, & inde deducunt nul-  
 las etiam esse indulgentias. Post istos tanquam illorum hæres  
 successit in eodem errore Lutherus, quāquam hic ex alio fonte  
 non minus viciato suum deducit errorem. Lutherus siquidem  
 purgatorium admittit, tamen negat vllam fore pro peccatis sa-  
 tisfactionem. Dicit enim non esse obligatum ad alicuius pœnæ  
 satisfactionem, qui a culpa fuerit absolutus, sed cum primum  
 fuerit a culpa solutus, dicit etiam esse liberum ab omni pœna.  
 Et hinc colligit Lutherus indulgentias nullius esse momenti,  
 & dicit eas esse pias fraudes fidelium. Aduersus hunc errorem  
 paucis verbis contendam, quoniam inter omnes res de quibus  
 in hoc opere disputamus, nulla est quam minus apertè sacræ li-  
 teræ prodiderint, & de qua minus verusti scriptores dixerint.  
 Neque tamen hac occasione sunt contemnendæ, quòd earum  
 vñs in ecclesia videatur serò receptus, quoniam multa sunt po-  
 sterioribus nota, quæ vetusti illi scriptores prorsus ignorauerut.  
 Nam de transubstantiatione panis in corpus Christi, rara est  
 in antiquis scriptoribus mentio: de processione spiritus sancti à  
 filio, multò rarior: de purgatorio ferè nulla, potissimum apud  
 Græcos scriptores, qua de causa vñque in hodiernum diem pur-  
 gator

gatorium non est à Græcis creditum. Quis tamen nisi hæreticus hæc negare audebit, quia apud præfatos auctores hæc sub talibus nominibus non commemoratur? Ecclesia enim quotidie proficit in membris suis. Deo eam quotidie magis illustrante. Quapropter ecclesia comparatur auroræ. Quæ est ista (inquit) quæ progreditur quasi aurora? At aurora in suo ortu remissum habet lumen, quod tēporis progressu augetur: sic ecclesia. Vnde non dubito quin etiam multa sint à posteris clarius & apertius inuenienda, quæ nobis sunt prorsus nūc ignota. Quid ergo mirum si ad hunc modum contigerit de indulgentiis, ut apud præfatos nulla sit de eis mentio: præcipuè quòd tunc magis feruebat Christianorum charitas, ut parum esset opus indulgentiis. plures anhelabant ad martyrium. pauca erant hominum scelera, & si quod erat, grauissima canonum punitione emendabatur. hic in præfata vita satisfacere volebant, nihil volebant in futurum puniendum relinquere, quapropter non est mentio vlla indulgentiarum. Istis autem temporibus refriguit multorum charitas, & ideo plura committuntur peccata, & pro commissis minorem volunt facere satisfactionem, ideo necessariū fuit ad indulgentias tanquam ad asy lum confugere, ut aliquod daretur peccatoribus adiutorium. Adde quòd non est tam recens indulgentiarum usus, quantum isti hæretici exprobrant. Nam apud Romanos vetustissimus prædicatur illarū usus, ut ex stationibus Romæ frequentissimis colligi vtcunque potest. Et de beato Grægo. papa huius nominis primo fertur quòd aliquas suo tempore concesserit. Verū etiam pro indulgentiarum approbatione sacræ scripturæ testimoniū apertum desit, nō tamē ideo contēnendæ erant, quoniā ecclesiæ catholicæ usus à multis annorum seculis receptus, tantæ est authoritatis, ut qui nilum contemnat, hæreticus merito censeatur, potissimum quòd talis usus non fortuito casu ecclesiæ irrepserit, sed per ecclesiæ definitionem sit introductus. Concilium siquidem Lateranense sub Innocentio tertio celebratum ad reprimendam quorundam abbatum temerariā audaciam, declarauit abbates non posse vlllo pacto indulgentias concedere, sed hoc munus dicit solis episcopis esse à Deo cōcessum: verū ne ex facili earum concessione vilescerent, aut peccatores indulgentiis fidētes, ad satisfactionis opera tepidiores essent, ipsis episcopis leges præscribuntur, ut vltra certū numerū indulgentias non cōcedant. Huius autem concilij decretū ponitur in volumine epistolarū decretaliū in

Cant. 6

Cōcilium  
Lateranense.



*Cœcilium  
Constantiense.* titulo de pœnitentiis & remissionibus, in eo capite quod incipit, Cum ex eo &c. Concilium Constantiense sessione octaua damnauit 45. articulos Ioannis Vuitcleff, inter quos vnus est ad hanc rem pertinēs. Nam quadragesimus primus articulus eius ita dicit, Fatuum est credere indulgentias papæ & episcoporū. Qui articulus simul cum aliis vna super omnes lata sententia damnatus est. De hac re scribit Roffensis in illo opere quod cōtra Lutheri captiuitatē Babylonicam edidit. Scribit etiam Iacobus Latomus in quodam opere quod pro assertione determinationis facultatis Louanienſis contra Lutherum fecit. Tuberinus quidam scripsit de hac re diffusius aduersus Lutherum, sed meo iudicio minus ornatē, & multo minus exactē quā Roffensis rē absoluit. Ioannes Eccius in suo Enchiridio locorum communium aduersus Lutheranos, cap. 24. quantū enchiridij forma patiebatur, de hac re disputat. Si verò alio longiori tractatu de hac re disseruit, mihi non constat. Audio tamē eum multa aduersus Lutherum scripsisse.

## I N F E R N V S.

*Almaricus.* **I**nter ceteros errores quos frater Bernardus de Lutsemburgo in suo catalogo hæreticorum Almarico impingit, vnus est quo Almaricus dixit nullū esse infernum, sed qui habet peccatum mortale, illū dicit habere in se infernum. Guido refert *Albanēſes* Albanenses sentire, non esse alias inferni pœnas, quā illas quas in hoc mundo experimur. De *Hermannus.* Hermannō Kisluiſch dicit Catalogus illum dixisse nullum prorsus esse infernū. Et certē quantum ad Almarici sententiam, vt verum fateamur, vna & maxima inferni pœna est conscientię proprię accusatio, quę semper peccatorem oppugnat, semper illum pungit, neq; vſquam cessat. Et hęc conscientię accusationem multi nomine vermīs putant intelligi. Vnde beatus Hieronym. exponēs illud *Esaie.* Isaie, Vermis eorum non morietur, ita dicit, Vermis autem qui non morietur, & ignis qui non extinguetur, à plerisque conscientia accipitur peccatorum, quę torquent in suppliciis constitutos, quare vitio suo atque peccato, caruerint electorum bono, iuxta illud quod dicitur, Versatus sum in miseria dum infigitur mihi spina. & in prouerbiis, Tinea ossium cor intelligens. Hęc Hieronymus. Et hanc conscientię accusationem Ethnicitā quā maximā pœnam horruerūt. Nam Seneca epistola 16. ad Lucilium, ait: Prima est & maxima peccantium pœna, peccasse

caste. Et Iuuenalis satyra 13. de eadē peccati conscientia ita ait:

Exemplo quodcunque malo committitur, ipsi  
Displicet authori. Prima est hæc ultio, quod se  
Iudice nemo nocens absolvitur. Et postea.

Cur tamen hos tu

Euasisse putes, quos diri conscia facti

Mens habet attonitos, & surdo verberare cædit,

Occultum quatiente animo tortore flagellum?

Pœna autem vehemens, & multò scruior illis,

Quas & Ceditius grauis inuenit, & Rhadamantus,

Nocte dièque suum gestare in pectore testem.

Verum etsi hæc magna sit pœna, & vna ex grauib, quæ sunt  
in inferno, non tamen in hoc seculo æquè mentem cruciat, vt  
post hanc vitam cruciabit, quoniam sicut tunc apertius & cla-  
rius quisque suum peccatum agnosceret, ita hæc peccati con-  
scientia acrius punget: quapropter etsi homo peccator à sui  
peccati conscientia in hoc seculo torqueatur, non tamen ideo  
dicendum est vt hic patiatur infernum. Deinde etsi acerbis-  
sima pœna sit hæc peccati conscientia, sunt tamen aliæ æquè  
graues, quas in hoc seculo non experiuntur peccatores: qua-  
propter dici non potest peccatorem hic in seipso habere infer-  
num, cum multa alia resistent toleranda, puta ignis, & vermis. *Esa. ult.*  
fumus sulphureus, tenebræ. Esaias ait, Vermis eorum non mo-  
rietur, & ignis eorum non exstinguetur. Quod si hæc Esaiæ  
verba dicis debere intelligi de illo verme conscientia qui men- *Eccle. 7*  
tem continuo morfu rodit, Sapientis verba producam qui rem  
apertius exprimit dicens, Vindicta carnis impij, ignis & ver-  
mis. Quæ verba nullo pacto possunt de verme conscientia in-  
telligi, quoniam non dixit, Vindicta animæ impij: sed dixit, *Iudith 6*  
Vindicta carnis impij, ignis & vermis. Et in libro Iudith,  
Dabit ignem & vermes in carnes eorum, vt vrantur & sentiant *Iob 30*  
vsque in sempiternum. De tenebris damnatorum testatur Iob, *Iob 38*  
nomine illorum dicens, Præstolabar lucem, & eruperunt te-  
nebræ. Et iterum clarius, Auferetur ab impiis lux. De sul- *Psal. 10*  
phureo autem fumo testatur David dicens, Pluet super pec-  
catores laqueos, ignis & sulphur, & spiritus procellarum  
pars calicis eorum. Et vox tertij angeli in Apocalypsi ait,  
Si quis adorauerit bestiam & imaginem eius, & acceperit *Apo. 14*  
characterem in fronte sua, aut in manu sua, hic bibet de vi-  
no iræ Dei, quod mixtum est mero in calice iræ ipsius, & crucia-  
bitur

**Apo. 9** bitur igne & sulphure in conspectu angelorum sanctorum, & ante conspectum agni: & fumus tormentorum eorum ascendet in secula seculorum. Et ipsemet infernus vocatur in eodem libro stagnum ignis & sulphuris. Nam de malis loquens ait: Vni missi sunt hi duo in stagnum ignis ardentis & sulphuris. Quid ergo impius Almaricus & blasphemus Albanenses docere audent non esse alibi infernum quam in hac vita? Ego credo quod nunc aliter sentiunt. Nam cum inferni poenas iam experiatur, existimo eos iam scire alium esse infernum, & alias inferni poenas ab illis quas in hoc seculo experiuntur.

Secunda hæresis docet inferni pœnam non esse perpetuam. Huius hæresis principem fuisse Origenem testatur omnes qui de hæresibus eius scripserunt. Phil. 1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100. 101. 102. 103. 104. 105. 106. 107. 108. 109. 110. 111. 112. 113. 114. 115. 116. 117. 118. 119. 120. 121. 122. 123. 124. 125. 126. 127. 128. 129. 130. 131. 132. 133. 134. 135. 136. 137. 138. 139. 140. 141. 142. 143. 144. 145. 146. 147. 148. 149. 150. 151. 152. 153. 154. 155. 156. 157. 158. 159. 160. 161. 162. 163. 164. 165. 166. 167. 168. 169. 170. 171. 172. 173. 174. 175. 176. 177. 178. 179. 180. 181. 182. 183. 184. 185. 186. 187. 188. 189. 190. 191. 192. 193. 194. 195. 196. 197. 198. 199. 200. 201. 202. 203. 204. 205. 206. 207. 208. 209. 210. 211. 212. 213. 214. 215. 216. 217. 218. 219. 220. 221. 222. 223. 224. 225. 226. 227. 228. 229. 230. 231. 232. 233. 234. 235. 236. 237. 238. 239. 240. 241. 242. 243. 244. 245. 246. 247. 248. 249. 250. 251. 252. 253. 254. 255. 256. 257. 258. 259. 260. 261. 262. 263. 264. 265. 266. 267. 268. 269. 270. 271. 272. 273. 274. 275. 276. 277. 278. 279. 280. 281. 282. 283. 284. 285. 286. 287. 288. 289. 290. 291. 292. 293. 294. 295. 296. 297. 298. 299. 300. 301. 302. 303. 304. 305. 306. 307. 308. 309. 310. 311. 312. 313. 314. 315. 316. 317. 318. 319. 320. 321. 322. 323. 324. 325. 326. 327. 328. 329. 330. 331. 332. 333. 334. 335. 336. 337. 338. 339. 340. 341. 342. 343. 344. 345. 346. 347. 348. 349. 350. 351. 352. 353. 354. 355. 356. 357. 358. 359. 360. 361. 362. 363. 364. 365. 366. 367. 368. 369. 370. 371. 372. 373. 374. 375. 376. 377. 378. 379. 380. 381. 382. 383. 384. 385. 386. 387. 388. 389. 390. 391. 392. 393. 394. 395. 396. 397. 398. 399. 400. 401. 402. 403. 404. 405. 406. 407. 408. 409. 410. 411. 412. 413. 414. 415. 416. 417. 418. 419. 420. 421. 422. 423. 424. 425. 426. 427. 428. 429. 430. 431. 432. 433. 434. 435. 436. 437. 438. 439. 440. 441. 442. 443. 444. 445. 446. 447. 448. 449. 450. 451. 452. 453. 454. 455. 456. 457. 458. 459. 460. 461. 462. 463. 464. 465. 466. 467. 468. 469. 470. 471. 472. 473. 474. 475. 476. 477. 478. 479. 480. 481. 482. 483. 484. 485. 486. 487. 488. 489. 490. 491. 492. 493. 494. 495. 496. 497. 498. 499. 500. 501. 502. 503. 504. 505. 506. 507. 508. 509. 510. 511. 512. 513. 514. 515. 516. 517. 518. 519. 520. 521. 522. 523. 524. 525. 526. 527. 528. 529. 530. 531. 532. 533. 534. 535. 536. 537. 538. 539. 540. 541. 542. 543. 544. 545. 546. 547. 548. 549. 550. 551. 552. 553. 554. 555. 556. 557. 558. 559. 560. 561. 562. 563. 564. 565. 566. 567. 568. 569. 570. 571. 572. 573. 574. 575. 576. 577. 578. 579. 580. 581. 582. 583. 584. 585. 586. 587. 588. 589. 590. 591. 592. 593. 594. 595. 596. 597. 598. 599. 600. 601. 602. 603. 604. 605. 606. 607. 608. 609. 610. 611. 612. 613. 614. 615. 616. 617. 618. 619. 620. 621. 622. 623. 624. 625. 626. 627. 628. 629. 630. 631. 632. 633. 634. 635. 636. 637. 638. 639. 640. 641. 642. 643. 644. 645. 646. 647. 648. 649. 650. 651. 652. 653. 654. 655. 656. 657. 658. 659. 660. 661. 662. 663. 664. 665. 666. 667. 668. 669. 670. 671. 672. 673. 674. 675. 676. 677. 678. 679. 680. 681. 682. 683. 684. 685. 686. 687. 688. 689. 690. 691. 692. 693. 694. 695. 696. 697. 698. 699. 700. 701. 702. 703. 704. 705. 706. 707. 708. 709. 710. 711. 712. 713. 714. 715. 716. 717. 718. 719. 720. 721. 722. 723. 724. 725. 726. 727. 728. 729. 730. 731. 732. 733. 734. 735. 736. 737. 738. 739. 740. 741. 742. 743. 744. 745. 746. 747. 748. 749. 750. 751. 752. 753. 754. 755. 756. 757. 758. 759. 760. 761. 762. 763. 764. 765. 766. 767. 768. 769. 770. 771. 772. 773. 774. 775. 776. 777. 778. 779. 780. 781. 782. 783. 784. 785. 786. 787. 788. 789. 790. 791. 792. 793. 794. 795. 796. 797. 798. 799. 800. 801. 802. 803. 804. 805. 806. 807. 808. 809. 810. 811. 812. 813. 814. 815. 816. 817. 818. 819. 820. 821. 822. 823. 824. 825. 826. 827. 828. 829. 830. 831

**Armeni.** resis nullum ostendit authorem. Armeni (vt Guido refert) asse-  
runt Christum cum ad inferos descendit, omnes animas inde  
eduxisse. Hanc hæresim recenset Augustinus inter alias, sine ta-  
men nomine auctoris. Nos autem istorum sententiam cu Ori-  
genis errore coniungimus, quoniam aliquantulum est illi vici-  
na, & eodem prosternitur testimonio. Cum enim ostēderimus  
infernī pœnam esse perpetuam, actum est de his duobus erro-  
ribus. At pœnam inferni esse perpetuam apertissimè sacræ li-  
teræ docent. Nam illa testimonia quæ aduersus proximè cita-  
tam hæresim protulimus, ferè omnia aduersus istam hæresim  
pugnant. Illud enim Esaïæ apertissimum est, & alterum ex li-  
bro Iudith, & aliud ex Apocalypsi, quæ non est opus nunc repe-  
tere, ne chartas frustra impleamus. Præter hæc testimonia sunt

**Mar. 9** alia ex euangeliiis. Ipsemet veritatis magister apud Marcū loquens ait: Si scandalizauerit te manus tua, abscinde illam. bonum est tibi debilem introire in vitam, quā duas manus habentem ire in gehennam, in ignem inextinguibilem, vbi vermis eorum non moritur, & ignis non extinguitur. Et si pes tuus te scandalizat, amputa illum. bonum est tibi claudum introire in vitam æternam, quā duos pedes habentē mitti in gehennam ignis inextinguibilis, vbi vermis eorum non moritur, & ignis non extinguitur. Quod si oculus tuus scandalizat te, eice eum. bonum est tibi luscum introire in regnū Dei, quā duos oculos habentem mitti in gehennam ignis, vbi vermis eorum non moritur, & ignis non extinguitur. Ecce vides Christū vno  
orat

orationis contextu ter docentem pœnas inferni esse perpetuas. Præterea illud est apertissimum, quod minatur se in die iudicii Mat. 25 peccatoribus dicturum, Ite maledicti in ignem æternum, qui præparatus est diabolo, & angelis eius. Nec opus est plura testimonia afferre, cum ista sint apertissima. Qui de hac re plura nosse cupit, videat ea quæ supra diximus in titulo de beatitudine, hæresi tertia, quoniam illo loco hunc errorem Origenis apertius enarrauimus.

Tertia hæresis est quæ negat Christum ad inferos descendisse. Huius hæresis non meminit Augustinus, neq; Philaster. Isidorus tamen illam inter hæreses recenset. quanvis nullum huius erroris prodat authorem. Hæc autem sententia conuincitur hæreseos per id quod Sapiens sub nomine sapientiæ, hoc est filij Dei, ait: Penetrabo (inquit) omnes inferiores partes terræ, & inspiciam omnes dormientes, & illuminabo omnes sperantes in domino. Quod si hoc testimonium quisquam allegorice ludens alio detorqueat, & dicat sapientiam penetrasse & penetrare omnes inferiores partes terræ cognitione sua, quæ tanta est ut nihil illam latere possit, sed omnia quantumlibet nobis abscondita, nuda tamen & aperta sunt oculis eius: saltem illud Pauli est satis apertum, quod de ascensione Christi disserens ait: Quod autem ascendit, quid est nisi quia descendit primum in inferiores partes terræ? Et Petrus Apostolus in die pentecostes recepto iam spiritu sancto, de Christo coram populo prædicans ita dicit: Quem Deus suscitauit solutis doloribus inferni, iuxta quod impossibile erat teneri illum ab eo. David enim dicit in Psal. 15 eum, Prouidebam dominum in conspectu meo semper, quoniam à dextris est mihi, ne commouear. Propter hoc lætatum est cor meum, & exultauit lingua mea, insuper & caro mea requiescet in spe: quoniam non derelinques animam meam in inferno, nec dabis sanctum tuum videre corruptionem. Præterea in symbolo Apostolorum dicitur, Descendit ad inferos. Et concilium Lateranense sub Innocentio tertio celebratum, hoc idem definit. Nam de Christo redemptore nostro loquens, ita inquit: Qui etiam pro salute humani generis in ligno crucis passus & mortuus, descendit ad inferos, resurrexit à mortuis, & ascendit in cælum. Sed descendit in anima, & resurrexit in carne, ascendit pariter in utroque. Hæc Concilium Lateranense. Quæ verba habentur in lib. decretalium in cap. firmiter. de summa trinitate & fide catholica. Et certè is vnus locus est quo maxime

Ecclesi. 24

1 Ph. 4

Act. 2

Psal. 15

Conciliū

Lateranense.



ximè possumus Lutherum redarguere, qui scripturæ sacræ testimonia vult esse apertissima sine ullis ratiocinationibus aut collectionibus, sed quæ apertissimè sententiam doceant. Deinde ait nihil esse definiendum quod non sit expressum in sacris literis. Nullum etiam admittit iudicem in cōtentione de rebus ad fidem spectantibus nisi solam sacram scripturam. Et certè si ad hos gnomones sunt omnia examinanda, non oportebit dicere Christum ad inferos descendisse, quoniam hoc sacræ literæ nō docent per verba adeo expressa qualia ipse alibi a catholicis petit. Nunquam enim hæc verba reperiuntur in sacris literis sub hac forma, Christus descendit ad inferos. Verum et si hæc non reperiuntur sub illa forma: reperiuntur tamen alia quæ eadem cum illis significant, & ex quibus illa apertissima collectione deducuntur, quod satis est viro catholico, qui captiuare tenetur intellectū suū ad definitiones & expositiones scripturæ, quas tradiderit ecclesia, & nō suæ tantū inniti prudētiz.

## INIMICVS.

*Grati.* **G**regorius error est, quo asserunt licitum esse decipere inimicum, nec esse peccatū aliquod si quis suo inimico damnum inferat, etiam si ad hoc faciendum periuriis aut quouis mendacio iuuetur. Hæc omnia illis tribuit Guido enarrans vigesimum quintum illorum errorem. Et certè vix possum credere illos tam demētes esse, vt hæc sentiant, quoniam illa sunt naturali legi apertissimè contraria, ita vt illam eorum sententiam gentilis quisq; philosophus damnet, nedum Christianus homo. Quis vnquam non horruit mendacium? Quis non execratur periurium? Et hæc non solū cum amicis non sunt excenda, sed neq; cum inimicis, quia et si in bello licitum sit insidiis vtī aduersus hostes, non tamen mendaciis licet illum decipere.

*Leu. 19* In Leuitico siquidem dominus ait: Non mentiemini, nec decipiet vnusquisq; proximum suum. At quantum libet quis sit alteri inimicus, proximus tamen est: quod vel ex eo conuincitur, qd Samaritanus misericordiam faciens sauciato, voce Christi iudicatus est proximus, quanuis Samaritani Iudæis fuissent infensi. *Luc. 10* Præterea ex lege Evangelica nullus permittitur inimicus, quoniam et si alter mihi inimicus sit, ego tamen teneor non esse illi. *1. Pet. 3* Non reddentes (inquit Petrus) malū pro malo, nec maledictum pro maledicto, sed e contrario benedicentes, quia in hoc vocati estis vt benedictionē hereditate possideatis. Et beatus Paulus in epist. ad Ro. Nulli malum pro malo reddentes.

Et in

Et infra, Non vos defendentes charissimi, sed date locum iræ. Scriptum est enim, Mihi vindictam, & ego retribuam, dicit dominus. Sed si esurierit inimicus tuus, ciba illum: si sitit, potum da illi: hoc enim faciens, carbones ignis congeres super caput eius. Noli vinci à malo, sed vince in bono malum. Et in 1. ad Thessalo, epi. iterum ait: Videte ne quis malum pro malo ali- 1. Thes. 5 cui reddat, sed semper quod bonum est, sectemini inuicem, & in omnes. Deniq; ipse veritatis magister ludæorum errorem corrigens ait: Audistis quia dictum est antiquis, Diliges proximum tuum, & odio habebis inimicum tuum. Ego autem dico vobis, Diligite inimicos vestros, benefacite his qui oderunt vos, & orate pro persequentibus & calumniantibus vos, vt sitis filij patris vestri qui in cælis est, qui solem suū oriri facit super bonos & malos, & pluit super iustos & iniustos. Si ergo hoc modo vult Deus filios suos examinare, Græci conuincuntur non esse filij Dei, quia bene inimicis suis non faciunt. Matt. 5

## IN IURIA.

**L**utheri sententia est, non licere Christianis petere coram iudice iniuriæ reparationem. Quapropter videtur mihi Lutherus non modicum de fermento Phariseorum habere, quoniam alligat onera graua & importabilia, digito autem suo non vult ea mouere. Nam qui dicit non licere petere coram iudice reparationem iniuriæ, ipsemet siqua sibi ab aliquo inferatur iniuria, quam impudenter ne dicam atrociter eam repellit? Vnam certè iniuriam centum acerbioribus propulsat, & quod peius est, etiam cum nullam receperit, mille conuitiis afficit eū qui vel extremis digitis eum tetigerit. Vide qualè sit vulnus quod nec tangi permittitur. Qui odit correptionem, ait Ecclesiasticus, peccatoris vestigium est. Peccator est ergo Lutherus, quoniam non patitur corripì, nō à quoquam admoneri. Cuius rei testimonium est apertissimū, qđ quicūq; eū scriptis aut corripuit, aut admonuit, siue is fuerit vir illustris, siue plebeius, siue rex, siue imperator, episcopus, aut papa, mille iniuriis est à Lutherò affectus. Nam in serenissimum regem Angliæ, qui satis modestè, prout regiam dignitatē decebat, aduersus illū scripserat, nullo regiæ dignitatis habito respectu, mille opprobria iniecit, mille illum scommaris subsannauit. De his quæ aduersus summum pontificē effusiuit, melius est tacere, quoniā me pudet enarrare, quod illū pudicum non est scribere. Quid ergo dices ad hæc Lutherè? Si tibi licet iniuriā iniuria repellere, cur nō licebit

licebit aliis iniuriæ reparationem coram iudice petere? Iustum est certè vt nemo sit iudex in propria causa. quapropter si licet manibus propriis iniuriam repellere, multò magis licebit per manus iudicis iniuriam propulsare, aut iam illatæ reparationem petere. Qua de re mihi videtur non esse opus aliis argumentis ad hunc errorem reuincendum, sed sufficere illa quæ supra in titulo de bello contra eundem Lutherum proposuimus. Ibi enim probauimus bellum esse Christianis licitū, modò cætera adsint quæ ad iustum bellum exiguntur. Ad iustum autem bellum requiritur, vt quod sine bello emendari potest, mediante bello non fiat. Iustius est ergo vt quis à iudice petat emendationem, quàm vt ipse eam per bellum habere velit, si eam habere licet. At cum liceat eam petere ex bello (vt supra euicimus) licebit ergo etiam illam petere à iudice.

## IOANNES BAPTISTA.

**B**ernardus de Lutzemburgo in suo catalogo hæreticorum de Manichæis loquens. dicit illos ita delirasse, vt dixerint *Mat. II* Ioannem Baptistam, Christi Saluatoris nostri præcurso- rem, fuisse damnatum, eò quòd non crediderit in Christum. Nam cum Ioannes in vinculis existens misit duos discipulos suos ad Christum vt interrogarèt illum, Tu es qui venturus es, an aliū expectamus? Manichæi (vt illis Bernardus de Lutzemburgo tribuit) putant Ioannem Baptistam ex incredulitate hæc fecisse & dixisse. Sed ego vix credere possum Manichæos ita insanisse, quanuis multa alia maioris dementiæ illos dixisse constet. Nā Philaster Brixienfis in suo libro de hæresibus, cum de Manichæorum hæresibus differit, nunquam huius erroris meminit. Beatus Augu. in lib. de hæresibus ad Quod vult deum, cap. 46. Manichæorū errores recenset, nec tamen hunc inter alios miscuit. Vnde coniicio illos longè ab hoc errore fuisse: quoniam beatus Augu. qui illorum errores optimè nouerat, quoniam illorum sectæ aliquando adhæserat, nequaquam hunc errorem tacuisset. Esto tamen illi ita senserint quemadmodum de illis refert Bernardus de Lutzemburgo, non est opus vt in hac hæresi referenda longam moram trahamus: cum sint tam aperta Christi saluatoris nostri de ipso Ioanne testimonia. Nam laudauit Ioannem de fortitudine, & mentis constantia, cum dixit illum non esse arundinem vento agitatam, quæ ad omnem ventorum flatum mouetur. Commendauit illum à temperantia, dicens illum non esse mollibus vestitum. Ostendit illum longè esse

gè esse ab adulatione, cum dixit illum non esse in domibus regum: quoniam qui huiusmodi morbo laborant, cum regibus versari solent. Et laudis argumenta multiplicans, dixit illū esse prophetā, & plusquam prophetā. dixit illum esse angelum, eò quòd angelicam vitam duceret: quia licet in carne, præter carnem tamen viuebat. Deniq; vt coronidem cingeret, dixit, Inter natos mulierum nō surrexit maior Ioanne baptista. Et hæc omnia dicta sunt à Christo saluatore nostro de Ioanne baptista eo temporis articulo quo Manichæi Ioannē peccasse asserunt. Nam postquā Christus interrogationi per Ioannis discipulos factæ respōdit, illis abeuntibus continuò post hæc laudum præconia de Ioanne baptista dixit. Ex quibus conuincimus Ioannem per illam interrogationem minime, vt Manichæi dicunt, peccasse. Quod autem dicunt Ioannem baptistam ex incredulitate interrogasse, fallūtur. Non enim suo nomine, & propter se interrogat, sed propter suos discipulos quos in Christi fide nutantes videbat. Et propter hanc causam illos ad Christum mittit, vt visis miraculis ab illo factis, in illius fide confirmarentur. Quod Christus cum optime nosset, nullū illis dedit responsum: sed multis coram illis ab eo factis miraculis, ad Ioannē illos redire mandat, vt quæ viderant, illi renunciarent. Non certe ob aliā causam, nisi vt inde Ioannes discipulos suos quos parū fideles esse nouerat, apertius de fide Christi instrueret, & instructos confirmaret. sic enim illā Ioan. interrogationē interpretatur **B.** Ioānes Chrysost. homilia. 37. super Mattheum. Chrysostomum vt alibi semper, ita etiā hoc loco imitatur Theophylactus. Huius verba quia multo breuiora sunt, hic referam. Non interrogat Ioannes, inquit ille, quasi ignorās Christum. Nam quo pacto ignoraret, quum testatus sit: Ecce agnus Dei? Verū quia discipuli eius inuidebant Christo, vt pluribus argumentis certiores eos redderet, propter hoc mittit eos, vt vel visis miraculis credant Christum Ioanne maiorem esse: & idcirco fingit se rogare. Tu es qui venturus es? hoc est, qui expectatur in scripturis in carne venturus. Hæc Theophylactus. Et de hoc satis.

## I V D A S.

**Q**uantumlibet sit aliquis scelestus aut flagitiosus, nūquam illi deerit à quo laudetur, & scelus eius cōmendetur: quoniā, vt est in prouerbio, cicada semper est cicadæ chara, & formica formicæ. Huius rei vel hoc est sufficiens testimoniū, quòd

R



*Caiani.*

non defuere qui scelestissimū Iudæ facinus commendauerint: quoniam Augustinus in libro de hæresibus capite 18. refert Caianos sentire Iudam fuisse diuinum, & scelus illius beneficium existimare. Dicunt enim (vt Augustinus ait) Iudam præscisse quantum generi humano Christi passio esset profutura, & ideo Christum Iudæis tradidisse, vt per illius mortem genus humanum proficeret. Philaster tamen de his Caianis sermonem faciens in suo libro de hæresibus, nihil tale illis tribuit, sed hanc hæresim postea enarrat nullo citato illius patrono. Tertullianus tamen in libello suo de hæresibus hoc illis impingit quos

*Chaldæi* ipse vocat Chaldæos, & sunt illi iidem (vt suspicor) qui ab Augustino vocantur Caiani, quoniam iidem sunt illorum errores qui ab Augustino tribuuntur Caianis, & quos Tertullianus impingit Chaldæis. Ad hunc errorem reuincendum vel illud testimonium sufficiens est, cum Dominus lauare volens pedes discipulorum suorum dixit, Vos mundi estis, sed non omnes.

*Ioan. 13* Sciebat enim (ait Euangelista) quisnam esset qui traderet eum. propterea dixit, Non estis mundi omnes. Itaque Iudas non erat mundus, cuius immunditiæ nullam aliam causam Euangelista designauit, quàm quod Christū tradere volebat. Et in Acti-

*Act. 1* bus Apostolorum Petrus ait, Viri fratres oportet impleri scripturam quam prædixit spiritus sanctus per os David de Iuda, qui fuit dux eorum qui comprehenderunt Iesum, qui connumeratus est in nobis, & sortitus est sortem ministerii huius. Et hic quidem possedit agrum de mercede iniquitatis, & suspensus crepuit medius, & diffusa sunt omnia viscera eius. Si bona fuit traditio qua Iudas tradidit Christū, qui fieri potest vt merces illi pro traditione donata sit merces iniquitatis: Si triginta argentei sunt merces iniquitatis, ergo traditio pro qua illi argentei donati sunt, est iniqua. Sed apertius est quod Christus redemptor noster de illo apud Lucam ait, Et filius quidem hominis secundum quod definitum est, vadit: veruntamen vā hominī illi per quem tradetur. Neque opus est aduersus tam apertam blasphemiam plura citare testimonia, præcipuē cum hæc hæresis non reperiatur ab aliquo fuisse postea innouata: & testimonia adducta satis eam prosterunt.

*Luc. 22*

## I V D I C I V M.

**T**anta est demonis astutia in hominibus decipiēdis, vt aliquibus suggererit nullum esse futurum iudicium, vt vel hac occasione tanto facilius in quodlibet vitiū traheret, quamq minus

minus pœnam propter illud infligendam crederent. Hunc erro-  
 rem Philaster tribuit Borborianis, & sunt illi qui ab Augusti- *Borboria-*  
 no vocantur Gnostici. Hoc etiam impingit Florianis, & Mani- *ni.*  
 chæis, & Proclianitis, quos ille vocat Proclianitas. nisi forte liti- *Gnostici.*  
 ra in Philastro est erronea, quoniam qui in Augustino dicuntur *Floriani.*  
 Proclianitæ, in Philastro vocantur Proclianitæ, & facilis est lap- *Manichei*  
 sus ex vna parte in aliam. Nam si has duas literas, c & l, coniun- *Procliani*  
 gas, facies d, literam. Quòd si eandem literam d dispescas, ita *ta.*  
 ut longam virgulam integram separes, & reliquum per se col-  
 loces, iterum duas literas reperies, videlicet c & l. Ex quo cõicio  
 hac occasione alicubi ex vitio scriptorum fuisse erratum. An  
 autem error sit in Philastro, an potius in Augustino, mihi non  
 constat. quoniam apud nullum illis vetustiorum reperio fuisse  
 de his habitam mentionem. Qualitercunque sit, parum inter-  
 est: vnum tamen hoc est certum, Augustinum non impingere  
 hunc errorem alicui ex istis hæreticis, quoniam nec Borboritis  
 nec Gnosticis, neque Florianis, neque Manichæis, neque Pro-  
 clianitis. Qua in re valde miror, cum Augustinus viderit Phila-  
 stri opus, quod forte inde euenire potuit, quòd apud nullum  
 alium repererit, & propterea omiserit, parum fidens Philastro  
 in hac parte, aut forte reperit non ita esse prout Philaster nar-  
 rat. Cuiuscunque tamen hic error sit, facillime reiici potest.  
 Nam apud Matthæum dominus exprobrat ciuitatibus in qui-  
 bus factæ sunt plurimæ virtutes eius, quia non egissent pœni-  
 tentiam, ait, Dico vobis, Tyro & Sidoni remissius erit in die iu- *Mat. 11*  
 dicii. quàm vobis. Et iterum Capharnaïtis loquens ait, Dico *Mat. 12*  
 vobis quia terræ Sodomorū remissius erit in die iudicii, quàm  
 tibi. Et apud eundem iterum, Viri Niniuitæ surgent in iudicio  
 cum generatione ista, & condemnabunt eam & c. Regina Au- *Ioan. 5*  
 stri surget in iudicio cum generatione ista, & condemnabit  
 eam. Et apud Ioannem, Potestatem dedit filio iudicium fa-  
 cere, quia filius hominis est. Nolite mirari hoc, quia venit ho-  
 ra in qua omnes qui in monumentis sunt, audient vocem filii  
 Dei, & procedent qui bona fecerunt, in resurrectionem vi-  
 tæ: qui verò mala egerunt, in resurrectionem iudicii. Et Paulus *Ro. 14*  
 in epistola ad Romanos, Omnes enim stabimus ante tribunal *Esa. 45*  
 Christi. Scriptum est enim, Viuo ego, dicit Dominus, quo-  
 niam mihi flectetur omne genu, & omnis lingua confitebi-  
 tur Deo. Itaque vnusquisque nostrum pro se rationem red-  
 det Deo. Et in posteriore epistola ad Corin. iterum ait, Omnes *2. Cor. 5*

nos manifestari oportet ante tribunal Christi, ut referat unusquisque propria corporis, prout gessit, siue bonum siue malum. Et in symbolo fidei edito in concilio Niceno sic dicitur, Venturus est iudicare viuos & mortuos. Et in symbolo facto in concilio Constantinopolitano, Sedit ad dexteram patris, inde venturus est cum gloria iudicare viuos & mortuos.

*Albanenses.*

Secunda est haeresis Albanensium, dicentium vniuersale iudicium iam factum esse, & nullum aliud amplius esse futurum, Hoc enim illis tribuit Guido, qui illorum errores recensens, hunc septimo loco collocat. Hic error apertissime couincitur ex eo quod iudicium vniuersale praecedere debet resurrectio omnium, quod admodum patet ex eisdem testimoniis quae proximè citauimus contra praefatam haerese, & in vigesimo quarto Matthaei cap. expressius, vbi prius describitur aduentus Antichristi, deinde resurrectio generalis, & postea iudicium, & tandem finis: & tunc, iuxta beatum Petrum, elementa purificabuntur per ignem. At nullum istorum constat esse factum, quoniam nec generalis resurrectio praecessit, nec finis est mundi, nec elementa sunt per ignem purificata. Ex quibus colligitur maximam esse dementiam, asserere vniuersale iudicium esse iam factum.

#### I V D E X.

*Valdenses.*

**V**aldensium error est, quo docent nullum iudicem posse damnare aliquem hominem ad poenam aliquam. Hunc errorem illis impingit Guido, quanquam Aeneas Sylvius in libro de origine Bohemorum cap. 35. errores Valdensium recensens, huius non meminit. Quod si ita sentiunt Valdenses, non est mirandum, quoniam hoc est sceleratis hominibus proprium, ut impunitate suis sceleribus optent, quod libentius & securius quae voluerint scelera perpetrare valeant. Ad hunc modum fecere Valdenses, qui ut tutius suos errores possent hominibus suggerere, hoc ante omnia docere nituntur, nullum iudicem posse alium hominem ad aliquam poenam damnare. In cuius erroris testimonium afferunt illud, Nolite iudicare, & non iudicabimini. Aduersus hunc errorem est illud quod Dominus ait, Constitue iudices qui populum iudicent omni tempore. Et iterum alibi, Iudices & magistri in omnibus portis tuis constituentur, ut iudicent populum iusto iudicio. Quod si quis haec detorqueat ad alia iudicia, & non ad inflictionem poenarum, consideret plures esse in veteri instrumento leges decernentes talem vel talem poenam esse infligendam illi qui tale vel tale crimen commiserit. Et

*Mat. 7*

*Exo. 18*

*Deu. 16*

rit. Et in lege noua hæc clarissimè habentur. Petrus puniuit morte Ananiam & Sapphiram, quia fraudauerant de precio agri vediti. Et idè alibi ait, Subiecti estote omni humane creaturæ propter Deum, siue regi quasi præcellenti, siue ducibus tantumquam ab eo missis ad vindictam malefactorum, laudè verò bonorum. Ecce vides vindictam malefactorum. Et parum infra iterum ait, Quæ enim est gratia si peccantes & colaphizati suffertis? Ex quibus colligimus iuste fieri cum quis propter peccatum ex iudicis mandato colaphis cæditur. Et beatus Paulus de potestate sublimiori loquens ait, Si malum feceris, time. Non enim sine causa gladium portat. Dei enim minister est, vindex in iram ei qui malum agit. Quid ergo Valenses non minus ignorantes quam scelerati docere audent? Si iudex est Dei minister vindex in iram ei qui malum agit, quomodo iudicè ipsi accusare audent eò quod malefactorè punit? An non hac ratione etiam accusant Deum, cuius minister est iudex? Valeant ergo Valenses, & cum sint omnium hæreticorum ignorantissimi, docere alios erubescant. Quod autem pro se afferunt, nihil prorsus illis suffragatur: quoniam cū Saluator ait, Nolite iudicare, & non iudicabimini: non prohibuit omne iudicium, præcipuè iudicis habētis potestatem, sed prohibet multorum hominum leue iudicium, qui re minime cognita, sed ex minutulis suspicionibus colligentes, statim apud se definiunt, cēlentes talem esse malum, aut malè aliquid voluisse facere. Hoc inquā iudicium dominus prohibet, nō autem illud quod re prius, vt decet, bene cognita, ab habente potestatem profertur. Hoc autem ita esse conuincimus per id quod apud Ioānem idem Saluator ait, Nolite iudicare secundum faciem, sed iustum iudicium iudicate. Quibus verbis cum vnum iudicium prohibet, videlicet leue: aliud apertè concedit, nempe iustum, quod re prius plenè circumspecta iuxta æquitatem sit.

## IV R A M E N T V M.

**I**Nter ceteros errores, quos Valensibus impingit Guido Carmelita, vnus est quo asserunt Christianis esse interdictum iuramentum, sic vt nusquā iurare liceat. Eundem errorem tribuit Catharis: quod valde miror: quoniam Cathari idem sunt qui & Nouatiani. At Nouatianis nullus vnquam aliquid simile inpegit, sed catalogus hæreticorum de Albanentibus differēs, dicit esse alios quosdā Catharos, quos in tres partes asserit esse



*Coxocenses* = partitos. Albanenses dicit esse de prima secta Catharorum, &  
*Baiolenses*. *Coxocenses* de secunda, & *Baiolenses* de tertia. Et si hi dicuntur  
 Cathari, alii sunt certe a Nouatianis, qui primi Cathari vocati  
 sunt, propter mundiciam quam iactabant. Nulla est enim No-  
 uatianorum ad hos Catharos conuentio. Quapropter constat  
 miserè errasse Guidonem Carmelitam, qui cum de erroribus  
 horum Catharorum disserere incipit, dicit se iam aliàs de illis  
 dixisse: per quæ verba satis apertè innuit se sentire hos Catha-  
 ros & Nouatianos esse eosdem, cum tamen hi Cathari longis-  
 simè absint ab aliis Catharis qui nouatiani dicuntur. Hi de qui-  
 bus nunc loquimur, non Cathari (vt Guido & Cathalogus eos  
 appellant) sed Catharistæ dicendi sunt. Nam sic eos appellat  
*Pseudoapo-* beatus August. vt supra ostēdimus in titulo de cibo, hæresi pri-  
*stoli.* ma. Hunc etiam errorem docuerunt *Pseudoapostoli*. Ad hūc  
*Deu. 6* autem errorem conuincēdum sufficit illud quod Dominus in  
*Deu. 10* Deuteronomio ait, Dominū Deum tuum adorabis, & illi soli  
 seruiēs, & per nomen illius iurabis. Et iterū, Dominum Deum  
 tuum timebis, & illi soli seruiēs, ipsiq; adhærebis, iurabisq; in  
 nomine illius. Verū hic respondent qui hunc errorem tutan-  
 tur, hoc permissum esse Iudæis in veteri lege, vt videlicet per  
*Matt. 5* Deum iurent: Christianis autem, qui perfectiorem habent  
 legem, hoc dicunt non esse licitū. eò quod Christus apud Mat-  
 thæum in vniuersum prohibuit iurare. Et hanc sententiā con-  
 firmant testimonio Hieronymi & Theophylacti, qui exponen-  
 tes quintum Matthæi caput, dicūt Iudæis fuisse permissum iu-  
 ramentum, Christianis autem omnino prohibitum. Et idem  
 videntur sentire Hilarius & Chrysostomus in eodē loco. quan-  
 quam hi non ita expresse dicunt sicut illi. Sed hoc reicitur ex  
 eo quod Deum sæpe iurasse reperimus. At si iuramentum esset  
 ex se malum, vt ex sola permissione Iudæi iurare possent, Deus  
 qui malè agere nequit, omnino non iurasset. Et huic obiectio-  
 ni respondent iuramentum soli Deo conuenire, quoniam ille  
 solus verax est, & mentiri nequit: omnis autem homo mendax  
 est. Et hanc sententiā confirmant testimonio Ambro. super  
*Psal. 118.* Sed neque hac via effugere poterunt quin ostēdamus  
 illis iuramentum esse homini licitum. Negare enim nō possunt  
 Paulū pluries iurasse: quoniā in epist. ad Ro. sic ait, Testis est  
 mihi Deus quod memoriam vestri facio semper in orationibus  
 meis. Et iterum, Ego autē testē Deū inuoco in animam meam,  
*2. Cor. 1* quod parcens vobis non veni vltra Corinthum. Et iterum, Te-  
 stis est

stis est mihi Deus quomodo cupiam omnes vos in visceribus Phil. 1  
 Iesu Christi. Ecce Paulum toties inuocantem Deum in testi-  
 monium suorum verborum. At qui per Deū iurat, nihil aliud  
 facit quā Deum inuocare in testem eorum quā dicit. ex quo  
 apertē colligimus Paulum iurasse. Non est ergo Christiano vi-  
 ro omnino prohibitum iuramentum : quoniam aliās Paulus  
 iurans peccasset. Præterea, iuramentum non est de se malum,  
 imò bonum, si adsint ea quæ requiruntur : quoniam per iura-  
 mentum exhibemus reuerentiam Deo, & ostendimus qualem  
 existimationem de Deo habeamus, quoniam sic iurantes per  
 Deum, testamur nos credere Deum videre omnia : quoniam  
 qui rem non plenè agnoscit, non potest esse bonus testis. Ideo  
 sapienter Poeta comicus dixit, Pluris est oculus testis vnus *Plautus.*  
 quam auriti decem. Ostendimus etiam nos credere Deum esse  
 veracem, qui mentiri non potest. Quia ergo credimus Deum  
 talem esse qui omnia nouit, & qui mentiri non potest, ideo in  
 confirmationem eorum quæ dicimus, iuramus per Deum, in-  
 uocando illum testem. Ex quo patet per iuramentum nos re-  
 uereri Deum, si cætera adsint quæ ad iustum iuramentum exi-  
 guntur. Cuius rei apertum est indicium, quod in Deuterono- *Deut. 6*  
 mio quoties de iuramento fit mentio, semper subiungitur post  
 præceptum de adoratione. Dominū Deum tuum (inquit) ado-  
 rabis, & illi soli seruiēs, ac per nomen illius iurabis. Et iterum, *Deut. 10*  
 Dominum Deum tuum timebis, & illi soli seruiēs, ipsiq; adha-  
 rebis, iurabisq; in nomine illius. Ecce iuramentum bis conun-  
 ctum adorationi & seruituti Dei. Si ergo bonum est Deū ado-  
 rare, & illi seruire, bonum etiam erit per nomen illius iurare,  
 modo id debite & prout decet fiat. Rursum, iuramentum lice-  
 re Christiano, confirmatur plurimorum conciliorum defini-  
 tionibus. Concilium Ephesinum scribit Nestorio, vt recan- *Conciliū*  
 tet suas hæreses, & quia non fidebat concilium verbis Nesto- *Ephesinū.*  
 rij, exigit ab eo iuramentum per hæc verba : Sed consequens  
 est etiam iureiurando fateri te, quod anathematizes quidem  
 tua polluta & prophana dogmata, sentias autem & doceas quæ  
 nos vniuersi per orientem seu per occidentem episcopi & ma-  
 gistri præsulēque populorum credimus & docemus. Hæc con-  
 cilium Ephesinum. Et concilium Constantiense sessione octa *Conciliū*  
 uā damnauit 45. assertiones Ioannis Vuitcleff, inter quas *Constan-*  
 quadragesimotertio loco ponitur hæc de iuramento, quā ait : *tiense.*  
 iuramenta illicita sunt quæ fiunt ad roborandum humanos

contractus, & commercia ciuilia. Quæ sententia simul cum alijs eiusdem vnâ super omnes dicta censura damnata est. Et idem concilium Constantiense sessione vicesima decernit vt ad confirmationem pacti initi inter regem Romanorum & regem Aragonum pro schismate tollendo, iuramentum ab omnibus peteretur, & omnes postmodum in concilio existentes à maximo vsque ad minimū iurarunt. Sed superest, vt obiectioni aduersariorum respondeamus. Sic enim obiiciūt. Dominus apud

*Mat. 5*

Matthæum prohibet iuramentum, dicens, Ego autem dico vobis non iurare omnino: neque per cælum, quia thronus Dei est: neque per terram, quia scabellum est pedum eius: neque per Hierosolymam, quia ciuitas est magni regis: neque per caput tuum iuraueris, quia non potes vnum capillum album facere aut nigrum. Sic autem sermo vester, est est, non non: quod

*Iac. 5*

autem abundantius his est, à malo est. Et beatus Iacobus ait, Ante omnia autem fratres mei, nolite iurare, neq; per cælum, neque per terram, neque aliud quodcunque iuramentum. Sic autem sermo vester, est est, non non, vt non sub iudicio decideris. Huic obiectioni multipliciter respondemus. Primò in illis verbis Saluator non prohibuit iurare per Deum. & hoc annotauit Hieronymus in illo loco. Quòd autem dicit omnino non esse iurandum, non est omnis iuramenti prohibitio, quia illa verba referuntur ad sequentia, ita vt omnino non sit iurandum per cælum aut terram, ita videlicet vt cum iurandum sit, nunquam tamen iuretur per cælum & terram. Causa autem huius prohibitionis fuit, ne per illa elemēta iurantes homines, illa tanquam numina quædam venerarentur: quoniam illud per quod quis iurat, aut nimium diligit, aut veneratur. Ne igitur illa venerarentur, aut plus debito diligerent, prohibet ne vnquam per illa iuretur. Et hoc etiam fatentur Hieronymus, & Theophylactus in illo loco, quorum autoritate se tuentur hi qui partem oppositam docent. Et cum hoc illi fateantur, miror quid pottea coegerit eos, vt censeant iuramentum esse prorsus interdictum. Sic enim Theophylactus ait: Igitur Dominus prohibens eos, non dicit, quia pulchrum & magnum est cælum, & terra utilis est, ideo per ea nō iurare: sed quia cælum thronus est Dei, terra autem scabellum pedum eius, vt ne sit locus idololatriæ. Fortè enim in Deorum numerum relata fuissent elemēta à iurantibus per ea, id quod antea factum est. Hæc Theophylactus. Et eandem sententiam docet Hieronymus.

nymus. Verum his obiiciet quispiam vltima illa Christi verba, Sit sermo vester, est est, non non: quod autem abundantius his est, à malo est. Fatemur quidem a malo esse iuramentum, nō autē malum esse. Neq; Christus dixit malum esse, sed à malo esse: à malo inquā illius cui iuratur, & propter quē iuratur. Malitia enim illius cui iuratur, est in causā vt alius iuret. Nā si audiens pręstiuisset fidem verbis loquentis, non esset opus vt loquens sua verba iuramento firmaret. A malo ergo illius cui iuratur, prouenit vt aliquid abundantius dicatur quam est est: non non. Et hanc expositionem prębet Augustinus illi loco euangelij in libro de mendacio, cap. 20. Aliter etiam potest responderi, Christum illis verbis non prohibere absolute iuramentum, sed iurandi facilitatem, ne ex facilitate ad consuetudinem, & ex consuetudine in periurium veniretur. Vnde *Eccle. 23* Ecclesiasticus ait, Iurationi ne assuescat os tuum. Et iterum, *Ibidem* Sicut autem seruus flagellatus assidue à liuore non minuitur, sic omnis iurans ac negocians à peccato non purgabitur. Hanc expositionem etiam prębet Augustinus loco proxime citato. Hanc & superiorem expositionem reddit vno contextu beatus Chromatius papa in quodam libello insigni quem fecit super quintum & sextum caput Matthæi. Verba illius ita habent, Primum enim voluit a nobis & vsum iurationis, & consuetudinem humani erroris auferre, ne vnusquisque nostrum per hæc elementa iurando, aut creaturam in honore diuinę venerationis haberet, aut idcirco impunitatem periurij habere se crederet, si per mundi elementa iuraret, cum scriptum sit, Nec iurauit proximo suo in dolum. Hæc Chromatius. Et parum infra exponens reliqua, dicit per illa verba, Quod autem abundantius his est, debere intelligi mendaciura, & illud dicit esse abundantius quàm est est, non non, id est quam veritas, & illud dicit esse à Malo, id est à dæmonæ, qui mendax est, & pater mendacij. Ex quibus verbis patet iuxta Chromatium. Christum per illa verba solum prohibuisse periurium, & vsum iurandi. Potest etiam dici illam Christi prohibitionem nō esse numerandam inter præcepta, sed inter consilia, & illam ad solos perfectos pertinere. Quod ex eo colligi potest, quod in illo loco Christus perfectum christianismum depingēs, multa ibidem recenset quæ nemo sanæ mentis dubitat esse consilia, non præcepta, quale est illud quod continuo adiungit, Ego autem dico vobis, non resistere malo. Et hoc modo illum locum



euangelij interpretantur recentiores theologi, quos scholasticos vocant. Verum non hi soli, ut aliqui putant. Nam beatus Bernardus sermone sexagesimo quinto, super Cantica, inuehens contra quosdam haereticos dicentes non esse licitum iuramentum, esse tamen illis licitum peierare, ne secreta suae sectae ab aliis scirentur, sic ait: Patet vos & superstitiosè obseruare de iuramento, & flagitiosè praesumere de periurio. O peruersitatem. Quod ad cautelam consultum est, videlicet non iurare, hoc isti mandati vice tam contentiosè obseruant: & quod immobili iure sancitum est, non peierandum, scilicet, hoc tanquam indifferens pro voluntate dispensant. Hec Bernardus. Hunc autem non possunt dicere scholasticum. Christianus Druthmarus in expositione super Matthaeum, idem sentit. Sic enim ait: Ne Iudaei per idolorum nomina iurarent, permisit eis Dominus iurare per nomen suum. Nec nobis etiam inhiuit, sed perfectionem nos docuit, quod ea fides sit habenda inter Christianos, ut non sit necesse testem nomen Domini interponere. Periurium & illis & nobis prohibitum est. Hec Christianus Druthmarus: quem non possunt etiam dicere scholasticum, cum nihil minus sit: neque trecentenarium (ut Lutherus & eius sequaces facere solent) quoniam ante septingentos annos fuit, si Ioanni Tritemio credere volumus. Et Beda exponens illud Iacobi, Ante omnia fratres mei nolite iurare &c. dicit ibidem prohiberi consuetudinem iurandi, ne ex ea deueniatur in periurium. Sic enim ait: Ideo (inquit Iacobus) vos à iurationis culpa compesco, ne frequenter vera iurando, aliquando etiam in periurium decidatis, sed eò longius à peierandi vitio steteris, quo nec verum deierare nisi proxima necessitate velitis. Hec Beda. Et Rupertus Tuitiensis vir doctrina & sanctitate illustris, libro quinto, de glorificatione hominis Christi, distinguit illum Matthaei locum de iuramento, hoc pacto, dicens quod non iurare omnino, sit consilium: non iurare autem per caelum & terram &c. sit praeceptum, ita ut si iurandum sit ex necessitate aliqua, tunc iuret per Deum, & non per aliquam aliam rem. Ecce ergo euangelij locum sufficienter discussum, quem ostendimus nostrae sententiae minimè repugnare. Verum hic fortè obicient nobis Hieronymum & Theophylactum, qui sentire videntur non licere christiano viro iurare. Nos autem obicimus contra, Au-

gustinum, Chromatium, Christianum Druthmarum, Bernardum, Bedam, Rupertum. Parum dixi, imò totius ecclesiæ definitionem, cuius autoritas tanta est, ut mille præstet Hieronimis & Theophylactis, etiam si hi clarissimi viri fuerint, sanctitate perinde ac doctrina illustres.

Alia est hæresis, quæ cum præfata velut ex diametro pugnat. Nam hæc sic admittit iuramentum, ut etiam periurium licere dicat. Hunc errorem tribuit Prisciliano beatus Augustinus in libro de hæresibus. Priscillianitæ enim (ut ibidem refert Augustinus) docebant discipulos suos, ut iuramento interrogati & requisiti nihil unquam revelarent de illorum doctrina. & ad illius doctrinæ occultationem dicebant esse licitum periurium: quapropter hanc semper in ore versabant sententiam, Iura, periura, secretum prodere noli. Hunc eundem errorem tenuerunt quidam hæretici tempore beati Bernardi, de quibus ille mentionem facit sermone sexagesimo quinto & sexagesimo sexto, super Cantica, & dicit illos vocari Apostolicos, quia videlicet iactabant se esse successores Apostolorum. Eundem errorem (ut catalogus hæreticorum refert) tutati sunt impij Flagellantes. Hic error manifestè conuincitur per id quod Dominus in Leuitico ait: Non periurabis in nomine meo, nec pollues nomen Dei tui. Qui enim peierat, nomen Dei polluit, quia Deum affert in testem mendacij. Quid autem magis pollutum aut turpe esse potest, quam mendacio fauere? Præterea, Sapiens recensens peccata hominum potissimum gentilium, inter illa etiam ponit periurium, dicens, Omnia commixta sunt, sanguis, homicidiū, furtum, & fictio, corruptio, & infidelitas, turbatio, & periurium, &c. Et beatus Paulus dicens iusto non esse legem impositam, sed impijs & peccatoribus, & sceleratis, postea subdit, & mendacibus & periuris. Ex quo apertissimè colligitur periurium esse lege diuina prohibitum. Deinde causa ipsa propter quam dicunt licere periurium, pessima est. Dicunt enim ideo esse licitum peierare, ut videlicet non reueletur alijs eorum doctrina. Tunc percontari illos oportet, an doctrina sua sit euangelio conformis, an illi contraria? Si est euangelio contraria, non sunt ergo veri Christiani, qui illam docent. Si est euangelio conformis, cur ergo illam occultant? Cur apud seipsos solos illā recondunt? Christus nanq; ait, Quod dico in tenebris, dicite in lumine: & quod in

Priscillianis.

Apostolici

Flagellantes.

Leu. 19

Sap. 14

1. Tim. 1

Matt. 10

aure

aure audistis, prædicate super recta. Et cum euangelij prædicationem discipulis suis commendat, ait: Euntes in mundum vni  
*Marc. ult.* uersum prædicate euangelium omni creaturæ. non solis Priscillianistis, aut solis Apostolicis, aut solis sese Flagellantibus, sed omni creaturæ. Non enim vult suam legem solis Iudæis reuelari, vt in sola Iudæa sit notus: sed vult esse notus toti mundo. ideo vult suum euangelium esse omnibus apertum, quia vult  
*2. Cor. 4* omnes nos in agnitionem veritatis peruenire. Ideo Apostolus ait: Si opertum est euangelium meum, in his qui pereunt, est opertum. Pereunt ergo Priscillianistæ & Apostolici, qui euangelium occultare volunt. Et alibi idem Apostolus ait: Corde  
*Ro. 10* creditur ad iustitiam, ore autem confessio fit ad salutem. Vt autem quisque salutem animæ suæ acquirat, oportet eum ita ore confiteri, quemadmodum credit corde. Aduersus tam apertam hæresim non est opus plura afferre.

## IVSTVS.

**B**Eatus Augustinus in lib. de hæresibus cap. 82. asserit Iouinianum sensisse, eum qui semel per lauacrum regenerationis fuerit iustificatus, non posse amplius peccare. Et beatus Hieronymus libro secundo aduersus Iouinianum hoc idem illi impingit. Hunc eundem errorem docuisse Pelagium testatur etiã Augustinus in eodem libro de hæresibus cap. 87. Aduersus hunc errorem iam supra in titulo de gratia, hæresi. 2. disputauimus, quapropter non est opus de hac re amplius disserere.

Alius est error Lutheri, dicentis iustum in omni bono opere peccare. Verum de hoc errore infra in titulo de operibus, & in titulo de peccato longius disseremus. Ad illum ergo locum mittimus lectorem.

Finis libri Octau.

F. ALFONSI DE CASTRO ADVERSUS  
 hæreses, Liber Nonus.

## LABOR.



Vere olim in Syria monachi dicentes nullum manuum laborem esse monachis licitum etiam sustentandæ vitæ causâ. In hoc enim se esse monachos profitebantur, vt ab omni labore manus vacantes, orationi semper insisterent. Huius hæresis auctores vocantur lingua Syria  
 Psall

*Pfalliani*: sic enim eos nominat Augustinus in libro de hæresi-  
 bus cap. 57. Verum historia tripartita lib. 7. cap. 11. de istis hæ-  
 reticis differens, eos appellat Messalianos, & dicit eos vocari  
 græcè *ὀψύτας*, hoc est orantes, eò q̃ semper orandum esse di-  
 cebant. Vocantur etiam ibidem *ἱεροεικέλαι*, id est sacrifican-  
 tes. Eundem errorem tutati sunt alij monachi parum postea  
 in Africa, præsertim apud Carthaginem, vt patet ex Augusti-  
 no in lib. de opere monachorum. Nā in principio illius operis  
 testatur se illum librum scribere ad instantiam Aurelij tunc  
 Carthaginensis episcopi pro expugnatione huius erroris, qui  
 tunc in Carthagine oriebatur. Hūc errorem iam diu sepultum  
 ab inferis suscitauit Valdenses, dicentes virum perfectum nō  
 debere manibus laborare. Hoc enim Valdensibus impingit  
 Guido in sua summa de hæresibus. Verum Aeneas Siluius lib.  
 de origine Bohemorum cap. 35. Valdensium errores recensens,  
 huius erroris non meminit. Hic error apertè conuincitur ex eò  
 q̃ Paulus Apostolus qui meritò inter perfectos numerari de-  
 bet, propriis manibus laborauit. Nam quauis posset nō labo-  
 rare, & sine labore viuere de euangelio, quoniam ij quibus præ-  
 dicabat, tenebantur eum alere, ipse tamen vt illos quibus euan-  
 gelium prædicabat, non grauaret, voluit propriis manibus la-  
 borare, vt ex suo labore victū acquireret. Sic enim ipse in prio-  
 re epistola ad Corinth. ait: Nescitis quoniā qui in sacrario ope-  
 rantur, quæ de sacrario sunt edunt? Et qui altario deseruiunt,  
 cum altario participant? Ita & dominus ordinauit his qui euan-  
 gelium annunciant, de euangelio viuere. Ego autem nullo ho-  
 rum vsus sum. Si Paulus, qui poterat de euangelio viuere, labo-  
 rat, quanto magis monachi qui non prædicant, tenentur ma-  
 nibus laborare? Sed hos ipsos monachos ociosos apertè repræ-  
 hendit Paulus in secunda ad Thessalonicenses epistola dicens,  
 Ipsi enim scitis quemadmodum oporteat imitari nos, quoniā  
 non in quiete fuimus inter vos, neq; gratis panem manducaui-  
 mus ab aliquo, sed in labore & fatigatione, nocte & die operan-  
 tes, ne quem vestrum grauaremus: non quasi non haberemus  
 potestatem, sed vt nosmetipsos formā daremus vobis ad imi-  
 tandum nos. Nam & cum essemus apud vos, hoc denunciaba-  
 mus vobis, quoniā si quis non vult operari, nec manducet. Au-  
 diuimus enim quosdam ambulantes inter vos inordinatè, nihil  
 operantes, sed curiosè agētes. His autem qui eiusmodi sunt, de-  
 nunciamus, & obsecramus in domino Iesu Christo, vt cum si-  
 lentio

*Valdēs.*

*1. Cor. 9*

*2. The. 3*



lentio operantes suum panem manducant. Et in epistola ad  
*Ephes. 4* Ephesios iterum ait: Qui furabatur, iam non furetur, magis au-  
 tem laboret operando manibus suis quod bonum est, ut habeat  
*Act. 20* unde tribuat necessitatem patiēti. Et in Actibus Apostolorum  
 cum à Mileto mittens Ephesum, vocasset inde presbyteros ec-  
 clesiae, ait illis, Argentum & aurum aut vestem nullius concu-  
 piui, sicut ipsi scitis, quoniam ea quae mihi opuserant, & his qui  
 mecum sunt, ministraverunt manus istae. Omnia ostēdi vobis:  
 quoniam sic laborantes oportet suscipere infirmos, ac memi-  
 nisse verbi domini Iesu, quoniam ipse dixit, Beatius est magis  
 dare quā accipere. Ecce Apostolum Paulum propriis mani-  
 bus laborantem, qui alios ut etiam manibus laborent, saepissi-  
 me hortatus est. Præterea omnes sancti viri qui modum aliquē  
 viuendi in monasterio instituerunt, monachis suis præceperūt,  
 ut manibus laborantes, ocium animæ inimicum vitaret. Nam  
 de monachis Aegyptiis loquens beatus Hieronymus in epi-  
 stola ad Rusticum monachum ita ait: Aegyptiorum monaste-  
 ria hunc habent morem, ut nullum absque labore & opere sus-  
 cipiant, non tam propter victus necessaria, quā propter ani-  
 mæ salutē, ne vagentur perniciosis cogitationibus, & instar for-  
 nicantis Hierusalē omnī transeunti diuicet pedes suos. Hæc  
 Hieronymus. Hoc ipsum beatus Basilus docet monachos, qui  
 in regula monachorū capite sexagesimo septimo inducit mo-  
 nachos talem proponentes illi quæstionem, sic dicens, Si ergo  
*Ioan. 6* neque solitudinem habere oportet de necessariis vībus ad  
 vitam, & aliud præceptum est domini dicentis, Operamini nō  
 cibum qui perit: nōne superfluum est manibus operari? Cui  
 quæstioni respondens Basilus ait: Ipse dominus in euangelio  
*Mat. 6* præceptum suum explicauit. Nam ibi ipse qui dixit non ope-  
 rari cibum qui perit, addidit, sed cum qui permanet in vitam  
*Ioan. 4* æternam. Et hoc quid esset, ostendit in alio loco dicens, Meus  
 cibus est ut faciam voluntatem eius qui misit me patris. Volun-  
 tas autem patris est esurientibus cibum dare, sitiētibus potum,  
 nudos cooperire, &c. huiuscemodi. Tum deinde necessarium  
*Act. 20* est & Apostolum imitari dicentem: Omnia ostēdi vobis, quia  
*Eph. 4* laborantes oportet suscipere infirmos. Et cum iterum docet,  
 Magis

Magis autem laboret vnusquisque manibus suis, operans quod bonum est, vt possit impartiri necessitatem patientibus. Cum verò hæc ita nobis vel in euangelio dominus, vel Apostolus tradat, manifestum est quidem, quòd pro nobis ipsis quidem solliciti esse non debemus, neque laborare: propter mandatum autem Domini, & propter necessitatem proximorum solliciti esse debemus, & operari attentius, & maximè quia dominus in seipsum recipit ea quæ in seruos eius fecerimus, & regnum cælorum pro huiusmodi promittit obsequiis. Hucusque Basilius. Ex cuius verbis constat illum hoc iniungere monachis, vt laborent non tam propter sui victus necessitatem, quàm vt mandata Dei possint laborando implere, & de labore suo proximorum necessitati subuenire. Beatus Benedictus in regula sua ait: Ociositas inimica est animæ, & ideo certis temporibus occupari debent fratres in labore manuum, certis iterum horis in lectione diuina. Ideoque hac dispositione credimus vtraque tempora ordinari, id est vt à Pascha vsque ad calendas Octobris manè exeuntes à prima vsque ad horam penè quartam laborent quod necessarium fuerit, ab hora autem quarta vsque ad horam sextam quasi lectioni vacent. Et aliquibus interiectis subdit, Si autè necessitas loci aut paupertas exegerit vt ad fruges legendas per se occupentur, non contristentur, quia tunc verè hi monachi sunt, si labore manuum suarum viuant, sicut & patres nostri, & Apostoli. Omnia tamen mensuratè fiant propter pusillanimes. Hæc beatus Benedictus monachis suis in regula præcipit. Similiter etiam Seraphicus pater sanctus Franciscus Minorum fratrum institutor, in regula sua capite sexro: Fratres quibus gratiam dedit dominus laborandi, laborent fideliter & deuote, ita vt excluso ocio animæ inimico, sanctæ orationis & deuotionis spiritum non extinguant, cui debet cætera temporalia deferuire. De mercede verò laboris pro se & suis fratribus corporis necessaria recipiant præter denarios vel pecuniam, & hoc humiliter, sicut decet seruos Dei, & paupertatis sanctissimæ sectatores. Hæc in regula sua sanctus Franciscus. Et in testamento suo iterum ait: Et ego manibus meis laboraui, & volo laborare, & omnes alij fratres firmiter volo quòd laborent de laboritio quòd pertinet ad honestatem. Et qui nesciunt, addiscant, non propter cupiditatem lucri, sed propter bonum exemplum, & ad repellendam ociositatem. Hæc sanctus Franciscus in testamento suo, Demum  
concil

*Cōcilium Carthagi-  
nense.* concilium Carthaginense quartum perspicient quā no-  
 xium sit corporis ocium omnibus clericis, præcipit vt ma-  
 nibus suis laborent. Nam quinquagesimo secundo capite suo-  
 rum decretorum præfatum concilium tale statuit decretum di-  
 cens, Clericus victum & vestitum sibi vel artificiolō vel agricul-  
 tura absque officij sui duntaxat detrimento præparet. Et capite  
 sequenti iterum ait, Omnes clerici qui ad operandum validi  
 sunt, & artificiola & literas discant. Hæc concilium Carthagi-  
 nense quar-um. Cuius definitioni expedit credere magis quam  
 ociosis Messalianis, aut idiotis Valdensibus. Sed iam opus est vt  
 videamus quo argumento suam tuteantur hæresim Messaliani.  
 Primò enim pro se citant illud quod Saluator noster apud Io-  
 annem ait, Operamini non cibum qui perit, sed qui permanet  
 in vitam æternam. Secundò obiciunt quòd Dominus Martha  
*Ian. 9* de hoc labore reprehēderit dicens, Martha sollicita es & turba-  
 ris erga plurima. Et apud Matthæum eandem sollicitudinem  
 omnibus inhibuit cū ait, Nolite ergo solliciti esse dicentes:  
 quid manducabimus, aut quid bibemus, aut quo operiemur? Et  
 iterum, Nolite ergo solliciti esse in crastinum. Crastinus enim  
*Luc. 10* dies sollicitus erit sibi ipsi. Et certè hæc sacræ scripturæ loca non  
 ita sunt intelligenda vt Messaliani putant, credentes Christum  
*Matth. 6* per illa verba omnem prohibuisse laborem. Qualiter autem  
 sint interpretanda, beatus Basilii docet in illis verbis quæ su-  
 præ ex illo citauimus. Verū clarius eorum intellectum aduer-  
 sus Messalianos pandit Theophyla. qui in expositione super  
 euangeliū Ioan. exponens illa verba quæ nūc proximè ex Ioā.  
 citauimus, ita ait: Nā quia multi sunt cupiētes ignaui viuere, &  
 maximè Messaliani, qui vsi sunt hoc dicto ad patrociniū suæ  
 ignauitæ, operæ preciū fuerit declarare hoc dictum: Non enim  
 hoc dixit dominus noster Iesus Christus vt corporale quidē o-  
 perationē ab eis velit amouere, & ipsos ad ociū cogere. Omnē  
*Eccle. 33* enim malitiam docuit ociositas: & si oportet eui denter dicere,  
 ipsum ociosè viuere, cibus est qui perit: & ita eum qui Christū  
 sequitur, oportet operari, vt habeat quod & aliis communicet.  
 hoc enim habet mercedem & promissionē futuri regni. Et pau-  
 cis interiectis respondet ad alia duo quæ ex Matthæo & Lu-  
 ca pro Messalianis citauimus testimonia, dicens, Dictum ad  
 Martham, non de opere est & operatione vel ocio, sed de tem-  
 poris obseruatione, & ne tempus audiendi insumatur in occu-  
 pationes parandorum ciborum. Persuadet igitur ei, ne perdat  
 tempus

tempus doctrinę frustra propter occupationem in his quę sunt ventris. Quod autem dicit, ne solliciti sitis, neque hoc dicto operationem reiecit. Aliud enim sollicitudo est, & aliud operatio. Fieri enim potest vt sollicitus non sit qui operatur. Docet igitur nos Dominus ne addicti simus curis vitę, neq; habeamus curam quomodo cras refocillemur, & vult, vt vnoquoque die operemur, dicens: Ne solliciti sitis de crastino. quasi in huc modum diceret, Ne solliciti sitis quomodo hodie operādo cras quiescatis, sed quotidie cibum quotidiana operatione parantes, ne solliciti sitis de crastino. Hucusq; Theophylactus. Ex cuius interpretatione cōstat Messalianos suo ipsorum gladio interimi. Nam ex eodem dicto Matthęi quod illi pro se citarunt, eorundem ignauia redarguitur. Aduersus hanc hęresim scripsit beatus Aug. librum vnum cui titulus est, De opere monachorum. Et Ioannes Cassianus lib. 10. de institutis cōnobiorum, a capite septimo vsque ad finem libri nihil aliud agit quam ostendere necessariū esse monacho, vt aliquid manibus suis operetur, vt per operationem amputentur vitia quę gignit ociositas.

Secunda hęresis est quę cum hac proximē enarrata velut ex diametro pugnat, asserens omnes monachos absq; vlllo discrimine teneri ad laborem manuum, vt ex illo sibi victum acquirant: nec posse illos alio modo sibi victum parare, quā per laborem manuum. Huius hęresis primus author fuit quidam Vuillelmus de sancto Amore, acerbissimus hostis monachorū mendicantium. hic dixit omnes monachos qui non habebant proprium communitatis vnde viuerent, debere laborare manibus suis, vt inde victum sibi acquirant. Vuillelmus de s. Amore.

Hanc & alias hęreses docuit sub Alexandro papa huius nominis. 4. a quo etiam dānatus fuit, per bullam quę incipit, Romanus pontifex. Post istū successit Ioannes Vuitcleff, qui Hiericho destructam, fortiorem reedificare cupiebat. Hic enim non solum de mendicantibus monachis, sed de omnibus aliis sine vlllo discrimine locutus est, dicens omnes monachos debere per laborem manuum victum & vestitum sibi parare. Lutherus autem & sui complices modestius hunc docent errorē, quoniam eos qui prędicationi verbi Dei student, nolunt arctari ad laborem manuum: reliquos autem omnes cogunt vt artificiolō aliquo victum sibi acquirāt: neque vlllo pacto ex mendicitate viuere apud Lutheranos licet. Et certē si de labore manuum monachis iniungēdo cum debita discretionē loqueren-

*Lutherus.*



tur, non hic eos vocaremus in contentionem, quinimo cōueniret inter nos de hac re, quoniam vt in proximè præfata hæresi docuimus, summè necessaria est monachis laboriosa aliqua operatio. Verùm cum dicant omnes sine discrimine debere laborare, ideo eos nunc meritò de hæresi notauimus: quoniam ex Christi & apostolorum doctrina cōvincemus esse plures monachorum conditiones qui ad hunc laborem non tenentur: sed beati tales monachi esse possunt etiam si non manducauerint de labore manuum suarum. Quis erit adeò crudelis in proximū, vt eum qui infirmatur, & morbo laborat, cogere velit ad laborem? Nullus certè, nisi talis sit qui nolit aliis facere quæ sibi vellet fieri. Sufficit enim, inquit Saluator, diei malitia sua. Sufficit enim morbus ipse, nec iustum est vt supra morbum quem patitur, aliud illi superponatur onus, quod cum ferre non possit, necesse sit aut ipsum reiiciat, aut suscipiens confringatur. Neque tamen hic dicimus infirmos eos solum, qui tunc morbo premuntur, sed etiam eos qui etsi bene valeant aliquando, tamen sæpe post aliqua interualla reciduant, quos medici valetudinarios appellant. nam de talibus erat Timotheus, qui infirmitatem stomachi & alias frequentes infirmitates patiebatur. Sic enim illi scribens Paulus ait, Noli adhuc aquā bibere, sed modico vino vttere propter stomachum tuum, & frequentes infirmitates tuas. Frequentes dixit, non continuas. Nam si continua infirmitate laborasset, Paulus qui tanta charitate ardebat, vt quocunque alio infirmante ipse infirmaretur, non iniunxisset illi prædicationis laborem, curam animarum, ministerium viduarum, quæ omnia mediocrem saltem hominis valetudinem exigunt. Timotheum ergo, quia sic infirmabatur, & manibus laborare non poterat: sic illum exhortatur, monet & consolatur. Labora, inquit, sicut bonus miles Christi Iesu. Et ne crederet quod per negotiationes alias ad modum mercatorum posset sibi victum acquirere, addidit. Nemo militans Deo, implicat se negociis secularibus, vt ei placeat cui se probauit. Nam qui in agone cōtendit, non coronatur nisi legitimè certauerit. Verùm quia poterat Timotheus obiiicere infirmitatem suam propter quam ineptus erat labori, statim Paulus subiunxit, Labor autem agricolam oportet primum de fructibus accipere. Quibus verbis non illi laborem manuum, vt aliis facere solebat, suadet: sed modum illi ostendit qualiter absque labore manuum de Euangelio viuere posset. Et cum Mileti esset Paulus,

omnes

Mat. 6

Timo. 5

1. Timo. 2

Ibidem.

omnes presbyteros quos ad eum locum ex Epheso asciuerat, docuit ut infirmi aletentur ex aliorum labore. Omnia, inquit, ostendi vobis, quoniam sic laborantes oportet suscipere infirmos. Ecce Paulum docentem ut per laborem eorum qui bene valent, alantur infirmi. Vnde Prosper in lib. de vita contemplatiua cap. 11. sic ait, Ipsi quoque pauperes si se possint suis artificibus aut laboribus expedire, non presumant quod debilis aut infirmus debet accipere: ne forte ecclesia, quæ potest omni solatio destitutis necessaria ministrare, si omnes etiam nihil indigentes accipiant, grauata, illis quibus debet subuenire non valeat. Hæc Prosper. Patet iam non esse iustum ut infirmi cogantur ad laborem, quem tolerare non possunt: Simile quid sentit Beatus August. de diuitibus qui molliter & dedicate in seculo educati, omnibus spreto monasterium intrauerunt, ea quæ habebant, pauperibus Christi distribuentes. Nam hos, eo quod mollius nutriti, & laboribus minimè assueti, laborem ferre non possunt. B. August. sentit non ad laborem cogendos. Sic enim in lib. de opere monachorum cap. 25. ait, Quamobrem etiam illi qui relictæ vel distributæ siue amplæ siue qualicunque opulenta facultate, inter pauperes Christi pia & salubri humilitate numerari voluerunt, si corpore ita valent, & ab ecclesiasticis occupationibus vacant, quanquam eistam magnum animi sui documentum afferentibus, & eiusdem societatis indigentia de his rebus quas habebant, vel plurimum vel non parum conferentibus, vicem sustentandæ vitæ eorum res ipsa communis & fraterna charitas debeat: tamen si & ipsi aliquid manibus operentur, ut pigris ex vita humiliore & ob hoc exercitatio venientibus auferant excusationem: multo misericordius agunt, quàm cum omnia sua indigentibus diuiserunt. Quod quidem si nolunt, quis audeat cogere? Quibus tamen inuenienda sunt opera in monasterio, etiam si à corporali functione liberiora, sed vigilantia administratione curanda, ut nec ipsi panem suum, quoniam iam communis factus est, gratis manducet. Nec attendendum est in quibus monasteriis, vel in quo loco indigentibus fratribus quisque id quod habebat impederit. Omnium enim christianorum una respublica est. Hucusque Aug. Ex cuius verbis patet eos non esse in monasterio ad laborem cogendos qui cum monasterium intrauerunt, substantiam huius mundi habebant, quàm pauperibus distribuerunt. Et eandem sententiam prius ex Pauli sententia confirmarat, capite 16. sic dicens, Excepta ergo

hac potestate, quam verbi Dei prædicatores habere in eos quibus prædicant, sæpe testatur Paulus, etiā sanctis qui omnia sua vendita distribuebant, & Hierosolymis habitabant in sancta communione vitæ, nō dicentes aliquid propriū, quibus erant omnia cōmunia, & anima & cor vnum in Deū, ab ecclesiis gē-  
*Rom. 15* tium necessaria conferri præcipit & hortatur. Inde est & illud ad Rom. Nunc (inquit) pergam Hierusalē ministrare sanctis. Placuit enim Macedoniæ & Achaiæ cōmunionem aliquā facere in pauperes sanctorū qui sunt in Hierusalem. Hæc Augu. Alii sunt etiā qui non minore imò fortè meliore aut saltem nobiliore iustitia possunt absq; labore manuum suarum vitam suam transigere. Hi autē sunt prædicatores verbi Dei, & omnes doctores, qui verbo aut scripto alios docent legem Dei. Non enim interest qua via aliquis doceat, videlicet verbo, an scriptura: si tamen de lege Dei doceat. Hos omnes posse absque labore manū manducare, conuincitur ex hoc quòd potestatem habent à Domino accipiendi ea, quæ sunt ad vitam necessaria, ab  
*Mat. 10* illis quos docent. Nam cū Christus mitteret apostolos suos ad prædicandū, dixit illis, Nolite possidere aurum, neque argentū, neque pecuniā in zonis vestris, neque perā in via, neque duas tunicas, neque calceamenta, neque virgā. Dignus est enim operarius cibo suo. Propterea enim inhibuit illis hæc omnia, vt cū illis egerent, ab eis acciperent quibus verbū Dei prædicarent. Verū ne quis putet hanc potestatem solis apostolis fuisse collatam, audiat quid Lucas euangelista de aliis prædicatoribus dicat. Post hæc, inquit ille, designauit dominus & alios septuaginta duos, & misit illos binos ante faciem suam in omnem ciuitatem & locum quò erat ipse venturus: & dicebat illis, Messis quidem multa, operarii autē pauci. Rogate ergo dominum messis, vt mittat operarios in messē suam. Ite, ecce ego mitto vos sicut agnos inter lupos. Nolite portare sacculū, neq; peram, neque calceamenta, & neminē per viam salutaueritis. In quācunque domum intraueritis, primū dicite, Pax huic domui. Et si ibi fuerit filius pacis, requiescet super illum pax vestra. Sin autem, ad vos reuertetur. In eadē autem domo manete, edentes & bibentes quæ apud illos sunt. Dignus est enim operarius mercede sua. Ecce iam vides idem cōcessum esse septuaginta duobus discipulis, quod prius 12. apostolis fuerat cōcessum. Quod si dicat quis hanc potestatem solis pastoribus fuisse datam, & non aliis quibus prædicationis onus non est iniunctum, sed ipsi  
 se inge

se ingerunt ad prædicandum, facile hoc reiiciet quisquis bene  
 circumspexerit hanc potestatem viuendi ex euangelio, nō esse  
 fundatā in officio pastoris, sed in sola prædicatione verbi Dei,  
 neque ex aliqua alia re pendere, quā ex officio prædicationis.  
 Si ergo in ipsa prædicatione tantū laborat monachus non ha-  
 bens pastoris officium, sicut alius secularis pastor aut curatus,  
 cur non etiā habebit cibum suū aut mercedem suā sicut alius?  
 Dignus est enim (inquit Christus) operarius cibo suo. Et iterū, *Mat. 10*  
 Dignus est operarius mercede sua. Aduerte quod utrobique; di- *Luc. 10*  
 xit operarius, nō autem dixit prælatus, aut pastor, aut curatus,  
 aut præpositus: sed ut innueret mercedē esse debitam operi, &  
 non prælationi, dixit operarius. At cum monachus prædicat,  
 etiā est operarius sicut quiuvis alius: ergo etiā illi merces debe-  
 tur. Si enim qui ultro se offerunt, nō tantum laborāt ut alii, iu-  
 stum est ut etiā inæqualem mercedem habeāt. Quod si maior  
 est eorum in prædicatione labor, cur nō æqualem saltē merce-  
 dem habebunt? Iustus certe, quā isti hæretici optāt, fecit Moy-  
 ses, qui nō solum Beseleel & Ooliab viris doctis & à domino *Exo. 36*  
 electis ad faciendum opus sanctuarii, sed etiā aliis expertis viris  
 qui ad idē opus faciendum se ultro obtulerant, mercedem de-  
 dit. & illis sicut aliis distribuit donaria filiorum Israel. Verūm  
 isti hæretici tanquā Aegyptii vellent monachos Aegyptiaca  
 & Pharaonica seruitute premere, ut videlicet palea nō detur, &  
 eadē operis mensura exigatur. Volunt ut victus non detur præ-  
 dicantibus, & prædicationis labor ab illis exigatur. Paulus in  
 ea quæ est ad Rom. *epi. ait: Nam si spiritualium eorum parti-* *Ro. 15*  
*cipes facti sunt Gentiles, debent & in carnalibus ministrare eis.*  
 Et in priore *epi. ad Corint. iterū ait, Quis militat suis stipendiis* *1. Cor. 9*  
*vnquam? Quis plantat vineā, & de fructu eius non edit? Quis*  
*pascit gregē, & de lacte gregis nō manducat? Nunquid secun-*  
*dum hominem hæc dico? An & lex hæc nō dixit? Scriptum est* *Deu. 25*  
*enim in lege Moyli, Non alligabis os boui trituranti. Nūquid*  
*de bobus cura est Deo? An propter nos utique hæc dicit? Nam*  
*propter nos utique scripta sunt, quoniā debet in spe, qui arat,*  
*arare: & qui triturat, in spe fructus percipiendi. Si nos vobis spi-*  
*ritualia seminauimus, magnum est si nos carnalia vestra metā-*  
*mus? Hucusque ibi beatus Paulus. Vereantur iam isti monacho-*  
*rum hostes alligare ora illis triturantibus. An fortē monachus*  
*prædicans verbum Dei non plantat vineam cum prædicat?*  
*Nonne Paulus propter prædicationem dicebat, Ego plantaui?*



Nunquid nō monachus prædicans etiam pascit? Nōne etiam triturat? Si plantat, sinant illum de fructu vineæ comedere. Si pascit gregem, permittant ut de illius lacte manducet. Si triturat, nolint contra præceptum Dei os illius alligare. Et ad Timotheum scribens iterum ait: Laborantem agricolam oportet primum de fructibus accipere. Ecce iam vides prædicatores verbi Dei, ex diuina sententia esse liberos ab obligatione corporalis laboris. Hi autem sunt omnes, qui sunt ministerio diuino mancipati. Nam in priore epist. ad Corin. Paulus ait: Nescitis quouiam qui in sacrario operantur, quæ de sacrario sunt, edunt? Et qui altario deseruiunt, cū altario participāt? Ita & Dominus ordinauit his, qui euangelium annunciant, de euangelio viuere. Ecce vno orationis contextu Paulus asserit non solum euangelistas, sed omnes altario deseruientes habere hanc potestatem, ut beati esse possint, etiam si non manducauerint de labore manuum suarum. Ita enim sentit beatus Aug. qui lib. de opere monachorum cap. 21. de Messalianis monachis loquens, sic ait: Isti autem fratres nostri temerè sibi arrogant, quantum existimo, quod eiusmodi habeant potestatem. Si enim euangelistæ sunt, fateor habent: si ministri altaris, dispensatores sacramentorū, bene sibi istam non arrogant, sed planè vendicant potestatem. Hæc Aug. Quid ergo isti hæretici velut canes latrāt in monachos? Cur tam generali sententia omnibus monachis non laborantibus interdiciunt panem, quē Dominus sua benignitate indultit Euangelistis, & altari seruiētibus? Præter istos autē quos ostendimus esse ab operatione & labore manuum lege diuina exemptos, quicumq; alius monachus fuerit, tenetur laborare. Et si non laborauerint, certè nō puto licitū illis esse manducare. Non est enim monachatus institutus ut quis in eo ociosam vitam habeat, quam fortè non habuisset in seculo. Vnde beatus Aug. in lib. de opere monachorum cap. 25. sic ait: Illi autem qui præter istam sanctam societatem, vitam labore corporis transigebant, ex quorum numero plures ad monasteria veniunt, quia & in ipso humano genere plures sunt, si nolunt operari, non manducant. Neque enim in militia Christiana propterea ad pietatē diuites humiliātur, ut pauperes ad superbiam extollantur. Nullo modo enim decet, ut in ea vita ubi sunt sonatores laboriosi, ibi sint opifices ociosi: & quod veniunt relictis deliciis suis qui fuerant prædiorū domini, ibi sint rustici delicati. Hæc August. Demum hæc hæreticorū pestil

pestilens assertio totius ecclesie catholice definitione damnata est. Nam ex. 45. articulis Ioannis Vuitcleff damnatis in concilio Constantienti sessione octaua, vicesimus quartus sic ait: *Conciliū Constantiense.* Fratres tenentur per labores manuum victum acquirere, & nō tenses. per mendicitatem. De quo articulo talis ibidem profertur sententia: Prima pars est scandalosa, & præsumptuose asserta, pro quanto sic generaliter & indistincte loquitur. Et secunda errorum obiectionibus respondeamus. Primò enim obiiciunt q̃ Paulus laborauit: ergo cum monachi sint Apostolorum imitatores, tenentur etiam ipsi manibus laborare. Huic autem obiectioni respondemus fatentes Paulum laborasse manibus suis, nec tamen hoc ex necessitate aut obligatione fecit, sed ex perfectione & supererogatione. Nam etiam si non laborasset manibus suis, sed voluisset ex euangelio viuere, non peccasset, cum constet Petrum & alios apostolos absq; labore manuum de folo euangelio victum tibi parasse. Hoc autem ipsemet apostolus Paulus testatur, qui in priore ad Corinth. epist. sic ait: *1. Cor. 9* Mea defensio apud eos qui me interrogant, hæc est: Nunquid nō habemus potestatem manducandi & bibendi? Nunquid nō habemus potestatem sororem mulierculam circumducendi, sicut & ceteri Apostoli & fratres domini & Cephas? aut solus ego & Barnabas non habemus potestatem hoc operandi? Quis militat suis stipendiis vnquam? Et interiectis aliquibus argumētis, quibus probat se habuisse potestatem viuendi ex euangelio prout ceteri apostoli, subdit: Ego autem nullo horū vsus sum. Et in secunda ad Thessal. iterū ait: Ipsi enim scitis quem admodum oporteat imitari nos, quoniam non in quiete fuimus inter vos: neque gratis panem manducauimus ab aliquo: sed in labore & fatigatione, nocte & die operantes, ne quem vestrum grauaremus. Non quati non habuerimus potestatem, sed vt nosmetipsos formā daremus vobis ad imitandū nos. Ex quibus aperte conuincitur q̃ licet monachi sint imitatores Apostolorum, nō tamen oportet vt omnes sine discrimine laborent: quoniam hoc non omnes Apostoli fecerunt, sed Paulus, qui non ex necessitate, sed ex perfectione se fecisse testatur. Secundò obiiciunt nobis illud quod Paulus ad Thes. scribens ait: Nam cum essemus *2. Thes. 3* (inquit) apud vos, hoc denunciabamus vobis, quoniā si quis nō vult operari, nec manducet. Verū hæc obiectio nullū pro-

sus habet robur, si sequentia verba Apostoli adiungantur his, quæ dicta sunt, quoniam ex illis quæ Apostolus subiunxit, satis apertè ostenditur eum non generali sententia inhibere cibum cuicunq; non laboranti, sed solum ociosis qui nullam prorsus habent occupationem per quam digni sint qui panem manducant. Sic enim ait, Audiuimus enim quosdam ambulantes inter vos inordinatè, nihil operantes, sed curiosè agentes. His autem, qui eiusmodi sunt, denunciamus, & obsecramus in domino Iesu Christo, ut cum silentio operantes, suum panem manducant. Ecce quibus loquitur Paulus, nempe ambulantes inordinatè, nihil operantibus, sed curiosè agentibus, his inquã præcipit ut in silentio operantes, suum panem manducant, & si quis laborare noluerit, non manducet. At monachi prædicantes verbum Dei, & altario deseruientes, non nihil operantur: ergo manducare possunt. Quod si illa Pauli verba omnes monachos obligarent, eadem lege obligarent omnes Christianos: quoniam Apostolus Thessalonicensibus scribens, non solis monachis scripsit, nec ibi ullam de monachis fecit mentionem, sed sine discrimine omnibus scribit: nec tamen illa verba ad omnes diriguntur, sed ad eos solos qui ociosam vitam degunt, quos nos etiam fatemur indignos esse qui manducare debeant. Aduersus hunc errorem scripsit frater Thomas Valdè in suo 1. tomo doctrinalis fidei antiquæ libro quarto.

## L E X.

*Cerinthus*  
*Ebion.*  
*Nazarai.*

**D**E hac re fuit olim in ipsis ecclesiæ nascentis primordiis, quædam hæresis orta, asserens legem veterem iuxta omnia illius præcepta esse seruanda simul cum lege noua. Quis autè fuerit primus huius hæresis author, mihi non constat. Hoc tamen scio, ex testimonio Philastri, & Augustini in lib. de hæresibus, Cerinthum & Ebionem & Nazaræos hanc docuisse hæresim. Verùm nescio quis eorum fuerit vetustissimus, quoniam Nazaræorum initium non est apertum, cum nullus prodiderit quis fuerit illorum princeps. De Nazaræis hæreticis loquor, non autem de illis quorum meminit liber Numerorum. De Cerintho & Ebione constat vtrunq; eorum fuisse coæuum Ioanni euangelistæ. Nam beatus Hiero. in lib. illustrium virorum dicit beatum Ioannem rogatum ab Asiæ episcopis scripsisse euangelium contra Ebionis dogma asserentis Christum non fuisse ante Mariam, quapropter coactus fuit vtranq; Christi naturā, diuinā videlicet & humanam explicare. Irenæus verò

lib.

lib. 3. aduersus hæreses. cap. etiā 3. dicit quòd Ioan. Domini discipulus in Epheso iens lauare, cū vidisset intus Cerinthum, exilierit de balneo non lotus, dicens quòd timeret ne balneū consideret, cū intus esset Cerinthus inimicus veritatis. Itaque cū vterque horum fuerit Ioāni coæuus, nō patet facillè vter illorum fuerit vetustior, aut vter prior altero hanc hæresim docuerit, quāquam ego suspicor Cerinthū fuisse aliquanto vetustiorē Ebione, propterea quòd Irenæus lib. 1. aduersus hæreses qui ad suum vsque tempus ecclesiā vexarunt, prius de Cerintho disserit quā de Ebione. Nam de Ebione disserit cap. 26. & illi hanc quā in præsentiarum discutimus, impingit hæresim. At de Cerintho tractat cap. 25. nec tamē illi hanc hæresim tribuit. Sed nec Tertullianus de eodē Cerintho sermonē faciens in suo libello de hæresibus, huius erroris meminit etiā cū alios illius errores recenset. Philaster verò omnia illa tribuit Cerintho, quæ Irenæus ascribit Ebioni: dicitq; idem Philaster Ebionē fuisse discipulum Cerinthi. Sed in distribuēdis his hæresibus ita vt cuiunque hæretico quod suū est dogma tribuatur, multò libētius crediderim Irenæo quā Philastro, propterea quòd ille multò doctior atq; vetustior fuerit quā Philaster. Hanc hæresim tati sunt etiā Samsei & Elcesei, qui Ebionitarū dogma in vniuersum amplexati sunt. Quapropter Epiphanius hæreses recenset (teste Aug.) Samseos & Elceseos Ebionitis copular, tanquā vna sit eorū hæresis. Post istos autem nemo, quod sciam, hanc hæresim docuit, vsq; ad hunc diē in quo audio quosdā Germanos ex his qui Rheno adiacēt, post susceptū baptismum circuncisionem tolerasse, dicentes circuncisionē esse necessariā ad vitæ æternæ consecutionē. Hos tamen omnes redarguit Paulus scribens Galatis, qui eodē errore fuerant infecti, dicens, Prius autem quā veniret fides, sub lege custodiebamur, conclusi in eam fidē quæ reuelāda erat. Itaq; lex pedagogus noster fuit in Christo, vt ex fide iustificemur. At vbi venit fides, iam nō sumus sub pedagogo. Et iterū de duobus testamentis loquens sub figura duorum filiorū Abraham, ait: Sed quomodo tunc is, qui secundū carnē natus fuerat, persequabatur eum qui secundū spiritum, ita & nunc. Sed quid dicit scriptura? Enice ancillā & filiū eius. Non enim erit hæres filius ancillæ cū filio liberæ. Itaq; fratres nō sumus ancillæ filij, sed liberæ, qua libertate Christus nos liberauit. Ecce Paulus apertè testatur eiiciendā esse legē veterē, quæ tanquam ancilla fuit legis euāgelicæ. Et rursum in eadem

Samsei.  
Elcesei.

Gal. 3

Gal. 4



- Gala.* 5 epistola, Ecce ego Paulus dico vobis, quoniā si circūcidamini, Christus vobis nihil proderit. Testificor autē rursus omni homini circuncidenti se, quoniā debitor est vniuersæ legis faciendæ. Euacuati estis à Christo, qui in lege iustificamini, à graui excidistis. nos enim spiritu ex fide spem iustitiæ expectamus. Nam in Christo Iesu neque circuncitio aliquid valet, neq; preputium, sed fides quæ per charitatem operatur. Et in episto. ad *Hebr.* 7 de eadem re disputans ait: Si ergo consummatio per sacerdotium Leviticum erat (populus enim sub ipso legem accepit) quid adhuc necessarium fuit secundum ordinem Melchisedech alium surgere sacerdotem, & non secundum Aaron dicit? Translato enim sacerdotio, necesse est vt & legis translatio fiat. Et iterum: Reprobatio quidē sit præcedentis mādātī, propter infirmitatem eius & inutilitatem. Nihil enim ad perfectū adduxit lex: introductio verò melioris spei per quā proximamus ad Deū. Demū de hac re ab ipsis apostolis in vnu congregatis, in illo celeberrimo Hierosolymitano cōcilio data est definitio: quoniā, vt apostolica refert historia, quidā descendentes de Iudæa, docebant fratres, quia nisi circūcidimini secundū legem Moyse, non potestis saluari. Surrexerant enim quidā de hæresi Phariseorum, qui crediderūt, & dicebant oportere circūcidi, & seruare reliqua omnia quæ Moyses in lege præceperat. Ob quā doctrinā facta est nō modica seditio, resistentibus huic assertioni Paulo & Barnaba. Propter quod apostoli & seniores conuenerunt Hierosolymā, vt de hac re definirent. Habitāque matura, prout decebat, rei examinatione, procluserunt sententiā quam per epistolā suam miserunt his, qui erant Antiochiæ, in hunc modū, Visum est enim spiritui sancto & nobis, nihil vltiā imponere vobis oneris quā hæc necessaria, vt abstineatis vos ab immolatis simulacrorum, & sanguine, & suffocato, & fornicatione: à quibus custodiētes vos, bene agetis. Hæc conciliū Apostolorum. Quis erit ergo qui tam illustri concilij definitioni repugnare audeat? Nullus certē, nisi demens aut infidelis ille fuerit. Et certē si lege Euangelica data, oporteret adhuc seruare legem veterem, contra eandem legem visus fuisset facere Deus, qui talem in Levitico cōdidit legem: Sororem vxoris tuę in pellicatum eius non accipies, nec reuelabis turpitudinē eius adhuc illa viuentē. Quæ quidem rectē præcepta sunt, ne si forte aliquis simul vxori & sorori illius iungeretur, inter simul habitantes excitaretur zelus, ynde contentio rixaq; generata fuisset.

*Cōcilium  
Apostolorum.*

*Leu.* 18

set. Prius quidem synagogam sibi desponsauerat Deus: huius soror est ecclesia, quam etiam Deus sibi coniungere optabat. Verum ut nulla esset contentio inter eas occasio, noluit secundam superducere viuente prima. Oportuit ergo synagogam tunc sepeliri, quando Deus ecclesiam nouam sponsam sibi desponsauit, ne inter sorores simul habitantes æmulatio esset, sicut olim Lia zelabatur Rachel. Nam cum ab illa petiuisset Rachel, vt daret illi de mandragoris quas filius eius ex agro attulerat, respondit: Parumne tibi videtur quod præripueris maritum mihi? Quæ verba apertissima sunt indicia vrentis intrinsecus zeli. Hac enim de causa, vt testatur apostolus Paulus, eiecta est Agar ancilla cum filio suo, quia videlicet filius eius Ismael persequebatur Isaac filium vxoris Sarre, propter quod Sarra se despici querebatur ab ancilla. Verum posset fortè hæreticus in suæ hæresis defensionem nobis obicere illud quod in Exodo habetur, vbi post descriptionem vestis sacerdotalis, qua Aaron erat induendus, subdit Dominus per Moysen dicens, Legitimum sempiternum erit Aaron, & semini eius post eum. Et in Leuitico præcipiens modum hostiæ quæ debebat offerri pro peccato, dicit, Eritque vobis hoc legitimum sempiternum, vt oreis pro filiis Israel, & pro cunctis peccatis eorū semel in anno. Ex quibus duobus locis fortè hæreticus vellet colligere legem Moysei esse obseruandam in perpetuum. sed non ita res se habet: quoniam non ideo vocatur legitimum sempiternum, quia semper esset duraturum, sed quia ad vitam quodammodo disponebat æternam. vel aliter, & mea sententia melius, ideo dicitur sempiternum, quia erat figura testamenti æterni. Itaque dicitur sempiternum non in se, sed in eo cuius figuram gerebat. Et glossa interlinearis in Exodo sic exponit illam vocem sempiternum, quia, inquit, res significat æternas.

Secunda hæresis est primæ prorsus opposita, asserens legem veterem esse malam. Hanc hæresim multi scriptores tribuunt Manichæo, tanquam primo illius patrono: quia in re certissimè falluntur, quoniam etsi Manichæus fuerit illam tutatus, non tamen ille primus eam docuit. Nam ante illum plusquam per centum annos fuit Marcion ponticus, à quo Marcionitæ hæretici dicti sunt. Et hic docuit legem veterem esse malam, & à malo procedentem quemadmodum docuit postea Manichæus. Hic autem Marcion discipulus fuit cuiusdam alterius hæretici Cerdonis nomine, quem

Ge. 19

Gal. 4

Exod. 28

Leu. 16

Manichæus.

Marcion.

Cerdon.

Cerd

Cerdonem Marcion in hac dementia imitatus est. Primus ergo huius erroris author & princeps fuit hic Cerdon, quem Irenæus libro primo aduersus hæreses, testatur venisse Romam sub Iginio Papa & martyre. Augustinus in libro de hæresibus capite 18. dicit etiā Caianos hæreticos hanc docuisse hæresim. Hos tamen Caianos Irenæus lib. primo aduersus hæreses comprehendit sub Marcionitis, quoniā de Marcionis erroribus ibidem differens dicit eum coluisse Cain: reliquosque omnes errores tribuit Marcioni, quos Augustinus tribuit Caianis. Vnde suspicio mihi oritur Caianos hæreticos à Marcione processisse. At cum Marcion, ut diximus, à Cerdone fuerit edoctus, oportet ut huic Cerdoni præsentis hæresis principatum & magisterium tribuamus. Huius autem assertionis pestiferæ falsitas conuincitur ex Pauli testimonio in epistola ad Roma. dicentis, Quid ergo dicemus? Lex peccatum est? Absit: sed peccatum non cognoui nisi per legem. Cum multa Paulus de lege disseruisset, ex quibus aliquis fortè suspicari posset illum legem culpasse: ipsemet sibi obiicit quod vidit alium sibi obiecturum. Dixerat enim prius passiones peccatorum esse per legem. Dixerat etiam nos esse solutos à lege mortis in qua detinebamur. dixerat etiam legē subintrasse ut abundaret delictum. Quæ Pauli verba ansam suspicionis infirmis præbebant, Paulum in ea fuisse sententia, ut damnare voluerit legē. Ad hanc igitur suspicionem tollendam Paulus sibi ipsi obiicit quod infirmi obiicere sibi possent, dicens, Quid ergo dicemus? Lex peccatum est? Absit: sed peccatum non cognoui nisi per legem. Nam concupiscentiam nesciebam, nisi lex diceret, Non concupisces. Occasione autem accepta, peccatum per mandatum operatum est in me omnem concupiscentiā. Quibus verbis Apostolus docet legem non esse malam, sed bonam, quauis illa non fuerit sufficiens ad salutem sine gratia. Quapropter dicit legem non esse ad hoc datam, ut peccatum in homine efficeret, sed ut ostenderet & reuelaret hominibus illud quod eis ignotum erat, esset ne peccatum, an non. Multa enim erant quæ etsi peccata erant, nesciebantur tamen esse peccata. aut nesciebantur esse adeo graua, & tam atrociter punienda, nisi lex docuisset. Hoc ergo fecit lex ut doceret hominē quid esset peccatum. Ex his multis vnum producit Apostolus in exemplum. Nam concupiscentiam (inquit) nesciebam, nisi lex diceret, Nō concupisces. Hoc est, nesciebam concupiscentiam esse malum aliquod,

Caiani.

Ro. 7

Dent. 5

Ex. 20

aliquod, donec audiui eā prohiberi per legem. Verū ne suspi-  
 ceri huius mali causā esse legem, non dixit, Concupiscen-  
 tiam non habebam nisi per legem, sed ait: Concupiscentiā ne-  
 sciebam. Neque ait: Peccatum non feci nisi per legem, sed ait:  
 Peccatum non cognoui nisi per legem. vt clarè intelligas, legē  
 non ministrasse peccatum, sed peccati cognitionem. Est adhūc  
 aliud in lege, quod ea data statim vtimur & sollicitamur desi-  
 derio earum rerum quæ per legem prohibita sunt. Et hoc est  
 quod Apostolus postea subiungit dicens, Occasione autem ac-  
 cepta peccatum per mandatum operatum est in me omnem  
 concupiscentiam. Lex enim ad hoc data est, vt homo qui liber-  
 tate sua abutens, per vitia singula ruebat in præceps, frēno le-  
 gis cohiberetur, ne ita improuidus in præcipitia laberetur. At  
 quia talis est nostra carnalis natura, vt ardētius desideret pro-  
 hibita, quā si non prohiberentur: ideo dicit Paulus sumptam  
 esse occasionem peccati ex prohibitione legis. Nam ( vt quidā *Horatius.*  
 ait ) Nitimur in vetitum semper, cupimūque negata. Simili-  
 ter & diabolus videns legem esse homini datam in auxilium,  
 vt per eam tanquā per frēnum homines cohibeantur à pecca-  
 tis, tunc ille magis ad peccatum hominē sollicitat, & vehemen-  
 tius tentat, vt illi vertat legem in nocumentum, quæ fuerat da-  
 ta vt aliquod præstaret emolumentum. Vnde patet quomodo  
 occasione per mandatum accepta, fecit in nobis omnem con-  
 cupiscentiam. Minor enim concupiscentia erat, quando ante le-  
 gem securi peccabamus. Minor erat quando solam nostrā mo-  
 uebat libidinem. Omnis est quando cognita lege, illam trans-  
 gredi nec timemus nec veremur. Verū hoc malum non ex le-  
 ge, sed ex nostra prouenit malitia, quæ medicinam convertit in  
 venenum, quoniam cū ex lege proficere debuissimus, inde pe-  
 iores efficimur, appetētes quod lege prohibitum est. Lex enim  
 non cogit ad peccatum, sed nos ex ea peccandi occasionem ac-  
 cipimus, quanuis talem occasionem lex ipsa non det. Ideo Apo-  
 stolus non dixit: Occasione autem data, sed dixit: Occasione au-  
 tem accepta, peccatum per mandatum operatum est in me om-  
 nem concupiscentiam. Vt clarè intelligas à nostra proueni-  
 re malitia, & non ex lege, cum lege data contra eandem legem  
 facere desideramus. Hæc ergo & alia cum Paulus de lege do-  
 cuisset quibus ostendit legem non esse malam: postea subdit  
 laudes legis, dicens: Itaq; lex sancta quidem, & mandatum san- *Ro. 7*  
 ctum & iustum & bonum. In prioribus verbis Apostolus de-  
 fendit



fendit legem à crimine, in his verò debitis laudibus eam extol-  
lit. Crimen obiectum fuit per hæc verba: Quid ergo dicemus?  
Lex peccatum est? Defensio criminis fuit in hoc verbo, Absit.  
Nunc ergo Apostolus non fuit contentus eam à crimine defen-  
disse, nisi etiam illam laudaret: ideo subdit, Itaque lex sancta  
quidem, & mādatur sanctum & iustum & bonum. Per legem  
prohibitiones intelligit: per mandatū verò præcepta, & utrūq;  
1. Tim. 1. sanctum esse docet. Præterea, in priore ad Timotheum episto-  
la iterum ait: Scimus autem quia bona est lex, si quis ea legiti-  
mè utatur, sciens hoc quia lex iusto non est posita, sed iniustis  
& non subditis. Quod ait iusto non esse positam legem, idem  
est quod alibi dixerat, legem videlicet esse positam propter  
transgressores. Hoc autem sic accipiendū est, quia (vt diximus)  
lex data est tanquā frēnum quoddam ad cohibendum homi-  
nes à peccato. Cū ergo quis naturaliter ea quæ legis sunt fa-  
cit, & ipse sibi est lex, seipsum à peccato arcens, hic non habet  
opus lege, sed est tanquā equus bene domitus, & sessori obe-  
diens, qui vt bene dirigatur, nullo indiget frēno. Lex propter  
transgressores posita est, vt per illam à transgressionē arcean-  
tur. Qui autem seclusa lege paratus est facere quæ lex præce-  
ptura esset, hic non habet opus lege. Verū et si iustus illa non  
indigeat, sancta tamen est lex, per quam mali cohibentur à pec-  
catis, & vrgentur ad emendationem commissorum. Et hoc est  
quod ait Apostolus: Bona est lex, si quis ea legitimè utatur. Hoc  
est, si faciat prout intendit ipsa lex, id est si per illam perueniat  
ad gratiam iustificantem. Legitimè enim utitur lege, qui intel-  
ligens quare sit data, per eius comminationem confugit ad gra-  
tiam liberantem: & ideo bona est lex, quia plurimum prodest  
homini etiam malo, dum per eius comminationem perducit  
illum ad gratiam. Si autem quis lege cognita, contra legem fa-  
cit, iste malè utitur lege: & si lex sit bona in se, huic tamen non  
est bona: quia peccatum per bonum tali operatur mortem. Per  
mandatum enim grauius delinquit, qui per idem mandatum  
scit quā graue malum sit illud quod committit. Et hoc est  
Ro. 7. quod in epistola ad Romanos dixerat: Quod ergo bonum est,  
mihi factum est mors? Absit: sed peccatum vt appareat pecca-  
tum, per bonum mihi operatum est mortem, vt fiat supra mo-  
dum peccans, peccatum per mandatum. Ac si diceret, Manda-  
tum non mihi extitit causa mortis, sed ego mihi mortem intu-  
li, qui peccando commisi ea quæ digna sunt morte. Rursum in  
epistola

epistola ad Galatas Apostolus ait : Itaque lex pædagogus no- Gala. 3  
 ster fuit in Christo, vt ex fide iustificemur. Lex ergo ductrix no-  
 stra fuit. Nam idem est pædagogus græcè, quod puerorum du-  
 ctor latinè. Si ergo lex fuit noster pædagogus, videamus quò  
 nos ducit: & constat ex Pauli verbis, quòd lex duxit nos ad fidē  
 Christi, vt per illam iustificemur. Sic enim ait : Itaque lex pæ-  
 dagogus noster fuit in Christo, vt ex fide iustificemur. Si ergo  
 fides Christi est bona, non est possibile quin lex vetus quæ ad il-  
 lam duxit, fuerit bona. Non potest esse malus pædagogus qui  
 bene pueros instruit. Nec potest esse malus ductor, qui ad opta-  
 tum & præstitutum terminum perducit. Demum ipse veritatis  
 magister & Saluator noster legem verbo & opere commēdat.  
 Nam & eius præcepta seruauit circuncisus, in templo oblatu-  
 s, agnum paschalem cum discipulis comedens. Aliis etiam seru-  
 andam præcepit. Nam leproso mundato præcepit vt iuxta le-  
 gem Moyti ostenderet se sacerdoti. Et prædicans ipsemet sæ- Mat. 8  
 penumero testimonia ex lege & prophetis citauit. Quòd si ma-  
 la fuisset lex, non tantum honoris illi tribuisset Christus, vt il-  
 lius testimonio in prædicatione vteretur.

Tertia hæresis est quæ dicit omnem hominem in lege sua  
 bene viuētem posse saluari, siue Iudæus ille sit, siue Sarracenus,  
 siue Paganus. Huius hæresis patronum nullum hucusque inue-  
 ni, sed ex relatione aliorum scio illi nō defuisse tutorem. Nam  
 Ioānes de Turre cremata libro primo de summa Ecclesiæ cap.  
 21. dicit fuisse hereticos dicentes quemque hominem in sua le-  
 ge posse saluari, si illam bene seruauerit, non tamē aperuit quis  
 fuerit primus illius hæresis autor, aut quis vnquam fuerit illius  
 patronus. Hæc hæresis aperte conuincitur per id quod ait Pau-  
 lus in ea quæ est ad Hebræos epistola. Sine fide ( inquit ) im- Heb. 11  
 possibile est placere Deo. Nisi autem quis Deo placeat, non  
 potest vitam æternam adipisci: igitur sine fide nemo saluari  
 potest: & inde colligitur manifestè in nlla lege aliquem pos-  
 se saluari nisi in sola lege euangelica. Præterea, in eadem  
 epistola Paulus fidei laudes prædicans, ait: Fides est speran-  
 darum rerum substantia, argumentum non apparentium.  
 Quid est dicere, sperandarum rerum substantia, nisi funda-  
 mentum & basis cui innixitur spes earum rerum quæ dignè  
 expectantur? Res autem quæ magis digna est optari & sperari,  
 est æterna beatitudo. Huius igitur fundamentum est fides ca-  
 tholica, quia supra illā & ex illa consurgit spes futuræ beatitu-  
 dinis.

1. Cor. 3 dinis. Ideo idem Apostolus in priore ad Corinth. epistola, ait, Fundamentum aliud nemo potest ponere, præter id quod possum est quod est Christus Iesus. Quem locum interpretans glossa quæ dicitur ordinaria, ait: Id est, Christi fides quæ per dilectionem operatur, per quam Iesus habitat in cordibus. Alia non est fundamentum. Hæc in glossa ordinaria Si fides est primum & vnicum fundamentum, supra quod primo spes futuræ beatitudinis fundatur, sequitur necessario ut fide sublata, spes vitæ æternæ corruat: quia ubi fundamentum deest, nihil superedificari potest. Rursum, Paulus reprehendit & dānat eos qui legis Mosaicæ cæremonias obseruant ponētes in illis spē. Si circumcidimini (inquit ille) Christus nihil vobis prodest. At sine Christo nemo potest vitam æternā adipisci: quoniā ille solus est qui per proprium sanguinem introiuit semel in sancta, æterna redemptione inuenta. Falsum igitur est, Iudæum etiam si optimè legem Mosaicam seruet, sine fide Christi posse saluari. Nam Paulus de Christo saluatore nostro loquens, ait: Factus est omnibus obtemperantibus sibi causa salutis æternæ. Non dixit, obtemperantibus Moy si: sed dixit, obtemperantibus ipsi Christo.
- Heb. 3 Denique concilium generale Lateranense sub Innocentio tertio celebratum, de hac re definitionem dedit, sic inquires: Una est fidelis ecclesia extra quam nullus omnino saluatur. Hæc concilium. Quæ verba habentur in cap. Firmiter, De summa trinitate & fide catholica. Potuissem quidem & debuisssem plura pro hac re afferre argumenta, si contra Gentiles, aut Iudæos, aut Saracenos hanc sumpsissem disputationem: sed quia contra solos hæreticos qui se Christianos iactant, nunc disputamus, ideo nolui plura aduersus illos citare testimonia quoniā aduersus illos hæc mihi satis esse videntur.

## LIBERTAS.

Bardeſanes. **C**um non sit res de qua certiores habeamus experientiam quam nostri arbitrij libertas, quam quotidie in nobis ipsis experimur, mirandum certè est quod aliqui adeo impudentes fuerint, ut non vereantur negare inesse aliquam libertatem arbitrio humano. Et hi quitalia sentiunt, inter se diuiduntur, quoniam etsi ad eundem finem tendant, diuersa tamen incedunt via, prout sæpius hæreticis contingit, qui vnitatem tenere nesciunt. Bardeſanes enim (ut supra in titulo de fato diximus) omnes hominum conuersationes dixit esse ascribendas fato, & non libero hominis arbitrio, quoniam illud dicebat subiici fidei-  
bus.



bus. Post hunc surrexit Manichæus cōtendens peccata nō posse Mani-  
 villo pacto vitari, sed ea ex mala mente proficisci dicebat. Ille *chaus.*  
 enim duas in homine dicebat esse mentes: Alteram, quam di-  
 cebat esse malam, & à malo principio, eam videlicet quam nos  
 vocamus concupiscentiam carnis. Alterā verò dicebat esse bo-  
 nam, quam nos appellamus animam rationalem. Peccata quę  
 in homine fiunt, à mala anima procedere, & ea nō posse per li-  
 rum arbitrium impediri, docebat. Manichæum imitatus est in  
 hac parte Priscillianus, qui ferè vniuersum Manichæi dogma  
 suscepit. Petrus Abailardus dixit omnia ex absoluta necessita- *Petrus*  
 tererum venire, & Deum ne dicam hominē non posse res face Abailar-  
 re aliter quā facit. Hunc imitatus est Ioānes Vuitclef, illi in hac *aus.*  
 parte per omnia consentiens. Guido carmelita in sua summa *Ioannes*  
 de hæresibus, asserit Albanenses sentire nullum esse liberū ho- *Vuitclef.*  
 minis arbitrium. Hāc hæresim iam diu sepultam multi ex re- *Albanen-*  
 centibus hæreticis turātur, quorum dux & princeps existit Mar- *ses*  
 tinus Lutherus, dicēs hominis arbitriū non esse liberum, neque *Lutherus.*  
 habere vllam actiuitatem in suis operationibus, quoniam non  
 eum agere, sed potius pati, contendit. Hunc secuti sunt multi,  
 videlicet Ioānes Oecolāpadius, qui iam vita decessit, & Philip- *Ioannes*  
 pus Melanchthon, aliq; multi mihi ignoti, qui hoc errore ma- *Oecolam =*  
 gnā Germaniæ partem his diebus infecerunt. Aduersus hanc *padi.*  
 hæresim pugnant illa omnia quę supra in titulo de fato pro- *Philip.*  
 duximus. Verū oportet vt adhuc peculiararia producamus ar- *Melanch =*  
 gumenta, & pro viribustam pestiferam hæresim expugnemus, *thon.*  
 quoniam illa est fomentū totius impietatis. Sed quoniā nomen  
 libertatis æquiucū est in sacris literis, ne talis æquiuocatio no-  
 bis aliquam errādi occasionem præbeat, oportet vt varia illius  
 vocis significata ostendamus. Aliquando enim libertas signifi-  
 cat gratiam per quā liberamur à seruitute peccati, cui opponi-  
 tur. De hac dicit Apost. Vbi spiritus Domini, ibi libertas. Et ali- *2. Cor. 3*  
 bi, Cū enim serui essetis peccati, liberi facti estis iustitiæ. Et *Roma. 6*  
 de hac libertate nō loquimur, quoniā nec de illa dicimus omne  
 hominis arbitrium esse liberum. Alia est libertas quę sola ha-  
 betur in gloria, vel est ipsamet gloria. Et de hac libertate ait  
 etiam Apost. Et ipsa creatura liberabitur à seruitute corruptio- *Roma. 8*  
 nis in libertatem gloriæ filiorum Dei. Neque ab ista libertate  
 dicitur hominis arbitrium liberū. Alia est adhuc libertas quę  
 opponitur necessitati, vel vt verius dicam, coactioni. Quando  
 ergo dicimus hominis arbitrium esse liberum, de hac libertate

T

in qui in actum lib-  
 & de necessitate des-  
 timinatio necessitatis a  
 iuri vbi in illa 13. di-  
 (16. 16. 5. 4. 5. 6.)



intelligimus: ita ut ea ratione dicamus eum esse liberum, quia videlicet cum operatur, potest non operari: & cum nil operatur, potest operari. Hanc autem libertatem ex sacris literis Deo duce apertissime ostendemus: quoniam vix est aliquis sacrae scripturae liber in quo non reperiatur aliquod pro libero arbitrio apertum testimonium. In Geneseos libro legimus Deum dixisse ad Cain, Nonne si bene egeris, recipies: sin autem male, statim

*Gene. 4* in foribus peccatum tuum aderit: sed tibi te erit appetitus tuus, & tu dominaberis illius. Si homo dominatur appetitui, falsum est quod homo non potest vitare peccata quae ab appetitu proficiscuntur, ut Manichaeus dixit. Confundatur etiam Lutherus faciens arbitrium hominis seruum, quem Deus testatur se fecisse Dominum. Et in Exodo sic habetur, Omnes viri & mulieres mente deuota obtulerunt donaria ut fierent opera quae iusserat Dominus, per manum Moysi. Cuncti filii Israel voluntaria Domino dedicauerunt. Voluntaria dixit, non necessaria. In

*Leui. 22* Leuitico autem sic habetur: Homo qui obtulerit victimam pacificorum Domino, vel vota soluens, vel sponte offerens, tam de bobus quam de ouibus immaculatum offeret, ut acceptabile sit. Et post pauca subiungit, Bouem & ouem, aure & cauda amputatis, voluntarie offerre potest, votum autem ex his solui non potest. Ecce quam aperte ostendit libertatem distinctam a necessitate, cum inquit, vel vota soluens, vel sponte offerens. In

*Nume. 30* libro Numerorum statuit Dominus legem, ut mulier vouens non sit voti rea, nisi marito consentiente: ita quod si maritus consenserit mulieris voto, illa teneatur ad reddendum. Sin autem maritus contradixerit, illa sit libera ab obligatione. Cum ergo marito detur optio, convincitur illum habere liberum arbitrium quo possit utranque partem velle: quoniam si ad alteram, quaevis illa sit, necessario flectitur, frustra illi datur optio. Cum etiam Dominus dedisset praecepta legis, dixissetque illa non esse impossibilia ut obseruentur, in Deuteronomio sic ait,

*Deu. 30* Testes inuoco hodie caelum & terram, quod proposuerim vobis vitam & bonum, benedictionem & maledictionem. Elige ergo vitam, ut & tu viuas, & semen tuum. At electio non est nisi eorum quae in nostra sunt potestate. Nullus enim proprie dicitur eligere id quod velit nolit erit futurum. Non enim pendet ex nostra electione esse magnam aut paruum, esse hominem aut bestiam, quoniam ea non sub sunt nostro arbitrio ut aliter eueniant. Si ergo homini datur electio, & ille eligere potest, consequens est ut liberum

berum etiā habeat arbitrium. Et alibi etiā data est Iudæis optio an Deu sequi velint, an non. Dauid regi datur etiam optio *Ios. vlti.* eligendi vnam ex tribus plagis, quoniā ad aliquam illarū tolerandam iam Dominus illū adiudicauerat. Si optio, ergo liberū arbitrium, quoniam iumeta nec optionem nec electionem habent. Et Salomoni huius filio dicitur, Postula quod vis, vt dem tibi. Sunt & alia multa in sacris scripturis testimonia similia *2. Re. 24* quæ homini optionem & electionē tribuunt. Optio autem, vt modo diximus, non potest cōuenire illis qui inuitabili necessitate feruntur ad operationem. Præterea, Dauid rex exhortans populum Israel vt offerat Domino pro templi constructione, ait. Si quis sponte offert, impleat manum suam hodie, & offerat *3. Reg. 3* quod voluerit domino. Id autē quod sponte fit, sine vlla cogente necessitate fit. Rursum, quanta est in psalmis testimoniorum turba pro libero arbitrio? Voluntariē, inquit, sacrificabo tibi, & confitebor nomini tuo, quoniam bonū est, Et iterum, Voluntaria oris mei beneplacita fac domine, & iudicia tua doce me. *Psal. 53* Et rursum, Anima mea in manibus meis semper. Quid est animam esse in suis manibus? Hoc est, in sua potestate, vt eam ad quod voluerit flectat. Et in alio psalmo ait, Paratum cor meū Deus, paratum cor meū: cantabo & psallam in gloria mea. Et iterum, Adiutor meus esto, ne derelinquas me. Cu Deum petat adiutorem, operatorem se esse ostendit: quoniam si nostrū arbitrium nihil agit, sed solum, vt Lutherus ait, recipit, Deus non adiutor dicendus est, sed integer & solus operator. Et in lib. Sapientie Salomon ait. Substantiam enim tuam, & dulcedinem tuam quā in filios habes, ostendebas, & deseruiens vniuscuiusque voluntati, ad quod quisque volebat conuertebatur. Ecce apertam libertatis arbitrii potestatem, vt ad quod voluerit conuertere possit. Sed & illud est multo apertius quod in Ecclesiastico habetur, Deus ab initio constituit hominem, & reliquit eū in manu consilii sui. Adiecit mādāta, & præcepta sua. Si volueris mādāta conseruare, conseruabunt te, & in perpetuum fidem placitam seruare. Apposui tibi aquam & ignem, ad quod volueris porrigere manum tuam. Ante hominem vita & mors, bonum & malum, quod placuerit ei, dabitur illi. Quid potuit apertius dici ad ostendendam nostri arbitrii libertatem? Certē, iuxta id quod sentio, adeo aperte ibidē docetur nostri arbitrii libertas, vt sua nimia claritate hæreticorum oculos perstringat. Verum non defuit suum hæreticis asyllum ad quod confugere solent.

Lutherani enim negant librum Sapientiae & librum ecclesiastici esse canonicos, & ideo non esse sufficientes ad aliquam doctrinam confirmandam quae ad fidem catholicam spectet. Sed hoc cauillum non est nunc opus reiicere, quoniam supra in primo huius operis lib. cap. secundo ostendimus ex concilio Carthaginensi cathalogum sacrorum librorum, inter quos etiam hi duo libri habentur. Hoc etiam prophetae omnes apertissime expresserunt. Nam apud Esaiam Dominus de populo Israel sub nomine vineae loquens ait, Et expectaui ut faceret uvas, & fecit labruscas. Si omnia necessitate absoluta eueniunt, & hominis arbitrium a Dei praescientia cogitur ad opus, ut Lutherani dicunt, quare expectabat uvas a vinea, cum ipse sciret eam producturam labruscas? Et per eundem prophetam iterum ait, Si volueritis, & audieritis me: bona terrae comedetis. Quod si nolueritis, & me ad iracundiam prouocaueritis: gladius deuorabit vos. Et apud Hieremiam simile quid habetur, Si poenitentiam, inquit, egerit gens illa a malo suo quod locutus sum aduersus eam, agam & ego poenitentiam super malo, quod cogitaui ut facerem ei. Quod si fecerit malum in oculis meis, ut non audiat vocem meam, poenitentiam agam super bono quod loquutus sum ut facerem ei. Gemina illa conditionis nota, partibus inter se oppositis in vtroque hoc testimonio annexa, apertissime innuit adesse homini liberam bene, & male agendi potestatem, qua verti potest ad id quod voluerit iuxta suum arbitrium. Nam si talis potestas vtriusque eligendi non inesset homini, frustra Deus illa duo homini proposuisset. Et per Ezechielem prophetam dominus ait, Si impius egerit poenitentiam ab omnibus peccatis suis quae operatus est, & custodierit omnia praecepta mea, & fecerit iudicium & iustitiam, vita viuet, & non morietur. Et paucis interiectis subdit: Si autem auerterit se iustus a iustitia sua, & fecerit iniquitatem secundum omnes abominationes quas operari solet impius, nunquid viuet? Omnes iustitiae eius quas fecerat, non recordabuntur. In quibus verbis illa conditionis nota iterum geminatur, prout factum est apud Esaiam & Hieremiam. quapropter simili ratiocinatione possumus hic argumentari ut illic. Illa etiam Susannae in angustia positae consultatio & electio apertissime ostendunt liberum hominis arbitrium, per quod praehabita consultatione quod de duobus sit eligendum. eligit quod sibi melius videtur, reliquo reiecto. Nam cum Susanna a duobus malis senibus sollicitaretur ad turpia, cum gemitu ait,

Angustiae

Angustia sunt mihi vndique, & quid eligam ignoro. Si enim hoc egero, mors mihi est, Si autem non egero, non effugiam manus vestras. Hucusque ad consultationem pertinet. audi deliberationem & electionem: Sed melius est mihi (inquit illa) incidere in manus vestras, quam derelinquere legem Dei mei. Per hanc autem electionem elegit vnam partem altera reiecta quam potuisset amplecti. Ex quo facto satis manifestè conuincitur liberum esse hominis arbitrium: quoniam si non erat liberum illi alteram, quam voluisset partem eligere, frustra consultabat. Nullus est enim adeò fatuus, vt de hoc consultet an videlicet crastina succedet dies, an non: vtrum ignis consumet incendio materiam illi adiunctam, an non. Hæc enim sicut nō subsunt nostræ potestati vt fiant vel non fiant, ita nec talia sunt vt meritò de illis quis consultare debeat. Operosum esset valde, nimisque prolixum, reliquos omnes prophetas citare, & ex omnibus veteris testamenti libris testimonia producere: quoniam & si hunc laborem sumere voluissem, certè necessarium foret modū promissæ breuitatis excedere. Ideo ad nouū testamentum accedamus. Christus Saluator noster apud Matthæū ait, Hierusalē Hierusalē, quæ occidis prophetas, & lapidas eos qui ad te missi sunt, quoties volui cōgregare filios tuos, quemadmodum gallina congregat pullos suos sub alas, & noluisti? Ecce Deo volente homines nolunt: ergo arbitrium hominis adeò liberum est, vt à Dei voluntate non cogatur, & per consequens multo minus cogetur ab eius præscientia. Et apud Lucā idem Saluator ait, Si quis vult post me venire, abneget semetipsum, & tollat crucem suam, & sequatur me. Cū ait, si quis vult, nostram innuit libertatem, quibus subest posse & nō velle cum nobis visum fuerit. Nam si nulla esset libertas, non erat opus sub conditione loqui. Nullus est enim adeò insipiens, vt sic diceret de igne: Si quis ignis calet, non amittet calorem. Cū enim sit necessarium omnem ignem calere, superflua est illa conditio apposita, quia illa conditionis nota innuit rem aliter euenire posse. Et Ioannes euangelista apertum satis profert testimonium, dicens, Dedit eis potestatem filios Dei fieri. Hæc autem potestas non solis iustis data est: quoniam hi cum iusti sunt, iam in filiorum numerum redacti sunt: quare non erat opus eis noua potestate, qua fierent filii Dei, cum iam essent. Peccatoribus ergo hæc potestas est collata, quoniam si iuxta vires suas se ad gratiam suscipien-

Dan. 13

Mat. 23

Luc. 9

Ioa. 1



- dam præparauerint, Deus nō subtrahet se ab illis, quinimo dabit illis gratiam per quam in filiorum adoptionem recipiatur. Sic enim Augustinus tractatu 93. super Ioannem illā beati Ioannis verba exponit. Audiamus, inquit, Euangelistam dicentem, Dedit eis potestatem filios Dei fieri, ne omnino existimemus in nostra potestate non esse quod credimus. Veruntamen in utroque beneficia illius cognoscamus. Nam & agenda sunt gratiæ, quia data est potestas: & orandum ne succumbat infirmitas. Hæc Augustinus. Et Hilarius primo de trinitate motus Ioannis testimonio, dicit quod esse filios Dei, opus sit voluntatis, non necessitatis: quia proposito vniuersis Dei munere, non per naturam gignentium adfertur ea filiatio, sed voluntas præmium consequitur. Deinde verba illa, quæ apostolica historia refert Petrum apostolum dixisse Ananiæ qui fraudauerat de precio agri venditi, apertissimè ostendunt arbitrij humani libertatem. Sic enim ad Ananiam Petrus loquitur: Anania, cur tentauit Satanas cor tuum mentiri te spiritui sancto, & fraudare de precio agri? Nōne manens tibi manebat, & venūdatum in tua erat potestate? Quid est dicere, venūdatum in tua erat potestate? Hoc est, etiam postquam vendideras, potestatem habebas non afferendi precium & ponēdi ante pedes apostolorum. quæ potestate si vsus fuisset Ananias, non eum aut punisset aut reprehendisset Petrus: verum quia habens hanc potestatem simulauit se nolle ea vti, sed finxit se velle totum precium agri offerre apostolis pro communi vita, ab apostolo reprehensus & tandem morte punitus est. Ex hoc ergo conuincitur non omnia necessario euenire, liberumq; esse hominis arbitrium, quoniam Ananias de precio agri subtrahens, aliter faciendi potestatem habuit. Sed iam ad Paulum accedamus, à quo plurima possumus capere testimonia.
- 1. Cor. 7** Nam in priore epistola ad Corinthios sic ait: Qui statuit in corde firmus non habens necessitatem, potestatem autem habens suę voluntatis, & hoc iudicauit in corde suo seruare virginem suam, bene facit. Aduerte quod ait, potestatem habens suę voluntatis. Paulus tribuit apertè potestatem nostrę voluntati, & impudentes heretici non verentur illam tollere? Et in eadem epistola iterum ait: Abundantius omnibus laboraui, non ego, sed gratia Dei mecum. Non dixit gratia Dei per me, sed gratia Dei mecum. Et Rursum, Vnusquisque propriam mercedē accipiet secundum suū laborē? Dei enim adiutores

tores sumus. Ex quo conuincitur nostrū arbitrium aliquid operari, alioquin labor non diceretur noster. Et ne quis putaret, prout fecit Pelagius, totum debere ascribi nostro arbitrio, addidit: Dei enim adiutores sumus. Itaque hoc testimonio prosteruntur Pelagius & Lutherus. Et in posteriore epistola ad Corinthios exhortans ad eleemosynas faciendas ait: Vnusquisque prout destinauit in corde suo, non ex tristitia, aut ex necessitate. Hilarem enim datorem diligit Deus. Si nulla est humani arbitrij libertas, non est possibile quin semper ex necessitate faciat quicquid facit. Et ad Philemonem scribens ait: Sine consilio autem tuo nihil volui facere, vti ne velut ex necessitate bonum tuum esset, sed voluntarium. Ecce quā clarē Paulus distinxit voluntarium à necessario, vnum alteri opponens. Vereantur ergo Vuitclesiustæ, Hufsitæ, Lutherani, & ceteri hæretici dicentes omnia necessitate absoluta venire, & nullam esse humani arbitrij libertatem. Et beatus Petrus instruens presbyteros quo pacto debeant curam habere populi sibi commissi, ait: Pascite qui in vobis est gregem Dei, prouidentes nō coactē sed spontaneē, neque turpis lucri gratia, sed voluntarie: neque vt dominantes cleris, sed forma facti gregis. Vide qualiter etiā Petrus distinguit & separat spontaneum & voluntarium à coactione. Et in Apocalypsi Ioannis de Iezabel quæ seducit seruos Dei, & illos docet fornicari, dicit Deus: Et dedi illi tempus vt pœnitentiam ageret, & nō vult pœnitere à fornicatione sua. Si omnia de necessitate absoluta eueniunt, & nulla est humani arbitrij libertas, frustra dedit Deus Iezabel tempus ad pœnitendum, si pœnitere non poterat. Nam cu postea dicat q̄ illa pœnitere non voluit a fornicatione, iuxta istorum hæreticorū sententiam conuincitur q̄ illa pœnitere non potuit. Et si non potuit, mirum est quod Deus dederit illi tempus ad illud faciendum, quod facere fuit impossibile. Post ista omnia sacræ scripturæ testimonia. quò res sit apertior, operæ precium erit ostendere hanc fuisse omnium sacrorum virorum sententiam. Verum ne lectorem nimia prolixitate grauem, aut limites breuitatis promissæ transgrediar, paucula impræsentiarum producam, ea videlicet quæ sunt magis abstrusa, & quorum aucthores non facillè omnibus patent. Reliqua autem velut indice ostendam loca vnde capere possit qui ea habere desiderat, Beatus Irenæus sapissimè humani arbitrij libertatem docet, sed specialem de hac re disputationem facit libro quarto,

Phile. i

1. Pet. 5

Apo. 2

Irenæus.

aduersus hæreses, in cuius libri cap. 71. hæc verba habentur: Aliud autem quod ait, Quoties volui congregare filios tuos, & noluisti, veterem lege libertatis hominis manifestauit: quia liberum eum Deus fecit ab initio, habentem suam potestatem, sicut & suam animam, ad vtendum scientia Dei voluntarie, & non coactum à Deo. Vix enim à Deo non fit: sed bona sententia adest illi semper. Et propter hoc consilium quidem bonum dat omnibus, posuit autem in homine potestatem electionis, quemadmodum & in angelis. Hæc Irenæus. Et sequenti cap. vi. delictet 72. multa de libero arbitrio disserit. Et Tertullianus libro 2. aduersus Marcionem eidem subscribit sententiæ, dicens: Nec boni, nec mali merces iure pensaretur ei, qui aut bonus aut malus necessitate fuisset inuentus, non voluntate. In hoc & lex constituta est, non excludens, sed probans libertatem de obsequio spontè præstando, vel transgressione spontè cōmittenda, ita in vtrunque exitū libertas patuit arbitrij. Hæc Tertul. Beatus Cyprianus in quadam epist. ad Cornelium papam, quæ est tertia primi libri epistolarum eius, sic ait: Nec præpositu seruū deferi a quibusdā miretur aliquis, quando ipsum Dominū magnalia & mirabilia summa facientem, & virtutes factorū suorum Dei patris testimonio comprobantem, discipuli sui reliquerint, & tamen ille non increpuit recedentes, aut grauius cōminatus est, sed magis cōuersus ad apostolos suos dixit, Nunquid & vos vultis ire? seruans scilicet legem qua homo libertati suæ relictus, & in arbitrio proprio constitutus, sibimetipsi, vel mortē appetit, vel salutem. Hæc Cyprianus. Beatus Hieronymus in epist. ad Heluidiam, eandem docet sententiam, dicens, Deus autem æquali cunctos sorte generauit, & dedit arbitrij libertatem, vt faciat vnusquisque quod vult, siue bonum siue malum. In tantum autem dedit omnibus potestatem, vt vox impia disputet cōtra creatorē suū, & causas voluntatis illius pertrahatur. Et in altera epistola ad Damasum papā sic ait: Liberū sic confirmetur arbitrium, vt dicamus nos semper Dei indigere auxilio, & tam illos errare qui cum Manichæo dicunt hominē peccatum vitare non posse, quam illos, quicum Iouiniano asserunt hominem non posse peccare. Vterque enim tollit arbitrij libertatem. Nos verò dicimus hominem semper & peccare & non peccare posse, vt semper nos liberi confiteamur esse arbitrij. Hucusq; Hieronymus. Et beatus Basilus in quodam opusculo in quo probat quòd Deus nō sit author malorū, sic ait: Hinc merito

Tertullianus.

Cyprianus.

Hieronymus.

Basilus.

ritò alia cogitatio quæstioque de diabolo nascitur: vnde diabolus, si non ex Deo mala? Quid igitur dicemus? Satis facilis quidem responsio. Eadem omnino ratio huius fuerit interrogacionis, quam & de hominis iniquitate supra commemorauimus. Vnde quæso iniquus homo? Ex ipsius libera voluntate. Vnde malus diabolus? Ex eadem penitus causa. Habet enim & ipse liberam in agendo vitam, & insitam oprandi potestatem, aut Deum sequi, aut ab eo remoueri. Hæc Basilus. Qui vno cōtextu de hominis & angeli arbitrio differens, vtrunq; dicit esse liberum. Et frater huius Gregorius vno integro libello pro libero arbitrio pugnat, quem & de libero arbitrio inscripsit. Et beatus Cyrillus lib. 3. contra Iulianum apostatam, circa principium, eidem fauet sententiæ, dicens, Voluntaria enim operandi facultate conueniebat rationalem creaturam insigniri, & electionis liberæ declarari fructum, in bonis operibus dexteritatem. Et lib. 6. eiusdem operis prope finem libri iterum ait: Valde autem puerile est quod dicit non potuisse eum amicorum suorum proposita mutare. Oblitus enim mihi videtur, tametsi sæpius audierit, quod homo sit sui iuris, voluntariè vadens ad quodcunque sibi placuerit: ita bene habere gloriam vniuersorum opificis, vt & qui bene operari voluerint, laudandi sint: & qui diuersam inierint viam, vituperandi iustè ab omnibus. Hactenus Cyrillus. Et Isichius libro 1. commentariorum super Leuiticum idem sentit. Exponēs enim illud Leuitici, Vesiculam verò gutturis & plumas proiciet, &c. sic ait, Admirabilis est legalium verborum subtilitas, non solum quia differentias cōuersationum describit, sed etiam quemadmodum quasdam conuersationes secundum legem, quasdam verò super legem significet. Secundum legem enim sunt bouum & ouium oblationes, licet spontaneæ dicuntur. Secundum legem quare? Quia etli offerre munus in potestatem offerentis dedit (nimis rectè liberi quippe arbitrij Deus hominem constituit) tamen quale offeratur, non iam voluntatis est, ne fortè mala offerantur. Hæc Isichius. Et Ioannes Damascenus lib. 2. de fide orthodoxa cap. 25. eandem assertionem docet, ita dicens: Relinquitur igitur, hominem ipsum agentem & facientem, principium esse priorum operum, & potestate arbitrijque liberū. Sin autem nullius principium actionis est homo, superflue id habet vt consultet. nam ad quid vtitur consilio si nullius sit actionis Dominus? Omne enim consilium, alicuius actionis gratia

Greg. Nis  
sianus.  
Cyrillus.

Isichius.  
Leu. 1

Ioan. Da-  
mascenus.



est. Atqui optimum & honorabilissimum eorum quæ in homine sunt, allere e superfluum, absurdissimum profecto fuerit. Si igitur consultat, actionis gratia cōsultat. Nam consilium omne actionis gratia, & propter actionem. Hæc beatus Damas-  
*Chryso.* scenus. Beatus Chryso. homilia 50. super Mattheum elegantissimè, vt solet, hanc docet sententiam dicens: Nam si malignitates à seipsis non sunt, noli tuos seruos castigare, nec vxorem si peccat increpa, nec liberos verbera, nec amicos inculsa, nec offendentibus inimicis insensus sis. Nā hi omnes nisi spontè delinquant, non punitione, sed miseratione digni sunt. Non possum, inquires, ita philosophari. certè si non illorū culpa quicquā factum conspexeris, sed quadam alia necessitate incumbente, non poteris non ita philosophari. Nam quando seruus ægritudine oppressus iussa non fecerit, non modò non criminari, verum etiam valde commiserescis. Quare tu ipse testimonium perhibes nonnihil ab ipso fieri. Et paucis interiectis postea subdit: Verum inde quoque ora istorum obstruere facile possumus (nam vndique veritatis affluunt adminicula) si eos interrogabimus quam obrem nunquam seruos criminantur si facie formosi non sint, si non proceri statura, si non quasi volucres in eundo, cæteraq; huiusmodi: quia videlicet natura hæc, non voluntate conceduntur: immunis est ergo ipse eius culpa, quam sibi iam natura inuexit: nec vllus vnquam huic orationi contradicet. Cum igitur accusas, tunc ostendis profecto non à natura sed à voluntate mala quippiā processisse. Nam si quæ minimè culpamus, ea naturæ delicta esse, aut saltè non voluntate, testamur: patet ea solū culpari, quæ voluntate committuntur. Noli ergo peruersus in medium ratiocinationes inferre, nec sophismata, & orationis contextum telis aranearum vilio-  
*Ambrosius*  
*Augusti-*  
*nus.* liorem. Hactenus Chrysostomus. Qui sic docet, vt etiā aduersarium cōuincat. Hæc ergo testimonia citata sufficiant. Quod si curiosus lector plura videre desideret, tunc illi ostendemus authores à quibus illa capere possit. Ambrosius lib. 1. de vocatione gentium cap. 3. & lib. 1. de Iacob & vita beata cap. 3. Augustinus tot locis hanc sententiam docet, & vbiq; adeò apertè, vt nesciā quem ex illis possum præferre. In libro de vera religione, cap. 14. Et in 3. lib. Hypognosticon quasi per totū librū. Et contra Fortunatum Manichei disputatione secunda prope initium. Et contra Cresconium grammaticum lib. 2. cap. 51. Denique opus elegans scripsit de libero arbitrio, tribus partitum libris.

Lact

Lactan. lib. 2. diuinarum institutionum cap. 9. Ioannes Cassia- *Lactan.*  
 nus in lib. de Collationibus patrum, collatione 3. cap. 12. & col 105. *Cas-*  
 latione 7. cap. 8. Leo papa sermone 16. de passione. Prosper A- *Prosper.*  
 quitanicus librum de libero arbitrio aduersus colluctatorem *Leo papa.*  
 edidit, in quo sic asserit nos egere gratia Dei, vt tamen liberum *Prosper.*  
 nostrum arbitrium asserat. Theophyl. sapientissime hoc docet, præci- *Theophy-*  
 pue tamen super Lucam exponans parabolam illam de homi- *lactan.*  
 ne habere duos filios, quorum vnus prodigus petiuit à patre por-  
 tionem substantiæ suæ. Beatus Bernardus sæpe, specialiter ta- *Bernard.*  
 men in libro de gratia & libero arbitrio. Beatus Anselmus su- *Anselmus*  
 per epistolas Pauli exponens illud secundæ ad Timot. Cogno- *2. Tim. 2*  
 uit Dominus qui sunt eius &c. Scripsit etiam specialem tracta-  
 tum de libero arbitrio, & alium de gratia & libero arbitrio. Ec-  
 ce vides tantam testimoniorum multitudinem pro assertio-  
 ne liberi arbitrij. Nunc quæso te lector, cui potius credendum putas, tot cla-  
 rissimis viris sanctitate perinde ac doctrina illustribus, an vni  
 Luthero, aut Ioanni Vuitclessio, vel horum parenti Petro Abailar-  
 do? Ego illorum illustrium virorum cuiuslibet plus tribuo quam  
 mille Vuitclessis, aut Lutheris. Et certè etià si nullum scripturæ sa-  
 cræ testimoniū adesset, nullusq; sacrorum doctorum nos de hac re  
 docuisset, natura ipsa nos docet humanum arbitrium esse liberum:  
 quoniā ea libertate seclusa, perit omnis prouidentia, perit om-  
 nis consultatio, frustra fiunt leges, immerito bonis præmiū, &  
 malis pœna deputatur. Peior certè esset hominis conditio, quā  
 cuiuslibet bestię, imò quā lapidis, & cuiuslibet stipitis, Nā his  
 rebus nemo imputat peccatū aut vituperiū aliquod, eò quod ne-  
 cessario & à natura faciūt quicquid faciūt. homini verò qui iux-  
 ta istorum hæreticorum sententiā, cū peccat, necessario peccat, re-  
 penditur pro peccato suo nō solum vituperiū & pœna tēporalis,  
 sed æterna dānatio, si peccatū nō fuerit illi dimissum. Præterea  
 si hæc hæreticorum assertio vera esset, iam nō esset dicendus Deus  
 pius & misericors, sed crudelis tyrannus. Nonne iniquus & cru-  
 delis tyrannus merito diceretur, qui præordinet vt subditi sui  
 debiles & infirmi cū hostibus multo illis fortioribus dimicent,  
 & vincantur, & ob id victos postea increpet. & supplicium ab  
 illis exigat? Quis est autē adeo impius vt hæc audeat Deo im-  
 pingere? Ego enim cum propheta cantabo, Iustus es Domine, *Psalm. 118*  
 & rectum iudicium tuum, & omnes viæ tuæ veritas. Mentien-  
 tur ergo isti impij hæretici vituperantes naturam humanam,  
 & eam vsque ad bestias & cætera animantia deicientes, & diui-  
 nam bo

- nam bonitatem blasphemantes, qui peccata nostra non in nostram voluntatem sed in diuinam prædestinationem referunt. Sed opus est vt aduersariorum obiectionibus respondeamus.
- Ioan. 15** Primò nobis obiiciunt illud quod Christus apud Ioan. ait: Sine me nihil potestis facere. Quid est hoc nihil (inquiunt) quod sine Christo facit liberum arbitrium? Si dicas q̄ potest se præparare per opera moraliter bona ad gratiam suscipiendam, mira est (inquit Lutherus) præparatio quæ per nihil fit. Respondeo q̄ nugacissimo sophismate agit rem suam Lutherus, qui toties sophistas irridet: quoniam iuxta hunc modum argumentandi etiam liceret colligere nullam causam etiam naturalem aliquid posse producere, cum constet nullam talem sine Deo posse aliquid producere. tunc quæram, quod est illud nihil, quod sine Deo potest facere? Etsi ergo nulla creatura possit aliquid sine Deo, non tamen inde licet colligere vt non possit aliquid etiam cum Dei adiutorio: sicut gratia exempli, Vir sine fœmina non potest generare, non tamen inde sequitur vt etiam cum fœminæ adiutorio generare non possit. Fatemur ergo Deum sic adesse libero arbitrio, & reliquis omnibus causis, vt sine eius adlstantia & concausatione nihil agere valeant, quæ tamen cū ipsius adiutorio proprios motus agere possunt. Liberum tamē arbitrium vt bene agat, speciali quodam eget auxilio diuino, sine quo etsi agere possit, nō tamen bene. Et hoc est illud nihil, quod sine Deo, id est sine eius gratia nostrum potest liberum arbitrium. Solenne est enim sacris literis, vt ea quæ meritoria vitæ æternæ non sunt, nihil appellent. Sic enim Paulus in priore
- 1. Cor. 7** ad Corinth. epist. ait: Circuncisio nihil est, & præputium nihil
- 1. Cor. 13** est, sed obseruatio mandatorū Dei. Et iterum, Si habuero prophetiam, & nouerim mysteria omnia, & omnem scientiam, & si habuero omnem fidem, ita vt montes trāsferam, charitatem autem non habuero, nihil sum. Nihil ergo sine Deo possumus facere, quia sine eius cōcausatione nulla creatura potest aliquid facere, quoniam etsi diuisiones operationum sint, idem tamen
- 1. Cor. 12** est Deus qui operatur omnia in omnibus. Habita etiam hac generali Dei adlstantia & concausatione, nihil, hoc est nullum opus meritorium potest facere liberum arbitrium sine speciali Dei auxilio, hoc est sine gratia Dei, per quam quis habet vt possit vitam æternam mereri: iuxta id quod Paulus ait: Gratia Dei vita æterna. Hac ergo gratia seclusa, etsi multa possit nostrum liberum arbitrium cum Dei generali adiutorio, non tamen po

rest mereri, & ita nec fructum vitæ æternæ ex se producere. Et  
 hoc est quod Saluator dixit, Qui manet in me, & ego in eo, hic *Ioan. 15*  
 fert fructum multum. Quis est qui manet in Deo, nisi qui ha- *1. Io. 4*  
 bet gratiam eius? Qui manet in charitate (inquit Ioannes) in  
 Deo manet. Hic ergo sic in Deo manens, qui videlicet gratiam  
 Dei habet, fert fructum multum: quoniam vitam æternā: quæ *Pro. 3*  
 adeo multa est, ut omnia cætera quæ desiderari possunt, huic  
 non valeant comparari. Qui autem gratiā Dei non habet, non *Ioan. 15*  
 manet in Deo, & ideo non potest fructum vitæ æternæ ex se si-  
 ne radice gratiæ producere: quapropter tanquam palmes infru-  
 ctuosus excideret in morte, & in ignē inferni mittetur. Et hoc  
 modo etiam intelligenda sunt alia multa in sacris literis. Scio  
 domine (inquit Hiere.) quia non est hominis via eius, nec viri *Hie. 10*  
 est ut ambulet & dirigat gressus suos. Et Ioannes Baptista dice-  
 bat: Non potest homo accipere quicquam nisi fuerit ei datum *Ioan. 3*  
 de cælo. Et Paulus apostolus ait: Non quod sufficientes simus *2. Cor. 3*  
 cogitare aliquid ex nobis quasi ex nobis, sed sufficientia nostra  
 ex Deo est. Et beatus Iacobus in sua canonica epistola ait: O- *Iaco. 1*  
 mne datum optimum & donum perfectum delursum est, de-  
 scendens à patre luminū. Hæc enim omnia & alia similia quæ  
 plurima sunt, non tollunt arbitrij libertatem, sed ostendunt no-  
 stri arbitrij insufficientiam, quod sine Dei auxilio non potest  
 aliquid facere. Quapropter circumspectissimè Paulus locutus  
 est cum dixit, Non quod sufficientes simus &c. & omnis suffi-  
 cientia nostra ex Deo est. ut apertè ostenderet se non tollere li-  
 bertatem, sed eiusdem libertatis sufficientiam. Secundò obii-  
 ciūt nobis illud Saluatoris apud Ioannem, Nemo venit ad me, *Ioan. 6*  
 nisi pater qui misit me, traxerit eum. Per quæ verba (ut Luthe-  
 rani aiunt) tota arbitrij libertas tollitur, quoniam liberum arbi-  
 trium trahitur à Deo, & sine hoc tractu ire ad eum non potest.  
 Tractus autem violentiam quandam dicit: non est ergo arbi-  
 trium hominis liberū. Respondeo falsum esse quod assumunt,  
 hunc videlicet tractum diuinum, esse violentiam aliquā, quo-  
 niam non est aliud quàm vocatio quædam interna, & exhorta-  
 tio & monitio qua monet & mouet voluntatem nostram ad be-  
 ne operandum. Huic autem vocationi & monitioni homo sæ-  
 pe resistit inobediens existens, ex quo conuincitur talem voca-  
 tionem non esse violentam. Nam & dominus hanc hominum  
 resistantiam accusat, dicens, Vocauī, & renuistis: extendi manū  
 meam, & non fuit qui aspiceret. Despexistis omne consilium *Pro. 1*  
 meum,



meum, & increpationes meas neglexistis. Fatemur ergo tractū patris per gratiam praeuenientem, quo secluso nostrum arbitrium moueri non potest ad bonum operandum. Sed sic nos attrahēs Deus, in nostra nos dimittit libertate, ut acquiescamus illi vocanti & monenti, aut obduremus corda nostra cum eius vocem audierimus. Et in hoc est nostra libertas ad bonum, ut postquam Deus monuerit ad bonum, sit iam nobis liberū declinare ad id quod magis placuerit, siue bonum, siue malū. ante tamen monitionem est nobis potestas ad malum, sed nō ad bonum. Quae omnia multo diffusius atque apertius docuimus supra in titulo de gratia, haeresi prima. ad illum ergo locum mitimus lectorem: quoniam ibidem ostendimus concordia gratiae & liberi arbitrij, quo pacto sic inter vtrunque conueniat, ut vnum non derogat alteri. Tertio obiciunt illud Pauli in epist.

Ro. 9 ad Ro. Non est volentis neque currentis, sed Dei misericordis. Et iterum, Ergo cui vult miseretur, & quem vult indurat. Respon- deo illa Pauli verba solum esse accipienda de voluntate praedestinationis & reprobationis diuinæ, quoniam toto illius capituli discursu de nulla alia re differit, quam de praedestinatione & reprobatione diuina. Dicit enim Paulus praedestinationem illam diuinam qua aliquos ab aeterno praordinauit ad vitam aeternam, non pendere ex nostris meritis, sed ex sola misericordia diuina, quae sine nostris meritis ad tam grande bonum nos elegit. Et idem sentit de reprobatione, ea videlicet quae non est actus positivus suae voluntatis, sed sola privatio praedestinationis, qua nō vult ordinare aliquem ad vitam aeternam. Haec inquam reprobatio etiam fit sine nostris demeritis, sed per solam diuinæ maiestatis voluntatē, qua noluit hunc destinare ad gloriam. De qua re argui non potest, quia cum nulli Deus debeat, nulli etiam facit iniuriam cum non dat quod non debet. Quod si qui fortē de hoc murmurauerit aduersus Deum, & conquera- tur quod praedestinatus non fuerit, respondebit illi dominus,

Mat. 20 Amicē non facio tibi iniuriam, tolle quod tuū est, & vade. Alia autem reprobatio quae fit per actum positivum voluntatis, per quam Deus aliquem ordinat ad poenam aeternam, nunquam fit sine demeritis: quoniam (ut ait August.) nunquam Deus est ultor, quin prius aliquis sit peccator. Verum etiam Deus absque ullis hominum meritis & demeritis quosdam praedestinat ad vitam, & quosdam non vult praedestinare, talis tamen praedest- inatio & reprobatio nullam infert necessitatem operibus nostris,

stris, nec tollit arbitrij potestatem & libertatem. Nam post talem prædestinationem & reprobationem & electi & reprobi liberè agunt. Neque obstat quòd talis prædestinatio sit infallibilis, vt propter hoc nostrum arbitrium iuxta illam operari cogatur. quoniam qui præuidit finem prædestinatorum, videlicet gloriam æternam, præuidit etiam media per quæ talis finis est acquirendus: opera scilicet bona quæ cum Dei adiutorio illi sunt operaturi. Ideo beatus Petrus admonet nos ad bona opera, ne videlicet nos eorum securos reddat diuina prædestinatio, sed potius vt operemur quòd ipsius prædestinationis finem consequi mereamur. Sic enim ait: Quapropter fratres magis satagite vt per bona opera certam veltram vocationem & electionem faciatis. Et Paulus qui certò sciebat se esse prædestinatum, diligentissimus erat bonorum operum executor. Qui enim sciebat repositam sibi esse à Deo iusto iudice coronam iustitiæ, castigabat corpus suum, & in seruitutem redigebat, ne fortè cum aliis prædicasset, ipse reprobus fieret. Ex quo argumento satis apertè conuincitur prædestinationem diuinam, nullam prorsus inferre necessitatem nostris operibus, aut in aliquo minuire nostri arbitrij libertatem. Alia autem argumenta quoniam debiliora sunt, omitto. Aduersus hanc hæresim post illos vetustos authores quos supra recensuimus, scripsit Ioannes Cochleus duos libros de libero arbitrio aduersus Philippum Melancthonem. Et Ioannes Ecchius aduersus Lutherum de eadem re scripsit satis (vt solet) diffusè. Ioannes Roffensis episcopus in eo opere quod contra Lutherum edidit, vno integro articulo, videlicet 36. de hac re disputat. Illa etiam quæ nos supra in titulis de fato, de futuro contingenti, de gratia, diximus, valde huic loco seruire possunt.

Secunda hæresis est quæ docet hominem post diuinam gratiam deperditam non posse aliud facere quam peccatum. Huius hæresis author est etiam Lutherus, dicens quòd arbitrium hominis destitutū gratia Dei, quanto magis nititur, tanto grauius peccat. Hæc hæresis ex his quæ nunc proximè docuimus, prosternitur: quoniam si hominis arbitrium ex se & ex sua conditione liberum est, non potest per quodcunque adueniens peccatum suam libertatem amittere, & per consequens etiam cum in peccato fuerit, poterit sicut peccare, ita & peccatum vitare, & bonum opus, quanuis non meritorium, operari. Hoc etiam specialiter conuincunt quædam testimonia ex illis quæ supra produximus,

*Ioan.1* duximus, vt est illud, Dedit eis potestatem filios Dei fieri, his qui credunt in nomine eius. Nam hæc potestas (vt diximus) magis videtur esse collata peccatoribus quàm iustis, quoniam iusti per gratiam quam habent, iam sunt filij Dei, nec est eis opus

*Apo.2* vt iterum fiant filij Dei. Et illud Apocalypsis vbi de Iezabele Deus ait: Dedi illi tempus vt pœnitentiam ageret. Frustra illi datur tempus si illa pœnitere non potest. Præterea frequentissimæ sunt in sacra scriptura monitiones quibus peccatores ex-

*Exe.18* hortantur ad pœnitentiam præteritorum. Conuertimini (inquit dominus) & agite pœnitentiam ab omnibus iniquitatibus

*Iohe.2* vestris, & nō erit vobis in ruinam iniquitas. Et per alium prophetam iterum ait: Conuertimini ad me in toto corde vestro.

*Mat.3* Et ipsemet Saluator ait: Agite pœnitentiam: appropinquabit regnum cœlorum. Frustra autem monentur ad pœnitentiam peccatores, si nihil aliud quàm peccare possunt.

*Iouinianus.*

*Pelagius.*

Tertia hæresis docet liberum arbitrium post receptam baptismatis gratiam non posse amplius peccare. Hanc hæresim primus docuit Iouinianus monachus. illam etiam impingit Augu. in lib. de hæresibus Pelagio. Sed de hac hæresi iam supra disputauimus in titulo de gratia, hæresi secunda: & ex his quæ nunc proximè aduersus primam huius tituli hæresim diximus, satis apertè conuincitur: quoniam sicut peccatum non tollit arbitrij libertatem, ita nec gratia, quoniam libertas est naturaliter insita humano arbitrio, ita vt per nullum superueniens accidens tolli possit. Quo fit, vt sicut in peccato existens propter suæ libertatis potestatem poterat aliud peccatum vitare, ita in gratia existens propter eandem arbitrij libertatem possit aliqua in posterum peccata committere. Et ita factum esse, vrgentissimis testimoniis comprobauimus supra in titulo de gratia hæresi secunda.

#### L I N G V A.

*Gen.11* **P**hilaster in suo libro de hæresibus censet esse hæresim dicere quòd ante Babel ædificationem fuerit solùm vna lingua: quoniam, vt ille ait, firmiter credendum est plures ante illud tempus fuisse linguas, quas tamen indito quodam à Deo spiritu omnes vsque ad illud tempus callebant. Quod autem scriptura dicit terram fuisse vnius labij, ideo dictū putat, quia etsi plura essent genera linguarum, omnes tamen se inuicem intelligebant: quia, vt ait, omnibus erant omnes linguæ notæ. Ego autem ab hac Philastri sententia tam longè absūm, vt

putem

putem hæresim esse quod ille docet. Nam scriptura sacra tam apertè dicit vnicā tantum fuisse linguam, vt nihil manifestius dici possit. Erat, inquit, terra labii vnius. Si varietas linguarum erat in terra, nō diceretur verè terram esse labii vnius, quamuis quilibet homo omnes linguas sciret. Nam etsi Italus intelligat Hispanum & Hispanus vice versa intelligat Italum, nullus tamen sanæ mentis negabit variā esse illorum linguam. Nullus etiam dicit vnicā esse amborum linguam, cum sit cuiq; illorū propria lingua. Intelligentia siquidem linguarum nō valet efficere vt duæ aut tres linguæ vna dicantur. Quo fit vt quamuis omnes se mutuò intelligerent, non possit dici terrā fuisse vnius labii, si varietas linguarum erat. Præterea illa linguarū varietas superflua erat, si omnium linguas omnes callebāt. Lingua enim ad id solū inuenta est, vt per illam nostros conceptus manifestemus: quoniā, vt B. August. 15. lib. de trinitate ait, verbum Aug. quod foris sonat, signum est eius verbi quod intus latet. Si ergo lingua vna satis omnibuserat vt suos quisque animi cōceptus & affectus aliis innotescere faceret, quid opus erat tot superaddere linguas. Nunc autē post illud superbiæ peccatum quod in Babelis ædificatione monstratum est, non potest dici inanis & superflua hæc linguarum multitudo: quoniā ad retundendā illorum superbiā inducta est à Deo, & vsque hodie ad nostram etiam reprimendam superbiā seruata. Deinde scriptura sacra dicit tunc primum cū Babel ædificari cœpit, confusum esse labium vniuersæ terræ. Quid est dicere labium tunc primum esse confusum, nisi quod tunc est primo diuisum, & multiplex variumque factū: Nam vbi vnitas est, ibi confusio esse nō potest: vbi autē multitudo, ibi est & confusio. Sed ante Babelis ædificationem nō erat cōfusum labiū vniuersę terrę: ergo ante illud tempus nō erat variū aut multiplex, sed vnicū duntaxat. Rursum hanc nostrā sententiā docent omnes sacri doctores qui de hac re scripserunt: neq; vnus est ex illis qui Philastri sententiæ faueat. B. August. in lib. de mirabilibus sacrę scripturę cap. 9. Aug. sic ait, Cū ad illud vsque tempus esset vnius linguæ cunctis populis vniuersorum qui ad tale opus venerat, linguas in diuersa verba diuisit scilicet vt rectissimo arbitri iudicio, qui alto superbiæ tumore mēbra contempserat, in fragilissimæ substantiæ suæ modo sermonis vtique pœnam sentiret. Et hoc non in ipsis tantū patribus quod euenerat fiebat: sed per omnes filiorum propaginestalis vindictę conditio pertrahbat: vt qui eter-



nam sibi posteritatis famam quærent, mansuram in illis posteritatibus ipsius præsumptionis per vniuersa venturi seculi tempora animaduersione inuenirent. Haftenus Augu. Ex quibus verbis id potissimum annotandum est, quod in principio dixit linguas in diuersa verba fuisse diuisas, & non, ut Philaster ait, in diuersam linguarum præexistentium notitiam. Eucherus Lugdunensis episcopus lib. 2. super Genesim cap. 7, ita ait, Eo autem tempore quando linguarum facta est varietas, in sola domo

*Eucher.*

Heber quæ antea fuit lingua remansit. Hæc Eucherus. Ex quibus verbis aperte satis constat illud sentire unam solam tunc fuisse linguam, videlicet Hebraicam. Neque pro hac re opus est plura citare testimonia, sed vnum solum quod maximi est ponderis, proferam, nempe Sibyllinum. Nam Iosephus lib. 1. antiquitatum cap. 9. hæc quæ sequuntur verba Sibyllam dixisse refert: Cum omnes homines vnius vocis existerent, quidam turrim ædificauerunt excelsam, tanquam ascensuri per eam in celum. Dii vero immit-

*Iosephus  
Sibylla.*

tentes ventos, euerterunt turrim, & vocem propriam unicuique partiti sunt: & propterea Babyloniam vocari contingit ciuitatem. Hæc Sibylla. In quibus verbis annotare oportet quod dixit vocem propriam cuique esse partitam: & non dixit esse unicuique datam propriam antiquæ vocis cognitionem. Firmiter ergo credendum est unam solam ante Babel ædificationem fuisse linguam. Philaster autem ex praua scripturæ intelligentia deceptus est. Nam antequam de huius turris ædificatione scriptura loqui inciperet, cum septem filios Iapheth per ordinem recenseret, hæc dixit: Ab his diuisæ sunt insulæ gentium in regionibus suis unusquisque secundum linguam & familias suas. Quæ verba non intelligens Philaster esse per anticipationem dicta, putauit iam tunc fuisse plures linguas antequam Babel ædificaretur. Oportebat tamen illum meminisse sacræ scripturæ morem esse aliqua per anticipationem narrare: ut scilicet antequam facta fuerint, quodammodo & perfunctorie narrentur, ut postea suo ordine res quæque gesta largius describatur. Hæc enim vna est & non minima ex Ticonii regulis pro sacræ scripturæ intelligentia, quas B. Augu. in lib. de doctrina christiana impense laudat. Superius enim sacra scriptura per anticipationem dixerat unumquemque populum suam linguam habuisse, nec tamen dixerat quo pacto, sed pertransiit ad aliorum filiorum Noe progeniem describendam: deinde verò ad id quod omiserat rediens, narrat quomodo vel ob quam causam diuisio vel confusio linguarum multarum facta fuerit,

*Gene. 10*

fuerit, & dicit: Erat autem terra labii vnus &c. Et hunc esse verum literę sensum docet B. Augu. lib. 16. de ciuitate Dei cap. 4. *Auguſt.* sic inquit: Cum ergo in suis linguis istę gentes fuisset referatur, redit tamen ad illud tempus narrator, quando vna lingua omnium fuit: & inde iam exponit quid acciderit vt linguarum diuersitas nasceretur. Et erat, inquit, omnis terra labium vnũ, & vox vna omnibus. Hęc *Auguſt.* Et quidem pro hac re satis me dixisse arbitror, hoc solo contentus, si prius monuerim lectorę, vt animaduertat quā periculosum sit leuiter de hęresi pronuntiare. Nam Philaster vir alioqui doctus, & pro fide catholica pugnās, cum alios de hęresi notat, ipse in errorem labitur, assertionem verę catholicam dānans. Nec miror, quoniam, vt est in prouerbio, quandoq; bonus dormitat Homerus. Sed neq; ipse Philaster, vt B. Augu. de illo refert, homo admodũ doctus erat: propter quod in suis censuris facilius errare potuit.

F. ALFONSI DE CASTRO ADVERSUS HÆRESIS, Liber Decimus

MALVM ET MALITIA.



Vt Aristotelis præceptum, omne æquiuocum prius est in sua diuersa significata partiendum, & postea de eorum quolibet seorsum loquendum. Cum ergo hæc vox malum, aut hæc vox malitia, multa significet in sacris literis, oportet vt prius quā de eius significatis loquamur, ostendamus multiplicem illius significationē. Est enim multiplex malum, & omne tale aduentitiũ aut accidentale. nā quod nulla res sit mala ex natura, iam supra contra impiũ Manichęum Deo auctore euicimus, in tit. de Creatura, hęresi. 2. Malum ergo quod accidit rei, duplex est. nam quoddā est malum culpę: aliud est malum pęnę, quod mea sententia rectius dici posset damnum. Iuxta hanc ergo mali partitionem etiam partitę sunt hęreses quę de malo loquuntur.

**P**Rima ergo hęresis dicit malum esse à Deo, & Deũ facere mala. Huius hęresis auctor fuit Florinus quidam, à quo *Florinus.* Floriani dicti sunt. Hic Florinus fuit tempore Commodi imperatoris, & papę Eleutherii, Florinum in eodē errore imitatus est quidam alius nomine Blastus. Et aduersus hos duos hęreticos, vt testatur Eusebius Cæsariensis lib. 5. historię Ecclesiastice. *Blastus.*

- capite 20. scripsit B. Irenæus ad Blastum de schismate librum vnum: ad Florinum de monarchia, & quod Deus nō sit author malorum, librū alium. Hunc eundem errorē postea suscitavūt
- Seleucus.* Seleuciani & Hermiani à Seleuco & Hermia authoribus sic
- Hermias.* appellati. Hi dicebant malū aliquando esse à Deo, aliquando
- Mat. 7* a materia. Hunc errorē apertissimè dānat ipse veritatis magister dicens, Nō potest arbor bona fructus malos facere. Aut ergo Deus bonus non est, aut mala producere nō potest. At Deus bonus est, imo ille solus bonus est: quoniam ex se & à se bonus est: ergo ille mala facere nō potest. Præterea, Paulus Aposto. in
- Ro. II.* ea quæ est ad Ro. epist. ait, Si radix sancta, & rami. At nullus vere potest dici sanctus nisi Deus, qui solus est sanctus, sicut & solus Dominus. Nam de hoc duo Seraphim clamabant alter ad
- Esa. 6.* alterum, Sanctus, Sanctus, Sanctus Dominus Deus Sabaoth. Si ergo Deus sanctus, qui sit vt rami ab eo procedentes mali sint? Non enim fallitur Apost. dicens, Si radix sancta, & rami. Rursum, Si Deus est causa malorum, aut malorum quæ a natura sunt mala, aut aliorum malorum quæ sunt contraria iustitiæ & rectitudini, quæ alio nomine vocantur vitia & peccata. Mala ex sua natura nulla esse, superius in titu. de creatura contra Manichæū ostendimus. Quod si nihil est à natura malū, & Deus, vt Florinus ait, est author malorū, necesse est vt sit author vitiorum & peccatorum nostrorum, & per cōsequens perditionis nostræ. Verū huic sententiæ ipsemet contradicit, qui per prophetam Oseam ait, Perditio tua ex te Israel. tantūmodo in me auxilium tuum. Et certè si Deus esset causa nostrorum malorū, nimis iniustus esset, si nos puniret propter mala quæ ipse operatus est. At cum Deus puniat peccatores, & iustissimè hoc faciat, qui iustus est, & iniustè nihil agere potest, conuincitur inde apertissimè illum non esse causam nostrorum malorum. Sed
- Roma. 9* hic quispiam fortasse obiiciet nobis illud Apostoli, O homo, tu quis es qui respondeas Deo? Nonquid dicet figmentū ei qui se finxit, Quid me fecisti sic? An non habet potestatem figulus luti ex eadē massa facere aliud quidem vas in honorem, aliud verò in contumeliam? Ex quibus verbis fortè alicui videbitur Paulum asserere mala esse à Deo, cum dicat Deum fecisse aliqua vasa in contumeliam. Sed hoc non ita se habet. Pro cuius clariori intelligentia id prius admonere oportet, solēne esse in sacris literis permissionem Dei actionem illius vocare, ita vt illa
- Exo. 4* quæ Deus permittit, eundem agere dicat. Ego, inquit Deus indurabo

indurabo cor Pharaonis. Tunc enim Deus peccatorum corda obdurat, cum illos pro magnitudine suæ bonitatis tolerat, non eos statim puniens, sed expectans ad pœnitentiã, propter cuius benignitatem & patientiã qua peccatores abutuntur, illi redduntur quotidie peiores: quẽadmodũ Dominus habẽs seruum improbum, quem humaniter & benignẽ tractãs facit deteriore: non quidem quod Dominus seruum malitia inibuat, sed quod seruus abusus sit domini benignitate ad auge dam suã malitiã. Indurare ergo dicitur Deus Pharaonem, quia permittit illum indurari. Sic enim intelligendum est illud quod Dominus per Ezechielem prophetam ait, loquens de propheta respondente peccatori interroganti in malitia sua, Ego decipiã, inquit, prophetam illũ. Decipiet quidem, nõ quod notitiã fallacẽ in eo causet, sed quia permittet illum decipi, & hoc propter malitiã ipsius interrogantis. Vnde ipse Dominus subiungit dicẽs, Iuxta iniquitatem interrogantis, iniquitas prophetæ erit, Ad eundẽ modum etiam intelligendu est illud dictum Pauli Apost. proximẽ citatum, quo ait Deũ facere alia vasa in honorem, alia in contumeliã. Facit enim Deus omnia quantum ad eorũ substantiam, iuxta illorum autem bonitatem & malitiã vario modo se habet. Nam illorum bonitatem facit Deus cum libero illorum arbitrio, quod simul cũ Deo operatur. Illorum verò malitiã Deus non operatur, sed solũ illorum liberum arbitrium. Deus ergo dicitur facere vasa in ignominiã, non quod ipse fecerit illa ignominiola, sed quia postquam Deus fecit vasa, id est homines, quantum ad eorũ substantiam, illi Deo permittente lapsi sunt in ignominiam. Sic igitur accipiendum est cũ dicitur Deum facere vasa in contumeliã, vt facere ibidem capiatur pro eo quod est permittere, ticut & in aliis pluribus scripturæ locis factum esse comperimus. Et de hac hæresi hæc dicta sufficiant.

Secunda hæresis docet aliquas esse creaturas ex se malas, & has dicit esse productas nõ à Deo tummo bono, sed à quodam alio principio omnium malorum quod dicit esse summũ malum. Hæc hæresis tribuitur Manichæo velut primo illius auctori, & hoc quia fortẽ ab illo magis innotuit, aut fortẽ quia magis sub illo præualuit vt plures deciperet. Nam alioqui in iustẽ hæc hæresis tribueretur Manichæo, velut illius parenti, cũ multo vetustior sit illius origo. Cerdon siquidẽ, vt ait Augusti. in lib. de hæresi. cap. vigesimoprimo testatur, duo posuit prin-

Exo. 14

Manichæus.

Cerdon.



*Gnostici.* cipia rerum, vnum bonum à quo bona, aliud malū à quo cetera mala procedere dicebat. Ante Cerdonem docuerunt etiam hunc errorem ii hæretici qui vocati sunt Gnostici. Hoc enim illis tribuit Augustinus in lib. de hæresibus cap. 6. Manichæus ergo dixit duo esse principia, vnū bonum à quo producta sint bona, videlicet inuisibilia & incorporea, prout sunt supercelestes & angelicæ substantiæ, & animæ rationales. Alterū malū, à quo, vt dicit, producta sunt omnia mala, & hæc dicit esse omnia corporea & visibilia. Contra hanc hæresim pluribus in locis iam suprà disputauimus. Nam in titulo de creatura, hæresi prima, ostēdimus omnes creaturas esse productas ab vno Deo. Et hæresi secunda eiusdem tituli probauimus ex sacris literis aduersus eundem Manichæum omnes creaturas esse bonas. Et in titulo de Deo, hæresi prima, conuincimus apertissimè ex sacris literis vnum esse Deum, qui verus & nouum condidit testamentum. At illa ergo loca recurat lector, quoniam ex illis factis aperte hæc hæresis prosternitur. Et si lector curiosus plura de hac re nosse cupit, petat ab Augustino, qui sæpissimè aduersus hanc hæresim disputat. In libro de libero arbitrio ostendit malum nullū esse ex sua natura, nec à Deo, sed à nostro libero arbitrio. Hoc idē probat latissimè & efficacissime in libro secundo de moribus ecclesiæ. In disputatione quam habuit cum Fortunato Manichæo, de eadem re tractatur. In libro de duabus animabus eandem rem agit.

*Coluthiani.* Tertia hæresis negat Deum facere aliquod malum, quæcunque illud fuerit. Huius hæresis author (vt testantur Philaster & Augustinus) fuit quidam Coluthus Aegyptius, à quo dicti sunt Coluthiani. Et quamuis Augustinus de his Coluthianis scribens in libro de hæresibus capite sexagesimo quarto subticuit patriam Coluthi illorum authoris: tamen Philaster expressit in suo libro de hæresibus. Nullus tamen illorum prodidit quo tempore ille fuerit: neque apud aliquem alium inuenire potui. Hæc sententia ideo de hæresi notatur, quoniam afflictiones & angustiarum mala vocantur in sacra scriptura, non quòd ex se mala sint, sed quòd sint aut videantur mala tolerantibus. Nocent certè aliqua ex parte afflictiones & cruciatus illis quibus infliguntur: ex alia tamen parte prosunt, cum per illorum patientiam mali emendentur, & boni meliores fiant. Quia ergo generali sententia Coluthus assererat Deum non esse alicuius mali factorem, ideo velut hæreticus dānatur, & meri

& merito, quoniam constat ex sacris literis afflictionem infligi à Deo, & hanc vocari malum. Nam per Esaiam prophetam dominus ait: Ego dominus, & non est alter, formans lucem, & creans tenebras: faciens pacem, & creans malum. Malum hic dixit bellum, non quod per se malum sit, sed quod malum sit illis qui sustinent: malum quidem, quia nocivum. Quod autem nominis mali ibi intelligat bellum, conuincitur ex literæ decursu, in quæ est quædam contrariorum oppositio. sicut enim tenebræ contrariæ sunt luci, sic etiam paci bellum. ergo cum paci opposuit malum, conuincitur ut malum sit bellum. Præterea, per Hieremiam prophetam hoc idem expressius Deus ostendit sic dicens populo Iudæorum, Ecce ego inducam super eos mala, de quibus exire non poterunt. Et quod mala ibi dixerit afflictiones, conuincit id quod sequitur, Clamabunt (inquit) ad me, & non exaudiam eos, & ibunt ciuitates Iuda, & habitatores Hierusalem, & clamabunt ad Deos quibus libant, & non saluabunt eos in tempore afflictionis eorum. Ecce apertissime afflictiones dictas esse mala quædam, quæ dominus minatur se inducturum super ciuitates Iuda, à quibus dicit eas non posse saluari per auxilium deorum quibus libabant. Rursum, Ionas propheta describens qualiter Niniuitæ ad eius prædicationem penituerint, ait: Et vidit Deus opera eorum quia conuersi sunt de via sua mala, & misertus est Deus super malitiam quam locutus fuerat ut faceret eis, & non fecit. Deinde, ipse veritatis magister sollicitudinem in crastinum, ait: Crastinus enim dies sollicitus erit sibi ipsi, sufficit diei malitia sua, hoc est, sufficit cuique diei ut pro necessariis ad illum diem, tribulationem & angustiam toleret. Demum, apud Amos prophetam dicitur, Non est malum in ciuitate quod dominus non fecerit. per quæ verba innuere voluit nullam esse tribulationem aut angustiam quæ non veniat à domino, illam aut faciente, aut permittente.

Quarta hæresis est quam inter alias Philaster recenset, quæ sua venire voluntate, sed à Dei iussione procedere dicit. Sed huius hæresis nullum indicauit authorem. Sit tamen cuius huius sententiæ author: constat illam esse à fide catholica alienam. Nam Hieremias ad Sedechiam regem Iuda & ad populum eius loquens ait: Subiicite colla vestra sub iugo regis Babylonis, & seruite ei, & viuetis. Quare monemini tu & populus tuus gladio, & fame, & peste, sicut lo-

- cutus est Dominus ad gentem quæ seruire noluerit regi Babylonis? Nolite audire verba prophetarum dicentium vobis, Non seruietis regi Babylonis: quia mendacium ipsi loquuntur vobis: quia non misit eos, ait Dominus: & ipsi prophetabāt in nomine meo mendaciter, ut eiciant vos, & pereatis tam vos quā prophetae qui vaticinātur vobis. Hæc Hieremiæ verba tam aperta sunt ad huius hæresis oppugnationē, ut non sit opus interpretatione: quoniā de pseudopropheta loquēs dicit Dominus, quod non misit eos. Et de malis regibus per Oseā prophetā loquens Dominus ait: Ipsi regnauerūt, & non ex me: principes extiterunt, & non cognoui. Quibus verbis decē tribubus Deus exprobrat quod Hieroboā & succedētes illi reges propter Dei voluntatē reges instituerint, & illi citra Dei cōsiliū dominati sint. Mali ergo reges non à Deo mittuntur ut mali sint, sed suo ipsorum arbitrio mali fiūt. Verū hic huius hæresis author nobis obicit quod in lib. Regū legitur de Achaia propheta Silonite, quod lacerauerit palliū suū in duodecim sectiones: ac decē quidē dederit Hieroboā, prædixeritque illi, Rex decē tribuū eris. & postea dehortans Roboā regē à bello quod parabat facere aduersus Israelitas ut illos ad suū imperium reduceret, dixit Deus: A me enim factū est verbū hoc. quibus verbis Deus testatus est se decem tribuū regnū tradidisse Hieroboā. ergo ille ex Deo regnauit. Cui obiectioni nos respondemus quod multa sunt in sacris literis quæ à Deo facta esse dicuntur eo quod illa fieri permisit, non quidē quod præcedente Dei cōsilio & voluntate facta esse credamus, sed ex permissione, ita scilicet quod malignis hominū voluntatibus obstare noluerit, sed illos proprio eorum arbitrio agere permisit. Sic enim accipiendū est quod de gentibus ait Paulus. Tradidit illos Deus (inquit ille) in desideria cordis eorum, & immunditiā, ut cōtumelias afficiant corpora sua in semetipsis. Tradidit dixit, pro eo quod est permisit. Deus enim non est nostrarū culparum author: permittit tamen nobis ex nostra sentētia agere. Cū autem ab illo dimittimur, in maxima quæque peccata labimur. Sic enim ipse per prophetam testatur dicens: Dimisi eos secundum desideria cordis eorum: ibunt in adinventionibus suis. Sic etiam accipiendū est quod de malo propheta, qui populo propter illius iniquitatē datus est, Ezech. 14 Dominus per prophetam Ezech. loquens ait: Et propheta cum errauerit, & locutus fuerit verbū, ego Dominus decepi prophetam illum. Non est enim verisimile ut Deus qui tam stricte de-
- ceptio

ceptiones & fallacias hominibus prohibuit, ipse decipere velit. Propter quod id quod ait, decepi prophetam illū, sic accipiendum est, quod illum decipi permisit, nec illū docere voluerit. Sic etiam cum dixit, A me factum est verbum hoc, videlicet vt 3. Reg. 12 Hieroboam decem tribubus imperaret: permissionē diuinam intellige. Quando vero dixit, Ipsi regnauerunt, & non ex me: Osee 8 principes extiterūt, & non cognoui: sic accipere debes, quod nō Dei consilio aut praecepto factum sit. Sed vt ista apertiora sint, admonere decreui quod duo oporteat considerare in quolibet malo propheta, & in malo rege. Alterum est propria illius nequitia: alterum est quod malus ille existens aliis prophetet aut regnet. Primum videlicet regis aut prophetae culpa, nunquam est à Deo. Et si de hoc intelligit hæc sententia, quæ docet malos reges aut prophetas esse à Deo, ita vt sentiat istorum peccatum esse à Deo: nō solū est hæretis, sed aperta in Deū blasphemia. Alterum est quod cū rex aut propheta ex se, hoc est à suo arbitrio iam malus sit, Deus illum mittit vt prophetet aut regnet populo alicui malo propter sua peccata. ille autē sic missus, non à Deo mittitur vt prophetando decipiat, aut regnando tyrānidem exerceat: sed postquā illum suo arbitrio malum factum Deus mittit ad aliquod bonum, sinit illum iuxta suā malitiam agere, vt sic populū puniat. Et quidē hoc verū est. Nam (vt ait Iob) Deus regnare facit hypocritā propter peccata populi. Non facit Deus illum hypocritā: sed cū ille iam sit hypocrita & malus, illū Deus regnare facit propter peccata populi. Et per Esaia prophetam Dominus ait: Vx Assur. virga furoris mei, & baculus ipse est, in manu eius indignatio mea. Ad gē Esai 10 tem fallacem mittam eum, & contra populum furoris mei mandabo illi vt auferat spolia & diripiat prædam, & ponat illum in conculcationem, quasi lutum platearum. Ipse autem nō sic arbitrabitur, & cor eius nō ita existimabit. Vide hic qualiter Deus miserit Assur, quāuis ille se à Deo missum nō intellexerit. Et apost. Paulus ait: Eo quod charitatē veritatis nō receperūt, vt salui fierēt, ideo mittet illis Deus operationē erroris, vt credāt mendacio: vt iudicentur omnes qui non credūt veritati. Et iuxta hunc sensum nō est hæretis dicere malos reges à Dei voluntate venire, sicut alias in titulo de potestate dicimus.

## MARIA VIRGO.

**N**on est mirum si Dei genitricis honorem hæretici conati sunt minuere, cum etiam ipsius Dei nomen nō sint veri-



ti polluere. Eluidius ergo vnus ex his, qui in insipientia sunt  
*Eluidius.* deprehensi, asseruit beatam Dei genitricem post Christi nati-  
 uitatem fuisse carnaliter cognitam à Ioseph viro suo. Ad quem  
*Mat. 1* errorem docendum motus est ex eo quod apud Matthæum di-  
 citur, Antequam conuenirent, inuenta est in utero habens.  
 Et iterum, Non cognouit eam Ioseph donec peperit filium  
 suum primogenitum. Ex quibus locis Eluidius colligit Dei  
 genitricem postquam peperit Christum, esse à Ioseph co-  
 gnitam carnaliter, eamque peperisse filios alios quos (vt ait)  
*Mat. 17* euangelium appellat fratres Christi. Nam apud Matthæum  
 dicunt Iudæi Christo, Ecce mater tua & fratres tui foris stant  
 quærentes te. Verum Eluidius ex litera perperam intelle-  
 cta in hunc errorem lapsus est. Cuius autem patris aut na-  
 tionis fuerit, mihi non constat. Hoc solum ex Gennadio  
 agnoui illum fuisse Auxentij discipulum, & Hieronymo co-  
 uum. Huius hæresis fautores vocati sunt Antidicomaritæ.  
*Antidico-* Hunc errorem impingit etiam Iouiniano Augustinus in libro  
*maritæ.* de hæresibus. Hieronymus tamen qui duobus libris contra Iou-  
*Iouiniani* uiniani errores pugnat, nunquam huius meminit. Primum ergo  
*vnus.* Dei genitricis virginitatem ostendamus: deinde respondebi-  
 mus Eluidij obiectionibus. Ad ostendendam Mariæ virgini-  
 tatem perpetuam etsi scripturæ sacræ locus apertus deficiat,  
 non desunt tamen alia testimonia æquè aut paulò minus effi-  
 cacia. Ecclesiæ nanque authoritas non minoris est ponderis  
 quàm sacra scriptura, quoniam sicut sacra scriptura est quod  
 à sancto spiritu est condita, errare non potest, ita ecclesia quo-  
 niam à spiritu sancto regitur & docetur, nec fallere nec falli  
 potest. Ecclesia autem sentit Dei genitricem fuisse perpetuò  
 virginem, quoniam sic eam vbique terrarum prædicat, vt no-  
 mine virginis intactæ & intemeratæ semper illam appelleret.  
 Præterea concors omnium sacrarum doctorum sententia (vt  
 supra libro primo docuimus) pro vera fide habenda est, quo-  
 niam non esset possibile vt omnes concorditer sentirent, nisi à  
 spiritu sancto vno illorum omnium doctore atque rectore fuis-  
 sent edocti, potissimum cum plures eorum fuerint abinuicem  
 loco & tempore separati, ita vt nec vnus alium nouerit, nec  
 illius opera viderit. Quapropter fieri non poterat vt omnes  
 concorditer sentirent, si spiritus sanctus communis eorum ma-  
 gister illorum intellectus ad sic sentiendum non illustrasset.  
 Quod autem omnes sacri doctores sentiant beatam Dei geni-  
 tricem

tricem fuisse semper virginem, res est tam aperta, ut nō sit opus eorum testimonia impræsentiarum afferre, quoniā vix aliquē librum sermonum ad populum reperies, in quo non sint plurima sacrorū doctorum pro hac re testimonia. Et hoc non solū sentire Latini, sed idē etiā clamant Græci scriptores. Hoc enim sentit Theophyl. Græcorum recentissimus, idem sæpe clamat Damascenus, idem docet Chrysostomus. idem sentit Basilius, præcipuē in quodam sermone de humana Christi generatione. De Origene nō est opus dicere, cū in plerisq; locis eam prædicet virginem perpetuam. Beatus Irenæus Lugdunensis episcopus temporibus Apostolorum valde vicinus, qui fuit discipulus Polycarpi martyris: is inquam nūquam Dei genitricem (quod sciamus) appellat nisi nomine virginis. Et ut vnū ē multis locis ostendam, libro tertio aduersus hæreses cap. 23. & sequentibus sæpe illam virginem appellat. Beatus Ignatius, cuius aliquot exstant epistolæ ad deiparem virginem, eam fuisse virginem sæpissimē testatur. Deinde non solum doctores hoc sentiunt, sed totus populus Christianus spiritu sancto impellente in hanc sententiam flectitur. Quid ergo impij hæretici contra omnium sacrorum doctorum & totius populi consensum docere tentant? Oportet ergo ut, quemadmodum de Ismaele hæreticorum typo dicitur, manus omnium catholicorum contra Eluidium leuentur, quia ille manus contra omnes leuare tentauit. Omitto hic figuras & ænigmata in quibus sacra scriptura perpetuam Mariæ virginitatem prodidit, quoniam hæc, ut in primo libro docuimus, parum valent ad conuincendos hæreticos. Rursum, si beata Dei genitrix postquam Christum peperit, ut Eluidius ait, cognita est a viro suo, & genuit filios, quare Christus moriens non commendauit eam alicui ex aliis filiis? Iniuriam nanque fecisse videretur aliis filiis, commendando matrem suam alio quā filio, quoniam per hoc videretur parum confidisse de filiis quod debitum matri exhiberent obsequium. At cū ij quos Eluidius asserit fuisse filios virginis, viri fuerint sanctissimi, credendum erat eos sollicitam curam acturos pro Dei genitrice si illorum mater fuisset. Nam, ut de cæteris taceamus, Iacobū, qui dictus est frater Domini constat virum fuisse sanctissimum. Si ergo hic filius fuisset Dei genitricis, non erat opus illam Ioanni commendare, neque Christus vnquam illam Ioanni commendasset, quoniam hoc in inuidiam

Gen. 16

diam aliorum filiorum factum esse videretur. Præterea in se-  
*Ioan. 19* pulchro Christi sicut nec ante ita, nec post Christum quisquā  
 alius positus est. Si ergo corpori Christi defuncti talis exhibi-  
 tus est honor, ut nullus alius in eius sepulcro positus fuerit pro-  
 pter illius reuerentiam, multo maior honor oportet fuerit ven-  
 tri virginis exhibitus, ut nec ante Christū nec postea ullus ho-  
 minum ventrem ipsius intrauerit, præcipue quod in ea non so-  
 lum corpus Christi defuncti, ut in sepulcro, in quo solum cor-  
 pus absque anima, deitati tamen coniunctum iacuit, sed totus  
 Christus integer reconditus fuerit. Accedit ad hæc etiam testi-  
 moniū illud Matthæi quod nobis obiicit Eluidius. Suo enim  
 ipsius gladio ipsum Eluidium tanquam alterum Goliath trās-  
*Matt. 1* figere oportet. Sic enim ait Matthæus, Non cognouit eam Io-  
 seph donec peperit filium suum primogenitum. Tunc percon-  
 tari oportet Eluidium, quare Ioseph abstinere a tactu virginis  
 vsque ad diem partus? Certum est eum non alia de causa ab-  
 stinuisse nisi ob reuerentiam eius qui in utero virginis gestaba-  
 tur. Audierat nanque Ioseph angelum sibi in somnis dicentem:  
*Ibidem.* Quod in ea natum est, de spiritu sancto est. Qui ergo propter  
 angeli vocem sibi in somno factam abstinere, nonne multo ma-  
 gis abstinerebit cum oculis suis innumera videat miracula quæ  
 pueri nati maiestatem & diuinitatem, & matris dignitatē aper-  
 tissimè ipsi Ioseph demonstrabant? Ioseph nanque videt eam  
 præter communem aliarum mulierum legem parientem sine  
 dolore, sine obstetrice, audit multitudinem angelorum cātan-  
*Luc. 2* tium & dicentium, Gloria in altissimis Deo. videt pastores cla-  
 mantes, Magos adorantes. Cum hæc ergo & alia plurima vi-  
 dit post partum: credendum est tunc magis reueritum fuisse  
 virginē deiparam, magisq; ab illa abstinuisse, quàm ante par-  
*Exo. 19* tum. Nam si prohibentur omnes ne tangant montem in quem  
 Moyses recepturus legem ascēdit, eò q̄ ibi apparuit dominus,  
*Dan. 2* quanto magis erit prohibitum Ioseph tangere virginem glo-  
 riosam, quæ est mons ille vnde abscissus est lapis sine manibus  
 Christus Deus noster? Sed iam opus est ut respondeamus Elui-  
 dii obiectionibus. Sic enim argumentatur, Matthæus dicit q̄  
 antequàm conuenirent, inuenta est in utero habens: sequitur er-  
 go q̄ postea conuenerunt: nā aliàs non esset inuenta antequàm  
 conuenirent, quoniam vox illa antequàm, videtur dicere quē-  
 dam respectum ad sequentia. Huic autem respondemus non  
 ita esse ut semper illa vox antequàm, dicat respectum & com-  
 parat

parationem ad futura quæ venient, sed ex communi modo lo-  
 quendi sæpe dicitur per comparationē ad ea quæ ventura erant  
 si alio modo eorum euentus non fuisset prohibitus: vt gratia  
 exēpli si quis vellet aliquid ab alio quopiam petere, & ille alio  
 etiam non petente spontē tribuisset, & si sic non dedisset ille,  
 alius reuera petiturus erat, sed ideo non petiit, quia ille spontē  
 donans præuenit petitionem alterius: tunc si petatur ab illo  
 vtrum petiit quod petere decreuerat: respondebit quod non. Si  
 petatur quare non petiit: respondebit dicens, Quia antequam  
 ego peterem, alius donauit. Et tamen postquam vnus donauit,  
 alter non petiit. Dicitur tamē esse datum ante petitionem, quia  
 etsi non petiit, petiturus tamen erat nisi alter donando præue-  
 nisset petitionem. Neque hunc modum loquendi abhorrent sa-  
 cræ literæ. Nam apud Esaïam prophetam Deus ait: Antequam *Esa. 65*  
 clament, ego exaudiam. quia enim multa concedit Deus nobis  
 non petentibus, dicitur exaudire nos antequam clamemus. Et  
 tamen ibi illa vox antequam, non dicit respectum ad futura,  
 quoniam nullus clamat postquam exauditus est. Nullus enim  
 adeo demense est, vt petat id quod iam sibi donatū est. Ad hunc  
 modum dicitur in Matthæo quod antequam conuenirent, in-  
 uenta est in vtero habens, quia etsi postquam inuenta est, nun-  
 quam conuenerint, tamen fortē Ioseph voluisset coire cum ea  
 nisi prius ab angelo fuisset admonitus de admirabili virginis  
 imprægnatione. Secundo obicit Eluidius illud Matthæi quod *Matt. 1*  
 de Ioseph ait: Non cognouit eam donec peperit filium suū pri-  
 mogenitum. Si non cognouit eam (inquit Eluidius) donec pe-  
 peperit, ergo postquam peperit, cognouit eam: nam aliās non po-  
 fuisset terminum dicens, donec peperit, sed absolurē dixisset,  
 nō cognouit eam. Huic obiectioni etiam respondemus fallum  
 esse quod ait aduerbium illud videlicet donec, significare ter-  
 minum & finem actus designati per verbum cui additur, ita vt  
 post talem finem iam postea non sit tale opus aut operatio per  
 verbum cui additur, designata. Sed dicimus quod talia aduer-  
 bia videlicet, donec, vsq; & similia siqua sunt, solum significant  
 continuationem actus per verbum cui adduntur designati. nul-  
 lo habito respectu ad futura, siue ille idem actus postea succe-  
 dat, siue non. Si enim de Petro qui ex Hispania vsque in Flan-  
 driam recessit, quærat, quod iuit Petrus? verē quisque respon-  
 dere potest quod iuit vsque Lutetiam, aut vsque Burdegalim,  
 aut vsque Baionam, etiam si vltra hæc oppida progressus fue-  
 rit. Et



- Esa. 45** rit. Et hic modus loquendi frequens est in sacris literis. In Esa-  
nanque sic loquitur Deus, Usque ad senectam ego portabo eos,  
& tamen postquam senuerimus, non minus portabit nos. Et in  
psalmo 70. Usque in senectam & senium Deus ne derelinquas  
me, donec annunciem brachium tuum generationi omni quæ  
ventura est. Ecce ibi vides posita ambo aduerbia, videlicet vs-  
que, donec, & tamen post illa tempora non perit David dere-  
**Mat. ult.** linqui. Et apud Matthæum ait Christus, Ego vobiscum sum  
vsque ad consummationem seculi. Ex quibus verbis iuxta El-  
uidij interpretationem oportet & colligere quod consummato  
seculo Christus nō erit nobiscum. Absit tamen vt in talem er-  
**Gen. 13** rorem vllus labatur. De coruo quem misit Noe ab arca, dicitur  
quod non reuertebatur donec siccarentur aquæ, qui tamē nun-  
**Psal. 122** quam postea fuit reuersus, etiam siccatis aquis. Et in psalmo,  
Oculi nostri ad dominum Deum nostrum donec misereatur  
nostri. Nunquid postquam Deus misertus fuerit nostri, nō am-  
plius leuabimus oculos nostros ad Deum? Absit, quoniam qui  
hoc dixit, alibi ait: Meditatio cordis mei in conspectu tuo sem-  
**Psal. 16** per. Et iterum, Quomodo dilexi legem tuam domine, tota die  
meditatio mea est. Et beatus Paulus de Christo loquens ait:  
**Psal. 118** Oportet illum regnare donec ponat inimicos suos scabellum  
**1. Cor. 15** pedum suorum. Quid ad hæc dicit Eluidius? Nunquid post-  
quam Christus posuerit inimicos suos sub pedibus suis, am-  
plius non regnabit? Absit. Regni enim eius (inquit angelus) nō  
erit finis. Sed iam alia via inuadere tentat Eluidius. Si Christus  
**Luc. 1** est (inquit ille) primogenitus virginis, ergo alios habuit Dei fi-  
lios, ad quorum comparisonem Christus dicitur primogeni-  
tus. Et in hac parte etiam hallucinatur Eluidius, quoniam non  
semper hæc vox primum aut primogenitum dicitur per com-  
parationem ad secundum aut tertium sequens, sed etiā id quod  
solum est, dicitur aliquando in sacris literis primum, aliquan-  
**Num. 18** do primogenitum. Quæ duo simul vno contextu in libro Nu-  
merorum reperiuntur. Sic enim ibi dominus sacerdotibus di-  
cit, Quicquid primum erumpit ē vulua cunctæ carnis quam  
offerunt domino, siue ex hominibus, siue ex pecoribus fuerit,  
tui iuris erit, ita dūtaxat, vt pro hominis primogenito precium  
accipias &c. Ecce audis vno cōtextu vocari primum & primo-  
genitum etiam id quod solum est. Nam aliās qui solum vnum  
filium habebat, non teneretur illum offerre Deo & redimere  
quousque alium haberet ad quem relatus diceretur primus.

Hoc

Hoc autem conuincitur esse falsum, quoniam beata Dei genitrix cum filium suum obtulit domino in manibus Simeonis, iuxta legem fecit, vt Lucas testatur. At tunc temporis beatam Dei genitricem nullum alium habuisse filium præter Christum, euangelium Matthæi testatur, & Eluidius fatetur. Colligitur ergo vt Christus primogenitus beatæ virginis meritò dici possit, etiam si nullum alium filium habuerit. Quod autem dicitur in euangelio Christum habuisse fratres, parum mouet, quia solenne est in sacris literis fratres appellari eos qui aliqua consanguinitate coniuncti sunt, quanuis non sint ex eisdem parentibus geniti, vt Loth vocatur frater Abraham, quem tamen eadem scriptura testatur fuisse filium fratris Abrahæ. Cum ergo ea quæ Eluidius obiicit, nullius sint momenti, & ecclesiæ auctoritas tanta sit, vt illius definitionibus credere teneamur, fateri necesse est beatam Dei genitricem fuisse perpetuò virginem, quoniam sic ecclesia docet. Contra Eluidium scripsit beatus Hieronymus singularè tractatū. Beatus Alфонsus archiepiscopus Toletanus ducētis annis & eo amplius Hieronymo posterior scripsit de eadē re aduersus quosdā hereticos qui hanc Eluidij hæresim in Hispania suscitare conati sunt. Hugo de sancto Victore edidit libellū quendā de perpetua virginitate Mariæ.

Secunda est hæresis asserens beatam virginem Mariam non esse dicendam Dei genitricem, sed tantum hominis cuiusdam iusti matrem. Dicit enim hæc hæresis in Christo esse duas personas, sicut duas naturas, & vnā personam dicit esse Deum solū, & aliam hominem solū: & huius personæ quam dicit esse hominem solū, dicit beatam virginem esse matrem. Et ita negat beatam virginem esse matrē Dei. Huius erroris autor fuit Nestorius. Sed de hoc errore iam satis supra dictum est in Nestorius. titulo Christus, hæresi tertia. Ad illum ergo locum recurrat lector, quoniam ibi huius erroris expugnationem inueniet.

## MARTYRIUM.

**F**uit quidam error quem docuit Basilides, dicens non esse aliquod crimen negare Christum persecutionis tempore. Quapropter dicebat esse dementia pro hac re pati mortem, cum citra crimen possit Christus negari. Qua sententia homines à martyrio auertebat. Hunc eundem errorem docuerunt quidam hæretici dicti Elcesaitæ, quanquam aliter, & propter aliam causam quam Basilides. Nā Basilides (vt de illo ait Philaster) non simpliciter auertebat homines à martyrio, sed solū dicebat

Basilides.

Elcesaitæ.

dicebat non esse tolerandam mortē pro confessione mortis & crucifixionis Christi. Hoc autē dicebat, quia (vt suprà diximus) Basilides negauit Christum fuisse crucifixum, sed Simonem illum Cyrenæum, qui angariatus portauit crucē, dixit fuisse crucifixum pro Christo. Hac igitur de causā ridebat eos qui mortem patiebantur ne Christum negarent pro nobis crucifixum, quia dicebat eos pati pro mendacio. Huius erroris fundamentum iam euertimus suprà in titulo Christus. hæresi 7. ideo non est quod amplius modò aduersus eam disputemus. Elcesaitæ vero aliter sentiunt. Dicunt enim ideo non esse peccatum negare Christum persecutionis tempore, quia is qui fixus est in corde suo, etiam si ore negauerit Christū pro necessitate, corde tamen in fide permanet. Quapropter dicunt talem sic ore negantem non peccare, cum Deus magis aspiciat cor quàm linguam. Hæc de Elcesaitis narrat Eusebius lib. 6. historiæ Ecclesiasticæ cap. 28. Hæc hæresis apertissimis scripturæ testimoniis conuincitur. Sapiens nanque ait: Os quod mentitur, occidit animam. At qui ore negat, corde autem fatetur, mentitur: occidit ergo animam qui ore negat, etiam si corde fateatur. Potius ergo deberet mortem corporis pati confitendo Christum, ne cum negauerit ore, occidat animam, quæ multò melior est corpore. Nam Christus redemptor noster apud Matthæum ait: Nolite timere eos qui occidunt corpus, animam autem non possunt occidere, sed potius illum timere qui potest corpus & animā mittere in gehennam. Et paucis interiectis concludit idem Saluator, sic inquit: Omnis ergo qui confitebitur me coram hominibus, confitebor & ego eum coram patre meo qui in cœlis est: qui autem negauerit me coram hominibus, negabo & ego eum coram patre meo qui in cœlis est. Præterea ipse veritatis magister ait: Beati qui persecutionem patiuntur propter iustitiam, quoniam ipsorum est regnum cœlorum. Rursum beatus Paulus dicit esse necessariam confessionem oris, sicut fidem cordis. Sic enim ait, Si confitearis in ore tuo dominū Iesum, & in corde tuo credideris quod Deus illum excitauit à mortuis, saluus eris. Corde enim creditur ad iustitiam, ore autem confessio fit ad salutē. Deinde ipse veritatis magister discipulis suis loquens ait: Eritis mihi testes in omni Hierusalem & Iudæa & Samaria, & vsque ad vltimum terræ. Si ergo hi discipuli in persecutione positi Christū negassent ore, etiam si confiterentur corde, fuissent testes mēdaces & falsi. Testis autem falsus (vt Sapiens ait) peribit.

Elcesaitæ.

Sap. 1

Mat. 10

Mat. 5

Rom. 10

Act. 1

peribit. Nullo ergo modo ob quamlibet persecutionem licet Pro. 21  
fidem negare ore quantumlibet teneatur corde, sed præstat to-  
lerare mortē, quam negare veritatem, ut sit bonus martyr, hoc  
est verus testis & fidelis. Nam hoc est martyr Græcè, quod est  
latine testis.

Secunda hæresis est quæ docet eos qui se pro peccato interi-  
munt, debere martyres nuncupari, pro eo quod puniunt in se  
quod dolent commisisse. Huius erroris author fuit Petilianus *Petilianus*  
quidam Donatista, contra quem extant aliquot Augusti. tracta-  
tus. Hic error conuincitur ex facto Iudæ, qui dolens de peccato  
quod cōmiserat, se suspendit. Quod autem dolens de peccato  
hoc fecerit, Matthæus testatur, quia ait, Tunc videns Iudas qui *Mat. 27*  
eum tradidit, quod damnatus esset, pœnitentia ductus retulit  
triginta argenteos principibus sacerdotum & senioribus, dicēs,  
Peccaui, tradens sanguinem iustum. Iudam autem fuisse dam-  
natum nullus catholicus dubitat, cū tam apertum sit testimo-  
nium scripturæ. Propheta nāque de Iuda loquens ait, Cum iu- *Psal. 108*  
dicatur, exeat condēnatus, & oratio eius fiat in peccatum. Fiant  
dies eius pauci, & episcopatum eius accipiat alter. Et quod hæc  
verba sint de Iuda intelligenda, B. Petrus testatur in ea oratio- *Actu. 1*  
ne quam ad reliquos condiscipulos habuit post Christi in cœ-  
los ascensionē, loquens de subrogatione alterius in locū Iudæ.

Tertia hæresis est adhuc pestilentior, ne dicā atrocior, quo-  
niam asserit omnes qui mortē vltro dei patiuntur, esse marty-  
res dicendos, siue talem mortem ab aliis inflictā patiantur, siue  
eam sibi ipsis infligant. Huius hæresis authores vocat Augusti.  
Circuncelliones libro de hæresibus cap. 69. dicens eos esse ge- *Circuncel-*  
nus hominum agreste, & famosissimæ audaciæ, non solum in *liones.*  
alios immania facinora perpetrando, sed nec sibi eadem insa-  
nia & feritate parcendo. Nam per mortes varias, maximè præ-  
cipitiorum, & aquarum, & ignium, seipso necare consueuerūt.  
Et in istum furorē alios seducunt, ut seipso occidāt: quod si fa-  
cere alii contennunt, mortem illis minantur, dicentes hoc mo-  
do illos martyres fieri. Hos hæreticos Philaster vocat Circui- *Circuito-*  
tores, quoniam ad hæc facinora perpetranda per diuersas partes *res.*  
circumibant. Quis huius insanæ hæresis fuerit dux, aut quo  
tempore cœperit, nec Augusti. neque Philaster prodiderunt.  
Augustinus dicit illos pertinere ad Donatistas & sub illis mili-  
tare. Istorum error cōuincitur apertissimè per id quod dicitur  
in lege Domini: Non occides. Quibus verbis quælibet homi- *Exo. 20*



*Mat.* nis occisio prohibetur, præter illam quæ ex præcepto iudicis in vindictam malefactorum fit. Si ergo non licet occidere alium, multo minus seipsum. Præterea qui seipsum interimit, agit contra naturalem omnium hominum inclinationem, non solùm contra inclinationem malam quæ est in natura deprauata, sed contra inclinationem naturæ perfectæ. At cùm talis inclinatio sit semper recta, qui contra illam agit, conuincitur malè agere. Quòd autem inclinatio ad vitam sit naturalis hominibus etiam ante peccatum, patet, quia Christus, in quo peccatum nullum fuit, horrebat mortem, quod non fuisset factum nisi in eo fuisset naturalis inclinatio ad vitam. Rursum cultos carceris in quo erant Paulus & Silas inclusi, videns apertas ianuas carceris, euaginato gladio volebat se interficere, existimans fugisse victos. Clamauit autem Paul. voce magna dicens, Nihil tibi mali feceris: vniuersi enim hic sumus. Si occidens seipsum esset martyr, censendus, nunquàm Paulus impedisset custodem carceris ne se occideret. At cùm Paulus eum ab occisione auocauerit, voce magna dicens, Nihil tibi mali feceris, conuincitur malam esse suipsum occisionem, tantum abest vt martyrium dici mereatur. Contra hanc hæresim pugnat idem argumentum quod aduersus proximè enarratam hæresim fecimus. Et cùm res sit tam aperta, nò est opus plura testimonia citare.

## MATRIMONIUM.

**Q** Vanis non defuerint neque nunc defint hæreses quæ matrimonium impetant, nihil tamen nunc de illis dicitur, sed infra in tit. de nuptiis, de huiusmodi hæresibus agetur. Vsq; ad illum enim locum decreui hanc rem differre, quoniam apud vetustos auctores frequētius est nomen nuptiarum quàm nomen matrimonii, & res quæ ad matrimonium spectant, sub nomine nuptiarum ab illis pertractantur. Rarum certè apud illos est matrimonii nomen, & in sacris literis etiam frequentius est nomen nuptiarum quàm matrimonii, quanquàm hæc vox etiam in sacris literis sæpe reperitur.

## MELCHISEDECH.

**Q** Vidam errore decepti, sacram scripturam minime vt decebat intelligentes dixerunt Melchisedech sacerdotem, qui benedixit Abraham reuertenti de victoria quinque regum, non fuisse hominem purum, sed fuisse Christum, aut aliam quandam Dei virtutem, Huic errori fauētes vocat Augu. Melchisedechianos, & ponit eos. 34. loco inter hæreses quas in lib. de hæresib. recēset. Ex quo euidenter

*Melchisedechianos.*

videnter colligitur librū qui inscribitur de quæstionibus noui & veteris testamenti, nō esse August. quamuis sub eius nomine circumferatur. Nam præter alia argumenta quæ ad hoc cōvincendum affert doctissimus Erasmus Roterodamus, hoc est efficacissimum, quod quæstione cix. multis argumentis iisq; valde ineptis nritur probare Melchisedech nō fuisse hominem purum, sed quandā Dei virtutem, videlicet spiritū sanctum. Neq; hoc in libris retractationum vnquā recātauit, imo nec illius libri in toto illo decursu suarum retractationū vsquā meminit. Cum ergo in libro de hæresib. hāc assertionem censcat hæreticam, non erat tam stupidus August. vt opposita secumq; pugnantes assertiones doceret. Hæc ideo admonui, ne si forte aliquis in quæstionem illā inciderit, à constantia rectitudinis flectatur, Augustini autoritate pressus. Quis autem huius hæresis princeps fuerit, aut quo tempore cœperit, August. nō expressit, neque apud alium inuenire potui. Epiphanius tamen in lib. de octoginta hæresibus, hæresi. 55. dicit Hieracem quēdam insigniter doctum hāc hæresim docuisse, sed non dicit esse ab illo primum inuentā. Et idem reperit postea hæresi 67. vbi longiorē de hoc Hierace facit sermonē. Vt autem ostendamus sententiam hāc esse erroneā, citare oportet ipsam sacram scripturā quæ de eo loquitur, enarrans victoriā Abraham, & qualiter Melchisedech illi obuiā exiit. Sic enim ait. At verò Melchisedech Rex Salem proferēs panem & vinum, erat enim sacerdos Dei altissimi, benedixit ei, & ait, Benedictus Abraham Deo excelsō, qui creauit cœlum & terrā: & benedictus Deus excelsus, quo protegente hostes in manibus tuis sunt. Et dedit ei decimas ex omnibus. Hæc ibi. Nunc ergo hanc literā discutiamus, Si Melchisedech est spiritus sanctus, quomodo dicitur ibi quod erat Rex Salē? Salem nāq; vrbs quædā est in terra Chanaam prope Sichem. Nā in eodem lib. Geneseos enarrās scriptura qualiter sit reuersus Iacob ex Mesopotamia, sic ait, Trāsiuitq; in Salem urbem Sichimorū quæ est in terra Chanaam, postquā reuersus est de Mesopotamia Syriæ. Si ergo Salem ciuitas est terrestris, qualiter spiritus sanctus dicitur esse Rex Salē, cū ille domine-  
Gene. 14  
Gene. 33

Rex Salem, neque alterum imperium illi tribuit scriptura. Nunquid diuisit imperium terræ Chanaan spiritus sanctus, ut ipse solus Salem Rex sit, & alii sint reges Sodomorum & Gomorreorum? Absit. Sui enim sunt cæli, & sua est terra, orbem terrarum & plenitudinem eius ipse fundauit. Quod autem bonus ille author illius questionis citat, proximè citatæ affert quod Salem interpretatur pax, & ita Rex Salé iuxta Apostolum interpretatur Rex pacis: Rex autem pacis non est nisi Deus, Melchisedech ergo

**Heb. 7** Deus, inepta satis collectio est, quoniā ut in 1. huius operis lib. cap. 3. docuimus, nullus sensus sacræ scripturæ est efficax ad aliquam assertionem confirmandam, nisi solus sensus literalis, non autem mysticus. At cum docuimus esse oppidum in terra Chanaan quod dicitur Salem, ille erit sensus literalis quo dicitur Melchisedech esse illius oppidi regē. Ad hunc enim modum etiam diceret alius Isaac esse Deum, quoniā Isaac interpretatur gaudium: & Hieremias eadem ratione, quoniā Hieremias interpretatur altitudo Dei. At nullus potest verè dici gaudium per essentiā, nisi solus Deus, qui est nostrum gaudium, qui est etiam futurus præmium. Apost. autem cum factum Melchisedech dixerat præcessisse in figuram Christi, ut ostenderet meritò gessisse Melchisedech figuram Christi, affert nominis interpretationem, quæ optimè conuenit Christo. Præterea, in eadē litera dicit quod erat sa-

**Heb. 11** cerdos Dei altissimi. At Deus non est Deo sacerdos, non est ergo Melchisedech Deus. Omnis namque pontifex, ait Paulus, ex hominibus assumptus, pro hominibus constituitur. Aut ergo spiritus sanctus non fuit sacerdos pro hominibus constitutus: aut ex hominibus assumptus est, ut verè tunc fuerit sacerdos, quemadmodum Christus. Verum ille bonus author illius sæpe præfatæ questionis, fatetur spiritum sanctum in forma humana tunc apparuisse, quemadmodum postea filius Dei. Vide quantis laqueis, quisquis ille est, se implicet ut errorē hunc nobis persuadeat. Veniat nunc qui cōtendit illud opus esse Augusti, & dicat utrum August. sentiat spiritum sanctum fuisse incarnatum. Rursum, Si spiritus sanctus sacerdos, & pro hominibus constituitur, ut de omni sacerdote ait Paul. & in forma humana apparuit, ut iste concedit, ergo spiritus sanctus mediator fuit Dei & hominum, quia Deus cum Deo, homo cum hominibus, quemadmodum Christus. Et si hoc fatentur, repugnabunt certē Paulo dicenti,

**1. Timo. 2** Vnus mediator Dei & hominum homo Christus Iesus. Si spiritus sanctus sacerdos, iam duo sunt mediatores, non vnus, ut dic-

cit Pau



Et Paulus. Deinde ipse modus benedictionis qua benedixit  
 Abraham, conuincit non esse Deum Melchisedech. Sic enim ait,  
 Benedictus Abraham Deo excelsus, qui creauit cælum & terrā: *Gene. 14*  
 & benedictus Deus excelsus, quo protegente hostes in manibus  
 tuis sunt. Si Melchisedech Deus, quare reddidit gratias Deo  
 pro victoria Abraham? Nūquid sic Christus ut Deus gratias red-  
 debat pro mirabilibus perpetratis? Cum enim Lazarum resu-  
 scitare voluit, sic ait, Pater, gratias ago tibi quoniā audisti me. *Ioan. 11*  
 Ego autem sciebam quia semper me audis: sed propter populū  
 qui circumstat, dixi, ut credant quia tu me misisti. Propter po-  
 pulum circumstantē Christus gratias dat, alioqui certē non erat  
 opus ut Deus daret gratias Deo. Sed quomodo consulitur po-  
 pulo per illam actionē gratiarum? Ut videlicet credant quod  
 Christus sit missus à patre. At cum Abraham tam fidelis fue-  
 rit, ut Deo monenti crediderit statim sine vlla hæsitatione, non  
 erat opus ad illum in fide confirmandū tales gratias aut bene-  
 dictiones Deo reddere. Ad hæc, Paulus de hoc Melchisedech  
 loquens dicit quod assimilatus fuerit per omnia filio Dei. At  
 omne quod assimilatur alteri, non est eiusdem naturæ indiuidue  
 cum illo. Spiritus sanctus est eiusdem naturæ cū filio Dei, non  
 est ergo Melchisedech Spiritus sanctus. Nūquā enim inuenies *Heb. 7*  
 quod filius Dei sit similis patri, quamuis bene dicatur imago  
 patris, quoniā imago, ut supra docuimus in tit. de Adā & Heua  
 hēre. 2. propriē pertinet ad naturam, similitudo autem, ad qua-  
 litatem ita, ut illa dicantur similia, quæ cum distinctā habeant  
 naturam, qualitates tamen aliquas habent quæ sunt eiusdem  
 speciei. Quod ergo idem est in natura, non potest dici propriē  
 simile. Paulus autem dicit de Melchisedech quod assimilatus  
 est per omnia filio Dei, per omnia videlicet illa quæ Paulus  
 commemorat: quia sine patre est, & sine matre. At Spiritus san-  
 ctus in hoc non est assimilatus filio Dei, quia filius Dei iuxta di-  
 uinitatem non est sine patre. Melchisedech autē ideo dicitur esse  
 sine patre & sine matre, non quod parentes non habuerit, sed quia  
 nec patrem nec matrem illius vnquā expressit scriptura, nec vl-  
 lam illius genealogiam manifestauit. Sic etiā Christus secun-  
 dum inferiorem hanc & humanam sobolem patre caret. A vir-  
 gine enim Maria, & sola secundum carnem est natus. Et secun-  
 dum diuinitatē matre caret, quoniam iuxta illā ante omnia se-  
 cula à solo patre genitus est. Et præterea sine genealogia Chri-  
 stus, quoniā genealogia eius inenarrabilis est, prout Elaias pro- *Esaie 53*



pheta ait, Generationem eius quis enarrabit? Sed adhuc nobis obiciunt aliam similitudinē quam Paulus affert, nullo pacto posse conuenire Melchisedech, si ille est purus homo, quoniam ait de eo, Neq; initium dierum, neque finem vitæ habens. Melchisedech autem si homo fuit, & natus & mortuus est vt ceteri. *Heb. 7* Hoc autē eodē modo dissoluitur vt præcedens. Ideo nanq; dictus est Melchisedech nō habere initiū dierum, neq; finē vitæ, quia quāuis natus & mortuus fuerit, tamen apud nos nō habet initiū nec finē, quia neq; illius natiuitatē, neq; mortē scriptura expressit. De hac re scripsit beatus Hieron. epistolam quandā ad Euagriū, quæ est in tertio tomo operū eius iuxta illam partitionem quæ habetur in secunda editione facta Basileæ.

## M E N D A C I U M.

**D**E hac re vnā solam reperi hæresim, quæ docet licitum esse mentiri pro vita hominis saluanda, aut pro magno beneficio homini impendendo. Nec solū hoc, sed etiam humilitatis causā, vt videlicet virtutes suas mēdacio cōtegat. Hunc errorem docet Ioannes Cassianus sub nomine abbatis Ioseph. *Ioan. Cas- Mam* collationē 17. à cap. 15. vsq; ad cap. 20. primā huius erroris partē pertractat, & aliquibus scripturæ sacrę testimoniis perperam intellectis illam persuadere nititur. A cap. verò 21. vsq; ad 25. eiusdem collationis secundā huius erroris partē pertinacissimē tuetur. Hunc errorē a pertissimē sacra damnat scriptura. Nam propheta regius ait: Perdes omnes qui loquuntur mendacium. *Psal. 5* Qui omnes dixit, noluit excludi illū qui officiosē mētitur. Et in alio psalmo iterū quærens quis habitaturus sit in Dei tabernaculo, aut requiem habiturus in monte Dei sancto, hoc est in gloria cœlesti, ipsemet respondet dicens, Qui loquitur veritatem in corde suo, qui non egit dolum in lingua sua. *Psal. 14* Quibus verbis apertē à Dei monte excludit illum qui dolum agit in lingua sua. At omnis qui officiosē mentitur, dolum agit. omnis ergo ille à Dei monte excluditur: nō quidem quod in illo peccato decedēs nō possit ad gloriā peruenire: absit: sed quia oportet illū priusquā ibidē locetur, digna satisfactione purgari: ita *Sap. 1* vt cū illuc transierit, iam sit omnino ab illo peccato alienus. Et in libro Sap. dicitur, Os quod mentitur, occidit animam. Verū hoc testimonium parum vrget: quoniā de solo pernicioso mēdacio loqui videtur. Illud tamen est manifestissimū quod *Eccle. 7* Ecclesiast. ait, Nolite velle mentiri omne mendaciū. Qui omne genus mēdaciij prohibuit, nullū permisit. Pro nulla ergo re mēdacium

daciū aliquod dicere licet. Et in hanc sententiam omnes sa-  
 cri doctores manibus, ut dicitur, ac pedibus eunt. August. super Aug.  
 psal. 5. ita ait: Ne quis arbitretur perfectum & spiritualem ho-  
 minem pro ista temporali vita, in cuius morte non occiditur  
 anima, siue sua siue alterius debere mentiri, sed quoniam aliud  
 est mentiri, aliud est verum occultare. siquidem aliud est falsum  
 dicere, aliud est verum tacere: ut si quis fortè vel ad istam visi-  
 bilem mortem non vult hominem prodere, paratus esse debet  
 verum occultare, non falsum dicere: ut neq; prodar, neq; men-  
 tiatur, ne occidat animam suā pro corpore possunt. Nam ex igno-  
 rantia huius distinctionis quā nunc Aug. ostendit, processit er-  
 ror Casiani, aut Ioseph abbatis. Nescierunt enim distinguere  
 inter mentiri, & verum occultare: inter falsum dicere, & verum  
 tacere. Primum horum nunquam licet, alterū verò sine pecca-  
 to fieri potest: sicut contigit Abraham de Sarra vxore sua dicen- Ge. 20  
 ti, Soror mea est. Verum quidem dixit, & verum occultauit. Ve-  
 rum quidem dixit sororem suam esse: quoniam sibi sanguine  
 coniuncta erat. At omnes qui ex eodem genere sunt, ut beatus  
 Hiero. contra Eluidium docet, fratres in sacra scriptura dicun-  
 tur, Soror ergo Abraham verè dicta est Sarra: vxorem tamē suā  
 esse non negauit Abraham, sed subtrixit: ac proinde non est men-  
 titus. Et hanc sententiam iterum confirmat Aug. a hibi dicens,  
 Si quis ad te confugerit qui de mendacio tuo posuit à morte li-  
 berari, non es mentiturus. Os enim quod mentitur, occidit ani-  
 mam. Cum ergo mentiēdo vita æterna amittatur, nunquam Sap. 1  
 pro cuiuscunq; vita temporali mentiendū est. Hæc Aug. Quæ  
 verba ponuntur in volumine decretorū 22. causa questione 2.  
 Beatus Gregorius lib. 18. moralium exponens illud Iob: Nec lin- Greg.  
 gua mea meditabitur mendaciū: sic ait: Summopere cauendū Iob 27.  
 est omne mendacium: quāuis non nunquā sit aliquod mendacij  
 genus culpæ leuioris, si quisquā vitam præstando mentitur: sed  
 quia scriptū est, Os quod mentitur, occidit animam: & Perdes Sap. 1  
 omnes qui loquuntur mendacium: hoc quoq; mendacij genus psal. 5  
 perfecti viri summopere fugiunt, ut nec vita cuiuslibet per co-  
 rum fallaciam defendatur, ne suæ animæ noceant, dum præsta-  
 re vitam carni nituntur alienæ: quāquā hoc ipsum peccati ge-  
 nus facillimè credimus relaxari. Hactenus Gregorius. Ex qui-  
 bus verbis constat mendaciū officiosum esse peccatū, quāuis leue.  
 Verum Casianus, aut Abbas ille, cuius nomine se loquitur,

non solum putauit nullum esse peccatum mendacium illud, sed peccatum esse censet, urgente magna aliqua necessitate non mentiri. *Isidorus.* Isidorus in lib. synonymorum ita ait: Omne genus mendacij summopere fuge, nec casu nec studio loquaris falsum: nec etiam ut praestes, metiri studeas: nec qualibet fallacia vitam alicuius defendas. Caue mendacium in omnibus. Haec Isidorus. Quae verba etiam habentur in volumine decretorum loco proximè citato. Deinde mendacium quod occasione humilitatis dicitur ad virtutes tegendas, beatus Aug. damnat in libro de verbis Apostoli, sic inquit, Cum humilitatis causa metiris, si non eras peccator antequam metiretis, mentiendo efficeris quod vitaras: veritas autem ipsa in te non est, nisi te ita dixeris peccatorem, ut etiam esse cognoscas. Veritas autem ipsa est, ut quod est, dicas. Nam quomodo est humilitas, ubi regnat falsitas? Haec Aug. Sed praeter haec omnia sacrae scripturae & sanctorum virorum testimonia, ratio ipsa urget ut non ita faciendum esse credamus. Id enim quod ex se malum est, nullo qualibet bono fine praefixo, nec propter ullam aliam qualibet bonam circumstantiam poterit esse bonum: quoniam (ut diuus Dionysius lib. de diuinis nominibus ait) bonum est ex causa integra, malum vero ex singularibus defectibus. At quod mendacium res sit ex se mala, res est tam aperta, ut non egeat vilo testimonio: quoniam pugnat cum veritate, quae res est ex se bona. Et hoc non solum Christianis, verum etiam Ethnicis fuit notum. Nam Aristoteli 4. Ethicorum lib. ait, Mendacium est ex se prauum, & fugiendum: verum autem est bonum & laudabile. Si mendacium ex se malum est, ergo propter vitam hominis saluandam dictum, etiam malum erit. Alioqui eadem ratione bonum esset furtum quod sub praetextu subuentionis pauperum fieret: hoc tamen nullus unquam sanctorum concessit. Eadem etiam ratione esset dicendum eos non peccasse qui apostolos Christi occiderunt, quoniam sic facientes, ut Saluator ait, arbitrabantur se obsequium praestare Deo. Multo autem melius est obsequium praestare Deo, quam hominem a corporis morte eripere. Quo fit ut si vita hominis seruata valet mendacium a culpa liberare, obsequium quod se Deo praestare credit, valeat apostolorum occisorem a peccato eripere. Demum ut huic liti finem ponamus, aperta est de hac re ecclesiae definitio. Nam Innocentius papa huius nominis 3. Panormit. archiepiscopo scribens ita ait, Cum usurarum crimen vtriusque testamenti pagina detestetur, super hoc dispensationem aliquam fieri non videmus: quia cum scriptura sacra prohibeat pro alterius vita mentiri,

*Innocentius papa.*

*Ioan. 6*



mentiri, multò magis prohibendus est quis ne etiã pro redimẽda vita captiui vlturari crimine inuoluatur. Hæc Innocentius. Quæ verba habentur in volumine epist. decretaliũ in tit. de v-  
suris cap. super eo. Sed superest vt obiectiones Calsiani aut ab-  
batis Ioseph refellamus. Nam vt probet licitum esse pro ma-  
gna aliqua vrgente necessitate mentiri, aliqua exempla patrum  
veteris testamẽti affert, quos pro simili aliqua causa mentitos  
fuisse cõstat. Quibus omnibus obiectionibus simul responde-  
mus eos nõ fuisse mẽtitos, quoniã etsi verũ occultarunt, falsum  
tamen non dixerunt, sicut de Abraham superius docuimus, cũ  
dixit Sarram sororem suã esse. Deinde, & si aliqui falsum dixe-  
rint, aut simulando fecerint, talẽ falsitatem scriptura sacra nõ  
laudat. Non enim omnia eorum gesta quæ ibidem narrantur,  
propterea quòd illic scripta sunt, laudantur: absit: alioqui fieret  
vt aliqua illorum peccata quæ vt homines commiserunt, essent  
etiam laudata. Ad hunc modũ scriptura refert mendaciũ quod  
Iudith dixit Holoferni, nõ tamen mẽdacium illius laudat, sed *Iudith 11.*  
virilem illius animũ quo inter media hostiũ castra pertrans- *¶ 13*  
ire nõ metuit, & ducẽ exercitus in lecto cubantem interficere, &  
caput ducis secum in ciuitatẽ deferre. Hunc animum, hanc au-  
daciã, hoc plus quã muliebri facinus laudat, non mẽdacium  
quo & ducẽ & illius milites decepit. Esto etiã aliqua illorũ pa-  
trum dicta aut facta sint quæ in faciem mẽdacia esse appareãt,  
& laudentur: illa, vt beatus Aug. in lib. contra mendaciũ docet,  
iuxta mysterium latens accipienda sunt, non iuxta literæ cor-  
ticẽ: quemadmodũ Iacob dixit se esse Esau primogenitũ Isaac: *Gen. 27*  
quod iuxta literæ corticẽ verũ non erat: per spiritũ tamen pro-  
phetiæ qua vltus est, verũ dixit. Eo enim facto figurauit & pro-  
phetauit minorem populũ, videlicet gentiliũ, substituẽdum  
fore in locum primogeniti, videlicet populi Iudæorum. Nam  
Iacob excusari a mendacio restatur Innocentius papa huius no-  
minis tertius in cap. gaudemus. tit. de diuortiis.

Pro confirmatione alterius partis qua docet causa hmitatis  
esse mentiendum, ita vt de continẽtia quam habet quis, interro-  
gatus dicat se nõ habere. cap. 21. præfatæ collationis talia addu-  
cit testimonia, quibus Christus sic ait: Non videaris hominibus *Mat. 6*  
ieiunans, sed patri tuo qui est in abscondito. & iterũ, Nesciat si-  
nistra tua quid faciat dextera tua. & rursum de iis qui palã ope-  
ra sua faciunt: ait: Amen dico vobis, receperũt mercedẽ suam.  
His aliud respondere non possumus, quam quòd beatus Aug.



in quadam homilia ait, Deum per illa verba non opus, sed intentionem prohibuisse. Prohibuit quidem inanis gloriæ appetitum, ita ut etiam si opera nostra sint publicè facta, non hac intentione fiant ut videantur. Ipsam tamen operum manifestationem non prohibuit: alioqui sibi esset contrarius, qui alibi dixerat, *Mat. 5* Luceat lux vestra coram hominibus, ut videant opera vestra bona, & glorificent patrem vestrum, qui in cœlis est. Qui ergo de virtute quā habet, interrogatus, se habere fatetur, & propter hoc Deo gratias reddit, & illius gloriam Deo à quo accipit, tribuit: non contra illud præceptum Dei agit, Nesciat sinistra tua quid faciat dextera tua. Et de hac re satis. Nec scio aliquem qui contra hunc errorem ex professo scripserit, præter unum beatum Aug. qui opus scripsit in quo contra omne mendacium disputat. Admoneo tamen lectorem ne occasione huius erroris Cassianum inter hæreticos recenscat: quoniam ut in primo huius operis lib. docuimus, fieri est possibile ut quis hæresim doceat, & hæreticus non sit censendus: quoniam non adeo pertinaciter illam tuetur, ut ecclesiæ aliter docenti non sit paratus obedire. Fortè hac & alia occasione huius Cassiani opera inter apocrypha recensentur à Gelasio papa in cap. sancta Romana. 15. distinc. in libro Decretorum.

## MENDICITAS.

**N**on defuere qui mendicitatem tanquam præcipuum generis humani malū diuturnis conuictis lacerauerint. Nā qui dicunt beatum populum cui adsunt diuitiæ, dicent etiā miserum & infœlicem populum cui illæ sic defunt, ut propter inopiam mendicare cogatur. Ioānes siquidem Vuitcleff cum suorum turba discipulorum docet non esse licitā mendicitatem: *Ioannes Vuitcleff.* quapropter monachos mendicantes execratur, dicens illos debere vivere per laborē manuum, & non per medicationem. Hūc eundē errorē hoc nostro seculo suscitauit Lutherus, dicens mendicitatem esse ex lege prohibitam. Quapropter cum ipse monachus esset ordinis eremitarū sancti Augustini, & ob hoc mendicauerit (nam talis ordo monachatus est vnus ex quatuor medicationibus) tamen postea à diabolo cui adhæsit, excæcatus, monachatum reiecit, & mendicitatem damnavit, & ita tanquam canis ad vomitum reuersus est. Nos autem cum Deo adiutore sumus memores Franciscanæ mendicitatis, quam in nostra adolescentia vouimus, pro huius mendicitatis assertionē laboramus. Et quoniam pro religione pugnamus, confidimus in Deo quod

quod de nostris inimicis triumphabimus: quoniā ostendemus ex sacris literis talem mendicitatem nō esse prohibitā, imō laudatā & meritoriam, ad quā apostolos ex Christi institutione sæpe confugere oportuit pro victu habēdo. Et quāvis de ipso Christo nō sic legatur aut credatur q̄ ipse aliquando medicauerit, quia mulieres aliquæ probæ quæ illius doctrinā audiebāt, & suscipiebāt illi de facultatibus suis citra illius medicatē ministrabant, nō tamē inde sequitur mendicitatē nō esse licitam ad vitæ sustentationē. Nā multa sunt quæ certū est Christū nō fecisse, quæ tamē licita sunt hominibus, vt inde vitæ suæ provideant. Nunquā enim Christus calceos sūt, aut canistra ex viminibus intexēs fecit, aut ligna leuigauit, aut lapides poliuit. Nūquid ideo colligere inde licebit, nullā ex illis artibus mechanicis esse licitā? Absit. Esto ergo vt nunquā Christus medicauerit, nō tamē inde sequitur vt aliis mendicare nō liceat pro vitæ sustentatione. Sed iam ostēdamus mendicitatē ex euāgelio. Christus mittens discipulos suos ad prædicandū, præcepit illis omnium rerū defectū & penuriā, vt omnibus reiectis, & in solo Domino iactantes cogitatū suū, crederēt se ab illo nutriēdos. No lite (inquit) possidere aurū neq; argentū, neq; pecuniā in zonis Mat. 10 vestris. Ecce pecuniā interdictā. Verū quia pecunia seclusa poterant secum aliquid pro itinere deferre, ne hoc facerent statim subiunxit dicēs, Non perā in via, neq; duas tunicas, neq; calceamenta, neque virgam. Ne autem quis putaret apostolos fuisse tunc soli fortunæ cōmissos, ostendit illis vnde habituri essent alimenta, dicens, Dignus est operarius mercede sua. Vel vt alius Luc. 10 euangelista ait, Dignus est mercenarius cibo suo. Per quæ verba designauit illos quibus apostoli prædicabant, teneri ad præstandū illis alimenta. Et beatus Paulus in priore ad Corint. epistola hoc expressius docet, sic dicens, Quis militat suis stipendiis vnquam? Quis plantat vineam, & de fructu eius non edit? Quis pascit gregem, & de lacte gregis non comedit? Et paucis interiectis subdit: Si nos vobis spiritualia seminauimus, magnum est si nos carnalia vestra metamus? Ecce vides apostolos ab omni rerum possessione denudatos, qui de labore suæ prædicationis debebant victum habere. Sed fingamus auditores fuisse adeo ingratos & immisericordes, vt nullus illorum apostolis alimenta præstiterit, nullūque illorum apostolos ad domum suam inuitauerit, nam hoc possibile est con- I. Cor. 9  
tigisse, cū constet Christum in die solenni palmarum, etiam Mat. 21  
postquam

postquam prædicasset Hierosolymis, à nemine illius oppi-  
 di fuisse inuitatum, sed rediisse vsque Bethaniam, vt ibidem  
 pranderet, multo ergo melius hoc potuit contingere apostolis.  
 Quid ergo tunc facturi fuissent apostoli? Nunquid pati debe-  
 bant mortem? Absit, cum possent eam euitare prodendo aliis  
 suam egestatem. Si ergo poterant suam egestatem aliis reuela-  
 re, ergo poterant mendicare, quoniam hoc ego mendicitatem  
 appello. Sic enim definit Augu. mendicitatē. Quid est (inquit)  
 aliud mendicare, nisi ad hominum misericordiam viuere, si-  
 cut viuunt Iudæi, supple sub earum gentium regibus, in quas  
 translati sunt? Hæc Augu. exponens versum illum Psalmistæ,  
 Psal. 108 Nutantes transferantur filij eius, & mendicent. Quod si hære-  
 tici dicant illam apostolorum petitionem non esse tunc dicen-  
 dam mendicitatem, cum apostoli tunc peterent illud quod iu-  
 re illis debebatur, illis contradicit Ambro. qui in libello de vi-  
 nea Naboth, ita ait: Audiuius vocem diuitis aliena quæren-  
 tis, audiamus vocem pauperis propria mendicantis. Non fiat  
 (inquit) hoc à Deo, vt dem tibi hæreditatem patrum meorū.  
 Hæc Ambrosius. Quibus verbis expressè ait Naboth propria  
 mendicasse. Deinde si hoc ita se haberet, oporteret vt qui in ex-  
 trema necessitate constitutus eleemosynam peteret, non esset  
 dicendus mendicare, cum petat id quod sibi iure debetur. Apo-  
 stolis ergo opuserat mendicare, cum iam illis fuisset à Christo  
 interdicta omnis pecunia. Vnde Theophylactus exponens il-  
 lud Lucæ, In eadē domo manere edentes & bibentes quæ apud  
 eos sunt, sic ait: Vide qualiter discipulos mendicare instituit, &  
 precio eos nutrimentum habere noluit. Hæc Theophylactus  
 iuxta translationem antiquam, qua vtitur Thomas in cathena  
 aurea. nam in ea traductione quam recens edidit Oecolampa-  
 dius, aliter sonant. Et suspicor Oecolampadium ex industria  
 mutasse verba, quia ille etiam hoc eodem fuit pollutus errore,  
 vt negauerit etiam mēdicatē esse licitam. Præterea, vt quis  
 verè dicatur mendicare, parum refert per se an per alium pe-  
 tat, quoniam qualitercunque petat, mendicare dicitur, siue per  
 se petat, siue per alium, siue etiam pro se petat, siue pro alio. Et  
 si hoc est mendicare, tunc apertè constat Paulum Apostolum  
 mendicasse. Nam vt patet ex priore epist. ad Corin. in ecclesiis  
 Galatiæ fiebant collectæ per vnam sabbati pro sanctis qui erāt  
 in Hierusalem. Et in posteriore epist. ad Corinth. idem Apo-  
 stolus fatetur se fecisse, & decernit se facturum collectas pro san-  
 ctis in



Etis in ecclesia Macedonia, & testatur se idem fecisse in eccle-  
 siis Corinthiorum. Rursum concilium Viennense quod cele- *Conciliū*  
 bratum est sub Clemente s. decernit modum viuendi fratrum *Viennense.*  
 minorum per mendicitatem, non solum esse licitum, verum- *Conciliū*  
 etiam meritorium. Demum ex 45. articulis Ioannis Vuitelss *Constantian.*  
 damnatis in concilio Constantiensi sessione octaua, vigesimus  
 quartus sic ait: Fratres tenentur per labores manuum victū ac-  
 quirere, & non per mendicitatem. De quo articulo concilium  
 per hæc verba profert sententiam. Prima pars (inquit) est scan-  
 dalosa, & præsumptuose asserta, pro quanto sic generaliter &  
 indistinctè loquitur. Et secunda erronea, pro quāto asserit men-  
 dicitatem fratribus non licere. Hæc concilium Constantiense.  
 Sed opus est vt obiectionibus aduersariorum respondeamus.  
 Primò enim obiiciunt nobis illud quod scribitur in Deutero- *Deut. 15*  
 nomio: Omnino egens & mendicus non erit inter vos. Ex quo  
 loco inferunt non licere alicui mendicare, cum hoc (vt aiunt)  
 fuerit à Deo prohibitum. Huic obiectioni respondemus illa  
 verba non esse prohibitoria, sed promissoria. Hoc enim Deus  
 promittit ibi seruanti suam legem, vt si videlicet Iudæi legem  
 seruassent quam Deus illis per Moysen dedit, nullus inter eos  
 futurus esset egenus aut mendicus. Et quia Iudæi legem trans-  
 gressi sunt, ideo Deus non fecit cum illis iuxta suum promif-  
 sionem. Iudæis siquidem tanquam carnalibus in præmium obser-  
 uationis legis promissit Deus solum bona temporalia, sicut est *Esaia 1*  
 illud: Si audieritis me, bona terræ comedetis. Ita etiam promif-  
 sio quædam est cum ait: Omnino non erit egens aut mendicus  
 inter vos. Nam si verba illa fuissent (vt hæretici isti dicunt) pro-  
 hibitoria, peccasset Helias mendicans à vidua, & Lazarus ple- *Luc. 16*  
 nus vlcibus, cuius mendicitas laudata est in euangelio. Hoc  
 modo responderet præfatæ obiectioni Thomas Valden. Potest  
 tamen ali er responderi, & mea quidem sententia multo me-  
 lius & magis conformiter ad sacram literam. Fateor quidem il-  
 la verba Deutero. explicare prohibitionem aliquā: tamen pro-  
 hibitio illa non data est pauperi, nec tunc cum paupere Deus  
 loquebatur: sed ad diuites de pauperum subuentione (vt ex li-  
 teræ decursu facillè colligi potest) tunc loquebatur Deus, præci-  
 piens illis vt tantam pauperum curam haberēt, vt non sinerent  
 illos propter inopiam mendicare. Hoc autem verba quæ post-  
 ea Deus addit, apertè indicant: Non deerunt (inquit) pauperes  
 in terra habitationis tuæ, idcirco præcipio tibi vt aperias manū  
 tuam



tuam fratri tuo egeno, & pauperi qui tecum versatur in terra.  
 3. Re. 17 Secundò obiiciunt illud Psalmistæ dicentis, Non vidi iustum  
 Psal. 36 derelictum, nec semen eius quærens panem. Ex quo loco infer-  
 re volunt illos non esse iustos qui panem per mendicitatē quæ-  
 runt. Cui obiectioni respondemus secundum doctrinam Au-  
 gustini, illa verba nō esse intelligenda de pane corporali quem  
 constat fuisse à multis iustis quæsitum, quoniam, vt de aliis ta-  
 ceam, Dauid quæsiuit panes propositionis à sacerdote. Sed illa  
 1. Re. 21 verba sunt intelligenda de pane spirituali verbi Dei, quem pa-  
 nem nunquā iustis Deus denegauit, neque iustum aliquem  
 sic dereliquit, vt famē verbi Dei pateretur. Circa panem tamē  
 corporalem aut alias etiam res corporales sæpenumero Deus  
 derelinquit iustos, vt per similes pressuras melius valeant asse-  
 qui regnum Dei. Contra hanc hæresim scribit latissimè Tho-  
 mas Valden in primo tomo doctrinalis fidei antiquæ lib. 4.

## MERITVM.

Lutherus. **I**nter alios Lutheri errores is vnus est quo ait nullum esse ho-  
 minis meritum ad gloriam assequendam. Tantum enim  
 gratiæ tribuit, vt nullum locū relinquat libero arbitrio. Cum  
 ergo, vt ait, totum ex gratia Dei pendeat, & nullo modo coope-  
 reretur liberum arbitrium, dicit non posse aliquod hominis opus  
 dici meritum, præsertim cum nostrā opera ad gloriam æternā  
 relata, diminuta reperiantur. Si Lutherus accipit meritum pro  
 tali opere quod ex sua natura & ex seipso æquale est præmio,  
 certè illius sententia non est de errore notanda, quoniam nō est  
 aliquod opus nostrū ex se tale quod æquari possit gloriæ æter-  
 8 Ro. 8 næ. Nam Apostolus ait non esse condignas pæssiones huius se-  
 culi ad futuram gloriam quæ reuelabitur in nobis. Verūm non  
 semper sic capitur meritum, vt talem æqualitatem & obliga-  
 tionem naturalem innuat, sed aliam æqualitatem quæ nō con-  
 surgit ex natura rerum, sed ex pacto quodam, quo pacto inito,  
 æquale erit opus, quod antè non diceretur æquale: & debitum  
 diceretur, quod aliās non diceretur, Vt gratia exempli, Si in ha-  
 stiludio quodam quod fortè non vltra vnus horæ spatiū pro-  
 tenditur, rex promitteret cuicumq; melius vibranti hastā duo-  
 bus occurribus, gemmam aut aliquod preciosum iocale valēs  
 sex millia aureorum, tunc si Petrus, aut Ioannes melius cæteris  
 rem gesserit, diceretur absq; dubio quod meritis est gemmam,  
 & quod rex est debitor illius. Tale autem debitum nō est ex rei  
 natura, quod illi debita sit gemma, sed prouenit ex pacto re-  
 gis, &

Exemplum

gis, & libera illius promissione, qui promittēs donare, seipsum obligauit. Ita etiam etsi nostra opera ex se sint indigna gloria, *Ex promissione Dei opera meriti* & nos per illa nullum ius habere poteramus ad gloriam æternam, nec gloria vquam fuisset nobis debita, tamen quia misericors Deus promisit seruanti mandata sua se daturum illi vitam æternam, post talem promissionem debet Deus dare gloriam seruanti sua mandata. Quod debitum in Deo non oritur ex nostris operibus, sed ex benigna eius voluntate, qui promittens nobis, seipsum obligare voluit. Et iuxta hunc modum intelligendo rationem meriti, constat nos nihil derogare maiestati diuinæ cum dicimus opera nostra esse meritoria vitæ æternæ, quia hoc modo non dicimus Deum obligari, aut esse debitorem nostris operibus, sed dicimus eum obligari ex promissione sua, & esse debitorem promissioni suæ. Quod autem ipse promiserit, simpliciter & absolute est tribuendum gratiæ. Hoc modo negare meritum est hæresis, quoniam hanc meriti rationem sapissimè sacre literæ ostendunt. Sapiens namque Eccl. 16 ecclesiasticus ait: Omnis misericordia faciet locum vnicuique secundum meritum operum suorum. Ecce vides ibi nomen meriti satis expressum. Cur ergo Lutherus tantum abhorres meriti nomen, quod Ecclesiasticus non est veritus proferre? Præterea nihil aliud designat illa Christi parabola de paterfamilias Mat. 20 amittente operarios in suam vineam, cum quibus fecit conventionem ex denario diurno, finito verò labore dixit paterfamilias procuratori suo: Voca operarios, & redde illis mercedem, illam videlicet quam paterfamilias cum operarios in laborem mitteret, illis promiserat. Hic audis mercedem pro labore, quæ res quasi debitum quoddam designare videtur. Quod clarius expressit paterfamilias cum murmuranti eò quod non maiori præmio quam denario fuisset donatus, dixit, Nonne ex denario conueni tecum? Tolle quod tuum est, & vade. Tuum dixit, quo nomine ostendit talenti denarium fuisse illi debitum. Sed vnde debitum? Certè ex conventionem. Rursus apud Marc. 9 cum Christus discipulis suis in hunc modum loquitur: Quisquis potum dederit vobis calicem aquæ frigidæ in nomine meo, quia Christi estis, amen dico vobis, non perdet mercedem suam. Et Paulus apostolus in prima ad Corinthios epistola sic 1. Cor. 3 ait: Vnusquisque propriam mercedem accipiet secundum suum laborem. Si nullum esset meritum, non distribueretur merces iuxta laboris mensuram, sed iuxta voluntatem donantis. Et in epist

*Heb.* 13 in epistola ad Hæbræos clarius nomen meriti expressit dicens, Beneficentiæ & cōmunionis nolite obliuisci. talibus enim *Sap.* 3 hostiis promeretur Deus. Et Sapiens de iustis loquens ait: Tentauit illos Deus, & inuenit eos dignos se. Si digni, ergo meritū 2. *The.* 1 habentes. Et Paulus ad Thessalonicenses scribens de tribulationibus quas illi patiebantur, ait: Quas sustinetis in exēplum iusti iudicii Dei, vt digni habeamini regno Dei, pro quo & *Colo.* 1 *rimini.* Et Colossensibus scribens ait: Dignos nos fecit in parte, sortis sanctorum. Quod si dicas Paulum non asserere nos esse ex nobis dignos, sed q̄ Deus nos fecit dignos, & ego hoc ipsum sentio, quod non sumus sufficientes ex nobis ad gloriam promerendam, sed quod illam mereamur, est ex gratia Dei, quæ nos & præuenit, & euntes comitatur. Itaq; Deus per gratiā quā nobis donat, facit nos dignos se. Hoc ergo non poterit negare Lutherus, quin iustus sit dignus Deo, quamuis à Deo ipso fiat dignus. Quod si dignus, ergo aliquam habet meriti rationem. Omitto hic sacrorum doctorū testimonia, qui omnes tribuunt meritum homini gratia Dei adiuto. nam qui destitutus est gratia diuina, certum est quod nihil mereri potest.

Secunda hæresis est omnino cōtraria huic proximè narratæ, quoniam ait hominem sine auxilio gratiæ Dei posse, ex sua virtute naturali promereri vitam æternam. Huius hæresis author fuit Pelagius. Sed de hac hæresi non est opus impræsentiarum disputare, quoniam supra in titulo de gratia, hæresi prima satis, vt existimo, de illa differuimus.

## M I R A C V L V M.

*Valdenses* **D**E erroribus Valdensiū Guido Carmelita differēs cap. 15. dicit illos sentire nulla vera miracula fieri in ecclesia. Verum Aeneas Sylvius in lib. de origine Bohemorum cap. 35. recensens Valdensium errores, nunquā huius erroris meminit. Et si ita senserunt, vt Guido illis impingit, apertissimè ex hoc errore licebit colligere quanta fuerit illorū dementia, & sacrarū literarum ignorantia, cū sint tam multa scripturæ sacræ testimonia ad miraculorum confirmationem. Sed Valdenses fuerunt homines idiotæ, & prorsus ignorantes: quapropter verisimile est eos nescisse quid sit miraculum. ideo prius oportet miraculum definire, quàm de eo disputemus. Miraculum est res insolita supra naturæ potētiam operata. Itaq; duō oportet inesse vt aliquid possit dici miraculū, quod videlicet sit supra naturæ potentiam, & quod nō sit ex communi consuetudine. Et si  
alter



alterum horum desit, miraculum minimè dicitur. Hac enim de causa creatio animarum humanarum non est censenda miraculum, quia etsi illius creatio excedat potentiam naturæ, non est tamen res insolita, cum Deus quotidie novas creet animas. Eadem ratione si vnus homo nasceretur cum septem digitis in qualibet manu, non dicitur miraculum, quia etsi hoc sit insolitum, non tamen excedit potentiam naturæ, quoniam à causis naturalibus hoc procedere potest. Si tamen res est insolita, & vires naturæ exuperans, illa meritò miraculū dicitur. Huiusmodi autem quàm multa fuerint vera miracula, piget recensere, quoniam vtrunq; testamentū plenum est miraculis. Ex veteri instrumento satis est ad memoriā reuocare miracula quæ Deus operatus est in Aegypto cū inde eduxit filios Israel. Et fortè Valdenses fuerunt ex illis de quibus dixit propheta, Et obliui sunt benefactorum eius, & mirabilium eius quæ ostendit eis. Coram patribus eorum fecit mirabilia in terra Aegypti, in capō Thancos. Ecce mirabilia operata in Aegypto. Quod si cōtendas fatendo illa fuisse mirabilia: non autem miracula, quāuis ex definitione miracula assignata possis cōvinci, tamen volo vt ipsa scriptura te conuincat. Cū diceret Moyse populo Israel ex mādato domini, quo pacto nocte sequēti morituum esset omne primogenitum Aegypti tam ex iumentis quàm ex hominibus, statim hæc verba subnectit: Apud omnes autem filios Israel non muriet canis, ab homine vsque ad pecus: vt sciatis quāto miraculo diuidat dominus Aegyptios & Israel. Et in lib. Numerorū scriptura loquens quomodo terra deuorauit Chore, in prientibus plurimis quando cōbussit ignis ducentos quinquaginta viros, sic ait: Et factum est grāde miraculum, vt Chore pereunte filii illius non perirent. Si ad nouū instrumentum nos citare volūt, illic etiam pro nobis dicitur sententia. Illic enim inuenies cæcos visui restitutos, claudos ambulantes, paralyticos sanatos, & quibus vnus fuerat 38. annis infirmus, leprosos plures mundatos, mortuos suscitatos, aliaq; innumera miracula, quæ nullo pacto per naturæ virtutem fieri poterant. Quis ergo erit tā temerarius vt negare audeat illa verè cōtigisse, & vera miracula esse? Quod si Valdenses suam assertionē restringāt ad miracula quæ à sanctis fieri dicuntur, adhuc erit eorū assertio dicenda hæresis. Nā de Petro dicit historia apostolica quod ad vocem Petri cōsolidatæ sunt bases cuiusdā claudi petentis eleemosynā ante fores templi: & sanatus est Aeneas alius qui fuerat paraly-

Psal. 77

Exo. 11

Num. 26

Ioan. 5

Actu. 3



*Aclm. 9* ricus iacens in lecto annis octo. Et plurima alia miracula enarra-  
 rat illa apostolica historia, quæ nō possunt negare fuisse mira-  
 cula. Verūm nō desunt aliqui latentes (vt existimo) Valdenses,  
 qui hæc miracula à sanctis facta derident, dicentes illa à solo  
 Deo fieri, quoniam (vt ait propheta) ille est qui facit mirabilia  
*Psal. 71* magna solus. Quapropter dolent cū audiunt alios dicentes ta-  
 lem sanctū, aut talem sanctā fecisse aliquod miraculum, quia  
 dicunt illa à Deo fieri, & nō debere vllō pacto hominibz tri-  
 bui. Fateor quidē à Deo illa omnia fieri, sed vt Deus illa fece-  
 rit, sanctorū merita sunt in causa: ad quorū exaltationē Deus  
 vult miracula fieri. Et quia propter merita illius sancti Deus  
 hoc facit, dicuntur fieri ab illo sancto. Neq; hæc modus loquen-  
 di est alienus à sacris literis. Nam ipse veritatis magister apud  
*Ioan. 14* Ioannē ait, Amen amen dico vobis, qui credit in me, opera quæ  
 ego facio, & ipse faciet, & maiora horū faciet. Aduerte quod nō  
 dixit, maiora horū propter merita illius ego faciā, sed dixit, &  
 ipse faciet, & maiora horū faciet. Et apud Mar. iterū ait. Signa  
*Marci vlt.* eos qui crediderint, hæc sequentur. In nomine meo demonia  
 eiicient &c. Non dixit, Ad eorū preces ergo eiiciā, sed dixit, ipsi  
 eiicient, ipsi serpentes tollent. ipsi linguis loquentur nouis. Va-  
 leant ergo miraculorum subsannatores, & nolint tot deinceps  
 excitare tragœdias aduersum eos qui dicūt miracula fieri à san-  
 ctis, cum dominus dicat de quolibet credente in eum, quod fa-  
 ciet illa quæ ipse fecit, & adhuc maiora.

## M I S S A.

*Prima he- resis.* **I**nter multa quæ nobis Deus benignitatis suæ testimonia in  
 hoc mundo reliquit, præcipuū est illud omniū sacramento-  
 rum excellentissimū quod propter affluentē & exuberantem  
 gratiā quæ in illo cōfertur, vocatum est eucharistia. Et quæ ad-  
 modum illud est excellentissimū, ita oportuit vt ad illud con-  
 sciendum eminētior institueretur cultus religionis, vt ex cultu  
 exteriori magis alliceretur animus omniū adstantium ad ma-  
 iorem reuerentiā illi sacramento præstandā. Nam cum vident  
 homines præparationem sacerdotis, cæremonias quæ præce-  
 dunt & sequuntur huius sacramēti cōsecrationem, valde mo-  
 uentur vt magis illud revereantur. Huius ergo ineffabilis sacra-  
 menti cōsecrationem cū cæremoniis ad illā pertinentibus, nos  
 missam vocamus. Qui ergo ipsum sacramentū contēnunt, nō  
 est mirandum si illius sacramenti cōsecrationi detrahāt, missæ  
 dignitatem deprimāt, eā nihil facientes. Quod vt facilius effi-  
 ciant,

clant, hinc exordium sumunt, dicentes, Missam non esse à Christo institutam, sed humanis inuentionibus ecclesie illatā. Huius pestiferæ assertionis primus magister fuit Ioannes Vuitcleff, <sup>Ioannes Vuitcleff.</sup> qui dixit non esse fundatum in euangelio quod Christus missam <sup>ante</sup> ordinauerit. Si Ioannes Vuitcleff, hic capit vocabulū missæ ut complectitur totū illum cæremoniarum decursum, qui consecrationem eucharistiæ præcedit & sequitur, ut puta quod dicitur primò introitus, mox dicatur ter Kyrie eleison, & ter Christe eleison &c. hoc modo capiendo vocabulū missæ, ego non putarem esse censendā hæresim illius assertionem: quoniam certum est Christum non instituisse illa omnia, sed partem illorum apostoli instituerunt, alias partes decursu tēporis addidit ecclesia. Nam hymnū illum angelicum, videlicet, Gloria in excelsis Deo, Telesphorus papa & martyr præcepit cantari in missa ante sacrificii oblationem. Et Gregorius papa huius nominis primus instituit, ut in principio missæ cantetur antiphona quæ vulgò dicitur introitus. Idem etiā instituit ut post introitū nouies Kyrie eleison, Christe eleison cantetur. Et ita alia ab aliis successu tēporis addita sunt. Si verò missa capiatur prout debet, ut videlicet solū significet illa quæ sunt substantiālia, videlicet cōsecrationē eucharistiæ sub utraq; specie, oblationē illius Deo in memoriā Christi, & eiusdem oblationis sumptionem: sic intelligendo certū est quod Christus missam ordinauit, & per cōsequens certū est Ioannis Vuitcleff assertionem esse meritò de hæresi notatam. Nā Christus in illa cœna vltima postquam ipse corpus suū discipulis manducandū sub specie panis dedit, dixit: Hoc facite in meam cōmemorationē. Quibus verbis discipulis præcepit ut illud quod ipse fecit, illi facerent in cōmemorationem eius. Christus benedixit, hoc est consecrauit, quoniam illa benedictione Christus cōsecrauit: & ita à vetustis ecclesie doctoribus, potissimum Græcis vocatur consecratio eucharistiæ mystica benedictio. Sic enim eam vocat Gregorius Nazianzenus. eodem nomine sapissimè appellatur à Cyrillo super sextum Ioānis caput. Sic etiam vocatur in epistola quam misit concilium Ephesinum Nestorio hæretico. Hinc etiam ortum habet quod sacerdos antequam verba consecrationis dicat, benedicit panem, ut Christum imitetur, qui antequam discipulis daret, benedixit. Verū et si non legatur in euangelio aliquam aliam pro hoc sacramento fuisse à Christo institutam cæremoniam, non tamen ideo contemnendæ veniunt

illæ cæremoniæ quibus catholica vtitur ecclesia, præsertim cū bonam illarū partem legamus fuisse ab apostolis institutam. Nam Hugo de sancto Victore in lib. de sacramentis, & Isidorus in lib. de officiis cap. 15. & Remigius in lib. de officio missæ, testantur eū ordinem orationū quibus Deo oblata sacrificia consecrantur, primò à sancto Petro fuisse institutum, quē primam missam Anthiochiæ celebrasse ferunt, in qua tres tantum orationes initio fidei proferebantur, incipiebatq; tunc sacerdos ab illo loco vbi dicitur, Hæcigitur oblationem &c. Alia verò successu temporis addita sunt. Merito ergo talis assertio Ioannis Vuitcleff est velut hæretica dānata. Nā ex 45. articulis eiusdem Vuitcleff in cōcilio Constantiensi dānatis, quintus articulus sic ait, Non est fundatū in euangelio quòd Christus missam ordinauit. Quæ assertio simul cum aliis vna super omnes lata sententia dānata est. Contra hanc hæresim copiosè disputat Thomas Valden in libro de sacramentalibus, titulo quarto.

*Lutherus.* Secunda hæresis negat missam esse sacrificiū, neque ibi esse aliquam oblationē. Huius hæresis author est Lutherus, qui volens ex toto missam vnicum animarū solatium tollere, his gradibus progreditur, vt primo dicat missam nō esse sacrificium, quoniā in ea (vt ait) nulla profus oblatio offertur. Et quoniam hoc est primum fundamentum quod iacit ad suā hæresim de missa abroganda stabiliendam, ideo pro viribus oportet anniti vt illud euertamus. Primò ergo querendum est à Luthero, vtrū pro statu legis euangelicæ sit aliquod sacrificiū ab ipsa lege statutum, & illi legi peculiare. Nō est dicendum nullū esse sacrificium, quoniā in omni lege fuerunt semper aliqua sacrificia. Nā in lege naturæ fuerunt sacrificia, quoniā Iob qui solum in lege naturæ vixit, offerebat holocausta per singulos dies, ne fortè filii eius peccassent. De lege Mosaica nō est opus dicere, cum tota illa plena fuerit sacrificiis. Et gentes ipsæ diuersa idola colētes, diuersa habebāt sacrificiorum genera, ita vt nulla sit gens tam barbara quæ nō habeat aliquod sacrificii genus quod offerat Deo suo, hoc est illi quem putat Deum. Et hoc non aliunde venit, nisi quia à natura est omnibus inditum, vt Deū quisque colat. Multo ergo maius oportet in lege euangelica, in qua clariorem Dei cognitionem habemus, vt in ea sit aliquod sacrificium multo excellentius omnibus sacrificiis aliarum legū. Tale autem nullum reperiri potest nisi missa sit sacrificiū, in qua verum Christi corpus, & verus eiusdem sanguis Deo offertur.

Missa



Missæ ergo est sacrificium. Et hanc nostram argumétationem confirmat Malachiæ prophetæ testimonium, qui enarrans abrogationem sacrificiorum veteris legis, sic in persona Dei loquitur: Non est mihi voluntas in vobis, dicit Dominus exercituum, & munus non suscipiā de manu vestra. Ab ortu enim solis usque ad occasum magnū est nomen meū in gentibus, & in omni loco sacrificatur & offertur nomini meo oblatio munda, quia magnū est nomen meū in gentibus. Ecce vides repudiari sacrificia veteris legis, cū ait, munus non suscipiā de manu vestra. Et ne omnino sine sacrificio videretur populum relinquere, statim aperuit aliud sacrificiū loco illius subrogatum multo melius, cū dicit: In omni loco sacrificatur & offertur nomini meo oblatio munda. At nulla alia est oblatio quæ simpliciter & absolute dici possit munda, nisi eucharistia quæ in missa Deo offertur, quoniam ut ait propheta quidam, Omnes iustitiæ nostræ quasi pannus menstruatur sic sunt coram Deo. Et si aliqua est oblatio quæ munda dicatur, illa non est ex se munda coram Deo, sed ex munditia & bonitate ipsius offerentis. Respexit Deus (inquit scriptura) ad Abel, & ad munera eius. Ad Abel primò, deinde ad munera; & ideo respexit ad munera, quia respexerat ad personam. Oblatio autem illa de qua propheta Malachias loquitur, absolute dicitur munda, nulla expressi persona à qua suam caperet munditiam. Ex quo colligitur quod sit ex se munda, est ergo illa eucharistia. Quod si dicas intelligi de illa oblatione qua Christus seipsum in cruce pro nobis omnibus semel Deo patri obtulit obstat id quod ait dominus, dicēs quod talis oblatio offertur in omni loco. At illa vnica oblatio in cruce facta à Christo, in sola Iudæa facta est, & non in omni loco. Non ergo loquitur propheta de illa. Nec etiā talis oblatio munda de qua dominus per prophetā loquitur, est oratio & eleemosyna, ieiunium, aut aliqua alia similis. Nam si de huiusmodi oblationibus loquamur, non vna in omni loco & ab omnibus offertur, sed diuersæ sunt orationes, distinctæ eleemosynæ iuxta diuersitatem personarum eas offerentiū. Et huiusmodi oblationes etiā in lege veteri offerebantur Deo. ista autem de qua dominus per prophetam loquitur, non fuit in veteri lege, quoniam dicit eam subrogandam loco aliorum sacrificiorum, quæ reprobanda erant. Oblatio ergo quæ ex se sit munda sine villo personæ offerentis respectu, & quæ in omni loco vna & eadem ab omnibus offeratur, nulla reperiri potest nisi eucharistia, quæ quotidie à

Mal. 1.

Esa. 26

Gene. 4



tota ecclesia per vniuersum mūdum dispersa, in missa Deo offertur. Ergo missa in qua talis oblatio offertur, est sacrificium. Præterea, sacerdotium legis euangelicæ quod à Christo summo sacerdote incepit, præcesserat in figura in sacerdotio Melchisedech, prout apertissimè docet Paulus in epistola ad Hebræos, quoniam ex hoc colligit ibi Paulus melius esse sacerdotium nouæ legis quàm sacerdotium veteris, quia videlicet hoc benedictionem ab illo receperit. Et Christus qui summus est huius sacerdotij sacerdos, dictus est sacerdos secundum ordinem Melchisedech. Iam videamus in quo sacerdotium Melchisedech simile sit sacerdotio nouæ legis euangelicæ, vt merito possit dici figura & typus illius. De sacerdotio Melchisedech nihil aliud expressit scriptura, quàm quod panem & vinum obtulit, ita quod oblatio Melchisedech quam Deo obtulit, fuit panis & vinum. Verùm hoc impij hæretici negant reperiri in scriptura, sed dicunt scripturam referre Melchisedech obtulisse panem & vinum Abrahæ redeunti de victoria quinque regum, & non Deo. Sed vt eorum fallaciæ & technæ prodantur, citare oportet scripturam. Sic enim verba eius habent: At  
**Heb. 7** verò Melchisedech rex Salem proferēs panem & vinum, erat enim sacerdos Dei altissimi, benedixit ei &c. Quod panē & vinum obtulerit, apertius dicit scriptura, quàm vt dubitari possit, Verùm cui obtulerit, ostendere oportet. Et certè si sequentia verba aduertātur, apertè conuincitur quod Deo obtulit. Nam cum dixerat panem & vinum protulisse, causam illius oblationis mox subiunxit dicens, Erat enim sacerdos Dei altissimi. Estne sufficiens causa sacerdotium Dei, vt Abrahæ panē & vinum offerre debuisset? Aut fortè sacerdotis officium erat ministrare victoribus panem & vinum? Absit. Non est enim æquum vt minister mensæ Dei ministret mensis hominum. Si conjunctionem copulatiuam posuisset sic dicens, At verò Melchisedech rex Salem proferens panem & vinum, & erat sacerdos Dei altissimi &c. si sic locutus fuisset, dubitari meritò poterat cui obtulisset panē: sed cum posuerit conjunctionem causalem, dicens, erat enim sacerdos Dei altissimi, videtur illa verba posita vt redderet causam quare obtulerit panem & vinum. Nam quia dixerat Melchisedech regem Salem obtulisse panem & vinum, mirari quis poterat regem oblationes facientem. ideo subdidit dicēs, Erat enim sacerdos Dei altissimi. Melchisedech ergo panem & vinum obtulit Deo. Et hæc est nō solū recentiu theologorum

gorum sententia (vt quidam existimat) sed vetustorum. Nam beatus Cyprianus in quadam epistola ad Cæciliū quæ est in *Fræsicensi* secundo lib. epistolarum eius, ita sentit. Damascenus in 4. lib. *Titelmas* de fide orthodoxa cap. 14. idem docet. Quod si Melchisedech *nus super* panem & vinum nō obtulit Deo, ostendant ex sacris literis qui *Psal. 109* hoc asserūt, quis fuerit ritus aut ordo sacerdotij Melchisedech, vt meritō dicatur gessisse typum sacerdotij nouæ legis? Cū ergo nihil aliud de eius sacerdotio reperiatur, conuincitur eum panem & vinum obtulisse: & si in hoc figuram gessit sacerdotij nouæ legis, oportet veritatem in sacerdotio nouæ legis reperiri, cui talis oblatio similis habeatur. At nulla alia haberi potest in sacerdotio legis euangelicæ, nisi oblatio illa corporis & sanguinis quæ sub speciebus panis & vini quotidie in missa fit. In missa ergo aliquid offertur, & per consequens missa est sacrificium. Rursus Paulus apostolus in ea quæ est ad Hebr. epist. sic *Heb. 5* ait: Omnis pontifex ex hominibus assumptus, pro hominibus constituitur in iis quæ sunt ad Deum, vt offerat dona & sacrificia pro peccatis. Aut ergo nullum est legis euangelicæ sacerdotium, aut aliquod habebit peculiare sacrificium quod offerat pro peccatis. nullum autem est aliud quod non possit à non sacerdote offerri, nisi eucharistia quæ in missa offertur, missa ergo est sacrificium. Deinde hanc sententiam docuerunt concorder omnes sacri doctores qui ante Lutherum scripserūt. Concors autem omnium sacrorum doctorum sententia (vt in lib. huius operis primo cap. 7. docuimus) maximi est momenti, adeo vt si scriptura aut ecclesiæ definitio deesset, illa sola sufficeret ad fidem astruendam. Istorum autem sacrorū virorum testimonio causa prolixitatis vitāz omitto. Quod si quis ea videre desiderat, citabo loca illorū, vt curiosus & diligens lector ex propriis fontibus hauriat si velit. Dimissis ergo aliis recentioribus, à Gregorio exordiar. Gregorius papa in 4. lib. dialogorum cap. 58. Fulgentius lib. 2. ad Monimum circa principiū libri sæpe vocat missam sacrificium & oblationem. Leo papa huius nominis primus in epistola quadam ad Dioscorum, quæ est nona in ordine. Augu. lib. 10. de ciui. Dei cap. 20. & lib. 17. cap. 20. & sermo. 1. super Psal. 33. Ambr. lib. 1. de offic. cap. 48. Chrysost. in homi. de proditiōe iudæ, & super epist. ad Hebr. sæpe. Greg. Nazianzenus in carminibus quæ ad episcopos scripsit. Verū quia hic liber nō ita patet omnibus vt reliqui, eius verba hic subiungā. Sic enim ait: O sacrificia mittētes in cruce

sacerdotes. O animarū custodes gloriosi. O magni figmentum Dei vestris in manibus ferentes. Hæc ille. Quod autē dicit sacrificia incruenta, non ideo dicit, quia ibi offeratur corpus sine sanguine, sed quia nihil pro tali sacrificio occiditur, & nulla illata vi effunditur sanguis, sicut olim in lege veteri cū de aliquo animali victima mactabatur. Irenæus lib. 4. cap. 32. Alexander papa huius nominis primus in quodam decreto quod inscribitur de sacerdotibus non vexādis, & habetur in volumine conciliorum generalium. Ignatius martyr in epistola ad Smyrneneses. Ecce quanta sit Lutheri audacia, qui non veritus est sententiæ tantorum patrū repugnare, & velut alter Goliath solus totam sacrorū virorum phalangē ad bellū prouocare. Postremò hæc pestifera Lutheri sententia damnatur in pluribus conciliis. Plurima enim sunt concilia quæ cēsent missam esse verū sacrificiū. Primò conciliū Lateranēse sub Inno. tertio celebratū, cuius definitio habetur in volumine epist. decretaliū in tit. de summa trinitate & fide catho. cap. firmiter credimus. Sic enim ibidem habetur: Vna est fidelīū vniuersalis ecclesia, extra quā nullus omnino saluatur, in qua idē ipse sacerdos est sacrificiū Iesus Christus, cuius corpus & sanguis in sacramēto altaris sub speciebus panis & vini veraciter continētur, transubstātiatis pane in corpus, & vino in sanguinē potestate diuina, vt ad perficiendum mysteriū vnitatis accipiamus ipsi de suo quod ipse accepit de nostro. Hæc conciliū Lateranense. Et conciliū Tolatanū primū cap. 5. vocat missam sacrificiū. Et conciliū Toletanum duodecimū cap. 5. eodē nomine Missam appellat. Et conciliū Ephesinū in epist. quæ nomine cōcilij ad Nestoriū directā fuit, sic missam appellat. Sed opus est vt Lutheri obiectionibus respondeamus. Sic enim obiicit, In cœna non se obtulit Deo patri, sed in morte: ergo sacerdos qui memoriam agit illius cœnæ dominicæ, non offert corpus Christi Deo. Huius argumēti debilitas inde patebit, si aduertat quisque missam non solum esse in memoriā cœnæ, sed etiam in memoriā passionis & mortis Christi. Hoc autē Paulus confirmat dicens, Quotiescunque manducabitis panem hunc, & calicem bibetis, mortem Domini annunciabitis donec veniat. Cū ergo nullus dubitet Christum in morte seipsum obtulisse Deo patri, oportet etiam vt nullus dubitet quin sacerdos in missa quæ in mortis Christi cōmemorationem agitur, offerat Christum in oblationem Deo. Secundò obiiciunt nobis Lutherani Paulū dicentem, Vna oblatione

*Cōcilium  
Lateranense.*

*Concilium  
Toletanū.  
Cōcilium  
Ephesinū.*

*1. Cor. 2*

*Heb. 10*



latione cōsummauit in sempiternum sanctificatos. Et iterum, In qua voluntate sanctificati sumus per oblationem corporis Iesu Christi semel. Quam sententiam sæpe Paulus repetit in epistola ad Hebræos, præsertim capitibus 7 & 9. Huic obiectio ni respondemus, fatentes Christi corpus semel duntaxat fuisse oblatum in cruce visibiliter & sensibiliter, ita ut ipse in tali oblatione mortem subiret, & sic moriens à toto populo conspiceretur. Talis inquam oblatio semel facta est, nec opus est ut iterum fiat, cū illa pro totius mundi redemptione sufficiat. Et de hac re loquitur Apostolus. Sed est alia oblatio multò delicatior quæ nullum habet doloris aut angustię rigorem, & propterea vocauit Gregorius Nazienzenus sacrificia incruenta, oblationem eucharistię in missa, ut diximus, quia in illa oblatione etsi Christus sit oblatus, non tamē in illa moritur, prout mortuus est cū fuit oblatus in ara crucis. In prima oblatione ipsemet Christus seipsum obtulit Deo, ita ut esset sacerdos & sacrificium. In hac autē oblatione quæ fit in missa, etsi ipse offeratur, & sit sacrificium, nō tamen ipse se offert Deo, sed sacerdos in persona ecclesię præsentat Deo patri oblationē factam per filiū in ara crucis. Et ex hoc discrimine inter offerētes, oritur ut diuersum fuerit meritū in istis duabus oblationibus. Nam prima quæ à Christo facta est, fuit meriti infiniti. Secunda autem quæ fit à sacerdote in missa, est meriti limitati & finiti. In prima verē mortuus est Christus: in oblatione verò quæ fit in missa, non moritur, sed fit quædam illius mortis memoria. De hac secunda oblatione non loquitur ibi Paulus, ut patet ex litera: & de hac dicimus eam sæpissimē iterari, quamuis prima oblatio non fuerit iteratō facta. Hoc autem ut non appareat Luthero nouū, testimonio Chrysō. cōprobemus, qui super epi. ad Hebr. sic ait, Et quia semel oblata est illa hostia, oblata est in Sancta sanctorū. hoc autē sacrificium exēplar est illius, id ipsum semper offerimus. Nec nunc quidem alium agnū, crastina alium, sed semper id ipsum. Proinde vnum est hoc sacrificium. Hæc Chrysostomus. Ecce qualiter ait nos offerre eandem hostiam, quam Christus semel obtulit in cruce, videlicet corpus & sanguinem suum. Tertiò Lutherus suam sententiā hoc argumento probare nititur. Quomodo (inquit) fieri potest ut sacerdos offerat Deo quod ipse sumit? Repugnat enim (ut ipse ait) missam esse oblationem, cū illam recipiamus. Idem simul recipi & offerri non potest. Mirum est quod sophismate tam nuga-



Psal. 46

ci Lutherus in re tam sacra se firmet, cum ipse aliàs non semel aut iterum omnes argumentationes & dialecticas ratiocinationes à rebus sacris abigat, insimuletque recentes theologos quod eas sacrae theologiae miscuerint. Sed hæc missa faciamus, & redeamus ad huius rei primum caput. Nonne plurima sacrificia legis Mosaicae sumebant ij qui offerebant? Nunquid edebat Deus ea quæ illi offerebantur? Audi ipsum Deum exprobrantem Iudaicam dementiam, & futuram Lutheri insaniam, Non accipiam de domo tua vitulos, neque de gregibus tuis hircos, quoniam meæ sunt omnes ferae sylvarum, iumenta in montibus, & boves. Cognoui omnia volatilia cæli, & pulchritudo agri mecum est. Si esuriero, non dicam tibi: meus est enim orbis terræ, & plenitudo eius. Nunquid māducabo carnes taurorum: aut sanguinem hircorum potabo? Cum ergo Deus non comederat carnes quæ illi offerebantur, nunquid peribant? Non certe, sed multæ ex Domini præcepto manebant penes sacerdotes. Si sacerdotes capiebant, & non est dubium quin sacerdotes etiā offerebāt, colligitur optimè nullam esse repugnantiam, ut idē simul offerat & accipiat. Hæ sunt præcipuæ objectiones: alias autem, quoniam debilissimæ sunt, causâ prolixitatis vitandæ præterij. Si quis verò plura de hac re nosse cupit, legat Iodocū Clithouæum in prima parte Propugnaculi ecclesiæ contra Lutheranos, & Gasparem Sagerum, & Albertum Pighium Campensem in libro controuersiarum Ratisponæ habitatum, controuersia quinta, & Ioannem Eccium, qui librum integrum de hac re edidit, in quo exactissimè rem pertractat, quamuis prolixius iusto.

*Missæ dicitur  
his prodesse.*

*Lutherus.*

*Heb. 5*

Tertia hæresis est, quæ ait missam non posse offerri pro peccatis, nec posse prodesse uiuis aut defunctis, sed soli sacerdoti. Huius erroris author est etiam Lutherus, dicens impium esse si missa canatur pro peccatis. Ecce quibus gradibus progreditur diabolus ut homines ad tartara ducat. Primum ad peccatum allicit & impellit: deinde à remedio auocat, ne peccatorum cicatricibus subueniatur. Sed claudamus aures ad vocem aut sibilum serpentis venenosi, & audiamus Paulum dicentem, Omnis nanque pontifex ex hominibus assumptus, pro hominibus constituitur in his quæ sunt ad Deum, ut offerat dona & sacrificia pro peccatis. At cum euangelicum sacerdotiū (ut in præfata heresi ostendimus) nullum aliud habeat sacrificium quam eucharistiam, conuincitur inde ut illam sacerdos offerre possit pro pec

pro peccatis, non tantum suis, sed etiam pro peccatis populi. Nam post illa verba adducta Paulus de eodem sacerdote sermonem faciens subiungit, Qui condolere possit his, qui ignorant & errant, quoniam & ipse circumdatus est infirmitate: & propterea debet quemadmodum pro populo, ita etiam pro semetipso offerre pro peccatis. Ecce qualiter Pauli testimonio omnis sacerdos offert sacrificia non solum pro suis, sed etiam pro populi peccatis. Et cum sacerdotium euangelicum nullum aliud habeat quod possit offerre sacrificium, sequitur quod illud potest offerre sacerdos pro peccatis populi, & suis. Præterea hoc ipsum confirmat inueterata ecclesiæ cōsuetudo, quæ non ex permissione ecclesiæ tolerata est, sed ex præcepto & decreto eiusdem hucusque seruatur. Nam iuxta illum celebrandi ritum quem catholica ecclesia obseruandum tradidit, sacerdos ante eucharistiæ consecrationem sub silētio orat pro uiuis, ut illis proficiat ad salutem animæ & corporis illa sacrorum mysteriorum oblatio. Post consecrationem uero sacerdos supplex Deum orat pro defunctis, ut per virtutem illius sacratissimæ oblationis Deus dignetur illis defunctis indulgere locum refrigerij, lucis & pacis. Et hæc consuetudo, quam hodie ecclesia tenet, non est recens, ut hac occasione eam contemnere audeat Lutherus. Nam beatus Chrysostomus homilia 69. Bernardo Brixiano interprete, testatur eam consuetudinem emanasse ab apostolis. Sic enim ait, Non temerè ab apostolis hæc sancita fuerunt, ut in tremendis mysterijs defunctorum agatur commemoratio. Sciunt enim illis inde multum posse contingere lucrum, utilitatem multam. Cum enim totus constiterit populus extensis manibus, sacerdotalis plenitudo, & tremendum proponatur sacrificium, quomodo Deum non exorabimus pro his deprecantes? Hæc ille. Et beatus Ambrosius in quadam epistola consolatoria ad Faustinum de morte sororis, apertum de hac re perhibet testimonium, cum ait: Ego non tam deplorandam, quam orationibus prosequendam reor, non mœstificandam lachrymis, sed magis oblationibus animam eius Domino cōmendandam. Hæc ille. Beatus Aug. lib. 9. confessionū suarum, matrē suam, catholicā & sanctam mulierem cōmendat, quod instante resolutionis suæ die, nō de sepulchri honore, sed solū de hoc vno esset sollicita, ut frequens illius memoria in altaris sacrificio fieret, in quo sciebat offerri victimā illam sanctā, qua delerum est peccati chirographum.

phum. Cyprianus martyr his omnibus multo vetustior lib. 1. epistolarum suarum, epistola 9. de Victore quodam scribens, qui contra decretum episcoporum, presbyterum quendam rerum suarum autorem constituerat: & ipsius decreti tenorem subiiciens dicit, antecessores suos episcopos salubriter instituisse, ne quis frater excedens de seculo, ad tutelam, aut curam bonorum suorum, clericum nominaret. Quia si quis hoc fecerit, non offeratur pro illo, nec sacrificium pro dormitione eius celebretur. Neque enim ad altare Dei meretur nominari in sacerdotum prece, qui sacerdotem ab altari voluerit auocare. Hæc decretum episcoporum ante Cyprianum, ex cuius verbis apertissimè conuincitur, eo tempore sacrificium altaris pro defunctis offerri. Sed audiamus quid de illo Victore, Cyprianus iuxta præfatum episcoporum decretum, faciendum esse censeat. Et ideo (inquit Cyprianus) Victor, cum contra formam nuper a sacerdotibus datam, Geminium Faustum presbyterum, ausus sit autorem constituere, non est quod pro dormitione eius, apud vos fiat oblatio, aut deprecatio aliqua in ecclesia eius nomine frequenter: ut sacerdotum decretum religiose & necessitate factum, seruetur a nobis: simul & cæteris fratribus detur exemplum, ne quis sacerdotem Dei ad seculares molestias deuocet. Hactenus Cyprianus. Sed & Tertullianus vno ferè integro seculo Cypriano vetustior, huius consuetudinis in ecclesia seruata meminit, qui in libro de corona militis, inter illas antiquas ecclesiæ consuetudines quibus tribuit apostolicam auctoritatem, quanuis sint nobis sine scripto commendata, hanc etiam de sacrificij oblatione connumerat. Quid igitur Lutherus contra tam antiquam ecclesiæ consuetudinem, tot sanctorum virorum testimoniis comprobata, præsumit? Melius est igitur ut tam certam ecclesiæ consuetudinem imitemur quàm præsumptuosam Lutheri nouitatem. Demum, concilij Cabilonensis decretum de hac re sic definit. Antiquitus hunc morem sancta tenet ecclesia, ut & missarum solennibus, & aliis precibus, domino spiritus quiescentium cõmendentur: dicente Augustino, Non sunt prætermittendæ supplicationes quas faciendas pro omnibus in christiana & catholica societate laudamus. Hæc concilium Cabilonense. Sed ut verum fatear, huiusmodi concilij decreta non habentur in eo volumine in quo sunt omnium conciliorum decreta congeſta: sed illud fragmentum habui ex Gratiano, qui in volumine decretorum de conse. dist.

*Concilium  
Cabilonense.*



*missa*  
 1. in capite, Visum est, citat illud concilij decretum. Sed Lutheri objectionibus respondere oportet. Sic enim argumentatur: Communio vnus laici alteri laico prodesse non potest: ergo sacerdotis missa non potest populo prodesse. Hoc loco miserè cæcutit Lutherus, nō videns hoc inter sacerdotem & laicos interesse, quod olim interfuit inter apostolos è manu Christi recipientes eucharistiam, & ipsum Christum Apostolis porrigentem. Sicut enim laicus nunc recipit è manu sacerdotis, ita & tūc apostoli è manu Christi. Sacerdos autem facit quod tunc fecit Christus: quoniam idem corpus conficit ex pane, quod tunc fecit Christus. Idem corpus offert Deo, quod postea in ara crucis obtulit Christus. Quis autem non videt ineptissimum esse argumentum quo quis probare vellet Christi consecrationē nullo modo nobis prodesse, eò quòd Apostoli recipientes nihil nobis profuerunt? Si hoc esse inualidum argumentum nemo est qui non videat, cur etiam simillimi argumenti ineptia nō erit aperta, quum argumentatur vnum sacerdotem non posse pro aliis offerre, propterea quòd vnus laicus non potest pro alio communicare? quoniam (vt diximus) sacerdos Christi locum tenet, laicus verò communicans personam agit apostolorum. Secundò quasi ad eundem lapidem offendens, sic obiicit Lutherus, Vnus homo non potest pro alio baptizari, nec pro alio vxorem ducere, ergo nec vnus homo poterit pro alio offerre. Huic objectioni respondemus quòd non sunt omnia sacramenta ad eundem gnomonem examinanda, quum non sit omnium illorum æqua vis & potestas. Cum ergo hoc eucharistix sacramentum longo interuallo reliqua omnia antecedit, non venit eadem mensura metiendum qua reliqua. Et si hoc gratis daremus Lutherò, vt hoc sacramentum reliquis sit æquale, non tamen inde colligere liceret tam exactā istius sacramenti ad alia similitudinem. Nam eodem argumento etiam conuinceretur sacerdotem non posse eucharistiam à se consecratam suscipere, sed oportere illam recipere à manu alterius sacerdotis, quia sacerdos etsi clauēs habeat quibus absolvere potest alium penitentem, non tamen perinde potest seipsum absolvere. ergo eodem modo oporteret fateri quòd licet possit conficere, & alteri communicare, non tamen sibi ipsi. Verum hæc non ita se habent, quoniam non oportet sacramenta esse sibi inuicè adeò similia, vt nullum sit inter illa discrimen. De hac re amplius dicetur infrà cum de suffragiis defunctorum disputabimus.

Alij

*Lutherus  
requiritur*  
 1.

2.

2.

3.



Alij sunt plures errores qui ad missæ celebrationem pertinere videntur. Sed illos iam supra in titu. de eucharistia recensuimus.

### MONACHATUS.

**I**Lle humani generis antiquus hostis, ad huc usque diem quacunque potest tentat ut homini noceat, & impediat illum à consecutione beatitudinis æternæ, ad quam creatus à Deo fuerat. Cum ergo viderit dæmon plures per monachatus susceptionem suos laqueos euasisse, & æternam consecutos fuisse gloriam: ne alij illorum exemplo similiter eius laqueos euadant, hoc vnum curauit, monachatu detrahere, ut vel sic ab illius susceptione homines auerteret. Neque ut hoc faceret defuerunt illi ministri, quos calliditate sua serpentina decepit, ut illi in eandem damnationem postea inducerent alios. Primi ergo dæmonis ministri fuerunt Valdenses, qui in tantam proruperunt insaniam, ut dicerent mendicantium religiones fuisse malorum dæmonum inuentionem. Hoc enim illis impingit Aeneas Syluius lib. de origine Bohemorum cap. 35. Guido tamen huius erroris non meminissetiam cum Valdensium errores recenset. Eodem ferè tempore quo Valdenses, aut parum postea quidam Vuilhelmus de sancto Amore scripsit librū, in quo persuadere conatus est hominem non posse saluari in ordine mendicantium. Sed hunc librum Alexander papa 4. damnauit ut hæreticum, & præcepit sub excommunicationis pœna ut quicumque illum haberet, combureret. Post istos hunc eundem et Ioannes rorem suscitauit Ioan. Vuitcleff, qui non solū monachos mendicantes, sed omnem monachatu atrociter est infectatus. Hic enim dixit neminem posse saluari in religione priuata, imò dicit omnem qui in priuata religione existit, esse ineptum & inhabilem ad obseruantiam mandatorum Dei. Quapropter addidit, eos qui religiones instituerunt, videlicet Benedictum, Franciscum, Dominicum, &c. fuisse damnatos, eò quòd religiones instituerunt, nisi fortè de hoc pœnituerint. Hunc Vuitcleffi insanum & impium errorem iam sepultum, ab inferis suscitauit hoc nostro seculo Martinus Luthe. dicens non esse licitum hominem obligari ad aliquid agendum vltra id quod dominus nobis præcepit, sed liberè viuendum esse cuilibet, & non sub lege humana. Quapropter liberam tribuit monachis potestatem exeundi à monasteriis, & vxoris ducendi si volunt. imò in multis Germaniæ oppidis coacti sunt monachi relinquere propria monast

monasteria, quia non permittitur eis in illis habitare nisi cucul-  
lam exuant, & vxores ducant. Cōtra horum omnium errorem  
decreui nihil in hoc opere scribere, ne fortè dicatur de me, eò  
quòd sim ipse etiam monachus ex instituto Franciscano, quòd  
meam ago causam, & quero quæ mea sunt, & non quæ Iesu  
Christi. Et videtur mihi rem cessuram in maiorem monacha-  
tus gloriam, si causa illius ab aliis agatur quàm ab ipsismet.  
Et cum non defuerint qui strenuè pro nobis in hac parte pu-  
gnauerint, non est cur nos arma sumere debeamus. Ioannes epī  
scopus Rossensis in eo opere quod cōtra Lutheri capriuitatem  
Babylonicam edidit, pro monachis de Luthero triumphat. Io-  
docus Clichthoueus vir non minus pius quàm doctus librum  
vnum in fauorē monachatus edidit, & alibi sæpe pro votis mo-  
nasticis causam agit, præsertim in eo opere quod fecit pro as-  
sertione veritatum definitarum in concilio Senonensi. Olim  
scripsit beatus Chryso. aduersus vituperatores vitæ monasticæ  
libros tres. Et si quis nostros non dedignatur, beatus Thomas  
in fauorem monachatus scripsit cōtra præfatum Vuilhelmum  
de sancto Amore librum vnum. Albertus Magnus defensoriū  
mendicantium composuit. Thomas Vualden carmelita in pri-  
mo tomo doctrinalis fidei antiquæ circa finem longum de hac  
re facit tractatum, qui mea sententia omnes aduersariorum ca-  
lumnias nullius esse momenti apertissimè ostendit. Verum ne  
quis me incuset quòd istorum hæreticorum sententiam inter  
hæreses collocauerim, nulla adducta ratione propter quā cen-  
seatur meritò fuisse damnata, ecclesiæ catholicæ definitionem  
proferam, quæ sola maioris est ponderis quàm mille ratio-  
cationes aut syllogisticæ collectiones. Ex 45. articulis Ioannis  
Vuiteless in concilio Constantiensi sessione 8. damnatis, multi  
sunt ad hanc rem pertinentes. Nam vicesimus articulus sic ait:  
Si quis ingreditur religionem priuatam qualemcunq; tam pos-  
sessionatorum quàm mendicantium, redditur ineptior & inha-  
bilior ad obseruationes mandatorū Dei. Vicesimus primus ar-  
ticulus sic ait: Sancti instituentes religiones priuatas, sic insti-  
tuentes peccauerunt. Vicesimus secundus articulus sic dicit, Re-  
ligiosi viuentes in religionibus priuatis, non sunt de religione  
Christiana. Ad idem pertinent articuli 33. & 34. & 44. Hi au-  
tem articuli omnes damnati sunt in concilio Constantiensi ses-  
sione 8. Cum ergo sit tam expressa ecclesiæ definitio, non est  
opus vt monachi pro se pugnent, aut causam iterum ad li-  
cem

tem reuocent. Et si quis nos ad contentionem vocauerit, melius est non contendere, sed causam pro nobis dictam ostendere. Cæterum de vna sola re hic volo admonere lectorem, vt aduertat qui sunt ij, qui monachatu detrahunt, quoniam nullus vnquam monachatu detraxit nisi homo voluptuosus, illecebris deditus, quales ego sæpe notauī. Et ita sunt tanquam canes in præsepī, prout dicitur in prouerbio: quoniam nec ipsi viam virtutis capeßere volunt, & capeßentibus siqui sunt, latratibus & moribus obstant. Hoc autem ideo faciunt, vt videlicet sua occultent scelera. Nam qui prauam vitam duxerit, alios vt nequiter viuant hortabitur, quoniam latere existimat sua flagitia, si alios habuerit suorum scelerū imitatores, & tanto minus notari credit, quanto plures habuerit in crimine socios. Et tanto contrā magis timet pudore confundi, quanto plures fuerint virtutis cultores. Vitium nanque ex comparatione virtutis vilescit. Quædam alia quæ ad monachatum pertinent, iam superius pertractata sunt cum de mendicitate ageretur, & inferius amplius dicemus, cum de votis disputabimus.

## M V L I E R.

*Pepusiani.* **E**st quædam hæresis asserens mulieres iuste posse ad sacerdotium promoueri. Huius hæresis authores sunt Pepusiani, sic dicti (vt ait Aug. lib. de hæresibus cap. 27.) à quodam opido quod vocabatur Pepusa, ex quo loco dicunt fuisse oriundum Montanum hæreticum. Hunc errorem ante mille & trecentos annos sepultum, Lutherus suscitare conatus est, qui ad nihil aliud natus esse videtur, quàm ad reuocandum & reducendum in ecclesiam pestilentes errores ab eadem iam olim explosos atque eiectos. Hæc hæresis facile conuincitur si consideremus quæ sint sacerdotis partes, aut quod illorum sit munus & officiū. Sacerdotis partes sunt tres, iuxta quas sacerdos à non sacerdote secernitur. Nam sacerdoti soli competit corpus Christi ex pane conficere. eiusdem sacerdotis munus proprium est peccata in confessione audire, & illis auditis peccatorem ab illis absolvere. Ad sacerdotem etiam pertinet ex officio docere. At cum nullum istorum competere possit mulieri, cōuincitur mulierem non posse vllō modo ad sacerdotium promoueri, Quod enim mulier non habeat potestatem consecrandi eucharistiam, inde colligitur, quod talis potestas fuit à Christo sacerdotibus viris collata in cœna vltima, cum apostolis dixit,  
Hoc

Hoc facite in meam cōmemorationem. At cum Christus hæc *Luc. 22*  
 verba dixit, nulla ibi aderat mulier ad quam illa verba possent  
 referri. non fuit ergo tunc à Deo talis potestas mulieri collata.  
 Quòd si consecrare nō possunt, ergo nec pœnitētes absolvere,  
 quoniam hæc potestas quæ circa corpus Christi mysticū exer-  
 cetur, innititur alteri potestati, quæ est circa corpus Christi ve-  
 rum, sicut umbra pendet ex corpore, quia primam potestatem  
 Christus contulit sacerdotibus in cœna vltima ante mortē: se-  
 cundam verò non nisi postquam à mortuis resurrexerat, cum  
 videlicet existēs in medio Apostolorum dixit eis, Quorum re-  
 miseritis peccata, remissa erunt &c. Si à muliere ergo primam *Ioan. 20*  
 auferas potestatem, sit vt necessariò etiam auferas secundā. Præ-  
 terea, cum hanc absoluendi potestatem Aposto. tribuit, nulla  
 aderat mulier, sed soli viri, puta decē Apostoli, prout Ioannes *Ibidem.*  
 Euang. refert, ergo (vt de consecratione colligimus) talis pote-  
 stas absoluendi non fuit à Deo mulieribus collata. Rursum si  
 non esset aliquod scripturæ testimoniū ad probandum mulie-  
 res nō posse cōfessiones peccatorum audire, hoc solum suffice-  
 ret, quòd mulieres malè audiunt de taciturnitate, nec immeri-  
 tò, cum hoc sit illis natiuum & genuinum, vt parū probè taceāt  
 si quid audierint secretius. Sunt enim natura garrulæ. Quo fit  
 vt quò eam magis secretò astrinxeris, eo libentius postmodum  
 effundat. Consultius ergo Deum egisse credimus, quàm Luth-  
 rus docet. Nā minimè expediebat vt omnia in eius aures effun-  
 deremus, quæ peruiam & patulam habet viā ab auribus ad lin-  
 guam. Tertium quod sacerdoti cōuenit ex officio, est doctrina.  
 Illis enim incumbit alios docere, secundum quod dominus per  
 Malachiam prophetam ait, Labia sacerdotis custodiunt scien- *Mal. 2.*  
 tiam, & legē requirent de ore eius, quia angelus Domini exer-  
 cituum est. Hoc autem munus nō posse vllò pacto mulieribus  
 permitti, Apost. Paul. testatur, qui apertissimè mulieribus in- *I. Timo. 2*  
 terdicat ne docere præsumant, dicens, Mulier in silentio discat  
 cum omni subiectione. Docere autem mulieri non permitto,  
 neque dominari in virum, sed esse in silētio. Si ergo mulier nō  
 potest docere, neque eucharistiam conficere, neque absolvere:  
 conuincitur vt etiam sacerdos esse non possit. Accedit ad hæc,  
 totius catholicæ ecclesiæ perpetuus vsus, quæ nunquam permi-  
 sit mulierem sacerdotis officio fungi. Et certè si quisque aduer-  
 tat quanta sit sacerdotii dignitas, & quantum reliquas omnes  
 dignitates excedat, illico cognosceret meritò fuisse talem digni-



tatem mulieribus denegatam. Nam mulieres oportet esse subditas viris, quia (ut ait Paulus) caput mulieris vir. Mulieres patiuntur prudentiæ defectum, & ideo faciles sunt ut decipiantur. Prima est enim seducta mulier in prauaricationem. Mulieres sunt natura incōstantes & mobiles: sicut Sapiens ait, Virum de mille vnum reperi, mulierē ex omnibus non inueni. Et iterum alibi, Mulierem fortē quis inueniet? Procul & de vltimis finibus preciū eius. Mulieres natura sunt fragiles, & ideo B. Petrus vocat mulierem fragilius vasculum. Theophylactus interpretans illud Pauli, Mulier seducta in prauaricatione fuit, sic ait, Quia semel mulier virum edocuit, & cuncta peruertit, idcirco nequaquam hæc habeat velim docendi de cætero potestatem. Est nāque mulier natura leuior, & facile fallitur. Aduerte autē quemadmodū non Euā dixerit deceptā esse, sed mulierem, tanquam de ipso muliebri genere disseruisset. Nā quemadmodū natura omnis humana in Adā perdita est: sic per Euā in omne fœmineum genus delapsa est leuitas, qua & prauaricatio ipsa primum Euam inuasit. Hæc Theophylactus. Cū ergo mulieres tot naturales patiantur defectus, non est credendum fuisse illis commissum tale officium, ad cuius debitam executionem maxime exigitur ut illis omnibus defectibus cæreat qui illud exercere debet.

## M V N D V S.

**H**ic apertissimē cōperimus verum esse quod in primo huius operis libro docuimus, bonam heretum partē à Gentilium librorū lectione ortum habuisse. Nam cum plures fuerint de natura mūdi & illius qualitate hæretes orti, ferē omnes ex philosophorum officina prodierunt. Est enim quædā hæresis docens materiam elementorum ex qua factus est mundus, non esse factam à Deo, sed esse Deo coeternam. Huius erroris authores fuerunt Seleuchus à quo Seleuciani, & Hermias à quo Hermiani. Sic enim de illis refert B. Augu. in lib. de hæresibus cap. 59. Eundem errorem post multa tempora docuerunt Albanenses. Eidem adhaesit quidam Hermanus Kislūnich Holandrinus, de quo iam supra habitus est sermo. Hic autē & Albanenses absolute dixerunt mundu fuisse ab æterno. Quis nō videt hunc errorem ex Aristotelis schola prodire? Si contra Aristotelem esset nobis pugnandum, durum certē & laboriosum esset futurum certamen, quoniam contra illum parum agerent scripturæ sacræ testimonia. Verū cum aduersus eos sit nobis designata

designata pugna, qui Christo nomina in baptismo dederūt, facillimè de illis triūphabimus. Apertissima certè & notissima sunt ea quæ in primo capite Geneseos de mundi creatione deferuntur. Et Ioannes Euang. de filio Dei loquens ait, Omnia per ipsum facta sunt, & sine ipso factum est nihil. Et iterum ibidē, In mundo erat & mundus per ipsum factus est. Nullus ergo dicere audeat mundum fuisse ab æterno, cum beatus Ioānes tam apertè dicat mundum esse factum à Deo.

Secunda hæresis docet mundum non finiendum. Hic etiam error ab Aristotele docetur. Post Aristotelem autē, ex iis qui se Christianos iactant, Albanenses eundem tutantur errorem, dicentes mundū nunquā finiendum, sed semper in hoc statu mansurum. Quod si capiant mundū pro sola elementorum & cælorum substantia, certè eorum sententia non est hæresis censenda, quoniam etiam peractō iudicio vniuersali cælum manebit, & elementa manebunt iuxta eorum substantiam, imò puriora quàm nunc sunt. Si verò capiant mundum pro habitatoribus mundi, prout capit Ioannes cum dicit, Mundus cum non cognouit: & iterum, Sic Deus dilexit mundū, vt filium suum vni-  
Albanen-  
ses.  
Ioan. 1  
Ioan. 3  
 genitum daret: iuxta hanc mundi significationem error est apertus dicere mundum non esse finiendum, ita vt nunquam delint generationes hominum in eo habitantium: quoniam (vt supra contra eosdem Albenses probauimus) iudicium vniuersale est futurum: in quo omnes comparebunt vt recipiat vnusquisque mercedem suam, siue bonum siue malum, prout in corpore gessit. At si mundus non finietur, non poterit generale iudicium fieri, quoniam quod infinitum est, nunquam poterit in vnum comprehendi. Cum ergo constet iudiciū vniuersale esse futurum, oportet vt mundus aliquando finiatur.

Tertia hæresis docet mundum esse creatum non à Deo, sed *Simō mago* ab angelis. Hic error etiā videtur prodiiisse ex officina Aristotelis. Nam quāuis Aristoteles negauerit mūdum creatum, dixit Menāder. tamen omnia quæ in istis inferioribus fiunt, fieri ab intelligentiis, quoniam quæ à Deo immediatè fiunt, dixit Aristoteles fieri  
Saturni-  
tius.  
 necessario. quapropter dicebat res contingentes fieri ab intelligentiis. Ex quo errore hautissè videntur hæretici dicentes mundum esse factum ab angelis. Huius hæresis primus author fuit *Simon Magus*, quem secuti sunt plures alii, videlicet Menāder *Cerinthus* eiusdem Simonis discipulus, & Saturninus, à quo Saturniani, Nicolaitæ, Carpocratiani, Cerinthus, & Archontici, ci.

qui sic appellati sunt à principibus quibus mundi creationem tribuunt. Istorum omnium communis error iam supra prostratus est in tit. de creaturis, hèresi prima. illo enim loco probauimus ex sacris literis omnia esse creata à Deo, & à nullo alio.

Quarta hèresis fuit quorundam dicentium mundum esse factum à Deo: sed hi ponunt plures Deos, quorum vni tribuunt huius mundi facturam, alterum autem nihil produxisse dicunt. Et hic error etiam ex fabulosa gentilitate deductus esse videtur. Nam gentiles fermè omnes credebant Deorum multitudinem. De hoc errore iam supra disseruimus in tit. de Deo, hèresi prima. Ibi enim ostendimus ex sacris literis solum vnum esse Deum, eumq; esse creatorem cœli & terræ. Qui ergo authores erroris huius nosse cupit, ex illo loco discat.

Quinta de hac re hèresis est quæ asserit hunc mundum etiā post resurrectionem mortuorum in eodem statu in quo nunc est, esse mansurum: neque ita esse mutandum vt sit cœlum nouum, & terra noua. Hanc hèresim inter alias recenset Philaster Brixiensis in suo libello de hèresibus, nullum tamen illius declarat authorem. B. Augu. etiam in suo opusculo de hèresibus cap. 67. huius hèresis post Philastrum meminit, neque vllum etiam illius indicat patronum. Hanc hèresim aperta sacræ scripturæ testimonia condemnant. Nam in psal. 101. propheta ait, Initio tu domine terram fundasti: & opera manuum tuarum sunt cœli. Ipsi peribunt, tu autem idem in æternum permanes: & omnes sicut vestimentum veterascent: & velut amictū mutabis eos, & murabuntur. Vide quoties cœlorum mutationem indicat. Nam dicit illos perituros, & velut amictum mutandos: quod haud dubiè idem est. Non enim cœli omnino peribunt: sed in melius mutabuntur. Nam B. Hierony. in commentariis super 65. Esaiæ caput, postquam hæc verba quæ nunc ex Dauide protulimus, citauit: hæc verba subiungit: In quo perspicuè demonstratur, perditionem & interitum, non abolitionem in nihili, sed cōmutationem sonare in melius. Neque enim illud quod in alio loco scriptum est, Luna fulgebit vt sol, & sol septuplum lumen accipiet: interitum significat pristinorum, sed commutationē in melius. Quod vt possit intelligi, nostræ conditionis ponamus exempla. Infans cum in puerum creuerit, & puer in iuuenem, & iuuenis in virum, & vir in senem, nequaquā per singulas ætates perit. Idem enim est qui prius fuit: sed paulatim immutatur, & ætati pristinæ perisse dicitur. Quod intel-

ligent

ligens & Paulus loquebatur: Præterit enim figura huius mundi. Cōsideremus quid dixerit, figura præterit, non substantia. Hactenus Hierony. In cuius verbis aperta satis est veritatis intelligentia. Præterea Saluator noster apud Matthæum ait, Cælum & terra trāsibunt. Quæ Saluatoris verba (vt B. Hierony. in commentariis super psalmos docet) idē docent quod propheta Dauid in psal. 101. docuit. Deinde B. Petrus apertissimē hanc sententiam docet, sic inquit, Adueniet autē dies Domini vt fur, in quo cæli magno impetu transient: elemēta verò calore soluentur: terra autem, & quæ in ipsa sunt opera exurentur. Cū igitur hæc omnia dissoluenda sint quales oportet nos esse in sanctis conuersationibus & pietatibus, expectantes & properantes in aduentum diei Domini, per quem cæli ardentes soluentur, & elementa ignis ardore tabescent? Nouos enim cælos & nouam terram & promissā ipsius expectamus. Hæc B. Petrus Apost. Quæ illius verba tam apertē hanc hæresim oppugnāt, vt non sit opus pluribus testimoniis, ad illam reuincendam. Verūm aliqua indigent interpretatione hæc verba, præsertim ab eo loco vbi ait: Cæli ardentes soluentur. Quæ verba nō de illis cælis in quibus sol & luna & reliqua astra sunt fixa, qui à nobis remotissimi sunt, debēt intelligi: sed de cælo isto inferiori, quæ aeris regio dicitur, sunt accipienda. Nam de illis superioribus cælis, an sint calore soluendi, August. dubitat, qui super psalmū 101. pertractans hæc beati Petri verba, ita ait, iam ergo dixit perisse cælos per diluuium: perisse autem nouimus cælos secundum quantitātē & spatia aeris huius. Excreuit enim aqua, & totam istam capacitatem vbi aues volitant, occupauit: ac sic vtique cæli perierunt propinqui terris, cæli, secundum quod dicuntur aues cæli. Sunt autem & cæli cælorum superiores in firmamēto: sed verum ipsi perituri sint igne, an hi soli cæli qui etiam diluuiō perierunt, disceptatio est aliquanto scrupulior inter doctos, nec facilē (maximē in angustia temporis) explicari potest. Dimittamus ergo eam, vel differamus: nouerimus tamen perire ista, Deum manere. Hactenus August. Iuxta cuius sententiam constat cælos pro aere sumi eo loco quo B. Petrus dixit, Cæli ardentes soluentur. Cū tamen infrā Petrus subiungit: Nouos verò cælos & nouam terrā & promissā ipsius expectamus: ibi cælos pro illis etiam qui sursum sunt à nobis remotissimi, intelligere possumus, quoniam illi etiam iuxta vaticinium Esaie mutabuntur in melius. Et erit, inquit illē, lux lunæ

Esa. 30



sicut lux solis & lux solis erit septemplex, sicut lux septem dierum, in die qua alligauerit dominus vulnus populi sui, & percussuram plagæ sanauerit. Et iuxta hanc cœlorum significationem beatus Hieronimus interpretatur aliud Esaiæ vaticinium quo ait, Ecce enim ego creo cœlos nouos, & terram nouam: & non erunt in memoria priora. & iuxta eandem significationem accipiendum est quod in Apocalypsi dicitur, Vidi cœlum nouum, & terram nouam. Noua omnia dicit, non quod alia sint, sed quia in melius omnia mutata: quemadmodum ex Hieronimo sententia supra docuimus. Et quidem pro hac re ab eundem me dixisse arbitror. Non enim opus est in re apertissima testimonio rum multitudine grauare lectorem, præsertim cum nullum huius hæresis agnoscamus patronum quem deuincere oporteat.

## PRAEFATIO XI. LIBRI.

**H**oc loco eadem lege oportebit nos uti, qua supra lib. septimo vsi sumus, quoniam hæc litera N adeo sterilis est, ut vix duæ sint dictiones ab illa initium sumentes, quæ talem rem significent, de qua aliqua sit hæresis orta: quapropter cum dictiones ab hac litera incipientes non sufficiant ad vnum vel mediorum quantitatis librum absoluendum, coniungemus illis dictiones à sequenti litera incipientes.

F. ALFONSI DE CASTRO ADVERSUS HAERESSES, Liber Vndecimus.

## NVDITAS.

Adamiani



Vit hæresis quorundam dicentium nuditatem esse bonam, & honestam. Hunc errorem tenuerunt quidam dicti Adamiani, sic dicti quia nuditatem quam Adam in paradiso habuit ante peccatum, imitari volebant, & ita semper mares & feminae nudi obambulabant, nudi lectiones audiebant, nudi orabant, nudi celebrabant sacramenta: & propter hoc suam ecclesiam, hoc est suam congregationem, appellabant paradisum. Quis autem fuerit huius hæresis primus author, & quo tempore cœperit, apud neminem inuenire potui. Hi hæretici effrontes & inuerecundi, etsi Adæ nuditatem in paradiso imitentur, illius tamen innocentiam non seruant,

eruant, inò peccatum illius augent: quoniam licet ante peccatum Adam & Heua fuissent nudi, post peccatum tamen, vt ait scriptura, fecerunt sibi perizomata, & Deus fecit illis tunicas pelliceas. Et longo tempore postea statuit populo Israel quoddam genus vestimenti per quod ab aliis nationibus distingueretur. Et sacerdos ex Dei præcepto peculiare habebat vestimentum cum offerre debebat, & intrare in sancta sanctorum. Demum ipse veritatis magister, qui viam Dei in veritate docuit verbo & exemplo, vestimenta habuit, quorum vnũ fuit tunica inconfutilis desuper contexta per totum.

## N V P T I A E.

**P**Rima hæresis quæ de hac re orta est, docet nuptias esse illicitas, omnesque illos peccare dicunt qui nuptiarum fœdera inter se iungunt. Huius erroris primus auctor fuit Tatianus, à quo, vt supra diximus, Encratitæ originẽ sumptere. Sed si vera sunt quæ catalogus hæreticorũ de Heracleonitis refert, Heracleon illorũ princeps erit primus huius erroris inuentor quoniam Heracleon qui discipulus fuit Valentini hæretici, vetustior est quam Tatianus, qui fuit (vt alias diximus) discipulus Iustini martyris. Verum vt ingenuè fatear, parum fido in hac parte illis quæ catalogus refert, quia Augustinus in libro de hæresibus cap. 16. de Heracleone loquens, nihil tale illi impingit, vt videlicet nuptias damnauerit. Et Philaster in suo libro de hæresibus huius Heracleonis errores recensens, nunquam huius erroris meminit. Quapropter nisi aliud obstarẽt, ego crederem Tatianum fuisse huius erroris primum authorem, & ita solet communiter ab omnibus vocari hic error Encratitarum, quorum princeps fuit Tatianus. Verum beatus Hieronymus lib. 1. contra Iouinianum prope initium libri testatur huc fuisse errorem Marcionis, ita dicens, Neque verò nos Marcionis & Manichæi dogma sectantes nuptiis detrahimus. Hæc ille. Et ideo iuxta Hieronymi sententiam oportet vt huius erroris principatum tribuamus Marcioni, cum hic fuerit Tatiano vetustior. Eundem errorem tutati sunt Adamiani, dicentes quod si Adam non peccasset, nullæ fuissent futuræ nuptiæ: quapropter illi Adam in paradiso imitari volentes, nuptias fugiunt. De fundamento cui isti Adamiani innituntur, non est opus nunc disputare, quia supra lib. 2. sub titulo de Adam & Heua hæresi tertia hoc fundamentum funditus euertimus. In eodem errore fuerunt Aeriani, qui (vt Augustinus ex relatu aliorum re-

Gene. 3  
Gen. 22

Exo. 39

Ioan. 19

Tatianus.  
Encratita  
Heracleon

Marcion.  
Manichæus.

Adamiani

Aeriani.

- fert) non admittunt ad communionem suam nisi continentes. De Priscillianistis refert Augu. in lib. de hæresibus, quod coniugia separauerint, & quibus hoc persuadere poterant, fœminas à nolentibus viris, & viros à nolentibus fœminis ditiungebant. Quare autem hoc fecerint, an quia nuptias damnauerint, aut fortè quia putauerint nuptiarum fœdera semel iuncta, posse ad alterius coniugis arbitrium rescindi, Aug. non expressit. Hos hæreticos præuidens spiritu prophetico beatus Paulus,
- 1. Tit. 4* manifestè dicit quia in nouissimis temporibus discedent quidam a fide, attendentes spiritibus erroris, & doctrinis dæmoniorum, in hypocrisis loquentium mendacium, & cauteriatam habentium suam conscientiam, prohibentium nubere. Encratitæ ergo & alii prohibentes nubere, iuxta Pauli censuram sunt dicendi mendaces attendentes spiritibus erroris, & doctrinis dæmoniorum. Præterea, si nuptiæ fuissent illicitæ, Christus non decorasset illas sua præsentia. At cum Christus nuptiis interfuerit, & in illis primum omnium signorum fecerit, conuincitur nuptias non esse illicitas. Rursum, si nuptiæ sunt malæ, oportebit fateri Deum esse malorum authorem, quoniam Deus ipse est nuptiarum institutor, qui creatis primis hominibus dixit,
- Gen. 1* Crescite & multiplicamini, & replete terram. Et ne hoc ad solum illum innocentiae statum quis referre possit, Christus eandem nuptiarum institutionem probat, qui Pharisæis querentibus an liceret dimittere uxorem propter aliquam causam,
- Mat. 19* respondit dicens, Non legistis quia qui fecit hominem ab initio, masculum & fœminam fecit eos, & dixit, propter hoc ergo relinquet homo patrem & matrem, & adhærebit uxori suæ, & erunt duo in carne vna. itaque iam non sunt duo, sed vna caro. Quod ergo Deus coniunxit, homo nō separet. Quid ergo impij hæretici separare tentant quod Deus coniunxit? Et Paulus in priore epistola ad Corinth. ait: His autem qui matrimonio iuncti sunt, præcipio, non ego, sed Dominus, uxorem à viro nō
- 1. Cor. 7* discedere. Et iterū, Solutus es ab uxore, noli querere uxorem. Si autem acceperis uxorem, non peccasti: & si nupserit virgo, nō peccat. Et in epistola ad Hebræos iterum ait, Honorabile con-
- 1. Pet. 3* nubium omnibus & torus immaculatus. Et beatus Petrus præcipit mulieribus vt sint subditæ viris suis: & viris præcipit vt præstent honorem mulieribus tanquam cohæredibus gratiæ. Si autem nuptiæ essent illicitæ, beatus Petrus non doceret coniuges

ingres modum secundum quem vivere debent. Præterea, qui hanc hæresim tuentur, seipso per illam damnant. Nam illi ex nuptiis existunt, & à muliere generati sunt, & ex semine viri, quo fit ut necessario seipso condemnent, aut nuptias probent. Si enim se saluari putant, necessarium est, ut nuptias, unde illi exierunt bonas esse dicant. Si verò nuptias abominabiles esse dicunt, necesse est ut quicquid ex illis prodierit, sit etiam abominabile. De hac re scripsit August. pluries. Contra hanc hæresim extant aliquorum conciliorum decreta. Nam concilium Gangrense cap. 14. suorum decretorum sic ait, Siqua mulier derelicto viro discedere voluerit soluto vinculo coniugali, nuptias damnando, anathema sit. Et idem definit concilium Braccarense primum capite vndecimo.

*Cōcilium  
Gangrēse.*

*Cūcilium  
Braccaren  
se.*

Secunda hæresis est quæ primas nuptias admittit, secundas tamē damnat. Huius hæresis authores sunt Cataphryges, quorum princeps fuit Montanus. Eundem errorem postea docuit Tertullianus, qui etsi prius contra Cataphryges pro hac re pugnaverat, postea tamen ad Cataphryges rediit, eorum defendens errorem. Extat usque hodie liber, quem pro huius erroris defensione fecerat, qui inscribitur de Monogamia. Post istos successit in eodem errore Novatus quidam presbyter Romanus tempore Cornelij papæ & martyris, à quo Nouato appellati sunt Novatiani, qui alio nomine vocati sunt Cathari, id est mundi, sic appellati propter munditiam quam superbissime & odiosissime iactabant. Guido Carmelita in sua summa de hæresibus dicit hunc esse unum ex erroribus Græcorum. Hæc hæresis facile convincitur per id quod habetur in Deuter. Quando habitauerint fratres simul, & unus ex eis absque liberis mortuus fuerit, vxor defuncti non nubet alteri, sed accipiet eam frater eius, & suscitabit semen fratris sui, & primogenitum ex ea filium nomine illius appellabit. Ecce hic vides secundas nuptias non solum permissas, sed præcepto mandatas. Quod si hoc licuisset illis dicas tunc tempore legis veteris, non autem nunc tempore legis gratiæ: obstat id quod ait Paulus in ea quæ est ad Romanos epistola, Mulier viuentis viro vocabitur adultera si fuerit cum alio viro. Si autem mortuus fuerit vir eius, liberata est à lege viri, ut non sit adultera si fuerit cum alio viro. Et in prioris epistolæ ad Corinthios expressius hanc confirmat sententiam, dicens: Mulier alligata est legi quanto tempore vir eius viuit. Quod si dormierit vir eius, liberata est à lege. Cui autem vult,

*Cataphry  
ges.  
Mōtanus.  
Tertullia-  
nus.*

*Novatus.  
Cathari.*

*Græci.  
Deut. 25*

*Rom. 7*

*1. Cor. 7*



nubat, tantum in Domino. Nihil expressius dici poterat ad huius erroris expugnationem. Sed impij & blasphemj Cataphryges videntes tam apertum scripturae testimonium, ut nullum illis pateret effugium. Paulum non recipiunt, dicentes illum non plenè recepisse spiritum sanctum, sed solū ex parte prophetasse, ac proinde asserunt non esse illi credendum, sed magis credendum esse Montano heretico eorum principi & magistro, in quem dicunt spiritum sanctum plenè descendisse. Istorum error non est rationibus conuincendus, sed vlticibus pœnis coercendus. Præterea multi sancti homines quorum nomina sunt scripta in libro vitæ, secundas contraxerunt nuptias. Si ergo secundæ nuptiæ damnantur, & illos damnare oportet qui in illis vitam finierunt. Abraham post mortē Sarrae primæ uxoris duxit secundam uxorem quādam Cethuram. Ruth mulier scripturae testimonio sancta, mortuo suo primo viro filio Noemi nupsit secundo viro, qui dictus est Booz. Sarra uxor Thobie iunioris, mulier etiam scripturae testimonio probata, post septē viros quos habuerat, & dæmon occiderat, nupsit Thobie iuniori in quo matrimonio permanserūt Domino famulantes, ita ut accepti essent tam Deo quā hominibus, & cunctis habitantibus in terra. Mulier Samaritana quæ quinq; viros habuerat, non propter hoc reprehensa est à Domino, sed quia ille quem tunc habebat, non erat suus vir. Nam ex eo quod illos quinque appellauit viros eius, videtur approbasse illorum matrimonium. nam si non fuisset verum matrimonium cum secundo, aut tertio, aut quarto, aut quinto, nullus illorum fuisset vir eius, quoniam per matrimonium fit ut vir dominetur corpori muliebris, & mulier dominetur corpori viri. Si ergo quinque viros habuit, ergo quinque verum matrimoniū contraxit: de qua re cum non fuerit à Christo reprehensa, conuincitur secundas & tertias & omnes sequentes posibles nuptias non esse illicitas. Demum aduersus hanc hæresim extat concilij Niceni definitio, quæ habetur cap. 8. decretorum eiusdem concilij. Ibi enim concilium præcipit, ut qui ex Nouatianis ad ecclesiam catholicam redire voluerit, non recipiatur nisi prius per scripturam fateatur se communicaturum cum iis, qui secundas nuptias fortè experti fuerint. Et concilium Florentinum, quod pro vniōe Græcorum sub Eugenio quarto huius nominis pontifice celebratum est, de hac re per sequentia verba definit: Quoniam nonnullos asseritur quartas nuptias

Concilium  
Florentinum.

tanquam condemnatas respuere: ne peccatum ubi non est, esse putetur, cum secundum Apostolum mortuo viro, mulier sit ab eius lege soluta, ut nubendi cui vult in Domino habeat facultatem, nec distinguat mortuo secundo vel tertio, declaramus non solum secundas, at tertias & quartas atque vltiores, si aliquod canonicum impedimentum non obstat, licite contrahi posse. Commendatiores tamen dicimus si vltius à coniugio abstinentes in castitate permanferint. Hactenus concilium Florentinum.

Tertia hæresis negat in nuptiis aliquod esse sacramentum, dicens illam maris & fœminæ indissolubilem coniunctionem non esse sacramentum, neque per illam conferri aliquam gratiam. Huius hæresis primi authores sunt Armeni, qui de omnibus sacramentis dicunt ea nullā gratiam conferre. Post istos primus ex his qui nuptias probant, huius erroris magister est Lutherus, qui cum alia sacramenta sic pertractet, ut ex illis aliquod neget esse institutum in signum, in alio neget promissam gratiam, in matrimonio vero negat vtrunque. Sed quamuis Lutherus hoc neget, nos Deo adiutore vtrunque ostendimus ex sacris literis. Quod matrimonium sit sacramentum institutum in signum, Paulus apostolus apertissimè docet in ea, quæ est ad Ephesios epistola, dicens: Mulieres viris suis subditæ sint sicut Domino, quoniam vir caput est mulieris, sicut Christus caput est ecclesiæ, ipse saluator corporis eius. Sed sicut ecclesia subiecta est Christo, ita & mulieres viris suis in omnibus. Viri, diligite vxores vestras, sicut & Christus dilexit ecclesiā, & seipsum tradidit pro ea, ut illā sanctificaret, mundans eā lauacro aquæ in verbo vitæ, ut exhiberet ipse sibi gloriosam ecclesiā, nō habentem maculā aut rugā, aut aliquid huiusmodi, sed ut sit sancta & immaculata. ita & viri debēt diligere vxores suas, ut corpora sua. qui suā vxorē diligit, seipsum diligit. Nemo enim vnquā carnē suā odio habuit, sed nutrit, & fouet eam, sicut Christus ecclesiā, quia membra sumus corporis eius, de carne eius, & de ossibus eius. Propter hoc relinquet homo patrem & matrem suam, & adheret vxori suæ, & erunt duo in carne vna. Sacramentum hoc magnum est. Ego autem dico in Christo & ecclesiā. Hucusque beatus Paulus. Ecce hic apertissimè Paulus docet matrimoniū viri & vxoris, sacramentum esse quod repræsentat coniunctionem Christi cum ecclesiā: atq; ideo virum comparat Christo, vxorē ecclesiæ. Virū caput esse

Armeni.

Lutherus.

Ephes. 5

*Concilium  
Constantien-  
se.*

*Ambro.*

put esse dicit illius corporis quod vnum facit cū fœmina, Christus  
stūm verò caput esse dicit eius corporis quod vnum facit cum  
ecclesia. Neq; aliam causam affert cur vir debeat diligere vx-  
orem suam, quam ne dissimile signum sit Christo quem repræ-  
sentat, qui adeo sponsam dilexit ecclesiam, vt pro ea mortem  
subire dignatus sit. Mulierem verò docet vt virum timeat ac re-  
ueretur: quod vt rectius & facilius persuadeat, allicit eā exem-  
plo ecclesiæ cuius imaginem gerit, quæ Christo sponso suo pe-  
omnia obedit. Nihil ergo aliud Apostolus loco illo dissert  
quàm vt moneat coniuges ad mutuam inter se charitatē exem-  
plo Christi & ecclesiæ quos repræsentant, ne videlicet fallaci  
sint signa, sed verè reddant ea quorum imaginem referunt. Et  
tandem post multas adductas similitudines claudit sententiā  
dicens, Sacramentum hoc magnum est. Præterea, ecclesia quæ  
(vt iam sæpe ostendimus) errare non potest, censet septem esse  
sacramenta: quoniam inter plures articulos Ioannis Huss, quo  
concilium Constantiense sessione quintadecima damnauit  
vnus eorum sic ait: Sacerdotes quomodolibet criminosè viuen-  
tes, sacerdotij polluant potestatem, & sicut filij infideles sen-  
tiunt infideliter de septem sacramentis ecclesiæ. Hæc autem a-  
sertio Ioannis Huss cum ibidem damnetur, inde colligimus ec-  
clesiam sentire septem esse sacramenta. At sacramenta esse nō  
possunt septem, nisi inter illa numeretur matrimonium. Ma-  
trimonium ergo est sacramētum. Rursum, matrimonium esse  
sacramentum, non solum docent ij quos per contemptum Lu-  
therus sententiariorum appellat, sed illud etiam sentiunt veteres  
ecclesiæ doctores. Ambrosius exponēs illum locum Pauli quē  
proximè citauimus, ait: Mysterij sacramentum grande in vni-  
tate viri ac fœminæ esse significat. Nec hoc prodit, sed aliam  
causam quæ non discordet à memorato mysterio fragitur  
quam scit ad profectum humani generis pertinere, hoc est ec-  
clesiæ & Saluatoris, vt sicut relictis parentibus homo vxori suæ  
adhæret, ita relictō omni errore ecclesia adhæreat & subiiciat  
tur capiti suo quod est Christus. Hæc Ambrosius. Augustinus  
idem sentit, sic dicens, Non tantum fœcunditas, cuius fructus  
prole est: neque tantum pudicitia, cuius vinculum est fides: ve-  
rum etiam sacramentum nuptiarum commendatur fidelibus  
coniugatis: vnde dicit Apostolus, Viri, diligite vxores vestras  
sicut & Christus dilexit ecclesiam. Hæc Augustinus. Sed hic Lu-  
therus nobis obiicit quod in illo Pauli loco proximè citato  
habet



habetur græcè sacramentum, sed mysterium: non debet ergo appellari sacramentum, sed mysterium. O indissolubile nodum. Si res constat, quid moratur vim in vna vocula facere? Si coniugium illud maris & fœminæ repræsentat coniugium Christi cum ecclesia, ergo signum est alterius rei, modo id concedat, cum nos illud tale appellemus sacramentum. si ipse appellare vult mysterium, parum interest, quoniam omnia sacramenta sunt mysteria quædam. Quapropter beatus Ambrosius illum Pauli locum pertractans, vocat matrimonium utroque nomine, videlicet nomine mysterij, & nomine sacramenti, prout patuit ex verbis illius proximè citatis. Probauimus matrimonium esse sacramentum. superest vt probemus gratiam in eius contractu infundi, quoniam hoc etiam negat Lutherus. Vt autem hoc apertius ostendamus, conuertamus oculos nostros, & aspiciamus huius sacramenti initium, vnde videlicet sumpsit exordium, & quale. Deus enim huius sacramenti institutor cum primos parentes cōiugio innecteret, coniugium benedictione sacrauit. Sic enim ait scriptura, Benedixit illis Deus, *Gen. 1* ac di. Crescite & multiplicamini. Non est autem vero simile, vt cum Deus homini benedictionem dedit, corporis præcisè habuerit respectum, quemadmodum in cæteris animantibus, animam autem rationis capacem benedictionis suæ reliquerit expertem. Quod si concedat benedictionem illam pertingere vsq; ad animam, oportet vt concedat etiam gratiam esse tunc animæ collatam, quoniam non alio modo nostræ animæ benedicuntur ab illo, quam per gratiæ suæ infusionem. Sic enim *Mat. 25* benedicti sunt ab illo qui ad regni æterni gloriam percipientes vocantur. Hanc etiam benedictionem petebat Propheta *Psal. 66* dicens, Benedicat nos Deus Deus noster, benedicat nos Deus. Si verò Lutherus concedat ex illa benedictione diuina imperitam esse à Deo primis parentibus gratiam, in aliis tamen neget ita fieri, hoc facile reuincitur: quoniam qui primos parentes copulauit, ipse idem est qui reliquos omnes matrimonio copulat: nec aliquis est coniugio ligatus, qui non à Deo ligatus sit. Quos Deus (inquit Christus) coniunxit, homo non separet. *Mat. 19* Si ipse coniungit omnes, credendum est vt etiam omnes benedicat. Non est enim vero simile vt semper coniungat, & semel duntaxat benedicat, sed quòd toties benedicendi repetat gratiam, quoties iungendi officium resumit. Præterea Apostolus Paulus in epistola ad Hebræos de nuptiis loquēs sic ait: *Heb. 13*   
rabile



rabile connubium, & torus immaculatus. Torus macula ca-  
 rere non posset, si coniugium careret gratia. Coniugium enim  
 non haberet torum immaculatum, si gratia quæ in coniugio  
 infunditur, non verteret illud in bonum, quod aliàs esset pec-  
 catum. Quam rem miraculum in nuptiis operatum nos do-  
 cet. *Ioan. 2* Quid enim est aquam in nuptiis converti in vinum, nisi in-  
 pidam concupiscentiæ carnalis aquam per occultam Dei gra-  
 tiam in optimi saporis vinum esse conuersam? Rursum, Post  
 peccatum primorum parentum datum est matrimonium in  
 remedium carnalis concupiscentiæ, quod prius fuerat institutū  
 in officium: vt videlicet qui incontinens est, matrimoniū con-  
 trahat, quo mediante exercere possit sine peccato, quod aliàs  
 sine peccato facere non posset. Hoc ita esse Apostolus nos do-  
 cet, *i. Cor. 7* qui malè cōtinenti consulit vt nubat, ne peccet, dicens, Me-  
 lius est nubere quàm vri. Si ergo matrimonium datū est in re-  
 medium, quo pacto posset esse remediū carnalis concupiscenti-  
 æ, si in eo non daretur gratia per quam minueretur illud car-  
 nalis concupiscentiæ incēdium? Certè per exercitium & vsum  
 coniugij magis arderet flamma illa libidinis quàm extingue-  
 retur, quoniam etsi ad tempus sit sopitus ardor ex impotentia  
 virtutis corporeæ, cum tamē vires resumit corpus, tunc inten-  
 sior ardor apparet, velut prunæ quæ intra cineres latent. Est er-  
 go necessarium fateri virtute huius sacramenti conferri gratiā  
 in qua recto animo nuptiarum fœdera iungunt, vt per gratiam  
 in illo sacramento collatā melius contineant qui aliàs vix con-  
 tinere possent. Nam aliàs non esset in remedium, sed potius ad  
 incendium carnalis concupiscentiæ. Acced' it ad hæc vsus eccle-  
 siæ, quo suscepturis hoc sacramentū præcipitur quatenus ani-  
 mas suas mudent per peccatorum confessionem, vt sic munda-  
 ti parati sint ad gratiam recipiendam quæ in illo sacramen-  
 to infunditur. Nam aliàs si nulla ibi gratia infunderetur, non  
 erat opus vllam peccatorum confessionem facere. Satis de hac  
 re me dixisse arbitror pro breuitate quam promisimus, & opus  
 ipsum exigit. Qui plura nōsse cupit, legat assertionē sacramen-  
 torum quæ sub titulo regis Angliæ circumfertur, & defensionē  
 eiusdem tractatus quam fecit Ioannes Rossensis episcopus.

Quarta hæresis est quæ docet nuptiarum fœdus & vinculū  
 posse pro cōiugum arbitrio dissolui. Huius hæresis author fuit  
*Montanus* Montanus, à quo orti Cataphryges: quanquam Augustinus de  
 Cataphrygibus loquens, quo loco de hoc Montano disserit, ni-  
 hil tale

hilitale illi impingit: nec Philaster hunc errorem tribuit Montano, sed Eusebius in 3. lib. historiæ Ecclesiasticæ cap. 18. refert Montanum ita sensisse. Hunc eundem errorem tuentur Græci, *Græci.* & Armeni; si Guidoni Carmelitarum credimus, qui in suo libro Armeni- de hæretibus hunc inter illorum errores recenset. Eundem errorem videtur docuisse Priscillianus, quoniam ad hunc sensum *Priscillia-* propius accedunt quæ de illo refert beatus Augu- in lib. de hæ- *nus.* retibus. Pseudoapostoli docuerunt viros, ut relictis vxoribus, & vxores relictis viris ad ipsorum sectam & ordinem transirent, dicentes coniugia posse dissolui pro illorum secta suscipienda & tuenda. Ita enim de Pseudoapostolis scribit Nicolaus Eimerici. Guido tamē huius erroris nō meminit etiam cū Pseudoapo- *Pseudoapo-* stolorum errores recenset. Hunc errorem ipse veritatis magister *stoli.* proprio ore damnauit dicens, Dictū est autem, Quicumq; dimi- *Mat. 5* serit vxorem suam, det ei libellum repudiij. Ego autem dico vobis, quia omnis qui dimiserit vxorē suam, excepta fornicationis causā, facit eam mœcham: & qui dimissam duxerit, adulterat. Et Phariseis querentibus an liceret dimittere vxorē aliqua ex causā, respondit ipsa veritas, Quos Deus cōiunxit, homo nō separet. Et Phariseis iterū obiectantibus quare Moyses mandauit dari libellum repudiij, & dimittere eam? sic ait Quoniam *Mat. 19* Moyses ad duritiā cordis vestri permisit vobis dimittere vxores vestras: ab initio autem nō sic. Dico autem vobis, quia quicumq; dimiserit vxorem suam, nisi ob fornicationē, & aliā duxerit, mœchatur: & qui dimissam duxerit, mœchatur. Et Paulus Apostolus huius præcepti dominici memoriā recolens ait: *1. Cor. 7* His autem qui matrimonio iuncti sunt, præcipio, non ego, sed dominus, vxorem à viro non discedere. q̄ si discesserit, manere innuptam, aut viro suo reconciliari. Et vir vxorem nō dimittat. Taceant ergo præsumptuosi hæretici, & desinant iam separare, quos Deus fateretur se nodo plusquam herculeo sic colligasse, ut nisi morte interueniente diiungi non possint.

Quinta hæresis sic extollit nuptias, ut eas non vereatur æquare virginitati. Sed de hac hæresi infra disseremus in titulo de virginitate. Ibi enim aptior erit pro huiusmodi certamine locus.

## O B E D I E N T I A.

**O**Mnes scelerati ac facinorosi homines quò facilius & liberius quæ voluerint scelera committere possint, libertatem optant, vel ut verius dicam, liberam seruitutem, quoniam

quoniam iuxta illam quam cupiunt libertatem miserrimè seruituri se addicunt, Salvatore nostro dicente, Qui facit peccatum, seruus est peccati. Hæretici aliqui timentes ne propter sua scelera & venenosas doctrinas à prælatis ecclesiæ puniretur iuxta potestatem à Deo illis collatam, ad hoc asylum confugerunt, vt eorum plures negauerint obedientiam esse præstādam prælatis ecclesiæ. Huius erroris primi authores fuere *Valdenses*, impij ac sceleratissimi homines qui more viperarum, viscera matris ecclesiæ, à qua per baptismum fuerant geniti, rodere conati sunt. Hi enim omnem ecclesiæ potestatem & ordinem tollere volebant, dicentes non esse obediendum Romano pontifici, aut alijs ecclesiæ prælatis. Eundem errorem docuerunt *Pseudoapostoli*, *Vuitcleffitæ*, *Hufsitæ*: & nūc *Lutherani* dicunt non esse obediendum prælatis ecclesiæ nisi in illis solū quæ in sacra scriptura sunt apertissimè expressa. *Begardi* & *Beguinae* dixerunt eos qui ad perfectionis statum peruenerint, non esse allicui humanæ potestati subiectos. De his omnibus hæreticis, & de errore illis omnibus communi iam supra satis (vt opinor) diximus in titulo de ecclesiā, hæresi tertia: quo loco ostendimus ecclesiā posse condere leges & statuta, quæ non sint expressa in sacris literis: cuius constitutionibus quilibet tenetur obedire. Non est ergo opus illa iterum repetere.

## OCCIDERE.

*Valdenses* **I**nter alios *Valdensium* errores quos *Guido* recenset, hic vnus est quo docent nullum hominem posse occidi iuste, etiā si id fiat ex iudicis præcepto. Eundem errorem postea docuit quidam *Nicolaus Galecus* nomine, ex *Bohemia* oriundus, qui fuit vnus de legatis à *Bohemia* ad conciliū *Basiliense* missis. Hic error apertè conuincitur, quia per illum tollitur humanus conuictus, & omnis honesta politia peruertitur: quoniam per hanc doctrinam nulla erit pax: at pace sublata, nulla respublica potest salua consistere, nec homines in ea quietè viuere. Cū ergo pax sit nobis tam necessaria, vt eam nobis *Christus* ex maximo affectu cōmendauerit, & quasi testamento eā nobis prope mortem legauerit, conuincitur illam doctrinam esse erroneam per quam pax totius reipublicæ turbatur. Turbatur autem pax nisi scelerati & malefici occidantur. Hæresis est ergo asserere nō posse occidi. Omnis enim respublica est velut corpus quoddam humanum, cuius caput est *Dominus* & rector: alij autem homines sunt inuicem membra. *Apostolus Paulus* totam rempublicam

publicam Christianam, hoc est ecclesiam, vocat vnum corpus, <sup>Ro. 12</sup> cuius caput est Christus: singuli autem homines alter alterius membra. Si autē in corpore humano aliquod particulare mēbrum laborauerit aliquo morbo, homo cuius membrū malē habet, procurat omnibus modis quibus potest illud restituere in pristinā sanitatē, omnē adhibet medicinā, ad mouet fomēta quæ potest, quod si nulla via potest illi mēbro subueniri, libenter patitur incisionem, quoniā præstat perdere vnū membrum, quā perdere totum corpus. Ad hunc modum nō in republica, cum quilibet homo sit tanquā particulare membrū in corpore quod est respublica. Si talis homo cōmiserit aliquod graue crimen, laborandū est ad eius emēdationem. Quod si nūlla est spes de emendatione illius, oportet illū perdere vsque ad mortem, & separare à toto corpore, ne reliqua mēbra inficiat. Vnū enim pecus inficit omne pecus. Quod si nunquā esset mors infli-gēda, terra esset plena latronibus, mare piratis, nullæ essent res tutæ. Vt ergo sit debita in populo quies & tranquillitas, expedit vt sceleratus homo occidatur, ne tota gens pereat. Præterea supra cū de bello ageremus, ostendimus bellū posse iustē geri ab homine habente potestatem, si ea adsunt quæ ad iustum bellū exiguntur. At cum nō possint homines in bello congregi, quin sæpe multæ in eo fiant hominum occisiones, conuincitur inde, vt si bellare licet, liceat etiā occidere. Rursum, B. Petrus Apost. <sup>Actu. 5</sup> puniuit morte Ananiā & Sapphirā, quia vendito agro fraudauerunt de precio, nō portantes corā Apostolis totum precium, sed aliquid sibi reseruātes. Et hoc solū exemplū sufficit ad prosternēdum horū hæreticorum hæresim, quoniā hoc in tempore nouæ legis actū est, quo tempore propter legis benignitatem dicunt nō esse licitum quacūque ex causa hominem occidere. Petrus tamen hāc benignitatē agnoscens, nō dubitauit morte punire Ananiā & Sapphiram, quoniā sciebat veram misericordiam habere semper in suo comitatu iusticiā, quæ non patitur maleficos viuere super terrā. Sed hoc loco obiiciunt nobis hæ- <sup>Mat. 5</sup> retici præceptū diuinum quo prohibet occisionem, dicens, Non occides. Huic autem obiectioni respondemus, per illa verba nō esse prohibitam omnē occisionem, sed illā quæ à persona priuata fit, nō autem illā quæ à iudice ex iusta causa decernitur infli-genda. Hoc autem ita esse ex eo conuincitur, quod in lege veteri erat illud idem præceptū, & sub eisdē verbis, videlicet, non occides: & tamen cum illo præcepto fuerunt multæ aliæ leges



quibus præcipiebatur hominis occisio propter peccata aliqua, ut patet de punitione blasphemæ, & de punitione furis nocturni. Quod si per illa verba, videlicet, non occides, esset prohibita quælibet hominis occisio: esset tunc necessarium fateri Deum præcepisse cōtraria, quæ nullo modo fieri poterāt. Abiit autem ut dicamus Deum præcepisse aliquid impossibile. Ut ergo nō sit repugnantia in mādatis Dei, oportet fateri in illo præcepto, nō occides, non esse prohibitam omnē occisionem, quoniā in lege euangelica ipsemet saluator cōfirmasse videtur legem de occisione hominis qui alium occiderit, cū dixit, Omnis qui occiderit gladio, gladio peribit. Ita enim Christianus Druthmarus super Matthæum interpretatur locum illum. Et B. Hiero. super 22. Hieremię ait. Homicidas & sacrilegos & venenarios punire, non est effusio sanguinis, sed legum ministerium.

Alia est hæresis quæ cum hac proximè narrata velut ex diametro pugnat. docens homines seipsos occidere ut palmā martyrii assequi mereantur. Circuncelliones namque dixerunt eos qui seipsos occidūt, esse martyres censendos, eo quod mortem vltronei patiuntur. Sed de hoc errore iam supra disseruimus in titulo Martyrium.

Tertia hæresis est quæ asserit licere cuilibet homini occidere tyrannum, etiam per insidias, non obstante quacunque cōfederatione inter eos facta, etiam si fuisset iuramento firmata. Sed de hoc errore infra in titu. de Tyranno disputabimus.

## O P E R A.

*Lutherus.* **N**on satis se fecisse arbitratur Lutherus, quod opera humana reiecerit, dicens ea nō esse necessaria, nisi illa etiā dāna ret, asserens omnia opera cuiuslibet hominis, quantumlibet etiam rectè facta, esse peccata. Iustum enim hominē dicit peccare in omni bono opere. Hunc autem errorem ex alio nō minus pernicioso deducit. Nam Lutherus arbitratur per illud primum & maximum legis mādatum quod est de dilectione Dei, obligari homines ad consummatam charitatis perfectionem: ad quam cum nullus in hac vita perungere possit, quoniā illa expectatur in præmiū, ideo dicit Lutherus toties homines peccare, quoties aliquid ex charitate faciendum deficit ab illa summa charitatis perfectione. Existimat etiam Lutherus per illud præceptum, Non concupisces, esse prohibitum carnis appetitum, quem nullus homo à se potest abicere, quamvis possit reprimere, quoniam caro concupiscit aduersus spiritum, & spiritus ad

tas aduersus carnē. Quia ergo hæc duo sibi aduersantur, vt non  
 quæcunque velimus faciamus, ideo dicit iustum in omni bono  
 opere peccare, & omnia opera nostra quantumlibet bona esse  
 censenda peccata, quia videlicet in omni tali opere caro relu-  
 ctatur & repugnat spiritui: quapropter tale opus dicit esse pec-  
 catum, quia est opus cum concupiscentia factum, & ita contra  
 præceptum illud, Non concupisces. Ecce Lutheri fundamentū,  
 super quod huius præsentis erroris fabricam ædificare conatur.  
 Hoc fundamentum nos Deo duce postea subuertemus, cum de  
 præceptis disseremus. Ibi enim ostendemus ex sacris literis, &  
 ex doctrina sacrorum doctorum, illa duo præcepta non esse ita  
 intelligenda prout Lutherus illa intelligit. Hanc ergo causam  
 vsque ad illum locum differentes, de errore quem primo pro-  
 posuimus, disputare oportet, vt doceamus cōtra Lutherum, ne-  
 que omnia opera nostra esse peccata, neque iustum in omni bo-  
 no opere peccare. Primò ergo producamus in testimonium no-  
 strum, illud magnificum Abrahamæ opus cum filium suum vni-  
 genitum quem diligebat Isaac immolare voluit obediens Deo *Gene. 22*  
 præcipienti. In cuius remunerationē promisit Deus illi, se car-  
 nem ex illius semine suscepturum. Sic enim ait, Benedicentur  
 in semine tuo omnes gentes terræ quia obedisti voci meæ. Quæ  
 verba iuxta Paulum de Christo intelligenda sunt. Non enim *Gala. 3*  
 dixit, in seminibus, quasi in multis, sed quasi in vno, & semini  
 tuo, qui est Christus Si obedientia Abrahamæ fuisset peccatum,  
 non fuisset illi a Deo tantum & tam honorificum præmiū pro-  
 missum. Præterea postquam Iob passus fuerat tot tribulatio-  
 nes, & locutus fuisset verba illa patientiā suam maximā testan-  
 tia, scriptura statim illū laudat, dicens, In omnibus his nō pec-  
 cauit Iob, neque stultum quid cōtra Deū locutus est. Si in omni *Iob. 1*  
 bus illis non peccauit Iob, nō est ergo quodlibet hominis opus  
 peccatum. Rursum B Paul. de his qui matrimonio iunguntur  
 disserens ait, Solutus es ab vxore, noli quærere vxorē. Si autem  
 acceperis vxorem, non peccasti: & si nuplerit virgo, non pecca- *1. Cor. 7*  
 uit. Paulus dicit non peccare eum qui capit vxorem, & non ve-  
 retur Lutherus dicere omne opus nostrum esse peccatum. Si  
 ergo actus nubendi, iuxta Paulum, non est peccatum: quid pu-  
 tas de aliis operibus eum dicturum. quæ idem Paulus censet  
 esse meliora quàm actus nubendi? Et beatus Petrus postquam  
 aliquot virtutes ad gloriam assequendam necessarias enume- *2. Pe. 1*  
 rauerat, statim subiunxit: Hæc enim facientes, non peccabitis

- aliquādo. Et B. Ioan. in sua prima canonica epistola ait, Omnis  
 1. Ioan. 3 qui in Deo manet, nō peccat. Ne autem disputaremus quāren-  
 tes quis nā sit ille qui manet in Deo, ipse in eadem epistola de-  
 clarauit dicens, Deus charitas est: & qui manet in charitate, in  
 1. Ioan. 4 Deo manet, & Deus in eo. Attende ergo Luthere, & vide quā  
 apertē tuā dānet Ioan. sententiam. Omnis qui manet in chari-  
 tate, in Deo manet. Omnis qui in Deo manet, nō peccat. Om-  
 nis ergo qui manet in charitate, nō peccat. Aut ergo oportet te  
 negare iustos esse in charitate, aut cogeris fateri iustum in bo-  
 no opere nō peccare: quoniam omnis qui manet in charitate,  
 non peccat. Perspice lector obsecro & cōsidera quibus cancellis  
 sit conclusus Lutherus, vt nulla illi pateat fuga. Quod si fortē  
 elabi velut anguis conatur, dicens opus esse charitate perfectā  
 ad hoc vt maneamus in Deo, & Deus in nobis: talis autē cha-  
 ritas ( vt Lutherus ait ) in vita nō habetur: e it ergo iuxta hanc  
 responsionem dicendum quōd Deus in nullo homine habitat  
 pro statu huius miseriā, eō quōd nō habet aliquis homo illam  
 perfectā quā Lutherus exigit charitatem. Sed ne aliqua via  
 Luthero pateret exitus, hanc etiam rimulā obstruxit B. Ioan. cū  
 1. Ioan. I in eadem epist. declarauit quā esset perfectā charitas. Sic enim  
 ait, Qui seruat verbū eius, verē in hoc charitas Dei perfectā est.  
 Quid ergo dicet Lutherus? Nunquid progredietur vltterius vt  
 Psal. 118 neget aliquem seruasse verba, hoc est mandata Dei? Si hoc ne-  
 gare non erubescit, audiat diuinū psaltem dicentem, Custodi-  
 uit anima mea testimonia tua, & dilexit ea vehementer. Serua-  
 ui mandata tua & testimonia tua, quia omnes viā meā in con-  
 spectu tuo. Et si hoc propheta dictū non recipit Lutherus, eō  
 quōd propheta de seipso testimonium proferat, audiat Deum  
 pro eodem propheta testimonium proferentem. Nā ad Hiero-  
 3. Re. 14 boam loquens ait, Nō fuisti sicut seruus meus Dauid qui custo-  
 diuit mādāta mea, & ambulauit post me in toto corde suo. De-  
 inde multā sunt persuasiones in sacra scriptura quibus admo-  
 nemur ne vnquā peccemus. At si iustus in omni opere quantū-  
 libet bono peccat, frustra admonemur de eo quōd nō est nobis  
 liberum euitare. Irascimini ( inquit propheta ) & nolite pecca-  
 re. Possibile est ergo hominem irasci, & nō peccare. vnde col-  
 ligitur nō omne opus esse peccatum, quoniā non omnis ira. Et  
 Dominus illi quem post 30 & 8. annos in infirmitate trāfactos  
 pristinae incolumitati restituit, dixit, Ecce sanus factus es, iam  
 Ioan. 5 noli peccare, ne deterius tibi aliquid contingat. Si omnia opera  
 nostra



nostra sunt peccata, idem erit dicere, nolite peccare, & dicere, nolite operari: quoniam nō est possibile operari sine peccato. At cum multa opera præceperit Deus qui peccatū prohibuit, conuincitur inde, vt illa opera quę fieri nobis Deus præcepit aut consuluit, nō sint censenda peccata. Nam alioqui oportebit fateri Deum præcepisse nobis cōtraria, secumq; pugnantia, cum opera præcepit, & peccatum prohibuit. Absit autē vt talem iniustitiam Deo impingamus, vt dicamus illū præcepisse nobis ea quę fieri nullo modo poterant. Quapropter dicamus cū catholicis omnibus doctōribus multa esse bona opera quę ex gratia & charitate facta merentur iuxta legem diuinam iam promulgatam, vitā æternam: quę opera nullo modo peccata dicenda sunt. Verū superest vt Lutheri obiectionibus respondeamus. Primò obiicit nobis illud Sapientis, Non est homo iustus Ecc. 7 in terra, qui faciat bonū: & non peccet. Fatemur quidem nullū esse sine Dei gratia iustū, neq; iustum sine Dei adiutorio posse vitare omne peccatum. Nam sicut gratia exigitur ad initium boni operis, ita etiā requiritur ad prosecutionem. Quapropter quilibet homo quātumlibet iustus si à Deo non fuerit adiutus, in posterum peccabit. Et quòd hūc sensum habeant illa verba Ecclesiastę, colligitur ex præcedentibus verbis, quibus sic dicitur, Sapientia cōfortauit sapientem super decem principes ciuitatis, hoc est, gratia Dei magis cōfortat hominem quā omne auxilium humanum, & causā huius reddens, statim subiungit: Non est enim homo iustus in terra qui faciat bonum, & nō peccet. Ac si diceret, Inde conuincitur gratiā Dei magis cōfortare hominem quā omnes principes mundi, quia adiutus gratia Dei potest vincere omne peccatum: destitutus tamen Dei gratia etiam si auxilium omniū principum mundi habeat, nō poterit peccatū omne euadere. Ex qua interpretatione patet Ecclesiasten nullo pacto aduersari nostrę sententię. Secūdò obiicit nobis illud B. Ioannis in eius prima canonica. Si dixerimus quia peccatum nō habemus, nos ipsos seducimus, & veritas in nobis nō est. Cui obiectioni respondemus multa esse peccata 1. Ioan. 1 venialia, à quibus nullus quantumuis iustus liberatur, quin in multa illorū labatur: quoniā, vt ait B. Iacob. in multis offendimus omnes: nō dixit, in omnibus offendimus, sed in multis: nō tamen inde sequitur vt omne opus nostrū sit peccatum. Ecce Lutherū qui scholasticos theologos vocare solet sophistas, nūc vno nugacissimo sophismate nos decipere credit. Quis nō vi-



det huius collectionis fallaciam? Omnis homo iustus habet aliquod peccatū, ergo omne opus eius est peccatum. Sic Lutherus iuxta suam dialecticā didicit ex particulari inferre vniuersalem. Sic etiam accipiendum est illud Psal. Non intres in iudicium cum seruo tuo Domine, quia non iustificabitur in conspectu tuo omnis viuens. Verū est certē nullum hominem si iuxta rigorem iustitiæ diuinæ examinetur, inueniri iustum, quoniam (vt ex Iacobo apostolo iam diximus) in multis offendimus omnes. nullus ergo iustus inueniretur, si Deus strictissimē velleret examinare. At qualis est ista collectio, Nullus homo reperietur iustus districte examinatus, ergo nullum opus hominis est bonum? Omnis enim homo etiam habeat aliquod opus propter quod iustus dici non deberet, non tamen inde oportet colligere vt omne opus hominis sit peccatum. Sic etiam intelligendum est quod Aug. li. 9. Confessionum ait: Vx (inquit) hominum vitæ quantuncunque laudabili, si remota misericordia iudicetur. Vx vitæ hominum dixit: & non dixit, vx omnibus hominum operibus: quoniam etiam nullius hominis vita sit adeo perfecta, vt nō habeat admixta plura venialia peccata, tamen multa sunt opera quæ Aug. peccato carere nō dubitat: quoniam in eodē loco Aug. de matre sua loquens, dicit illā multa bona opera fecisse, propter quæ ipse reddit gratias Deo. Alia etiam opera illā fecisse fatetur quæ egent misericordia diuina, pro quibus se Deum precari dicit. Tertiō nobis obicit Lutherus Esaiā prophetā dicentē, Et facti sumus vt immundi omnes nos, & quasi pānus mēstruatæ vniuersæ iustitiæ nostræ. Hoc Esaiæ testimonio se triumphasse credit Lutherus, quoniam in vniuersum opera nostra dānare videtur propheta, cū omnes nostras iustitias cōparat pāno mēstruatæ, qui multis maculis respersus est. Verū etiam illud Esaiæ testimoniū in facie Luthero fauere videatur: tamē si litera bene & prout decet inspicatur, apertissimē cognoscitur nihil pro Luthero dicere. Nā illic propheta nō suo nomine loquitur, sed nomine populi: nec etiā totius populi, sed solū nomine pop. Israelitici. Nec eo nomine sic loquitur, vt ad omne tēpus sua verba referat, sed solū ad illud tēpus quo propheta illa dicebat: quo tēpore abūdabat peccatū in populo Israel: propter quod deus permissurus erat vt in captiuitate duceretur. Hoc ergo prauidentis propheta, precatur Deū pro populo, & de illo tempore loquēs ait, facti sumus immūdi omnes, & quasi pannus mēstruatæ vniuersæ iustitiæ nostræ.

Quæ ver

Quæ verba nomine populi sui protulit. Alioquin si ad omnes referenda sunt verba illa, quomodo vera erunt quæ sequuntur? Et cecidimus (inquit) quasi folium vniuerſi, & iniquitates nostræ quasi ventus abstulerunt nos. Non est qui inuocet nomen tuum, qui conſurgat & teneat te. Nunquid Eſaias non inuocauit nomen Dei? Aſſit ut quis hoc dicere audeat. Si ergo hæc verba ad Eſaiam, & ad alios qui Deum coluerunt, & nomen eius inuocauerunt, referri non poſſunt: nec etiam alia quæ Lutherus obiiicit, referri ad eos poterunt, cum omnia illa verba vno orationis decurſu de eiſdem perſonis dicantur. Et quod illa verba ſint referenda ad ſolum illud tempus captiuitatis, conici facile poſteſt ex verbis quæ parum infra ſubiungit propheta dicens, Ne iras caris domine ſatis, & ne ultra memineris iniquitatis noſtræ. Ecce reſpice, populus tuus omnes nos. Ciuitas ſancti tui facta eſt deſerta, Sion deſerta facta eſt, Hieruſalem deſolata eſt: domus ſanctificationis noſtræ, & gloriæ noſtræ, vbi laudauerunt te patres noſtri, facta eſt in exaſtione ignis, & omnia deſiderabilia noſtra verſa ſunt in ruinas. Hæc autem verba apertiſſimè dicuntur de captiuitate populi Iſraelitici, ad quod tempus reliqua verba illius capitis referuntur. At ex hoc quod illo tempore omnes iuſtitia fuerint ſicut pannus menſtruatæ, non licet colligere ita eſſe omni tempore. Adde quod beatus Hieronymus refert illa verba eſſe interpretanda de operibus factis ante Chriſti incarnationem, ſub tempore videlicet legis Moſaicae, & non de operibus factis ſub lege euangelica, ita ut ſi quis nunc ſub lege euangelica cærenonias legis veteris ſeruare vellet, omnes iuſtitia eius erunt ſicut pannus menſtruatæ. Et iuſtitias legis veteris, ſi ad iuſtitias nouæ legis comparentur, diciteas debere dici immunditias. Ex quibus omnibus conuincimus, illud Eſaiæ teſtimonium nullo pacto fauere Luthero. Aduerſus hunc Lutheri errorem ſcripſit egregiè Ioannes Roſſentis episcopus in ſua aſſertione cõſutationis Lutheranæ articulis duobus, videlicet tricetiſimo primo, & tricetiſimo ſecundo. Scripſit etiã Iodocus Clichthoueus in ſuo Antiluthero, & Gaſpar Sagerus Minorita in ſuo Scrutinio diuinæ ſcripturæ, Conatu tertio. Et nos etiam adhuc aliquid dicemus infra in tit. de peccato, & in tit. de præcepto.

Secunda hæreſis docet nullum opus eſſe bonum, niſi fiat ex puro & ſyncero amore, quacumque ex cauſa fiat, etiam ſpe mercedis æternæ. Huius erroris author primus fuit quidam Bugarius de monte Falcone, qui hoc docens in partibus Catalo-

Ibidem.

Bugarius.

niæ, damnatus fuit cum suo errore per Sancium Tarraconensem archiepiscopum. Hæc referuntur à fratre Bernardo de *Psal. 118* Lutsemburgo in suo catalogo hæreticorū. Hic error damnatur testimonio prophetæ dicentis, Inclinaui cor meum ad fa-  
*Luc. 16* ciendas iustificationes tuas in æternum propter retributionem. Et Dominus eleemosynam persuadens ait, Facite vobis amicos de inammona iniquitatis, vt cum defeceritis, recipiant vos in æterna tabernacula. Quibus verbis docet nos facere eleemosynam propter vitam æternam habendam. Et alibi sæpe postquam aliquid præceperat, statim subiunxit promissionem vitæ æternæ cuicunque facienti illud, vt per spem præmij alliceret  
*Mat. 4* hominem ad opus præceptum. Agite (inquit) pœnitentiam, appropinquabit regnum cælorū. At si opus factum spe vitæ æternæ, esset malum, Christus non alliceret nos per spem præmij ad illud faciendum. Præterea Paulus apostolus ait: Quoniam  
*1. Cor. 6* debet in spe, qui arat, arare: & qui triturat, in spe fructus percipiendi. Deniq; beatus Paulus Moysem laudās de fide per quam res omnes huius mundi contempnit, causamq; huius contemptus reddens, nullam aliam expresse, nisi spem mercedis æternæ. Sic enim ait: Fide Moyse factus negavit se esse filium  
*Heb. 11* filia Pharaonis, magis eligens affligi cū populo Dei quā temporalis peccati habere iucunditatē, maiores diuitias æstimans thesauro Aegyptiorum improprium Christi. Aspiciebat enim in remunerationem. Cum negavit se esse filium filia Pharaonis, regiam dignitatem contempnit, ac proinde honores huius seculi se pro nihilo habere, ostendit. Eligens affligi cum populo Dei, qui in luto & latere seruiebat, magis quā temporalis peccati habere iucunditatem, apertissimè declaravit quā-  
tum mundi huius delitias æstimauerit. Cum verò improprium Christi, hoc est, iniurias vel pro Christo vel ad Christi similitudinem patienter toleratas, maiores æstimauit thesauro Aegyptiorum, manifestè ostendit, quid de huius seculi diuitiis senserit. Causam autem à qua totus iste rerum temporalium contemptus processerit, Paulus expresse dicens. Aspiciebat enim in remunerationē. Credidit siquidem Moyse alia multo maiora bona in posterum manere, quæ Deus humilibus & huius mundi contemptoribus daturus erat, & propter hanc remunerationē quā credidit futuram, voluit huius seculi diuitias, honores, & delitias cōtemnere, vt in alia vita diuitias & delitias nunquā defuturas haberet. Non est ergo malum opus quod fit  
spe



spe mercedis æternæ, quāquā ego crediderim tale opus esse meritoriū, nisi à charitate procedat, quoniā charitas est radix à qua tota vis meriti oritur. Verū et si tale opus quod præcisè in spe præmij sit, nō sit meritoriū, non tamen est malū: quoniā sicut nec omne bonū opus est meritorium, ita nec omne quod à ratione meriti deficit, est malum. Potest etiā aliquod opus à charitate oriri, & quòd agens illud, alliciatur ad illud operandum per spem præmij: ita tamen quòd licet præmio esset frustrandus, non cessaret ab opere, quoniā operatur ex charitate, quāvis allicitur ab spe præmij. Tale ergo opus sic factum erit bonum & meritorium, & factum spe mercedis æternæ.

Tertia hæresis docet esse hominis imperfecti exercere se in operibus virtuosis: quapropter ait hominem cū ad vltimū statū perfectionis venerit, nulla bona opera debere facere. Huius tã demētis erroris authores fuere Begardi & Beguine. Lutherus tamen truculentior bestia, istorū hæreticorū errorē auget, dicens nō solū homini perfecto, sed nulli alteri homini esse necessaria opera ad vitā æternā consequendā, quoniā (vt ait) sola fides sine operibus sufficit. Verū hunc eius errorē iam suprà expugnaui-  
 mus in tit. de fide, hæresi. 2. vbi ex sacris literis ostēdimus opera esse cuicumq; homini necessaria vt vitā æternā assequi possit. Contra Begardos & Beguinas concedētes opera esse necessaria hominibus imperfectis, nō autē perfectis, est testimoniū quod Christus dedit de Ioanne baptista, dicens, Inter natos mulierū non surrexit maior Ioanne baptista. Quibus verbis aperte do-  
 Mat. 11  
 cuit Ioannem baptistā ad eum virtutis gradum peruenisse, vlti-  
 tra quem nullus inter natos mulierum progressus est. At de eo-  
 dem Ioanne baptista Euangelista refert quòd se exercuerit in  
 operibus abstinentiæ, & Christus illū laudauit coram Iudæis de  
 admirabili illius temperantia & fortitudine, ita vt nec aduersis  
 deprimeretur, nec prosperis erigeretur. Non est ergo hominis  
 imperfecti exercere se in operibus studiosis. Prætera Paulus apo-  
 stolus ait, Qui autem sunt Christi, carnem suā crucifixerunt cū  
 vitiis & cōcupiscētiis. Homo ergo quantūlibet perfectus opor-  
 tet vt crucifigat carnē cum vitiis, alioqui nō erit Christi. Quod  
 si fortē vim facere volunt in verbo præteriti tēporis, ita vt eos  
 dicat Paulus ad Christum pertinere, qui iam crucifixerunt car-  
 nem suam: non autē eos qui eam crucifigunt: quoniā tunc cū  
 operatur, est dispositio ad perfectionem: quæ tūc habetur cū  
 fuerint opera facta, nō cū fiunt: hoc reuocatur eiusdē Pauli te-  
 1. Cor. 6

Begardi.  
 Beguina.  
 Lutherus.

Gala. 5



stimonio, qui de seipso ait: Castigo corpus meum, & in seruientem redigo, ne forte cum aliis predicauerim, ipse reprobus efficiar. Et  
 1. Cor. 12 hoc dicit homo ad tertium caelum raptus, qui vidit arcana Dei, quae non licet homini loqui, homo inquam electus a Domino ut esset vas in quod Deus infunderet oleum gratiae suae. Iste castigat corpus suum, & non verentur impij Begardi asserere esse hominis imperfecti exercere se in operibus studiosis. Rursum, ipse Christus fons & origo totius perfectionis, ieiunauit, & alia virtutis opera fecit: nullus tamen citra impietatem erit tam demens, ut Christo aliquam imperfectionem impingat. Demum hic error damnatus est in concilio Viennensi sub Clerenxe 5. celebrato in quo danari sunt octo Begardorum & Beguinarum errores, quorum vnus est is de quo modo loquuti sumus. Huius autem concilij definitio habetur in libro Clemētarum epistolarum titulo de haeticis, capitulo cuius initium est, Ad nostram &c.

## O R A T I O.

**Q** Vidam adeo tribuerunt orationi, ut dicerent eam solam sufficere ad vitam aeternam habendam, etiam si reliqua omnia deessent, & baptismus etiam. Huius pestiferæ hæresis author fuit quidam Adelphius ex hæresi Psallianorum, aut Messalianorum, quod idem est. Hic Adelphius (ut historia tripartita narrat cap. 11. septimi libri) dicebat nullam utilitatem ex sancto baptismo baptizatis accedere, sed solam orationem studiosam inhabitantem demonem effugare, quo eiectione per illam orationem studiosam, spiritus sanctus adueniebat, & sensibilibus & visibilibus suam designabat praesentiam: & corpus tunc liberari dicebat ab omni motu passionis, & animam a mala voluntate, ita ut nequaquam de cetero egeat neque ieiunio macerante corpus, neque doctrina refrenante. Dicebat etiam eum qui hæc impetrasset, non solum liberari a passionibus corporis, sed etiam futura praevidere, & futura oculis cernere. An autem hic error fuerit omnibus Messalianis communis, mihi non est certum, sed suspicor ita esse. Nam historia tripartita in illo 7. lib. cap. 11. de hæresi Messalianorum disserens, solum hoc dicit, quod Flavianus Anthiochenus episcopus de hac hæresi inquires, accessit ad quendam Adelphiū tenē, quæ hæresi Messalianorum infectū esse credebatur, ut ab eo sciret quid eorum doctrina contineret. Ab hoc autem Adelphio praefatus episcopus, per blandicias & fictiones quasdam extorsit ea quæ nunc proxime narrauimus. Vnde concilio hanc fuisse omnium Messalianorum sententiam. Aduersus hanc

hanc hæresim non est opus disputare, quoniã etsi oratio bona sit & meritoria si debite fiat, cõstat tamen ex sacris literis eam solã non sufficere: cū alia multa præter orationē Dominus in lege præceperit tanquã necessaria. Et nos suprà tit. de baptis. hæresi 4. cõtra hos Messalianos, siue Psallianos, probauimus baptismũ esse necessariũ. Et in titu. de ieiunio ostendimus ieiunij virtutes, & eiusdē necessitatē. Ex quibus aperte colligitur orationē solã non esse sufficientē ad vitam æternã consequendam.

Secunda hæresis docet nunquã esse cessandum ab oratione. Hãc hæresim cõstat esse Messalianorũ, siue Psallianorũ. Nam *Messaliani* Aug. in lib. de hæresib. cap. 57. dicit illos tantũ orare, vt eis qui *Psalliani*. hoc de illis audiunt, incredibile videtur. quapropter græce appellantur *ὡχρηται* id est orantes. Huius hæresis non meminit *Enchiridion*. Guido in sua summa de hæresibus, imò nec de Messalianis in toto illo opere vllã fecit mentionem. Vt autē hanc hæresim cõuincamus, nõ oportet multũ suadere, quoniam apertissimu est non esse possibile vt homo semper oret. Nam necessarium est dormire: quo tempore nullus orare potest, quia tunc nullus est mentis vñus, qui maximē in oratione exigitur. Nullus est enim nisi solus Christus saluator noster, qui verē possit dicere illud *Cantic. 5* quod in Canticis habetur, Ego dormio, & cor meum vigilat. Oportet etiam comedere & bibere, & pro his acquirendis laborem aliquem moderatum quamuis non sollicitudinem adhibere. Oportet etiam curam rei familiaris habere, quoniam beatus Paulus de viduis loquens ait, Siqua vidua filios aut nepotes habet, discat primũ domum suam regere, & mutuam vicem reddere parentibus: hoc enim acceptum est coram Deo. Et paucis interiectis subiungit: Si quis autem suorum & matrem domesticorum curam non habet, fidem negauit, & est infideli deterior. Et non solum hoc in laicis hominibus est necessarium, sed etiam in ecclesiasticis. Nam inter alia quæ apostolus enumerat tanquam necessaria vt quis debite possit fungi munere episcopatus, hoc quoque addit, vt videlicet sit domui suæ bene præpositus. Si quis autem, inquit, domui suæ bene præesse nescit, quomodo ecclesiæ Dei diligentiam habebit? At quis non videt quantum impediat ab oratione, illa rei *1. Tim. 3* familiaris cura? Taceo de cibo & potu, quoniam cū hi percipiuntur, nullus patet orationi locus, præsertim vocali, de qua hi Messaliani, vt conicere possum, loquuntur. Nam alia ratio ne quæ intra cordis latebras formatur, etiam comedens & bibens

- Ex. 14** bibens quisq; orare potest. Sic enim orabat Moyses, cui tacenti dixit Dominus, Quid clamas ad me? Clamabat enim corde, quanuis tacebat ore. Cum ergo quis comedens aut bibens, aut quoduis aliud opus agens, Deum cogitat pro cuius amore illa operatur, tunc verè orat. Quapropter beatus Paulus monebat
- 1. Cor. 10** Corinthios, dicens, Siue ergo manducatis, siue bibitis, vel aliud
- Colo. 3** quid facitis, omnia in gloriam Dei facite. Et ad Coloss. scribēs iterū ait: Omnia quæcunq; facitis in verbo aut in opere, omnia in nomine domini nostri Iesu Christi, gratias agētes Deo & pa
- 1. Th. 3** tri per ipsum. Et hoc modo intelligendum est id quod Paulus alibi dicit, Sine intermissione orate. Ita ut is dicatur sine intermissione orare, qui omnia quæ facit, in gloriā Dei facit. Aliās enim non esset possibile sine intermissione orare. Nunquid sine intermissione possumus genu flectere, corpus prosternere, manus leuare, voces formare, ut de hoc dixerit Paulus, sine intermissione orate? Verū aliud nobis obiiciunt testimonium Messaliani, quo nos urgere putant. Nam Saluator noster apud
- Luc. 18** Lucam ait: Oportet semper orare, & non deficere. Ex quo loco Messaliani colligunt nunquam esse cessandū ab oratione. Hæc tamen Christi verba nihil illis suffragantur, quoniam non ita, ut putant, sunt accipienda. Augu. in lib. de hæresib. ad Quoduultdeum cap. 57. dicit illa verba sic esse intelligenda, ut nulla dies absque oratione intermittatur: ita & Augustino idem est semper orare, & sine intermissione orare, & qualibet die orare. Eodem modo illa Christi verba & similiter illa Pauli ex prima ad Thessalo. epist. interpretatur beatus Anselmus in commentariis super epi. Pauli. Beda tamē in expositione super euāgelium Lucæ, duplicem expositionem tribuit illis verbis, sic dicens, Quis autem potest ita semper orare, & sine defectu & sine intermissione precibus insistere, ut nec alimentum sumēdi aut dormiendi tempus habeat? Aut ergo dicendum est cum semper orare, & sine defectu vel intermissione, qui horis canonicis iuxta ritum ecclesiasticæ traditionis psalmodiis & precibus continuis dominum rogare & laudare non desistit. Et hoc est quod
- Psal. 33** Psal. dicebat, Benedicam dominum in omni tempore: semper laus eius in ore meo. Aut certè omnia quæ iustus secundum dominum gerit & dicit, id orationem esse reputandum. Hæc Beda. Verū etū horum clarissimorum virorum expositiones mihi placeant: aliter tamen & (mea quidem sententia) melius fortè videntur illa verba posse intelligi, quod videlicet Christus &



stus & eius apostolus in illis verbis vsi fuerint quadam hyperbole ad rem exaggerandam, sicut & aliàs sæpe in sacris literis illa figura reperitur: quoniam (vt ait beatus Augu. in lib. de doctrina Christiana) sacra scriptura quæ instar communis locutionis scripta est, eisdem vtitur tropis & figuris quibus cõmunis modus loquendi vtitur. Et vt res sit apertior, vnum & alterũ exemplum proferam ex sacris literis, in quibus hæc hyperbole reperitur. In Actis Apostolorum describens illa historia aduentum spiritus sancti, & volens innuere multitudinem gentium & nationum quæ tunc erat Hierosolymæ, ait: Erant autẽ in Hierusalem habitantes Iudæi viri religiosi ex omni natione quæ sub cœlo est. Quod nisi hic admittatur hyperbole, erit necessarium fateri tunc fuisse Hierosolymæ Hispanos, Gallos, Anglos, Scotos, Aethiopes, Siculos, Balearicos, Sauromatas, aliàsque innumeras nationes, quas vix Niniue quæ ciuitas erat magna itinere dierum trium, capere potuisset, nedum Hierosolyma, quæ paruum aut mediocre oppidũ erat. Similiter Christus volens nobis suadere vt quàm secretè & absq; omni iactantia fieri posset, eleemosyna daretur, dixit, Te autẽ faciente eleemosynã, nesciat sinistra tua quid faciat dextera tua. At cũ eadẽ in vtraq; manu sit anima, fieri nõ potest vt sinistra nesciat quod dextera facit. Sed est ibi quædam hyperbole, siue quidam excessus ad rem magis commendandam. Ita etiam Christus vt nobis frequentiam orationis commendaret, dixit, Oportet semper orare, hyperbole quadam vsus semper pro frequenter accipiens. Eadem hyperbole vsus est Paulus dicens, Sine intermissione orate. Aliàs enim fieri nõ posset vt semper & sine intermissione oraremus, quibus necesse est comedere, & bibere, & dormire, curam rei familiaris habere, aliãque multa facere, sine quibus in hac misera vita esse non possumus, quorum aliqua orationis attentionem minuunt, alia in vniuersum tollũt. Nec est quod amplius aduersus hanc hæresim disputemus. Tertia hæresis est quæ cũ his duabus præcedentibus ex diametro pugnat: quoniam docet orationem esse prorsus inutile, nulliusq; virutis. Hæc hæresis plures habet fautores: qui quantum non eadẽ via incedant, omnes tamen ad hunc tendunt scopum, vt orationis virtutem minuant, & prorsus eneruent. Pelagius enim teste Augustino lib. de hæresibus, dixit orationes quas facit ecclesia pro infidelibus & aliis peccatoribus vt conuertantur, siue pro fidelibus vt perseueret, frustra fieri, quoniam ad illa

Act. 2

Mat. 6

1. Tim. 5

Pelagius.



ad illa omnia sufficere dicebat nostri arbitrij liberam potestatem, & ita non esse opus à Deo petere, quæ noli ipsi consequi possumus. Sed huius hæresis fundamentum iam supra omnino euerimus in titulo de gratia, hæresi. 1. ideo non est opus ut Pelagiū iterum in hanc contentionem vocemus. Hoc solum de Pelagianis dicere decreui, quod isti sunt sicut antiqui gigantes (ut **Eccl. 16** Ecclesiasticus ait) non exorauerunt Deū pro peccatis suis: ideo destructi sunt confidentes suæ virtuti. Sunt alij qui aliud non minus perniciosum iecere fundamentum, super quod hanc pe-

**Petrus** stilentem fabricam ædificare conantur. Petrus enim **Abailardus**, & **Ioannes Vuitcleff**, & **Ioannes Huss**, & **Martinus Lutherus**, dicunt omnia necessitate absoluta fieri, neque posse aliter fieri quàm fiunt. Ex quo putrido fonte hic non minus vitiatu **Ioannes** riuulus scaturit: superfluas videlicet & inanes esse orationes **Vuitcleff**. quæ ad Deum mittuntur: quoniam si omnia necessitate absoluta sunt, frustra quis Deum orat pro ea re, quæ si futura est, **Ioannes** **Huss**.

**Luthe.** etiam si non oret, eueniet: & si futura non erat, etiā si oret, nunquàm eueniet. Hac ergo ratione multi ex Lutherantis è castris suis prorsus eiecerunt orationem tanquàm penitus inutilē. Lutherus tamen orationem probat: qua in re minimè sibi constat, cum aliàs dicat omnia ex necessitate absoluta euenire. Aduersus hanc hæresim tot sunt sacræ scripturæ testimonia, tamque aperta, ut mirum sit hominem in sacris literis vel mediocriter versatum, in eam fuisse prolapsum, nisi talis sit qui sacris literis detrahere velit. Illud in primis est apertissimum, quod ipse veritatis magister docuit nos orare. Nam cum dixisset non esse opus multiloquio in oratione, postea subiunxit modum quo

**Mat. 6** orare debeamus, dicens: Sic ergo vos orabitis, Pater noster, qui es in cœlis, sanctificetur nomē tuum, adueniat regnum tuū &c. Si res inutilis esset oratio, frustra nos docuisset Christus modū quo orare debemus. Nec solum nos orare docuit verbo, sed etiam opere: quoniam ipsemet sæpenumero orauit, imò ut verius dicam, tota eius vita fuit quædam perpetua oratio. Nam

**Luc. 9** assumptis Petro, Iacobo & Ioanne fratre eius, ascendit in montem ut oraret, & facta est dum oraret, species vultus eius altera.

Et cum mors eius instaret, acerbiter illius reformidās, pro **Mat. 26** cidit in faciem suam orans & dicens: Pater mi, si possibile est, **A. 1.** transeat à me calix iste. Et illi qui aduentum spiritus sancti expectabant, omnes erant vnanimiter perseverantes in oratione. Quomodo ergo inutilis censebitur oratio, quæ viam parat spiri-

ritui

ritui sancto, ut ad nos venire dignetur: Cum Christus Saluator  
 noster eiecisset de corpore cuiusdam hominis dæmoniū quod  
 discipuli eius prius non potuerant eiicere, dixit discipulis suis, *Mat. 17*  
 Hoc genus non eiicitur nisi per orationem & ieiunium. Magna  
 certè est virtus quæ dæmonia eiicere valet. Præterea cum Pau-  
 lus & Silas in carcere adorantes laudarent Deum, subito terre- *Act. 6*  
 motus factus est magnus, ita ut mouerentur fundamenta carce-  
 ris. Rursum, Beatus Iacobus in sua canonica epistola plures *Iaco. 5*  
 orationis virtutes enumerat. Tristatur aliquis vestrum (inquit  
 ille) oret æquo animo, & psallat. Ecce ad depellendam animæ  
 tristitiam. Postea subdit, Infirmatur quis in vobis: inducat pres-  
 byteros ecclesiæ, & orent super eum, vngentes eum oleo in no-  
 mine domini, & oratio fidei saluabit infirmum. Ecce qualiter  
 oratio prodest ad salutem corporis acquirendam. Sed audi iam  
 quid dicat de salute animæ. Confitemini (inquit) alterutrum *Ibidem.*  
 peccata vestra, & orate pro inuicem, ut saluemini. Multū enim  
 valet deprecatio iusti assidua. Erubescant iam impudentes hæ-  
 retici detrahere orationi, dicentes eam nihil valere, quam Iaco-  
 bus Apostolus multum valere asserit. Et quò sententiam suam  
 ostendat, testimonio & exemplo Helix prophete iam impudentes hæ-  
 retici orauit ut non plueret super terram, & non pluit annos  
 tres, & menses sex. Et rursum orauit, & cælum dedit pluuiam,  
 & terra dedit fructum suum. Vides iam quanta sit orationis vir-  
 tus, quæ intra cælum pluuias continere, & inde eas deducere  
 valet. Demum ut paucis virtutē orationis concludamus, Chri- *Mat. 21*  
 stus Saluator noster ait: Quæcunque petieritis in oratione cre-  
 dentes, accipietis. Christus tanti facit orationem, ut si comi-  
 tem habuerit fidem, eam sufficere dicat ad impetranda omnia  
 quæ petiuerimus: & hæretici non verentur dicere illam nul-  
 lius esse momenti. Post hæc tam aperta testimonia extat de  
 hac re ecclesiæ definitio. Nam concilium Toletanum quar- *Conciliū Toletanū.*  
 tum capite nono suorum decretorum de oratione domini-  
 ca differens, postquam præceperat ut singulis diebus à quo-  
 libet sacerdote dicatur, virtutem illius orationis explicans  
 ait: Delet ergo hæc quotidiana oratio minima quotidiana  
 peccata: delet illa à quibus vita fidelium etiam sceleratè ge-  
 sta, pœnitendo in melius discedit mutata. Ergo sicut Chri-  
 stus præcepit, sic Apostolus monuit. Et quæ admodum docto-  
 res Ecclesiastici instruerunt, quia quotidie vel cogitatione vel  
 verbo

*Cōcilium  
Mileuita=  
num.*

verbo delinquimus, quotidie & hanc orationem effundere in conspectu Dei debemus. Quisquis ergo sacerdotum vel subiacentium clericorum hanc orationem dominicam quotidie, aut in publico, aut in priuato officio præterierit, propter superbiam iudicatus ordinis sui honore priuetur. Hæc concilium Toletanum. Et concilium Mileuitanum cap. 8. suorum decretorum contra Pelagium sic ait: Item placuit vt quicunque verba ipsa dominicæ orationis vbi dicimus, Dimitte nobis debita nostra, ita volunt à sanctis dici vt humiliter & nõ veraciter hoc dicatur, anathema sit. Quis enim ferat orantem, & non hominibus sed ipsi Domino mentientem? qui labiis sibi dicit dimitti velle, & corde dicit, quæ sibi dimittantur debita non habere? Hæc concilium Mileuitanum. Ex cuius definitione hæc duo colligimus, Vnum est quod omnes quandiu in hac vita sumus, subiaceamus peccatis. Alterum, quod ad hoc vt illa dimittantur, dominica oratio prodest, in qua dicitur, Dimitte nobis debita nostra.

*Vuitcleff.*

*Iob 42*

*Act. 12*

*1. The. 1*

Quarta hæresis asserit orationes quæ vni personæ specialiter applicantur, nõ plus prodesse illi quàm si generaliter pro omnibus fierent. Huius hæresis author est Ioannes Vuitcleff, dicens non esse orandum pro aliqua particulari persona, quia (vt dicit) oratio quæ pro vno solo fit, non plus prodest illi quàm aliis. Hanc hæresim ipse Deus ore suo damnat, qui præcepit Eliphath Themanitæ vt rogaret Iob quatenus ille rogaret Deum pro ipso, & pro aliis duobus amicis suis, qui Deum offenderant eò quod sic acriter reprehenderant Iob. Et Dominus (vt scriptura testatur) conuersus est ad pœnitentiã Iob cū oraret ille pro amicis suis. Præterea, cū Petrus Apostolus esset in carcere, oratio fiebat sine intermissione ab ecclesia ad Deum pro eo, & tandem oratio ecclesiæ profuit Petro, quoniam misit Dominus angelum suum, & liberauit eum de carcere, & de manu Herodis, & de omni expectatione plebis Iudæorum. Nec tamen illa oratio sic profuit omnibus aliis qui fuerant carceri mancipati. Aliquid ergo plus prodest specialis oratio illi pro quo fit, quàm aliis. Rursum, beatus Paulus Thessalonicensibus scribens dicit se pro illis orationem fecisse. Gratias (inquit) agimus Deo semper pro omnibus vobis, memoriam vestri facientes in omnibus orationibus nostris sine intermissione. Si æquè omnibus profunt orationes, quo fine Paulus sic apertè iactauit se fecisse memoriam Thessalonicensium in suis orationibus? Deinde ipsemet



ipsemet Paul. sæpe exhortatur, rogat, præcipit fieri orationes speciales tum pro se, tum pro aliis. Obsecro ergo vos fratres (in Ro. 15 quit ille) per Dominum nostrum Iesum Christum, & per charitatem sancti spiritus, ut adiuueris me in orationibus vestris pro me ad Deum. Et alibi. Quoniam & adhuc eripiet de periculis, adiuuantibus vobis in oratione pro nobis. Et rursum, Orationi in state vigilantes in ea in gratiarum actione, orantes simul & pro nobis, ut Deus aperiat nobis ostium sermonis ad loquendum mysterium Christi. Et in alio loco, Orate pro nobis, ut sermo Dei currat, & clarificetur. Et ex istis duobus vltimis testimoniis sumpta est in tota catholica ecclesia consuetudo illa inuocandi virginem Deiparam in initio cuiuslibet prædicationis verbi Dei, quatenus ipsa dignetur rogare Deum ut aperiat prædicatori ostium ad loquendum, & aliis ad audiendum mysterium Christi. Frustra Paul. toties pro se, petit orari, si omnium orationes æquè illi prodesse poterant. Et pro aliis etiã speciales monet fieri orationes, dicens, Obsecro primùm omnium fieri obsecrationes, postulationes, gratiarum actiones pro omnibus hominibus, pro regibus, & omnibus qui in sublimitate constituti sunt, ut quietam & tranquillam vitam agamus in omni pietate. Ideo prædicatores verbi Dei Paulum in hac parte imitantes, in suis prædicationibus hortantur populum ut speciales Deo offerant orationes pro rege aliisque principibus & prælatis ecclesiasticis, ut nauiculam quæ in hoc mari magno & spatiofo iactatur fluctibus, ad optatum portum perducatur. Demum ex 45. articulis Ioan. Vuitcleff in concilio Constantiensi sessione octaua dñatis decimul-nus hic est, quo sic ait, Speciales orationes applicatæ vni personæ per prælatos vel religiosos, non plus prosunt eidem quam generales, cæteris paribus. Qui articulus simul cum aliis eiusdē Vuitcleff vna super omnes lata sententia ibidem damnatus est.

Col. 4

2. The. 3

1. Timo. 2

Cōcilium  
Constantiense.

## ORDO SACRAMENTVM.

**V**ix vnum aut alterum est sacramentum cui Lutherus non detraxerit. quædam illorum negat esse sacramenta: alia dicit non conferre gratiam: alia insuper vilipendit. Ordinem autē sic tractat, ut illum ab ecclesia procul reicere conetur. Dicit enim ordinem neque esse sacramentum, neque gratiā conferre, neque in eo esse aliquam imparitatem, ut vnus ordo sit alio & dignitate & potestate maior, sed omnes christianos dicit esse in eodē ordinis gradu. Hæc ergo tria successiuè expugnare oportet. Primo ergo Lutherus dicit ecclesiā Christi ignorare sacra-

Lutherus.



- mentum ordinis. Nam iuxta eum, sacramentum ordinis nihil aliud est quàm ritus quidam eligendi concionatorem in ecclesia: quapropter asserit eum qui nō prædicat, non esse sacerdotē, nisi æquiuocē, quemadmodum homo pictus est homo. Ordinē denique ipsum dicit esse figmentum ex hominibus natum, nihil de re ecclesiastica & de sacramento intelligentibus. Primò ergo ostendere volo, in collatione ordinis gratiam cōferri: deinde ostendā ex sacris literis huius rei esse aliquod signum sensibile, ex quibus duobus concludetur ordinem esse sacramentū.
- 1. Tim. 4.* Gratiā conferri suscipienti sacrum ordinem, apertò ostendit id quod Paulus Timoth. scribens ait, Noli (inquit) negligere gratiam quæ data est tibi per prophetiā cum impositione manuum præbyteri. Quibus verbis Paul. satis apertè ostendit Timoth. suscepisse gratiā cum promorus fuerat ad ordinem sacerdotii.
- 2. Tim. 1.* Et in posteriore epistola quā eidem Timotheo scripsit, iterum pro hac re testimonium dicit in hunc modum, Admoneo te, ut resuscites gratiam Dei quæ in te est per impositionem manuum mearum. Præterea ex vetustissimo ecclesiæ ritu ab apostolis orto semper obseruatum est, ut tam ordinans quam ordinatus, præsertim in sacris ordinibus, ieiunus ad ordines accedat. Et
- Act. 13.* hoc scriptura ipsa testatur, quæ refert apostolos ieiunantes & orantes imposuisse manus Paulo & Barnabæ, quos ex præcepto spiritus sancti mittebant ad prædicandū euangelium. Si in collatione ordinis nulla infunderetur gratia, non esset opus tanta præparatione. Sed quia certò credebant apostoli gratiam spiritus sancti cōferri iis quos ad ordines sacros promouebāt, ideo ieiunabant & orabant, ut vel sic pararentur ad gratiam spiritus sancti recipiendā: quemadmodum olim cū aduentum spiritus sancti expectabant, perseverabāt vnanimes in oratione. Et hæc
- Act. 1.* ieiunii causam assignat Leo papa huius nominis primus: cuius verba quoniam alteri proposito etiam deseruiunt, infra citabimus. Et B. August. in librò quæstio. veteris & noui testamenti, quæstione 93. (modo is liber sit Augustini) hoc etiam apertissimè docet. Verum quia supra in titulo de Melchisedech apertissimè conuincimus illud opus non esse August., ideo illa verba citare contempsimus. Si quis tamē sibi fidem facit librum, illum esse August. locum illi signaui in quo illam sententiam inueniat. Ecce ergo ostendimus in collatione ordinis gratiam conferri. nunc opus est ut ostēdamus in tali collatione esse aliquod signum exterius sensibile. Hoc autem clarissimè ostendūt illa

Pauli

Pauli verba ex epistolis eius ad Timotheum nunc proximè citatis, quoniam ex illis patet eum qui alium ordinabat, manus illis imponere, per quam manuum impositionem ordinem alteri conferebat. Quod ex aliis pluribus scripturæ locis etiam colligitur. Paulus enim admonens Timotheum ne leuiter aliquem ad sacerdotium promoueret, quin prius diligenter personæ meritum examinaret, sic ait, Manus citò nemini imponeris. Et cum apostoli septem viros ex multitudine discipulorum electos, fecerunt diaconos, orantes (vt dicit historia apostolica) imposuerunt illis manus. Ecce iterum cum ad diaconatum promouent Apostoli, faciunt orantes, quemadmodum cum Paulo Barnabæ imponunt manus quia videlicet gratia in tali promotione erat conferenda. Concilium Carthaginense quartum capitulis 1. 2. 3. & 4. decernit episcopum, presbyterum, & diaconum debere ordinari per manuum impositionem. Et ex hoc signo quo Apostoli vti sunt, etiam persuaderi potest gratiam conferri in susceptione ordinis: quoniam nō est vero simile manus fuisse ordinatis impositas ab Apostolis, vt corpus inani contactu attrectarent, & nulla spiritali gratia prodesse animæ. Parum enim proderat corpori manus imponere, si ex hac manus impositione nihil anima proficere debebat. Si ergo in ordinis susceptione confertur gratia, & sub aliquo signo sensibili, conuincitur inde ordinem esse sacramentum. Et vt ostendamus hoc non esse recens scholasticorum theologorum inuentum, aliquot vetustorum doctorum citabo testimonia. Leo papa in epistola noua quæ est ad Dioscorum Alexandrinum episcopum, dicens ordinem debere conferri & suscipi à ieiunis, sic ait: Nam præter auctoritatem consuetudinis quam ex apostolica nouimus venire doctrina, etiam sacra scriptura manifestat, quod cum apostolum Paulum & Barnabam ex præcepto spiritus sancti ad euangelium mitterent prædicandum, ieiunantes & orantes imposuerunt eis manus: vt intelligamus quantadantum & accipientium deuotione curandum sit, ne tantæ benedictionis sacramentum negligenter videatur impletum. Hæc Leo papa huius nominis primus, vir sanctitate perinde ac doctrina illustris. Ex quibus verbis duo colligimus, videlicet quod ordo sit sacramentum, & quod in eius collatione conferatur gratia, quoniam ideo dicit ieiunium & orationem præcessisse, vt dignè recipiatur benedictio quæ in tali sacramento confertur. beatus Augustinus de baptismo contra Donatistas, *August.*

1. Tim. 5

Actu. 6

Concilium  
Carthagi  
nense.

Leo papa.

de eodem baptismo & ordine loquens sic ait, Vtrunque enim sacramentum est, & quadam cōsecratione homini datum. illud quum baptizatur, istud quum ordinatur: ideo non licet in ecclesia catholica vtrunque iterari. Et paulo pōst, Neutri sacramento faciendae est iniuria. Et addit de sacramento ordinis, Sicut nō rectē habet qui ab vnitate recedit, sed tamen habet: sic etiam non rectē dat qui ab vnitate recedit, & tamē dat. Et rursum ad vtrunq; reuersus subiungit, Non ergo ideo non sunt sacramenta Christi & ecclesiae, quia eis illicitē vtuntur nō modō hāretici, sed etiam omnes impii: sed illi corrigendi sunt, & puniendi: illa autem sunt agnoscenda, & veneranda. Hāc Augu. Quibus verbis non semel fatetur ordinem esse sacramentum. Iam credo quisque videt quā effroni audacia iactauerit Lutherus ecclesiam Christi ignorare sacramentū ordinis, nouamq; esse eius inuentionem, cum ex August. & Leone papa clarē constet ordinem esse sacramentum. Neque Augu. aut Leonem ab ecclesia Christi abigere potest, quos eadem ecclesia velut sanctos censuit esse venerandos: neque eos dicet recentes theologos, prout solet, nisi talem se existimet, vt ei mille anni sint tanquam dies hesternae quae prāterit. Hoc solum ergo superest nobis probandum, vt videlicet ostendamus non omnes ordines esse pares inter se, sed esse diuersos intra hoc sacramentum gradus, ita vt vnus ordo sit alio dignitate & potestate maior. Et certē quicquid debita attentione considerauerit ea quae in vetere illa lege Moisaica ordinata sunt, de tabernaculo, & altari, & de sacerdotibus & aliis ministris altari seruentibus, facile inde cognoscet quasi ex vmbra corpus, varios oportere dari in ecclesia ordines qui diuersim in ministerio altaris fungantur officiis. Nam lex (vt ait Paulus) vmbra habebat futurorum bonorum. Et idem ait, omnia in figura contigisse patribus illis. Ab vmbra igitur ad suum corpus, à figura ad correspondentem sibi rei veritatem, optimum & efficacissimum erit argumentum. Nam hoc argumentationis loco Paulus vsus est, volens probare licitum esse his qui euangelium annunciant, de euangelio viuere: quia qui in veteri illo tabernaculo operabantur, viuebant de tabernaculo, & qui altari deserviebant participabant de altari. Itaque argumentatur Paulus ibi, ab vmbra & figura ad corpus & veritatem. Cū igitur tam efficax sit, iuxta Paulum, hic argumentationis modus, manifestē per illum conuincemus plures esse in ecclesia catholica ordines, variosq; esse gradus eorum qui in altari

Heb. 10

1. Cor. 11

altari ministrant. Nam ad ministerium illius tabernaculi veteris varii ordines diuersiq; gradus fuerunt à Deo instituti, ita ut vnus esset Pontifex aut sacerdos summus, alii sacerdotes minores, alii leuitæ qui etsi sacerdotes non essent, altari tamen ministrabant. Quæ ad sacerdotem pertinent summum, & quæ ad inferiores attinēt, describuntur in Exodo, vbi alia officia aliaq; vestimenta summo sacerdoti, alia inferioribus sacerdotibus tribuuntur, Supra caput Aaron & cuiuslibet alterius summi sacerdotis fustum est sanctæ vnctionis oleum. Filios Aaron minores sacerdotes & illorum successores non sunt in capite, sed solum in manibus oleo sancto vncti. Tunicæ istorum erant lineæ, summi vero sacerdotis ornatus erat ex auro, hvacinto, purpura, gemmisq; preciosis confectus. De ritu consecrationis Leuitici ordinis habetur in Leuitico libro, in quo etsi vnus omnium Leuitarum consecrationis ritus describitur, diuersa tamē illis distribuuntur officia. Nam in tres classes sub suis capitibus & principibus distribuuntur, & suum cuique locum in excubiis & ministerio assignatur, iuxta sacerdotum imperium. Si tantus fuit ordo tamq; distinctus in illa veteri figura, opus est ut concedamus varium esse ordinem clarēque distinctum, eorum qui in altari vbi nunc Eucharistia consecratur ministrare debent. Nisi fortē ecclesiam catholicam confusissimam quandam Babylonem in qua nullus sit ordo, facere velimus, cum tamen synagogam illam veterem quæ huius typum tenet, velut nobilissimam quandam ciuitatem ordinatissimē constitutam fuisse, apertissimē constet. Quod si quis tam impius & tam effrons est, ut id fateri nō vereatur, is certe aut sapientiam, aut potentiam, aut denique bonitatem cogetur minuire diuinam: quia videlicet fateri cogetur Deum aut nescisse, aut non potuisse, aut denique noluisse talem formare ecclesiam suam qualem prius adumbrarat & deliniarat in illo veteri populo. Certē quum multo præstantius sit sacrificium quod nunc a sacerdotibus ecclesiæ offertur quam sacrificia omnia veteris legis, oportebat ut maior honor illi præstaretur, & maior etiam ordo in illius ministerio seruaretur, & ministrorum ordines ad illius administrationem plures deputarentur. Omisso hic minores ordines, quoniam etsi de illis apud vetustos auctores non parua fiat mentio, tamen plures theologi non admittunt minores ordines intra sacramentorum numerum: quapropter nec etiam vocantur ordines sacri: imò de subdiaconatu Hugo de



sancto Victore censet nō esse sacramentum, quamvis alij intra sacramenti limites eum collocēt. De hac re nonnihil suprà tēgimus in titulo de episcopis: quo loco ostēdimus episcopum ex Christi institutione esse dignitate & potestate maiorem simplici presbytero. Diaconos apostolica historia narrat fuisse ab apostolis ordinatos. Imò de aliis omnibus ordinibus, constat fuisse in ecclesia eorum officia & nomina tempore apostolorū. Nam beatus Ignatius discipulus sancti Ioannis Euangelistæ in epistola ad Trallianos extollit dignitatem episcoporum, presbyterorū, & diaconorum. Et in epistola ad Antiocheneses hæc verba refert: Saluto sanctū presbyterum vestrū, saluto sanctos diaconos, saluto subdiaconos, lectores, cantores, ostiarios, laborantes, exorcistas, atque confessores. Hæc ille. Canones apostolorum videntur etiā innuere discriminē inter episcopū & presbyterum, diaconum, subdiaconum, lectore, & cantorem. Hoc patet cano. 42. & 43. At apostolorū cano. per Clementē traducti, tantæ sunt authoritatis, vt Damascenus illos inserat catalogo librorū canonicorum sacræ scripturæ. Vt ergo iam finem huic negotio imponamus, producere oportebit testimonium concilij Carthaginensis quarti, quod omnes ordinis gradus describit, & modum quo illorum ordinatio faciendā sit, decernit. Nam capitibus primo & secundo suorum decretorum assignat modum quo ordinandus sit episcopus, cap. 3. agit de ordinatione presbyteri, cap. 4. de ordinatione diaconi, cap. 5. de ordinatione subdiaconi, cap. 6. de ordinatione acolythi, cap. 7. de ordinatione exorcistæ, cap. 8. de ordinatione lectoris, cap. 9. de ordinatione ostiarij. Quorum omnium decretorum verba citare omisi causā prolixitatis vitandæ, satis existimans ostendisse locum lectori. Qui de hac re amplius nosse cupit, legat Hugonem de sancto Victore lib. 2. de sacramentis, parte tertia: quo loco doctor ille non spernendæ authoritatis de singulis ordinibus pertractat, eorum omnium potestatem & ordinationē declarans. Ex his quæ diximus, conuictus remanet Græcorum & Valdensium error. Valdēsenses enim (vt Guido illis impingit) dixerunt esse tantū tres ordines in ecclesia, diaconum videlicet, presbyterū & episcopum. Verū Aeneas Silvius lib. de origine Bohemorum cap. 35. errores Valdensium recensens, nunquā huius erroris meminit, imò aliū illis tribuit qui cū hoc velut ex diametro pugnare videtur. Ait enim illos sensisse episcopū nō esse dignitate aut potestate superiorē alio quocunq;

presby

Aet. 6

Ignatius.

Cōcilium  
Carthagi  
nense.

Valdēs.

presbytero. de qua re sup. in tit. de episcopo disputauimus. *Græc. Græc.*  
 ci iuxta eundem Guidonē post ordines sacros nullum ex mi-  
 noribus ordinibus admittunt præter lectorem: alios autem, vi-  
 delicet ostiarium, exorcistam, & acolythum dicunt non debere  
 inter ordines numerari. Nos tamē iam ostendimus eorum no-  
 mina & officia fuisse à tempore apostolorum in ecclesia, & mo-  
 dum ordinationis eorum fuisse in concilio statutum: quapro-  
 pter non est quod amplius de hac re dispuemus.

F. ALFONSI DE CASTRO ADVER-  
 sus hæreses, Liber Duodecimus.

P A P A.



Vtherus, qui toties à nobis prostratus est, solo *Lutherus:*  
 papæ nomine audito recuperat vires, vt de-  
 nuo possit nobiscū de hac re congregari. Adeo  
 nanque papæ odium imbibit, vt etiam si in ci-  
 neres redactus fuerit, ad papam insectandum  
 reuiuiscat. Omnium enim suorum scriptorū  
 scopus is vnus est, papam videlicet à sua sede deicere, omnem  
 potestatem quam à Deo in terris recepit, illi adimere: & vt hoc  
 consequeretur, nihil intentatum reliquit: nullum nō mouit la-  
 pidem. Nam pro hac sola re tuenda totam ecclesiæ domū euer-  
 tere curauit. Quod autem ex odio papæ, & non ex zelo id fece-  
 rit, inde coniciet quisque, si rerum ab eo gestarum ordinē ple-  
 ne nouerit. Cum enim is Lutherus aliqua à vera fide aliena do-  
 cere tentasset, fuit de hac re à Leone decimo, qui tūc vniuersali  
 ecclesiæ præsidebat, admonitus: cui admonitioni cum idē Lu-  
 therus obedire contempsisset, Leo decimus velut bonus pastor  
 hunc Lutherū excommunicauit, & velut putridā ouem ab ec-  
 clesiæ ouili eiecit, ne reliquas attractu suo inficeret oues. Quā  
 de re factum est vt Lutherus qui antea primatum Petri & suc-  
 cessoris eius probauerat, & libris editis docuerat: post hanc in  
 eum latam excommunicationem vsque adeo papatui detrahat,  
 vt nō sit contentus illius potestati minuere, sed etiam illū acer-  
 bissimis conuitiis afficiat, & contumeliis atrocibus insectetur.  
 Dicunt enim pontificū nomen inane prorsus esse, nec re quicquā  
 aliud esse quā regnū Babylonis, & potētiā Nemroth robusti  
 venatoris: quoniā mera tyrānide factum esse ait: vt papa super  
 alios episcopos fuerit exaltatus. Hinc ergo coniciere licet quo  
 spiritu Lutherus ducatur, qui in tractanda fide catholica magis

affectu quàm rōne regitur. Huius tamen erroris primus author nō est Lutherus. Primò enim ille serpens antiquus hunc errorē persuasit Græcis, qui ab ecclesiæ vnitata separati sunt propter errores Nestorij, Dioscori, Euticetis: quoniā Nestorius in Ephe sina synodo, Dioscorus verò & Eutices in Chalcedonenſi dam nati sunt. Eadem ratione Armeni ab ecclesiæ vnitata se subtra xerunt, quòd videlicet concilij Chalcedonenſis decreta recipere contempserūt, & ab hoc tēpore obedientiam Romano pon tifici negare cœperūt vsque ad tempus Eugenij quarti, quo tē pore celebratū est conciliū Florentiæ, ad quod cōfluentes Græ ci & Armeni, post longam de hac re cum Latinis habitam di sputationem, tandē veritatem plenē cognoscentes, ecclesiæ Ro manæ se subdiderunt. Post Græcos & Armenos venere impij

*Armeni.* *Valdenses* & idiotæ Valdenses nihilominus omnibus episcopis inimici, quàm Græci & Armeni fuerant Romano pontifici. Hi enim Valdenses docent omnes presbyteros esse pares, neq; vnū esse alio potestate superiorē. Valdenses in hac parte cōsentit qui dam

*Marsilius Paduanus* Marsilius Paduanus. De Ioanne Vuitcleff, & Ioanne Huß non est opus dicere, quoniam ille in verba Veldensiū, & hic in

*Ioannes Vuitcleff.* *Ioannes Huß.* verba Vuitcleffi iurasse videntur. Istorum ergo omniū commu nem errorē iam diu sepultū Lutherus hoc nostro seculo ab in feris reuocauit, vt faciliiori modo quas conceperat hæreses do cere posset. Nulla est enim alia via apertior ad hæreses intro ducendas, quàm si primatū Petri ab ecclesia subtraxeris. Qua propter omnes oportet adhibere huic operæ vires, vt aperte pri matum summi pontificis ostēdamus, ne via pateat hæreticis ad suas hæreses introducendas. Pro hac re apertū testimonium est id quod Dominus dicit Petro, Tu es Petrus, & super hanc petrā

*Mat. 16* ædificabo ecclesiam meam, & portę inferi nō præualebunt ad uersus eam. Et tibi dabo claues regni cœlorū: & quodcunque li gaueris super terram, erit ligatum & in cœlis, & quodcunq; sol ueris super terram, erit solutū & in cælis. In quibus verbis mul ta sunt quæ primatum Petri manifestē docere videntur. Primò quòd mutato nomine Simonis cum nomine Petri vocauit, quę res sine grandi mysterio contingere non potuit. Nunquā enim Deus nomen nouum alicui homini indidit, quem non magnis donasset beneficiis, & ad altam quādam extulisset dignitatem.

*Gen. 17* Sic enim in veteri testamento Abraham & Sarræ, quos facturus erat in gētem magnam, & ex quibus Christus secundū carnem propagandus erat, nomen à Deo tribuitur nouum. Sic etiam

Iacob



Iacob, quoniā fortis fuerat contra Deū, murato nomine Iacob *Gen. 32* vocatus est Israel. Et ut ad nouū testamentū accedamus: Iacobū Zebedei & Ioannē fratrē eius vocauit Christus Boanerges, *Mar. 3* hoc est filios tonitruī. Hos autem duos fratres quantum præ cæteris Apostolis post Petrum extulerit, ipse euangelica historia apertissimè docet. Nam hos duos simul cū Petro assumptit in *Mat. 17* testes suæ gloriōsæ transfigurationis. Hos solos permisit intrare domum Iairi archisynagogi cum illius filiam suscitare vo- *Luc. 8* luit. Et cū passione sua instante oraret, hos etiā assumpsit se- *Mat. 26* cum: ut vel inde conicere possimus non sine causa istis noua illum tribuisse nomina. Cū ergo Petro nouum à Deo imponatur nomen, grande in eo futurū mysterium designatur: præsertim si bene quisque aduertat quale fuerit nomen illi tributum. Nomen siquidem Petrus à petra derivatū esse videtur. At cū *1. Cor. 10* Christus iuxta Paulū vocetur petra, conuincitur inde Petro tale nomen fuisse datū, quod nomini Christi simillimum foret, & quod à Christi nomine derivationem acceperit: ut vel hac ratione nominis edoceremur Petrum Christi vicem in terris habiturum, cuius nomen tunc accepisse cognoscimus. Secundò in illo Matthei loco prius citato aduertere oportet quod sequitur. Nam eundem Petrum vocauit postea petram super quā fundanda erat ecclesia. Tu es, inquit, Petrus, & super hanc petram ædificabo ecclesiam meā. Considera ergo qualis sit futurus Petrus, super quē ecclesia ædificanda promittitur. Sic enim Theophylactus illa Christi verba exponens ait, Remunerat Petrum *Laetus.* Dominus, mercedem illi dans magnam, quod supra eum ædificauit ecclesiam. Hæc illæ. Quibus verbis satis apertè declarat Petrum esse petram supra quam Deus suam ecclesiam fundare decreuerat. Eodem modo etiam exponit Hierony. super Matthæum 16. cap. Eodē modo interpretatur Hilarius canone 16. super Matthæum. quanquam huius verba Erasimus detorquere conatus, adiecit in margine hæc verba, Ecclesiæ fundamentum est fides. Quibus verbis interpretari voluit Hilariū, quasi Hilarius sentiret fidem esse fundamentum & petram, non autem Petrum. Hilarius tamen apertissimè de Petro loquitur, ut facilè est videre. Idem sentit Chrysostomus super Matthæum. Simili modo illum locum exponit Aug. sæpe, præsertim in libro contra epistolam Donati, & sermo. 26. de sanctis. Eodem modo etiam exponit Leo papa huius nominis tertius in sermone tertio de anniuersario die suæ assumptionis. Istis omnibus



subscribit beatus Gregorius libro 6. sui registri epist. 6. Quorum omnium sanctorum virorum verba, causa prolixitatis vitandae omisi citare. Tertullianus etiam idem sentit in libro de praescriptionibus haeticorum: cuius verba infra subneciemus. Tertium quod in illis Christi verbis Petro dictis est consideratione dignum, est, quod soli Petro nominatim Christus promittit claves regni caelorum: quoniam etsi aliis apostolis datae sint claves, non tamen caelorum omnium, sed caeli.

*Mat. 18* Petro enim dicitur: Quodcumque solueris super terram, erit solutum & in caelis. Cum vero omnibus apostolis simul dantur claves, sic dicitur, Amen dico vobis, quaecumque alligaueritis super terram, erunt ligata & in caelo: & quaecumque solueritis super terram, erunt soluta & in caelo. Ecce vides hic dictum, in caelo, singulari numero: cum tamen Petro claves caelorum promittuntur: & in caelis dicitur esse ligandum quod ille ligauerit, non in vno caelo: ut videlicet ex hoc diuerso locutionis modo intelligas fortiores & potentiores claves fuisse datas Petro quam ceteris apostolis. Et hoc ipsum annotauit Origenes in expositione Matthaei, & ante Origenem hoc idem innuere videtur Tertullianus. Is enim in libro de praescriptionibus haeticorum disputans contra eos qui dicebant apostolos non omnia ad fidem necessaria sciuisse, sic ait, Quis enim integre mentis credere potest aliquid eos ignorasse, quos magistros Dominus dedit? indiuiduos habitos in comitatu, in disciplinatu, in conuictu? quibus obscura quaeque seorsum edifferebat, illis dicens datum esse cognoscere arcana quae populo intelligere non literet? Latuit aliquid Petrum aedificandae ecclesiae petram dictum? claves regni caelorum consecutum, & soluendi & alligandi in caelis & in terris potestatem? Latuit & Ioannem aliquid, dilectissimum Domino, pectori eius incubantem, cui soli Dominus Iudam traditorem demonstrauit? quem loco sui filium Mariae demandauit? Quid ergo eos ignorasse voluit, quibus etiam gloriam suam exhibuit, & Moysen & Heliam, & insuper de caelo patris vocem? non quasi ceteros reprobans, sed quoniam in tribus testibus stabit omne verbum. Haecenus Tertullianus. Quibus verbis postquam omnibus apostolis tribuerat arcana cognoscere quae populo intelligere non licebat: postea distribuens cuique apostolorum quae illi fuerant propria, Ioanni dedit supra pectus Domini in cena recubuisse: eidem & Iacobo atque Petro

Petro tribuit vidisse Dominum in gloriæ maiestatem transfiguratum. Petro autem dedit ecclesiæ petram esse, claves regni cœlorum consecutum, & soluendi & ligandi in cœlis & in terris potestatem. Quæ omnia si soli Petro dicuntur, ex illis aperte conuincitur Petrum fuisse cæteris apostolis prælatum. Nam ille solus ex apostolis instituitur petra supra quam fundetur ecclesia: illi soli promittuntur claves regni cœlorum: ille solus accipit soluendi & ligandi in cœlis & in terris potestatem. Quapropter non possum silentio præterire quæ beatus Rhenanus de hac re loquens ait: Is enim in quodam argumento quod præfixit libro Tertulliani de præscriptionibus hæreticorum, innuit se sentire Romanum pontificem non esse à Deo institutum superiorem cæteris episcopis, & hanc dicit esse sententiam Tertulliani in illo libro, & alibi. Vt autem ostendat Tertullianum illud sentire, sic colligit: Tertullianus nominans ecclesiam Romanam, inter apostolicas ecclesias illam nominat, nec tamen illam præfert aliis: inter summates illam recenset, nunquam tamen illam dicit summam. At si eam credidisset esse summam ecclesiarum, eam vocasset aliquando supremam ecclesiam. Nunquam vocauit eam summam, non ergo credidit eam esse summam. O fortem argumentatorem. O alterum Aristotelē. Hæccine est illa dialectica, colligere aliquid negatiue per locum ab autoritate? Quis hanc collectionem ignorat esse nullam? Talis aut talis doctor non dicit hoc, ergo non ita est, aut ille credidit non ita esse? Si enim tali modo semper colligere liceret, multa inde incommoda sequerentur. Sequeretur patrem non esse ingenum: Mariam non fuisse perpetuam virginem: quoniam nullum istorum expresserunt sacrae literæ etiam cum de his rebus mentionem fecerunt. Abeat ergo Rhenanus non beatus sed miser: & si suam sententiā voluerit confirmare, veris testimonis hoc faciat, & non meris calumniis & imposturis, prout nunc eum fecisse conuincimus. Nam cum ipse impingat Tertul. illum sentire ecclesiam Romanam non esse summam: nos ostendimus Tertullianum sensisse Petrum fuisse cæteris apostolis prælatum, & hoc ostendimus illum aperte docuisse in eodem libro cui Rhenanus tale præfixerat argumentum. Præterea Christus docens apostolos quis illorum futurus esset maior, dixit Petro, Simon, ecce Satanas expetuit vos, ut cribraret sicut triticum: Ego autem rogavi pro te, ut non deficiat fides tua. Et tu aliquando conuersus confirma fratres tuos. Quibus verbis aperte docuit Christus Petrum esse suum

Rhenanus

Luc. 22

esse futurum cæteris apostolis maiorem per hoc quod illi iniungebat onus confirmandi alios apostolos quos diabolus expetiuerat vt cribraret sicut triticum. Vt autem Petrus rectius posset officium sibi commissum exercere: Christus promittit illi se rogaturum patrem vt non permittat fidem illius perire. Quæ Christi verba exponens Theophylactus super Lucam sic ait: Tu verò conuersus confirma fratres tuos. Planus huius intellectus is est. Quia te habeo vt principem discipulorum, postquam me negato fleueris, & ad pœnitentiam veneris, confirmas cæteros. Hoc enim te decet, qui post me ecclesiæ petra es fundamentum. Hæc Theophylactus. Petrus ergo declaratus est à Christo cæteris apostolis maior, quia illi iniungitur onus reliquos apostolos confirmandi. Rursum Christus cōmisit Petro curam suarum ouium, cū bis illi dixit, Pasce agnos meos. & tertio iterum dixit, Pasce oues meas. Quibus verbis apertissime declarauit Christus totum ouile tam ouium quam agnorum, hoc est ecclesiam vniuersalē esse Petro commissam. Nā (vt ait propheta) nos sumus populus eius, & oues pascuæ eius. Harum ouium curam commisit Deus Petro. Verum Lutherus cum suis, quoniam non sunt ex ouibus his, sed ex numero illorum hædorum quos Deus constituet ad sinistram, ideo non volunt esse sub cura huius pastoris, videlicet Romani pontificis. Deinde, illa quæ Petrus operatus est, ostendunt apertissime illū fuisse reliquis apostolis prælatum. Pro se enim Petrus & pro Christo didrachma soluit. Cum enim exactores didrachmatis percontarentur à Petro, num magister eius didrachma soluiset, dixit Christus Petro: Vade ad mare, & mitte hamum, & eū piscem, qui primus ascenderit, tolle. & aperto ore eius inuenies staterem: illum sumens da eis pro me & pro te. Vt autē ex hoc loco apertius nostrum propositū doceamus, prius oportet scire qualisnam fuerit huius didrachmatis exactio. Pro cuius rei cognitione audiamus quid beatus Hiero. de hac re loquatur. Sic enim in commentariis super Matthæum hunc locum pertrahens ait: Post Augustum Cæsarem Iudæa facta est tributaria, & omnes censi capite ferebantur. Vnde & Ioseph cū Maria coniuge suā professus est in Bethleem. Rursum quoniam nutritus erat in Nazareth, quod est oppidum Galilææ Capharnaū vrbi subiaccens, ex more poscunt tributa, & pro signorum magnitudine hi qui exigebant, non audent ipsum repetere, sed discipulum conueniunt. Hæc Hieronymus. Si ergo tributa (vt Hieronymus



nymus ait) per capita soluuntur: quid est quòd Petrus iubetur  
 staterem. hoc est duplex didrachma pro se & pro Christo solu-  
 uere, nisi quia iam Christus meditabatur Petrum post se caput  
 ecclesiæ relinquere? Quod si hac ratione tributum fuisse solu-  
 tum negatur: quare magis pro Petro quàm pro aliis apostolis  
 didrachma soluitur, cum talis census non nisi pro capite fami-  
 liæ soluebatur? Cuius rei cum alia nequeat inueniri caussa, nisi  
 quia Petrus erat cæteris præferendus: fateri oportet vt Petrus  
 qui pro se tributum, quod non nisi pro capite exigebatur, sol-  
 uere iubetur, sit hac ratione declaratus caput familiæ. Quod au-  
 tem cum Christo iunctus fuerit in solutione didrachmatis, ita  
 vt vnica moneta videlicet vno statere pro se & Christo solue-  
 rit, declarat Petrum eiusdem familiæ videlicet ecclesiæ futurū  
 caput, cuius est Christus. Nec tamen inde sequitur ecclesiæ cor-  
 pus esse monstrum biceps (vt Lutherus nobis obicit) quoniam  
 Petrum non dicimus esse caput æquale Christo, sed caput sub  
 Christo. Christum enim dicimus esse primum & supremū ec-  
 clesiæ caput: Petrum autem nō dicimus esse primum caput to-  
 tius corporis quod est ecclesia, sed vicariū caput, hoc est caput  
 Christi loco subrogatum, & caput secundum post Christum, id  
 est caput aliorum omnium à Christo. Quapropter sicut Petrus  
 non est dicendus prior omnibus simpliciter, sed prior in com-  
 paratione aliorum à Christo, ita nec dicendus est caput simpli-  
 citer & absolutè respectu omnium, sed solum est caput respec-  
 tu aliorum à Christo. Christus verò est absolutè & simplici-  
 ter caput totius ecclesiæ, qui est principium. Et hoc modo con-  
 stat non esse duo capita eiusdem corporis totalis, quoniam il-  
 lius totalis corporis solus Christus est caput, & huius corporis  
 Petrus est vnum membrum, cæteris tamen præstantius. Corpo-  
 ris vero mystici, quod ex aliis hominibus à Christo coalescit,  
 Petrus est caput: & ita nō est caput totius corporis integri: quo-  
 niam non est caput Christi qui ad hanc ecclesiam pertinet. Si-  
 millimum est huic quod in aliis rebus publicis videmus. Nam  
 Proconsul caput est illius prouinciæ quam administrat, quan-  
 uis Consul sit illo superior, & primum omnium prouinciarum  
 caput. Prorex caput est illius regni cuius curam gerit: rex tamē  
 est illo superior, & primum omnium suorum regnorū caput.  
 Prorex enim aut Proconsul est caput partialis corporis, vdeli-  
 cet talis regni, aut talis prouinciæ: Imperator autem est caput  
 primum totius integri corporis. Sic Petrus & Christus. Ad hūc  
 modum



modum etiam oportet intelligere id quod supra diximus, Petrum videlicet esse petram & fundamentum ecclesiae: fundamentum inquam non primum, cui scilicet totius ecclesiae structura innititur, quoniam tale fundamentum est solus Christus: **1. Cor. 3** de quo Paulus ait: Fundamentum aliud nemo potest ponere praeter id quod positum est, videlicet Christus est tanquam vnus in comparatione ad hoc fundamentum Petrus est tanquam vnus ex aliis lapidibus qui fundamento inniuntur. Verum post primum lapidem pro fundamento iactum, sunt alij lapides in ipsa structura, qui licet sustentantur à primo, tamen sustentant omnes reliquos qui supra illos sunt in edificio constructi. Et istorum quilibet potest dici fundamentum, non simpliciter & absolute respectu omnium, sed respectu illorum lapidum quos sustentat. Et iuxta hunc modum plura sunt ecclesiae fundamenta. Nam de omnibus apostolis dicit beatus Ioannes eos esse fundamenta ecclesiae. Sic enim in Apocalypsi loquens de noua ciuitate descendente de caelo quae est ecclesia, ait: Et murus ciuitatis habens fundamenta duodecim, & in ipsis duodecim, nomina duodecim apostolorum. Ecce audis omnes apostolos dici fundamenta ciuitatis, quia eorum doctrina sustentatur huiusque ecclesia. quid ergo miratur Lutherus si nos dicimus Petrum esse fundamentum ecclesiae? Sed licet omnes sint & dicantur fundamenta, Petrus tamen caeteris omnibus praestat: quia etsi non sit lapis primarius in fundamento iactus, est tamen primus post Christum: & ita erit fundamentum non quidem omnium lapidum qui sunt in spirituali edificio, quoniam non est fundamentum Christi qui ad hoc edificium pertinet, sed est fundamentum omnium aliorum lapidum spiritualium, & ita est fundamentum secundum post Christum, quia prima petra post Christum petra. Et ita super hanc petram quae est Christus, fundatur tota ecclesiae structura: super aliam vero petram quae est Petrus, fundatur reliqua ecclesia à Christo, hoc est tota ecclesia dempto capite Christo. Haec autem vnico verbo designauit Theophylactus in illis verbis quae ex commentariis illius super Lucam nunc paulo supra citauimus. Sic enim exponens Christi verba ait: Quia te habeo ut principem discipulorum, postquam me negato flexeris, & ad poenitentiam veneris, confirma caeteros. Hoc enim te decet, qui post me ecclesiae petra es fundamentum. Haec Theophylactus. Ex cuius verbis constat Petrum dici fundamentum ecclesiae, non quidem absolute & respectu

respectu omnium, sed fundamentum post Christū, hoc est fun-  
 damentum omnium aliorum à Christo. Et ita nō sunt duo la-  
 pides primarij: quoniam solus Christus est primarius lapis: Pe-  
 trus vero non primus simpliciter, sed primus post Christū. De  
 hac re adeo diffusè & ultra metas breuitatis statutz disserui-  
 mus: quoniam hoc est fortissimum telum quod nobis obicit  
 Lutherus, & quo se tueri conatur: de quo cum iam plusquā sa-  
 tis dictum sit, oportet vt reliqua Petri opera breuiter percur-  
 ramus. Mariæ Magdalenz & aliis eius consortibus visitantibus  
 Christi sepulcrum apparens angelus, ait illis, Iesum quæritis  
 Nazarenum crucifixum: surrexit non est hic, ecce locus vbi po-  
 fuerunt eum. Sed ite, dicite discipulis eius & Petro quia præce-  
 det vos in Galilæam. Quid est quod solius Petri nomen expri-  
 mitur cæteris omnibus aliorū nominibus, nisi quod Petrus cæ-  
 teris omnibus præminet? Si enim Petrus nō fuisset cæteris præ-  
 stantior, saterat dixisse: ite, dicite discipulis eius. Sed cum addi-  
 dit, & Petro, innuit aliquid esse in Petro singulare propter qd  
 esset proprio designāus nomine, tanquā aliorum princeps.  
 Deinde cum venissent ad monumentum Petrus & Ioannes, li-  
 cet Ioannes præcurrat citius Petro, & prior peruenit ad monu-  
 mentum, non tamen intrare ausus est ante Petrum, honorem  
 per hoc exhibēs Petro tanquā superiori. Poterat quidem Io-  
 annes monumentum intrare, qui supra pectus domini recubue-  
 rat. qui enim dignus fuit supra corpus viuū recumbere, mul-  
 to dignior erat monumentum in quo iacuit corpus mortuum,  
 intrare. Verū etsi ad hoc dignus esset, intrare tamen recusa-  
 uit, hunc volēs deferre Petro honorem, vt quoniam Petrus erat  
 dignitate prior, sic etiam prius monumentum intraret. Et cum  
 Christus iam ascendisset ad cælos, existente duodenario apo-  
 stolorum numero incompleto propter mortem Iudæ tradito-  
 ris: Petrus aliis discipulis sermonem facit persuadens illis vt in  
 locum Iudæ alius subrogetur. Nisi Petrus fuisset aliis superior  
 à Deo institutus, non fuisset adeo arrogans, & gloriæ cupidus,  
 vt ab aliis non rogatus in medio illorum surgeret, & cunctis ser-  
 monem faceret. Quod si hoc ante receptum spiritum fuisse fa-  
 ctum causeris: quid post aduentum spiritus sancti egerit, videā-  
 mus. In illo nanq; die quo spiritus sanctus in linguis igneis de-  
 scendit: cum apostoli omnibus linguis loquerentur, & omnis  
 multitudo rei nouitatem miraretur, & cuidam ebrietati tribue-  
 ret, Petrus omnium ipsorum condiscipulorum causam agens,  
 sermo

Mar. 16.

Iean. 20

Act. 1

Act. 2

sermonem ad populum habuit, docens illū discipulos non esse ebrios, ut putabat: quo sermone audito conuersi sunt circiter tria milia ex ipsis auditoribus. Quare Petrus vnus pro omnibus respondet: nisi quia vnus omnibus præest? Pastoris nanque officium est suas oues à luporum infestatione defendere. Ideo Petrus velut bonus pastor volens suas oues defendere, sermonē

**Act. 3** pro eis ad populū fecit. Post hæc cum Petrus & Ioannes ascendissent in templum ad horam orationis nonam, cuidam claudō ad portas templi petenti eleemosynam ait Petrus: Argentum & aurum non est mihi, quod autem habeo, hoc tibi do. In nomine Iesu Christi Nazareni surge & ambula. Et statim consolidatæ sunt bases eius. Hoc autem est primum miraculum quod à quouis apostolo factum esse legimus, ut videlicet qui prior cæteris erat dignitate & potestate, prior etiam virtutem Dei sui miracula faciendo ostenderet. Nec mysterio caret q̄ Ioanne existente in comitatu Petri, Ioannes tacet, & Petrus solus claudum sanat. Qui enim Drusianam mortuam postea suscitauit: bene poterat tunc claudi pedes cōsolidare. Verū quia Ioannes Petrum agnoscebat superiorem, noluit quicquam in eius præsētia tentare, ne illius videretur minuere honorē. Dominus etiam post suam in cælos ascensionem volens docere ecclesiam suam, illum ciborum delectum qui in lege Moyſi fuerat præceptus, non esse iam necessariō faciendum, soli Petro de hoc reuelationem facit. Petro enim existenti in mentis excessu ostenditur linteū magnum submissum de cælo in terram, in quo erant omnia quadrupedia & serpentia terræ, & vo

**Act. 10** latilia cæli, & postea facta est vox ad eum, Surge Petre, occide & manduca. Quæ res etsi omnes tangebat, soli tamen Petro reuelatur: quia Petrus persona erat communis omnium curam gerens. Cum etiam orta esset quæstio de cessatione legitimorum, quibusdam dicentibus illa esse necessaria, aliis autem contrā, & pro huius quæstionis definitione concilium Hierosolymis congregaretur: surgens Petrus in medio illorum primus loquitur, & illius sententiæ omnes consenserunt. Primus loquitur Petrus, cum tamen in illa esset diœcesi in qua alius erat episcopus, videlicet Iacobus. Hoc autem non fecisset Petrus nisi ipse superior fuisset Iacobo in sua etiam diœcesi existente. Ex his ergo omnibus quæ Petrus fecit, coniicimus illum fuisse à Deo cæteris apostolis prælatus. Præterea, quotiescunque apostolorum catalogus in euangelio texitur, semper Petrus primo loco



loco recensetur: quod non factum fuisset si Petrus non fuisset  
 cæteris superior: præsertim cum in aliis recensendis non idem  
 seruetur ordo ab omnibus euangelistis. Nam Andream, quæ Mat- Mat. 10  
 thæus posuit secundo loco, Marcus posuit quarto. Thomam Mar. 3  
 Matthæus ponit septimum, quem Marcus & Lucas nominant Luc. 6  
 octauum. Et Lucas ipse nõ eundẽ seruat semper ordinem: quo- Actu. 1  
 niã in euangelio Andream posuit secundũ, quem in Actis apo-  
 stolorum ponit quartum. In euangelio Bartholomæum ponit  
 sextum: in actis verò apostolicis eundem scripsit septimum. At  
 Petrum ordine nunquã variatio omnes vbiq; scribunt primũ.  
 neque ideo factum esse dici potest vt primus semper scribatur,  
 quoniam primus ad apostolatũ vocatus fuit, quoniam constat  
 Andream fuisse prius illo vocatũ, & Petrũ per Andream fuis-  
 se ad Christum adductum. Petrus ergo qui posterior vocatus,  
 prior omnibus vbiq; scribitur, hac ratione declaratur esse cæ-  
 teris omnibus superior. Et certe nisi ita à Deo fuisset institutũ,  
 vt vnus in ecclesia esset summus sacerdos, eueniret necessariò Iud. vlti.  
 in ecclesia id quod in libro Iudicum dicitur, In illis diebus nõ  
 erat Rex in Israel: sed vnusquisque quod sibi videbatur bonum  
 faciebat. Et hac sola de causa (vt existimo) hæretici conantur  
 primatũ Petri & eius successoris minuere, vt videlicet liberius  
 quas voluerint possint docere hæreses. Ex hac enim radice pu-  
 tat Cyprianus hæreses in ecclesia oriri, qui in lib. 1. epistolarum  
 suarum epist. 3. quæ est ad Corneliũ papam, sic ait: Neque enim  
 aliunde hæreses obortæ sunt, aut nata sunt scismata, quã inde,  
 quod sacerdoti Dei non obtèperatur, nec vnus in ecclesia ad tẽ-  
 pus sacerdos, & ad tempus iudex vice Christi cogitatur: cui si se-  
 cundum magisteria diuina obtemperaret fraternitas vniuersa,  
 nemo aduersum sacerdotum collegium quicquã moueret, ne-  
 mo post diuinum iudiciũ, post populi suffragium, post coepi-  
 scoporum consensum, iudicem se nõ iam episcopi, sed Dei fa-  
 ceret. Nemo dissidio vnitatis Christi ecclesiã scinderet, nemo  
 sibi placens ac tumens seorsum foris nouã hæresim conderet.  
 Hæc Cyprianus. Quapropter si aliquis est coniecturis in hac  
 parte locus, iustè conicere possumus hæreticos hac sola ratione  
 motos ad primatum Petri deiciendũ, vt facilius quas concepe-  
 rant hæreses euomere possent. Post hæc tam aperta sacræ scri-  
 pturæ testimonia, extat etiã omnium sacrorum doctorum de  
 hac re concors sententiã quorum verba citare omittam, ne pro-  
 missam breuitatem transgrediar. Verũ si curiosus lector ea



videre desiderat, illi designabo loca in quibus hoc sacri doctores asseuerant. Et (vt recentiores omittam) B. Grego. in lib. 40. homiliarum, homilia 21. Theophylactus super Matth. 16 & super Lucam 22. Leo papa huius nominis 1. in epist. ad Dioscorum Alexandrinum episcopum, quæ est in ordine epistolarum eius 9. Leo papa huius nominis 3. in sermone 3. de anniuersario suæ pontificiæ assumptionis. Aug. sæpissime, præsertim tractatu 56. super Ioan. lib. 2. contra Donatistas, sermone 124. de tempore, & sermone 26. de sanctis. Hiero. etiam sæpissime, & apertissime, præcipue tamē in plurimis epistolis ad Damasum papam. Ambro. super 1. cap. epistolæ Pauli ad Gala. & in quodam sermone de pœnitentia Petri. Chryso. homilia 56. super Matth. Athanasius in quadam epist. ad Liberium papam. Eusebius Cæsariensis lib. 2. ecclesia. histo. cap. 14. Hilarius super Matth. & lib. 6. de trini. Cyprianus in pluribus epistolis, præsertim lib. 1. epistolarū epist. 2. & lib. 4. epistola 8. quo loco apertissime fatetur ecclesiam Romanam esse omnium ecclesiarum matricem. Origenes homilia 6. super Matth. Irenæus lib. 3. aduersus hæreses, cap. 3. Anacletus papa & martyr, qui quartus à Petro pontificatum obtinuit, in epistola 3. quæ est de patriarchis & primatibus, & reliquis episcopis. Attendat ergo lector, & bene cōsideret num iustius sit vni Luthero credere, quam tot sacris doctoribus sanctitate perinde ac doctrina claris, quorum aliqui martyrio coronati sunt? Istorum omnium concors sententia sufficit ad captiuandum nostrum intellectum, etiam si scripturæ sacræ testimonium deesset: quoniam et si hos omnes aliquis sequēs erraret (quod fieri posse non credo) certò scio talem errorem nemini fore imputandum ad culpam, si ex humilitate maluit aliorum iudicio credere, quàm propriam sententiam tueri. Sed post tot apertissima testimonia vel hoc vnum sufficere posset, quod post pacatum orbem omnes Christiani paruerunt Romano pontifici. Omnes episcopi illum tanquam superiorem reueriti sunt. Omnia cōcilia quæ aliquid valuerūt, illius autoritate sunt confirmata. In concilio Niceno præsedit Osius Cordubensis episcopus, tanquam legatus papæ Iulii. In cōcilio Ephesino legatus sedis apostolicæ fuit Cæcilius Alexandrinus episcopus qui nomine papæ in illo concilio præsedit. In concilio Calcedonensi fuerunt legati Leonis papæ primi Pascalinus Lilibetanus episcopus, & Lucentius episcopus Esculanus, & bonifacius presbyter Romanus. In quinta synodo legati

Agapeti

Agapeti papæ fuerunt quinque episcopi, vt apertè constat ex actione secunda eiusdem concilii. In sexta synodo præfederunt legati Agatonis papæ, Theodorus & Georgius presbiteri & Ioānes diaconus. Denique nullū fuit hætenus generale cōcilium, in quo, si papa fuit absens, legati illius non præfiderent. Concilium Mileuitanum in quo dānatus est Pelagius, confirmatum est per Innocentium papam, quoniā omnes ex concilio petierunt à papa vt vellent illius cōcilii decreta probare, & rata habere: quod & papa fecit vt patet ex episto. Augu. 90 & 91. Concilia Carthaginensia tertium & quartum fuerunt confirmata per Zozimum papam. Concilium Thelense quod etiam Africanum fuit, in quo dānatus est Iouinianus, petiit confirmationem suę sententię à Siricio papa, qui eiusdem concilii decreta firmavit, vt patet ex decretis eiusdem Siricii papæ, quæ habentur in volumine conciliorum generalium. Reliqua concilia Africana fuerunt confirmata per auctoritatem Bonifacii, qui ad illa misit quendā Faustinū episcopum tanquam legatū suum. Concilium Bracarense primum auctoritate prius à Romano pontifice petita celebratū est, vt patet ex actis eiusdem concilii. Hūc autem honorem nō solum concilia prouincialia, exhibuerunt summo pontifici, sed etiā generalia, quoniā omnia illa petierūt à Romano episcopo suorum decretorum cōfirmationē. Nicænum siquidem cōciliū petiit à Siluestro tunc Romano pontifice vt quæ in cōcilio gesta fuerant confirmare dignaretur: quod ille fecit vt constat ex actis eiusdem concilii. Hoc idem fecit concilium Calcedonense cum Leone, vt cōstat ex tertia actione eiusdē concilii in fine. Leo tertius huius nominis papa sextę synodi cōfirmationem dedit, petente Constantino imperatore, quæ habetur in fine eiusdem synodi. Et non solū in conciliis hunc exercuit primatum Romanus pontifex, sed etiam in litibus sedandis: quoniā ad illum tanquā ad supremū iudicē semper sunt causę deuolutæ ex omni terrarū orbe. Cum enim in ipsis feruē nascentis ecclesię primordiis orta esset quæstio inter orientales & occidentales de paschæ celebratione, venit hac de causa Romā Polycarpus Smyrnæ episcopus, & Ioan. Evangelistę discipulus, vt Anicetum tunc Romanum pontificem de hac re consuleret. Cum postea orientales vellent semper pascha 14. luna more Iudaico celebrare, & Victori papæ oppositum præcipiendi obedire nollent, Victor papa voluit eos excommunicare: verū Irenæus qui ex Lugduno ad Victorem hac

de causa venerat, veritus ne propter hoc ecclesia turbaretur, & dissidium perpetuum inter orientales & occidentales maneret, consuluit Victori ne id faceret: cuius consilio Victor cessit. Cum Athanasius fuisset ab Arrianis expulsus a sua sede Alexandrina, fuit idem restitutus per Iulium Papam huius nominis primum. Chrysostomus cum fuisset eiectus a sua sede Constantinopolitana procurante hoc Theophilo Alexandrino episcopo, fuit postea restitutus per Innocentium papam: & tamen uterque Graecus Athanasius videlicet, & Chrysostomus. Taceo de Hispania & Gallia, quia harum provinciarum episcopi semper obedierunt Romano pontifici, neque unquam ab illo recesserunt, nisi forte unus aut alter haereticus. Hoc enim facile est nosse ex epistolis summorum pontificum ad episcopos istarum nationum, praesertim ex epistolis Innocentii primi, & Leonis & Gregorii etiam primi. Ergo si tantam ac tam latam potestatem, non Dei iussu Romanus pontifex, sed sua ut (ut Lutherus ait) acquisiuit, ostendat obsecro Lutherus quando primum tam latam possessionem adeptus est, quibus suffragiis, quo milite hanc tyrannidem usurpauit. Non est enim vero simile, ut tam immensae potentiae obscurum sit initium, ex historiis nobis rei initium deducat. Illud sane cogit ut huic fabulae nulla praestetur fides si aduertat quisque; minime fieri posse, sacerdotem inermem solum, nullo milite stipatum (qualem fuisse necesse est priusquam hac tyrannide potiretur) nullo iure fultum, nullo fretum titu. in tot ubique pares episcopos, apud tam varias tamque diuisas nationes, tantum obtinere imperium, ut non solum episcopi, sed reges & imperatores qui extra illius diocesim vitam degunt, illi obediant. Quis etiam tam stupidus est, ut credat populos omnes, regna, provincias fuisse sui iuris ac libertatis tam prodigos, ut externo sacerdoti, cui nulla subiectionis causa tenerentur obnoxii, tantum in se potestatis darent, quantum ipse forte vix ausus esset optare, aut saltem petere? Abeant ergo haeretici, & nos fidem ecclesiae catholicae tenentes, fateamur unum esse in illa summum sacerdotem, ut sicut ipsa unus est ouile, ita sit unus illius pastor. De hac re extat concilii Constantiensis definitio. Nam praedictum concilium sessione octaua damnauit 45. articulos Ioan. Vuitcleff. ex quibus 36. est iste: Ecclesia Roma. est synagoga Satanae, nec papa est immediatus & proximus vicarius Christi. Quae assertio simul cum aliis eiusdem ibidem damnata est. Et sessione 15. damnantur in eodem concilio plures assertiones Ioan. Huss, quarum aliquae sunt ad hanc

Concilium  
Constan.



ad hanc rem pertinentes. Et concilium Florétinum sub Eugenio 4. pro Græcorum vnione celebratum, expressiorem de hac re protulit definitionem. Sic enim ait, Item definimus sanctam apostolicam sedem & Romanū pontificem in vniuersum orbē tenere primatū: & ipsum Romanum pontificem successorem esse B. Petri principis Apostolorum, & verum Christi vicariū: totiusque ecclesiæ caput, & omnium Christianorum patrem ac doctorem existere: & ipsi in B. Petro pascendi, regendi, ac gubernandi vniuersalem ecclesiam, à domino nostro Iesu Christo plenam potestatem traditam esse: quæadmodum etiam in gestis hycumenicorum conciliorū, & in sacris canonibus conrinetur. Hæc concilium Florétinum, cui Græci præsentibus subscripserunt. Obiectiones Lutheri impræsentiarum non attuli, quoniam omnes friuolæ sunt, & earum præcipuis iam cum aduersus illum nos ageremus, respondimus. Contra hanc hæresim scripsit egregium & grande volumen Ioan. Eccius, quod inscribitur de primatu Petri: scripsit etiam Ioannes faber in magno opere quod fecit contra Lutherum. Rem eandem optimè pertractat Ioānes Rossensis articulo 25. assertionis quam fecit pro Lutheri damnatione.

*Concilium  
Florenti-  
num.*

Secunda hæresis est quæ etsi non tollat papæ potestatem, illam tamen asserit pendere ex sanctitate, ita vt si papa bonus non sit, nullam prorsus habeat potestatem. Huius pestiferæ sectæ authores fuerunt quidam dicti pseudoapostoli, qui docuerunt papam non posse aliquem absoluerenisi ea esset præditus sanctitate, qua polluit B. Petrus. Quapropter asseriebant isti omnem potestatem quam Christus Romano pontifici & Petri successori concessit, esse iam inanem redditam, & omnino periiisse propter malitiam Romanorū pontificum. His pseudoapostolis in hac parte assentit Ioan. Vutcleff: hunc autem semper imitatus est Ioannes Huss: qui in vniuersum de omni potestate tam laicali quā ecclesiastica dicunt eam per peccatum mortale amitti. Quapropter huius erroris expugnationē vsque ad illum locum differimus, quo de potestate in genere loquimur. Illo enim loco Deo adiutore probabimus nullam potestatem amitti propter solum peccatum mortale.

*Pseudo  
apostoli.*

Alii sunt errores qui ad hanc materiam spectant, de quibus iam aliis locis pro nostris viribus disseruimus. Nā quod papa possit facere constitutiones, & per illas omnes Christianos obligare, supra in tit. de ecclesia hæresi 3. probauimus contra Val-



denfes, Begardos, Vuitclehtas &c. De potestate concedendi indulgentias, supra in tit. de indulgentiis non nihil diximus.

P A S C H A.

**F**Vit quondā inter Asiaticos episcopos talis error, vt quartadecima luna dominicū pascha inuolabiliter celebrarēt, & ita esse necessariō faciendum docerent. Qua de re fuit orta dissensio inter orientales & occidentales episcopos, illis dicentibus pascha esse necessariō celebrandū. 14. luna quacunque die venisset: quoniā eo die ex lege veteri pascha erat: his autē scilicet occidentalibus cōtrā asserētibus debere celebrari dominico die in memoriam resurrectionis dominicæ. Et hæc quæstio orta est in ecclesia tēpore Aniceti papæ, & durauit vsque ad tēpus Victoris papæ huius nominis primi, qui orientales Romanæ cōsuetudini & eius in hac parte decretis obedire nolētes excommunicare tentauit, & fecisset nisi illū Irenæus ob hoc redarguisset. Post Victorē etiā aliquādo hæc quæstio suscitata est, sed tadē in cōcilio Niceno omnino finita est. Nā in illo cōcilio decretum est vt ab omnibus pascha celebraretur die dominico in memoriā dominicæ resurrectionis quæ illo die facta est, quoniā hoc maior ecclesiæ pars semper seruauerat vt dominico die semper pascha celebrauerit. Huiusmodi decretū non reperitur inter decreta Niceni cōcilii quæ modo extāt, sed illud habetur in 2. lib. histo. tripar. cap. 12. Cæterū hic admonere oportet lectorē ne putet huius erroris tutores ideo dici hereticos, quia 14. luna pascha celebrabāt, sed quia ita esse necessariō faciendum credebant. Poterat enim impune ipsum pascha 14. luna celebrari si ecclesia id statuisset, & tunc si ita celebrarent, non malē agerent. Verū ecclesia in memoriā dominicæ resurrectionis quæ die dominico facta esse creditur, decreuit vt pascha semper die dominico celebraretur. Nūc ergo post ecclesiæ statutū non licet alio die pascha celebrare. Qui autē 14. luna quocunque die veniat, pascha celebrat, quāuis male agat, non tamē est hæreticus censendus, nisi ita esse necessario faciendū crediderit. Nā si credit pascha esse necessario celebrandū 14. luna, quocūque die illa occurrat, tūc vere hæreticus est. Et sic credētes vocantur Tessarescatitæ, hoc est quartadecimani, sic appellati à 14. luna, qua putāt pascha esse necessario celebrandū. Huius hæresis auctorem & primū inuentorē nō expressit Augu. in lib. de hære. quāuis hanc hæresim inter alias recēseat. 29. sed solū dicit illos vocari Tessarescatitas. Tertullia. tamē in libel. suo de hæresibus

*Cōcilium  
Nicenum.*

*Tessarescatita.*

testib. nominat quendam Blastum quē dicit fuisse huius h̄eresis Blastus.  
 authorem. Huic errori (teste Aug.) adh̄aserūt Anthropomor- Anthropo-  
 phit̄. Istorū ergo sententia inde cōvincitur h̄ereseos, q̄ sup̄a morphita.  
 in tit. de lege ostendimus esse h̄eresim asserere c̄eremonias &  
 iudicia legis veteris obligare tempore legis euāgelic̄e. At quo  
 tempore sit pascha celebrandū, ad c̄eremonias pertinet, ideo  
 oportet vt tale pr̄ceptū de celebratione paschatis 14. luna, sit  
 etiā per mortē Christi inane redditū. Nā Paulus reprehendēs  
 Galatas eō q̄ c̄eremonias legis obseruādas putarent, inter alia Gal. 4  
 dicit, Dies obseruatis & menses & tempora & annos. Quibus  
 verbis apertē docuit dierum obseruationem qui in lege veteri  
 pr̄cipiebantur, iam esse malam: tantum abest vt eam esse sub  
 pr̄cepto crediderit. Qui rem gestam plenē nosse cupit, legat  
 Eusebium in historia ecclesiastica cap. 24. lib. 5. quoniam ibi  
 narrat quo pacto h̄c quæstio fuerit olim ventilata. Historia  
 etiam tripartita lib. 9. cap. 37 & 38. aliquid vltra narrat.

## P A V P E R T A S.

**D**E hac re est vnus error quo docetur neminē posse ad vitā  
 æternam peruenire nisi taliter fuerit pauper, q̄ nihil pro-  
 prium habeat: quoniā (vt illius tutores aiunt) talis fuerit Apo-  
 stolorum vita. Huius erroris authores teste Aug. in lib. de h̄- Apostolici  
 res lib. cap. 40. vocati sunt Apostolici, qui arrogantissimē sibi  
 ipsis tale indidere nomen, dicentes se Apostolorū vitam sequi.  
 Hęc sententia apertissimē cōvincitur esse h̄eretica, quoniā ni-  
 hil est vitę æternę repugnās, nisi tale sit expressa prohibitionē  
 interdictū. Nam quod nunquā est prohibitum, intelligitur esse  
 concessum, & per cōsequens nō potest, cum factū fuerit, ab in-  
 gressu glorię aliquē impedire. At propriū habere, nunquā fuit  
 à Deo omnibus sine discrimine prohibitum: erit ergo licitum.  
 Quod si quis dicat Christū interdixisse omnibus rerū proprie-  
 tatē per id quod habetur apud Lucā, Nisi quis renunciauerit o- Luc. 14  
 mnibus quę possidet, non potest meus esse discipulus: factum  
 est: quoniā illis verbis solū prohibuit Christus affectum rerū  
 temporalium, nō autē proprietatē. Ille enim visus est Christo o-  
 mnibus renunciaisse, qui quantum diuitias habeat, paratus est oēs  
 perdere antequā Deū p̄pter illas offendar. Et si quis cōrederit  
 illa verba esse intelligēda de renūciatione quātū ad opus, & nō  
 de renūciatione in affectu, dicat tūc quo pacto intelligendum  
 erit illud quod apud eundē Lucā habetur, Amē dico vobis, ne- Luc. 18  
 mo est qui reliquit domum aut parentes, aut fratres, aut vxorē;

aut filios propter regnū Dei, & nō recipiat multò plura in hoc tempore, & in seculo futuro vitam æternam. Ecce qualiter præcipit relinquere domū: quoniā eodem modo iubet illam relinquere, quomodo iubet relinquere parētes, & fratres, & uxorem, & filios. At hæc omnia non ita vult à nobis relinquere, ut illis careamus, sed ne in illis cor nostrū taliter figamus, q̄ illarū rerū amor nos ab amore Dei separet. Nā qui parētes habet, nō potest illos relinquere sic ut illis careat, nisi parētes moriātur, quoniā quocunq; se vertat, dum viuūt, parentes erunt illius. parētes autē interficere est impium. nō ergo sic præcipitur parētes relinquere, ut parentes sui esse desināt: & per cōsequens nec sic etiā præcipitur domū aut aliam possessionē relinquere, ut sua esse desinat, sed sic præcipitur, ut similia relinquat, ne videlicet illarum rerū affectus nos quoquo pacto ad Dei amorē, aut omnino frigidus, aut tepidos efficiat. Sic ergo eas possidere oportet, ut fiat iuxta prophetæ consiliū dicētis, Diuitiæ si affluāt, nolite cor apponere. Et si quis obiiciat illud quod Christus dixit discipulis suis cū eos ad prædicandū misit, Nolite possidere aurū, neq; *Mat. 10* argentū, neq; pecuniā in zonis vestris: huic respondemus, illa verba nō pertinere ad omnes Christianos, sed ad solos apostolos: neq; ad illos pro omni tēpore, sed solū pro eo tēpore quo ad prædicandū mittebātur. Verū de hac re superius in ti. de apostolis, hæresi 2. longius disputauimus. Præterea cū iuuenis quidam à Christo quæsiuisset quid boni faceret, ut posset vitā æternam habere, respōdit illi Christus dicens, Si vis ad vitā ingredi, serua mandata. Exprimens autē quæ essent hæc mandata, nullū de abdicanda rerū proprietate explicuit: nō est ergo necessariū rerū abdicationē facere, quamuis sit maioris perfectionis: quod ipse ordo verborū Christi apertissimè ostēdit. Nam postquam dixit obseruationē mandatorū esse sufficientē ad vitā æternam consequendā, postea exprimere volēs maioris perfectionis statum, dixit: Si vis perfectus esse, vade & vende omnia quæ habes, & da pauperibus, & sequere me. Hoc inquā perfectionis maioris est opus, nō necessitatis. Rursum, Si nihil licet habere propriū, quomodo beatus Paulus iubet reddi omnibus debita? cui tributum, tributū: cui vectigal, vectigal? Si enim nō licet habere propriū, nullū erit debitum principi tributū aut vectigal. At tributa debentur principibus, ergo licet habere propriū. Valeant ergo superciliosi apostolici & renuncient rerum proprietati, si ipsi volunt: & bene facient si viam salutis non præcludāt aliis



alijs qui proprium aliquid sibi retinent.

Secunda hæresis est quæ adeo paupertatē extollit, vt dicat omnia peccata cōsumi sola paupertate. Huius erroris author fuit quidam Guilielmus Antuerpiensis, vt testatur catalogus hæreticorum. Quo autē tempore hic Guilielmus fuerit, cū catalogus Antuerpiensis. subtraheretur, ab alio discere nō potui. Hūc tamē Guilielmū dicit fuisse hominem deliciis carnis deditū, & postea rebus suis renunciaſſe, dicentē paupertate omnia peccata deleri, & meliorem eſſe publicā meretricē pauperem, quā sit quicunq; caſtus aliquid poſſidens. Et certē ſi de paupertate ſpiritus loqueretur, non moueremus arma cōtra eum, quoniam hæc paupertas ſpiritus, quæ eſt omnium rerum terrenarū contemptus, cū habeat ſecum, tanquā illi annexam charitatē, non patitur peccatū mortale ſecum, quemadmodū nec charitas. Ideo Chriſtus ait: Beati pauperes ſpiritu, quoniam ipſorū eſt regnum cœlorum. Verū conſtat hunc hæreticum non loqui de hac paupertate, ſed de illa paupertate quæ alio nomine dicitur inopia, quæ eſt defectus quidam, & ſola diuitiarum priuatio. Contra hāc ſententiam eſt illud quod Dominus ait: Pauperis non miſereberis in iudicio, Si pauperem Dominus damnari præcepit in iudicio: ergo ſignum eſt poſſe fieri vt pauper ſit, & reus. Præterea ex tribus quæ odit Sapiens, vnum eſt pauper ſuperbus. Tres (inquit) ſpecies odiuit anima mea, & aggrauor valde animæ illorum, pauperem ſuperbum, & diuitem mendacem, & ſenem fatuum & inſanſatū. Ecce vides pauperem ſuperbū. Si ſuperbum, ergo peccatorem: & per conſequens oportet vt nō omnia peccata cōſumat paupertas, cū ſecum patiat ſuperbiam. Rurſum, ipſe veritatis magiſter ait: Si vis perfectus eſſe, vade & vende omnia quæ habes & da pauperibus: & ſequere me. Si paupertas ſufficeret conſumere omnia peccata, poſtquam Chriſtus præceperat, iuueni vt venderet omnia quæ habebat, & daret pauperibus, nō erat opus poſtea addere, & ſequere me. Verū quoniam poſſibile erat omnia vendere, & in eleemoſynas pauperum diſtribuire, & cum his peccare: ideo Chriſtus poſt illa ſubiūxit, & ſequere me. Quod Paulus apertius exprimere volens, dixit: Si diſtribuero omnes facultates meas in cibos pauperum, charitatē autē nō habuero, nihil mihi prodeſt. Ecce paupertatē nec ſolā, ſed cōiunctā eleemoſynę, nō valentē cōſumere peccatū, quoniā illā dicit Paulus poſſe haberi ſine charitate, & nihil prodeſſe.

Tertia hæreſis cum ſecundā proximē narrata hæreſi velut ex



diametro pugnat. dicit enim paupertatem non solū esse inu-  
*Deside-* lem, sed etiam noxiam. Huius erroris author fuit quidam De-  
*rius Lon-* siderius Longobardus tempore Alexandri papae huius nomi-  
*gobardus.* nis quarti, dicens non esse licitū omnia pro Christo relinque-  
re, nisi talem religionem intret quae possessiones habeat, vel nisi  
talis sit qui de labore manū suarū viuere possit. Eodē tēpore  
*Guiliel-* fuit alius Guilielmus de sancto Amore, qui tractatum quēdam  
*mus de san* scripsit contra monachos mendicantes praesertim contra Mi-  
*sto Amore* nores & Praedicatores, in quo libro hoc persuadere conatus est  
paupertatem videlicet habitualement esse licitam, nō autē actua-  
lem, hoc est, licitam esse animi promptitudinem ad relinquen-  
dum omnia pro Christo cum necessitas urgeret: hac tamen ne-  
cessitate seclusa illicitam esse dicit paupertatem per quam ali-  
quis renunciat omnibus quae possidet, ut liberior Deo seruire li-  
ceat. Et licet diuersa sint istorum duorum verba, inter eos tamē  
de eadem reconuenit, quoniam ambo damnant paupertatem  
secundum quam aliquis omnia pro Christo relinquit. De alia  
verō re certare videtur, quoniam Desiderius etiam paupertatem  
se probare innuit, quae habetur in religionibus possessiones ha-  
bentibus: damnat tamen illam paupertatē cui est annexa men-  
dicitas. At Guilielmus de sancto Amore omnem paupertatem  
actualement damnat. Mendicitatem esse licitam, & merito-  
riam, superius in titulo de mendicitate satis apertē (ut existimo)  
ostendimus. Ad paupertatem verō extollendam sufficit illud  
quod veritatis magister dixit iuueni quzerenti quid boni face-  
ret, ut vitam aeternam possideret. Nam postquam dixerat illi  
mandatorum obseruationem esse ad id praestandum satis effi-  
*Mat. 19* cacem, maioris perfectionis viam ostendere illi volens, subdi-  
dit, Si vis perfectus esse, vade & vende omnia quae habes, & da  
pauperibus, & sequere me. Quod si quis fortē dicat illud esse  
intelligendum de affectu, ut videlicet omnia cōtemnat, nō au-  
tem ut opere relinquat: hoc apertē cōuincitur per id quod ibi-  
dem dicitur, ita pauperibus. eo enim animo debet vendere, ut  
det pauperibus. At qui dat pauperibus, non solū affectu relin-  
quit, sed etiam opere. Sed fortē dices ut illa bonorum in pau-  
peres erogatio, sit etiam illi iuueni praepcepta quantum ad solū  
affectum. Ad hunc modum posset quilibet interpretari omnia  
praepcepta esse intelligenda de solo affectu, & ita nullum opus  
erit in praepcepto. Praeterea, si solū praecipiebatur affectus, &  
non opus, quare iuuenis audito Christi cōsilio abiit tristis? Non  
enim

enim fuisset tristitia affectus si nihil fuisset illi dictum de bonorum suorum renuntiatione, & pauperum subuentione exercenda. Cum audisset (inquit Euangelista) adolescens verbum hoc, abiit tristis. Erat enim habens multas possessiones. Ecce *ibidem.* causam quare abiit tristis, quia videlicet multas habebat possessiones quas Dominus illi præcipiebat ut pauperibus distribuere. Sic enim Theophylactus super decimum octauum Luce caput ait, Ut enim Christus avaro iuueni promissit cælestē thesaurum, nō attendit ille: seruus enim erat pecuniarum: ideo ut audiuit, abiit tristis, eō quod possessionis priuatio esset ei dicta. Hæc Theophylactus. Quo loco multa alia in laudem paupertatis dicit, declarans apertè illa Christi verba de renuntiatione, opere exercenda ad acquirēdam illam perfectionem quā Deus iuueni consulebat. Sed hæc omnia breuitatis causa omitto. Rursum, Apostoli reliquerunt omnia pro Christo: nam relictis omnibus sequuti sunt eum. Et Petrus omnium nomine dicit Christo omnium magistro, Ecce nos reliquimus omnia, & sequuti sumus te, quid ergo erit nobis? Deinde ecclesia cuius iudicium in rebus fidei est infallibile, probauit monachorū mendicantium paupertatem non solum esse licitam, verum & meritariam. Magis ergo oportet credere ecclesiæ paupertatē laudanti quā hæreticis illam vituperantibus. Contra hanc hæresim Alexander quartus duo decreta edidit. Contra illam scripsit bis beatus Bonauentura. scripsit enim apologiam de paupertate, & alium tractatum de paupertate Christi, cōtra præfatum Guilielmum, qui duo tractatus habentur inter opuscula Bonauenturæ quæ vulgò circumferuntur. Beatus Thomas scripsit cōtra eandē hæresim vnū tractatū cuius titulus est, cōtra impugnantes religionē, qui habetur in volumine opusculorū eius. Quarta hæresis est quæ de ecclesiasticorū paupertate disserit, asserens ecclesiasticos viros debere esse pauperes, sola contēctis elemosyna. Verum de hac hæresi iam suprà disputauimus in titulo de ecclesia, hæresi quarta. Illo enim loco ostendimus licitum esse viris ecclesiasticis habere possessiones & redditus.

## PECCATVM.

Circa ea quæ de peccato fides catho. nobis credēda proponit multifariē hæretici hucusq; peccauerūt. Primò quidē errauerūt aliqui dicētes nullū esse peccatū originale: quā ob causam dicūt paruulos nullū peccatū originale habere. Huius erroris

*Pelagius* roris magister fuit *Pela. mona. dicēs* paruulos nō ideo baptiza-  
*monachus* ri quia peccatū habeāt quod per baptisnū sit remittendū, sed  
quia nō sint recepti in gratiā adoptionis filiorū Dei, ad quā di-  
cit eos per baptisnū recipi, vt in regnū cœlorū admittātur. Nā  
paruulos qui sine baptismo decedūt, dicit eos habere vitā quan-  
dā beatā & æternā, extra tamen regnū Dei. Hæc omnia incō-  
moda Pelagius admittit, cō quod negat originale peccatum,

*Armeni.* quod intelligere non valet. Hunc eundem errorē tutantur Ar-  
meni, quanquā aliter, quoniam etsi dicant originale peccatū  
nullum esse, fatentur tamen baptismum esse necessariū ad vi-  
tam æternam consequendam. Paruulos verō qui sine baptis-  
mo decedunt, negant habere vitam æternam, sed dicunt eos ire  
ad paradysum terrestrem, si filij sint fidelīū: quod si fuerint infi-  
delium filij, dicunt illos descendere in infernum cum parenti-  
bus suis. Omīssis ergo aliis erroribus qui huic proposito mini-  
mē conueniunt, constat hunc esse communem istorum errorē,  
quod Armeni consentiunt Pelagio in hoc quod peccatum ori-  
ginale negant. Eidem errori fauent Albanenses. Contra hanc  
*Albanens-* hæresim est illud quod in tertio Regum habetur, Nō est homo  
*ses.*

3. Re. 8 qui non peccet. At cum paruuli sint homines sicut viri, conuin-  
citur inde illos etiam aliquod peccatum habere. Nō autem ha-  
bent peccatum actuale, cū non adhuc habeant vsum liberi ar-  
bitrij, qui maximē exigitur vt peccatum possit alicui imputa-  
ri: ergo oportet vt paruuli peccatum originale habeant, cū non  
sit aliud peccatum quo infici possunt, nisi originale aut actua-  
le. Aliās enim non esset verum, omnem hominem aliquando  
esse peccato obnoxium, quod iuxta scripturam diuinā de omni  
homine illud est verum, quoniam etū paruulus baptizatus, tūc  
omni peccato careat, tamen aliquando sub peccato fuit, vide-  
licet ante baptismum. Si tamen nullum est peccatum origina-  
le, multi erunt homines, videlicet paruuli, qui nunquam pecca-  
uerunt. Præterea, regius Propheta suam miseriam rectius quā

*Pel. 50* Pelagius agnoscens, ait: Ecce enim in iniquitatibus conceptus  
sum, & in peccatis concepit me mater mea. Petens enim à Deo  
misericordiam quō facilius eam impetret, allegat suam mise-  
ram inclinationem, & in peccatum pronitatem, quam à paren-  
tibus contraxerat. Ac si diceret, Ideo misereri mei debes, quia  
non ex malitia, sed ex infirmitate peccaui: hanc autem infirmi-  
tatem in ipso matris vtero conceptus, passus sum. Si nullum est  
peccatum originale, ostendat Pelagius & eius imitatores quā  
nam



nam fit illa iniquitas, & quod est illud peccatum quod infans in utero matris habet. Cum ergo aliud non possit esse peccatū præter originale, conuincitur inde ut aliquod sit originale peccatum. Rursum, Sapiens in Ecclesiastico ait: Graue iugum super filios Adam à die exitus de ventre matris eorum usque in diem sepulturæ in matre omnium. Quod est aliud iugum super omnes filios Adam, nisi peccatum originale, quod ab Adā descendens in omnes homines pertransiit? Iugum autem dicitur peccatum originale, quia iugum ex coniunctione duorum oritur, & illud cui imponitur, quodammodo premit. Sic etiam peccatū originale contrahit omnis homo qui ex coniunctione maris & foeminæ concipitur. Quapropter Christus redemptor noster, etsi verus fuerit homo & filius Adā secundum corpulētam substantiam, nunquā tamen iugum originalis peccati suscepit, quia operante Altissimi virtute incarnatus est de spiritu sancto, & non ex coniunctione duorum, videlicet maris & foeminæ. Quod autem dixit Ecclesiasticus hoc iugum esse super omnes filios Adam usque in diem sepulturæ, ideo dixit, quia etsi peccatum originale per baptismum deleatur, manent tamen toto tempore huius præsentis vitæ multæ calamitates & miseræ, quæ ex peccato originali tanquā ex fonte ortum habuerunt. Deinde beatus Paulus in ea quæ est ad Romanos epistola, ait: Omnes peccauerunt, & egēt gratia Dei. Si omnes peccauerunt, ergo paruuli peccauerunt. Non autem peccauerunt peccato actuali, qui ad usum liberi arbitrij nondum peruenerunt: ergo peccauerunt peccato originali. Et in eadem epistola iterum ait: Sicut per vnum hominem peccatum in hunc mundum intrauit, & per peccatū mors, ita in omnes homines mors pertransiit, in quo omnes peccauerunt. Si per peccatum mors intrauit in omnes homines, ergo iniuste paruuli moriuntur, quoniam illi antequā ad annos discretionis peruenerint, nullum iuxta istorum hereticorum doctrinam peccatum habent. Similiter potest ab istis hæreticis peti quare paruuli sustineant dolores, patiantur famem & sitim, vexentur sæpissime à dæmonibus, si nullum habent peccatum, ex quo hæc omnia processerunt? Cum ergo omnia hæc paruuli patiantur, constat eos aliquod peccatum habuisse propter quod sic puniuntur: alioqui iniustus esset Deus, qui prius aliquem puniret quā ille esset peccator. At impium est crimē iniustitiæ Deo impingere: impium est ergo asserere nullum esse peccatum originale. Quod si aliquod

Ecc. 40

Rom. 3

Rom. 5



*Marci 7<sup>lt</sup>.* si aliquod est peccatum originale, oportet ut illud per baptismum tollatur: quoniam paruulus si baptizatus decedit, saluatur, iuxta illud Saluatoris, Qui crediderit, & baptizatus fuerit, saluus erit. At si post susceptum baptismum peccatum maneret, non saluaretur: quia in illam supernam ciuitatem sanctam Hierusalem nihil inquinatum intrat: quapropter oportet ut baptismi lauacro peccati originalis maculam deleat, qui in gloriam intrare vult. Sic enim Saluator ait: Nisi quis renatus fuerit ex aqua & spiritu sancto, non potest introire in regnum Dei.

*Ioan. 3* De hac re extat concilij Mileuitani definitio, quod in secundo capite decretorum eius de hac re aduersus Pelagium sub verbis sequentibus definit: Item placuit ut quicumque paruulos recentes ab uteris matrum baptizandos negat, aut dicit quidem in remissionem peccatorum eos baptizari, sed nihil ex Adam trahere originalis peccati, quod regenerationis lauacro expietur, unde sit consequens ut in eis forma baptismatis in remissionem peccatorum, non vera, sed falsa intelligatur, anathema sit. Contra hanc haeresim scribit Augustinus in illo opere quod dicitur Hypognosticon, lib. 5. Fecit & alium tractatum qui inscribitur de baptismo paruulorum, & hic habetur in volumine epistolarum eius, epist. 2. Ceterum quod Armeni dicunt paruulos infidelium sine baptismo decedentes, descendere ad infernum cum suis parentibus, hoc ex proximè sequenti haeresi patebit esse falsum, quoniam ibi ostendemus neminem damnari nisi propter peccatum proprium.

*Armeni.* Secunda haeresis docet omnes homines ante passionem Christi fuisse damnatos propter peccatum primorum parentum. Huius haeresis authores Guido asserit esse Armenos. Dicit enim Armenos sentire primorum parentum peccatum fuisse adeo noxium, ut toti posteritati usque ad passionem Christi nocuerit, & eam in infernum traxerit, non quidem propter originale peccatum, quod à primis parentibus deduxerunt nascentes, quia illud (ut proximè præcedenti haeresi patuit) nullum esse dicunt, sed dicunt omnes, fuisse damnatos propter proprium primorum parentum peccatum, etiam si ipsi in se nullum habuerint peccatum. Hæc haeresis adeo est demens & fatua, ut sola narratio sufficeret ad illam exterminandam. Verum quia contra homines effrontes & duræ cervicis agimus: ideo oportet ut aliquod in illos iaciamus telum, quo illos transfigamus. Primo ergo id constat esse falsum, omnes videlicet homines usque ad Christi

passio

passionem fuisse damnatos. Abraham siquidem Isaac & Iacob  
 ante Christi passionem per multas annorum centurias fuerunt,  
 & tamē hos fuisse saluos aperte ipsa scriptura docet. Multi (in- Mat. 8  
 quit Christus) venient ab oriente & occidente, & recumbent cū  
 Abraham Isaac & Iacob in regno cœlorū. Ecce Christus aper-  
 te docet hos tres patriarchas pertinere ad regnum cœlorum:  
 ergo nunquā fuerunt in inferno damnati: quoniā aliās nun-  
 quā inde exiissent, quū in inferno nulla sit redemptio. Præ- Luc. 16  
 terea Christus ostendens quā latum sit inter diuitem & pau-  
 perem discrimen, dixit diuitem epulonein post mortem esse  
 sepultum in inferno, cum tamen Lazarus mendicus fuisset de-  
 portatus ab angelis in sinum Abraham. Si vterque damnatus,  
 quod ergo discrimen inter istos? Vnus ab angelis deportatur,  
 alter autem à dæmonibus sepelitur. Si Lazarus damnatus est,  
 cur diues auxilium illius ab Abraham petit? Si Lazarus dam-  
 natus erat, quomodo poterat digito suo intingens linguam di-  
 uitis, illius ardorem temperare? Rursum, qui iusti fuerunt, non  
 est possibile vt damnati sint in iustitia decedentes: quoniam nō  
 est Deus iniustus, vt simul iustum cum impio damnet. At de Heb. 11  
 multis scriptura testatur eos fuisse iustos, vt de Abel, Enoch,  
 Abraham, Moyse, Dauide: nullus ergo istorum damnatus est.  
 Verū esto damnati sint omnes (vt Armeni asserunt) impos-  
 sibile est illos fuisse damnatos propter solum primorū paren-  
 tum peccatum, nisi ipsi etiā aliquod propriū habuissent pec-  
 catum. Iniustus enim esset Deus si aliquem sine culpa sua dam-  
 naret: quoniam et si Deus aliquando temporariam & transito-  
 riam infligat pœnam alicui propter peccatum alterius, nun-  
 quā tamen aliquem propter peccatum alterius æternaliter  
 damnat. Nam cum aliquem Deus propter alterius peccatū pœ-  
 na temporali punit, vt videlicet cum filium propter peccatum  
 patris, & contra, aut principem propter subditos, & econuerso:  
 tūc ipsummet peccantem in re propria punit, videlicet patrem  
 in filij morte. Filium verò qui nihil mali egit, non propriè pu-  
 nit, cum propter maius bonum eius Deus illi talem pœnā in-  
 ferat. Et sic ad patrem comparata illa pœna est punitio: ad  
 ipsum verò patientem, videlicet filium, illa pœna non est di-  
 cenda punitio, quia nunquā Deus illā infligit nisi vt ad ma-  
 ius ipsius patientis commodum cedat. At qui æternaliter dam-  
 natus est, ex hoc nullum maius bonum consequi potest: qua-  
 propter nunquā talem damnationem Deus alicui infligit,  
 nisi

nisi propriis eam exigentibus demeritis. Deus enim punire volens David ob adulterium cum Bersabe commissum, filium ex illo adulterio natum mori fecit, qua morte David puniuit, aufere illi rem propriam, & quam maximè diligebat, videlicet filium suum. Filius autem non potest dici punitus, cum nullam habuisset culpam, quoniam etsi mortuus est, hæc tamen mors in maius illi bonum cecidit, quoniam raptus est, ne malitia mutaret animam eius, & similia patri committeret. At si in æternum periisset filius, quod quæto illi poterat euenire commodum ex illa damnatione? Nunquam ergo Deus aliquem æterna morte damnat, nisi propter propria demerita. Nam & ipse-  
*Sap. 4* **Eze. 18** met sic se facturum pollicetur per Ezechielem prophetam, dicens, Ecce omnes animæ meæ sunt. Vt anima patris, ita & anima filij mea est. Anima quæ peccauerit ipsa morietur. Et parū infrā de filio bono habente patrem peccatorem loquens, hæc subiungit, Hic non morietur in iniquitate patris sui, sed vita viuet. Pater eius quia calumniatus est, & vim fecit fratri, & malū operatus est in medio populi sui, ecce mortuus est in iniquitate sua. Et dicitis, Quare non portabit filius iniquitatem patris? videlicet quia filius iudiciū & iustitiam operatus est, omnia præcepta mea custodiuit, & fecit illa, viuet vita. Anima quæ peccauerit, ipsa morietur. Filius non portabit iniquitatem patris, & pater non portabit iniquitatem filij. Hucusque Deus per Ezechielem prophetam. Vereantur ergo impii Armeni cōtra tam expressum scripturæ testimonium aliquid dicere, præsertim cum sua sententia maximam Deo impingat iniustitiam, ut hominem videlicet iustum, qui nullum vnquam peccatum commisit, propter culpam alterius damnet. Contra hunc errorem militat etiam illa quæ suprā contra errorem Donatistarum protulimus in titulo de Ecclesia hæresi prima: quo loco ostendimus malitiam vnius personæ nullo pacto obesse alteri ad vitam æternam.

Tertia hæresis asserit peccatum non esse à libero arbitrio, sed à dæmone. Huius hæresis author fuit Valētinus, cui postea adhæsit impius Manichæus. Eandem hæresim postea suscitauerunt Armeni, dicentes (prout Guido illis impingit) nullū fuisse futurū peccatum si dæmones non fuissent, qui homines temptatione sua ad peccandū impellerent: quapropter dicunt peccatum esse simpliciter à dæmone, & nullo modo à libero arbitrio. Armenis in hac parte cōsentiunt Albanēses. Hæc hæresis conuincitur

*Valētinus*

*Manichæus*

*Armeni*

*Albanēses*

conuincitur



conuincitur per id quod Sapiens Ecclesiasticus ait, Deus ab initio constituit hominem, & reliquit illum in manu concilii sui. Adiecit mandata & praecepta sua. Si volueris mandata conseruare, conseruabunt te, & in perpetuum fidem placitam seruare. Apposuit tibi aquam & ignem: ad quod volueris, porrige manum tuam. Ante hominem vita & mors, bonum & malum. Quod placuerit ei, dabitur illi. Haec Sapiens. Ex cuius verbis constat peccatum etiam esse à libero arbitrio, sicut & bonum opus, quoniam potest manum suam porrigere ad aquam & ad ignem, ad vitam & ad mortem, ad bonum & ad malum. Præterea si arbitrium hominis est liberum, ergo potest se ad utranque partem flectere & reflectere, quoniam alioqui non esset liberum. Cum ergo ad malum iuxta hanc libertatem se flectit, tunc malum erit ab ipso, & non à demone, cum daemon non eligat, sed ipsum hominis arbitrium. Rursum, si peccatum dicis esse à demone, aut ergo à demone cogente nostram voluntatem ad peccandum, & tunc voluntas nostra non erit libera, cum possit cogi. At voluntatem esse liberam, supra ostendimus in titulo de Libero arbitrio. Aut peccatum dicis esse à demone persuadente, eo quod solum persuadet sine coactione: & tunc necessarium est ut peccatum sit à libero arbitrio, cui daemon suadet ut malum eligat. Deinde quod Armeni dicunt nullum futurum fuisse peccatum, si daemones non fuissent qui homines tentarent: hoc conuincitur esse falsum: quoniam etsi primum hominis peccatum processit à tentatione daemonis, tamen homo potuit tunc peccare etiam si daemon non tentaret, quia homo fuerat liber creatus à Deo, quapropter bene & male agere poterat. Accedit ad hoc, quod malorum angelorum peccatum à nullo alio demone processit, sed à suo libero arbitrio. Si ergo primum daemonis peccatum commissum est absque ulla alterius demonis tentatione: ergo etiam homo potuisset peccare etiam si nulla daemonis tentatio præcessisset: quoniam multo maior est vis angelorum quam hominum. Ergo si in angelis suis reperit Deus prauitatem, quanto magis homines qui habitant domos luteas *Iob 4* corporum suorum? Præterea unusquisque tentatur (ut ait Apostolus. *Iacob. 1* Iacobus) à concupiscentia sua abstractus & illectus. non est ergo opus tentatione daemonis, ut peccatum committi possit. Demum si peccatum esset à demone, & non à libero arbitrio, frustra suaderetur hominibus ut non peccent. Sed hoc si possibile foret, esset persuadendum demoni, à quo est peccatum. Christus tamen cuidam quem ipse à languore sanauerat, ait, Ecce iam sa-



*Ioan. 5* nus factuses, iam amplius noli peccare. Et Paulus ait, Euigilate iusti, & nolite peccare. Si peccatum à demone est, & nō à nostro libero arbitrio, frustra nos monet vt caueamus à peccatis. Aduersus tam apertum errorem hæc paucula sufficiant. Cōtra hanc hæresim neminem scio qui ex professo scripserit: quamuis beatus Augustinus sæpe contra eum disputet, præsertim in libris de libero arbitrio, & in libro secundo de moribus ecclesiæ.

*Lutherus.* Quarta hæresis docet omne opus quantumlibet rectè factū esse peccatum. Huius erroris author est Lutherus, dicens iustum in omni opere bono peccare. Ex quo putrido fonte alium errorem deducit, dicens neminem esse certum se non semper peccare mortaliter. Verū de hoc errore iam suprà disputauimus in titulo de operibus. Ibi enim ostendimus ex scripturis, multa esse opera bona quæ nullam prorsus habent mixtam malitiā, & in illis certum est multos non peccasse mortaliter cum illa operati fuerint. Sed si quis vltra illa quæ nos in titulo de operibus diximus, aliquid videre desiderat, legat Ioannem Roffensem episcopum in suo opere quod fecit pro assertionem confutationis Lutheri, articulo. 35.

*Aetius.* Quintam hæresim docet Aetius, dicens nullum peccatum quantumlibet graue imputari homini habenti fidem. Hunc eundem errorem tandiu sepultum suscitauit hoc nostro seculo Lutherus, dicens solam fidem absque vllō alio opere esse satis ad vitam æternam consequendam. Sed hunc errorem iam supra ex sacris scripturis conuicimus. Nam in titulo de fide hæresi 2. ostendimus apertissimis scripturæ sacræ testimoniis fidem solam minimè sufficere ad æternam gloriam adipiscendam, sed esse etiā necessaria alia opera, illa videlicet quæ præceptis expressis nobis iniuncta sunt. Quod si opera etiam exiguntur, & sola fides non sufficit, apertissime colligitur posse fieri vt aliquod peccatum imputetur habenti fidem.

*Armeni.* Sextam hæresim inuenerunt Armeni, dicentes esse aliqua peccata prorsus irremissibilia, quæ à nullo vnquam sacerdote remitti possunt. Contra hoc est illud quod Christus dixit Petro, Quodcunque ligaueris super terram, erit ligatum & in cælis: & quodcunque solueris super terram, erit solutum & in cælis. Qui totum dicit, nihil excludit. At Christus non dixit, Si solueris hoc, aut illud, erit solutum in cælis: sed, quodcunque (inquit) solueris super terram, erit solutum & in cælis. Non est ergo

ergo aliquod peccatum quod à Petro remitti non possit. Præ-  
 terea, omnibus Apostolis dicitur, Quæcunque solueritis super Mat. 18  
 terram, erunt soluta & in cælo. Et iterum, Quorum remiseritis  
 peccata, remissa erunt. Ecce vides non solum Petro, sed omni- Ioan. 20  
 bus Apostolis datam esse potestatem soluendi nō hoc aut illud  
 peccatum, sed omne. Quæcunque (inquit) solueritis super ter-  
 ram, erūt soluta & in cælo. Verū Armeni obicere nobis pos-  
 sunt illud Saluatoris dicentis, Omne peccatum & blasphemia Mat. 2  
 remittetur hominibus: spiritus autem blasphemix non remit-  
 tetur. Et quicumque dixerit verbum contra filium hominis, re-  
 mittetur ei: qui autem dixerit contra spiritum sanctum, non  
 remittetur ei neque in hoc seculo, neque in futuro. Ex quo loco  
 videntur colligere peccatum in spiritum sanctum, non posse ab  
 aliquo sacerdote dimitti. Sed hoc non ita se habet, quoniam  
 Christus non est locutus in vniuersum de omni peccato in spi-  
 ritum sanctum, sed de aliquo. Non enim dixit nullum pecca-  
 tum in spiritum sanctum remittendum, sed dixit spiritum  
 blasphemix non remittendum. Et qui dixerit (inquit ille) con-  
 tra spiritum sanctum, non remittetur ei neque in hoc seculo,  
 neque in futuro. Et hoc nos fatemur esse aliquod peccatum  
 quod nunquam remissum est, neque remittetur. Hoc autem est  
 duritia cordis, qua homo renuit vsque ad finem vitæ remissio-  
 nem peccati per pœnitentiam accipere: tale inquam peccatum  
 nunquam remittetur, non quod irremissibile fuerit, sed quia  
 nunquam de illo peccator pœnituit, ideo nunquam in hac vita  
 remittetur. post mortem vero etiam si pœniteat, non remitte-  
 tur: quoniā à mortuo, velut qui non est, perit confessio. Quādiu  
 autem peccator viuit, illum (sicut dicit Apostolus) pœnitentia Roma. 2  
 Dei ad pœnitentiam expectat: & si pœnitentiam egerit, & a sa-  
 cerdote absolutionem recipere non contempserit, eius pecca-  
 tum quantum libet graue fuerit, absque dubio in hoc seculo re-  
 mittetur. Si verò perseverans in iniquitate, sicut ibidem subiū-  
 xit Apostolus, secundum duritiam cordis sui, & cor impœni-  
 tens, thesaurizat sibi iram in die iusti iudicii Dei: huic tali non  
 remittitur in hoc seculo, neque in futuro. Et hoc modo inter-  
 pretatur beatus Augustinus illum Matthæi locum in quadam  
 epistola ad Bonifacium comitem, quæ est quinquagesima in  
 ordine epistolarum eius. Aliter tamen hunc locum interpreta-  
 tur Richardus de sancto Victore, qui illa Christi verba dicit  
 esse intelligenda nō de remissione culpæ, sed pœnitentiæ: nam dicit

mitius fore agendum cum eo qui peccauerit in filium, quā cum eo qui peccauerit in spiritum sanctum: quoniam is qui peccauit in filium, habet excusationem, eò quòd egit per ignorantiam, & ita dignus est venia, qua videlicet aliquid de pœna peccato debita illi remittatur. Qui autē peccauit in spiritum sanctum, nullam habet excusationē, eò quòd egit ex pura malitia, & ita non est dignus venia, qua videlicet illi remittatur aliquid de pœna peccato debita. Itaq; hanc dicit esse differentiā inter eum qui peccat in patrem aut filiū, & eum qui peccat in spiritū sanctum, quòd is qui peccat in patrē aut filium, peccat ex infirmitate, aut ex ignorantia, & ideo dignus est vt aliquid ei remittatur de pœna debita, pœniteat vel non pœniteat. Is autem qui peccat in spiritum sanctū, peccat ex pura malitia: quapropter nihil profus remitteretur illi de pœna peccato debita, eò quòd nullam habeat excusationem, cum peccauerit ex pura malitia: quia etsi peccatū eius remittatur per pœnitentiā, omnem tamen pœnā peccato debitā soluet: & ita si pœnitentiam egerit pro peccato, erit solutus à culpa, sed nullo pacto à pœna. Hæc omnia differit Richardus de sancto Victore in quodam libello suo qui inscribitur de spiritu blasphemiarum. Eodem ferè modo interpretatur Theophylactus super Matthæum, quanquam hic videtur sentire, eū qui peccauerit ex infirmitate, aut ignorantia, siue in patrem, siue in filium, quod idem est, esse dignum venia: ita vt etiā si nō pœniteat, remittatur illi, eò quòd infirmitas aut ignorantia illū excusat nō solum à parte pœnæ, sed etiam à culpa. Richardus autem nō vult illum excusari à culpa, sed à parte pœnæ. & hoc dicit ille intelligendū esse per remissionem, vt ad solam pœnam referenda sit. Cæterū de peccato in spiritū sanctum cōuenit inter eos, quoniam vterque sentit ideo illud non remitti, quia nullam habet excusationē, propter quam aliquid de pœna illi debita remittatur, ita vt quamuis pœnitentia facta, culpa remittatur, oportet tamen vt omnē pœnam peccato debitam soluat. Et hoc est apud istos peccatū illud non remitti. Lege illos, & fortè videbitur tibi eorum expositio esse literæ germanior quā Augustini, quamuis huius interpretatio non sit aspernenda.

Septima hæresis asserit, nullū capitale peccatum esse tolerandum, etiā si permittatur gratia vitandi quam tumuis maioris mali. Huius hæresis authores sunt Valden. quanquā Guido Car-

*Valdenses.*

melita in sua summa de hæresib. Valdensiū errores recensens, nunquam

nunquā huius erroris meminit. Sed Aeneas Syluius, qui postea papa Pius 2. est vocatus, in libro de origine Bohemorum, cap. 35. hunc inter errores Valdensium recēset. Contra hunc errorem est illud quod Christus redemptor noster Iudæis loquens apud Matth. ait, Moyses ad duritiam cordis vestri permittit vobis di- Mat. 19  
mittere vxores vestras, ab initio autem non fuit sic. Ecce diortium viri & vxoris permissum à Moysē. At tale diortium esse malum Christus ostendit, dicens, Quod Deus coniunxit, homo non separet. Et in his verbis (vt testatur ibidem Hiero.) nō dedit nouum præceptum, sed antiquum nouauit, & instaurauit. Et Christus ipse satis apertē expressit, dicens, Ab initio autem non fuit sic. Quo verbo, docuit matrimoniū ex sua institutione fuisse indissolubile. Quod si matrimonium ex sua institutione fuit à Deo statutū indissolubile, malum est illud dissoluere. Verūm Moyses conspiciens gentem suā ad illecebras pronam, & timēs ne cum aliqua viro suo non placeret, occideretur à viro, vt ille aliam habere posset pulchriorem, permisit illis vt possent vxores suas repudiare cū vellent, vt vxoricidium vitarent. Permisit (inquit Christus) vobis Moyses ad duritiam cordis vestri dimittere vxores vestras. Si permisit, ergo nunquā tale facinus probauit: quoniā (vt ibidē admonet Chrysostomus) illa permittimus, quæ non probamus. Præterea, minus malum maiori malo comparatum habet aliquā rationē boni, videlicet defectum illius gradus malitiæ, per quē maius malū excedit minus. Omnis autem declinatio à malo bona est, Et iuxta illam rationē boni potest quodammodo acceptari à voluntate. Rursum, ea quæ fiunt per metum, sæpissime excusantur, quæ secluso metu nō essent excusanda. Nō autē excusantur nisi ratione maioris mali proximē vrgentis, ergo minus malum potest licitē quisque sumere tanquam mediū quo possit euitare maius malum quod imminet. Malum est enim si aliquis in mare proiciat merces, quas sine villo dāno poterat seruare, vt in bonos vsus cōuerteret. At si tēpestas vrgeat, iustē illas mergit, timens ne si illas seruare voluerit ipse mergatur. Et si hoc licet particulari personæ & priuatē: cur non etiā licebit personæ publicæ? Si de castitate omnium virorum firmiter connditur, malū est permittere meretrices in populo. Sed si his de populo eiectis, violanda est fides cōiugii, ita vt, sicut quidā Propheta ait, Vnusquisque ad vxorē proximi sui hinniāt, & immutandus est vsus naturæ in eum vsum qui est contra naturā, vt (sicut ait Apostolus) masculi in masculos turpi- Hiero. 5  
Roma. 1



Mat. 13 tudinem suam operentur, & si hæc verè timentur euentura, expedit tolerare meretrices magis quàm eas expellere. Accedit ad hæc præceptū patrisfamilias, qui seruis suis volētibus tollere zizania de agro in quo erat seminatū triticū præcepit vt sinerent ea vsque ad messē, ne fortè colligētes zizania, eradicarent simul & triticū. Qui zizania permittit in agro, timēs ne eradicetur triticum, minus malum permittit, vt euitet maius.

Iouiniana= nns. Octaua hæresis asserit omnia peccata esse paria, quemadmodum habent Stoicorū paradoxa. Hanc hæresim tribuit August. Iouiniano monacho. Beatus tamē Hier. qui duobus libris contra errores huius Iouiniani disputat, nunquam huius erroris meminit, neq; illum Iouiniano vnquā impingit: ex quo tamen non licet colligere Iouinianum nō ita sentisse. Potuit enim fieri vt ad Hieronymi notitiam hic error non deueniret, & propterea non scripserit aduersus eum, quamuis aduersus omnes Iouiniani errores scribere decreuisset. Verū esto non sit hoc à Iouiniano assertum: cum iam sit de hoc errore notatus, oportet vt aliqua aduersus illum proferamus. Christus enim redemptor noster apertissimè docet esse aliquam peccatorū inæqualitatē. sic enim apud Matth. ait, Ego dico vobis, quia omnis qui irascitur fratri suo, reus erit iudicio: qui autem dixerit fratri suo racha, reus erit cōcilio: qui autem dixerit fatue, reus erit gehennæ ignis. His verbis aperte ostēditur peccatorū differentia, ex differentia reatus. Peius est enim esse reū gehennæ ignis quàm esse reū iudicio, aut esse reū concilio. ergo peius est etiā dicere fatue, quàm dicere racha. Præterea loquens Christus discipulis suis Mat. 10 de illis qui noluisent eos hospitio recipere, ait, Amen dico vobis, tolerabilius erit terræ Sodomorū & Gomorreorū in die iudicij, quàm illi ciuitati. Si tolerabilius, ergo minus erit eorū peccatum reputandū, quoniā iuxta mensurā peccati erit plagarū modus. Rursum, peccatū in spiritum sanctū grauius est, quàm peccatum in patrem aut filium: quod ex eo conuincitur, quod illud nō remittitur neq; in hoc seculo, neq; in futuro, hoc autem remittitur. Deinde, idē veritatis magister Pilato loquēs ait, Qui me tradit tibi maius peccatū habet. Ecce apertissimū testimoniū quo cōuincitur peccatorū inæqualitas. Quapropter nō opus est vt longius de hac re disputemus. Neq; opus est argumenta ex philosophorū officina in mediū afferre, quoniā non hic disputamus aduersus Stoicos, sed aduersus Iouinianū, aut quemlibet aliū huius erroris patronū, qui se Christianum iactauerit.

Nona

Nona hæresis docet hominem qui semel per gratiam fuerit iustificatus, non posse amplius peccare. Hanc hæresim impugnat beatus Hiero. Iouiniano, libr. 2. aduersus eundem. Augu. in *Iouiniano*. lib. de hæresib. tribuit illam Pelagio, quemadmodum & Iouiniano. Hanc eandem hæresim post multa tempora suscitauerunt *Pelagius*. *Beguardi* & *Beguina*, quanuis non ita in vniuersum de omni *Beguardi*. iusto suam assertionem firmauerint, prout Iouinianus & *Pelagius*. *Beguina*. fecere, sed contractius loquentes dixerunt posse hominem tantam virtutis perfectionem in hac misera vita acquirere, vt reddatur prorsus impotens ad peccatum. Et certè si *Beguardi* & *Beguina* hoc dicerent posse fieri ex quodam particulari priuilegio, & specialissimo Dei adiutorio alicui concessio, nullus illos propter hoc de hæresi notasset. Potest enim Deus ex quodâ insigni priuilegio sic assistere voluntati alicuius hominis, vt nunquam illam permittat in peccatum labi. Nam multi & illustres theologi fatentur hoc fuisse concessum deiparæ virginii postquam vnigenitum Dei filium in vtero concepit: è quibus vnum proferam Richardum de sancto Victore, qui lib. 2. de Emanuele, cap. vlti. ita dicit, Quod de exterminio peccati in beata virgine Maria factum creditur, futurum in omnibus sanctis speratur. Futurum inquã, sed nõ in corpore eorũ adhuc mortali, sed in corpore eorũ iam facto immortalis. Prius siquidem oportebit corruptibile hoc induere incorruptionẽ, & mortale hoc immortalitatẽ. Sed hoc fuit in beata virgine supra modũ mirabile, & præ cæteris sanctis omnibus singulare, q̃ in ea simul cõuenire potuit tãta corruptibilitas cũ tãta incorruptibilitate, tãta incorruptibilitas cũ tãta corruptibilitate. Corruptibilitas in his quę pertinet ad pœnã, incorruptibilitas in his quę pertinent ad culpã. Hæc Richardus. Ex cuius verbis cõstat tale priuilegiũ fuisse deiparæ virginii cõcessum, vt prorsus impeccabilis fuerit: quod priuilegiũ nulli alij hominũ asserit fuisse concessum. Sed hoc dicit nos sperare vt habeam⁹ in alia vita, quod beata virgo habuit in ista. Verum impij *Beguardi* & *Beguina* docent hoc posse quẽlibet hominẽ in hac vita acquirere, si per profectũ virtutũ deuenierit ad illũ perfectionis gradum, quẽ illi assignat. Et propter hoc meriti dãnati sunt, quoniã omni homini existenti in hac vita dicitur, Qui stat, videat ne cadat. Et 1. Cor. 10 dominus docens nos omnes orare, præcipit vt dicamus, Dimitte nobis debita nostra. Quã orationẽ omnes vsq; ad finem vitę dicere veraciter possunt. Et beatus Ioannes in sua prima cano-

nica ait, Si dixerimus quia peccatum nō habemus, nosipfos seducimus, & veritas in nobis non est. Non est ergo veritas in his hæreticis dicentibus hominē esse talem in hac vita, qui peccare non possit. Contra hunc Ioviniani & Pelagij errorem suprā largius disputauimus in tit. de gratia, hæresi 2. Et omnia quæ ibidem contra illos protulimus, etiam pugnant contra errorē Beguardorum & Beguinarum. Verū cōtra Beguardos & Beguinas extat concilij vniuersalis definitio, in quo octo istorum errores damnati sunt, quorum iste, de quo modò agimus, est primus. Huius autem concilij decretū habetur in volumine Concilium Viēnense. institutionum Clementinarum, in titulo de hæreticis, in capite cuius initium est, Ad nostram.

Alius est etiā error, qui huic proposito cōuenit, & præsentē materiā quodāmodo respicit. Sed de illo in titulo de potestate disputabimus, quoniā ibi commodius & aprius locatus est.

## P E R E G R I N V S.

**D**E hac re vnam solū reperi hæresim, & quidē nimis crudelem & ab omni humana ratione prorsus alienā: quæ docet non esse impendendam humanitatis curam peregrinis. Huius erroris pestiferi author (vt Bernardus de Lutzēburgo in suo catalogo hæreticorum ait) fuit Diotrophes quidam Apostolis cōtemporaneus, de quo beatus Ioannes apostolus & euangelista in sua 3. catho. epist. ita ait, Scripsissem forsitā ecclesiæ, sed is qui amat primatum gerere in eis, Diotrophes, non recipit nos. Propter hoc si venero, cōmonebo eius opera quæ facit, verbis malignis garruens in nos. Et quasi ei ista non sufficiant, neq; ipse suscipit fratres, & eos qui suscipiunt, prohibet, & de ecclesiā eiicit. Hucusq; ex beato Ioanne. Quæ verba exponens venerabilis Beda in cōmentariis super epistolas cano. ita ait: Diotrophes (vt videtur) erat hæresiarcha temporis illius, superbus & insolens, malens noua docendo primatum vsurpare scientiæ, quā antiquis sanctæ ecclesiæ quæ Ioannes prædicabat, humiliter auscultare mādatis. Vnde bene Diotrophes insultus, siue decor infans dicitur, vt perfidiam cordis etiam nomine significet. Hæc Beda. Sed neque ex verbis beati Ioannis euangelistæ, neq; Bedæ illius interpretis, constat Diotrophem tale aliquid sensisse quale illi tribuit Bernardus de Lutzēburgo in suo catalogo. Constat quidē illum fuisse hæreticū, non tamen illius hæresis indicatur. Nam propter hoc quod beatus Ioannes de illo dixit, Neque ipse suscipit fratres, & eos qui suscipiunt prohibet, suspicari non licet illum sen-



lum sensisse peregrinos omnes non esse suscipiendos, sed solos fideles catholicos, quoniam hos appellat ibi fratres beatus Ioannes. Et quidem hoc semper fuit solenne hæreticis, ut veris fidelibus essent infesti. Hoc enim apud Lutheranos modo cōtingit qui veros fideles apud se recipere nolunt, & si quos fortè permittunt, malè tractant, non tamen docent peregrinus aliis non esse impendendam humanitatem. Idem potuit contingere in Diotrephe, ita ut cū ab ecclesia ob aliam causam fuisset diuulsus, fratres, hoc est veros fideles recipere noluerit, & alios ne id facerent prohibuerit. Esto tamen ita illa senserit ut Bernardus de Lutzemburgo illi tribuit: aduersus hanc hæresim non est operosum disputare, eò quòd apertissima sint sacræ scripturæ testimonia quæ illam oppugnant. Nam ipsemet Deus curam peregrinorum egisse videtur cū molestiam vllam illis inferri prohibuit, sic inquires, Peregrino molestus non eris. Nec solū molestiam vetuit, sed misericordiæ opera præcepit alibi, dicens: Exod. 23  
Postquā messueritis segetem terræ vestræ, nō secabitis eam usque ad solū, nec remanentes spicas colligebitis: sed pauperibus & Leu. 23  
peregrinis dimittetis eas. Et iterum in alio loco: Peregrino qui intra portas tuas est, da ut comedat. Præterea si peccatum non Deu. 14  
esset peregrinis humanitatem negare, non illud Iob à se excuteret dicens: Foris non mansit peregrinus: ostium meū viatori patuit. Deinde, quā graue hoc sit peccatū, ipse Saluator ostendit cū apud Matth. dicit se hoc peccatū in die iudicij aliquibus Iob 21  
exprobraturum. Hospes fui (inquit ille) & non recepistis me. At post subdit, dicens illis qui huiusmodi peccatum commiserunt: Ite maledicti in ignem æternum, qui paratus est diabolo, & angelis eius. Constat ergo non minimū esse peccatū pro quo author æterna punitione damnatur: contra autem iis qui peregrinos & aduenas induxerunt in domum suam, dicit, Hospes Mat. 25  
fui, & recepistis me. Et postea: Venite benedicti patris mei, percipite regnum quod vobis paratum est ab origine mundi. Non parua est virtus quæ regnum meretur accipere cœlorum. Rursum, (ut Origenes annotauit homil. 5. super Genesim) Loth ab Ibidem.  
incendio Sodomorum & Gomorræorum propter solam hospitalitatem liberatus est. Nullum enim præclarum illius gestum sacræ scripturæ narrat historia, præter humanitatem quam peregrinis impedit, propter quam ab incendio liberari meruit. Demum, ut vndique hæc hæresis profligetur, ostendam illam non solum Christianis sed etiam Ethnicis fuisse exosam, & ab



illis damnatam. Nam Aristot. libro 9. de historia animalium; cap. 32. de aquila loquens ait, Senescentibus aquilis rostrum superius accrescit, incuruatúrque; subinde magis magisque, vt demum fame intereant. Cui rei data est fabula, vt hoc ita accidat aquilæ, quoniã cum olim homo esset, hospiti iniuriam intulerit. Hæc ille. Vide quantum fuerit etiam ethnicis abominabilis hospitis iniuria, vt propter hanc solam hominem in aquilã transformatum fabuletur. Et de re tam manifesta plusquam fortè erat necessarium dixi.

## P O E N I T E N T I A.

Lutherus.

**D**E hac re vnus est error Lutheri, quo docet nõ esse tres partes pœnitentiæ, sed optimam pœnitentiam dicit esse nouam vitam. Quem errorem ex suo cerebro fabricauit, nec ex alterius, vetustioris hæretici officina deprompsit, quod raro Lutheri contigisse agnoscimus. Nam cum plures quàm centum hucusque prodiderit errores, vix tres aut quatuor reperiuntur quos non hauserit ex putridis lacubus hæreticorum iam diu ab ecclesia eiectorũ: verũ hoc loco neminem (quod sciam) habuit huius erroris magistrum. Et quamuis ille in quodam libro quẽ fecit pro assertionem articulorum à Leone papa huius nominis x. damnatorum, videatur hanc assertionem velut non suam reicere, dicens eũ non negare omnes tres partes pœnitentiæ, sed solam satisfactionem, quoniam contritionem & confessionem dicit inueniri & probari: satisfactionem autem negat haberi ex sacris libris: quapropter dicit satisfactionem nullam debere fieri pro delictis perpetratis, sed quod dimissa culpa, simul etiam remissa sit omnis pœna peccato debita. Quamuis tamen Lutherus dicat se admittere contritionem & confessionem, factis tamen negat. Nam contritionem quæ fit per examinationem peccatorum, & eorundem detestationem, irridet, dicens illam esse hypocritum. Confessionem auricularem esse necessariam negat. Satisfactionem in vniuersum tollit. Ex quibus satis constat Lutherum non admittere tres pœnitentiæ partes prout à catholicis viris admittuntur. De contritione & confessione in suis titulis aduersus Lutherum disputauimus. Quapropter solũ superest vt ex sacris literis ostendamus satisfactionem esse necessariam. Vt autem id apertius conuincamus, prius oportet ostendere post dimissam per contritionem culpam manere aliquam pœnam soluendam iuxta mensuram & pœnæ & temporis à Deo decretam. Hoc autem satis colligitur ex eo quod Moyse pro populo Israel Deũ

oran

dimissa culpa  
pro peccato  
net

## LIBER XII.

oranti Deus respondit: Nam cū Moyses orasset Dominū dicēs,  
 Dimitte obsecro peccatum populi huius: respondit Dominus, Num. 14  
 Dimisi: attamen omnes homines qui tentauerūt me, nō videbūt  
 terrā pro qua iuravi patribus eorū. Ecce post dimissā culpā,  
 reseruata adhuc pœnā. Præterea nō est dubitādum Moysem  
 & Aaron statim doluisse & resipuisse de peccato incredulitatis  
 & diffidentiae quod apud aquas contradictionis commiserant: Num. 20  
 pœna tamē ob hoc illis à Domino definita non fuit illis rela-  
 xata, quoniam nūquam intrauerūt terrā promissionis, prout il-  
 lis Dominus minatus fuerat. Rursum, Dauid rex cognoscens 2. Reg. 13  
 normitatē & grauitatē culpæ quā in adulterio & homicidio cō-  
 miserat, statim dimissa est illi culpa sua, quoniā sic illi denun-  
 ciatum est per prophetam Nathan: Trāstulit quoq; Dominus  
 peccatū tuū. & tamē post dictā remissionē culpæ idē prophe-  
 ta prædixit illi multas calamitates & pœnas eum passurū pro-  
 pter peccatū commissum, quas omnes postea passus est, vt secū-  
 dus liber Reg. testatur. Ecce hic Dauid peccatū est dimissum,  
 pro quo tamē multę fuerūt pœnæ postea tolerādæ. Deinde idē 2. Reg. 14  
 rex Dauid vidēs angelū Domini interficientē populū eius pesti-  
 lentissimo morbo propter peccatū quod ipse prius cōmiserat  
 in eiusedē populi numeratione, peccatū suū fateretur dicens, Ego  
 sum qui peccaui, ego inique egi: isti, qui oues sunt, quid fecerunt?  
 Vertatur obsecro manus tua contra me, & cōtra domū patris  
 mei. Post quā humilē confessionem nō est dubitādū quin sta-  
 tim illi fuerit dimissum peccatū, sicut alias factū esse narraui-  
 mus. Et tamen culpa iam dimissa præcipitur illi per Gad pro-  
 phetam vt extruat altare Domino in area Areunæ Hiebusi, &  
 super illud offerat holocaustū ad placādā Dei iram. Ad hęc  
 oblatio nō esset illi iniuncta nisi post dimissum peccatū resta-  
 ret aliqua pœna soluēda, in cuius satisfactionē talis oblatio fie-  
 ri deberet. Et hæc mihi sufficere videntur ad ostendendū post  
 dimissam culpā restare aliquā pœnam temporālē soluendam.  
 Quod si aliqua pœna soluenda restat post dimissam culpā, in  
 illius ergo pœnæ compensationē potest homo aliquā pœnam  
 vltro tolerare, & hæc pœnæ voluntaria & libera tolerātia est al-  
 terius pœnæ debitę satisfactio. Hoc autē scripturę sacrę expref-  
 sis testimoniis ostēdemus esse verū. Propheta Daniel regē Ba-  
 bylonis hortatur vt huiusmodi satisfactionem pro peccatis  
 suis faciat, sic dicens, Peccata tua elemosynis redime, &  
 iniquitates tuas misericordiis pauperum. At peccata iuxta  
 reatum

Dan. 4

iuxta reatum culpæ non redimuntur eleemosynis, quoniã potest quis eleemosynas facere, & esse in peccato. Ergo pœna peccato debita est quæ redimitur eleemosynarum largitione. Et hanc peccati redemptionem sacri doctores non solũ recentes, sed etiam vetustissimi appellarunt satisfactionem pro peccato. Quod ideo dixi, quia Lutherus abominatur nomen satisfactionis. Vbi autem res constat, nō expedit de nudis verbis contendere. Verũ, quantum ego suspicor, Lutherus magis odit ipsam satisfactionem, quã nomen satisfactionis. Ex vnguibus enim (vt est in prouerio) licet æstimare Leonem. Præterea, eleemosynam satisfacere pro peccato, testatur ipse veritatis magister, qui postquam reprehenderat Phariseos de rapina &

**Luc. 11** iniquitate, dixit illis, Quod superest, date eleemosynam, & ecce omnia munda sunt vobis. Et constat eum loqui de satisfactione pro pœna, & non de reatu culpæ: nam alioqui existenti in peccato sola eleemosyna non faciet vt omnia sint munda. Rursum de oratione quod pro peccato satisfaciatur, testatur Sapiens cum ait: Fili peccasti, ne adicias iterũ, & de præteritis deprecare vt dimittantur tibi. Attendat hic Lutherus, & videat nō esse satis ad veram pœnitentiam vitæ inuolutionem. Nam postquã Sapiens præceperat vitæ emendationem dicens, ne adicias iterum: tanquã hoc non satis esset, addidit, & de præteritis deprecare vt dimittantur tibi. Deinde ad ostendendam omnem satisfactionem in genere, efficacissimũ est illud quod Ioannes Baptista prædicans ait: Facite fructus dignos pœnitentia. Quem locum pertractãs Chrysostomus super Matthæum ait: Quomodo fructificare poterimus: Si vtique peccatis aduersa faciamus. Aliena rapuisti, incipe donare iam propria. Longo es tempore fornicatus, à legitimo quoque vsu suspendere coniugij, ac perpetuam continentiam sæpius paucorum dierum castitate meditare. Iniuriam vel opere cuiquam vel sermone fecisti, refert benedictionis verba cõuitiis: & percutientes te, nũc officiis, nunc etiam beneficiis placare contende. Hæc Chrysostomus. Ex quibus verbis patet quæ sint pro peccati compensatione facienda. Beatus Gregorius homilia 20. ad eundem modum illum locum interpretatur. Beatus Paulus in ea quæ est ad

**Ro. 6** Rom. epistola. pro hac re testimonium reddit dicens, Sicut exhibuistis membra vestra seruire immunditiæ & iniquitati ad iniquitatem, ita exhibete membra vestra seruire iustitiæ in sanctificationem. Quæ verba exponens Theophylactus ait: Neque enim



enim cum facinus aliquod vnum admittebatis, illo cōtenti reliquis per vos finis imponebatur, sed scelus vnum aliud succēdebat, vt vestra nequitia in maius excreceret. Pari ergo mensura exhibentes membra hæc vestra pro pristina illa immunditia, quod reliquū vobis est vitæ degatis. Hæc Theophylactus. Ex quibus verbis constat locum illum Pauli esse intelligēdum de compensatione aut satisfactione pro peccatis faciēda prout mensura delicti exigit, ita vt iuxta mensuram delicti sit plagarum modus non solum in alia vita, sed etiam in ista. Accedit ad hæc, q̄ omnes sacri doctores concorditer sentiunt esse aliquam satisfactionem pro peccatis faciendam, etiam postquam peccata per contritionem dimissa sunt. E quibus aliquorum dicta subiiciam, quò res clarius pateat. Illichius nanq; lib. 4. super Leuiticum ita ait: Emundatio lepræ est pœnitentia. hæc autē opera necessaria habet, quæ virtutibus & actionis studio valeāt dele- Mat. 3  
 lere peccata. Propter quod Ioānes Baptista populo Iudæorum dicebat, Facite fructum dignū pœnitentiæ. Considerauit enim sicut subtilis legislator eos qui non omnia possint quæ pertinet ad districtam rationem pœnitentiæ, exhibere. Opus enim habet pœnitentia orationem intentam, eleemosynam, vigilias, sacrum ieiunium, postremo etiam illa quæ Dauid dicit, Factæ Psal. 41  
 sunt mihi lachrymæ meæ panes die ac nocte, & lauabo per sin Psal. 6  
 gulas noctes lectum meum, lachrymis meis stratū meum ri- Psal. 101  
 gabo. Sed & cinerem tanquā panem māducabam, & potum meum cum fletu miscebam. Hęc Illichius. Beatus Fulgentius in epistola ad Venantiam de recta pœnitentia, circa finem epistolæ sic ait: Conuersi de remissione peccatorum nullatenus desperemus, tenentes domini fidele promissum quo ait: Cum cōuersus fueris, & ingemueris, saluus eris. Pressura tribulationesque præsentis tēporis longanimiter toleremus, & à timore Dei nullatenus recedamus. Præcipit enim nos apostolus esse in tribulatione patientes, qui etiam correptionem præsentis temporis ad euitandam futuri iudicii pœnam multum nobis prodesse testatur, dicens, Cum iudicamur autem, à Domino corri- 1. Cor. 11  
 pimur, vt non cum hoc mundo damnemur. Hæc Fulgentius. Quibus verbis aperte docet per pœnas huius vitæ euitari pœnas alterius: & non ex proprio cerebro (vt Lutherus facit) hæc docuit, sed testimonio Pauli idem dicentis. Eucherius Lugdunensis episcopus super libros Regum sic ait: Si peccatum Dauid tam detestabile Dominus transtulit, quid est quod omnia  
 quæ



*Pœnitentia*  
 , quæ de eodem peccato per prophetam ei à domino dicta sunt,  
 postmodum tolerauit? Sed proculdubio dominus delet illud,  
 sed sine ultione non deserit. Aut enim ipse hoc homo in se pœ-  
 nitens punit, aut hoc Deus cū homine vindicans percutit. Ne-  
 quaquam igitur peccato parcat, quod nullatenus sine vindicta  
 dimittit. Sic enim David audire post conuersionē meruit: Do-  
 minus transtulit peccatum tuum, & tamen multis post crucia-  
 tibus afflictus ac fugiens, reatum culpæ quam perpetrauerat,  
 exoluit. Sic nos salutis vnda à culpa primi parētis absoluit: sed  
 tamen reatum eiusdem culpæ diluentes, absolui quoque adhuc  
 carnaliter obimus, quia delicta nostra siue per nos, seu per se-  
 ipsum refecat etiam cum relaxat. Ab electis enim suis iniqui-  
 tatum maculas studet temporali afflictione tergere, quas in eis  
 in perpetuum non vult vindicare. Hæc Eucherius. Nihil pote-  
 rat apertius dici pro ea satisfactione peccatorum quam cona-  
 mur asserere. Christianus Druthmarus eidē sententiæ subscri-  
 bit, qui in expositione super Mat. h. ita ait: Fructum dignū pœ-  
 nitentiæ facere est præterita mala fletibus punire & bona è con-  
 trario agere: vt sicut exhibuimus membra nostra seruire iniusti-  
 tiæ, ita exhibeamus eadem seruire iustitiæ in sanctificationem.  
 vel fructus dignos pœnitentiæ, bona agere, & malè commissa  
 eleemosynis redimere. Hæc ille. Plura certè pro huius verita-  
 tis defensione possem citare sacrorum virorum testimonia: sed  
 causa vitandæ prolixitatis omisi: & si quis ea videre cupit, inue-  
 niet ea citata à Ioanne Rossensi episcopo in articulo 5. illius  
 magni operis quod fecit contra Lutherum, & in Iacobo Lato-  
 mo in eo opere quod fecit pro assertionē determinationis Lo-  
 uaniensis aduersum Lutherum. Vterq; enim istorū multa pro  
 hac re coaceruauit sacrorum virorum testimonia. Mihi autem  
 placuit ex meo labore hæc pauca proferre, quoniam à nullo  
 istorum virorum aliquis eorum testimonium petiuit. Illorum  
 ergo testimonia ideo citavi, vt rem ab illis plene cōfirmatam,  
 firmiorem ostenderemus.

Secunda hæresis ait pœnitentiam quæ ex timore gehennæ  
 oritur, esse non solū inanem, verum etiam noxiam. Huius hæ-  
 resis author est etiam Lutherus, qui ad hunc scopum suam do-  
 ctrinam visus est dirigere, vt peccatores à pœnitentia auerte-  
 ret, & ad peccandum impelleret. Hic enim ait pestiferam esse  
 pœnitentiam quæ à timore gehennæ ortum habet. Quapropter  
 ait malum esse talem timorem peccatoribus incutere, vt inde  
 ad pœnit

ad pœnitentiam consurgant. Verùm de hoc errore iam supra differuimus in tit. de contritione: quapropter nō erit opus nunc ea repetere.

Tertia hæresis omnē pœnitentiæ virtutem tollit, dicens eos qui semel lapsi sunt, nunquā postea consequi remissionem quantumlibet postea pœniteāt. Huius hæresis author fuit Nouatus quidā Romanæ ecclesiæ presbyter, à quo Nouatiani appellati sunt. Vocantur etiam alio nomine Cathari, id est mundi, propter mundiciam quam superbissime de seipsis prædabant. Et hoc nomē illi sibiipsis arrogantissime indiderūt. Qui huius rei historiam plenē nosse cupit, legat Eusebiū Cæsariensem lib. 6. historiæ eccles. cap. 38. Verùm etsi omnes qui de hæresibus scripserunt, hunc errorem tribuant huic Nouato tanquam primo illius inuentori, tamen beatus Hieronymus lib. 2. aduersus Iouinianum dicit etiam hunc fuisse errorem Montani quem constat esse Nouato vetustiorē, quoniam ille sub Commodō imperatore, & Sothero papa fuit: hic autē sub Decio & sub Cornelio. Quicūq; ergo fuerit huius hæresis primus inuentor, ille certe duram satis inuenit sententiam, & à misericordia diuina nimis alienam. Quapropter credo eos non fuisse misericordiam consecutos qui hanc hæresim docuerunt: quoniam (vt ait Iacobus Apostolus) iudiciū sine misericordia fiet Iaco. 2. ei qui non fecerit misericordiam: præsertim cum nō sit alia res pluries & apertius in sacris codicibus prodita, quā misericordia quam Deus erga peccatores maxime pœnitentes exercet, illis peccatorum suorum indulgentiam tribuens. Si pœnitentia non promeretur indulgentiā peccatorum, frustra ille qui pœnitentiam agebat in fauilla & cinere, Deum pro suis peccatis deprecabatur dicens, Tu quidem gressus meos dinumerasti, sed parce peccatis meis. Frustra petit, qui certus est se non posse impetrare quod petit. Verùm sanctus Iob melius de misericordia diuina quā Nouatus sentiens, id petit quod se obtinere posse credit. Et David adulterij à se commissi pœnitens, dominum precatur dicens, Miserere mei Deus secundum magnā misericordiam tuam. Et secundum multitudinem miserationum tuarum dele iniquitatem meam. David magnā agnoscit esse misericordiam diuinā, & multitudinem miserationum illius scit: ideo cum cōfidentia à Deo misericordiam petit, tanquam ab eo qui illam donare poterat. Tanta est enim benignitas omnipotentis, & omnipotētia benignitatis in Deo, vt nul

Nouatus.

Nouatiani

Cathari.

Montanus

Iaco. 2.

Iob 42

Iob 14

Psalm. 50

- ut nullum sit peccatū quod nolit aut quod non possit remittere peccatori pœnitenti. Si enim aliquod esset peccatū quod remittere non posset, nō esset omnipotens: aut si cū posset remittere non vult, iam non est plenè misericors, cū ad plenam misericordiam id exigatur, ut totum quod possit velit, si malitia petentis non obstat. Rex ille euangelicus, cui se Dominus per parabolam similauit, omne debitum dimisit seruo suo, quoniā rogauit eum: & quia ille cū alio conseruo non exercuerat eandem misericordiam, coniectus est in vincula & carcerem. Præterea Salomon in libro Sapientiæ ait, Malitia sapientiam non vincit. At si aliquod peccatum esset quod non posset aut nollet benignitas remittere, sapientia esset victa à malitia: aut superata illius potentia, si nō potest: aut superata misericordia, si non vult. In eodem libro iterum dicitur, Dissimulat Deus peccata hominum propter pœnitentiam. Quid est dissimulare, nisi nō punire cū posset? Non autem punit, quia patientia Dei (ut ait Apostolus) expectat peccatorem ad pœnitentiam. Si autē peccatori nihil esset profutura pœnitentia, frustra illum Deus expectat, cū ex tali expectatione peccator nullū cōmodum habere potest. Verū quia per talem pœnitentiam peccator acquiritur suorum peccatorum remissionem, & postea vitam æternam, ideo Deus peccatorem non statim post peccatum commissum punit, sed expectat ut pœnitentiam agat, dicens, Nolo mortem peccatoris, sed magis ut conuertatur & viuat. Qui ergo conuersionem peccatoris optat, propter ipsius peccatoris cōmodum optat, & non propter suum, quoniam Deus bonorum nostrorum non indiget. Ecclesiasticus etiam hanc eandem docet sententiam dicēs, Fili peccasti, ne adicias iterum: & de præteritis deprecare ut tibi dimittantur. Si peccatum per pœnitentiam non dimitteretur, frustra Ecclesiasticus moneret peccatorem ut peteret à Deo peccatorum suorum dimissionem. Rursum, Esaias propheta promittit peccatori si pœnituerit, peccatorum indulgentiam, dicens, Derelinquat impius viam suam, & vir iniquus cogitationes suas, & reuertatur ad Dominum, & miserebitur eius: & ad Deum nostrum, quoniam multus est ad ignoscendum. Et per Hieremiam prophetam Dominus ait, Si pœnitentiam egerit gens illa à malo suo quod locutus sum aduersus illam, agam & ego pœnitentiam super malo quod cogitauit facere ei. Hoc idem per Exech. prophetā Dominus promittit dicens, Si impius egerit pœnitentiam ab omnibus peccatis



eatis suis quæ operatus est, & custodierit omnia præcepta mea,  
 & fecerit iudicium & iustitiam, vita viuet, & nō morietur. Om-  
 nium iniquitatum eius, quas operatus est, non recordabor. In iu-  
 stitia sua, quam operatus est, viuet. Quid ergo crudelissimi No-  
 uatiani aduersus tot tāmque aperta testimonia docere præsu-  
 munt? Deus promittit peccatori pœnitenti se remissurū & con-  
 donaturum peccata, & isti cōtra diuinas promissiones non ve-  
 rentur remissionem negare pœnitenti. Sed videte quemadmo-  
 dum suam impiam doctrinam exponant, credentes illam faci-  
 lius posse defendi. Fatentur enim peccata ante baptismū com-  
 missa posse per baptismū deleri, illa autem quæ post baptismū  
 sunt perpetrata, negant posse per pœnitentiam dimitti. Sed tūc  
 oportebit eos percontari, an baptismus Dei potentiam, aut mi-  
 sericordiam minuat, aut fortè malitiam peccati adiuet, vt cō-  
 tra Dei misericordiam victoriā parere valeat? Absit vt in tantā  
 blasphemiā quis incidat, vt dicat malitiam nostram vnquam  
 posse vincere diuinā misericordiam & sapientiā. At sapientia  
 victam se fateatur oportet, si peccatum post baptismū cōmis-  
 sum nō potest, aut nō vult remittere. Non enim solum creden-  
 dum est malitiam aliquando non vincere sapientiam, sed nun-  
 quam. Præterea ipsemet Dominus ait, Nō est opus bene valen-  
 tibus medico, sed malè habentibus. Euntes discite quid est, mise-  
 ricordiam volo, & nō sacrificium. nō enim veni vocare iustos,  
 sed peccatores ad pœnitentiā. Mirum est quòd Deus de cœlo  
 ad terras venerit vt vocaret peccatores ad rē prorsus inutilem,  
 videlicet ad pœnitentiam, quæ iuxta horum hæreticorū sentē-  
 tiam res est peccatori baptizato prorsus inanis. Rursum in eis-  
 dem ipsis verbis Saluator dicit se venisse tāmquam medicum ad  
 infirmum. Si ergo ille peritus est medicus, omnes potest infirmi-  
 tates sanare. Non enim est perfecta medicina, cui morbus ali-  
 quis incurabilis inuenitur. Quod si omnes curare potest & non  
 vult, tūc crudelis est medicus, & nō misericors dicendus, qui nō  
 compatitur infirmo, quia non illum iuuat cum potest. At Deus  
 misericors est, cuius miserationis non est numerus: & ideo vult  
 omnes saluos fieri, si ipsimet suę ipsorum saluti nō repugnent.  
 Quapropter oportet vt cum propheta regio propter hanc im-  
 mensam eius misericordiam illum laudemus dicentes, Benedic  
 anima mea domino, & omnia quæ intra me sunt, nomini  
 sancto eius. Benedic anima mea domino, & noli obliuisci om-  
 nes retributiones eius. Qui propitiatur omnibus iniquitatibus

Mat. 9

Psal. 102

Ec



tuis, qui sanat omnes infirmitates tuas. Qui redimit de interitu vitam tuam, qui coronat te in misericordia & miserationibus. Quid ergo esse poterit in nobis quod irremissibile sit, si dominus propitiatur omnibus iniquitatibus nostris? Aut quomodo dicetur aliquod peccati vulnus insanabile, si dominus sanat omnes languores nostros? Vel qualiter non potitur iam plenae remissionis beneficio, qui in misericordia & miserationibus coronatur? Deus ergo qui omnes infirmitates nostras sanat, oportet ut peccata etiam post baptismum commissâ peccatori poenitenti remittat. Deinde, multae parabolae sunt in euangelio, quibus

**Luc. 15** Christus docuit nos ut crederemus peccatorum remissionem fore dandam peccatori poenitenti. Filius enim prodigus qui acceptam substantiam quae illi haereditario iure cõpetebat, abiens in regionem longinquâ, viuendo luxuriose dissipauerat, cum ad se reuersus malè actorum poenituit, ad patrem reduit, & ab eodè receptus est, nec tamen aspere & dure, quin potius benigne, & cū læticia magna quia filius qui perierat, inuētus est. Nec alius est filius prodigus quā peccator, nec alius eius pater quā Deus, qui ex nimia benignitate sua peccatorē ad se cõuersum recipit, & hoc cum gaudio: quoniā maius gaudium fit in cœlo super vno peccatore poenitentiā agente, quā super nonagintanouem iustis qui nō indigent poenitentia.

**Luc. 10** Hominem vulneratū à latronibus, descendente à Hierusalem in Hiericho Samaritanus perduxit ad stabulū, vinum & oleū in vulnera infudit, duos denarios stabulario dedit expendendos in vulnerati medelam, promittens se postea soluturum quicquid stabularius cū infirmo vltra expendisset. Vulneratus hic peccatorē delignat. Samaritanus tam anxiam illius curā habens, est Christus redemptor noster. Si autem salus huius infirmi desperata iam esset, nō tā sollicitus esset Samaritanus de eius salute. Verū quia sperabat infirmum posse in pristinam incolumitatē restitui, si debita illi applicetur medicina: ideo omnem quā potest adhibet curam ut sanitatē recuperet. Demū, aduersus hanc hæresim celebratum est Romae

*Cōcilium  
Romanū.*

à Cornelio papa conciliū quinquaginta episcoporum, & totidem presbyterorum, & multo plurium diaconorum, in quo hæc pestifera hæresis dānata est. Et quamuis huius concilii decreta nō extent, tamen Eusebius Cæsariensis lib. 6. historiæ Ecclesiasticæ cap. 34. de hac re testimoniū perhibet. Quod si quis pertinax Eusebio non credit, audiat concilium Nicenum, quod prohibet ne aliquis ex Nouationis ad ecclesiæ communionem

*Cōcilium  
Nicenum.*

recipia

recipiatur, nisi prius hanc abiurauerit hæresim. Nam in octauo capite suorum decretorū concilium præfatum sic ait, Si qui uoluerint venire ad ecclesiam catholicam ex Nouatianis, placuit sancto cōcilio ut ordinentur, & sic maneant in clero. Ante omnia autem hanc habeant confessionem, quā per scripturam exigi oportet, ut fateantur se cōmuni consensu catholicæ ecclesiæ statuta obseruaturos, id est cōmunicaturos se & his qui forte secundas nuptias experti sunt, vel his qui persecutionis tempore lapsi sunt. quibustamen lapsis pœnitentiæ modus & tēpus ascriptum est, ut in omnibus sequantur ea quæ in ecclesia catholica obseruantur. Hæc cōcilium Nicenum. Aduersus hanc hæresim scripsit B. Cyprianus librum vnū in modum sermonis, qui inscribitur de lapsis. B. Ambro. scripsit opus de pœnitentia duobus partitum libris, in quorum primo aduersus Nouatianū pugnat. Beatus Chrysostomus fecit alium librum qui inscribitur de reparatione lapsi. Alios non vidi.

## P O T E S T A S.

**D**E hac re est vna hæresis quæ asserit omnem potestatem tã laicalem quàm ecclesiasticam amitti per peccatum mortale. Huius hæresis authores fuerunt Valdenses, dicentes nō esse parendum illi qui mortalis culpæ reus sit, quoniam talem dicunt non posse ecclesiastica neque seculari dignitate potiri. B. Bernardus qui Valdensibus est vetustior, sermone 66. super canticam, hunc errorem tribuit quibusdam sui temporis hæreticis, quorum nomina non exprimit, sed solum dicit illos iactare se esse apostolorum successores, & vitam apostolicā gerere. Quæ res ansam suspicionis mihi præbet, illos de quibus Bernardus loquitur, esse quos vocamus Pseudoapostolos: quoniam & hic error, & alii quos ibidem Bernardus enumerat, a Pseudoapostolis defenduntur. Verū huic nostræ suspicioni ob stare potest, quod Gerardus Sagarellus, & Dulcinus Nouariensis, qui principes Pseudoapostolorū dicuntur, multo posteriores fuere Bernardo. Et certe quicumque illi fuerint, eosdem prorsus tutantur errores quos Valden. Ioan. Vuitcleff post aliquot annos hæc ut cæteras Valdensium hæreses suscitauit. Ioannem Vuitcleff imitatus est in hac parte Ioan. Huss. Hi duo dicunt eū qui culpæ mortalis est reus, non esse regē, nec comitem, nec ducē, nec papam, nec episcopum, nec aliquid huiusmodi. Et si aliquid horum dicitur, aut vocatur, asserunt æquiuoca denominatione

Valdenses.

Ioannes  
Vuitcleff.  
Ioannes  
Huss.

vocari, sicut homo pictus dicitur homo, quamuis nihil verè humanum habeat. Ad hoc autem asserendum tali argumento se firman: Omnis potestas à domino Deo est: Deus autem dona sua non præstat hominibus peccatoribus & sceleratis, ergo homo peccati reus nullā habet potestatem. Sed hæc argumentatio inanis est prorsus, & nullā vim habens, eò quòd falsum assumit cum ait Deū non concedere dona sua peccatoribus. hoc autem

- Hiere. 27* esse falsum vel ex eo cōvincitur, quod dominus per Hieremiā prophetam quibusdam barbaris gentibus loquens ait, Et nunc itaque ego dedi omnes terras istas in manu Nabuchodonosor regis Babylonis serui mei. Insuper & bestias agri dedi ei, vt seruiant illi. Et seruiēt ei omnes gētes, & filio eius, & filio filii eius, donec veniat tempus terræ eius, & ipsius. Et seruiant ei gentes multæ, & reges magni. Ecce Nabuchodonosor malus, & dicitur rex: nec potest dicere Vulteleffum vocari regē æquiuocē, quoniam sicut dicitur ita est rex. nam Deus cuius est regna donare, illi dedit regnū. Ego (inquit Deus) dedi omnes terras istas in manu Nabuchodonosor regis. Deus ergo dat regna etiam peccatoribus, sicut & iustis: quoniā (vt est apud Iob) regnare facit Deus hominem hypocritam propter peccata populi. Ecce hypocritā regnantem Deo nō solūm permittente, sed faciēte. At hypocritā esse malū quis dubitare poterit? Præterea Christus loquens de obedientia præstanda superioribus, ait, Super cathedram Moy si sederunt Scribæ & Pharisei: quæcunque dixerint vobis, facite: secundum opera verò eorum nolite facere. Dicunt enim, & non faciunt. Ex quibus verbis apertissimè conuincitur fieri posse vt super cathedram sedeant ii quos oportet non imitari, qui dicunt & non faciunt: qui alligant onera importabilia super humeros aliorum, ipsi vero nec digito ea mouere volunt. Rursum B. Petrus in sua prima canonica epist. ait. Serui subditi sint in omni timore dominis, nō tantūm bonis & modestis, sed etiā dyscolis. Ecce B. Petrus vocat dyscolos dominos, & nō verentur hæretici negare hoc esse possibile, vt peccator sit, & potestatem aliquā & dominiū habeat. Et ne subterfugiant ad nominis æquiocationem, dicentes illos fuisse vocatos dominos æquiuocē, sicut homo pictus dicitur homo, præcepit vt talibus dyscolis subiecti essent. Ex quo apertè constat illos non solo nomine dici dominos, sed re, cum illis debeat obedientia & timor. Deinde aliqui fuerunt peccatores de quibus euangelium testatur costunc aliquam habuisse potestatis digni

dignitatem. Iudas apostolus erat, & peccator tunc erat: & si hoc Ioānes Vuitcleff negare nō erubescit, ipsamet veritas ore proprio illum redarguit & confundit. Sic enim ait, Nonne duodecim vos elegi? & vnus ex vobis diabolus est. Ecce peccator est Iudas, & tamen apostolus est, quoniā à domino electus est. nisi Ioan. 6  
 fortē quem Deuselegit, Vuitcleff vult illum ab electione frustrari. Caiphas etiam cum esset pontifex anni illius, prophetauit. Pontifex erat, & sententiam mortis aduersus Christum dicebat. possibile est ergo vt quis sit peccator, & sit papa, aut episcopus, aut rex, aut aliquid huiusmodi. Nam qui solem suum Mat. 5  
 facit oriri super bonos & malos, etiam donat regna iustis & peccatoribus. Merito ergo hæc sententia damnata fuit in concilio Cōcilium  
 Constantiensis. Nam ex quadragintaquinque articulis Ioannis Constantiensis.  
 Vuitcleff in illo concilio sessione octaua damnatis quartus sic  
 ait, Si episcopus vel sacerdos est in peccato mortali, non ordinat, non conficit, nō consecrat, nō baptizat. Et quintus decimus  
 articulus illius est iste, Nullus est dominus civilis, nullus est prælatus, nullus est episcopus dum est in peccato mortali. Qui duo  
 articuli simul cum aliis vna super omnes lata sententia dānati sunt. Et in eodem concilio sessione quinta decima dānati sunt  
 aliqui articuli Ioan. Huss, quorum vltimus eandem habet sententiam, & sub eisdem verbis quibus prolatus est quintus decimus Ioannis Vuitcleff. Contra hunc errorem Ioannis Vuitcleff  
 scripsit Thomas Vualden in suo primo tomo doctrinalis fidei antiquæ libro tertio per tria capita eiusdem libri, videlicet 81.  
 82 & 83.

## P R A E C E P T V M.

Vnus è multis Lutheri erroribus est, quo docet Deum præcepisse nobis ea, quæ impossibilia sunt vt à nobis seruentur: & dat exemplum de duobus præceptis decalogi, videlicet de præcepto dilectionis Dei, & de præcepto, Non concupisces. Hæc enim duo dicit non posse in hac vita seruari: & causam huius impossibilitatis reddit in præcepto dilectionis, quia necesse est, vt in hac vita existentes aliqua præter Deū amemus: quod quā facimus, Deum iam (vt ipse ait) non ex toto corde amamus. quapropter colligit non esse possibile Deum in hac vita ex toto corde diligere: quod tamen (vt ille ait) nobis in primo præcepto mandatum est. De impossibilitate verò obseruationis alterius præcepti, videlicet: Non concupisces, talem assignat causam, quod dicit concupiscentiam quæ in baptizato reli-



quitur, esse peccatum propriè dictum, & transgressionem huius præcepti, Non concupisces. Et quia caro tali concupiscentia infecta ad omne opus liberi arbitrij cōcurrit, inde esse ait quod omne opus humanum peccatum efficitur. Verùm hoc vltimū superius in titulo de operibus ostendimus esse falsum. ille enim loco ex sacra scriptura docuimus contra hunc eundem Lutherum, non omne opus humanum esse peccatum. nunc ergo superest vt ostendamus obseruationem omnium præceptorum Dei esse nobis possibilem cū ipsius Dei adiutorio, quod tamen ipse paratus est semper nobis præstare, si nos eo vti volumus. Postquam Dominus præcepta dederat filiis Israel, ostendere voluit omnia quæ illis præceperat, esse possible, ne fortè cū ea in posterum omisitissent, caularentur ea fuisse impossible. Sic enim in Deuteronomio dicitur. Mandatum hoc quod

*Dent. 15* ego præcipio tibi hodie, non supra te est, neq; procul positum, nec in cœlo situm, vt possis dicere, Quis nostrum valet ad cœlum ascendere, vt deferat illud ad nos, vt audiamus, atque opere cōpleamus? Neq; transmare positū, vt causeris & dicas? Quis è nobis poterit transfretare mare, & illud ad nos vsque deferre, vt possimus audire & facere quod præceptum est? Sed iuxta te est sermo valde in ore tuo & in corde tuo, vt facias illū. Hæc ibi. Quibus verbis nihil poterat expressius dici vt ostēderet obseruationē mandatorū Dei esse possibile, præsertim quod in proximè præcedētib; verbis sermonē fecerat de præcepto dilectionis Dei ex toto corde, & in sequētib; verbis iterū idē præceptū replicat: ex quo colligitur apertè illud præceptū esse nobis possibile, cū Dei tamen adiutorio, quod ille paratus est nobis præstare: & esse illud de quo specialiter dicit, Mandatum hoc quod ego præcipio tibi hodie, nō supra te est. Præterea Dominus apud Matth. ait, iugū meū suauē est, & onus meum leue. Præcepta sua Dominus appellat iugū & onus, & hæc dicit esse leuia: non sunt ergo impossible, vt ait Lutherus. Nam si impossibile esset illa seruare, non iam leuia sed grauissima essent dicēda. Rursum beatus Ioannes in sua prima canonica epist. de mandatis Dei dicit, Mandata eius graua nō sunt. Ecce Ioannes dicit mandata Dei non esse graua, & Lutherus non veretur dicere illa esse impossible. Nihil enim grauius esse potest alicui, quā id quod nullo modo potest portare. Si ergo mādata Dei graua non sunt, oportet vt impossible non sint. Deinde maxima est dementia, dicere Deum præcepisse impossibile, quoniam tunc

Deus

Deus iniuste ageret. Lege enim naturali docemur neminem obligari ad impossibile. Tricissimum est illud Augustini, Nemo peccat in eo quod vitare non potest. Et in quodam sermone ait: Dominus seruum pigrum non damnaret, si ea quæ fieri nullo modo poterant, imperaret. & beatus Ambrosius libro primo de Iacob & vita beata capite tertio, Nemo tenetur ad culpam, nisi voluntate propria deflexerit. Beatus Basiliius in regulæ monachorum capite octogesimo tertio, de dilectione inimicorum loquens ait: Nunquam autem præciperet hoc iustus & clemens Deus, nisi utique etiam possibilitatem nobis donasset. Hæc ille. Et Hieronymus ad Damasum ait: Execramur etiam eorum blasphemiam qui dicunt impossibile aliquid homini præceptum esse, & mandata non à singulis posse seruari. Hoc idem testatur Chrysostomus dicens, Possibile est enim Dei iussa perficere, si modo velimus omnem naturæ trepidationem alacriter superare: nihilque impossibile est eorum quæ à Christo hominibus imperantur. Hæc Chrysostomus. Præterire hic non oportet quod Lutherus sibi ipsi non constat, quia hoc vitio sæpissime laborat. Cum enim de peccatorum confessione loquitur, dicit non oportere confiteri venialia, sed nec etiam omnia mortalia: quia impossibile est omnia mortalia cognoscere: ad impossibile autem, ut ibidem ait: nemo obligatur. Volens etiam probare Petrum apostolum non fuisse cæteris omnibus a Deo prælatum, sic argumentatur, Primatus iste ne vna quidem hora impletus est unquam. Impossibile autem fuisset eum non impleri, si vel præceptus vel promissus fuisset. Et Paulò post, Et omnia quæ Deus præcepit, sunt ab aliquibus saltem impleta. Hæc Lutherus: quæ omnia cum præsentī doctrina velut ex diametro pugnant. Sed iam opus est ut examinemus an illa duo præcepta Decalogi quæ ab eo in exemplū eius assertionis cuique proposita sunt, recte ab illo intelligantur. De præcepto dilectionis Dei constat Lutherū malè sentire, quoniā nō sic præcipitur nobis ut Deū ex toto corde diligam⁹, & nihil præter Deū diligamus, aut quod omnes vires nostræ voluntatis tali dilectioni applicemus: sed sic iubemur diligere Deū, ut nihil repugnans præceptis Dei amemus. Quapropter ille dicendus est diligere Deū ex toto corde, qui Deum diligens, reliqua omnia mandata eius seruat. Hoc autē expressè idē dominus nos docuit, qui dilectionem suā vobis cōmendans, nihil aliud videtur à nobis exigere, quam suorum mandatorū obseruationē. Sic enim ait: Si quis Ioan. 3

- diligit me, sermones meos seruabit. Quæ verba exponēs Greg. homil. 30. sic ait, Verè enim diligimus, si ad mādāta eius a nostris nos voluptatibus coarctamus. Ecce qualiter testimonio Greg. ex mandatorū Dei obseruatione colligitur perfecta Dei dilectio, ita vt ille dicatur impleſſe præceptū de dilectione Dei, qui reliqua Dei mandata seruauit. Præterea beatus Ioannes in
1. Ioan. 5 sua prima canonica ait, Hæc est charitas Dei, vt mādāta eius custodiamus. In hoc ergo charitas custoditur, in quo mādāta eius seruamus. Rursum beatus Paulus dicit totam legem in vno mādāto impleri, in hoc videlicet, Diliges proximū tuum sicut te ipsum. Qui ergo verè & prout debet proximū diligit, is totam legem impleuit. At cū Dominus præcepit nobis proximū diligere, ad opera nos misit, innuens per hoc nō tam in affectu quā in operibus esse implendum præceptū de dilectione proximi. Cū enim iussisset diligere inimicos nostros, cōtinuò subiunxit
- Mat. 5 dicens, Benefacite his qui oderunt vos. Præceptū ergo de dilectione proximi implemus diligentes proximos nostros sicut nos ipsos, cū præceptū illud legis naturæ seruamus, Quæcunque vultis vt faciant vobis homines, hæc & facite illis. Nec tamen hæc omnia sic intelligenda sunt, vt charitatis præceptum quis putet impleri per operū exercitiū sine vlla actuali dilectione. nam & hæc potissimū requiritur, quoniā inter multa hominū
2. Tim. 3 mala quæ Apostolus enumerat in secunda epist. ad Timotheū, hoc quoq; addit, Sine affectione. Oportet ergo affici Deo: & si cū hoc reliqua omnia illius mandata quispiā seruauerit, ille dicendus est diligere Deū ex toto corde iuxta illū modū secundum quem dilectio Dei nobis in hac vita præcipitur. Nam dilectio Dei ad quā producendā anima omnes adhibet vires suas, & omnem admouet conatū suū, talis inquam nō potest in hac vita haberi: nec illa nobis in hac vita præcipitur, sed illa est quæ expectatur in præmiū. Beatus Paulus de cognitione Dei loquēs
1. Cor. 13 ait, Nunc cognosco ex parte, tunc cognoscam sicut & cognitus sum. Sicut ergo ille de cognitione ait, idē sentire oportet de dilectione quæ sequitur cognitionem, vt videlicet hic diligamus ex parte, & in posterum diligere speremus ex toto. Hæc autem interpretatio præcepti de dilectione Dei probatur testimonio beati Bernardi, qui sermone quinquagesimo super cantica ita ait, Est charitas in actu, est & in affectu. Et de illa quidē quæ operis est, puto datam esse legem hominibus, mandatūq; formatum. Nam in affectu quis ita habeat vt mandatur? Ergo illa manda



mandatur ad meritū, ista in præmiū datur. Cuius initium quidem profectumq; vitam quoq; præsentē experiri diuina potest gratia nō negamus, sed planē consummationē defendimus futuræ fœlicitati. Hæc Bernardus. Et Aug. lib. 3. cōtra duas epist. Pelagianorum ad Bonifaciū. cap. 7. eandē docet sententiam, sic dicens, Sapientiam quoq; & cognitionē Dei tūc perfici in nobis, & in Domino tantam exultationē, vt ea sit plena & vera securitas, quis negabit, nisi tā auersus sit à vero, vt ob hoc ad eam peruenire non possit? Verū hæc nō erunt in præceptis, sed in eorum quæ hic obseruāda sunt præmio præceptorū. Et paucis interpositis addit, Hic ergo præceptū est, vt nō peccemus: ibi præmium nō posse peccare. Hic præceptū est, vt desiderijs peccati non obediamus: ibi præmiū, vt desideria peccati nō habeamus. Hic præceptū est, Intelligite ergo qui insipientes estis in populo, & stulti aliquando sapite. Ibi præmiū est plena sapientia, & perfecta cognitio. Videmus enim nūc per speculū in ænigmatibus, ait Apostolus, tunc autem facie ad faciē. Nunc scio ex parte, *ibidem.* tunc autē cognoscam sicut & cognitus sum. Hic præceptum est, Exultate Deo adiutori nostro. & Exultate iusti in Domino, ibi præmium est, exultate perfecto & ineffabili gaudio. Hæc Aug. qui multa alia illo loco dicit, quo docet in hac misera vita non esse præceptam nobis iustitiæ perfectionē, sed illā expectari in præmio. Ex quibus apertē satis colligitur Lutherū malè intellexisse præceptum de dilectione Dei. Deinde si præceptū illud esset vt Lutherus docet intelligendum, nullus inueniretur, imò nec inueniri posset, qui illud in hac vita seruauerit. At multi sunt de quibus scriptura sacra testatur illos aut dilexisse Deum, aut quæsiuisse illum, aut seruasse illi in toto corde suo. Nam de Dauid Deus ad Hieroboam loquens ait, Non fuisti sicut seruus meus Dauid, qui custodiuit mandata mea, & ambulauit post me in toto corde suo. Ecce Dauid ambulauit post Deū in toto corde suo, & custodiuit mandata Dei, & tamē Dauid fomitem carnis habebat, qui, vt in cæteris omnibus cōtingit hominibus, voluntati renitebatur. Conuincitur ergo ex hoc loco nec concupiscentiam carnis esse peccatū contra Dei præceptum, nec etiā illam ob stare quo minus quis diligat Deū eo toto corde, prout à nobis in hac vita diligere mandabatur. Et idē Dauid non veretur ad Deum dicere, In toto corde meo exquisiui te. Et iterum, *Psalm. 118* Deprecatus sum faciem tuam in toto corde meo. Et rursum, In toto corde scrutabor mandata tua. Et iterum, Ad omnia man-



data tua dirigebar, omnem viam iniquam odio habui. Si ad omnia mandata dirigitur David, ergo ad mandatū de dilectione Dei. Et ad aliud, Non concupisces, oportet certe alterum istorum fateri, aut quod illa non sunt mandata prout Lutherus illa interpretatur: aut quod David non ad omnia mādata fuerit directus. At David testatur se ad omnia Dei mandata fuisse directum: non sunt ergo illa Dei mandata intelligenda prout Lutherus illa interpretatur. Hoc idem etiā se fecisse testatur Ezechias rex, cū dominum Deum orat dicēs, Obsecro Domine, memento quomodo ambulauerim in conspectu tuo in veritate & corde perfecto, & quod placitū est coram te, fecerim. Num forte iste nō habebat fomitem resistentem? Habebat certē. Qualiter ergo ambulare potuit coram Deo in corde perfecto, si talis dilectio Dei qualē Lutherus docet, a nobis in hac vita exigitur, aut si concupiscentia carnis est peccatum contra Dei praeceptum? Præterea in Deute. dicitur, Inuenies Deum, si tamen toto corde & tota tribulatione animæ tuæ quæsieris eum. Percontemur ergo Lutherum an aliquis vnquā Deum inuenierit? Si abnuuit, obstat illud quod dicit sponsa in Canticis, Inueni quem diligit anima mea. Et de illis qui in regno Iuda fuerunt tempore regis Asa, dicitur, In omni enim corde suo iurauerunt, & in tota voluntate quæsierunt eum, & inuenerunt. Si autem fatetur, ut oportet, omnem iustum inuenire Deum, necesse est etiam ut fateatur omnem talem quæsisse Deum in toto corde suo: alioquin non inuenisset Deum: quia ut hoc peragere possit, talis exigitur ab illo diligentia, ut videlicet Deum in toto corde suo quærat. Ex his ergo omnibus apertissimè conuincitur præceptum de dilectione Dei non esse intelligendum ut Lutherus illud interpretatur, sed iuxta illam interpretationē est præmium quod expectamus, & non præceptum quod mandatur. Hoc autem apertissimè colligitur ex quarto libro Regum, quo loco de Iehu rege ita dicitur, Porro Iehu non custodivit ut ambularet in lege domini Dei Israel in toto corde suo. Et huius rei causam subdens ait, Non enim recessit a peccatis Hieroboam qui peccare fecit Israel. Quia enim vnum aut alterum mandatum transgressus est, dictus est non ambulasse in toto corde. Vnde conuincitur eum ambulare in toto corde, qui omnia mandata implet. De alio præcepto, videlicet, Non concupisces, etiam patet Lutherum errasse. Ex prædictis namque satis constat per illud nō prohiberi carnis concupiscentiam, quoniam cū talis concupiscer

piscencia in omnibus hominibus præter Christum & fortè vir-  
 ginem eius matrem reperta fuerit, nullus esset qui tale seruasset  
 præceptum. At David custodiuit omnia mandata Domini, er-  
 go & hoc mandatum. Non autè custodisset illud si carnis con-  
 cupiscentia fuisset per illud prohibita. Conuincimus ergo vt  
 per illud præceptum non prohibeatur concupiscentia carnis,  
 sed interior voluntatis affectus. Ad quod clarius ostendendum,  
 aliqua proferam sacrorum virorum testimonia. Sed antequàm il-  
 la in medium producam, hoc vnum admonere decreui, videli-  
 cet hanc dictionem peccatum æquiuocam esse in sacris literis.  
 aliquando enim capitur pro hostia quæ offertur pro peccato.  
 sic capitur à Paulo apostolo in secunda epistola ad Corinthios 2. Cor. 5  
 cum ait, Eum qui non nouerat peccatum, pro nobis peccatum  
 fecit. ac si diceret, Christum, qui etiam vt homo nullam admi-  
 serat culpam, pater cœlestis eum pro nobis mortem subire fe-  
 cit: quæ morte pro nostris peccatis suscepta, factus est ipse  
 Christus peccatum, hoc est hostia pro peccato. Sed ab hac  
 peccati significatione nunquam aliquis dicitur peccator. Et  
 ita Paulus de Christo loquens non dixit quod pater fecerit Rom. 7  
 eum peccatorem, sed quod fecit eum peccatum. Aliquando  
 etiam vocatur peccatum, causa alliciens aut impellens ad pec-  
 catum, vel pœna peccati: & hoc modo appellauit Paulus pec-  
 catum cum dixit, Si autem quod nolo malum hoc facio, iam  
 non ego operor illud, sed quod habitat in me peccatum. Pec-  
 catum hoc loco Paulus vocat carnis concupiscentiam, quia sem-  
 per ad malum impellit, vel quia in pœnam primi peccati data  
 est. Hoc autem patet ex sequentibus. Nam postquam dixe-  
 rat, peccatum quod in illo habitat, operari malum, statim sub-  
 iunxit, Scio enim quod non inhabitat in me, hoc est in carne  
 mea, bonum. Et ab hac peccati significatione nullus vnquam  
 dicitur peccator. Vnde beatus Augustin. in commentariis super  
 epistolam ad Galatas, ait, Aliud est peccatum habere, & aliud  
 peccare. Alio modo sumitur hæc vox peccatum pro culpa,  
 & Dei offensa, quam voluntas nostra transgrediendo Dei præ-  
 ceptum committit, & propter quam voluntas sic peccans rea-  
 efficiatur alicuius pœnæ infligendæ. Et hæc est sollemnissima il-  
 lius vocis significatio, quæ etiam frequentius sacræ literæ vtun-  
 tur. Et ab hac sola peccati significatione dicitur aliquis pec-  
 cator. De hac ergo peccati significatione loquentes dicimus  
 concupiscentiam carnis aut fomitem non esse peccatum, &  
 per con

per consequens non esse prohibitam per præceptum illud. Nō concupisces. Richardus de sancto Victore libro secundo de Emanuele, capite ultimo, ostendens excellentiam beatæ Virginis Mariæ super omnes alios sanctos, ait: Cæteris sanctis in cōmune præcipitur, vt in mortali eorum corpore peccatum non regnet: soli isti singulariter datur, vt mortale corpus eius peccatum non inhabitet. Nō regnet (inquit Apostolus) peccatum in vestro mortali corpore. Ecce præcipit vt non regnet, sed nun-

**Ro. 6** quid vt non inhabitet? Attende super hoc quid alibi dicat, Si enim quod nolo malum id ago, iam non ego operor illud, sed quod habitat in me peccatum. Hæc Richardus. In quibus verbis id aduertendum est quod ait esse nobis præceptum vt peccatum non regnet in nostro mortali corpore: nō autē esse præceptum, vt peccatum non inhabitet. ex quo patet concupiscentiam carnis non esse interdictam, quoniam hæc est peccatum illud quod habitat in corpore nostro. Beatus Augustinus hanc sententiam sapissime docet, videlicet in primo lib. de ciuitate Dei, cap. 24. & lib. 14. cap. 10. sed expressius & diffusius in libro primo ad Bonifacium cōtra duas epistolas Pelagianorum cap. 13. Sic enim ibidem ait: Dicunt etiam baptisma nō dare omnē indulgentiam peccatorum, neque auferre crimina, sed radere, vt omnium peccatorum radices in mala carne teneantur. Quis hoc cum Pelagianis nisi infidelis affirmet? Dicimus enim baptisma dare omnium indulgentiam peccatorum, & auferre crimina, non radere, nec vt omnium peccatorum radices in mala carne teneantur, quasi rasorum in capite capillorum, vnde crescant refecanda peccata. Nam & istam similitudinem comperi suæ illos adhibere calumniæ, tanquā nos hoc sentiamus atque dicamus. Sed de ista concupiscentia carnis falli eos credo vel fallere, cum qua necesse est vt etiam baptizatus, & hoc si diligentissimè proficit, & spiritu Dei agitur, pia mente configat. Sed hæc etiam si vocatur peccatum, non vtique quia peccatum est, sed quia peccato facta est, sic vocatur: sicut scriptura, manus cuiusque dicitur, quod manus eam fecerit. Peccata autem sunt quæ secundum carnis concupiscentiam, vel ignorantiam illicitè fiunt, dicuntur, cogitantur: quæ transacta etiam reos tenent si non remittantur. Et ista ipsa carnis concupiscentia in baptismo sic dimittitur, vt quamquā tracta sit a nascentibus, nihil noceat renascentibus. Hæc Augustinus, qui multo plura illo loco pro hac re dicit. Et lib. 1. de nuptiis & concupiscentiis ad Valerium

*August.*



lerium per multa capita hanc eandem docet sententiam. Quæ omnia curioso lectori legenda committo, satis illi me fecisse existimans, cum ostenderim locum ubi quæ voluerit reperire valeat. Aduersus hanc hæresim iuxta vtranque illius partē scripsit largissimè Iacobus Latomus in eo opere quod fecit pro defensione determinationis Louaniensis contra Lutherum. Ioannes Rossensis episcopus scripsit disertissimè, vt solet, contra huius hæresis partem secundam, eam videlicet quæ est de concupiscentia, in articulo secundo illius operis quod fecit contra 41. Lutheri articulos à Leone 10. prius damnatos.

## P R A E D E S T I N A T I O.

Sigibertus monachus in suis chronicis refert, sub Honorio Imperatore & Zozimo papa fuisse quandam hæresim ortam, quæ docebat, piè viuentibus non prodesse bonorum operum laborem, si à Deo ad mortem ordinati fuissent: & impiis & peccatoribus non obesse quæcunque scelera & flagitia ab illis commissæ, si Deus illos ad vitam æternam prædestinasset. Huius hæresis authores Sigibertus ait vocari prædestinatos, nomen a sua doctrina suscipientes. Quis autem fuerit huius hæresis princeps, Sigibertus subtrahit, nec ego apud aliquem aliū reperi, quoniam nullus ex his qui de hæresibus scripserunt, huius hæresis meminit præter Bernardū de Lutzemburgo in suo catalogo hæreticorum, qui nihil aliud dicit quàm id quod in chronicis Sigiberti inuenit. Hūc errorem ferè per mille annos iā sepultū suscitauit ab inferis Ioannes Huss Bohemus, dicens *Ioannes Huss.* eum qui à Deo prædestinatus est ad vitam, etiam si mala opera agat, nunquam posse esse membrum diaboli: & illū qui est à Deo ordinatus ad mortem, quantumcunque bene viuat, nunquam posse esse membrum Dei. Hæc pestilentissimam hæresim hoc anno, videlicet M.d.xxxiiij. amplexati sunt aliqui vulgares & idiotæ homines in Hollandria & Phrisia, dicentes nulli homini bonum opus prodesse, aut malum obesse, sed omnia pendere ex sola prædestinatione & præsciētia diuina. Quæ doctrina iustos viros à bonorum operum exercitio auocat, & peccatores ad quæcunque scelera perpetranda impellit. Scripturæ ergo sacræ testimoniis apertissimis huius falsitatem ostendamus, ne ex hac doctrina ansam malè agendi peccatores accipiant. Nullus dubitat Cain fuisse damnatum, qui de misericordia diuina desperauit, dicens, Maior est iniquitas mea, quàm vt veniam merear. At cum dominus ad munera eius non respexit *Gen. 4* set, &



- set, & ob hoc Cain esset iratus, concidissetque vultus eius, dixit  
*Ibidem.* illi dominus, Quare iratus es? & cur concidit facies tua? Nonne  
 si bene egeris, recipies? Ecce Deus promittit homini præscito  
 præmium bonorum, si ea voluerit agere: & non verentur hære-  
 tici potentiam bene operandi auferre ab illis qui à Deo ad mor-  
 tem ordinati sunt. Deus enim neque sua prædestinatione sic ne-  
 cessitas prædestinatos ad bonum, vt malè agere & perire ne-  
 queant: neque ad gehennam ordinatos sic cogit, vt bene agere  
 & vitam promereri non valeant. Nam (vt verbis Augustini  
 utar) nouit Deus mutare sententiam, si homo cœperit mutare  
 vitam. Vnde ipsēmet Deus per Hieremiam prophetam loqui-  
 tur dicēs, Si pœnitentiam egerit gens illa à malo suo quod lo-  
 cutus sum aduersus eam:agam & ego pœnitentiam super ma-  
 lo quod cogitavi vt facerem ei. Præterea, certum est Dauid re-  
 gem fuisse à Deo ad vitam æternam prædestinatum, & tamen  
 cum propter adulterium ab eo commissum accessisset ad illū  
 Nathan propheta proponens regi parabolam de homine diui-  
 te accipiente ouiculam à paupere, qua idem pauper alebatur:  
 Rex Dauid dixit talem diuitem esse filium mortis. Quo dicto,  
 propheta Nathan dixit ad Dauid, Tu es ille vir. Quibus verbis  
 propheta apertissimè declarauit Dauid regem propter scelus  
 illud esse filium mortis, & dignum qui morte plecteretur æter-  
 na, nisi Deus illius misertus, vitam illi dedisset qua malè acto-  
 rū pœnitere potuisset. Rursum, Beatus Petrus apostolus præ-  
 destinatus est à Deo ad vitam æternam, qua etiam nunc iam  
 fruitur: hic tamen cum Christum increpasset eò quod se mo-  
 riturum dixerat, & mori paratum, audiuit ab eodem Christo,  
 Vade post me Satana. Ecce Petrus prædestinatus qui tamē ali-  
 quando fuit Satanas. Quod si Satanas fuit, oportet vt tunc ma-  
 gis ad dæmonem quàm ad Christum pertineret. Nam Theo-  
 phylactus illum locum Matthæi exponens sic ait: Satanas ad-  
 uersarius dicitur: Vade igitur post me, hoc est, ne obstitas, sed  
 sequere voluntatem meam. Vocat autem sic Petrum, quia etiā  
 Satanæ displicebat Christum pati. Hæc Theophylactus. Sed  
 quia non est valde manifestum Petrum tunc peccasse mortali-  
 ter, quanuis vocatus fuerit Satanas, (nam sic dictus est, quia di-  
 uinæ voluntati aduersabatur. Satanas enim idem est quod ad-  
 uersarius) ideo aliud manifestissimum illius peccatum produ-  
 cimus, trinam videlicet negationem, qua magistrum suum &  
 2. Tim. 1 omnium nostrum deicrans negauit. Deinde Paulus vas ele-  
 ctionis,

tionis, qui testatur sibi esse repositam à Deo coronam iustitię, fatetur se prius fuisse blasphemum. Si tunc blasphemus, ergo tunc peccator & iniquus, & per consequens tunc dignus morte. nisi forte isti hæretici cenient blasphemum esse dignum præmio æterno. Et si peccator tunc erat, oportet ut membrum demonis tunc fuerit. Vnde beatus Gregorius in homil. super euangelium dominicę primę in xl. sic ait: Certè iniquorum omnium caput diabolus est, & huius capitis mēbra sunt omnes iniqui. Hæc ille. Deum, inter multas assertiones Ioannis Huss quas concilium Constantiense sessione 15. damnauit, tertia in Conciliū ordine est quę sequitur: Paulus nunquam fuit membrum dia- Constantiensi. boli, licet fecerit actus quosdam actibus ecclesię malignātium contimiles. Et sexta assertio eiusdem Ioannis Huss sub his verbis ibidem ponitur, Præscitus, etsi aliquando sit in gratia secundum præsentem iustitiam, tamen nunquam est pars sanctę ecclesię: & prædestinatus semper manet membrum ecclesię, licet aliquando excidat à gratia aduentitia, sed non à gratia prædestinationis. Hæ autem duę assertiones simul cum aliis pluribus eiusdem Ioannis Huss in concilio Constantiensi damnatę sunt.

## P R A E D I C A T I O.

**I**Nter multos errores quos Valdensibus impingit Aeneas Syl-  
uius libro de origine Bohemorum cap. 35. is vnus est quo *Valdenses.*  
docent liberam esse cuicumque Christiano verbi Dei prædicationem, adeo ut quanuis à superiore sit prohibitus ne id agat, illum tamen posse prædicare verbū Dei asserant. Verum Guido carmelita in sua summa de hæresibus Valdensium errores recensens, nanquam huius erroris meminit. Eundem errorem postea docuit Ioannes Vuitcleff. Et hunc sequutus est Ioannes *Ioannes*  
Huss velut discipulus magistrum. Et quia posteriores hæreti- *Vuitcleff.*  
ci, quò aliquid glorię inanis, quam maximè optant, captare possint, præcedentium hæreticorum insaniam augere conantur, ideo hic Ioannes Huss hanc assertionem de libera verbi *Ioannes*  
Dei prædicatione docens, dicit eum qui propter superioris pro- *Huss.*  
hibitionem desinit prædicare verbum Dei, esse eo ipso à Deo excommunicatum. Hanc sententiam damnat beatus Paulus in epistola ad Rom. dicens, Quomodo prædicabunt, nisi mit- *Ro. 10*  
tantur? Arbitratur nanque Paulus neminem posse iustè officiū prædicationis exercere, nisi id sibi mandatum fuerit, & ad illud exercendum missus fuerit. Et in epistola ad Hebræos iterū ait: *Heb. 5*  
Nec

Nec quisquam sumit sibi honorem, sed qui vocatur à Deo tanquam Aaron. Et quamquam hoc loco Paulus de pontifice loquatur, qui tamen pontificis munus est populum docere, prout ex multis Pauli locis constat: ideo non inconuenienter de prædicatore etiam dicitur, ut nullus eorum sumat sibi honorē, sed qui vocatur à Deo tanquam Aaron. Præterea primi prædicatores euangelij quos Deus ad hoc elegit, ut in omnem terrā exiret sonus eorum, vocati sunt à Christo Apostoli, hoc est missi, ut ex nominis ratione quisque agnosceret neminem prædicare debere, nisi ad hoc missus fuerit. Mittitur autem, cum à superiore potestate habente facultas prædicandi conceditur. Et magnus ille Ioannes Baptista, quo inter natos mulierum non surrexit maior, nunquam prædicare ausus est quousque sibi à Deo mandatum est. Sic enim ait Lucas, Anno quintodecimo imperij Tiberij Cæsaris, procurante Pontio Pilato Iudeam &c. factum est verbum domini super Ioannem Zachariæ filium in deserto: & venit in omnem regionem Iordanis prædicans baptismum pœnitentiæ in remissionem peccatorum. Quæ verba interpretans Theophylactus ait: Factum est autem verbū domini super Ioannem, ut discas illum non temere neq; citra vocationem ad testificandum de Christo profiliisse, sed diuino motum spiritu. Per verbum intellige spiritum sanctū, vel mandatum Dei. Hæc Theophylactus. Et Ioannes euangelista hoc expressius de eodem Baptista refert. Fuit (inquit) homo missus à Deo, cui nomen erat ioannes. Hic venit in testimonium, ut testimonium perhiberet de lumine, ut omnes crederent per illum. Ecce Ioannem Baptistam, qui non audet testari de lumine, nisi prius à Deo missus ad hoc fuisset: & nō verentur superbi hæretici contra superioris præceptum prædicare. Nullus ergo Apostolus, nisi qui missus est: nullus etiam prædicator verus, nisi cui prædicationis officium commissum est. Vnde beatus Hieronymus libro primo commentariorum super epistolam ad Galatas circa principium sic ait: Ad distinctionem itaque eorum qui mittuntur ab hominibus, & sui, qui sit missus à Christo, tale sumpsit exordium, Paulus Apostolus, non ab hominibus neque per hominem. ἀπὸ θεοῦ autem, hoc est missus. Et parum infra, Vnde & nos possumus colligere Ioannē quoque Baptistam & prophetam & Apostolum appellandum: siquidem ait scriptura, Fuit homo missus à Deo cui nomen erat Ioannes. Et paucis interiectis subdit, Quatuor autem genera apost

apostolorum sunt. Vnum quod neque ab hominibus est, neque per hominem sed per Iesum Christum & Deum patrem. Aliud quod à Deo quidem est, sed per hominem. Tertium quod ab homine, non à Deo. Quartum quod neque à Deo neque per hominem, neque ab homine, sed à semetipso. De primo genere potest esse Esaias, ceterique prophetæ, & ipse Apost. Paul. qui neque ab hominibus, neque per hominem, sed à Deo patre & Christo missus est. De secundo Iesus filius Naue, qui à Deo quidem est Apostolus constitutus, sed per hominem Moysen. Tertium genus est, cum hominum favore & studio aliquis ordinatur: ut nunc videmus plurimos non Dei iudicio, sed redempto favore vulgi in sacerdotium subrogari. Quartum est pseudoprophetarum & pseudoapostolorum, de quibus Apostolus, Istiusmodi (inquit) pseudoapostoli, operarii iniquitatis, transfigurantes se in Apostolos Christi, qui dicunt: hæc dicit Dominus: & Dominus non misit eos. Hactenus Hieronymus. Ex cuius verbis patet illum non dici apostolum, sed pseudoapostolum, qui nec à Deo, neque ab hominibus electus est, sed ipse se ingerit, & officium prædicationis usurpat. Si autem hæreticus dicat se à Deo ad prædicandum missum, quemadmodum Paulus qui nec ab homine neque per hominem Apostolus factus est, sed à Deo: tunc oportet ut hæreticus miraculis & signis ostendat se missum à Deo. Nam Moyses coram Pharaone miraculorum claritate probavit se missum fuisse à Deo. Et cum Christus misit Apostolos ad prædicandum, prius dedit illis potestatem spirituum immundorum, ut eicerent eos, & curarent omnem languorem & omnem infirmitatem. Rursum, ut ex sacris literis constat, prædicationis verbi Dei interdicta est etiam scientibus illud, cum aliqua causa vrgeret pro aliquo tempore & loco. quoties ergo talis subest causa, licite impiedietur aliquis ne verbum Dei prædicet. Ipse enim veritatis magister eum apostolos suos ad prædicandum misit, prohibuit illis ne in viam gentium irent. Huius autem prohibitionis causam assignat Hieronymus super Mathæum, dicens, Oportebat primum aduentum Christi nunciare Iudæis, ne iustam haberent excusationem dicentes se dominum ideo reieciisse, quia ad Gentes & Samaritanos, Apostolos miserit. Hæc Hieronymus. Ecce unam iustam causam propter quam iuste potest aliquis prohiberi ne in aliquo loco prædicet, ut videlicet ne per talem prædicationem in tali loco, desinat prædicare aliis quibus magis tenetur. Nam si quis pastor animarum dimissis propriis ovi-

1. Cor. II

Ibidem.

Mat. 10



bus quibus ex officio tenetur prædicare, ad alium locum acce-  
 dit vt prædicet, iuste potest ibidē prohiberi, vt vel sic prohibi-  
 tus ad proprias oues recurrat. Potest etiā esse alia causa iustæ  
 prohibitionis, ne videlicet verbum Dei prædicatum tali loco  
 aut talitē tempore, ab audientibus contemnatur. Sanctus enim  
 Act. 16 Paul. & Timot. prohibiti sunt à spiritu sancto loqui verbum  
 Dei in Asia: & cum volebant in Bithynia prædicare, non per-  
 misit eos spiritus Iesu. Et huius prohibitionis causam reddit  
 Beda super Actus Aposto. dicens, Qui nouit corda Deus, bene-  
 ficii gratia doctorem ab Asia remouit: ne si sanctū canibus da-  
 retur, error cordis iniqui de contempta prædicatione iudicetur.  
 Hæc Beda. Quoties ergo apparet verbum Dei fore ab audito-  
 ribus cōtemnendum, tunc iuste prædicatio verbi Dei potest à  
 superiore prohiberi. Multis autem modis contingere potest vt  
 verbum Dei cōtemnatur. Aliquādo enim cōtemnitur propter  
 solam auditorum malitiam & duritiā. Aliquando etiam ipsius  
 prædicatoris malitia est causa quod verbum Dei cōtemnatur.  
 Nam vt dicit B. Grego. cuius vita despicitur, restat vt eius præ-  
 dicatio contemnatur. Quapropter cum publica est mala vita  
 prædicatoris, tunc superior iuste potest eum prohibere ne præ-  
 dicet: imo iniuste facit si non prohibet, ne occasione malæ vi-  
 tæ prædicatoris, verbum Dei vilipendio habeatur. Peccatori  
 enim dixit Deus, Quare tu enarras iustitias meas per os tuum?  
 Aliquando etiam cōtemptus paratur sine malitia prædicantis  
 aut audientis, sed propter ætatem ipsius docentis. Nam iuuenes  
 eo quod minus experti sunt, nō sunt apri ad docendum, sed be-  
 ne vt doceantur. Si ergo puer aut adolescens doceret, eius do-  
 ctrina à vulgo contemneretur, quoniā indoctū vulgus non tam  
 considerat quid, quam à quo dicatur. Quapropter Christus qui  
 paruulus natus summa erat sapientia, ante tamen tricesimum  
 Luc. 3 suæ ætatis annum prædicare noluit, vt Lucas testatur: & præ-  
 cursor illius Ioan. Baptista illa eadem ætate prædicare cœpit:  
 quoniam illa est ætas perfecta, in qua maximè omnes hominis  
 vires pollent. Et hinc, quātum ergo existimo, factum est vt ec-  
 clesia decreuerit episcopos quibus ex officio prædicare cōpetit,  
 non ordinari ante tricesimum ætatis annū. Illos ergo propter  
 quorum paruam ætatem verisimile est verbum Dei fore con-  
 temnendum, iuste potest superior à prædicatione arcere, ne ver-  
 bum Dei pateat contemptui. Vnde B. Grego. in pastoralis ex-  
 cludit iuuenes & imperfectos ab officio prædicationis, dicens,

Admonendi sunt vt considerent quòd cōceptas soboles scēminæ si priusquam bene formentur proferunt, nequaquam domos sed tumulos replent. Hinc est quod ipsa veritas, quæ repente quod veller roborare potuisset, vt exemplum sequentibus daret, ne imperfecti prædicare præsumerent: postquā plene de prædicationis virtute instruxit, illico adiunxit. Vos autem *Luc. 23* sedete in ciuitate donec induamini virtute ex alto. Hæc Grego. Tertia adhuc potest assignari caussa, & omniū maxima, propter quam prædicatio verbi Dei potest imò debet à superiore alicui interdici, si talis videlicet prædicatione sua ecclesiā scandalizat, & illam conturbat. De his Apost. Paulus Galatis scribens ait, Sunt aliqui qui vos cōturbant, & volunt conuertere euangelium Christi. Et postea circa finem epistolæ de talibus sententiam ferens ait, Vtinam abscindantur qui vos conturbāt. Et Sapiens in libro Prouerbiorum ait, Eiice derisorem, & exhibit cum eo iurgium. Quæ verba interpretans Beda super Prouerbia ait, Eiice (inquit) hæreticum, quem corrigere non potes, de ecclesia, & cum illi libertatem prædicandi abstuleris, catholicæ paci auxiliū præstas. Hæc Beda. Ecce multas caussas propter quas potest iustè prohiberi alicui prædicatio verbi Dei. Et generaliter loquentes (vt iam ostendimus) dicimus neminē iustè prædicare posse, nisi à Deo aut ab homine potestatem habente ad hoc missus fuerit, vt nemo assumat sibi honorem, sed qui vocatur à Deo tanquam Aaron. Melius ergo quā isti hæretici de prædicatione verbi Dei sentiens beatus Franciscus Minorum institutor, talia fratribus suis in sua regula mādāt, Fratres (inquit) non prædicent in episcopatu alicuius episcopi dū ab eo illis fuerit contradictum. Et generaliter nullus fratrum audeat populo prædicare, nisi à ministro generali huius fraternitatis fuerit examinatus & approbatus, & ab eo officium sibi prædicationis concessum. Hæc beatus Franciscus. Hæretici tamen cum valde ab humilitate beati Frācis ci distarent, longissimè etiam ab illius sententia separati sunt. Demum in concilio Constantiensi hæc assertio damnata est. Nam ex 45. articulis Ioannis Vuitcleff, quos concilium Constantiense sessione octaua damnavit, tertiusdecimus sic ait, Illi qui dimittunt prædicare siue audire verbum Dei propter excommunicationem hominum, sunt excōmunicati & in die iudicii traditores Christi habebuntur. Et quartusdecimus articulus sic dicit, Licet alicui diacono vel presbytero prædicare verbum Dei absque

*Concilium  
Constantiense.*

authoritate sedis apostolicę vel episcopi catholici. Qui duo articuli simul cum aliis eiusdem Ioan. Vuitcleff vna super omnes lata sententia ibidem dānati sunt. Et in eodē concilio sessione 15. damnati sunt plures articuli Ioannis Hufs, ex quibus tres sunt qui hanc damnatam doctrinam tutantur, videlicet 20 & 21 & 22. Aduersus hanc hāresim scripsit Thomas Vualden in primo tomo doctrinalis fidei antiquę.

## P R A E S C I E N T I A.

Albanen-  
sas.

**I**Nter multos errores quos Guido Carmelita tribuit Albanensibus, vnus est ad hanc rem pertinens. Dicunt enim Deū non pręscire ex se aliquod malū, sed per aduersariū suum, scilicet dæmonem. De quo autem malo illi intelligant, Guido nō expressit. Duplex enim esse malum sacra docet scriptura. Nam est malum quod dicitur peccatum siue culpa: & hoc notissimū est malū. Et etiā malum quod dicitur pœna, de quo per Esaiam prophetam Deus loquens ait, Ego dominus, & non est alter: formans lucem, & creans tenebras: faciens pacē, & creans malum. Malum hic dixit bellum, non quod per se malum sit, sed quia incōmodum est illis, qui bellum sustinent. De vtroque Ionas propheta loquitur, qui describens quo pacto Niniuitę ad illius prędicationem pœnitentiā egerint, ait, Et vidit Deus opera eorum, quoniā conuersi sunt de via sua mala, & misertus est Deus super malitiam quam locutus fuerat vt faceret eis, & non fecit. Quo loco cōstat duplicem malitiā designari. Cum enim dixit, conuersi sunt de via sua mala, malum culpę indicauit. Dicens autem, misertus est Deus super malitiam quam locutus fuerat vt faceret eis, malitiam pœnę apertissimē intellexit. De quo autem malo Albanenses intelligant Deum illud non pręscire, Guido nō expressit. De quocunque tamen malo loquantur, constat illorū sententiam esse hēreticam, & in Deum blasphemiam. De malo vtroq; apertissimū est testimonium quod ipsemet Deus Moyse dixit cum illum ad Pharaonem mitteret. Sed

**Exo. 3** ego scio (inquit ille) quod nō dimittet vos rex Aegypti vt eatis, nisi per manum validā: extendāmq; manum meam, & percutiā Aegyptum in cunctis mirabilibus meis quę facturum sum in medio eorum. In quibus verbis & peccatū regis prędixit, & plagas quibus percutiendus erat ille, & populus eius. Vtrunq; ergo malum pręsciit Deus. De malo culpę apertissimum est quod

**Ioan. 6** Ioannes ait: Sciebat enim ab initio Iesus qui essent credentes, & quis



quis traditurus esset eum. Vides hic Christum ab initio præscisse ludæ traditionem, quæ non leue fuit malum. De malo pœnæ tot sunt prophetarum vaticinia quibus populo prædixerunt mala, ut ea enarrare non sit opus, sed illud satis est ad hanc hæresim reuincendam, quod Lucas euangelista de Christo Salvatore nostro loquens ait, Ut appropinquauit, videns ciuitatem, fleuit super illam, dicens, Quia si cognouisses, & tu: & quidem in hac die tua, quæ ad pacem tibi: nunc autem abscondita sunt ab oculis tuis: quia uenient dies in te, & circumdabunt te inimici tui vallo, & circumdabunt te & coangustabunt te undique, & ad terram prosterment te. & filios tuos qui in te sunt: & non relinquent in te lapidem super lapide: eo quod non cognoueris tempus visitationis tuæ. Ecce quot plagas, quæ mala sunt. Christus prædixit: quas illum præscisse, euentus qui postea securus est, demonstrauit. Quod autem Albanenses dicunt Deum per aduersarium suum, videlicet dæmonem præscire mala, tam aperta est blasphemia, ut aduersus eam disputare dedignemur. Nam quæ conuentio lucis ad tenebras? Quæ conuentio Christi ad Belial? Quis conciliarius eius fuit? aut quis prior dedit illi, & retribuetur ei? Et apud Iob: Nunquid Deum docebit quispiam scientiam, qui excelsos iudicat? Peiores sunt isti quam Pharisei illi qui Christo exprobarunt quod in Beelzebub principe dæmoniorum eiecisset dæmonium. Sed hoc non passus est Christus, multo ergo minus tolerasset Albanenses si illi dixissent quod dæmone docente Deus aliquid præsciat. Nec opus est ut in tam aperta blasphemia prosterne-da tempus teramus, quoniam non puto esse aliquem Christo in-itiatum, cui hæc irreperere possit cogitatio. Nam quauis illam Albanensibus tribuat Guido, nescio tamen an illi in hac parte fidam.

## P R O P H E T A.

**D**E hac re est una satis impia hæresis, quæ dum prophetis detrahit, Deum blasphemat. Apelles enim dixit prophetas contrario spiritu fuisse inspiratos, & ideo contraria dixisse. Quapropter dicebat prophetias esse falsas, nihilque in illis esse veritatis, eo quod seipsas (ut dicebat) arguunt, & sibi ipsis aduersantur. Quia ergo Apelles in prophetis reperiebat aliqua quæ in speciem pugnare videbantur, quæ ille conciliare nesciebat, non est veritus prophetis impingere mendacium. Et cum contrarias sibi metipsis doceret esse prophetias, & contraria ab eodem esse non possent, ut hunc errorem facilius tueri posset, inlium peiorem lapsus est, dicens duo esse rerum principia, a quibus



bus duobus inter se diuersis aut diuisis prophetas dicebat fuisse inspiratos, vt contraria dixerint. Hæc ex Eusebio lib. 5. hutorix ecclesiasticæ capite 12. Cum hæc hærelis duos simul prouoluat errores, de vno solo est nunc differendum. Nam quod tantum sit vnicum omnium principium, supra iam conuincimus in titulo de Deo, hæresi prima. Illo enim loco aduersus Apellem & alios hæreticos ostendimus ex sacris literis Dei vnitatem. Superest vt alium huius hærelis errorem reiiciamus, quo docetur prophetas falsa docuisse, & sibi inuicem contraria dixisse. Et certè non est operosum hunc errorem reiicere, quum apertissima sit in Deum blasphemia. Quis enim dubitat supremam esse blasphemiam Deo impingere mendacium? At qui dicit prophetas docuisse falsa, illam falsitatem in Deum reicit, qui prophetas vt sic loquerentur inspirauit. Locutus est enim Deus (vt ait Zacharias apud Lucam) per os sanctorum qui à seculo sunt prophetarum eius. Et propheta regius testatur linguam suam esse calamum scribæ velociter scribentis, hoc epitheto spiritum sanctum designans, cuius gratia (vt Ambrosius ait) tarda molimina nescit. Nullus est autem adeo demens, vt falsitatem scripturæ calamo tribuat, & non potius scriptori qui calamum mouit. Si ergo Deus est scriba, & propheta calamus, ea quæ propheta docuit, Deo potius tribuenda erunt quàm prophetæ: quo fiet vt si propheta aliquis falsa docuit, vt Apelles ait, Deus falsitatis sit arguendus, & non propheta. Abfit vt in tantam blasphemiam quis incidat, vt Deum mendacem dicere præsumat. Præterea beatus Paulus in ea quæ est ad Hebræos *Heb. 1* epistola, ait, Multiphariam multisque modis olim Deus loquens patribus in prophetis &c. Ecce vides Paulum asserentem Deum fuisse loquutum ore prophetarum. Et beatus Petrus *2. Pet. 1* ait, Non enim voluntate humana allata est aliquando prophetia, sed spiritu sancto inspirati loquuti sunt sancti Dei homines. Ecce propheta vnico spiritu videlicet sancto inspiratos, & per illius inspirationem loquutos. sic inspirati nō magis mentiti sunt quàm Deus, cuius inspiratione loquebantur. Neque opus est vt aduersus tam apertam blasphemiam amplius contendamus.

Secunda hærelis docet prophetas fuisse arreptitios, nō intelligentes ea de quibus loquebantur. Huius hærelis author fuit *Montanus*. Montanus, quem postea sequutus est in hac parte *Priscillianus*. hoc enim illi tribuit Bernard. de Lutsemburgo in suo catalogo hære

go hæreticorum. Non enim apud aliquem alium qui de hære-  
 sibus scripserit, inuenio Priscillianum fuisse de hac re notatū.  
 Hæc hæresis apertissimè cōvincitur per id quod habetur in pri-  
 mo lib. Regum. Qui enim propheta dicitur hodie, vocabatur 1. Reg. 9  
 olim videns. Si propheta est videns, quā fieri potest vt nō sit etiā  
 intelligens? Tanta est enim notitia quam prophetæ habent de  
 illis rebus quas prophetizant, vt proxima sit illi notitiæ quam  
 vilitata voce intuitiuam vocant: & ipsæ eorum prophetiæ vocan-  
 tur visiones. Elaias siquidem hoc nomine suam appellat pro-  
 phetiam, dicens, Visio Esaia filij Amos. Et eodem modo loqui *Esaia 1*  
 tur Ezechiel propheta, dicens, Visiones Dei vidi. Et prophetia *Ezec. 1*  
 Naum propheta tale habet initium: Liber visionis Naum. Et *Naum 1*  
 de hac prophetarum visione dicitur in Daniele: Intelligentia *Dan. 10*  
 opus est in visione. Quo fit, vt qui non intelligit quæ dicit, pro-  
 pheta non sit dicendus, quāuis prophetiam aliquam dicat. Nā  
 corpus Helisæi mortuū prophetauit, sicut de illo narrat Eccle- *Ecc. 48*  
 siasticus: nullus tamē sanæ mentis dicit corpus illud mortuum  
 fuisse prophetam. Præterea si prophetæ fuerunt arreptiij, non  
 intelligentes quæ loquebantur, fateri oportet eorum prophe-  
 tias non fuisse à Deo, quoniā (vt est apud Iob) Inspiratio omni- *Iob 32*  
 tur, vt si prophetæ non fuerint intelligentes, non fuerint etiam  
 inspirati à Deo. q̄ si inspirati sunt à Deo, intelligentes etiā eos  
 fuisse oportet, quia inspiratio omnipotentis dat intelligentiam.  
 Deinde beatus Paulus in priore epistola ad Corinthios apertis *1. Cor. 14*  
 simè docet prophetas esse intelligentes. Nam eum solum bea-  
 tus Paulus censet appellandum prophetam, qui ea quæ loqui-  
 tur, scit interpretari & exponere ad auditorum vtilitatē & ædi-  
 ficationem. sic enim ait: Qui prophetat, hominibus loquitur  
 ad ædificationem & exhortationem & consolationem. Qui lo-  
 quitur lingua, semetipsum ædificat. Qui autem prophetat, ec-  
 clesiam ædificat. Volo autem vos omnes loqui linguis: magis  
 autem prophetare. Nā maior est qui prophetat, quam qui lo-  
 quitur linguis: nisi fortè interpretetur vt ecclesia ædificationem  
 accipiat. Ecce vides eum à Paulo appellari prophetam, qui ea  
 quæ loquitur, interpretari valet ad ecclesiæ ædificationem. At  
 fieri non potest vt intelligens non sit, qui est interpres. Accedit  
 adhuc, quod de aliquibus prophetis scriptura sacra apertissi-  
 me testatur eos intellexisse ea, quæ prophetabant. De pro-

*Daniel.* *1* pheta siquidem Daniele dicitur quod dederit illi Deus intelligi-  
*Eze. 10* gentiam omnium visionum & somniorum. Et propheta Ezechiel describens eam visionem qua vidit Cherubim ambulanti-  
 tia iuxta rotas, ait, intellexi quia Cherubim essent. Propheta testatur se intellexisse, & nō verentur Montanus & Priscillianus dicere illos nō intellexisse. Iustius est ergo ut credamus hos hereticos fuisse arrepticios, & a demone agitados: prophetas autem quod Deus inspiravit, optimè intellexisse ea quæ prophetabāt: adeo ut propter excellentem quam habuerunt noticiam, intuitivè proximam, videntes sint appellati.

## P U R G A T O R I U M.

*Græci.* *Armeni.* **V** Nus ex notissimis erroribus Græcorum & Armenorum est, quo docent nullum esse purgatorium locū in quo animæ ab hac luce migrantes purgentur a sordibus quas in corpore contraxerant, antequā in æterna tabernacula recipi mereantur. Græcos & Armenos imitati sunt in hac parte Valdenses. Ioannes autem Vuitcleff et si alibi semper Valdesium errores suscipiat & tutetur, de hac tamē re à nullo malè audit nisi à fratre Bernardo de Lutzemburgo, qui in quodam opusculo de purgatorio quod adiecit in fine catalogi hæreticorū, hūc errorem impingit Ioanni Vuitcleff, & Ioanni Hufs. Concilium tamē Constantiense in quo damnatus est uterque, neutrum de hoc errore notavit. Et Thomas Velden qui diligentissimè omnes Ioan. Vuitcleff errores inuestigavit, nunquā huius meminit ut illi impingeret. Crederem tamē facile Ioannē Hufs ita sensitse, ut nullū esse purgatorium ignem docuerit, quoniā Bohemi qui ab hoc Ioanne Hufs fuerunt seducti, hunc errorem (ut dicitur) hucusque pertinaciter tuentur. Demū Lutherus hoc nostro seculo et si purgatoriū fateatur, negat tamen illud ex sacris literis ostendi posse. Qua in re valdè miror qualiter suæ sententiæ fuerit oblitus qua docet nihil esse credendum quod non possit apertè ex sacris literis colligi. Si sacræ literæ non docent purgatoriū, quare tu Luthere illud credis? Aut quam rationem reddes alicui petenti de hac quæ in te est fide? Petrus siquidem apostolus præcipit ut parati simus ad satisfactionē omni poscenti reddere rationem de ea quæ in nobis est fide. Nam si credis aliquid quod nullo scripturæ sacræ testimonio roborari potest, meritò iuxta tuam sententiam iudicaberis levis corde, præcipuè cum iuxta tuam doctrinam ecclesia non possit aliquem cogere ad credendum nisi illa quæ sunt expressa in sacra scriptura. Ne ergo nos

sicut



sicut Lutherus leues corde iudicemur, credentes purgatoriū esse post hanc vitam, oportet vt rationē reddamus de ea quæ in nobis est fide. Primò ergo hoc esse oportet manifestissimū, in illa futura beatitudine nullam esse maculā, nullas etiā esse sordes. Hoc enim Esaias propheta testatur apertè, dicens, Via sancta vocabitur, non transibit per eam pollutus. Cui consentit Ioan. in Apocalypsi. Non intrabit (inquit) in eam aliquid coinquinatum. Ciuitas enim illa sancta est sponsa illa quam iuxta Paulū sponsus eius Christus sanctificauit, mundans eam lauacro aquæ in verbo vitæ, vt exhiberet ipse sibi gloriosam ecclesiam nō habentem maculam neq; rugam, aut aliquid huiusmodi. Nam quod ecclesia nullam habeat maculam aut rugam, tunc solum implebitur quando ipsa erit beata, non autē in hac vita, in qua quotidie orantes dicere debemus, Dimitte nobis debita nostra. De illa enim sola sponsa testatur Aug. quod sit sine macula, lib. 20. de ciuitate Dei, cap. 25. & in libro de hæresi. ad Quoduult-deum, cap. 88. Et B. Hierony. in commentariis super Hieremiam exponens 31. caput Hieremix, circa finem capituli idem docet. Ex his ergo conuincimus fore necessarium vt nulla anima quæ aliquam habuerit maculam aut rugam, intret in gloriam cœlestem antequam à tali macula mundetur. At multe sunt animæ quæ decedentes ab hoc seculo, plurimas habēt peccatorum venialium sordes, quas nunquā dum hic viuerent mūdauerunt. Tales autem animæ non descendunt in infernum, quoniam nullus in charitate decedēs propter sola venialia perpetuò damnatur. nec ad gloriam ascendunt, quoniam à sordibus peccatorum venialium nondum sunt mundatæ: ergo oportet dare terrium locum in quo animæ illæ recipiantur quousq; sint tanquam aurum in fornace mundatæ, vt sic purificatæ possint intrare in illam ciuitatem sanctam Hierusalem, in quam nihil coinquinatum intrat. Præterea supra docuimus in titulo de pœnitentia, post peccatum dimissum restare aliquam pœnitendam pro punitione peccati, vt aliquo modo Deo satisfaciatur peccator pro debito ad quod ex peccato tenebatur. Si ergo aliquis decedat post peccatum dimissum pro quo adhuc non satisfecit, percontari oportet hos hæreticos, quò vadat talis anima cū primū separatur à corpore. Nō est certè æquum, neque decens misericordiam diuinam, vt descendat ad inferos propter peccatum quod iam illi dimissum est. Neq; etiam iustum, vt intret gloriam cœlestem cū nondum pro suo peccato

*Esai. 35*

*Apoc. 21*

*Eph. 5*

*Mat. 6*

*ff 5*



to satisfecerit, nec pro illo iustas luerit pœnas. Nam sicut nullum est bonum suo præmio frustratum, ita nullum est malum quod non oporteat esse punitum: esset autem malum absq; punitione, si quis post peccatum dimissum pro quo nō fuit in hac vita punitus, statim post mortem intraret in gloriam. Et certè (ni fallor) etiā si nullū esset sacræ scripturæ testimoniū ad probandum purgatorium: ex his duabus collectionibus quas modo protulimus, apertissimè conuinci posset. Sed vt clarius veritas fidei omnibus pateat, oportet vt aliqua scripturæ testimonia proferamus. Apud Esaiam legimus, quod abluet Dominus sordes filiarum Sion, & sanguinem Hierusalem lauabit de medio eius in spiritu iudicij, & in spiritu ardoris. Et Malach. propheta ait, Ecce venit, dicit Dominus exercituum: & quis poterit cogitare diem aduentus eius? & quis stabit ad videndum eum? Ipse enim quasi ignis conflans, & quasi herba fulgonum. Et sedebit conflans, & emundans argentum, & purgabit filios Levi, & colabit eos quasi aurum & quasi argentum, & erunt Domino offerentes sacrificia in iustitia. Ex quibus verbis satis aperte colligitur esse aliquas purgatorias pœnas in quibus animæ purgantur. Quod si quis fortè dicat illa Malac. verba esse intelligenda de illa purgatione quæ fiet in die iudicij, in quo boni purgantur per hoc quod separabuntur à malis: hoc nō ita esse, verba ipsius Malachiæ ostendunt, quibus ait, Colabit eos quasi aurum & quasi argentum, & erunt Domino offerentes sacrificia in iustitia, & placebit Domino sacrificium Iuda & Hierusalem. Quibus verbis propheta docet eos qui mundabuntur, Domino oblaturus sacrificia iustitiæ, hoc est seiplos iam iustificatos. tunc enim ipsi erūt hostiæ Deo gratissimæ. Et ne quis miretur quod hæc de igne purgatorij nos interpretati sumus, legat beatum Augustinum lib. 20. de ciuitate Dei, cap. 25. Nam illo loco per hæc duo testimonia idem patet credit posse conuinci esse purgatorias pœnas post hanc vitam. Rursum, ipse veritatis magister apud Matthæum ait: Quicumque dixerit verbum contra filium hominis, remittetur ei: qui autem dixerit contra spiritum sanctum, non remittetur ei neque in hoc seculo, neque in futuro. Quibus verbis satis aperte innuit aliquas esse culpas quæ in alio seculo remittuntur. Nam si nulla culpa in alio seculo remittitur, quid opus erat addere neque in futuro? Satis enim erat dicere, non remittetur ei in hoc seculo. At cum nullum verbum fuerit ociosè aut frustra dictum a Christo, conuincitur

ideo

ideo illā particulam esse additam, propterea q̄ aliqua culpæ in hoc seculo omnino dimittantur: aliæ videlicet veniales dimittantur in alio seculo cum pro illis in hac vita non fuerit satisfactum. Hoc testimonio vtitur beatus Gregorius ad probandū purgatorium lib. 4. Dialog. cap. 39. Eodem vtitur Bernardus sermo. 66. super cantica aduersus quosdam hæreticos qui se dicebant apostolicos, negantes purgatorium. Deinde postquam beatus Paulus dixerat Christum esse fundamentum, statim subiungit, Si quis autem superædificat supra fundamentum hoc aurum, argentum, lapides preciosos, ligna, fœnum, stipulam, vniuscuiusque opus manifestum erit. Dies enim Domini declarabit, quia in igne reuelabitur: & vniuscuiusque opus quale sit, ignis probabit. Si cuius opus manserit, quod superædificauit, mercedem accipiet. Si cuius opus arserit, detrimentum patietur, ipse autem saluus erit, sic tamen quasi per ignem. Ex quibus verbis satis apertè colligitur purgatorius ignis. Nam quod ait, si cuius opus arserit, detrimentum patietur, non potest intelligi de peccato mortali nondum in hac vita dimissio, quoniam statim subiungit, ipse autem saluus erit. At qui in inferno sunt, nunquam saluabuntur. Alius ergo est locus, in quo detrimentum patiuntur animæ, & postea saluantur. illum nos appellamus purgatorium ignem. Quod si quis concedens locum purgationis, neget in eo esse ignem, sed animarum detrimentum quod patiuntur, dicens solum esse priuationem visionis diuinæ, attendat quid dicat Paulus, Si cuius opus (inquit) arserit, detrimentum patietur, ipse autem saluus erit, sic tamen quasi per ignem. Ecce iam audis ignem in quo patitur detrimentum is qui saluandus est. Verum ne quis nos incuset quod scripturam istam perperam simus interpretati, aliò eam detorquentes quam oporteat, duos aut tres proferam scripturæ sacræ clarissimos interpretes, quos in hac parte sum imitatus. Et primò in medium produco Origenem, qui homilia sexta super Exodum, pertractans illum Pauli locum, postquā dixerat per ligna fœnū & stipulā intelligi triplicem malorum viam, sic ait, Idcirco qui saluus fit, per ignem saluus fit. vt siquid fortè de specie plūbi habuerit admixtū, id ignis decoquat & resoluat, vt efficiantur omnes aurum bonum: quia aurum terræ illius bonū esse dicitur, quā habituri sunt sancti: & sicut fornax probat aurum, sic homines iustos tentatio. Veniendum est ergo omnibus ad ignē, veniendū est ad cōflatorium.

Apostolici

1. Cor. 3

rium. Sedet enim dominus & conflatur, & purgat filios Levi. Sed & illuc cum venit, si quis multa bona opera, & parum aliquid iniquitatis attulerit: illud parum tanquam plumbum igne resoluitur ac purgatur: & totum remanet aurum purum. Et si quis plus illuc plumbi detulerit, plus exurit, ut amplius decoquatur, ut & si purum aliquid sit auri, purgatum tandem resideat.

**Exo. 15** Quod si aliquis illuc totus plumbeus venerit, fiet de illo hoc quod scriptum est, Demergetur in profundum tanquam plumbum in aqua validissima. Hæc Origenes. Beatus Augustinus in Enchiridio ad Laurentium, postquam locum illum Pauli exposuerat de igne tribulationis in hac vita, cap. 6. sic ait: Tale aliquid etiam post hanc vitam fieri incredibile non est, & utrum ita sit, quæri potest, & aut inueniri aut latere, nonnullos fideles per ignem quandam purgatorium, quanto magis minusve bona pereuntia dilexerunt, tanto tardius citiusque saluari: non tamen tales de quibus dictum est quod regnum Dei non possidebunt, nisi conuenienter poenitentibus eadem crimina remittantur. Hæc Augustinus. Et multo diffusius hunc Pauli locum pertractat & interpretatur de igne purgatorii sermone 4. de commemoratione animarum, qui habetur inter sermones de sanctis. Beatus Hieronymus in fine 18. libri commentariorum super Esaiam sic ait: Sicut diaboli, & omnium negatorum & impiorum, qui dixerunt in corde suo, non est Deus, credimus æterna tormenta: sic peccatorum atque impiorum, & tamen Christianorum, quorum opera in igne probanda sunt atque purganda, moderatam arbitramur & mixtam clementiæ sententiam iudicis. Hæc Hieronymus. Beatus Gregorius lib. 4. dialogorum cap. 39. hunc Pauli locum etiam citat ad probandum purgatorium ignem. Accedit ad hæc vniuersalis ecclesiæ consuetudo ab ipsis apostolis deriuata, & usque ad hæc tempora seruata. per quam semper inter missarum solennia sacerdos pro defunctis orat Deum, & pro illis offert Deo sacrificium. Non autem orat pro illis qui iam Deo quiete fruuntur, quoniam illi non indigent nostris orationibus, nec possunt etiam per illas ullo pacto iuari. Neque etiam orat pro illis qui sunt in inferno, quoniam frustra oraret, cum in inferno nulla sit redemptio. Cōvincimus ergo ut solum oret pro his qui sunt in purgatorio. Et hæc ecclesiæ consuetudo vetusta, tanti est momenti ad probandum purgatorium, ut etiam si scripturæ testimonium deesset ad illud probandum, hæc sola iuxta Augustini sententiam sufficeret.

Nam

Nam in libro de cura pro mortuis agenda, postquam ostend-  
 rat ex scripturis sacris prodesse defunctis ea suffragia quæ post  
 mortem eorum fiunt, sic ait: Si nusquam in scripturis veteribus  
 omnino legeretur, non parua hac consuetudine claret authori-  
 tas, ubi in precibus sacerdotis quæ domino Deo ad eius altare  
 funduntur, locum suum etiam habet commendatio mortuo-  
 rum. Hæc Augustinus. Omnia ergo illa testimonia quæ cōuin-  
 cunt suffragia quæ pro defunctis post eorum mortē fiunt, pos-  
 se illis prodesse, etiā conuincunt & apertissimè ostendunt pur-  
 gatorium, quoniam soli in purgatorio existētes possunt nostris  
 orationibus aut aliis suffragiis iuari. Quapropter ad illū lo-  
 cum mittimus lectorem, videlicet ad titulum de suffragiis, vt  
 eo loco capiat quæ hic desunt testimonia. Illo enim loco profe-  
 remus concilij Carthaginensis decretum, quod huic negotio  
 aptissimè conuenit. De hac re scripsit Ioannes Eccius opus dif-  
 fusum quatuor partitum libris.

Secunda hæresis est qua docetur animas in purgatorio exi-  
 stentes non esse extra statum merendi aut demerendi. Huius  
 hæresis author est Lutherus, docens animas in purgatorio posse *Lutherus.*  
 adhuc mereri, aut demereri. Hanc Lutheri insanam hæresim  
 apertissimè dānat Sapiens, qui in Ecclesiaste sic ait: Quodcun- *Ecc. 6*  
 que facere potest manus tua, instanter operare, quia nec opus,  
 nec ratio, nec sapientia, nec scientia erunt apud inferos, quò tu  
 properas. Non enim dicit illa apud inferos absolutè non esse,  
 quoniam sancti patres tunc temporis apud inferos erāt, in qui-  
 bus tamen erat ratio, & sapientia: sed ideo dicit hæc apud infe-  
 ros non esse, quia per illa iam iuari non possunt vt mereri va-  
 leant. Et iterum apertius, Si ceciderit lignum ad austrum, aut  
 aquilonem, in quocunq; loco ceciderit, ibi erit. Quæ verba in-  
 terpretans Hieronymus in commentariis super Ecclesiastē, sic *Ecc. 11*  
 ait: Lignum quod in hac vita corruerit, & conditione mortali-  
 tatis fuerit incisum, aut peccauit antè dum staret, & in boreæ  
 parte postea ponitur, aut si dignos austro fructus attulit, in pla-  
 ga iacebit australi. Et parum infrà, Nec enim possunt proficere  
 si in pristinis sedibus perseuerent. Hæc Hieronymus. Ex cuius  
 verbis patet Sapientis esse sententiam, neminem post hanc vi-  
 tam posse mereri aut demereri. Præterea Saluator noster apud  
 Ioannem ait: Me oportet operari opera eius qui misit me, do- *Ioan. 9*  
 nec dies est. venit nox, quando nemo potest operari. In quibus  
 verbis id aduertendum est, quòd non dixit, Venit nox, quando  
 ego



ego non possum operari, sed ait: ut in vniuersum de omnibus loqui videatur, Venit nox, quādo nemo potest operari. Augustinus hunc locum pertractans, tractatu 44. super Ioannem sic ait: Operetur ergo homo dum viuit, ne illa nocte pręueniatur, vbi nemo possit operari. Modo est ut operetur fides per dilectionem: & si modo operamur, hic est dies, hic est Christus. Audi promittentem, & ne arbitreris absentem. Ipse dixit, Ecce ego vobiscum sum. Hęc Augustinus. Et beatus Chrysostomus eodem modo interpretatur illa verba. Nā homilia 55. super Ioannem sic ait: Sanē magnum hoc est, donec dies est, dum licet hominibus in me credere. Dum hęc durat vita, laborandum est: venit nox, hoc est futurum tempus quando nemo operari potest. Non dixit, quando nō potero operari, sed nemo potest operari. Et parum infra, Christus mortem futurum tempus appellat, quoniam peccatores nihil operari poterunt. Hęc Chrysostomus. Et beatus Hieronymus in commentariis super epistolam

**Gala. 3** iam ad Galatas exponens illud eiusdem epistolę, Dum tempus habemus, operemur bonum, illa Christi verba eodem modo interpretatur. Sic enim ait: Tempus sementis (ut diximus) tempus est pręsens, & vita quam currimus. In hac licet nobis quod volumus seminare. Cū ista vita transierit, operandi tempus auferetur. Vnde & Saluator ait: Operamini dum dies est: veniet nox, quando iam nullus poterit operari. Hęc Hieronymus.

**Ioan. 9** Ad eundem modum illa Christi verba interpretatur Origenes, qui in expositione Psalmi 36. ita inquit, Saluator noster ait: Veniet nox, quando nemo potest operari. Et hoc dicit de illo tempore quod erit post hoc seculum, quo vnusquisque recipiet pœnas. Tūc ergo dicit mortem illam futuram, quum iam nemo potest operari aliquid, sed vnusquisque tunc pascitur ex operibus suis quę hic positus operatus est. Hęc Origenes. Ecce quatuor sacrę scripturę illustres interpretes, qui omnes cōcorditer sentiunt noctem illam in qua iuxta sententiam Saluatoris nemo potest operari, esse tempus post mortem. Prudens ergo lector consideret num iustius sit vni Luthero in interpretatione scripturę sacrę assentire, quā tot clarissimis viris quorum doctrina fulget ecclesia ut Sol & Luna. Rursum, beatus

**1. Cor. 5** Paulus in posteriore epistola ad Corinthios hoc ipsum aperte docet, ita dicens, Omnes nos manifestari oportet ante tribunal Christi, ut referat vnusquisque propria corporis prout gessit siue bo

ne bonum siue malum. Ecce iuxta Paulum nullus accipiet nisi secundum proportionem eorum quæ gessit in corpore: ergo postquam animæ sunt exutæ corporibus, nihil amplius mereri poterunt. Vt autem clarius Pauli sententia in hoc loco appareat, operæ precium erit videre qualiter doctissimus vir Erasmus Roterodamus hunc locum transtulit. Sic enim eius translatio habet: Omnes enim nos manifestari oportet coram tribunali Christi, vt reportet vnusquisq; ea quæ fiunt per corpus, iuxta id quod fecit siue bonum siue malum. Quæ verba vt sunt propinquiora veritati Græci sermonis, ita etiam clarius & aper-  
 tius explicant Pauli sensum, & fidem catholicam, qua creditur post mortem non esse tempus merendi aut demerendi. Et in epistola ad Galatas idem apostolus ait: Bonum autem facien- *Gala. 6*  
 tes non deficiamus. tempore enim suo metemus non deficientes: ergo dum tempus habemus, operemur bonum ad omnes. Quem locum exponens Theophylactus ait: Quemadmodum non semper ferendi tempus, ita nec merendi occasio semper offertur. Quod sanè & virginum illarum & Lazari exemplo profertur. Quandiu autem nobis in hac vita suppetit ætas, non solum in præceptores, sed in gentiles ipsos & Iudæos quæ bona sunt operemur, hoc est, beneficentia vtamur & eleemosyna. Hæc Theophylactus. Ex cuius verbis patet, tēpus illud quod habemus ad bene operandum, esse tempus huius vitæ, & non tempus post mortem, quoniā à mortuo velut qui non est, perit confessio. Contra hunc errorem scribit Ioannes Rossensis episcopus articulo 37. in eo opere quod fecit pro assertionem damnationis quorundam articulorum Lutheri factæ à Leone decimo. Scribit etiam Iacobus Latomus in eo opere quod edidit pro assertionem censuræ Louanienfis aduersus Lutherum. alios autem, si qui sunt, non vidi.

Tertia hæresis etiam est à Luthero inuenta, & ex præcedēti *Lutherus.*  
 deducta. Ex hoc enim errore quo docet animas in purgatorio posse mereri & demereri, colligit eas non esse de sua salute securas: & ita corruptam & putridam aquā ex vitiato fonte dedit. Quapropter prostrata hæresi præcedenti, quæ est huius fundamentum, hæc nullo pacto stare poterit, quin statim corruat. Nam si animæ quæ purgantur, nec mereri nec demereri possunt, & hoc eas non latet, conuincitur eas esse de sua salute securas. Nulla est enim anima quæ purgetur, nisi quæ in Christo fundata est. & quia super hoc fundamentum superedificauit li-  
 gnum,

gnum, sœnum, & stipulam, id est leuia quædam & venialia peccata, ideo detrimentum patitur, vt iuxta Pauli sententiam, salua fiat, sic tamen quasi per ignem. Si anima quæ purgatur, charitatem habet, & illā iam (vt in præcedenti hæresi ostendimus) amittere non potest, ergo secura est de sua salute. Charitatis enim pignus quoddā est spiritus, & arra quædam felicitàs eternæ, per quam spiritus testimonium reddit spiritui nostro quod sumus filij Dei. Quod si filij, & hæredes: hæredes quidem Dei, cohæredes autem Christi. Ex quibus manifestè patet omnem animam quæ purgatur, cum iam sciat se esse in charitate, esse certam & securam de sua salute. Præterea credendum est omnes animas antequam in purgatorium coniciantur, prius de factis & dictis examinari, & earum examine facto mitti ad purgatorium. Alioqui esset ordo præposterus si prius pœnas luerent, & postea producerentur ad examen, vt de illis sententia feratur. Oportet ergo, vt primū examinati rationem reddant, & sua merita & demerita plenè agnoscant, & postea dicatur illis sententia. Ex quo iudicij ordine conuincitur vt animæ omnes quæ ad purgatoriū mittuntur, certæ sint & securæ de sua salute, quoniam agnoscunt ex sententia in se dicta, quod mox vt purgata fuerint, in cœlestem gloriam admittentur. Rursum, percontari oportet Lutherum an ipse certò credat animas quæ purgantur, esse iam extra periculum, an nō. Si non credit eas esse extra periculū: ergo purgatorium iuxta eum erit etiā sicut vita præsententatio quædam, & stadiū in quo qui currit aut certat, incertus est de victoria. At ex sententia Iob constat militiam aut tentationem esse vitam hominis super terram. quod si etiam vita hominis subtus terram esset militia, frustra addidit cum de vita hominis diceret, super terram. Si verò Lutherus certò credit animas quæ purgantur, esse extra periculū, quāliter ipsamet anima quæ purgatur, hoc ignorat? Nunquid per mortem oblita est eorum quæ antè sciebat? Si nos sumus certi animas in purgatorio existentes esse iam in tuto: multò magis ipsamet animæ erunt certæ de sua salute, cum in illis sit eadem fides, spes, & charitas, & in illis etiam corpus corruptibile non aggrauet animam, nec intellectus earum mendicet à visibilibus notitiā inuisibilium, sed seipsas nudas clarè intueantur. Verū hic fortè aliquis posset obicere nobis illud quod ecclesiastica canit in precibus quas pro defunctis effundit coram Deo, A porta inferi erue Domine animas eorum. & illud, Domine Iesu

Iesux rex gloriæ libera animas omnium fidelium defunctorum de pœnisi inferni, & de profundo lacu: libera eas de ore leonis, ne absorbeat eas tartarus, &c. Si animæ essent de sua salute securæ, superuacaneum esset orare pro illis ut eruantur ab inferis, ad quos etiâ si pro illis ecclesia non oraret, iam descendere non possunt. Respondeamus iuxta Bedæ sententiam, purgatorii locum esse maximè vicinum inferno, & propter hanc vicinitatē, & propter maximam conuenientiam & similitudinem pœnarum vtriusque loci, purgatorii locum aliquando vocari nomine inferni. Hoc autē ex eo coniici potest, quod locus ille in quo erant sancti patres ante Christi mortem, qui locus in euangelio dicitur sinus Abrahæ, sæpenumero vocatur nomine inferni, & nomine lacus: cum tamen in illo loco mitius fuerint animæ tractatæ quā in purgatorio. Propheta regius ait, Deus redimet animam meam de manu inferi. Et iterum, Eruiisti animam meam ex inferno inferiori. Et certum est prophetam non descendisse ad illum locum pœnarum in quo sunt damnati. Et propheta Zacharias ait, Tu in sanguine testamenti tui eduxisti vinctos qui erant in lacu in quo non est aqua. Quibus verbis designans liberationem animarum per Christum factam, appellauit locum in quo animæ sanctorum erant, lacū in quo non est aqua. Multo ergo melius poterit appellari lacus purgatorii. in quo acerbissimas animæ tolerant pœnas, infernus & lacus. Et ut ab hoc loco & à pœnis eius animæ liberentur, orat ecclesia. Possūmus aliter & fortè melius respondere, dicentes non semper dubitari de illis quæ petuntur, an ita futura sint ut petuntur. Nam sæpissimè petuntur illa quæ certò sciuntur euentura ut petuntur: & huius rei plurima sunt testimonia. Ecclesiasticus siquidē Deum orans sic ait: Da mercedem sustinentibus te, ut prophetæ tui fideles inueniantur. Nullus tamen sanæ mentis dicit Ecclesiasticum dubitasse de fidelitate prophetarum Dei, aut dubitasse quod Deus daturus esset mercedem his, qui sustinent illū, quod tamen ille petiit. Paulus certus erat se non separandum à charitate Dei: certus etiam erat coronam iustitiæ a iusto iudice Deo paratam sibi esse: orabat tamen Deū ut illam assequi mereretur. Et si cui prædestinatio sua fuisset nota, orare nihilominus deberet Deum pro suæ prædestinationis impletionē: ut (iuxta Petri apostoli sententiam) per bona opera certam faceret suam vocationem. Sic etiâ ecclesia quamuis certo sciat animas existentes in purgatorio non fore ad inferos damnandas,

Psal. 48

Psal. 85

Zacha. 6

Eccle. 36

2. Pet. 1



pro illarum tamen liberatione orare nō desinit. Aduersus hunc errorem scribit Ioannes Rossensis episcopus eodem loco, quo aduersus præfatam hæresim secundam.

*Lutherus.*

Quartam hæresim etiam Lutherus inuenit, qua docet animas sine intermissione peccare in purgatorio, quandiu quærunt requiem, & horrent pœnas, quia quærunt (vt dicit) quæ sua sunt, contra voluntatem Dei. Et certè si res ita se haberet vt Lutherus docet, nihil aliud esset animas purgare, quam laterem lauare, aut litus arare. Nam si animæ quæ pugnâtur, sine intermissione peccant quandiu horrent pœnas: cum omni tempore horreant pœnas, quia horror pœnarum est omnibus à natura insitus: sequitur quod omni tēpore peccant, & per consequens propter peccata illa erunt iterum purgandæ. Et cum illorum peccatorum purgatione etiā horrebunt pœnas, sequitur quod tunc etiam peccabunt, & quod opus erit etiam eis vt ab illis peccatis iterum purgentur. Et ita esset abeundum in immensum sine fine. Præterea supra in expurgatione hæresis secundæ de purgatorio, ostendimus ex sacris literis neminem post mortem posse aut mereri, aut peccare, peccato quidem quod sit illi imputandum, ergo animæ quæ purgantur, quamuis horreant pœnas, nō tamen peccant. Rursum, etiam si animæ in purgatorio peccare possent, per hoc tamen quod quærunt requiem, & horrent

*Psal. 41*

pœnas, non peccarent. Nam Dauid nō peccauit cum dixit, Sitiuit anima mea ad Deum fontem viuum, quando veniam & apparebo ante faciem Dei. Paulus etiam vas electionis ait, Cupio dissolui, & esse cum Christo. Si hi non peccauerunt optantes requiem, cur animæ in purgatorio peccabunt cum suam requiem optauerint? Et de horrore pœnarū constat non esse peccatum, cum hic non proueniat ex deliberatione, sed ex natura, cum omnibus sit à natura insitum pœnas horrere. Christus enim propinquus passioni (ait Marcus) cœpit pauere & tēdere, & dixit tribus discipulis, quos secum ad orationem sequestra-

*Philip. 2*

rat, Tristis est anima mea vsque ad mortem. At Christus neque peccauit vnquam neque peccatum cogitare potuit: non est ergo peccatum pœnas aut molestias horrere, præsertim cum id non ex deliberatione, sed ex quodam naturali hor-

*Mat. 14*

rore fit.

re, præsertim cum id non ex deliberatione, sed ex quodam naturali hor-

rore fit.

no

F. ALF

F. ALFONSI DE CASTRO ADVER-  
sus hæreses, Liber Tertiusdecimus.

## REGNUM DEI.



E hac re fuit quidam error Cerinthi dicentis regnum Christi futurum terrenum post resurrectionem, & in regno illo futuras esse carnis delicias: quod regnum dicebat duraturum in hac vita per mille annos. Verum de hoc errore iam supra disputauimus libro tertio in titulo de beatitudine, hæresi secunda. Et si quæ sunt aliæ hæreses quæ ad hanc materiam spectent, sub illo titulo sunt à nobis collocatæ

*Cerinthus*

## RELIQVIAE SANCTORVM.

Vuitcleffistæ, qui ad hoc nati esse videntur, vt omnem ritum ecclesiasticum tollerent, omnes cæremonias ab ecclesia abigerent, inter alias suas blasphemias hanc vnã docet, reliquias videlicet sanctorum, hoc est carnes & ossa hominis mortui, non debere à populo venerari, neque à monumento fœtido extrahi, nec in capsâ aurea, vel argentea reponi: quia sic facientes (vt illi aiunt) non honorant Deum, & sanctos eius: sed idololatriam committunt. Hos Vuitcleffistas sequuti sunt impii Lollardi, quorum vnus vocatus Guilielmus Albus, patria Anglicus. publicè & in iudicio pro tribunali in Angliâ hæc omnia non erubuit fateri. Sed non sunt hi primi huius hæresis inuentores. Nam ante hos ferè per nongentos annos fuit Vigilantius quidam Gallus Barchinonensis ecclesiæ presbyter, qui (vt infra dicemus) dixit sanctos non esse orandos. & quò magis sanctis, in quorum sortem ipse computandus non erat, detraxeretur, docuit sanctorum corpora nò esse veneranda. Sed neque hic Vigilantius primus extitit huius hæresis author, quoniam ante illum fuit Eunomius. non tamen longo tempore illũ præcessit. De Eunomio autem Hiero. testatur illũ hac peste fuisse infectum. Nam in libello quem aduersus Vigilantium scripsit, hæc illi ait, Rides de reliquiis martyrum, & cum authore huius hæreseos Eunomio ecclesiis Christi calumniam struis. Hæc Hieronymus. Verum hoc inter Vigilantium & Vuitcleffistas interest, quod Vigilantius solam sanctorum, venerationem

*Vuitcleff.*

*Guilielmus albus.*

*Vigilantius.*

*Eunomius.*

*Hieronymus.*

odit, Vuitcleffistæ autem in hoc Vigilantio pestilentiores, sicut non patiuntur sanctorum reliquias venerari, ita nec Christi Saluatoris nostri reliquias adoratione aliqua dignas esse censent. De reliquiis Christi adorandis nihil nunc dicere statui, eo quod supra in titulo de adoratione hæresi prima aduersus eosdem Vuitcleffistas pugnavi pro adoratione crucis dominicæ: quo loco non nihil obiter diximus de Christi vestibus, & aliis Christo adiacentibus. Nā quod de cruce dominica ibidem diximus, de aliis etiam omnibus Christo adiacentibus, puta de vestibus, de gladio si quem habuisse constiterit, de mensa in qua comedit, de linteo quo manus absterfit, & de quibuscunque aliis similibus contactu suæ viuificæ carnis sanctificaris idē dici potest: quoniam (ut ait B. Damascenus lib. 4. de fide orthodoxa, cap. 3.) si amatorum diligibilis domus, & lectulus & hortus, quanto magis quæ Dei & Saluatoris, per quæ & saluari sumus? Hæc Damasce. Præsepe etiam & sepulchrum Saluatoris nostri adorantur. Nā B. Hiero. ita faciendum censet, qui lib. 3. contra Ruffinum se hoc fecisse testatur, sic inquit, Conscendi in Aegyptum, lustraui monasteria Nitriæ, & inter sanctorum choros aspides latere conspexi. protinus concito gradu Bethlehē meā conuersus sum, ubi adoraui præsepe & incunabula Saluatoris. Et in epitaphio Paulæ, illam sanctā Paulam laudat, quod præsepe in quo recens natus Christus iacuit, & sepulchrum in quo mortuus iacuit, adorauit. Et de hoc satis. Ad sanctorum igitur reliquias nos transferamus, & ostendamus illas esse aliqua veneratione dignas, quamuis non tanta sicut Christi: quoniam nec ipsorum animæ, propter quas alia illorum venerantur, sunt tanto honore dignæ, quanto Christus, propter quem etiam & non propter seipsa adorantur illa quæ Christo adiacent. Singula igitur quæ sanctis in veneratione exhibentur, suo ordine discutiamus. Primum igitur venerationis sanctorum testimoniū est, quod basilicæ in illorum honorem ecclesiæ institutione fiunt, & qui hoc nō esse faciendum docent, ecclesia eos anathematizat. Nam cōcilium Gangrēse. cap. 20. suorum decretorum sic ait: Si quis per superbiam tanquā perfectum se existimans, cōuentus qui per loca & basilicas sanctorum martyrum fiunt, vel accusauerit, vel etiam oblationes quæ ibidem celebrantur, spernendas esse crediderit, anathema sit. De sanctorum corporibus honestè tumulandis antiquissimus est ecclesiæ ritus, ab Apostolorum temporibus hucusque deriuatus. Nam B. Dionysius Areopagita Pauli Apost. discipulus cap

Damasce-  
nus.

Hierony-  
mus.

Cōcilium  
Gangrēse.

Dionysi-  
areopagi-  
sta.

Ius cap. 7. ecclesiasticæ hierarchiæ in hunc modum de hacre scribit. Hæc perficiens summus sacerdos, reponit in domo preciosa corpus cum aliorum æquè potentum corporibus. Si enim in anima & corpore Deo amabilem vitam, qui dormiuit viuebat, preciosum erit cum sancta anima cõmilans ei corpus secundum diuinas collationes, vbi diuina iustitia cū proprio corpore donabit retributas quietes tanquã coeunti & cõparticipanti sacræ, aut cõtrariæ vitæ. Propter quod & sacrorum diuina legislatio diuinas communicationes ambobus donat. Animæ quidem in pura contemplatione & scientia perfectorum, corpori verò per diuinissimum tanquam in imagine vnguentum, diuinæq; communicationis sacratissimum symbolũ, totũ hominem sacrificans, & vniuersalem eius salutem sacrificans, & consummatissimam ipsius resurrectionẽ futuram fore denuncians. Hactenus B. Dionysius. In quibus verbis beatus Dionysius apertè satis indicauit sanctorum corpora post mortem in preciosa domo reponi: & causam propter quam sic fieri oporteat, expressit, quia videlicet illa sanctorum corpora sanctis suis animabus ad bonum sunt cooperata, & instrumenta quædam animarum fuerunt quibus multa ad Dei honorem & suam salutem illæ operatæ sunt. Hæc tamen de illis dicta sunt quorum merita in vita claruerunt, aut martyrio vitam finierunt. Horum enim corpora statim post mortem venerationem meruerunt, & ideo in preciosa domo à summo sacerdote reponi dicit. De aliis vero, quorum vita nõ fuit miraculorum operatione manifesta, & ob hanc causam non sunt eorum corpora precioso loco tunc recondita, si post mortem, Deo ita volente, illorum præclara merita magis mundo innotescunt, transferuntur ad honestiorem locum illorum corpora, & maiori honore dignantur. Ad cuius rei confirmationem, præter vetustissimam ecclesiæ cõsuetudinem, quæ maximi est ponderis, sunt etiam plurimorum sanctorum virorum testimonia, quæ ita fieri docent, & factum laudant. Et ante omnia patrum veteris testamenti exempla proponere placuit, vt impii Vniuersitatis agnoscant non esse recentem hunc ecclesiæ ritum de transferendis corporibus sanctorum. Nam corpus Iacob patriarchæ trãslatum est ab Aegypto in terram Chanaan contra faciem Mambrae, & ibidem sepul- Gene. 50  
tum magna cū veneratione filiorum suorum, & seniorum Aegypti. Neque hoc casu factum est, sed ipsemet Iacob in Aegypto existens, antequam moreretur, sic fieri præcepit dicens, Ego Gene. 49



congregor ad populum meum: sepelite me cum patribus meis in spelunca duplici, quæ est in agro Ephron Hethæi contra Mambrae in terra Chanaam, quam emit Abraham cum agro ab Ephron Hethæo in possessionem sepulchri. Et Ioseph patriarcha sanctus etiam ipse in Aegypto similiter existens, cum propinquus esset morti, dixit fratribus suis: Deus visitabit vos, asportate ossa mea vobiscum de loco isto. Et huius præcepti postea memor Moyses cum populū Dei ab Aegypto eduxit, ossa Ioseph secum tulit. Exeant nunc Vuitcleffistæ, & filios Israel, videlicet Ioseph & fratres illius, & Moylen & alios, idololatrias appellent, eo quod honorem ossibus Iacob & Ioseph detulerunt. Ad sanctos noui testamenti descendendo, in quorum corporibus tot factæ sunt translationes, ut operosum nimis esset vel ceteris partem referre. Quapropter vnam & alteram referam. De sanctis Geruasio & Prothasio, quorum corpora omnibus ferè ignota, & ideo minus decentibus sepulchris recondita fuerant, beatus Ambrosius, cui illorum corpora reuelata sunt, scribens hæc ait, Iussi eruderari terram eo loci qui est ante cancellos sanctorum Felicis & Naboris: inueni signa conuenientia. adhibitis etiam quibus per nos manus imponenda foret, sic sancti martyres eminere cœperunt, ut adhuc nobis silentibus arriperetur vna, & sterneretur prona ad locum sepulchri. Inuenimus miræ magnitudinis viros, ut prisca ætas ferebat, ossa omnia integra, sanguinis plurimum, ingens concursus populi per totū illud biduū. Quid multa? cōdiuimus integra, ad ordinē transtulimus vespere iam incubente ad basilicam Faustæ. ibi vigilæ, tota nocte manus impositio: sequenti die transtulimus eā in basilicam quā appellant Ambrosianam. Dum transferimus, cæcus sanatus est. Hæc Ambrosius. Quid ad hæc dicent Vuitcleffistæ? fortè etiam damnare non verebuntur Ambrosiū, propterea quod istorū sanctorū martyrum corpora in honestiorem & preciosiorē locū transtulerit. Verū quo pacto translationem illam culpæ poterūt, quā Deus tanto miraculo confirmare voluit, ut eo tēporis articulo quo illa corpora transferebātur, cæco visum restituerit? Quod si hoc verum esse negant, & Ambrosio quāuis sancto velut vnico testi diffidunt, producam eiudē miraculi alterum testē, non quidē auritum, sed oculatum, beatum Augustinum: ut in ore duorum maneat hæc veritas stabilita. Beatus namq; Aug. lib. 22. de ciuitate Dei, cap. 8. sic ait, Miraculum quod Mediolani factum est cum illic

essemus,

essemus, quando illuminatus est cæcus, ad multorum notitiam  
 potuit peruenire: quia & grandis est ciuitas, & ibi erat tunc im-  
 perator, & immenso populo teste res gesta est concurrente ad  
 corpora martyrum Prothasij & Geruasij. Quæ cum lateret, &  
 penitus nesciretur, episcopo Ambrosio per somnium reuelata,  
 reperta sunt: vbi cæcus ille depulsiis veteribus tenebris diem vi-  
 dit. Hæc Augustinus. Alterum huius rei proponam exemplum  
 à sancto Cornelio papa & martyre nobis propositum, qui san- *Cornelius*  
 ctorum Petri & Pauli corpora in varia loca transtulit. Nā ipse *papa*  
 mer testatur se hoc fecisse, qui in quadam epistola sua sic ait:  
 Quapropter rogo vos nobis congratulari: quia rogatu cuiusdā  
 deuotæ feminæ atq; nobilissimæ matronæ Lucinæ, leuata sunt  
 corpora Petri & Pauli de Caracumbis: & primo quidem beati  
 Pauli corpus leuatum silentio, ac positum est in prædium præ-  
 dictæ matronæ via Hostiensis, ad latus vbi decollatus est. Post-  
 ea verò beati apostolorum principis Petri accepimus corpus,  
 & condecenter posuimus illud iuxta locum vbi crucifixus est,  
 inter corpora sanctorum episcoporum, in templo Apollinis in  
 monte aureo, in Vaticano palatii Neronis, tertio calendarum  
 Iuliarum die, orantes Deum & dominum nostrum Iesum Chri-  
 stum vt intercedentibus suis sanctis apostolis, maculas vestrorū  
 purget peccatorum, & in sua vos conseruet voluntate diebus vi-  
 tæ vestræ, & in fructu boni operis vos perseverabiles reddat.  
 Hæc Cornelius papa & martyr, cuius vitam & opera ab eo ge-  
 sta, martyrium pro Christo consummatum maximè commen-  
 dat. Et vt finem huic liti imponam, Augustinū profero in hu- *Augu.*  
 ius rei testimonium. Is enim lib. 1. de ciui. Dei cap. 13. de corpo-  
 ribus sanctorū honorandis hæc ait: Nec ideo tamen contēnen-  
 da sunt corpora defunctorū, maximè iustorū atq; fidelium, qui-  
 bus tanquam organis & valis ad omnia opera sanctus vsus est  
 spiritus. Si enim paterna vestis & annulus, ac si quid huiusmodi  
 tanto charius est posteris, quāto erga parentes maior extitit af-  
 fectus, nullo modo ipsa spernenda sunt corpora, quæ vtiq; mul-  
 to familiarius atq; cōiunctius quā quælibet indumēta gesta-  
 mus. Hæc enim nō ad ornamentū vel adiutoriū quod exhibe-  
 tur extrinsecus, sed ad ipsam naturā hominis pertinet. Vnde &  
 antiquorū iustorū funera officiosa pietate curata sunt, & ex-  
 equiæ celebratæ, & sepultura prouisa: ipsiq; dū viuerēt, de sepe-  
 liendis vel transferēdis suis corporibus, filiis mādauerunt. Hæc  
 August. Et epist. 103. commendat idē sanctus matrē quandam

viduam & filiam eius virginē propter reliquias Stephani martyris quas secum deferebant, sic inquires, Portant sanè secū reliquias beatissimi & gloriosissimi martyris Stephani, quas non ignorat sanctitas vestra, sicut & nos fecimus, quā convenienter honorare debeatis. Hæc ille. Beatus Aug. testatur se honorasse reliquias sancti Stephani: & alios ut id faciant hortatur. Et libro 22. de ciui. Dei, cap. 8. plurima recenset miracula quæ ante corpus illius sancti ob illius merita Deo facere placuit. Quid ergo impij Vuitcleffistę contra tot sanctorum testimonia oblatrant, & sanctorum venerationi detrahunt? Sed dicunt, Mortua sunt corpora, nec sentiunt ut eorum animæ, nō ergo licet ea venerari, aut honorem vllum illis exhibere. O forte argumētum. non sunt fortè memores quod Christus saluator noster Saducæis negantibus resurrectionem apud Matth. dixit: Deus Abraham, Deus Isaac, & Deus Iacob: non est Deus mortuorum, sed viuentium. Viuunt ergo Deo sancti, propter quem famem, sitim, & alias corporis ærumnas & cruciatus tolerauerunt. Esto illorum corpora non viuant Vuitcleffistis, viuunt tamen Deo: in cuius conspectu sunt omnia, quæ illorum corpora pro Deo sustinuerunt. Esto etiam nullatenus viuant: nunquid ideo nullo honore sunt digna? Non viuebat arca testamenti, non sentiebant tabulæ intus latentes, non manna, non vrna: non sentiebat virga, imò nec viuebat, quæ olim fronduerat. Et tamen his rebus magnus est olim datus honos, adeò ut nulli præterquā sacerdoti arcam tangere liceret. Et cū illam Dauid educeret de domo Obeth, accinctus erat Ephod lineo, & omnis domus Israel ducebant in iubilo, & clangore buccinæ. Et huic arcæ quasi diuinos impendit honores, dicente scriptura. Et Dauid saltabat totis viribus ante Dominum. Et rursus. Cūque intrasset arca Domini in ciuitatē Dauid, Michol filia Saul prospiciens per fenestram vidit regem Dauid subilientem atque saltantem coram Domino. Et cū illū Michol ob hanc caussam reprehenderet, respondit Dauid: Ante Dominum qui elegit me potius quā patrem tuum, & quā omnem domum eius: & præcepit mihi ut essem dux super populum Domini in Israel, & Iudam, & vilior fiam plusquam factus sum. Vides quantum cultum Dauid exhibuerit arcæ Domini: quia signum quoddā erat Deum repræsentans, cū tamen non viueret, nec sentiret. Ad hūc modum sanctorum corpora venerari debemus, quamuis nō viuant, nec sentiant, sed quia animabus sanctorū fuerunt coniunctissima

Mat. 22

2. Reg. 6



tissima, & iuxta Pauli sententiam habitacula & tēplum sunt I. Cor. 6  
 spiritus sancti. Sed forte nō erubescit Vuitelesistæ Dauidem  
 ob hanc causam reprehendere. Nec mirabor si tentauerint: nā  
 qui omnes sanctos & vniuersam ecclesiā de hac re arguere non  
 verentur, mirum nō erit si Dauidem simul cum aliis sanctis ob  
 eandem causam reum etiam facere contendat. Sed opus est  
 vt nos de idololatria quam nobis obiiciūt, purgemus. Nam eos  
 omnes qui corpora sanctorum & illorum reliquias venerantur,  
 idololatrias esse censent, propterea quod (vt ipsi aiunt) creaturis  
 diuinos honores deferunt. Huiusmodi obiectioni ego respon-  
 dere nolo, quia melius quā ego respōdit Aug. is enim lib. 22. *August.*  
 de ciuitate Dei, cap. 10. hanc refellit obiectionem, sic inquit,  
 Nos martyribus nostris nō templa sicut diis, sed memorias si-  
 cut hominibus mortuis, quorum apud Deum viuunt spiritus,  
 fabricamus: Nec ibi erigimus altaria, in quibus sacrificemus  
 martyribus, sed vni Deo & martyrū & nostro sacrificium im-  
 molamus. Ad quod sacrificium sicut homines Dei, qui mundū  
 in eius confessione vicerūt, suo loco & ordine nominantur, nō  
 tamē à sacerdote qui sacrificat, inuocantur. Deo quippe, nō ipsis  
 sacrificat, quamuis in memoriam sacrificet eorum: quia Dei sa-  
 cerdos est, non eorum. Ipsum verò sacrificium corpus est Chri-  
 sti, quod non offertur ipsis, quia hoc sunt & ipsi. Hæc August.  
 In quibus verbis præter interū obiter annotare decreui quod  
 ait corpus Christi esse sacrificiū quod à sacerdote in altari Deo  
 offertur. Quod testimonium apertè pugnat contra Lutherum  
 & Oecolampadium. Nam Oecolampadius (vt in tit. de Eucha-  
 ristia indicauimus) negat in eo sacrificio verum corpus Christi  
 contineri, sed solum materialem panem. Lutherus autem et si  
 fatetur verum corpus Christi saluatoris illic adesse, negat tamē  
 à sacerdote offerri: propter quod dicit missam non esse sacrifi-  
 cium. Sed aduersus hanc hæresim iam supra in ritu. de missa  
 abundē me dixisse arbitror. Verū quoniam non erat præter-  
 eundum quod nunc Aug. dixit, obiter annotare decreui. Hunc  
 igitur intermittentes sermonem, eò vnde digressa est, orationē  
 reuocemus, & exultemus quod tam facile & luculenter aduer-  
 sariorum calumniam beatus Augustinus reiecerit. Sed quia ni-  
 mis leniter & pro suo ingenio mansuetissimē respondit, & hi  
 contra quos agimus, quamadmodum Phryges (vt est in prouer-  
 bio) non nisi plagis emendantur, beatum Hierony. qui durius *Hierony-*  
 & acerbius pugnare solet, obicio, vt illos pro suis meritis tra- *mm.*



Etet. Is enim beatus pater aduersus Vigilantium, qui huius erro-  
 ris etiam exitit author, scribens, ita ait: Quis enim o infanum  
 caput, aliquando martyres adorauit? Quis hominem putauit  
 Deum? Nonne Paulus & Barnabas cum a Lycaonibus Iupiter  
 & Mercurius putarentur, & eis vellent hostias immolare, scide-  
 runt vestimenta sua, & se homines esse dixerunt? Non quod me-  
 liores non essent olim mortuis hominibus Ioue & Mercurio,  
 sed quod sub gentilitatis errore honor eis Deo debitus defer-  
 retur. Quod & de Petro legimus, qui, Cornelium se adorare cu-  
 pientem manu subleuauit, & dixit: Surge, na & ego homo sum.  
 Et audes dicere, illud nescio quid, quod in modico vase transfe-  
 rendo colis? Quid est illud, nescio quid, scire desidero. Expone  
 manifestius, ut tota libertate blasphemēs: Pulvisculum nescio  
 quod in modico vasculo precioso linteamine circumdatum. Do-  
 let martyrum reliquias precioso operui velamine, & non vel  
 pannis vel cilicio colligari, vel proiici in sterquilinum, ut solus  
 Vigilantius ebrius & dormiens adoretur. Ergo sacrilegi sumus  
 quando apostolorum basilicas ingredimur? Sacrilegus fuit Con-  
 stantinus imperator, qui sanctas reliquias Andreae, Lucae, & Ti-  
 mothaei transtulit Constantinopolim, apud quas daemones ru-  
 giunt, & inhabitatores Vigilantij, illorum se sentire praesentiam  
 confitentur? Sacrilegus dicendus & nunc Augustus Arcadius,  
 qui ossa beati Samuelis longo post tempore de Iudaea transtu-  
 lit in Thraciam? Omnes episcopi non solum sacrilegi, sed fatui  
 iudicandi, qui rem vilissimam, & cineres dissolutos in serico  
 & vase aureo portauerunt? Stulti omnium ecclesiarum populi,  
 qui occurrerunt sanctis reliquiis, & tanta laetitia quasi praesen-  
 tem viuentemque prophetam cernerent, susceperunt, ut de Pa-  
 laestina usque Chalcedonem iungerentur populorum exami-  
 na, & in Christi laudem una voce resonarent? Haec Hierony-  
 mus: qui non contentus est Vigilantij calumnias refellere, nisi  
 illum confoderet, & pro suo merito tractaret. Sed ut nullus con-  
 trouersiae pateat locus, concilij generalis definitionem in me-  
 dium proferam. Concilium nanque Lateranense sub Innocen-  
 tio 3. celebratum, hanc quae sequitur tulit definitionem. Cum ex  
 eo quod quidam sanctorum reliquias exponunt venales, & eas  
 passim ostentant, Christianae religioni detractum sit sapius,  
 ne in posterum detrahatur, praesenti decreto statuimus, ut anti-  
 quae reliquiae amodo extra causam nullatenus ostendantur, nec  
 exponantur venales: inuentas autem de nouo, nemo venerari pre-  
 sumat,

Concilium  
 Lateranense.

sumat, nisi prius autoritate Romani pontificis fuerint approbata. Prælati verò non permittant eos qui ad eorum ecclesias causa venerationis accedunt, variis figmentis aut falsis documentis decipi, sicut in plerisque locis occasione quæstus fieri consuevit. Hactenus concilium Lateranense. Quæ verba habentur in volumine decretalium epistolarum titulo de reliquiis & veneratione sanctorum. In quibus verbis sicut sapienter cauit ne nouæ reliquæ faciliter honorentur sine Romani pontificis licentia: ita contra confedit eas quæ iam exploratæ virtutis sunt, honorari. Et de hac re abundè me dixisse censeo, pro ea breuitate quam statui seruare. Scripsit aduersus hanc hæresim Hieronymus libellum contra Vigilantium, quo loco testatur ipse Tertullianum scripsisse insigne volumè quod vocauit Scorpium aduersus hanc hæresim, quæ olim contra ecclesiam erupit, & refert illam olim vocatam fuisse Cainam hæresim. Unde constat Eunomium etiam non fuisse huius hæresis inuentorem, sed longo tempore illum præcepisse: quæ multo tempore dormiens, postea ab Eunomio, dein à Vigilantio, demum à Ioanne Vuitcleff suscitata est. Scripsit etiam aduersus hanc hæresim Thomas Vualden in opere illo insigni quod fecit de sacramentalibus.

## R E S T I T V T I O.

**E**st quædam hæresis asserens non esse necessariam rei furto sublatæ restitutionem, vt quis vitam possit assequi æternam. Hanc hæresim inter alios Græcorum errores recenset Guido Carmelita, qui ait quod Græcorum sacerdotes, pro furtis, vsura, rapina manifesta, non iniungunt vt satisfaciunt aut reddant, sed oleo simplici inungunt raptorem, quem astringunt vt aliquam pecuniæ portionem illis distribuât, vt absolutionem illi impendant; quam pecuniam à fure aut raptoe recipientes, ipsum raptorem absoluunt. Erasmus Roterodamus de hac re non paruam præbuit ansam suspicionis. Nam in annotationibus super nouum testamētum, innuit restitutionē rapinæ non esse faciendam, sed satis esse eleemosynam facere, vt furti & rapinæ peccatum deleatur. Et nequis verbis meis fidem derogat, putans me hoc falso tribuere Erasmo, verba illius quæ in quarta huius operis editione habentur, referam. Is enim Erasmus in annotationibus super 11. cap. Lucæ, pertractans illud Saluatoris dictum, Quod superest, date eleemosynam: post multa denique hæc dicit: Illud annotandum, cum modò fecerit mea

Craci.

Erasmus.

rit mentionem rapinae, in remedio non fieri mentionem restitutionis: tantum pollicetur eleemosyna data omnia fore munda. Hæc Erasmus. Quid hæc verba doceant, lector prudens & candidus facile intelliget. Verum hanc suspensionem in quinta eiusdem operis editione Erasmus amouit, quoniam post verba illa quæ proximè citauimus, hæc quæ sequuntur addidit: Sed qui iubetur dare iis quibus nihil debet, multò magis iubetur reddere siquid cui debet. Quæ verba omnem prorsus tollunt de restitutione non facienda suspensionem. De hac tamè re admonere volui lectorem, ne si fortè in tertiam aut quartam operis illius editionem inciderit, verba Erasmi quæ illic habentur legens, illius auctoritate fretus in hunc fortè labatur errorem. Nam in verbis illis quæ in quarta editione habebantur, magnæ erroris præbuerat occasionem, propter quod huic malo mederi voluit. Utinam hæc mentem in cæteris suis erroribus habuisset. Sed iam ad Græcorum errorem accedamus, & ostendamus quàm aliena sit à fide catholica hæc sententia. Primò hæc sententia pugnat apertè cum legenaturæ, quæ ait: Ne feceris alii quod tibi oderis fieri. Et rursum: Diliges proximum tuum sicut teipsum. At rarus est qui non odiat se re sua spoliari. Et quisque iuste optare potest, ut quod sibi furto sublatum est, restitatur, hoc igitur alteri quem vi spoliavit, viceuersa reddere tenebitur. Præterea Paulus apostolus hoc præcipit, sic inquit: Omnibus reddite debitum: cui tributum, tributum: cui vectigal, vectigal: cui honorem, honorem: cui timorem, timorem. Nemini quicquam debeatis, nisi ut inuicè diligatis. In quibus verbis postquam omnibus debita reddenda præcepit, ne fortè solo præcepto parum dixisse videretur, prohibitionè, quæ fortius & perpetuum est vinculum, subiunxit, dicēs: Nemini quicquam debeatis. Deinde, sanctus ille Thobias cum vocè balantis hædi, quem vxor illius domum detulerat, audiuit, dixit: Videte ne fortè furtius sit, reddite eum dominis suis: quia non licet nobis aut edere ex furto aliquid, aut contingere. Rursum Deus ipse ab illo qui veram agit pœnitentiam, exigit ut rapinam restituat, si suorum peccatorum remissionem impetrare optat, sic inquit: Si dixerio impio, morte morieris: & egerit pœnitentiam à peccato suo, feceritque iudicium & iustitiam, & pignus restituerit ille impius, rapinamque reddiderit, in mandatis vitæ ambulauerit, nec fecerit quicquam iniustū: vita viuet, & non morietur. Omnia peccata eius quæ peccauit, non imputabuntur

Thob. 4

Mat. 22

Ro. 13

Tho. 2

E. 33



abuntur ei. Nihil hoc testimonio apertius dici potuit. Nā hac lege & conditione promittit Deus se pœniti peccata donaturum, si rapinam reddiderit. Quo fit, vt conditione sublata, hoc est non reddita rapina, Deus peccata non dimittat. Vnde beatus August. in epistola ad Macedonium ait: Si res aliena propter quam peccatum est, reddi possit, & non redditur, pœnitentia non admittitur, sed simulatur. si autem veraciter agitur, nō remittitur peccatum nisi restituatur ablatū. Hæc Augustinus. Quæ verba habentur in volumine Decretorū 14. q. 6. Vereantur ergo sacerdotes Græcorum, fures & raptores à rapina absolueret, quos Deus sine restitutione absolvere non vult. De his enim sacerdotibus Hiere. propheta mihi dixisse videtur cū ait: Curabant contritionem filiarum populi mei cum ignominia, dicentes. pax, pax, & nō erat pax. Cum ignominia contritionem filiarum populi curat, qui peccanti & non legitime pœniti facillè absolutionem impendit. Neque opus est vt aduersus tam pestiferum errorem amplius immoretur.

## RESURRECTIO.

**M**ulti ex vetustis hæreticis negauerunt carnis resurrectionem esse futuram. Quæ hæresis apud Iudæos fuit primū orta. Nam Saducæi (vt patet ex euangelio Matth.) negabāt carnis resurrectionem. Ex illis autem qui semel Christum per baptismum induerunt, primus qui hanc hæresim suscitauit, fuit Simon ille Magus, de quo in Actibus Apostolorum fit mētio. Hoc enim illi impingit August. quanvis Tertullianus in libro de hæresibus de hoc Simone faciens sermonem nihil tale illi tribuit. Basilidem tamen dicit in hunc errorem fuisse lapsū, cui similem errorem non tribuit Augu. Hymeneus & Philetus teste apostolo Paulo dixerūt resurrectionem iam esse factam, nec amplius futuram. Carpocratæ etiam (vt Augu. ait) negauerunt carnis resurrectionem. Valentinus & Apelles iuxta Augustinum & Tertullianum hoc idē senserunt. Marcioni & Ophitis hoc idem tribuit Tertullianus, sed non Augustinus. Marco & Cerdoni, & Caianis, & Seuerianis, & Archonticis, & Hierarchitis eundem errorem impingit Augustinus, non autem Tertullianus. Seleucianis, & Proclianitis obicit hunc errorem Philaster Brixienſis episcopus, quem etiam in hac parte sequitur Augu. Frater Bernardus de Lutzemburgo in suo catalogo hæreticorum refert Almaricum, Albigenſes, Albanenſes hunc errorem fuisse tutatos. De Origene refert August. ex Epiphanijs

sententia



*tici.* sententia illum negasse carnis resurrectionem. Verum Theo-  
*Horaclicus* philus Alexandrinus episcopus (vt mox infra dicemus) alium  
*Seleucianus* errorem impingit Origeni, qui cum hoc velut ex diametro pu-  
*Proclius* gnatur, quoniam ex eo conuincitur Origenem concessisse carnis  
*nita.* resurrectionem. Vtri autem istorum sit in hac parte credendū,  
*Almaricus* videlicet Epiphanio, an Theophilo, ego non video. Mea quidē  
*Albigenses.* sententia neutri eorum creditur, quoniam aut vtrique eorum  
*Albanes* credendum est, aut neutri. Non est autem possibile vt vtrique cre-  
*Origenes.* datur, cum eorum testimonia aduersus Origenem nō sint con-  
 uenientia, sed inter se pugnantia. est ergo necessarium vt nulli  
 credatur, praesertim cum constet ex lib. 10. historiae tripartitae  
 Casiodori, vtrunque videlicet Epiphanium & Theophilū fuisse  
 se Origenis nomini infestum. Aduersus hanc haeresim non est  
 operosum disputare, cum tam aperta & tam clara sint scriptu-  
 rae sacrae testimonia quibus illa reuinci potest, praesertim q̄ nō  
 aduersus Ethnicos philosophos nunc arma sumimus, sed ad-  
 uersus eos qui se Christianos iactant, quos oportet scripturę sa-  
 crę testimoniis credere. Saducæos enim negantes resurrectionē  
 Mat. 12. crę testimoniis credere. Saducæos enim negantes resurrectionē  
 Saluator noster testimonio scripturę sacrae conuicit, dicēs, Er-  
 ratis nescientes scripturas, neque virtutem Dei. In resurrectione  
 enim neque nubent neq; nubentur, sed sunt sicut angeli Dei  
 in cœlo. De resurrectione autem mortuorum non legistis quod  
 dictum est à Deo dicente nobis, Ego sum Deus Abraham, &  
 Exo. 13. Deus Isaac, & Deus Iacob? Deus non est mortuorum, sed viuen-  
 tium. Et Paulus Apostolus in priore epistola ad Corinth. redar-  
 1. Cor. 15. guens eos qui carnis resurrectionē negant, sic ait: Si autē Chri-  
 stus prędicatur q̄ resurrexit à mortuis, quomodo quidam di-  
 cunt in vobis, quoniam resurrectio mortuorum non est? Si autē  
 resurrectio mortuorum non est, neq; Christus resurrexit. Si au-  
 tem Christus non resurrexit, inanis est prædicatio nostra, inanis  
 & fides vestra. Inuenimur autem & falsi testes, quoniā testimo-  
 nium diximus aduersus Deum, q̄ suscitauerit Christum, quem  
 non suscitauit si mortui non resurgunt. Nam si mortui nō re-  
 surgunt, neq; Christus resurrexit. Quod si Christus non resur-  
 2. Tim. 2. rexit, vana est fides vestra. Et in posteriore epist. ad Timoth. di-  
 cit Hymeneum & Philetum à veritate excidisse, dicentes resur-  
 rectionem iam factam, & subuertisse quorundā fidem. In sym-  
 bolo apostolorum docetur carnis resurrectio. Eandem docet  
 symbolum fidei editum in concilio Constantinopolitano. Pi-  
 get plura citare testimonia pro re tam manifesta. Si quis autē  
 plura

plura de hac re nosse cupit, legat quēdam libellum beati Ambrosij in modum orationis qui inscribitur de fide resurrectionis: in quo libro non solum testimoniis scripturæ cōvincit, sed etiam aliis argumentis persuadet resurrectionem.

Secunda hæresis est quæ docet corpus nostrum in illa resurrectionis gloria futurum impalpabile, & inuisibile. Huius hæresis author fuit quidam Eutychius Constantinopolitanus epi *Eutychius* scopus dicens corpus post resurrectionis gloriam futurum aere & vento subtilius, ita vt nec palpari nec videri possit. Huius autem hæresis causa beatus Gregorius postea summus pontifex fuit à sede apostolica missus legatus Constantinopolim: quò perueniens corā Tyberio Constantino tunc imperatore eundē Eutychium in fide nostræ resurrectionis errasse conuicit. Quo facto, ipse imperator librum quem Eutychius de resurrectione ediderat, comburi iussit. Aduersus hūc errorē est illud quod ait Iob, Scio enim q̄ redēptor meus viuit, & in nouissimo die de *Iob 19* terra surrecturus sum, & rursum circūdabor pelle mea, & in carne mea videbo Deum: quem visurus sum ego ipse, & oculi mei conspecturi sunt, & non alius. Si corpus quod modo palpabile & visibile est, postea non est palpabile neque visibile, sed aere & omni vento subtilius: ergo alius erit homo qui postea resurget, & alius qui modo viuit. Et hoc innuere videtur glossa super illum locum Iob, quæ sic ait: Expressè indicat veritatem resurrectionis. Nō enim alius moritur, & alius resurgit (vt qui dicunt inuisibile & impalpabile corpus futurum, sicut Eutychius dixit) sed idē ipse. Hæc glossa, quæ dicitur ordinaria. Vnde patet quā miserè fuerit deceptus frater Bernardus de Lutzemburgo, qui in suo catalogo hæreticorum duos scribit fuisse hæreticos, vnū Eutycium, & aliū Eutychium per c aspiratū. Et vt cognoscas eū sentire nō fuisse eundē, aduerte q̄ postquā Eutycium in prima editione catalogi texuerat, in posteriore editione addens in fine eiusdē catalogi alios hæreticos qui sibi videbantur deesse in prima editione, posuit Eutychiū per c aspiratū, tanquā hic alius esset ab illo quē prius scripserat. Et cū duos esse crediderit, duas etiā nobis vult ostendere illorū hæreses. Eutychiū quidē dicit illū sensisse aliū hominē mori, & aliū resurgere. De Eutycio verò refert illum docuisse corpora nostra resurgere impalpabilia & inuisibilia. Quod si rectè rem prout decebat inspexisset agnouisset eundē esse hominē qui illa docuit, quāquā in diuersis codicibus diuersis literis scriptum  
reper

reperiamus, in aliquibus per c simplex, in aliis verò per c aspi-  
 ratum. Quæ diuersitas, ex vitio scriptorum oriri potuit, qui sæ-  
 pe aliter quàm oporteret transcribunt, & orthographiâ suo ar-  
 bitrio peruertunt. Cæterum quòd hæresis sit eadem, ex verbis  
 glossæ ordinariæ quæ proximè citauimus, apertissimè contin-  
 citur. Nam eadem glossa innuit Eutychiū sensisse alium homi-  
 nē mori, & aliū resurgere, & mori corpus palpabile & visibile,  
 & resurgere impalpabile & inuisibile. Quod si glossa non satis  
 apertè illud ostēdit, saltē ex Greg. poterat illud cognoscere, qui  
 in lib. moraliū exponens illa verba Iob quæ proximè citauim-  
 us, narrat acta sua cū eodē Eutychio episcopo Constantino-  
 politano, & refert illū sensisse q̄ alius sit homo qui moritur, &  
 alius qui resurgit: propterea quòd credidit corpus hominis  
 mortui esse palpabile & visibile, & corpus illius qui resurgit, ef-  
 se impalpabile & inuisibile, quia dicebat illud esse futurū aerē,  
 & omni vento subtilius. Et ita aduersus errorem huius Euty-  
 chij Constantinopolitani episcopi beatus Gregorius profert il-  
 lum locum Iob quem proximè citauimus. Hæc dixi vt videāt  
 omnes quàm facillè errent ij qui facillè pronunciant antequàm  
 res fuerit probè (vt decet) examinata. Sed his omisissis ad nostrū  
 scopum redeamus. Eundem hominem resurgere qui & mori-  
 tur, conuincunt illa Christi verba, quæ dixit Marthæ de Laza-  
 ro eius fratre tunc mortuo, Resurget frater tuus. Si enim cor-  
 pus resurgentis esset aereum & impalpabile, tunc Lazarus qui  
 resurrexit non fuisset frater Marthæ, postquā tunc non habuis-  
 set illud corpus per quod erat inter illos iuncta cognatio. Præ-  
 terea redemptor noster dubitantibus de sua resurrectione disci-  
 pulis ostendens manus & latus, palpanda ossa carnemq; præ-  
 buit, dicens, Palpate & videte, quia spiritus carnem & ossa non  
 habet, sicut me videtis habere. Qui de hac hæresi amplius nosse  
 cupit, legat beatum Gregoriū in moralibus super decimumno-  
 num caput Iob, circa finem.

Tertia hæresis asserit corpora post resurrectionē futura ite-  
 rum mortalia, & post illam resurrectionem multis seculis trās-  
 actis dicit corpora in nihilum redigenda. Huius hæresis author  
 fuit Origenes. Hoc enim illi impingit Theophilus Alexandri-  
 nus episcopus in lib. 2. sui paschalis, quod opus beatus Hiero. ē  
 Græco vertit in latinū sermonem. Etsi verum est Origenē hoc  
 sensisse, oportet vt falsum sit quod Epiphanius de illo refert, il-  
 lum videlicet negasse resurrectionem. Nam qui dicit corpora  
 post



post resurrectionem futura mortalia, satis apertè resurrectionem fatetur. Verùm quia post istam resurrectionem Origenes teste Theophilo docet corpora in nihilum redigenda, nec amplius resurrectura, fieri potest vt Epiphanius de hac secunda morte intellexerit cum dixit Origenem docuisse post mortem nō esse resurrectionem. An autē Origenes ita senserit, an secus, ignoro. Hoc certò scio, quòd Theophilus ita illū sentisse narrat. Quapropter cū iam sit de hac re Origenes notatus oportet vt ad illius errorem reuincendum aliqua proferamus scripturę sacrę testimonia. Paul. Apost. in ea quę est ad Roma. epist. ait, Christus resurgens ex mortuis, iam nō moritur, mors illi vltra *Roma. 6* non dominabitur. Si Christus post resurrectionem amplius nō moritur, nec nostra corpora post resurrectionem erunt mortalia: quoniā resurrectio Christi exemplar fuit aut signum quoddam futurę in nobis resurrectionis. Et in priore epist. ad Corinth. expressius de hac re nos docet, vbi postquam proposuerat similitudinem de grano seminis mortificati, quod tandem viuificatur, ad corporis nostri resurrectionem reuersus ita dicit, Seminatur in corruptione, surget in incorruptione. Seminatur in ignobilitate, surget in gloria. Seminatur in infirmitate, surget in virtute. Et parum infra, Ecce mysteriū vobis dico, Omnes quidem resurgemus, sed nō omnes immutabimur. In momento, in ictu oculi, in nouissima tuba. Canet enim tuba, & mortui resurgent incorrupti, & nos immutabimur. Oportet enim corruptibile hoc induere incorruptionē, & mortale hoc induere immortalitatē. Non poterat quicquam apertius dici ad hūc errorem reiiciendum. Sed audi quid adhuc Apost. subiungat, Cū autem (inquit) corruptibile hoc induerit incorruptibilitatem, & mortale hoc induerit immortalitatem, tūc fiet sermo qui scriptus est, Absorpta est mors in victoria. At non perfectē esset deuicta mors, si resurgentibus corporibus iterum mors seua dominabitur. Neque Christus perfectē deuictusset eum qui mortis habebat imperium, hoc est diabolus, si mors iterum nostra corpora possessura est. Præterea B. Ioan. in Apocalypsi *Apoca. 21* de iustis post resurrectionē loquens ait, Et absterget Deus omnem lachrymam ab oculis eorum, & mors vltra non erit, neque luctus neque clamor, neque dolor erit vltra, quia prima abierūt. Cū hæc testimonia apertissima sint, non est opus in hac parte longiore disputatione.

Quarta hærelis docet Christum surrexisse à mortuis die

H h



*Armenis.* sabbati post parasceuem hora sexta. Hunc errorem tribuit Guido Armenis: quem semper in recensendis erroribus Armenorum sequutus sum: quia (vt ingenuè fatear) neminem aliū scriptorem reperire potui quem in hac re consulerem. Et quantum ad hunc errorem spectat, certe miror quòd homo qui euāgelia legerit, in tam apertum errorem potuerit labi. Nā cum sit manifestum Christum fuisse mortuum feria 6. in parasceue, si sabbato proximo resurrexit, quomodo verum erit illum resurrexisse die tertia? At ipse Saluator p̄nunciāns discipulis suis ea quæ futura erant circa ipsum inquit, ait illis, Ecce ascēdimus Hierosolymam, & consummabuntur omnia quæ scripta sunt per prophetas de filio hominis. tradetur enim gentibus, & illudetur, & flagellabitur, & conspuetur: & postquam flagellauerint, occidēt eum, & die tertia resurget. Præterea, ipse idem Saluator noster Iudæis perentibus signum de cœlo ab eo, ait, Generatio mala & adultera signum quærit: & signum non dabitur ei nisi Ionæ propheta. Sicut enim fuit Ionas in ventre ceti tribus diebus & tribus noctibus, sic erit filius hominis in corde terræ tribus diebus & tribus noctibus. Si Christus moritur feria sexta & post mortem manet in corde terræ tribus diebus & tribus noctibus: fieri non potest vt proximo die sabbati resurrexerit, Sed de hoc satis.

*Armenis.* Quinta de hac re hæresis est, quæ docet omnes homines in sexu virili resurrecturos, nullumq; esse post resurrectionem futurum fœmineum sexum. Hunc errorem Guido tribuit Armenis, & vigesimo loco inter errores Armenorum illum recenset, B. August. lib. 22. de ciuitate Dei, cap. 17. huius erroris meminit, dicens fuisse aliquos qui ita sentirent: non indicat tamē qui fuerint huius hæretis patroni. Fœminas post resurrectionē esse futuras, vel ex eo cōstare potest, quòd dominus fœminam fecit sicut virum. Sic enim scriptura ait: Masculum & fœminam fecit eos. Ex quibus vbi constat sexum fœmineum non esse vitium, aut ex vitio, sed ex natura. quoniam enim ante peccatum fœmina erat, non ex vitio contigit vt fœmina fieret. Nec sexus ipse vitium est: quoniam non fuisset à Deo factus. Cū ergo non sit vitium neque ex vitio fœmineus sexus, sed ab ipsius naturæ incunabulis à Deo factus, consequens est, vt qui vtrunque sexum fecit, vtrunque etiam reficiat: & qui vtrunque instituit, vtrunque similiter restituat. Præterea Paul. scribens ad Galatas *Gala. 3* ait: Quicumque in Christo Baptizati estis, Christum induistis. Non

Non est Iudæus neque Græcus: non est seruus neque liber: non est masculus neque fœmina. Omnes enim vos vnum estis in Christo Iesu. Si fœmina etiam est in Christo Iesu sicut masculus, cur nō erit in gloria sicut masculus? Accedit ad hæc, quod interrogatus dominus à Saducæis negantibus resurrectionem, de muliere quæ septem fratribus nupserat vt quisq; illorum defuncti fratris semen suscitaret, cuius illorum futura esset post resurrectionē, respondit: Erratis, nescientes scripturas, neq; virtutē Dei. In resurrectione enim neq; nubent, neq; nubentur: sed erunt omnes sicut angeli Dei. At si nulla esset post resurrectionem futura mulier, facilius illorum errorem destruxisset, dicēs non esse futurum muliebrem sexum post resurrectionem. Et cum locus esset aptissimus, debuisset illos de hac re docere: vt diceret illam mulierem de qua erat quæstio, virum illam esse futuram, non fœminam. Verū non illud dixit, sed hoc: In resurrectione non nubent neque nubentur. Nuptias ergo post resurrectionem futuras negauit, non sexus varietatem. Imò hanc varietatem illic futuram innuit cum dixi, Non nubent: quod conuenit fœminis: neque nubentur, quod viris. Erunt ergo fœminæ quæ hic nubere, solent, & viri qui hic vxores duxerunt: quoniam cum nuptias negauit, sexus varietatem latenter innuit, qui ad nuptias exigitur. Erunt quidem membra illa, sed non ad antiquum vsum deputata, sed ad decorem nouum, & ad Dei sapientiam & bonitatem commendandam. Sed qui hunc errorem tuentur, obiciunt nobis illud Pauli ex epist. ad Ephe- *Ephe. 5* sios: Donec occurramus omnes in vnitatem fidei in virum perfectum in mensuram ætatis plenitudinis Christi. Ex quo loco arguunt omnes in virili sexu resurrecturos quoniam Apostolus ait omnes nos occursuros in virum perfectum. Huic obiectioni B. August. respondet, illo loco virum capi pro homine siue masculus ille sit siue fœmina. Sic enim alibi scriptura sæpissime capere consuevit. Nam illud est manifestū (vt alia interim omit- tam) quod in Psalmo dicitur: Beatus vir, cui nō imputauit dominus peccatum. Quo loco constat nomine viri fœminam in- *Psalm. 37* telligi: quoniam beata etiam fœmina, cui non imputauit dominus peccatū. Et B. Grego. in homilia illius euāgelii, Sint lūbi vestri præcincti, hoc idem admonet, sic inquires. Quia viris *Grego-* luxuria in lūbis sit, fœminis in vmbilico, testatur dominus qui *rim.* de diabolo ad B. Iob loquitur dicēs: Virtus eius in lūbis eius: & fortitudo illius in vmbilico vētris eius. A principali igitur sexu *Iob 40*

lumborum nomine luxuria designatur cū Dominus dicit, Sint lumbi vestri præcincti. Hæc Gregorius. In quibus verbis manifestè satis admonet, nomine sexus masculini, tanquam principalioris fœmineū sexum designari. Potest etiam aliter responderi, & fortè propius ad literæ significationem, vt dicamus illo loco Paulum nec meminisse resurrectionis, sed de perfectione doctrine, & agnitione veritatis. Nam postquā dixerat datos esse à Christo quosdam Apostolos, quosdā prophetas, alios euangelistas, alios doctores ad consummationem sanctorum in opus ministerii in ædificationem corporis Christi, statim subdidit: donec occurramus in vnitatem fidei, & agnitionem filii Dei in virum perfectū, in mensuram ætatis plenitudinis Christi. Quæ verba pertractans B Ambro. in commentariis super epistolas Pauli, hæc ait: Tam diu dicit manere ordinationem, quam diu cuncti destinati ad vitam, vnius sint fidei. In cognitionē Christi ita elaborandum hortatur, vt perfectio fidei apprehēdatur. Cuius hæc ratio est, vt Christum perfectum & plenum Deum teneat fides, ne mensura humana metiatur, sed in plenitudine diuinitatis quasi perfectus Deus habeatur. Nec enim perfectum dicens virum, temporali ætate & mensura significat, sed per hoc dictum perfectos nos vult fieri in plenitudine intellectus diuinitatis filii Dei. Hactenus Ambro. Et ad eundem modum interpretatur Theophylactus illum Pauli locum. Demum opus est vt ecclesiæ diffinitionem de hac re audiamus. Nam inter ecclesiastica dogmata vnum de hac re septuagesimo loco habetur, quod tale est: In resurrectione ex mortuis, sexus forma non mutabitur, sed vir mortuus resurget in forma viri, & fœmina in forma fœminæ. Hæc ibi, & de hoc satis. Aduersus hanc hæresim neminem scripsisse scio præter beatum Augustinum, qui lib. 22. de ciuitate Dei, cap. 17. paucula quædam disserit.

## SACERDOTIVM.

*Lutherus.* **V**Nus ex perniciosis & execrandis erroribus Lutheri est quod docet omnes Christianos esse sacerdotes, & omnes Christianos habere æqualem potestatem, nulla status aut sexus discretionē facta. Verūm etsi omnes Christianos dicat esse sacerdotes, docet tamen nemini licere illa potestate vti nisi per consensum communitatis: quia (vt ille ait) quod est omniū cōmuniter, nullus singulariter potest vsurpare, nisi vocetur. Potestas ergo hæc iuxta Lutheri sententiam primò ad communitatem ipsam deriuata fuit, deinde ab ipsa communitate in eum qui sacerdotio

cerdotio fungeretur. Sed hic Lutherum percontari oportet, an  
 sacerdotium euangelicum credat esse abiectius & vilius, quàm  
 sacerdotium veteris legis? Non puto illū adeo insanire vt infi-  
 cietur sacerdotiū euangelicum esse multò præstantius sacerdo-  
 tio Leuitico. At sacerdotiū veteris legis nō fuit adeo abiectum  
 & vile, vt omnibus sine vlla differentia creditum fuerit. In Exo-  
 do enim legimus dominū Deum Moyſi hæc verba dixiſſe: Ap- Exo. 28  
 plica quoq; ad te Aarō fratrē tuum cum filiis ſuis de medio fi-  
 liorum Iſrael, vt sacerdotio fungantur mihi, Aaron, Nadab, &  
 Abihu, Eleazar & Ithamar nīlii Aarō faciesq; veſtem ſanctam  
 Aaron fratri tuo in gloriā & decorem. Ecce vides Aaron & fi-  
 lios eius ſegregatos ex præcepto domini à tota plebe vt sacer-  
 dotio fungerentur corā eo. Et in lib. Numerorū etiam legimus  
 tribum Leuiticā eſſe à domino peculiariter electam ad mini- Nume. 4  
 ſterium tabernaculi, & filios Caath deſtinatos ad portanda va-  
 ſa ſanctuarii inuoluta ab Aarō & filiis eius, vt nō tangerent ea,  
 ne fortè morentur. Quid hic dicet Lutherus? Si tantam reue-  
 rentiam Deus præcepit exhiberi vaſis ſanctuarii, vt nō ab alio  
 quàm à ſacerdote tangi poſſent, quanto maiore reuerentiā cre-  
 dendum eſt nos oportere exhibere ſanctiſſimæ eucharistię, vt  
 vaſa quibus illa reconditur, ne dicā ipſammet, non permitta-  
 mus ab alio quā à ſacerdote contrectari? Si enim tantus honor  
 præſtatur vmbra, nōne iuſtum eſt vt maiore multo honorem  
 tribuamus corpori? Dathā Chore & Abiron abſorpti ſunt à ter- Nume. 16  
 ra, & viui deſcēderunt vſq; ad inferos, eò quòd ſacerdotale offi-  
 cium vſurpare tentarunt, & ducenti quinquaginta viri illis cō-  
 ſentientes ab igne cōſumpti ſunt. Et Oza quoniā extendit ma-  
 num ad arcam Dei, & tenuit eam contra ſuæ ſortis conditionē, 2. Re. 6  
 ſubito percuffus eſt à domino ſuper temeritate ſua, & mortuus  
 eſt ſtatim ibi iuxta arcam Dei. Et Ozias rex Iuda fuit à domino  
 lepra percuffus in fronte, eò quòd ſacerdotalis ordinis munus 2. Par. 26  
 vſurpare præſumpſit offerendo incenſum ſuper altare thymia-  
 matis. Baltaſar rex temulentus bibens ex vaſis aureis & argen-  
 teis quæ Nabuchodonosor pater eius abſtulerat de templo Dei Dan. 3  
 quod erat Hieroſolymis, vidit manū ſcribentē in pariete, Ma-  
 ne, Theſel, Phares, & eadē nocte illo interfecto Darius Medus  
 ſuccēſit in regnū. Si dominus tantū zelatus eſt pro figura, quā-  
 to magis zelabitur pro veritate? Vmbra nō permiſit tãgi niſi à  
 ſolo ſacerdote, & corpus permittet cōtrectari indiſcretē à quo-  
 iber? Caueant ergo laici Lutherani, & ad dominum cōuertan-



- tur, ne fortè sicut Dathà Chore & Abirò viuos illos Dominus in infernū cōiciat. Præterea si institutio ordinis sacerdotalis, & eiusdē institutionis tempus bene circūspiciantur, facile huius rei veritas patebit. Nam sacerdotes fuerūt à Domino initiati in cœna vltima, quādo Saluator noster cum discipulis suis cœnās
- Luc. 22** dixit illis, Hoc facite in meā commemorationē. Fuerunt autē consummati in sacerdotio, cum post resurrectionē dixit eis dē,
- Ioan. 20** Quorum remisistis peccata, remissa erunt: & quorū retinueritis, retenta sunt. At multò ante hæc tempora ipsi discipuli Christiani erant, quia iam fuerant Christum per baptismum induti, cum tamen tunc non erant sacerdotes. Non ergo (vt Lutherus ait) in baptismo efficitur quisq; sacerdos: nec oportet vt eo ipso quo aliquis est Christianus, sit etiam sacerdos, qui potestatem habeat supra corpus Christi verum & mysticū, hoc est, potestatem consecrandi & absoluendi. Rursum, B. Paulus Timoth. scribens ait, Noli negligere gratiam quæ in te est, quæ data est tibi per prophetiam cum impositione manuum presbyteri. Vel (vt doctissimus vir Erasmus apertius transtulit) autoritate sacerdotij. Et iterum ad eundem Timoth. Vt resuscites (inquit) gratiam quæ est in te per impositionem manuum mearum. Ex quibus Pauli locis duo aduersus Luthe. colligimus. Vnū, qđ Timotheus fuerit sacerdos ordinatus à Paulo. Alterū, quòd talis ordinatio fuerit facta per autoritatē sacerdotij, & non (vt Lutherus ait) per consensum plebis. Et ad Titum scribens ait, Huius rei gratia reliqui te Cretæ, vt ea quæ desunt corrigas, & constituas per ciuitates presbyteros, sicut & ego disposui tibi. Si omnes Christiani sunt sacerdotes: non erat necessarium relinquere Titum Cretæ ad constituendos presbyteros per ciuitates. Aduerte etiam qualiter Titus fuerit ordinatus à Paulo, & officium sacerdotale exercuerit Cretæ ex solo iussu Pauli, & non ex consensu aut concessione populi. Sicut & ego (inquit Paulus) disposui tibi. Deinde in epistola ad Hebræos idem Apostolus ait, Nec quisquam sumit sibi honorem, sed qui vocatur à Deo tanquam Aaron. At Aaron non à plebe fuit vocatus aut institutus sacerdos, sed à Deo, neque à plebe fuit sacerdotium deriuatum. multò ergo minus erit sacerdotium euangelicum à plebe deriuatum: cum hoc sit multò augustius illo. Et in priore epistola ad Corinthios idem Apostolus enumerās officia à Christo in ecclesia diuisa, ait, Et quosdā quidē posuit deus in ecclesia, primò apostolos, secundò prophetas, tertio doctores, deinde virtutes,
- exinde

exinde gratias curationū, opitulationes, gubernationes, genera linguarum, interpretationes sermonum. Quod si vnusquilibet omnia potest, vt ait Lutherus, frustra tot distribuit officia. Ideo merito ibidem subiungit Paulus: Nunquid omnes Apostoli? Nunquid omnes prophetæ? Nūquid omnes doctores? Nūquid omnes virtutes? Nunquid oēs gratiā habēt curationum? Nunquid omnes linguis loquūtur? Nunquid oēs interpretantur? Ecce iuxta Pauli sententiā nō omnes doctores, nō oēs prophetæ, non omnes interpretantur: vnde colligitur vt etiam nō oēs sint sacerdotes: præsertim quū iuxta Lutherū sacerdotiū nihil aliud sit quā potestas cōcionandi. Deinde ipsa ratio excellentissimi sacrificij quod est in ecclesia catholica, cogit vt ad illius oblationē faciendā aliquis sit destinatus sacerdos qui sit à reliquo populo distinctus. Nā & gentiles hoc intellexerunt, qui ad oblationem eorū sacrificiorū quæ diis suis sacrificabāt & offerebāt, peculiare semper habuerūt sacerdotes à reliquo populo distinctos. Neq; hoc sacerdotij munus omnibus pascim commissum esse voluerunt. Cū ergo ecclesia excellentissimū omnium habeat sacrificium, conuincitur inde vt optimū etiā habeat sacerdotium à populo distinctū. Lutherus tamē negat missam esse sacrificium, sed de hoc supra in titulo de Missa, disputauimus. Possem ego hic pro huius rei confirmatione plura sacrōrum doctorum citare testimonia, sed prudens omitto, eō q̃ sacræ scripturæ testimonia quæ protulimus, sunt satis aperta. Vnū tamē solum citabo Tertullianum, vt ex eo pateat quā vetusta sit hæc Lutheri hæresis. Nā in libro de præscriptionibus hereticorum, illorū mores describens, illorūq; reprehendens, sic ait: Ordinationes eorum temerariæ, leues, inconstantes. Nunc neophytos collocant, nūc seculo obstrictos, nunc apostatas nostros, vt gloria eos obligent, quia veritate non possunt. Nusquā facilius proficitur quā in castris rebellium, vbi ipsum esse illic, promereri est. Itaq; alius hodie episcopus, cras alius: hodie diaconus, qui cras lector: hodie presbyter, qui cras laicus. Nā & laicis sacerdotalia munera iniungunt. Hæc Tertullianus. Ex cuius verbis hoc vltimum est aduertendum, quod reprehendens ait hæreticos iniungere sacerdotalia munera laicis. Si ergo hic est hæreticorum mos, hoc debuit Lutherus etiā facere. vt à moribus hæreticorum parentum suorū non esset alienus. Aduersus hæc hæresim pugnant ea quæ supra in titulo de ordinis sacramento, & in titulo de mulieribus digessimus. Sunt etiam aduert-

*Cōcilium Carthagi-  
nense.* fuseam plurimorum conciliorū decreta. Concilium Carthagi-  
nense quartum præscribit modū quo aliquis sit in presbyterū or-  
dinandus. At si omnes Christiani (vt Lutherus ait) sunt sacerdo-  
tes, superflua est talis ordinatio. Conciliū Lateranense sub Inno-  
centio tertio celebratū, de sacramento eucharistiæ loquens, ita  
definit. Et hoc vtiq; sacramentū nemo potest cōficere nisi sacer-  
dos qui ritē fuerit ordinatus secundū clauēs ecclesiæ, quas ipse  
cōcessit apostolis & eorū successoribus Iesus Christus. Hęc cō-  
cilium Lateranense. Hoc autē decretū habetur in lib. epist. de-  
cretalium in tit. de sum. trin. & fide cath. cap. 1. Conciliū Remē  
*Cōcilium Remense.* se cap. 2. suorum decretorū per hæc verba definit: Peruenit ad  
notitiam nostrā, quod quidā presbyteri in tantū parui pendant  
diuina mysteria, vt laico aut scēminæ sacrū corpus Domini tra-  
dant ad deferendū infirmis: & quibus prohibetur ne sacrarium  
ingrediantur, nec ad altare appropinquent, illis Sancta sancto-  
rum committunt. Quod quā sit horribile, quāmq; detestabile,  
omnium religiosorum animaduertit præcellētia. Igitur inter-  
dicit per omnia synodus, ne talis temeraria præsumptio vltē-  
rius fiat, sed omni modo presbyter per semetipsum infirmū cō-  
municet. quod si aliter fecerit, gradus sui periculo subiacebit.  
Hęc concilium Remense. Et habentur hæc verba in volumi-  
ne decretorū de consec. distinct. 2. in cap. peruenit. Quod ideo  
præmonui, quia illius cōcilij decreta non habētur in eo volu-  
mine, in quo sunt aliorum conciliorū decreta congesta per Isi-  
dorum. Ex huius autem concilij verbis patet nō solum esse in-  
terdictam scēminis & laicis corporis dominici consecrationē,  
sed eiusdem corporis contactum: & hoc dicit esse horribile &  
detestabile, vt scēminæ & laici sacrum Domini corpus contre-  
ctent. Quid igitur dicturum esset conciliū si audiret laicos ten-  
tantes idem Domini corpus consecrando conficere? Non est du-  
bium quin atrociorē punitionē in eos exercuisset. Sed iam opus  
est vt videamus quo argumento suum confirmet propositū Lu-  
therus. Sic enim ait, Omnes sumus sacerdotes secundū illud Pe-  
tri, Vos estis genus electum regale sacerdotium. Sed alius alio  
non potest magis esse sacerdos, quemadmodū alius alio nō po-  
test esse magis homo: igitur sacerdotes qui vocātur, nihil aliud  
sunt quam laici quidam solo vel consensu populi, vel episcopi  
vocatione non absque populo delecti ad concionandū: & ordo  
nihil aliud est quā merum sine sacramento ministeriū. Hęc  
Lutherus. O fortem argumentatorem. O alterū Aristotelem. Si  
nihil



nihil est sacerdotis officium, quia omnes vocantur sacerdotes: oportebit te eadem ratione fateri, ut Christus nihil sit supra quemquam eorum de quibus dictum est, Nolite tangere Christos *Psal. 104* meos. Præterea, si iuxta Petrum omnes sunt sacerdotes, nonne iuxta eundem omnes etiam sunt reges? Vos estis (inquit) genus electum, regale sacerdotium. Non quaecunque sacerdotium, sed regale: ut ostenderet eos esse reges, perinde ac sacerdotes. Et vigintiquatuor seniores qui figuram tenent iustorum, in Apocaly. *Apo. 5* Ioannis clamabant dicentes, Fecisti nos Deo nostro regnum & sacerdotes, & regnabimus super terram. Si ergo nihil magis est sacerdos rite ordinatus, quam quilibet Christianus, quia omnes dicuntur sacerdotes: oportet etiam ut nihil magis habeat rex quam quilibet alius Christianus. quia omnes etiam dicuntur reges. Quo fiet ut nemo sit rex Luthero, sicut nemo est illi sacerdos. Rursum si propter illa Petri verba oportet fateri omnes Christianos esse veros sacerdotes, oportebit etiam dicere omnes Iudeos fuisse sacerdotes, cum in Exodo dictum sit à Domino, *Exod. 19* Si audieritis vocem meam, & custodieritis pactum meum, eritis mihi in peculium de cunctis populis. Mea est enim omnis terra, & vos eritis mihi in regnum sacerdotale, & gens sancta. Cum ergo apertissimè constet non omnes Iudeos fuisse sacerdotes, quamvis fuerint à Deo vocati regnum sacerdotale, conuincitur ut etiam non oporteat Christianos omnes esse sacerdotes, quamvis eos Petrus vocauerit regale sacerdotium. Verum superest ut nos verum illius literæ sensum ostendamus. Iuxta Bedæ sententiam ideo vocati sunt à Petro omnes Christiani sacerdotes, quia uniti sunt Christo qui est rex & sacerdos. Didymus Alexandrinus in expositione, quæ eius nomine super 7. epistolas canonicas fertur, dicit Christianos dici genus electum, regale sacerdotium, quia eorum pater videlicet Christus est rex, & sacerdos. Nam postquàm ostendit Christum esse regem & sacerdotem, hæc verba subiungit: His itaque dispensatis necessarium erat dispersos ab eo qui simul rex & sacerdos est, electum esse genus, & regale simul atque sacerdotale. Patre siquidem eorum utrumque habente principatum, necesse est eos tanquàm ex rege regale, & tanquàm ex sacerdote sacerdotale esse genus. Quapropter gens sancta dicuntur, vocati ab eo qui sanctus est, ut sancti sint. Hæc Didymus. Possent huic literæ aliæ dari interpretationes, sed eas omitto, quoniam expositio Didymi mea sententia reliquas omnes excellit, eo quod est literæ germanior. Aduersus hunc



Lutheri errorem scripsere Ioannes Eccius in libro de sacrificio missæ in Enchiridio cap. 7. & Iodocus Clichthoueus in suo Antiluthero. Ioannes Mensingus scripsit de ecclesiæ Christi sacerdotio libros duos. Ioannes Romberch Kirspensis fecit panegyricum de dignitate & officio sacerdotij euangelici.

Secunda de hac re hæresis docet omnes sacerdotes esse pares, nullumque esse inter illos discrimen. Huius hæresis author fuit

*Aerius.* Aerius eandem postea suscitauit Valdenses, Marilius Paduanus, Ioannes Vuitcleff. Sed de hoc errore iam supra in titulo de episcopis disputauimus. Illo enim loco aduersus hos eosdē hæreticos probauimus episcopum esse simplici sacerdote & dignitate & potestate superiorem.

*Vuitcleff.* Tertia hæresis asserit sacerdotem amittere consecrandi potestatem si peccatum mortale commiserit. Huius hæresis auctores (teste Guidone) fuerunt Valdenses, dicentes omnem hominem iustum suæ factionis posse consecrare corpus Domini, etiā si laicus ille fuerit. Si autem peccatum mortale commisisset, dicebant illum perdidisse illam potestatem. Primam huius hæresis particulam nunc in principio huius tituli de sacerdotio, expugnauimus. Ibi enim ostendimus nullum hominē laicum posse sacerdotalia munera exercere. Alteram eiusdem hæresis particulam supra in titulo de potestate prostrauimus. Nam in illo loco conuincimus nullam potestatem siue laicam siue ecclesiasticam amitti per letale crimen, ita ut si sit rex, aut imperator, aut episcopus, aut papa, aut sacerdos, in eodem statu & dignitate maneat peccato quouis non obstante, nisi fortē esset crimen hæreseos, propter quod iuxta aliquorum catholicorum sententiam amittitur dignitas illa aut potestas in cuius collatione non imprimitur character, cuiusmodi est regnum, aut imperium, aut papatus. Nec tamen per tale crimen hæreseos amittitur sacerdotalis potestas, quia character qui in sacerdotij collatione imprimitur, indelebilis est: quapropter sacerdos semel ritē ordinatus quaecunque postea committat crimen, semper erit sacerdos.

*Coelibatus Sacerdotum.* Quarta hæresis reprehendit sacerdotū coelibatum, dicens sacerdotes non debere esse cœlibes, Huius hæresis author primus (quod sciam) est Lutherus, qui ecclesiam irridet eò quod cogat sacerdotes abstinere ab vxoribus. Nam qui hunc errorem confundunt cum errore Iouiniani, non rectē mihi facere videntur, quoniam etsi Iouinianus æquauerit nuptias virginitati, nunquā tamen

tamen reprehendit eos qui volebāt cœlibes manere, nec reprehendit sacerdotes carētes vxoribus, quoniam ipsemet Iouinianus (teste Augustino in lib. de hæresi. cap. 82) carere voluit vxore, non propter maius meritum in futura vita habendum, sed vt molestiis nuptiarum careret. Vnde patet minimè inter Lutherum & Iouinianum conuenire de cœlibatu sacerdotū, quamquam de virginitatis merito inter eos conueniat. Aduersus ergo solum Lutherum sunt nobis arma sumēda. Et primò vt clarius pateat Luthericemeritas, qui non veretur ecclesiæ matris suæ in qua per baptismum genitus fuit, decreta & ordinationes floccipendere, ostendamus vetustissimam huius rei in ecclesia consuetudinem, eamque non leuem, sed perpeti decreto firmatam. Pro cuius rei intelligentia admonere oportet quòd sacerdotem esse coniugatum, duobus modis intelligi potest. Vno modo, vt is qui prius fuerat matrimonio alligatus, postea consecratur sacerdos, in matrimonio eodem manens. Alio modo, vt prius sacerdos, post susceptum sacerdotium vxorem ducat. Et certè inter hos duos modos latum est discrimen: quoniam in primitiua ecclesia obseruatum est, vt qui vxorem duxerat, promoueretur ad sacerdotium, non tamen requirebatur ab eo qui promouendus erat, vt prius vxorem duxisset. Nam Ioannes euangelista virgo fuit, & beatus Paulus iuxta omnium sacrorū doctorum sententiam fuit etiam virgo: eos tamen cōstat fuisse sacerdotes & episcopos. Non erat ergo necessariū vt vxorem duxisset qui consecrandus erat sacerdos, quamuis id licuisset. Neque obstat illud Pauli in priore epistola ad Timoth. 1. Tim. 3 Oportet episcopum esse vnus vxoris virum: quoniam illa Pauli verba sunt per exclusionē accipienda, sic videlicet, vt per illā sententiam indignus episcopatu intelligatur, qui bigamus fuerit, aut secundam superduxerit vxorem. Oportet ergo vt is qui ad episcopatum erigendus est, nō habuerit ultra vnā vxorē. Et ita illum Pauli locum interpretantur Hieron. Ambrosius, Theophylactus. Hæc ergo consuetudo iuxta quam matrimonio alligatus promouebatur ad sacerdotium, inualuit vsque ad tempora Niceni concilij, in quo (vt fertur) generali decreto statutum est ne aliquis vxorem habens, consecratur sacerdos. Quod statutum cum ab aliquibus minimè (vt decebat) obseruaretur, Siricius papa, qui parum post prædictum Nicenum concilium ecclesiæ vniuersali præfuit, de hac re illos acerbissimè reprehendit. Decretum Niceni concilij cum non inueniatur, ideo  
hic

hic non est insertum. multa enim illius concilij decreta (teste  
 Isidoro) per incuriam, aut fortè Arrianorum malitiam deper-  
 dita sunt. Verba Siricij papæ subiungam, quoniam per illa sa-  
 tis aperte redarguitur petulantissima Lutheranorum libido. Is  
 enim pontifex summus in quadam epistola ad Cumeriū Tar-  
 raconensem episcopum, cap. 7. eiusdem epistolę ita ait: Venia-  
 mus nunc ad sacratissimos ordines clericorū quos in veneran-  
 dā religionis iniuriam ita per vestras prouincias calcatos atq;  
**Hier. 9** confusos charit. æ tua insinuante reperimus, vt Hieremiæ no-  
 bis dicendum sit voce, Quis dabit capiti meo aquam, aut ocu-  
 lis meis fontem lachrymarum, & flebo populum hunc die ac  
 nocte? Et infrā crimen illorum narrans ait: Plurimos enim sa-  
 cerdotes Christi atq; Leuitas post longa consecrationis suæ tē-  
 pora tam de cōiugibus propriis quā etiam de turpi coitu so-  
 bolem didicimus procreasse, & crimen suum hac pręsumptio-  
 ne defendere, quia in veteri testamento sacerdotibus ac mini-  
 stris generandi facultas legitur attributa. Dicat mihi quisquis il-  
 le est sectator libidinum, pręceptorque vitiorum, si æstimat qd  
 in lege Moyli pāssim sacris ordinibus a Deo nostro laxata sunt  
 frāna luxurię, cur eos quibus committebantur sancta sancto-  
 rum, pręmonet dicens, Sancti estote, quia & ego sanctus sum  
 dominus Deus vester? Cur etiam procul a suis domibus anno-  
 vicis suę in templo habitare iussi sunt sacerdotes? Hac videli-  
 cet ratione, ne vel cum vxoribus possent carnale exercere com-  
 mercium, vt cōscientiæ integritate fulgentes, acceptabile Deo  
 munus offerrent. Quibus expleto deseruitionis suę tempore,  
 vxoris vsus solius successione causa fuerat relaxatus, quia non  
 ex alia nisi ex tribu Leui quisquā ad Dei ministerium fuerat  
 pręceptus admitti. Vnde & dominus Iesus cū nos suo illustras-  
 set aduentu, in euangelio protestatur, quia legem venerit adim-  
 plere, non soluere: & ideo ecclesiam cuius sponsus est speciosus  
 forma, castitatis voluit splendore radiare, vt in die iudicij cum  
 rursus aduenerit, sine macula & sine ruga eam possit (sicut per  
**Ephē. 5** Apostolum instituit) reperire. Quarum sanctionum sacerdo-  
 tes omnes atque Leuitę insolubili lege constringimur, vt a die  
 ordinationis nostrę, sobrietati ac pudicitię & corda nostra mā-  
 cipemus & corpora, dummodo per omnia Deo nostro in his  
 quę quotidie offerimus sacrificiis placeamus. Hucusq; Siricius  
 papa: qui multa alia de hac re in eadem epistola differit. Nec  
 tamen per illa verba videtur nouum condere decretum, vt no-  
 ua lege



na lege sacerdotes obliget ad cælibatū, sed potius eos esse aliās obligatos declarat. Post hæc tempora non reperitur quod aliquis matrimonio alligatus impune fuerit institutus sacerdos manente matrimonij vsu. Cæterum quod cōsecratus sacerdos post suam consecrationem ducat vxorem, nunquā ecclesia permisit, nec aliquando impune factum esse reperietur. Vnde apertissimè conuincitur effrænata Lutheranorum audacia, & petulans eorum libido, qui non verentur post sacerdotium receptum noua nuptiarum fœdera inire, cum hoc nunquā vstitutum fuerit in ecclesia, neque huius rei vestigium aliquod reperire possint, imò multis cōciliorum decretis cautum est nequid simile fiat. Nam 26. canon apostolorum sic ait: In nuptiis autē Canon apostolorum qui ad clerum prouecti sunt, præcepimus vt si voluerint vxores accipiant, sed lectores cantoresque tantummodo. Hæc ibi. Ex quibus verbis apertissimè cōuincitur ab ipsis ecclesiæ primordiis non licuisse diaconis aut presbyteris post susceptos sacros ordines ducere vxores. Concilium Neocæsariense cap. 1. suorum decretorum per hæc verba definit, Presbyter si vxorem duxerit, ab ordine illum deponi debere statuimus. Quod si fornicatus fuerit, vel adulterium commiserit, extra ecclesiam abiici, & ad pœnitentiam inter laicos redigi oportet. Hæc cōciliū Neocæsariense. Et quod maximè hanc sententiam confirmat, est, quod Græci, quibus mos est cōiugatos ad sacerdotium promouere, nunquā permiserunt aliquem post susceptum sacerdotium ducere vxorem. Pro cuius rei probatione duos proferam testes. Innocētius papa huius nominis tertius, in capitulo, Cum olim, titulo de clericis coniugatis, talia verba refert, Orientalis ecclesia votum continentiae nō admisit, quoniam orientales in minoribus ordinibus cōtrahunt, & in superioribus vtuntur matrimonio iam contracto. Hæc ibi. In quibus verbis id est aduertendum quod ait: orientales in superioribus ordinibus vti matrimonio iam contracto. vnde cōuincimus illos post susceptos ordines sacros non contrahere matrimonia, quoniā iuxta vulgatam iuristarum regulam, casus exceptus firmat regulam in contrarium. Et Gratianus in volumine decretorum distin. 28. cap. Syracusanæ, prope finem capitis idem refert expressius, dicens, Orientalis ecclesia non suscepit votum castitatis. Hoc tamen indefinēti obseruatione custodit, vt post adeptum sacerdotium, defuncta priori vxore, cum qua sacerdos factus fuerat, si alteram duxerit, deponatur. Hæc Gratianus. Ex quibus conuincitur



- vincitur Lutheranos peiores esse Græcis schismaticis, & eccle-  
 siæ rebellibus, quia Lutherani etsi cum sacris fuerunt initiati,  
 continentiae votum emisserunt, non verentur tamen post susce-  
 ptum sacerdotium vxores ducere. At Græcis hæc fuit perpetua  
 religio, vt nunquam fuerint ausi aliquid simile attetare. Ex his  
 , ergo omnibus colligere oportet hæc duo. Vnum est, quod ab  
 , ipsis nascentis ecclesiæ primordiis nunquam licuit alicui post  
 , susceptum sacerdotium vxorem ducere. Alterum est, quod etsi  
 , aliquando licuit matrimonio ligatum promoueri ad sacerdo-  
 , tium, iam modo non licet, quoniam decretum est, vt nullus ad  
 , sacros ordines suscipiatur nisi prius cōtinentiam vouerit. Nam  
 Gratianus in distinctione illa 28. cap. Ecce ostentum est, citat  
 beati Gregorij decretum sic dicens, Nullum facere subdiacono-  
 num præsumant episcopi nisi qui se castè victurum promiserit:  
 quia nullus ad ministerium altaris accedere debet, nisi cuius ca-  
 stitas ante susceptum ministerium fuerit approbata. Hæc Gre-  
 gorius. Neque hoc decretum ecclesia leuiter & sine causa insti-  
 tuit, imò multis vrgentibus causis ita seruandum esse decreuit.
- Exo. 12** Nam in lege veteri nullus carnes agni qui in figura corporis &  
 sanguinis Christi immolatus est, comedere permittebatur, nisi  
 , renes accinctos haberet. Per illam autem renum cincturam de-  
 , signabatur libidinis refrenatio, quoniam dominus in euange-  
 lio castitatem cōmendans, hoc vsus est elogio. Sint lumbi (in-  
 quit) vestri præcincti. Et in 1. Reg. legimus quod cum venisset  
**1. Re. 23** , David ad Achimelech sacerdotem, non prius panes sanctifica-  
 , ros, etiam fame vrgente, recepit, quam se suosq; inundos à mu-  
 , lieribus testaretur, & hoc non solum ab alienis aut concubinis,  
 , sed etiam ab vxoribus propriis. Ita enim sentit beatus Hiero.  
 , in commentariis super epist. ad Titum. Ex quo facto sacerdo-  
 tis Achimelech, idem beatus pater colligit oportere multo ma-  
 , gis eum qui sacrum domini corpus sit suscepturus, esse castum  
 & pudicum: quoniam (vt ille ait) tantum interest inter panes  
 propositionis, & corpus Christi, quantum inter vmbra & cor-  
 pora, inter imaginem & veritatem, inter exemplaria futurorū,  
 & ea ipsa quæ per exemplaria præfigurabantur. Præterea bea-  
**1. Cor. 7** tus Paulus in priore ad Corinth. epi. admonet matrimonij vin-  
 , culo ligatos, vt non fraudent se inuicem officio coniugij, nisi  
 , forte ad tempus, vt vacent orationi. Per quæ verba satis apertè  
 , innuit oportere eos qui orationi vacāt, abstinere ab officio cō-  
 iugij. Cū ergo ad sacerdotes nouæ legis pertineat quotidie pro  
 se &

se & populo Deum orare, conuincitur apertè iuxta Pauli sententiam, vt quotidie ab officio coniugij abstineant. Et certè ex hoc Pauli loco colligunt Ambrosius & Hieronymus, oportere sacerdotes esse adeo castos, vt ab omni coitu abstineant. Nam beatus Ambro. in expositione prioris epist. beati Pauli ad Timoth. sic ait: Si plebis hominibus orationis causa ad tempus se abstinere præcipit Paulus, vt vacent orationi: quanto magis leuitis ac sacerdotibus, quos die noctûque pro plebe sibi commissa oportet orare? Mundiore ergo debent esse cæteris, quia actores Dei sunt. Hæc Ambrosius. Et beatus Hiero. in cōmentariis super epist. ad Titum, eandem facit collectionem, sic dicens, Si laicis imperatur vt propter orationem abstineant se ab vxorum coitu, quid de ipso sentiendum est qui quotidie pro suis populique peccatis illibatas Deo oblaturus est victimas? Hæc Hieronymus. Ecce iam vides quot sint causæ vrgentes ad statuendum decretum de sacerdotum cœlibatu. Magna est ergo Lutherianorum temeritas, qui aduersus tot patrum sententias, contra tot conciliorum decreta, non verentur post votum continentię quod in sacrorum ordinum susceptione emisērūt, matrimonia contrahere, aliisque vt similiter faciant persuadere. Sed opus est vt respondeamus his quæ nobis obiiciūt Lutherani. Dicunt enim oportere castitatem, sicut omne aliud opus bonum, esse liberam & non coactam: quia non placent Deo coacta seruitia. At ecclesia (vt illi aiunt) cogit sacerdotes ad castitatem, non facit ergo bene illos cogendo. Respondeo. Ecclesia neminem cogit ad castitatem, sed ipsemet qui consecratur sacerdos seipsum obligat ad castitatis obseruationem. Ecclesia autem neminem cogit ad sacerdotij susceptionem. Si ecclesia cogeret absolutè & sine vlla conditione aliquem ad sacerdotium, iustam ille haberet querimoniæ occasionem. Cum autē neminem illa cogat sacerdotium suscipere, non est q̄ ob hanc causam quis ecclesiam de tyrannide arguat. Si non tibi placet cœlebs sacerdotium, abstine à sacerdotio & noli fieri sacerdos, quod nosti huiusmodi conditionem sacerdotium annexam habere. Sed volo (inquit Lutheranus quisq;) sacerdos esse & vxorē ducere. Respondeo, hoc nō esse electionis tuæ, aut tui arbitrij, sed solius ecclesiæ quæ quos voluerit potest ad sacerdotiū promouere si dignos illos inuenerit, & à sacerdotio repellere quos nouerit indignos. Nō facit seipsum homo sacerdotē, sed ecclesia illū per prælatos episcopos instituit sacerdotē. Ecclesia autē

non

*Respon. ad doct.  
Lutheri.*

nō vult aliquem ad sacerdotiū recipere, nisi ille velit cælibem vitam perpetuò agere, & cætera habeat quæ ad bonum sacerdotem exiguntur. Si placet cōditio, oportet vt promissum serues. Si verò ante susceptum ordinem sacrum, hæc non placet cōditio, aliud tibi placens vitæ institutum elige, & noli ordines sacros quibus est castitas annexa recipere. Secundò obiiciūt illud

1. Cor. 7 Pauli: Melius est nubere quàm vri, Cum ergo (vt dicūt) omnes à concupiscentia vrantur, bonum erit nubere vt per nuptias talis carnis adustio tollatur. Respondeo, Non omnis qui à carne tentatur, vritur, sed solum ille qui à carne superatur, alioqui Paulus ipse quū carnis stimulum patiebatur, adustus fuisse dicetur. Qui à carne vincitur, is aduritur. Et de his qui voto alligati non sunt, sed liberam habent sui potestatem, Paulus loquens dicit quòd melius est nubere quàm sic vri, id est, à carne superari. Tertiò obiiciunt, Difficillimū esse & impossibile castitatem perpetuò seruare, præsertim aliquibus qui vehemēter à carne impelluntur, & ardentissimos patiuntur carnis ardores. Propter quod Saluator de his qui se propter regnum cælorum

Mat. 19 castrauerunt, loquens, dixit: Non omnes capiunt verbum hoc, qui potest capere, capiat. Respondeo, difficilem certè rem esse castitatem, sed esse difficilem homini sibi ipsi & suis solis viribus relicto: nō est autem difficilis illi qui à Dei gratia adiuuatur.

Phil. 3 tur. Omnia (inquit Paulus) possum in eo qui me cōfortat. Hæc autem gratiam nemini facienti quod in se est, Deus negat: sed

1. Cor. 10 omni petenti tribuit. Fidelis est Deus (inquit Paulus) qui non patietur vos tentari supra id quod potestis: sed faciet cum ten-

Mar. 13 tatione prouentum: Et ipse Saluator ait: Quæcunque orantes petitis, accipietis. Si ergo Lutheranus se adeò stimulum à carne sentit, vt resistere non possit, petat adiutorium à Deo qui se ipsum negare vnquàm sciuit facienti quod potest. Si quis indiget sapientia (inquit Iacobus) postulet illam à Deo qui dat omnibus affluenter. Faciat igitur Lutheranus quod Sapiens de

Sap. 8 seipso ait: Et vt sciui (inquit ille) quoniam aliter nō possem esse continens, nisi Deus det, & hoc ipsum erat sapientiæ scire cuius esset hoc donum, adi Dominum & deprecatus sum illum. Verum hic admonere oportet lectorē ne arbitretur nos ideo inuisse Lutherum & eius sequaces hæreseos nota, quòd nos credamus ex diuina institutione esse necessarium cælibatum ad sacerdotum ordinum susceptionem, quoniam (vt iam proximè docuimus) in primordiis ecclesiæ coniugatos legimus fuisse sacerdotes.



dotes. Nam coniugium non obest ex institutione diuina sacerdotio. Concilium liquidem Gangrense cap. 4. suorum Decretorum sic definit: Si quis discernit presbyterum coniugatum, <sup>Cōcilium</sup> <sup>Gāgrense.</sup> tanquam occasione nuptiarū offerre non debeat, & ab eius obligatione ideo se absteat, anathema sit. Hæc cōcilium Gangrēse, Ex cuius decreto apertissimè cōstat non esse ex lege diuina necessarium cōlibatum ad sacrorum ordinū susceptionē. Neque nos ob hanc causam Lutherum & eius sequaces notauimus, sed ideo illos de hæresi accusamus, quia contra ecclesiæ statutum de sacerdotum cōtinentia, illi docēt sacerdotes vt matrimonia contrahant, & ad sic faciendum alliciunt, irridētque ecclesiā eò quòd tale statuerit decretum, dicuntq; illā in sic statuendo errasse. Ob quam causam omnis qui rectè (vt decet) de ecclesiæ firmitate & certitudine senserit, censebit meritò illos fuisse de hæresi notatos. De hac re aliquid infra adhuc dicemus, quoniā ea de quibus in titulo de virginitate, & in titulo de votis differe mus, non nihil ad hoc negocium spectare videntur. Sunt enim illa huic materiæ valde vicina.

Quinta hæresis docet infimum quēque sacerdotem posse in absentia episcopi exercere munus episcopale. Huius heresis author est Richardus Armacanus Hibernicus, qui in libro 6. de quæstionibus Armenorum, cap. 6. dicit minores sacerdotes in absentia episcopi exercere posse officia sacramentalia, qualia sunt consecrationes altarium, olei vel chrismatis benedictio, ordinum collatio &c. Hic Armacanus floruit anno domini M. ccclx. sub Carolo 4. imperatore, & Innocentio 6. summo pontifice. Eundem errorē tutatus est Ioan. Vuitcleff. Aduersus hunc errorem sæpe iam disputauimus. Nam in tit. de confirmatione, probauimus illud sacramentum à solis episcopis posse conferri, & non ab aliquo minore sacerdote. In tit. de episcopis, cōuicimus tum ex sacris literis, tum ex conciliorum definitionibus, episcopos esse & dignitate & potestate aliis sacerdotibus superiores. At si minores sacerdotes possent omnia quæ episcopi faciunt, & ipsi facere, essent proculdubio illi episcopis pares, neq; esset inter eos ullum discrimen. Sed quoniam in illis locis nihil de ordinū collatione disputauimus, pro illius rei definitione solum proferam quoddā decretum concilii secundi Hispalensis. Nam quinto capite Decretorū præfati cōcilii, hæc quæ sequuntur habentur verba: Quinto iudicio ad agnitionem nostri examinis, Agabrensis diaconi relatu deductum est de quibusdam

Armaca-  
nus.

Ioannes  
Vuitcleff.

Cōcilium  
Hispalense



ipsius ecclesiae clericis, quorum dum vnus ad presbyteri, duo ad Leuitarum ministerium sacraretur, episcopus eorum oculorum dolore detentus fertur manum suam super hostatum posuisse, & presbyter quidam contra ecclesiasticum ordinem benedictionem dedisse, qui licet propter tantam presumptionis audaciam poterat accusatus praesenti iudicio damnari, si adhuc in corpore positus, non fuisset mortis vocatione preuentus, sed quia iam ille examini diuino relictus, humano iudicio accusari non potest, hi qui supersunt, & ab eo non consecrationis titulum, sed ignominiae elogium perceperunt, ne sibi licentia talis usurpatio faciat, decreuimus ut a gradu sacerdotalis vel leuitici ordinis quem peruerse adepti sunt, depositi, a quo iudicio abiiciantur. tales enim merito iudicati sunt remouendi, quia prauè inuenti sunt constituti. Hæc concilium Hispalense. Ecce de ordinum collatione concilii definitionem, per quam decernitur eos non esse ordinatos quibus episcopus manus imposuit, quoniam benedictionem non ab episcopo sed a presbytero receperunt. Post tanti ergo concilii definitionem iniustum esset nos amplius de hac re disputare. Quod si forte lector curiosus plura de hac re nosse cupit, legat Thomam Vualden in lib. de sacramentalibus, titu. 7. quoniam illo loco praefatus author satis copiose de hac re disputat aduersus Armacanum & Ioannem Vuitcleffum.

## SACRAMENTA.

**I**lle antiquus humani generis hostis, inuidiam humanæ gloriæ semel conceptam nunquam deposuit, & ita quaecunque potest semper homini nocere satagit, & illum a consecutione æternæ beatitudinis impedire nititur. Quapropter perspicuus daemon quantum adiutorium præbeant hominibus sacramenta quæ Deus illis reliquit ad consecutionem vitæ æternæ, omni qua potuit vitentauit homines ab illorum perceptione & usu abducere. Ut autem hoc melius faceret, quosdam hæreticos decepit, quos tamquam suæ militiæ principes instituens, per eorum manus alios quos posset *Cathari.* subuerteret catholicos & fideles. Fuerunt enim plures hæretici qui sacramenta ecclesiae omnia negarent, ut Cathari, non inquam illi Cathari qui alio nomine vocantur Nouatiani, sed alii multo illis recentiores, de quibus iam alias diximus. Alii fuerunt hæretici qui etsi aliqua admittant sacramenta plura tamen alia negant, prout iam ostendimus cum de vnoquoque sacramento in propriis eorum titulis disseruimus. Alii rursus aliqua sacramenta ad-

mittentes

mittētes negāt aliquod eorū cōferre gratiā suscipiēti, quātūlibet ad illius susceptionē pręparet animā suā. Huius erroris aucthores sunt Armeni. Istorū errorē tandiu ab ecclesia explosum recepit tutādum Martinus Lutherus, qui talia de sacramentis verba profert: Hæretica est, sed v̄sitata sententia, sacramenta nouæ legis dare gratiam illis qui non ponunt obicem. Hæc Lutherus. Quapropter videtur mihi esse Lutherus tanquā alter Nabuzardam princeps militiæ Nabuchodonosor regis Babylonis, qui muros Hierusalem in circuitu destruxit, & succendit domum Domini, & sustulit omnia vasa aurea & argentea & ærea, in quibus ministrabant sacerdotes in templo Domino. Quid aliud sunt sacramenta, & aliæ ecclesiæ cæremoniæ, quā vasa quædam in quibus Deo in hac vita ministratur? Vasa inquam aurea & argentea sunt sacramenta: reliquæ autem omnes ecclesiasticæ cæremoniæ vasa sunt ærea. Quæ omnia cum Lutherus ab ecclesia auferre conatur, apertē demonstrat se esse alterum Nabuzardam, vnum videlicet ex principibus diabolicæ militiæ. Aduersus hanc pestiferam hæretim, etsi de quolibet sacramento sigillatim disputatum sit, tamen hoc impræsentiarū agendum est, vt ostendamus breuissimē de omnibus sacramentis in genere, ea fore pro sacramentis habenda quæ sancta mater ecclesia velut alia recipit & ruetur. Nam q̄ ecclesia non potest errare ex Dei adiutorio illi assistente, præsertim in illis in quibus oportet non errare, iam aliās s̄pe ostendimus. Et ex hoc collegimus ecclesiam habere facultatem discernendi diuinas scripturas ab humanis, verūque earum sensum à falso, Deo illam quotidie illustrante, ne videlicet erret in his, in quibus error fuisset periculosus. At nullibi periculosior fuisset iactura, quā si falsa pro veris sacramenta, & traditiones hominum, imò figmenta diaboli pro traditionibus Dei ecclesia recepisset, quoniam tunc spem suam ecclesia in fictis ac vanis corporalium rerum signis, prout magi faciunt, tanquā in Christi sacramentis collocasset. Si ergo ecclesia hanc habet à Deo collatam potestatem, vt verba Dei à verbis hominū discernat, necessarium est etiā fateri illam etiā hāc habere potestatem à Deo similiter illi collatam, vt traditiones Dei discernat à traditionibus hominū. Nam aliās vtrobique posset pari ratione vitādus error oriri. Christus enim suæ ecclesiæ vsq; ad cōsummationem seculi assitens, nō solū hoc agit vt ecclesia hoc aut illo modo nō erret, sed ne erret vllō. At nullibi maiore cum iniuria

Armeni.

Lutherus.

4. Reg. 26

Christi posset errare,quàm si fiduciam in illo ponendam solo, ponat in signis nulla prorsus fultis gratia, sed omni bono fidei vacuis atque inanibus, quoniam id notissima esset idololatria, quam Deus supra omnia alia vitia abominatur. Colligitur ergo ecclesiã non posse errare in suscipiendis sacramentis fidei, non inquã magis quàm in suscipiendis scripturis diuinis, in quibus discernendis eam non posse errare iam alias ostendimus. Quapropter merito decretum est vt quisquis aliter senserit de sacramentis ecclesiæ quàm sancta Romana ecclesia sentit, hæreticus reputetur. Aduersus hanc hæresim strenuè pugnat illustrissimus rex Angliæ vno integro libello quem pro assertione sacramentorum ecclesiæ edidit.

*Lutherus.* Secundus de hac re error est qui negat in aliquo sacramento imprimi characterẽ. Et huius erroris author est etiã Lutherus. Verum de hoc errore iam satis (vt existimo) suprà disputauimus in tit. de characterẽ. Non est ergo iustum vt iterum hunc errorem in contentionem reuocemus.

## S A N C T I.

**N**ihil est quod intentatũ reliquerit aduersarius noster diabolus, vt nos a vitæ æternæ consecutione impediret. Nã quicquid nos ad illam beatã vitam capessendam iuuare potest a nobis auferre conatur. Qui enim a sacramentorum perceptione hominum mentes auocare nitebatur, idem etiam a veneratione sanctorũ homines reuocare molitus est, quoniã videlicet scit nos plurimum illorũ orationibus iuari. ideo quosdã misit qui in spiritu erroris loquentes mendaciũ, dicerent sanctos non esse ab hominibus honorandos, neque oportere illos orare, vt vel sic homines hic viuentes sanctorũ qui in cœlis sunt defraudarent auxiliis. Huius pestiferæ hæreseos author primus (quod sciam) fuit Eustachius quidam, propter hunc errorem & multos alios in cõcilio Gangrensi dānatus. Post hunc in eodem errore successit Vigilātius Gallus Barchinonēsis ecclesiæ presbyter, aduersus quem B. Hiero. bis de hac re scripsit. Eundem errorem post multos annos turati sunt Valdenses, qui omniũ sanctorum festiuitates ab ecclesia auferre conati sunt. Ioan. Vuitcleff cum semper pro valdensium secta pugnauerit, noluit in hac parte ab illis deficere, vt semper sui similis esset. De Ioanne Hufs nō est opus dicere, cum hic in verba Vuitcleff magis quã in verba Christi iurasse videatur. Bohemi vero captiuantes intellectus suos in obsequium Ioan. Hufs, hunc inter alios turantur etiam

*Eustach.*

*Vigilanti-  
us.*

*Valdēs.*

*Ioannes.*

*Vuitcleff.*

*Ioannes*

*Hufs.*

*Bohemi.*



tur errores. Martinus Lutherus hodie in eadem damnatione per- *Lutherus.*  
 sistit. Ioā. Oecolampadius in expositione quā edidit super Esa. Oecolam-  
 prophetam, hunc errorem sapissimè inculcat. Sanctos esse ho- *padius.*  
 norandos apertè docet propheta regius dicens, Mihi autem ni-  
 mis honorati sunt amici tui Deus. Amicos Dei vocat Aposto-  
 los & reliquos sanctos, qui Deum syncero quodam amore dili- *Psal. 138*  
 gunt. Nam ipsemet Christus promisit illis vt post hanc trans-  
 actam vitam in suā reciperet amicitia, dicens, Iam non dicam  
 vos seruos, sed amicos. Qui ergo à David honorati esse perhi- *Ioan. 12*  
 bentur, non est dignum vt à nobis sine vlllo honore relinquan-  
 tur. Præterea ipsamet veritas apud Ioan. ait, Si quis mihi mini-  
 strauerit, honorificauit eum pater meus qui in cœlis est. Quid *Ibidem.*  
 ergo insipientes hæretici garriunt? Nunquid iustum est vt quos  
 Deus pater honorat in cœlis, nos dedignemur honorare? Præ-  
 fertim cū honor exhibitus sanctis, exhibeatur Deo qui glori-  
 ficatur in honore sanctorum. Gloriosus est enim Deus in san- *Psal. 67*  
 ctis suis, ait propheta regius. Rursum ad honorandos sanctos  
 hortatur nos Ecclesiasticus dicens, Laudemus viros gloriosos, *Eccle. 44*  
 & parentes nostros in generatione sua. Et postquā aliquas lau-  
 des patrum veteris testamenti protulerat, statim subdit, Omnes  
 isti in generationibus gentis suæ gloriam adepti sunt, & in die-  
 bus suis habētur in laudibus. Qui de illis nati sunt, reliquerunt  
 nomen narrādi laudes eorum. Si ergo licet eos laudare, licebit  
 etiam eos honorare, quoniam laus quēdam honoris species est.  
 Nam per verba laudatoria testamur quam habeamus de illo  
 quem laudamus, existimationem, quemadmodum per genufle-  
 xiones, & capitis denudationes testamur eam, quam habemus  
 ad alium venerationem. Accedit ad hæc ipsius vniuersalis eccle-  
 siæ authoritas, quæ dies festos in venerationem sanctorū quo-  
 tannis celebrat. & à toto populo Christiano celebrari præcipit.  
 Et vltra hoc præceptum quod fortè recens est quo ad plurimos  
 dies festos, est vetusta nimis. & sine initii memoria, semper ob-  
 seruata consuetudo, vt in veneratione sanctorum aliqui semper  
 fuerint dies festi celebrati. Nam hoc ipsum testantur sermones  
 antiquorum ecclesiæ doctorum quos in celebritatibus sancto-  
 rum, & in illorū laudem coram populo faciebant. Extant ser-  
 mones Ambrosii, multò plures Augustini, quos in festiuitatibus  
 sanctorum coram populo prædicarunt, vt eundem populum  
 allicerent ad sanctorum, & imitationem, & venerationem. At si  
 sancti non essent venerādi, ecclesia illorum festiuitates esse ce-



lebrandas nunquam præcepisset, nec Deus ecclesiam suam, cui semper usque ad consummationem seculi assistit, tandiu errare permisisset. Ostenso ergo qualiter sacris literis consona sit sanctorum veneratio, superest ut ostendamus licitum esse, ne dicam meritorium, sanctos orare. Nam hoc etiam hæretici negant, quasi diuinæ clementiæ derogent, quòd qui Christo ministraverit, hoc honore dignus habeatur, ut pro aliis intercedat.

*Gene. 20* Abraham orat pro Abimelech qui Sarram illius uxorem acceperat, & exaudita est oratio Abraham. Et in libro Iob legimus:

*Iob. 5* Voca si est qui tibi respondeat, & ad aliquem sanctorum conuertere. Quæ quidem verba quamuis illa Eliphaz Themanites ad Iob dixerit, non tamen ea Iob reprehendit, sed consilium eius, velut sanum libenter suscipit: cum tamen alias illum de malè ab eo dictis reprehenderit. Ad eundem modum Helii dixit, Si fuerit pro eo angelus loquens vnus de millibus, & annunciet hominis equitatem, miserebitur eius Deus, & dicet, Libera eum, ut non descendat in corruptionem. Inueni in quo ei propitius. Et in eodem libro post descriptam omnem disputationem quam Iob habuit cum amicis suis, in qua illi amici Deum offenderant, statim ponitur præceptum Dei quo iussit illos ire ad ipsum Iob, ut rogarent illum quatenus pro eis ad Deum orare vellent. Quod cum illi (ut Dominus præceperat) fecissent, Iob pro illis

*Luc. 7* orans exauditus est. Et centurio qui puerum habebat paralyticum, seniores Iudæorum misit ad Christum ut pro salute pueri deprecarentur, eò quòd se indignum putauit qui hoc impetrare posset à Christo. Cur non etiam nos de nostris meritis diffidentes, ad sanctos recurremus, ut ipsi pro nobis Deum orent, quòd facilius nostras petitiones obtineamus? Sed quoniam hæc & alia sunt plurima testimonia sacræ scripturæ, quibus conuincitur iustos viros pro aliis Deum orantes ab eo exaudiri, ad hoc asylum confugere hæretici, ut dicant licere nobis recurrere ad sanctos viros dum hic viuunt, & illos pro nobis hic orantes exaudiri, non autem cum iam ex hac vita decesserint. Sic enim docet Oecolampadius in commentariis super Esaiam. hoc etiam olim teste Hieronymo dixit Vigilantius. Quapropter audiamus quid de illo Hieronymus referat. Sic enim in quodam libro aduersus Vigilantium ait, Dicis in libello tuo, quòd dum viuimus, mutuo orare possumus: postquam autem mortui fuerimus, nullius sit pro alio exaudienda oratio, præsertim cum martyres ultionem sui sanguinis obsecrantes impetrare

petrare nequiverunt. Si apostoli & martyres adhuc in corpore constituti possunt orare pro cæteris, quando de se adhuc debent esse solliciti, quanto magis post victorias, coronas, & triumphos? Vnus homo Moyses sexceteris millibus armatorum <sup>Exo. 32</sup> impetrat à domino veniã. Et Stephanus imitator domini sui, <sup>Ast. 7</sup> & primus martyr in Christo, persecutoribus veniam deprecatur. Et postquam cum domino esse cœperint, minus valebunt? Paulus Apostolus ducetas septuaginta sex sibi dicit in nauis animas condonatas. Et postquam resolutus esse cœperit cū Christo, tunc ora clausurus est, & pro iis qui in toto orbe ad suum euangelium crediderunt, mutire non poterit? meliôrque Vigilantius canis viuens, quàm ille Leo mortuus? Rectè hoc de ecclesia <sup>Ecc. 12</sup> proponeres, si Paulum in spiritu mortuum confiterer. Hucusq; Hieronymus. Sed præter hæc quæ Hiero. obiicit, sunt alia scripturæ sacræ testimonia multo apertiora ad conuincendum sanctos qui iam vita defuncti sunt, pro nobis orâtes exaudiri. Iacob enim propinquus morti, cum benediceret filiū suū <sup>Gen. 48</sup> Ioseph, ait: Deus in cuius conspectu ambulauerunt patres mei Abraham & Isaac. Deus qui pascit me ab adolescentia mea usque in præsentem diem, Angelus qui eruit me de cunctis malis, benedicat pueris istis, & inuocetur super eos nomen meum, nomina quoq; patrum meorum, Abraham & Isaac: & crescant in multitudinem super terram. In quibus verbis illud est aduertendum, qd Iacob præcipit inuocari super filios Ioseph nomina patrum iam defunctorum: quoniam etsi mortui sint corpore, & mundo, viuunt tamen coram Deo. Nam vt veritas in euangelio ait: Nō est Deus mortuorum, sed viuorum. Omnes enim <sup>Mat. 22</sup> viuunt ei. Præterea Moyses pro peccato populi Deum orās sic ait: Quiescat ira tua, & esto placabilis super nequitia populi <sup>Exo. 32</sup> tui. Recordare Abraham, Isaac, & Israel seruorum tuorum &c. Sequitur infra: Placatusq; est dominus ne faceret malum quod locutus fuerat aduersus populum suum. Ecce vides Moysen orantem Deum per merita patrum, videlicet Abraham, Isaac, & Iacob. Si ergo Moyse licet offerre merita patrum, quare ipsi met patres non melius offerre poterunt sua? Si dicas illos iam recepisse præmium bonorū quæ hic egerunt, nec posse amplius mereri, fateor: verum nos non dicimus sanctos orantes exaudiri ad cumulum meritorum suorū, sed hoc dicimus eos meruisse in via, vt orantes pro nobis in patria exaudirentur. Quapropter cū exaudiuntur, potius cedit illis in præmiū meritorū præ-

- cedentium,quàm in nouum meritum. Et si eos esse extra tempus merendi est sufficiens causa vt non possint pro nobis orantes,nobis prodesse,etiam erit sufficiens causa vt illorum merita prodesse non possint,cũ Moyse illa pro populo orans Deo offerebat. Et si merita illorum prodesse potuerunt cùm Moyse illa offerebat Deo,multo magis prodesse poterunt si illi offerant eadem Deo. Eodem modo etiam orabat Azarias positus in fornace accesa igni, Ne, quęsumus (inquit) tradas nos in perpetuum propter nomen tuum, & ne dissipēs testamentum tuū, neque auferas misericordiam tuam à nobis propter Abraham dilectum tuum, & Isaac seruum tuum, & Israel sanctum tuum, quibus locutus es pollicens quòd multiplicares semen eorū sicut stellas cœli, & sicut arenam quę est in littore maris. Sic autē orans exauditus est, quoniam liberatus est cum sociis suis de fornace ardenti. Si merita sanctorum iam defunctorū nihil prodesse possunt post eorum mortem, frustra Azarias Deum orans, merita illorum patrum obtulisset Deo. At cùm nō frustra orauerit, sed exauditus fuerit, conuincitur merita sanctorū defunctorum nobis post eorum mortem posse prodesse, quoniā hoc viuentes meruerunt, vt post mortem suam nobis prodesse possent, Rursum, apud Zachariam prophetam angelus Dei orat Deum pro populo Iudaico in captiuitate posito dicens, Domine exercituum vsquequo tu non misereberis Hierusalem, & vrbium Iuda quibus iratus es? Iste iam septuagesimus annus est. Quibus verbis angelus orat Deum pro redemptione populi Iudaici, ducēs in recordationē Hier. prophetę oraculū quo ex precepto Dei prędixerat post septuaginta annos in suam patriam & libertatem populū Iudaicum fore reducendum. Ex hoc loco Zacharię prophetę conuincitur istorū hereticorū impudentia, qui dicunt sanctos, qui sunt in cœlo non esse à nobis inuocandos, quia ipsi iam nō possunt Deum pro nobis orare. Ideoque dicunt inanem esse talem inuocationem sanctorum, quę ad nihilum valitura est. Istorum tamen sententiam damnat Zacharias propheta, cùm ait angelū Domini iam beatū, orasse Deū pro populo Iudaico in captiuitate detento, vt illum Deus a captiuitate illa eriperet. Deinde, Onias summus sacerdos Iudæorum post mortem suam apparuit Iudę Machabæo manus suas extendens, & orans pro omni populo Iudæorum. In qua visione alius similiter apparuit eidem Oniæ socius, de quo ad Iudam Machabæum Onias ait, Hic est fratrum amator, & populi Israel.
- Daniel.* 3
- Zach.* 1
- Hiere.* 19
- 2. Mac.* 15



Israel. Hic est qui multum orat pro populo, & vniuersa sancta ciuitate. Hieremias propheta Domini. Si ergo sancti in limbo extra statum meriti, & non adhuc Deo fruenter pro suis orabāt, quanto libentius id facient cum iam Deo fruuntur, præsertim quod pro alio Deum orare est opus charitatis? Cum ergo charitas, iuxta beati Pauli sententiam, non excidat, imò perficiatur in patria, conuincitur ut ibidem pro nobis multo feruentius orēt, quam fecerunt dum hic viuerent, aut cum in limbo fuerūt. Sed hoc testimonium ex libro Machabæorum Lutherani contemnunt, propterea quod librum illum dicunt non pertinere ad canonem librorum sacræ scripturæ, sed esse mera somnia hominis nullam habentis autoritatē. Hoc tamen falsissimum esse, supra libro primo ostendimus, ubi probauimus libros Machabæorum esse verè canonicos & sacros. Deinde beatus Ioannes in Apocalypsi vidit quatuor animalia & vigintiquatuor seniores qui ceciderunt corā agno, habentes singuli citharas & phylas aureas plenas odorem totum, quæ sunt orationes sanctorum. Et in eadem Apocalypsi iterum vidit angelum stantē ante altare, habentem thuribulum aureum, & data sunt illi incensa multa, ut daret de orationibus sanctorum omnium super altare aureum, quod est ante thronum Dei. Et ascendit fumus incensorum de orationibus sanctorum, de manu angeli coram Deo. Cum autē ex doctrina Saluatoris homines sancti in gloria sint æquales angelis Dei: conuincitur, ut si angeli pro nobis orant in patria, etiam homines sancti pro nobis orare possint, & exaudiri. Denique diues epulo in tormentis positus, orauit pro fratribus suis in hac vita existētibz: multo ergo magis credendū est, sanctorum animas in cælo positas quæ ardentiori erga proximos flagrant charitate, orare Deū pro salute fratrum in hoc seculo manentium. Nam si diues ille qui dum viueret, nullam salutis fratrum curam habuit, pro salute illorum mortuus intercedit, multo iustius est credere sanctos qui dum viuerent pro hominibus orabant, hoc ipsum post mortem quando iam Dei visione fruuntur feruentius facturos. Vereantur ergo heretici contra tot sacræ scripturæ testimonia, sanctorum gloriæ & honori detrudere, & illorum suffragiis viuos homines defraudare. Possem etiam ad huius rei confirmationem plura sacrorum doctorum testimonia citare, quæ prudens omitto, ne metas breuitatis promissæ excedā. Quod si curiosus lector ea videre desiderat, assigabo ei loca vnde illa petere possit. Bernardus sermone 66,

1. Cor. 13

Apoc. 5

Apoc. 7

Luc. 20



super Cant. reprehendit quosdā sui tēporis hæreticos, qui negabant sanctos esse orandos. Beda in homilia super euangeliū Matth. de muliere Chananea. Damasce. lib. 4. de fide orthodoxa. cap. 16. Aug. super Ioannem tractatu 84. & super Psal. 120. Cyrillus lib. 6. aduersus Iulianum apostatam. Hieron. in libro contra Vigilantium, Cyprianus ad Cornelium papam scribens petit, ut si quis eorum prior decesserit, pro fratribus & sororibus nostris Deum oret: & est hæc epistola omuium prima. Dionysius Areopagita cap. 7. Ecclesiasticę hierarchię. Post tot aper tissima & efficacissima testimonia extant plurima cōciliorum decreta quæ de hac re definiunt. Cōcilium Gangrense, cap. 20. suorum decretorum in hunc modum ait, Si quis per superbiam tanquam perfectum se existimans, conuentus qui per loca & basilicas sanctorum martyrum fiunt, vel accusauerit, vel etiā oblationes quæ ibidem celebrantur, spernēdas esse crediderit, memoriāsque sanctorum contemnendas, anathema sit. Hæc ibi. Sunt etiam alia plurima concilia quæ præcipiunt litanias, hoc est rogationes sanctorum quotannis sollemniter in ecclesia fieri, in quibus ad omnes sanctos orationes & preces emittuntur ut Deum pro populo orent. Nam cōcilium Aurelianense cap. 13. suorum Decretorū sic ait, Rogationes, id est litanias, ante ascensionem Domini placuit celebrari, ita ut præmissum triduanū ieiunium in dominicæ passionis sollemnitate solvatur: per quod triduum serui & ancillæ ab opere relaxentur, quod magis plebs vniuersa conueniat: quo triduo omnes abstineant, & quadragesimalibus cibis vtantur. Hæc concilium. Litanias etiā fieri præcipit concilium Gerūdense cap. 3. Conciliū Toletanum quintum cap. 1. & concilium Toletanum sextum cap. 2. Concilium Braccharense secundum cap. 9. Verūm hæc rogationes quæ ab his tribus vltimis conciliis celebrari mandantur, aliæ sunt ab illis quas celebrari præcepit concilium Aurelianense: quoniā illæ in vere ante ascensionem Domini fieri mandantur, hæc autē in mense decembri celebrari præcipiuntur. De hoc tamen inter omnia illa concilia conuenit, quoniam omnia illa concilia decernunt & mandant ut aliquo tempore rogationes solennes celebrentur. At si sancti non essent orandi, nunquam concilia præcepissent tales litanias celebrari. Si enim ipsi non audiunt orationes nostras, aut orantes pro nobis nunquā exaudiuntur, frustra illos orare præcipimur. Veneremur ergo sanctos quos pater cœlestis sic honorificauit, ut amicitia sua dignos iudica-

*Cōcilium  
Gangrense.*

*Cōcilium  
Aurelianense.*

*Cōcilium  
Gerūdense.  
Cōcilium  
Toletanū.  
Cōcilium  
Braccharense.*

ueri  
vt p  
fidu  
coll  
cup  
in il  
solu  
pet  
uin  
ni  
mo  
Au  
ver  
tar  
qu  
ritu  
al  
ora  
pro  
run  
Ita  
ten  
qu  
fi, p  
Ad  
int  
ma  
lun  
doc  
con

V  
pe  
cu  
fa  
co  
p  
p  
n

uerit. In nostris necessitatibus ad eos confugiamus, eos orantes, vt pro nobis ad Deum intercessores esse velint. Nec tamen hac fiducia illos orare debemus, vt in illis omnem nostram spem collocemus, tanquam illi potentes sint ad præstandum ea quæ cupimus, quoniam hoc modo solum Deum orare debemus, & in illo solo puppim (vt dicitur) & proram constituere. Sed hoc solum à sanctis petere & sperare debemus, vt ipsi velint à Deo petere id quod nos assequi optamus. Hoc enim aperte innuit diuinus Psaltes, dicens, Leuaui oculos meos in montes, vnde venit auxilium mihi? Et ne quis deciperetur credens quod ipsi Psal. 120 montes, hoc est sancti, essent auxilium daturi, statim subiunxit, Auxilium meum à Domino, qui fecit cælum & terram. Quæ verba exponens beatus Augustinus super psalmos ait, Noli putare quia ipsi montes tibi dabunt auxilium. Accipiunt enim quod dent, non de suo dant. Hæc ille. Propter hoc ecclesia à spiritu sancto edocta, in litanis siue rogationibus quas celebrat, alio modo orat Deum, & alio modo orat sanctos. Nam Deum orans sic ait, Pater de cælis Deus, miserere nobis. Filii redemptor mundi Deus, miserere nobis. Cùm autem aliquem sanctorum orat, non dicit illi, miserere nobis: sed ait, Ora pro nobis. Itaque ecclesia orans, à Deo petit misericordiam, à sanctis autem intercessionem. Argumenta quibus se hæretici tuentur, quoniã ridicula sunt, & nullius roboris, breuitati studens omisi, præsertim quod ex iisque diximus, facillimè reici possunt. Aduersus hanc hæresim disputat Iodocus Clichthoueus vno integro libro quem inscripsit de veneratione sanctorum. Thomas de Vio Caietanus Cardinalis paruum quoddam opusculum de hac re edidit. Albertus Pighius campensis hanc re perdoctè tracta, in libro controuersiarum Ratispone habitarum, controuersia tertiadecima.

## S A T I S F A C T I O.

Lutherus.

**V**Nus ex pestilentissimis Lutheri erroribus est, quo docet nō esse opus peccatori vlla satisfactione pro peccatis perpetratis, quoniã (vt ille ait) dimissa culpa, omnis etiã pœna quæ culpæ debebatur, dimissa manet. Sed contra hunc errorem iam satis suprâ disputaui in titulo de pœnitentia. Illo enim loco ostendimus ex sacris literis, post dimissam à Deo culpam oportere peccatorem pro illa aliquam, aut in hoc mundo, aut in purgatorio pati pœnam. Et ita non est opus vt iterum de hac re dispuemus.

SCRIP

## SCRIPTURA SACRA.

**O**Mnibus ferè hæreticis hoc vnum fuit commune, sacris videlicet scripturis detrahere. Nā eas sæpiſſimè aliter quàm decet, pro libito interpretantur. Et ſi fortè contra aliquam eorū aſſertionem locus aliquis afferatur tam patens, vt interpretationibus eorum quantumlibet tenebrosiſ minimè valeat eius claritas offuſcari, ſtatim librum illum ex canone ſcripturæ ſacræ reiicere conantur, dicētes librum illum indignum eſſe qui in catalogo ſacrorum librorum connumeretur. Nam cum ſcriptura ſacra ſit myſtica quædam turris David, ex qua omnis armatura fortium & catholicorum virorum pender, ideo hæretici conātur ſcripturas ſacras minuere, ne arma habeamus quibus eorū inſanas doctrinas proſternere valeamus. Ideo ab aliquibus vnus liber, ab aliis alius reiicitur, prout cuiq; expediens videtur, & ſuæ aſſertioni talis libri doctrina repugnat. Hoc tamen loco non eſt opus aduerſus ſingulas eorum hæreſes diſputare. Nam cum ſuprà libro primo cap. 2. iam oſtenderimus ſacrorum librorum catalogum, ſatis nunc erit ſolum narrare eas hæreſes, quæ ex canone librorum ab eccleſia recepto aliquos reiiciunt libros velut apocryphos, & nullius authoritatis.

Prima ergo hæreſis eſt, quæ totum vetus teſtamentū reiicit. Huius hæreſis primus author extitit Carpocrates, à quo Carpocratiani ſiue Carpocratitę heretici dicti ſunt. Poſt hūc Carpocratem ſucceſſit in eodē errore Cerdon, tempore Iginij pape & martyris, qui nonus à beato Petro totius eccleſiæ ſummus pontifex fuit. Hoc enim tribuit Cerdoni Auguſtinus in libro de hæreſibus, cap. 21. Poſt Cerdonem hāc eandem tutatus

*Cerdon.* eſt hæreſim Severus, à quo Severiani dicti ſunt. Hoc enim de Seuerio refert Auguſtinus in eodem libro de heresiſibus, cap. 24. Eandem hæreſim poſt aliquot annorum curricula ſuſcitauit

*Manichæi* Manichæus, ſub quo magis innotuit: qua de cauſa factum eſt vt à multis credatur Manichæum fuiſſe primum huius heretiſis authorem. Conſtat tamen Manichæum fuiſſe ferè ducentis annis poſtერიorem Cerdone. Poſt Manichæum eandē amplexati

*Albanēſes* ſunt hæreſim Albanēſes. Nam Guido Carmelita in ſua ſumma de hæreſibus, Albanenſium errores enumerans, hunc inter alios ſexto loco collocat. Hi omnes hæretici conuenerunt in vnum aduerſus teſtamentum vetus, illi exprobrantes, q̃ à malo principio factum fuerit: qua propter malum eſſe etiam illud dicebant. Aduerſus hanc hæreſim iam ſuprà diſputauimus in titulo



tulo de lege, hæresi secūda. illo enim loco per testimonia sumpta ex nouo testamento probauimus legē esse bonam, & à bono principio procedentem. Et in titulo de Deo, hæresi prima, probauimus ex sacris literis vnum tantum esse Deum, qui sit omnium rerum principium. Non est ergo opus vt amplius aduersus hanc hæresim disputemus.

Secunda hæresis nō recipit libros Machabæorum. Huius erroris author est Lutherus, dicens libros illos nō esse canonicos, nec dignos qui sacris libris annumerentur. Hoc autem ideo facit Lutherus, quia doctrina in illis contenta apertissimè contra suam doctrinam pugnat. Lutherus enim ait orationes aut alia suffragia quæ à viuētibus pro mortuis fiunt, nihil mortuis prodesse. In secundo autem Machabæorum libro laudantur talia suffragia quæ pro mortuis fiunt. Ideo Lutherus suum pertinaciter defendens errorem, hos Machabæorum libros, quia suæ doctrinæ repugnātes, reiecit. Quòd autem hi libri inter sacros sint connumerandi, testantur beatus Augustinus, Damascenus, Innocentius papa huius nominis primus, demum concilium Carthaginense tertium inter canonicas scripturas hos Machabæorum libros censuit collocandos. Quæ omnia suprā lib. 1. cap. 2. protulimus. Verū Lutherus & illius imitatores obii-ciunt nobis Hieronymum dicentem tales libros non esse canonicos. Sed reuera aliter Hieronymus sentit quàm ipsi putant. Nam in præfatione in libros Machabæorum Hieronymi verba sunt hæc: Machabæorum libri licet non habeantur in canone Hebræorum, tamen ab ecclesia inter diuinorum voluminū annotantur historias. Hæc Hieronymus. Ex cuius verbis constat hos libros esse ab ecclesia in sacrorum numerum coaptatos. Quòd si ecclesia censuit hos libros esse pro diuinis recipiendos, quanuis in canone Hebræorum non habeantur, nullus citra hæresis notam illis repugnare valebit.

Tertia hæresis est quæ euangelia sacra reiecit. Nam Cerdon, de quo supra diximus, solum recipiebat euangelium Lucæ, alia tria reiiciēs. Hoc enim de illo refert Tertullianus in lib. de hæresibus. Cerdonis errorem postea suscepit Marcion, eiusdem Cerdonis discipulus, prout Irenæus testatur lib. 1. aduersus hæreses.

Quarta hæresis est, quæ ex omnibus quatuor euangeliiis solum recipit euangelium Matthei, reliqua tria contemnēs. Hanc hæresim tribuit Philaster Cerintho, in suo libro de hæresibus. Verū



Verum Augustinus in cap. 8. sui opusculi de hæresibus, de hoc Cerintho differens, nunquam huius hæresis meminit. Irenæus *Ebion* lib. 1. aduersus hæreses cap. 26. tribuit hunc errorem Ebioni, à quo dicti sunt Ebionitæ hæretici.

Quinta hæresis est, quæ Actus Apostolorum nõ recipit, sed illum librum conatur auferre ex catalogo sacrorum librorum. *Cerinthus* Hanc hæresim tribuit etiam Philaster Cerintho simul cū præcedente, cuius nec meminit Augustinus, sicut nec præcedentis. *Seueriani*. Eusebius Cæsariensis lib. 4. historię Ecclesiasticę refert, Seuerum, à quo Seueriani hæretici dicuntur, non recepisse librum actuum Apostolorum.

Sexta hæresis est, quæ omnes Pauli Apostoli epistolas docet nullius esse momenti. Huius pestiferæ hæresis primus author fuit Ebion. Hoc enim illi tribuit Irenæus lib. 1. aduersus hæreses cap. 26. Et hoc ideo Ebionem fecisse constat, quia Ebion docebat legem veterem simul cum noua esse obseruandam. Cui doctrinæ cum tam apertè repugnet Paulus in pluribus suis epistolis, ideo Ebion vt suum tutaretur errorem, ad hoc confugit asylum, vt omnes Pauli epistolas reiiceret. Post Ebionem successit in eodem errore Seuerus: quanquàm Augustinus in libro de hæresibus de Seuerio faciens sermonem, nunquàm huius erroris meminit. Verum Eusebius Cæsariensis lib. 4. historię Ecclesiasticę cap. 26. refert Seuerum obtrectasse Paulo, & omnes *Tatianus*. illius epistolas refutasse. Et hoc idem fecisse Tatianum Encratarum principem apertè innuit, quanquàm de Tatiano Augustinus differens, nunquàm hoc illi impingit. Hanc eandem *Elcesaita*. hæresim suscepisse Elcesaitas testatur etiam Eusebius libro 6. Ecclesiasticę historię cap. 27.

*Lutherus*. Septima hæresis non recipit epistolam Iacobi. Huius hæresis author est Martinus Lutherus. Nam licet olim ab aliquibus de illa dubitatum fuerit an esset Iacobi, tunc tamen non erat adhuc aliquid de illa definitum ab ecclesia. At cum modo iam sit ab ecclesia in multis conciliis recepta, non licet iam de illa dubitare. Quapropter Lutherus qui illam contra ecclesię definitionem reiicit, meritò hæreticus hac ratione censetur. Quare autem Lutherus hanc Iacobi Apostoli epistolam reiiciat, apertum est. Lutherus enim, vt in titulo de fide relatum est, sentit solam fidem iustificare, eamq; solam esse satis ad vitam æternam assequendam, etiam si opera desint: Iacobus autem in sua Canonica epistola docet fidem sine operibus esse mortuam.

Quia

Quia ergo Lutherus vidit Iacobi epistolam suę repugnare sententia, ideo hanc epistolam negat, dicens non esse Iacobi Apostoli, nec dignam Apostolico spiritu. Et certè miror quòd Lutherus tam effrons sit, vt negare audeat epistolam illā esse Iacobi, cum tot illustres viri inque vetustissimi testentur esse Iacobi. Augustinus in libro de meritis, & peccatorum remissionibus, citat testimonium ex hac epistola sub nomine Iacobi. Hieronymus in epistola ad Cresiphontem disputans cōtra Pelagianos, vtitur testimonio huius epistolę. Urbanus papa humilior nominis primus, vir martyrio clarus, in epistola de communione vita & oblatione fidelium, citat testimonium ex hac epistola sub nomine Iacobi Apostoli. Et Anacletus papa & martyr, qui (vt ipse in quadam epistola testatur) fuit à beato Petro Apostolo presbyter ordinatus, in epistola de oppressione episcoporum, circa medium citat etiam testimonium ex hac epistola sub nomine Iacobi. Iustius est ergo vt his sanctissimis & vetustissimis testibus credamus, quàm vni Luthero fatuo atque amenti, præferim cum de hac re extet totius ecclesię definitio, quę illam epistolā sub nomine Iacobi inter canonicas scripturas collocauit.

Octaua hæresis non recipit Ioannis euangelium, nec illius Apocalypsim. Huius hæresis authores dicti sunt Alogiani, cò quod filium Dei negabant esse verbum. Nā logos gręcè, idem est quod latinè sermo, siue verbū: hinc Alogiani dicti sunt, tanquā sine verbo. Cum ergo Euangelium Ioannis apertissimè testetur filium Dei esse verbum, ideo illi negant Ioannem scripsisse euangelium, negant etiam eum scripsisse Apocalypsim. Eusebius Cæsariensis lib. 7. historię Ecclesiasticę refert fuisse aliquos qui Apocalypsim Ioannis reiecerint, dicens nihil in illa esse Apostolica grauitate dignum, sed librum esse à Cerintho hæretico fictum dicebant. Sed hoc non ita esse, præter ecclesię definitionem, quę maximum est testimonium, plures sacri cultissimiq; scriptores testantur, qui Apocalypsim tanquā scripturam sacram, & à beato Ioanne compositā, interpretati sunt. Omitto recentiores, quibus non tanta fides in hac parte debetur. Augustinus interpretatus est Apocalypsim, quam dicit esse Ioannis Apostoli. Dionysius Alexandrinus episcopus, vt testatur Eusebius lib. 7. historię Ecclesiasticę, eādem Apocalypsim interpretatus est sub nomine beati Ioannis, quanquā dicit illum dubitasse an fuerit Ioannis Apostoli, an alterius Ioannis,

nis, sancti quidem viri, non tamen Apostoli. Cuiuscunque tamen fuerit, dicit illum fateri scripturam illam esse sacrā, & verū talem ab illo fuisse receptam. Melito Asianus Sardenſis episcopus, & Hippolytus, & Irenæus, hi omnes teste Hieronymo in libro de viris illustribus, Apocalypſim Ioānis sunt interpretati. Sed licet horum virorū testimonia magnam habeant vim ad hanc rem ſtabiliendam, multò tamen maioris authoritatis est ipſius eccleſiæ testimoniū. Concilium nanque Toletanū *Cōcilium Toletanū.* quartum cap. 16. ſuorum decretorum de hac re ita definit, Apocalypſim librum, multorū conciliorum authoritas, & ſynodica ſanctorum præſulum Romanorum decreta, Ioannis Evangelistæ eſſe præſcribunt, & inter diuinos libros recipiendā conſtituerunt. Et quia plurimi ſunt quicuius authoritatem non recipiunt, eamq; in eccleſia Dei prædicare cōtemnunt: ſi quis eum deinceps aut non receperit, aut à paſcha vſque ad pentecoſten in eccleſia non prædicauerit, excommunicationis ſententiam habebit. Hæc concilium Toletanum.

Aduerſus omnes has hæreſes quæ ex catalogo ſacrorum librorum aliquem librum auferre conantur, non eſt opus nunc diſputare, quoniam illa quæ ſuprà in libro primo cap. 2. diximus, ſufficiunt ad omnes has hæreſes refellendas. Ibi enim adduximus aliqua concilia, videlicet Laodicense, & Carthagineſe tertium, ex quibus conſtat omnes hos libros quos modò narrauiſſe à variis hæreticis reiectos, eſſe ex canone ſacræ ſcripturæ. Quanta autem ſit in hac parte eccleſiæ authoritas, non eſt nunc opus oſtendere, cū non ſit alia res in qua magis eccleſiæ authoritas pateat. Vulgaſiſſimum eſt illud Auguſtini, Evangelio non credere, niſi eccleſiæ crederem. Non enim aliunde quis ſcire valet, ſecluſa Dei reuelatione, talē aut talem ſcripturam eſſe euangelium, niſi ab eccleſia dicente nobis illā ſcripturam eſſe euangelium. Cū ergo eccleſia iam nos docuerit, omnes hos quos modò numeraviſſus libros eſſe canonicos, & ſacros, nō eſt quòd aliquis citra hæreſim illis repugnare quomodolibet valeat.

## S C I E N T I A.

*Lutherus.*

**N**ihil eſt quod non temerari Lutherus: qui non eſt contentus omnia hominum opera damnare, & de peccato notare, niſi etiam ſcientias omnes infamaſſet. Nam dicit ſcientias omnes ſpeculatiuas, errores eſſe dicendas. Quis iam ferre poterit hominem tam temerarium & effrontem, qui non ſolū ea quæ



quæ fides docet, negat, sed illa quæ sunt evidenti veritate manifesta, condemnat? Credo firmiter illum nescire quid sit error: quoniã si sciisset, nequaquã dixisset omnes speculatiuas scientias esse errores. pugnant enim inter se scientia & error: quo fit ut nunquã in vnum coire possint. Si scientia est, error esse non potest: si error est, scientia immeritò dicitur. Et ut hæc apertiora sint, audiamus August. dicentem quid sit error. Errare (inquit ille in Enchiridio cap. 17.) est approbare falsa pro veris, aut improbare vera pro falsis, aut habere incerta pro certis, aut certa pro incertis. Hæc August. Cum ergo scientiæ plures speculati-  
*August.* uæ doceant multas veritates evidentissimas, quomodo dicentur errores? Vera sunt quæ docent & certa & evidentissime manifesta, sicut sunt illa quæ docentur in Arithmetica & Geometria: non sunt ergo illæ de errore notandæ. Sed ut mēdacium suum aliquo colore depingat, dicit propterea scientias omnes censeri ab eo errores, quia procedunt necessariò ex corde malo & nõdum sanato per gratiam. Nã iuxta illum (ut suprà in titulo de operibus, & titulo de peccato docuimus) omnia opera quamlibet bona sunt peccata: & iustus in omni bono opere peccat. Et propter hanc eandem causam docet omnes scientias speculatiuas esse censendas errores, quia ex corde malo per gratiã nondum plene in hac vita sanato procedunt. Quæ argumentatio si bene colligeret, probaret omnes mechanicas artes, imò & omnes artes liberales, Grammaticam scilicet, Logicam, Rhetoricam, esse errores, & mathematicas disciplinas quæ sunt omniũ  
*Roma. 7* certissimæ: sed hoc arguit Paul. qui in ea quæ est ad Romanos epistola ait: Lex peccatum est? Absit: sed peccatũ non cognoui nisi per legem. legem (inquam) vocalem, aut scriptam, aut mentalem. At cum lex doceat nos cognoscere peccatũ, scientia meritò dicitur. Et hanc Paul. negat esse peccatũ. Non ergo omnis scientia dicenda est error, etiam si à peccatore procedat. Præterea etsi daremus Luthero omnem hominẽ esse peccato depravatũ, non propterea cogeremur concedere, omnia quæ ab homine peccatore procedunt, esse peccata & errores: quia non necessario procedunt ab homine secundum id quo malus est: sed possunt ab illo oriri secundum id quo bonus est: puta secundum dona naturæ, secundum quòd ille rationalis est, & capax disciplinæ, per quam virtutem naturalem nil obstat quin homo malus bonam artem inuenire possit, & veram & certam scientiam  
*Dionysius* intelligere & docere. Nam (iuxta diuinum Dionysium) natu-  
 K k



ralia in demonibus manserunt integra etiam postquam obdurati sunt in peccato. Non igitur mirum, si in hominibus adhuc viatoribus quolibet peccato deprauata natura sit capax veritatis, praesertim cum tot sint artes & scientiae generi humano utilissimae à malis hominibus repertae: quod non nisi impudentissime negari potest, cum tot sint graues authores qui de hac re testentur. Demum hanc peruersam Lutheri doctrinam cum aliis multis illius eiusdem classis damnauit facultas theologiae Parisiensis: hoc idem fecit academia Louanienſis. Nec dignum putauimus amplius pro hac re digladiari.

## S E P V L T V R A.

*Valdenses* **A**eneas Syluius in libro de origine Bohemorum capite 35. errores Valdensium recensens, hunc inter alios miscet, quo illos asserere ait nihil distare quacunque tellure corpora humana sepeliantur, siue locus sit sacer, siue non. Et certe nescio an haec assertio, haereticis dici mereatur: quoniam si hoc solum docet, quod locus nihil faciat ad augendam vel minuendam animae miseriam, verum est quod ait. Nam hoc ipsum docet Augustinus libro de cura pro mortuis agenda. Et lib. 1. de ciuitate Dei, cap. 12. eandem astruit sententiam, sic inquit: Nullo modo enim diceret veritas: Nolite timere eos qui occidunt corpus, animam autem non possunt occidere: si quicquam obesset vitae futurae, quicquid inimici de corporibus occisorum facere potuissent. Nisi forte quispiam sic absurdus est, ut contendat eos qui corpus occidunt, non debere timeri ante mortem, ne corpus occidant: & timeri debere post mortem, ne corpus occisum sepeliri non sinant. Falsum est ergo quod ait Christus: Qui corpus occidunt, & postea non habent quid faciant, si habent tanta quae de cadaveribus faciant. Absit ut falsum sit quod veritas dixit. Et quibusdam interpositis subdit: Proinde ista omnia, id est curatio funeris, conditio sepulturae, pompa exequiarum, magis diuorum solatia sunt, quam subsidia mortuorum. Si aliquid prodest impio sepultura preciosa, oberit pio vilis aut nulla. Haec Augustinus. Et hoc ipsum quod modo dixit funera magis esse viuorum solatia quam mortuorum subsidia, in libro de cura pro mortuis agenda cap. 7. iterum confirmat, sic inquit: Et tamen ex illo humani cordis affectu, quo nemo vnquam carnem suam odio habuit, si cognoscant homines aliquid post mortem suam suis corporibus suorumque defunctorum deesse quod in sua

in sua cuiusque gente vel patria poscit solennitas sepulture,  
 contristantur homines, & quod ad eos post mortem non perti-  
 net, ante mortem suis corporibus timent, ita ut inueniatur in li-  
 bris Regum Deum per prophetam minari alteri prophete, qui  
 eius transgressus est verbum, quod non inferretur cadaver eius 3. Re. 13  
 in sepulchrum patrum eius. Et post pauca subdit Augustinus,  
 quanti hæc pœna pendenda sit, si secundum euangelium cogi-  
 temus, ubi post corpus occisum nihil metuendum esse didici-  
 mus, ne membra ex anima patiantur, nec pœna dicenda est: si  
 autem humanum erga suam carnem consideremus affectum,  
 potuit inde terreri vel contristari viuus, quod sensurus nō erat  
 mortuus: & hæc pœna erat quoniam dolebat animus id de suo  
 corpore futurum, quamuis cum fieret non doleret. Hactenus  
 Augustinus. Ex cuius verbis aperte satis patet, locum sepulture  
 nihil prodesse animæ ad gloriam vel miseriam eius augendam  
 vel minuendam. Et hoc idem docet Innocentius papa huius no- Extr. i, de  
 ministertius, sic inquit, Licet non obsit iustis sepultura nulla sepulturis  
 vel vilis, impiis tamen celebris vel speciosa non prodest. Hæc cap. sacris.  
 ille. Itaque si hoc solum Valdenses dixerūt nihil videlicet pro-  
 desse corporum sepulturam ad gloriam animæ augendam, vel  
 miseriam inferni minuendam, bene quidem sentierunt, neque  
 illorum sententia esset de hæresi notanda. Verum quoniam  
 absolutè dixerunt nihil prorsus prodesse animæ quod corpus  
 in loco sacro sepeliatur, ideo merito illorum sententia damna-  
 tur: quoniam etsi non profit ad gloriam animæ augendam,  
 aliam tamen habet non contemnendam utilitatem. Nam vi-  
 ui qui locum sacrum ingrediuntur in quo corpus sepultum est,  
 quoties recolunt ubi sepultum sit amici vel consanguinei cor-  
 pus, & venit in mentem sanctus aut sancta in cuius honorem  
 ille locus sacratus est, illi sancto aut sanctæ animam dile-  
 ctam commendant, ut Deum pro illa intercedere dignetur.  
 Nec dubium est tales orationes illis prodesse qui in statu sa-  
 lutis decesserunt, quoniam cum hic viuerent, hoc meruerunt,  
 ut talia sibi post hanc vitam prodesse possent: quamuis & hoc  
 viui facere possint pro illis qui in locis sacris non sunt sepulti:  
 sed non ita recordarentur nisi illos ut ita faciant, admoneat se-  
 pulchra. Nam cum sepulchra in locis sacris visuntur, defuncti  
 qui illic sepulti sunt, ad memoriam reuocantur: & si ibi sepul-  
 ti non essent, fortè nulla esset in loco sacro defunctorum me-  
 moria. Si autem extra locum sacrum illorum meminisse con-

ringat, animus tamen non solet ibi tam paratus esse ut Deum pro illis precetur. Propter hoc enim sepulchra monumenta latinè dicuntur, quòd moneant mentem, & viuos admoneant ut illic sepulcorum recordentur. Quòd si tanta propinquorum & amicorum habeatur obliuio, ut etiam defunctorum sepulchris inspectis non meminerint Deū pro illis orare, est adhuc aliud quod manifeste cadaueribus in locis sacris sepulchris prodesse possit: suffragia scilicet quæ in vnoquoque sacro loco ab illius loci ministris fieri solēt pro illis qui intra septa suorum cœmeteriorum sunt sepulti. Propter hanc causam sicut semper religio fuit corpora sepelire: ita etiam religio fuit quo loco sepelienda forent, considerare, ut ab impiis fideles mortui perinde ac viui discernantur. Et hoc non solum à Christianis, verum etiam à Iudeis fuit obseruatum, Nam patriarchæ de suorum corporum sepultura anxie dum viuerent, curauerunt. Abraham siquidem agrum emit ab Ephron Etheo quadringentis siclis argenti in sepulturam Sarrae vxoris suae: in quo Iacob illius nepos sepeliri se iussit, & Thobias mortuos sepeliendo Deū promeruit. Hanc suorum corporum sepulturā patriarchæ reliqui & prophetae curauerunt. Sed & apud sanctorum cadauera sepeliri opumū censebant: sicut de propheta illo Samarie quem filiis suis præcepisse regum narrat historia, Sepelite (inquit) me quum mortuus fuero, in sepulchro in quo vir Dei sepultus est: iuxta ossa eius ponite ossa mea. Quæ res profuit illi: quoniam Iosias rex cū templa idolorum euerteret post multos annos, & honorem prophetae sancto deferret, iussit ut alterius prophetae qui iuxta illum sepultus erat, ossa intacta manerent. Et ex triginta argenteis à Iuda proditore relatis principes sacerdotum emerunt agrum figuli in sepulturam peregrinorum, ne aut insepulti manerent, aut in prophano loco sepelirentur. Et de hoc satis.

## SILENTIVM.

**F**Verunt quidam hæretici in tantū silentio studentes, ut digitum naribus & labiis suis opposcentes, silentiū quasi semper exercuerint, non aliæ rei quā taciturnitati studium accommodantes. Qua in re prophetas se imitari dicebant, quoniam Dauid propheta ait, Pone domine custodiam ori meo, & ostiū circumstantiæ labiis meis. Hi hæretici Græca voce vocati sunt Pattalorinchitæ, πάττωλον Græcè, latinè dicitur palus, πύγξ est nasus. Constat ergo ideo dictos esse Pattalorinchitas quasi palum vel digitum in modum pali super narem ponentes. Ex quo

Pattalo-  
vinchita.



quo patet hanc vocem in Philastro esse deprauatam propter li-  
brariorum ignorantiam: quoniam apud Philastrum vocantur  
Passalorinchitæ, cum tamen Augustinus vocet eos Pattalorin-  
chitæ: reddens hanc vocis etymologiam quā nos proximè de-  
scripsimus. Quo autem tempore hæc hæresis cœperit aut quis  
illius fuerit inuentor, nec Philaster neque Augustinus expressit.  
Vt autem de eorum assertionem dicam, magis mihi videntur hi  
Pattalorinchitæ sequi Pythagoricam vanitatem, quam prophe-  
tarum sapientiam & pietatem. Nam illud prophetæ quod ex  
psalmis citauimus, minime illis suffragatur. Non enim petiit  
propheta in custodiam labiorum suorum murum, sed ostium.  
Pone (inquit Psalmista) custodiam ori meo, & ostium circun-  
stantiæ labiis meis. Non dixit murum, quoniam si petisset mu-  
rum, omnem videretur loquendi facultatem à se abiicisse. Sed  
dixit ostium, & non qualecunque, sed circūstātiæ, quod videli-  
cet loco & tempore aperiri valeat. Quibus verbis solam mode-  
ratam & temperatam petiuit loquutionem, & non perpetuum  
silentium: vt videlicet cum tacendum esset taceret: cum oport-  
ret loqui loqueretur. Nam (vt eiusdem prophetæ filius post eū *Eccle. 3*  
docuit) tempus est loquendi, quemadmodum & tacendi. Et si  
taciturnitas esset semper commendatione digna, nunquā *Esaïas* *Esaï. 6*  
deplorasset obseruatum à se silentium, dicens, Væ mihi, quia ta-  
cui. Certe aduersus tam vanam superstitionem piget amplius  
disputare. Huius hæresis nunquam meminuit Guido Carmelita  
in sua summa de hæresibus, cum tamen Augustinus, quem ille  
in recensendis hærelibus imitatur, illam sexagesimo tertio loco  
inter alias hæreses collocauerit.

## SIMONIA.

**F**uit quædam execranda hæresis, qua creditum est spiritua-  
lia Dei dona posse pecunia comparari. Huius hæresis au-  
thor fuit Simon ille Magus, de quo in Actibus Apostolorum *Simon ma-*  
dicitur quod postquam baptizatus fuerat in Samaria à Philip- *pus.*  
po diacono videns quia per impositionem manus Apostolorū  
daretur spiritus sanctus, obrulit Apostolis pecuniā, dicens, Date  
& mihi hanc potestatem, vt cuicumque imposuero manus, ac-  
cipiat spiritum sanctum. Quia ergo hic primus post susce- *Actu. 8*  
ptum baptismum credidit spiritualia esse venalia, ideo pecca-  
tum illud & hæresis ab illo nomen accepit, vt à Simone simo-  
nia dicatur. In eundem errorem labūtur Græci, qui teste Gui-



- done Carmelita dicunt licere praelationes ecclesiasticas vendere, & sic ab eorum patriarcha heri asserit. Eodem notantur errore Armeni. Et hæc prima fuit hæresis quæ post Christi in cælos ascensionem in ecclesia est orta, quam statim beatus Petrus redarguit dicens, Pecunia tua tecum sit in perditionem, quoniam donum Dei existimasti pecunia possideri. Et statim illum declaravit excommunicatum, & à consortio fidelium eiectum, ideoque subdit illi dicens, Non est enim tibi pars neque fors in sermone isto, hoc est in sermone fidei. Cor enim tuum non est rectum coram Deo: Pœnitentiam itaque age ab hac nequitia tua, & roga Deum si fortè remittatur tibi hæc cogitatio cordis tui. In felle enim amaritudinis & obligatione iniquitatis video te esse. Præterea Giezi famulus prophetæ Helisei fuit à Deo lepra perpetua percussus, quia pecuniam recepit pro beneficio sanitatis quod Heliseus contulerat Naamam leproso. Rursum, ipse veritatis magister discipulos suos ad prædicandum mittens, postquam illis dedit potestatem curandi infirmos. sanandi leprosos, eiciendi dæmonia, statim subiunxit dicens,
- Mat. 10** Gratis accepistis, gratis date. Deinde, cum in omni emptione rerum & venditione, seruanda sit in precio rerum æqualitas, conuincitur ut is qui credit spiritualia Dei dona posse precio comparari, credat etiam pecuniam esse æquè bonam & æquè
- Prouer. 8** preciosam sicut spiritualia Dei dona. At Sapiens in prouerbis contrarium sentit dicens, Accipite disciplinam meam, & non pecuniam: doctrinam magis quam aurum eligit. Melior est enim sapientia cunctis opibus preciosissimis, & omne desiderabile ei non potest comparari. Vnde Tharastius Constantinopolitanus episcopus in quadam epistola ad Adrianum papam sic ait, Tolerabilior est Macedonij, & eorum qui circa ipsum sunt, sancti spiritus impugnatorum hæresis impia. Illi enim creaturam & seruum Dei patris & filij spiritum sanctum delirando fatentur: isti vero eundem spiritum sanctum efficiunt suum seruum. Omnis enim Dominus quod habet, si vult, vendit, siue seruum, siue aliquid aliud eorum quæ possidet. Similiter & qui emit, Dominus eius volens esse quod emerit, per premium pecuniæ illud acquirit. Hæc ille. Quæ verba citantur à Gratiano in volumine decretorum in prima causa, questione etiam prima. cap. eos. Cum ergo tam graue peccatum sit simonia, per quā tam peruersa de deo habetur opinio, ideo iustissime multis conciliorū decretis cautū est ne pro alicuius rei spiritualia

ritualis collatione aliquod precium recipiatur. Concilium nāque Elibertinum cap. 48. suorum decretorum sic ait, Emendare placuit, ut hi qui baptizantur (ut fieri solebat) nummos in concham non mittant, ne sacerdos quod gratis accepit, precio distrahere videatur. Hæc ibi. Concilium Toletanum II. cap. 8. suorum decretorum sic definit, Quicquid inuisibilis gratiæ collatione tribuitur, nunquam quæstu vel quibuslibet præmiis vendari penitus debet, dicente Domino, Quod gratis accepistis, gratis date. Et ideo quicumque deinceps in ecclesiastico ordine constitutus, aut pro baptizandis cōsignandisq; fidelibus, aut collatione chrismatis, vel promotionibus graduum, precia quælibet vel præmia, nisi voluntariè oblata, pro huiusmodi ambitione susceperit, equidē si sciente loci episcopo tale quicquā à subditis perpetratur, idem episcopus duobus mensibus excommunicationi subiaceat, pro eo quod scienter mala cōtexit, & correptionem necessariam non adhibuit. Sin autem suorum quispiam eodem nesciēte de supradictis quodcunq; capitulis accipiendū esse sibi crediderit, si presbyter est, trium mensium excommunicatione plectatur: si diaconus, quatuor. Subdiaconus verò vel clericus his cupiditatibus seruiens, & cōpetenti pœna & debita excommunicatione plectendus est. Hæc concilium Toletanum. Et concilium Bracarense secundum cap. 3. idem decernit esse faciendum. Sed de hac re satis. Contra simoniacos scripsit librum vnum Petrus Damianus ex monacho Benedictino cardinalis & episcopus Hostiensis. Hunc tamen librum fateor me non vidisse, sed testimonio Ioannis Tritermii in libro de ecclesiasticis scriptoribus id asserentis dixi.

## S P E S.

**T**ot sunt peruersa Lutheri dogmata, ut vix sit res aliqua ad fidem aut mores pertinens, de qua non docuerit impium Lutherus. Male quidem sentit de virtute fidei, male docet de charitate: pessimè etiam docet de spe. Dicit enim spem non procedere ex meritis. Nec mirum quod hæc doceat: quoniam fieri nequit, ut ex impuro & corrupto fonte puram quis hauriat aquam, aut ex putrida arboris radice bonos colligat fructus. Lutherus autem dixerat omnia nostra opera nil prorsus valere: nam omnia opera nostra dicit esse peccata: ac proinde consequens est ut nullus iam (iuxta illum) operibus fidat, aut propter illa aliquid à Deo consequaturum se speret. Totam enim spem suam Lutherus in fide collocat: & sic (ut aliàs

Lutherus.

diximus) fidem extollit, vt prorsus operibus detrahat: & ob hanc causam docet nequaquam spem nostram esse in operibus figendam. Quo fit, vt dum nimium fidei tribuat, spem omnino evertat: quoniam loco spei docet praesumptionem, cum homines absque operibus docet gloriam sperare. Nam etsi opera suapte natura indigna sint quae tanta mercede quanta est gloria coelestis, donentur: tamen propter conventionem quam Deus cum hominibus fecit, quae gloriam bene operantibus se daturum promissit, iam nostra opera gloria digna censentur. Nam bonus ille paterfamilias conventionem fecit cum operariis ex denario diurno. Et cum operarii qui primo mane venerant, sperarent se aliquid amplius accepturos, dixit vni ex illis paterfamilias: Nonne ex denario conuenisti mecum? Tolle quod tuum est, & vade: Amice non facio tibi iniuriam. Iniuriam quidem se fuisse facturum censeret, si iuxta conventionem denarium non dedisset. Propter hanc causam dixit denarium esse mercenario debitum, sic inquit: Tolle quod tuum est. Quid tuum certe denarium, nam ex illo conuenerat. Propter hanc eandem causam alibi dicit idem Saluator: Dignus est mercenarius mercede sua. Ex quibus omnibus constat gloriam esse debitam iusto, velut mercedem mercenario. Debitam quidam, quia promissam: quoniam nisi promissa esset, debita non esset. Nunc ergo hoc iactato fundamento, percontari volo Lutherum, quid mercenarius qui in alieno agro defudat, speret. Certum est illum sperare mercedem sui laboris: pro hac enim laborat. Sed quare sperat? Nunquid propter solam Domini in cuius agro laborat, bonitatem & misericordiam? Non certe, sed etiam propter suum laborem. Sperat quidem in bonitate Domini: quoniam nisi illi credidisset, & in promissis illius confidisset, nunquam in agro illius laborasset. Verum etsi illius fidem exploratam habeat, & misericordiam & bonitatem agnoscat: scit tamen certo illum mercedem non daturum nisi in agro illius laborauerit: & propter hoc dictis Domini fidens, sperat se propter labores suos mercedem accepturum. Ad hunc modum iusti omnes faciunt, qui in bonitate Domini & clementia confidunt quod gloriam illis dabit aeternam. verum quia sciunt quod tam magnam mercedem non dabit pigris & inertibus, ideo laborare satagunt, vt per labores suos gloriam assequi mereantur. Hinc apud Iob dicitur: Militia est vita hominis super terram, & sicut mercenarii dies eius. Quae verba pertractans beatus Gregorius in moralibus ait, Sciendum quoque quod

Mat. 20

Mat. 10

Iob 7

Gregorius



quòd mercenarius sollicitè curat inspicere ne vnquam dies vacuus labatur ab opere, & expectatus finis temporis, ne inanis veniat ad remunerationē. In laboris nanque studio cōspicit quid percipere in tempore remunerationis possit. Nam cū opus crescit, præmij fiducia proficit. Cū verò opus torpuerit, spes à remuneratione labascit. Vnde & electus quisque vitam suam quasi mercenarij dies pensans, tanto fidentius spe tendit ad præmium, quanto nunc robustius perdurat ad laboris incrementū. Qui sit decursus præsentis temporis, pensat. Dies cum operibus numerat, Ne à labore vacua transeant vitæ momenta, formidat. Aduersis gaudet, passione reficitur, mœrore fouetur: quia subsequētis vitæ præmiis tanto se remunerari largius cōspicit, quanto pro amore illius quotidianis se mortibus verius impendit. Hinc nanque est quòd ciues supernæ patriæ, conditori eius, psalmistę vocibus dicūt, Propter te mortificamur tota die. Hinc Paulus ait, Quotidie morior propter gloriam vestrā fratres. Hinc iterum dicit, Ob quam causam hæc patior, sed non confundor. Scio enim cui credidi, & certus sum quia potens est depositum meum seruare in illum diē. Sancti igitur viri quot labores nunc veritati commendantes exhibent, tot iam remunerationis suæ pignora intra spei cubiculum clausa tenent. Hactenus Gregorius. Ex cuius verbis apertissimè iustorū spem à meritis suum ortum habere, propterea quòd illorum vita est sicut mercenariorum, qui nō sperant se suscepturos mercedem, nisi labores præcedāt. Præterea hoc ipsum docet apostolus Paulus in ea quæ est ad Rom. epist. sic inquit: Non solū autē, sed & gloriamur in tribulationibus, scientes quòd tribulatio patientiam operatur, patientia autem probationē, probatio verò spēs. Quem locum interpretans Ambrosius ait: Spes, in eo qui probatus videtur, non immeritò dicitur. Dignus enim sciatur accepturus remunerationem in regno Dei. Hæc Ambrosius. In quibus verbis apertè docet illam solam meritò dici spem, quæ bonis operibus atq; probatis innititur. Sed apertius hoc docet Anselmus, qui in commento super epistolas Pauli præfatum Pauli locū interpretans, sic ait, Probatio operatur spēs, quia vnusquisq; ex eo quòd per tribulationes insuperabilis probatus est, incipit habere spem, id est certitudinem futuræ gloriæ, quæ humanæ rationi vana videtur, sed testimonio virtutis firmatur. Si quis enim nondū sibi probatus præmiū sperat, nondum sperat, sed præsumit. Nam tribulationes quibus patientia fidelium pro-

Psal. 43. 3)

1. Cor. 15

2. Tim. 1

Rom. 5

Ambrosius

Anselmus.



batur, non solum eas debemus intelligere, quæ extrinsecus acci-  
dunt, id est de damnis vel languoribus, vel ex quolibet corpo-  
ris cruciatus, sed eas etiam quas intus sibi faciunt aut perferunt,  
dum in requie positi semetipsos affligunt & atterunt, obli-  
scent voluptatibus suis, refrenando libidine: & cætera quæ ad bo-  
num continentia vel abstinentia pertinet, faciendo, ex quibus  
sine dubio nascitur patientia, quæ probabilis effecta generat  
spem. Spes autem est bonorum expectatio futurorum. Hæc An-  
selmus. Quid hic dicet Lutherus contra tam præclara testimo-  
nia? Si Ambrosium & Anselmum contemnere non veretur, di-  
gnum tamen est ut saltem Paulum vereatur, qui ait, Probatio  
autem operatur spem. spes ergo nascitur ab operibus bonis, pro-  
baris & examinatis. Deinde ipsemet Paulus propter bona ope-  
ra quæ multa fecerat, sperat haud dubie se gloriam accepturum.  
Sic enim ait: Ego enim iam delibor, & tempus resolutionis meæ  
instat. Bonum certamen certavi, cursum consummaui, fidem ser-  
uaui, in reliquo reposita est mihi corona iustitiæ, quam reddet  
mihi Dominus in illa die iustus iudex: non solum autem mihi, sed  
& iis qui diligunt aduentum eius. Si aliquis à beato Paulo in-  
terroget, unde tam certam conceperit spem, ut magna cum fi-  
ducia dicat repositam sibi esse coronam, quia bonum certamen certa-  
nde se certum esse de sua corona, quia bonum certamen certa-  
uit, cursum consummauit, fidem seruauit. Nec in hoc solum spe-  
rat, sed etiam in iustitia iudicis, hoc est Dei, qui nemini bene cer-  
tanti vnquam coronam meritam denegauit. Accedit ad hæc,  
quod ipsamet scriptura sacra docet nos ex parte in bonis operi-  
bus sperare. Nam propheta regius ita ait: Sacrificate sacrificiū  
iustitiæ, & sperate in Domino. Quæ verba exponens Hierony-  
super psalmos ita ait: Sacrificium Deo immolate iusticiam, &  
consequenter sperabitis in Domino. Hæc ille. Quibus verbis  
propheta aperte docet veram non esse spem quam non præce-  
dit sacrificium iustitiæ. Idem etiam docet Paulus in epistola ad  
Tit. 2 Titum, sic inquit, Sobrie & pie & iuste viuamus in hoc secu-  
lo, expectantes beatam spem: ut securi possimus futuram beati-  
tudinem sperare. hanc enim nomine spei ibi intellexit Paulus.  
Prius admonuit sobrie & pie & iuste viuere. Ex quibus constat  
veram spem aliqua ex parte ab operibus nasci. Verum Luth-  
rus quoniam non vult sobrie aut iuste aut pie viuere, velle spem  
veram absque his omnibus habere. Rursum spem omnium il-  
lorum qui sine meritis sperant, vanam esse sacræ literæ prædi-  
cant

*cant.* Nam in libro Iob legimus quòd spes hypocritæ peribit. *Iob 8*  
 Non ei placebit vecordia sua, & ticut tela aranearû fiducia eius.  
 innitetur super domum suam, & non stabit: fulciet eam, & non  
 confurget. Et in eodem libro iterum: Oculi impiorum deficiet, *Iob 11*  
 & effugium peribit ab eis, & spes impiorum abominatio ani-  
 ma. Et Sapiens in prouerbiis ait: Spes impiorum peribit. Et in *Pro. 10*  
 libro Sapientiae, Spes impij tanquam lanugo est, quæ à vento *Sap. 5*  
 tollitur: & tanquam spuma gracilis, quæ à procella disper-  
 gitur: & tanquam fumus, qui à vento diffusus est: & tanquam  
 memoria hospitis vnus diei prætereuntis. Et in Ecclesiastico, *Eccle. 34*  
 Vana spes & mendacium viro insensato. Vana est ergo Luth-  
 eri insensati spes, qui sine operibus confidit se gloriam aternam  
 assequuturum. Demum hæc Lutheri impia & insana sententia  
 reprobata est ab vniuersitate Parisiensi inter alias illius multas  
 quas facultas illa damnauit.

## STVDIA GENERALIA.

**Q**uemadmodum tyrannus aliquis qui vi & violentia do-  
 minatur in populo, omnia arma quibus populus resistere  
 posset tyrannicæ dominationi, ab eo aufert, quòd facilis  
 prout libuerit, suam exerceat tyrannidem: sic mihi fecisse vi-  
 detur Ioannes Vuitcleff, qui cum plurimas in populo sparsisset *Ioannes*  
 hæreses: ne per literarum noticiam impiæ illius doctrinæ resisti *Vuitcleff.*  
 posset à populo, omne literarum studium ab eo auferi tenta-  
 uit, dicens studia generalia esse vana gentilitate in ecclesiam in-  
 troducta, & tantu prodesse ecclesiæ, quantum prodest diabolus.  
 Ex qua sententia satis apertè conuincitur istum voluisse ener-  
 uare potentiam Christianæ religionis, sublata Christianorum  
 scientia. Arma enim militiæ nostræ (vt ait Paulus) non sunt car-  
 nalia, sed spiritualia. Nec fides nostra defendenda est armis car-  
 nalibus, sed verbis, & rationibus & argumentationibus, præter-  
 tim iis quæ ex sacris literis depromi possunt. Paulus enim præ-  
 parans Ephesios ad spiritualem pugnam, ait, In omnibus *Eph. 9*  
 sumentes scutum fidei, in quo possitis omnia tela nequissi-  
 mi extinguere: & galeam salutis assumere, & gladium spiri-  
 tus, quod est verbum Dei. Hæc sunt arma quibus catholicus  
 pugnat contra hæreticum. Hunc gladium habuerunt in ma-  
 nibus suis doctores sancti & catholici, & per illum fecerunt  
 vindictam in nationibus, increpationes in populis. Vindi- *Psal. 149*  
 ctam inquam, quia Iudæos & Gentiles, à quibus persecutio-  
 nem passi

nem passi sunt, per virtutē gladij spiritualis, scilicet verbi Dei, occiderunt mundo, & conuerterunt ad fidem: separauerunt à vitis, & conuerterunt ad virtutes, increpando eorum malè acta.

**Heb. 4.** Viuus est enim sermo Dei, & efficax, & penetrabilior omni gladio ancipiti. At si hæc sunt arma quibus preliandum est, oportet in illis exerceri, ne forte cum tempus belli aduenerit, miles nunquam exercitatus, in bello succumbar. Dexterius enim pugnat militiæ assuetus, quàm is qui nūquàm arma sumpsit. Ideo meritò milites hastiludia inter se exercent, vt ibidē discāt qualiter hostes inuadere, & quo pacto illis resistere oporteat. Ad hunc modum oportet esse exercitium armorum spiritualium, esse ludi magistros qui doceant, esse inter discipulos certamina, contentiones, quæstiones, vt sic acutius ex contentione penetrent rectum earum rerum quas discunt intellectum, vt vel sic paratiores & promptiores fiant ad resistendum hostibus, hoc est hæreticis. Cum autem hæc in studiis generalibus melius quàm alibi fiant, conuincitur inde iustum esse, imò necessariū, vt studia generalia & collegia instituantur ad literarum exercitium habendum. Præterea si studia nō essent, nec doctores qui alios docerent, à quo docerentur idiotæ? Nunquid quilibet sufficit sibi ipsi, vt nullo egeat doctore? Si hoc concedit Vuitcleff, audiat Salomonem contradicentem illi, Ne imitaris (inquit) prudentiæ tuæ. Et iterum, Ne sis sapiens apud te metipsum. Et **Ibidem.** beatus Paulus ait: Nolite esse prudentes apud vos metipsum. Quæ **1. Cor. 12.** verba exponens Theophylactus ait: Hoc est, nolite vestræ prudentiæ vel viribus ita confidere, vt existimetis nemine vos indigere consultore, & quæ recta sunt, suggerente. Moyses enim etsi Dei colloquio frueretur, opus tamen habuit quem consulere socero. Hæc Theophylactus. Dic ergo mihi Vuitcleff, visne contra Sapientis & Pauli præceptum, vt quisq; innitatur prudentiæ suæ? Si non oportet esse sapientes apud nos metipsum, oportet ab aliis discere: quapropter necessarium est vt sint doctores, à quibus ij qui nesciunt, discant. At cum hi doctores nō passim habeantur, iustum est vt aliqua sint publica loca, vt prout ciuitates aut oppida aliqua, in quibus sint aliqui parati docere omnem discere volentem: sicut in republica qualibet bene gubernata sunt sua plurimis mercimoniis loca deputata, vt emere volens nō discurrat vagus per oppidum, & incertus quo loco illa vendantur. Discere ergo est bonum & necessariū, præsertim ignorantibus. ergo docere eadem lege erit bonum & necessarium.



farium. Nam sicut quosdam posuit Deus in ecclesia sua Apo-  
 stolos, & quosdam prophetas, ita etiam posuit quosdam docto-  
 res. Si vtrunque, videlicet docere & discere, bonum est, cur stu-  
 dia generalia in quibus docent aliqui, discunt alij, mala erunt?  
 Et si docētes profunt, quomodo verum erit quod ait Vuitcleff,  
 quod studia generalia in quibus doctores docent, non magis  
 profunt ecclesiæ, quàm diabolus? Caterùm quod ait hæc stu-  
 dia generalia fuisse introducta in ecclesiam vana quadam gen-  
 tilitate, falsum est perinde ac reliquum. Nā apud Iudæos olim  
 ante Christi aduentum fuerunt doctores, qui vocabantur scri-  
 bæ, & fuerunt qui curam habebant docendi populum, & hi vo-  
 cabantur Rabbini. Vnde Augustinus super Ioannem tract. 44.  
 exponens illud Ioannis, Et interrogauerunt eum discipuli eius, *Ioan. 9*  
 Rabbi, quis peccauit &c. sic ait: Scitis quia Rabbi magister est.  
 magistrum appellabant, quia discere desiderabāt. quæstionem  
 quippe domino proposuerunt tanquàm magistro. Hæc Augu-  
 stinus. Ex cuius verbis patet quod apud Iudæos à Rabbiniis dis-  
 cebatur tāquàm à magistris, quorum munus erat docere. Rur-  
 sum, Iudæi admirati de doctrina Christi, dicebant, *Ioan. 7*  
 hic literas scit, cum nunquàm didicerit? Et beatus Paulus in po-  
 steriore epist. ad Timoth. ait: Tu verò permane in his quæ di-  
 didicisti, & credita sunt tibi, sciēs à quo didiceris, & quia ab infan-  
 tia sacras literas nosti. Ex quibus duobus locis satis apertè con-  
 uincitur quod apud Iudæos sacrarum literarum intelligentia  
 discebatur ab aliquibus, & docebatur ab aliis. Cum ergo tam  
 aperta sint testimonia comprobantia doctrinam & disciplinā,  
 videamus quid Ioannem Vuitcleff mouerit ad damnandū stu-  
 dia generalia. Quia in eis (inquit ille) pullulant inuidiæ, com-  
 parationes personarum & patriæ, & multa alia semina pa-  
 tris mendacij. Fateor hæc ibi adesse, sicut etiam alibi extra vni-  
 uersitates & studia hæc vitia adsunt: nec tamen ista oriuntur à  
 studiis, sed à malitia ipsorum studentium. Nam alioqui, nul-  
 lus posset studere quin illis vitiis macularetur. At cū multi sint  
 studentes etiam in generalibus studiis huiusmodi vitiorum ex-  
 pertes, conuincitur illa vitia nō proficisci ab studio, sed ab ipsis  
 personis quæ alibi etiam eisdem inficerentur vitiis. Non est (ut  
 credo) ciuitas aut oppidulum quantumlibet paruum, in quo hu-  
 iusmodi vitia, puta inuidiæ, rixæ, cōtentiones, suspiciones, men-  
 dacia, non sæpe contingant. Nunquid fortè damnanda erit o-  
 mnis vita quæ in congregatione aut aliorum societate habe-  
 tur, cō



tur, eò quòd semper in qualibet multitudine nascantur? Absit, quoniam talis congregatio sine his vitiis haberi posset. Quòd autem talia habeantur, à malitia aliquorum prouenit: non tamen omnium, quoniam multi sine his vitiis in congregatione viuunt. Non sunt ergo hac occasione damnanda generalia studia, alioquin eadem lege esset damnanda omnis populi congregatio. Accedit ad hæc, quòd iste scholarum & studiorum vsus non est tam recens vt Vuitcleff putat, sed ab ipsis ecclesiæ primordiis incepit. Nam Antiochiæ fuerat ab Apostolis constituta schola ad docendum, in qua erant insignes doctores ad id munus obeundum. Hoc autem ex lib. Act. Apostolorum conici potest, vt sic dicitur, Erant autem in ecclesia quæ erat Antiochiæ, prophetae & doctores, in quibus Barnabas & Simon qui vocabatur Niger, & Lucius Cyrenensis, & Manahen, qui erat Herodis Tetrarchæ collactaneus, & Paulus. Ministrantibus autem illis domino dixit spiritus sanctus, Segregate mihi Paulum & Barnabam in opus ad quod assumpsi eos. Ecce opus & officium ad quod ex omnibus Christi discipulis soli quinque sunt electi, qui Antiochiæ doceant: & ex his quinque duo fuerunt ad Apostolatam euecti, videlicet Paulus & Barnabas. Ex quo patet tunc aliud fuisse doctoris officium, aliud Apostoli. Post hanc Antiochiæ scholam alia fuit erecta Alexandriae schola, de qua Eusebius Cæsariensis lib. 5. historię Ecclesiast. cap. 10. de temporibus Antonini Imperatoris loquens, per hæc verba testatur. Cum per idem tempus scholæ ecclesiasticæ & doctoris officio præfisset vir in omni eruditione nobilissimus Páthenus, ex quo apud eos consuetudo antiquitus tradita vsque in hodiernum permanet, diuinarum scripturarum doctores inibi scholæ ecclesiasticæ haberi viros duntaxat in scientia & in eruditione probatissimos. Huius ergo officij velut author quidam & dux, vir de quo supra diximus, satis illustris habebatur: quippe qui etiam in philosophis prius, qui Sioici appellátur, nobiliter florauisset. Hæc Eusebius. Post huc Panthenum dicit idem author successisse in eadem schola Clementem, & post Clementem Origenem, & sic successiue alios narrat doctores qui illi scholæ præfuerunt. Non est ergo tam recens scholarum & studiorum inuentio, vt Ioannes Vuitcleff putat. Sed vt huic finem libri imponamus, videamus quid concilium Constantiense de hac re definiat. Concilium nanque Constantiense sessione octaua damnauit 45. articulos huius Ioannis Vuitcleff, quorum vicem-

mus  
& co  
tilit  
Hæc  
sent

N  
ren  
den  
Ne  
tis  
pu  
de  
de  
ab  
C  
M  
er  
a  
q  
f

mus nonus sub his verbis ibidem ponitur: Vniuersitates, studia & collegia, graduationes & magisteria in eisdē, sunt vana gentilitate introducta, & tantum profunt ecclesiæ sicut diabolus. Hæc ibi. Qui articulus simul cum aliis, vna super omnes lata sententia, ibidem damnatus est.

## S V B D I T V S.

**N**Vllus est ecclesiæ status quem non momorderit Ioannes <sup>Ioannes</sup> Vuitcleff, nulla est potestas cui non detraxerit. Nec contentus est ipse obedientiam & subiectionem suis superioribus denegare, nisi etiam subditis id idem faciendum persuaderet. Neque hoc satis esse putauit, nisi subditos superiores suis prælatiis, & vassallos superiores suis dominis faceret. Dicit enim populares homines posse ad libitum suum prælatos & dominos delinquentes corrigere, & ita asserit populum iustè subtrahere decimas à sacerdotibus cum eos peccatores esse cognouerint, & ab aliis dominis subtrahere tributa propter illorum peccata. Qua in re euenisse comperimus quod Paulus de hæreticis ait: <sup>2. Tim. 3</sup> Mali homines & seductores proficient in peius, errantes, & in errorem mittentes. Talis est Vuitcleff, qui vt fauorem populi acquireret, in hunc lapsus est vesanum & pestiferum errorem, quo nullus alius pestilētor esse posset. Nihil est enim quod magis possit nocere paci & tranquillitati alicuius reipublicæ, quàm si cuilibet populari homini tribuas potestatem corrigēdi prælatum aut dominum suum. Erit tunc quælibet respublica vmbra quædam aut imago inferni, in quo teste Iob, nullus ordo <sup>Iob 10</sup> sed sempiternus horror inhabitat. Qualis quæso esse potest ordo, vbi is qui corrigēdus est, corrigere vult? & qui corrigere debebat, correctionem patitur? Nullus certè est ordo, imò maxime ordini contrarium est, vt is qui præest, corrigatur ab illo cui præest. Nullus enim tunc esset alio superior si cum eorum aliquis delinquit, se inuicem possent corrigere. O miseranda talis respublica quæ iuxta Vuitcleffi sententiam gubernanda esset. In ea enim omnes rudes homines, idiotæ, scelesti, raptores, adulteri, mēdaces, prælatos & dominos suos corrigere vellet, & qui peior esset, vehementius dominum & superiorē inuaderet, vt ipse à nullo puniretur, sed in sua nequitia impunis maneret. Tunc enim omnia essent confusa. Puer contra senem tumultuaretur, ignobiles surgerent in nobilem, idiotæ contra sapientes, discipuli contra magistrum, filij aduersus parentes. Et ita esset respublica puteus quidam, vel (vt verius dicam)

cam) abyssus scādalorum. Quid non faceret populus tali licentia donatus? Est enim populus fera quādam & immanissima bestia, qua non est alia ferior aut truculētiore. Paterea, si licet cui libet homini ex plebe dominum delinquentem corrigere: cur David in spelunca existens quam ingressus est Saul ut purgaret ventrem, non interfecit eundem Saulem, cum tunc facillimē id agere potuisset? Nōne Saul rex iam malus erat, & regno à domino Deo priuatus? Nunquid non iam occiderat Abimelech fratrem suum, & alios 85. viros vestitos Ephod lineo, propterea quod ipsemet David sapissimē occidere tentauerat iniuste, fecissetque nisi Dominus seruum suum de manu illius seruasset? Et tamen cum hæc omnia notissima essent ipsi David & omni populo, noluit David illū punire cum posset, sed solū oram chlamydis Saul silenter præcidit, nec tamen fortē sine aliqua quāuis leui culpa id fecit: quod ex eo conuincitur, quod postea pernituit ipsum David eō quod abscidisset eum si personā Saul percussisset. Ideo viris consulentibus illi ut occideret Saul, dixit David, Propitius sit mihi Dominus, ne faciam hanc rem domino meo Christo domini, ut mittam manum meam in eum, quia Christus domini est. Rursum, Beatus Gregorius exponens illud Iob, Qui regnare facit hominem hypocritam, sic ait, Sed quia rectores habent iudicem suum, magna cautela subditorū est non temerē vitam iudicare regentium. Neque enim frustra per semetipsum Dominus æs nummulariorum fudit, & cathedras vendentium columbas euertit, nimirū significans, quia per magistros quidem vitam iudicat plebium, sed per semetipsum facta examinat magistrorum. Et aliquibus interiectis, subdit: Igitur sicut prælatis curandum est ne eorum corda estimatione singularis sapientiæ locus superior extollat, ita subiectis providendum est ne sibi rectorum facta displiceant. Si autem magistrorum vita iure reprehenditur, oportet ut eos subditi etiam cum displicent venerentur. Hæc Gregorius. Ex cuius verbis cōstat non licere subditis de vita pastoris iudicare: minus ergo libet eis pastoris malam vitam punire. Deinde cum superius in titulo de potestate iam probauerimus nullam potestatem nullumque dominium amitti per peccatum mortale, cōuincitur ex eo subditis non licere dominos suos delinquentes punire. alioquin qui cū deliquissent, iam potestatem amisissent, propterea quia

pecc  
era  
rie  
po  
Q

N  
ru  
ri  
g  
d  
f  
i

peccan



peccātes sub sunt illis ad correctionem quibus ante peccatū prę-  
erant. Demū ex 45. articulis Ioan. Vuitcleff in cōcilio Cōstan-  
tientiensi sessione 8. damnatis, decimusseptimus sic ait, Populares  
possunt ad suum arbitrium dominos delinquentes corrigere.  
Qui articulus simul cum aliis eiusdem ibidem damnatus est.

## SVFFRAGIA DEFVNCTORVM.

**N**on satis visum est Luthero viuētibz nocere, nisi etiam *Lutherus.*  
defunctis nocuisset. Viuentes enim à veneratione sancto-  
rum auocat, ne videlicet eorum orationibus iuuentur, qui plu-  
rimum apud Deum possunt. Defunctos verò viuorum suffra-  
giis fraudat. Itaque & viuorum & defunctorum hostem se esse  
demonstrat. De sanctorū veneratione quia iam disputauimus,  
superest vt pro suffragiis defunctorum aduersus Lutherum pu-  
gnemus. Dicit enim Lutherus nihil prodesse defunctis oratio-  
nes, sacrificia, eleemosynas quę à viuīs pro illis fiunt. Nec ta-  
men huius erroris primus author est Lutherus, quoniam ante  
eum fuere Valdeses, & Albigenes, qui hunc tutati sunt erro-  
rem. Et ante istos eundem errorem docuerunt Gręci & Arme-  
ni, qui (vt aliās diximus) negarunt omnino purgatorium, qua-  
propter iuxta eorum sentētiā oporteret orationes pro defun-  
ctis esse inutiles. Primus huius erroris author, quod sciam, fuit  
Acrius quidam presbyter. Hunc enim errorem illi impingit  
August. lib. de hæresib. capite 55. Et certè si defuncti tales sunt  
quales hi hæretici, fateor non oportere sacrificia aut orationes  
pro illis Deo offerre, quoniam frustra offerūtur talia pro iis qui  
in inferno sunt. Verū pro iis, qui sunt in purgationis loco, piū  
est & vtile Deum orare, aut alia sacrificia offerre. Nam in pur-  
gatorio existentes cum charitatem habeant, per quam Christo  
capiti coniunguntur, sit vt membra sint corporis ecclesię, cuius  
& membra sunt alii viuētes. Ad hoc natura insitum est, vt vni  
membro patienti reliqua compatiātur, & se inuicem membra  
iuuent cum alterutro egent. Cum ergo in purgatorio existentes  
patiātur, opus est vt viuētes eos iuuent orationibus & sacrifi-  
ciis. Nam si viuētes pro viuīs orantes exaudiuntur, cur non etiā  
cum pro mortuis orant, si illi egent, & tales sunt qui iuari pos-  
sunt? Membro siquidem præciso nullum auxilium præstare  
potest aliud membrum in corpore manens. Membrum tamen  
quantum libet lāquidum dum corpori adhæret, ab aliis mem-  
bris iuari potest. Et hac de causā orationes viuētiū non pro-  
sunt existentibus in inferno: quoniam hi sunt membra præcisa:

*Valdeses.  
Albigenses.  
Gręci.  
Armeni.  
Acrius.*



existentes autem in purgatorio membra sunt corpori coniuncta, & ideo à reliquis mèbris iuari possunt. Cùm vidisset Iesus fidem quorundam offerentium illi paralyticum, ait paralytico, *Mar. 2.* Fili, dimittantur tibi peccata tua, Si fides istorum offerentium tantum profuit paralytico viuenti, cur non fides offerentium sacrificia poterit prodesse defunctis, cum isti sint eiusdem corporis membra coram Deo viuentia? Præterea, *Thob. 4.* Thobias senior filium suum bonis coniliis erudiens ait, Panem tuum & vinum tuum super sepulturam iusti constitue. Nisi enim oblationes pro defunctis factæ aliquid illis prodesse, frustra Thobias suauis filio constituere panem & vinum super sepulturam iusti. Non enim ponuntur illa ad pascenda corpora defunctorum, sed viuentium, pauperum videlicet, & sacerdotum, vt hæc eleemosyna pauperibus oblata, in vtilitatem cedat ipsius defuncti. Rursum in 2. Macha. lib. apertissimum habetur pro suffragiis defunctorum testimoniū, vbi sic dicitur, Iudas facta collatione duodecim mille drachmas argenti misit Hierosolymam, offerri pro peccatis mortuorum in sacrificium, bene & religiose de resurrectione cogitans. Nisi enim eos qui ceciderant, resurrecturos speraret, superfluum videretur & vanū orare pro mortuis; sed quia considerabat quod hi qui cum pietate dormitionē acceperant, optimam haberent repositam gratiā: Sancta ergo, inquit, & salubris est cogitatio pro defunctis exorare, vt à peccatis soluantur. Hæc ibi. Quibus verbis nihil potuit expressius dici ad hunc errorem prosterndū. Quapropter videntes hæretici se hoc testimonio vehementissimè vrgeri, ad hoc cōmune illis asylum cōfugiunt, dicentes illum Machabeorum librū non esse canonicum, neque esse tantæ authoritatis, vt eius testimonium sufficiat ad aliquam doctrinā refellendam. Verū de hoc non est opus nunc disputare, quoniam ne passim talem susciperemus laborem, supra libro primo capite secundo ostendimus catalogū eorū librorum qui canonici appellantur, quorum testimonio vti oportet in disputatione quæ de rebus ad fidem spectantibus fit. In quo catalogo inserti sunt duo libri Machabeorum, qui licet non fuerint ab Hebræis in canone computati, vt B. Hieronymus ait: ecclesia tamen tanquam canonicos recepit illos libros, vt patet ex decretis cōcilii Mileuitani. Cæterū et si hi libri canonici nō essent, neque vllum esset scripturæ sacræ testimonium apertum, efficacissimum esset testimonium pro huius rei cōfirmatione, totius ecclesiæ catholicæ vtrū

vetustissima consuetudo. Vnde beatus *August.* in libro de cura  
 pro mortuis agenda, cap. i. sic ait. In Machabæorum libris legi-  
 mus oblatum pro mortuis sacrificium. Sed etsi nusquam in scri-  
 pturis veteribus omnino legeretur, nō parua est vniuersæ eccle-  
 siæ quæ in hac consuetudine claret authoritas, vbi in precibus  
 sacerdotis quæ Domino Deo ad eius altare funduntur, locum  
 suum habet etiam cōmendatio mortuorum. Hæc Augustinus.  
 Sunt etiam plures alii sacri doctores, sanctitate perinde ac do-  
 ctrina illustres, qui pro hac re testimonium dicunt. Et (vt recen-  
 tiores omittam) à beato Gregorio initium sumo, qui libro 4.  
 Dialogorum cap. quinquagesimo quinto, sic ait, Si culpæ post  
 mortem insolubiles non sunt, multum solet animas etiam post  
 mortē sacra oblatio hostiæ salutaris adiuuare, ita vt hanc non-  
 nunquam ipsæ defunctorū animæ expetere videātur. Hec ille.  
 Quod autem dixit, si culpæ post mortem insolubiles non sunt,  
 propter eos qui sunt in inferno dixit, quorum peccata solubilia  
 non sunt, nec vlla possunt iam satisfactione redimi. Theophy-  
 lactus super Lucam exponens illud Lucæ, Timere eum qui po-  
 test corpus & animam mittere in gehennam, sic ait, Vide enim  
 quod non dixit, metuatis eum qui postquā occiderit, mittit in  
 gehennam, sed habentem potestatem mittendi. Non enim sem-  
 per qui moriuntur peccatores, mittuntur in gehennam, sed sunt  
 in potestate Dei, vt etiam dimitti possint. Hoc autem dico pro-  
 pter oblationes & distributiones quæ sunt pro defunctis, quæ  
 non parum conducunt etiam iis qui in grauibus peccatis mor-  
 tui sunt. Non omnino igitur postquam occiderit, mittit in ge-  
 hennam, sed potestatem habet mittendi. Ne igitur cessemus  
 per eleemosynas & intercessiones propitium reddere eum, qui  
 potestatem habet mittendi, nō semper potestate hac vtemem,  
 sed & valentem remittere quicquam. Hæc Theophylactus,  
 qui satis apertè suffragia quæ pro defunctis fiunt, commendat,  
 & ad illa facienda suadet. Beatus Chrysostomus homilia sexa-  
 gesimanona, Bernardo Brixiano interprete, huius rei vetu-  
 stissimam assignat originem dicens, Non temere ab Apo-  
 stolis hæc sancita fuerunt, vt in tremendis mysteriis, defun-  
 ctorum agatur commemoratio. Sciunt enim illis inde mul-  
 tum contingere lucrum, vtilitatem multam. Hæc Chryso-  
 stomus. Ex cuius testimonio constat hanc ab Apostolis ma-  
 nasse institutionem, vt in missæ sacrificio defunctorum fieret  
 commemoratio, vt inde aliquid lucri defuncti cōsequerentur.

*Athanasius.**Dionysius  
Areopagita.**Concilia  
diversa.*

Athanasius in libro de variis quaestionibus ad Antiochum principem, quaestione tricesimaquarta hoc modo quaerit, Quid ergo? Num sentiunt aliqua beneficia etiam peccatorum animarum, cum super illis fiunt conuentus & peractiones bonorum operum & oblationum? Cui quaestioni per sequentia verba respondet, Si non aliquo beneficio participarent ex illo, non utique in cura & exequiis fieret commemoratio. At sicut vitis florescit extra in agro, & odorem eius sentit in vase vinum reclusum, sicque conflorescit etiam ipsum: ita intelligimus peccatorum animas participare aliqua beneficia ab exangui immolatione, & gratificatione pro ipsis facta, sicut solus ordinat & praecipit, qui viuorum & mortuorum potestatem gerit Deus noster. Hæc Athanasius. Et beatus Dionysius Areopagita Pauli Apostoli discipulus libro de Ecclesiastica Hierarchia cap. 7. describens caeremonias quæ in defunctorum exequiis suo tempore fiebant, ait, Accedens deinde venerandus antistes precem suam super mortuum peragat, postque precem & ipse praesul eum salutat, & suo deinceps ordine qui astant omnes. Precatur oratio illa diuinam clementiam, ut cuncta dimittat per infirmitatem humanam admissa peccata defuncto, eumque in luce statuatur, & regione viuorum, in sinibus Abraham, Isaac, & Iacob, in loco unde effugit dolor, tristitia, & gemitus. Hæc Dionysius Areopagita. Ex cuius verbis satis constat tempore Apostolorum fuisse seruatum hunc modum orandi pro defunctis. Post hæc illustrium virorum testimonia, ut finem huic contentioni imponam, multa diuersorum Conciliorum decreta in medium producam. Concilium Carthaginense quartum cap. 95. tale statuit decretum. Qui oblationes defunctorum aut negant ecclesiis, aut cum difficultate reddunt, tanquam egentium necatores excommunicentur. Hæc ibi. Concilium Valense capite 4. suorum decretorum ita denuntiat, Qui oblationes defunctorum retinent, & ecclesiis tradere demorantur, ut infideles sunt ab ecclesia abiiciendi, quia usque ad inanitionem fidei peruenire certum est hanc diuinæ pietatis exacerbationem, quia & fideles de corpore recedentes votorum plenitudine, & pauperes consolamur alimoniarum & necessaria sustentatione fraudantur. Hi enim tales quasi egentium necatores, nec credentes iudicium Dei habendi sunt. Vnde & quidam patrum hoc scriptis suis inseruit congruente sententia, quæ ait, Amico quippiam rapere furtum est, & ecclesiam fraudare sacrilegium. Hæc concilium Valense. Et concilium Agathense capite



capite 4. idem sub eisdem ferè verbis definit. Concilium Toletanum tertium capite 22. hanc ponit definitionem: Qui diuina uocatione ab hac uita recedunt, cum psalmis tantummodo & psallentium uocibus debere ad sepulchra deferri præcipimus. Nam funeris precamen, quod vulgo defunctis cantari solet, omnino prohibemus. Sufficiat autem quòd in spe resurrectionis, Christianorum corporibus famularus diuinorum impenditur canticorum. Hæc concilium Toletanum tertium. Denique concilium Florentinum, quod pro uisione Græcorum sub Eugenio quarto celebratum est, ita de hac re definit: Item si uerè pœnitetēs in Dei charitate decesserint antequam dignis pœnitentiæ fructibus de commissis & omisis satisfecerint, eorum animas pœnis purgatoriis post mortem purgari, & ut à pœnis huiusmodi releuetur, prodesse eis fidelium uiuorum suffragia, & missarum scilicet sacrificia, orationes & eleemosynas, ac alia pietatis officia, quæ à fidelibus pro aliis fidelibus fieri consueuerunt secundum ecclesiæ instituta. Hæc concilium Florentinum. Possem adhuc plura citare conciliorum decreta, sed hæc sunt satis ad conuincendos hæreticos.

Finis libri Tertidecimi.

F. ALFONSI DE CASTRO

Aduersus hæreses, Liber

Quartusdecimus.

TEMPLVM.



Nabuchodonosor rex Babylonis, qui dæmonis 4. Reg. 25 figuram gerit, cum Hierosolymam inuasit, nō fuit contentus templum Domini spoliare, & omnia uasa illius preciosa diripere, sed & ipsum templum scædauit, conspurcavit, imò magna ex parte destruxit, quoniam columnæ templi, & bates, & capitellum, multaque alia ab eo inde sublata sunt. Ad eundem modum fecit Antiochus rex, qui violēta manu templum Domini inuadens, postquam sustulit ab eo altare aureum, candelabrum luminis, & uniuersa uasa eius, & mensam propositionis, & libatoria, & phialas, & mortariola aurea, 1. Mac. 1



& velum, & coronas, & ornamentum aureum, quod in facie templi erat, & comminuit omnia, non fuit cōtentus hæc omnia sustulisse, sed quò nocentissimum se ostenderet synagogæ hostē, prohibuit holocausta & sacrificia & placationes fieri in templo Dei. Eodē modo ille antiquus humani generis hostis, omni qua potuit via facere tētauit. Nam (vt supra narrauimus) ministros suos, quosdam videlicet hæreticos submisit, qui vasa & alia templi ornamenta, hoc est sacramenta, & omnia sacramentalia, omnesque cæremonias & ritus ab ecclesia auferrent, dicentes ea omnia esse prorsus inutilia, merasque nugas. Ecce nunc adsunt alij ministri eius, qui templum euertant, prohibeantque, si potuerint, sacrificia & orationes in templo fieri, dicentes templa Dei nullius esse vtilitatis, neque aliquo pacto prodesse in ecclesia Dei. Huius hæresis primus author fuit Eustachius quidam de quo in concilio Gangrensi fit mentio. Hic basilicas martyrum, & templa sub nomine diuorum Deo dedicata contemnebat, & omnes qui ad illa conueniebant ibidem aut sacrificaturi, aut oraturi, reprehendebat. Hunc autem errorem iam diu sepultum, post multa secula suscitauerunt Valenses, qui vt illustres hæretici mundo apparerent, Eustachij errorem multò fusius extenderunt, quoniam ille sola templa quæ in diuorum nomine sunt consecrata, irridebat: hi autem omni templo detraxerunt, dicentes templum Dei latè patentis ipsum mundum esse, & coarctare maiestatem eius, qui ecclesias, monasteria, oratoriâque construunt, tanquam propitior in eis diuina maiestas inueniatur. Hoc enim illis impingit Aeneas Sylius in libro de origine Bohemorum, quâquam Guido nihil tale illis tribuit etiam cū Valensium errores recenset. Post Valenses fuerunt alij hæretici dicti Pseudoapostoli, qui adhuc maiori cum iniuria de tēplo Dei loquuti sunt, dicentes ecclesiâ consecratâ non plus valere ad orandū quā stabulum porcorū. Eundē errorem tutati sunt magis vi & armis, quā scripturę testimoniis, quidā Bohemi hæretici Thaboritę appellati. Istorum dux & princeps fuit Zischa quidā nobilis genere, erroribus Ioan. Huss infectus, qui copiâ perditorū hominū congregas, ecclesias inuasit, spoliauit, euertitq;: Monasteria destruxit, monachosque fugauit, aliaq; similia facinora perpetravit. Vt autem tutus in facinore esset, & alia cū velleret, securius posset perficere, locum natura munitum elegit, hunc mœnibus cinxit, & vt quisque ex militibus tentoria fixerat, ita ædificare sibi

*Pseudoapo-  
stoli.*

*Thaborita*

sibi domos imperauit. Huic loco Thabor indidit nomen, & comites suos fratres Thaboritas appellauit, tanquam cum tribus Apostolis Saluatoris Christi transfigurationem in monte Thabor vidissent, indeq; suas opiniones mutuati essent, quas fidei veritates appellabant. Hi ergo omnes præfati hæretici concorder sentientes, templum Dei contemnunt, quanuis vnus plus alio insaniens magis illud vilipendat. Ad hunc autem errorem reuincendū satis est quod Salomon rex ex præcepto Dei ædificauit templū Hierosolymæ. Nā cum David prius illud ædificare cogitasset, reiectus est à domino, velut indignus ad id munus obeundū, eò qd vir bellator fuerat, & sanguinem fuderat: & hoc onus ædificandi templū transtulit in Salomonē. Si templum Dei nullius esset vtilitatis, nunquā tantū in eius cōstructione laborasset Salomon, nec tantā auri & argenti materiam in eo expēdisset, nec dominus Deus tēplū illud tot tantisq; priuilegiis decorasset, qualia describuntur lib. 2. Paralipomenon cap. 7. Præterea si Dei templū nō magis valeret (vt impij pseudoapostoli asserunt) quā stabulum porcorū, nunquā dominus eiecisset vendentes & ementes ab illo. Nā cū in foro vendere & emere liceat, nō autem in templo, satis apertē conuincitur templū Dei esse maiori veneratione dignū quā forū, ne dicā quā stabulū. Rursum, Dominus noster Iesus Christus eiciens ementes & vendentes de tēplo, ad operis confirmationē citauit pro se testimoniū Esaie dicētis, Domus mea, domus orationis vocabitur. Ex quibus verbis satis apertē cōuincitur templū Dei esse locū magis orationi destinātū quā quēcunq; aliū. Accedit ad hæc, qd vsus tēplorū nō est recens in ecclesia, sed ab ipsis Apostolis introductus. Nā Eusebius Cæsariensis lib. 2. historiæ Ecclesiasticæ cap. 17. narrans ea quæ Philo Iudæus de moribus Christianorum scripserat, sic ait: Post hæc descriptis eorum habitaculis, vt se habeat singulorum qualitas & situs, etiam de ecclesiis quæ apud eos sunt, ita dicit, Est autem (inquit) in singulis locis consecrata orationi domus, quæ *συναγωγὴ* vel *μοναστήριον* dicitur. *συναγωγὴ* autem in nostra lingua significare potest honestorum cōuenticulum, in quo secedentes, inquit, honestæ & castæ vitæ mysteria celebrant. Hæc Eusebius Philonem scriptisse narrat. Hic autem Philo (eodem Eusebio teste) fuit tempore Claudij Imperatoris, ad quem à suis legatus est missus, & Romā hac de causā venit, vbi beatū Petrū vidit. Pater ergo fuisse tempore Apostolorū loca aliqua orationi consecrata, quæ nos

1. Pa. 28

Mat. 21

Esa. 56

*Cōcilium Gangrēse.* ecclesias appellamus. Demū concilium Gangrēse cap. 5. suorum decretorum ita definit: Si quis docet domum Dei contempnibilem esse debere, & congregationes quæ in ea fiunt anathema sit. Hæc ibi. Nec opus est aduersus tam apertum errorem pluribus agere.

## TENTATIO.

*Petrus Abailardus.* Inter multos errores quos beatus Bernardus epist. 160. tribuit Petro Abailardo, vnus est quo illum sentire ait, dæmonum in nobis suggestiones contactu fieri lapidum & herbarū, proue illorum sagax malitia nouit harum rerum vires diuersas diuersis incitandis & incendendis vitiis conuenire. Et certè si Petrus Abailardus non in vniuersum de omni tentatione dæmonis loquatur, sed de aliqua, ita vt non omnes, sed aliquas dæmonum tentationes in nobis virtute lapidum & herbarum fiant, ego nō putarem hæresim, sed veram doctrinam. Nam certum est multas animæ tentationes à carne propria oriri, quoniā Paulus ait, *Gal. 5.* Caro concupiscit aduersus spiritum. Et talis carnis concupiscentia, quædam tentatio est, qua anima ad peccatum impellitur, *Iaco. 1.* sicut Iacobus apostolus ait, Vnusquisq; tentatur à concupiscentia sua abstractus & illectus: quoniam nemo est qui carnis impulsione non agitur. Et iuxta variam carnis complexionē, variæ sunt hominum à propriis corporibus tentationes. Et dæmon qui vniuscuiusq; corporis qualitates & complexiones optimè nouit, conuenientia adhibet incentiua, quibus caro iuxta suam qualitatem magis possit incendi. Vnde beatus Gregorius *Iob 38.* exponens illud Iob, Diuiditur æstus super terram, hæc ait: Prius enim complexionem vniuscuiusque antiquus aduersarius perspicit, & tunc tentationis laqueos apponit. Alius nanque lætis, alius tristibus, alius timidis, alius elatis moribus existit. Quò ergo occultus aduersarius faciliè capiat, vicinas conspersione deceptiones parat. Quia enim lætitiæ voluptas iuxta est, lætis moribus luxuriam proponit. Et quia tristitia in iram faciliè labitur, tristibus poculum discordiæ porrigit. Quia timidi supplicia formidant, pauentibus terrores intentat. Et quia elatos extolli laudibus conspiciat, eos ad quæq; voluerit blandis fauoribus trahit. Singulis igitur hominibus vitiis conuenientibus insidiatur. Hæc Gregorius. Cum ergo dæmon variè hominem tentet iuxta variam (quam optimè noscit) illius complexionē: cogimur certè fateri illum posse hominē tentare per lapidum aut herbarum contactum. Multæ enim sunt lapidum & herbarum vitrutes



virtutes, quę hominum complexionibus conueniunt. De smaragdo dicitur & topazione, quod libidinis ardores mitiget. Cur etiam non erit alius virtutis contrarię lapis, qui ardores hominum augeat? Pyropum aiunt cordis męstitiā prorsus expellere: propter quod possibile etiam censeo alium esse lapidem, qui contra hunc virtute sua pugnet, ita ut cor hominis męstitia absorbeat. Nullus autē dubitat dęmonem hęc omnia optime nosse: quapropter nec ego etiam dubito dęmonem per illarum rerum applicationem & contactum posse aliquando homines tentare, si a Deo permittatur. Pręterea multi non contemnendę autoritatis theologi fatentur dęmonum afflictiones & vexationes posse per rerum sensibilium applicationē mitigari, sicut de Saule legimus, qui cū a dęmone vexaretur, Dauid eitharam pulsante leuius ferebat. Hoc concedit Nicolaus de Lyra interpretans illum locum in primo Regū libro. Idem etiā fatetur Richardus de media villa, quod libeto tertio, quęstione 8. qui tam paruam dicit posse contingere dęmonis afflictionem, tantamq; esse lapidis aut herbę virtutem, ut non solū mitiget, sed prorsus tollat dęmonis afflictionem. Si lapides & herbę possunt dęmonis afflictionem impedire, quid obstat ut alij sint contrarię virtutis lapides aut herbę, qui dęmonem in affligendis hominibus iuuare possint? Non est ergo contra catholicam fidem, putare quod dęmon possit per contactum lapidum & herbarum homines ad peccatum impellere. Et si hoc solū sensit Petrus Abailardus, nō erat hac ratione de hęcresi notandus. Verū quia ego credo beatū Bernardum virū doctum perinde ac sanctum, qui non gratis & immerito Petrum Abailardū de hęcresi hoc loco notasset: ideo puto illum de omni dęmonis tentatione fuisse locutū: ita ut nulla sit dęmonis in nobis tentatio, quę hoc modo nō fiat contactu lapidū aut herbarum. Et si ita sensit Petrus Abailardus, apertissime errauit. Nā prima dęmonis tentatio nō fuit mediantibus lapidibus & herbis, sed serpente medio, cuius figuram assumpsit, ut per os illius verba formaret, quibus Heuam primam omnium matrem alloquens, persuaderet prohibiti cibi esum. Ut autem Adam tentaret, ipsam Heuam adhibuit, non lapides, non herbas, cognouerat quippe uxorem ad hoc opus potentiorē esse omnibus lapidibus & herbis. Et cū Sathan appetit tentare Iob, & ad hoc licentiam a Deo petit, nō postulat sibi permitti lapides aut herbas applicare: sed vallum quo Deus vniuersam illius substan-

1. Reg. 16

Gen. 3

Iob 1



tiam circuncinxerat, auferre: ut liberè posset illum per omnis substantiæ deuastationem tentare. Cum autè sic parum se proficere videret, licentiam iterum postulat personam illius tangendi & percutiendi. Et percussit illū vlcere pessimo, sperans illum aduersis frangere posse. Deinde cum Saluatorem nostrū tentauit in deserto, non applicatione herbarum aut lapidū tentauit, sed locutione, ut euangelica narrat historia. Primò enim

*Mat. 4* illi dixit, Si filius Dei es, dic ut lapides isti panes fiant, & reliqua deinceps. Præterea multa alia sunt tentationum genera, quibus

*1. Cor. 11* nos à dæmone tentari sacra docet scriptura. Nam aliquando (ut Paulus Apostolus ait) transfigurat se in angelum lucis: quoniā frequenter multos tentat Sathanas offendens se illis quasi angelum lucis, ut facilius illos decipere valeat. Vnde apostoli in nauī perterriti, putabant phantasma esse. Et Petrus apostolus

*Mat. 13* dicenti domino: Nolite timere, ego sum: non facilè credens ait, Si tu es, iube me venire ad te super aquas: ut si firmiter posuisset pedem super aquas, sciret verum esse quod non erat phantasma quod apparebat. At nullus sanæ mentis dicet talem dæmonis transfigurationem qua se in angelum lucis transfigurat, fieri contactu herbarum aut lapidum. Rursum, Aliqua sunt spiritualia peccata, quæ nullam habent cū carne vicinitatem, & propterea ab illa minime oriri possunt, quæ Paulus vocat spiritualia nequitiae in cœlestibus. Nullus autè est adeo demens, ut dicat tentationem quæ ad huiusmodi peccata sollicitat, fieri contactu lapidum aut herbarum: quoniam cum hæreses sint corporeæ, nullam habent potestatem mouendi spiritum, nisi quatenus cognoscuntur & amantur. Possunt etiam dæmones mouere phantasmata hominū, ita ut quod illis magis placuerit, offerant imaginationi, & sic hominem tentent: quoniam quod magis mouet phantasia, illud magis vrget ut cognoscatur ab intellectu: quod autem magis cognoscitur, illud vehemētius voluntatem sollicitat ad amorem: præsertim si concomiteretur carnis delectatio. Et de hac re dicta sufficiant. Nec vidi aliquem qui aduersus hanc hæresim disputauerit: quoniam beatus Bernardus sola illius reuelatione fuit contentus.

## T E R R A.

*Felix* **D**E hac re fuit vna hæresis, quæ docuit terram esse Deo coeternam. Huius hæresis author dicitur Felix quidem Manichæus, cum quo Beatus Augustinus publicè disputauit. Et de actis cum hoc Felice sunt duo libri editi qui inter opera beati Augusti

Augustini circumferuntur: & in primo illorum libro de hac heresi fit mentio. Aduersus hanc heresim non est operosum disputare: cum tam expressa sint scripturæ sacræ testimonia. Nam in lib. Gen. 1. Geneseos dicitur: In principio creauit Deus cælum & terram. Si Deus in principio terram creauit, non est ergo terra æterna: quia quod creatur, aliquando habuit initium. Et in lib. Psal. prophetat, Initio tu Domine terram fundasti. Et beatus Paulus apostolus in epistola ad Hebræos eadem prophetæ verba repetit. Præterea apud Esaïam prophetā Deus ait, Ego feci terram, & hominem super eam creauit. Et iterum, Hæc dicit Dominus creans cælos, ipse Deus formans terram, & faciens eam, ipse plastes eius. Non in vacuum creauit eam, sed vt habitetur formaui eam. Si Deus terram fecit, & illam formauit, fieri nõ potest vt sit Deo cœterna: quoniam quod factum est, aliquando habuit initium. Denique aduersus hanc heresim extat Concilij generalis definitio. Nam concilium Lateranense sub Innocentio tertio celebratum, de tribus in Deo personis loquens, hæc ait: Vnum vniuersorum principium, creator omnium visibilium & inuisibilium, spiritualium & corporalium, qui sua omnipotentia virtute simul ab initio temporis vtrunque de nihilo condidit creaturam, spirituales & corporales, angelicam videlicet & mundanam, ac deinde humanam quasi communem ex spiritu & corpore constitutam. Hæc concilium. Quæ verba habentur in volumine decretalium, cap. 1. de summa trinitate & fide catholica. In quibus verbis illud adnotandum est quod ait, Ab initio temporis omnia creata esse spiritualia & corporalia. Si omnes creaturæ sunt ab initio temporis, ergo etiã terra. Si terra est ab initio temporis, non possibile vt simul sit æterna. Aduersus tam apertam heresim hæc pauca sufficiunt.

## TIMOR DEI.

**V**Nus ex Lutheri erroribus pestiferis est quo docet timorē Dei seruilem, esse prorsus inutilem, imò etiam noxium: quoniam dicit illū esse dignū pœna. De hoc errore suprā satis disputauimus in tit. de cōtritione. Quoniã Lutherus dānat eam peccatorū cōtritionē, quæ ex odio gehēnz oritur: ideo opus fuit tūc de timore seruili disputare. quo loco ex sacræ scripturæ testimoniis ostēdimus timorē Dei seruile, esse bonū, & esse numerandum inter dona spiritus sancti: quāuis nullus per illū mereatur, nisi sit simul cū charitate: quoniã nullū est opus quod sit præmio dignum.

Lutherus.

mio dignum, nisi quod ex radice charitatis oritur. Verum et si loco illo dictum sit quod ad hunc errorem reuincendum sufficiat, non tamen erit inutile hoc loco aliquid superaddere quò veritas magis elucescat: praesertim cum hic sit titulus aptior, sub quo hæc disputatio fieri debeat. Et primò ostendamus unde habeat ortum iste timor seruilis, & à quibus causis generetur, vt ostensa bonitate arboris clarius pateat bonitas fructus: quoniam iuxta Saluatoris nostri sententiam, arbor bona fru-

**Mat. 7** ctus bonos facit. Et certè quātum ego conicere possum: timor Dei seruilis, cum videlicet quis propter pœnam quam timet, abstinet ab offensa Dei, duas habet origines in ipso met peccatore. Vna est amor sui, & sui cōmodi: vnde provenit, vt fugiat incommoda. Ideo enim peccator odit & timet pœnam, quia illa aufert quietem, pacem, delectationem, & integritatem patientis. Altera origo est consideratio omnipotentiae diuinæ, & eius sapientiae, & iustitiae. Considerat enim Deum adeò potentem, quòd nullus illi resistere, aut manus illius euadere potest, tam sapientem, quòd nihil illum latere potest: tam iustum, vt nullis aut precibus aut muneribus possit à iustitia flecti, vt malefactorem non puniat. Cùm ergo peccator odiat pœnam, ad quam infligendam certò credit Deum esse potentem, sapientē & iustum, abstinet ab opere peccati, ne talem pœnam patiatur, sic tamen, vt in eo peccandi voluntas etiam auferatur. Talis inquam fuga peccati ad euitandum pœnam, est timor seruilis, quem dicimus esse bonum & vtilem, nisi voluntas peccati ( vt

**Mat. 18** in titulo de Cōtritione expressimus) sit illi admixta. Hoc enim satis apertè ostendit parabola illa de Rege volente ponere rationem cum seruis suis, quam cum incepisset ponere, oblatus est ei vnus debens decem millia talentorum: qui cum non esset soluendo, iussus est vendi, id est ( vt Augustinus interpretatur) tormentis subiici, cum vxore & liberis, hoc est, cum cupiditate & operibus. Quam sententiam cum audisset seruus debitor, horrore & odio pœnæ cui erat iam destinatus, preces ad dominum fudit, illi humiliter supplicās vt dilatiōem solutionis illi indulgeret. Nec tamen passus est repulsam, sed dilatiōem petens, suscepit remissionem: quæ rata permāsisset, nisi ipse postmodum meruisset ne talis indulgentia cassaretur propter inhumanitatem quam erga conseruum suum exercuit. Ecce istum seruum, qui non aliter ad dominum suum conuertitur quàm ex odio pœnæ cui viderat se adiudicatum: & sic conuersus exauditur.



auditur. At si ille timor seruilis esset peccatum (vt Lutherus ait) conuersio ex illo orta etiam esset mala: & si illa mala fuisset, nunquàm fuisset exaudita. Præterea Saluator noster suadens nobis pacem & concordiam, per hunc timorem nos ad illā inducit. Sic enim ait: Esto consentiens aduersario tuo citò, dum es in via cum eo, ne fortetradat te aduersarius iudici, & iudex tradat te ministro, & in carcerem mittaris. Amen dico tibi, non exies inde donec reddas nouissimum quadrantem. Rursum, Sapientius consulit parentibus vt filios suos corrigere & flagellare non desinant, vt vel sic filij discant abstinere à malo. Qui parcit virgæ (inquit ille) odit filium suum: percuties eum virga, & liberabis animam eius à morte. Exiterum, Stultitia alligata est in corde pueri: virga disciplinæ effugabit eam. Quid ergo de charitate patris nostri qui in cælis est, erga filios suos censebis? Nonne ille etiam punit & flagellabit filios suos, vt vel sic discant declinare à malo? Nonne castigat eos quos amat? Amat autem filios. Omnem ergo filium quē diligit, corripit. Sed quare corripit? Certè non ob aliam causam nisi propter disciplinam, vt videlicet discant declinare à malo, & facere bonū. Hoc autem ex ipsis Pauli verbis apertissimè colligitur. Nam postquam dixerat Deum flagellare omnem filium quē recipit, statim subiunxit, dicens, In disciplina perseuerate. Tanquàm filiis nobis offert se Deus. Quis enim filius quem nō corripit pater? Quod si extra disciplinam estis, cuius participes facti sunt omnes, ergo adulterini & non filij estis. Vides iam ob quam causam Deus corripiat & flagellet filios suos, quia propter solam disciplinam. Sunt enim aliqui adeò indisciplinati, vt benignitate & misericordia nunquàm mollescant, imò duriore & peiores fiant. Hos flagellare oportet, vt flagellati discant: quoniā, vt ait quidam propheta, vexatio dabit intellectum. At si timor seruilis malus esset, aut operatio ab illo timore procedens esset mala: Deus nunquàm flagellis cingeret aliquem hac intentione, vt ex odio flagelli cōuerteretur ad bene operandum. Deinde propheta regius ait: Bonum mihi quia humiliasti me, vt discam iustificationes tuas. Dauid testatur se didicisse iustificationes Dei propterea quòd fuerit à Deo humiliatus: & propterea reddit gratias Deo, quia humiliauerit illū: eò quòd ex tali humiliatione magnum illi euenerit bonum, videlicet discere Dei iustificationes. Non est ergo opus aliquod censendum malum hac sola ratione quòd à timore seruili procedit. Et si opus ab illo proced

Pro. 13

Pro. 22

Heb. 12

Heb. 12

Esa. 28

Psal. 118



lo procedens, non est hac ratione malum dicendum, nec ipse  
 Mat. 7 timor erit de malitia notandus: quoniam iuxta Saluatoris sen-  
 tentiam, arbor mala non potest bonos fructus facere. Pro hac  
 re sunt plura sanctorum virorum testimonia: quorum aliqua  
 in medium producere non erit inutile. Beatus Bernardus in li-  
 bro de praecepto & dispensatione, sic ait: Bonus quidē obedi-  
 tia gradus est, si iuxta magistri nostri sententiam propter me-  
 tum gehennae, siue propter professionem sanctam quam profes-  
 sus est quispiam, obedierit, melior tamen cū ex Dei amore obe-  
 ditur. Hæc Bernardus. Richardus de sancto Victore libro 1. de  
 præparatione animi ad cōtemplationem, cap. 8. dicit timorem  
 gehennae esse initium sapientiae. & capite sequente, videlicet 9.  
 de eodē timore loquens, sic ait: Quanto quis vehementius me-  
 tuit poenam quam meruit, tanto acerbius plangit culpā quam  
 fecit. Sed sciendum quia quacunque hora peccator conuersus  
 fuerit, & ingemuerit, saluus erit, secūdum illud, Cor contritum  
 & humiliatum Deus non despicies. Quid tibi videtur? Nōne  
 meritō talis filius Symeon, id est ex auditio vocatur? Qui enim  
 verē poenitet, qui veraciter dolet, absque dubio & absque mora  
 indulgentiam accipiet. Oratio quæ ex corde contrito & humi-  
 liato profertur, citius exauditur. Humiliato per timorem, con-  
 trito per dolorem. Hæc Richardus. Quibus verbis satis aperte  
 docet timorem seruilem, esse bonum: quoniam asserit illū esse  
 primum gradum ad sapientiam, eiūque primam prolem di-  
 cit esse dolorem de peccato commisso, aut cōtritionem, quam  
 fatetur mereri ex auditionem, tantum abest vt illam damnare  
 velit. Beatus Augustinus cum hoc pluribus in locis asserat, ex-  
 pressius tamen super primam Ioannis Apostoli epistolam, tra-  
 ctatu nono, vbi exponens illum locum Ioannis, Timor non est  
 in charitate, sic ait: Quid ergo dicimus de illo qui cœpit time-  
 re diem iudicij? Si perfecta in illo esset charitas, non timeret:  
 perfecta enim charitas faceret perfectam iustitiam, & non ha-  
 beret quare timeret, imō haberet quare desideraret vt transeat  
 iniquitas, & veniat regnum Dei: ergo timor non est in charita-  
 te. Sed in qua charitate? Non est in inchoata. In qua ergo? Sed  
 perfecta (inquit) charitas foras mittit timorem. Ergo incipiat  
 timor, quia initium sapientiae timor domini. Timor quasi lo-  
 cum præparat charitati. Cum autem cœperit charitas habita-  
 re, pellitur timor qui ei præparauit locum. quantum enim illa  
 crescit, ille decrescit: & quantum illa fit interior, timor pellitur  
 foras.

foras. Maior charitas, minor timor: minor charitas, maior timor. Si autem nullus timor, non est quā intret charitas. Sicut videmus per setam introduci linum, quando aliquid sinitur: seta prius intrat, sed nisi exeat, non succedit linum: sic timor primo occupat mentem: non autem ibi remanet timor, quia ideo intrauit, ut introduceret charitatem. Hucusque Augustinus. Ex cuius verbis constat quod etsi timor seruilis non stet cum perfecta charitate, stat tamen cum charitate inchoata, & via est ad charitatem perfectam. Si timor seruilis (ut Lutherus ait) peccatum esset, nunquā pararet locum charitati. Parat autem locum charitati, non est ergo peccatum. Beatus Basiliius in expositione psalmi 33. sic ait: Timor enim Saluatoris qui ad sanctitatem deducit, & animæ diuinitus insitus est, qualis existat si cupis audire, attende. Quando fortē te ad aliquod peccatum videris paratum, illud horribile mandatum, & Christi iudicium cogita, in quo iudex in alto sedens tribunali, circumfusus undique populos coram habebit, astantque omnis creatura eius aduentum gloriosum exhorrens rationem gestorum redditura. Deinde qui multa in vita admiserunt, timidi ac tristes apparebunt, vicinum aspicientes ignem, sævas flammæ respicientes, ob malorum præteritorum impœnitentiam ingemiscantes, ob ingentem dolorem & odium ad omne commune noctis aspectibus æquiparandi. Deinde barathrum & tenebras inaccessas, ignemque obscurum causticas alioqui vires habentem conspicientes. Inde vermium serpentiumque innumerabilium genus venenosum ac carniuorum nunquā saturum, intolerabiles dolores moribus infligens. Postremò omnium durissimam pœnam, probrium illud & verecundiam sempiternā. Hæc tu timebis, hoc demum timore institutus, quodam quasi freno tuam cohibebis à prauis concupiscentiis animam. Talem itaque domini timorē nos pater ille se recipit docere, non quid eos qui audire negligunt, & ab eo procul absunt in peccata facile ruentes, sed qui de salute propria solliciti, ad eius properant doctrinā: non inquam hospites & peregrinos à fide viriusque testamenti, sed qui per baptismū & adoptionē Dei sunt facti domestici. Propterea inquit venire, hoc est per beneficia mihi vos reddite propinquos: filij lucis estote, filij per generationē digni. Audite vos qui aures cordis parentes habetis, timorē domini docebo vos, hunc quē paulò antè vobis descripsi. Hucusque Basiliius. Quibus verbis nil potuit expressius aduersus Lutherum dici.

dici. Nam cum de timore seruii satis aperte loquatur, dicit illū nos ad sanctitatem deducere, & esse diuinitus inspiratum, & quem pater cœlestis nos docet. Cū ergo tot & tam aperta produxerimus aduersus hunc errorem testimonia, non est opus ut amplius de illo disputemus, præsertim cum in titulo de contritione alia multa dicta sint.

*Petrus  
Abailardus.*

Secūda hæresis de timore Dei, est quam docuit Petrus Abailardus, dicens timorem domini non esse in futuro seculo. Hunc enim inter alios errores illi impingit beatus Bernardus episto. 190. Et certè miror quòd homo alioqui doctus in tantū tamq; apertum errorem lapsus fuerit: cum ad illum reuincendū tam

*Psal. 28*

manifestum sit testimonium prophete dicentis, Timor domini sanctus permanet in seculum seculi. Quæ verba exponens August. super psalmos, sic ait: Timor domini, non seruilis sed castus, gratis amans, non puniri timens ab eo quem tremat, sed separari ab eo quem diligit. Iste est timor castus, non quæ consummata charitas foras mittit, sed permanens in seculum secu-

*1. Ioan. 4*

li. Hæc Augustinus. Et Saluianus Massiliensis episcopus libr. 3. Anticimenon prope finem sic ait: Quomodo perfecta charitas foras mittit timorem, si timor domini castus permanet in seculum seculi? Est ergo timor seruilis, est & timor castus. Timor seruilis est ne patiaris pœnam, timor castus ne amitras iustitiā. Ergo quod Apostolus dixit, de seruii timore egit. Quod autē psalmista loquitur, de casto illo timore quo in æternum domino copulabimur, sentiendum est. Hæc Saluianus. Præterea, de

*Iob 26*

angelis in cœlo manentibus beatus Iob loquens ait: Columnæ cœli contremiscunt & pauent ad nutum eius. Quòd autem angelos columnarum nomine appellet, testatur beatus Hieronymus, qui in commentariis super librum Iob, hūc locum interpretans ait: Stabilitatem ergo solummodo permanentē in natura angelorum, columnarum nomine sentiamus, quia non solum immobiliter in sanctitate perseverantes sunt, sed etiam æternæ beatitudinis gloria speciosi. Nam de futura immobilitate hominum ita ait filius Dei, Qui vicerit, faciam illum colū-

*Apo. 3*

nam in templo Dei mei. Hæc Hieronymus. Et beatus Gregorius in moralibus postquā illa verba Iob interpretatus est de iustis hominibus, ad angelos conuersus, dicit: Quod (sicut superius diximus) de sanctis quoq; angelis nil obstat intelligi: quia ipsæ quoque virtutes cœlestium quæ hunc sine cessatione conspiciunt, in ipsa sua conremplatione contremiscunt. Sed idem

tremor



tremor ne eisdem pœnalis sit, non timoris est, sed admirationis. Hæc Gregorius. Et certè quantū ego possum coniecere, ex hoc fonte processit error Petri Abailardi quo purauit nō esse quē timorem qui nō sit pœnalis. Aduertere enim debuisset esse alium quem timorem sine pœna, qui dicitur timor reuerētialis, vel, verius dicam, nihil est aliud quā ipsa reuerentia. Nam & timoris nomine ipsa reuerentia appellatur sæpissime in sacris literis. In euangelio Lucæ legimus quòd postquam Dominus suscitauit adolescentem filium viduæ, accepit omnes timor, & magnificabant Deū. Quo loco timor reuerentiā designat. Omnes enim qui adstabant, viso tāto miraculo reueriti sunt Deum, eò quòd talem prophetam misisset in mundum, qui tam miraculosa opera faceret. Hoc autem ex iis quæ sequuntur, facile est coniecere. Nam postquā dixit timorem occupasse omniū animos, addidit, & magnificabāt Deum. Magnificare autem Deū magis est effectus reuerētiæ quā pœnalis timoris. Similiter Paulus aposto. in ea quæ est ad Roma. epi. ait. Reddite ergo omnibus debita cui tributum, tributū cui vectigal, vectigal: cui timorem, timorem: cui honorē, honorem. Quæ verba interpretans Theophylactus, sic ait, Nec solū pecunias debere illis affirmat, quin & timorem, hoc est pudorem & verecundiā, & honoris plurimum principibus exhibendum: ita vt cui debeat hic honos, honos reddatur. Timor autem duplex est. Altero noxi ex malorum facinorum conscientia corripuntur: alterum vicissitudine quadam impertiuntur qui mutuo detinentur amore, cuiusmodi timor honor est quidam præcipuus, qualis ille videtur cum inquit, Nihil deest timentibus eum &, Timor domini permanet in seculum seculi. Timor autem hoc loco venerationem quandam prætendit. Hæc Theophylactus. Aliquis est ergo timor omni carens pœna, & hunc dicimus inesse beatis. Quod si bene intellexisset Petrus Abailardus, nunquā negasset timorem Domini esse in futuro seculo.

## T Y R A N N V S.

**D**E hac re fuit quædam hæresis docens quemlibet tyrannū posse licite & meritorie occidi per quemcunque vassallū suum etiam per clanculares insidias, non obstante quocunque fœdere inter eos inito, etiam per iuramentum cōfirmato, & hoc absque sententia aut mandato iudicis cuiuscunque. Huius hæresis author fuit (vt testatur Ioannes Gerson) quidam Ioannes parui. Aduersus hunc errorem multæ patent viæ per quas illū

M m



## ADVERSUS HAERESIS

expugnare valemus. Primò ex definitione tyrāni. Tyrānus si-  
 quidē iuxta eā vocis significatiōē qua nunc omnes vtuntur, illē  
 dicitur, qui nō iure dominatur in republica, aut vltra iustas do-  
 minii sui leges potestatem suā exercet. Quapropter nomē ty-  
 ranni nō solum conuenit regi aut alteri principi, sed cuicum-  
 que alteri aliquod dominium exercenti, si illud tale dominiū  
 illi non cōuenit: aut si conueit, ad plura se extendit quā per-  
 mittat lex sui domini. Et ita episcopus est tyrannus si per vim  
 & violentiam tenet episcopatum: aut si iure possidet, non tamē  
 secundum iura regit & gubernat, sed exactiones vltra debitum  
 extorquet, aut alia similia exercet quæ episcopo nō licent. Eodē  
 modo papa posset esse tyrānus. Adeundem modū maritus po-  
 test dici tyrannus erga vxorē, si illam non tanquā carnem suā,  
 sed tanquam mancipium quoddā tractauerit. Si ergo quilibet  
 tyrannus potest occidi à subdito suo, ex hoc sequeretur cōfusio  
 totius iustitiæ, quoniā vxor posset occidere maritū suū quū ty-  
 rannicē in illā dominatur: posset oues interficere suū pastore,  
 siue ille esset vnus simplex parochus, siue episcopus siue papa, si  
 istorū aliquis tyrannicē regeret: posset etiā filii interficere pa-  
 rentē suū, si pater legem paternæ dominationis quoquo pacto  
 excederet. Et ita assertio illa viā aperit cuilibet subdito nō so-  
 lū ad inobedientiam, sed etiam ad inferēdam necē suo superio-  
 ri, quoniam posset causari illum esse tyrannum. Hoc autem  
 quam sit perniciosum, non est nunc opus docere, cum sit ipsa  
 luce clarius. Præterea, multò peius est crimen hæreseos quā  
 tyrannidis. sed non licet cuilibet occidere hæreticum, ergo nec  
 licebit etiam cuilibet occidere tyrannum. Secunda via oppu-  
 gnare possumus hanc pestiferam hæresim ex ratione insidiarū:  
 quoniam etsi licitum esset tyrannum occidere, non tamen per  
 insidias & fraudes & deceptiones. Quamuis enim non teneamur  
 hosti reuelare veritatem omnem, tenemur tamen nunquā  
 illi dicere mendacium: quoniam os quod mentitur, occidit ani-  
 mam. Ideo Deus dedit locum refugii in quē posset tute confu-  
 gere is qui casu fortuito alium occiderat sine insidiis. De illo ve-  
 ro qui per insidias occiderit, oppositam tulit legem, dicens, Si  
 quis per industriam occiderit proximū suum, & per insidias, ab  
 altari meo euellatur ut moriatur. Tertia via patet quæ eadem  
 hæresis expugnetur ex ratione fœderis iuramento firmati, qui  
 non obstante tali iuramento asserit licitum esse vassallo inter-  
 ficere tyrannum. Diuinus psalter ait, Perdes omnes qui loquuntur

tur mendacium. Virum sanguinum & dolosum abominabitur *Psal. 5*  
 Dominus. Si omnes qui loquuntur mendacium, Deus perdet,  
 quid illum facturum censebis de iis qui peierant? Nūquid om-  
 nes mentientes perdens, saluabit peierantes? Absit. Nam & per-  
 iurium mendacium est, & non qualecunque, sed iuramento fir-  
 matum. Quod si quis dicat iuramentum illud cum tyranno fa-  
 ctum non obligare vassallum ad eius observationem, obstant  
 huic responsioni plura sacræ scripturæ testimonia quibus pro-  
 batur pactum quodcumque aut scædus etiam cum hostibus fa-  
 ctum debere seruari. Nam hac sola de causa Iacob turbatus est  
 & iratus cōtra Symeonem & Leui filios suos, quia violauerant  
 pactum cum Sychimitis initum. Et hac de causa cum alios fi-  
 lios moriens benediceret, istis maledixit, inquiens, Symeon &  
 Leui fratres vasa iniquitatis bellantia. In consilium eorum non  
 veniat anima mea, & in cœtu illorum non sit gloria mea, quia *Gene. 34*  
 in furore suo occiderunt virum, & in voluntate sua suffoderunt  
 murum. Maledictus furor eorum, quia pertinax: & indignatio  
 eorum, quia dura. Diuidam eos in Iacob, & dispendam eos in  
 Israel. Propter eandem etiam causam reprehenditur Sedechias  
 rex Iuda, quia videlicet rebellauit contra Nabuchodonosor re-  
 gem Babylonis, cum tamen prius illi fecisset iuramentum de  
 fidelitate seruāda. Beatus August. lib. 1. de ciui. Dei cap. 15. lau-  
 dat Marcum Attilium Regulum Consulem Romanum, quia  
 ne violaret fidem quam iuramento firmatam Carthaginensi-  
 bus hostibus dederat, mortem elegit, eamq; pati maluit, quam  
 fidem hosti præstitam violare. Accedit ad hæc, quod si liceret  
 rumpere scædera etiā iuramento stabilita, via tūc aperiretur la-  
 tissima ad omnem diffidentiam & omnem controuersia patēs.  
 Nullus enim iam fideret alteri aliquid promittenti, quoniam etsi  
 promissa iuramento confirmet, quisq; iuste metuere potest ne  
 postea contra iuramentū faciat, cum id licite facere possit. Nul-  
 lus etiam erit controuersia finis, si nulla est obligatio iuramen-  
 ti, quoniā (vt ait Apost.) Omnis cōtrouersia finis est iuramen-  
 tum. Alia adhuc pater via. eaque apertissima, qua hæc pestifera  
 hæresis prosterni possit, defectus videlicet potestatis in occidēte  
 vt aliquē iuste occidere possit. Quamuis enim aliquis sit quan-  
 tumlibet scelestus & criminosus, qui mille mereatur mortes,  
 non potest tamen iuste ab aliquo occidi nisi ab habēte potesta-  
 tem & iurisdictionē. Scelestissimus homo fuit Cain, qui primus  
 sanguinem humanū fudit, fratremq; occidit: qui cum timeret  
 M m 2

ne ob sua scelera occideretur à quolibet qui illum inuenisset,  
*Gene. 4* dixit illi Deus, Nequaquã ita fiet, sed omnis qui occiderit Cain,  
 septuplum punietur, Præterea, quẽadmodum regula iuris do-  
 cet, sententia non à suo iudice lata, nulla est, Et Paul. apost. hũc  
*Roma. 2* & similes tyrannidas apertè reprehẽdit dicens, Quis es tu qui  
 iudicas seruũ alienum? Posset enim ab illo subdito qui occidit  
 tyrannum non expectata sententia iudicis superioris, iustissimè  
 peti, In qua autoritate hoc facis? Quis te cõstituit vt illã habeas  
*Ioan. 19* per eum? Si potestatem occidendi habes oportet vt illa sit  
*Roma. 13* à Deo: quoniã nullus habet in aliquem potestatem, nisi illa sit  
 de super data. Omnis enim potestas à Domino Deo est. Osten-  
 dicis sententia possint occidere tyrannos. Nos autem facilius  
 ostendemus hoc esse à Deo prohibitum. Nam per præceptum  
 illud, Non occides, iuxta omnium sacrorum doctorũ interpre-  
 tationem, prohibetur illa hominis occisio quæ propria autho-  
 ritate & absque iudicis sententia fit. Qui inficio principe (inquit  
 lex) bellum gerit, reus est læsæ maiestatis. Rursum, Rex qui su-  
 premam habet autoritatem, nõ potest citra iuris ordinẽ, ali-  
 quem non monitum, non vocatum, nõ conuictum interficere:  
 multo ergo minus hoc poterit subditus. At qui per insidias ali-  
 quem interficit, contra iuris ordinẽ id facit: non ergo licet sub-  
 dito per insidias interficere tyrannũ. Deinde, contra naturalem  
 legem est quòd in alicuius controuersia definitione aut decisio-  
 ne idem sit pars iudex & testis, quoniã hoc soli Deo conuenit  
 propter summam illius sapientiam & bonitatem. Cũ autem  
 subditus sine superioris iudicis sententia tyrannũ occidit, tunc  
 ipsemet est iudex, pars opposita reo, & testis. Multa sunt ergo  
 propter quæ hæc peltifera assertio reiici meretur. Quapropter  
*Cõcilium* conciliũ Constantiense sessione 15. hanc doctrinam velut hdei  
*Constanti-* catholicæ repugnantem damnauit, ita dicens, Præcipua solici-  
*mensa.* tudine volens hæc sacrosancta synodus ad extirpationem erro-  
 rum & heresum in diuersis mundi partibus inualescentiũ pro-  
 uidere sicut tenetur, ad hoc collecta est. Nuper accepit quòd  
 nonnullæ assertiones erroneæ in fide, & bonis moribus multi-  
 pliciter scandalosæ, reipublicæ statum & ordinem subuertere  
 Quilibet tyrannus potest debet licite & meritorie occidi per  
 quemcunque vassallum suum & subditum, etiam per clancula-  
 res insidias, & subtiles blanditias, vel adulationes, non obstante  
 quocunq;



quocunque præstito iuramento seu confederatione factis cum eo, non expectata sententia vel mandato iudicis cuiuscunque. Aduersus hunc errorem satagens hæc sancta synodus insurgere, & ipsum funditus tollere, præhabita deliberatione matura, declarat, decernit, definit huiusmodi doctrinam erroneam esse infide, & in moribus: ipsamque; tamquam scandalosam, & ad fraudes, deceptiones, mendacia, proditones, periuria, vias dantem, reprobant, & condemnat. Declarat insuper, decernit, & definit quod pertinaciter doctrinam hanc perniciosissimam asserentes sunt hæretici, & tanquam tales iuxta canonum sanctiones puniendi. Hucusque concilium Constantiense. Ioannes Gerson testatur fuisse editum in concilio Constantiensi librum quendam aduersus hunc errorem. Sed fateor me illum non vidisse. Monere tamen volui lectorem, ut si forte illum inuenire posse crediderit, diligentiam apponat.

## VERECUNDIA.

**F**uit quædam hæresis docens de nulla re quæ nobis est à natura donata, erubescendum esse. Huius hæresis authores Turrelupini, philosophorum omnia verenda publicitus nudata gestabant, & in publico velut iumentorum coibant. Et certè hanc hæresim natura ipsa redarguit, à qua insitam habemus quarundam rerum verecundiam. Quapropter partes illæ inferiores corporis humani per quas mares & feminae in coitu commiscuntur, à verecundia & pudore sortitæ sunt nomen, ut verenda & pudenda dicantur. Præterea sicut virtus parit honorem, & inde gloriam: ita vitium parit vituperium, & inde verecundiam. At licet partes illæ inferiores corporis humani ex se non magis vitiosæ sint quam reliquæ corporis partes, tamen hoc habent ut testimoniū referant illius peccati quod primus homo per inobedientiam commisit. Nam cum Adam post habito præcepto diuino de pomo vetito comedit, reciproca inobedientia punitus est, ita ut in suo corpore suorum membrorum pateretur inobedientiam, quam in membris genitalibus statim expertus est. Hæc autem membrorum inobedientia, velut perpetua quædam punitio in memoriā pristini peccati in nobis omnibus remansit. Cum enim omnes reliquæ corporis partes ad nutum & imperiū voluntatis nostræ moueantur & quiescant, sola membra genitalia nutui voluntatis repugnant, & obedire recusant. Si vis leuare manū, leuatur illa. Si vis illā inclinari deorsum, inclinatur eadem: & ad eundem mo-



dum reliquæ omnes corporis partes obediunt volutati. Sæpe-  
 men cõtingit vt mēbra genitalia repugnāte volūtate erigan-  
 tur, & eade aliquādo remittente deprimantur. Patimur ergo in  
 partibus illis inobedientiā & rebellionē in testimonium illius  
 inobedientiæ quā primus parēs noster aduersus Deū exercuit. Si  
 ergo de vitio quolibet iustē erubescimus, oportet vt de illis cor-  
 poris partibus erubescamus, in quibus & punitio & testimoniū  
 pristini peccati hucusq; remāsit. Rursum, postquā Adā peccau-  
 rat, peccatū suū cognoscens, volensq; à facie Domini in para-  
*Gene. 3* diso ambulatīs fugere. dixit Deo, Vocē tuā Domine audiui in  
 paradiso, & timui, eò q̃ nudus essem. quo loco cõstat timorē ca-  
 pi pro verecūdia, quod patere facile potest ex ea quā reddidit ti-  
 moris causa. Timui (inquit) eò q̃ nudus essem. Inde enim erat  
 timor, hoc est verecundia, quia in corpore suo nudo experieba-  
 tur iam sui corporis inobedientiam, quæ sui peccatierat testi-  
 monium. Hanc etiam Adæ & Heuæ erubescētiā testantur  
*Ibidem.* ea perizomata quæ illi fecerunt cū cognouerūt se nudos, vt illas  
 inferiores corporis partes tegerent. Deinde, si de nulla re natu-  
 raliter data esset erubescendum, iniustē reprehēditur Cham fi-  
 lius Noe eò quòd videns patrem inebriatum habentem veren-  
 da nudata, nunciauit fratribus suis. immeritò etiā alii fratres, vi-  
 delicet Sem & Iaphet laudarentur quia verenda patris operue-  
 runt. At cum ob illud facinus fuerit Cham maledictus à patre,  
 & alii filii propterea quòd patrem operuerunt, fuerint à patre  
 benedicti, conuincitur meritò vt aliqua sint de quibus erubescere  
 debeamus, etiam si à natura sint nobis data. Nam ob hāc so-  
 lam verecundiæ causam Sem & Iaphet videntes patrem nudū  
 auerterunt facies suas, vt verenda patris nō viderēt. Adde quòd  
 pars vestis sacerdotalis qua iuxta præceptum Domini vestiē-  
 dus erat sacerdos cum intrabat in sancta, erant femoralia in te-  
*Exo. 39* gumentum earum partium, ex quibus nudatis maxima oritur  
 verecundia. Abeant ergo effrontes Turrelupini, & quos Deus  
 regit, ipsi denudare vereantur.

## V I N V M.

*Seuerus.* **S**euerus, à quo Seueriani hæretici originem duxerunt, docuit  
*Seueriani.* non licere vllō pacto bibere vinum, eò quòd fabulosa qua-  
 dam vanitate (vt August. ait) dicebat de Satana & terra germi-  
 nasse vitē. Hunc errorē nullus ex his qui de hæresibus scripse-  
 runt (quos tamē vidisse licuit) tribuit alicui alteri quā huic Se-  
*Tatianus* uero. Beatus tamen Hiero. dicit hunc fuisse errorem Tatiani.  
 Nam

Nam in commentariis super prophetam Amos, interpretans Amos 2. illum prophetæ locum, Propinabatis Nazareis vinum &c. sic ait: De hoc loco hæresim suam Tatianus Encratarum princeps struere nititur, vinum afferens non bibendum, cum & lege præceptum sit ne Nazarei bibant vinum, & nunc accusentur à propheta qui propinent Nazareis vinum. Qui si literam sequuntur in omnibus, & Iudaicas fabulas ecclesiis ingerunt Christi, ergo & comam nutrire debent, & vnam passam ac viridem non comedere, & super matre & patre mortuis non ingredi. & si fortè hæc fecerint, & fuerint humana vel fragilitate vel necessitate superati, radant capita, & irriti sint omnes dies consecrationis & laboris eorum. Quod si hæc non faciunt, neque possunt mortuore Iudaicorum cauponum miscere aquam vino, vimbras veritatis, euangelij gratiæ legis necessitatem, ebrietatem illam intelligant, quæ curis secularibus inebriatur & obruitur animæ vigore, & illos prophetis mādare dicentes, Ne prophetetis, qui liuore superati, prohibent eruditos viros doctrinæ proferre sermonem. Hucusque Hieronymus. Ex cuius verbis constat Tatianum etiam hanc docuisse hæresim. Augustinus tamen, aut Philaster, etiam cum errores Tatiani recenset, nunquam huius hæresis meminit. Et certè (vt candidè loquar) hæc hæresis non solum nocet animæ, sicut & quælibet alia, sed etiam nocet corpori, quoniam etsi vinum immodicè sumptum multum noceat, moderatè tamen potatum plurimas corpori præstat utilitates. Ideo Sapiens Ecclesiasticus ait. Exultatio animæ & corporis vinum moderatè potatum. Sanitas est animæ & corporis sobrius potus. Præterea, si vinum malum esset ex sua natura, Saluator noster non vertisset aquam in vinum: neque initium signorum illius fuisset vinum ex aqua factum. Et si non liceret bibere vino, idem Saluator non præcepisset ministrantibus in conuiuio nuptiarum, vt ferrent vinum Architriclino. Rursum, ipsemet Saluator cum discipulis cœnans bibit vinum, & potandum de eodem modo facere docuit, dicens, Hoc facite in meam commemorationem. Deinde Paulus Apostolus Timotheo scribens Luc. 22. consulit vt aquam non bibat, sed modico vino vtatur propter stomachum suum, & frequentes eius infirmitates. Nec opus est plura citare testimonia, cum hæresis sit tam manifesta. Ceterum quod Seuerus docuit vinum non bibendum, quia malum, & ideo malum, quia dicebat de Satana & terra germinasse vitem:

hoc non est opus nunc oppugnare: quoniam iam supra in titulo de creatura, ostēdimus omnes creaturas esse ex se bonas, easque omnes esse à Deo, & non ab aliquo alio principio.

## VIRGINITAS.

Iovinian.

**I**ovinianus monachus docuit virginitatē non esse apud Deū maioris meriti quā coniugium, sed pares dixit esse nuptias virginitati. Ob cuius doctrinā multae virgines sacrae prouectae aetatis, posthabito voto quod emisserant, nupserunt. Ipse tamen Iovinianus, quāuis monachatum deposuit, uxorem ducere noluit: non quia inde maius apud Deum meritū se habiturū sperabat, sed ne nuptiarum pateretur molestias, se continere dicebat. Hunc errorem etiā impingit Heluidio Hierony. Quis au-

Heluidius

tem istorum, prius errorem hunc docuerit, mihi nō est certum: hoc tamen constat, utrunque eorū fuisse Hieronymo cozum, & Hieronymū prius scripsisse aduersus Heluidium quā aduersus Iovinianum: quoniam in 1. lib. cōtra Iovinianum meminit illius libri quem aduersus Heluidium scripserat. Sed uterlibet istorū prior altero hunc errorem docuerit, constat ex verbis Hierony. nullum istorum fuisse primū huius hāresis authorem, quia hu-

Basilides.

ius hāresis principatū tribuit Basilidi. In 2. enim libro aduersus Iovinianum circa finem sic ait Hieronymus, Quadringenti fere anni sunt quod Christi praedicatio fulget in mundo, ex quo innumerabiles hāreses tunicā illius cōsciderunt. Vniuersus peccatorum error de Chaldaeo & Syro & Graeco sermone processerat. Basilides magister luxuriae & turpissimorū complexuum, post tot annos ita in Iovinianū quasi in Euphorbū transformatus est, ut latina quoque lingua haberet hāresim suā. Hāc Hieronym. Ex cuius verbis constat hanc hāresim à Basilide initium sumpsisse. Augustinus tamen in libro de hāresibus de hoc Basilide dissentiens, nihil tale illi impingit. Philaster etiā Basilidis errores recensens, nunquā huius erroris meminit. Credamus ergo Hieronymo tanquā diligentissimo rerū inquisitori, praesertim cū alij nō contradicant, sed taceant. Pro virginitatis commendatione efficacissimum testimonium est quod Christus Saluator noster

Mat. 16

ait, Sunt eunuchi qui se castrauerunt propter regnum cælorū. qui potest capere, capiat. Nam cū dixisset non licere alicui dimittere uxorem suam nisi ob fornicationē: discipuli hoc audito graue admodum existimantes onus matrimonij ob vinculū illius indissolubile, dixerunt: Si ita est causa hominis cum uxore, non expedit nubere. Quibus Christus respondit: Non om-

nes cap



nes capiunt verbum istud, sed quibus datū est. Sed quod est hoc  
 verbum quod non capiunt nisi illi quibus datum est? Certē hoc  
 quod statim subiungit, dicēs, Sunt enim eunuchi qui de matris  
 vtero sic nati sunt. Et sunt eunuchi qui facti sunt ab hominib.  
 bus. Et sunt eunuchi qui seipsos castrauerunt propter regnū cœ-  
 lorum. qui potest capere, capiat. Ecce verbum quod non omnes  
 capiunt nisi quibus datum est, videlicet castrare seipsum pro-  
 pter regnum cœlorum. Et quia nō omnes hoc capere possunt,  
 ne videretur aliquem cogere ad id quod assequi non poterat, in  
 cuiusque arbitrio illud reliquit, dicens: Qui potest capere, ca-  
 piat. Ex istis verbis Christi apertissimē constat virginitatē esse  
 prælatam matrimonio. Quis enim non videt multo excellen-  
 tius esse illud ad quod assequēdum nō omnium vires sufficiūt,  
 quā illud quod tam facile est vt omnes illud capessere pos-  
 sint? Nullus est cui integra est natura, qui coire non possit. At ra-  
 rus est qui possit ab omni specie coitus abstinere. Non enim om-  
 nes hoc capiunt. Præterea, Apostolus Paulus in priore episto-  
 ad Corinth. viduitatem præfert nuptiis, & virginitatem præfert  
 ambabus, sic dicens, Quicumq; matrimonio iungit virgine suā,  
 bene facit: & qui non iungit, melius facit. Quid iam amplius  
 desideramus aduersus Iouinianum? Poteratne fortē expressius  
 aliquid pro virginitatis assertionē proferri? Qui non iungit ma-  
 trimonio virginem (inquit ille) melius facit. Et postea viduam  
 præferens nuptæ ait, Mulier alligata est legi quanto tēpore vir  
 eius viuit. Quod si dormierit vir eius, liberata est a lege. Cui au-  
 tem vult, nubat, tantum in Domino. Beatior autem erit si sic  
 permanserit, secundum meum consilium. Puto autem quod &  
 ego spiritum Dei habeam. Antē tamen quā hanc sententiam  
 Paulus diceret, plura disseruit per quæ ostendit latam esse inter  
 matrimonium & virginitatem distantiam. Qui sine vxore est  
 (inquit) sollicitus est quæ Domini sunt, quomodo placeat Deo.  
 Qui autem cum vxore est, sollicitus est quæ sunt mundi, quomo-  
 do placeat vxori, & diuisus est. Et mulier innupta & virgo cogi-  
 tat quæ Domini sunt, vt sit sancta corpore & spiritu. Quæ au-  
 tem nupta est, cogitat quæ sunt mundi, quomodo placeat viro.  
 Circumspiciamus bene & perpendamus fideliter virginitatis &  
 matrimonij discrimen. Virgo Domino, maritus vxori placere  
 cupit, & vt vxori placeat, sollicitudinē gerit de iis rebus quæ in  
 mundo sunt, & ad mundum spectant: & ita diuisus est, quia qui  
 adhæret Deo, vnus spiritus efficitur cum eo. Vbi autem vnitas,



ibi non est diuisio. Virgo igitur non est diuisus, quia soli Deo placere cupiens, vnicū solū habet spiritum, & hunc diuinū. At maritus etiam qui placere cupit vxori, ac Deo, hic diuisus est in duas partes, vnam qua Deo placere optat, si modo optat: & aliā qua cupit placere vxori. Dicat ergo nunc Iouinianus, Nōne melius est placere Deo, quā placere vxori? Nōne prāstantius est adhærere Deo, & effici vnum spiritū cum eo, quā diuisum esse in multas sollicitudinum partes & miseriarū? Si placere Deo melius, consequens est vt virginitas sit prāstantior matrimonio. Rursum, Saduceis quærentibus a Salvatore nostro de muliere quæ septem fratribus successiuè nupsit, quem illorum post resurrectionem habitura esset, respondit idē Saluator, In resurrectione neque nubent neque nubētur, sed sunt sicut angeli Dei in cælo. Ex quibus verbis constat nuptias esse hominum, continentiam autē angelorum proprium munus. Quantum ergo angeli hominibus prāstant, tantū virginitas prāponitur matrimonio. Deinde hoc etiam cōuincit multitudo virtutum quas ad sui sustentationem exigit virginitas, vt tanquam altera Hester illis velut suis ancillis munitur. Oportet enim virginem esse abstemium: quoniam luxuriosa res est vinū. Exigitur abstinentia cibi: quoniam libidinis ignes, ciborum fomen- tis increscunt. Summè necessarium est pacisci scædus cum oculis, ptout se fecisse testatur Iob ne cogitaret quidem de virgine: quoniam, vt ait Ecclesiasticus, speciē mulieris multi admirati reprobī facti sunt. Nec minus oportet obserare aures ad turpiloquia: quoniam (vt ait Menander apud Paulum) corrumpunt bonos mores colloquia mala. Est etiam necessaria oris & labiorum custodia, vt nō declinet cor illius in verba malitiæ, ne forte ex leui verbo tuo aliqua vulneretur, & vt par pari referat, illa postea similibus verbis transfigat cor tuum, & blāditiis labiorum suorum protrahat te, & statim sequaris eam quasi bos ductus ad victimā. Plurimas certè passurus est molestias, qui virginitatem intemeratam custodire cupit. Propter quod meritò virginitas similari solet ebori, quod propter nimiam vetustatem vertitur in colorem rubeum, cū tamen à natura sit albū, quia virginitas diu conseruata æquiualeat martyrio, & est quasi quædam sanguinis effusio. Denique nunquam potest esse virginitas sola, sed oportet eam velut reginam esse ingenti ancillarum comitatu stipatam. At qualiter fieri posset vt non sit nobilior virginitas, cui multò plures deseruiunt virtutes quā matrimonio

trimonio? Demum hæc Iouiniani assertio, prout ratio & fidei  
 regula exigebat, totius catholicæ ecclesiæ sententia bis damna-  
 ta est. Nam Siricius papa, habito Romæ sacerdotum concilio, *Siricius*  
 primus eam damnauit, vt ex epistola eius de condemnatione *papa.*  
 Iouiniani ad episcopos Africanos, patere potest, in qua sic ha-  
 betur, Nos sanè nuptiarum vota non aspernantes accepimus,  
 quibus velamine interfuimus, sed virgines Deo deuotas maio-  
 re honorificentia muneramus. Facto ergo presbyterio, consti-  
 tit doctrinæ nostræ, id est Christianæ legi hæc omnia esse con-  
 traria: vnde apostolicū sequuti præceptū, quia aliter quàm acce-  
 pimus, annunciabant, omnium nostrorū tā presbyterorū, tam  
 diaconorum, quàm etiā totius cleri vnam factā constat esse sen-  
 tentiam, vbi Iouinianus, Ausentius, *Ausentius*  
 lix, Plotinus, Martianus, Ianuarius, & Ingeniosus, qui accētores *Genialis.*  
 nouæ hæresis & blasphemix iuueti sunt, diuina sententia, & no-  
 stro iudicio in perpetuū damnati extra ecclesiā remanerēt. Hæc *Gemina.*  
 Siricius papa. Et Africani episcopi hanc Sirici recipiētes episto-  
 lam, conciliū in plebe Thelensi congregarunt, in quo re (vt de *Felix.*  
 cebat) plenè examinata, approbarunt damnationem Iouiniani *Plotinus.*  
 per Siriciū factā, & eidē Siricio papæ de hoc negocio rescri-  
 pserunt. In quorū epist. hæc habentur verba, Agrestis enim vlu *Martian.*  
 latus est, nullam virginitatis gratiā, nullū castitatis ordinē refer-  
 uare, promiscuè omnia velle confundere, diuersiorū gradus ab-  
 rogare meritorū, & paupertatē quandam cœlestium remun-  
 rationum inducere, quasi Christo vna sit palma quam tribuit,  
 ac non plurimi abundant tituli præmiorū, stimulant se isti non  
 donare coniugio. Sed quæ potest laus esse coniugij, si nulla vir-  
 ginitatis est gloria? Neq; verò nos negamus sanctificatū à Chri-  
 sto esse coniugium diuina voce dicente, Erunt ambo in vna car-  
 ne, & in vno spiritu: sed prius est quod nati sumus, quàm quod  
 effecti, mulōq; præstātius diuini operis ministerium, quàm hu-  
 manæ fragilitatis remedium. Iure laudatur bona vxor, sed me-  
 lius pia virgo præfertur, dicente Domino, Qui iungit virginem  
 suam, bene facit: & qui non iungit, melius facit. Hęc enim cogi-  
 tat quæ Dei sunt, illa quæ mundi: illa cōiugabilibus vinculis col-  
 ligata est, hæc libera vinculorum: illa sub lege, ista sub gratia.  
 Bonum coniugium, quo est inuenta posteritas successionis hu-  
 manæ: sed melior virginitas, per quam regni cœlestis hære-  
 ditas acquisita, & cœlestium meritorum reperta successio. Per  
 mulierem cura successit, per virginem salus euenit. Deniq; spe-  
 ciale

1. Cor. 7

cialie sibi donum virginitalis elegit, & integritatis munus exhibuit, atque in se repræsentauit, quod elegit in matre. Et aliquibus interiectis, circa finem epistolæ hæc verba subiunguntur: Itaque Iouinianum, Ausentium, Geminatorem, Fælicem, Plotinum, Genialem, Martianum, Ianuariū, & Ingeniosum, quos sanctitas tua damnauit, scias apud nos quoque secundum iudicium tuum esse damnatos. Hæc concilium Thelense. Qui plura aduersus hanc hæresim desiderauerit, legat primum librum beati Hieronymi è duobus quos aduersus Iouinianum scripsit. Nam ibidem omnes suæ eloquentiæ vires pro virginitalis assertionem exercuit: adeoque illam extulit, vt aliquibus (quanuis immerito) parum æquus videatur fuisse matrimonio. Beatus Augustinus scripsit etiam alium librum pro eiusdem virginitalis assertionem, qui inscribitur de sancta virginitalitate.

### VNCTIONIS EXTREMÆ SACRAMENTVM.

*Græci.* **N**on minus est ab hæreticis conculcatum extremæ vnctionis sacramentum quam reliqua alia. Nam Græci, teste Guidone Carmelita, asserunt hoc sacramentum non prodesse infirmis ad salutem corporis. Valdenses autem (vt testatur Aeneas Syluius libro de origine Bohemorum cap. 35.) extremam vnctionem inter ecclesiæ sacramenta non admittunt. Huius tamen erroris non meminit Guido cum errores Valdensium recenset. Hunc errorem impingit Heracleonitis frater Bernardus de Lutsemburgo in suo catalogo hæreticorum, nescio quem secutus: quoniam Augustinus de Heracleonitis loquens, nihil tale illis tribuit. Philaster de eisdem disserens, nullam huius erroris facit mentionem. Guido qui Augustinum & Isidorum in enarrandis hæresibus imitatur, nunquam huius erroris meminit vt eum Heracleonitis impingeret. Omitto quod bonus homo in suo catalogo confundit Heracleonitas cum Hierachitis hæreticis, credens esse eosdem, solo nomine differentes. Cõstat autem ex Augustino & Isidoro diuersas esse factiones sub altero, & altero principe militantes. Nam de Heracleonitis disserit Augustinus cap. 16. libri de hæresibus, dicitque illos sic vocari ab Heracleone eorum principe. At Hierachitarum principem vocat Hieracham, & de his disserit cap. 47. Et illa quæ de Heracleonitis catalogus refert, quos ipse putat etiã dici Heraclitas, sumpta sunt ex hoc 47. cap. Augustini, & eisdem verbis quibus ab Augustino referuntur, nisi quod bonus homo aliqua



qua inferit ex suo cerebro, quale est hoc de sacramento extremæ vnctionis, de quo ait illos asserere quòd non fuerit à Deo institutum: cum tamen Augustinus, neque Heracleonitis, neque Hierachitis quicquam simile impingat. Quapropter mirari non desino quòd Iodocus Clichthouæus vir aliqui doctissimus eodem modo fuerit deceptus, tribuens hunc errorem Heracleonitis, prout catalogus fecerat. Nam in eo libro quem fecit pro assertionem veritatum in cōcilio Senonensi definitarum, capitulo de sacramentis ecclesiæ, de sacramento extremæ vnctionis differens, dicit quòd negare extremam vnctionem esse sacramentum, fuerit error Heracleonitarum. Et tamen idem Iodocus in eodem capite de sacramento baptismi disputans, testatur se in notandis hæreticis imitari eam hæreticorum descriptionem quā Guido Carmelita fecit, de quo Guidone iam diximus quòd nihil tale Heracleonitis impingit. Hūc eundem errorem Iodocus Clichthouæus impingit Ioanni Vuitcleffo, cum tamen in cōcilio Constantiensi, in quo errores illius dam-<sup>Ioannes Vuitcleff.</sup> nati sunt, non fuerit. de hoc errore notatus: sed apud Thomam Valden, qui diligentissimè huius Vuitcleffi errores explorauit, certum huius erroris reperio vestigium. De Luthero tamē cer-<sup>Lutherus.</sup> to constat illum reiicere sacramentum extremæ vnctionis: quoniam negat extremam vnctionem esse inter sacramenta computandam. Contra hanc hæresim apertissimum profert testimonium beatus Iacobus, qui in sua canonica epistola ita inquit, <sup>Iaco. 5</sup> Infirmatur quis in vobis? inducat presbyteros ecclesiæ, & orent super eum, vngentes eum oleo in nomine domini, & oratio fidei saluabit infirmum, & alleuiabit eum dominus: & si in peccatis sit, remittentur ei. Ecce huius sacramenti proclamationem ab Apostolo Iacobo factam, Nam ex verbis Apostoli constat in extremæ vnctionis collatione omnia adesse quæ ad sacramentum perfectum exiguntur. Est enim ibi materia, videlicet oleum sacrum quo vngendus est infirmus, Exprimitur etiam forma, sacerdotis videlicet oratio. Effectum autem huius sacramenti expressit dicens, Et si in peccatis fuerit, remittentur ei. Verum Lutherus videns se hoc testimonio conuinci, illud ita reiicere conatur, vt epistolam illam neget esse Apostoli Iacobi. Et si Apostoli Iacobi esset, dicit non licere apostolo sua auctoritate sacramentum instituere, hoc est diuinam promissionem cum adiuncto signo dare, cum hoc solius Christi sit munus proprium. Duobus itaq; modis enervare conatur illud apostoli



stoli testimonium. Primò, q̃ epistola illa non sit Iacobi Apostoli. Deinde, etsi sit apostoli, illi tamen dicit non fuisse facultatem instituendi sacramentum. Horum primum iam satis (vt existimo) supra libr. 1. cap. 2. confutauimus, cum de canonicis scripturæ libris disputauimus. Illo enim loco ex pluribus conciliorum decretis ostendimus eam Iacobi Apostoli epistolam in catalogo librorum canonicorum esse locatam. Veniamus ergo ad id in quo aperte oppugnat Apostolum, dicens, Et si sit Iacobi Apostoli, illi tamen nō licuit instituere sacramentum. Nō est iam quod miretur aliquis Lutherum conuictis insectari pontificem & Cæsare, quum de tam atroci crimine notet Apostolum, vt sine autoritate & contra fas ausus sit instituere sacramentum. Nullus certè fuit vnquam tam demens, ac impiæ maledicentiæ, qui diceret Apostolum fuisse tam arrogantem, vt pro sacramento traderet populo quod non esset sacramentum. Cæterum quod ait Apostolum fuisse tam arrogantem, sit opinio, quæ mihi nunquam placuit, ecclesiam posse instituere sacramentum. Dicimus ergo apostolum non instituisse sacramentum, sed verbis illis id tradidisse populo quod ipse acceperat à Christo, qui alia mūdo volebat insinuare per Matthæum, alia per Marcum, per Lucam alia, alia rursum per Ioannem. Sunt enim peculiaria quædam cuique euangelistæ, quorum nullus aliorum meminit: de qua re extat canon ab Eusebio Cæsariensi editus. Quid ergo vetat vt quædam etiam nobis innotescere voluerit Christus per Apostolum suum Iacobum, de quibus nec Euangelistæ vllum sint verbum loquuti? Præsertim cū constet multa nobis per Apostolum Paulum insinuasse, quæ omnino ab Euangelistis prætermissa sunt. Hoc autem ita esse, testimonio beati Augustini persuademus, qui lib. 2. de visitatione infirmorum, docens infirmum debere confiteri, & eucharistiam sumere, & oleo sancto vngi, ita inquit: Nec prætermittendum est illud Apostoli Iacobi præceptum, Infirmitur quis, in vobis? inducat presbyteros ecclesiæ, & orent super eum, vngentes eum oleo in nomine domini, & oratio fidei saluabit infirmum, & alleuiabit eum dominus, & si in peccatis sit, remittentur ei. Ergo si roges de te & pro te fieri, sicut dixit Apostolus Iacobus, imò per Apostolum suū dominus. Ipsa videlicet olei sacri delibutio, intelligitur spiritus sancti typica vinctio. Hæc Augustinus. In quibus verbis illud est aduertendum quod ait:

August.

imò

imè per Apostolum suum dominus. Quibus verbis satis aperte innuit Apostolum Iacobum fuisse illius sacramenti duntaxat præconem, non autem institutorem. Præterea, Innocentius *Innocentius primus* papa huius nominis primus, in quadam epistola ad Decentium Eugubinum episcopum, capite ultimo sic ait: Sanè quoniam de hoc sicuti de cæteris consulere voluit dilectio tua, adiecit etiā filius meus Cælestinus diaconus in epistola sua esse à tua dilectione positum illud quod in Apostoli Iacobi epistola cõscriptum est, Infirmatur quis in vobis, inducat presbyteros, & orent super eum, vngentes eum oleo in nomine domini, & oratio fidei saluabit infirmum, & suscitabit illum dominus: & si in peccatis fuerit, remittentur ei. Quod nõ est dubium de fidelibus ægrotantibus accipi vel intelligi debere, qui sancto oleo chrismatis perungi possunt, quod ab episcopo confectum, non solū sacerdotibus, sed omnibus vti Christianis licet in sua aut suorum necessitate inungendo. Ceterum illud superfluum videmus adiectum, vt de episcopo ambigatur quod presbyteris licere non dubium est. Nam idcirco de presbyteris dictum est, quia episcopi occupationibus aliis impediti, ad omnes languidos ire non possunt. Ceterum si episcopus postea dignum ducit aliquē à se visitandum, & benedicere, & tangere chrismate sine cunctatione potest, cuius est ipsum chrisma conficere. Hæc Innocentius, vir quidem sanctitate perinde ac scientia illustris. Ex cuius verbis constat nõ esse recentem (vt Lutherus somniat) huius sacramenti institutionem. Innocentius siquidē ante mille & centum annos ecclesiæ vniuersali præfuit, qui ex testimonio Iacobi Apostoli docet infirmos oleo sancto debere inungi. Demum, hoc ipsum confirmat ecclesiæ catholicæ definitio, quæ ad hunc vsque diem semper & ubiq; sensit extremam vñctionem esse sacramentum vnum ē septem ab ea receptis. Concilium nāq; Florentinum sub Eugenio quarto celebratum, sic *Concilium Florentinum* ait: Quintum sacramentum est extrema vñctio, cuius materia est oleum oliuæ per episcopum benedictum. Hoc sacramentum nisi infirmo de cuius morte timetur, dari non debet: qui in his locis vngendus est: In oculis propter visum: in auribus propter auditum: in naribus propter odoratum: in ore propter gustum: vel locutionem: in manibus propter tactum: in pedibus propter gressum: in renibus propter delectationem ibidem vigentem. Forma huius sacramenti est hæc: Per istam vñctionem & suam piissimam misericordiā indulgeat tibi dominus quicquid deliquisti

liquisti per visum: & similiter in aliis membris. Minister huius sacramenti est sacerdos: effectus verò eius est mentis sanatio, & in quantum animæ expedit, etiam corporis. Hactenus Concilium Florentinum. Quapropter qui aliter sentit, hæreticus merito censetur.

## VOTVM.

**Q**uorundam hæreticorum sententia fuit, nihil esse ex necessitate faciendum, sed omnia debere fieri liberè, propterea quòd propheta dixit, Voluntariè sacrificabo tibi. **Psal. 53** Huius hæresis authores dicti sunt Lamperiani, qui hac ratione ducti, omnia vota damnabant, dicentes ea nihil prodesse, eò quòd necessitatem & coactionem quandam videntur hominibus inferre. Hanc hæresim iam diu sepultam, post multa seculi **Pseudoapostoli** suscitaverunt Pseudoapostoli, dicentes opera illa quæ sine voto sunt, esse ad maius præmium destinata, quàm illa quæ ex voti necessitate fiunt. Eandem hæresim tutatus est Ioan. Vuitcleff. **Ioannes Vuitcleff.** Ultimus huius hæresis propugnator est nunc Martinus Lutherus, dicens vota hodie non valere, nisi ad operum iactantiam & præsumptionem. Aduersus ergo hanc hæresim disputantes, duobus oportet ex sacris literis probare. Primum, quòd vota semel emissa sunt opere complenda, & non debent pro cuiusq; arbitrio tolli. Alterum, quòd opus ex voto factum cedit in maius ipsius operantis præmium, quàm si liberè & absque voti necessitate fuisset effectum. Ad prioris partis probationem satis efficax testimoniū est illud quòd in libro Numerorum Dominus ait: Si quis virorum votum Domino vouerit, aut se constrinxerit iuramento, non faciat irritum verbum suū, sed omne quod promissit, implebit. Præterea idem præceptum iterum in libro **Deut. 23** Deuteronomij expressius reperitur, vbi sic dicitur, Cum votum voueris domino Deo tuo, nō tardabis reddere, quia requirer illud dominus Deus tuus. Et si moratus fueris, reputabitur tibi in peccatu. Si nolueris polliceri, absq; peccato eris. Quod autē semel egressum est de labiis tuis, obseruabis, & facies sicut promissisti Domino Deo tuo, & propria voluntate & ore tuo loquutus es, Rursum, Sapiens Ecclesiastes ait, Si quid vouisti Deo, ne moreris reddere. Displicet enim ei infidelis & stulta promissio. Sed quodcunque voueris, redde. Multoquē melius est non vouere, quàm post votum promissa nō reddere. Deinde, per prophetam Baruch de diis gentium Dominus loquens ait, Neque quicquid mali patiuntur ab aliquo, neq; siquid boni, poterunt retribuere.



tribuere: neque regem cōstituere possunt, neque auferre. Similiter neque dare diuitias possunt, neque malū retribuere. Si quis illis votum vouerit, & non reddiderit, neque hoc requirunt. Ex quibus verbis constat quòd Deus requirer ab eo qui votum vouit, si non reddit. Et Propheta regius sapiissime in suis psalmis quos Deo decantabat, votorum meminit, non vt tollenda sūnt, sed vt opere compleantur: & reddantur Deo ea quæ semel promissa sunt. Immola Deo (inquit ille) sacrificium laudis, & redde Altissimo vota tua. Et rursus, Reddam tibi vota mea, quæ distinxerunt tibi labia mea. Et iterum, Vouete, & reddite Domino Deo vestro omnes, qui in circuitu eius affertis munera. Psal. 49  
 Ecce vides quot sint testimonia ex veteri instrumēto, quæ vota comprobent. Verum quidā ex istis hereticis, nempe Lutherani, videntes tam aperta testimonia pro votorum assertione, ad hoc asylum confugiunt, vt dicant vota pro certo tempore tenenda posse emitti: non autē illa quibus homines ad perpetuam aliquarum rerum obseruationē se astringunt: quoniam (vt aiunt) per talia vota fiunt homines serui, quos tamen Deus libertate donauit. Et non attendūt miseri quòd seruire Deo, regnare est, & quòd ab hac seruitute Christus non liberauit nos, sed à seruitute peccati: quam libertatem nullus melius tenet, quam is qui Deo seruit. Nam Apost. ait, Liberati autem à peccato, serui facti estis iustitiæ. Præterea, qui duxit vxorem, seipsum irretiuit vinculo indissolubili, ita vt viuente vxore non possit ab ea separari, neque aliam superducere. Roma. 6  
 Quid igitur obstat vt in voto perpetuo aliquid simile contingat? Si illa seruitus in quam homo per matrimonium incidit, nō repugnat libertati per Christum donatæ: nec etiam repugnabit libertati Christianæ seruitus illa quæ per votū suscipitur, præsertim quòd per matrimonium vterq; coniugum subditur alteri: per votum autem subditur Deo. Sed iam ipsam quā execrantur votorum perpetuitatē, per scripturas sacras examinemus. Pro qua re audiamus quid in primo Regum libro de Anna Samuelis matre antequam illū concepisset, dicatur. Et Heli sacerdote (inquit historia) sedente super sellam ante postes domus Domini, cum esset Anna amaro animo, orauit ad Dominū flens largiter, & votum vouit dicens, Domine exercituum, si respiciēs videris afflictionem famulæ tuæ, & recordatus mei fueris, nec oblitus ancillæ tuæ, dederisq; seruæ tuæ sexum virilem, dabo eum domino omnibus diebus vitæ eius. Ecce vides votum matris de filio consecrādo



Deo in ministeriū templi omnibus diebus vitæ eius: post quod votum exaudiri meruit: tātum abest vt votum illius apud Deū fuerit damnatum. Et si Anna de filio quem adhuc non conceperat, potuit tale votum perpetuum emittere, cur nō poterit quilibet de seipso aliquid simile vouere? præsertim quod quilibet habet plus iuris in se, & in suam voluntatem, quam mater quæcunque in filium. Præterea, Beata illa Deipara virgo votum de virginitate perpetuò obseruanda emiserat, quod manifestè testantur illa verba quæ ipsa angelo annuncianti conceptionem filii Dei respōdit, dicens, Quomodo fiet istud, quoniam virum non cognosco? Illa enim negatio verbo præsentis temporis adiuncta, non sic accipienda est, vt solum neget actum præsentis temporis, sed vt dicat votum de negatione actus in posterum. Nam alioqui nulla suberat dubitationis causa, & sine occasione quæsiuisse videretur: quoniam vt mulier quæ nunquam antea virum cognouit, in posterum concipiat, non est quid difficile, neque illa duo vel in speciem pugnare inter se videntur. At votum de perpetua virginitate, & concipere, velut ex diametro pugnare videtur. ideo meritò quærit, Quomodo fiet istud, quoniam virum non cognosco? hoc est, nunquam me virum cognituram spondi. Hunc autem esse verum & germanum literæ sensum testantur aliqui doctores sacri. Beatus Bernardus homilia quarta super euangelium, Missus est, sic ait, Non dubitat de facto, sed modum requirit & ordinem. Nec enim quærit an fiet istud, sed quomodo. Quasi dicat, Cū sciat Dominus meus testis conscientia meæ votum esse ancillæ suæ non cognoscere virum, qua lege, quo ordine placebit ei vt fiat istud? Si oportuerit me frangere votum, vt pariam talem filium: & gaudeo de filio, & doleo de proposito. Fiat tamen voluntas eius. Hæc Bernardus. Et venerabilis Beda in homilia eiusdem euangelii sic ait, Quomodo (inquit Maria) fieri potest vt concipiam pariamq; filium, quæ in castimonia virginitatis vitam consummare disposui? Non autem quasi incredula verbis angeli, quomodo hæc impleri valeant, requirit, sed certè quia oporteret impleri quod & tunc ab angelo audiebat, & prius à propheta dictum legerat: sed quo id ordine implendum sit, interrogat: quia videlicet propheta qui hoc futurum prædixit, quomodo fieri posset, non dixit, sed angelo dicendum reseruauit. Hæc Beda. Et beatus Augustinus libro de sanctæ virginitate, capite 4. de virgine Deipara loquens sic inquit, Ipsa quoque virginitas eius

Luc. 1

August.

eius gratior & acceptior, quia non eam conceptus Christus viro violaturo quam conseruaret ipse præripuit: sed priusquam conciperetur, iam Deo dicatam, de qua nasceretur, elegit. Hoc indicant verba quæ sibi fœtum annuncianti Angelo Maria reddidit. Quomodo, inquit, fiet istud, quoniam virum non cognosco? Quod profecto nō diceret, nisi Deo virginitatem antè vouisset. Sed quia hoc Israelitarum mores adhuc recusabant, desponsata est viro iusto, non violenter ablatur, sed potius contra violentos custodituro quod illa iam vouerat. Hæc Augustinus. Ecce protulimus trium sacrorum doctorum testimonia, ex quibus apertissimè constat virginem Deiparam emisisse votum de perpetua virginitate seruanda. Hoc etiam votum creduntur emisisse Apostoli de paupertate seruanda, quādo relictis omnibus secuti sunt Christum. Sic enim sentit Augustinus, qui libro decimoseptimo de ciuitate Dei, capite 4. ita inquit, Dixerant enim potentes illi, Ecce nos dimisimus omnia, & secuti sumus te. Hoc votum potentissimi vouerant. Sed vnde hoc illis, nisi ab illo de quo dictum est, Dans votum vouenti? Hæc Augustinus. Rursum, hoc ipsum apertissimè comprobatur ex beati Pauli testimonio, qui in priore ad Timotheum epistola sic ait, Adollescentiores viduas deuota. cum enim luxuriatæ fuerint, in Christo nubere volunt, habentes damnationem, quia primam fidem irritam fecerunt. Quid est dicere, primam fidem irritam fecerunt? Hoc est, quod votum quod in viduitate emisserant de continentia seruanda, violauerunt, cum post tale votum emissum nupserunt. Et si Paulus dicit viduas iuniores habere damnationem, quia primam fidem irritam fecerunt: quid dicturus esset de Luthero, Oecolampadio, Conrado Pellicano, Lāberto, Martino Buzero, aliisq; eiusdē farinae hominibus, qui reiecta cuculla quam semel induerunt, contempto voto quod Deo vouerant, tanquam vxor Loth respuerunt retro, vxores ducentes? Hæc autem Apostoli verba quæ nos proxime citauimus, esse ita interpretanda, quemadmodum nos ea sumus interpretati, testatur Concilium quartum Charthaginense, quod in capite vltimo suorum decretorum ita ait, Sicut bonum castitatis præmium, ita & maiori obseruantia & præceptione custodiendum est, vt si quæ viduæ quantumlibet adhuc in minoribus annis positæ, & matura ætate à viro relictæ se deuouerunt domino, & veste laicali abiecta sub testimonio episcopi & ecclesiæ, religioso habitu apparuerunt,

Mat. 19

I. Timo. 5

Concilium  
Cartaginense.

postea verò ad nuptias seculares transierunt, secundum Apostolum damnationem habebunt, quoniam fidem castitatis quam Domino vouerunt, irritam facere ausi sunt. Tales ergo personae sine Christianorum communione maneat, quae etiam nec in conuiuiis cum Christianis communicet. nam si adulterae coniuges reatu sunt viris suis obnoxiae. quanto magis viduae quae religiositatem mutauerunt, crimine adulterii notabuntur, si deuotionem quam Deo sponte obtulerunt, libidinosa corruptione voluptate, atque ad secundas nuptias transitum fecerint. Quae etsi violentia irruente ab aliquo praerepta fuerint, ac postea delectatione libidinis permanere in coniugium raptori vel violento viro consenserint, damnatione superius comprehensa teneantur obnoxiae. De talibus ait Apostolus, Cum luxuriatae fuerint, nubere volunt, habentes damnationem, quia primam fidem irritam fecerunt. Hucusque Concilium quartum Carthaginense. Et Concilium Toletanum quartum cap. 55. sic inquit: Duo sunt genera viduarum, seculares, & sanctimoniales. Seculares viduae sunt quae adhuc disponentes nubere, laicalem habitum non deposuerunt. Sanctimoniales sunt quae iam mutato habitu seculari, sub religioso cultu in conspectu sacerdotis & ecclesiae apparuerunt. Haec si ad nuptias transierint, iuxta Apostolum non sine damnatione erunt, quia se primum Deo vouentes, postea castitatis propositum abiecerunt. Haec Concilium Toletanum quartum. Ex quorum duorum conciliorum verbis constat hanc esse Apostoli Pauli sententiam, viduas videlicet quae perpetuo castitatem Domino vouerunt, fore damnandas si ad secundas nuptias transierint. Et certe quod nuptiae eorum qui semel se Domino deuouerunt, sint dandae, plurima testantur concilia. Nam concilium Valentinum cap. 2. suorum decretorum sic ait, De puellis verò quae se Deo vouerunt, si ad terrenas nuptias sponte transierint, id custodiendum esse decreuimus, ut poenitentes non statim ad poenitentiam recipiantur, & cum data tamen fuerit, nisi plenè satisfecerint Deo in quantum ratio poposcerit, eisdem communio differatur. Haec ibi. Et concilium Arelanense cap. 27. sic definit, Ut viduitatis seruandae professione coram episcopo in secretario habita, impositam à presbytero vestem vidua-lem non esse violandam: eius vero repudiatorem, vel ipsam talis professionis deserttricem merito esse dandam. Et cap. 28. idem concilium iterum ait, Hi verò qui sunt desertores professionis castitatis, praeparatores habendi, & omnibus per poenitentiam

Concilium  
Toletanum.

Concilium  
Valentinum.

Concilium  
Arelanense  
se.



tiam legitimam consulendum. Hæc ibi. Multaq; alia sunt conciliorum decreta huic fauentia proposito, quæ citare omitti, ne nimia prolixitate grauarem lectorem. Verum quia aliquis forte ea legere desiderabit, loca solum lectori designabo ubi illa inuenire possit. Concilium Aurelianense cap. 17. Concilium Elibertinum cap. 13. Concilium Toletanum quartum capitibus quadragesimo octauo & quinquagesimo primo. Ex his omnibus patet quam iniuste aliqui votis monasticis conantur inferre calumniam: quoniam si de aliqua re perpetuum votum emitti licet, multo iustius id licebit de illis tribus rebus per quas triplex mundi huius concupiscentia prosternitur, videlicet obedientia, castitate, & paupertate. Nam per obedientiam superbia vitæ edomatur. Per castitatis votum, carnis concupiscentia coercetur. Per votum verò paupertatis, illa insatiabilis concupiscentia oculorum cohibetur. Vnde conuincitur, ut si noxiæ sunt illæ tres mundi concupiscentiæ, salutifera contra sint tria quæ in monachatu emittuntur vota, quoniam hæc velut quædam antidota sunt aduersus illa tria quæ mundus propinat venena: præsertim quod hæc tria de quibus sunt monachorum vota, sunt valde à Christo commendata. Nam obedientiam commendauit dicens, Si quis vult venire post me, abneget semetipsum, & tollat crucem suam, & sequatur me. Non enim potest quis verius seipsum abnegare, quam cum se totum superioris arbitrio committit, ut non suam iam velut facere voluntatem, sed sui superioris. Castitatem perpetuam extulit dicens, Sunt eunuchi qui se castrauerunt propter regnum cælorum: qui potest capere, capiat. Paupertatem verò commendauit cum dixit, Si vis perfectus esse, vade, & vende omnia quæ habes, & da pauperibus, & sequere me, & habebis thesaurum in cælo. Cum ergo tam aperta sint testimonia vota monastica comprobantia, vereantur Lutherani monachi respicere retro ad seculum, cum iam semel manum ad aratrum miserint: & caueant ne illis contingat quemadmodum vxori Loth, quæ de Sodomis exiens, conuersa est in statuum salis, eo quod retrorsum ad Sodomam vnde exierat respexit. Cum enim vnus ex discipulis suis dixisset Christo, Dimitte me vt sepeliam patrem meum: respondit illi Christus, Sine mortuos sepelire mortuos suos. Quæ verba interpretas Theophylactus ait: Si autem illis nec patrem sepelire licuit, vix his qui monasticam professi, ad munda regrediuntur negocia. Hæc ille. Vix ergo libidinem



noso Luthero, eiusque complicibus, qui monasticen professi-  
 suz professionis immemores ad seculum redeunt, vxores du-  
 xerunt. Ex duobus quæ probanda suscepimus aduersus hos hæ-  
 reticos, iam vnum eorum (vt existimo) absoluimus. Superest  
 iam vt alterum probemus, opus videlicet ex voto factum, esse  
 melioris conditionis, maiorisque apud Deum meriti, quam si  
 fieret sine voto. Diuinus psalter suadet nobis vt domino Deo  
 Psal. 75 aliquid voueamus, dicens, Vouete, & reddite domino Deo ve-  
 stro omnes qui in circuitu eius affertis munera. At si nullum ex  
 voto accresceret meritum vouenti, malè consuleret propheta  
 vt voueremus: præsertim cum non reddentes, rei fiant eorum,  
 quorum non essent rei si non vouissent: & ita iuxta hæretico-  
 rum sententiam, vouens exponeret se per votum periculo pec-  
 cati si non reddit, & sub nulla spe præmij si reddit. Si ergo ista  
 esset voti conditio, apertè conuincitur malè egisse prophetam  
 cum votum consuluit. Præterea quanto aliquod opus à melio-  
 re virtutis radice oritur, tanto melius est. Nam inde est qd opus  
 ex charitate factum sit melius quàm quoduis opus ex alia vir-  
 tute procedēs quia videlicet charitas à qua procedit, melior est  
 quàm quæuis alia virtus. Non enim aspicit Deus quantum quis  
 offerat, sed ex quanto. Et ideo laudata est vidua illa quæ cum  
 solum duo minuta obtulisset, dicta est obtulisse plus omnibus  
 aliis. Ex quo apertè conuincitur, apud Deum non tam existi-  
 mari rei oblatae quantitatem, quàm ipsius offerentis affectum.  
 Cum ergo opus ex voto factum procedat ex radice obedientie,  
 quæ melior est quàm victima: opus autem simile liberè & non  
 ex voto factum, ex illa virtute non oriatur, sequitur vt hoc non  
 sit ita bonum sicut illud. Nam is qui ex voto aliquid facit,  
 obediens facit, & vt obediat facit: ergo cum sic facit, præter  
 meritum quod habet respondens operi, habet etiam meritum  
 ex obedientia: quod meritum alius non habet qui liberè ali-  
 quid facit. Rursum, pro hac re sunt plurima sacrorum vi-  
 rorum testimonia. Beatus Hieronymus pertractans illud Hie-  
 Thre. 3 remix in Threnis, Bonum est viro cum portauerit iugum  
 ab adolescentia sua, hæc ait: Militum ergo Christi perfe-  
 ctio est exutam mentem habere à cunctis terrenis negociis,  
 2. Tim. 2 & tumultu seculi, iuxta illud Apostoli, Nemo militans Deo,  
 implicat se negociis secularibus, & cætera: eamque quantum  
 humana imbecillitas sinir, festinat vnire cum Christo: quam  
 quidem speciem conuersationis boni eremitæ, & monachi qui  
 voto

voto monasticæ disciplinæ obligati sunt, imitari contendunt: sed rara est, & paucissimis dono Dei hæc perfectio concessa. Is enim verè & nō ex parte perfectus, qui & in eremo solitudinis, & in cœnobio infirmitates fratrum æquali magnanimitate sustentat. Et ideo in vtraque professione per omnia consummationem inuenire difficile est: quia nec anachoreta contemptum ac priuationem materialium rerum, nec cœnobita theoricam ad integrum potest assequi puritatem. Sed tantum quantum superexcellat serenitas tranquillæ vitæ turbulentiam secularis cōuersationis, nouit qui hanc expertus est. Hactenus Hieronymus. In quibus verbis multa sunt notatu digna. Primum est, quod tempore Hieronymi monachi se voto astringebant, quod tamen Erasmus Roterodamus pertinacissimè negat in plerisque suis operibus, præsertim in vita Hieronymi quam idem Erasmus scripsit. At non ita esse, ut Erasmus ait, verba quæ nunc ex Hieronymo citauimus, aperte conuincunt. Secundum est, quod talis monachorum vita voto obligata est bona, & ad imitationem perfectionis Christianæ. Tertium est, quod hæc monachorum vita præferenda est vitæ aliorum, qui secularibus miscerentur negociis. Et hoc est quod nostro proposito deseruit, quod etiam Erasmus negare nō erubescit. Nec tamen miror: quoniam hoc experientia docente cognouimus, nullum esse acerbiorum & magis infestum hostem aliquorū, quam qui transfuga & desertor ab illis defecit. Erasmus autem monachatum quē semel voverat, reiicere non erubuit, & hinc euēnit ut monachis semper detraheret, & illos quoad licuit atrocissimè persequeretur: ut vel hoc argumento aliis persuaderet, se bene fecisse cū monachatus iugum, quod semel susceperat, reiecit. Et tamen Hieronymus bonū esse iudicat portare hoc monachatus iugum. Sed, ut apertius Erasmus Roterod. aliisque monasticæ professionis hostes de impudentissimo mendacio conuincam, alium testem multo Hieronymo vetustiorē proponere volo, Diuum videlicet Dionysium Areopagitam Pauli discipulum, qui in libro Ecclesiasticæ hierarchiæ, cap. 6. describens ritum consecrationis professionisque monasticæ, qualis ab Apostolis institutus tunc servabatur in Ecclesia, sic ait: Porro purgandorum omnium excelsior & sublimior est ordo. Monachorum sacra dispositio, aut sancta distinctio. Expiatione omni, tota virtute, atque exactissima suarum operationum castitate mundata, &c. Inde diuini duces nostri appellatio-

nibuseos sacris dignati sunt, partim Therapeutas, id est, cultores, à sincero Dei famularu & cultu: partim monachos, ab indiuidua & singulari vita vni Deo intenta, appellantes: tanquam quæ sanctis complicationibus, aut conuolutionibus inseparabilium, illos ipsos in diuinam, & Deo gratam vnitatem promoueant. Quapropter & perficientem eis donauit gratiam diuina sanctio: & quadam eos consecratiua inuocatione, dignata est. Deinde formam illius consecratiuæ inuocationis, & monasticæ professionis describens, ait: Stat quidem sacerdos ante sacrum altare, monasticam imprecationem psallens. Ille autem post sacerdotem astat, non vtrunque ponens genu, non alterum, non habens imposita sacra eloquia capiti: verum sacerdoti tantum astant, mysticam super illum inuocationem persequenti. Qua finita sacerdos ad eum accedens, interrogat primum, an renunciet diuisibilibus omnibus, non solum conuersatione, sed etiam phantasiis eorundem. Deinde perfectissimam ei vitam exponit. Illud aperte contestans, oportere illum medio longè antecedere. Vbi verò ille hæc omnia intentè promiserit, consignans eum signo crucis sacerdos tondet, trimas diuinæ beatitudinis personas inclamans, exutumq; veste omni, aliam induit. Et cum sanctis aliis qui ipsum astant viris, ipsum salutans, diuinorum mysteriorum participem facit. Hactenus beatus ille Dionysius. In quibus verbis multa notare oportet. Primum est, Monachos tunc professionem per voti promissionem facere. Quod manifestè ostendit, cum dixit. Vbi verò ille hæc omnia intentè promiserit. Non solum ergo tempore Hieronymi, sed multò ante tempore, ut puta in ipsis ecclesiæ primordiis, Monachi se voto Domino obligabant, promittentes rerum diuisibilium, hoc est, rerum terrenarum, quæ à nobis per mortem diuiduntur & separantur, renunciationem. Alterum quod ex Dionysio constat, est monasticam vitam in qua soli Deo vacatur, & curis secularibus renunciatur, esse omnibus aliis excelsiorem & sublimiorem. Beatus Augustinus in epistola ad Armentarium, qui mudo contempto & relicto votum simul cum vxore vouerat, sic ait, Priusquam esses voti reus, liberum fuit quo esses inferior: quamuis non sit gratulanda libertas, qua fit ut non debeat quod cum lucro redditur. Nunc verò quia tenetur apud Deum sponsio tua, non te ad magnam iustitiam inuito, sed à magna iniquitate deterreo. Non enim talis eris si non feceris quod

*Augustin.*



ris quod vouisti, qualis mansisses si nihil tale vouisses, minor enim tunc esses, non peior. Modo autem tanto, quod absit, milerior, si fidem Deo fregeris, quanto beatior si persolueris. Nec ideo te vouisse pœniteat, imò gaude iam tibi sic non licere, quòd cum tuo detrimento licuisset. Aggredere iraque in-trepidus, & dicta imple factis: ipse te adiuuabit, qui vota tua expetit. Fœlix est necessitas, quæ ad meliora compellit. Hęc Augustinus. In quibus verbis multa sunt, si bene lector aduertat, quæ vota commendant. Beatus Gregorius homilia vigesima *Gregorius* super Ezechielem sic ait, Hoc inter sacrificium & holocaustum distat, quòd omne holocaustum sacrificium est, sed non omne sacrificium holocaustum. In sacrificio enim pars pecudis, in holocausto verò totum pecus offerri consueuerat. Vnde & holocaustum latina lingua totum incensum dicitur. Pensemus ergo quid est sacrificium, quid holocaustum. Cùm enim quis suum aliquid Deo vouit, & aliquid non vouit, sacrificium est. Cùm verò omne quod habet, omne quod viuít, omne quod sapit, omnipotenti Deo vouerit, holocaustum est. Nam sunt quidam qui adhuc mente in mundo retinentur, sed tamen ex possessis rebus subsidia egentibus ministrant, oppressos defendere festinant. Isti in bonis quæ faciunt, sacrificium offerunt, quia aliquid de actione sua Deo immolant, & aliquid sibi metipsis reseruant. Et sunt quidam hic qui nihil sibi metipsis reseruant, sed sensum, linguam, vitam atque substantiam quam acceperunt, omnipotenti Deo immolant. Quid isti nisi holocaustum Domino offerunt? Imò magis holocaustum sunt. Israeliticus etenim populus primum sacrificium in Aegypto obtulit: secundum verò in eremo. Qui itaq; adhuc mentem habet in seculo, sed boni iam aliquid operatur, Deo sacrificium obtulit in Aegypto. Qui verò præiens seculum deserit, & agit bona quæ valet, quasi iam Aegypto derelicta sacrificium præbet in eremo: quia repulso strepitu desideriorum carnalium, in mentis suæ quiete atque solitudine Deo immolat quicquid operatur. Quamuis ergo, sicut dictum est, sacrificium sit etiam holocaustum: maius tamen est holocaustum sacrificio: quia mente quæ huius mundi delectatione non premitur, totum in omnipotentis Dei sacrificio incenditur quòd habetur. Hucusque Gregorius. In quibus verbis illud est aduertendum quòd ait, maius esse holocaustum sacrificio: maiusque fuisse sacrificium eremi, quam sacrificium Aegypti.



Ex quibus verbis constat, monachos qui ex toto negaverunt voluntatem suam, & totos in professione Deo per votum obedientiae immolantes, fecisse holocaustum. Et ita convincitur eadem lege eorum votum esse sacrificium eremi, & per consequens melius quam opus à secularibus hiberè factum, quoniam illud est sacrificium Aegypti. Beatus Chrysostomus pro voto perpetuae paupertatis testimonium reddit, qui homilia 11. super epistolam ad Hebraeos ita inquit, Sunt sacrificia quae verè holocaustomata, ut sanctorum martyrum, illic & anima & corpus sunt. Illa enim olfactum magnum bonae orationis habent. Potes & tibi votueris tale sacrificium offerre, non utique comburendo corpus, sed alio igne potes, igne scilicet inopiae voluntariae, qui est ignis magnae tribulationis. Cum enim laceret in deliciis & multis impensis esse, eligis laboriosam & duram vitam: nonne tunc holocaustum fis? id est holocaustum mortificationis corporis, corpus crucifigens, & accipiens martyrij huius coronam? Quod enim illic gladius operatur, hic desiderium facit, ne te comburat neque detineat pecuniarum amor, sed comburatur & extinguatur desiderium hoc incompetens igne spiritus, & incidatur cultro gratiae. Haec Chrysostomus qui satis aperte ait in professore voluntariae paupertatis hoc agere eiusdem paupertatis electionem, hoc est votum, quod gladius materialis operatur in carne. hic enim facit martyrem Christi corporaliter in publico, illic autem fit martyr in occulto. Et sicut sine gladio vel aliqua alia re aequivalente non posset esse martyr Christi publicus, ita secluso voto & desiderio paupertatis, quamvis ab inopia sua prematur, non erit tamen martyr privatus. Accedit ad haec, quod omittes id quod se facturum Deo vouerat, gravius peccat quam si non vouisset. Sapiens namque ait, Multo melius est non vouere, quam post votum promissa non reddere. Hoc loco certè dicitur melius id quod est minus malum, sicut alibi dicitur, Melius erat ei si natus non fuisset. Non quod alterum illorum esset bonum, sed quia minus malum esset non nasci, quam Christum vendidisse. Ita etiam hoc loco intelligendum est, quod minus malum est ( prout malum est omnis bonitatis defectus ) non vouere, quam post votum promissa non reddere. Sic enim Urbanus primus huius nominis pontifex in epistola de communi vita & oblatione fidelium ait, Et quicumque vestrum communem vitam susceptam habet, & vouit se nihil proprium habere, videat ne pollicitationem suam

Chrysost.

Eccle. 5

Mat. 26

Urbanus  
papa.

nam suam irritam faciat, sed hoc quod Domino est pollicitus, fideliter custodiat, ne damnationem sed præmium sibi acquirat: quoniam satius est non vouere, quam votum prout melius potest non perficere. Grauius enim puniuntur qui votum fecerunt, & votum non perfecerunt: aut fidem perceperunt, & in malis vitam finierunt, quam illi qui vitam sine voto finierunt, aut sine fide mortui sunt, & tamen bona egerunt opera. Hæc Urbanus papa & martyr. Ex cuius verbis constat tunc temporis fuisse iam homines qui paupertatem vouentes in communitate viuerent, prout nunc monachi faciunt. Constat etiam grauius fore puniendos qui votum fecerunt, & votum non perfecerunt, quam illos qui vitam sine voto malè finierunt. Si grauius puniuntur qui vota non reddunt, oportet ut etiam largius præmientur cum reddunt. Alioqui enim non esset Deus pronior ad misericordiam quam ad punitionem. Demum ne amplius de hac *Cōcilium* re contendamus, audiamus ecclesiæ definitionem. Concilium *Toletanū*. Toletanum quartum cap. 49. suorum decretorum sic ait, Clerici qui monachorum propositum appetunt, quia meliorem vitam sequi cupiunt, liberos eis ab episcopo in monasteriis largiri oportet ingressus, nec interdicti propositum eorum qui ad contemplationis desiderium transire nituntur. Hæc concilium Toletanum 4. Ex cuius sententia hoc constat, quod monachorum vita est perfectior quam aliorum secularium: quod non aliunde prouenit nisi ex voto quod emiserunt, quod maiorem perfectionem maiusque meritum illorum operibus tribuit.

## V S V R A.

**G**Vido Carmelita in sua summa de hæresibus dicit Græcos *Græci*. sentire, non esse peccatum dare aliquid ad vsuram. Et certè miror quod homines in sacris literis versati, & qui illis aliquam fidem præbent, in tam apertam hæresim lapsi sint, contra quam tot tamque manifesta sint sacræ scripturæ testimonia. *Exod. 22* In Exodo enim lex Domini ait, Si pecuniam mutuò dederis pu *Leuit. 25* pillo meo pauperi qui habitat tecum, non vrgebis eum quasi exactor, nec vsuris opprimes. Et in Leuitico: Si attenuatus fuerit frater tuus, non accipies ab eo vsuras. Et in Deuteronomio, Non sceneraberis patri tuo ad vsuram pecuniam, nec fruges, nec quamlibet aliam rem, sed alieno. *Deut. 2* Quod autem dixit, sed alieno, permissio est Iudæis concessa ob eorum nimiam auariciam: sicut & alias permissus est illis libellus repudiij ad

dij ad duriciam cordis eorum. Non autem permittuntur nisi ea quæ mala sunt. malum est ergo ad vsuras dare etiam alieno. Diuinus psalter cum prius interrogasset Deum quisnam esset *Psal. 14* in tabernaculo illius habiturus, postea eidem quæstioni implet respondens ait: Qui pecuniam suam non dedit ad vsuram, & munera super innocentem non accepit. Sunt & alia multa in veteri instrumento pro hac re testimonia, quæ quoniã aperta sunt, prudens omitto. Ex nouo etiam instrumento apertissimum est illud quod Saluator noster apud Lucam ait: Mutuum date, nihil inde sperantes. Verum ne aliquis proteruis etiam his auditis testimoniis adhuc catholicæ fidei pertinaciter repugnare conetur, operæ precium erit de hac re ecclesiæ definitionem in medium producere. Concilium Viennense sub *Concilium Viennense.* Clemente papa huius nominis quinto celebratum, talem de vsuris definitionem præbet: Sanè si quis in illum errorem inciderit, vt pertinaciter affirmare præsumat exercere vsuras non esse peccatum, decernimus eum velut hæreticum puniendum, locorum nihilominus ordinariis, & hæreticæ prauitatis inquisitoribus iniungentes, vt contra eos quos de errore huiusmodi diffamatos inuenerint aut suspectos, tanquã contra diffamatos vel suspectos de hæresi procedere non omittant. Hæc concilium Viennense. Quæ verba habentur in libro Clementinarum decretalium in titulo, de vsuris, capitu. ex graui. Neq; opus est vt aduersus hanc hæresim plura citemus testimonia, aut de hac re amplius disputemus. Nam discutere quid sit vsura, & qualiter committatur, prolixum nimis exigit tractatum, & à nostro instituto nimis alienum: quoniam non de alia re suscepimus disputationem, quã de hæresibus.


Cum ergo iam satis (vt opinor) conuicimus esse hæresim asserere licitas esse vsuras, non est quod iuxta promissum nostrum amplius possit à nobis exigi.

**H**Æ sunt, reuerendissime domine, hæreses quæ ab Apo- *Perorac-*  
stolicis temporibus ad hunc vsque diem ecclesiam vexa- *tio.*  
uerunt. An autem omnes collegerim, me latet, quoniam mul-  
tæ fuerunt hæreses adeò occultæ, vt in paucorum & fortè nul-  
lius notitiâ venerint. Aliæ rursus quæ etsi multis fuerunt  
notæ, non tamen fuerunt qui de illis vllam in suis libris face-  
rent memoriam: quapropter necessum est vt sint longo tem-  
poris decursu traditæ obliuioni. Hoc tamen fateor, me  
nullam assertionem in hoc opere omisisse ex  
iis quas ecclesia proscripsit, cuius me-  
moria apud aliquem scriptorem,  
ex his quos videre licuit,  
habeatur.

F I N I S.



LVGDVNI,  
*MICHAELIS SYLVII*  
TYPIS, M. D. LV.





[illegible]